

# MISSALE ROMANUM CUM LECTIIONIBUS

EX DECRETO SACROSANCTI ŒCUMENICI  
CONCILII VATICANI II INSTAURATUM  
AUCTORITATE PAULI PP. VI PROMULGATUM

## II

TEMPUS QUADRAGESIMÆ - TEMPUS PASCHALE



EDITIO IUXTA TYPICAM ALTERAM

LIBRERIA EDITRICE VATICANA  
MCMLXXVII

**Revisione rite peracta, concordat  
cum originali adprobato.**

**E Vicariatu Civitatis Vaticanæ, die 21 novembris 1975.**

**✠ Petrus Canisius van Lierde, Vic. Gen.**

# CALENDARIUM ROMANUM GENERALE

## IANUARIUS

A	Cal.	1	In octava Nativitatis. <b>SOLLEMNITAS SANCTÆ DEI GENETRICIS MARIÆ</b>	Sollemnitas
b	IV	2	Sa. Basili Magni et Gregorii Nazianzeni, episcoporum et Ecclesiæ doctorum	Memoria
c	III	3		
d	Prid.	4		
e	Non.	5		
f	VIII	6	<b>IN EPIPHANIA DOMINI</b>	Sollemnitas
g	VII	7	<i>S. Raimundi de Penyafort, presbyteri *</i>	
A	VI	8		
b	V	9		
c	IV	10		
d	III	11		
e	Prid.	12		
f	Idib.	13	<i>S. Hilarii, episcopi et Ecclesiæ doctoris</i>	
g	XIX	14		
A	XVIII	15		
b	XVII	16		
c	XVI	17	S. Antonii abbatis	Memoria
d	XV	18		
e	XIV	19		
f	XIII	20	<i>S. Fabiani, papæ et martyris</i> <i>S. Sebastiani, martyris</i>	
g	XII	21	S. Agnetis, virginis et martyris	Memoria
A	XI	22	<i>S. Vincentii, diaconi et martyris</i>	
b	X	23		
c	IX	24	S. Francisci de Sales, episcopi et Ecclesiæ doctoris	Memoria
d	VIII	25	<b>IN CONVERSIONE S. PAULI, APOSTOLI</b>	Festum
e	VII	26	Sa. Timothei et Titi, episcoporum	Memoria
f	VI	27	<i>S. Angelæ Merici, virginis</i>	
g	V	28	S. Thomæ de Aquino, presbyteri et Ecclesiæ doctoris	Memoria
A	IV	29		
b	III	30		
c	Prid.	31	S. Ioannis Bosco, presbyteri	Memoria
Dominica post diem 6 ianuarii: <b>IN BAPTISMATE DOMINI</b>				Festum

\* Quando non indicatur gradus celebrationis, fit Memoria ad libitum.

## FEBRUARIUS

d	Cal.	1		
e	IV	2	IN PRÆSENTATIONE DOMINI	Festum
f	III	3	S. Blasii, episcopi et martyris S. Ansgarii, episcopi	
g	Prid.	4		
A	Non.	5	S. Agathæ, virginis et martyris	Memoria
b	VIII	6	Ss. Pauli Miki et sociorum, martyrum	Memoria
c	VII	7		
d	VI	8	S. Hieronymi Emiliani	
e	V	9		
f	IV	10	S. Scholasticæ, virginis	Memoria
g	III	11	B. Mariæ Virginis de Lourdes	
A	Prid.	12		
b	Idib.	13		
c	XVI	14	Ss. Cyrilli, monachi, et Methodii, episcopi	Memoria
d	XV	15		
e	XIV	16		
f	XIII	17	Ss. Septem Fundatorum Ordinis Servorum B. M. V.	
g	XII	18		
A	XI	19		
b	X	20		
c	IX	21	S. Petri Damiani, episcopi et Ecclesiæ doctoris	
d	VIII	22	CATHEDRÆ S. PETRI, APOSTOLI	Festum
e	VII	23	S. Polycarpi, episcopi et martyris	Memoria
f	VI	24		
g	V	25		
A	IV	26		
b	III	27		
c	Prid.	28		

MARTIUS

d	Cal.	1		
e	VI	2		
f	V	3		
g	IV	4	<i>S. Casimiri</i>	
A	III	5		
b	Prid.	6		
c	Non	7	<i>Ss. Perpetuæ et Felicitatis, martyrum</i>	Memoria
d	VIII	8	<i>S. Ioannis a Deo, religiosi</i>	
e	VII	9	<i>S. Franciscæ Romanæ, religiosæ</i>	
f	VI	10		
g	V	11		
A	IV	12		
b	III	13		
c	Prid.	14		
d	Idib.	15		
e	XVII	16		
f	XVI	17	<i>S. Patricii, episcopi</i>	
g	XV	18	<i>S. Cyrilli Hierosolymitani, episcopi et Ecclesiæ doctoris</i>	
A	XIV	19	<i>S. IOSEPH, SPONSI B. M. V.</i>	Sollemnitas
b	XIII	20		
c	XII	21		
d	XI	22		
e	X	23	<i>S. Turibii de Mogrovejo, episcopi</i>	
f	IX	24		
g	VIII	25	<b>IN ANNUNTIATIONE DOMINI</b>	Sollemnitas
A	VII	26		
b	VI	27		
c	V	28		
d	IV	29		
e	III	30		
f	Prid.	31		

## APRILIS

g	Cal.	1		
A	IV	2	<i>S. Francisci de Paola, eremitæ</i>	
b	III	3		
c	Prid.	4	<i>S. Isidori, episcopi et Ecclesiæ doctoris</i>	
d	Non.	5	<i>S. Vincentii Ferrer, presbyteri</i>	
e	VIII	6		
f	VII	7	<i>S. Ioannis Baptistæ de la Salle, presbyteri</i>	Memoria
g	VI	8		
A	V	9		
b	IV	10		
c	III	11	<i>S. Stanislai, episcopi et martyris</i>	
d	Prid.	12		
e	Idib.	13	<i>S. Martini I, papæ et martyris</i>	
f	XVIII	14		
g	XVII	15		
A	XVI	16		
b	XV	17		
c	XIV	18		
d	XIII	19		
e	XII	20		
f	XI	21	<i>S. Anselmi, episcopi et Ecclesiæ doctoris</i>	
g	X	22		
A	IX	23	<i>S. Georgii, martyris</i>	
b	VIII	24	<i>S. Fidelis de Sigmaringen, presbyteri et martyris</i>	
c	VII	25	<b>S. MARCI, EVANGELISTÆ</b>	Festum
d	VI	26		
e	V	27		
f	IV	28	<i>S. Petri Chanel, presbyteri et martyris</i>	
g	III	29	<i>S. Catharinæ Senensis, virginis et Ecclesiæ doctoris</i>	Memoria
A	Prid.	30	<i>S. Pii V, papæ</i>	

MAIUS

b	Cal.	1	<i>S. Ioseph Opificis</i>	
c	VI	2	<i>S. Athanasii, episcopi et Ecclesie doctoris</i>	Memoria
d	V	3	<i>Ss. PHILIPPI ET IACOBI, APOSTOLORUM</i>	Festum
e	IV	4		
f	III	5		
g	Prid.	6		
A	Non.	7		
b	VIII	8		
c	VII	9		
d	VI	10		
e	V	11		
f	IV	12	<i>Ss. Nerei et Achillei, martyrum</i> <i>S. Pancratii, martyris</i>	
g	III	13		
A	Prid.	14	<i>S. MATTHIE, APOSTOLI</i>	Festum
b	Idib.	15		
c	XVII	16		
d	XVI	17		
e	XV	18	<i>S. Ioannis I, papæ et martyris</i>	
f	XIV	19		
g	XIII	20	<i>S. Bernardini Senensis, presbyteri</i>	
A	XII	21		
b	XI	22		
c	X	23		
d	IX	24		
e	VIII	25	<i>S. Bedæ Venerabilis, presbyteri et Ecclesie doctoris</i> <i>S. Gregorii VII, papæ</i> <i>S. Mariæ Magdalensæ de' Pazzi, virginis</i>	
f	VII	26	<i>S. Philippi Neri, presbyteri</i>	Memoria
g	VI	27	<i>S. Augustini Cantuariensis, episcopi</i>	
A	V	28		
b	IV	29		
c	III	30		
d	Prid.	31	<i>IN VISITATIONE B. MARIE VIRGINIS</i>	Festum
 <b>Dominica prima post Pentecosten:</b> <b>SS.MÆ TRINITATIS</b>				<b>Sollemnitas</b>
 <b>Feria V post Ss.mam Trinitatem:</b> <b>SS.MI CORPORIS ET SANGUINIS CHRIS- TI</b>				<b>Sollemnitas</b>

## IUNIUS

e	Cal.	1	S. Iustini, martyris	Memoria
f	IV	2	<i>Ss. Marcellini et Petri, martyrum</i>	
g	III	3	Ss. Caroli Lwanga et sociorum, martyrum	Memoria
A	Prid.	4		
b	Non.	5	S. Bonifatii, episcopi et martyris	Memoria
c	VIII	6	<i>S. Norberti, episcopi</i>	
d	VII	7		
e	VI	8		
f	V	9	<i>S. Ephraem, diaconi et Ecclesie doctoris</i>	
g	IV	10		
A	III	11	S. Barnabe, apostoli	Memoria
b	Prid.	12		
c	Idib.	13	S. Antonii de Padova, presbyteri et Ecclesie doctoris	Memoria
d	XVIII	14		
e	XVII	15		
f	XVI	16		
g	XV	17		
A	XIV	18		
b	XIII	19	<i>S. Romualdi, abbatis</i>	
c	XII	20		
d	XI	21	S. Aloisii Gonzaga, religiosi	Memoria
e	X	22	<i>S. Paulini Nolani, episcopi</i> <i>Ss. Ioannis Fisher, episcopi, et Thomae More,</i> <i>martyrum</i>	
f	IX	23		
g	VIII	24	<b>IN NATIVITATE S. IOANNIS BAPTISTAE</b>	Sollemnitas
A	VII	25		
b	VI	26		
c	V	27	<i>S. Cyrilli Alexandrini, episcopi et Ecclesie doctoris</i>	
d	IV	28	S. Irenaei, episcopi et martyris	Memoria
e	III	29	<b>SS. PETRI ET PAULI, APOSTOLORUM</b>	Sollemnitas
f	Prid.	30	<i>Ss. Protomartyrum S. Romanae Ecclesie</i>	

Feria VI post dominicam secundam post Pentecosten:  
**SACRATISSIMI CORDIS IESU** Sollemnitas

Sabbato post dominicam secundam post Pentecosten:  
*Immaculati Cordis B. Mariae Virginis*



## IULIUS

g	Cal.	1		
A	VI	2		
b	V	3	S. THOMÆ, APOSTOLI	Festum
c	IV	4	S. Elisabeth Lusitaniæ	
d	III	5	S. Antonii Mariæ Zaccaria, presbyteri	
e	Prid.	6	S. Mariæ Goretti, virginis et martyris	
f	Non.	7		
g	VIII	8		
A	VII	9		
b	VI	10		
c	V	11	S. Benedicti, abbatis	Memoria
d	IV	12		
e	III	13	S. Henrici	
f	Prid.	14	S. Camilli de Lellis, presbyteri	
g	Idib.	15	S. Bonaventuræ, episcopi et Ecclesiæ doctoris	Memoria
A	XVII	16	B. Mariæ Virginis de Monte Carmelo	
b	XVI	17		
c	XV	18		
d	XIV	19		
e	XIII	20		
f	XII	21	S. Laurentii de Brindisi, presbyteri et Ecclesiæ doctoris	
g	XI	22	S. Mariæ Magdalensæ	Memoria
A	X	23	S. Birgittæ, religiosæ	
b	IX	24		
c	VIII	25	S. IACOBI, APOSTOLI	Festum
d	VII	26	Ss. Ioachim et Annæ, parentum B. M. V.	Memoria
e	VI	27		
f	V	28		
g	IV	29	S. Marthæ	Memoria
A	III	30	S. Petri Chrysologi, episcopi et Ecclesiæ doctoris	
b	Prid.	31	S. Ignatii de Loyola, presbyteri	Memoria

## AUGUSTUS

c	Cal.	1	S. Alfonsi Mariæ de' Liguori, episcopi et Ecclesiæ doctoris	Memoria
d	IV	2	S. Eusebii Vercellensis, episcopi	
e	III	3		
f	Prid.	4	S. Ioannis Mariæ Vianney, presbyteri	Memoria
g	Non.	5	In Dedicacione basilicæ S. Mariæ	
A	VIII	6	IN TRANSFIGURATIONE DOMINI	Festum
b	VII	7	Ss. Xysti II, papæ, et sociorum, martyrum S. Caietani, presbyteri	
c	VI	8	S. Dominici, presbyteri	Memoria
d	V	9		
e	IV	10	S. LAURENTII, DIACONI ET MARTYRIS	Festum
f	III	11	S. Claræ, virginis	Memoria
g	Prid.	12		
A	Idib.	13	Ss. Pontiani, papæ, et Hippolyti, presbyteri, martyrum	
b	XIX	14		
c	XVIII	15	IN ASSUMPTIONE BEATÆ MARIÆ VIRGINIS	Sollemnitas
d	XVII	16	S. Stephani Hungariæ	
e	XVI	17		
f	XV	18		
g	XIV	19	S. Ioannis Eudes, presbyteri	
A	XIII	20	S. Bernardi, abbatis et Ecclesiæ doctoris	Memoria
b	XII	21	S. Pii X, papæ	Memoria
c	XI	22	B. Mariæ Virginis Reginæ	Memoria
d	X	23	S. Rosæ de Lima, virginis	
e	IX	24	S. BARTHOLOMÆI, APOSTOLI	Festum
f	VIII	25	S. Ludovici S. Ioseph de Calasanz, presbyteri	
g	VII	26		
A	VI	27	S. Monicæ	Memoria
b	V	28	S. Augustini, episcopi et Ecclesiæ doctoris	Memoria
c	IV	29	In Passione S. Ioannis Baptistæ, martyris	Memoria
d	III	30		
e	Prid.	31		

## SEPTEMBER

f	Cal.	1		
g	IV	2		
A	III	3	S. Gregorii Magni, papæ et Ecclesiæ doctoris	Memoria
b	Prid.	4		
c	Non.	5		
d	VIII	6		
e	VII	7		
f	VI	8	IN NATIVITATE B. MARIE VIRGINIS	Festum
g	V	9		
A	IV	10		
b	III	11		
c	Prid.	12		
d	Idib.	13	S. Ioannis Chrysostomi, episcopi et Ecclesiæ doctoris	Memoria
e	XVIII	14	IN EXALTATIONE SANCTÆ CRUCIS	Festum
f	XVII	15	B. Mariæ Virginis Perdolentis	Memoria
g	XVI	16	Ss. Cornelii, papæ, et Cypriani, episcopi, martyrum	Memoria
A	XV	17	S. Roberti Bellarmino, episcopi et Ecclesiæ doctoris	
b	XIV	18		
c	XIII	19	S. Ianuarii, episcopi et martyris	
d	XII	20		
e	XI	21	S. MATTHEI, APOSTOLI ET EVANGELISTÆ	Festum
f	X	22		
g	IX	23		
A	VIII	24		
b	VII	25		
c	VI	26	Ss. Cosmæ et Damiani, martyrum	
d	V	27	S. Vincentii de Paul, presbyteri	Memoria
e	IV	28	S. Venceslai, martyris	
f	III	29	Ss. MICHAELIS, GABRIELIS ET RAPHAELIS, ARCHANGELORUM	Festum
g	Prid.	30	S. Hieronymi, presbyteri et Ecclesiæ doctoris	Memoria

## OCTOBER

<b>A</b>	<b>Cal.</b>	1	S. Teresiæ a Iesu Infante, virginis	Memoria
<b>b</b>	<b>VI</b>	2	Ss. Angelorum Custodum	Memoria
<b>c</b>	<b>V</b>	3		
<b>d</b>	<b>IV</b>	4	S. Francisci Assisiensis	Memoria
<b>e</b>	<b>III</b>	5		
<b>f</b>	<b>Prid.</b>	6	S. Brunonis, presbyteri	
<b>g</b>	<b>Non.</b>	7	B. Mariæ Virginis a Rosario	Memoria
<b>A</b>	<b>VIII</b>	8		
<b>b</b>	<b>VII</b>	9	Ss. Dionysii, episcopi, et sociorum, martyrum S. Ioannis Leonardi, presbyteri	
<b>c</b>	<b>VI</b>	10		
<b>d</b>	<b>V</b>	11		
<b>e</b>	<b>IV</b>	12		
<b>f</b>	<b>III</b>	13		
<b>g</b>	<b>Prid.</b>	14	S. Callisti I, papæ et martyris	
<b>A</b>	<b>Idib.</b>	15	S. Teresiæ de Avila, virginis et Ecclesiæ doctoris	Memoria
<b>b</b>	<b>XVII</b>	16	S. Hedvigis, religiosæ S. Margaritæ Mariæ Alacoque, virginis	
<b>c</b>	<b>XVI</b>	17	S. Ignatii Antiocheni, episcopi et martyris	Memoria
<b>d</b>	<b>XV</b>	18	S. LUCÆ, EVANGELISTÆ	Festum
<b>e</b>	<b>XIV</b>	19	Ss. Ioannis de Brébeuf et Isaac Jogues, pres- byterorum, et sociorum, martyrum S. Pauli a Cruce, presbyteri	
<b>f</b>	<b>XIII</b>	20		
<b>g</b>	<b>XII</b>	21		
<b>A</b>	<b>XI</b>	22		
<b>b</b>	<b>X</b>	23	S. Ioannis de Capestrano, presbyteri	
<b>c</b>	<b>IX</b>	24	S. Antonii Mariæ Claret, episcopi	
<b>d</b>	<b>VIII</b>	25		
<b>e</b>	<b>VII</b>	26		
<b>f</b>	<b>VI</b>	27		
<b>g</b>	<b>V</b>	28	Ss. SIMONIS ET IUDÆ, APOSTOLORUM	Festum
<b>A</b>	<b>IV</b>	29		
<b>b</b>	<b>III</b>	30		
<b>c</b>	<b>Prid.</b>	31		

## NOVEMBER

d	Cal.	1	OMNIUM SANCTORUM	Sollemnitas
e	IV	2	IN COMMEMORATIONE OMNIUM FIDELIUM DEFUNCTORUM	
f	III	3	<i>S. Martini de Porres, religiosi</i>	
g	Prid.	4	<i>S. Caroli Borromeo, episcopi</i>	Memoria
A	Non.	5		
b	VIII	6		
c	VII	7		
d	VI	8		
e	V	9	IN DEDICATIONE BASILICÆ LATERANENSIS	Festum
f	IV	10	<i>S. Leonis Magni, papæ et Ecclesiæ doctoris</i>	Memoria
g	III	11	<i>S. Martini Turonensis, episcopi</i>	Memoria
A	Prid.	12	<i>S. Iosaphat, episcopi et martyris</i>	Memoria
b	Idib.	13		
c	XVIII	14		
d	XVII	15	<i>S. Alberti Magni, episcopi et Ecclesiæ doctoris</i>	
e	XVI	16	<i>Œ. Margaritæ Scotiæ S. Gertrudis, virginis</i>	
f	XV	17	<i>S. Elisabeth Hungariæ, religiosæ</i>	Memoria
g	XIV	18	<i>In Dedicacione basilicarum Ss. Petri et Pauli, apostolorum</i>	
A	XIII	19		
b	XII	20		
c	XI	21	In Præsentatione B. Mariæ Virginis	Memoria
d	X	22	<i>S. Cæciliæ, virginis et martyris</i>	Memoria
e	IX	23	<i>S. Clementis I, papæ et martyris S. Columbani, abbatis</i>	
f	VIII	24		
g	VII	25		
A	VI	26		
b	V	27		
c	IV	28		
d	III	29		
e	Prid.	30	<i>S. ANDRÆ, APOSTOLI</i>	Festum

Dominica ultima « per annum »:

D. N. I. C. UNIVERSORUM REGIS Sollemnitas

## DECEMBER

f	Cal.	1		
g	IV	2		
A	III	3	S. Francisci Xavier, presbyteri	Memoria
b	Prid.	4	S. Ioannis Damasceni, presbyteri et Ecclesie doctoris	
c	Non.	5		
d	VIII	6	S. Nicolai, episcopi	
e	VII	7	S. Ambrosii, episcopi et Ecclesie doctoris	Memoria
f	VI	8	IN CONCEPTIONE IMMACULATA BEA- TÆ MARIE VIRGINIS	Sollemnitas
g	V	9		
A	IV	10		
b	III	11	S. Damasi I, papæ	
c	Prid.	12	S. Ioannæ Franciscæ de Chantal, religiosæ	
d	Idib.	13	S. Lucie, virginis et martyris	Memoria
e	XIX	14	S. Ioannis a Cruce, presbyteri et Ecclesie doctoris	Memoria
f	XVIII	15		
g	XVII	16		
A	XVI	17		
b	XV	18		
c	XIV	19		
d	XIII	20		
e	XII	21	S. Petri Canisii, presbyteri et Ecclesie doctoris	
f	XI	22		
g	X	23	S. Ioannis de Kety, presbyteri	
A	IX	24		
b	VIII	25	IN NATIVITATE DOMINI	Sollemnitas
c	VII	26	S. STEPHANI, PROTOMARTYRIS	Festum
d	VI	27	S. IOANNIS, APOSTOLI ET EVANGELISTÆ	Festum
e	V	28	Ss. INNOCENTIIUM, MARTYRUM	Festum
f	IV	29	S. Thomæ Becket, episcopi et martyris	
g	III	30		
A	Prid.	31	S. Silvestri I, papæ	

Dominica infra octavam Nativitatis, vel, ea deficiente,  
die 30 decembris:

SANCTÆ FAMILIÆ IESU, MARIE ET IOSEPH Festum

**TABULA**  
**OMNIUM DOMINICARUM NECNON**  
**SOLLEMNITATUM ET FESTORUM MOBILIIUM**  
**AB ANNO 1975 USQUE AD ANNUM 1997**

Tabula omnium dominicarum necnon sollemnitatum et

	1973 1986 1997	1976 (b)	1977	1978 1989	1979 1990	1980 (b)
Dom. 2 <sup>a</sup> p. Nat.	5 Ia.	4 Ia.	2 Ia.	—	—	—
Baptisma Dom. (c)	12 »	11 »	9 »	8 Ia.	7 Ia.	13 Ia.
Feria 4 <sup>a</sup> cinerum	12 Fe.	8 Mr.	28 Fe.	8 Fe.	28 Fe.	20 Fe.
Dom. 1 <sup>a</sup> Quadrag.	16 »	7 »	27 »	12 »	4 Mr.	24 »
» 2 <sup>a</sup> »	23 »	14 »	6 Mr.	19 »	11 »	2 Mr.
» 3 <sup>a</sup> »	2 Mr.	21 »	19 »	26 »	18 »	9 »
» 4 <sup>a</sup> »	9 »	28 »	20 »	5 Mr.	25 »	16 »
» 5 <sup>a</sup> »	16 »	4 Ap.	27 »	12 »	1 Ap.	23 »
Dom. in palmis	23 »	11 »	3 Ap.	19 »	8 »	30 »
DOM. RESURR.	30 »	18 »	10 »	26 »	15 »	6 Ap.
Dom. 2 <sup>a</sup> Paschæ	6 Ap.	25 »	17 »	2 Ap.	22 »	13 »
» 3 <sup>a</sup> »	13 »	2 M.	24 »	9 »	29 »	20 »
» 4 <sup>a</sup> »	20 »	9 »	1 M.	16 »	6 M.	27 »
» 5 <sup>a</sup> »	27 »	16 »	8 »	23 »	13 »	4 M.
» 6 <sup>a</sup> »	4 M.	23 »	15 »	30 »	20 »	11 »
Ascensio Domini	8 »	27 »	19 »	4 M.	24 »	15 »
Dom. 7 <sup>a</sup> Paschæ	11 »	30 »	22 »	7 »	27 »	18 »
Dom. Pentecostes	18 »	6 L.	29 »	14 »	3 L.	25 »
SS. Trinitatis	25 »	13 »	5 L.	21 »	10 »	1 L.
SS. Corp. et S. Chr.	29 »	17 »	9 »	25 »	14 »	5 »
SS. Cordis Iesu	6 L.	25 »	17 »	2 L.	22 »	13 »
Dom. 2 <sup>a</sup> per annum	19 Ia.	18 Ia.	16 Ia.	15 Ia.	14 Ia.	20 Ia.
» 3 <sup>a</sup> »	26 »	25 »	23 »	22 »	21 »	27 »
» 4 <sup>a</sup> »	3 Fe.	1 Fe.	30 »	29 »	28 »	3 Fe.
» 5 <sup>a</sup> »	9 »	8 »	6 Fe.	5 Fe.	4 Fe.	10 »
» 6 <sup>a</sup> »	—	15 »	13 »	14 M.	11 »	17 »
» 7 <sup>a</sup> »	18 M.	22 »	20 »	21 »	18 »	—
» 8 <sup>a</sup> »	25 »	29 »	—	28 »	25 »	25 M.
» 9 <sup>a</sup> »	1 L.	—	29 M.	4 L.	3 L.	1 L.

(a) Dominica litteris italicis impressa eo anno ab alia celebratione liturgica impeditur.



estorum mobilium ab anno 1975 usque ad annum 1997 (a)

1981 1987	1982 1993	1983 1994	1984 (b)	1985	1988 (b)	1991	1992 (b)	1995	1996 (b)
4 Ia.	3 Ia.	2 Ia.	—	—	3 Ia.	—	5 Ia.	—	—
11 »	10 »	9 »	8 Ia.	13 Ia.	10 »	13 Ia.	12 »	8 Ia.	7 Ia.
4 Mr.	24 Fe.	16 Fe.	7 Mr.	20 Fe.	17 Fe.	13 Fe.	4 Mr.	1 Mr.	21 Fe.
8 »	28 »	20 Fe.	11 »	24 »	21 »	17 »	8 »	5 »	25 »
15 »	7 Mr.	27 »	18 »	3 Mr.	28 »	24 »	15 »	12 »	3 Mr.
22 »	14 »	6 Mr.	25 »	10 »	6 Mr.	3 Mr.	22 »	19 »	10 »
29 »	21 »	13 »	1 Ap.	17 »	13 »	10 »	29 »	26 »	17 »
5 Ap.	28 »	20 »	8 »	24 »	20 »	17 »	5 Ap.	2 Ap.	24 »
12 »	4 Ap.	27 »	15 »	31 »	27 »	24 »	12 »	9 »	31 »
19 »	11 »	3 Ap.	22 »	7 Ap.	3 Ap.	31 »	19 »	16 »	7 Ap.
26 »	18 »	10 »	29 »	14 »	10 »	7 Ap.	26 »	23 »	14 »
3 M.	25 »	17 »	6 M.	21 »	17 »	14 »	3 M.	30 »	21 »
10 »	2 M.	24 »	13 »	28 »	24 »	21 »	10 »	7 M.	28 »
17 »	9 »	1 M.	20 »	5 M.	1 M.	28 »	17 »	14 »	5 M.
24 »	16 »	8 »	27 »	12 »	8 »	5 M.	24 »	21 »	12 »
28 »	20 »	12 »	31 »	16 »	12 »	9 »	28 »	25 »	16 »
31 »	23 »	15 »	3 L.	19 »	15 »	12 »	31 »	28 »	19 »
7 I.	30 »	22 »	10 »	26 »	22 »	19 »	7 I.	4 L.	26 »
14 »	6 L.	29 »	17 »	2 L.	29 »	26 »	14 »	11 »	2 L.
18 »	10 »	2 L.	21 »	6 »	2 L.	30 »	18 »	15 »	6 »
26 »	18 »	10 »	29 »	14 »	10 »	7 L.	26 »	23 »	14 »
18 Ia.	17 Ia.	16 Ia.	15 Ia.	20 Ia.	17 Ia.	20 Ia.	19 Ia.	15 Ia.	14 Ia.
25 »	24 »	23 »	22 »	27 »	24 »	27 »	26 »	22 »	21 »
1 Fe.	31 »	30 »	29 »	3 Fe.	31 »	3 Fe.	3 Fe.	29 »	28 »
8 »	7 Fe.	6 Fe.	5 Fe.	10 »	7 Fe.	10 »	9 »	5 Fe.	4 Fe.
15 »	14 »	13 »	12 »	17 »	14 »	—	16 »	12 »	11 »
22 »	21 »	—	19 »	—	—	19 M.	23 »	19 »	18 »
1 Mr.	—	22 M.	26 »	26 M.	22 M.	26 »	1 Mr.	26 »	26 M.
—	30 M.	29 »	4 Mr.	2 I.	29 »	2 L.	—	4 I.	2 I.

b) Annus bissextilis. (c) Hebdomada 1<sup>a</sup> per annum.

Tabula omnium dominicarum necnon sollemnitatum et

	1975 1986 1997	1976 (b)	1977	1978 1989	1979 1990	1980 (b)
<b>Dom. 10<sup>a</sup> per annum</b>	<b>8 I.</b>	<b>6 I.</b>	<b>5 I.</b>	<b>11 L.</b>	<b>10 I.</b>	<b>8 I.</b>
» 11 <sup>a</sup> »	15 »	13 »	12 »	18 »	17 »	15 »
» 12 <sup>a</sup> »	22 »	20 »	19 »	25 »	24 »	22 »
» 13 <sup>a</sup> »	29 »	27 »	26 »	2 Iu.	1 Iu.	29 »
» 14 <sup>a</sup> »	6 Iu.	4 Iu.	3 Iu.	9 »	8 »	6 Iu.
» 15 <sup>a</sup> »	13 »	11 »	10 »	16 »	15 »	13 »
» 16 <sup>a</sup> »	20 »	18 »	17 »	23 »	22 »	20 »
» 17 <sup>a</sup> »	27 »	25 »	24 »	30 »	29 »	27 »
» 18 <sup>a</sup> »	3 Ag.	1 Ag.	31 »	6 Ag.	5 Ag.	3 Ag.
» 19 <sup>a</sup> »	10 »	8 »	7 Ag.	13 »	12 »	10 »
» 20 <sup>a</sup> »	17 »	15 »	14 »	20 »	19 »	17 »
» 21 <sup>a</sup> »	24 »	22 »	21 »	27 »	26 »	24 »
» 22 <sup>a</sup> »	31 »	29 »	28 »	3 St.	2 St.	31 »
» 23 <sup>a</sup> »	7 St.	5 St.	4 St.	10 »	9 »	7 St.
» 24 <sup>a</sup> »	14 »	12 »	11 »	17 »	16 »	14 »
» 25 <sup>a</sup> »	21 »	19 »	18 »	24 »	23 »	21 »
» 26 <sup>a</sup> »	28 »	26 »	25 »	1 Oct.	30 »	28 »
» 27 <sup>a</sup> »	5 Oct.	3 Oct.	2 Oct.	8 »	7 Oct.	5 Oct.
» 28 <sup>a</sup> »	12 »	10 »	9 »	15 »	14 »	12 »
» 29 <sup>a</sup> »	19 »	17 »	16 »	22 »	21 »	19 »
» 30 <sup>a</sup> »	26 »	24 »	23 »	29 »	28 »	26 »
» 31 <sup>a</sup> »	2 Nv.	31 »	30 »	5 Nv.	4 Nv.	2 Nv.
» 32 <sup>a</sup> »	9 »	7 Nv.	6 Nv.	12 »	11 »	9 »
» 33 <sup>a</sup> »	16 »	14 »	13 »	19 »	18 »	16 »
<b>D.N.I.C. Regis (c)</b>	<b>23 »</b>	<b>21 »</b>	<b>20 »</b>	<b>26 »</b>	<b>25 »</b>	<b>23 »</b>
<b>Dom. 1<sup>a</sup> Adventus</b>	<b>30 »</b>	<b>28 »</b>	<b>27 »</b>	<b>3 Dc.</b>	<b>2 Dc.</b>	<b>30 »</b>
» 2 <sup>a</sup> »	7 Dc.	5 Dc.	4 Dc.	10 »	9 »	7 Dc.
» 3 <sup>a</sup> »	14 »	12 »	11 »	17 »	16 »	14 »
» 4 <sup>a</sup> »	21 »	19 »	18 »	24 »	23 »	21 »
<b>S. Familæ I.M.I.</b>	<b>28 »</b>	<b>26 »</b>	<b>30 »</b>	<b>31 »</b>	<b>30 »</b>	<b>28 »</b>

(a) Dominica litteris italicis impressa eo anno ab alia celebratione liturgica impeditur.

storum mobilium ab anno 1975 usque ad annum 1997 (a)

1981 1987	1982 1993	1983 1994	1984 (b)	1985	1988 (b)	1991	1992 (b)	1995	1996 (b)
7 I.	6 I.	5 L.	10 I.	9 L.	5 L.	9 L.	7 I.	11 I.	9 L.
14 »	13 »	12 »	17 »	16 »	12 »	16 »	14 »	18 »	16 »
21 »	20 »	19 »	24 »	23 »	19 »	23 »	21 »	25 »	23 »
28 »	27 »	26 »	1 Iu.	30 »	26 »	30 »	28 »	2 Iu.	30 »
5 Iu.	4 Iu.	3 Iu.	8 »	7 Iu.	3 Iu.	7 Iu.	5 Iu.	9 »	7 Iu.
12 »	11 »	10 »	15 »	14 »	10 »	14 »	12 »	16 »	14 »
19 »	18 »	17 »	22 »	21 »	17 »	21 »	19 »	23 »	21 »
26 »	25 »	24 »	29 »	28 »	24 »	28 »	26 »	30 »	28 »
2 Ag.	1 Ag.	31 »	5 Ag.	4 Ag.	31 »	4 Ag.	2 Ag.	6 Ag.	4 Ag.
9 »	8 »	7 Ag.	12 »	11 »	7 Ag.	11 »	9 »	13 »	11 »
16 »	15 »	14 »	19 »	18 »	14 »	18 »	16 »	20 »	18 »
23 »	22 »	21 »	26 »	25 »	21 »	25 »	23 »	27 »	25 »
30 »	29 »	28 »	2 St.	1 St.	28 »	1 St.	30 »	3 St.	1 St.
6 St.	5 St.	4 St.	9 »	8 »	4 St.	8 »	6 St.	10 »	8 »
13 »	12 »	11 »	16 »	15 »	11 »	15 »	13 »	17 »	15 »
20 »	19 »	18 »	23 »	22 »	18 »	22 »	20 »	24 »	22 »
27 »	26 »	25 »	30 »	29 »	25 »	29 »	27 »	1 Oct.	29 »
4 Oct.	3 Oct.	2 Oct.	7 Oct.	6 Oct.	2 Oct.	6 Oct.	4 Oct.	8 »	6 Oct.
11 »	10 »	9 »	14 »	13 »	9 »	13 »	11 »	15 »	13 »
18 »	17 »	16 »	21 »	20 »	16 »	20 »	18 »	22 »	20 »
25 »	24 »	23 »	28 »	27 »	23 »	27 »	25 »	29 »	27 »
1 Nv.	31 »	30 »	4 Nv.	3 Nv.	30 »	3 Nv.	1 Nv.	5 Nv.	3 Nv.
8 »	7 Nv.	6 Nv.	11 »	10 »	6 Nv.	10 »	8 »	12 »	10 »
15 »	14 »	13 »	18 »	17 »	13 »	17 »	15 »	19 »	17 »
22 »	21 »	20 »	25 »	24 »	20 »	24 »	22 »	26 »	24 »
29 »	28 »	27 »	2 Dec.	1 Dec.	27 »	1 Dec.	29 »	3 Dec.	1 Dec.
6 Dec.	5 Dec.	4 Dec.	9 »	8 »	4 Dec.	8 »	6 Dec.	10 »	8 »
13 »	12 »	11 »	16 »	15 »	11 »	15 »	13 »	17 »	15 »
20 »	19 »	18 »	23 »	22 »	18 »	22 »	20 »	24 »	22 »
27 »	26 »	30 »	30 »	29 »	30 »	29 »	27 »	31 »	29 »

b) Annus bissextilis.

(c) Hebdomada 34<sup>a</sup> per annum.

## INDEX SIGLORUM

<b>Abd</b>	Liber Abdiæ prophetæ
<b>Act</b>	Actus Apostolorum
<b>Ag</b>	Liber Aggæi prophetæ
<b>Am</b>	Liber Amos prophetæ
<b>Ap</b>	Apocalypsis beati Ioannis apostoli
<b>Bar</b>	Liber Baruch prophetæ
<b>Cant</b>	Canticum canticorum
<b>1 et 2 Chr</b>	Libri I et II Chronicorum (= I et II Paralipomenon)
<b>Col</b>	Epistola beati Pauli apostoli ad Colossenses
<b>1 et 2 Cor</b>	Epistolæ I et II beati Pauli apostoli ad Corinthios
<b>Dan</b>	Liber Danielis prophetæ
<b>Deut</b>	Liber Deuteronomii
<b>Eph</b>	Epistola beati Pauli apostoli ad Ephesios
<b>Esd</b>	Liber Esdræ (= I Esdræ)
<b>Est</b>	Liber Esther
<b>Ex</b>	Liber Exodus
<b>Ez</b>	Liber Ezechielis prophetæ
<b>Gal</b>	Epistola beati Pauli apostoli ad Galatas
<b>Gen</b>	Liber Genesis.
<b>Hab</b>	Liber Habacuc prophetæ
<b>Hebr</b>	Epistola ad Hebræos
<b>Iac</b>	Epistola beati Iacobi apostoli
<b>Ier</b>	Liber Ieremiæ prophetæ
<b>Io</b>	Evangelium secundum Ioannem
<b>1, 2 et 3 Io</b>	Epistolæ I, II et III beati Ioannis apostoli
<b>Iob</b>	Liber Iob
<b>Ioel</b>	Liber Ioelis prophetæ
<b>Ion</b>	Liber Ionas prophetæ
<b>Ios</b>	Liber Iosue
<b>Is</b>	Liber Isaiaë prophetæ
<b>Iud</b>	Epistola beati Iudæ apostoli

<b>Iudic</b>	Liber Iudicum
<b>Iudt</b>	Liber Iudith
<b>Lam</b>	Lamentationes (= Threni)
<b>Lc</b>	Evangelium secundum Lucam
<b>Lev</b>	Liber Leviticus
<b>1 et 2 Mac</b>	Libri I et II Macchabæorum
<b>Mal</b>	Liber Malachiæ prophetæ
<b>Mc</b>	Evangelium secundum Marcum
<b>Mic</b>	Liber Michææ prophetæ
<b>Mt</b>	Evangelium secundum Matthæum
<b>Nah</b>	Liber Nahum prophetæ
<b>Neh</b>	Liber Nehemiæ (= II Esdræ)
<b>Num</b>	Liber Numeri
<b>Os</b>	Liber Osee prophetæ
<b>1 et 2 Petr</b>	Epistolæ I et II beati Petri apostoli
<b>Phil</b>	Epistola beati Pauli apostoli ad Philippenses
<b>Phm</b>	Epistola beati Pauli apostoli ad Philemon
<b>Prov</b>	Liber Proverbiorum
<b>Ps</b>	Liber Psalmorum
<b>Qoh</b>	Liber Qohelet (= Ecclesiastes)
<b>1 et 2 Reg</b>	Libri I et II Regum (= III et IV Regum)
<b>Rom</b>	Epistola beati Pauli apostoli ad Romanos
<b>Rut</b>	Liber Ruth
<b>1 et 2 Sam</b>	Libri I et II Samuelis (= I et II Regum)
<b>Sap</b>	Liber Sapientiæ
<b>Sir</b>	Liber Siracidæ (Ben Sira = Ecclesiasticus)
<b>Soph</b>	Liber Sophoniæ prophetæ
<b>1 et 2 Th</b>	Epistolæ I et II beati Pauli apostoli ad Thessa- lonicenses
<b>1 et 2 Tlm</b>	Epistolæ I et II beati Pauli apostoli ad Timo- theum
<b>Tit</b>	Epistola beati Pauli apostoli ad Titum
<b>Tob</b>	Liber Tobie
<b>Zac</b>	Liber Zachariæ prophetæ

# **PROPRIUM DE TEMPORE**

Valde commendatur, ut tradita forma congregationis Ecclesie localis ad modum « stationum » romanarum, saltem in maioribus civitatibus et modo singulis locis aptiore, imprimis autem tempore Quadragesimæ, servetur et foveatur. Huiusmodi autem fidelium cœtus congregari poterunt, præsertim diœcesis Pastore præidente, diebus dominicis aliisve infra hebdomadam opportunioribus, aut apud Sanctorum sepulcra, aut in præcipuis urbis ecclesiis vel sanctuariis, aut etiam quibusdam in locis peregrinationis, quæ in diœcesi magis frequentantur.

## TEMPUS QUADRAGESIMÆ

### FERIA QUARTA CINERUM

In Missa huius diei benedicuntur et imponuntur cineres, facti de ramis olivarum, sive aliarum arborum, anno præcedenti benedictis.

#### *Ritus initiales et liturgia verbi*

Ant. ad introitum Sap 11, 24-25. 27

Miseréris ómnium, Dómine,  
et nihil odísti eórum quæ fecísti,  
dissimulans peccáta hóminum propter pæniténtiam  
et parcens illis, quia tu es Dóminus Deus noster.

Omittitur actus pænentialis, cuius locum tenet impositio cinerum.

#### Collecta

Concéde nobis, Dómine, præsidia militiæ christiánæ  
sanctis inchoáre ieiúniis,  
ut, contra spiritáles nequítias pugnáturi,  
continéntiæ muniámur auxiliis.  
Per Dóminum.

#### Lectio prima

*Scindite corda vestra et non vestimenta vestra.*

Léctio libri Ioélis prophétæ 2, 12-18

« Nunc, dicit Dóminus, convertímini ad me in toto corde vestro, in ieiúnio et in fletu et in planctu; et scíndite corda vestra et non vestiménta vestra, et con-



vertímini ad Dóminum Deum vestrum, quia benígnus et miséricors est, pátiens et multæ misericórdiæ et præstábilis super malítia. Quis scit, si convertátur et ignóscat et relínquat post se benedictiónem, sacrificium et libámen Dómino Deo vestro?

Cánite tuba in Sion, sanctificáte ieiúnium, vocáte cœtum, congregáte pópulum, sanctificáte ecclésiám, coadunáte senes, congregáte párvulos et sugéntes úbera; egrediátur sponsus de cubíli suo, et sponsa de thá-lamo suo.

Inter vestibulum et altáre plorábunt sacerdótes mí-nistri Dómini et dicent: “ Parce, Dómine, parce pópulo tuo et ne des hereditátem tuam in oppróbrium, ut dominéntur eis nátiónes. Quare dicunt in pópulis: Ubi est Deus eórum?” »

Zelátus est Dóminus terram suam, et pepércit pópulo suo. — Verbum Dómini.

### Psalmus responsorius

Ps 50, 3-4. 5-6 a. 12-13. 14 et 17 (R.: cf. 3 a)

R. Misérére, Dómine, quia peccávimus.

- <sup>3</sup> Misérére mei, Deus, secúndum misericórdiam tuam; et secúndum multitudínem miseratiónum tuárum dele iniquitátem meam.
- <sup>4</sup> Amplius lava me ab iniquitáte mea, et a peccáto meo munda me. R.
- <sup>5</sup> Quóniam iniquitátem meam ego cognósco, et peccátum meum contra me est semper.
- <sup>6</sup> Tibi, tibi soli peccávi, et malum coram te feci. R.
- <sup>12</sup> Cor mundum crea in me, Deus, et spíritum firmum ínnova in viscéribus meis.

- 13** Ne proicias me a fácie tua,  
et spíritum sanctum tuum ne áuferas a me. **R.**
- 14** Redde mihi lætítiam salutáris tui,  
et spírítu promptíssimo confirma me.
- 17** Dómine, lábia mea apéries,  
et os meum annuntiábit laudem tuam. **R.**

## Lectio secunda

*Reconciliamini Deo: ecce nunc tempus acceptabile.*

Léctio Epístolæ secúndæ beáti Pauli apóstoli  
ad Corínthios 5, 20 — 6, 2

Fratres:

Pro Christo legatióne fúngimur tamquam Deo exhortánte per nos: obsecrámus pro Christo, reconciliámini Deo. Eum qui non nóverat peccátum, pro nobis peccátum fecit, ut nos efficerémur iustítia Dei in ipso.

Adiuvántes autem, et exhortámur ne in vácuum grátiam Dei recipiátis — ait enim: « Témpace accépto, exaudívi te et in die salutis adiúvi te ». Ecce nunc tempus acceptábile, ecce nunc dies salutis.

Verbum Dómini.

Versus ante Evangelium

Ps 94, 8 ab

Hódie, nolíte obduráre corda vestra,  
sed vocem Dómini audíte.

Loco versus ante Evangelium, qui singulis diebus proponitur, alius adhiberi potest ex iis qui infra, p. 599, inveniuntur.

## Evangelium

*Pater tuus qui videt in abscondito reddet tibi.*

✠ Lécio sancti Evangélii secúndum Matthæum

6, 1-6. 16-18

In illo témpore: Dixit Iesus discíplis suis:

« Atténdite ne iustítiam vestram faciátis coram homínibus ut videámini ab eis; alióquin mercédem non habétis apud Patrem vestrum qui in cælis est.

Cum ergo fácies eleemósynam, noli tuba cánere ante te, sicut hypócritæ faciunt in synagógis et in vicis ut honorificéntur ab homínibus; amen dico vobis: recepérunt mercédem suam. Te autem faciente eleemósynam, nésciat sinistra tua quid fáciat délixtera tua, ut sit eleemósyna tua in abscondito, et Pater tuus qui videt in abscondito reddet tibi.

Et cum orátis, non éritis sicut hypócritæ, qui amant in synagógis et in ángulis plateárum stantes oráre ut videántur ab homínibus; amen dico vobis: recepérunt mercédem suam. Tu autem cum orábis, intra in cubículum tuum et clauso óstio ora Patrem tuum qui est in abscondito; et Pater tuus qui videt in abscondito reddet tibi.

Cum autem ieiunátis, nolíte fieri sicut hypócritæ tristes, demoliúntur enim fácies suas ut páreant homínibus ieiunántes; amen dico vobis: recepérunt mercédem suam. Tu autem cum ieiúnas, unge caput tuum et fáciem tuam lava, ne videáris homínibus ieiúnans, sed Patri tuo qui est in abscondito; et Pater tuus qui videt in abscondito reddet tibi ». — Verbum Dómini.

*Benedictio et impositio cinerum*

Post homiliam, sacerdos stans, manibus iunctis, dicit:

Deum Patrem, fratres caríssimi, suppliciter deprecémur,  
ut hos cínere, quos pænitentiæ causa  
capítibus nostris impónimus,  
ubertáte grátia suæ benedícere dignétur.

Et, post brevem orationem in silentio, prosequitur:

Deus, qui humiliatióne flécteris et satisfactiÓne placáris,  
aurem tuæ pietátis précibus nostris inclína,  
et super fámulos tuos,  
horum cínere aspersione contactos,  
grátiam tuæ benedictiÓnis ✠ effúnde propítius,  
ut, quadragesimálem observántiam prosequéntes,  
ad Fílii tui paschále mystérium celebrándum  
purificátis méntibus pervenire mereántur.  
Per Christum Dóminum nostrum.

℞. Amen.

Vel:

Deus, qui non mortem  
sed conversiónem desíderas peccatórum,  
preces nostras cleménter exáudi,  
et hos cínere,  
quos capítibus nostris impóni decérnimus,  
benedícere ✠ pro tua pietáte dignáre,  
ut qui nos cínere esse  
et in púlverem reversúros cognóscimus,  
quadragesimális exercitatiÓnis stúdio,  
peccatórum véniam  
et novitátem vitæ, ad imáginem Fílii tui resurgéntis,  
cónsequi valeámus.  
Per Christum Dóminum nostrum.

℞. Amen.

Et aspergit cineres aqua benedicta, nihil dicens.

Deinde sacerdos imponit cineres omnibus astantibus, qui ad ipsum accedunt, dicens singulis:

Pœnitémini, et créдите Evangélio.

Mc 1, 15

Vel:

Cf. Gen 3, 19

Meménto, homo, quia pulvis es,  
et in púlverem revertéris.

Interim cantatur:

Antiphona

Cf. Ioel 2, 13

Immutémur hábitu, in cínere et cllício, ieiunémus, et plorémus ante Dóminum, quia multum miséricors est dimítttere peccáta nostra Deus noster.

Alia antiphona

Ioel 2, 17; Est 13, 17

Inter vestibulum et altáre plorábunt sacerdótes mínistri Dómini, et dicent: Parce, Dómine, parce pópulo tuo, et ne claudas ora canéntium te, Dómine.

Alia antiphona

Ps 50, 3

Dele, Dómine, iniquitátem meam.

Que repeti potest post singulos versus psalmi 50 Miserére mei, Deus.

Responsorium

Cf. Bar 3, 2

Emendémus in mélius, quæ ignoránter peccávimus, ne, súbito præoccupáti die mortis, quærámus spátium pœniténtiæ, et inveníre non possímus. \* Atténde, Dómine, et miserére, quia peccávimus tibi.

γ. Ps 78, 9 Adiuva nos, Deus salutáris noster, et propter honórem nóminis tui, Dómine, líbera nos. \* Atténde, Dómine.

Cani potest etiam alius cantus aptus.

Impositione cinerum peracta, sacerdos lavat manus; ritus autem concluditur oratione universali, seu oratione fidelium.

*Liturgia eucharistica***Super oblata**

Sacrificium quadragesimális íntií sollémniter immolámus,  
 te, Dómine, deprecántes,  
 ut per pæniténtiæ caritatisque labóres  
 a nóxiis voluptátibus temperémus,  
 et, a peccátis mundáti,  
 ad celebrándam Fílii tui passiónem  
 mereámur esse devóti.  
 Per Christum.

**Præfatio III vel IV de Quadragesima, pp. 627-628.**

**Ant. ad communionem****Ps 1, 2-3**

Qui meditábitur in lege Dómini die ac nocte,  
 dabit fructum suum in témpore suo.

**Post communionem**

Percépta nobis, Dómine, præbeant sacraménta subsidium,  
 ut tibi grata sint nostra ieiúnia,  
 et nobis proficiant ad medélam.  
 Per Christum.

**Benedictio et impositio cinerum fieri potest etiam sine Missa. Quo in casu opportune præmittitur liturgia verbi, adhibendo cantum ad introitum, collectam, lectiones cum suis cantibus, ut in Missa. Sequitur deinde homilia et benedictio atque impositio cinerum. Ritus concluditur oratione universali.**

**Feria quinta post Cineres****Ant. ad introitum****Cf. Ps 54, 17-20. 23**

Dum clamárem ad Dóminum, exaudivit vocem meam  
 ab his, qui appropínquant mihi.  
 Iacta cogitátum tuum in Dómino, et ipse te enútriet.

## Collecta

Actiões nostras, quæsumus, Dómine,  
 aspirádo præveni et adiuvádo proséquere,  
 ut cuncta nostra operátio a te semper incípiat,  
 et per te cœpta finiátur.

Per Dóminum.

## Lectio prior

*En propono in conspectu vestro hodie  
 benedictionem et maledictionem.*

## Léctio libri Deuteronomii

30, 15-20

Locútus est Móyses pópulo dicens:

« **Consídera quod hódie proposúerim in conspéctu tuo vitam et bonum, et e contrário mortem et malum, ut díligas Dóminum Deum tuum, et ámbules in viis eius, et custódiás mandáta illius ac cæremónias atque iudícia, et vivas; atque múltiplicet te benedicátque tibi in terra, ad quam ingrediéris possidéndam.**

**Si autem avérsus fúerit cor tuum et audíre nolúeris, atque erróre decéptus adoráveris deos aliénos et servíeris eis, prædíco tibi hódie quod péreas et parvo témpore moréris in terra, ad quam, Iordáne transmísso, ingrediéris possidéndam.**

**Testes invoco hódie cælum et terram, quod proposúerim vobis vitam et mortem, benedictiónem et maledictiónem. Elige ergo vitam, ut et tu vivas et semen tuum; et díligas Dóminum Deum tuum atque obcédias voci eius et illi adhæreas (ipse est enim vita tua et longitúdo diérum tuórum), ut hábites in terra, pro qua iurávit Dóminus pátribus tuis, Abraham, Isaac et Iacob, ut daret eam illis ».** — Verbum Dómini.

## Psalmus responsorius

Ps 1, 1-2. 3. 4 et 6 (R.: Ps 39, 5 a)

R. **Beátus vir qui pósuit Dóminum spem suam.**

<sup>1</sup> **Beátus vir qui non ábiit in consílio impiórum,  
et in via peccatórum non stetit,  
et in convéntu derisórum non sedit;**

<sup>2</sup> **sed in lege Dómini volúntas eius,  
et in lege eius meditátur die ac nocte. R.**

<sup>3</sup> **Et erit tamquam lignum  
plantátum secus decúrsus aquárum,  
quod fructum suum dabit in témpore suo;  
et fólium eius non défluét,  
et ómnia quaecúmque fáciét prosperabúntur. R.**

<sup>4</sup> **Non sic ímpii, non sic,  
sed tamquam pulvis quem próciét ventus.**

<sup>6</sup> **Quóniam novit Dóminus viam iustórum,  
et iter impiórum peribit. R.**

Versus ante Evangelium

Mt 4, 17

**Pæniténtiam ágite, dicit Dóminus;  
appropinquávit Regnum cælórum.**

## Evangelium

*Qui perdiderit animam suam propter me,  
hic salvam faciet illum.*

✠ **Léctio sancti Evangélli secúndum Lucam 9, 22-25**

In illo témpore:

**Dixit Iesus discipulis suis: « Opórtet Fílium hómi-  
nis multa pati et reprobári a senióribus et princípibus  
sacerdótum et scribis et occídi et tértia die resúrgere ».**



Dicébat autem ad omnes: « Si quis vult post me venire, abneget se ipsum et tollat crucem suam cotidie, et sequatur me. Qui enim voluerit animam suam salvam facere, perdet illam; qui autem perdidit animam suam propter me, hic salvam faciet illam. Quid enim proficit homo si lucrétur univérsum mundum, se autem ipsum perdat vel detriméntum sui faciat? »

Verbum Dómini.

Super oblata

Hóstias, quæsumus, Dómine, propítius inténde,  
 quas sacris altáribus exhibémus,  
 ut, nobis indulgéntiam largiéndò,  
 tuo nómini dent honórem.

Per Christum.

Præfatio de Quadragesima, pp. 625-628.

Ant. ad communionem

Ps 50, 12

Cor mundum crea in me, Deus,  
 et spíritum rectum ínnova in viscéribus meis.

Post communionem

Cæléstis doni benedictióne percépta,  
 súpplices te, Deus omnípotens, deprecámur,  
 ut hoc idem nobis semper  
 et indulgéntiæ causa sit et salútis.

Per Christum.

### Feria sexta post Cineres

Ant. ad introitum

Ps 29, 11

Audívit Dóminus, et misértus est mihi,  
 Dóminus factus est adiútor meus.

## Collecta

Inchoáta pæniténtiæ ópera, quæsumus, Dómine, benigno favóre proséquere, ut observántiam, quam corporáliter exercémus, méntibus étiam valeámus implére sincéris. Per Dóminum.

## Lectio prior

*Nonne hoc est magis ieiunium quod elegi?*

Léctio libri Isaíæ prophétæ

58, 1-9 a

Hæc dicit Dóminus Deus:

« Clama, ne cesses, quasi tuba exálta vocem tuam; et annúntia pópulo meo scélera eórum et dómui Iacob peccáta eórum. Me étenim de die in diem quærunt, et scire vias meas volunt, quasi gens quæ iustítiam fécerit, et iudícium Dei sui non dereliquerit. Rogant me iudícia iustítiae, appropinquáre Deo volunt:

“ Quare ieiunávimus, et non aspexisti; humiliávimus ánimas nostras, et nescísti? ”

Ecce in die ieiúnií vestri invenítur volúntas vestra, et omnes debitóres vestros repétitis. Ecce ad lites et contentiónes ieiunátis, et percútitis pugno ímpie. Nolíte ieiunáre sicut usque ad hanc diem, ut audiátur in excélsó clamor vester.

Numquid tale est ieiúnum quod elégi, per diem afflígere hómíne[m] ánimam suam? Numquid contorquére quasi círculum caput suum, et saccum et cínerem stérnere? Numquid istud vocábis ieiúnum et diem accep-tábilem Dómino?

Nonne hoc est magis ieiúnum quod elégi? Dissólve

colligatiónes impietátis, solve fascículos depriméntes, dimítte eos qui confrácti sunt líberos, et omne onus dirúmpe; frange esuriénti panem tuum, et egénos vagósque induc in domum tuam; cum víderis nudum, óperi eum et carnem tuam ne despéxeris.

Tunc erúmpet quasi mane lumen tuum, et sánitas tua cítius oriétur, et anteíbit fáciem tuam iustítia tua, et glória Dómini cólliget te. Tunc invocábis et Dóminus exáudiet, clamábis et dicet: "Ecce adsum" ».

Verbum Dómini.

### Psalmus responsorius

Ps 50, 3-4. 5-6 a. 18-19 (R.: 19 b)

R. Cor contrítum et humiliátum,  
Deus, non despícies.

3 Miserére mei, Deus, secúndum misericórdiam tuam;  
et secúndum multitudínem miseratiónum tuárum  
dele iniquitátem meam.

4 Amplius lava me ab iniquitáte mea,  
et a peccáto meo munda me. R.

5 Quóniam iniquitátem meam ego cognósco,  
et peccátum meum contra me est semper.

6 Tibi, tibi soli peccávi, et malum coram te feci. R.

18 Non enim sacrificio delectáris,  
holocáustum, si ófferam, non placebit.

19 Sacrificium Deo spíritus contribulátus,  
cor contrítum et humiliátum,  
Deus, non despícies. R.

### Versus ante Evangelium

Am 5, 14

Quærite bonum, et non malum, ut vivátis;  
et erit Dóminus vobíscum.

## Evangelium

*Cum auferetur ab eis sponsus, tunc ieiunabunt.*

## ✠ Lécio sancti Evangélii secúndum Mattháeum

9, 14-15

In illo témpore: Cum venisset Iesus trans fretum in regióne Gerasenórum, accessérunt ad eum discípuli Ioánnis dicéntes: « Quare nos et Pharisæi ieiunámus frequénter, discípuli autem tui non ieiúnant? »

Et ait illis Iesus: « Numquid possunt convívæ nuptiárum lugére quámdiu cum illis est sponsus? Vénient autem dies cum auferétur ab eis sponsus, et tunc ieiunábunt ». — Verbum Dómini.

## Super oblata

Sacrificíum, Dómine,  
observántiæ quadragesimális offérimus,  
quod tibi, quásumus, mentes nostras reddat accéptas,  
et continétiæ promptióri nobis tríbuat facultátem.  
Per Christum.

Præfatio de Quadragesima, pp. 625-628.

## Ant. ad communionem

Ps 24, 4

Vias tuas, Dómine, demónstra nobis,  
et sémitas tuas édoce nos.

## Post communionem

Quásumus, omnípotens Deus,  
ut, huius participatióne mystérii  
a delíctis ómnibus expiáti,  
remédiis tuæ pietátis aptémur.  
Per Christum.

**Sabbato post Cineres**

Ant. ad introitum

Ps 68, 17

**Exáudi nos, Dómine,  
quóniam benígna est misericórdia tua;  
secúndum multitudínem miseratiónum tuárum  
réspice nos, Dómine.**

Collecta

**Omnípotens sempitérne Deus,  
infirmítatem nostram propítius réspice,  
atque ad protegéndum nos  
déteram tuæ maiestátis exténde.  
Per Dóminum.**

Lectio prior

*Cum effuderis esurienti animam tuam,  
... orietur in tenebris lux tua.*

Lectio libri Isaíæ prophétæ

58, 9 b-14

Hæc dicit Dóminus:

« Si abstúleris de médio tui caténam, et desíeris exténdere dígitum, et loqui quod non prodest; cum effúderis esuriéti ánimam tuam, et ánimam afflíctam repléveris, oriétur in ténebris lux tua, et ténebræ tuæ erunt sicut meridies. Et réquiem tibi dabit Dóminus semper, implébit splendóribus ánimam tuam, et ossa tua liberábit; et eris quasi hortus irriguus et sicut fons aquárum, cuius non deficient aquæ.

Et ædificabúntur in te desérta sæculórum, fundaménta generatiónis et generatiónis suscitábis, et vocáberis ædificátor sáepium, avértens sémitas in quiétem.

Si avérteris a sábbato pedem tuum fácere voluntátem tuam in die sancto meo, et vocáveris sábbatum delicátum et sanctum Dómini gloriósum, et glorificáveris eum, dum non facis vias tuas, et non invenitur volúntas tua, ut loquáris sermónem: tunc delectáberis super Dómino, et sustóllam te super altitúdines terræ, et cibábo te hereditáte Iacob patris tui.

Os enim Dómini locútum est ».

Verbum Dómini.

**Psalmus responsorius** Ps 85, 1-2. 3-4. 5-6 (R.: 11 a)

R. Doce me, Dómine, viam tuam,  
et ingrédiar in veritáte tua.

<sup>1</sup> Inclína, Dómine, aurem tuam et exáudi me,  
quóniam inops et pauper sum ego.

<sup>2</sup> Custódi ánimam meam, quóniam sanctus sum;  
salvum fac servum tuum,  
Deus meus, sperántem in te. R.

<sup>3</sup> Misérére mei, Dómine,  
quóniam ad te clamávi tota die.

<sup>4</sup> Lætífica ánimam servi tui,  
quóniam ad te, Dómine, ánimam meam levávi. R.

<sup>5</sup> Quóniam tu, Dómine, suávis et mitis,  
et multæ misericórdiæ ómnibus invocántibus te.

<sup>6</sup> Auribus pércipe, Dómine, oratióem meam,  
et inténde voci deprecatiÓnis meæ. R.

**Versus ante Evangelium**

Ez 33, 11

Nolo mortem ímpii, dicit Dóminus,  
sed ut convertátur et vivat.

## Evangelium

*Non veni vocare iustos sed peccatores in pœnitentiam.*

✠ Lécitio sancti Evangélii secúndum Lucam 5, 27-32

In illo témpore:

Vidit Iesus publicánum nómine Levi sedéntem ad telóneum, et ait illi: « Séquere me ». Et relictis ómnibus, surgens secúsus est eum.

Et fecit ei convívium magnum Levi in domo sua; et erat turba multa publicanórum et aliórum qui cum illis erant discumbéntes. Et murmurábant Pharisæi et scribæ eórum advérsus discipulos eius dicéntes: « Quare cum publicánis et peccatóribus manducátis et bíbitis? »

Et respóndens Iesus dixit ad illos: « Non egent qui sani sunt médico sed qui male habent. Non veni vocáre iustos sed peccatóres in pœniténtiam ».

Verbum Dómini.

Super oblata

Súscipe, quésumus, Dómine,  
sacrificium placatiónis et laudis,  
et præsta, ut, huius operatióne mundáti,  
beneplácitum tibi nostræ mentis offerámus afféctum.  
Per Christum.

Præfatio de Quadragesima, pp. 625-628.

Ant. ad communionem

Mt 9, 13

Misericórdiam volo et non sacrificium, dicit Dóminus:  
non enim veni vocáre iustos sed peccatóres.

Post communionem

Cæléstis vitæ múnere vegetáti, quésumus, Dómine,  
ut, quod est nobis in præsentí vita mystérium,  
fiat æternitátis auxiliium. Per Christum.

## DOMINICA I IN QUADRAGESIMA

Ant. ad introitum

Ps 90, 15-16

Invocabit me, et ego exaudiam eum;  
eripiam eum, et glorificabo eum,  
longitudine dierum adimplebo eum.

Collecta

Concede nobis, omnipotens Deus,  
ut, per annua quadragesimalis exercitia sacramenti,  
et ad intellegendum Christi proficiamus arcenum,  
et effectus eius digna conversatione sectemur.  
Per Dominum.

---

Anno A

Lectio prima

*Protoparentum creatio et peccatum.*

Lectio libri Génesis

2, 7-9; 3, 1-7

Formavit Dominus Deus hominem de limo terræ,  
et inspiravit in faciem eius spiraculum vitæ, et factus  
est homo in animam viventem.

Plantaverat autem Dominus Deus paradysum voluptatis a principio, in quo posuit hominem quem formaverat. Produxitque Dominus Deus de humo omne lignum pulchrum visu et ad vescendum suave; lignum etiam vitæ in medio paradysi lignumque scientiæ boni et mali.

Sed et serpens erat callidior cunctis animantibus terræ, quæ fecerat Dominus Deus. Qui dixit ad mulierem: « Cur præcepit vobis Deus, ut non comederetis de omni ligno paradysi? »



Cui respóndit múlter: « De fructu lignórum, quæ sunt in paradíso, vésimur; de fructu vero ligni, quod est in médio paradísi, præcépít nobis Deus ne comedéremus et ne tangerémus illud, ne forte moriámur ».

Dixit autem serpens ad mulíerem: « Nequáquam morte moriémini. Scit enim Deus quod in quocúmque die comedéritis ex eo aperiéntur óculi vestri, et éritis sicut díi sciéntes bonum et malum ».

Vidit ígitur múlter quod bonum esset lignum ad vescéndum et pulchrum óculis aspectúque delectábile, et tulit de fructu illíus, et comédit deditque viro suo, qui comédit. Et apérti sunt óculi ambórum. Cumque cognovíssent se esse nudos, consuérunt fólía ficus et fecérunt sibi perizómata.

Verbum Dómini.

### Psalmus responsorius

Ps 50, 3-4. 5-6 a. 12-13. 14 et 17 (R.: cf. 3 a)

R. Miserére, Dómine, quia peccávimus.

- <sup>3</sup> Miserére mei, Deus, secúndum misericórdiam tuam;  
et secúndum multitudínem miseratiónum tuárum  
dele iniquitátem meam.
- <sup>4</sup> Amplius lava me ab iniquitáte mea,  
et a peccáto meo munda me. R.
- <sup>5</sup> Quóniam iniquitátem meam ego cognósco,  
et peccátum meum contra me est semper.
- <sup>6</sup> Tibi, tibi soli peccávi,  
et malum coram te feci. R.
- <sup>12</sup> Cor mundum crea in me, Deus,  
et spíritum firmum ínnova in viscéribus meis.
- <sup>13</sup> Ne proicias me a fácie tua,  
et spíritum sanctum tuum ne áuferas a me. R.

- <sup>14</sup> Redde mihi lætítiam salutáris tui,  
et spírítu promptíssimo confirma me.
- <sup>17</sup> Dómine, lábia mea apéries,  
et os meum annuntiábit laudem tuam. R.

## Lectio secunda \*

*Ubi abundavit delictum, superabundavit gratia.*

Lectio Epístolæ beáti Pauli apóstoli ad Romános

5, 12-19

Fratres:

Sicut per unum hóminem peccátum in hunc mundum intrávit et per peccátum mors, et ita in omnes hómines mors pertránsiit, eo quod omnes peccáverunt — usque ad Legem enim peccátum erat in mundo, peccátum autem non imputátur cum Lex non est; sed regnávit mors ab Adam usque ad Móysen étiam in eos qui non peccáverunt, in similitúdine prævaricatiónis Adæ qui est forma futúri.

Sed non sicut delíctum, ita et donum; si enim unius delícto multi mórtui sunt, multo magis grátia Dei et donum in grátia unius hóminis Iesu Christi in plures abundávit. Et non sicut per unum qui peccávit ita et donum; nam iudícium ex uno in condemnatiónem, grátia autem ex multis delíctis in iustificatiónem.

Si enim unius delícto mors regnávit per unum, multo magis qui abundántiam grátiae et donatiónis iustitiae accipiunt, in vita regnábunt per unum Iesum Christum.

Igitur sicut per unius delíctum in omnes hómines in condemnatiónem, sic et per unius iustitiam in omnes hómines in iustificatiónem vitæ; sicut enim per inobediéntiam unius hóminis peccatóres constitúti sunt

multi, ita et per unius obœditionem iusti constituéntur multi. — Verbum Dómini.

---

### vel brevior

Léctio Epístolæ beáti Pauli apóstoli ad Romános

5, 12. 17-19

Fratres:

Sicut per unum hóminem peccátum in hunc mundum intrávit et per peccátum mors, et ita in omnes hómines mors pertránsiit, eo quod omnes peccavérunt.

Si enim unius delícto mors regnávit per unum, multo magis qui abundántiam grátiae et donatiónis iustítiæ accípiunt, in vita regnábunt per unum Iesum Christum.

Igitur sicut per unius delíctum in omnes hómines in condemnatióem, sic et per unius iustítiam in omnes hómines in iustificatióem vitæ; sicut enim per inobœdiéntiam unius hóminis peccatóres constitúti sunt multi, ita et per unius obœditionem iusti constituéntur multi. — Verbum Dómini.

---

### Versus ante Evangelium

Mt 4, 4 b

Non in solo pane vivit homo,  
sed in omni verbo quod procédit de ore Dei.

### Evangelium

*Iesus per quadraginta dies ieiunat et tentatur.*

✠ Léctio sancti Evangélii secúndum Matthæum

4, 1-11

In illo témpore:

Iesus ductus est in desértum a Spíritu, ut tentarétur a diabolo. Et cum ieiunásset quadraginta diébus et quadraginta nóctibus, póstea esúriit.

Et accédens temptátor dixit ei: « Si Fílius Dei es, dic ut lápides isti panes fiant ».

Qui respóndens dixit: « Scriptum est: “ Non in pane solo vivet homo, sed in omni verbo quod procédit de ore Dei ” ».

Tunc assúmit eum diábolus in sanctam civitátem, et státuit eum supra pinnáculum templi et dicit ei: « Si Fílius Dei es, mitte te deórsum: scriptum est enim: “ Angelis suis mandábit de te et in mánibus tollent te, ne forte offéndas ad lápidem pedem tuum ” ».

Ait illi Iesus: « Rursum scriptum est: “ Non tentábis Dóminum Deum tuum ” ».

Iterum assúmit eum diábolus in montem excélsus valde, et osténdit ei ómnia regna mundi et glóriam eórum, et dicit illi: « Hæc tibi ómnia dabo si cadens adoráveris me ».

Tunc dicit ei Iesus: « Vade, Sátana; scriptum est enim: “ Dóminum Deum tuum adorábis et illi soli sérvies ” ».

Tunc reliquit eum diábolus, et ecce ángeli accessérunt et ministrábant ei.

Verbum Dómini.

## Anno B

### Lectio prima

*Fœdus Dei cum Noe ab aquis diluvii liberato.*

### Léctio libri Génesis

9, 8-15

Hæc dixit Deus ad Noe et ad fílios eius cum eo: « Ecce ego státuam pactum meum vobíscum et cum sémine vestro post vos, et ad omnem ánimam vivéntem, quæ est vobíscum, tam in volúcribus quam in

iuméntis et pecúdis terræ cunctis, quæ egréssa sunt de arca, et univérsis béstiis terræ. Státuam pactum meum vobíscum, et nequáquam ultra interficiétur omnis caro aquis dilúvii, neque erit deinceps dilúvium díssipans terram ».

Dixítque Deus: « Hoc signum féederis, quod do inter me et vos et ad omnem ánimam vivéntem, quæ est vobíscum in generatiónes sempitérnas: arcum meum ponam in núbibus, et erit signum féederis inter me et inter terram. Cumque obdúxero núbibus cælum, apparábit arcus meus in núbibus; et recordábor féederis mei vobíscum et cum omni ánima vivénte quæ carnem végetat; et non erunt ultra aquæ dilúvii ad deléndum univérsam carnem ». — Verbum Dómini.

### Psalmus responsorius

Ps 24, 4 bc-5 ab. 6-7 bc. 8-9 (R.: cf. 10)

R. Univérsæ viæ tuæ, Dómine, misericórdia et véritas custodiéntibus testaméntum tuum.

4 Vias tuas, Dómine, demónstra mihi,  
et sémitas tuas édoce me.

5 Dírige me in veritaté tua et doce me,  
quia tu es Deus salútis meæ. R.

6 Reminíscere miseratiónum tuárum, Dómine,  
et misericordiárum tuárum, quóniam a século sunt.

7 Secúndum misericórdiam tuam meménto mei tu,  
propter bonitátem tuam, Dómine. R.

8 Dulcis et rectus Dóminus,  
propter hoc peccatóres viam docébit;

9 díriget mansuétos in iudício,  
docébit mites vias suas. R.

## Lectio secunda

*Vos nunc salvos facit baptisma.*

Lectio Epistolæ primæ beāti Petri apóstoli 3, 18-22

Caríssimi:

Christus semel pro peccátiis passus est, iustus pro iniústiis, ut vos addúceret ad Deum, mortificátus quidem carne, vivificátus autem Spírítu; in quo et his qui in cárcere erant spírítibus advéniens prædicávit, qui incréduli fúerant aliquándo, quando exspectábat Dei paciéntia in diébus Noe, cum fabricarétur arca, in qua pauci, id est octo ánimæ, salvæ factæ sunt per aquam.

Cuius antitypum, baptisma, et vos nunc salvos facit, non carnis depositio sórdium sed consciéntiæ bonæ rogátio in Deum, per resurrectiónem Iesu Christi, qui est in dextera Dei, proféctus in cælum, subiéctis sibi ángelis et potestátibus et virtútibus.

Verbum Dómini.

Versus ante Evangelium

Mt 4, 4 b

Non in solo pane vivit homo,  
sed in omni verbo quod procédit de ore Dei.

## Evangelium

*Tentabatur a Satana, et angeli ministrabant illi.*

✠ Lectio sancti Evangélii secúndum Marcum 1, 12-15

In illo témpore:

Spírítus éxpulit Iesum in desértum. Et erat in desérto quadragínta diébus et tentabátur a Sátana, erátque cum béstiis, et ángeli ministrábant illi.

Postquam autem tráditus est Ioánnes, venit Iesus in Galiléam prædicans Evangelium Dei et dicens: « Implétum est tempus et appropinquávit Regnum Dei: pœnitémini et créдите Evangelio ».

Verbum Dómini.

## Anno C

Lectio prima

*Fidei confessio populi electi.*

Léctio libri Deuteronomii

26, 4-10

Locútus est Móyses pópulo dicens:

« Suscípíens sacérdos primítias de manu tua ponet ante altáre Dómini Dei tui, et loquéris in conspéctu Dómini Dei tui:

“ Syrus persequebátur patrem meum, qui descéndit in Ægýptum, et ibi peregrinátus est in paucíssimo número, crevítque in gentem magnam ac robústam et infinítæ multitudínis.

Afflixerúntque nos Ægýptii et persecúti sunt imponéntes ónera gravíssima, et clamávimus ad Dóminum Deum patrum nostrórum, qui exaudivit nos, et respéxit humilitátem nostram et labórem atque angústiam; et edúxit nos de Ægýpto in manu forti et bráchio exténto, in ingénti pavóre, in signis atque porténtis, et introduxit ad locum istum, et trádidit nobis terram lacte et melle manántem.

Et idcírco nunc óffero primítias frugum terræ, quam Dóminus dedit mihi ”.

Et dimíttes eas in conspéctu Dómini Dei tui et adoráto Dómino Deo tuo ». — Verbum Dómini.

## Psalmus responsorius

Ps 90, 1-2. 10-11. 12-13. 14-15 (R.: cf. 15 b)

R. Esto mecum, Dómine, in tribulatióne.

- 1 Qui hábitat in protectiÓne Altíssimi,  
sub umbra Omnipoténtis commorábitur.
- 2 Dicet Dómino: « Refúgium meum  
et fortitúdo mea, Deus meus, sperábo in eum ». R.
- 10 Non accédet ad te malum,  
et flagéllum non appropinquábit tabernáculo tuo.
- 11 Quóniam ángelis suis mandábit de te,  
ut custódiant te in ómnibus viis tuis. R.
- 12 In mánibus portábunt te,  
ne forte offéndas ad lápidem pedem tuum.
- 13 Super áspidem et basilíscum ambulábis,  
et conculcábis leónem et draconem. R.
- 14 Quóniam mihi adhésit, liberábo eum;  
suscípiam eum, quóniam cognóvit nomen meum.
- 15 Clamábit ad me, et ego exáudiam eum;  
cum ipso sum in tribulatiÓne,  
erípiam eum et glorificábo eum. R.

## Lectio secunda

*Fidei confessio credenti in Christum.*

Lectio Epístolæ beáti Pauli apóstoli ad Romános

10, 8-13

Fratres:

Quid dicit Scriptúra? « Prope te est verbum, in ore tuo et in corde tuo »; hoc est verbum fidei, quod prædicámus. Quia, si confiteáris in ore tuo: « Dóminum Iesum! » et in corde tuo credideris quod Deus illum



excitávit ex mórtuis, salvus eris. Corde enim créditur ad iustítiam, ore autem conféssio fit in salútem. Dicit enim Scriptúra: « Omnis qui credit in illo non confundétur ».

Non enim est distíctio Iudæi et Græci, nam idem Dóminus ómnium, dives in omnes qui invocant illum: Omnis enim quicumque invocáverit Nomen Dómini salvus erit. — Verbum Dómini.

Versus ante Evangelium

Mt 4, 4 b

Non in solo pane vivit homo,  
sed in omni verbo quod procédit de ore Dei.

### Evangelium

*Agebatur in Spiritu in desertum, et tentabatur.*

✠ Lécio sancti Evangélii secúndum Lucam 4, 1-13

In illo témpore:

Iesus plenus Spíritu Sancto regréssus est ab Iordáne, et agebátur in Spíritu in desértum diébus quadragínta, et tentabátur a diabólo. Et nihil manducávit in diébus illis, et consummátis illis esúriit. Dixit autem illi diabólo: « Si Fílius Dei es, dic lápidi huic ut panis fiat ».

Et respóndit ad illum Iesus: « Scriptum est: “ Non in pane solo vivet homo ” ».

Et sústulit illum et osténdit illi ómnia regna orbis terræ in mométo témporis; et ait ei diabólo: « Tibi dabo potestátem hanc univérsam et glóriam illórum, quia mihi trádicta est, et cui volo do illam: tu ergo si adoráveris coram me, erit tua omnis ».

Et respóndens Iesus dixit illi: « Scriptum est: “ Dóminum Deum tuum adorábis et illi soli sérvies ” ».

Duxit autem illum in Ierúsalem, et státuit eum supra

pinnam templi, et dixit illi: « Si filius Dei es, mitte te hinc deorsum; scriptum est enim: " Angelis suis mandabit de te ut conservent te "; et: " In manibus tollent te ne forte offendas ad lapidem pedem tuum " ».

Et respondens Iesus ait illi: « Dictum est: " Non tentabis Dominum Deum tuum " ».

Et consummata omni tentatione, diabolus recessit ab illo usque ad tempus. — Verbum Domini.

Dicitur Credo.

### Super oblata

Fac nos, quæsumus, Domine,  
his munéribus offerendis conveniénter aptári,  
quibus ipsíus venerábilis sacraménti  
celebrámus exórdium.

Per Christum.

### Præfatio: De tentatione Domini.

℣. Dominus vobiscum.

℟. Et cum spiritu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,  
nos tibi semper et ubique grátias agére:  
Dómine, sancte Pater, omnípotens ætérne Deus:  
per Christum Dóminum nostrum.

Qui quadragínta diébus, terrénis ábstinens aliméntis,  
formam huius observántiæ ieiúnió dedicávit,  
et, omnes evértens antíqui serpéntis insídias,

**ferméntum malítiae nos dócuit superáre,  
ut, paschále mystérium dignis méntibus celebrántes,  
ad pascha demum perpétuum transeámus.**

**Et ideo cum Angelórum atque Sanctórum turba  
hymnum laudis tibi cánimus, sine fine dicéntes:**

**Sanctus, Sanctus, Sanctus Dóminus Deus Sábaoth ...**

**Ant. ad communionem**

**Mt 4, 4**

**Non in solo pane vivit homo,  
sed in omni verbo quod procedit de ore Dei.**

**Vel:**

**Ps 90, 4**

**Scápolis suis obumbrábit tibi Dóminus,  
et sub pennis eius sperábis.**

**Post communionem**

**Caelésti pane refécti,  
quo fides álitur, spes provéhitur et caritas roborátur,  
quésumus, Dómine,  
ut ipsum, qui est panis vivus et verus,  
esuríre discámus,  
et in omni verbo, quod procedit de ore tuo,  
vívere valeámus.**

**Per Christum.**

### **Feria secunda**

**Ant. ad introitum**

**Ps 122, 2-3**

**Sicut óculi servórum in mánibus dominórum suórum,  
ita óculi nostri ad Dóminum Deum nostrum,  
donec misereátur nobis.**

**Miserére nobis, Dómine, miserére nobis.**

## Collecta

**Convérte nos, Deus, salutáris noster,  
et, ut nobis opus quadragesimále proficiat,  
mentes nostras cæléstibus ínstrue disciplínis.  
Per Dóminum.**

## Lectio prior

*Iuste iudica proximo tuo.*

## Léctio libri Levítici

19, 1-2. 11-18

**Locútus est Dóminus ad Móysen dicens:**

**« Lóquere ad omnem coetum filiórum Israel, et dices ad eos:**

**“ Sancti estóte, quia ego sanctus sum, Dóminus Deus vester.**

**Non faciétis furtum. Non mentiémini, nec decípiet unusquisque próximum suum. Non periurábis in nómine meo, nec póllues nomen Dei tui. Ego Dóminus.**

**Non fácies calúmniam próximo tuo, nec vi ópprimes eum. Non morábitur opus mercenárii tui apud te usque mane. Non maledíces surdo, nec coram cæco pones offendículum; sed timébis Dóminum Deum tuum, quia ego sum Dóminus.**

**Non fácies quod iníquum est, nec iniúste iudicábis. Non consíderes persónam páuperis, nec honóres vultum poténtis. Iuste iúdica próximo tuo. Non eris criminátor, nec susúrro in pópulo. Non stabis contra sanguinem próximi tui. Ego Dóminus.**

**Non óderis fratrem tuum in corde tuo, sed públice árgue eum, ne hábeas super illo peccátum. Non quæras ultiónem, nec memor eris iniúriæ civium tuórum. Díliges amicum tuum sicut teípsum. Ego Dóminus ” ».**

**Verbum Dómini.**

## Psalmus responsorius

Ps 18, 8. 9. 10. 15 (R.: Io 6, 64 b)

R. Verba tua, Dómine, spíritus et vita sunt.

- 8 Lex Dómini immaculáta, reficiens ánimam,  
testimónium Dómini fidéle,  
sapiéntiam præstans párvulis. R.
- 9 Iustitiæ Dómini rectæ, lætificántes corda,  
præcéptum Dómini lúcidum, illúminans óculos. R.
- 10 Timor Dómini mundus, pérmanens in sáculum sáculi,  
iudícia Dómini vera, iusta ómnia simul. R.
- 15 Sint, ut compláceant elóquia oris mei,  
et meditátio cordis mei in conspéctu tuo.  
Dómine, adiútor meus et redémptor meus. R.

## Versus ante Evangelium

2 Cor 6, 2 b

Ecce nunc tempus acceptábile,  
ecce nunc dies salútis.

## Evangelium

*Quamdiu fecistis uni ex his fratribus  
meis minimis, mihi fecistis.*

✠ Lécio sancti Evangélii secúndum Matthæum

25, 31-46

In illo témpore: Dixit Iesus discíplis suis:

« Cum vénerit Fílius hóminis in glória sua, et omnes ángeli cum eo, tunc sedébit super thronum glóriæ suæ: et congregabúntur ante eum omnes gentes, et se-

parábit eos ab ínvicem, sicut pastor ségregat oves ab hædis, et státuet oves quidem a dextris suis, hædos autem a sinístris.

Tunc dicet Rex his qui a dextris eius erunt: " Veníte, benedícti Patris mei, possidéte parátum vobis Regnum a constitutióne mundi: esurívi enim et dedístis mihi manducáre, sitívi et dedístis mihi bíbere, hospes eram et collegístis me, nudus et operuístis me, infirmus et visitástis me, in cárcere eram et venístis ad me ".

Tunc respondébunt ei iusti dicétes: " Dómine, quando te vídimus esuriéntem et pávimus, aut sitiéntem et dédimus tibi potum? Quando autem te vídimus hóspitem et collégimus, aut nudum et cooperúimus? Quando autem te vídimus infirmum aut in cárcere et vénimus ad te? "

Et respóndens Rex dicet illis: " Amen dico vobis: Quámdu fecístis uni de his frátribus meis mínimis, mihi fecístis ".

Tunc dicet et his qui a sinístris erunt: " Discédite a me, maledícti, in ignem ætérnum qui præparátus est diabolo et ángelis eius. Esurívi enim et non dedístis mihi manducáre, sitívi et non dedístis mihi potum, hospes eram et non collegístis me, nudus et non operuístis me, infirmus et in cárcere et non visitástis me ".

Tunc respondébunt et ipsi dicétes: " Dómine, quando te vídimus esuriéntem aut sitiéntem aut hóspitem aut nudum aut infirmum vel in cárcere et non ministrávimus tibi? "

Tunc respondébit illis dicens: " Amen dico vobis: Quámdu non fecístis uni de mínimis his, nec mihi fecístis ".

Et ibunt hi in supplicium ætérnum, iusti autem in vitam ætérnam ». — Verbum Dómini.

Super oblata

Accépta tibi sit, Dómine, nostræ devotiónis oblátio,  
quæ et conversatióem nostram, te operánte, sanctificet,  
et indulgéntiam nobis tuæ propitiatiónis obtíneat.  
Per Christum.

Præfatio de Quadragesima, pp. 625-628.

Ant. ad communionem

Mt 25, 40. 34

Amen dico vobis, quod uni ex mínimis meis fecístis,  
míhi fecístis, dicit Dóminus.

Veníte, benedícti Patris mei,  
possidéte parátum vobis Regnum ab iníitio sáeculi.

Post communionem

Sentiámus, Dómine, quésumus,  
tui perceptiÓne sacraménti,  
subsídium mentis et córporis,  
ut, in utrÓque salváti,  
de cæléstis remédii plenitúdine gloriémur.  
Per Christum.

### Feria tertia

Ant. ad introitum

Ps 89, 1-2

Dómine, refúgium factus es nobis  
a generatiÓne et progénie;  
a sáeculo, et in sáeculum tu es.

Collecta

Réspice, Dómine, famíliam tuam, et præsta,  
ut apud te mens nostra tuo desidério fúlgeat,  
quæ se corporálium moderatiÓne castigat.  
Per Dóminum.

## Lectio prior

*Verbum meum faciet quaecumque volui.*

Lectio libri Isaiaë prophétæ

55, 10-11

Hæc dicit Dóminus:

« Quómodo descéndit imber et nix de cælo, et illuc ultra non revértitur, sed inébriat terram, et infúndit eam, et germináre eam facit, et dat semen serénti et panem comedénti; sic erit verbum meum quod egrediétur de ore meo: non revertétur ad me vácuum, sed faciet quæcúmque vólui, et prosperábitur in his ad quæ misi illud ». — Verbum Dómini.

Psalmus responsorius

Ps 33, 4-5. 6-7. 16-17. 18-19 (R.: 18 b)

R. Ex ómnibus tribulatióibus eórum  
Deus salvávit iustos.

- 4 Magnificáte Dóminum mecum,  
et exaltémus nomen eius in idípsum.
- 5 Exquisívi Dóminum, et exaudívit me,  
et ex ómnibus terróribus meis erípuit me. R.
- 6 Respícite ad eum, et illuminámini,  
et fácies vestræ non confundéntur.
- 7 Iste pauper clamávit, et Dóminus exaudívit eum,  
et de ómnibus tribulatióibus eius salvávit eum. R.
- 16 Oculi Dómini super iustos,  
et aures eius in clamórem eórum.
- 17 Vultus autem Dómini super faciéntes mala,  
ut perdat de terra memóriam eórum. R.
- 18 Clamavérunt, et Dóminus exaudívit,  
et ex ómnibus tribulatióibus eórum liberávit eos.
- 19 Iuxta est Dóminus iis qui contríto sunt corde,  
et confráctos spírítu salvábit. R.



## Versus ante Evangelium

Mt 4, 4 b

Non in solo pane vivit homo,  
sed in omni verbo quod procedit de ore Dei.

## Evangelium

*Sic ergo vos orabit.*

## ✠ Lécio sancti Evangélii secúndum Matthæum

6, 7-15

In illo témpore: Dixit Iesus discípulis suis:

« Orántes nolíte multum loqui sicut éthnici, putant enim quia in multilóquio suo exaudiántur. Nolíte ergo assimilári eis, scit enim Pater vester quibus opus sit vobis ante quam petátis eum.

Sic ergo vos orábitis:

“ Pater noster qui es in cælis, sanctificétur Nomen tuum, advéniat Regnum tuum, fiat volúntas tua sicut in cælo et in terra. Panem nostrum supersubstantiálem da nobis hódie; et dimítte nobis débita nostra, sicut et nos dimíttimus debitóribus nostris; et ne indúcas nos in tentatiónem, sed libera nos a Malo ”.

Si enim dimisérítis homínibus peccáta eórum, dimíttet et vobis Pater vester cæléstis; si autem non dimisérítis homínibus, nec Pater vester dimíttet peccáta vestra ». — Verbum Dómini.

## Super oblata

Súscipe, créator omnípotens Deus,  
quæ de tuæ munificentíæ largitáte deférimus,  
et temporália nobis colláta præsidia  
ad vitam convérte propitiátus ætérnam.  
Per Christum.

Præfatio de Quadragesima, pp. 625-628.

Ant. ad communionem Ps 4, 2

Cum invocárem te, exaudísti me, Deus iustítiæ meæ,  
in tribulatióne dilatásti me;  
miserére mihi, Dómine, et exáudi oratiónem meam.

Post communionem

His nobis, Dómine, mystériis conferátur,  
quo, terréna desidéria mitigántes,  
discámus amáre cæléstia.  
Per Christum.

### Feria quarta

Ant. ad introitum Ps 24, 6. 3. 22

Reminiscere miseratiónum tuárum, Dómine,  
et misericórdiæ tuæ, quæ a sæculo sunt.  
Ne umquam dominéntur nobis inimíci nostri;  
libera nos, Deus Israel, ex ómnibus angústiiis nostris.

Collecta

Devotiónem pópuli tui,  
quæsumus, Dómine, benígnus inténde,  
ut, qui per abstinéntiam temperántur in córpore,  
per fructum boni óperis reficiántur in mente.  
Per Dóminum.

Lectio prior

*Conversi sunt Ninivitæ de via sua mala.*

Léctio libri Ionæ prophétæ 3, 1-10

Factum est verbum Dómini ad Ionam dicens: « Surge et vade in Níniven civitátem magnam, et prædica in ea prædicatiónem, quam ego loquor ad te ».

Et surréxit Ionas, et abiit in Níniven iuxta verbum

Dómini. Et Nínive erat civitas magna itinere trium diérum. Et cœpit Ionas introire in civitatem itinere diéi unius; et clamávit et dixit: « Adhuc quadraginta dies, et Nínive subvertétur ».

Et credidérunt viri Ninivítæ in Deum, et prædicavérunt ieiúnium, et vestíti sunt saccis a maióre usque ad minórem. Et pervénit verbum ad regem Nínive, et surréxit de sólio suo, et abiécit vestiméntum suum a se, et indútus est sacco, et sedit in cínere. Et clamávit et dixit in Nínive, ex ore regis et princípum eius, dicens:

« Hómines et iuménta et boves et pécora non gustent quidquam, nec pascántur, et aquam non bibant; et operiántur saccis hómines et iuménta, et clament ad Dóminum in fortitúdine, et convertátur vir a via sua mala et ab iniquitáte, quæ est in mánibus eórum. Quis scit si convertátur, et ignóscat Deus, et revertátur a furóre iræ suæ, et non períbimus? »

Et vidit Deus ópera eórum, quia convérsi sunt de via sua mala, et misértus est Deus super malítiam, quam locútus fúerat ut fáceret eis, et non fecit.

Verbum Dómini.

### Psalmus responsorius

Ps 50, 3-4. 12-13. 18-19 (R.: 19 b)

R. Cor contrítum et humiliátum, Deus, non despícies.

<sup>3</sup> Miserére mei, Deus, secúndum misericórdiam tuam; et secúndum multitudinem miseratiónum tuárum dele iniquitátem meam.

<sup>4</sup> Amplius lava me ab iniquitáte mea, et a peccáto meo munda me. R.

<sup>12</sup> Cor mundum crea in me, Deus, et spíritum firmum innova in viscéribus meis.

- <sup>13</sup> Ne proicias me a fácie tua,  
et spíritum sanctum tuum ne áuferas a me. **R.**
- <sup>18</sup> Non enim sacrificio delectáris,  
holocáustum, si ófferam, non placébit.
- <sup>19</sup> Sacrificium Deo spíritus contribulátus,  
cor contrítum et humiliátum, Deus, non despícies. **R.**

## Versus ante Evangelium

Ioel 2, 12-13

Nunc ergo, dicit Dóminus,  
convertímini ad me in toto corde vestro,  
quia benígnus et miséricors sum.

## Evangelium

*Signum non dabitur generationi huic  
nisi signum Ionæ.*

✠ Lécio sancti Evagélii secúndum Lucam 11, 29-32

In illo témpore:

Turbis concurréntibus, cœpit Iesus dícere: « Generátio hæc generátio nequam est; signum quærit, et signum non dábitur illi nisi signum Ionæ. Nam sicut Ionas fuit signum Ninevítis, ita erit et Fílius hóminis generatióni isti.

Regína austri surget in iudício cum viris generatiónis huius et condemnábit illos, quia venit a fínibus terræ audíre sapiéntiam Salomónis et ecce plus Salomóne hic.

Viri Ninevítæ surgent in iudício cum generatiónem hac et condemnábunt illam, quia pæniténtiam egérunt ad prædicatiónem Ionæ et ecce plus Iona hic ».

Verbum Dómini.

Super oblata

**Offérimus tibi, Dómine,  
quæ dicánda tuo nómini tu dedísti,  
ut, sicut éadem nobis éfficis sacraméntum,  
ita fieri tribuas remédium sempitérnum.  
Per Christum.**

Præfatio de Quadragesima, pp. 625-628.

Ant. ad communionem

Ps 5, 12

**Læténtur omnes qui sperant in te, Dómine,  
in ætérnum exultábunt et habitábis in eis.**

Post communionem

**Deus, qui nos sacraméntis tuis páscere non desístis,  
tribue, ut eórum nobis indúlta reféctio  
vitam, quæsumus, cónferat sempitérnam.  
Per Christum.**

### Feria quinta

Ant. ad introitum

Ps 5, 2-3

**Verba mea áuribus pércipe, Dómine,  
intéllege clamórem meum.  
Inténde voci oratiónis meæ, Rex meus et Deus meus.**

Collecta

**Largíre nobis, quæsumus, Dómine,  
semper spíritum cogitándi quæ recta sunt,  
prómptius et agéndi,  
ut, qui sine te esse non póssumus,  
secúndum te vívere valeámus.  
Per Dóminum.**

## Lectio prior

*Nullum auxilium habeo nisi te, Domine.*

## Lectio libri Esther

14, 1. 3-5. 12-14

## In diébus illis:

Esther regína confúgit ad Dóminum, pavens periculum quod imminébat.

Et deprecabátur Dóminum Deum Israel dicens:

« Dómine mi, rex noster es solus, ádiuva me solitárium, et cuius præter te nullus est auxiliátor álius. Periculum meum in mánibus meis est. Audívi a patre meo quod tu, Dómine, tulísses Israel de cunctis géntibus et patres nostros ex ómnibus retro maióribus suis, ut possidéres hereditátem sempitérnam; fecístique eis sicut locútus es.

Meménto, Dómine, et osténde te nobis in tém-pore tribulatiónis nostræ, et da mihi fidúciam, Dómine, rex deórum et univérsæ potestátis. Tribue sermónem compósitum in ore meo in conspéctu leónis, et transfer cor illius in ódium hostis nostri, ut et ipse péreat et céteri qui ei conséntiunt.

Nos autem líbera manu tua, et ádiuva me, nullum áliud auxilium habéntem nisi te, Dómine, qui habes ómnium sciéntiam ». — Verbum Dómini.

## Psalmus responsorius

Ps 137, 1-2 a. 2 bc-3. 7 c-8 (R.: 3 a)

R. In quacúmque die invocávero te, exáudi me, Dómine.

Confitébor tibi, Dómine, in toto corde meo, quóniam audísti verba oris mei.

In conspéctu angelórum psallam tibi, adorábo ad templum sanctum tuum. R.

Confitébor nómini tuo  
propter misericórdiam tuam et veritátem tuam.

3 In quacúmque die invocávero te, exáudi me;  
multiplicábis in ánima mea virtútem. **R.**

7 Salvum me fáciat délixtera tua.

8 Dóminus opus perfíciat pro me;  
Dómine, misericórdia tua in sáeculum:  
ópera mánuum tuárum ne remíttas. **R.**

Versus ante Evangelium

Ps 50, 12 a. 14 a

Cor mundum crea in me, Deus,  
et redde mihi lætítiam salutáris tui.

### Evangelium

*Omnis qui petit accipit.*

✠ Lécio sancti Evangélii secúndum Mattháeum

7, 7-12

In illo témpore: Dixit Iesus discipulis suis:

« Pétite et dábitur vobis; quérite et inveniétis; pulsáte et aperiétur vobis. Omnis enim qui petit áccipit; et qui quærit invenit et pulsánti aperiétur.

Aut quis est ex vobis homo, quem si petierit fílius suus panem, numquid lápidem pórriget ei? Aut si piscem petierit, numquid serpéntem pórriget ei? Si ergo vos, cum sitis mali, nostis dona bona dare fíliis vestris, quanto magis Pater vester qui in cælis est dabit bona peténtibus se.

Omnia ergo quacúmque vultis ut fáciant vobis hómnes, ita et vos fácite eis: hæc est enim Lex et Prophétæ ». — Verbum Dómini.

**Super oblata**

Súpplicum votis, Dómine, esto propítius,  
 et, pópuli tui oblatiónibus precibúsque suscéptis,  
 ómnium nostrum ad te corda convérte.  
 Per Christum.

Præfatio de Quadragesima, pp. 625-628.

**Ant. ad communionem**

Mt 7, 8

Omnis qui petit áccipit, et qui quærit ínvenit,  
 et pulsánti aperiétur.

**Post communionem**

Quésumus, Dómine Deus noster,  
 ut sacrosáncta mystéria,  
 quæ pro reparatiónis nostræ munímine contulísti,  
 et præsens nobis remédium esse fácias et futúrum.  
 Per Christum.

**Feria sexta****Ant. ad introitum**

Ps 24, 17-18

De necessitatibus meis éripe me, Dómine.  
 Vide humilitátem meam et labórem meum,  
 et dimítte ómnia peccáta mea.

**Collecta**

Da, quésumus, Dómine, fidélibus tuis  
 observatióni pascháli conveniénter aptári,  
 ut suscépta sollémniter castigátio corporális  
 cunctis ad fructum proficiat animárum.  
 Per Dóminum.



## Lectio prior

*Numquid voluntatis meæ est mors impii,  
et non ut convertatur a viis suis et vivat?*

Lectio libri Ezechiélis prophætæ

18, 21-28

Hæc dicit Dóminus Deus:

« Si impius égerit pœniténtiam ab ómnibus peccá-  
tis suis, quæ operátus est, et custodierit ómnia præ-  
cépta mea et fécerit iudícium et iustítiam, vita vivet,  
et non moriétur. Omnium iniquitátum eius, quas ope-  
rátus est, non recordábor; in iustítia sua, quam ope-  
rátus est, vivet. Numquid voluntátis meæ est mors  
impíi, dicit Dóminus Deus, et non ut convertátur a  
viis suis et vivat?

Si autem avérterit se iustus a iustítia sua et fécerit  
iniquitátem secúndum omnes abominatiónes, quas ope-  
rári solet impius, numquid vivet? Omnes iustítie eius,  
quas fécerat, non recordabúntur; in prævaricatióne, qua  
prævaricátus est, et in peccáto suo, quod peccávit, in  
ipsis moriétur.

Et dixístis: “ Non est æqua via Dómini ”. Audíte  
ergo, domus Israel: Numquid via mea non est æqua,  
et non magis viæ vestræ pravæ sunt?

Cum enim avérterit se iustus a iustítia sua, et fé-  
cerit iniquitátem, moriétur in eis, in iniustítia quam  
operátus est moriétur. Et, cum avérterit se impius ab  
impietáte sua, quam operátus est, et fécerit iudícium  
et iustítiam, ipse ánimam suam vivificábit; conside-  
rans enim et avértens se ab ómnibus iniquitátibus suis,  
quas operátus est, vita vivet et non moriétur ».

Verbum Dómini.

## Psalmus responsorius

Ps 129, 1-2. 3-4. 5-7 a. 7 bc-8 (R.: 3)

R. Si iniquitates observáveris, Dómine,  
Dómine, quis sustinébit?

1 De profúndis clamávi ad te, Dómine;

2 Dómine, exáudi vocem meam.

Fiant aures tuæ intendéntes  
in vocem deprecationis meæ. R.

3 Si iniquitates observáveris, Dómine,  
Dómine, quis sustinébit?

4 Quia apud te propitiatio est,  
et timébimus te. R.

5 Sustínui te, Dómine;  
sustínuit ánima mea in verbo eius.

6 sperávit ánima mea in Dómino.

Magis quam custódes auróram,

7 speret Israel in Dómino. R.

Quia apud Dóminum misericórdia,  
et copiósa apud eum redemptio.

8 Et ipse redimet Israel  
ex ómnibus iniquitatibus eius. R.

## Versus ante Evangelium

Ez 18, 31

Proícite a vobis omnes prævaricatiónes vestras,  
dicit Dóminus,  
et fácite vobis cor novum et spíritum novum.

## Evangelium

*Vade prius, reconciliare fratri tuo.*

✠ Lécio sancti Evangélii secúndum Matthæum

5, 20-26

In illo témpore: Dixit Iesus discípulis suis:

« Nisi abundáverit iustítia vestra plus quam scribárum et Pharisæórum, non intrábitis in Regnum cælórum.

Audístis quia dictum est antiquis: " Non occídes "; qui autem occíderit, reus erit iudício. Ego autem dico vobis: Omnis qui iráscitur fratri suo, reus erit iudício, qui autem díxerit fratri suo: " Racha ", reus erit concílio; qui autem díxerit: " Fátue ", reus erit gehénne ignis.

Si ergo offeres munus tuum ad altáre, et ibi recordátus fueris quia frater tuus habet áliquid advérsum te, relínque ibi munus tuum ante altáre et vade prius, reconciliáre fratri tuo, et tunc véniens offer munus tuum.

Esto conséntiens adversário tuo cito dum es in via cum eo, ne forte tradat te adversárius iúdice, et iudex tradat te ministro, et in cárcerem mittáris. Amen dico tibi: Non éxies inde donec reddas novíssimum quadrántem ». — Verbum Dómini.

## Super oblata

Súscipe, Dómine, propitiátus hóstias,  
quibus et te placári voluísti,  
et nobis salútem poténti pietáte restítui.  
Per Christum.

Ant. ad communionem Ez 33, 11

**Vivo ego, dicit Dóminus; nolo mortem peccatóris,  
sed magis ut convertátur et vivat.**

Post communionem

**Tui nos, Dómine, sacraménti reféctio sancta restáuret,  
et, a vetustáte purgátos,**

**in mystérii salutáris fáciat transíre consórtium.**

**Per Christum.**

## Sabbato

Ant. ad introitum Ps 18, 8

**Lex Dómini irreprehensibilis, convértens ánimas;  
testimónium Dómini fidéle, sapiéntiam præstans párvulis.**

Collecta

**Ad te corda nostra, Pater ætérne, convérte,  
ut nos, unum necessárium semper quæréntes  
et ópera caritátis exercéntes,  
tuo cúltui præstes esse dicátos.**

**Per Dóminum.**

Lectio prior

*Ut sis populus sanctus Domini Dei tui.*

Léctio libri Deuteronomii 26, 16-19

**Locútus est Móyses pópulo dicens:**

**« Hódie Dóminus Deus tuus præcépit tibi, ut fá-  
cias mandáta hæc atque iudícia, et custódiás et ímpleas  
ex toto corde tuo et ex tota ánima tua.**

**Dóminum elegísti hódie, ut sit tibi Deus, et ám-  
bules in viis eius, et custódiás cæremónias illius et man-  
dáta atque iudícia, et obédiás eius império.**

**Et Dóminus elégit te hódie, ut sis ei pópulus pecu-**

liáris, sicut locútus est tibi, et custódias ómnia præcépta illíus; et fáciat te excelsiorem cunctis géntibus quas creávit in laudem et nomen et glóriam suam, ut sis pó-pulus sanctus Dómini Dei tui, sicut locútus est ».

Verbum Dómini.

**Psalmus responsorius** Ps 118, 1-2. 4-5. 7-8 (R.: cf. 1)

R. Beáti qui ámbulant in lege Dómini.

- 1 Beáti immaculáti in via,  
qui ámbulant in lege Dómini.
- 2 Beáti qui servant testimónia eius,  
in toto corde exquírun eum. R.
- 4 Tu mandásti mandáta tua custodíri nimis.
- 5 Utinam dirigántur viæ meæ  
ad custodiéndas iustificatiónes tuas. R.
- 7 Confitébor tibi in directiône cordis,  
in eo quod didíci iudícia iustítiæ tuæ.
- 8 Iustificatiónes tuas custódiam,  
non me derelínquas usquequáque. R.

**Versus ante Evangelium**

2 Cor 6, 2 b

Ecce nunc tempus acceptábile,  
ecce nunc dies salútis.

**Evangelium**

*Estote perfecti sicut Pater vester cælestis.*

✠ Lécio sancti Evangélli secúndum Matthæum

5, 43-48

In illo témpore: Dixit Iesus discíplis suis:

« Audístis quia dictum est: “ Díliges próximum tuum ”, et ódio habébis inimícum tuum.

**Ego autem dico vobis: Diligite inimicos vestros et orate pro persecúentibus vos, ut sitis filii Patris vestri qui in cælis est, quia solem suum oriri facit super malos et bonos et pluit super iustos et iniustos.**

**Si enim dilexeritis eos qui vos diligunt, quam mercedem habetis? Nonne et publicani hoc faciunt? Et si salutaveritis fratres vestros tantum, quid amplius facitis? Nonne et ethnici hoc faciunt?**

**Estote ergo vos perfecti, sicut et Pater vester cælestis perfectus est ».** — Verbum Domini.

**Super oblata**

**Hæc quæ nos réparent, quæsumus, Dómine, beata mystéria suo nos múnere dignos efficiant.**

**Per Christum.**

Præfatio de Quadragesima, pp. 625-628.

**Ant. ad communionem**

**Mt 5, 48**

**Estote perfecti, sicut et Pater vester cælestis perfectus est, dicit Dóminus.**

**Post communionem**

**Perpétuo, Dómine, favóre proséquere, quos réficias divíno mystério, et, quos imbuisti cælestibus institútis, salutáribus comítare soláciis.**

**Per Christum.**

## DOMINICA II IN QUADRAGESIMA

Ant. ad introitum

Ps 26, 8-9

Tibi dixit cor meum, quæsi vultum tuum,  
vultum tuum, Dómine, requíram.  
Ne avértas fáciem tuam a me.

Vel:

Ps 24, 6. 3. 22

Reminiscere miseratiónum tuárum, Dómine,  
et misericórdiæ tuæ, quæ a sæculo sunt.  
Ne umquam dominéntur nobis inimíci nostri;  
libera nos, Deus Israel, ex ómnibus angústis nostris.

Collecta

Deus, qui nobis diléctum Fílium tuum audíre præcepísti,  
verbo tuo intérius nos páscere dignéris,  
ut, spiritali purificáto intúitu,  
glóriæ tuæ lætémur aspéctu.  
Per Dóminum.

---

Anno A

Lectio prima

*Vocatio Abraham, patris populi Dei.*

Lectio libri Génesis

12, 1-4 a

In diébus illis:

Dixit Dóminus ad Abram:

« Egrédere de terra tua et de cognatióne tua et de domo patris tui, et veni in terram quam monstrábo tibi. Faciámque te in gentem magnam, et benedicám tibi, et magnificábo nomen tuum, erisque benedíctus. Benedicám

benedicéntibus tibi, et maledícam maledicéntibus tibi, atque in te benedicéntur univérsæ cognatiónes terræ ».

Egréssus est itaque Abram, sicut præcéperat ei Dóminus. — Verbum Dómini.

### Psalmus responsorius

Ps 32, 4-5. 18-19. 20 et 22 (R.: 22)

R. Fiat misericórdia tua, Dómine, super nos, quemádmódum sperávimus in te.

4 Quia rectum est verbum Dómini, et ómnia ópera eius in fide.

5 Díligit iustítiam et iudícium, misericórdia Dómini plena est terra. R.

18 Ecce óculi Dómini super metuéntes eum, in eos qui sperant super misericórdia eius,

19 ut éruat a morte ánimas eórum, et alat eos in fame. R.

20 Anima nostra sústinet Dóminum, quóniam adiútor et protéctor noster est.

22 Fiat misericórdia tua, Dómine, super nos, quemádmódum sperávimus in te. R.

### Lectio secunda

*Deus nos vocat et illuminat.*

Lectio Epístolæ secúndæ beáti Pauli apóstoli ad Timótheum

1, 8 b-10

Caríssime:

Collabóra Evangélio secúndum virtútem Dei, qui nos salvos fecit et vocávit vocatióne sancta, non secúndum ópera nostra sed secúndum propósitum suum et grá-



tiam, quæ data est nobis in Christo Iesu ante tēpora sæculária, manifestáta autem nunc per illustratióem Salvatoris nostri Iesu Christi, qui destrúxit quidem mortem, illuminávit autem vitam et incorruptiόem per Evagélium. — Verbum Dómini.

Versus ante Evangelium

Cf. Mt 17, 5

In splendēti nube, patrēna vox audíta est:

« Hic est Fílius meus diléctus: ipsum audíte ».

Evangelium

*Resplenduit facies eius sicut sol.*

✠ Lécio sancti Evagélii secúndum Matthæum

17, 1-9

In illo tēpore:

Assúmit Iesus Petrum et Iacóbum et Ioánnem fratrem eius, et ducit illos in montem excélsam scórsum. Et transfigurátus est ante eos, et resplénduit fácies eius sicut sol, vestimēta autem eius facta sunt alba sicut lux. Et ecce apparuit illis Móyses et Elías cum eo loquētes.

Respóndens autem Petrus dixit ad Iesum: « Dómine, bonum est nos hic esse: si vis, fáciam hic tria tabernácula, tibi unum et Móysi unum et Elíæ unum ».

Adhuc eo loquēte, ecce nubes lúcida obumbrávit eos, et ecce vox de nube dicens: « Hic est Fílius meus diléctus, in quo mihi bene complácu: ipsum audíte ». Et audiētes discipuli cecidérunt in fáciem suam et timuérunt valde.

Et accéssit Iesus et tétigit eos dixítque eis: « Súr-gite et nolíte timére ». Levántes autem óculos suos, néminem vidérunt nisi solum Iesum.

Et descendéntibus illis de monte, præcépít eis Iesus dicens: « Némini dixéritis visiónem, donec Fílius hóminis a mórtuis resúrgat ». — Verbum Dómini.

## Anno B

### Lectio prima

*Sacrificium Patriarchæ nostri Abrahamæ*

Léctio libri Génesis 22, 1-2. 9 a. 10-13. 15-18

In diébus illis:

Tentávit Deus Abraham et dixit ad eum: « Abraham, Abraham ».

At ille respóndit: « Adsum ».

Ait illi: « Tolle fílium tuum unigénitum, quem díligis, Isaac, et vade in terram visiónis, atque ibi ófferes eum in holocáustum super unum móntium, quem monstrávero tibi ».

Et venérunt ad locum, quem osténderat ei Deus, in quo ædificávit altáre, et désuper ligna compósuit. Cumque alligáset Isaac fílium suum, pósuit eum in altáre super struem lignórum, extendítque manum et arrípuit gládium, ut immoláret fílium suum.

Et ecce Angelus Dómini de cælo clamávit dicens: « Abraham, Abraham ».

Qui respóndit: « Adsum ».

Dixítque ei: « Non exténdas manum tuam super púerum, neque fácias illi quidquam; nunc cognóvi quod times Deum, et non pepercísti unigénito fílio tuo propter me ». Levávit Abraham óculos suos, vidítque post tergum arietem inter vepres hæréntem córnibus, quem assúmens óbtulit holocáustum pro fílio.

Vocávit autem Angelus Dómini Abraham secúndo de cælo dicens: « Per memetípsum iurávi, dicit Dómi-

nus: quia fecisti hanc rem et non pepercisti filio tuo unigénito propter me, benedicam tibi et multiplicábo semen tuum sicut stellas cæli et velut arénam, quæ est in lítore maris; possidébit semen tuum portas inimicórum suórum, et benedicéntur in sémine tuo omnes gentes terræ, quia obcædisti voci meæ ».

Verbum Dómini.

### Psalmus responsorius

Ps 115, 10 et 15. 16-17. 18-19 (R.: Ps 114, 9)

R. Ambulábo coram Dómino, in regióne vivórum.

10 Crédidi, étiam cum locútus sum:

« Ego humiliátus sum nimis ».

15 Pretiósá in conspéctu Dómini  
mors sanctórum eius. R.

16 O Dómine, ego servus tuus,  
ego servus tuus et filius ancillæ tuæ.  
Dirupísti víncula mea:

17 tibi sacrificábo hóstiam laudis,  
et nomen Dómini invocábo. R.

18 Vota mea Dómino reddam  
coram omni pópulo eius,

19 in átriis domus Dómini,  
in médio tui, Ierúsalem. R.

### Lectio secunda

*Deus Filio suo non pepercit.*

Léctio Epístolæ beáti Pauli apóstoli ad Romános

8, 31 b-34

Fratres:

Si Deus pro nobis, quis contra nos? Qui Fílio suo non pepercit, sed pro nobis ómnibus trádidit illum,

quómodo non étiam cum illo ómnia nobis donábit? Quis accusábit advérsus eléctos Dei? Deus qui iustificat; quis est qui condémnet? Christus Iesus qui mórtuus est, immo qui suscitátus est, qui et est ad dextéram Dei, qui étiam interpéllat pro nobis.

Verbum Dómini.

Versus ante Evangelium

Cf. Mt 17, 5

In splendénti nube, patérna vox audíta est:  
« Hic est Fílius meus diléctus: ipsum audíte ».

### Evangelium

*Hic est Filius meus dilectus.*

✠ Lécio sancti Evangéllii secúndum Marcum 9, 2-10

In illo témpore:

Assúmit Iesus Petrum et Iacóbum et Ioánnem, et ducit illos in montem excélsu scórsum solos. Et transfigurátus est coram ipsis, et vestiménta eius facta sunt splendéntia, cándida nimis, quália fullo super terram non potest tam cándida fácere. Et appáruit illis Elías cum Móyse, et erant loquéntes cum Iesu.

Et respóndens Petrus ait Iesu: « Rabbi, bonum est nos hic esse et faciámus tria tabernácula, tibi unum et Móysi unum et Eliæ unum ». Non enim sciébat quid respondéret, erant enim extérriti.

Et facta est nubes obúmbrans eos, et venit vox de nube: « Hic est Fílius meus diléctus: audíte illum ». Et statim circumspeciéntes néminem ámplius vidérunt nisi Iesum tantum secum.

Et descendéntibus illis de monte, præcépit illis ne cui quæ vidissent narrárent, nisi cum Fílius hóminis a

mórtuis resurréxerit. Et verbum continuérunt apud se, conquirentes quid esset illud « a mórtuis resúrgere ». Verbum Dómini.

## Anno C

### Lectio prima

*Deus cum Abraham fidei fœdus init.*

Lectio libri Génesis

15, 5-12. 17-18

In diébus illis:

Edúxit Deus Abram foras et ait illi: « Súspice cœlum et númera stellas, si potes ». Et dixit ei: « Sic erit semen tuum ». Crédidit Abram Deo, et reputátum est illi ad iustítiam.

Dixitque ad eum: « Ego Dóminus, qui edúxi te de Ur Chaldæórum, ut darem tibi terram istam, et possidéres eam ».

At ille ait: « Dómine Deus, unde scire possum, quod possessúrus sim eam? »

Et respóndens Dóminus: « Sume, inquit, mihi vaccam triénnem et capram trimam et arietem annórum trium, túrturem quoque et colúmbam ».

Qui tollens univérsa hæc divisit ea per médium, et utrasque partes contra se altrínsecus pósuit, aves autem non divisit. Descenderúntque volúcrés super cadáverá, et abigébat eas Abram. Cumque sol occúmberet, sopor irrúit super Abram, et horror magnus et tenebrósus invásit eum.

Cum ergo occubuisset sol, facta est caligo tenebrósa et apparuit clíbanus fumans et lampas ignis tránsiens inter divisiónes illas. In illo die pépigit Dóminus fœdus cum Abram dicens: « Sémini tuo dabo terram hanc a flúvio Ægýpti usque ad flúvium magnum Euphráten ». — Verbum Dómini.

Psalmus responsorius

Ps 26, 1. 7-8. 9 abc. 13-14 (R.: 1 a)

R. Dóminus illuminátio mea et salus mea.

- <sup>1</sup> Dóminus illuminátio mea et salus mea, quem timébo?  
Dóminus protéctor vitæ meæ, a quo trepidábo? R.
- <sup>7</sup> Exáudi, Dómine, vocem meam qua clamávi,  
miserére mei et exáudi me.
- <sup>8</sup> De te dixit cor meum: « Exquírite fáciem eius »,  
fáciem tuam, Dómine, requíram. R.
- <sup>9</sup> Ne avértas fáciem tuam a me,  
ne declínes in ira a servo tuo.  
Adiútor meus es tu, ne me reicias. R.
- <sup>13</sup> Credo vidére bona Dómini in terra vivéntium.
- <sup>14</sup> Exspécta Dóminum, viríliter age,  
et confortétur cor tuum, et sústine Dóminum. R.

Lectio secunda \*

*Christus conformabit nos corpori gloriæ suæ.*

Lectio Epístolæ beáti Pauli apóstoli ad Philippénes

3, 17 — 4, 1

Coimitatóres mei estóte, fratres, et observáte eos qui ita ámbulant sicut habétis formam nos. Multi enim ámbulant quos sæpe dicébam vobis, nunc autem et flens dico, inimícos crucis Christi, quorum finis intéritus, quorum deus venter et glória in confusióne ipsórum, qui terréna sápiunt.

Noster enim municipátus in cælis est, unde étiam Salvatórem exspectámus Dóminum Iesum Christum, qui transfigurábit corpus humilitátis nostræ confórme fieri

córpore glóriæ suæ secúndum operatióem qua possit étiam subícere sibi ómnia.

Itaque, fratres mei caríssimi et desideratíssimi, gáudium et coróna mea, sic state in Dómino, caríssimi.  
Verbum Dómini.

---

vel brevior

Léctio Epístolæ beáti Pauli apóstoli ad Philippénes

3, 20 — 4, 1

Fratres:

Noster municipátus in cælis est, unde étiam Salvatórem exspectámus Dóminum Iesum Christum, qui transfigurábit corpus humilitátis nostræ confórme fieri córpore glóriæ suæ secúndum operatióem qua possit étiam subícere sibi ómnia.

Itaque, fratres mei caríssimi et desideratíssimi, gáudium et coróna mea, sic state in Dómino, caríssimi.  
Verbum Dómini.

---

Versus ante Evangelium

Cf. Mt 17, 5

In splendénti nube, patérna vox audíta est:  
« Hic est Fílius meus diléctus: ipsum audíte ».

Evangelium

*Facta est, dum oraret, species vultus eius altera.*

✠ Léctio sancti Evangélii secúndum Lucam

9, 28 b-36

In illo témpore:

Assúmpsit Iesus Petrum et Ioánnem et Iacóbum, et ascéndit in montem ut oráret. Et facta est, dum oráret, spécies vultus eius áltera, et vestítus eius al-

bus refúlgens. Et ecce duo viri loquebántur cum illo et erant Móyses et Elías, qui visi in glória dicébant éxodum eius, quem completúrus erat in Ierúsalem. Petrus vero et qui cum illo graváti erant somno; et evigilántes vidérunt glóriam eius et duos viros qui stabant cum illo.

Et factum est cum discéderent ab illo ait Petrus ad Iesum: « Præcéptor, bonum est nos hic esse et faciámus tria tabernácula, unum tibi et unum Móysi et unum Elíæ », nésciens quid diceret. Hæc autem illo loquente, facta est nubes et obumbrávit eos; et timuérunt intrántibus illis in nubem.

Et vox facta est de nube dicens: « Hic est Fílius meus eléctus, ipsum audíte ». Et dum fieret vox, invéntus est Iesus solus.

Et ipsi tacuérunt et némini dixerunt in illis diébus quidquam ex his quæ víderant. — Verbum Dómini.

---

Dicitur Credo.

### Super oblata

Hæc hóstia, Dómine, quæsumus, emúndet nostra delícta, et ad celebránda festa paschália fidélium tuórum córpora mentésque sanctíficet. Per Christum.

### Præfatio: De transfiguratione Domini.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.



Vere dignum et iustum est, sequum et salutáre,  
nos tibi semper et ubique grátias ágere:

Dómine, sancte Pater, omnipotens ætérne Deus:  
per Christum Dóminum nostrum.

Qui, própria morte prænuntiáta discipulis,  
in monte sancto suam eis apéruit claritátem,  
ut per passiónem,

étiam lege prophetísque testántibus,  
ad glóriam resurrectionis perveníri constáret.

Et ideo cum cælórum Virtútibus  
in terris te iúgiter celebrámus,  
maiestáti tuæ sine fine clamántes:

**Sanctus, Sanctus, Sanctus Dóminus Deus Sábaoth ...**

Ant. ad communionem

Mt 17, 5

Hic est Fílius meus diléctus,  
in quo mihi bene complácuí: ipsum audíte.

Post communionem

Percipiéntes, Dómine, gloriósa mystéria,  
grátias tibi reférre satágimus,

quod, in terra pósitos,  
iam cæléstium præstas esse partícipes.

Per Christum.

### Feria secunda

Ant. ad introitum

Ps 25, 11-12

Rédime me, Dómine, et miserére mei.  
Pes enim meus stetit in via recta,  
in ecclésiis benedícam Dóminum.

## Collecta

Deus, qui ob animárum medélam  
castigáre córpora præcepísti,  
concede, ut ab ómnibus possimus abstinére peccátis,  
et corda nostra  
pietátis tuæ váleant exercére mandáta.  
Per Dóminum.

## Lectio prior

*Peccavimus, iniquitatem fecimus.*

## Léctio libri Daniélis prophétæ

9, 4 b-10

Obsecro, Dómine, Deus magne et terríbilis, custódiens pactum et misericórdiam diligéntibus te et custodiéntibus mandáta tua.

Peccávimus, iniquitátem fécimus, impie égimus, et recéssimus et declinávimus a mandátis tuis ac iudíciis; non obcédívimus servis tuis prophétis, qui locúti sunt in nómine tuo régibus nostris, princípibus nostris, pátribus nostris omníque pópulo terræ.

Tibi, Dómine, iustítia; nobis autem confúsió faciéi, sicut est hódie viro Iuda et habitatóribus Ierúsalem et omni Israel, his qui prope sunt, et his qui procul in univérsis terris, ad quas eiecísti eos propter iniquitátes eórum, in quibus peccavérunt in te.

Dómine, nobis confúsió faciéi, régibus nostris, princípibus nostris et pátribus nostris, qui peccavérunt. Tibi autem, Dómino Deo nostro, misericórdia et propitiátio, quia recéssimus a te, et non audívimus vocem Dómini Dei nostri, ut ambularémus in lege eius, quam pósuit nobis per servos suos prophétas.

Verbum Dómini.

## Psalmus responsorius

Ps 78, 8. 9. 11. 13 (R.: Ps 102, 10 a)

R. Dómine, non secúndum peccáta nostra fac nobis.

- 8 Ne memíneris iniquitátum patrum nostrórum,  
cito anticipent nos misericórdiæ tuæ,  
quia páuperes facti sumus nimis. R.
- 9 Adiuva nos, Deus salutáris noster,  
propter glóriam nóminis tui, et libera nos;  
et propítius esto peccátis nostris propter nomen tuum. R.
- 11 Intróeat in conspéctu tuo gémitus compeditórum;  
secúndum magnitúdinem bráccii tui  
superstites relínque filios mortis. R.
- 13 Nos autem, pópulus tuus et oves pásuæ tuæ,  
confitébimur tibi in sáculum;  
in generatióem et generatióem  
annuntiábimus laudem tuam. R.

## Versus ante Evangelium

Io 6, 64 b. 69 b

Verba tua, Dómine, spíritus et víta sunt;  
verba vitæ æternæ habes.

## Evangelium

*Dimittite, et dimittemini.*

✠ Lécio sancti Evangélii secúndum Lucam 6, 36-38

In illo témpore: Dixit Iesus discipulis suis:

« Estóte misericórdes, sicut et Pater vester miséricors est. Et nolíte iudicáre, et non iudicabímmini; et nolíte condemnáre, et non condemnabímmini. Dimittite, et dimittemini; date, et dábitur vobis: mensúram bonam, confértam, coagítam, supereffluéntem dabunt in

sinum vestrum; eádem quippe mensúra qua mensi fué-  
ritis, remetiétur vobis ». — Verbum Dómini.

### Super oblata

Preces nostras, Dómine, propitiátus admítte,  
et a terrénis éffice illécebris liberátos,  
quos cæléstibus tríbuis servíre mystériis.  
Per Christum.

Præfatio de Quadragesima, pp. 625-628.

### Ant. ad communionem

Lc 6, 36

Estóte misericórdes sicut et Pater vester misericors est,  
dicit Dóminus.

### Post communionem

Hæc nos commúnio, Dómine, purget a crimine,  
et cæléstis gáudii fáciat esse consórtes.  
Per Christum.

## Feria tertia

### Ant. ad introitum

Ps 12, 4-5

Illúmina óculos meos,  
ne umquam obdórmiam in morte,  
nequándo dicat inimícus meus:  
Præválui advérsus eum.

### Collecta

Custódi, Dómine, quæsumus,  
Ecclésiám tuam propitiatióne perpétua,  
et quia sine te lábitur humana mortálitás,  
tuis semper auxiliis et abstrahátur a nóxiis,  
et ad salutária dirigátur.  
Per Dóminum.

## Lectio prior

*Discite benefacere, quærite iudicium.*

Lectio libri Isaïæ prophætæ

1, 10. 16-20

Audíte verbum Dómini, príncipes Sodomórum; percípíte áuribus legem Dei nostri, pópulus Gomórrhæ:

« Lavámini, mundi estóte, auférte malum cogitatónum vestrárum ab óculis meis; quiéscite ágere pervérsæ, discite benefácere: quærite iudicium, subveníte opprésso, iudicáte pupílo, deféndite víduam.

Et veníte et argúite me, dicit Dóminus. Si fúerint peccáta vestra ut cóccinum, quasi nix dealbabúntur; et, si fúerint rubra quasi vermículus, velut lana alba erunt.

Si voluéritis et audíeritis me, bona terræ comedétis; quod, si noluéritis, et me ad iracúndiam provocavéritis, gládius devorábit vos: quia os Dómini locútum est ». — Verbum Dómini.

## Psalmus responsorius

Ps 49, 8-9. 16 bc-17. 21 et 23 (R.: 23 b)

R. Qui immaculátus est in via, osténdam illi salutáre Dei.

8 « Non in sacrificiis tuis árguam te; holocáusta enim tua in conspéctu meo sunt semper.

9 Non accípiam de domo tua vítulos, neque de grégibus tuis hircos. R.

16 Quare tu enárras præcépta mea, et assúmís testaméntum meum in os tuum?

17 Tu vero odísti disciplínam, et proiecísti sermónes meos retrórsum. R.

21 Hæc fecísti, et tácuí. existimásti quod eram tui símilis.

Qui immolábit sacrificium laudis, honorificábit me,  
et qui immaculátus est in via,  
osténdam illi salutáre Dei ». R.

Versus ante Evangelium

Ez 18, 31

Proícite a vobis omnes prævaricatiónes vestras,  
dicit Dóminus,  
et fácite vobis cor novum et spíritum novum.

Evangelium

*Dicunt et non faciunt.*

✠ Lécio sancti Evangélii secúndum Mattháeum

23, 1-12

In illo témpore:

Locútus est Iesus ad turbas et ad discipulos suos  
dicens:

« Super cáthedram Móysis sedérunt scribæ et Pharisæi. Omnia ergo quæcúmque dixerint vobis, fácite et serváte, secúndum ópera vero eórum nolíte fácere: dicunt enim et non faciunt. Alligant enim ónera grávia et importabilia et impónunt in úmeros hóminum, ipsi autem dígito suo nolunt ea movére.

Omnia vero ópera sua faciunt ut videántur ab homínibus: dilátant enim phylactéria sua et magnificant fimbrias, amant autem primum recúbitum in cenis et primas cáthedras in synagógis et salutatiónes in foro et vocári ab homínibus " Rabbi ".

Vos autem nolíte vocári " Rabbi ", unus enim est Magíster vester, omnes autem vos fratres estis. Et " patrem " nolíte vocáre vobis super terram, unus est enim Pater vester, cæléstis. Nec vocémini " magístri ", quia Magíster vester unus est, Christus.

**Qui maior est vestrum, erit minister vester. Qui autem se exaltáverit humiliábitur, et qui se humiliáverit exaltábitur ».**

**Verbum Dómini.**

**Super oblata**

**Sanctificatióem tuam nobis, Dómine,  
his mystériis operáre placátus,  
quæ nos et a vítiis terrénis emúndet,  
et ad cæléstia dona perdúcat.  
Per Christum.**

Præfatio de Quadragesima, pp. 625-628.

**Ant. ad communionem**

**Ps 9, 2-3**

**Narrábo ómnia mirabília tua.  
Lætábor, et exultábo in te,  
psallam nómini tuo, Altíssime.**

**Post communionem**

**Sacræ, nobis, quæsumus, Dómine, mensæ reféctio,  
et piæ conversatióis augméntum,  
et tuæ propitiatióis  
contínuum præstet auxiliúm.  
Per Christum.**

### **Feria quarta**

**Ant. ad introitum**

**Ps 37, 22-23**

**Ne derelínquas me, Dómine Deus meus,  
ne discédas a me;  
inténde in adiutórium meum, Dómine,  
virtus salútis meæ.**

## Collecta

Consérva, Dómine, familiam tuam  
bonis semper opéribus eruditam,  
et sic præséntibus consoláre præsídiis,  
ut propítius ad supérna dona perdúcas.  
Per Dóminum.

## Lectio prior

*Venite, et percutiamus eum.*

Léctio libri Ieremiæ prophétæ

18, 18-20

Dixerunt: « Veníte, et cogitémus contra Ieremiám cogitationés; non enim períbit lex a sacerdote, neque consílium a sapiénte, nec sermo a prophéta. Veníte, et percutiámus eum lingua, et non attendámus ad univérsos sermónes eius ».

Atténde, Dómine, ad me et audi vocem adversariórum. Numquid rédditur pro bono malum, quia fodérunt fóveam ánimæ meæ? Recordáre quod stéterim in conspéctu tuo, ut lóquerer pro eis bonum, et avérterem indignatiónem tuam ab eis. — Verbum Dómini.

Psalmus responsorius Ps 30, 5-6. 14. 15-16 (R.: 17 b)

R. Salvum me fac, Dómine, in misericórdia tua.

<sup>5</sup> Edúces me de láqueo quem abscondérunt mihi,  
quóniam tu es fortitúdo mea.

<sup>6</sup> In manus tuas comméndo spíritum meum;  
redemísti me, Dómine, Deus veritátis. R.

<sup>14</sup> Quóniam audívi vituperatiónem multórum:  
horror in circúitu;  
in eo dum convenirent simul advérsus me,  
auférre ánimam meam consiliáti sunt. R.



<sup>15</sup> Ego autem in te sperávi, Dómine;  
dixi: « Deus meus es tu,  
<sup>16</sup> in mánibus tuis sortes meæ ».   
Eripe me de manu inimicórum meórum  
et a persecúntibus me. ✠.

Versus ante Evangelium

Io 8, 12 b

Ego sum lux mundi, dicit Dóminus;  
qui séquitur me habébit lumen vitæ.

### Evangelium

*Condemnabunt eum morte.*

✠ Lécio sancti Evangélii secúndum Matthæum

20, 17-28

In illo témpore:

Ascéndens Iesus Hierosólymam assúmpsit Duódecim discípulos secréto et ait illis in via: « Ecce ascéndimus Hierosólymam, et Fílius hóminis tradétur princípibus sacerdotum et scribis, et condemnábunt eum morte, et tradent eum géntibus ad illudéndum et flagellándum et crucifigéndum, et tértia die resúrget ».

Tunc accessit ad eum mater filiórum Zebedæi cum filiis suis, adórans et petens áliquid ab eo.

Qui dixit ei: « Quid vis? »

Ait illi: « Dic ut sédeant hi duo fílii mei unus ad dexteram tuam et unus ad sinístram in Regno tuo ».

Respóndens autem Iesus dixit: « Nescítis quid petátis; potéstis bíbere cálicem quem ego bibitúrus sum? »

Dicunt ei: « Póssumus ».

Ait illis: « Cálicem quidem meum bibétis, sedére autem ad dexteram meam et sinístram non est meum dare illud, sed quibus parátum est a Patre meo ».

Et audiéntes decem indignáti sunt de duóbus frátribus. Iesus autem vocávit eos ad se et ait: « Scitis quia príncipes géntium dominántur eórum et qui magni sunt potestátem exércent in eos. Non ita erit inter vos: sed quicúmque volúerit inter vos magnus fieri erit vester mínister, et quicúmque volúerit inter vos primus esse erit vester servus; sicut Fílius hóminis non venit ministrári sed ministráre et dare ánimam suam redemptiónem pro multis ». — Verbum Dómini.

Super oblata

Hóstias, Dómine, quas tibi offérimus, propítius intuére et, per hæc sancta commércia, víncula peccatórum nostrórum absólve.  
Per Christum.

Præfatio de Quadragesima, pp. 625-628.

Ant. ad communionem

Mt 20, 28

Fílius hóminis non venit ministrári sed ministráre, et dare ánimam suam redemptiónem pro multis.

Post communionem

Quæsumus, Dómine Deus noster, ut, quod nobis ad immortalitátis pignus esse voluísti, ad salútis æternæ tríbus proveníre suffrágium.  
Per Christum.

## Feria quinta

Ant. ad introitum

Ps 138, 23-24

Proba me, Deus, et cognósce sémitas meas;  
vide si via iniquitátis in me est,  
et deduc me in via æterna.

## Collecta

Deus, innocéntiæ restitutor et amátor,  
 dirige ad te tuórum corda servórum,  
 ut, Spíritus tui fervóre concépto,  
 et in fide inveniántur stábiles,  
 et in ópere efficáces.  
 Per Dóminum.

## Lectio prior

*Maledictus qui confidit in homine;  
 benedictus qui confidit in Domino.*

## Léctio libri Ieremiæ prophétæ

17, 5-10

## Hæc dicit Dóminus:

« Maledíctus homo qui confidit in hómine, et ponit carnem bráccium suum, et a Dómino recedit cor eius. Erit enim quasi myricæ in desérto, et non vidébit cum vénerit bonum; sed habitábit in siccitáte in desérto, in terra salsúginis et inhabitábili.

Benedíctus vir qui confidit in Dómino, et erit Dóminus fidúcia eius. Et erit quasi lignum quod transplantátur super aquas, quod ad humórem mittit radíces suas, et non timébit cum vénerit æstus: et erit fólium eius víride, et in témpore siccitátis non erit sollícitum, nec aliquándo désinet fácere fructum.

Pravum est cor ómnium et inscrutábile, quis cognóscet illud? Ego Dóminus scrutans cor et probans renes; qui do unicuíque iuxta viam suam et iuxta fructum adinventiónum suárum ».

Verbum Dómini.

## Psalmus responsorius

Ps 1, 1-2. 3. 4 et 6 (R.: Ps 39, 5 a)

R. Beátus vir qui p̄suit D̄ominum spem suam.

1 Beátus vir qui non ábiit in consilio impiórum,  
 et in via peccatórum non stetit,  
 et in convéntu derisórum non sedit;  
 2 sed in lege D̄omini volúntas eius,  
 et in lege eius meditátur die ac nocte. R.

3 Et erit tamquam lignum  
 plantátum secus decúrsus aquárum,  
 quod fructum suum dabit in témpore suo;  
 et fólium eius non défluet,  
 et ómnia quæcúmque fáciat prosperabúntur. R.

4 Non sic ímpii, non sic,  
 sed tamquam pulvis quem próicit ventus.  
 6 Quóniam novit D̄ominus viam iustórum,  
 et iter impiórum períbit. R.

## Versus ante Evangelium

Cf. Lc 8, 15

Beáti qui in corde bono et óptimo verbum Dei rétinent,  
 et fructum áfferunt in paciéntia.

## Evangelium

*Recepisti bona, et Lazarus mala;  
 nunc hic consolatur, tu vero cruciaris.*

✠ Lécio sancti Evangéllii secúndum Lucam 16, 19-31

In illo témpore: Dixit Iesus Pharisáeis:

« Homo quidam erat dives, et induebátur púrpora  
 et bysso et epulabátur cotidie spléndide. Quidam autem  
 pauper nómine Lázarus iacébat ad iánuam eius ulcé-  
 ribus plenus et cúpiens saturári de his quæ cadébant

de mensa dīvitis; sed et canes veniēbant et lingēbant ūlcera eius.

Factum est autem ut morerētur pauper et portaretur ab ángelis in sinum Abrahæ; mórtuus est autem et dives et sepúltus est.

Et in inférno élevans óculos suos cum esset in tormentis, vidēbat Abraham a longe et Lázarus in sinu eius. Et ipse clamans dixit: " Pater Abraham, miserere mei et mitte Lázarus ut intíngat extrémum dígiti sui in aquam ut refrígeret linguam meam, quia crúcius in hac flamma ".

At dixit Abraham: " Fíli, recordáre quia recepísti bona tua in vita tua, et Lázarus simíliter mala; nunc autem hic consolátur, tu vero cruciáris. Et in his ómnibus inter nos et vos chaos magnum firmátum est, ut hi qui volunt hinc transíre ad vos non possint, neque inde ad nos transmeáre ".

Et ait: " Rogo ergo te, Pater, ut mittas eum in domum patris mei — hábeo enim quinque fratres — ut testétur illis, ne et ipsi véniant in locum hunc tormentórum ". Ait autem Abraham: " Habent Móyssem et Prophétas: áudiant illos ". At ille dixit: " Non, pater Abraham, sed si quis ex mórtuis íerit ad eos, pæniténtiam agent ". Ait autem illi: " Si Móyssem et Prophétas non áaudiunt, neque si quis ex mórtuis resurréxerit credent " ». — Verbum Dómini.

Super oblata

Præsénti sacrificio, quæsumus, Dómine, observántiam nostram sanctífica, ut, quod quadragesimális exercitatio profitétur extérius, intérius operétur efféctu.

Per Christum.

Præfatio de Quadragesima, pp. 625-628.

Ant. ad communionem

Ps 118, 1

Beáti immaculáti in via,  
qui ámbulant in lege Dómini.

Post communionem

Hæc in nobis sacrificia, Deus,  
et actióne permáneant,  
et operatióne firméntur.  
Per Christum.

## Feria sexta

Ant. ad introitum

Ps 30, 2. 5

In te, Dómine, sperávi, non confúndar in ætérnum;  
edúces me de láqueo quem abscondérunt mihi,  
quóniam tu es protéctor meus.

Collecta

Da, quæsumus, omnipotens Deus,  
ut, sacro nos purificánte pæniténtiæ stúdio,  
sincéris méntibus ad sancta ventúra  
fácias pervenire.  
Per Dóminum.

Lectio prior

*Ecce somniator venit: venite, occidamus eum.*

Lectio libri Génesis

37, 3-4. 12-13 a. 17 b-28

Israel diligébat Ioseph super omnes filios suos, eo  
quod in senectúte genuisset eum; fecítque ei túnica  
polymítam. Vidéntes autem fratres eius quod a patre

plus cunctis filiis amarétur, óderant eum, nec póterant ei quidquam pacífice loqui.

Cumque fratres illius in pascéndis grégibus patris moraréntur in Sichem, dixit ad eum Israel: « Fratres tui pascunt oves in Síchimis; veni, mittam te ad eos ». Perréxit ergo Ioseph post fratres suos, et invénit eos in Dóthain.

Qui, cum vidissent eum procul, ántequam accéderet ad eos, cogitavérunt illum occidere. Et mútuo loquebántur: « Ecce somniátor venit: veníte, occidámus eum, et mittámus in cistérnam véterem, dicémusque: " Fera péssima devorávit eum ", et tunc apparébit quid illi prosint sómnia sua ».

Audiens autem hoc Ruben nitebátur liberáre eum de mánibus eórum et dicébat: « Non interficiátis ánimam eius nec effundátis sánguinem; sed proícite eum in cistérnam hanc, quæ est in solitúdine, manusque vestras serváte innóxias ». Hoc autem dicébat, volens eripere eum de mánibus eórum et réddere patri suo.

Conféstim igitur ut pervénit ad fratres suos, nudavérunt eum túnica talári et polymíta, miserúntque eum in cistérnam véterem quæ non habébat aquam.

Et sedéntes ut coméderent panem vidérunt Ismaelítas viatóres veníre de Gálaad, et camélos eórum portántes arómata et resínam et stacten in Ægýptum. Dixit ergo Iudas frátribus suis: « Quid nobis prodest si occidérimus fratrem nostrum, et celavérimus sánguinem ipsíus? Mélius est ut venumdétur Ismaelítis, et manus nostræ non polluéntur; frater enim et caro nostra est ». Acquievérunt fratres sermónibus illius.

Et prætereúntibus Madianítis negotiátoribus, extrahéntes eum de cistérna vendidérunt eum Ismaelítis vigínti argénteis, qui duxérunt eum in Ægýptum.

Verbum Dómini.

## Psalmus responsorius

Ps 104, 16-17. 18-19. 20-21 (R.: 5 a)

R. Mementóte mirabílium quæ fecit Dóminus.

- 16 Et vocávit famem super terram,  
et omne báculo panis contrívit.
- 17 Misit ante eos virum,  
in servum venúmdatus est Ioseph. R.
- 18 Strinxérunt in compédibus pedes eius,  
in ferrum intrávit collum eius,
- 19 donec veníret verbum eius,  
elóquium Dómini purgáret eum. R.
- 20 Misit rex et solvit eum,  
princeps populórum, et dimísit eum;
- 21 constituit eum dóminum domus suæ,  
et príncipem omnis possessiónis suæ. R.

## Versus ante Evangelium

Io 3, 16

Sic Deus diléxit mundum,  
ut Fílium suum unigénitum daret;  
omnis qui credit in eum habet vitam ætérrnam.

## Evangelium

*Hic est heres: venite, occidamus eum.*

✠ Léctio sancti Evangéllii secúndum Mattháeum

21, 33-43. 45-46

In illo témpore: Dixit Iesus princípibus sacerdotum  
et senióribus pópuli:

« Aliam parábolam audíte. Homo erat pater famí-  
lias, qui plantávit véneam et sæpem circúmdedit ei et



fodit in ea tórcular et ædificávit turrim, et locávit eam agricolis, et pégre proféctus est.

Cum autem tempus frúctuum appropinquásset, misit servos suos ad agricolas ut acciperent fructus eius. Et agricolæ apprehénsis servis eius álium cecidérunt, álium occidérunt, álium vero lapidavérunt. Iterum misit álios servos plures prióribus, et fecérunt illis simíliter. Novíssime autem misit ad eos filium suum, dicens: " Verebúntur filium meum ".

Agricolæ autem vidéntes filium dixerunt intra se: " Hic est heres: veníte, occidámus eum et habébit hereditátem eius ". Et apprehénsus eum eiecérunt extra vineam et occidérunt. Cum ergo vénerit dóminus vineæ, quid fáciat agricolis illis? »

Aiunt illi: « Malos male perdet, et vineam locábit áliis agricolis, qui reddant ei fructum tempóribus suis ».

Dicit illis Iesus: « Numquam legístis in Scriptúris: " Lápídem quem reprobavérunt ædificántes hic factus est in caput ánguli; a Dómino factum est istud, et est mirábile in óculis nostris? " »

Ideo dico vobis, quia auferétur a vobis Regnum Dei, et dábitur genti faciénti fructus eius ».

Et cum audíssent príncipes sacerdotum et Pharisæi paráblas eius, cognovérunt quod de ipsis diceret; et quæréntes eum tenére, timuérunt turbas, quóniam sicut prophétam eum habébant.

Verbum Dómini.

Super oblata

Miserátio tua, Deus, ad hæc peragénda mystéria, fámulos tuos, quæsumus, et præveníat competénter, et devóta conversatióne perdúcat.

Per Christum.

Ant. ad communionem

1 Io 4, 10

**Diléxit nos Deus,  
et misit Fílium suum propitiatióem  
pro peccátis nostris.**

Post communionem

**Accépto, Dómine, pignore salutis æternæ,  
fac nos, quæsumus, sic téndere congruenter,  
ut ad eam pervenire possimus.**

**Per Christum.**

## Sabbato

Ant. ad introitum

Ps 144, 8-9

**Miserátor et miséricors Dóminus,  
pátiens et multum miséricors.  
Suávis Dóminus univérsis,  
et miseratiónes eius super ómnia ópera eius.**

Collecta

**Deus, qui nos gloriósis remédiis in terris adhuc pósitos  
iam cæléstium rerum facis esse consórtes,  
tu, quæsumus, in ista qua vivimus nos vita guberná,  
ut ad illam, in qua ipse es, lucem perdúcas.  
Per Dóminum.**

Lectio prior

*Proiciet in profundum maris omnia peccata nostra.*

Léctio libri Michææ prophétæ

7, 14-15. 18-20

**Pasce pópulum tuum, Dómine, in virga tua, gre-  
gem hereditátis tuæ, habitántes solos in saltu, in mé-**

dio Carméli; pascéntur Basan et Gálaad iuxta dies antiqúos. Secúndum dies egressiónis tuæ de terra Ægýpti, osténdam ei mirabília.

Quis, Deus, símilis tui, qui aufers iniquitátem, et transis peccátum reliquiárum hereditátis tuæ? Non immíttet ultra furórem suum, quóniam volens misericórdiam est.

Revertétur et miserébitur nostri, depónet iniquitátes nostras, et proiciet in profúndum maris ómnia peccáta nostra. Dabis veritátem Iacob, misericórdiam Abraham, quæ iurásti pátribus nostris a diébus antiqúis. — Verbum Dómini.

### Psalmus responsorius

Ps 102, 1-2. 3-4. 9-10. 11-12 (R.: 8 a)

**R.** Miséricors et miserátor Dóminus.

- 1** Bénedic, ánima mea, Dómino;  
et ómnia quæ intra me sunt, nómini sancto eius.
- 2** Bénedic, ánima mea, Dómino,  
et noli oblivísci omnes retributiónes eius. **R.**
- 3** Qui propitiátur ómnibus iniquitátibus tuis,  
qui sanat omnes infirmitátes tuas;
- 4** qui rédimít de intéritu vitam tuam,  
qui corónat te in misericórdia et miseratióibus. **R.**
- 9** Non in perpétuum conténdet,  
neque in ætérnum irascétur.
- 10** Non secúndum peccáta nostra fecit nobis,  
neque secúndum iniquitátes nostras retríbit nobis. **R.**
- 11** Quóniam, quantum exaltátur cælum a terra,  
præváluit misericórdia eius super timéntes eum;
- 12** quantum distat ortus ab occidénte,  
longe fecit a nobis iniquitátes nostras. **R.**

## Versus ante Evangelium

Lc 15, 18

Surgam, et ibo ad patrem meum, et dicam ei:  
« Pater, peccávi in cælum et coram te ».

## Evangelium

*Frater tuus hic mortuus erat et revixit.*

## ✠ Lécio sancti Evangélii secúndum Lucam

15, 1-3. 11-32

In illo témpore:

Erant appropinquátes Iesu omnes publicáni et peccatóres ut audírent illum. Et murmurábant Pharisæi et scribæ dicétes: « Hic peccatóres récipit et mandúcat cum illis ».

Et ait ad illos parábolam istam dicens:

« Homo quidam habébat duos fílios. Et dixit adulescéntior ex illis patri: “ Pater, da mihi portiónem substántiæ quæ me contíngit ”. Et divisit illis substántiam. Et non post multos dies, congregátis ómnibus, adulescéntior fílius péregre proféctus est in regiónem longínquam, et ibi dissipávit substántiam suam vivéndo luxurióse.

Et postquam ómnia consummáset, facta est fames válda in regióne illa, et ipse cœpit egére. Et ábiit et adhésit uní civium regiónis illius, et misit illum in villam suam ut pásceret porcos, et cupiébat saturári de síliquis quas porci manducábant, et nemo illi dabat.

In se autem revérsus dixit: “ Quanti mercennárii patris mei abúndant pánibus, ego autem hic fame pér-eo. Surgam et ibo ad patrem meum et dicam illi: Pater, peccávi in cælum et coram te, et iam non sum dignus vocári fílius tuus: fac me sicut unum de mercennáriis tuis ”. Et surgens venit ad patrem suum.

Cum autem adhuc longe esset, vidit illum pater ip-

síus et misericórdia motus est et accúrrens cécidit supra collum eius et osculátus est illum. Dixítque ei fílius: " Pater, peccávi in cælum et coram te, iam non sum dignus vocári fílius tuus ".

Dixit autem pater ad servos suos: " Cito proférte stolam primam et indúite illum, et date ánulum in manum eius et calceaménta in pedes, et addúcite vítulum saginátum, occídite et manducémus, et epulémur, quia hic fílius meus mórtuus erat et revíxit, perierat et invéntus est ". Et coepérunt epulári.

Erat autem fílius eius sénior in agro, et cum veníret et appropinquáret dómui, audivit symphóniam et choros, et vocávit unum de servis et interrogávit quæ hæc essent. Isque dixit illi: " Frater tuus venit, et occídit pater tuus vítulum saginátum, quia salvum illum recépit ". Indignátus est autem et nolébat intróire. Pater ergo illíus egréssus coepit rogáre illum.

At ille respóndens dixit patri suo: " Ecce tot annis sérvio tibi et numquam mandátum tuum prætérii, et numquam dedísti mihi hædum ut cum amicis meis epulárer: sed postquam fílius tuus hic qui devorávit substantíam tuam cum meretrícibus venit, occídísti illi vítulum saginátum ".

At ipse dixit illi: " Fíli, tu semper mecum es, et ómnia mea tua sunt; epulári autem et gaudére oportébat, quia frater tuus hic mórtuus erat et revíxit, perierat et invéntus est " ». — Verbum Dómini.

Super oblata

Per hæc véniat, quæsumus, Dómine, sacraménta nostræ redemptionis efféctus,  
qui nos et ab humánis rétrahat semper excéssibus,  
et ad salutária dona perdúcat.  
Per Christum.

Præfatio de Quadragesima, pp. 625-628.

Ant. ad communionem

Lc 15, 32

**Opórtet te, fili, gaudére,  
quia frater tuus mórtuus fúerat, et revíxit;  
períerat, et invéntus est.**

Post communionem

**Sacraménti tui, Dómine, divína percéptio  
penetrália nostri cordis infúndat,  
et sui nos partícipes poténter efficiat.  
Per Christum.**

## **DOMINICA III IN QUADRAGESIMA**

Ubi, hac dominica, habentur scrutinia præparatoria ad baptismum adulatorum, adhiberi possunt orationes rituales et intercessiones propriæ, ut infra, p. 1052.

Ant. ad introitum

Ps 24, 15-16

**Oculi mei semper ad Dóminum,  
quia ipse evéllit de láqueo pedes meos.  
Réspice in me et miserére mei,  
quóniam únicus et pauper sum ego.**

Vel:

Ez 36, 23-26

**Cum sanctificátus fúero in vobis,  
congregábo vos de univérsis terris;  
et effúndam super vos aquam mundam,  
et mundabímíni ab ómnibus inquinaméntis vestris.  
Et dabo vobis spíritum novum,  
dicit Dóminus.**

Collecta

**Deus, ómnium misericordiárum  
et totíus bonitátis auctor,  
qui peccatórum remédia  
in iciúniis, oratióibus et eleemósynis demonstrásti,  
hanc humilitátis nostræ confessiónem  
propítius intuére,  
ut, qui inclinámur consciéntia nostra,  
tua semper misericórdia sublevémur.  
Per Dóminum.**

---

**Anno A**

## Lectio prima

*Da nobis aquam, ut bibamus.***Lectio libri Exodi**

17, 3-7

**In diébus illis:**

Sitívit pópulus præ aquæ penúria, et murmurávit contra Móysen dicens: « Cur fecísti nos exíre de Ægýpto, ut occíderes nos et líberos nostros ac iuménta siti? » Clamávit autem Móyses ad Dóminum dicens: « Quid faciám pópulo huic? adhuc páululum et lapidábit me ».

Et ait Dóminus ad Móysen: « Antecéde pópulum, et sume tecum de senióribus Israel, et virgam, qua percussísti flúvium, tolle in manu tua et vade. En ego stabo ibi coram te supra petram Horeb; percutiésque petram, et exíbit ex ea aqua, ut bibat pópulus ».

Fecit Móyses ita coram senióribus Israel.

Et vocávit nomen loci illíus " Tentátio " propter iúrgium filiórum Israel, et quia tentavérunt Dóminum dicétes: « Estne Dóminus in nobis an non? »

**Verbum Dómini.**

Psalmus responsorius Ps 94, 1-2. 6-7. 8-9 (R.: 8)

R. Utinam hódie vocem Dómini audiátis:

« Nolíte obduráre corda vestra ».

Veníte, exultémus Dómino;  
iubilémus Deo salutári nostro.

Præoccupémus faciém eius in confessióne,  
et in psalmis iubilémus ei. R.

Veníte, adorémus et procidámus,  
et génua flectámus ante Dóminum qui fecit nos,



- 7 quia ipse est Deus noster,  
et nos pópulus páscuæ eius et oves manus eius. **℞.**
- 8 Utinam hódie vocem eius audiátis:  
« Nolite obduráre corda vestra,  
9 sicut in Meríba secúndum diem Massa in desérto,  
ubi tentavérunt me patres vestri:  
probavérunt me, etsi vidérunt ópera mea ». **℞.**

### Lectio secunda

*Caritas Dei diffusa est in nobis  
per Spiritum qui datus est.*

Lectio Epístolæ beáti Pauli apóstoli ad Romános

5, 1-2. 5-8

Fratres:

Iustificáti ex fide, pacem habémus ad Deum per Dóminum nostrum Iesum Christum, per quem et accéssum habémus fide in grátiam istam in qua stamus et gloriámur in spe glóriæ Dei.

Spes autem non confúndit, quia cáritas Dei diffúsa est in córdibus nostris per Spíritum Sanctum qui datus est nobis. Adhuc enim Christus, cum adhuc infírmi essémus, secúndum tempus pro ímpiis mórtuus est. Vix enim pro iusto quis móritur; nam pro bono fórsitan quis et áudeat mori; comméndat autem suam caritátem Deus in nos, quóniam cum adhuc peccatóres essémus Christus pro nobis mórtuus est.

Verbum Dómini.

Versus ante Evangelium

Io 4, 42. 15

Dómine, tu es vere Salvátor mundi;  
da míhi aquam vivam, ut non sítiám.

## Evangelium \*

*Fons aquæ salientis in vitam æternam.*

✠ Lécctio sancti Evangélii secúndum Ioánnem 4, 5-42

In illo témpore:

Venit Iesus in civitátem Samaríæ quæ dicitur Si-char, iuxta prædíum quod dedit Iacob Ioseph filio suo: erat autem ibi fons Iacob. Iesus ergo fatigátus ex itinere sedébat sic super fontem: hora erat quasi sexta.

Venit múlter de Samaría haurire aquam. Dicit ei Iesus: « Da mihi bíbere »; discípuli enim eius abierant in civitátem, ut cibos émerent.

Dicit ergo ei múlter illa Samaritána: « Quómodo tu Iudæus cum sis, bíbere a me poscis quæ sum múlter Samaritána? » Non enim coutúntur Iudæi Samaritánis.

Respóndit Iesus et dixit ei: « Si scires donum Dei et quis est qui dicit tibi: " Da mihi bíbere ", tu fórsitan petisses ab eo et dedisset tibi aquam vivam ».

Dicit ei múlter: « Dómine, neque in quo háurias habes et púteus altus est: unde ergo habes aquam vivam? Numquid tu maior es patre nostro Iacob, qui dedit nobis púteum et ipse ex eo bibit et filii eius et pécora eius? »

Respóndit Iesus et dixit ei: « Omnis qui bibit ex aqua hac sítiét íterum; qui autem bíberit ex aqua quam ego dabo ei, non sítiét in ætérnum, sed aqua quam dabo ei fiet in eo fons aquæ salientis in vitam ætérnam ».

Dicit ad eum múlter: « Dómine, da mihi hanc aquam, ut non sítiam neque véniam huc haurire ».

Dicit ei: « Vade, voca virum tuum et veni huc ».

Respóndit múlter et dixit ei: « Non hábeo virum ».

Dicit ei Iesus: « Bene dixísti: " Non hábeo virum ";

quinque enim viros habuisti, et nunc quem habes, non est tuus vir; hoc vere dixisti ».

Dicit ei mulier: « Domine, video quia propheta es tu. Patres nostri in monte hoc adoraverunt, et vos dicitis quia in Hierosolymis est locus ubi adorare oportet ».

Dicit ei Iesus: « Crede mihi, mulier, quia venit hora quando neque in monte hoc neque in Hierosolymis adorabitis Patrem. Vos adoratis quod nescitis: nos adoramus quod scimus, quia salus ex Iudaeis est. Sed venit hora, et nunc est, quando veri adoratores adorabunt Patrem in Spiritu et veritate; nam et Pater tales quaerit qui adorent eum. Spiritus est Deus, et eos qui adorant eum, in Spiritu et veritate oportet adorare ».

Dicit ei mulier: « Scio quia Messias venit, qui dicitur Christus; cum venerit ille, nobis annuntiabit omnia ».

Dicit ei Iesus: « Ego sum, qui loquor tecum ».

Et continuo venerunt discipuli eius, et mirabantur quia cum muliere loquebatur; nemo tamen dixit: « Quid quaeris, aut quid loqueris cum ea? » Reliquit ergo hydriam suam mulier et abiit in civitatem et dicit illis hominibus: « Venite, videte hominem, qui dixit mihi omnia quaecumque feci; numquid ipse est Christus? » Exierunt de civitate et veniebant ad eum.

Interea rogabant eum discipuli dicentes: « Rabbi, manduca ».

Ille autem dixit eis: « Ego cibum habeo manducare quem vos nescitis ».

Dicebant ergo discipuli ad invicem: « Numquid aliquis attulit ei manducare? »

Dicit eis Iesus: « Meus cibus est ut faciam voluntatem Eius, qui misit me, et ut perficiam opus eius. Nonne vos dicitis: Adhuc quattuor menses sunt, et messis venit? Ecce, dico vobis: Levate oculos vestros

et vidéte regiões quia albæ sunt ad messem. Iam qui metit mercédem áccipit et cóngregat fructum in vitam ætérnam, ut et qui séminat simul gáudeat et qui metit. In hoc enim est verbum verum: Alius est qui séminat et álius est qui metit. Ego misi vos métere quod vos non laborástis; álii laboravérunt, et vos in labóres eórum introístis ».

Ex civitaté autem illa multi credidérunt in eum Samaritanórum propter verbum mulieris testimónium perhibéntis: « Dixit mihi ómnia quæcúmque feci ». Dum veníssent ergo ad illum Samaritáni, rogavérunt eum ut apud ipsos manéret; et mansit ibi duos dies. Et multo plures credidérunt propter sermónem eius, et mulieri dicébant: « Iam non propter tuam loquélam crédimus; ipsi enim audívimus, et scimus quia hic est vere Salvátor mundi ». — Verbum Dómini.

vel brevior

✠ Lécio sancti Evangélii secúndum Ioánnem

In illo témpore: 4, 5-15. 19 b-26. 39 a. 40-42

Venit Iesus in civitatém Samariæ quæ dicitur Sichar, iuxta prædium quod dedit Iacob Ioseph filio suo: erat autem ibi fons Iacob. Iesus ergo fatigátus ex itinere sedébat sic super fontem: hora erat quasi sexta.

Venit múlier de Samaría haurire aquam. Dicit ei Iesus: « Da mihi bíbere »; discípuli enim eius abierant in civitatém, ut cibos émerent.

Dicit ergo ei múlier illa Samaritána: « Quómodo tu Iudæus cum sis, bíbere a me poscis quæ sum múlier Samaritána? » Non enim coutúntur Iudæi Samaritánis.

Respóndit Iesus et dixit ei: « Si scires donum Dei et quis est qui dicit tibi: " Da mihi bíbere ", tu fórsitan petísses ab eo et dedísset tibi aquam vivam ».

Dicit ei mŭlier: « Dómine, neque in quo háurias habes, et pŭteus altus est: unde ergo habes aquam vivam? Numquid tu maior es patre nostro Iacob, qui dedit nobis pŭteum et ipse ex eo bibit et filii eius et pécora eius? »

Respóndit Iesus et dixit ei: « Omnis qui bibit ex aqua hac sítiet íterum; qui autem biberit ex aqua quam ego dabo ei, non sítiet in ætérnum, sed aqua quam dabo ei fiet in eo fons aquæ salientis in vitam ætérnam ».

Dicit ad eum mŭlier: « Dómine, da mihi hanc aquam, ut non sítiam neque véniam huc haurire. Vídeo quia prophéta es tu. Patres nostri in monte hoc adoravérunt, et vos dicitis quia in Hierosólymis est locus ubi adoráre ópórtet ».

Dicit ei Iesus: « Crede mihi, mŭlier, quia venit hora quando neque in monte hoc neque in Hierosólymis adorábitis Patrem. Vos adorátis quod nescítis: nos adorámus quod scimus, quia salus ex Iudæis est. Sed venit hora, et nunc est, quando veri adoratóres adorábunt Patrem in Spírítu et veritaté; nam et Pater tales quærit qui adórent eum. Spírítus est Deus, et eos qui adórant eum, in Spírítu et veritaté ópórtet adoráre ».

Dicit ei mŭlier: « Scio quia Messías venit, qui dicitur Christus; cum vénerit ille, nobis annuntiábit ómnia ».

Dicit ei Iesus: « Ego sum, qui loquor tecum ».

Ex civitaté autem illa multi credidérunt in eum. Dum veníssent ergo ad illum Samaritáni, rogavérunt eum ut apud ipsos manéret; et mansit ibi duos dies. Et multo plures credidérunt propter sermónem eius, et mulieri dicébant: « Iam ncn propter tuam loquélam crédimus; ipsi enim audívimus, et scimus quia hic est vere Salvátor mundi ». — Verbum Dómini.

**Anno B**

## Lectio prima \*

*Lex per Moysen data est.*

Lectio libri Exodi

20, 1-17

In diébus illis:

Locútus est Dóminus cunctos sermónes hos:

« Ego sum Dóminus Deus tuus, qui edúxi te de terra Ægýpti, de domo servitútis.

Non habébis deos aliénos coram me.

Non fácies tibi scúlptile neque omnem similitúdi-  
nem, quæ est in cælo désuper et quæ in terra deórsum,  
nec eórum quæ sunt in aquis sub terra.Non adorábis ea neque coles. Ego sum Dóminus  
Deus tuus, fortis, zelótes, vísitans iniquitátem patrum  
in filios in tértiam et quartam generatiónem eórum qui  
odérunt me, et fácies misericórdiam in mília his qui  
dílígunt me et custódiunt præcépta mea.Non assúmes nomen Dómini Dei tui in vanum; nec  
enim habébit insóntem Dóminus eum qui assúmpserit  
nomen Dómini Dei sui frustra.Meménto ut diem sábbati sanctífices. Sex diébus  
operáberis, et fácies ómnia ópera tua; séptimo autem  
die sábbatum Dómini Dei tui est; non fácies omne  
opus in eo tu et filia tua, servus tuus et ancilla tua, iu-  
méntum tuum et ádvena qui est intra portas tuas. Sex  
enim diébus fecit Dóminus cælum et terram et mare  
et ómnia quæ in eis sunt, et requiévit in die séptimo:  
idcirco benedíxit Dóminus diéi sábbati et sanctificávit  
eum.Honóra patrem tuum et matrem tuam, ut sis lon-  
gævus super terram, quam Dóminus Deus tuus dabit  
tibi.

Non occídes.

**Non mœchaberis.**

**Non furtum fácies.**

**Non loqueris contra próximum tuum falsum testimoniúm.**

**Non concupisces domum próximi tui; nec desiderabis uxórem eius, non servum, non ancillam, non bovem, non ásinum, nec ómnia quæ illius sunt ».**

**Verbum Dómini.**

vel brevior

**Léctio libri Exodi**

20, 1-3. 7-8. 12-17

**In diébus illis:**

**Locútus est Dóminus cunctos sermónes hos:**

**« Ego sum Dóminus Deus tuus, qui edúxi te de terra Ægýpti, de domo servitútis.**

**Non habébis deos aliénos coram me.**

**Non assúmes nomen Dómini Dei tui in vanum; nec enim habébit insóntem Dóminus eum qui assúmpserit nomen Dómini Dei sui frustra.**

**Meménto ut diem sábbati sanctífices.**

**Honóra patrem tuum et matrem tuam, ut sis longévus super terram, quam Dóminus Deus tuus dabit tibi.**

**Non occídes.**

**Non mœchaberis.**

**Non furtum fácies.**

**Non loqueris contra próximum tuum falsum testimoniúm.**

**Non concupisces domum próximi tui; nec desiderabis uxórem eius, non servum, non ancillam, non bovem, non ásinum, nec ómnia quæ illius sunt ».**

**Verbum Dómini.**

Psalmus responsorius Ps 18, 8. 9. 10. 11 (R.: Io 6, 69)

R. Dómine, verba vitæ æternæ habes.

- 8 Lex Dómini immaculáta, reficiens ánimam,  
testimónium Dómini fidèle,  
sapiéntiam præstans párvulis. R.
- 9 Iustítiæ Dómini rectæ, lætificántes corda,  
præcéptum Dómini lícidum, illúminans óculos. R.
- 10 Timor Dómini mundus, pérmanens in sáculum sáculi,  
iudícia Dómini vera, iusta ómnia simul. R.
- 11 Desiderabilia super aurum et lápidem pretiósus multum,  
et dulcióra super mel et favum stillántem. R.

Lectio secunda

*Prædicamus Christum crucifixum,  
hominibus scandalum, sed vocatis Dei sapientiam.*

Léctio Epístolæ primæ beáti Pauli apóstcli  
ad Corínthios

1, 22-25

Fratres:

Iudéi signa petunt et Græci sapiéntiam quærunt,  
nos autem prædicámus Christum crucifixum, Iudæis  
quidem scándalum, géntibus autem stultítiam, ipsis au-  
tem vocátis, Iudæis atque Græcis, Christum Dei virtú-  
tem et Dei sapiéntiam: quia quod stultum est Dei, sa-  
piéntius est homínibus, et quod infirmum est Dei, fór-  
tius est homínibus. — Verbum Dómini.

Versus ante Evangelium

Io 3, 16

Sic Deus diléxit mundum,  
ut Fílium suum unigénitum daret;  
omnis qui credit in eum, habet vitam æternam.



## Evangelium

*Solvite templum hoc  
et in tribus diebus excitabo illud.*

✠ **Lectio sancti Evangelii secundum Ioannem 2, 13-25**

Prope erat Pascha Iudæorum, et ascendit Hierosolymam Iesus. Et invenit in templo vendentes boves et oves et columbas et nummularios sedentes, et cum fecisset flagellum de funiculis omnes ei eiecit de templo, oves quoque et boves, et nummulariorum effudit æs et mensas subvertit; et his qui columbas vendebant dixit: « Auferte ista hinc, nolite facere domum Patris mei domum negotiationis ». Recordati sunt discipuli eius quia scriptum est: « Zelus domus tuæ comedet me ».

Respondérunt ergo Iudæi et dixerunt ei: « Quod signum ostendis nobis, quia hæc facis? »

Respondit Iesus et dixit eis: « Solvite templum hoc et in tribus diebus excitabo illud ».

Dixerunt ergo Iudæi: « Quadraginta et sex annis ædificatum est templum hoc, et tu tribus diebus excitabis illud? »

Ille autem dicebat de templo corporis sui. Cum ergo resurrexisset a mortuis, recordati sunt discipuli eius quia hoc dicebat, et crediderunt Scripturæ et sermóni quem dixit Iesus.

Cum autem esset Hierosolymis in Pascha, in die festo, multi crediderunt in Nómine eius, vidéntes signa eius quæ faciebat. Ipse autem Iesus non credebat semetipsum eis, eo quod ipse nosset omnes, et quia opus ei non erat, ut quis testimónium perhiberet de hómine; ipse enim sciébat quid esset in hómine.

**Verbum Dómini.**

**Anno C**

## Lectio prima

*Qui-Est misit me ad vos.***Léctio libri Exodi**

3, 1-8 a. 13-15

**In diébus illis:**

Pascébat Móyses oves Iethro, sóceri sui, sacerdotís Má dian; cumque minásset gregem ad interióra desér ti, venit ad montem Dei Horeb. Apparúitque ei Dóminus in flamma ignis de médio rubi; et vidébat quod rubus ardéret et non comburerétur.

Dixit ergo Móyses: « Vadam et vidébo visi ónem hanc magnam; quare non comburátur rubus ». Cernens autem Dóminus quod pérgeret ad vidéndum, vocávit eum de médio rubi et ait: « Móyses, Móyses! »

Qui respóndit: « Adsum ».

At ille: « Ne apprópies, inquit, huc; solve calceaméntum de pédibus tuis: locus enim in quo stas, terra sancta est ». Et ait: « Ego sum Deus patris tui, Deus Abraham, Deus Isaac et Deus Iacob ». Abscóndit Móyses fáciem suam; non enim audébat aspícere contra Deum.

Cui ait Dóminus: « Vidi afflictiónem pópuli mei in Ægýpto et clamórem eius audívi, propter durítiam eórum qui præsunt opéribus, et sciens dolórem eius descéndi ut líberem eum de mánibus Ægyptiórum, et edúcam de terra illa in terram bonam et spatiósam, in terram quæ fluit lacte et melle ».

Ait Móyses ad Deum: « Ecce ego vadam ad fílios Israel, et dicam eis: " Deus patrum vestrórum misit me ad vos ". Si díxerint mihi: " Quod est nomen eius? " quid dicam eis? »

Dixit Deus ad Móysen: « Ego sum qui sum ». Ait:  
« Sic dices fíliis Israel: “ Qui-Est misit me ad vos ” ».

Dixitque iterum Deus ad Móysen: « Hæc dices  
fíliis Israel:

“ Dóminus Deus patrum vestrorum, Deus Abra-  
ham, Deus Isaac et Deus Iacob misit me ad vos; hoc  
nomen mihi est in ætérnum, et hoc memoriále meum  
in generatióem et generatióem ” ».

Verbum Dómini.

### Psalmus responsorius

Ps 102, 1-2. 3-4. 6-7. 8 et 11 (R.: 8 a)

R. Miserátor et miséricors Dóminus.

<sup>1</sup> Bénedic, ánima mea, Dómino;  
et ómnia quæ intra me sunt,  
nómini sancto eius.

<sup>2</sup> Bénedic, ánima mea, Dómino,  
et noli oblivisci omnes retributióes eius. R.

<sup>3</sup> Qui propitiátur ómnibus iniquitatibus tuis,  
qui sanat omnes infirmitates tuas;

<sup>4</sup> qui rédimet de intéritu vitam tuam,  
qui coronat te in misericórdia et miseratióibus. R.

<sup>6</sup> Fáciens iustítias Dóminus,  
et iudícium ómnibus iniúriam patiéntibus.

<sup>7</sup> Notas fecit vias suas Móysi,  
fíliis Israel adinventiões suas. R.

<sup>8</sup> Miserátor et miséricors Dóminus,  
longánimis et multæ misericórdiæ.

<sup>11</sup> Quóniam, quantum exaltátur cælum a terra,  
præváluit misericórdia eius  
super timéntes eum. R.

## Lectio secunda

*Vita populi cum Moyse in deserto  
ad nostram correptionem scripta est.*

Léctio Epístolæ primæ beáti Pauli apóstoli

ad Corínthios

10, 1-6. 10-12

Nolo vos ignoráre, fratres, quóniam Patres nostri omnes sub Nube fuérunt et omnes Mare transiérunt et omnes in Móyse baptizáti sunt in Nube et in Mari, et omnes eándem escam spiritálem manducavérunt et omnes eúndem potum spiritálem bibérunt; bibébant autem de spiritáli consequéti eos petra: petra autem erat Christus. Sed non in plúribus eórum complácuit Deus, nam prostráti sunt in desérto.

Hæc autem figuræ fuérunt nostræ, ut non simus concupiscéntes malórum, sicut et illi concupiérunt. Neque murmuravéritis, sicut quidam eórum murmuravérunt, et periérunt ab exterminatóre.

Hæc autem in figurá contingébant illis, scripta sunt autem ad correptionem nostram, in quos fines sæculórum devenérunt. Itaque qui se existímat stare, vídeat ne cadat. — Verbum Dómini.

Versus ante Evangelium

Mt 4, 17

Pæniténtiam ágite, dicit Dóminus;  
appropinquávit Regnum cælórum.

## Evangelium

*Si non pænitentiam egeritis omnes similiter peribitis.*

✠ Léctio sancti Evangélli secúndum Lucam 13, 1-9

Aderant quidam ipso in témpore nuntiántes Iesu de Galilæis quorum sánguinem Pilátus miscuit cum sacrificiis eórum. Et respóndens dixit illis:

« Putátis quod hi Galilæi præ ómnibus Galilæis peccatóres fuérunt, quia tália passi sunt? Non, dico vobis, sed nisi pæniténtiam egéritis omnes similiter peribitis. Vel illi decem et octo supra quos cécidit turris in Síloam et occidit eos, putátis quia et ipsi debitóres fuérunt præter omnes hómines habitántes in Ierúsalem? Non, dico vobis, sed si non pæniténtiam egéritis omnes similiter peribitis ».

Dicébat autem hanc similitúdinem: « Arborem fici habébat quidam plantátam in vínea sua, et venit quærens fructum in illa, et non invénit. Dixit autem ad cultórem víneæ: " Ecce anni tres sunt ex quo vénio quærens fructum in ficúlnea hac et non invénio. Succíde ergo illam, ut quid étiam terram evácuat? " At ille respóndens dicit illi: " Dómine, dimítte illam et hoc anno, usque dum fódiam circa illam et mittam stércora; et si quidem fécerit fructum in futúrum — sin autem succídes eam " ». — Verbum Dómini.

Vel, ad libitum, omnes lectiones ut supra, anno A, p. 107.

Dicitur Credo.

### Super oblata

His sacrificiis, Dómine, concéde placátus,  
ut, qui própriis orámus absólvi delictis,  
fratérna dimíttere studeámus. Per Christum.

### Præfatio: De Samaritana.

Quando legitur Evangelium de Samaritana, dicitur sequens præfatio:

- ℣. Dóminus vobíscum.
- ℞. Et cum spíritu tuo.
- ℣. Sursum corda.
- ℞. Habémus ad Dóminum.

**Ꝛ. Grátias agámus Dómino Deo nostro.**

**Ꝛ. Dignum et iustum est.**

**Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.**

**Qui, dum aquæ sibi pétiit potum a Samaritána præbéri,  
iam in ea fidei donum ipse creáverat,  
et ita eius fidem sitíre dignátus est,  
ut ignem in illa divíni amóris accénderet.**

**Unde et nos tibi grátias ágimus,  
et tuas virtútes cum Angelis prædicámus, dicéntes:  
Sanctus, Sanctus, Sanctus Dóminus Deus Sábaoth ...**

Quando vero non legitur Evangelium de Samaritana, dicitur præfatio de Quadragesima, pp. 625-626.

**Ant. ad communionem**

**Io 4, 13-14**

Quando legitur Evangelium de Samaritana:

**Qui bíberit aquam, quam ego dabo ei, dicit Dóminus,  
fiet in eo fons aquæ saliéntis in vitam ætérnam.**

Quando legitur aliud Evangelium:

**Passer invénit sibi domum, Ps 83, 4-5  
et turtur nidum, ubi repónat pullos suos:  
altária tua, Dómine virtútum, Rex meus, et Deus meus!  
Beáti qui hábitant in domo tua,  
in sáeculum sáeculi laudábunt te.**

**Post communionem**

**Suméntes pignus cæléstis arcáni,  
et in terra pósiti iam supérno pane satiáti,  
te, Dómine, súpplíces deprecámur,  
ut, quod in nobis mystério géritur, ópere impleátur.  
Per Christum.**

**Missa ad libitum**

quæ adhiberi potest quavis die huius hebdomadæ præsertim annis B et C, quando Evangelium de Samaritana in dominica tertia Quadragesimæ non legitur.

## Lectio prior

*Exibit aqua, ut bibat populus.*

Lectio libri Exodi

17, 1-7

In diébus illis:

Profécta omnis multitúdo filiórum Israel de desérto Sin per mansiónes suas, iuxta sermónem Dómini, castrametáti sunt in Ráphidim, ubi non erat aqua ad bibéndum pópulo.

Qui iurgátus contra Móysen ait: « Da nobis aquam, ut bibámus ». Quibus respóndit Móyses: « Quid iurgámini contra me? cur tentátis Dóminum? »

Sitívit ergo ibi pópulus præ aquæ penúria, et mururávit contra Móysen dicens: « Cur fecísti nos exíre de Ægýpto, ut occideres nos et líberos nostros ac iuménta siti? » Clamávit autem Móyses ad Dóminum dicens: « Quid fáciam pópulo huic? adhuc páululum et lapidábit me ».

Et ait Dóminus ad Móysen: « Antecéde pópulum, et sume tecum de senióribus Israel, et virgam, qua percussísti flúvium, tolle in manu tua et vade. En ego stabo ibi coram te supra petram Horeb; percutiésque petram, et exíbit ex ea aqua, ut bibat pópulus ».

Fecit Móyses ita coram senióribus Israel.

Et vocávit nomen loci illíus " Tentátio " propter iúrgium filiórum Israel, et quia tentavérunt Dóminum dicéntes: « Estne Dóminus in nobis an non? ».

Verbum Dómini.

Psalmus responsorius Ps 94, 1-2. 6-7. 8-9 (R.: 8)

R. Utinam hódie vocem Dómini audiátis:

« Nólite obduráre corda vestra ».

Veníte, exsultémus Dómino;  
iubilémus Deo salutári nostro.

Præoccupémus fáciem eius in confessióne,  
et in psalmis iubilémus ei. R.

Veníte, adorémus et procidámus,  
et génuá flectámus ante Dóminum qui fecit nos,  
quia ipse est Deus noster,  
et nos pópulus páscuæ eius et oves manus eius. R.

Utinam hódie vocem eius audiátis:

« Nólite obduráre corda vestra,  
sicut in Meríba secúndum diem Massa in desérto,  
ubi tentavérunt me patres vestri:  
probavérunt me, etsi vidérunt ópera mea ».

Versus ante Evangelium

Io 4, 42. 15

Dómine, tu es vere Salvátor mundi;  
da mihi aquam vivam, ut non sítiam.

Evangelium (Io 4, 5-42), ut supra, p. 109.

## Feria secunda

Ant. ad introitum

Ps 83, 3

Concupíscit et déficit ánima mea in átria Dómini.  
Cor meum et caro mea exsultavérunt in Deum vivum.

Collecta

Ecclésiám tuam, Dómine,  
miserátio continuáta mundet et múniat,  
et quia sine te non potest salva consistere,  
tuo semper múnere gubernétur. Per Dóminum.



## Lectio prior

*Multi leprosi erant in Israel, et nemo eorum mundatus est, nisi Naaman Syrus.*

Lectio libri secúndi Regum

5, 1-15 a

In diebus illis:

Náaman, princeps militiæ regis Sýriæ, erat vir magnus apud dómimum suum et honorátus: per illum enim dedit Dóminus salutem Sýriæ; erat autem vir fortis et dives, sed leprósus.

Porro de Sýria egressi fuerant latrúnculi, et captivam dúxerant de terra Israel puéllam párvulam, quæ erat in obséquio uxóris Náaman. Quæ ait ad dómnam suam: « Utinam fuisset dómimus meus ad prophétam, qui est in Samaría! Profécto curásset eum a lepra quam habet ».

Ingréssus est itaque Náaman ad dómimum suum, et nuntiávit ei dicens: « Sic et sic locúta est puélla de terra Israel ».

Dixitque ei rex Sýriæ: « Vade et mittam líttas ad regem Israel ».

Qui, cum profectúrus esset, et tulisset secum decem talénta argénti et sex mília áureos et decem mutatória vestimentórum, détulit líttas ad regem Israel in hæc verba: « Cum accéperis epístolam hanc, scito quod miserim ad te Náaman servum meum, ut cures eum a lepra sua ».

Cumque legisset rex Israel líttas, scidit vestiménta sua et ait: « Numquid Deus ego sum, ut occídere possim et vivificáre, quia iste misit ad me, ut curem hóminem a lepra sua? Animadvértite et vidéte quod occasiónes quærat advérsum me ».

Quod cum audisset Eliséus, vir Dei, scidisse videlicet regem Israel vestiménta sua, misit ad eum di-

cens: « Quare scidisti vestiménta tua? Véniat ad me, et sciat esse prophétam in Israel ».

Venit ergo Náaman cum equis et curribus, et stetit ad ostium domus Eliséi. Misitque ad eum Eliséus nuntium dicens: « Vade et lavare septies in Iordáne, et recipiet sanitátem caro tua, atque mundáberis ».

Irátus Náaman recedébat dicens: « Putábam quod egrederétur ad me, et stans invocáret nomen Dómini Dei sui et tangeret manu sua locum lepræ, et curáret me. Numquid non meliôres sunt Abana et Pharphar, flúvii Damásci, ómnibus aquis Israel, ut laver in eis et munder? »

Cum ergo vertisset se et abiret indignans, accesserunt ad eum servi sui, et locúti sunt ei: « Pater, et si rem grandem dixisset tibi prophéta, certe fácere debúeras; quanto magis quia nunc dixit tibi: " Lavare et mundáberis " ».

Descéndit, et lavit in Iordáne septies iuxta sermónem viri Dei, et restitúta est caro eius sicut caro púeri párvuli, et mundátus est.

Reversúsque ad virum Dei cum univérso comitátu suo, venit et stetit coram eo, et ait: « Vere scio quod non sit álius Deus in univérsta terra, nisi tantum in Israel. Obsecro itaque ut accípias benedictiónem a servo tuo ». — Verbum Dómini.

Psalmus responsorius

Ps 41, 2. 3; Ps 42, 3. 4 (R.: cf. Ps 41, 3)

R. Sitívit ánima mea ad Deum vivum:  
quando apparebo ante fáciem Dei?

Quemádmódum desíderat cervus ad fontes aquárum,  
ita desíderat ánima mea ad te, Deus. R.

Sitívit ánima mea ad Deum, Deum vivum:  
quando véniam et apparebo ante fáciem Dei? R.

<sup>3</sup> **Emítte lucem tuam et veritátem tuam;  
ipsa me dedúcant et addúcant  
in montem sanctum tuum et in tabernácula tua. R.**

<sup>4</sup> **Et introibo ad altáre Dei,  
ad Deum lætítiæ exsultatiónis meæ.  
Confitébor tibi in cíthara, Deus, Deus meus. R.**

Versus ante Evangelium

Ps 129, 5. 7

**Spero in Dóminum, spero in verbum eius;  
quia apud eum misericórdia et copiósá redémptio.**

### Evangelium

*Iesus sicut Elias et Elisæus  
non ad Iudæos tantum mittitur.*

✠ **Léctio sancti Evangélii secúndum Lucam 4, 24-30**

**Cum venisset Iesus Názareth, dixit pópulo in synagóga:**

**« Amen dico vobis: Nemo prophéta accéptus est  
in pátria sua.**

**In veritáte autem dico vobis: Multæ víduæ erant  
in diébus Elíæ in Israel, quando clausum est cælum  
annis tribus et ménsibus sex, cum facta est fames ma-  
gna in omni terra; et ad nullam illárum missus est Elías  
nisi in Saréptha Sidóniæ ad mulierem víduam.**

**Et multi leprósi erant in Israel sub Eliséo prophéta  
et nemo eórum mundátus est, nisi Náaman Syrus ».**

**Et repléti sunt omnes in synagóga ira hæc audiéntes,  
et surrexérunt et eiecérunt illum extra civitátem, et du-  
xérunt illum usque ad supercílium montis, supra quem  
cívitas illórum erat ædificáta, ut præcipitarent eum.  
Ipse autem tránsiens per médium illórum ibat.**

**Verbum Dómini.**

Super oblata

**Munus quod tibi, Dómine, nostræ servitútis offérimus,  
tu salutáre nobis pérfice sacraméntum. Per Christum.**

Præfatio de Quadragesima, pp. 625-628.

Ant. ad communionem

Ps 116, 1-2

**Laudáte Dóminum, omnes gentes,  
quóniam confirmáta est super nos misericórdia eius.**

Post communionem

**Tui nobis, quæsumus, Dómine, commúnio sacraménti  
et purificatiónem cónferat, et tríbuat unitátem.**

**Per Christum.**

### Feria tertia

Ant. ad introitum

Ps 16, 6. 8

**Ego clamávi, quóniam exaudísti me, Deus;  
inclína aurem tuam, et exáudi verba mea.**

**Custódi me, Dómine, ut pupíllam óculi;  
sub umbra alárum tuárum prótege me.**

Collecta

**Grátia tua ne nos, quæsumus, Dómine, derelínquat,  
quæ et sacræ nos déditos fáciat servitúti,  
et tuam nobis opem semper acquirat. Per Dóminum.**

Lectio prior

*In animo contrito et spiritu humilitatis suscipiamur.*

Lectio libri Daniélis prophétæ

3, 25. 34-43

In diébus illis:

**Stans Azarías orávit sic; aperiénsque os suum in  
médio ignis ait:**

« Ne, quæsumus, tradas nos in perpétuum propter nomen tuum, et ne dissipes testaméntum tuum, neque áuferas misericórdiam tuam a nobis, propter Abraham diléctum tuum, et Isaac servum tuum, et Ísrael sanctum tuum, quibus locútus es póllicens quod multiplicáres semen eórum sicut stellas cæli et sicut arénam quæ est in lítore maris.

Quia, Dómine, imminúti sumus plus quam omnes gentes, sumúsque húmiles in univérsta terra hódie propter peccáta nostra, et non est in témpore hoc princeps et dux et prophéta, neque holocáustum, neque sacrificium, neque oblátio, neque incénsus, neque locus primitiárum coram te, ut possimus inveníre misericórdiam tuam.

Sed in ánimo contríto et spíritu humilitátis suscipiámur; sicut in holocáusto aríetum et taurórum, et sicut in mílibus agnórum pínguium, sic fiat sacrificium nostrum in conspéctu tuo hódie, ut pláceat tibi, quóniam non est confúsió confidéntibus in te.

Et nunc séquimur te in toto corde, et timémus te, et quærimus fáciem tuam. Ne confundas nos, sed fac nobíscum iuxta mansuetúdinem tuam et secúndum multitudínem misericórdiæ tuæ, et érue nos in mirabílibus tuis, et da glóriam nómini tuo, Dómine ».

Verbum Dómini.

### Psalmus responsorius

Ps 24, 4 bc-5 ab. 6-7 bc. 8-9 (R.: 6 a)

R. Reminiscere miseratiónum tuárum, Dómine.

- 4 Vias tuas, Dómine, demónstra mihi,  
et sémitas tuas édoce me.
- 5 Dírige me in veritáte tua et doce me,  
quia tu es Deus salútis meæ. R.

- 6 Reminiscere miseratiónum tuárum, Dómine,  
et misericordiárum tuárum, quóniam a sáculo sunt.
- 7 Secúndum misericórdiam tuam meménto mei tu,  
propter bonitátem tuam, Dómine. **R.**
- 8 Dulcis et rectus Dóminus,  
propter hoc peccatóres viam docébit;
- 9 díriget mansuétos in iudício,  
docébit mites vias suas. **R.**

## Versus ante Evangelium

Ioel 2, 12-13

Nunc ergo, dicit Dóminus,  
convertímini ad me in toto corde vestro,  
quia benígnus et miséricors sum.

## Evangelium

*Si non remiseritis unusquisque fratri suo,  
Pater non remittet vobis.*

✠ Lécio sancti Evangélii secúndum Mattháeum

18, 21-35

In illo témpore:

Accédens Petrus dixit Iesu: « Dómine, quótiens peccábit in me frater meus et dimíttam ei? Usque sépties? »

Dicit illi Iesus: « Non dico tibi usque sépties sed usque septuágies sépties.

Ideo assimilátum est Regnum cælórum hómini regi qui vóluit ratiónem pónere cum servis suis. Et cum cœpisset ratiónem pónere, oblátus est ei unus qui debébat decem mília talénta. Cum autem non habéret unde rédderet, iussit eum dóminus venúndari et uxórem et filios et ómnia quæ habébat, et reddi.

Prócidens ígitur servus ille adorábat eum dicens: « Patiéntiam habe in me, et ómnia reddam tibi ». Mi-

**sértus autem dóminus servi illíus dimísit eum, et débitum dimísit ei.**

**Egréssus autem servus ille invénit unum de consérvis suis qui débébat ei centum denários, et tenens suffocábat eum dicens: " Redde quod debes ". Prócidens igitur consérvus eius rogábat eum dicens: " Patiéntiam habe in me, et reddam tibi ". Ille autem nóluit, sed ábiit, et misit eum in cárcerem donec rédderet débitum.**

**Vidéntes autem consérvi eius quæ fiébant, contristáti sunt valde, et venérunt et narravérunt dómíno suo ómnia quæ facta erant.**

**Tunc vocávit illum dóminus suus et ait illi: " Serve nequam, omne débitum illud dimísi tibi, quóniam rogásti me; non opórtuit et te miseréri consérvi tui, sicut et ego tui misértus sum? " Et irátus dóminus eius trádidit eum tortóribus quoadúsque rédderet univérsum débitum.**

**Sic et Pater meus cæléstis fáciat vobis si non remisérítis unusquisque fratri suo de córdibus vestris ».**

**Verbum Dómini.**

**Super oblata**

**Concéde nobis, quæsumus, Dómine,  
ut hæc hóstia salutáris  
nostrórum fiat purgátio delictórum,  
et tuæ propitiátio potestátis.  
Per Christum.**

**Præfatio de Quadragesima, pp. 625-628.**

**Ant. ad communionem**

**Ps 14, 1-2**

**Dómine, quis habitábit in tabernáculo tuo?  
aut quis requiécet in monte sancto tuo?  
Qui ingréditur sine mácula, et operátur iustítiam.**

Post communionem

Vivíficet nos, quæsumus, Dómine,  
huius participátio sancta mystérii,  
et páriter nobis expiatiónem tríbuat et munímen.  
Per Christum.

### Feria quarta

Ant. ad introitum

Ps 118, 133

Gressus meos dirige secúndum elóquium tuum,  
et non dominétur mei omnis iniustítia.

Collecta

Præsta, quæsumus, Dómine,  
ut, per quadragesimálem observántiam crudíti  
et tuo verbo nutríti,  
sancta continéntia tibi simus toto corde devóti,  
et in oratióne tua semper efficiámur concórdes.  
Per Dóminum.

Lectio prior

*Observabitis præcepta et implebitis opere.*

Léctio libri Deuteronomii

4, 1. 5-9

Locútus est Móyses pópulo dicens:

« Et nunc, Israel, audi præcepta et iudícia, quæ  
ego dóceo te, ut fáciens ea vivas, et ingrédies possí-  
deas terram, quam Dóminus Deus patrum vestrorum  
datúrus est vobis.

Scitis quod docúerim vos præcepta atque iustítias;  
sicut mandávit mihi Dóminus Deus meus, sic faciétis  
ea in terra, quam possessúri estis; et observábitis, et  
implébitis ópere. Hæc est enim vestra sapiéntia et



intelléctus coram pópulis, ut, audiéntes univérsa præcépta hæc, dicant: “ En pópulus sápiens et intéllegens, gens magna! ”

Nec est ália nátio tam grandis, quæ hábeat deos appropinquántes sibi, sicut Deus noster adest cunctis obsecrationibus nostris. Quæ est enim ália gens sic inclita, ut hábeat cæremónias iustáque iudícia et univérsam legem, quam ego propónam hódie ante óculos vestros?

Custódi ígitur temetípsum et ánimam tuam sollícite. Ne obliviscáris verbórum, quæ vidérunt óculi tui, et ne éxcidant de corde tuo cunctis diébus vitæ tuæ. Docébis ea fílios ac nepótes tuos ». — Verbum Dómini.

### Psalmus responsorius

Ps 147, 12-13. 15-16. 19-20 (R.: 12 a)

R. Lauda, Ierúsalem, Dóminum.

- <sup>12</sup> Lauda, Ierúsalem, Dóminum;  
colláuda Deum tuum, Sion.
- <sup>13</sup> Quóniam confortávit seras portárum tuárum,  
benedíxit fíliis tuis in te. R.
- <sup>15</sup> Qui emíttit elóquium suum terræ,  
velóciter currit verbum eius.
- <sup>16</sup> Qui dat nivem sicut lanam,  
pruínam sicut cínerem spargit. R.
- <sup>19</sup> Qui annúnciat verbum suum Iacob,  
iustítias et iudícia sua Israel.
- <sup>20</sup> Non fecit táliter omni nátióni,  
et iudícia sua non manifestávit eis. R.

### Versus ante Evangelium

Io 6, 64 b. 69 b

Verba tua, Dómine, spíritus et vita sunt;  
verba vitæ ætérnæ habes.

## Evangelium

*Qui fecerit et docuerit, hic magnus vocabitur.*

✠ Lécio sancti Evangélii secúndum Matthæum

5, 17-19

In illo témpore: Dixit Iesus discíplis suis:

« Nólite putáre quóniam veni sólvete Legem aut Prophétas: non veni sólvete sed adimplére. Amen quippe dico vobis: Donec tránseat cælum et terra, iota unum aut unus apex non præteríbit a Lege donec ómnia fiant.

Qui ergo sólverit unum de mandátis istis mínimis et docúerit sic hómines, mínimus vocábitur in Regno cælórum; qui autem fécerit et docúerit, hic magnus vocábitur in Regno cælórum ». — Verbum Dómini.

Super oblata

Súscipe, quæsumus, Dómine,  
preces pópuli tui cum oblatiónibus hostiárum,  
et tua mystéria celebránte  
ab ómnibus nos defénde perículis.  
Per Christum.

Præfatio de Quadragesima, pp. 625-628.

Ant. ad communionem

Ps 15, 11

Notas mihi fecisti vias vitæ,  
adimplébis me lætítia cum vultu tuo, Dómine.

Post communionem

Sanctíficet nos, Dómine, qua pasti sumus, mensa cæléstis,  
et, a cunctis erróribus expiátos,  
supérnis promissionibus reddat accéptos.  
Per Christum.

**Feria quinta**

Ant. ad introitum

Salus pópuli ego sum, dicit Dóminus.

De quacúmque tribulatióne clamáverint ad me,  
exáudiam eos, et ero illórum Dóminus in perpétuum.

Collecta

Maiestátem tuam, Dómine, suppliciter implorámus,  
ut, quanto magis dies salutíferæ festivitátis accédit,  
tanto devótius ad eius celebrándum  
proficiámus paschále mystérium.

Per Dóminum.

Lectio prior

*Hæc est gens quæ non audivit  
vocem Domini Dei sui.*

Lectio libri Ieremiæ prophætæ

7, 23-28

Hæc dicit Dóminus:

« Hoc verbum præcépi eis dicens: " Audíte vocem  
meam, et ero vobis Deus, et vos éritis mihi pópulus;  
et ambuláte in omni via quam mandávi vobis, ut bene  
sit vobis " .

Et non audiérunt, nec inclinavérunt aurem suam,  
sed abiérunt in voluntátibus et in pravitate cordis sui  
mali, factique sunt retrórsum et non in ante, a die qua  
egressi sunt patres eórum de terra Ægýpti usque ad  
diem hanc.

Et misi ad vos omnes servos meos prophétas, per  
diem consúrgens dilúculo et mittens; et non audiérunt  
me, nec inclinavérunt aurem suam, sed induravérunt  
cervicem suam, et peius operáti sunt quam patres  
eórum.

Et loqueris ad eos ómnia verba hæc, et non áu-

dient te. Et vocábis eos, et non respondébunt tibi. Et dices ad eos: " Hæc est gens quæ non audívit vocem Dómini Dei sui nec recépit disciplinam. Périit fides, et abláta est de ore eórum " ». — Verbum Dómini.

Psalmus responsorius Ps 94, 1-2. 6-7. 8-9 (R.: 8)

R. Utinam hódie vocem Dómini audiátis:

« Nolíte obduráre corda vestra ».

Veníte, exsultémus Dómino;  
iubilémus Deo salutári nostro.

Præoccupémus fáciem eius in confessióne,  
et in psalmis iubilémus ei. R.

Veníte, adorémus et procidámus,  
et génua flectámus ante Dóminum qui fecit nos,  
quia ipse est Deus noster,  
et nos pópulus páscuæ eius et oves manus eius. R.

Utinam hódie vocem eius audiátis:

« Nolíte obduráre corda vestra,  
sicut in Meríba secúndum diem Massa in desérto,  
ubi tentavérunt me patres vestri:  
probavérunt me, etsi vidérunt ópera mea ».

Versus ante Evangelium

Ioel 2, 12-13

Nunc ergo, dicit Dóminus,  
convertímini ad me in toto corde vestro,  
quia benígnus et miséricors sum.

### Evangelium

*Qui non est mecum adversum me est.*

✠ Lécio sancti Evangélii secúndum Lucam 11, 14-23

In illo témpore:

Erat Iesus eiciens dæmónium, et illud erat mutum;  
et factum est cum dæmónium exiisset, locútus est mutus.

Et admiratæ sunt turbæ: quidam autem ex eis dixerunt: « In Beélzebul príncipe dæmoniórum éicit dæmónia ». Et álii tentántes, signum de cælo quærébant ab eo.

Ipse autem, sciens cogitatiónes eórum, dixit eis: « Omne regnum in se ipsum divísus desolátur, et domus supra domum cadit. Si autem et Sátanas in se ipsum divísus est, quómo do stabit regnum ipsíus? Quia dicitis in Beélzebul éicere me dæmónia. Si autem ego in Beélzebul éicio dæmónia, filii vestri in quo éiciunt? Ideo ipsi iúdicés vestri erunt. Porro si in dígito Dei éicio dæmónia, profécto pervénit in vos Regnum Dei.

Cum fortis armátus custódit átrium suum, in pace sunt ea quæ pössidet; si autem fórtior illo supervéniens vicerit eum, univérsa arma eius áuferet, in quibus confidébat, et spólia eius distribuet.

Qui non est mecum, advérsus me est, et qui non cólligit mecum, dispérgit ». — Verbum Dómini.

Super oblata

Ut tibi grata sint, Dómine, múnera pópuli tui,  
ab omni, quæsumus, eum contágio perversitátis emúnda,  
nec falsis gáudiis inhærére patiáris,  
quem ad veritátis tuæ præmia veníre promíttis.  
Per Christum.

Præfatio de Quadragesima, pp. 625-628.

Ant. ad communionem

Ps 118, 4-5

Tu mandásti mandáta tua custodíri nimis:  
útinam dirigántur viæ meæ  
ad custodiéndas iustificatiónes tuas.

Post communionem

Quos réficis, Dómine, sacraméntis,  
attólle benígnus auxiliis,

ut tuæ salvariõnis efféctum  
et mystériis capiámus et móribus.  
Per Christum.

### Feria sexta

Ant. ad introitum

Ps 85, 8. 10

Non est símilis tui in diis, Dómine,  
quóniam magnus es tu et fáciens mirabília;  
tu es Deus solus.

Collecta

Córdibus nostris, quæsumus, Dómine,  
grátiam tuam benígnus infúnde,  
ut ab humánis semper retrahámur excéssibus,  
et mónitis inhærére valeámus, te largiénte, cæléstibus.  
Per Dóminum.

Lectio prior

*Non dicemus ultra: « Dii nostri »  
opera manuum nostrarum.*

Léctio libri Osée prophétæ

14, 2-10

Hæc dicit Dóminus:

« Convértere, Israel, ad Dóminum Deum tuum,  
quóniam corruísti in iniquitáte tua. Tóllite vobíscum  
verba, et convertímini ad Dóminum, et dícite ei: “ Om-  
nem aufer iniquitátem, áccipe bonum, et reddémus ví-  
tulos labiórurn nostrórum. Assur non salvábit nos, su-  
per equum non ascendémus nec dicémus ultra: « Dii  
nostri » ópera mánuum nostrárum, quia eius, qui in  
te est, miseréberis pupílli ”.

Sanábo contritiónes eórum, díligam eos spontáneæ,  
quia avérsus est furor meus ab eis; ero quasi ros, Israel

germinábit sicut lílium, et erúmpet radix eius ut Líbani. Ibunt rami eius, et erit quasi olíva glória eius, et odor eius ut Líbani.

Converténtur sedéntes in umbra eius, vivent trítico, et germinábunt quasi vínea; memoriále eius sicut vinum Líbani. Ephraim, quid mihi ultra idóla? Ego exáudiam, et díligam eum ego ut abíetem viréntem, ex me fructus tuus invéntus est.

Quis sápiens et intéllet ista? intéllegens et sciet hæc? Quia rectæ viæ Dómini, et iusti ambulábunt in eis; prævaricatóres vero córruent in eis ».

Verbum Dómini.

Psalmus responsorius

Ps 80, 6 c-8 a. 8 bc-9. 10-11 ab. 14 et 17  
(R.: cf. 11 et 9 a)

R. Ego sum Dóminus Deus tuus: audi vocem meam.

<sup>6</sup> Sermónem quem non nóveram, audívi.

<sup>7</sup> « Divérti ab onéribus dorsum eius,  
manus eius a cóphino recessérunt.

<sup>8</sup> In tribulatióne invocásti me et liberávi te. R.

Exaudívi te in abscondito tempestátis,  
probávi te apud aquam Meríba.

<sup>9</sup> Audi, pópulus meus, et contestábor te,  
Israel, útinam áudias me. R.

<sup>10</sup> Non erit in te deus aliénus  
neque adorábis deum extráneum.

<sup>11</sup> Ego enim sum Dóminus Deus tuus  
qui edúxi te de terra Ægýpti. R.

<sup>14</sup> Si pópulus meus audísset me,  
Israel si in viis meis ambulásset,  
<sup>17</sup> et cibárem eos ex ádipe fruménti,  
et de petra melle saturárem eos ».

Versus ante Evangelium

Mt 4, 17

**Pæniténtiam ágite, dicit Dóminus;  
appropinquávit Regnum cælórum.**

Evangelium

*Dominus Deus noster Dominus unus est,  
et diliges eum.*

✠ Lécio sancti Evangéllii secúndum Marcum

In illo témpore:

12, 28 b-34

Accéssit unus de scribis ad Iesum et interrogávit eum: « Quod est primum ómnium mandátum? »

Iesus respóndit: « Primum est: " Audi, Israel: Dóminus Deus noster Dóminus unus est, et dñliges Dóminum Deum tuum ex toto corde tuo et ex tota ánima tua et ex tota mente tua et ex tota virtúte tua ". Secúndum est illud: " Dñliges próximum tuum tamquam tépsum ". Maius horum áliud mandátum non est ».

Et ait illi scriba: « Bene, Magíster, in veritáte dixísti: Unus est, et non est álius præter eum; et dilígere Eum ex toto corde et ex toto intelléctu et ex tota fortitúdine, et: Dilígere próximum tamquam se ipsum, maius est ómnibus holocaustomátibus et sacrificiis ».

Et Iesus videns quod sapiénter respondísset, dixit illi: « Non es longe a Regno Dei ». Et nemo iam audébat eum interrogáre. — Verbum Dómini.

Super oblata

**Réspice, quæsumus, Dómine,  
propítius ad múnera, quæ sacrámus,  
ut tibi grata reddántur,  
et nobis salutária semper exsístant.  
Per Christum.**

Præfatio de Quadragesima, pp. 625-628.



Ant. ad communionem

Cf. Mc 12, 33

**Diligere Deum ex toto corde,  
et próximum tamquam seipsum,  
maius est ómnibus sacrificiis.**

Post communionem

**Mentes nostras et córpora, Dómine, quæsumus,  
operátio tuæ virtútis infúdat,  
ut, quod participatióne sumpsimus,  
plena redemptiόne capiámus.  
Per Christum.**

### Sabbato

Ant. ad introitum

Ps 102, 2-3

**Bénedic, ánima mea, Dómino,  
et noli oblivisci omnes retributiόnes eius,  
qui propitiátur ómnibus iniquitatibus tuis.**

Collecta

**Observatiόnis huius ánnua celebritáte lætántes,  
quæsumus, Dómine,  
ut, paschálibus sacraméntis inhæréntes,  
plenis eórum efféctibus gaudeámus.  
Per Dóminum.**

Lectio prior

*Misericordiam volui, et non sacrificium.*

Lectio libri Osée prophète

6, 1 b-6

**Veníte, et revertámur ad Dóminum, quia ipse cepit  
et sanábit nos, percútiét et curábit nos. Vivificábit nos  
post duos dies, in die tértia suscitábit nos, et vivémus**

in conspéctu eius. Sciémus sequemúrque ut cognoscámus Dóminum. Quasi dilúculum præparátus est egréssus eius, et véniet quasi imber nobis temporáneus et sérótinus terræ.

« Quid fáciam tibi, Ephraim? quid fáciam tibi, Iuda? Misericórdia vestra quasi nubes matutína et quasi ros mane pertránsiens. Propter hoc dolávi in prophétis, occídi eos in verbis oris mei, et iudícia tua quasi lux egrediéntur. Quia misericórdiam vólui, et non sacrificium: et sciéntiam Dei plus quam holocáusta ».

Verbum Dómini.

### Psalmus responsorius

Ps 50, 3-4. 18-19. 20-21 ab (R.: Os 6, 6)

R. Misericórdiam vólui, et non sacrificium.

- <sup>3</sup> Misérére mei, Deus, secúndum misericórdiam tuam; et secúndum multitudínem miseratiónum tuárum dele iniquitátem meam.
- <sup>4</sup> Amplius lava me ab iniquitáte mea, et a peccáto meo munda me. R.
- <sup>18</sup> Non enim sacrificio delectáris, holocáustum, si ófferam, non placébit.
- <sup>19</sup> Sacrificium Deo spíritus contribulátus, cor contrítum et humiliátum, Deus, non despícies. R.
- <sup>20</sup> Bénigne fac, Dómine, in bona voluntáte tua Sion, ut ædificéntur muri Ierúsalem.
- <sup>21</sup> Tunc acceptábis sacrificium iustitiæ, oblatiões et holocáusta. R.

### Versus ante Evangelium

Ps 94, 8 ab

Hódie nolíte obduráre corda vestra, sed vocem Dómini audíte.

## Evangelium

*Descendit publicanus iustificatus  
in domum suam a Phariseo*

✠ Lécio sancti Evangéllii secúndum Lucam 18, 9-14

In illo témpore:

Dixit Iesus ad quosdam qui in se confidébant tamquam iusti et aspernábantur céteros, parábolam istam:

« Duo hómines ascendérunt in templum ut orárent, unus Pharisæus et alter publicánus. Pharisæus stans hæc apud se orábat: " Deus, grátias ago tibi quia non sum sicut céteri hóminum, raptóres, iniústi, adúlteri, velut étiam hic publicánus; ieiúno bis in sábbato, décimas do ómnium quæ possideo ".

Et publicánus a longe stans nolébat nec óculos ad cælum leváre, sed percutiébat pectus suum dicens: " Deus, propítius esto mihi peccatóri ".

Dico vobis: Descéndit hic iustificátus in domum suam ab illo: quia omnis qui se exáltat humiliábitur, et qui se humiliat exaltábitur ». — Verbum Dómini.

Super oblata

Deus, de cuius grátia venit  
ut ad mystéria tua purgátis sénsibus accedámus,  
præsta, quæsumus,  
ut, in eórum traditióne sollémniter honoránda,  
cómpetens deferámus obséquium.

Per Christum.

Præfatio de Quadragesima, pp. 625-628.

Ant. ad communionem

Lc 18, 13

Publicánus, stans a longe,  
percutiébat pectus suum dicens:  
Deus, propítius esto mihi peccatóri.

Post communionem

Da nobis, quæsumus, miséricors Deus,  
ut sancta tua, quibus incessanter explémur,  
sincéris tractémus obséquiiis,  
et fidéli semper mente sumámus.  
Per Christum.

## DOMINICA IV IN QUADRAGESIMA

Ubi, hac dominica, habentur scrutinia præparatoria ad baptismum adultorum, sumi possunt orationes rituales et intercessionis propriæ, ut infra, p. 1052.

Ant. ad introitum

Cf. Is 66, 10-11

Lætâre, Ierúsalem,  
et convéntum fácite, omnes qui dilígitis eam;  
gaudéte cum lætítia, qui in tristítia fuístis,  
ut exsultétis, et satiémini  
ab ubéribus consolatiónis vestræ.

### Collecta

Deus, qui per Verbum tuum  
humáni géneris reconciliatiónem mirabiliter operáris,  
præsta, quæsumus,  
ut pópulus cristiánus  
prompta devotióne et álacri fide  
ad ventúra sollémnia váleat festináre.  
Per Dóminum.

---

### Anno A

#### Lectio prima

*David ungitur in regem super Israel.*

Léctio libri primi Samuélis

16, 1 b. 6-7. 10-13 a

In diébus illis:

Dixit Dóminus ad Samuélem: « Imple cornu tuum oleo et veni, ut mittam te ad Isai Bethlehémitem; providi enim in fíliis eius mihi regem ».

Cumque ingrèssus esset, vidit Eliab et ait: « Num

coram Dómino est christus eius? » Et dixit Dóminus ad Samuélem: « Ne respicias vultum eius neque altitudinem státuræ eius, quóniam abiéci eum, nec iuxta intúitum hóminis ego iú dico; homo enim videt ea quæ parent; Dóminus autem intuétur cor ».

Addúxit itaque Isai septem filios suos coram Samuéle, et ait Sámuél ad Isai: « Non elégit Dóminus ex istis ». Dixitque Sámuél ad Isai: « Numquid iam compléti sunt filii? » Qui respóndit: « Adhuc réliquus est párvulus et pascit oves ». Et ait Sámuél ad Isai: « Mitte et adduc eum; nec enim discumbémus priúsqvam huc ille véniat ». Misit ergo et addúxit eum. Erat autem rufus et pulcher aspéctu decoráque fácie. Et ait Dóminus: « Surge, unge eum; ipse est enim ».

Tulit ergo Sámuél cornu ólei et unxit eum in médio fratrum eius, et diréctus est spíritus Dómini a die illa in David et deinceps. — Verbum Dómini.

**Psalmus responsorius Ps 22, 1-3 a. 3 b-4. 5. 6 (R.: 1)**

**R.** Dóminus pascit me, et nihil mihi déerit.

Dóminus pascit me, et nihil mihi déerit:  
in páscuis viréntibus me collocávit,  
super aquas quiétis edúxit me,  
ánimam meam refécit. **R.**

Dedúxit me super sémitas iustitiæ propter nomen suum.  
Nam et si ambulávero in valle umbræ mortis,  
non timébo mala, quóniam tu mecum es.  
Virga tua et báculo tuus  
ipsa me consoláta sunt. **R.**

Parásti in conspéctu meo mensam  
advérsus eos qui tríbulant me;  
impinguásti in óleo caput meum,  
et calix meus redúndat. **R.**

- 6 Etenim benignitas et misericórdia subsequéntur me  
 ómnibus díebus vitæ meæ,  
 et inhabitábo in domo Dómini  
 in longitúdinem diérum. *R.*

### Lectio secunda

*Exsurge a mortuis, et illuminabit tibi Christus.*

Léctio Epístolæ beáti Pauli apóstoli ad Ephésios

Fratres:

5, 8-14

Erátis aliquándo ténebræ, nunc autem lux in Dómino; ut filii lucis ambuláte — fructus enim lucis est in omni bonitáte et iustítia et veritáte — probántes quid sit beneplácitum Dómino; et nolíte communicáre opéribus infructuósis tenebrárum, magis autem et redargúite; quæ enim in occulto fiunt ab ipsis turpe est et dicere; omnia autem quæ arguúntur a lúmine manifestántur, omne enim quod manifestátur lumen est.

Propter quod dicit: « Surge, qui dormis, et exsúrge a mórtuis, et illuminábit tibi Christus ».

Verbum Dómini.

Versus ante Evangelium

Io 8, 12 b

Ego sum lux mundi, dicit Dóminus;  
 qui séquitur me, habébit lumen vitæ.

### Evangelium \*

*Abiit et lavit et venit videns.*

✠ Léctio sancti Evangélii secúndum Ioánnem 9, 1-41

In illo témpore:

Prætériens Iesus vidit hóminem cæcum a nativitate.  
 Et interrogavérunt eum discípuli sui dicéntes: « Rabbi,

quis peccávit, hic aut paréntes eius, ut cæcus nasceretur? »

Respóndit Iesus: « Neque hic peccávit neque paréntes eius, sed ut manifesténtur ópera Dei in illo. Nos opórtet operári ópera Eius qui misit me donec dies est; venit nox quando nemo potest operári. Quámdu in mundo sum, lux sum mundi ».

Hæc cum dixisset, éxspuit in terram et fecit lutum ex sputo, et linívit lutum super óculos eius et dixit ei: « Vade, lava in natatória Sílœ (quod interpretátur: " Missus ") ». Abiit ergo et lavit et venit videns.

Itaque vicíni, et qui vidébant eum prius quia mendícus erat, dicébant: « Nonne hic est qui sedébat et mendicábat? » Alii dicébant: « Hic est », alii dicébant: « Nequáquam, sed símilis est eius ». Ille dicébat: « Ego sum ».

Dicébant ergo ei: « Quómodo ígitur apérti sunt óculi tibi? »

Respóndit ille: « Homo qui dicitur Iesus lutum fecit et unxit óculos meos, et dixit mihi: " Vade ad Sílœam et lava ", ábii ergo et lavi et vidi ». Et dixerunt ei: « Ubi est ille? » Ait: « Nécio ».

Addúcunt eum ad Pharisæos qui cæcus fúerat. Erat autem sábbatum in qua die lutum fecit Iesus et apéruit óculos eius. Iterum ergo interrogábant et eum Pharisæi quómodo vidisset. Ille autem dixit eis: « Lutum pósuit super óculos meos et lavi et vídeo ».

Dicébant ergo ex Pharisæis quidam: « Non est hic homo a Deo, qui sábbatum non custódit ». Alii autem dicébant: « Quómodo potest homo peccátor hæc signa fácere? » Et schisma erat in eis. Dicunt ergo cæco íterum: « Tu quid dicis de eo, quia apéruit óculos tuos? » Ille autem dixit: « Prophéta est! »

Non credidérunt ergo Iudæi de illo quia cæcus



fuisset et vidisset, donec vocaverunt paréntes eius qui viderat. Et interrogaverunt eos dicéntes: « Hic est fílius vester, quem vos dicitis quia cæcus natus est? Quómodo ergo nunc videt? » Respondérunt ergo paréntes eius et dixerunt: « Scimus quia hic est fílius noster et quia cæcus natus est; quómodo autem nunc vídeat nescimus, aut quis eius aperuit óculos nos nescimus; ipsum interrogáte, ætátem habet, ipse de se loquétur ». Hæc dixerunt paréntes eius quia tímebant Iudæos, iam enim conspiráverant Iudæi ut si quis eum confiterétur Christum, extra synagógam fieret. Proptérea paréntes eius dixerunt: « Ætátem habet: ipsum interrogáte ».

Vocaverunt ergo rursum hóminem qui fúerat cæcus, et dixerunt ei: « Da glóriam Deo; nos scimus quia hic homo peccátor est ». Respondit ergo ille: « Si peccátor est nescio; unum scio, quia cæcus cum essem, modo vídeo ». Dixerunt ergo illi: « Quid fecit tibi? Quómodo aperuit óculos tuos? » Respondit eis: « Dixi vobis iam et non audístis; quid iterum vultis audire? Numquid et vos vultis discipuli eius fieri? »

Et maledixerunt ei et dixerunt: « Tu discipulus illius es, nos autem Móysis discipuli sumus. Nos scimus quia Móysi locútus est Deus, hunc autem nescimus unde sit ».

Respondit homo et dixit eis: « In hoc enim mirabile est quia vos nescítis unde sit, et aperuit meos óculos. Scimus quia peccátóres Deus non audit, sed si quis Dei cultor est et voluntátem eius facit, hunc exáudit. A sáculo non est audítum quia aperuit quis óculos cæci nati: nisi esset hic a Deo, non póterat fácere quidquam ».

Respondérunt et dixerunt ei: « In peccátis tu natus es totus, et tu doces nos? » Et eiecérunt eum foras.

Audívit Iesus quia eiecérunt eum foras, et cum in-

venisset eum dixit ei: « Tu credis in Fílium hómini-  
nis? » Respondit ille et dixit: « Et quis est, Dómine,  
ut credam in eum? » Dixit ei Iesus: « Et vidísti eum  
et qui loquitur tecum ipse est ». At ille ait: « Credo,  
Dómine », et adorávit eum.

Et dixit Iesus: « In iudícium ego in hunc mundum  
veni, ut qui non vident vídeant, et qui vident cæci  
fiant ». Audiérunt hæc ex Pharisæis qui cum ipso erant,  
et dixerunt ei: « Numquid et nos cæci sumus? » Dixit eis  
Iesus: « Si cæci essétis, non haberétis peccátum: nunc  
vero dicitis: " Vidémus ": peccátum vestrum manet ».

Verbum Dómini.

vel brevior

✠ Lécio sancti Evangélli secúndum Ioánnem

9, 1. 6-9. 13-17. 34-38

In illo témpore:

Præteriens Iesus vidit hóminem cæcum a nativité.  
Et éxspuit in terram et fecit lutum ex sputo, et linívit  
lutum super óculos eius et dixit ei: « Vade, lava in  
natatória Síloæ (quod interpretátur: " Missus ") ». Abiit  
ergo et lavit et venit videns.

Itaque vicíni, et qui vidébant eum prius quia men-  
dicus erat, dicébant: « Nonne hic est qui sedébat et  
mendicábat? » Alii dicébant: « Hic est », alii dicébant:  
« Nequáquam, sed símilis est eius ». Ille dicébat: « Ego  
sum ».

Addúcunt eum ad Pharisæos qui cæcus fúerat. Erat  
autem sábbatum in qua die lutum fecit Iesus et apéruit  
óculos eius. Iterum ergo interrogábant et eum Pharisæi  
quómodo vidísset. Ille autem dixit eis: « Lutum pósuit  
super óculos meos et lavi et vídeo ».

Dicébant ergo ex Pharisæis quidam: « Non est hic

homo a Deo, qui sabbatum non custodit ». Alii autem dicebant: « Quomodo potest homo peccator hæc signa facere? » Et schisma erat in eis. Dicunt ergo cæco iterum: « Tu quid dicis de eo, quia aperuit oculos tuos? » Ille autem dixit: « Propheta est! »

Respondérunt et dixerunt ei: « In peccatis tu natus es totus, et tu doces nos? » Et eiecerunt eum foras.

Audívit Iesus quia eiecerunt eum foras, et cum invenisset eum dixit ei: « Tu credis in Fílium hóminis? » Respóndit ille et dixit: « Et quis est, Dómine, ut credam in eum? » Dixit ei Iesus: « Et vidísti eum et qui loquitur tecum ipse est ». At ille ait: « Credo, Dómine », et adorávit eum. — Verbum Dómini.

## Anno B

### Lectio prima

*Ira et misericordia Domini per exsilium  
et liberationem populi manifestatur.*

Lectio libri secúndi Chronicórum 36, 14-16. 19-23

In diébus illis:

Univérsi príncipes sacerdotum et pópulus prævaricati sunt inique iuxta univérsas abominatiónes géntium, et polluerunt domum Dómini, quam sanctificáverat sibi in Ierúsalem. Mittébat autem Dóminus Deus patrum suórum ad illos per manum nuntiórum suórum de nocte consúrgens et cotidie cómmonens, eo quod párceret pópulo et habitáculo suo. At illi subsannábant nuntios Dei et parvipendébant sermónes eius illudébantque prophétis, donec ascénderet furor Dómini in pópulum eius, et esset nulla curátio.

Incendérunt hostes domum Dei, destruxerúntque

murum Ierúsalem, univérsas turres combussérunt et quidquid pretiósium fúerat demolíti sunt. Si quis eváserat gládium, ductus in Babylónem servívit regi et filiis eius donec imperáret rex Persárum, et completéretur sermo Dómini ex ore Ieremíæ, et celebráret terra sábbata sua; cunctis enim diébus desolatiónis egit sábbatum, usque dum compleréntur septuagínta anni.

Anno autem primo Cyri, regis Persárum, ad expléndum sermónem Dómini, quem locútus fúerat per os Ieremíæ, suscitávit Dóminus spíritum Cyri, regis Persárum, qui iussit prædicári in univérso regno suo étiam per scriptúram dicens: « Hæc dicit Cyrus, rex Persárum: " Omnia regna terræ dedit Dóminus Deus cæli, et ipse præcépit mihi ut ædificárem ei domum in Ierúsalem, quæ est in Iudæa. Quis ex vobis est in omni pópulo eius? Sit Dóminus Deus suus cum eo, et ascéndat " ». — Verbum Dómini.

Psalmus responsorius Ps 136, 1-2. 3. 4-5. 6 (ꝛ.: 6 a)

ꝛ. Adhæreat lingua mea fáucibus meis,  
si non memínero tui.

Super flúmina Babylónis,  
illic sédimus et flévimus,  
cum recordarémur Sion.  
In salícibus in médio eius  
suspendimus citharas nostras. ꝛ.

Quia illic rogavérunt nos,  
qui captívos duxérunt nos,  
verba cantiónum,  
et qui affligébant nos, lætítiam:  
« Cantáte nobis de cánticis Sion ». ꝛ.

Quómodo cantábimus cánticum Dómini  
in terra aliéna?

- 3 Si oblítus fúero tui, Ierúsalem,  
obliviscátur sui délixtera mea. **R.**
- 4 Adháreat lingua mea fáucibus meis,  
si non memínero tui,  
si non præposúero Ierúsalem  
in cápíte lætítiae meæ. **R.**

### Lectio secunda

*Mortui peccatis, gratia estis salvati.*

Léctio Epístolæ beáti Pauli apóstoli ad Ephésios

2, 4-10

Fratres:

Deus, qui dives est in misericórdia, propter nímiám caritátem suam qua diléxit nos, et cum essémus mórtui peccátis convivicávit nos Christo — grátia estis salváti — et conresuscitávit et consedére fecit in cæléstibus in Christo Iesu, ut osténderet in sæculis superveniéntibus abundántes divítias grátiae suæ in bonitáte super nos in Christo Iesu.

Grátia enim estis salváti per fidem; et hoc non ex vobis, Dei donum est: non ex opéribus, ut ne quis gloriétur. Ipsíus enim sumus factúra, creáti in Christo Iesu in ópera bona, quæ præparávit Deus ut in illis ambulémus. — Verbum Dómini.

Versus ante Evangelium

Io 3, 16

Sic Deus diléxit mundum,  
ut Fílium suum unigénitum daret;  
omnis qui credit in eum  
habet vitam ætérrnam.

## Evangelium

*Misit Deus Filium ut salvetur mundus per ipsum.*

✠ Lécio sancti Evangélii secúndum Ioánnem

3, 14-21

In illo témpore: Dixit Iesus Nicodémo:

« Sicut Móyses exaltávit serpéntem in desérto, ita exaltári opórtet Fílium hóminis, ut omnis qui credit in ipso hábeat vitam ætérnam ».

Sic enim diléxit Deus mundum, ut Fílium suum Unigénitum daret, ut omnis qui credit in eum non pér-eat sed hábeat vitam ætérnam. Non enim misit Deus Fílium in mundum ut iúdicet mundum, sed ut salvétur mundus per ipsum. Qui credit in eum non iudicátur: qui autem non credit iam iudicátus est, quia non cré-didit in Nómine Unigéniti Fílii Dei.

Hoc est autem iudícium: Lux venit in mundum, et dilexérunt hómines magis ténebras quam lucem, erant enim eórum mala ópera. Omnis enim qui mala agit, odit lucem et non venit ad lucem, ut non arguántur ópera eius; qui autem facit veritátem, venit ad lucem, ut manifesténtur eius ópera quia in Deo sunt facta.

Verbum Dómini.

Vel, ad libitum, omnes lectiones ut supra, anno A, p. 144.

## Anno C

## Lectio prima

*Populus Dei, in terram promissam ingressus,  
Pascha celebrat.*

Lécio libri Iósue

5, 9 a. 10-12

In diébus illis:

Dixit Dóminus ad Iósue: « Hódie ábstuli oppró-brium Ægýpti a vobis ».

Manserúntque filii Israel in Gálgalis, et fecerunt Phase quartadécima die mensis ad vésperum in campéstribus Iéricho, et comedérunt de frúgibus terræ die áltero, ázymos panes et poléntam eiúsdem anni.

Defecitque manna, postquam comedérunt de frúgibus terræ, nec usi sunt ultra cibo illo filii Israel, sed comedérunt de frúgibus præsentis anni terræ Chánaan.

Verbum Dómini.

**Psalmus responsorius** Ps 33, 2-3. 4-5. 6-7 (R.: 9 a)

**R.** Gustáte et vidéte quóniam suávis est Dóminus.

- 2** Benedicam Dóminum in omni témpore,  
semper laus eius in ore meo.
- 3** In Dómino gloriábitur ánima mea,  
áudiant mansuétí et læténtur. **R.**
- 4** Magnificáte Dóminum mecum,  
et exaltémus nomen eius in idípsum.
- 5** Exquisívi Dóminum, et exaudívit me,  
et ex ómnibus terróribus meis erípuit me. **R.**
- 6** Respícite ad eum, et illuminámini,  
et fácies vestræ non confundéntur.
- 7** Iste pauper clamávit, et Dóminus exaudívit eum,  
et de ómnibus tribulatió nibus eius salvávit eum. **R.**

### Lectio secunda

*Deus reconciliavit nos sibi per Christum.*

Léctio Epístolæ secúndæ beáti Pauli apóstoli  
ad Corínthios

5, 17-21

Fratres:

Si quis in Christo, nova creatúra; vétera transié-  
runt, ecce, facta sunt nova. Omnia autem ex Deo qui  
reconciliávit nos sibi per Christum et dedit nobis mi-

nistérium reconciliatiónis, quóniam quidem Deus erat in Christo mundum reconcilians sibi, non réputans illis delicta ipsórum, et pósuit in nobis verbum reconciliatiónis. Pro Christo ergo legatióne fúngimur tamquam Deo exhortánte per nos: obsecrámus pro Christo, reconciliámini Deo. Eum qui non nóverat peccátum, pro nobis peccátum fecit, ut nos efficerémur iustítia Dei in ipso. — Verbum Dómini.

Versus ante Evangelium

Lc 15, 18

Surgam et ibo ad patrem meum et dicam ei:  
« Pater, peccávi in cælum et coram te ».

### Evangelium

*Frater tuus hic mortuus erat et revixit.*

✠ Lécio sancti Evangélii secúndum Lucam

15, 1-3. 11-32

In illo témpore:

Erant appropinquátes Iesu omnes publicáni et peccatóres ut audírent illum. Et murmurábant Pharisæi et scribæ dicétes: « Hic peccatóres récipit et mandúcat cum illis ». Et ait ad illos parábolam istam dicens:

« Homo quidam habébat duos filios. Et dixit adulescéntior ex illis patri: " Pater, da mihi portiónem substántiæ quæ me contíngit ". Et divisit illis substántiam. Et non post multos dies, congregátis ómnibus, adulescéntior filius péregre proféctus est in regiónem longinquam, et ibi dissipávit substántiam suam vivéndo luxurióse.

Et postquam ómnia consummássset, facta est fames válda in regióne illa, et ipse cœpit egére. Et ábiit et adhésit uní civium regiónis illíus, et misit illum in



villam suam ut pásceret porcos, et cupiébat saturári de síliquis quas porci manducábant, et nemo illi dabat.

In se autem revérsus dixit: " Quanti mercennárii patris mei abúndant pánibus, ego autem hic fame pér-eo. Surgam et ibo ad patrem meum et dicam illi: Pater, peccávi in cælum et coram te et iam non sum dignus vocári fílius tuus: fac me sicut unum de mercennáriis tuis ". Et surgens venit ad patrem suum.

Cum autem adhuc longe esset, vidit illum pater ipsíus et misericórdia motus est et accúrrens cécidit super collum eius et osculátus est illum. Dixítque ei fílius: " Pater, peccávi in cælum et coram te, iam non sum dignus vocári fílius tuus ".

Dixit autem pater ad servos suos: " Cito proférte stolam primam et indúite illum, et date ánulum in manum eius et calceaménta in pedes et addúcite vítulum saginátum, occídite et manducémus et epulémur, quia hic fílius meus mórtuus erat et revíxit, perferat et invéntus est ". Et cœpérunt epulári.

Erat autem fílius eius sénior in agro, et cum veníret et appropinquáret dómui, audívit symphóniam et choros, et vocávit unum de servis et interrogávit quæ hæc essent. Isque dixit illi: " Frater tuus venit, et occídit pater tuus vítulum saginátum, quia salvum illum recépit ". Indignátus est autem et nolébat introíre. Pater ergo illíus egréssus cœpit rogáre illum. At ille respóndens dixit patri suo: " Ecce tot annis sérvio tibi et numquam mandátum tuum prætérii, et numquam dedísti mihi hædum ut cum amícis meis epulárer: sed postquam fílius tuus hic qui devorávit substántiam tuam cum meretrícibus venit, occídisti illi vítulum saginátum ".

At ipse dixit illi: " Fili, tu semper mecum es, et ómnia mea tua sunt; epulári autem et gaudére oportet.

tébat, quia frater tuus hic mórtuus erat et revíxit; perierat et invéntus est " ». — Verbum Dómini.

Vel, ad libitum, omnes lectiones ut supra, anno A, p. 144.

Dicitur Credo.

### Super oblata

Remédii sempitérni múnera, Dómine, lætántes offérimus,  
suppliciter exorántes,  
ut éadem nos et fidéliter venerári,  
et pro salute mundi congruénter exhibére perficias.  
Per Christum.

### Præfatio: De cæco nato.

Quando legitur Evangelium de cæco nato, dicitur sequens præfatio:

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.

Qui genus humánum, in ténebris ámbulans,  
ad fidei claritátem  
per mystérium incarnatiónis addúxit,  
et, qui servi peccáti véteris nascebántur,  
per lavácrum regeneratiónis  
in filios adoptiÓnis assúmpsit.

Propter quod cæléstia tibi atque terréstria  
cánticum novum cóncinunt adorándo,  
et nos, cum omni exércitu Angelórum,  
proclamámus, sine fine dicétes:

**Sanctus, Sanctus, Sanctus Dóminus Deus Sábaoth ...**

Quando vero non legitur Evangelium de cæco nato, dicitur  
præfatio de Quadragesima, pp. 625-626.

### Ant. ad communionem

Quando legitur Evangelium de cæco nato: Cf. Io 9, 11

Dóminus linívit óculos meos:  
et ábii, et lavi, et vidi, et crédidi Deo.

Quando legitur Evangelium de filio prodigo: Lc 15, 32

Opórtet te, fili, gaudére,  
quia frater tuus mórtuus fúerat, et revíxit;  
períerat, et invéntus est.

Quando legitur aliud Evangelium: Ps 121, 3-4

Ierúsalem, quæ ædificátur ut civitas,  
cuius participátio eius in idípsum.  
Illuc enim ascendérunt tribus, tribus Dómini,  
ad confiténdum nómini tuo, Dómine.

### Post communionem

Deus, qui illúminas omnem hómínem  
veniéntem in hunc mundum,  
illúmina, quésumus, corda nostra grátie tuæ splendóre,  
ut digna ac plácita maiestáti tuæ cogitáre semper,  
et te sincére dilígere valeámus.  
Per Christum.

**Missa ad libitum**

quæ adhiberi potest quavis die huius hebdomadæ præsertim annis B et C, quando Evangelium de cæco nato in dominica quarta Quadragesimæ non legitur.

**Lectio prior**

*Consurgam, cum sedero in tenebris:  
Dominus lux mea est.*

**Lectio libri Michææ prophetæ** **7, 7-9**

Ego ad Dóminum aspiciam; expectábo Deum salvatórem meum; áudiet me Deus meus.

Ne lætéris, inimíca mea, super me, quia cécedi; consúrgam, cum sédero in ténebris: Dóminus lux mea est.

Iram Dómini portábo, quóniam peccávi ei, donec causam meam iúdicet et fáciat iudícium meum. Edúcet me in lucem, vidébo iustítiam eius.

Verbum Dómini.

**Psalmus responsorius**

Ps 26, 1. 7-8 a. 8 b-9 abc. 13-14 (R.: 1 a)

**R.** Dóminus illuminátio mea et salus mea.

**1** Dóminus illuminátio mea et salus mea, quem timébo? Dóminus protéctor vitæ meæ, a quo trepidábo? **R.**

**7** Exáudi, Dómine, vocem meam qua clamávi, miserére mei et exáudi me.

**8** De te dixit cor meum: « Exquírite fáciem eius ». **R.**

Fáciem tuam, Dómine, requíram.

**9** Ne avértas fáciem tuam a me, ne declínes in ira a servo tuo.

Adiútor meus es tu, ne me reicias. **R.**

**13** Credo vidére bona Dómini in terra vivéntium.

**14** Exspécta Dóminum, viríliter age, et confortétur cor tuum, et sústine Dóminum. **R.**

Versus ante Evangelium

Io 8, 12 b

**Ego sum lux mundi, dicit Dóminus;  
qui séquitur me, habébit lumen vitæ.**

Evangelium (Io 9, 1-41), ut supra, p. 146.

### Feria secunda

Ant. ad introitum

Ps 30, 7-8

**Ego autem in Dómino sperábo.  
Exsultábo, et lætabor in tua misericórdia,  
quia respexisti humilitátem meam.**

Collecta

**Deus, qui ineffábilibus mundum rénovas sacraméntis,  
præsta, quésumus,  
ut Ecclésia tua et ætérnis proficiat institútis,  
et temporálibus non destituátur auxiliis.  
Per Dóminum.**

### Lectio prior

*Non audietur ultra vox fletus et vox clamoris.*

Lectio libri Isaíæ prophétæ

65, 17-21

Hæc dicit Dóminus:

« Ecce ego creo cælos novos et terram novam; et non erunt in memória prióra, et non ascéndent super cor.

Sed gaudébitis et exsultábitis usque in sempitérnum in his quæ ego creo. Quia ecce ego creo Ierúsalem " Exsultatiónem " et pópulum eius " Gáudium ". Et exsultábo in Ierúsalem et gaudébo in pópulo meo, et non audiétur in eo ultra vox fletus et vox clamóris.

Non erit ibi ámplius infans diérum, et senex qui

non impleat dies suos, quóniam puer centum annórum moriétur, et peccátor centum annórum maledíctus erit. Et ædificábunt domos et habitábunt, et plantábunt víneas, et cómedent fructus eárum ». — Verbum Dómini.

### Psalmus responsorius

Ps 29, 2 et 4. 5-6. 11-12 a et 13 b (R.: 2 a)

R. Exaltábo te, Dómine, quóniam extraxísti me.

<sup>2</sup> Exaltábo te, Dómine, quóniam extraxísti me, nec delectásti inimícos meos super me.

<sup>4</sup> Dómine, eduxísti ab inférno ánimam meam, vivificásti me, ut non descénderem in lacum. R.

<sup>5</sup> Psállite Dómino, sancti eius, et confitémini memóriæ sanctitátis eius.

<sup>6</sup> Quóniam ad moméntum indignatio eius, et per vitam volúntas eius.

Ad vésperum demorátur fletus,  
ad matutinum lætítia. R.

<sup>11</sup> Audi, Dómine, et miserére mei, Dómine, esto mihi adiútor.

<sup>12</sup> Convertísti planctum meum in choros mihi.

<sup>13</sup> Dómine Deus meus, in ætérnum confitébor tibi. R.

### Versus ante Evangelium

Am 5, 14

Quærite bonum, et non malum, ut vivátis;  
et erit Dóminus vobíscum.

### Evangelium

*Vade: filius tuus vivit.*

✠ Lécio sancti Evangélli secúndum Ioánnem 4, 43-54

In illo témpore:

Exiit Iesus a Samaría in Galiléam; ipse enim Iesus testimónium perhibuit quia prophéta in sua pátria ho-

nórem non habet. Cum ergo venisset in Galiléam, excepérunt eum Galilæi, cum ómnia vidissent quæ fécerat Hierosólymis in die festo, et ipsi enim vénerant in diem festum.

Venit ergo íterum in Cana Galiléæ, ubi fecit aquam vinum. Et erat quidam régius, cuius filius infirmabátur Caphárnaum; hic cum audisset quia Iesus advénerit a Iudæa in Galiléam, ábiit ad eum et rogábat ut descénderet et sanáret filium eius, incipiébat enim mori.

Dixit ergo Iesus ad eum: « Nisi signa et prodígia vidéritis, non credétiis ».

Dicit ad eum régius: « Dómine, descénde prius quam moriátur filius meus ».

Dicit ei Iesus: « Vade: filius tuus vivit ». Crédidit homo sermóni quem dixit ei Iesus et ibat.

Iam autem eo descendénte, servi eius occurrérunt ei dicétes quia filius eius vivit. Interrogábat ergo horam ab eis, in qua mélius habúerit. Dixérunt ergo ei: « Heri hora séptima relíquit eum febris ». Cognóvit ergo pater quia illa hora erat in qua dixit ei Iesus: « Filius tuus vivit », et crédidit ipse et domus eius tota.

Hoc íterum secúndum signum fecit Iesus cum venisset a Iudæa in Galiléam. — Verbum Dómini.

Super oblata

Dicátæ tibi, Dómine, quæsumus,  
capiámus oblatiónis efféctum,  
ut, a terrénæ vetustátis conversatióne mundáti,  
cæléstis vitæ proféctibus innovémur.

Per Christum.

Præfatio de Quadragesima, pp. 625-628.

Ant. ad communionem

Ez 36, 27

Spíritum meum ponam in médio vestri,  
et fáciam ut in præcéptis meis ambulétiis,

et iudicia mea custodiátis, et operémini,  
dicit Dóminus.

Post communionem

Sancta tua nos, Dómine, quæsumus,  
et renovádo vivíficent,  
et sanctificádo ad æterna perdúcant.  
Per Christum.

### Feria tertia

Ant. ad introitum

Cf. Is 55, 1

Sitiéntes, veníte ad aquas, dicit Dóminus;  
et qui non habétis prætium,  
veníte, et bíbite cum lætítia.

Collecta

Exercitátio veneránda sanctæ devotiónis, Dómine,  
tuórum fidélium corda dispónat,  
ut et dignis méntibus suscipiant paschále mystérium,  
et salvatiónis tuæ núntient præcónium.  
Per Dóminum.

Lectio prior

*Vidi aquam egredientem de templo,  
et omnes ad quos pervenit aqua ista salvi facti sunt.*

Léctio libri Ezechiélis prophétæ

47, 1-9. 12

In diébus illis:

Convértit me ángelus ad portam domus Dómini, et  
ecce aquæ egrediebántur subter limen domus ad orién-  
tem; fácies enim domus respiciébat ad oriéntem, aquæ  
autem descendébant in latus templi dextrum ad merí-



diem altáris. Et edúxit me per viam portæ aquilónis, et convértit me ad viam foras portam exteriórem, viam quæ respiciébat ad oriéntem; et ecce aquæ redundántes a látere dextro.

Cum egrederétur vir ad oriéntem, qui habébat funículum in manu sua, et mensus est mille cúbitos, et tradúxit me per aquam usque ad talos. Rursúmque mensus est mille, et tradúxit me per aquam usque ad génuá; et mensus est mille, et tradúxit me per aquam usque ad renes. Et mensus est mille torréntem quem non pótui pertransíre, quóniam intumúerant aquæ profúndi torréntis, qui non potest transvadári. Et dixit ad me: « Certe vidísti, fili hóminis ». Et edúxit me, et convértit ad ripam torréntis.

Cumque me convertíssem, ecce in ripa torréntis ligna multa nimis ex utrâque parte. Et ait ad me: « Aquæ istæ, quæ egrediúntur ad túmulos sábuli orientális, et descéndunt ad plana desértili, intrábunt mare; et exíbunt, et sanabúntur aquæ: et omnis ánima vivens quæ serpít, quocúmque vénerit torrens, vivet, et erunt pisces multi satis, postquam vénerint illuc aquæ istæ, et sanabúntur et vivent ómnia ad quæ vénerit torrens.

Et super torréntem oriétur in ripis eius ex utrâque parte omne lignum pomíferum; non défluet fólium ex eo, et non defíciet fructus eius; per síngulos menses áfferet primitíva, quia aquæ eius de sanctuário egrediúntur, et erunt fructus eius in cibum, et fólia eius ad medicínam ». — Verbum Dómini.

Psalmus responsorius Ps 45, 2-3. 5-6. 8-9 (R.: 8)

R. Dóminus virtútum nobíscum,  
refúgium nobis Deus Iacob.

<sup>2</sup> Deus est nobis refúgium et virtus,  
adiutórium in tribulatióibus invéntus est nimis.

- 3 Propterea non timébitus, dum turbábitur terra,  
et transferéntur montes in cor maris. **℞.**
- 5 Flúminis rivi lætíficant civitátem Dei,  
sancta tabernácula Altíssimi.
- 6 Deus in médio eius, non commovébitur;  
adiuvábit eam Deus mane dilúculo. **℞.**
- 8 Dóminus virtútum nobíscum,  
refúgium nobis Deus Iacob.
- 9 Veníte, et vidéte ópera Dómini,  
quæ pósuit prodígia super terram. **℞.**

## Versus ante Evangelium

Ps 50, 12 a. 14 a

Cor mundum crea in me, Deus;  
et redde mihi lætítiam salutáris tui.

## Evangelium

*Statim sanus factus est homo ille.*

## ✠ Lécio sancti Evangélii secúndum Ioánnem

5, 1-3. 5-16

Erat dies festus Iudæórum, et ascéndit Iesus Hierosólymam.

Est autem Hierosólymis, super Probática, piscína, quæ cognominátur hebraíce Bethsátha, quinque pórticus habens. In his iacébat multitúdo languéntium, cæcórum, claudórum, aridórum.

Erat autem quidam homo ibi, trigínta et octo annos habens in infirmitáte sua. Hunc cum vidísset Iesus iacéntem, et cognovísset quia multum iam tempus habet, dicit ei: « Vis sanus fferi? »

Respóndit ei lánguidus: « Dómine, hóminem non hábeo, ut, cum turbáta fúerit aqua, mittat me in piscínam; dum autem vénio ego, álius ante me descéndit ».

Dicit ei Iesus: « Surge, tolle grabátum tuum et ámbula ». Et statim sanus factus est homo, et sústulit grabátum suum et ambulábat.

Erat autem sábbatum in illo die. Dicébant ergo Iudæi illi qui sanátus fúerat: « Sábbatum est, et non licet tibi tóllere grabátum tuum ».

Ille autem respóndit eis: « Qui me fecit sanum, ille mihi dixit: " Tolle grabátum tuum et ámbula " ».

Interrogavérunt eum: « Quis est ille homo qui dixit tibi: " Tolle et ámbula " ? » Is autem qui sanus fúerat efféctus, nesciébat quis esset, Iesus enim declinávit a turba constitúta in loco.

Póstea invénit eum Iesus in templo, et dixit illi: « Ecce sanus factus es: iam noli peccáre, ne detérius tibi áliquíd contingat ». Abiit ille homo et nuntiávit Iudæis quia Iesus esset qui fecit eum sanum. Et prop-térea persequébantur Iudæi Iesum, quia hæc faciébat in sábbato. — Verbum Dómini.

Super oblata

Offérimus tibi, Dómine, múnera quæ dedísti,  
ut et creatiónis tuæ circa mortalitátem nostram  
testificéntur auxiliúm,  
et remédiúm nobis immortalitátis operéntur.  
Per Christum.

Præfatio de Quadragesima, pp. 625-628.

Ant. ad communionem

Ps 22, 1-2

Dóminus regit me, et nihil mihi déerit;  
in loco páscuæ ibi me collocávit,  
super aquam refectiónis educávit me.

Post communionem

Purífica, quæsumus, Dómine, mentes nostras benignus,  
et rénova cæléstibus sacraméntis,

ut consequenter  
et corporum praesens pariter et futurum  
capiamus auxilium. Per Christum.

### Feria quarta

Ant. ad introitum

Ps 68, 14

Ego vero orationem meam ad te, Domine;  
tempus beneplaciti, Deus.  
In multitudine misericordiae tuae exaudi me,  
in veritate salutis tuae.

Collecta

Deus, qui et iustis praemia meritum  
et peccatoribus veniam per penitentiam praebes,  
tuis supplicibus miserere,  
ut reatus nostri confessio  
indulgentiam valeat percipere delictorum.  
Per Dominum.

Lectio prior

*Dedi te in foedus populi, ut suscitares terram.*

Lectio libri Isaiae prophetae

49, 8-15

Haec dicit Dominus:

« In tempore placito exaudi vi te, et in die salutis  
auxiliatus sum tui; et servavi te, et dedi te in foedus  
populi, ut suscitares terram, et possideres hereditates  
dissipatas; ut diceres his qui vincti sunt: " Exite ", et  
his qui in tenebris: " Revelamini ".

Super vias pascuntur, et in omnibus planis pascua  
eorum. Non esurient, neque sitient, et non percuet  
eos aestus et sol, quia miserator eorum reget eos,

et ad fontes aquarum potabit eos. Et ponam omnes montes meos in viam, et semitæ meæ exaltabuntur.

Ecce isti de longe venient, et ecce illi ab aquilone et mari, et isti de terra australi. Laudate, cæli! et exsulta, terra! iubilate, montes, laudem! quia consolatus est Dominus populum suum, et pauperum suorum miserabitur.

Et dixit Sion: " Dereliquit me Dominus, et Dominus oblitus est mei ". Numquid oblivisci potest mulier infantem suum, ut non misereatur filio uteri sui? Et si illa oblita fuerit, ego tamen non obliviscar tui! »

Verbum Domini.

Psalmus responsorius

Ps 144, 8-9. 13 cd-14. 17-18 (R.: 8 a)

R. Miserator et misericors Dominus.

- <sup>8</sup> Miserator et misericors Dominus,  
longanimis et multæ misericordiæ.
- <sup>9</sup> Suavis Dominus universis,  
et miserationes eius super omnia opera eius. R.
- <sup>13</sup> Fidelis Dominus in omnibus verbis suis,  
et sanctus in omnibus operibus suis.
- <sup>14</sup> Allevat Dominus omnes qui corruunt,  
et erigit omnes depressos. R.
- <sup>17</sup> Iustus Dominus in omnibus viis suis,  
et sanctus in omnibus operibus suis.
- <sup>18</sup> Prope est Dominus omnibus invocantibus eum,  
omnibus invocantibus eum in veritate. R.

Versus ante Evangelium

Io 11, 25 a. 26

Ego sum resurrectio et vita, dicit Dominus;  
qui credit in me, non morietur in æternum.

## Evangelium

*Sicut Pater suscitatur mortuos et vivificat,  
sic et Filius quos vult vivificat.*

✠ Lécitio sancti Evangélii secúndum Ioánnem

5, 17-30

In illo témpore:

Respóndit Iesus Iudæis: « Pater meus usque modo operátur, et ego óperor ».

Proptérea ergo magis quærébant eum Iudæi interficere, quia non solum solvébat sábbatum sed et Patrem suum dicébat Deum, æquálem se fáciens Deo.

Respóndit itaque Iesus et dixit eis:

« Amen, amen dico vobis: Non potest Fílius a se fácere quidquam nisi quod viderit Patrem faciéntem; quæcúmque enim ille fáciat, hæc et Fílius similiter facit. Pater enim diligit Fílium et ómnia démonstrat ei quæ ipse facit, et maióra his démonstrábit ei ópera, ut vos mirémini.

Sicut enim Pater súscitat mórtuos et vivificat, sic et Fílius quos vult vivificat. Neque enim Pater iúdicat quemquam, sed iudícium omne dedit Fílio, ut omnes honoríficent Fílium sicut honoríficant Patrem. Qui non honoríficat Fílium, non honoríficat Patrem qui misit illum. Amen, amen dico vobis: Qui verbum meum audit et credit Ei qui misit me, habet vitam ætérnam, et in iudícium non venit sed tránsiit a morte in vitam.

Amen, amen dico vobis: Venit hora, et nunc est, quando mórtui áudient vocem Fílii Dei et qui audierint vivent. Sicut enim Pater habet vitam in semetípso, sic dedit et Fílio vitam habére in semetípso; et potestátem dedit ei iudícium fácere, quia Fílius hóminis est.

Nolíte mirári hoc, quia venit hora in qua omnes qui in monuméntis sunt áudient vocem eius et procé-

dent, qui bona fecerunt, in resurrectionem vitæ, qui vero mala egerunt, in resurrectionem iudicii.

Non possum ego a me ipso facere quidquam: sicut audio, iudico, et iudicium meum iustum est, quia non quero voluntatem meam, sed voluntatem Eius qui misit me ». — Verbum Domini.

Super oblata

Huius sacrificii potentia, Domine, quæsumus,  
et vetustatem nostram clementer abstergat,  
et novitatem nobis augeat et salutem. Per Christum.

Præfatio de Quadragesima, pp. 625-628.

Ant. ad communionem

Io 3, 17

Non misit Deus Filium suum in mundum  
ut iudicet mundum,  
sed ut salvetur mundus per ipsum.

Post communionem

Cælestia dona capiéntibus, quæsumus, Domine,  
non ad iudicium provenire patiáris,  
quæ fidélibus tuis ad remédium providísti. Per Christum.

### Feria quinta

Ant. ad introitum

Ps 104, 3-4

Lætetur cor quærentium Dominum.  
Querite Dominum et confirmámini,  
quærite faciém eius semper.

Collecta

Clementiam tuam, Domine, supplici voto depóscimus,  
ut nos famulos tuos, pæniténtia emendátos

et bonis opéribus erudítos,  
in mandátis tuis fácias perseveráre sincéros,  
et ad paschália festa perveníre illésos. Per Dóminum.

### Lectio prior

*Esto placabilis super nequitia populi tui.*

Léctio libri Exodi

32, 7-14

In diébus illis:

Locútus est Dóminus ad Móysen dicens: « Vade, descénde; peccávit pópulus tuus, quem eduxísti de terra Ægýpti. Recessérunt cito de via, quam ostendísti eis, fecerúntque sibi vítulum conflátilem et adoravérunt; atque immolántes ei hóstias dixerúnt: " Isti sunt dii tui, Israel, qui te eduxérunt de terra Ægýpti " ».

Rursúmque ait Dóminus ad Móysen: « Cerno quod pópulus iste duræ cervicis sit; dimítte me, ut irascátur furor meus contra eos et déleam eos, faciámque te in gentem magnam ».

Móyses autem orábat Dóminum Deum suum dicens: « Cur, Dómine, iráscitur furor tuus contra pópulum tuum, quem eduxísti de terra Ægýpti in fortitúdine magna et in manu robústa? Ne, quæso, dicant Ægýptii: " Cállide edúxit eos, ut interfíceret in móntibus, et deléret e terra ": quiéscat ira tua, et esto placábilis super nequítia pópuli tui.

Recordáre Abraham, Isaac et Israel servórum tuórum, quibus iurásti per temetípsum dicens: " Multiplícábo semen vestrum sicut stellas cæli, et univérsam terram hanc, de qua locútus sum, dabo sémini vestro, et possidébitis eam semper " ».

Placátusque est Dóminus ne fáceret malum, quod locútus fúerat advérsus pópulum suum.

Verbum Dómini.



## Psalmus responsorius

Ps 105, 19-20. 21-22. 23 (R.: 4 a)

R. Meménto nostri, Dómine, in beneplácito pópuli tui.

- 19 Et fecérunt vítulum in Horeb,  
et adoravérunt scúlptile;
- 20 et mutavérunt glóriam suam  
in similitúdinem tauri comedéntis fenum. R.
- 21 Oblíti sunt Deum qui salvávit eos,  
qui fecit magnália in Ægýpto,
- 22 mirabília in terra Cham,  
terribília in Mari Rubro. R.
- 23 Et dixit quia dispénderet eos,  
nisi affuísset Móyses eléctus eius.  
Stetit in confractióne in conspéctu eius,  
ut avérteret iram eius ne destrúeret eos. R.

## Versus ante Evangelium

Io 3, 16

Sic Deus diléxit mundum,  
ut Fílium suum unigénitum daret;  
omnis qui credit in eum habet vitam ætérnam.

## Evangelium

*Est qui accuset vos, Moyses, in quo vos speratis.*

✠ Lécitio sancti Evangélli secúndum Ioánnem

5, 31-47

In illo témpore: Dixit Iesus Iudáeis:

« Si ego testimónium perhíbeo de me ipso, testi-  
mónium meum non est verum: álius est qui testimó-  
nium pérhibet de me, et scio quia verum est testimó-  
nium quod pérhibet de me.

Vos misístis ad Ioánnem et testimónium perhíbuit  
veritáti; ego autem non ab hómine testimónium acci-

pio, sed hæc dico ut vos salvi sitis. Ille erat lucerna ardens et lucens, vos autem voluistis exultare ad horam in luce eius. Ego autem habeo testimonium maius Ioanne.

Opera enim quæ dedit mihi Pater ut perficiam ea, ipsa opera quæ ego facio, testimonium perhibent de me quia Pater me misit; et qui misit me Pater, ipse testimonium perhibuit de me. Neque vocem eius umquam audistis neque speciem eius vidistis, et verbum eius non habetis in vobis manens, quia quem misit ille, huic vos non creditis.

Scrutamini Scripturas, quia vos putatis in ipsis vitam æternam habere: et illæ sunt quæ testimonium perhibent de me; et non vultis venire ad me ut vitam habeatis.

Glóriam ab hominibus non accipio, sed cognovi vos, quia dilectionem Dei non habetis in vobis. Ego veni in Nómine Patris mei et non accipitis me; si alius venerit in Nómine suo, illum accipietis. Quomodo potestis vos credere, qui glóriam ab invicem accipitis, et glóriam quæ a solo est Deo non queritis?

Nolite putare quia ego accusaturus sim vos apud Patrem; est qui accuset vos, Móyses, in quo vos speratis. Si enim crederetis Móysi, crederetis forsitan et mihi, de me enim ille scripsit. Si autem illius litteris non creditis, quomodo meis verbis credetis? »

Verbum Dómini.

Super oblata

Concede, quæsumus, omnipotens Deus,  
ut huius sacrificii munus oblátum  
fragilitatem nostram ab omni malo purget semper  
et múniat. Per Christum.

Præfatio de Quadragesima, pp. 625-628.

Ant. ad communionem

Ier 31, 33

Dabo legem meam in viscéribus eórum,  
et in corde eórum scribam eam; et ero eis in Deum,  
et ipsi erunt mihi in pópulum, dicit Dóminus.

Post communionem

Puríficent nos, quésumus, Dómine,  
sacraménta quæ sumpsimus,  
et fámulos tuos ab omni culpa líberos esse concéde,  
ut, qui consciéntiæ reátu constringúntur,  
cæléstis remédii plenitúdine gloriéntur.  
Per Christum.

### Feria sexta

Ant. ad introitum

Ps 53, 3-4

Deus, in nómine tuo salvum me fac,  
et in virtúte tua líbera me.

Deus, exáudi oratióem meam,  
áuribus pércipe verba oris mei.

Collecta

Deus, qui fragilitáti nostræ cóngrua subsidiá præparásti,  
concéde, quésumus, ut suæ reparatiónis efféctum  
et cum exultatióne suscípiat,  
et pia conversatióne recéseat. Per Dóminum.

Lectio prior

*Morte turpissima condemnemus eum.*

Léctio libri Sapiéntiæ

2, 1 a. 12-22

Dixerunt ímpii, cogitántes apud se non recte:

« Circumveniámus iustum, quóniam inútilis est no-  
bis, et contrárius est opéribus nostris, et impróperat

nobis peccáta legis, et diffámat in nos peccáta disciplínæ nostræ. Promíttit se sciéntiam Dei habére, et fílium Dei se nóminat.

Factus est nobis in traductiónem cogitátionum nostrárum: gravis est nobis étiam ad vidéndum; quóniam dissímilis est áliis vita illíus, et immutátæ sunt viæ eius. Tamquam nugáces æstimáti sumus ab illo, et ábstinet se a viis nostris tamquam ab immundítiis; et præfert novíssima iustórum, et gloriátur patrem se habére Deum.

Videámus ergo si sermónes illíus veri sint, et tentémus quæ ventúra sunt illi, et sciémus quæ erunt novíssima illíus. Si enim est verus fílius Dei, suscipiet illum, et liberábit eum de mánibus contrariórum.

Contumélia et torménto interrogémus eum, ut sciámus reveréntiam eius, et probémus paciéntiam illíus. Morte turpíssima condemnémus eum; erit enim ei respéctus ex sermónibus illíus ».

Hæc cogitavérunt et erravérunt; excæcávit enim illos malítia eórum. Et nesciérunt sacraménta Dei, neque mercédem speravérunt iustítiæ, nec iudicavérunt honórem animárum sanctárum. — Verbum Dómini.

### Psalmus responsorius

Ps 33, 17-18. 19-20. 21 et 23 (R.: 19 a)

R. Iuxta est Dóminus iis qui contríto sunt corde.

17 Vultus autem Dómini super faciéntes mala,  
ut perdat de terra memóriam eórum.

18 Clamavérunt, et Dóminus exaudivit,  
et ex ómnibus tribulatióibus eórum liberávit eos. R.

19 Iuxta est Dóminus iis qui contríto sunt corde,  
et confráctos spírítu salvábit.

20 Multæ tribulatióes iustórum,  
et de ómnibus his liberábit eos Dóminus. R.

- <sup>21</sup> Custódit ómnia ossa eórum,  
unum ex his non conterétur.
- <sup>23</sup> Rédimet Dóminus ánimas servórum suórum,  
et non puniéntur omnes qui sperant in eo. **R.**

**Versus ante Evangelium****Mt 4, 4 b**

Non in solo pane vivit homo,  
sed in omni verbo quod procédit de ore Dei.

**Evangelium**

*Quærebant eum apprehendere,  
sed nondum venerat hora eius.*

✠ Lécio sancti Evangéllii secúndum Ioánnem

In illo témpore:

**7, 1-2. 10. 25-30**

Ambulábat Iesus in Galiléam; non enim volébat in Iudéam ambuláre, quia quærebant eum Iudæi interficere. Erat autem in próximo dies festus Iudæórum, Scenopégia.

Ut autem ascendérunt fratres eius ad diem festum, tunc et ipse ascéndit, non maniféste, sed quasi in occúlto.

Dicébant ergo quidam ex Hierosolymítis: « Nonne hic est quem quærunť interficere? Et ecce palam lóquitur et nihil ei dicunt. Numquid vere cognóverunt príncipes quia hic est Christus? Sed hunc scimus unde sit, Christus autem cum vénerit nemo scit unde sit ».

Clamávit ergo docens Iesus in templo et dicens: « Et me scitis et unde sim scitis: et a me ipso non veni, sed est verus qui misit me, quem vos non scitis. Ego scio eum, quia ab ipso sum et ipse me misit ».

Quærebant ergo eum apprehéndere, et nemo misit in illum manus, quia nondum vénerat hora eius.

Verbum Dómini.

## Super oblata

Hæc sacrificia nos, omnipotens Deus,  
potenti virtute mundatos,  
ad suum faciant puriores venire principium.  
Per Christum.

Præfatio de Quadragesima, pp. 625-628.

Ant. ad communionem

Eph 1, 7

In Christo habemus redemptionem  
per sanguinem eius,  
remissionem peccatorum,  
secundum divitias gratiæ eius.

Post communionem

Præsta, quæsumus, Dómine,  
ut, sicut de præteritis ad nova transimus,  
ita, vetustate depósita, sanctificatis mentibus innovémur.  
Per Christum.

## Sabbato

Ant. ad introitum

Ps 17, 5-7

Circumdedérunt me gémitus mortis,  
dolores inférni circumdedérunt me;  
et in tribulatione mea invocávi Dóminum,  
et exaudivit de templo sancto suo vocem meam.

Collecta

Dírigat corda nostra, quæsumus, Dómine,  
tuæ miseratiónis operátio,  
quia tibi sine te placere non póssumus.  
Per Dóminum.

## Lectio prior

*Ego quasi agnus mansuetus,  
qui portatur ad victimam.*

Lectio libri Ieremiæ prophætæ 11, 18-20

Tu, Dómine, demonstrásti mihi, et cognóvi; tunc ostendísti mihi stúdia eórum.

Et ego quasi agnus mansuétus, qui portátur ad víctimam, et non cognóvi, quia cogitavérunt super me consília dicétes: « Mittámus lignum in panem eius, et eradámus eum de terra vivéntium, et nomen eius non memorétur ámplius ».

Tu autem, Dómine Sábaoth, qui iúdicas iuste et probas renes et corda, vídeam ultiónem tuam ex eis; tibi enim revelávi causam meam. — Verbum Dómini.

## Psalmus responsorius

Ps 7, 2-3. 9 bc-10. 11-12 (R.: 2 a)

**R.** Dómine Deus meus, in te sperávi.

**2** Dómine Deus meus, in te sperávi;  
salvum me fac ex ómnibus persecúentibus me  
et líbera me,

**3** nequándo rápiat ut leo ánimam meam,  
discérens, dum non est qui salvum fáciat. **R.**

**9** Iúdica me, Dómine, secúndum iustítiam meam,  
et secúndum innocéntiam meam quæ est in me.

**10** Consumátur nequítia peccatórum;  
et iustum confírma:  
scrutans corda et renes Deus iustus. **R.**

**11** Adiutórium meum apud Deum  
qui salvos facit rectos corde.

**12** Deus iudex iustus,  
Fortis iráscens per síngulos dies. **R.**

Versus ante Evangelium

Io 3, 16

Sic Deus diléxit mundum,  
 ut Fílium suum unigénitum daret;  
 omnis qui credit in eum, habet vitam ætérnam.

Evangelium

*Numquid a Galilæa Christus venit?*

✠ Lécio sancti Evangélli secúndum Ioánnem

In illo témpore:

7, 40-53

Ex turba, cum audíssent sermónes Iesu, dicébant: « Hic est vere Prophéta ». Alii dicébant: « Hic est Christus », quidam autem dicébant: « Numquid a Galilæa Christus venit? Nonne Scriptúra dixit: " Ex sémine David, et de Bétlehem castélló ubi erat David, venit Christus " ? » Dissénsio itaque facta est in turba propter eum. Quidam autem ex ipsis volébant apprehéndere eum, sed nemo misit super illum manus.

Venérunt ergo ministri ad pontífices et Phariséos, et dixerunt eis illi: « Quare non adduxístis eum? »

Respondérunt ministri: « Numquam sic locútus est homo ».

Respondérunt ergo eis Phariséi: « Numquid et vos sedúcti estis? Numquid áliquis ex princípibus crédidit in eum aut ex Phariséis? Sed turba hæc, quæ non novit Legem, maledícti sunt ».

Dicit Nicodémus ad eos, ille qui venit ad eum ántea, qui unus erat ex ipsis: « Numquid Lex nostra iúdicat hóminem nisi audierit ab ipso prius et cognóverit quid fáciat? »

Respondérunt et dixerunt ei: « Numquid et tu ex Galilæa es? Scrutáre et vide quia Prophéta a Galilæa non surgit ».



**Et reversi sunt unusquisque in domum suam.  
Verbum Dómini.**

**Super oblata**

**Oblatióibus nostris, quésumus, Dómine,  
placáre susceptis,  
et ad te nostras étiam rebélles  
compélle propítius voluntátes.  
Per Christum.**

**Præfatio de Quadragesima, pp. 625-628.**

**Ant. ad communionem**

**1 Petr 1, 19**

**Pretiósio ságuine  
quasi Agni immaculáti Christi et incontamináti  
redémpti sumus.**

**Post communionem**

**Tua nos, quésumus, Dómine, sancta purificent,  
et operatióne sua tibi plácitos esse perficiant.  
Per Christum.**

Usus cooperiendi cruces et imagines per ecclesiam servari potest, de iudicio Conferentiæ Episcopalis. Cruces velatæ remanent usque ad expletam celebrationem Passionis Domini, feria VI Hebdomadæ sanctæ, imagines vero usque ad initium Vigiliæ paschalis.

## DOMINICA V IN QUADRAGESIMA

Ubi, hac dominica, habentur scrutinia praeparatoria ad baptismum adultorum, sumi possunt orationes rituales et intercessionem propriam, ut infra, p. 1052.

Ant. ad introitum

Ps 42, 1-2

Iúdica me, Deus,  
et discérne causam meam de gente non sancta;  
ab hómine iníquo et dolóso éripe me,  
quia tu es Deus meus et fortitúdo mea.

Collecta

Quáesumus, Dómine Deus noster,  
ut in illa caritáte, qua Fílius tuus  
díligenz mundum morti se trádidit,  
inveniámur ipsi, te opitulánte, alácritér ambulánte.  
Per Dóminum.

---

Anno A

Lectio prima

*Dabo spiritum meum in vobis et vivetis.*

Lectio libri Ezechiélis prophétæ

37, 12-14

Hæc dicit Dóminus Deus:

« Ecce ego apéiriam túmulos vestros et edúcam vos de sepúlcris vestris, pópulus meus, et indúcam vos in terram Israel; et sciétis quia ego Dóminus, cum aperúero sepúlcrá vestra et edúxero vos de túmulis vestris, pópule meus, et dédero spíritum meum in vobis, et vixéritis, et requiéscere vos fáciam super humum vestram, et sciétis quia ego Dóminus locútus sum et feci », ait Dóminus Deus. — Verbum Dómini.

## Psalmus responsorius

Ps 129, 1-2. 3-4. 5-7 a. 7 bc-8 (R.: 7)

R. Apud Dóminum misericórdia,  
et copiósá apud eum redéptio.

1 De profúndis clamávi ad te, Dómine;

2 Dómine, exáudi vocem meam.

Fiant aures tuæ intendéntes  
in vocem deprecationis meæ. R.

3 Si iniquitátes observáveris, Dómine,  
Dómine, quis sustinébit?

4 Quia apud te propitiátio est,  
et timébimus te. R.

5 Sustínui te, Dómine;  
sustínuit ánima mea in verbo eius,

6 sperávit ánima mea in Dómino.

7 Magis quam custódes auróram,  
speret Israel in Dómino. R.

Quia apud Dóminum misericórdia,  
et copiósá apud eum redéptio.

8 Et ipse rédimet Israel  
ex ómnibus iniquitátibus eius. R.

## Lectio secunda

*Spiritus eius qui suscitavit Iesum  
a mortuis habitat in vobis.*

Léctio Epístolæ beáti Pauli apóstoli ad Romános

Fratres:

8, 8-11

Qui in carne sunt, Deo placére non possunt. Vos autem in carne non estis, sed in spíritu, si tamen Spíritus Dei hábitat in vobis.

Si quis autem Spíritum Christi non habet, hic non est eius. Si autem Christus in vobis est, corpus quidem mórtuum est propter peccátum, spíritus vero vita propter iustítiam. Quod si Spíritus eius qui suscitávit Iesum a mórtuis hábitat in vobis, qui suscitávit Christum a mórtuis vivificábit et mortália córpora vestra per inhabitántem Spíritum suum in vobis.

Verbum Dómini.

Versus ante Evangelium

Io 11, 25 a. 26

Ego sum resurrectio et vita, dicit Dóminus;  
qui credit in me non moriétur in ætérnum.

Evangelium \*

*Ego sum resurrectio et vita.*

✠ Lécio sancti Evangélii secúndum Ioánnem

11, 1-45

In illo témpore:

Erat quidam languens Lázarus a Bethánia, de castélló Mariæ et Marthæ soróris eius. Mariá autem erat quæ unxit Dóminum unguénto et extérsit pedes eius capillis suis, cuius frater Lázarus infirmabátur. Misérunt ergo soróres ad eum dicéntes: « Dómine, ecce quem amas infirmátur ». Audiens autem Iesus dixit: « Infirmas hæc non est ad mortem sed pro glória Dei, ut glorificétur Fílius Dei per eam ».

Diligébat autem Iesus Martham et sorórem eius et Lázarus.

Ut ergo audívit quia infirmabátur, tunc quidem mansit in loco in quo erat duóbus diébus; deínde post hoc dicit discíplis: « Eámus in Iudæam íterum ».

Dicunt ei discípluli: « Rabbi, nunc quærébat te Iudæi lapidáre, et íterum vadis illuc? »

Respondit Iesus: « Nonne duodecim horæ sunt diéi? Si quis ambuláverit in die, non offéndit, quia lucem huius mundi videt; si quis autem ambuláverit in nocte, offéndit, quia lux non est in eo ».

Hæc ait, et post hoc dicit eis: « Lázarus amicus noster dormit, sed vado ut a somno exsúscitem eum ».

Dixerunt ergo ei discípuli: « Dómine, si dormit salvus erit ». Dixerat autem Iesus de morte eius, illi autem putavérunt quia de dormitióne somni diceret.

Tunc ergo dixit eis Iesus manifeste: « Lázarus mórtuus est, et gaudeo propter vos, ut credátis, quóniam non eram ibi: sed eámus ad eum ».

Dixit ergo Thomas qui dicitur Dídymus ad condiscípulos: « Eámus et nos, ut moriámur cum eo ».

Venit itaque Iesus et invénit eum quáttuor dies iam in monuménto habéntem. Erat autem Bethánia iuxta Hierosólymam quasi stádiis quíndecim. Multi autem ex Iudæis vénerant ad Martham et Mariam, ut consolaréntur eas de fratre.

Martha ergo ut audívit quia Iesus venit, occúrrit illi; María autem domi sedébat. Dixit ergo Martha ad Iesum: « Dómine, si fuísses hic, frater meus non esset mórtuus; sed et nunc scio quia quæcúmque popósce- ris a Deo, dabit tibi Deus ».

Dicit illi Iesus: « Resúrget frater tuus ».

Dicit ei Martha: « Scio quia resúrget in resurrec- tióne in novíssimo die ».

Dixit ei Iesus: « Ego sum resurréctio et vita: qui credit in me, et si mórtuus fúerit, vivet, et omnis qui vivit et credit in me, non moriétur in ætérnum. Cre- dis hoc? »

Ait illi: « Utique, Dómine; ego crédidi quia tu es Christus Fílius Dei, qui in mundum venísti ».

Et cum hæc dixisset, abiit et vocavit Mariam sororem suam silentio, dicens: « Magister adest et vocat te ». Illa autem ut audivit surrexit cito et venit ad eum; nondum enim venerat Iesus in castellum, sed erat adhuc in illo loco ubi occurrerat ei Martha. Iudæi igitur qui erant cum ea in domo et consolabantur eam, cum vidissent Mariam quia cito surrexit et exiit, secuti sunt eam putantes: « Vadit ad monumentum, ut ploret ibi ».

Maria ergo, cum venisset ubi erat Iesus, videns eum cecidit ad pedes eius dicens ei: « Domine, si fuisses hic, non esset mortuus frater meus ».

Iesus ergo ut vidit eam plorantem et Iudæos qui venerant cum ea plorantes, fremuit spiritu et turbavit se ipsum, et dixit: « Ubi posuistis eum? »

Dicunt ei: « Domine, veni et vide ». Lacrimatus est Iesus. Dicebant ergo Iudæi: « Ecce quomodo amabat eum ». Quidam autem dixerunt ex ipsis: « Non poterat hic qui aperuit oculos cæci facere ut et hic non moreretur? »

Iesus ergo rursus fremens in semetipso, venit ad monumentum; erat autem spelunca, et lapis superpositus erat ei.

Ait Iesus: « Tollite lapidem ».

Dicit ei Martha, soror eius qui mortuus fuerat: « Domine, iam fetet, quatríduanus enim est ».

Dicit ei Iesus: « Nonne dixi tibi quoniam si crederis videbis gloriam Dei? » Tulérunt ergo lapidem. Iesus autem elevatis sursum oculis, dixit: « Pater, gratias ago tibi quoniam audisti me. Ego autem sciebam quia semper me audis, sed propter populum qui circumstat dixi, ut credant quia Tu me misisti ». Et hæc cum dixisset, voce magna clamavit: « Lázare, veni foras ». Prodiit qui fuerat mortuus ligatus pedes et manus

institis, et fácies illíus sudário erat ligáta. Dicit Iesus eis: « Sólvite eum et sínite eum abíre ».

Multi ergo ex Iudáeis, qui vénerant ad Mariám et víderant quæ fecit, credidérunt in eum.

Verbum Dómini.

vel brevior

✠ Lécio sancti Evangélii secúndum Ioánnem

11, 3-7. 17. 20-27. 33 b-45

In illo témpore:

Misérunt soróres Lázari ad Iesum dicéntes: « Dómine, ecce quem amas infirmátur ». Audiens autem Iesus dixit: « Infirmitas hæc non est ad mortem sed pro glória Dei, ut glorificétur Fílius Dei per eam ».

Diligébat autem Iesus Martham et sorórem eius et Lázarum.

Ut ergo audívit quia infirmabátur, tunc quidem mansit in loco in quo erat duóbus diébus; deínde post hoc dicit discíplis: « Eámus in Iudéam íterum ».

Venit itaque Iesus et invénit eum quáttuor dies iam in monuménto habéntem.

Martha ergo ut audívit quia Iesus venit, occúrrit illi; María autem domi sedébat. Dixit ergo Martha ad Iesum: « Dómine, si fuísses hic, frater meus non esset mórtuus; sed et nunc scio quia quæcúmque popósceris a Deo, dabit tibi Deus ».

Dicit illi Iesus: « Resúrget frater tuus ».

Dicit ei Martha: « Scio quia resúrget in resurreccióne in novíssimo die ».

Dixit ei Iesus: « Ego sum resurréctio et vita: qui credit in me, et si mórtuus fúerit, vivet, et omnis qui vivit et credit in me, non moriétur in ætérnum. Credis hoc? »

Ait illi: « Uti que, Dómine, ego crédidi quia tu es Christus Fílius Dei, qui in mundum venísti ».

Iesus ergo fréruit spírítu et turbávit se ipsum, et dixit: « Ubi posuístis eum? »

Dicunt ei: « Dómine, veni et vide ». Lacrimátus est Iesus. Dicébant ergo Iudæi: « Ecce quómodo amábat eum ». Quidam autem dixerunt ex ipsis: « Non póterat hic qui apéruit óculos cæci fácere ut et hic non morerétur? »

Iesus ergo rursus fremens in semetípso, venit ad monuméntum; erat autem spelúnca, et lapis superpó-situs erat ei.

Ait Iesus: « Tóllite lápidem ».

Dicit ei Martha, soror eius qui mórtuus fúerat: « Dómine, iam fetet, quatríduanus enim est ».

Dicit ei Iesus: « Nonne dixi tibi quóniam si cre-díderis vidébis glóriam Dei? » Tulérunt ergo lápidem. Iesus autem elevátis sursum óculis, dixit: « Pater, grá-tias ago tibi quóniam audísti me. Ego autem sciébam quia semper me audis, sed propter pópulum qui circúm-stat dixi, ut credant quia Tu me misísti ». Et hæc cum dixisset, voce magna clamávit: « Lázare, veni foras ». Pródiit qui fúerat mórtuus ligátus pedes et manus ínstitis, et fácies illíus sudário erat ligáta. Dicit Iesus eis: « Sólvite eum et sínite eum abire ».

Multi ergo ex Iudæis, qui vénerant ad Mariám et víderant quæ fecit, credidérunt in eum.

Verbum Dómini.



## Anno B

## Lectio prima

*Feriam foedus novum et peccati non memorabor.*

Lectio libri Ieremiæ prophætæ . 31, 31-34

« Ecce dies vénient, dicit Dóminus, et fériam dómui Israel et dómui Iuda foedus novum; non secúndum pactum, quod pépigi cum pátribus eórum in die qua apprehéndi manum eórum, ut edúcerem eos de terra Ægýpti, pactum quod írritum fecérunt, et ego dominátus sum eórum, dicit Dóminus.

Sed hoc erit pactum, quod fériam cum domo Israel post dies illos, dicit Dóminus: dabo legem meam in viscéribus eórum, et in corde eórum scribam eam; et ero eis in Deum, et ipsi erunt mihi in pópulum.

Et non docébit ultra vir próximum suum, et vir fratrem suum dicens: " Cognósce Dóminum ". Omnes enim cognóscent me a mínimo eórum usque ad máximum, ait Dóminus; quia propitiábor iniquitáti eórum et peccáti eórum non memorábor ámplius ».

Verbum Dómini.

Psalmus responsorius

Ps 50, 3-4. 12-13. 14-15 (R.: 12 a)

R. Cor mundum crea in me, Deus.

<sup>3</sup> Misérére mei, Deus, secúndum misericórdiam tuam; et secúndum multitudínem miseratiónum tuárum dele iniquitátem meam.

<sup>4</sup> Amplius lava me ab iniquitáte mea, et a peccáto meo munda me. R.

<sup>12</sup> Cor mundum crea in me, Deus, et spíritum firmum innova in viscéribus meis.

<sup>13</sup> Ne proicias me a fácie tua, et spíritum sanctum tuum ne áuferas a me. R.

- <sup>14</sup> Redde mihi lætítiam salutáris tui,  
et spírítu promptíssimo confírma me.
- <sup>15</sup> Docébo iníquos vias tuas,  
et impíi ad te converténtur. **R.**

### Lectio secunda

*Didicit obœdientiam et factus est auctor  
salutis æternæ.*

Léctio Epístolæ ad Hebræos

5, 7-9

Fratres:

Christus in diébus carnis suæ, preces supplicatio-  
nésque ad eum qui possit salvum illum a morte fácere,  
cum clamóre válido et lácrimis ófferens, et exaudítus  
pro sua reveréntia, et quidem cum esset Fílius, dídicit  
ex his quæ passus est obœdiéntiam; et, consummátus,  
factus est ómnibus obœdiéntibus sibi auctor salutis  
æternæ. — Verbum Dómini.

Versus ante Evangelium

Io 12, 26

Si quis mihi minístrat, me sequátur, dicit Dóminus;  
et ubi sum ego, illic et miníster meus erit.

### Evangelium

*Si granum frumenti cadens in terram  
mortuum fuerit, multum fructum affert.*

✠ Léctio sancti Evangélii secúndum Ioánnem

In illo témpore:

12, 20-33

Erant Græci quidam ex his qui ascénderant ut ado-  
rarent in die festo; hi ergo accessérunt ad Philíppum,  
qui erat a Bethsáida Galilææ, et rogábant eum dicen-  
tes: « Dómine, vólumus Iesum vidére ». Venit Philíp-

pus et dicit Andréæ; venit Andréas et Philíppus et dicunt Iesu. Iesus autem respóndet eis dicens:

« Venit hora ut glorificétur Fílius hóminis. Amen, amen dico vobis: Nisi granum fruménti cadens in terram mórtuum fúerit, ipsum solum manet; si autem mórtuum fúerit, multum fructum affert. Qui amat ánimam suam, perdit eam, et qui odit ánimam suam in hoc mundo in vitam ætérnam custódiat eam. Si quis mihi ministrat, me sequátur, et ubi sum ego, illic et míster meus erit: si quis mihi ministráverit, honorificábit eum Pater.

Nunc ánima mea turbáta est. Et quid dicam? Pater, salvífica me ex hora hac? Sed proptérea veni in horam hanc. Pater, glorífica tuum Nomen ».

Venit ergo vox de cælo: « Et glorificávi, et iterum glorificábo ». Turba ergo, quæ stabat et audíerat, dicebat tonítrum factum esse, álíi dicebant: « Angelus ei locútus est ». Respóndit Iesus et dixit: « Non propter me vox hæc facta est, sed propter vos. Nunc iudícium est huius mundi, nunc princeps huius mundi eiciétur foras: et ego, si exaltátus fúero a terra, omnes traham ad me ipsum ».

Hoc autem dicebat significans qua morte esset moritúrus. — Verbum Dómini.

Vel, ad libitum, omnes lectiones ut supra, anno A, p. 181.

## Anno C

### Lectio prima

*Ecce facio nova et dabo potum populo meo.*

Léctio libri Isaíæ prophétæ

43, 16-21

Hæc dicit Dóminus, qui dedit in mari viam et in aquis torréntibus sémitam, qui edúxit quadrígam et

equum, agmen et robustum; simul obdormierunt nec resurgent, contriti sunt quasi linum et extincti sunt:

« Ne meminéritis priórum et antiq̄ua ne intueámini. Ecce ego fácio nova, et nunc oriéntur, útique cognoscétis ea; ponam in desérto viam et in ínvio flúmina.

Glorificábit me béstia agri, dracónes et struthiónes, quia dedi in desérto aquas, flúmina in ínvio, ut darem potum pópulo meo, elécto meo. Pópulum istum formávi mihi, laudem meam narrábit ».

Verbum Dómini.

Psalmus responsorius

Ps 125, 1-2 ab. 2 cd-3. 4-5. 6 (R.: 3)

R. Magnificávit Dóminus fácere nobíscum;  
facti sumus lætántes.

In converténdo Dóminus captivitátem Sion,  
facti sumus quasi somniántes.

Tunc replétum est gáudio os nostrum,  
et lingua nostra exsultatióne. R.

Tunc dicébant inter gentes:

« Magnificávit Dóminus fácere cum eis ».

Magnificávit Dóminus fácere nobíscum;  
facti sumus lætántes. R.

Convérte, Dómine,  
captivitátem nostram,  
sicut torréntes in Austro.

Qui séminant in lácrimis,  
in exsultatióne metent. R.

Eúntes ibant et flebant,  
semen spargéndum portántes;  
veníentes autem vénient in exsultatióne  
portántes manípulos suos. R.

## Lectio secunda

*Propter Christum omnia detrimentum feci,  
conformans me morti eius.*

## Lectio Epistolæ beati Pauli apóstoli ad Philippenses

3, 8-14

Fratres:

Existimo ómnia detriméntum esse propter eminéntiam sciéntiæ Christi Iesu Dómini mei, propter quem ómnia detriméntum feci, et árbitror ut stercora ut Christum lucrí fáciam et invéniam in illo, non habens meam iustítiam quæ ex Lege est, sed illam quæ per fidem est Christi, quæ ex Deo est iustítia in fide, ad cognoscéndum illum et virtútem Resurrectiónis eius et communiómem passiónum illius, confórmans me morti eius, si quo modo occúrram ad resurrectiónem quæ est ex mórtuis.

Non quod iam accéperim aut iam perféctus sim, pérsequor autem si unquam comprehéndam, sicut et comprehénsus sum a Christo Iesu. Fratres, ego me non árbitror comprehéndisse; unum autem, quæ quidem retro sunt obliviscens, ad ea vero quæ ante sunt exténdens me, ad destinátum pérsequor, ad bravium supérnæ vocatiónis Dei in Christo Iesu.

Verbum Dómini.

Versus ante Evangelium

Ioel 2, 12-13

Nunc ergo, dicit Dóminus,  
convertimini ad me in toto corde vestro,  
quia benígnus et miséricors sum.

## Evangelium

*Qui sine peccato est vestrum,  
primus in illam lapidem mittat.*

✠ Lécio sancti Evangélii secúndum Ioánnem 8, 1-11

In illo témpore:

Iesus perréxit in Montem Olivéti. Dilúculo autem íterum venit in templum, et omnis pópulus veniébat ad eum, et sedens docébat eos.

Addúcunt autem scribæ et Pharisæi mulierem in adultério deprehénsam, et statuérunt eam in médio, et dicunt ei: « Magíster, hæc múlier manifésto deprehénsa est in adultério; in Lege autem Móyses mandávit nobis huiúsmodi lapidáre; tu ergo quid dicis? » Hoc autem dicébant tentántes eum, ut possent accusáre eum.

Iesus autem inclínans se deórsum dígito scribébat in terra. Cum autem perseverárent interrogántes eum, eréxit se et dixit eis: « Qui sine peccáto est vestrum, primus in illam lápidem mittat », et íterum se inclínans scribébat in terra. Audiéntes autem unus post unum exíbant, incipiéntes a senióribus, et remánsit solus, et múlier in médio stans.

Erígens autem se Iesus dixit ei: « Múlier, ubi sunt? Nemo te condemnávit? »

Quæ dixit: « Nemo, Dómine ».

Dixit autem Iesus: « Nec ego te condémno: vade, et ámplius iam noli peccáre ». — Verbum Dómini.

Vel, ad libitum, omnes lectiones ut supra, anno A, p. 181.

Dicitur Credo.

**Super oblata**

**Exáudi nos, omnípotens Deus,  
et fámulos tuos,  
quos fídei christiánæ eruditiónibus imbuísti,  
huius sacrificií tríbuas operatióne mundári.  
Per Christum.**

**Præfatio: De Lazaro.**

**Quando legitur Evangelium de Lazaro, dicitur sequens præfatio:**

**Ÿ. Dóminus vobíscum.**

**℞. Et cum spírítu tuo.**

**Ÿ. Sursum corda.**

**℞. Habémus ad Dóminum.**

**Ÿ. Grátias agámus Dómino Deo nostro.**

**℞. Dignum et iustum est.**

**Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.**

**Ipse enim verus homo Lázarus flevit amícum,  
et Deus ætérnus e túmulo suscitávit,  
qui, humáni géneris miserátus,  
ad novam vitam sacris mystériis nos addúcit.**

**Per quem maiestátem tuam adórat exércitus Angelórum,  
ante conspéctum tuum in æternitáte lætántium.  
Cum quíbus et nostras voces ut admitti iúbeas,  
deprecámur, sócia exsultatióne dicéntes:**

**Sanctus, Sanctus, Sanctus Dóminus Deus Sábaoth ...**

**Quando non legitur Evangelium de Lazaro, dicitur præfatio de  
Quadragesima, pp. 625-626.**

Ant. ad communionem

Quando legitur Evangelium de Lazaro: Io 11, 26

**Omnis qui vivit et credit in me,  
non moriétur in ætérnum,  
dicit Dóminus.**

Quando legitur Evangelium de muliere adultera: Io 8, 10-11

**Nemo te condemnávit, múlter? Nemo, Dómine.  
Nec ego te condemnábo: iam ámplius noli peccáre.**

Quando legitur aliud Evangelium: Io 12, 24-25

**Amen, amen dico vobis:  
Nisi granum fruménti cadens in terram mórtuum fúerit,  
ipsum solum manet;  
si autem mórtuum fúerit, multum fructum affert.**

Post communionem

**Quésumus, omnípotens Deus,  
ut inter eius membra semper numerémur,  
cuius Córpori comunicámus et Súnguini.  
Per Christum.**

### **Missa ad libitum**

quæ adhiberi potest quavis die huius hebdomadæ præsertim annis B et C, quando Evangelium de Lazaro in dominica quinta Quadragesimæ non legitur.

Lectio prior

*Incurvavit se super eum,  
et calefacta est caro pueri.*

Léctio libri secúndi Regum 4, 18 b-21. 32-37

**Cum esset quædam dies, et egressus isset fílius Sunamítidis ad patrem suum, ad messóres, ait patri suo:**



« Caput meum dóleo, caput meum dóleo ». At ille dixit púero: « Tolle, et duc eum ad matrem suam ». Qui cum tulisset et duxisset eum ad matrem suam, pósuit eum illa super gēnua sua usque ad merídiem, et mórtuus est. Ascéndit autem et collocávit eum super léctulum hóminis Dei, et clausit óstium.

Ingréssus est ergo Eliséus domum, et ecce puer mórtuus iacébat in léctulo eius; ingressúsque clausit óstium super se et super púerum, et orávit ad Dóminum. Et ascéndit et incúbuit super púerum; posuítque os suum super os eius, et óculos suos super óculos eius, et manus suas super manus eius, et incurvávit se super eum: et calefácta est caro púeri. At ille revérsus deambulávit in domo semel huc atque illuc. Et ascéndit et incúbuit super eum; et oscitávit puer sépties aperuítque óculos.

At ille vocávit Giézi et dixit ei: « Voca Sunamítidem hanc ». Quæ vocáta, ingrēssa est ad eum. Qui ait: « Tolle fílium tuum ». Venit illa et córruit ad pedes eius, et adorávit super terram; tulítque fílium suum et egrēssa est. — Verbum Dómini.

### Psalmus responsorius

Ps 16, 1. 6-7. 8 b et 15 (R.: 15 b)

R. Satiábor, cum evigilávero, conspéctu tuo, Dómine.

1 Exáudi, Dómine, iustítiam meam,  
inténde deprecatióem meam.

Auribus pércipe oratióem meam,  
non in lábiis dolósis. R.

6 Ego ad te clamávi quóniam exáudis me, Deus;  
inclína aurem tuam mihi, et exáudi verba mea.

7 Mirífica misericórdias tuas,  
qui salvos facis sperántes in te ab insurgéntibus,  
in dēxtera tua. R.

Sub umbra alárum tuárum prótege me.  
Ego autem in iustítia vidébo fáciem tuam,  
satiábor, cum evigilávero, conspéctu tuo. **ꝛ.**

**Versus ante Evangelium**

**Io 11, 25 a. 26**

Ego sum resurréctio et vita, dicit Dóminus;  
qui credit in me, non moriétur in ætérnum.

**Evangelium (Io 11, 1-45), ut supra, p. 183.**

## Feria secunda

**Ant. ad introitum**

**Ps 55, 2**

Miserére mihi, Dómine, quóniam conculcávit me homo,  
tota die bellans tribulávit me.

**Collecta**

Deus, per cuius ineffábilem grátiam  
omni benedictióne ditámur,  
præsta nobis, ita in novitátem a vetustáte transíre,  
ut regni cælestis glóriæ præparémur.  
Per Dóminum.

**Lectio prior \***

*Ecce morior, cum nihil horum fecerim.*

**Léctio libri Daniélis prophétæ**

**13, 1-9. 15-17. 19-30. 33-62**

**In diébus illis:**

Erat vir hábitans in Babylóne, et nomen eius Ióakim; et accépit uxórem nómine Susánnam, fliam Helcíæ, pulchram nimis et timéntem Deum: paréntes enim illíus, cum essent iusti, erudiérunt fliam suam secúndum legem Móysi. Erat autem Ióakim dives valde, et

erat ei pomárium vicinum dómui suæ; et ad ipsum confluébant Iudæi eo quod esset honorabilior ómnium.

Et constitúti sunt de pópulo duo senes iúdice in illo anno, de quibus locútus est Dóminus: « Quia egrésa est iniquitas de Babylóne a senióribus iudícibus, qui videbántur régere pópulum ». Isti frequentábant domum Ióakim, et veniébant ad eos omnes qui habébant iudícia.

Cum autem pópulus revertísset per merídiem, ingrediebátur Susánna, et deambulábat in pomário viri sui. Et vidébant eam senes cotidie ingrediéntem et deambulántem, et exarsérunt in concupiscéntiam eius, et evertérunt sensum suum, et declinavérunt óculos suos, ut non vidérent cælum, neque recordaréntur iudiciórum iustórum.

Factum est autem, cum observárent diem aptum, ingrésa est aliquándo sicut heri et nudiustértius cum duábus solis puéllis, voluitque lavári in pomário, æstus quippe erat. Et non erat ibi quisquam præter duos senes absconditos et contemplátes eam. Dixit ergo puéllis: « Afférte mihi óleum et smígmata, et óstia pomárii cláudite, ut laver ».

Cum autem egréssæ essent puéllæ, surrexérunt duo senes et accurrérunt ad eam et dixerunt: « Ecce óstia pomárii clausa sunt, et nemo nos videt, et nos in concupiscéntia tui sumus; quamóbrem assentíre nobis et commiscére nobíscum. Quod si nolúeris, dicémus contra te testimónium, quod fúerit tecum iúvenis, et ob hanc causam emíseris puéllas a te ».

Ingémuit Susánna et ait: « Angústia sunt mihi úndique; si enim hoc égero, mors mihi est; si autem non égero, non effúgiam manus vestras; sed mélius est mihi absque ópere incidere in manus vestras, quam peccáre in conspéctu Dómini ». Et exclamávit voce

magna Susánna, exclamavérunt autem et senes advérsus eam, et cucúrrit unus ad óstia pomárii et apéruit.

Cum ergo audíssent clamórem fámuli domus in pomáριο, irruérunt per posticum ut vidérent quidnam esset. Postquam autem senes locúti sunt, erubuérunt servi veheménter, quia numquam dictus fúerat sermo huiuscémodi de Susánna.

Et facta est dies crástina. Cumque veníisset pópulus ad Ióakim virum eius, venérunt et duo presbýteri pleni iníqua cogitatióne advérsus Susánnam, ut interficerent eam. Et dixerunt coram pópulo: « Míttite ad Susánnam, fíliam Helcíæ, uxórem Ióakim ». Et statim misérunt. Et venit cum paréntibus et fíliis et univérsis cognátis suis. Flebant ígitur sui, et omnes qui nóverant eam.

Consurgéntes autem duo presbýteri in médio pópuli, posuérunt manus suas super caput eius. Quæ flens suspéxit ad cælum: erat enim cor eius fidúciam habens in Dómino. Et dixerunt presbýteri:

« Cum deambularémus in pomáριο soli, ingrèssa est hæc cum duábus puéllis, et clausit óstia pomárii, et dimísit a se puéllas; venítque ad eam aduléscens, qui erat absconditus, et concúbuit cum ea. Porro nos, cum essémus in ángulo pomárii, vidéntes iniquitátem cucúrrimus ad eos, et vídimus eos páriter commiscéri. Et illum quidem non quívimus comprehéndere, quia fórtior nobis erat et, apértis óstiis, exsilívit. Hanc autem, cum apprehendissémus, interrogávimus quisnam esset aduléscens, et nóluit indicáre nobis. Huius rei testes sumus ».

Crédidit eis multitúdo quasi sénibus et iudícibus pópuli, et condemnavérunt eam ad mortem.

Exclamávit autem voce magna Susánna et dixit: « Deus ætérne, qui absconditórum es cónignor, qui nosti ómnia ántequam fiant, tu scis quóniam falsum testi-

mónium tulérunt contra me; et ecce mórior, cum nihil horum fécerim, quæ isti malitióse composuérunt advérsus me ».

Exaudivit autem Dóminus vocem eius. Cumque ducerétur ad mortem, suscitávit Dóminus spíritum sanctum púeri iunióris, cuius nomen Dániel; et exclamávit voce magna: « Mundus ego sum a ságuine huius ». Et convérsus omnis pópulus ad eum dixit: « Quis est iste sermo, quem tu locútus es? » Qui, cum staret in médio eórum, ait: « Sic fátui, filii Israel? non iudicántes neque quod verum est cognoscéntes, condemnástis filiam Israel. Revertímini ad iudícium, quia falsum testimónium locúti sunt advérsus eam ».

Revérsus est ergo pópulus cum festinatóne, et dixerunt ei senes: « Veni et sede in médio nostrum, et índica nobis, quia tibi Deus dedit honórem senectútis ». Et dixit ad eos Dániel: « Separáte illos ab ívicem procul, et diudicábo eos ».

Cum ergo divisi essent alter ab áltero, vocávit unum de eis et dixit ad eum: « Inveteráte diérum malórum, nunc venérunt peccáta tua, quæ operabáris prius, iúdicans iudícia iniústa, innocéntes ópprimens, et dimíttens nóxios, dicente Dómino: " Innocéntem et iustum non interfícies ". Nunc ergo, si vidísti eam, dic sub qua árbore víderis eos colloquéntes sibi ». Qui ait: « Sub schino ». Dixit autem Dániel: « Recte mentítus es in caput tuum: ecce enim Angelus Dei, accépta senténtia ab eo, scindet te médium ».

Et, amóto eo, iussit veníre álium et dixit ei: « Semen Chánaan et non Iuda, spécies decépit te, et concupiscéntia subvértit cor tuum. Sic faciebátis filiábus Israel, et illæ tíméntes loquebántur vobis; sed filia Iuda non sustínuit iniquitátem vestram. Nunc ergo, dic mihi sub qua árbore comprehénderis eos loquéntes sibi ». Qui ait:

« Sub prino ». Dixit autem ei Dániel: « Recte mentítus es et tu in caput tuum; manet enim Angelus Dómini gládium habens, ut secet te médium et interficiat vos ».

Exclamávit itaque omnis coetus voce magna, et benedixerunt Deum, qui salvat sperántes in se, et consurrexerunt advérsus duos presbýteros (convícerat enim eos Dániel ex ore suo falsum dixísse testimónium), fecerúntque eis sicut male égerant advérsus próximum, ut fácerent secúndum legem Móysi, et interfecerunt eos, et salvátus est sanguis innóxius in die illa.

Verbum Dómini.

---

vel brevior

Léctio libri Daniélis prophétæ

13, 41 c-62

In diébus illis:

Multitúdo condemnávit Susánnam ad mortem.

Exclamávit autem voce magna Susánna et dixit: « Deus ætérne, qui absconditórum es cógnitor, qui nosti ómnia ántequam fiant, tu scis quóniam falsum testimónium tulérunt contra me; et ecce mórior, cum nihil horum fécerim, quæ isti malitióse composuerunt advérsum me ».

Exaudívit autem Dóminus vocem eius. Cumque ducerétur ad mortem, suscitávit Dóminus spíritum sanctum púeri iunióris, cuius nomen Dániel; et exclamávit voce magna: « Mundus ego sum a ságuine huius ». Et convérsus omnis pópulus ad eum dixit: « Quis est iste sermo, quem tu locútus es? » Qui, cum staret in médio eórum, ait: « Sic fátui, filii Israel? non iudicántes neque quod verum est cognoscéntes, condemnástis fíliam Israel. Revertímini ad iudícium, quia falsum testimónium locúti sunt advérsus eam ».

Revérsum est ergo pópulus cum festinaciónē, et dixerunt ei senes: « Veni et sede in médio nostrum, et indica nobis, quia tibi Deus dedit honórem senectútis ». Et dixit ad eos Dániel: « Separáte illos ab invicem procul, et diudicábo eos ».

Cum ergo divisi essent alter ab áltero, vocávit unum de eis et dixit ad eum: « Inveteráte diérum malórum, nunc venérunt peccáta tua, quæ operabáris prius, iúdicans iudícia iniústa, innocétes ópprimens, et dimíttens nóxios, dicénte Dómino: " Innocéntem et iustum non interfícies ". Nunc ergo, si vidísti eam, dic sub qua árbore víderis eos colloquéntes sibi ». Qui ait: « Sub schino ». Dixit autem Dániel: « Recte mentítus es in caput tuum: ecce enim Angelus Dei, accépta senténtia ab eo, scindet te médium ».

Et, amóto eo, iussit veníre álium et dixit ei: « Semen Chánaan et non Iuda, spécies decépit te, et concupiscéntia subvértit cor tuum. Sic faciebátis filiábibus Israel, et illæ timéntes loquebántur vobis; sed filia Iuda non sustínuit iniquitátem vestram. Nunc ergo, dic mihi sub qua árbore comprehénderis eos loquéntes sibi ». Qui ait: « Sub prino ». Dixit autem ei Dániel: « Recte mentítus es et tu in caput tuum; manet enim Angelus Dómini gládium habens, ut secet te médium et interficiat vos ».

Exclamávit itaque omnis cœtus voce magna, et benedixerunt Deum, qui salvat sperántes in se, et consurrexérunt advérsus duos presbýteros (convícerat enim eos Dániel ex ore suo falsum dixisse testimónium), fecerúntque eis sicut male égerant advérsus próximum, ut fácerent secúndum legem Móysi, et interfecérunt eos, et salvátus est sanguis innóxius in die illa.

Verbum Dómini.

**Psalmus resp. Ps 22, 1-3 a. 3 b-4. 5. 6 (R.: 4 ab)**

**R.** Si ambulávero in valle umbræ mortis,  
non timébo mala, quóniam tu mecum es.

Dóminus pascit me, et nihil mihi déerit:  
in páscuis viréntibus me collocávit,  
super aquas quiétis edúxit me,  
ánimam meam refécit. **R.**

Dedúxit me super sémitas iustítiæ  
propter nomen suum.

Nam et si ambulávero in valle umbræ mortis,  
non timébo mala, quóniam tu mecum es.

Virga tua et báculo tuus  
ipsa me consoláta sunt. **R.**

Parásti in conspéctu meo mensam  
advérsus eos qui trébulant me;  
impinguásti in óleo caput meum,  
et calix meus redúndat. **R.**

Etenim benignitas et misericórdia subsequéntur me  
óm nibus diébus vitæ meæ,  
et inhabitábo in domo Dómini  
in longitúdinem diérum. **R.**

**Versus ante Evangelium**

**Ez 33, 11**

Nolo mortem ímpii, dicit Dóminus,  
sed ut convertátur et vivat.

**Evangelium \***

*Qui sine peccato est vestrum,  
primus in illam lapidem mittat.*

**✠ Lécio sancti Evángelii secúndum Ioánnem 8, 1-11**

**In illo témpore:**

Iesus perréxit in Montem Olivéti. Dilúculo autem



iterum venit in templum, et omnis pópulus veniebat ad eum, et sedens docebat eos.

Adducunt autem scribæ et Pharisæi mulierem in adultério deprehensam, et statuerunt eam in medio, et dicunt ei: « Magister, hæc mulier manifestó deprehensa est in adultério; in Lege autem Móyses mandavit nobis huiusmodi lapidare; tu ergo quid dicis? » Hoc autem dicebant tentantes eum, ut possent accusare eum.

Iesus autem inclinans se deorsum digito scribebat in terra. Cum autem perseverarent interrogantes eum, erexit se et dixit eis: « Qui sine peccato est vestrum, primus in illam lapidem mittat », et iterum se inclinans scribebat in terra. Audiéntes autem unus post unum exhibant, incipientes a senioribus, et remansit solus, et mulier in medio stans.

Erigens autem se Iesus dixit ei: « Mulier, ubi sunt? Nemo te condemnávit? »

Quæ dixit: « Nemo, Dómine ».

Dixit autem Iesus: « Nec ego te condémno: vade, et amplius iam noli peccare ». — Verbum Dómini.

vel anno C, quando hoc Evangelium lectum est dominica præcedenti

✠ Lécio sancti Evangélii secúndum Ioánnem

8, 12-20

In illo témpore:

Iterum locútus est Pharisæis Iesus dicens: « Ego sum lux mundi; qui séquitur me non ambulábit in ténébris, sed habébit lucem vitæ ».

Dixerunt ergo ei Pharisæi: « Tu de te ipso testimoniúm pérhibes; testimoniúm tuum non est verum ».

Respondit Iesus et dixit eis: « Et si ego testimonium perhibeo de me ipso, verum est testimonium meum, quia scio unde veni et quo vado: vos autem nescitis unde venio aut quo vado. Vos secundum carnem iudicatis, ego non iudico quemquam. Et si iudico ego, iudicium meum verum est, quia solus non sum, sed ego et qui misit me Pater. Sed et in Lege vestra scriptum est quia duorum hominum testimonium verum est. Ego sum qui testimonium perhibeo de me ipso et testimonium perhibet de me qui misit me Pater ».

Dicébant ergo ei: « Ubi est Pater tuus? ».

Respondit Iesus: « Neque me scitis neque Patrem meum; si me sciretis, forsitan et Patrem meum sciretis ».

Hæc verba locutus est in gazophylacio docens in templo; et nemo apprehendit eum quia necdum venerat hora eius. — Verbum Domini.

---

### Super oblata

Concede nobis, Dómine, quæsumus,  
ut, celebratúri sancta mystéria,  
tamquam pæniténtiæ corporális fructum,  
lætam tibi exhibeámus méntium puritátem.  
Per Christum.

Præfatio I de Passione Domini, p. 629.

### Ant. ad communionem

Quando legitur Evangelium de muliere adultera:

Io 8, 10-11

Nemo te condemnávit, múlier? Nemo, Dómine.  
Nec ego te condemnábo: iam ámplius noli peccáre.

Quando legitur aliud Evangelium:

Io 8, 12

**Ego sum lux mundi, dicit Dóminus:  
qui séquitur me non ámbulat in ténebris,  
sed habébit lumen vitæ.**

Post communionem

**Sacramentórum tuórum benedictióne roboráti,  
quæsumus, Dómine,  
ut per hæc semper emundémur a vítiis,  
et per sequélam Christi ad te festinánter gradiámur.  
Per Christum.**

### **Ferla tertia**

Ant. ad introitum

Ps 26, 14

**Exspécta Dóminum, viríliter age;  
et confortétur cor tuum,  
et sústine Dóminum.**

Collecta

**Da nobis, quæsumus, Dómine,  
perseverántem in tua voluntáte famulátum,  
ut in diébus nostris  
et mérito et número pópulus tibi sérvians augeátur.  
Per Dóminum.**

Lectio prior

*Qui percussus aspexerit serpentem æneum, vivet.*

Léctio libri Númeri

21, 4-9

In diébus illis:

**Profécti sunt Hebræi de monte Hor per viam quæ  
ducit ad mare Rubrum, ut circumírent terram Edom.**

Et tædere cœpit pópulum itíneris ac labóris. Locútusque contra Deum et Móysen, ait: « Cur eduxísti nos de Ægýpto ut morerémur in solitúdine? Deest panis, non sunt aquæ, ánima nostra iam náuseat super cibo isto levíssimo ».

Quamóbrem misit Dóminus in pópulum ignítos serpéntes; ad quorum plagas et mortes plurimórum venérunt ad Móysen atque dixerunt: « Peccávimus, quia locúti sumus contra Dóminum et te; ora ut tollat a nobis serpéntes ». Oravítque Móyses pro pópulo.

Et locútus est Dóminus ad eum: « Fac serpéntem éneum, et pone eum pro signo; qui percússus aspéxerit eum vivet ». Fecit ergo Móyses serpéntem éneum, et pósuit eum pro signo, quem cum percússi aspíce-rent sanabántur. — Verbum Dómini.

Psalmus responsorius

Ps 101, 2-3. 16-18. 19-21 (R.: 2)

R. Dómine, exáudi oratió-nem meam,  
et clamor meus ad te véniat.

Dómine, exáudi oratió-nem meam,  
et clamor meus ad te véniat.

Non abscondas fáciem tuam a me;  
in quacúmque die tribulor,  
inclína ad me aurem tuam.

In quacúmque die invocávero te,  
velóciter exáudi me. R.

Et timébunt gentes nomen tuum, Dómine,  
et omnes reges terræ glóriam tuam;  
quia ædificávit Dóminus Sion,  
et appáruit in glória sua.

Respéxit in oratió-nem inopum,  
et non sprexit precem eórum. R.

- 19 Scribántur hæc pro generatióne áltera,  
 et pópulus qui creábitur, laudábit Dóminum.  
 20 Quia prospéxit de excélsó sanctuário suo,  
 Dóminus de cælo in terram aspéxit;  
 21 ut audíret gémitus compeditórum,  
 ut sólveret filios mortis. **R.**

### Versus ante Evangelium

Semen est verbum Dei, sator autem Christus;  
 omnis qui invenit eum, manébit in ætérnum.

### Evangelium

*Cum exaltaveritis Filium hominis,  
 tunc cognoscetis quia ego sum.*

✠ Lécio sancti Evangéllii secúndum Ioánnem

8, 21-30

In illo témpore: Dixit Iesus íterum Pharisæis:

« Ego vado et quærétis me, et in peccáto vestro moriémini: quo ego vado vos non potéstis veníre ».

Dicébant ergo Iudæi: « Numquid interfíciét semet-ípsum, quia dicit: " Quo ego vado vos non potéstis veníre " ? »

Et dicébat eis: « Vos de deórsum estis, ego de supérnis sum; vos de mundo hoc estis, ego non sum de hoc mundo. Dixi ergo vobis quia moriémini in peccátis vestris; si enim non credidérítis quia ego sum, moriémini in peccátis vestris ».

Dicébant ergo ei: « Tu quis es? »

Dixit eis Iesus: « Omníno quod et loquor vobis! Multa hábeo de vobis loqui et iudicáre; sed qui misit me verax est, et ego quæ audívi ab eo hæc loquor in mundo ». Non cognovérunt quia Patrem eis dicébat.

Dixit ergo eis Iesus: « Cum exaltavéritis Fílium hóminis, tunc cognoscétis quia ego sum, et a me ipso fácio nihil, sed sicut dócuit me Pater, hæc loquor. Et qui me misit, mecum est; non reliquit me solum, quia ego quæ plácita sunt ei fácio semper ».

Hæc illo loquente, multi credidérunt in eum.  
Verbum Dómini.

Super oblata

Hóstias tibi, Dómine, placatiónis offérimus,  
ut et delícta nostra miserátus absólvas,  
et nutántia corda tu dírigas.  
Per Christum.

Præfatio I de Passione Domini, p. 629.

Ant. ad communionem

Io 12, 32

Cum exaltátus fúero a terra,  
ómnia traham ad meípsum, dicit Dóminus.

Post communionem

Da, quésumus, omnipotens Deus,  
ut, quæ divína sunt iúgiter ambiéntes,  
donis semper mereámur cæléstibus propinquáre.  
Per Christum.

**Feria quarta**

Ant. ad introitum

Ps 17, 48-49

**Liberátor meus de géntibus iracúndis.  
Ab insurgéntibus in me exaltábis me,  
a viro iníquo erípies me, Dómine.**

Collecta

**Sanctificáta per pæniténtiam  
tuórum corda filiórum, Deus miserátor, illústra,  
et, quibus præstas devotiónis afféctum,  
præbe supplicántibus pium benignus audítum.  
Per Dóminum.**

Lectio prior

*Misit Angelum suum, et eruit servos suos.*

Lectio libri Daniélis prophétæ

3, 14-20. 91-92. 95

In diébus illis:

**Ait Nabuchodónosor rex: « Veréne, Sidrach, Misach et Abdénago, deos meos non cólitis, et státuam áuream, quam constitui, non adorátis? Nunc ergo si estis paráti, quacúmque hora audiéritis sónitum tubæ, fistulæ, cítharæ, sambúcæ et psaltérii et symphóniæ omnisque géneris musicórum, prostérnite vos, et adoráte státuam quam feci. Quod si non adoravéritis, eádem hora mittémini in fornacem ignis ardéntis, et quis est Deus qui erípiet vos de manu mea? »**

**Respondéntes Sidrach, Misach et Abdénago dixerunt regi Nabuchodónosor: « Non opórtet nos de hac re respondére tibi; ecce enim Deus noster, quem cólimus, potest erípere nos de camíno ignis ardéntis et de má-nibus tuis, o rex, liberáre. Quod si nolúerit, notum**

sit tibi, rex, quia deos tuos non cólimus, et státuam áuream, quam erexísti, non adorámus ».

Tunc Nabuchodónosor replétus est furóre, et aspéctus faciéi illius immutátus est super Sidrach, Misach et Abdénago; et præcépit ut succenderétur fornax séptuplum quam succéndi consuéverat; et viris fortíssimis de exercítu suo iussit, ut, ligátis pédibus Sidrach, Misach et Abdénago, mítterent eos in fornácem ignis ardéntis.

Tunc Nabuchodónosor rex obstúpuit et surréxit própere, et ait optimátibus suis: « Nonne tres viros mísimus in médium ignis compeditos? » Qui respondéntes regi dixerunt: « Vere, rex ». Respóndit et ait: « Ecce ego vídeo quáttuor viros solútos et ambulátes in médio ignis, et nihil corruptiónis in eis est, et spécies quarti símilis filio Dei ».

Et erúmpens Nabuchodónosor ait: « Benedíctus Deus córum, Sidrach vidélicet, Misach et Abdénago, qui misit Angelum suum, et éruit servos suos, qui credidérunt in eum, et verbum regis immutavérunt, et tradidérunt córpora sua, ne servírent et ne adorárent omnem deum, excépto Deo suo ». — Verbum Dómini.

Psalmus sponsorius Dan 3, 52. 53. 54. 55. 56

Benedíctus es, Dómine, Deus patrum nostrórum, et benedíctum nomen glóriæ tuæ sanctum.

℞. Et laudábile et superexaltátum in ómnibus sáeculis.

Benedíctus es in templo sancto glóriæ tuæ.

℞. Et superlaudábilis et supergloriósus in sáecula.

Benedíctus es in throno regni tui.

℞. Et superlaudábilis et superexaltátus in sáecula.

Benedíctus es, qui intuéris abýssos et sedes super chérubim.

℞. Et laudábilis et superexaltátus in sáecula.



<sup>36</sup> **Benedictus es in firmaménto cæli,  
 R. Et laudábilis et gloriósus in sæcula.**

**Versus ante Evangelium**

**Cf. Lc 8, 15**

**Beáti qui in corde bono et óptimo verbum rétinent,  
 et fructum áfferunt in patiéntia.**

### **Evangelium**

*Si Filius vos liberaverit, vere liberi eritis.*

**✠ Lécio sancti Evangelii secúndum Ioánnem**

**In illo témpore:**

**8, 31-42**

Dicébat Iesus ad eos qui credidérunt ei Iudæos:  
 « Si vos manséritis in sermóne meo, vere discípuli mei  
 estis et cognoscétis veritátem, et véritas liberábit vos ».

Respondérunt ei: « Semen Abrahæ sumus et némini  
 servívimus umquam: quómo do tu dicis: “ Líberi fié-  
 tis ”? »

Respóndit eis Iesus: « Amen, amen dico vobis:  
 Omnis qui facit peccátum, servus est peccáti. Servus  
 autem non manet in domo in ætérnum; fílius manet  
 in ætérnum. Si ergo Fílius vos liberáverit, vere líberi  
 éritis. Scio quia semen Abrahæ estis: sed quæritis me  
 interfícere, quia sermo meus non capit in vobis. Ego quæ  
 vidi apud Patrem loquor; et vos ergo quæ audivístis  
 a patre fácitis ».

Respondérunt et dixerunt ei: « Pater noster Abra-  
 ham est ».

Dicit eis Iesus: « Si filii Abrahæ essétis, ópera  
 Abrahæ facerétis; nunc autem quæritis me interfícere,  
 hóminem qui veritátem vobis locútus sum, quam au-  
 díví a Deo: hoc Abraham non fecit. Vos fácitis ópera  
 patris vestri ».

Dixerunt itaque ei: « Nos ex fornicatione non sumus nati: unum patrem habemus Deum ».

Dixit eis Iesus: « Si Deus pater vester esset, diligeretis me; ego enim ex Deo processi et veni, neque enim a meipso veni, sed ille me misit ».

Verbum Domini.

Super oblata

Tibi, Domine, sacrificia dicata reddantur,  
quæ sic ad honorem nominis tui deferenda tribuisti,  
ut eadem remedia fieri nostra prestares.

Per Christum.

Præfatio I de Passione Domini, p. 629.

Ant. ad communionem

Col 1, 13-14

Transtulit nos Deus in Regnum Filii dilectionis suæ,  
in quo habemus redemptionem per sanguinem eius,  
remissionem peccatorum.

Post communionem

Cælestem nobis, Domine,  
præbeant sumpta mysteria medicinam,  
ut et vitia nostri cordis expurgent,  
et sempiterna nos protectione confirmet.

Per Christum.

## Feria quinta

Ant. ad introitum

Hebr 9, 15

Novi Testamenti mediator est Christus,  
ut, morte intercedente,  
repromissionem accipiant  
qui vocati sunt æternæ hereditatis.

**Collecta**

Adésto, Dómine, supplicibus tuis,  
 et spem suam in tua misericórdia collocántes  
 tuére propítius,  
 ut, a peccatórum labe mundáti,  
 in sancta conversatióne permáneant,  
 et promissionis tuæ perficiántur herédes.  
 Per Dóminum.

**Lectio prior**

*Eris pater multarum gentium.*

**Léctio libri Génesis**

17, 3-9

In diébus illis: Cécidit Abram pronus in fáciem.  
 Dixítque ei Deus: « Ego sum, et pactum meum  
 tecum, erisque pater multárum géntium. Nec ultra vo-  
 cábitur nomen tuum Abram, sed appelláberis " Abra-  
 ham ", quia patrem multárum géntium constítui te.  
 Faciámque te créscere vehementíssime, et ponam te in  
 géntibus, regésque ex te egrediéntur.

Et státuam pactum meum inter me et te et inter  
 semen tuum post te in generatióibus suis fédere sem-  
 pitérno, ut sim Deus tuus et séminis tui post te. Da-  
 bóque tibi et sémini tuo terram peregrinatióis tuæ,  
 omnem terram Chánaan, in possessióem ætérnam, eró-  
 que Deus eórum ».

Dixit íterum Deus ad Abraham: « Et tu ergo cu-  
 stódies pactum meum, et semen tuum post te in ge-  
 neratióibus suis ». — Verbum Dómini.

**Psalmus responsorius** Ps 104, 4-5. 6-7. 8-9 (ꝛ.: 8 a)

ꝛ. Memor fuit Dóminus in sáeculum testaménti sui.

4 Quérite Dóminum et poténtiam eius,  
 quérite fáciem eius semper.

**Mementóte mirabílium eius quæ fecit,  
prodígia eius et iudícia oris eius. R.**

**Semen Abraham, servi eius,  
filii Iacob, elécti eius.**

**Ipse Dóminus Deus noster;  
in univérſa terra iudícia eius. R.**

**Memor fuit in ſæculum testaménti sui,  
verbi quod mandávit in mille generatiónes,  
quod dispósuit cum Abraham,  
et iuraménti sui ad Isaac. R.**

Versus ante Evangelium

Ps 94, 8 ab

**Hódie nolíte obduráre corda vestra,  
sed vocem Dómini audíte.**

### Evangelium

*Abraham pater vester exsultavit  
ut videret diem meum.*

✠ **Léctio sancti Evangélii secúndum Ioánnem**

8, 51-59

**In illo témpore:**

**Dixit Iesus Iudæis: « Amen, amen dico vobis: Si quis sermónem meum serváverit, mortem non vidébit in ætérnum ».**

**Dixerunt ergo ei Iudæi: « Nunc cognóvimus quia dæmónium habes. Abraham mórtuus est et Prophétæ, et tu dicis: “ Si quis sermónem meum serváverit, non gustábit mortem in ætérnum ”. Numquid tu maior es patre nostro Abraham, qui mórtuus est? Et Prophétæ mórtui sunt: quem te ipsum facis? »**

**Respóndit Iesus: « Si ego glorífico me ipsum, glória mea nihil est; est Pater meus qui glorificat me,**

quem vos dicitis: "Deus noster est"; et non cognovistis eum, ego autem novi eum. Et si dixerō: "Non scio eum", ero similis vobis, mendax, sed scio eum et sermōnem eius servo. Abraham pater vester exultavit ut vidēret diem meum, et vidit et gavisus est ».

Dixerunt ergo Iudaei ad eum: « Quinquaginta annos nondum habes, et Abraham vidisti? »

Dixit eis Iesus: « Amen, amen dico vobis: Ante quam Abraham fieret, ego sum ».

Tulerunt ergo lapides ut iacerent in eum, Iesus autem abscondit se et exivit de templo.

Verbum Dómini.

Super oblata

Sacrificiis praesentibus,  
quæsumus, Dómine, placatus inténde,  
ut et conversióni nostræ proficiant  
et totius mundi salutí.

Per Christum.

Præfatio I de Passione Domini, p. 629.

Ant. ad communionem

Rom 8, 32

Próprio Fílio suo non pepéruit Deus,  
sed pro nobis ómnibus tradidit illum:  
cum illo ómnia nobis donávit.

Post communionem

Satiáti múnere salutári,  
tuam, Dómine, misericórdiam deprecámur,  
ut hoc eódem sacraménto, quo nos temporáliter végetas,  
efficias perpétuæ vitæ partícipes.

Per Christum.

**Feria sexta**

Ant. ad introitum

Ps 30, 10. 16. 18

Miserére mihi, Dómine, quóniam tríbulo;  
 libera me et éripe me de mánibus inimicórum meórum,  
 et a persecuéntibus me.  
 Dómine, non confúndar, quóniam invocávi te.

Collecta

Absólve, quésumus, Dómine, tuórum delícta populórum,  
 ut a peccatórum néxibus,  
 quæ pro nostra fragilitáte contráximus,  
 tua benignitáte liberémur.  
 Per Dóminum.

Lectio prior

*Dominus mecum est, quasi bellator fortis.*

Léctio libri Ieremiæ prophétæ

20, 10-13

Audívi contumélias multórum et terrórem in circúitu: « Persequímini, et persecuántur eum »; ab ómnibus viris qui erant pacífici mei et custodiéntes latus meum: « Si quómodo decipiátur, et prævaleámus advérsus eum, et consequámur ulciónem ex eo ».

Dóminus autem mecum est, quasi bellátor fortis; idcirco qui persecuántur me cadent et infirmi erunt, confundéntur veheménter, quia non intellexérunt opprobrium sempitérnum, quod numquam delébitur. Et tu, Dómine exercítuum, probátor iusti, qui vides renes et cor, vídeam, quæso, ulciónem tuam ex eis; tibi enim revelávi causam meam.

Cantáte Dómino, laudáte Dóminum, quia liberávit ánimam páuperis de manu malórum.

Verbum Dómini.

**Psalmus resp.** Ps 17, 2-3 a. 3 bc-4. 5-6. 7 (R.: cf. 7)

**R.** In tribulatióne mea invocávi Dóminum,  
et exaudivit me.

**2** Díligam te, Dómine, fortitúdo mea.

**3** Dómine, firmaméntum meum et refúgium meum  
et liberátor meus; **R.**

Deus meus, adiútor meus, et sperábo in eum:  
protéctor meus, et cornu salutis meæ,  
et suscéptor meus.

**4** Laudábilem invocábo Dóminum,  
et ab inimícis meis salvus ero. **R.**

**5** Circumdedérunt me fluctus mortis,  
et torréntes Béliál conturbavérunt me;

**6** funes inférni circumdedérunt me,  
præoccupavérunt me láquei mortis. **R.**

**7** In tribulatióne mea invocávi Dóminum,  
et ad Deum meum clamávi;  
exaudivit de templo suo vocem meam,  
et clamor meus in conspéctu eius  
introívit in aures eius. **R.**

**Versus ante Evangelium**

**Io 6, 64 b. 69 b**

Verba tua, Dómine, spíritus et vita sunt;  
verba vitæ æternæ habes.

**Evangelium**

*Quærebant eumprehendere;  
et exivit de manibus eorum.*

**✠** Lécio sancti Evangelii secúndum Ioánnem

In illo témpore:

**10, 31-42**

Sustulérunt iterum lápides Iudæi ut lapidárent Ie-  
sum. Respóndit eis Iesus: « Multa ópera bona osténdi

vobis ex Patre; propter quod eórum opus me lapidátis? »

Respondérunt ei Iudæi: « De bono ópere non lapidámus te sed de blasphemía, et quia tu, homo cum sis, facis te ipsum Deum ».

Respóndit eis Iesus: « Nonne scriptum est in Lege vestra: " Ego dixi: Dii estis? " Si illos dixit Deos ad quos sermo Dei factus est, et non potest solvi Scriptúra, quem Pater sanctificávit et misit in mundum vos dicitis: " Blasphémas ", quia dixi: Fílius Dei sum? Si non fácio ópera Patris mei, nolíte credere mihi; si autem fácio, et si mihi non vultis credere, opéribus créдите, ut cognoscátis et sciátis quia in me est Pater et ego in Patre ».

Quærébant ergo íterum eum prehéndere; et exívit de má nibus eórum. Et ábiit íterum trans Iordánem, in eum locum ubi erat Ioá nnes baptizans primum, et mansit illic.

Et multi venérunt ad eum et dicébant: « Ioá nnes quidem signum fecit nullum, ómnia autem quæcúm-que dixit Ioá nnes de hoc, vera erant ». Et multi credidérunt in eum illic. — Verbum Dómini.

Super oblata

Præsta nobis, miséricors Deus,  
ut digne tuis servíre semper altáribus mereámur,  
et eórum perpétua participatióne salvári.  
Per Christum.

Præfatio I de Passione Domini, p. 629.

Ant. ad communionem

1 Petr 2, 24

Iesus peccáta nostra pértulit  
in córpore suo super lígnum,  
ut, peccátis mórtui, iustítiæ vivámus;  
cuius livóre sanáti sumus.



Post communionem

Sumpti sacrificii, Dómine,  
perpétua nos tútio non relínquat,  
et nóxia semper a nobis cuncta depéllat.  
Per Christum.

### Sabbato

Ant. ad introitum

Ps 21, 20. 7

Dómine, ne longe fácias auxílium tuum a me,  
ad defensiónem meam áspice;  
quia ego sum vermis et non homo,  
oppróbrum hóminum, et abiéctio plebis.

Collecta

Deus, qui, licet salútem hóminum semper operáris,  
nunc tamen pópulum tuum grátia abundantióre lætíficas,  
réspice propítius ad electiónem tuam,  
ut piæ protectionis auxílium  
et regenerándos múniat et renátos.  
Per Dóminum.

Lectio prior

*Faciam eos in gentem unam.*

Léctio libri Ezechiélis prophétæ

37, 21-28

Hæc dicit Dóminus Deus:

« Ecce ego assúmam filios Israel de médio natiónum, ad quas abiérunt, et congregábo eos úndique, et addúcam eos ad humum suam, et faciám eos in gentem unam in terra, in móntibus Israel; et rex unus erit ómnibus ímperans, et non erunt ultra duæ gentes, nec dividéntur ámplius in duo regna.

Neque polluéntur ultra in idólis suis et abominatióibus suis et cunctis iniquitatibus suis; et salvos eos fáciam de univérsis sédibus, in quibus peccavérunt, et emundábo eos, et erunt mihi pópulus, et ego ero eis Deus.

Et servus meus David rex super eos, et pastor unus erit ómnium eórum. In iudíciis meis ambulábunt, et mandáta mea custódient et fácient ea. Et habitábunt super terram, quam dedi servo meo Iacob, in qua habitavérunt patres vestri; et habitábunt super eam ipsi, et filii eórum, et filii filiórum eórum usque in sempitérnum, et David servus meus princeps eórum in perpétuum.

Et percútiám illis foedus pacis, pactum sempitérnum erit eis, et fundábo eos, et multiplicábo; et dabo sanctificatióem meam in médio eórum in perpétuum, et erit tabernáculum meum in eis, et ero eis Deus, et ipsi erunt mihi pópulus; et scient gentes quia ego Dóminus sanctificátor Israel, cum fúerit sanctificatio mea in médio eórum in perpétuum ». — Verbum Dómini.

Psalmus responsorius

Ier 31, 10. 11-12 ab. 13 (R.: 10 d)

R. Dóminus custódiét nos  
sicut pastor gregem suum.

<sup>10</sup> Audíte verbum Dómini, gentes,  
et annuntiáte in ínsulis, quæ procul sunt,  
et dicite: « Qui dispérsit Israel congregábit eum,  
et custódiét eum sicut pastor gregem suum ». R.

<sup>11</sup> Redémit enim Dóminus Iacob,  
et liberávit eum de manu potentióris.

<sup>12</sup> Et vénient et laudábunt in monte Sion,  
et cónfluent ad bona Dómini. R.

- 13 Tunc lætábitur virgo in choro,  
iúvenes et senes simul;  
et convértam luctum eórum in gáudium,  
et consolábor eos, et lætificábo a dolóre suo. *R.*

### Versus ante Evangelium

Ez 18, 31

Proícite a vobis omnes prævaricatiónes vestras,  
dicit Dóminus,  
et fácite vobis cor novum et spíritum novum.

### Evangelium

*Ut filios Dei qui erant dispersi  
congregaret in unum.*

### ✠ Lécitio sancti Evangélli secúndum Ioánnem

11, 45-56

In illo témpore:

Multi ex Iudæis, qui vénerant ad Mariám et víde-  
rant quæ fecit Iesus, credidérunt in eum; quidam au-  
tem ex ipsis abiérunt ad Pharisæos et dixérunt eis quæ  
fecit Iesus.

Collegérunt ergo pontífices et Pharisæi concílium  
et dicébant: « Quid fácimus, quia hic homo multa si-  
gna facit? Si dimíttimus eum sic, omnes credent in  
eum, et vénient Románi et tollent nostrum et locum  
et gentem ». Unus autem ex ipsis, Cáiaphas, cum es-  
set póntifex anni illíus, dixit eis: « Vos nescítis quic-  
quam, nec cogitátis quia éxpedit vobis ut unus moriá-  
tur homo pro pópulo, et non tota gens péreat ».

Hoc autem a semetípso non dixit, sed cum esset  
póntifex anni illíus, prophetávit quia Iesus moritúrus  
erat pro gente, et non tantum pro gente sed et ut filios  
Dei qui erant dispérsi congregáret in unum. Ab illo  
die cogitavérunt ut interficerent eum.

Iesus ergo iam non in palam ambulabat apud Iudæos, sed abiit inde in regionem iuxta desértum, in civitatem quæ dicitur Ephrem, et ibi morabatur cum discipulis.

Próximam autem erat Pascha Iudæorum, et ascenderunt multi Hierosólymam de regione ante Pascha ut sanctificarent se ipsos. Quærebant ergo Iesum, et colloquebantur ad invicem in templo stantes: « Quid videtur vobis? Numquid veniet ad diem festum? » Dederant autem pontifices et Pharisæi mandatum ut si quis cognoverit ubi sit, indicet, ut apprehendant eum.

Verbum Dómini.

Super oblata

Omnípotens sempitérne Deus,  
 qui nos ad ætérnam vitam in confessióne tui nóminis  
 baptísmatis réparas sacraménto,  
 súscipe tuórum múnera et vota famulórum,  
 ut in te sperántium  
 et desidéria iúbeas pérfici et peccáta deléri.  
 Per Christum.

Præfatio I de Passione Domini, p. 629.

Ant. ad communionem

Io 11, 52

Tráditus est Christus,  
 ut filios Dei, qui erant dispersi, congregáret in unum.

Post communionem

Maiestátem tuam, Dómine, suppliciter deprecámur,  
 ut, sicut nos Córporis et Sánguinis sacrosánci  
 pascis aliménto,  
 ita divínæ natúræ fácias esse consórtes.  
 Per Christum.

## HEBDOMADA SANCTA

### DOMINICA IN PALMIS DE PASSIONE DOMINI

1. Hac die Ecclesia recolit ingressum Christi Domini in Ierusalem ad consummandum suum paschale mysterium. Quare in omnibus Missis memoria fit huiusmodi ingressus Domini, et quidem per processionem vel introitum sollemnem ante Missam principalem, per introitum simplicem ante alias Missas. Introitus tamen sollemnis, non vero processio, iterari potest ante unam alteramve Missam, quæ cum magno populi concursu celebrari solet.

#### Commemoratio ingressus Domini in Ierusalem

##### Forma prima: Processio

2. Hora competenti fit collecta in ecclesia minore vel alio loco apto extra ecclesiam, ad quam processio tendit. Fideles ramos in manibus tenent.

3. Sacerdos et diaconus, induti sacris vestibus coloris rubri pro Missa requisitis, accedunt ad locum ubi populus est congregatus. Sacerdos, loco planetæ, induere potest pluviale, quod deponit expleta processione.

4. Interim cantatur sequens antiphona vel alius cantus congruus.

Antiphona

Mt 21, 9

Hosánna fílio David:

benedíctus qui venit in nómine Dómini, Rex Israel:

Hosánna in excélsis.

5. Tunc sacerdos populum de more salutatur; ac deinde fit brevis monitio, qua fideles ad celebrationem huius diei actuose et conscie participandam invitantur, his vel similibus verbis:

Fratres caríssimi, postquam iam ab initio Quadragesimæ corda nostra pæniténtia et opéribus caritátis præparávimus, hodiérna die congregámur, ut cum tota Ec-

clésia præludámus paschále Dómini nostri mystérium, eius nempe passióem atque resurrectiÓem, ad quod impléndum ipse ingressus est civitátem suam Ierúsalem. Quare cum omni fide et devotiÓe memóriam agéntes huius salutíferi ingressus, sequámur Dóminum, ut, per grátiam consórtes effécti crucis, partem habeámus resurrectiÓnis et vitæ.

6. Post monitionem, sacerdos dicit unam ex sequentibus orationibus, manibus iunctis.

**Orémus.**

Omnípotens sempitérne Deus,  
hos pálmites tua benedictiÓe ✠ sanctífica,  
ut nos, qui Christum Regem  
exsultándo proséquimur,  
per ipsum valeámus  
ad ætérrnam Ierúsalem pervenire.  
Qui vivit et regnat in sácula sæculórum.

**R. Amen.**

**Vel:**

**Orémus.**

Auge fidem in te sperántium, Deus,  
et súpplicum preces cleménter exáudi,  
ut, qui hódie Christo triumphánti pálmites exhibémus,  
in ipso fructus tibi bonórum óperum afferámus.  
Qui vivit et regnat in sácula sæculórum.

**R. Amen.**

Et aspergit ramos aqua benedicta, nihil dicens.

7. Deinde proclamatur Evangelium de ingressu Domini secundum unum ex quattuor Evangeliiis. Legitur autem a diacono, vel ipso deficiente, a sacerdote, more consueto.

## Evangelium

## Anno A

*Benedictus qui venit in Nomine Domini!*

✠ Lécio sancti Evangélii secúndum Matthæum

21, 1-11

Cum appropinquássent Hierosólymis et veníssent Béthphage, ad Montem Olivéti, tunc Iesus misit duos discipulos dicens eis: « Ite in castéllum, quod contra vos est, et statim inveniétis ásinam alligátam et pullum cum ea; sólvite et addúcite mihi. Et si quis vobis áli- quid díxerit, dícite: “ Dóminus eos necessarios habet ”, et conféstim dimíttet eos ».

Hoc autem factum est ut adimplerétur quod dictum est per Prophétam dicéntem: « Dícite filíæ Sion: “ Ecce Rex tuus venit tibi, mansuétus et sedens super ásinam et super pullum filium subiugális ” ».

Eúntes autem discipuli, fecérunt sicut præcépit illis Iesus et adduxérunt ásinam et pullum, et imposuérunt super eis vestiménta sua, et sedit super ea. Plúrima autem turba straverunt vestiménta sua in via, álii autem cædebant ramos de arbóribus et sternébant in via. Turbæ autem quæ præcedébant eum et quæ sequebántur, clamábant dicéntes: « Hosánna filio David! Benedictus qui venit in Nómine Dómini! Hosánna in altíssimis ».

Et cum intráset Hierosólymam, commóta est univér- sa civitas dicens: « Quis est hic? » Turbæ autem dicébant: « Hic est Iesus prophéta a Názareth Galilææ ». — Verbum Dómini.

**Anno B**

\* *Benedictus qui venit in Nomine Domini!*

✠ **Léctio sancti Evangélii secúndum Marcum 11, 1-10**

Cum appropinquárent Hierosólymæ, Bétphage et Bethániæ ad Montem Olivárum, mittit Iesus duos ex discipulis suis et ait illis: « Ite in castéllum quod est contra vos, et statim introeúntes illud inveniétis pullum ligátum, super quem nemo adhuc hóminum sedit; sólvite illum et addúcite. Et si quis vobis dixerit: “ Quid fácitis hoc? ”, dícite: “ Dómino necessarius est, et contínuo illum remíttit íterum huc ” ».

Et abeúntes invenérunt pullum ligátum ante iánuam foris in bívio, et solvunt eum. Et quidam de illic stántibus dicébant illis: « Quid fácitis solvéntes pullum? » Qui dixerunt eis sicut díxerat Iesus, et dimiserunt eis.

Et ducunt pullum ad Iesum, et impónunt illi vestiménta sua, et sedit super eum. Et multi vestiménta sua straverunt in via, álíi autem frondes quas exciderant in agris. Et qui præíbant et qui sequebántur clamábant: « Hosánna! Benedíctus qui venit in Nómine Dómini! Benedíctum quod venit Regnum patris nostri David! Hosánna in excélsis ». — Verbum Dómini.

---

vel ad libitum

✠ **Léctio sancti Evangélii secúndum Ioánnem**  
**12, 12-16**

In illo témpore:

Turba multa, quæ vénerat ad diem festum, cum audíssent quia venit Iesus Hierosólymam, accepérunt ramos palmárum et processérunt óbviám ei, et clamá-



bant: « Hosánna! Benedíctus qui venit in Nómine Dómini, et rex Israel ». Invénit autem Iesus aséllum et sedit super eum, sicut scriptum est: « Noli timére, filia Sion: ecce rex tuus venit, sedens super pullum ásinæ ».

Hæc non cognovérunt discípli eius primum, sed quando glorificátus est Iesus tunc recordáti sunt quia hæc erant scripta de eo et hæc fecérunt ei.

Verbum Dómini.

## Anno C

*Benedictus qui venit in Nomine Domini!*

✠ Lécio sancti Evangéllii secúndum Lucam 19, 28-40

In illo témpore:

Præcedébat Iesus ascéndens Hierosólymam.

Et factum est cum appropinquásset ad Bétphage et Bethániam, ad Montem qui vocátur Olivéti, misit duos discíulos dicens: « Ite in castéllum quod contra est, in quod introeúntes inveniétis pullum ásinæ alligátum, cui nemo umquam hóminum sedit, sólvite illum et addúcite. Et si quis vos interrogáverit: " Quare sólvitis? ", sic dicétis: " Dóminus eum necessárium habet " ».

Abiérunt autem qui missi erant et invenérunt sicut dixit illis. Solvéntibus autem illis pullum, dixerunt dómni eius ad illos: « Quid sólvitis pullum? »

At illi dixerunt: « Dóminus eum necessárium habet ».

Et duxérunt illum ad Iesum; et iactántes vestiméta sua supra pullum, imposuérunt Iesum. Eúnte autem illo, substernébant vestiméta sua in via. Et, cum appropinquáret iam ad descénsu Montis Olivéti, cœpérunt omnes turbæ discéntium gaudéntes laudáre Deum voce magna super ómnibus quas viderant virtútibus,

dicentes: « **Benedíctus qui venit rex in Nómine Dómini: pax in cælo et glória in excélsis** ».

Et quidam Pharisæorum de turbis dixerunt ad illum: « **Magíster, increpa discipulos tuos** ».

Et respondens dixit: « **Dico vobis: Si hi tacuerint, lápides clamábunt** ». — **Verbum Dómini.**

**8. Post Evangelium, pro opportunitate, haberi potest brevis homilia. Ad inchoandam autem processionem, fieri potest a celebrante vel ab alio ministro idoneo monitio, his vel similibus verbis expressa:**

**Imitémur, fratres caríssimi, turbas acclamántes Iesum, et procedámus in pace.**

**9. Et incipit processio ad ecclesiam, ubi celebrabitur Missa.**

**Præcedit, si adhibetur thus, thuriferarius cum thuribulo fumigante, deinde crucifer deferens crucem ornatam, medius inter duos ministros cum candelis accensis. Sequitur sacerdos cum ministris, et, post eos, fideles, ramos gestantes.**

**Progrediente processione, cantantur a schola et populo cantus sequentes, vel alii apti.**

### **Antiphona 1**

**Púeri Hebræorum, portántes ramos olivárum, obviavérunt Dómino, clamántes et dicétes: Hosánna in excélsis.**

**Quæ pro opportunitate repetitur inter versus psalmi 23.**

### **Psalmus 23**

- 1 Dómini est terra et plenitúdo eius, \* orbis terrárum et qui hábitant in eo.**
- 2 Quia ipse super mária fundávit eum, \* et super flúmina firmávit eum. .**
- 3 Quis ascéndet in montem Dómini, \* aut quis stabit in loco sancto eius?**
- 4 Innocens mánibus et mundo corde, \* qui non accépit in vanum nomen eius, nec iurávit in dolum.**

- <sup>5</sup> Hic accípiet benedictiónem a Dómino, \*  
et iustificatióem a Deo salutári suo.
- <sup>6</sup> Hæc est generátio quæréntium eum, \*  
quæréntium fáciem Dei Iacob.
- <sup>7</sup> Attóllite, portæ, cápita vestra, †  
et elevámini, portæ æternáles, \*  
et introíbit rex glóriæ.
- <sup>8</sup> Quis est iste rex glóriæ? \*  
Dóminus fortis et potens,  
Dóminus potens in prælio.
- <sup>9</sup> Attóllite, portæ, cápita vestra, †  
et elevámini, portæ æternáles, \*  
et introíbit rex glóriæ.
- <sup>10</sup> Quis est iste rex glóriæ? \*  
Dóminus virtútum ipse est rex glóriæ.

## Antiphona 2

Púeri Hebræórum vestiménta prosternébant in via,  
et clamábant dicétes: Hosánna filio David;  
benedíctus qui venit in nómine Dómini.

Quæ pro opportunitate repetitur inter versus psalmi 46.

## Psalmus 46

- <sup>2</sup> Omnes gentes, pláudite mánibus, \*  
iubiláte Deo in voce exsultatiónis.
- <sup>3</sup> Quóniam Dóminus Altíssimus, terríbilis, \*  
rex magnus super omnem terram.
- <sup>4</sup> Subiécit pópulos nobis, \*  
et gentes sub pédibus nostris.
- <sup>5</sup> Elégit nobis hereditátem nostram, \*  
glóriam Iacob, quem diléxit.
- <sup>6</sup> Ascéndit Deus in iúbilo, \*  
et Dóminus in voce tubæ.

- 7 Psállite Deo, psállite; \*  
psállite regi nostro, psállite.
- 8 Quóniam rex omnis terræ Deus, \*  
psállite sapiénter.
- 9 Regnávít Deus super gentes, \*  
Deus sedet super sedem sanctam suam.
- 10 Príncipes populórum congregáti sunt  
cum pópulo Dei Abraham, †  
quóniam Dei sunt scuta terræ: \*  
veheménter elevátus est.

## Hymnus ad Christum Regem

## Chorus:

Glória, laus et honor tibi sit, rex Christe redémptor,  
cui pueríle decus prompsit Hosánna pium.

## Omnes:

Glória, laus et honor tibi sit, rex Christe redémptor,  
cui pueríle decus prompsit Hosánna pium.

## Chorus:

Israel es tu rex, Dávidis et ínclita proles,  
nómíne qui in Dómini, rex benedícite, venis.

## Omnes:

Glória, laus et honor tibi sit, rex Christe redémptor,  
cui pueríle decus prompsit Hosánna pium.

## Chorus:

Coetus in excélsis te laudat cáelicus omnis,  
et mortális homo, et cuncta creáta simul.

## Omnes:

Glória, laus et honor tibi sit, rex Christe redémptor,  
cui pueríle decus prompsit Hosánna pium.

**Chorus:**

Plebs Hebræa tibi cum palmis óbvia venit;  
cum prece, voto, hymnis, ádsumus ecce tibi.

**Omnes:**

Glória, laus et honor tibi sit, rex Christe redémptor,  
cui puerile decus prompsit Hosánna pium.

**Chorus:**

Hi tibi passúro solvébant múnia laudis;  
nos tibi regnánti pángimus ecce melos.

**Omnes:**

Glória, laus et honor tibi sit, rex Christe redémptor,  
cui puerile decus prompsit Hosánna pium.

**Chorus:**

Hi placuére tibi, pláceat devótio nostra:  
rex bone, rex clemens, cui bona cuncta placent.

**Omnes:**

Glória, laus et honor tibi sit, rex Christe redémptor,  
cui puerile decus prompsit Hosánna pium.

10. In trante processione in ecclesiam, cantatur sequens responsorium, vel alius cantus, qui loquatur de ingressu Domini.

**R.** Ingrediénte Dómino in sanctam civitátem, Hebræorum púeri, resurrectionem vitæ pronuntiántes, \* Cum ramis palmárum: Hosánna, clamábant, in excélsis.

**Y.** Cum audísset pópulus, quod Iesus veníret Hierosólymam, exiérunt óbviám ei \* Cum ramis.

11. Sacerdos, cum ad altare pervenerit, illud veneratur et, pro opportunitate, incensat. Deinde pergit ad sedem (dimittit pluviale et assumit planetam) et, omissis aliis, ad complendam processionem dicit collectam Missæ, quæ deinde proseguitur more solito.

**Forma secunda: Introitus sollemnis**

12. Ubi processio extra ecclesiam fieri nequit, ingressus Domini celebratur intra ecclesiam per introitum sollemnem ante Missam principalem.

13. Fideles congregantur vel ante portam ecclesiae vel in ipsa ecclesia, ramos in manibus tenentes. Sacerdos et ministri et aliqua deputatio fidelium accedunt ad locum ecclesiae, extra presbyterium, aptum, ubi saltem maior pars fidelium ritum conspiciere possit.

14. Dum sacerdos ad locum dictum accedit, cantatur antiphona **Hosanna** vel alius cantus idoneus. Fit deinde benedictio ramorum et proclamatio Evangelii ingressus Domini in Ierusalem, ut supra (nn. 5-7). Post Evangelium sacerdos procedit sollemniter cum ministris et deputatione fidelium per ecclesiam ad presbyterium, dum cantatur responsorium **Ingrédiente Dómino** (n. 10) vel alius cantus aptus.

15. Cum autem ad altare pervenerit, sacerdos illud veneratur. Deinde pergit ad sedem et, omissis aliis, dicit collectam Missae, quae deinde proseguitur more solito.

**Forma tertia: Introitus simplex**

16. In omnibus aliis Missis huius dominicae in quibus non habetur introitus sollemnis, fit memoria ingressus Domini in Ierusalem per introitum simplicem.

17. Dum sacerdos pergit ad altare, cantatur antiphona ad introitum cum psalmo (n. 18) vel alius cantus de eodem themate. Sacerdos, postquam ad altare pervenerit, illud veneratur et pergit ad sedem et salutatur populum; deinde Missam proseguitur more solito.

In Missis sine populo et in aliis Missis, in quibus fieri non potest cantus ad introitum, sacerdos, statim ac ad altare pervenerit et illud est veneratus, salutatur populum, legit antiphonam ad introitum et Missam proseguitur more solito.

**18. Antiphona ad introitum**

**Ante sex dies sollémnis Paschæ,  
quando venit Dóminus in civitátem Ierúsalem,  
occurrérunt ei púeri:  
et in mánibus portábant ramos palmárum**

et clamabant voce magna, dicentes:

\* Hosanna in excelsis:

Benedictus qui venisti in multitudine misericordiae tuae.

**Ps 23, 9-10:** Attollite, portae, capita vestra,  
et elevamini, portae aeternales,  
et introibit rex gloriae.

Quis est iste rex gloriae?

Dominus virtutum ipse est rex gloriae.

\* Hosanna in excelsis:

Benedictus qui venisti in multitudine misericordiae tuae.

19. *Expedit ut, ubi nec processio nec introitus sollemnis fieri potest, habeatur sacra verbi Dei celebratio de ingressu messianico et de Passione Domini vel sabbato horis vespertinis vel die dominica, hora opportuniore.*

## Missae

20. *Post processionem vel introitum sollemnem sacerdos Missam incipit a collecta.*

### 21. Collecta

Omnipotens sempiternae Deus,  
qui humano generi, ad imitandum humilitatis exemplum,  
Salvatorem nostrum carnem sumere,  
et crucem subire fecisti,  
concede propitius,  
ut et patientiae ipsius habere documenta  
et resurrectionis consortia mereamur. Per Dominum.

21 a. *Missae huius dominicae tribus instruitur lectionibus, quae valde commendantur, nisi ratio pastoralis aliud suadeat.*

*Attento autem momento historiae Passionis Domini, sacerdoti licet, praeter oculis habita natura uniuscuiusque coetus fidelium, aut unam tantum e duabus proferre lectionibus quae Evangelium praecedunt, aut solam historiam Passionis, si necesse sit, etiam forma breviori, legere. Haec tamen valent unice in Missis cum populo celebratis.*

## Lectio prima

*Faciem meam non averti ab increpantibus,  
sed scio quoniam non confundar.*

Lectio libri Isaíæ prophétæ

50, 4-7

Dóminus dedit mihi linguam eruditam, ut sciam sustentáre eum qui lassus est verbo. Erigit mane, mane érigit mihi aurem, ut áudiam quasi magístrum. Dóminus Deus apéruit mihi aurem.

Ego autem non contradíco; retrórsus non ábii. Corpus meum dedi percutiéntibus et genas meas velléntibus; fáciem meam non avérti ab increpántibus et conspuéntibus in me.

Dóminus Deus auxiliátor meus, ídeo non sum confúsus. Ideo pósui fáciem meam ut petram duríssimam, et scio quóniam non confundar. — Verbum Dómini.

## Psalmus responsorius

Ps 21, 8-9. 17-18 a. 19-20. 23-24 (R.: 2 a)

R. Deus, Deus meus, quare me dereliquisti?

- 8 Omnes vidéntes me derisérunt me;  
torquéntes lábia movérunt caput:
- 9 « Sperávit in Dómino, erípiat eum;  
salvum fáciat eum, quóniam vult eum ». R.
- 17 Quóniam circumdedérunt me canes multi,  
concílium malignántium obsédit me.  
Fodérunt manus meas et pedes meos,
- 18 et dinumerávi ómnia ossa mea. R.
- 19 Divisérunt sibi vestiménta mea,  
et super vestem meam misérunt sortem.
- 20 Tu autem, Dómine, ne elongáveris,  
fortitúdo mea, ad adiuvándum me festína. R.



- <sup>23</sup> Narrábo nomen tuum frátribus meis,  
in médio ecclésiæ laudábo te.
- <sup>24</sup> Qui timétis Dóminum, laudáte eum,  
univérsum semen Iacob, glori ficáte eum.  
Métuat eum omne semen Israel. **R.**

**Lectio secunda**

*Humiliavit semetipsum: propter quod  
et Deus illum exaltavit.*

**Léctio Epístolæ beáti Pauli apóstoli ad Philippénes****2, 6-11**

Christus Iesus, cum in forma Dei esset, non rapínam arbitrátus est esse se æquálem Deo, sed semetípsum exinanívit formam servi accípiens, in similitúdinem hóminum factus: et hábitu invéntus ut homo, humiliávit semetípsum factus obcédians usque ad mortem, mortem autem crucis.

Propter quod et Deus illum exaltávit et donávit illi Nomen quod est super omne nomen, ut in Nómine Iesu omne genu flectátur cæléstium et terréstrium et infernórum et omnis lingua confiteátur: « Dóminus Iesus Christus! », in glóriam Dei Patris. — Verbum Dómini.

**Versus ante Evangelium****Phil 2, 8-9**

Christus factus est pro nobis obcédians  
usque ad mortem, mortem autem crucis.

Propter quod et Deus exaltávit illum  
et dedit illi nomen, quod est super omne nomen.

22. **Historia Passionis Domini legitur absque luminaribus et absque incenso, sine salutatione et signatione libri. Legitur autem a diacono vel, ipso deficiente, a sacerdote. Legi potest etiam a lectoribus, parte Christi, si fieri potest, sacerdoti reservata.**

**Diaconi, non autem alii, ante cantum Passionis, petunt benedictionem sacerdotis, ut alias ante Evangelium.**

## Evangelium \*

## Anno A

**Pássio Dómini nostri Iesu Christi secúndum Mattháeum**  
26, 14 — 27, 66

*Quid vultis mihi dare et ego vobis eum tradam?*

In illo témpore: Abiit unus de Duódecim, qui dicebátur Iudas Iscariótes, ad principes sacerdotum et ait: « Quid vultis mihi dare et ego vobis eum tradam? » At illi constituérunt ei trigínta argénteos. Et exínde quærébat oportunitátem ut eum tráderet.

*Ubi vis paremus tibi Pascha?*

Prima autem Azymórum accessérunt discípuli ad Iesum dicéntes: « Ubi vis parémus tibi comédere Pascha? »

Ille autem dixit: « Ite in civitátem ad quemdam et dícite ei: " Magíster dicit: Tempus meum prope est; apud te fácio Pascha cum discíplis meis " ». Et fecérunt discípuli sicut constitúit illis Iesus, et paravérunt Pascha.

*Unus vestrum me traditurus est.*

Véspere autem facto, discumbébat cum Duódecim. Et edéntibus illis, dixit: « Amen dico vobis: Unus vestrum me traditúrus est ».

Et contristáti valde, cœpérunt sínguli dícere ei: « Numquid ego sum, Dómine? »

At ipse respóndens, ait: « Qui intíngit mecum manum in parópside, hic me tradet. Fílius quidem hómínis vadit sicut scriptum est de illo, væ autem hómíni illi per quem Fílius hómínis tráditur: bonum erat ei si natus non fuisset homo ille ».

Respondens autem Iudas, qui tradidit eum, dixit:  
« Numquid ego sum, Rabbi? »

Ait illi: « Tu dixisti ».

*Hoc est Corpus meum. Hic est Sanguis meus.*

Cenantibus autem eis, accepit Iesus panem et benedixit ac fregit deditque discipulis et ait: « Accipite, comedite: hoc est Corpus meum ». Et accipiens calicem, gratias egit et dedit illis, dicens: « Bibite ex hoc omnes: hic est enim Sanguis meus novi testamenti, qui pro multis effunditur in remissionem peccatorum. Dico autem vobis: Non bibam amodo de hoc genere vite usque in diem illum, cum illud bibam vobiscum novum in Regno Patris mei ».

Et hymno dicto, exierunt in Montem Oliveti.

*Percutiam pastorem, et dispergentur oves gregis.*

Tunc dicit illis Iesus: « Omnes vos scandalum patiemini in me in ista nocte. Scriptum est enim: " Percutiam pastorem, et dispergentur oves gregis ". Postquam autem resurrexero, precedam vos in Galileam ».

Respondens autem Petrus ait illi: « Et si omnes scandalizati fuerint in te, ego numquam scandalizabor ».

Ait illi Iesus: « Amen dico tibi: In hac nocte, ante quam gallus cantet, ter me negabis ».

Ait illi Petrus: « Etiam si oportuerit me mori tecum, non te negabo ». Similiter et omnes discipuli dixerunt.

*Cœpit contristari et mæstus esse.*

Tunc venit Iesus cum illis in prædium quod dicitur Gethsémani. Et dicit discipulis: « Sedete hic, donec vadam illuc et orem ». Et assumpto Petro et duobus filiis Zebedæi, cœpit contristari et mæstus esse. Tunc ait

illis: « Tristis est ánima mea usque ad mortem, sustinete hic et vigilate mecum ».

Et progressus pusillum, prócidit in faciém suam orans et dicens: « Pater mi, si possibile est, transeat a me calix iste: verúmtamen non sicut ego volo, sed sicut Tu ».

Et venit ad discipulos et invenit eos dormientes, et dicit Petro: « Sic non potuístis una hora vigilare mecum? Vigilate et orate, ut non intrétis in tentationem: spíritus quidem promptus est, caro autem infirma ».

Iterum secúndo abiit et oravit dicens: « Pater mi, si non potest hoc transire nisi bibam illud, fiat voluntas tua ». Et venit iterum et invenit eos dormientes, erant enim óculi eórum gravati. Et relictis illis, iterum abiit et oravit tertio, eúdem sermónem iterum dicens. Tunc venit ad discipulos et dicit illis: « Dormite iam et requiescite; ecce appropinquávit hora et Filius hóminis tráditur in manus peccatórum. Súrgite, eámus: ecce appropinquávit qui me tradit ».

*Manus iniecerunt in Iesum et tenuerunt eum.*

Et adhuc ipso loquente, ecce Iudas, unus de Duódecim, venit et cum eo turba multa cum gládiis et fústibus, missi a princípibus sacerdotum et senióribus pópuli. Qui autem trádidit eum, dedit illis signum dicens: « Quemcúmque osculátus fuero, ipse est, tenete eum ». Et confestim accédens ad Iesum dixit: « Ave, Rabbi! » Et osculátus est eum.

Iesus autem dixit illi: « Amice, ad quod venisti ». Tunc accesserunt et manus iniecerunt in Iesum et tenuerunt eum.

Et ecce unus ex his qui erant cum Iesu extendens manum exémit gládium suum, et percútiens servum

principis sacerdotum amputavit auriculam eius. Tunc ait illi Iesus: « **Converté gládium tuum in locum suum, omnes enim qui accéperint gládium, gládio peribunt. An putas quia non possum rogáre Patrem meum, et exhibébit mihi modo plus quam duódecim legiónes angelórum? Quómodo ergo implebúntur Scriptúræ quia sic opórtet fieri? »**

In illa hora dixit Iesus turbis: « **Tamquam ad latrónem existis cum gládiis et fústibus comprehéndere me? Cotídie sedébam docens in templo et non me tenuístis »**. Hoc autem totum factum est ut impleréntur Scriptúræ Prophetárum. Tunc discípuli omnes, relicto eo, fugérunt.

*Videbitis Filium hominis sedentem a dextris Virtutis.*

Illi autem tenentes Iesum duxérunt ad Cáriapham principem sacerdotum, ubi scribæ et senióres convénéran. Petrus autem sequebátur eum a longe usque in aulam principis sacerdotum; et ingressus intro sedébat cum ministris ut vidéret finem.

Príncipes autem sacerdotum et omne concílium quærébant falsum testimónium contra Iesum ut eum morti tráderent, et non invenérunt, cum multi falsi testes accessíssent. Novíssime autem veniéntes duo dixerunt: « **Hic dixit: " Possum destrúere Templum Dei et post tríduum ædificáre illud " »**.

Et surgens princeps sacerdotum, ait illi: « **Nihil respóndes? Quid isti advérsus te testificántur? »** Iesus autem tacébat. Et princeps sacerdotum ait illi: « **Adiúro te per Deum vivum ut dicas nobis si tu es Christus Fílius Dei »**.

Dicit illi Iesus: « **Tu dixísti. Verúmtamen dico vobis: Amodo videbitis Fílium hóminis sedéntem a dextris Virtútis et veniéntem in núbibus cæli »**.

Tunc princeps sacerdotum scidit vestimenta sua dicens: « Blasphemavit! Quid adhuc egemus testibus? Ecce nunc audistis blasphemiam: quid vobis videtur? » Illi autem respondentes dixerunt: « Reus est mortis ».

Tunc exspuerunt in faciem eius et colaphis eum ceciderunt, alii autem palmas in faciem ei dederunt dicentes: « Prophetiza nobis, Christe, quis est qui te percussit? »

*Prius quam gallus cantet, ter me negabis.*

Petrus vero sedebat foris in atrio; et accessit ad eum una ancilla, dicens: « Et tu cum Iesu Galileo eras ».

At ille negavit coram omnibus dicens: « Nescio quid dicis ».

Exeunte autem illo ad ianuam vidit eum alia et ait his qui erant ibi: « Hic erat cum Iesu Nazareno ».

Et iterum negavit cum iuramento: « Non novi hominem ».

Post pusillum autem accesserunt qui stabant et dixerunt Petro: « Vere et tu ex illis es, nam et loquela tua manifestum te facit ».

Tunc coepit detestari et iurare: « Non novi hominem ». Et continuo gallus cantavit. Et recordatus est Petrus verbi Iesu quod dixerat: « Prius quam gallus cantet, ter me negabis ». Et egressus foras ploravit amare.

*Tradiderunt Iesum Pilato praesidi.*

Mane autem facto, consilium iniierunt omnes principes sacerdotum et seniores populi adversus Iesum ut eum morti traderent. Et vinctum adduxerunt eum et tradiderunt Pilato praesidi.

*Non licet mittere eos in corbanam,  
quia pretium sanguinis est.*

Tunc videns Iudas, qui eum tradidit, quod damnatus esset, pœnitentia ductus, retulit triginta argenteos principibus sacerdotum et senioribus dicens: « Pecçavi tradens sanguinem innocentem ».

At illi dixerunt: « Quid ad nos? Tu videris ». Et proiçctis argenteis in templo, recessit et abiens laqueo se suspendit.

Principes autem sacerdotum, acceptis argenteis, dixerunt: « Non licet mittere eos in corbanam, quia pretium sanguinis est ». Consilio autem inito, emerunt ex illis Agrum Figuli in sepulturam peregrinorum. Propter hoc vocatus est ager ille " Ager Sanguinis " usque in hodiernum diem.

Tunc implatum est quod dictum est per Ieremiam prophetam dicentem: « Et acceperunt triginta argenteos, pretium appetiati quem appetiaverunt a filiis Israel, et dederunt eos in agrum figuli, sicut constituit mihi Dominus ».

*Tu ex Rex Iudæorum?*

Iesus autem stetit ante præsidentem; et interrogavit eum præsides dicens: « Tu es Rex Iudæorum? »

Dixit autem Iesus: « Tu dicis ». Et cum accusaretur a principibus sacerdotum et senioribus, nihil respondit.

Tunc dicit illi Pilatus: « Non audis quanta adversum te dicant testimonia? » Et non respondit ei ad ullum verbum, ita ut miraretur præsides vehementer.

Per diem autem sollempnem consuèrat præsides dimittere turbæ unum vinctum quem voluissent. Habebant autem tunc vinctum insignem, qui dicebatur Barabbas. Congregatis ergo illis dixit Pilatus: « Quem vultis dimittam vobis, Barabbam, an Iesum qui dicitur

Christus? » Sciébat enim quod per invidiam tradidissent eum.

Sedente autem illo pro tribunáli, misit ad illum uxor eius dicens: « Nihil tibi et iusto illi, multa enim passa sum hódie per visum propter eum ».

Príncipes autem sacerdotum et senióres persuaserunt turbis ut péterent Barábbam, Iesum vero pérderent. Respondens autem præses ait illis: « Quem vultis vobis de duóbus dimittam? »

At illi dixerunt: « Barábbam ».

Dicit illis Pilátus: « Quid igitur fáciam de Iesu, qui dicitur Christus? »

Dicunt omnes: « Crucifigátur ».

Ait autem: « Quid enim mali fecit? »

At illi magis clamábant dicétes: « Crucifigátur ».

Videns autem Pilátus quia nihil proficeret sed magis tumultus fieret, accépta aqua lavit manus coram turba dicens: « Innocens ego sum a ságuine hoc: vos vidéritis ».

Et respondens univérsum pópulus dixit: « Sanguis eius super nos et super filios nostros ». Tunc dimisit illis Barábbam, Iesum autem flagellátum trádedit ut crucifigerétur.

*Ave, Rex Iudæorum.*

Tunc mílites præsidis suscipiétes Iesum in prætorio congregavérunt ad eum univérsum cohórtem. Et exuéntes eum, clámydem cocíneam circumdedérunt ei, et plecténtes corónam de spinis posuérunt super caput eius et harúndinem in dextera eius, et genu flexo ante eum illudébant ei dicétes: « Ave, Rex Iudæorum ». Et exspuéntes in eum accepérunt harúndinem et percutiébant caput eius. Et postquam illusérunt ei, exuérunt eum clámyde et induérunt eum vestiméntis eius, et duxérunt eum ut crucifigerent.



*Crucifiguntur cum eo duo latrones.*

Exeúntes autem invenérunt hóminem Cyrenáeum, nómine Simónem; hunc angariavérunt ut tólleret crucem eius.

Et venérunt in locum qui dicitur Gólgotha, quod est Calváriæ Locus, et dedérunt ei vinum bíbere cum felle mixtum; et cum gustásset, nóluit bíbere. Postquam autem crucifixérunt eum, divisérunt vestiménta eius sortem mitténtes, et sedéntes servábant eum ibi.

Et imposuérunt super caput eius causam ipsíus scriptam: « Hic est Iesus Rex Iudæórum ». Tunc crucifigúntur cum eo duo latrónes, unus a dextris et unus a sinístris.

*Si Filius Dei es, descende de cruce.*

Prætereúntes autem, blasphemábant eum, movéntes cápita sua et dicéntes: « Qui déstruis templum et in trídno illud reædificas, salva temetípsum, si Fílius Dei es, descénde de cruce ».

Similiter et príncipes sacerdotum illudéntes cum scribis et senióribus dicébant: « Alios salvos fecit, se ipsum non potest salvum fácere; rex Israel est, descéndat nunc de cruce, et credémus in eum. Confídit in Deo, líberet nunc si vult eum; dixit enim: " Dei Fílius sum " ». Idípsum autem et latrónes qui crucifíxi erant cum eo impropérabant ei.

*Eli Eli, lema sabacthani?*

A sexta autem hora ténebræ factæ sunt super univérsam terram usque ad horam nonam. Et circa horam nonam clamávit Iesus voce magna dicens: « Eli Eli, lema sabactháni? », hoc est: « Deus meus, Deus meus, ut quid dereliquísti me? »

Quidam autem ex illic stántibus, audiéntes dicébant: « Elíam vocat iste ». Et continuo currens unus

ex eis, accéptam spóngiam implévit acéto et impósuit harúndini et dabat ei bñbere. Céteri vero dicébant: « Sine, videámus an véniat Elías liberans eum ».

Iesus autem íterum clamans voce magna emísit spíritum.

Hic genuflectitur, et pausatúr aliquantulum.

Et ecce velum Templi scissum est a summo usque deórsum in duas partes, et terra mota est, et petræ scissæ sunt, et monuménta apérta sunt et multa córpora sanctórum, qui dormierant, surrexérunt et excúntes de monuméntis post resurrectionem eius, vénérunt in sanctam civitátem et apparuérunt multis. Centúrio autem et qui cum eo erant custodiéntes Iesum, viso terræ motu et his quæ fiébant, timuérunt valde dicéntes: « Vere Dei Fílius erat iste ».

Erant autem ibi mulieres multæ a longe aspiciéntes, quæ secútæ erant Iesum a Galilæa ministrántes ei; inter quas erat María Magdaléne et María Iacóbi et Ioseph mater et mater filiórum Zebedæi.

*Posuit Ioseph corpus Iesu in monumento suo novo.*

Cum sero autem factum esset, venit homo dives ab Arimathæa, nómine Ioseph, qui et ipse discipulus erat Iesu. Hic accéssit ad Pilátum et pétiit corpus Iesu. Tunc Pilátus iussit reddi. Et accépto córpore, Ioseph invólvit illud in síndone munda, et pósuit illud in monuménto suo novo quod excíderat in petra, et advólvit saxum magnum ad óstium monuménti et ábiit. Erat autem ibi María Magdaléne et áltera María sedéntes contra sepúlcrum.

*Habetis custodiam; ite, custodite sicut scitis.*

Altera autem die quæ est post Parascévem, convenérunt príncipes sacerdotum et Pharisæi ad Pilátum di-

céntes: « Dómine, recordáti sumus quia sedúctor ille dixit adhuc vivens: " Post tres dies resúrgam ". Iube ergo custodíri sepúlcrum usque in diem tértium, ne forte véniant discípuli eius et furéntur eum et dicant plebi: " Surréxit a mórtuis ", et erit novíssimus error peior prióre ».

Ait illis Pilátus: « Habétis custódiám: ite, custodíte sicut scitis ». Illi autem abeúntes muniérunt sepúlcrum, signántes lápidem, cum custódia.

Verbum Dómini.

vel brevior

Pássio Dómini nostri Iesu Christi secúndum Matthéum  
27, 11-54

*Tu es Rex Iudæorum?*

In illo témpore:

Stetit Iesus ante Póntium Pilátum, et interrogávit eum præses dicens: « Tu es Rex Iudæórum? »

Dixit autem Iesus: « Tu dicis ». Et cum accusarétur a princípibus sacerdotum et senióribus, nihil respóndit.

Tunc dicit illi Pilátus: « Non audis quanta advérsum te dicant testimónia? » Et non respóndit ei ad ullum verbum, ita ut mirarétur præses veheménter.

Per diem autem sollémnem consuéverat præses dimíttere turbæ unum vinctum quem voluissent. Habébant autem tunc vinctum insígnem, qui dicebátur Barábbas. Congregátis ergo illis dixit Pilátus: « Quem vultis dimíttam vobis, Barábbam, an Iesum, qui dicitur Christus? » Sciébat enim quod per invídiam tradidísent eum.

Sedente autem illo pro tribunali, misit ad illum uxor eius dicens: « Nihil tibi et iusto illi, multa enim passa sum hodie per visum propter eum ».

Principes autem sacerdotum et seniores persuaserunt turbis ut peterent Barabbam, Iesum vero perderent. Respondens autem praeses ait illis: « Quem vultis vobis de duobus dimittam? »

At illi dixerunt: « Barabbam ».

Dicit illis Pilatus: « Quid igitur faciam de Iesu, qui dicitur Christus? »

Dicunt omnes: « Crucifigatur ».

Ait autem: « Quid enim mali fecit? »

At illi magis clamabant dicentes: « Crucifigatur ».

Videns autem Pilatus quia nihil proficeret, sed magis tumultus fieret, accepta aqua lavit manus coram turba dicens: « Innocens ego sum a sanguine hoc: vos vidistis ».

Et respondens universus populus dixit: « Sanguis eius super nos et super filios nostros ». Tunc dimisit illis Barabbam, Iesum autem flagellatum tradidit ut crucifigeretur.

### *Ave, Rex Iudaeorum.*

Tunc milites praesidis suscipientes Iesum in praetorio congregaverunt ad eum universam cohortem. Et exuentes eum, clamydem coccineam circumdederunt ei, et plectentes coronam de spinis posuerunt super caput eius et harundinem in dextera eius, et genu flexo ante eum illudabant ei dicentes: « Ave, Rex Iudaeorum ». Et expuentes in eum acceperunt harundinem et percutiebant caput eius. Et postquam illuserturum ei, exuerunt eum clamyde et induerunt eum vestimentis eius, et duxerunt eum ut crucifigerent.

*Crucifiguntur cum eo duo latrones.*

Exeúntes autem invenérunt hóminem Cyrenseum, nómine Simónem; hunc angariavérunt ut tólleret crucem eius.

Et venérunt in locum qui dicitur Gólgotha, quod est Calváriæ Locus, et dedérunt ei vinum bíbere cum felle mixtum; et cum gustásset, nóluit bíbere. Postquam autem crucifixerunt eum, divisérunt vestiménta eius sortem mitténtes, et sedéntes servábant eum ibi.

Et imposuérunt super caput eius causam ipsíus scriptam: « Hic est Iesus Rex Iudæórum ». Tunc crucifiguntur cum eo duo latrónes, unus a dextris et unus a sinístris.

*Si Filius Dei es, descende de cruce.*

Prætereúntes autem, blasphemábant eum, movéntes cápita sua et dicéntes: « Qui déstruis templum et in trídno illud reædificas, salva temetípsum, si Fílius Dei es, descénde de cruce ».

Simíliter et príncipes sacerdotum illudéntes cum scribis et senióribus dicébant: « Alios salvos fecit, se ipsum non potest salvum fácere; rex Israel est, descéndat nunc de cruce, et credémus in eum. Confídit in Deo, líberet nunc si vult eum; dixit enim: " Dei Fílius sum " ». Idípsum autem et latrónes qui crucifíxi erant cum eo impropérabant ei.

*Eli Eli, lema sabacthani?*

A sexta autem hora ténebræ factæ sunt super univérsam terram usque ad horam nonam. Et circa horam nonam clamávit Iesus voce magna dicens: « Eli Eli, lema sabactháni? », hoc est: « Deus meus, Deus meus, ut quid dereliquísti me? »

Quidam autem ex illic stántibus, audiéntes dicébant: « Eliam vocat iste ». Et continuo currens unus

ex eis, accéptam spóngiam implévit acéto et impósuit harúndini et dabat ei bíbere. Céteri vero dicébant: « Sine, videámus an véniat Elías liberans eum ».

Iesus autem íterum clamans voce magna emísit spíritum.

Hic genuflectitur, et pausatur aliquantulum.

Et ecce velum Templi scissum est a summo usque deórsum in duas partes, et terra mota est, et petræ scissæ sunt, et monuménta apérta sunt et multa córpora sanctórum, qui dormierant, surrexérunt et exeúntes de monuméntis post resurrectionem eius, venérunt in sanctam civitatem et apparuérunt multis. Centúrio autem et qui cum eo erant custodiéntes Iesum, viso terræ motu et his quæ fiébant, timuérunt valde dicétes: « Vere Dei Fílius erat iste ». — Verbum Dómini.

## Anno B

\* Pássio Dómini nostri Iesu Christi secúndum Marcum  
14, 1 — 15, 47

*Quærebant quomodo Iesum dolo tenerent et occiderent.*

Erat Pascha et Azyrna post bíduum. Et quærebant summi sacerdótes et scribæ quómodo Iesum dolo tenerent et occiderent; dicébant enim: « Non in die festo, ne forte tumúltus fieret pópuli ».

*Prævenit ungere corpus meum in sepulturam.*

Et, cum esset Bethánis in domo Simónis leprósi et recúmberet, venit múlter habens alabástrum unguénti nardi puri pretiósi; fracto alabástro, effúdit super caput eius. Erant autem quidam indigne ferétes intra semetipsos: « Ut quid perdtio ista unguénti facta est? Pót-

erat enim unguentum istud veniri plus quam trecéntis denáriis et dari paupéribus ». Et fremébant in eam.

Iesus autem dixit: « Sínite eam; quid illi molésti estis? Bonum opus operáta est in me. Semper enim páuperes habétis vobíscum, et cum voluéritis, potéstis illis bene fácere, me autem non semper habétis. Quod hábuit, operáta est: prævénit úngere corpus meum in sepultúram. Amen autem dico vobis: Ubicúmque prædicátum fúerit Evangélium in univérsum mundum, et quod fecit hæc, narrábitur in memóriam eius ».

*Promiserunt Iudæ Iscarioth pecuniam se daturos.*

Et Iudas Iscarioth, unus de Duódecim, ábiit ad summos sacerdótes ut próderet eum illis. Qui audiéntes gavísi sunt et promiserunt ei pecúniam se datúros. Et quærébat quómo modo illum oportúne tráderet.

*Ubi est refectio mea*

*ubi Pascha cum discipulis meis manducem?*

Et primo die Azymórum, quando Pascha immolábant, dicunt ei discipuli eius: « Quo vis eámus et parémus ut mandúces Pascha? »

Et mittit duos ex discipulis suis et dicit eis: « Ite in civitátem, et occúrret vobis homo lagénam aquæ báulans; sequímini eum, et quocúmque introíerit, dícite dómino domus: Magíster dicit: " Ubi est reféctio mea ubi Pascha cum discipulis meis mandúcem? " Et ipse vobis demonstrábit cenáculum grande stratum parátum: et illic paráte nobis ». Et abiérunt discipuli et venérunt in civitátem et invenérunt sicut díxerat illis, et paravérunt Pascha.

*Unus ex vobis me tradet, qui manducat mecum.*

Et véspere facto venit cum Duódecim. Et discumbéntibus eis et manducántibus, ait Iesus: « Amen dico

vobis: Unus ex vobis me tradet, qui manducat mecum ».

Cœpérunt contristári et dícere ei singillátim: « Numquid ego? »

Qui ait illis: « Unus ex Duódecim, qui intíngit mecum in catíno. Nam Fílius quidem hóminis vadit sicut scriptum est de eo, vœ autem hómini illi per quem Fílius hóminis tráditur: bonum est ei si non esset natus homo ille ».

*Hoc est Corpus meum.*

*Hic est Sanguis meus novi testamenti.*

Et manducántibus illis accépit panem, et benedí-cens fregit et dedit eis et ait: « Súmite, hoc est Corpus meum ». Et accépto cálice, grátias agens dedit eis, et bibérunt ex illo omnes. Et ait illis: « Hic est Sanguis meus novi testaménti, qui pro multis effúnditur. Amen dico vobis: Iam non bibam de genímine vitis usque in diem illum cum illud bibam novum in Regno Dei ».

*Prius quam bis gallus vocem dederit ter me es negaturus.*

Et hymno dicto exiérunt in Montem Olivárum.

Et ait eis Iesus: « Omnes scandalizabímíni, quia scriptum est: " Percútiam pastórem, et dispergéntur ovès ". Sed póstea quam resurréxero, præcédam vos in Galiléam ».

Petrus autem ait ei: « Et si omnes scandalizáti fúerint, sed non ego ».

Et ait illi Iesus: « Amen dico tibi: Tu hódie, in nocte hac, prius quam bis gallus vocem déderit ter me es negáturus ».

At ille ámplius loquebátur: « Et si oportúerit me cómmori tibi, non te negábo ». Simíliter autem et omnes dicébant.



*Cœpit pavere et tædere.*

Et véniunt in prædium, cui nomen Gethsémani, et ait discipulis suis: « Sedéte hic donec orem ». Et asúmit Petrum et Iacobum et Ioánnem secum, et cœpit pavére et tædere, et ait illis: « Tristis est ánima mea usque ad mortem; sustinéte hic et vigiláte ».

Et cum processisset páululum, procidébat super terram, et orábat ut si fieri posset transíret ab eo hora, et dicébat: « Abba, Pater, ómnia tibi possibilía sunt: transfer cálicem hunc a me; sed non quod ego volo, sed quod Tu ».

Et venit et invénit eos dormiéntes, et ait Petro: « Simon, dormis? Non potuísti una hora vigiláre? Vigiláte et oráte ut non intrétis in tentatióne: spíritus quidem promptus est, caro vero infirma ».

Et iterum ábiens orávit, eúndem sermónem dicens. Et véniens dénuo invénit eos dormiéntes; erant enim óculi illórum ingraváti, et ignorábant quid respondérent ei.

Et venit tértio et ait illis: « Dormíte iam et requiéscite? Súfficit: venit hora, ecce tráditur Fílius hóminis in manus peccatórum. Súrgite, eámus: ecce qui me trádit, prope est ».

*Tenete eum et ducite caute.*

Et conféstim, adhuc eo loquente, venit Iudas unus ex Duódecim, et cum illo turba cum gládiis et lignis a summis sacerdotibus et scribis et senióribus. Déderat autem tráditor eius signum eis dicens: « Quemcúmque osculátus fuero, ipse est: tenéte eum et dúcite caute ».

Et cum venisset, statim accédens ad eum ait: « Rabbi », et osculátus est eum. At illi manus iniecérunt in eum et tenuérunt eum. Unus autem quidam de circumstántibus edúcens gládium percússit servum summi sacerdotis et amputávit illi aurículam.

Et respondens Iesus ait illis: « Tamquam ad latronem existis cum gladiis et lignis comprehendere me? Cotidie eram apud vos in templo docens et non me tenuistis; sed ut adimpleantur Scripturæ ». Et relinquentes eum omnes fugerunt.

Et adulescens quidam sequebatur eum amictus sindone super nudo, et tenent eum: at ille reiecta sindone nudus profugit.

*Tu es Christus filius Benedicti?*

Et adduxerunt Iesum ad summum sacerdotem, et conveniunt omnes summi sacerdotes et seniores et scribæ. Et Petrus a longe secutus est eum usque intro in atrium summi sacerdotis, et sedebat cum ministris et calefaciebat se ad ignem.

Summi vero sacerdotes et omne concilium querebant adversus Iesum testimonium ut eum morte afficerent nec inveniabant. Multi enim testimonium falsum dicebant adversus eum, et convenientia testimonia non erant. Et quidam surgentes falsum testimonium ferebant adversus eum dicentes: « Nos audivimus eum dicentem: " Ego dissolvam templum hoc manu factum et intra triduum aliud non manu factum edificabo " ». Et ne ita quidem conveniens erat testimonium illorum.

Et exurgens summus sacerdos in medium interrogavit Iesum dicens: « Non respondes quidquam ad ea que isti testantur adversum te? » Ille autem tacebat et nihil respondit. Rursum summus sacerdos interrogabat eum et dicit ei: « Tu es Christus filius Benedicti? »

Iesus autem dixit: « Ego sum, et videbitis Filium hominis a dextris sedentem Virtutis et venientem cum nubibus cæli ».

Summus autem sacerdos scindens vestimenta sua ait: « Quid adhuc necessarij sunt nobis testes? Audi-

stis blasphemiam: quid vobis videtur? » Qui omnes condemnauerunt eum esse reum mortis.

Et coeperunt quidam conspuere eum et velare faciem eius et colaphis eum cadere et dicere ei: « Prophetiza », et ministri alapis eum cedebant.

*Nescio hominem istum quem dicitis.*

Et cum esset Petrus in atrio deorsum, venit una ex ancillis summi sacerdotis, et cum vidisset Petrum calefacientem se, aspiciens illum ait: « Et tu cum hoc Nazareno, Iesu, eras ».

At ille negavit dicens: « Neque scio neque novi quid tu dicas ». Et exiit foras ante atrium, et gallus cantavit.

Et ancilla, cum vidisset illum, rursus coepit dicere circumstantibus: « Hic ex illis est ». At ille iterum negabat.

Et post pusillum rursus qui astabant dicebant Petro: « Vere ex illis es, nam et Galilaeus es ».

Ille autem coepit anathematizare et iurare: « Nescio hominem istum quem dicitis ». Et statim iterum gallus cantavit. Et recordatus est Petrus verbi, sicut dixerat ei Iesus: « Prius quam gallus cantet bis, ter me negabis », et coepit flere.

*Vultis dimittam vobis regem Iudaeorum?*

Et confestim mane consilium facientes summi sacerdotes cum senioribus et scribis, idest universum concilium, vincientes Iesum duxerunt et tradiderunt Pilato. Et interrogavit eum Pilatus: « Tu es rex Iudaeorum? »

At ille respondens ait illi: « Tu dicis ». Et accusabant eum summi sacerdotes in multis.

Pilatus autem rursus interrogabat eum dicens: « Non respondes quidquam? Vide in quantis te accusant ».

Iesus autem ámplius nihil respóndit, ita ut mirarétur Pilátus.

Per diem autem festum dimíttere solébat illis unum ex vinctis quem péterent. Erat autem qui dicebátur Barábbas vinctus cum seditiósibus, qui in seditiósione fécerant homicídium. Et cum ascendísset turba, coepit rogáre sicut faciébat illis. Pilátus autem respóndit eis et dixit: « Vultis dimíttam vobis regem Iudæórum? » Sciébat enim quod per invidiam tradidísset eum summi sacerdótes. Pontífices autem concitavérunt turbam ut magis Barábbam dimíttetet eis.

Pilátus autem íterum respóndens aiébat illis: « Quid ergo vultis fáciam regi Iudæórum? »

At illi íterum clamavérunt: « Crucifige eum ».

Pilátus vero dicebat eis: « Quid enim mali fecit? »

At illi magis clamavérunt: « Crucifige eum ».

Pilátus autem volens pópulo satisfácere dimísit illis Barábbam, et trádidit Iesum flagéllis cæsum ut crucifigerétur.

*Imponunt ei plectentes spineam coronam.*

Mílites autem duxérunt eum intro in átrium, quod est prætórium, et cónvocant totam cohórtem. Et induunt eum púrpuram, et impónunt ei plectétes spíneam coronam, et coepérunt salutáre eum: « Ave, rex Iudæórum », et percutiébant caput eius harúndine et conspuébant eum, et ponétes génuá adorábant eum.

Et postquam illusérunt ei, exuérunt illum púrpuram et induérunt eum vestiméntis suis. Et edúcut illum ut crucifigerent eum.

*Perducunt illum in Golgotha locum, et crucifigunt eum.*

Et angáriant prætereúntem quémpiam Simónem Cyrenæum veniéntem de villa, patrem Alexándri et Rufi,

ut tólleret crucem eius. Et perdúcut illum in Gólgotha locum, quod est interpretátum Calváriæ Locus.

Et dabant ei myrrhátum vinum, ille autem non acépít. Et crucifigunt eum et dívidunt vestiménta eius, mitténtes sortem super eis quis quid tólleret. Erat autem hora tértia et crucifixérunt eum. Et erat títulus causæ eius inscriptus: « Rex Iudæórum ». Et cum eo crucifigunt duos latrónes, unum a dextris et álium a sinístris eius.

*Alios salvos fecit, se ipsum non potest salvum facere.*

Et prætereúntes blasphemábant eum movéntes cápita sua et dicéntes: « Vah, qui déstruit templum Dei et in tribus diébus ædíficat, salvum fac temetípsum descéndens de cruce ».

Simíliter et summi sacerdótes ludéntes ad altérum cum scribis dicébant: « Alios salvos fecit, se ipsum non potest salvum fácere. Christus rex Israel descéndat nunc de cruce, ut videámus et credámus ». Etiam qui cum eo crucifíxi erant, conviciabántur ei.

*Emissa voce magna Iesus expiravit.*

Et facta hora sexta ténebræ factæ sunt per totam terram usque in horam nonam. Et hora nona exclamávit Iesus voce magna: « Heloi, Heloi, lema sabactháni? », quod est interpretátum: « Deus meus, Deus meus, ut quid dereliquísti me? »

Et quídam de circumstántibus audiéntes dicébant: « Ecce Eliám vocat ». Curréns autem unus et implens spóngiam acéto circumponénsque cálamo potum dabat ei dicens: « Sínite, videámus, si véniat Eliás ad depónéndum eum ».

Iesus autem emíssa voce magna expirávit.

Hic genuflectitur, et pausatúr aliquantulum.

Et velum templi scissum est in duo a sursum usque deorsum. Videns autem centurio qui ex adverso stabat, quia sic clamans exspirasset, ait: « Vere homo hic Filius Dei erat ».

Erant autem et mulieres de longe aspicientes, inter quas et María Magdaléne et María Iacóbi minoris et Iosétis mater et Salóme, quæ cum esset in Galilæa sequebantur eum et ministrabant ei, et aliæ multæ quæ simul cum eo ascenderant Hierosólymam.

*Advolvit Ioseph lapidem ad ostium monumenti.*

Et cum iam sero esset factum, quia erat Parascève, quod est ante sabbatum, venit Ioseph ab Arimathæa nobilis decurio, qui et ipse erat exspectans Regnum Dei, et audacter introivit ad Pilatum et petiit corpus Iesu. Pilatus autem miratus est si iam obisset, et accersito centurione interrogavit eum si iam mortuus esset: et cum cognovisset a centurione, donavit corpus Ioseph. Is autem mercatus sindonem et depónens eum involvit sindone et posuit eum in monumento quod erat excisum de petra, et advolvit lapidem ad ostium monumenti. María autem Magdaléne et María Iosétis aspiciébant ubi positus esset. — Verbum Dómini.

---

vel brevior

Pássio Dómini nostri Iesu Christi secúndum Marcum  
15, 1-39

*Vultis dimittam vobis regem Iudæorum?*

Confestim mane consilium faciéntes summi sacerdotes cum senióribus et scribis, idest univérsum concilium, vinciéntes Iesum duxérunt et tradidérunt Piláto. Et interrogávit eum Pilátus: « Tu es rex Iudæórum? »

At ille respondens ait illi: « Tu dicis ». Et accusabant eum summi sacerdotes in multis.

Pilatus autem rursus interrogabat eum dicens: « Non respondes quidquam? Vide in quantis te accusant ». Iesus autem amplius nihil respondit, ita ut miraretur Pilatus.

Per diem autem festum dimittere solebat illis unum ex vinculis quem peterent. Erat autem qui dicebatur Barabbas vinctus cum seditiosis, qui in seditione fecerant homicidium. Et cum ascendisset turba, cepit rogare sicut faciebat illis. Pilatus autem respondit eis et dixit: « Vultis dimittam vobis regem Iudaeorum? » Sciebat enim quod per invidiam tradidissent eum summi sacerdotes. Pontifices autem concitaverunt turbam ut magis Barabbam dimitteret eis.

Pilatus autem iterum respondens aiebat illis: « Quid ergo vultis faciam regi Iudaeorum? »

At illi iterum clamaverunt: « Crucifige eum ».

Pilatus vero dicebat eis: « Quid enim mali fecit? »

At illi magis clamaverunt: « Crucifige eum ».

Pilatus autem volens populo satisfacere dimisit illis Barabbam, et tradidit Iesum flagellis caesum ut crucifigeretur,

*Imponunt ei plectentes spineam coronam.*

Milites autem duxerunt eum intro in atrium, quod est praetorium, et convocant totam cohortem. Et induunt eum purpuram, et imponunt ei plectentes spineam coronam, et coeperunt salutare eum: « Ave, rex Iudaeorum », et percutiebant caput eius harundine et conspuiebant eum, et ponentes genua adorabant eum.

Et postquam illuserunt ei, exuerunt illum purpuram et induerunt eum vestimentis suis. Et educunt illum ut crucifigerent eum.

*Perducunt illum in Golgotha locum,  
et crucifigunt eum.*

Et angáriant prætereúntem quémpiam Simónem Cyrenæum veniéntem de villa, patrem Alexandri et Rufi, ut tólleret crucem eius. Et perdúcut illum in Gólgotha locum, quod est interpretátum Calváriæ Locus.

Et dabant ei myrrhátum vinum, ille autem non acépit. Et crucifigunt eum et dívidunt vestiménta eius, mitténtes sortem super eis quis quid tólleret. Erat autem hora tértia et crucifixérunt eum. Et erat título causæ eius inscriptus: « Rex Iudæórum ». Et cum eo crucifigunt duos latrónes, unum a dextris et álium a sínístris eius.

*Alios salvos fecit, se ipsum non potest salvum facere.*

Et prætereúntes blasphemábant eum movéntes cápita sua et dicéntes: « Vah, qui déstruit templum Dei et in tribus diébus ædíficat, salvum fac temetípsum descéndens de cruce ».

Simíliter et summi sacerdótes ludéntes ad altérum cum scribis dicébant: « Alios salvos fecit, se ipsum non potest salvum fácere. Christus rex Israel descéndat nunc de cruce, ut videámus et credámus ». Etiam qui cum eo crucifixi erant, conviciabántur ei.

*Emissa voce magna Iesus expiravit.*

Et facta hora sexta ténebræ factæ sunt per totam terram usque in horam nonam. Et hora nona exclamávit Iesus voce magna: « Heloi, Heloi, lema sabactháni? », quod est interpretátum: « Deus meus, Deus meus, ut quid dereliquísti me? »

Et quidam de circumstántibus audiéntes dicébant: « Ecce Elíam vocat ». Curréns autem unus et implens spóngiam acéto circumponénsque cálamo potum dabat



ei dicens: « Sinite, videamus, si veniat Elías ad depónendum eum ».

Iesus autem emissa voce magna expiravit.

*Hic genuflectitur, et pausatur aliquantulum.*

Et velum templi scissum est in duo a sursum usque deorsum. Videns autem centurio qui ex adverso stabat, quia sic clamans expirasset, ait: « Vere homo hic Filius Dei erat ». — Verbum Dómini.

## Anno C

\* Pássio Dómini nostri Iesu Christi secúndum Lucam  
22, 14 — 23, 56

*Desiderio desideravi hoc Pascha manducare vobiscum, antequam patiar.*

Cum facta esset hora, discubuit Iesus et Apóstoli cum eo. Et ait illis: « Desidério desiderávi hoc Pascha manducáre vobíscum ántequam pátiar. Dico enim vobis: « Non manducábo illud donec impleátur in Regno Dei ».

Et accépto cálice, grátias egit et dixit: « Accípíte hoc et dividíte inter vos. Dico enim vobis: Non bibam de generatióne vitis donec Regnum Dei véniat ».

*Hoc facite in meam commemorationem.*

Et accépto pane, grátias egit, et fregit et dedit eis dicens: « Hoc est Corpus meum, quod pro vobis datur: hoc fácite in meam commemoratiónem ». Simíliter et cálicem postquam cenávit, dicens: « Hic Calix novum testaméntum est in ságuine meo, qui pro vobis fúnditur ».

*Væ illi homini per quem Filius hominis traditur.*

« Verúmtamen ecce manus tradéntis me mecum est in mensa; et quidem Fílius hóminis, secúndum quod defínitum est, vadit, verúmtamen væ illi hómini per quem tráditur ». Et ipsi cœpérunt quærere inter se quis esset ex eis, qui hoc factúrus esset.

*Ego in medio vestrum sum sicut qui ministrat.*

Facta est autem et conténtio inter eos, quis eórum viderétur esse maior.

Dixit autem eis: « Reges géntium dominántur eórum et qui potestátem habent super eos benéfici vocántur. Vos autem non sic, sed qui maior est in vobis fiat sicut iúnior, et qui præcésor est, sicut ministrátor. Nam quis maior est, qui recúmbit an qui ministrat? Nonne qui recúmbit? Ego autem in médio vestrum sum sicut qui ministrat.

Vos autem estis qui permansístis mecum in tentatiónibus meis; et ego dispóno vobis sicut dispósuit mihi Pater meus Regnum, ut edátis et bibátis super mensam meam in Regno meo, et sedeátis super thronos iudicántes duódecim tribus Israel ».

*Tu, aliquando conversus, confirma fratres tuos.*

« Simon, Simon, ecce Sátanas expetívit vos ut cribráret sicut tríticum; ego autem rogávi pro te, ut non deficiat fides tua; et tu, aliquándo convérsus, confirma fratres tuos ».

Qui dixit ei: « Dómine, tecum parátus sum et in cárcerem et in mortem ire ».

Et ille dixit: « Dico tibi, Petre, non cantábit hódie gallus donec ter ábneges nosse me ».

*Quod scriptum est oportet impleri in me.*

Et dixit eis: « Quando misi vos sine sáculo et pera et calceamentis, numquid áliquid defuit vobis? »

At illi dixerunt: « Nihil ».

Dixit ergo eis: « Sed nunc qui habet sácculum tollat, simíliter et peram, et qui non habet, vendat túnica suam et emat gládium. Dico enim vobis: Hoc quod scriptum est opórtet impléri in me, illud: " Cum iniústis deputátus est ". Etenim ea quæ sunt de me adimpletió-nem habent ».

At illi dixerunt: « Dómine, ecce gládii duo hic ».

At ille dixit eis: « Satis est ».

*Factus in agonia, prolixius orabat.*

Et egressus ibat secúndum consuetúdinem in Montem Olivárum; secúti sunt autem illum et discipuli. Et cum pervenisset ad locum, dixit illis: « Oráte ne intrétis in tentatió-nem ».

Et ipse avulsus est ab eis quantum iactus est lápidis, et pósito génibus orábat dicens: « Pater, si vis, transfer cálicem istum a me: verúmtamen non mea volúntas sed tua fiat ». Appáruit autem illi ángelus de cælo confórtans eum. Et factus in agonia, prolixius orábat. Et factus est sudor eius sicut guttæ sánguinis decurréntis in terram.

Et cum surrexisset ab oratió-ne et venisset ad discipulos, invénit eos dormiéntes præ tristítia, et ait illis: « Quid dormítis? Súrgite, oráte ne intrétis in tentatió-nem ».

*Iuda, osculo Fílium hominis tradis?*

Adhuc eo loquén-te, ecce turba, et qui vocabátur Iudas, unus de Duódecim, antecedebat eos, et appropinquávit Iesu ut oscularétur eum. Iesus autem dixit ei: « Iuda, ósculo Fílium hóminis tradis? »

Videntes autem hi qui circa ipsum erant quod futurum erat, dixerunt: « Domine, si percútimus in gládio? » Et percússit unus ex illis servum principis sacerdotum et amputávit aurículam eius dextram.

Respondens autem Iesus ait: « Sinite usque huc », et cum tetigisset aurículam eius, sanávit eum.

Dixit autem Iesus ad eos qui vénerant ad se principes sacerdotum et magistrátus templi et senióres: « Quasi ad latrónem existis cum gládiis et fústibus? Cum cotidie vobiscum fúerim in templo non extendístis manus in me; sed hæc est hora vestra et potéstas tenebrarum ».

*Egressus foras, Petrus flevit amare.*

Comprehendentes autem eum, duxerunt et introduxerunt in domum principis sacerdotum. Petrus vero sequebatur a longe. Accenso autem igni in médio átrio et circumsedéntibus illis, sedébat Petrus in médio eorum. Quem cum vidisset ancilla quædam sedéntem ad lumen et eum fuisset intúita, dixit: « Et hic cum illo erat ».

At ille negávit eum dicens: « Múlier, non novi illum ».

Et post pusillum álius videns eum dixit: « Et tu de illis es ».

Petrus vero ait: « O homo, non sum ».

Et intervállo facto quasi horæ unius, álius quidam affirmábat dicens: « Vere et hic cum illo erat, nam et Galiléus est ».

Et ait Petrus: « Homo, néscio quid dicis ». Et continuo adhuc illo loquente cantávit gallus.

Et convérsus Dóminus respéxit Petrum, et recordátus est Petrus verbi Dómini, sicut dixit ei: « Priúsqvam gallus cantet hódie, ter me negábis », et egressus foras flevit amare.

*Prophetiza, quis est qui te percussit?*

Et viri qui tenébant illum, illudébant ei cædéntes, et velavérunt eum et interrogábant eum dicéntes: « Prophetiza, quis est qui te percússit? » Et ália multa blasphemántes dicébant in eum.

*Duxerunt illum in concilium suum.*

Et ut factus est dies, convenérunt senióres plebis et príncipes sacerdotum et scribæ, et duxérunt illum in concílium suum, dicéntes: « Si tu es Christus, dic nobis ».

Et ait illis: « Si vobis díxero, non credétis; si autem interrogávero, non respondébitis mihi. Ex hoc autem erit Fílius hóminis sedens a dextris Virtútis Dei ».

Dixerunt autem omnes: « Tu ergo es Fílius Dei? »

Qui ait ad illos: « Vos dícitis quia ego sum ».

At illi dixerunt: « Quid adhuc desiderámus testimoniúm? Ipsi enim audívimus de ore eius ».

Et surgens omnis multitúdo eórum, duxérunt illum ad Pilátum.

*Nihil invenio causæ in hoc homine.*

Cœpérunt autem accusáre illum dicéntes: « Hunc invénimus subverténtem gentem nostram et prohibéntem tribúta dare Cæsari et dicéntem se Christum regem esse ».

Pilátus autem interrogávit eum dicens: « Tu es rex Iudæórum? »

At ille respóndens ait: « Tu dicis ».

Ait autem Pilátus ad príncipes sacerdotum et turbas: « Nihil invénio causæ in hoc hómine ».

At illi invalescébant dicéntes: « Cómmoveť pópulum docens per univérsam Iudæam, et incípiens a Galiléa usque huc ».

Pilátus autem áudiens, interrogávit si homo Gali-

læus esset, et ut cognóvit quod de Heródis potestáte esset, remisit eum ad Heródem, qui et ipse Hierosólymis erat illis diébus.

*Sprevit illum Herodes cum exercitu suo.*

Heródes autem, viso Iesu, gávisus est valde; erat enim cúpiens ex multo témpore vidére eum eo quod audíret de illo, et sperábat signum áliquod vidére ab eo fieri. Interrogábat autem illum multis sermónibus; at ipse nihil illi respondébat. Stabant étiam principes sacerdotum et scribæ constánter accusántes eum. Sprevit autem illum Heródes cum exércitu suo et illúsit indútum veste alba et remisit ad Pilátum. Facti sunt autem amici inter se Heródes et Pilátus in ipsa die, nam ántea inimíci erant ad ínvicem.

*Tradidit Pilatus Iesum voluntati eorum.*

Pilátus autem, convocátis princípibus sacerdotum et magistrátibus et plebe, dixit ad illos: « Obtulistis mihi hunc hóminem quasi averténtem pópulum, et ecce ego coram vobis intérogans nullam causam invéni in hómine isto ex his in quibus eum accusátis, sed neque Heródes: remisit enim illum ad nos. Et ecce nihil dignum morte actum est ei. Emendátum ergo illum dimíttam ».

Exclamávit autem univérsta turba, dicens: « Tolle hunc, et dimítte nobis Barábbam », qui erat propter seditiónem quamdam factam in civitáte et homicídium missus in cárcerem.

Iterum autem Pilátus locútus est ad illos, volens dimíttre Iesum, at illi succlamábant dicéntes: « Crucifige, crucifige illum ».

Ille autem tértio dixit ad illos: « Quid enim mali fecit iste? Nullam causam mortis invénio in eo; corripiam ergo illum, et dimíttam ». At illi instábant vó-

cibus magnis, postulantes ut crucifigeretur, et invalescebant voces eorum.

Et Pilatus adiudicavit fieri petitionem eorum: dimisit autem eum qui propter seditionem et homicidium missus fuerat in carcerem, quem petebant, Iesum vero tradidit voluntati eorum.

*Filiæ Ierusalem, nolite flere super me.*

Et cum abducerent eum, apprehenderunt Simonem quemdam Cyrenensem venientem de villa et imposuerunt illi crucem portare post Iesum.

Sequebatur autem illum multa turba populi et mulierum, quæ plangebant et lamentabant eum. Conversus autem ad illas Iesus dixit: « Filiæ Ierusalem, nolite flere super me, sed super vos ipsas flete et super filios vestros, quoniam ecce venient dies, in quibus dicent: " Beatae steriles et ventres qui non genuerunt, et ubera quæ non lactaverunt ". Tunc incipient dicere montibus: " Cadite super nos ", et collibus: " Operite nos ", quia si in viridi ligno hæc faciunt, in arido quid fiet? »

Ducebantur autem et alii duo nequam cum eo, ut interficerentur.

*Pater, dimitte illis, non enim sciunt quid faciunt.*

Et postquam venerunt in locum qui vocatur Calvariae, ibi crucifixerunt eum et latrones, unum a dextris et alterum a sinistris. Iesus autem dicebat: « Pater, dimitte illis, non enim sciunt quid faciunt ». Dividentes vero vestimenta eius miserunt sortes.

*Hic est rex Iudæorum.*

Et stabat populus exspectans. Et deridebant illum et principes dicentes: « Alios salvos fecit, se salvum faciat, si hic est Christus Dei electus ».

Illudébant autem ei et mílites accedéntes, acétum offeréntes illi et dicéntes: « Si tu es rex Iudæórum, sal-  
vum te fac ».

Erat autem et superscriptio super illum: « Hic est rex Iudæórum ».

*Hodie mecum eris in paradiso.*

Unus autem de his qui pendébant latrónibus bla-  
sphemábat eum dicens: « Nonne tu es Christus? Sal-  
vum fac temetípsum et nos ».

Respóndens autem alter increpábat illum dicens:  
« Neque tu times Deum, quod in eádem damnatióne  
es? Et nos quidem iuste, nam digna factis recipimus:  
hic vero nihil mali gessit ». Et dicébat: « Iesu, meménto  
mei cum véneris in Regnum tuum ».

Et dixit illi: « Amen dico tibi: Hódie mecum eris  
in paradiso ».

*Pater, in manus tuas commendo spiritum meum.*

Et erat iam fere hora sexta, et ténebræ factæ sunt  
in univérsa terra usque in horam nonam, et obscurátus  
est sol, et velum templi scissum est médium. Et cla-  
mans voce magna Iesus ait: « Pater, in manus tuas com-  
méndo spíritum meum », et hæc dicens expirávit.

Hic genuflectitur, et pausatur aliquantulum.

Videns autem centúrio quod factum fúerat, glorifi-  
cávit Deum dicens: « Vere hic homo iustus erat ». Et  
omnis turba eórum qui simul áderant ad spectáculum  
istud, et vidébant quæ fiébant, percutiéntes péctora sua  
revertébántur. Stabant autem omnes noti eius a longe,  
et mulieres quæ secútæ erant eum a Galiléa, hæc  
vidéntes.



*Posuit Ioseph corpus Iesu in monumento exciso.*

Et ecce vir nómine Ioseph, qui erat decúrio, vir bonus et iustus — hic non consenserat consílio et áctibus eórum — ab Arimathæa civitáte Iudæórum, qui exspectábat Regnum Dei, hic accessit ad Pilátum et pétiit corpus Iesu, et depósitum invólvit síndone, et pósuit eum in monuménto exciso, in quo nondum quisquam pósitus fúerat. Et dies erat Parascéves, et sábbatum illucescébat.

Subsecútæ autem mulieres, quæ cum ipso vénerant de Galilæa, vidérunt monuméntum, et quemádmódum pósitum erat corpus eius, et reverténtes paravérunt arómata et unguénta, et sábbato quidem siluérunt secúndum mandátum. — Verbum Dómini.

vel brevior

Pássio Dómini nostri Iesu Christi secúndum Lucam

23, 1-49

In illo témpore:

Surgéntes senióres plebis et príncipes sacerdótum et scribæ duxérunt Iesum ad Pilátum.

*Nihil invenio causæ in hoc homine.*

Cœpérunt autem accusáre illum dicéntes: « Hunc invénimus subverténtem gentem nostram et prohibéntem tribúta dare Cæsari et dicéntem se Christum regem esse ».

Pilátus autem interrogávit eum dicens: « Tu es rex Iudæórum? »

At ille respóndens ait: « Tu dicis ».

Ait autem Pilátus ad príncipes sacerdótum et turbas: « Nihil invénio causæ in hoc homine ».

At illi invalescébant dicéntes: « Cómmoveat pópulum docens per univérsam Iudéam, et incípiens a Galilæa usque huc ».

Pilátus autem áudiens, interrogávit si homo Galiléus esset, et ut cognóvit quod de Heródis potestáte esset, remisit eum ad Heródem, qui et ipse Hierosólymis erat illis diébus.

*Sprevit illum Herodes cum exercitu suo.*

Heródes autem, viso Iesu, gávisus est valde; erat enim cúpiens ex multo témpore vidére eum eo quod audíret de illo, et sperábat signum áliquod vidére ab eo fieri. Interrogábat autem illum multis sermónibus; at ipse nihil illi respondébat. Stabant étiam príncipes sacerdotum et scribæ constánter accusántes eum. Sprevit autem illum Heródes cum exercitu suo et illúsit indútum veste alba et remisit ad Pilátum. Facti sunt autem amíci inter se Heródes et Pilátus in ipsa die, nam ántea inimíci erant ad ínvicem.

*Tradidit Pilatus Iesum voluntati eorum.*

Pilátus autem, convocátis princípibus sacerdotum et magistrátibus et plebe, dixit ad illos: « Obtulistis mihi hunc hóminem quasi averténtem pópulum, et ecce ego coram vobis intérogans nullam causam invéni in hómine isto ex his in quibus eum accusátis, sed neque Heródes: remisit enim illum ad nos. Et ecce nihil dignum morte actum est ei. Emendátum ergo illum dimíttam ».

Exclamávit autem univérsta turba, dicens: « Tolle hunc, et dimítte nobis Barábbam », qui erat propter seditiónem quamdam factam in civitaté et homicídium missus in cárcerem.

Iterum autem Pilátus locútus est ad illos, volens dimíttre Iesum, at illi succlamábant dicéntes: « Crucifige, crucifige illum ».

Ille autem tértio dixit ad illos: « Quid enim mali fecit iste? Nullam causam mortis invénio in eo; corrí-

piam ergo illum, et dimittam ». At illi instabant vó-  
cibus magnis, postulantes ut crucifigeretur, et invale-  
scébant voces eórum.

Et Pilátus adiudicávit fieri petitióem eórum: di-  
misit autem eum qui propter seditiÓnem et homicídium  
missus fúerat in cárcerem, quem petébant, Iesum vero  
trádidit voluntáti eórum.

*Filiæ Ierusalem, nolite flere super me.*

Et cum abúcerent eum, apprehendérunt Simónem  
quemdam Cyrenensem veniéntem de villa et imposué-  
runt illi crucem portáre post Iesum.

Sequebátur autem illum multa turba pópuli et mu-  
lierum, quæ plangebant et lamentábant eum. Convérsus  
autem ad illas Iesus dixit: « Filiæ Ierúsalem, nolite  
flere super me, sed super vos ipsas flete et super filios  
vestros, quóniam ecce vénient dies, in quibus dicent:  
" Beátæ stériles et ventres qui non genuérunt, et úbera  
quæ non lactavérunt ". Tunc incipient dicere mónti-  
bus: " Cádite super nos ", et cóllibus: " Operite nos ",  
quia si in víridi ligno hæc faciunt, in árido quid fiet? »

Ducebántur autem et álíi duo nequam cum eo, ut  
interficeréntur.

*Pater, dimitte illis, non enim sciunt quid faciunt.*

Et postquam venérunt in locum qui vocátur Cal-  
váriæ, ibi crucifixérunt eum et latrónes, unum a dextris  
et álterum a sinístris. Iesus autem dicébat: « Pater, di-  
mitte illis, non enim sciunt quid faciunt ». Dividéntes  
vero vestiménta eius misérunt sortes.

*Hic est rex Iudæorum.*

Et stabat pópulus expéctans. Et deridébant illum  
et príncipes dicéntes: « Alios salvos fecit, se salvum fá-  
ciat, si hic est Christus Dei eléctus ».

Illudébant autem ei et milites accedéntes, acétum offeréntes illi et dicéntes: « Si tu es rex Iudæórum, sal-  
vum te fac ». Erat autem et superscriptio super illum:  
« Hic est rex Iudæórum ».

*Hodie mecum eris in paradiso.*

Unus autem de his qui pendébant latrónibus bla-  
sphemábat eum dicens: « Nonne tu es Christus? Sal-  
vum fac temetipsum et nos ».

Respóndens autem alter increpábat illum dicens:  
« Neque tu times Deum, quod in eádém damnatióne  
es? Et nos quidem iuste, nam digna factis recipimus:  
hic vero nihil mali gessit ». Et dicébat: « Iesu, meménto  
mei cum véneris in Regnum tuum ».

Et dixit illi: « Amen dico tibi: Hódie mecum eris  
in paradiso ».

*Pater, in manus tuas commendo spiritum meum.*

Et erat iam fere hora sexta, et ténebræ factæ sunt  
in univérsta terra usque in horam nonam, et obscurátus  
est sol, et velum templi scissum est médium. Et cla-  
mans voce magna Iesus ait: « Pater, in manus tuas com-  
méndo spíritum meum », et hæc dicens exspirávit.

*Hic genuflectitur, et pausatur aliquantulum.*

Videns autem centúrio quod factum fúerat, glorifi-  
cávit Deum dicens: « Vere hic homo iustus erat ». Et  
omnis turba eórum qui simul áderant ad spectáculum  
istud, et vidébant quæ fiébant, percutiéntes péc-  
tora sua revertébántur. Stabant autem omnes noti eius a longe,  
et mulieres quæ secútæ erant eum a Galilæa, hæc  
vidéntes. — Verbum Dómini.

---

23. Post historiam Passionis habetur, pro opportunitate, bre-  
vis homilia.

Dicitur Credo.

## 24. Super oblata

**Per Unigéniti tui passiónem  
placátio tua nobis, Dómine, sit propínqua,  
quam, etsi nostris opéribus non merémur,  
interveniénte sacrificio singulári,  
tua percipiámus miseratióne prævénti. Per Christum.**

## 25. Præfatio: De Dominica Passione

**γ. Dóminus vobiscum. ϩ. Et cum spírítu tuo.**

**γ. Sursum corda. ϩ. Habémus ad Dóminum.**

**γ. Grátias agámus Dómino Deo nostro.**

**ϩ. Dignum et iustum est.**

**Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnipotens ætérne Deus:  
per Christum Dóminum nostrum.**

**Qui pati pro ímpiis dignátus est ínnocens,  
et pro scelerátis indébite condemnári.**

**Cuius mors delícta nostra detérsit,  
et iustificatiónem nobis resurréctio comparávit.**

**Unde et nos cum ómnibus Angelis te laudámus,  
iucúnda celebratióne clamántes:**

**Sanctus, Sanctus, Sanctus Dóminus Deus Sábaoth ...**

26. Ant. ad communionem Mt 26, 42

**Pater, si non potest hic calix transíre,  
nisi bibam illum, fiat volúntas tua.**

## 27. Post communionem

**Sacro múnere satiáti, súpplíces te, Dómine, deprecámur,  
ut, qui fecísti nos morte Fílii tui speráre quod crédimus,  
fácias nos, eódem resurgénte, perveníre quo téndimus.  
Per Christum.**

## FERIA II HEBDOMADÆ SANCTÆ

Ant. ad introitum

Ps 34, 1-2; 139, 8

Iúdica, Dómine, nocéntes me, expúgna impugnántes me:  
apprehénde arma et scutum,  
et exsúrge in adiutórium meum,  
Dómine, virtus salútis meæ.

Collecta

Da, quæsumus, omnipotens Deus,  
ut, qui ex nostra infirmitáte defícimus,  
intercedénte unigéniti Filii tui passióne, respirémus.  
Qui tecum vivit.

Lectio prior

*Non clamabit, nec audietur vox eius foris.*

Léctio libri Isaíæ prophétæ

42, 1-7

Hæc dicit Dóminus:

« Ecce servus meus, suscípiam eum, eléctus meus, complácuít sibi in illo ánima mea: dedi spíritum meum super eum, iudícium géntibus próferet. Non clamábit neque accípiet persónam, nec audiétur vox eius foris. Cálamum quassátum non cónteret et linum fúmigans non exstínguet, in veritáte edúcet iudícium. Non erit tristis neque turbuléntus, donec ponat in terra iudícium; et legem eius ínsulæ exspectábunt ».

Hæc dicit Dóminus Deus creans cælos et exténdens eos, firmans terram et quæ gérmiant ex ea, dans flatum pópulo, qui est super eam, et spíritum calcántibus eam:

« Ego Dóminus vocávi te in iustítia, et apprehéndi manum tuam, et servávi te, et dedi te in fœdus pópuli in lucem géntium, ut aperíres óculos cæcórum et edú-

ceres de conclusiõne vinctum, de domo cárceris sedentes in tenebris ». — Verbum Dómini.

**Psalmus responsorius Ps 26, 1. 2. 3. 13-14 (R.: 1 a)**

**R.** Dóminus illuminatio mea et salus mea.

**1** Dóminus illuminatio mea et salus mea, quem timébo?  
Dóminus protéctor vitæ meæ, a quo trepidábo? **R.**

**2** Dum appropiant super me nocentes,  
ut edant carnes meas;  
qui tribulant me et inimici mei,  
ipsi infirmati sunt et ceciderunt. **R.**

**3** Si consistant adversum me castra,  
non timébit cor meum;  
si exurgat adversum me próelium,  
in hoc ego sperábo. **R.**

**13** Credo vidére bona Dómini in terra vivéntium.

**14** Exspécta Dóminum, viriliter age,  
et confortétur cor tuum, et sústine Dóminum. **R.**

### **Versus ante Evangelium**

Ave, Rex noster: tu solus nostros es miserátus erróres.

### **Evangelium**

*Sinite illam, ut in diem sepulturæ meæ servet illud.*

**✠** Léctio sancti Evangelii secúndum Ioánnem

**12, 1-11**

Ante sex dies Paschæ venit Iesus Bethániam, ubi erat Lázarus, quem suscitávit a mórtuis Iesus. Fecerunt ergo ei cenam ibi, et Martha ministrábat, Lázarus vero unus erat ex discumbéntibus cum eo. María ergo accépit libram unguénti nardi puri, pretiósi, et unxit pedes Iesu et extérsit capíllis suis pedes eius; domus autem impléta est ex odóre unguénti.

Dicit autem Iudas Iscariotes, unus ex discipulis eius, qui erat eum traditurus: « Quare hoc unguentum non venit trecēntis denariis, et datum est egēnis? » Dixit autem hoc non quia de egēnis pertinēbat ad eum, sed quia fur erat et, loculos habens, ea quæ mittebantur portabat.

Dixit ergo Iesus: « Sinite illam, ut in diem sepulturæ meæ servet illud. Páuperes enim semper habētis vobiscum, me autem non semper habētis ».

Cognovit ergo turba multa ex Iudæis quia illic est, et venerunt non propter Iesum tantum, sed ut et Lázarum vidērent, quem suscitavit a mórtuis. Cogitaverunt autem príncipes sacerdotum ut et Lázarum interficerent, quia multi propter illum abibant ex Iudæis et credebant in Iesum. — Verbum Dómini.

### Super oblata

Réspice, Dómine, propítius sacra mystéria quæ gérimus,  
et, quod ad nostra evacuánda præiudícia  
miséricors prævidísti,  
vitam nobis tribue fructificáre perpétuam. Per Christum.

Præfatio II de Passione Domini, p. 630.

Ant. ad communionem

Ps 101, 3

Non avértas fáciem tuam a me;  
in quacúmque die tribulor, inclína ad me aurem tuam;  
in quacúmque die invocávero te, velóciter exáudi me.

Post communionem

Vísita, quæsumus, Dómine, plebem tuam,  
et corda sacris dicáta mystériis pietáte tuére pervígili,  
ut remédia salutis æternæ, quæ te miseránte percipit,  
te protegēte custódiat. Per Christum.



## FERIA III HEBDOMADÆ SANCTÆ

Ant. ad introitum

Ps 26, 12

Ne tradideris me, Dómine,  
in ánimas persecúentium me:  
quóniam insurrexérunt in me testes iníqui,  
et mentíta est iníquitas sibi.

Collecta

Omnípotens sempitérne Deus,  
da nobis ita dominicæ passiónis sacraménta perágere,  
ut indulgéntiam percípere mereámur.  
Per Dóminum.

Lectio prior

*Dedi te in lucem gentium, ut sis salus mea  
usque ad extremum terræ.*

Léctio libri Isaíæ prophétæ

49, 1-6

Audíte, ínsulæ, et atténdite, pópuli de longe: Dóminus ab útero vocávit me, de ventre matris meæ recordátus est nóminis mei; et pósuit os meum quasi gládium acútum, in umbra manus suæ protéxit me, et pósuit me sicut sagíttam eléctam, in pháretra sua abscóndit me.

Et dixit mihi: « Servus meus es tu, Israel, quia in te gloriábor ». Et ego dixi: « In vácuum laborávi, sine causa et vane fortitúdinem meam consúmpsi; ergo iudícium meum cum Dómino, et opus meum cum Deo meo ».

Et nunc, dicit Dóminus formans me ex útero servum sibi, ut redúcam Iacob ad eum, et Israel non congregábitur, et glori ficátus sum in óculis Dómini, et Deus

meus factus est fortitúdo mea. Et dixit: « Parum est ut sis mihi servus ad suscitándas tribus Iacob, et fæces Israel converténdas: ecce dedi te in lucem géntium, ut sis salus mea usque ad extrémum terræ ».

Verbum Dómini.

### Psalmus responsorius

Ps 70, 1-2. 3-4 a. 5-6 ab. 15 et 17 (r.: cf. 15)

**R.** Os meum annuntiábit salutáre tuum, Dómine.

- 1 In te, Dómine, sperávi,  
non confúndar in ætérnum.
- 2 In iustítia tua líbera me, et éripe me;  
inclína ad me aurem tuam, et salva me. **R.**
- 3 Esto mihi in rupem præsidii  
et in domum munítam, ut salvum me fácias,  
quóniam fortitúdo mea  
et refúgium meum es tu.
- 4 Deus meus, éripe me de manu peccatóris. **R.**
- 5 Quóniam tu es expectátio mea, Dómine;  
Dómine, spes mea a iuventúte mea.
- 6 Super te inníxus sum ex útero,  
de ventre matris meæ tu es suscéptor meus. **R.**
- 15 Os meum annuntiábit iustítiam tuam,  
tota die salutáre tuum,  
quæ dinumeráre nescívi.
- 17 Deus, docuísti me a iuventúte mea;  
et usque nunc annuntiábo mirábília tua. **R.**

### Versus ante Evangelium

Ave, Rex noster, Patri obcédiens:  
ductus es ad crucifigéndum,  
ut agnus mansuétus ad occisiónem.

## Evangelium

*Unus ex vobis tradet me ...  
Non cantabit gallus, donec me ter neges.*

✠ Lécio sancti Evangélii secúndum Ioánnem  
13, 21-33. 36-38

In illo témpore:

Recúbens Iesus cum discíplis suis, turbátus est spírиту et protestátus est et dixit: « Amen, amen dico vobis: Unus ex vobis tradet me ». Aspiciébant ad ínvicem discípluli, hæsitántes de quo diceret.

Erat recúbens unus ex discíplis eius in sinu Iesu, quem diligébat Iesus. Innuit ergo huic Simon Petrus ut interrogáret: « Quis est de quo dicit? » Cum ergo recúberet ille supra pectus Iesu, dicit ei: « Dómine, quis est? »

Respóndet Iesus: « Ille est, cui ego intíntam buccéllam porréxero ». Cum ergo intinxisset buccéllam dat Iudæ Simónis Iscarióti. Et post buccéllam tunc introívit in illum Sátanas.

Dicit ergo ei Iesus: « Quod facis, fac cítius ». Hoc autem nemo scivit discumbéntium ad quid díxerit ei; quidam enim putábant, quia lóculos habébat Iudas, quia dicit ei Iesus: « Eme ea quæ opus sunt nobis ad diem festum », aut egénis ut áliquid daret. Cum ergo accepisset ille buccéllam, exívit contínuo; erat autem nox.

Cum ergo exisset, dicit Iesus: « Nunc glorificátus est Fílius hóminis, et Deus glorificátus est in eo: si Deus glorificátus est in eo et Deus glorificábit eum in semetípso, et contínuo glorificábit eum.

Filioli, adhuc módicum vobiscum sum: quærétis me, et sicut dixi Iudæis: " Quo ego vado, vos non potétis venire ", et vobis dico modo ».

Dicit ei Simon Petrus: « Domine, quo vadis? »

Respóndit Iesus: « Quo vado, non potes me modo sequi, sequéris autem póstea ».

Dicit ei Petrus: « Dómine, quare non possum te sequi modo? Animam meam pro te ponam ».

Respóndet Iesus: « Animam tuam pro me pones? Amen, amen dico tibi: Non cantábit gallus, donec me ter neges ». — Verbum Dómini.

### Super oblata

Hóstias familiæ tuæ, quæsumus, Dómine,  
placátus inténde,  
et, quam sacris munéribus facis esse partícipem,  
tribuas ad eórum plenitúdinem perveníre.  
Per Christum.

Præfatio II de Passione Domini, p. 630.

### Ant. ad communionem

Rom 8, 32

Próprio Fílio suo non pepércit Deus,  
sed pro nobis ómnibus trádidit illum.

### Post communionem

Satiáti múnere salutári,  
tuam, Dómine, misericórdiam deprecámur,  
ut hoc eódem sacraménto,  
quo nos voluísti temporáliter vegetári,  
perpétuæ vitæ fácias esse partícipes.  
Per Christum.

## FERIA IV HEBDOMADÆ SANCTÆ

Ant. ad introitum

Phil 2, 10. 8. 11

In nómine Iesu omne genu flectátur,  
cæléstium, terréstrium et inférnorum:  
quia Dóminus factus est obcédiens usque ad mortem,  
mortem autem crucis:  
ídeo Dóminus Iesus Christus  
in glória est Dei Patris.

Collecta

Deus, qui pro nobis  
Fílium tuum crucis patíbulum subíre voluísti,  
ut inimíci a nobis expélleres potestátem,  
concéde nobis fámulis tuis,  
ut resurrectiónis grátiam consequámur.  
Per Dóminum.

Lectio prior

*Faciem meam non averti ab increpantibus.*

Léctio libri Isaíæ prophétæ

50, 4-9 a

Dóminus dedit míhi linguam erudítam, ut sciam sustentáre eum qui lassus est verbo. Erigit mane, mane érigit míhi aurem, ut áudiam quasi magístrum. Dóminus Deus apéruit míhi aurem.

Ego autem non contradíco, retrórsum non ábii. Corpus meum dedi percutiéntibus et genas meas velléntibus; fáciem meam non avérti ab increpántibus et conspuéntibus in me.

Dóminus Deus auxiliátor meus; ídeo non sum confúsus, ídeo pósui fáciem meam ut petram duríssimam, et scio quóniam non confúndar.

Iuxta est qui iustificat me, quis contradicet mihi?  
Stemus simul; quis est adversarius meus? accedat ad me.

Ecce Dominus Deus auxiliator meus; quis est qui  
condemnet me? — Verbum Domini.

### Psalmus responsorius

Ps 68, 8-10. 21 bcd-22. 31 et 33-34 (R.: 14 c et b)

R. In multitudi<sup>n</sup>e misericordiæ tuæ, Dómine,  
exáudi me, témpore grátia<sup>e</sup>.

8 Quóniam propter te sustínui oppróbrium,  
opérui confúsió fáciem meam;

9 extráneus factus sum frátribus meis,  
et peregrínus fíliis matris meæ.

10 Quóniam zelus domus tuæ comédit me,  
et oppróbria exprobrántium tibi cecidérunt super me. R.

21 Oppróbrium contrívit cor meum, et elángui.  
Et sustínui qui simul contristarétur, et non fuit,  
et qui consolarétur, et non invéni.

22 Et dedérunt in escam meam fel,  
et in siti mea potavérunt me acéto. R.

31 Laudábo nomen Dei cum cántico,  
et magnificábo eum in laude.

33 Vídeant húmiles et læténtur;  
quéríte Deum, et vivet cor vestrum.

34 Quóniam exaudivit páuperes Dóminus,  
et vinctos suos non despéxit. R.

### Versus ante Evangelium

Ave, Rex noster:  
tu solus nostros es miserátus erróres.

vel

Ave, Rex noster, Patri obcédiens:  
ductus es ad crucifigéndum,  
ut agnus mansuétus ad occisió<sup>n</sup>em.

## Evangelium

*Filius hominis vadit sicut scriptum est,  
væ autem illi per quem traditur.*

✠ Lécio sancti Evangélii secúndum Matthæum

26, 14-25

In illo témpore:

Abiit unus de Duódecim, qui dicebátur Iudas Isca-  
riótes, ad príncipes sacerdotum, et ait: « Quid vultis  
mihi dare et ego vobis eum tradam? » At illi consti-  
tuérunt ei trigínta argénteos. Et exínde quærébat op-  
portunitátem ut eum tráderet.

Prima autem Azymórum, accessérunt discipuli  
ad Iesum dicétes: « Ubi vis parémus tibi comédere  
Pascha? »

Ille autem dixit: « Ite in civitátem ad quemdam et  
dícite ei: " Magíster dicit: Tempus meum prope est;  
apud te fácio Pascha cum discipulis meis " ». Et fecé-  
runt discipuli sicut constituit illis Iesus, et paravérunt  
Pascha.

Véspere autem facto, discumbébat cum Duódecim.  
Et edéntibus illis, dixit: « Amen dico vobis: Unus ve-  
strum me traditúrus est ».

Et contristáti valde, cœpérunt singuli dícere ei:  
« Numquid ego sum, Dómine? »

At ipse respóndens ait: « Qui intíngit mecum ma-  
num in parópside, hic me tradet. Fílius quidem hómi-  
nis vadit sicut scriptum est de illo, væ autem hómini  
illi per quem Fílius hóminis tráditur: bonum erat ei  
si natus non fuisset homo ille ».

Respóndens autem Iudas, qui trádidit eum, dixit:  
« Numquid ego sum, Rabbi? »

Ait illi: « Tu dixisti ». — Verbum Dómini.

Super oblata

**Súscipe, quæsumus, Dómine, munus oblátum,  
et dignánter operáre,  
ut, quod gérimus Fílii tui mystério passiónis,  
piis efféctibus consequámur.  
Per Christum.**

Præfatio II de Passione Domini, p. 630.

Ant. ad communionem

Mt 20, 28

**Fílius hóminis non venit ministrári sed ministráre,  
et dare ánimam suam redemptionem pro multis.**

Post communionem

**Largíre sénsibus nostris, omnipotens Deus,  
ut per temporálem Fílii tui mortem,  
quam mystéria veneránda testántur,  
vitam te nobis dedísse perpétuam confidámus.  
Per Christum.**



## FERIA V HEBDOMADÆ SANCTÆ

### Ad Missam chrismatis

Benedictio olei infirmorum, olei catechumenorum et consecratio chrismatis de more fit ab Episcopo hac die, in Missa propria horis matutinis celebranda.

Si vero ea die clerus et populus difficiliter congregari possunt cum Episcopo, hæc benedictio anticipari potest alia die, sed prope Pascha, Missa propria semper adhibita.

Hæc Missa, quam Episcopus cum suo presbyterio concelebrat, sit veluti manifestatio communionis presbyterorum cum suo Episcopo: expedit proinde ut omnes presbyteri, quantum fieri potest, ipsam participent et in eo communionem sumant, etiam sub utraque specie. Ad unitatem autem presbyterii diocesis significandam, presbyteri, qui cum Episcopo concelebrant, sint e diversis regionibus diocesis.

In homilia, Episcopus suos presbyteros hortetur ad fidelitatem in suo munere servandam, eosque invitet ad promissiones suas sacerdotales publice renovandas.

### *Ritus initiales et liturgia verbi*

**Ant. ad introitum**

**Ap 1, 6**

**Iesus Christus fecit nos regnum  
et sacerdotes Deo et Patri suo:  
ipsi gloria et imperium in secula seculorum. Amen.**

**Dicitur Gloria in excelsis.**

### **Collecta**

**Deus, qui unigenitum Filium tuum unxisti Spiritu Sancto  
Christumque Dominum constituisti,  
concede propitius,  
ut, eiusdem consecrationis participes effecti,  
testes Redemptionis inveniámur in mundo.  
Per Dominum.**

## Lectio prima

*Unxit me Dominus et evangelizare pauperibus  
misit me, et dare eis oleum gaudii.*

Lectio libri Isaïæ prophætæ 61, 1-3 a. 6 a. 8 b-9

Spiritus Dómini super me, eo quod únixerit Dóminus me, ad annuntiándum mansuétis misit me, ut medéret contrítis corde et prædicárem captívis indulgéntiam et clausis apertiónem, ut prædicárem annum placábilem Dómino et diem ultiónis Deo nostro, ut consolárer omnes lugéntes, ut pónerem lugéntibus Sion et darem eis corónam pro cinere, óleum gáudii pro luctu, pállium laudis pro spírítu mæroris.

Vos autem " sacerdotés Dómini " vocabímíni, " mínistri Dei nostri " dicétur vobis.

Dabo opus eórum in veritáte et fædus perpétuum fériam eis. Et scient in géntibus semen eórum et germen eórum in médio populórum. Omnes qui viderint eos cognóscant illos, quia isti sunt semen, cui benedíxit Dóminus. — Verbum Dómini.

## Psalmus responsorius

Ps 88, 21-22. 25 et 27 (R.: cf. 2 a)

R. Misericórdias tuas, Dómine, in ætérnum cantábo.

- 11 Invéni David servum meum;  
óleo sancto meo unxi eum.
- 12 Manus enim mea firma erit cum eo,  
et bráccium meum confortábit eum. R.
- 13 Et véritas mea et misericórdia mea cum ipso,  
et in nómine meo exaltábitur cornu eius.
- 17 Ipse invocábit me: « Pater meus es tu,  
Deus meus et refúgium salútis meæ ». R.

## Lectio secunda

*Fecit nos Regnum, sacerdotes Deo et Patri.***Lectio libri Apocalýpsis beáti Ioánnis apóstoli 1, 4-8**

Grátia vobis et pax ab Iesu Christo, qui est testis fidélis, Primogénitus mortuórum et Princeps regum terræ. Ei qui díligit nos et solvit nos a peccátis nostris in sánguine suo et fecit nos Regnum, sacerdotes Deo et Patri suo: ipsi glória et impérium in sácula sæculórum: amen.

Ecce venit cum núbibus et vidébit eum omnis óculus et qui cum pupugérunt et plangent se super eum omnes tribus terræ. Etiam, amen.

Ego sum Alpha et Omega, dicit Dóminus Deus, qui est et qui erat et qui ventúrus est, Omnípotens.

Verbum Dómini.

Versus ante Evangelium

Is 61, 1

Spíritus Dómini super me:  
evangelizáre paupéribus misit me.

## Evangelium

*Spiritus Domini super me; propter quod unxit me.***✠ Lécio sancti Evangélii secúndum Lucam 4, 16-21**

In illo témpore:

Venit Iesus Náza-reth, ubi erat nutritus, et intrávit secúndum consuetúdinem suam die sábbati in synagógam, et surréxit légere. Et tráditus est illi liber prophétæ Isaíæ, et ut revólvit librum invénit locum ubi scriptum erat:

« Spíritus Dómini super me, propter quod unxit me evangelizáre paupéribus, misit me prædicáre captí-

vis remissionem et cæcis visum, dimittere confractos in remissione, prædicare annum Dómini acceptum ».

Et cum plicuisset librum, reddidit ministro et sedit; et ómnium in synagoga óculi erant intendentes in eum. Cœpit autem dicere ad illos: « Hódie impléta est hæc Scriptúra in áuribus vestris ». — Verbum Dómini.

### *Renovatio promissionum sacerdotalium*

Homilia expleta, Episcopus, his vel similibus verbis usus, cum presbyteris colloquitur:

**Fílii caríssimi, ánnua redeúnte memória diéi, qua Christus Dóminus sacerdotium suum cum Apóstolis nobisque comunicávit, vultis olim factas promissiones coram Episcopo vestro et pópulo sancto Dei renováre?**

Presbyteri, una simul, respondent:

**Volo.**

**Vultis Dómino Iesu árcius coniúngi et conformári, vobismetipsis abrenuntiántes atque promissa confirmántes sacrórum officiórum, quæ, Christi amóre indúcti, erga eius Ecclésiám, sacerdotális vestræ ordinatiónis die, cum gáudio suscepistis?**

Presbyteri: **Volo.**

**Vultis fidéles esse dispensatóres mysteriórum Dei per sanctam Eucharístiam ceterásque litúrgicas actiões, atque sacrum docéndi munus, Christum Caput atque Pastórem sectándo, fidéliter implére, non bonórum cúpidi, sed animárum zelo tantum indúcti?**

Presbyteri: **Volo.**

Deinde, ad populum conversus, Episcopus prosequitur:

**Vos autem, fílii dilectíssimi, pro presbýteris vestris oráte: ut Dóminus super eos bona sua abundánter ef-**

**fúndat, quátenus fidéles ministri Christi, Summi Sacerdótis, vos ad eum perdúcant, qui fons est salútis.**

**Populus: Christe, audi nos. Christe, exáudi nos.**

**Et pro me étiam oráte: ut fidélis sim múneri apostólico humilitáti meæ commísso, et inter vos effíciar viva et perféctior in dies imágo Christi Sacerdótis, Boni Pastóris, Magístri et ómnium Servi.**

**Populus: Christe, audi nos. Christe, exáudi nos.**

**Dóminus nos omnes in sua caritáte custódiat, et ipse nos univérsos, pastóres et oves, ad vitam perdúcat ætérnam.**

**Omnes: Amen.**

Oratio universalis omittitur.

### *Liturgia eucharistica*

Super oblata

**Huius sacrificii poténtia, Dómine, quésumus, et vetustátem nostram cleméner abstérget, et novitátem nobis áugeat et salútem. Per Christum.**

**Præfatio: De sacerdotio Christi et de ministerio sacerdotum.**

**γ. Dóminus vobíscum. ϩ. Et cum spírítu tuo.**

**γ. Sursum corda. ϩ. Habémus ad Dóminum.**

**γ. Grátias agámus Dómino Deo nostro.**

**ϩ. Dignum et iustum est.**

**Vere dignum et iustum est, æquum et salutáre, nos tibi semper et ubíque grátias ágere: Dómine, sancte Pater, omnípotens ætérne Deus:**

Qui Unigénitum tuum Sancti Spíritus unctióne  
novi et ætérni testaménti constituísti Pontíficem,  
et ineffábili dignátus es dispositióne sancíre,  
ut únicum eius sacerdotíum in Ecclésia servarétur.

Ipse enim non solum regáli sacerdotío  
pópulum acquisitionis exórnat,  
sed étiam fratérna hómines éligit bonitáte,  
ut sacri sui ministérii  
fiant mánuum impositione partícipes.

Qui sacrificium rénovent, eius nómine,  
redemptiónis humánæ,  
tuis apparántes fíliis paschále convívium,  
et plebem tuam sanctam caritáte prævéniant,  
verbo nútriant, reficiant sacraméntis.

Qui, vitam pro te fratrumque salúte tradéntes,  
ad ipsíus Christi nitántur imáginem conformári,  
et constántes tibi fidem amorémque testéntur.

Unde et nos, Dómine, cum Angelis et Sanctis univérsis  
tibi confitémur, in exultatióne dicéntes:

Sanctus, Sanctus, Sanctus Dóminus Deus Sábaoth ...

Ant. ad communionem

Ps 88, 2

Misericórdias Dómini in ætérnum cantábo;  
in generatióem et generatióem  
annuntiábo veritátem tuam in ore meo.

Post communionem

Súpplíces te rogámus, omnípotens Deus,  
ut, quos tuis réficis sacraméntis,  
Christi bonus odor éffici mereántur. Per Christum.

## SACRUM TRIDUUM PASCHALE

### **Missæ vespertina in Cena Domini**

Iuxta antiquissimam Ecclesiæ traditionem, hac die omnes Missæ sine populo interdicuntur.

Horis vespertinis, tempore magis opportuno, celebratur Missa in Cena Domini, cum plena participatione totius communitatis localis, omnibus sacerdotibus et ministris officium suum implentibus.

Sacerdotes qui in Missa chrismatis aut ad utilitatem fidelium iam celebraverint, denuo concelebrare valent in Missa vespertina.

Ubi vero ratio pastoralis id postulet, loci Ordinarius alteram Missam in ecclesiis et oratoriis publicis vel semipublicis permittere poterit, horis vespertinis celebrandam, et, in casu veræ necessitatis, etiam horis matutinis, sed tantummodo pro fidelibus qui nullo modo Missam vespertinam participare valent. Caveatur tamen ne huiusmodi celebrationes in bonum privatorum fiant et ne præiudicio sint Missæ vespertinæ principali.

Sacra communio fidelibus distribui potest tantummodo infra Missam; infirmis vero deferri valet quacumque diei hora.

### *Ritus initiales et liturgia verbi*

1. Tabernaculum omnino vacuum sit; pro communionem vero cleri et populi hodie et crastina die sufficiens copia panis consecratur in eadem Missa.

2. Ant. ad introitum

Cf. Gal 6, 14

**Nos autem gloriári oportet  
in cruce Dómini nostri Iesu Christi,  
in quo est salus, vita et resurréctio nostra,  
per quem salváti et liberáti sumus.**

3. Dicitur **Glória in excelsis**. Dum cantatur hymnus, pulsantur campanæ, eoque expleto, silent usque ad Vigiliam paschalem, nisi Conferentia Episcopalis vel Ordinarius, pro opportunitate, aliud statuerit.

## 4. Collecta

**Sacratissimam, Deus, frequentántibus Cenam,  
in qua Unigénitus tuus, morti se traditúrus,  
novum in sáecula sacrificium  
dilectionísque suæ convívium  
Ecclésiæ commendávit,  
da nobis, quáesumus,  
ut ex tanto mystério  
plenitúdinem caritátis hauriámus et vitæ.  
Per Dóminum.**

Lectio prima

*Præcepta de cena paschali.*

Lectio libri Exodi

12, 1-8. 11-14

In diébus illis:

**Dixit Dóminus ad Móysen et Aaron in terra Ægýpti:  
« Mensis iste vobis princípium ménsium, primus erit  
in ménsibus anni. Loquímini ad univérsum cœtum fi-  
liórum Israel et dícite eis:**

**Décima dies mensis huius tollat unusquisque agnum  
per famílias et domos suas. Sin autem minor est núme-  
rus ut sufficere possit ad vescéndum agnum, assúmet  
vicínium suum, qui iunctus est dómui suæ, iuxta nú-  
merum animárum quæ sufficere possunt ad esum agni.**

**Erit autem agnus absque mácula, másculus, annícu-  
lus; iuxta quem ritum tollétis et hædum. Et servábitis  
eum usque ad quartam décimam diem mensis huius;  
immolabítque eum univérsa multitúdo filiórum Israel  
ad vésperam.**

**Et sument de sánguine eius ac ponent super utrúm-  
que postem et in superlimináribus domórum, in qui-**



bus cómedent illum. Et edent carnes nocte illa assas igni et ázymos panes cum lactúcis agréstibus.

Sic autem comedétis illum: renes vestros accingétis, et calceaménta habébitis in pédibus tenéntes báculos in mánibus, et comedétis festinánter; est enim Phase (id est tránsitus) Dómini.

Et transíbo per terram Ægýpti nocte illa, percutiámque omne primogénitum in terra Ægýpti ab hómine usque ad pecus, et in cunctis diis Ægýpti fáciam iudícia: Ego Dóminus. Erit autem sanguis vobis in signum in ádibus in quibus éritis; et vidébo sánguinem, et transíbo vos; nec erit in vobis plaga dispérens quando percússero terram Ægýpti.

Habébitis autem hunc diem in monuméntum; et celebrábitis eam sollémnem Dómino in generatióibus vestris cultu sempitérno ». — Verbum Dómini.

### Psalmus responsorius

Ps 115, 12-13. 15-16 bc. 17-18 (R.: cf. 1 Cor 10, 16)

R. Calix benedictiónis  
communicátio Sánguinis Christi est.

12 Quid retríbuam Dómino  
pro ómnibus quæ retríbuít mihi?

13 Cálícem salutáris accípiam,  
et nomen Dómini invocábo. R.

15 Pretiósá in conspéctu Dómini  
mors sanctórum eius.

16 Ego servus tuus et fílius ancíllæ tuæ.  
Dirupísti víncula mea. R.

17 Tibi sacrificábo hóstiám laudis,  
et nomen Dómini invocábo.

18 Vota mea Dómino reddam  
coram omni pópulo eius. R.

Lectio secunda

*Quotiescumque manducabitis et bibetis,  
mortem Domini annuntiatis.*

Lectio Epistolæ primæ beati Pauli apostoli  
ad Corinthios

11, 23-26

Fratres:

Ego accépi a Dómino quod et trádidí vobis: quóniam Dóminus Iesus in qua nocte tradebátur accépit panem et grátias agens fregit et dixit: « Hoc est Corpus meum quod pro vobis est: hoc fácite in meam commemoratióem ».

Simíliter et cálicem postquam cenátum est, dicens: « Hic calix novum Testaméntum est in meo Ságuine: hoc fácite, quotiescúmque bibétis, in meam commemoratióem ».

Quotiescúmque enim manducábítis panem hunc et cálicem bibétis, mortem Dómini annuntiátis donec véniat. — Verbum Dómini.

Versus ante Evangelium

Io 13, 34

Mandátum novum do vobis, dicit Dóminus,  
ut diligátis ínvicem, sicut diléxi vos.

Evangelium

*In finem dilexit eos.*

✠ Lectio sancti Evangelii secúndum Ioánnem

13, 1-15

Ante diem festum Paschæ, sciens Iesus quia venit eius hora ut tránseat ex hoc mundo ad Patrem, cum dilexisset suos qui erant in mundo, in finem diléxit eos.

Et in cena, cum diábolus iam misisset in corde ut tráderet eum Iudas Simónis Iscarióti, sciens quia óm-

nia dedit ei Pater in manus, et quia a Deo exiit et ad Deum vadit, surgit a cena et ponit vestimenta sua, et cum accepisset linteam, præcinxit se. Deinde mittit aquam in pelvim et coepit lavare pedes discipulorum et extergere linteo quo erat præcinctus.

Venit ergo ad Simónem Petrum. Dicit ei: « Dómine, tu mihi lavas pedes? »

Respondit Iesus et dixit ei: « Quod ego fácio tu nescis modo, scies autem póstea ».

Dicit ei Petrus: « Non lavábis mihi pedes in ætérnum ».

Respondit Iesus ei: « Si non lávero te, non habes partem mecum ».

Dicit ei Simon Petrus: « Dómine, non tantum pedes meos, sed et manus et caput ».

Dicit ei Iesus: « Qui lotus est non indiget nisi ut pedes lavet, sed est mundus totus: et vos mundi estis, sed non omnes ». Sciébat enim quisnam esset qui tráderet eum; proptérea dixit: « Non estis mundi omnes ».

Postquam ergo lavit pedes eórum et accépit vestimenta sua, cum recubuisset íterum, dixit eis: « Scitis quid fécerim vobis? Vos vocátis me: "Magíster", et: "Dómine", et bene dicitis, sum étenim. Si ergo ego lavi vestros pedes, Dóminus et Magíster, et vos debétis alter altérius lavare pedes: exéplum enim dedi vobis ut quemádmódum ego feci vobis et vos faciátis ».

Verbum Dómini.

### *Lotio pedum*

5. Post homiliam, in qua illustrantur potissima mysteria quæ hac Missa recoluntur, institutio scilicet sacræ Eucharistiæ et ordinis sacerdotalis necnon et mandatum Domini de caritate fraterna, proceditur, ubi ratio pastoralis id suadeat, ad lotionem pedum.

6. Viri selecti deducuntur a ministris ad sedilia loco apto parata. Tunc sacerdos (deposita, si necesse sit, planeta) accedit

ad singulos, eisque fundit aquam super pedes et abstergit, adiuvantibus ministris.

7. Interim cantantur aliquæ e sequentibus antiphonis, vel alii cantus apti.

**Antiphona prima**

Cf. Io 13, 4.5.15

Postquam surrêxit Dóminus a cena,  
misit aquam in pelvim,  
et cœpit lavare pedes discipulorum:  
hoc exéplum reliquit eis.

**Antiphona secunda**

Io 13, 6.7.8

Dómine, tu mihi lavas pedes? Respondit Iesus et dixit ei:  
Si non lávero tibi pedes, non habébis partem mecum.

✠. Venit ergo ad Simónem Petrum,  
et dixit ei Petrus: — Dómine.

✠. Quod ego fácio, tu nescis modo:  
scies autem póstea. — Dómine.

**Antiphona tertia**

Cf. Io 13, 14

Si ego, Dóminus et Magíster vester, lavi vobis pedes:  
quanto magis debétis alter altérius lavare pedes?

**Antiphona quarta**

Io 13, 35

In hoc cognóscet omnes quia discípuli mei estis,  
si dilectiónem habuéritis ad ívicem.

✠. Dixit Iesus discíplulis suis. — In hoc.

**Antiphona quinta**

Io 13, 34

Mandátum novum do vobis, ut diligátis ívicem,  
sicut diléxi vos, dicit Dóminus.

**Antiphona sexta**

1 Cor 13, 13

Máneant in vobis fides, spes, caritas, tria hæc:  
maior autem horum est caritas.

✠. Nunc autem manent fides, spes, caritas, tria hæc:  
maior horum est caritas. — Máneant.

8. Statim post lotionem pedum, vel, si hæc non fit, post hominiam, fit oratio universalis.

*Liturgia eucharistica*

9. Incipiente liturgia eucharistica, instrui potest processio fidelium cum donis pro pauperibus.  
Interim cantatur sequens, vel alius cantus aptus.

**Ant.** Ubi caritas est vera, Deus ibi est.

- ✠. Congregávit nos in unum Christi amor.
- ✠. Exsultémus et in ipso iucundémur.
- ✠. Timeámus et amémus Deum vivum.
- ✠. Et ex corde diligámus nos sincéro.

**Ant.** Ubi caritas est vera, Deus ibi est.

- ✠. Simul ergo cum in unum congregámur:
- ✠. Ne nos mente dividámur, caveámus.
- ✠. Cessent iúrgia maligna, cessent lites.
- ✠. Et in médio nostri sit Christus Deus.

**Ant.** Ubi caritas est vera, Deus ibi est.

- ✠. Simul quoque cum beátis videámus
- ✠. Gloriánter vultum tuum, Christe Deus:
- ✠. Gáudium, quod est imménsum atque probum,
- ✠. Sæcula per infinita sæculórum. Amen.

10. **Super oblata**

Concéde nobis, quæsumus, Dómine,  
hæc digne frequentáre mystéria,  
quia, quóties huius hóstiæ commemorátio celebrátur,  
opus nostræ redemptionis exercétur. Per Christum.

11. **Præfatio I de Ss.ma Eucharistia, p. 638.**

**Quando adhibetur Canon Romanus, dicuntur Communicántes,  
Hanc igitur et Qui pridie propria:**

**Communicantes,**  
**et diem sacratissimum celebrantes,**  
**quo Dóminus noster Iesus Christus**  
**pro nobis est tráditus,**  
**sed et memóriam venerantes,**  
**in primis gloriósæ semper Vírginis Mariæ,**  
**Genetrícis eiúsdem Dei et Dómini nostri Iesu Christi:**  
**sed et beáti Ioseph, eiúsdem Vírginis Sponsi,**  
**et beatórum Apostolórum ac Mártýrum tuórum,**  
**Petri et Pauli, Andréæ,**  
**(Iacóbi, Ioánnis,**  
**Thomæ, Iacóbi, Philíppi,**  
**Bartholomæi, Matthæi, Simónis et Thaddæi:**  
**Lini, Cleti, Cleméntis, Xysti,**  
**Cornélii, Cypriáni, Lauréntii, Chrysógoni,**  
**Ioánnis et Pauli, Cosmæ et Damiáni)**  
**et ómnium Sanctórum tuórum;**  
**quorum méritis precibúsq; concédas,**  
**ut in ómnibus protectiónis tuæ muniámur auxílio.**  
**(Per Christum Dóminum nostrum. Amen.)**

Manibus extensis, prosequitur:

**Hanc igitur oblatiónem servitútis nostræ,**  
**sed et cunctæ famíliæ tuæ,**  
**quam tibi offérimus ob diem,**  
**in qua Dóminus noster Iesus Christus**  
**trádidit discipulis suis**  
**Córpóris et Sánguínis sui mystéria celebránda,**  
**quæsumus, Dómine, ut placátus accípias:**  
**diésque nostros in tua pace dispónas,**  
**atque ab ætérna damnatióne nos éripi**  
**et in electórum tuórum iúbeas grege numerári.**  
**Iungit manus.**

**(Per Christum Dóminum nostrum. Amen.)**

Tenens manus expansas super oblata, dicit:

Quam oblatiõnem tu, Deus, in õmnibus, quæsumus,  
benedictam, adscriptam, ratam,  
rationabilem acceptabilemque facere digneris:  
ut nobis Corpus et Sanguis fiat dilectissimi Filii tui,  
Dõmini nostri Iesu Christi.

*Iungit manus.*

Qui, pridie quam pro nostra omniũque salutẽ pateretur,  
hoc est hõdie,

accipit panem,  
eumque parum elevatum super altare tenens,  
prosequitur:

accipit panem in sanctas ac venerabiles manus suas,  
elevat oculos,

et elevatis oculis in cælum  
ad te Deum Patrem suum omnipotentem,  
tibi gratias agens benedixit,  
fregit,

deditque discipulis suis, dicens:

parum se inclinatur

Accipite et manducate ex hoc omnes:

Hoc est enim Corpus meum,

quod pro vobis tradetur.

Reliqua ut in Canone Romano, n. 92, p. 663.

12. Ant. ad communionem

1 Cor 11, 24. 25

Hoc Corpus, quod pro vobis tradetur;  
hic calix novi testamẽti est in meo Sanguine,  
dicit Dõminus; hoc facite, quotiescũque sumitis,  
in meam commemoratiõnem.

13. Distributione communionis peracta, pyxis cum particulis pro  
communione diei sequentis relinquatur super altare, et finitur  
Missa oratione post communionem.

**14. Post communionem**

**Concéde nobis, omnipotens Deus,  
ut, sicut Cena Filii tui reficimur temporáli,  
ita satiári mereámur æténa.  
Per Christum.**

*Translatio Ss.mi Sacramenti*

**15. Oratione dicta, sacerdos stans ante altare imponit incensum in thuribulo et genuflexus ter incensat Ss.mum Sacramentum. Deinde, assumpto velo umerali, accipit pyxidem manibus et velo cooperit.**

**16. Instruitur processio, qua, præcedente crucifero, defertur Ss.mum Sacramentum cum intorticiis et incenso per ecclesiam ad locum repositionis, paratum in aliquo sacello convenienter ornato. Interim cantatur hymnus **Pange, lingua** (exclusis duabus ultimis strophis), vel alius cantus eucharisticus.**

**17. Cum processio pervenerit ad locum repositionis, sacerdos deponit pyxidem et, thure imposito, genuflexus incensat, dum cantatur **Tantum ergo sacraméntum**. Deinde clauditur tabernaculum seu capsula repositionis.**

**18. Post aliquod tempus adorationis in silentio, sacerdos et ministri, facta genuflexione, revertuntur in sacristiam.**

**19. Deinde denudatur altare et auferuntur, si fieri potest, cruces ab ecclesia. Expediit ut cruces, quæ forte in ecclesia remanent, velentur.**

**20. Vesperæ ab iis, qui Missæ vespertinæ interfuerunt, non dicuntur.**

**21. Moneantur fideles, ut per congruum noctis tempus, secundum locorum et rerum adiuncta, adorationem peragant coram Ss.mo Sacramento asservato, ita tamen ut post mediam noctem hæc adoratio absque sollemnitate fiat.**



## **FERIA VI IN PASSIONE DOMINI**

### **Celebratio Passionis Domini**

1. Hac et sequenti die, Ecclesia, ex antiquissima traditione, sacramenta penitus non celebrat.

2. Altare omnino nudum sit, sine cruce, sine candelabris, sine tobaleis.

3. Horis postmeridianis huius feriæ, et quidem circa horam tertiam, nisi ex ratione pastorali tardior hora seligatur, fit celebratio Passionis Domini, constans ex tribus partibus, nempe ex liturgia verbi, adoratione Crucis et sacra communione.

Hac die sacra communio fidelibus distribuitur unice inter celebrationem Passionis Domini; infirmis autem, qui hanc celebrationem participare nequeunt, quacumque diei hora deferri potest.

4. Sacerdos et diaconus, vestibus coloris rubri sicut ad Missam induti, ad altare accedunt et, facta reverentia, in faciem procumbunt, vel, pro opportunitate, genua flectunt, et omnes in silentio aliquamdiu orant.

5. Deinde sacerdos cum ministris vadit ad sedem, ubi, conversus ad populum, iunctis manibus, dicit unam e sequentibus orationibus.

**Oratio (Non dicitur Orémus)**

**Reminiscere miseratiónum tuárum, Dómine,  
et fámulos tuos æténa protectióne sanctífica,  
pro quibus Christus, Fílius tuus,  
per suum cruórem instítuit paschále mystérium.  
Qui vivit et regnat in sácula sæculórum.**

**℟. Amen.**

**Vel:**

**Deus, qui peccáti véteris hereditáriam mortem,  
in qua posteritátis genus omne succésserat,**

Christi Fílii tui, Dómini nostri, passióne solvísti,  
 da, ut confórmes eidem facti,  
 sicut imáginem terréni hómínis  
 natúræ necessitáte portávimus,  
 ita imáginem cæléstis  
 grátiae sanctificatióne portémus.  
 Per Christum Dóminum nostrum.  
 R. Amen.

### Pars prima: Liturgia verbi

6. Deinde, omnibus sedentibus, legitur prima lectio cum suo psalmo.

#### Lectio prima

*Ipsè vulneratus est propter iniquitates nostras.*

Lectio libri Isaíæ prophétæ 52, 13 — 53, 12

Ecce intélleget servus meus, exaltábitur et elevábitur et sublímis erit valde. Sicut obstupuérunt super te multi, sic inglórius erit inter viros aspéctus eius, et forma eius inter fílios hómínium. Iste aspérget gentes multas, super ipsum continébunt reges os suum, quia quibus non est narrátum de eo vidérunt, et qui non audierunt contempláti sunt. Quis crédidit auditui nostro? et bráccium Dómini cui revelátum est?

Et ascéndet sicut virgúltum coram eo et sicut radix de terra sitiénti. Non est spécies ei neque decor, et vídimus eum, et non erat aspéctus, et desiderávimus eum: despéctum, et novíssimum virórum, virum dolórum et sciéntem infirmitátem, et quasi absconditus vultus eius et despéctus, unde nec reputávimus eum.

Vere languóres nostros ipse tulit et dolóres nostros

ipse portávit, et nos putávimus eum quasi leprósum et percússum a Deo et humiliátum. Ipse autem vulnerátus est propter iniquitátes nostras, attrítus est propter scélera nostra, disciplina pacis nostræ super eum, et livóre eius sanáti sumus.

Omnes nos quasi oves errávimus, unusquisque in viam suam declinávit, et pósuit Dóminus in eo iniquitátem ómnium nostrum. Oblátus est quia ipse vóluit et non apéruit os suum, sicut ovis ad occisiónem ducétur, et quasi agnus coram tondénte se obmutéscet et non spériet os suum.

De angústia et de iudício sublátus est. Generatió-nem eius quis enarrábit? quia abscíssus est de terra vivéntium; propter scelus pópuli mei percússi eum. Et dabit impios pro sepultúra et dívitem pro morte sua, eo quod iniquitátem non fécerit, neque dolus fúerit in ore eius.

Et Dóminus vóluit contérere eum in infirmitáte. Si posúerit pro peccáto ánimam suam, vidébit semen longévum, et volúntas Dómini in manu eius dirigétur. Pro eo quod laborávit ánimam eius, vidébit et saturábitur. In sciéntia sua iustificábit ipse iustus servus meus multos, et iniquitátes eórum ipse portábit.

Ideo dispértiam ei plúrimos, et fórtium dívidet spólia, pro eo quod trádidit in mortem ánimam suam, et cum scelerátis reputátus est, et ipse peccáta multórum tulit, et pro transgressóribus rogávit.

Verbum Dómini.

Psalmus responsorius

Ps 30, 2 et 6. 12-13. 15-16. 17 et 25 (Ꝟ.: Lc 23, 46)

Ꝟ. Pater, in manus tuas comméndo spíritum meum.

<sup>2</sup> In te, Dómine, sperávi, non confúndar in ætérnum;  
in iustítia tua líbera me.

- 6 In manus tuas comméndo spíritum meum;  
redemísti me, Dómine, Deus veritátis. **R.**
- 12 Apud omnes inimícos meos factus sum oppróbrium,  
et vicínis meis valde, et timor notis meis:  
qui vidébant me foras, fugiébant a me.
- 13 Oblivióni a corde datus sum tamquam mórtuus:  
factus sum tamquam vas pérditum. **R.**
- 15 Ego autem in te sperávi, Dómine;  
dixi: « Deus meus es tu,  
16 in mánibus tuis sortes meæ ».  
Eripe me de manu inimicórum meórum  
et a persecúentibus me. **R.**
- 17 Illústra fáciem tuam super servum tuum,  
salvum me fac in misericórdia tua.
- 25 Viríliter ágite, et confortétur cor vestrum,  
omnes qui sperátis in Dómino. **R.**
7. *Sequitur secunda lectio et cantus ante Evangelium.*

### Lectio secunda

*Didicit obœdientiam, et factus est  
omnibus obœdientibus sibi auctor salutis.*

Lectio Epístolæ ad Hebræos 4, 14-16; 5, 7-9

Habéntes pontificem magnum qui penetrávit cælos,  
Iesum Fílium Dei, teneámus confessiónem: non enim  
habémus Pontíficem qui non possit cómpati infirmitá-  
tibus nostris, tentátum autem per ómnia secúndum si-  
militúdinem absque peccáto. Adeámus ergo cum fidú-  
cia ad thronum grátia, ut misericórdiam consequámur  
et grátiam inveniámus in auxílium opportunum.

Christus enim in diébus carnis suæ, preces suppli-  
cationésque ad eum qui possit salvum illum a morte  
facere, cum clamóre válido et lácrimis ófferens, et exau-

dítus pro sua reveréntia, et quidem cum esset Fílius, didicit ex his quæ passus est obcédientiam; et, consummátus, factus est ómnibus obcédientibus sibi auctor salutis ætérnæ. — Verbum Dómini.

### Versus ante Evangelium

Phil 2, 8-9

Christus factus est pro nobis obcédens usque ad mortem, mortem autem crucis. Propter quod et Deus exaltávit illum, et dedit illi nomen, quod est super omne nomen.

8. Deinde legitur historia Passionis Domini eodem modo ac dominica præcedente.

### Evangelium

Pássio Dómini nostri Iesu Christi secúndum Ioánnem  
18, 1 — 19, 42

*Comprehenderunt Iesum et ligaverunt eum.*

In illo témpore:

Egréssus est Iesus cum discíplis suis trans torrentem Cedron, ubi erat hortus, in quem introívit ipse et discípli eius. Sciébat autem et Iudas, qui tradébat eum, locum, quia frequénter Iesus convénerat illuc cum discíplis suis.

Iudas ergo, cum accepisset cohórtem et a pontíficibus et Pharisæis ministros, venit illuc cum lanternis et fácibus et armis. Iesus ítaque, sciens ómnia quæ ventúra erant super eum, processit et dicit eis: « Quem quæritis? » Respondérunt ei: « Iesum Nazarénum ».

Dicit eis: « Ego sum ». Stabat autem et Iudas, qui tradébat eum, cum ipsis. Ut ergo dixit eis: « Ego sum », abiérunt retrórsum et ceciderunt in terram.

Iterum ergo eos interrogávit: « Quem quæritis? » Illi autem dixerunt: « Iesum Nazarénum ».

Respondit Iesus: « Dixi vobis: Ego sum; si ergo me queritis, sinite hos abire », ut impleretur sermo quem dixit: « Quos dedisti mihi, non perdidisti ex ipsis quemquam ».

Simon ergo Petrus, habens gladium, eduxit eum et percussit pontificis servum, et abscidit auriculam eius dextram. Erat autem nomen servo Malchus.

Dixit ergo Iesus Petro: « Mitte gladium in vaginam: calicem quem dedit mihi Pater non bibam illum? »

*Adduxerunt Iesum ad Annam primum.*

Cohors ergo et tribunus et ministri Iudaeorum comprehenderunt Iesum et ligaverunt eum et adduxerunt ad Annam primum; erat enim socer Caiaphae, qui erat pontifex anni illius; erat autem Caiaphas qui consilium dederat Iudaeis: « Expediit unum hominem mori pro populo ».

Sequebatur autem Iesum Simon Petrus et alius discipulus. Discipulus autem ille erat notus pontifici et introivit cum Iesu in atrium pontificis, Petrus autem stabat ad ostium foris. Exiit ergo discipulus alius qui erat notus pontifici, et dixit ostiarie et introduxit Petrum. Dicit ergo Petro ancilla ostiaria: « Numquid et tu ex discipulis es hominis istius? »

Dicit ille: « Non sum ». Stabant autem servi et ministri, qui prunas fecerant, quia frigus erat, et calefiabant; erat autem cum eis et Petrus stans et calefaciens se.

Pontifex ergo interrogavit Iesum de discipulis suis et de doctrina eius. Respondit ei Iesus: « Ego palam locutus sum mundo; ego semper docui in synagoga et in templo, quo omnes Iudaei conveniunt, et in occulto locutus sum nihil. Quid me interrogas? Interroga eos qui audierunt quid locutus sum ipsis; ecce hi sciunt quae dixerim ego ».

Hæc autem cum dixisset, unus assistens ministrorum dedit alapam Iesu dicens: « Sic respondes pontifici? »

Respondit ei Iesus: « Si male locutus sum, testimonium perhibe de malo; si autem bene, quid me cædis? »

Misit ergo eum Annas ligatum ad Cæiapham pontificem.

*Numquid et tu ex discipulis eius es? Non sum.*

Erat autem Simon Petrus stans et calefaciens se. Dixérunt ergo ei: « Numquid et tu ex discipulis eius es? »

Negávit ille et dixit: « Non sum ».

Dicit unus ex servis pontificis, cognátus eius, cuius abscidit Petrus auriculam: « Nonne ego te vidi in horto cum illo? » Iterum ergo negávit Petrus: et statim gallus cantávit.

*Regnum meum non est de mundo hoc.*

Addúcunt ergo Iesum a Cæiapha in prætorium. Erat autem mane. Et ipsi non introiérunt in prætorium, ut non contaminarentur sed manducarent Pascha. Exiit ergo Pilátus ad eos foras et dicit: « Quam accusatió-nem affértis advérsus hóminem hunc? »

Respondérunt et dixérunt ei: « Si non esset hic malefáctor, non tibi tradidissémus eum ».

Dixit ergo eis Pilátus: « Accípite eum vos, et secúndum Legem vestram iudicáte eum ».

Dixérunt ei Iudæi: « Nobis non licet interficere quemquam », ut sermo Iesu implerétur, quem dixit significans qua esset morte moritúrus.

Introívit ergo iterum in prætorium Pilátus et vocávit Iesum et dixit ei: « Tu es rex Iudæórum? »

Respondit Iesus: « A temetípso tu hoc dicis, an álíi tibi dixérunt de me? »

Respondit Pilátus: « Numquid ego Iudæus sum? Gens tua et pontífices tradidérunt te mihi: quid fecísti? »

Respondit Iesus: « Regnum meum non est de mundo hoc; si ex hoc mundo esset Regnum meum, ministri mei decertarent, ut non tráderer Iudæis; nunc autem meum Regnum non est hinc ».

Dixit itaque ei Pilátus: « Ergo rex es tu? »

Respondit Iesus: « Tu dicis quia rex sum. Ego in hoc natus sum et ad hoc veni in mundum, ut testimónium perhibeam veritatí; omnis qui est ex veritate audit meam vocem ».

Dicit ei Pilátus: « Quid est veritas? »

Et cum hoc dixisset, iterum exiit ad Iudæos, et dicit eis: « Ego nullam invénio in eo causam. Est autem consuetúdo vobis ut unum dimittam vobis in Pascha; vultis ergo dimittam vobis regem Iudæórum? »

Clamaverunt ergo rursus dicentes: « Non hunc, sed Barábbam ». Erat autem Barábbas latro.

*Ave, rex Iudæorum.*

Tunc ergo apprehéndit Pilátus Iesum et flagellávit. Et mílites, plectentes corónam de spinis, imposuerunt cápiti eius, et veste purpúrea circumdederunt eum, et veniebant ad eum et dicebant: « Ave, rex Iudæórum », et dabant ei álapas.

Et éxit iterum Pilátus foras et dicit eis: « Ecce addúco vobis eum foras, ut cognoscátis quia in eo nullam causam invénio ». Exiit ergo Iesus foras, portans spineam corónam et purpúreum vestiméntum.

Et dicit eis: « Ecce homo ».

Cum ergo vidissent eum pontífices et ministri, clamaverunt dicentes: « Crucífige, crucífige! »

Dicit eis Pilátus: « Accípite eum vos et crucífigite; ego enim non invénio in eo causam ».

Respondérunt ei Iudæi: « Nos Legem habémus, et secúndum Legem debet mori, quia Fílium Dei se fecit ».



Cum ergo audisset Pilátus hunc sermónem, magis tí-muit, et ingressus est prætorium iterum et dicit ad Ie-sum: « Unde es tu? » Iesus autem respónsum non de-dit ei. Dicit ergo ei Pilátus: « Mihi non lóqueris? Ne-scis quia potestátem hábeo dimíttere te et potestátem hábeo crucifigere te? »

Respóndit Iesus: « Non habéres potestátem advér-sum me ullam, nisi tibi esset datum désuper: propterea qui trádedit me tibi, maius peccátum habet ».

*Tolle, tolle, crucifige eum.*

Exínde quærébat Pilátus dimíttere eum; Iudæi au-tem clamábant, dicéntes: « Si hunc dimíttis, non es amícus Cæsaris; omnis qui se regem facit, contradícit Cæsari ». Pilátus ergo, cum audisset hos sermónes, ad-dúxit foras Iesum, et sedit pro tribunáli in locum qui dícitur Lithóstrotus, hebráice autem Gábbatha. Erat autem Parascéve Paschæ, hora erat quasi sexta.

Et dicit Iudæis: « Ecce rex vester ».

Clamavérunt ergo illi: « Tolle, tolle, crucifige eum ».

Dicit eis Pilátus: « Regem vestrum crucifigam? »

Respondérunt pontífices: « Non habémus regem nisi Cæsarem ». Tunc ergo trádedit eis illum ut crucifigerétur.

*Crucifixerunt eum, et cum eo alios duos.*

Suscepérunt ergo Iesum. Et báiu-lans sibi crucem, exívit in eum qui dícitur Calváriae Locum, quod he-bráice dícitur Gólgotha, ubi eum crucifixerunt, et cum eo álios duos hinc et hinc, médium autem Iesum. Scripsit autem et título Pilátus et pósuit super crucem; erat autem scriptum: « Iesus Nazarénus Rex Iudæorum ». Hunc ergo título multi legérunt Iudæorum, quia prope civitátem erat locus ubi crucifíxus est Iesus; et erat scrip-tum hebráice, latine, græce.

Dicébant ergo Piláto pontífices Iudæorum: « Noli

scribere: " Rex Iudæorum ", sed " Ipse dixit: Rex sum Iudæorum " ». Respondit Pilátus: « Quod scripsi scripsi ».

*Partiti sunt vestimenta mea sibi.*

Míletes ergo cum crucifixissent Iesum accepérunt vestiménta eius et fecérunt quáttuor partes, unicuíque míliti partem, et túnica. Erat autem túnica inconsútilis, désuper contéxta per totum. Dixérunt ergo ad ínvicem: « Non scindámus eam, sed sortiámur de illa cuius sit », ut Scriptúra impleátur, dicens: « Partiti sunt vestiménta mea sibi et in vestem meam misérunt sortem ». Et míletes quidem hæc fecérunt.

*Ecce filius tuus. - Ecce mater tua.*

Stabant autem iuxta crucem Iesu mater eius et soror matris eius, María Cléopæ et María Magdaléne. Cum vidisset ergo Iesus matrem et discipulum stantem, quem diligébat, dicit matri: « Múlier, ecce filius tuus ». Deínde dicit discipulo: « Ecce mater tua ». Et ex illa hora accépit eam discipulus in sua.

*Consummatum est.*

Póstea sciens Iesus quia iam ómnia consummáta sunt, ut consummarétur Scriptúra dicit: « Sítio ». Vas pósitum erat acéto plenum; spóngiam ergo plenam acéto hyssópo circumponéntes, obtulérunt ori eius. Cum ergo accepisset Iesus acétum, dixit: « Consummátum est », et inclináto cápite trádidit spíritum.

*Hic genuflectitur, et pausatur aliquantulum.*

*Et continuo exivit sanguis et aqua.*

Iudæi ergo, quóniam Parascéve erat, ut non remanérent in cruce córpora sábbato, erat enim magnus dies illíus sábbati, rogavérunt Pilátum ut frangeréntur eórum crura et tolleréntur. Venérunt ergo míletes, et primi qui-

dem fregérunt crura et altérius qui crucifixus est cum eo; ad Iesum autem cum venissent, ut vidérunt eum iam mórtuum, non fregérunt eius crura, sed unus mílitum láncea latus eius apéruit, et contínuo exívit sanguis et aqua.

Et qui vidit testimónium perhibuit, et verum est eius testimónium, et ille scit quia vera dicit, ut et vos credátis. Facta sunt enim hæc ut Scriptúra impleátur: « Os non comminuétur eius », et iterum ália Scriptúra dicit: « Vidébunt in quem transfixérunt ».

*Ligaverunt corpus Iesu linteis cum aromatibus.*

Post hæc autem rogávit Pilátum Ioseph ab Arimathæa, qui erat discipulus Iesu, occúltus autem propter metum Iudæórum, ut tólleret corpus Iesu: et permisit Pilátus. Venit ergo et tulit corpus eius.

Venit autem et Nicodémus, qui vénerat ad eum nocte primum, ferens mixtúram myrrhæ et áloes quasi libras centum. Accepérunt ergo corpus Iesu et ligavérunt illud linteis cum aromatibus, sicut mos Iudæis est sepelire. Erat autem in loco ubi crucifixus est hortus et in horto monuméntum novum in quo nondum quisquam pósito erat: ibi ergo propter Parascévem Iudæórum, quia iuxta erat monuméntum, posuérunt Iesum.

**Verbum Dómini.**

9. Post lectionem Passionis Domini habeatur pro opportunitate brevis homília, cuius in fine sacerdos fideles invitare poterit ut per breve tempus orationi instent.

### *Oratio universalis*

10. Liturgia verbi concluditur oratione universali, quæ fit hoc modo: diaconus, stans ad ambonem, dicit invitatorium, quo intentio significatur. Deinde omnes per aliquod temporis spatium in silentio orant, et postea sacerdos, stans ad sedem vel,

pro opportunitate, ad altare, manibus extensis, dicit orationem. Fideles per totum orationum tempus vel genuflexi vel stantes manere possunt.

11. Conferentiæ Episcopales prævidere possunt acclamationem populi ante orationem sacerdotis, vel statuere ut servetur tradita invitatio diaconi **Flectámus génua** — **Leváte**, cum genuflectione omnium ad orationem in silentio.

12. In gravi necessitate publica, Ordinarius loci permittere vel statuere potest, ut addatur specialis intentio.

13. E numero orationum, quæ in Missali præbentur, licet sacerdoti eas quæ magis aptæ sunt locorum conditioni seligere, ita tamen ut servetur series intentionum, quæ pro oratione universalis proponitur (cf. Inst. gen. Missalis Romani, n. 46).

## I. Pro sancta Ecclesia

**Orémus, dilectíssimi nobis, pro Ecclésia sancta Dei, ut eam Deus et Dóminus noster pacificáre, adunáre et custodíre dignétur toto orbe terrárum, detque nobis, quiétam et tranquíllam vitam degéntibus, glorificáre Deum Patrem omnipoténtem.**

*Oratio in silentio. Deinde sacerdos:*

**Omnípotens sempitérne Deus, qui glóriam tuam ómnibus in Christo géntibus revelásti: custódi ópera misericórdiæ tuæ, ut Ecclésia tua, toto orbe diffúsa, stábili fide in confessióne tui nóminis persevéret. Per Christum Dóminum nostrum.**

**R. Amen.**

## II. Pro Papa

**Orémus et pro beatíssimo Papa nostro N., ut Deus et Dóminus noster, qui elégit eum in órdine episcopátus, salvum atque incólumem custódiat Ecclésiæ suæ sanctæ, ad regéndum pópulum sanctum Dei.**

Oratio in silentio. Deinde sacerdos:

**Omnípotens sempitérne Deus,  
cuius iudício univérsa fundántur,  
réspice propítius ad preces nostras,  
et eléctum nobis Antístitem tua pietáte consérva,  
ut christiána plebs, quæ te gubernátur auctóre,  
sub ipso Pontífice, fídei suæ méritis augeátur.  
Per Christum Dóminum nostrum. ꝛ. Amen.**

### III. Pro omnibus ordinibus gradibusque fidelium

De nomine Episcopi hic proferendo et de formula adhibenda:  
cf. Inst. gen. Missalis Romani, n. 109.

**Orémus et pro Epíscopo nostro N.,  
pro ómnibus Epíscopis, presbýteris, diáconis Ecclésiæ  
et univérsa plebe fidélium.**

Oratio in silentio. Deinde sacerdos:

**Omnípotens sempitérne Deus,  
cuius Spírítu totum corpus Ecclésiæ  
sanctificátur et régitur,  
exáudi nos pro mínístris tuis supplicántes,  
ut, grátix tuæ múnere,  
ab ómnibus tibi fidéliter serviátur.  
Per Christum Dóminum nostrum. ꝛ. Amen.**

### IV. Pro catechumenis

**Orémus et pro catechúmenis (nostris),  
ut Deus et Dóminus noster  
adapériat aures præcordiórum ipsórum  
ianuámque misericórdiæ,  
ut, per lavácrum regeneratiónis  
accépta remissióne ómnium peccatórum,  
et ipsi inveniántur in Christo Iesu Dómino nostro.**

**Oratio in silentio. Deinde sacerdos:**

Omnípotens sempitérne Deus,  
qui Ecclésiám tuam nova semper prole fecúndas,  
auge fidem et intelléctum catechúmenis (nostris),  
ut, renáti fonte baptismatis,  
adoptiónis tuæ fíliis aggregéntur.  
Per Christum Dóminum nostrum.

**R.** Amen.

### V. Pro unitate Christianorum

Orémus et pro univérsis frátribus  
in Christum credéntibus,  
ut Deus et Dóminus noster  
eos, veritátem faciéntes,  
in una Ecclésia sua congregáre et custodíre dignétur.

**Oratio in silentio. Deinde sacerdos:**

Omnípotens sempitérne Deus,  
qui dispérsa cóngregas et congregáta consérvas,  
ad gregem Filii tui placátus inténde,  
ut, quos unum baptisma sacrávit,  
eos et fidei iungat intégritas et vínculum sóciét caritátis.  
Per Christum Dóminum nostrum.

**R.** Amen.

### VI. Pro Iudæis

Orémus et pro Iudæis,  
ut, ad quos prius locútus est Dóminus Deus noster,  
eis tríbuat in sui nóminis amóre  
et in sui féderis fidelitáte proficere.

**Oratio in silentio. Deinde sacerdos:**

Omnípotens sempitérne Deus,  
qui promissiónes tuas Abrahæ eiúsque sémini contulísti,  
Ecclésiæ tuæ preces cleménter exáudi,

ut pópulus acquisitionis prióris  
ad redemptionis mereatur plenitudinem pervenire.  
Per Christum Dóminum nostrum.  
R. Amen.

### VII. Pro iis qui in Christum non credunt

Orémus et pro iis qui in Christum non credunt,  
ut, luce Sancti Spíritus illustráti,  
viam salutis et ipsi váleant introíre.

Oratio in silentio. Deinde sacerdos:

Omnípotens sempitérne Deus,  
fac ut qui Christum non confitentur,  
coram te sincéro corde ambulátes, invéniant veritátem,  
nosque, mútuo proficiétes semper amóre  
et ad tuæ vitæ mystérium  
plénius percipiéndum sollicitos,  
perfectiôres éfficé tuæ testes caritátis in mundo.  
Per Christum Dóminum nostrum.  
R. Amen.

### VIII. Pro iis qui in Deum non credunt

Orémus et pro iis qui Deum non agnóscunt,  
ut, quæ recta sunt sincéro corde sectántes,  
ad ipsum Deum pervenire mereántur.

Oratio in silentio. Deinde sacerdos:

Omnípotens sempitérne Deus,  
qui cunctos hómines condidísti,  
ut te semper desiderádo quærerent  
et inveniéndo quiéscerent,  
præsta, quæsumus,  
ut inter nóxia quæque obstácula  
omnes, tuæ signa pietátis

et in te credentium testimonium  
bonorum operum percipientes,  
te solum verum Deum nostrique generis Patrem  
gaudeant confiteri.

Per Christum Dominum nostrum.

℞. Amen.

### IX. Pro rempublicam moderantibus

Orémus et pro omnibus rempublicam moderantibus,  
ut Deus et Dominus noster  
mentes et corda eorum  
secundum voluntatem suam dirigat  
ad veram omnium pacem et libertatem.

Oratio in silentio. Deinde sacerdos:

Omnipotens sempiternae Deus,  
in cuius manu sunt hominum corda et iura populorum,  
respice benignus ad eos,  
qui nos in potestate moderantur,  
ut ubique terrarum populorum prosperitas,  
pacis securitas et religionis libertas,  
te largiente, consistant.

Per Christum Dominum nostrum.

℞. Amen.

### X. Pro tribulatis

Orémus, dilectissimi nobis, Deum Patrem omnipotentem,  
ut cunctis mundum purget erroribus,  
morbos auferat, famem depellat,  
aperiat carceres, vincula solvat,  
viatoribus securitatem, peregrinantibus reditum,  
infirmantibus sanitatem  
atque morientibus salutem indulgeat.

Oratio in silentio. Deinde sacerdos:



Omnípotens sempitérne Deus,  
 mæstórum consolátio, laborántium fortitúdo,  
 pervéniant ad te preces  
 de quacúmque tribulatióne clamántium,  
 ut omnes sibi in necessitatibus suis  
 misericórdiam tuam gáudeant affuísse.  
 Per Christum Dóminum nostrum.

℞. Amen.

### Pars secunda: Adoratio sanctæ Crucis

14. Oratione universali expleta, fit sollemnis adoratio sanctæ Crucis. E duplici forma ostensionis, quæ præbetur, aptior seligatur, secundum exigentias pastorales.

#### *Forma prior ostensionis sanctæ Crucis*

15. Portatur Crux velata ad altare, eam comitantibus duobus ministris cum candelis accensis. Sacerdos, stans ante altare, Crucem accipit, in summitate parum detegit et elevat, incipiens invitationem **Ecce lignum Crucis**, eum adiuvante in cantu diacono vel, si casus fert, schola. Omnes respondent: **Venite, adorémus**, et cantu finito in genua se prosternunt et parvo momento in silentio adorant, sacerdote stante et Crucem elevatam tenente.

Deinde sacerdos detegit dextrum brachium Crucis et iterum elevans Crucem incipit invitationem **Ecce lignum**, et fit ut supra.

Denique detegit Crucem totaliter et elevans incipit tertio invitationem **Ecce lignum**, et fit sicut prima vice.

16. Deinde, comitantibus duobus ministris cum candelis accensis, portat Crucem ad ingressum presbyterii vel ad alium locum aptum et ibi deponit vel ministris sustentandam tradit, candelis a dextris et sinistris Crucis depositis. Et fit adoratio Crucis, ut infra, n. 18.

#### *Forma altera ostensionis sanctæ Crucis*

17. Sacerdos, vel diaconus, cum ministris, vel alius idoneus vadit ad portam ecclesiæ, ubi accipit Crucem non velatam, mi-

nistri vero candelabra accensa, et fit processio per ecclesiam ad presbyterium. Prope ianuam, in medio ecclesiæ et ante ingressum presbyterii qui portat Crucem eam elevat, cantans invitationem **Ecce lignum**, cui omnes respondent: **Veníte, adorémus**, et post unamquamque responsionem in genua se prosternunt et parvo momento in silentio adorant, ut supra.

Deinde deponitur Crux cum candelabris ut supra, n. 16.

### *Invitatio in ostendenda sancta Cruce*

**Ecce lignum Crucis,  
in quo salus mundi pepéndit.**

**℟. Veníte, adorémus.**

### *Adoratio sanctæ Crucis*

18. Ad adorationem Crucis accedunt sacerdos, clerus et fideles, quasi processionaliter transeuntes, et reverentiam Cruci exhibentes per simplicem genuflexionem vel aliud signum aptum secundum usum regionis, v. g. Crucem osculando.

Interim cantantur antiphona **Crucem tuam**, Improperia, vel alii cantus congrui, sedentibus omnibus, qui adorationem peregerunt.

19. Unica tantum Crux adorationi præbeatur. Si propter populi concursum non omnes singulatim accedere possunt, sacerdos, postquam pars fidelium adorationem peregerit, Crucem sumit, et in medio ante altare consistens, paucis verbis populum ad sanctæ Crucis adorationem invitat et postea per breve tempus Crucem altius elevatam tenet, a fidelibus in silentio adorandam.

20. Adoratione expleta, ipsa Crux portatur ad locum suum ad altare. Candelabra vero accensa deponuntur circa vel supra altare vel prope Crucem.

### *Cantus in adoratione sanctæ Crucis peragendi*

Partes, quæ ad singulos spectant, indicantur numeris 1 (chorus primus), et 2 (chorus secundus); quæ autem ab utroque choro simul cantanda sunt, indicantur hoc modo: 1 et 2.

## Antiphona

## 1 et 2 Antiphona

Crucem tuam adorámus, Dómine,  
et sanctam resurrectionem tuam  
laudámus et glorificámus:  
ecce enim propter lignum  
venit gáudium in univérso mundo.

## 1 Psalmus 66, 2

Deus misereátur nostri, et benedícat nobis.  
Illúminet vultum suum super nos, et misereátur nostri.

## 1 et 2 Antiphona

Crucem tuam adorámus, Dómine,  
et sanctam resurrectionem tuam  
laudámus et glorificámus:  
ecce enim propter lignum  
venit gáudium in univérso mundo.

## Improperia

## I

1 et 2 Pópule meus, quid feci tibi?  
Aut in quo contristávi te? Respónde mihi!

1 Quia edúxi te de terra Ægypti:  
parásti Crucem Salvatóri tuo.

2 Pópule meus, quid feci tibi?  
Aut in quo contristávi te? Respónde mihi!

1 Hágios o Theós.

2 Sanctus Deus.

1 Hágios Ischyrós.

2 Sanctus Fortis.

1 Hágios Athánatos, eléison himás.

2 Sanctus Immortális, miserére nobis.

1 et 2 Quia edúxi te per desértum quadragínta annis,  
et manna cibávi te,  
et introdúxi te in terram satis bonam:  
parásti Crucem Salvatóri tuo.

1 Hágios o Theós.

2 Sanctus Deus.

1 Hágios Ischyrós.

2 Sanctus Fortis.

1 Hágios Athánatos, eléison himás.

2 Sanctus Immortális, miserére nobis.

1 et 2 Quid ultra débui fácere tibi, et non feci?  
Ego quidem plantávi te  
víneam eléctam meam speciosíssimam:  
et tu facta es mihi nimis amára:  
acéto namque sitim meam potásti,  
et láncea perforásti latus Salvatóri tuo.

1 Hágios o Theós.

2 Sanctus Deus.

1 Hágios Ischyrós.

2 Sanctus Fortis.

1 Hágios Athánatos, eléison himás.

2 Sanctus Immortális, miserére nobis.

## II

1 Ego propter te flagellávi Ægýptum  
cum primogénitis suis:  
et tu me flagellátum tradidísti.  
2 Pópule meus, quid feci tibi?  
Aut in quo contristávi te? Respónde mihi!

1 Ego edúxi te de Ægýpto,  
demérso Pharaóne in Mare Rubrum:  
et tu me tradidísti princípibus sacerdotum.

2 Pópule meus, quid feci tibi?  
Aut in quo contristávi te? Respónde mihi!

1 Ego ante te apéruí mare:  
et tu aperuísti láncea latus meum.

2 Pópule meus, quid feci tibi?  
Aut in quo contristávi te? Respónde mihi!

1 Ego ante te præívi in colúmna nubis:  
et tu me duxísti ad prætórium Piláti.

2 Pópule meus, quid feci tibi?  
Aut in quo contristávi te? Respónde mihi!

1 Ego te pavi manna per desértum:  
et tu me cecidísti álapis et flagéllis.

2 Pópule meus, quid feci tibi?  
Aut in quo contristávi te? Respónde mihi!

1 Ego te potávi aqua salútis de petra:  
et tu me potásti felle et acéto.

2 Pópule meus, quid feci tibi?  
Aut in quo contristávi te? Respónde mihi!

1 Ego propter te Chananæórum reges percússi:  
et tu percussísti arúndine caput meum.

2 Pópule meus, quid feci tibi?  
Aut in quo contristávi te? Respónde mihi!

1 Ego dedi tibi sceptrum regále:  
et tu dedísti cápiti meo spineam corónam.

2 Pópule meus, quid feci tibi?  
Aut in quo contristávi te? Respónde mihi!

1 Ego te exaltávi magna virtúte:  
et tu me suspendísti in patíbulo Crucis.

2 Pópule meus, quid feci tibi?  
Aut in quo contristávi te? Respónde mihi!

Hymnus

1 et 2 Antiphona

**Cruz fidélis, inter omnes arbor una nóbilis,  
Nulla talem silva profert, flore, fronde, gérmine!  
Dulce lignum dulci clavo dulce pondus sústinens!**

1 Hymnus

**Pange, lingua, gloriósi próelium certáminis,  
Et super crucis tropæo dic triúmphantem nóbilem,  
Quáliter Redémptor orbis immolátus vícerit.**

**2 Cruz fidélis, inter omnes arbor una nóbilis,  
Nulla talem silva profert, flore, fronde, gérmine!**

**1 De paréntis protoplásti fraude factor cóndolens,  
Quando pomi noxiális morte morsu córruit,  
Ipse lignum tunc notávit, damna ligni ut sólveret.**

**2 Dulce lignum dulci clavo dulce pondus sústinens!**

**1 Hoc opus nostræ salútis ordo depopóscerat,  
Multifórmis perditóris arte ut artem fálleret,  
Et medélam ferret inde, hostis unde léserat.**

**2 Cruz fidélis, inter omnes arbor una nóbilis,  
Nulla talem silva profert, flore, fronde, gérmine!**

**1 Quando venit ergo sacri plenitúdo témporis,  
Missus est ab arce Patris Natus, orbis cónditor,  
Atque ventre virgináli carne factus pródiit.**

**2 Dulce lignum dulci clavo dulce pondus sústinens!**

**1 Vagit infans inter arta cónditus præsépia,  
Membra pannis involúta Virgo Mater álligat,  
Et manus pedésque et crura stricta cingit fáscia.**

**2 Cruz fidélis, inter omnes arbor una nóbilis,  
Nulla talem silva profert, flore, fronde, gérmine!**

**1** Lustra sex qui iam perácta, tempus implens córporis,  
Se volénte, natus ad hoc, passióni déditus,  
Agnus in crucis levátur immolándus stípíte.

**2** Dulce lignum dulci clavo dulce pondus sústinens!

**1** En acétum, fel, arúndo, sputa, clavi, láncea;  
Mite corpus perforátur, sanguis unde prófluit;  
Terra, pontus, astra, mundus quo lavántur flúmíne!

**2** Crux fidélis, inter omnes arbor una nóbilis,  
Nulla talem silva profert, flore, fronde, gérmine!

**1** Flecte ramos, arbor alta, tensa laxa víscera,  
Et rigor lentéscat ille, quem dedit natívitas,  
Ut supérni membra Regis miti tendas stípíte.

**2** Dulce lignum dulci clavo dulce pondus sústinens!

**1** Sola digna tu fuísti ferre sæcli prétium  
Atque portum præparáre nauta mundo náufrago,  
Quem sacer cruor perúnxit fusus Agni córpore.

**2** Crux fidélis, inter omnes arbor una nóbilis,  
Nulla talem silva profert, flore, fronde, gérmine!

**Conclusio numquam omittenda:**

**1 et 2** Æqua Patri Filióque, ínclito Paráclito,  
Sempitérna sit beátæ Trinitáti glória;  
cuius alma nos redémit atque servat grátia. Amen.

### **Pars tertia: sacra Communio**

**21.** Super altare extenditur tobalea et ponitur corporale et liber. Deinde diaconus vel, eo deficiente, ipse sacerdos reportat Ss.mum Sacramentum e loco repositionis brevi via ad altare, dum omnes in silentio stant. Duo ministri cum candelabris accensis comitantur Ss.mum Sacramentum et deponunt candelabra circa vel supra altare.

**22.** Cum diaconus Ss.mum Sacramentum super altare posuerit et discooperuerit pyxidem, accedit sacerdos et, facta genuflectione, ascendit altare. Ibi clara voce dicit, iunctis manibus:

**Præceptis salutáribus móniti,  
et divína institutióne formáti, audémus dícere:**

Sacerdos, extensis manibus, et omnes præsentés prosequuntur:

**Pater noster, qui es in cælis:  
sanctificétur nomen tuum;  
advéniat regnum tuum;  
fiat volúntas tua, sicut in cælo, et in terra.  
Panem nostrum cotidiánum da nobis hódie;  
et dimítte nobis débíta nostra,  
sicut et nos dimíttimus debitóribus nostris;  
et ne nos indúcas in tentatióne;  
sed líbera nos a malo.**

Manibus extensis, sacerdos solus prosequitur:

**Líbera nos, quæsumus, Dómine, ab ómnibus malis,  
da propítius pacem in díebus nostris,  
ut, ope misericórdiæ tuæ adiúti,  
et a peccáto simus semper líberi  
et ab omni perturbatióne secúri:  
exspectántes beátam spem  
et advéntum Salvatóris nostri Iesu Christi.**

Iungit manus. Populus orationem concludit, acclamans:

**Quia tuum est regnum, et potéstas, et glória in sæcula.**

23. Sacerdos deinde, iunctis manibus, dicit secreto:

**Percéptio Córporis tui, Dómine Iesu Christe,  
non mihi provéniat in iudícium et condemnatióne:  
sed pro tua pietáte prosit mihi  
ad tutaméntum mentis et córporis,  
et ad medélam percipiéndam.**

24. Deinde genuflectit, accipit particulam, eamque aliquantulum elevatam super pyxidem tenens, ad populum conversus, clara voce dicit:



**Ecce Agnus Dei, ecce qui tollit peccáta mundi.  
Beáti qui ad cenam Agni vocáti sunt.**

**Et una cum populo semel subdit:**

**Dómine, non sum dignus, ut intres sub tectum meum,  
sed tantum dic verbo  
et sanábitur ánima mea.**

**Et, conversus ad altare, reverenter sumit Corpus Christi.**

**25. Deinde procedit ad distribuendam communionem fidelibus.  
Durante communióne fieri potest cantus aptus.**

**26. Distributióne communiónis peracta, pyxis per idoneum ministrum ad locum præparatum extra ecclesiam defertur, vel, si circumstantiæ id postulent, in tabernaculo reponitur.**

**27. Deinde sacerdos, servato pro opportunitate aliquo spatio sacri silentii, dicit sequentem orationem:**

### **Post communióne**

**Orémus.**

**Omnípotens sempitérne Deus,  
qui nos Christi tui beáta morte  
et resurrectione reparásti,  
consérva in nobis opus misericórdiæ tuæ,  
ut huius mystérii participatióne  
perpétua devotióne vivámus.  
Per Christum Dóminum nostrum.  
R. Amen.**

**28. Ad dimissionem sacerdos, stans versus ad populum, et super illum manus extendens, dicit sequentem orationem:**

### **Oratio super populum**

**Super pópulum tuum, quæsumus, Dómine,  
qui mortem Fílii tui in spe suæ resurrectionis recóluit,  
benedíctio copiósá descéndat,**

**indulgentia véniat, consolátio tribuátur,  
fides sancta succréscať, redémpťio sempitérna firméťur.  
Per Christum Dóminum nostrum.  
P. Amen.**

Et omnes discedunt sub silentio. Altare tempore opportuno denudatur.

29. Vesperæ ab iis qui sollempni actioni liturgicæ postmeridiane interfuerunt non dicuntur.

## SABBATO SANCTO

Sabbato sancto Ecclesia ad sepulcrum Domini immoratur, passionem eius et mortem meditando, a sacrificio Missæ, sacra mensa denudata, abstinendo, usque dum, post sollempnem Vigiliam seu nocturnam resurrectionis expectationem, locus detur gaudiis paschalibus, quorum abundantia in quinquaginta dies exundat.

Sacra Communio hac die dari potest solummodo ad modum viatici.

## TEMPUS PASCHALE

### DOMINICA PASCHÆ IN RESURRECTIONE DOMINI

In nocte sancta

#### Vigilia paschalis

1. Ex antiquissima traditione ista nox est observabilis Domini (Ex 12, 42), ita ut fideles, iuxta monitum Evangelii (Lc 12, 35 ss.) lucernas ardentes in manibus gestantes, similes sint hominibus expectantibus Dominum, quando revertatur, ut, cum venerit, vigilantes eos inveniat et discumbere faciat ad mensam suam.

2. Vigilia huius noctis ita ordinatur, ut post breve lucernarium (quod est pars prima huius Vigiliæ) sancta Ecclesia meditetur mirabilia, quæ fecit Dominus Deus populo suo ab initio, confidens verbo eius et promisso (pars secunda seu liturgia verbi), usque dum, appropinquante die resurrectionis, cum novis membris in baptismo renatis (pars tertia), vocatur ad mensam, quam Dominus populo suo præparavit per mortem et resurrectionem suam (pars quarta).

3. Tota celebratio Vigiliæ paschalis peragitur nocte, ita ut vel non incipiat ante initium noctis, vel finiatur ante diluculum diei dominicæ.

4. Missa noctis, etsi ante mediam noctem celebretur, est Missa paschalis dominicæ Resurrectionis.

Qui participat Missam noctis, iterum communicare potest in secunda Missa Paschatis.

5. Qui celebrat vel concelebrat Missam noctis, potest secundam Missam Paschatis celebrare aut concelebrare.

6. Sacerdos et diaconus induuntur, sicut ad Missam, paramentis albi coloris.

Parentur candelæ pro omnibus participantibus Vigiliam.

## Pars prima

## Sollemne initium Vigilæ seu Lucernarium

*Benedictio ignis et præparatio cerei*

## 7. Luminaria ecclesiæ exstinguuntur.

Loco apto, extra ecclesiam, præparatur rogos. Populo ibi congregato, accedit sacerdos cum ministris, e quibus unus portat cereum paschalem.

Ubi autem ignis extra ecclesiam accendi non potest, ritus peragitur ut infra, n. 13.

8. Sacerdos populum congregatum de more salutatur eumque breviter admonet de vigilia nocturna, his vel similibus verbis:

Fratres carissimi,  
hac sacratissima nocte,  
in qua Dóminus noster Iesus Christus  
de morte transivit ad vitam,  
Ecclésiá invitat fílios dispérsos per orbem terrárum,  
ut ad vigilándum et orándum convéniant.  
Si ita memóriam egérimus Páschatis Dómini,  
audiéntes verbum et celebrántes mystéria eius,  
spem habébitis  
participándi triúmphum eius de morte  
et vivéndi cum ipso in Deo.

## 9. Deinde benedicatur ignis.

Orémus.

Deus, qui per Fílium tuum  
claritátis tuæ ignem fídelibus contulísti,  
novum hunc ignem ✠ sanctífica,  
et concéde nobis,  
ita per hæc festa paschália  
cæléstibus desidériis inflammári,  
ut ad perpétuæ claritátis

puris méntibus valeámus festa pertíngere.


Per Christum Dóminum nostrum. ✠. Amen.

De novo igne accenditur cereus paschalis.

10. Si, propter ingenium populi, opportunum videtur symbolis quibusdam extollere dignitatem et significationem cerei paschalis, fieri potest hoc modo:

Novo igne benedicto, acolythus seu unus ministrorum portat cereum paschalem ante celebrantem, qui cum stilo incidit in ipsum cereum crucem. Deinde facit super eam litteram græcam Alpha, subtus vero litteram Omega, et inter brachia crucis quattuor numeros exprimentes annum currentem, interini dicens:

1. **Christus heri et hódie** (incidit hastam erectam);
2. **Principium et Finis** (incidit hastam transversam);
3. **Alpha** (incidit supra hastam erectam litteram Alpha);
4. **et Omega** (incidit subtus hastam erectam litteram Omega).
5. **Ipsius sunt témpora** (incidit primum numerum anni currentis in angulo sinistro superiore crucis);
6. **et sécula** (incidit secundum numerum anni currentis in angulo dextro superiore crucis).
7. **Ipsi glória et impérium** (incidit tertium numerum anni currentis in angulo sinistro inferiore crucis);
8. **per univérsa æternitátis sécula. Amen** (incidit quartum numerum anni currentis in angulo dextro inferiore crucis).



11. Incisione crucis et aliorum signorum peracta, sacerdos infigere potest in cereum quinque grana incensi, in modum crucis, interim dicens:

- |                            |       |
|----------------------------|-------|
| 1. Per sua sancta vûnera   | 1     |
| 2. gloriósa                |       |
| 3. custódiat               | 4 2 5 |
| 4. et consérvet nos        |       |
| 5. Christus Dóminus. Amen. | 3     |

12. De novo igne sacerdos accendit cereum paschalem, dicens:

**Lumen Christi glorióse resurgéntis  
díssipet ténebras cordis et mentis.**

Elementa quæ præcedunt, omnia vel aliqua tantum adhiberi possunt, pro rerum et locorum adiunctis pastoralibus. Conferentiæ autem Episcopales possunt etiam alias formas statuere, populorum ingenio magis accommodatas.

13. Ubi propter difficultates forte occurrentes non accenditur rogus, benedictio ignis circumstantiis aptatur. Populo ut alias in ecclesia congregato, sacerdos cum ministris cereum paschalem deferentibus venit ad portam ecclesiæ. Populus, quantum fieri potest, vertit se ad sacerdotem.

Fit salutatio et monitio, ut supra n. 8, deinde benedicuntur ignis (n. 9) et, si placuerit, præparatur et accenditur cereus, ut supra nn. 10-12.

### *Processio*

14. Deinde diaconus vel, ipso deficiente, sacerdos accipit cereum paschalem et, ipsum elevatum tenens, cantat solus:

**Lumen Christi.**

Et omnes respondent:

**Deo grátias.**

Conferentiæ Episcopales ditiorem acclamationem statuere possunt.

Deinde omnes ingrediuntur in ecclesiam, præcedente diacono cum cereo paschali. Si adhibetur incensum, thuriferarius cum thuribulo fumigante pergit ante diaconum.

15. Ad portam ecclesiæ, diaconus, stans et elevans cereum, iterum cantat:

**Lumen Christi.**

Et omnes respondent:

**Deo grátias.**

Et candelas suas accendunt de igne cerei paschalis et procedunt.

16. Diaconus, cum venerit ante altare, stans versus ad populum tertio cantat:

**Lumen Christi.**

Et omnes respondent:

**Deo grátias.**

Et accenduntur lampades per ecclesiam.

### *Præconium paschale*

17. Cum ad altare pervenerit, sacerdos vadit ad sedem suam. Diaconus autem ponit cereum pascalem super candelabrum paratum in medio presbyterii vel iuxta ambonem; deinde, imposito, si adhibetur, thure sicut ad Evangelium in Missa, petit et accipit benedictionem a sacerdote dicente submissa voce:

**Dóminus sit in corde tuo et in lábiis tuis, ut digne et competénter annúnties suum paschále præcónium: in nómine Patris, et Fílii, ✠ et Spíritus Sancti.**

**℞. Amen.**

Quæ benedictio omittitur, si præconium annuntiatur ab alio qui non sit diaconus.

Diaconus, vel eo deficiente, ipse sacerdos, incensatis, pro opportunitate, libro et cereo, annuntiat præconium paschale in ambone vel pulpito, omnibus stantibus et candelas accensas in manibus tenentibus.

Præconium paschale annuntiari potest, pro necessitate, etiam a cantore qui non sit diaconus: qui tamen omittit verba **Quapropter astantes vos usque ad finem invitationis, necnon salutationem Dóminus vobiscum.**

Præconium forma etiam brevior cantari potest. Conferentiæ insuper Episcopales ipsum præconium aptare possunt per aliquas populi acclamationes in ipsum inserendas.

### Præconii paschalis forma longior

18. Exsúltet iam angélica turba cælórum:  
 exsúltent divína mystéria:  
 et pro tanti Regis victória tuba insonet salutáris.  
 Gáudeat et tellus tantis irradiáta fulgóribus:  
 et, ætérni Regis splendóre illustráta,  
 totíus orbis se séntiat amisísse caliginem.  
 Lætétur et mater Ecclésia,  
 tanti lúminis adornáta fulgóribus:  
 et magnis populórum vóciibus hæc aula resúltet.  
 (Quapropter astantes vos, fratres caríssimi,  
 ad tam miram huius sancti lúminis claritátem,  
 una mecum, quæso,  
 Dei omnipoténtis misericórdiam invocáte.  
 Ut, qui me non meis méritis  
 intra Levitárum númerum dignátus est aggregáre,  
 lúminis sui claritátem infúndens,  
 cérei huius laudem implére perficiat).

(**✠. Dóminus vobiscum.**

**℞. Et cum spíritu tuo.)**

**✠. Sursum corda.**

**℞. Habémus ad Dóminum.**

**✠. Grátias agámus Dómino Deo nostro.**

**℞. Dignum et iustum est.**

Vere dignum et iustum est,  
 invisibilem Deum Patrem omnipoténtem



Filiúmque eius unigénitum,  
 Dóminum nostrum Iesum Christum,  
 toto cordis ac mentis afféctu  
 et vocis ministério personáre.

Qui pro nobis ætérno Patri Adæ débitum solvit,  
 et véteris piáculi cautionem pio cruóre detérsit.

Hæc sunt enim festa paschália,  
 in quibus verus ille Agnus occíditur,  
 cuius sánguine postes fidélium consecrántur.

Hæc nox est,  
 in qua primum patres nostros,  
 filios Israel edúctos de Ægýpto,  
 Mare Rubrum sicco vestigio transíre fecísti.

Hæc igitur nox est,  
 quæ peccatórum ténebras  
 colúmnæ illuminatione purgávit.

Hæc nox est,  
 quæ hódie per univérsum mundum in Christo credéntes,  
 a vítiis sáeculi et calígine peccatórum segregátos,  
 reddit grátia, sóciat sanctitati.

Hæc nox est,  
 in qua, destrúctis vínculis mortis,  
 Christus ab ínferis victor ascéndit.

Nihil enim nobis nasci prófuit, nisi rédimi profuísset.  
 O mira circa nos tuæ pietátis dignátio!  
 O inæstimábilis diléctio caritátis:  
 ut servum redímeres, Fílium tradidísti!

O certe necessárium Adæ peccátum,  
 quod Christi morte delétum est!

O felix culpa,  
 quæ talem ac tantum mérui habére Redemptórem!

O vere beáta nox,  
quæ sola méruit scire tempus et horam,  
in qua Christus ab inferis resurrexit!

Hæc nox est, de qua scriptum est:  
Et nox sicut dies illuminábitur:  
et nox illuminátio mea in delíciis meis.

Huius ígitur sanctificátio noctis  
fugat scélera, culpas lavat:  
et reddit innocéntiam lapsis et mæstis lætítiam.  
Fugat ódia, concórdiam parat et curvat impéria.

In huius ígitur noctis grátia,  
súscipe, sancte Pater,  
laudis huius sacrificium vespertínium,  
quod tibi in hac cérei oblatióne sollémni,  
per ministrórum manus de opéribus apum,  
sacrosáncta reddit Ecclésia.

Sed iam colúmnæ huius præcónia nóvimus,  
quam in honórem Dei rútilans ignis accéndit.

Qui, licet sit divísus in partes,  
mutuáti tamen lúminis detriménta non novit.  
Alitur enim liquántibus ceris,  
quas in substántiam pretiósæ huius lámpadis  
apis mater edúxit.

O vere beáta nox,  
in qua terrénis cæléstia, humánis divína iungúntur!

Orámus ergo te, Dómine,  
ut céreus iste in honórem tui nóminis consecrátus,  
ad noctis huius caliginem destruéndam,  
indeficiens persevéret.

Et in odórem suavitátis accéptus,  
supérnis lumináribus misceátur.  
Flammas eius lúcifer matutínus invéniat:  
Ille, inquam, lúcifer, qui nescit occásum:

Christus Fílius tuus,  
qui, regréssus ab ínferis, humano géneri serénus illúxit,  
et vivit et regnat in sæcula sæculórum.

℞. Amen.

**Præconií paschalls forma brevior**

19. Exsúltet iam angélica turba cælórum:  
exsúltent divína mystéria:  
et pro tanti Regis victória tuba ínsonet salutáris.  
Gáudeat et tellus tantis irradiáta fulgóribus:  
et, ætéрни Regis splendóre illustráta,  
totíus orbis se séntiat amisísse calíginem.  
Lætétur et mater Ecclésia,  
tanti lúminis adornáta fulgóribus:  
et magnis populórum vóciſus hęc aula resúltet.

(℣. Dóminus vobíscum.

℞. Et cum spírítu tuo.)

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est,  
invisíblem Deum Patrem omnipoténtem  
Filiúmque eius unigénitum,  
Dóminum nostrum Iesum Christum,  
toto cordis ac mentis afféctu  
et vocis ministério personáre.

Qui pro nobis ætéрно Patri Adæ débitum solvit,  
et véteris piáculi cautiónem pio cruóre detérsit.

Hęc sunt enim festa paschália,  
in quibus verus ille Agnus occíditur,  
cuius sánguine postes fidélium consecrántur.

Hæc nox est,  
in qua primum patres nostros,  
filios Israel eductos de Ægypto,  
Mare Rubrum sicco vestigio transire fecisti.

Hæc igitur nox est,  
quæ peccatorum ténebras  
columænæ illuminatione purgavit.

Hæc nox est,  
quæ hodie per univèrsum mundum in Christo credentes,  
a vitiis sæculi et caligine peccatorum segregatos,  
reddit gratiæ, sociat sanctitati.

Hæc nox est,  
in qua, destructis vinculis mortis,  
Christus ab inferis victor ascendit.

O mira circa nos tuæ pietatis dignatio!  
O inestimabilis dilectio caritatis:  
ut servum redimeres, Filium tradidisti!

O certe necessarium Adæ peccatum,  
quod Christi morte delétum est!

O felix culpa,  
quæ talem ac tantum méruit habere Redemptorem!

Huius ergo sanctificatio noctis  
fugat scélera, culpas lavat:  
et reddit innocentiam lapsis et mæstis lætítiam.

O vere beáta nox,  
in qua terrénis cælestia, humanis divína iungúntur!

In huius igitur noctis gratia,  
súscipe, sancte Pater,  
laudis huius sacrificium vespertinum,  
quod tibi in hac cérei oblatione sollémni,  
per ministrorum manus de opéribus apum,  
sacrosáncta reddit Ecclésia.

Orámus ergo te, Dómine,  
 ut céreus iste in honórem tui nóminis consecrátus,  
 ad noctis huius caliginem destruéndam,  
 indeficiens perseveret.  
 Et in odórem suavitátis accéptus,  
 supérnis lumináribus misceátur.  
 Flammas eius lúcifer matutínus invéniat:  
 Ille, inquam, lúcifer, qui nescit occásum:  
 Christus Fílius tuus,  
 qui, regréssus ab ínferis, humáno géneri serénus illúxit,  
 et vivit et regnat in sæcula sæculórum.

℞. Amen.

### Pars secunda

#### Liturgia verbi

20. In hac Vigilia, matre omnium Vigiliarum, proponuntur novem lectiones, scilicet septem e Vetere Testamento et duæ e Novo (Epistola et Evangelium).

21. Si circumstantiæ pastorales id postulant, minui potest numerus lectionum e Vetere Testamento; semper tamen attendatur lectionem verbi Dei esse partem fundamentalem huius Vigiliæ paschalis. Leguntur saltem tres lectiones e Vetere Testamento desumptæ, et in casibus urgentioribus saltem duæ. Numquam omittatur lectio cap. 14 Exodi.

22. Depositis candelis, omnes sedent. Antequam incipiantur lectiones, sacerdos populum admonet, his vel similibus verbis:

Vigíliam sollémniter ingrési, fratres caríssimi,  
 quiéto còrde nunc verbum Dei audiámus.  
 Meditémur, quómo-do Deus pópulum suum  
 elápsis tempóribus salvum fécerit,  
 et novíssime nobis Fílium suum míserit Redemptórem.  
 Orémus, ut Deus noster hoc paschále salvatiónis opus  
 ad plenam redemptiόνem perficiat.

23. Deinde sequuntur lectiones. Lector ad ambonem pergit et primam lectionem profert. Postea psalmista seu cantor psalmum dicit, populo responsum proferente. Omnibus deinde surgentibus, sacerdos dicit: **Orémus**, et, postquam omnes per aliquod tempus in silentio oraverint, dicit collectam.

Loco psalmi responsorii servari potest spatium sacri silentii, ommissa hoc in casu pausa post **Orémus**.

### Lectio prima \*

*Vidit Deus cuncta quæ fecerat,  
et erant valde bona.*

#### Lectio libri Génesis

1, 1 — 2, 2

In principio creávit Deus cælum et terram. Terra autem erat inánis et vácuá, et ténebræ erant super fáciem abyssi, et spíritus Dei ferebátur super aquas.

Dixitque Deus: « Fiat lux ». Et facta est lux. Et vidit Deus lucem quod esset bona et divisit lucem a ténebris. Appellávitque lucem « diem » et ténebras « noctem ». Factúmque est vésperere et mane, dies unus.

Dixit quoque Deus: « Fiat firmaméntum in médio aquárum et dívidat aquas ab aquis ». Et fecit Deus firmaméntum, divisitque aquas, quæ erant sub firmaménto, ab his quæ erant super firmaméntum. Et factum est ita. Vocávitque Deus firmaméntum « cælum ». Et factum est vésperere et mane, dies secúndus.

Dixit vero Deus: « Congregéntur aquæ, quæ sub cælo sunt, in locum unum, et appáreat árida ». Et factum est ita. Et vocávit Deus áridam « terram », congregationésque aquárum appellávit « mária ». Et vidit Deus quod esset bonum.

Et ait: « Gérminet terra herbam viréntem et faciéntem semen, et lignum pomíferum fáciens fructum iuxta genus suum, cuius semen in semetípso sit super terram ». Et factum est ita. Et prótulit terra herbam viréntem et faciéntem semen iuxta genus suum, lignúm-

que faciens fructum et habens unumquodque sementem secundum speciem suam. Et vidit Deus quod esset bonum. Et factum est vespere et mane, dies tertius.

Dixit autem Deus: « Fiant luminaria in firmamento cæli et dividant diem ac noctem; et sint in signa et tempora et dies et annos, ut luceant in firmamento cæli et illuminent terram ». Et factum est ita. Fecitque Deus duo luminaria magna: luminare maius, ut præsetter diæi, et luminare minus, ut præsetter nocti, et stellas. Et posuit eas in firmamento cæli, ut lucerent super terram et præssent diæi ac nocti et dividerent lucem ac tenebras. Et vidit Deus quod esset bonum. Et factum est vespere et mane, dies quartus.

Dixit etiam Deus: « Producant aquæ réptile animæ vivéntis, et volátile super terram sub firmamento cæli ». Creavitque Deus cete grándia et omnem animam vivéntem atque motábilem, quam produxerant aquæ in species suas, et omne volátile secundum genus suum. Et vidit Deus quod esset bonum, benedixitque eis dicens: « Crescite et multiplicámini et repléte aquas maris, avésque multiplicéntur super terram ». Et factum est vespere et mane, dies quintus.

Dixit quoque Deus: « Producat terra animam vivéntem in genere suo, iuménta et reptília et béstias terræ iuxta species suas ». Factumque est ita. Et fecit Deus béstias terræ iuxta species suas et iuménta et omne réptile terræ in genere suo. Et vidit Deus quod esset bonum.

Et ait: « Faciámus hóminem ad imáginem et similitúdinem nostram; et præsit píscibus maris et volatilibus cæli et béstiis universæque terræ omnique réptili, quod movétur in terra ». Et creavit Deus hóminem ad imáginem suam; ad imáginem Dei creavit illum: másculum et féminam creavit eos.

Benedixitque illis Deus et ait: « Crésците et multiplicámini, et repléte terram et subícite eam; et dominámini piscibus maris et volatilibus cæli et univérsis animántibus, quæ movéntur super terram ». Dixitque Deus: « Ecce dedi vobis omnem herbam afferéntem semen super terram et univérsa ligna, quæ habent in semetipsis seméntem géneris sui, ut sint vobis in escam et cunctis animántibus terræ omnique vólucris cæli et univérsis quæ movéntur in terra et in quibus est ánima vivens, ut hábeant ad vescéndum ». Et factum est ita. Viditque Deus cuncta quæ fécerat, et erant valde bona. Et factum est véspere et mane, dies sextus.

Igitur perfécti sunt cæli et terra et omnis ornátus eórum. Complevitque Deus die séptimo opus suum, quod fécerat, et requiévít die séptimo ab univérso ópere quod patrát. — Verbum Dómini.

---

### vel brevior

#### Léctio libri Génesis

1, 1. 26-31 a

In princípío creávit Deus cælum et terram.

Et ait: « Faciámus hóminem ad imáginem et similitúdinem nostram; et præsit piscibus maris et volatilibus cæli et béstiis universæque terræ omnique réptili, quod movétur in terra ». Et creávit Deus hóminem ad imáginem suam; ad imáginem Dei creávit illum: másculum et féminam creávit eos.

Benedixitque illis Deus et ait: « Crésците et multiplicámini, et repléte terram et subícite eam; et dominámini piscibus maris et volatilibus cæli et univérsis animántibus, quæ movéntur super terram ». Dixitque Deus: « Ecce dedi vobis omnem herbam afferéntem semen super terram et univérsa ligna, quæ habent in



semetipsis seméntem géneris sui, ut sint vobis in escam et cunctis animántibus terræ omníque vólucris cæli et univérsis quæ movéntur in terra et in quibus est ánima vivens, ut hábeant ad vescéndum ». Et factum est ita. Vidítque Deus cuncta quæ fécerat, et erant valde bona. — Verbum Dómini.

**Psalmus responsorius**

Ps 103, 1-2 a. 5-6. 10 et 12. 13-14. 24 et 35 c  
(R.: cf. 30)

**R.** Emítte spíritum tuum, Dómine,  
et rénova fáciem terræ.

- 1** Bénedic, ánima mea, Dómino:  
Dómine Deus meus, magnificátus es veheménter.  
Confessióem et decórem induísti,  
**2** amíctus lúmine sicut vestiménto. **R.**
- 5** Qui fundásti terram super stabilitátem suam,  
non inclinábitur in séculum séculi.  
**6** Abýssus sicut vestiméntum opéruit eam,  
super montes stabant aquæ. **R.**
- 10** Qui emíttis fontes in torréntes;  
inter médium móntium pertransíbunt.  
**12** Super ea vólucres cæli habitábunt,  
de médio ramórum dabunt voces. **R.**
- 13** Rigas montes de cenáculis tuis,  
de fructu óperum tuórum sáticas terram.  
**14** Producis fenum iuméntis,  
et herbam serviéntibus hómini. **R.**
- 24** Quam multiplicáta sunt ópera tua, Dómine:  
ómnia in sapiéntia fecísti,  
impléta est terra creatúra tua.  
**35** Bénedic, ánima mea, Dómino. **R.**

vel Ps 32, 4-5. 6-7. 12-13. 20 et 22 (R.: 5 b)

R. Misericórdia Dómini plena est terra.

- 4 Quia rectum est verbum Dómini,  
et ómnia ópera eius in fide.
- 5 Diligit iustítiam et iudícium,  
misericórdia Dómini plena est terra. R.
- 6 Verbo Dómini cæli facti sunt,  
et spírítu oris eius omnis virtus eórum.
- 7 Cóngregans sicut in utre aquas maris,  
ponens in thesáuris abýssos. R.
- 12 Beáta gens, cui Dóminus est Deus,  
pópulus, quem elégit in hereditátem sibi.
- 13 De cælo respéxit Dóminus,  
vidit omnes filios hóminum. R.
- 20 Anima nostra sústinet Dóminum,  
quóniam adiútor et protéctor noster est.
- 22 Fiat misericórdia tua, Dómine, super nos,  
quemádmódum sperávimus in te. R.

24. Post primam lectionem (De creatione):

Orémus.

Omnípotens sempitérne Deus,  
qui es in ómnium óperum tuórum dispensatióne mirábilis,  
intéllegant redépti tui, non fuisse excelléntius,  
quod inítio factus est mundus,  
quam quod in fine sæculórum  
Pascha nostrum immolátus est Christus.  
Qui vivit et regnat in sæcula sæculórum.

R. Amen.

Vel (De creatione hominis):

Orémus.

Deus, qui mirabiliter creásti hóminem  
et mirabilius redemísti,  
da nobis, quæsumus,  
contra oblectaménta peccáti mentis ratióne persístere,  
ut mereámur ad æténa gáudia perveníre.  
Per Christum Dóminum nostrum.

℞. Amen.

### Lectio secunda \*

*Sacrificium Patriarchæ nostri Abrahamæ.*

Léctio libri Génesis

22, 1-18

In diébus illis:

Tentávit Deus Abraham et dixit ad eum: « Abraham, Abraham ». At ille respóndit: « Adsum ». Ait illi: « Tolle filium tuum unigénitum, quem díligis, Isaac, et vade in terram visiónis, atque ibi ófferes eum in holocáustum super unum móntium, quem monstrávero tibi ».

Igitur Abraham de nocte consúrgens stravit ásinum suum, ducens secum duos iúvenes et Isaac filium suum; cumque concidisset ligna in holocáustum, ábiit ad locum, quem præcéperat ei Deus. Die autem tértio, elevátis óculis, vidit locum procul, dixitque ad púeros suos: « Exspectáte hic cum ásino: ego et puer illuc usque properántes, postquam adoravérimus, revertémur ad vos ».

Tulit quoque ligna holocáusti et impósuit super Isaac filium suum; ipse vero portábat in mánibus ignem et gládium. Cumque duo pérgerent simul, dixit Isaac patri suo: « Pater mi ». At ille respóndit: « Quid vis, fili? » - « Ecce, inquit, ignis et ligna; ubi est víc-

tima holocáusti? » Dixit autem Abraham: « Deus providébit sibi víctimam holocáusti, fili mi ». Pergébant ergo páriter.

Et venérunt ad locum, quem osténderat ei Deus, in quo ædificávit altáre, et désuper ligna compósuit. Cumque alligásset Isaac fílium suum, pósuit eum in altáre super struem lignórum, extendítque manum, et arrípuit gládium, ut immoláret fílium suum.

Et ecce Angelus Dómini de cælo clamávit dicens: « Abraham, Abraham ». Qui respóndit: « Adsum ». Dixítque ei: « Non exténdas manum tuam super púerum, neque fácias illi quidquam: nunc cognóvi quod times Deum, et non pepercísti unigénito fílio tuo propter me ». Levávit Abraham óculos suos, vidítque post tergum arietem inter vepres hæréntem córnibus, quem assúmens obtulit holocáustum pro fílio. Appellávitque nomen loci illíus « Dóminus videt ». Unde usque hódie dicitur: « In monte Dóminus vidébit ».

Vocávit autem Angelus Dómini Abraham secúndo de cælo dicens: « Per memetípsum iurávi, dicit Dóminus: quia fecísti hanc rem et non pepercísti fílio tuo unigénito propter me, benedicám tibi et multiplicábo semen tuum sicut stellas cæli et velut arénam, quæ est in líttore maris; possidébit semen tuum portas inimicórum suórum, et benedicéntur in sémine tuo omnes gentes terræ, quia obœdísti voci meæ ».

Verbum Dómini.

vel brevior

Léctio libri Génesis 22, 1-2. 9 a. 10-13. 15-18

In diébus illis:

Tentávit Deus Abraham et dixit ad eum: « Abraham, Abraham ». At ille respóndit: « Adsum ». Ait

illi: « Tolle filium tuum unigenitum, quem diligis, Isaac, et vade in terram visionis, atque ibi offeres eum in holocaustum super unum montium, quem monstravero tibi ».

Et venerunt ad locum, quem ostenderat ei Deus, in quo ædificavit altare, et desuper ligna composuit. Extenditque manum et arripuit gladium, ut immolaret filium suum.

Et ecce Angelus Domini de cælo clamavit dicens: « Abraham, Abraham ». Qui respondit: « Adsum ». Dixitque ei: « Non extendas manum tuam super puerum, neque facias illi quidquam: nunc cognovi quod times Deum, et non pepercisti unigenito filio tuo propter me ». Levavit Abraham oculos suos, viditque post tergum arrietem inter vepres hærentem cornibus, quem assumens obtulit holocaustum pro filio.

Vocavit autem Angelus Domini Abraham secundo de cælo dicens: « Per memetipsum iuravi, dicit Dominus: quia fecisti hanc rem et non pepercisti filio tuo unigenito propter me, benedicam tibi et multiplicabo semen tuum sicut stellas cæli et velut arenam, quæ est in littore maris; possidebit semen tuum portas inimicorum suorum, et benedicentur in semine tuo omnes gentes terræ, quia obcedisti voci meæ ».

Verbum Domini.

**Psalmus responsorius Ps 15, 5 et 8. 9-10. 11 (R.: 1)**

**R.** Conserva me, Deus, quoniam speravi in te.

**5** Dominus pars hereditatis meæ et calicis mei:  
tu es qui detines sortem meam.

**8** Proponēbam Dominum in conspectu meo semper,  
quoniam a dextris est mihi, non commovēbor. **R.**

Propter hoc lætátum est cor meum,  
 et exsultavérunt præcórdia mea;  
 însuper et caro mea requiészet in spe.  
 Quóniam non derelínques ánimam meam in inférno,  
 nec dabis sanctum tuum vidére corruptiónem. **R.**

Notas mihi fácies vias vitæ,  
 plenitúdinem lætítie cum vultu tuo,  
 delectatiónes in dèxtera tua usque in finem. **R.**

25. *Post secundam lectionem (De sacrificio Abrahæ):*

Orémus.

Deus, Pater summe fidélium,  
 qui promissionis tuæ filios diffúsa adoptiόνis grátia  
 in toto terrárum orbe multiplicas,  
 et per paschále sacraméntum  
 Abraham púerum tuum  
 universárum, sicut iurásti, géntium éfficis patrem,  
 da pópulis tuis digne ad grátiam tuæ vocatiόνis intráre.  
 Per Christum Dóminum nostrum.

**R. Amen.**

### Lectio tertia

*Ingressi sunt filii Israel per medium sicci maris.*

Léctio libri Exodi

14, 15 — 15, 1

In diébus illis:

Dixit Dóminus ad Móysen: « Quid clamas ad me? Lóquere filiis Israel ut proficiscántur. Tu autem eleva virgam tuam, et exténde manum tuam super mare, et dívide illud, ut gradiántur filii Israel in médio mari per siccum. Ego autem indurábo cor Ægyptiórum ut persequántur vos; et glorificábor in Pharaóne et in omni exércitu eius et in cúrribus et in equítibus illús.

Et scient Ægyptii quia ego sum Dóminus, cum glori-  
ficátus fúero in Pharaóne et in curríbus atque in equi-  
tibus eius ».

Tollénsque se Angelus Dei, qui præcedébat castra  
Israel, ábiit post eos; et cum eo páriter columna nubis  
prióra dimíttens post tergum, stetit inter castra Ægyp-  
tiórum et castra Israel; et erat nubes tenebrósa et il-  
luminans noctem, ita ut ad se ínvicem toto noctis tém-  
pore accédere non valérent.

Cumque extendísset Móyses manum super mare,  
ábstulit illud Dóminus, flante vento veheménti et urénte  
tota nocte, et vertit in siccum; divisáque est aqua. Et  
ingréssi sunt filii Israel per médium sicci maris; erat  
enim aqua quasi murus a dextra eórum et læva. Per-  
sequentésque Ægyptii ingréssi sunt post eos et omnis  
equitátus Pharaónis, currus eius et équites per mé-  
dium maris.

Iamque advénerat vigília matutína, et ecce respi-  
ciens Dóminus super castra Ægyptiórum per columnam  
ignis et nubis, interfécit exercitum eórum; et subvértit  
rotas curruum, ferebantúrque in profúndum. Dixérunt  
ergo Ægyptii: « Fugiámus Israélem; Dóminus enim  
pugnat pro eis contra nos ».

Et ait Dóminus ad Móysen: « Exténde manum  
tuam super mare, ut revertántur aquæ ad Ægyptios su-  
per currus et équites eórum ». Cumque extendísset  
Móyses manum contra mare, revérsum est primo dilúculo  
ad priórem locum; fugientibúsque Ægyptiis occurré-  
runt aquæ, et invólvit eos Dóminus in médiis flúctibus.  
Reversæque sunt aquæ et operuérunt currus et équites  
cuncti exercitus Pharaónis, qui sequéntes ingréssi fúe-  
rant mare; nec unus quidem superfuit ex eis. Filii  
autem Israel perrexérunt per médium sicci maris, et  
aquæ eis erant quasi pro muro a dextris et a sinístris.

Liberavítque Dóminus in die illa Israel de manu Ægyptiórum. Et vidérunt Ægyptios mórtuos super litus maris et manum magnam, quam exercúerat Dóminus contra eos; timúitque pópulus Dóminum, et credidérunt Dómino et Móysi servo eius.

Tunc cécinít Móyses et filii Israel carmen hoc Dómino, et dixerunt:

Psalmus responsorius

Ex 15, 1-2. 3-4. 5-6. 17-18 (R.: 1 a)

R. Cantémus Dómino: glorióse enim magnificátus est.

1 Cantémus Dómino: glorióse enim magnificátus est:  
equum et ascensórem deiécit in mare.

2 Fortitúdo mea et laus mea Dóminus,  
et factus est mihi in salútem;  
iste Deus meus, et glorificábo eum;  
Deus patris mei, et exaltábo eum. R.

3 Dóminus quasi vir pugnátor;  
omnípotens nomen eius.

4 Currus Pharaónis et exércitum eius proiécit in mare;  
elécti príncipes eius submérsi sunt in Mari Rubro. R.

5 Abýssi operuérunt eos;  
descendérunt in profúndum quasi lapis.

6 Dómina tua, Dómine, magnificáta est in fortitúdine;  
dómina tua, Dómine, percússit inimicum. R.

7 Introduces eos, et plantábis in monte hereditátis tuæ,  
firmíssimo habitáculo tuo, quod operátus es, Dómine,  
sanctuárium tuum, Dómine, quod firmavérunt manus tuæ.

8 Dóminus regnábít in ætérnum et ultra. R.

26. Post tertiam lectionem (De transitu Maris Rubri):

Orémus.

Deus, cuius antíqua mirácula  
étiam nostris tempóribus coruscáre sentímus,



dum, quod uni pópulo  
 a persecutióne Pharaónis liberándo  
 dexteræ tuæ poténtia contulisti,  
 id in salutem géntium per aquam regeneratiónis operáris,  
 præsta, ut in Abrahæ filios et in Israelíticam dignitátem  
 totíus mundi tránseat plenitúdo.  
 Per Christum Dóminum nostrum.

✠. Amen.

Vel:

Orémus.

Deus, qui primis temporibus  
 impléta miracula novi testaménti luce reserásti,  
 ut et Mare Rubrum forma sacri fontis exsisteret,  
 et plebs a servitúte liberáta  
 christiáni pópuli sacraménta præferret,  
 da, ut omnes gentes,  
 Israëlís privilégium mérito fidei consecútæ,  
 Spíritus tui participatióne regeneréntur.  
 Per Christum Dóminum nostrum.

✠. Amen.

### Lectio quarta

*In misericordia sempiterna,  
 redemptor tuus Dominus misertus est tui.*

Lectio libri Isaíæ prophétæ

54, 5-14

Dominábitur tui qui fecit te; Dóminus exercítuum  
 nomen eius, et redémptor tuus, Sanctus Israel, Deus  
 omnis terræ vocábitur.

Quia ut mulierem derelictam et mærentem spíritu  
 vocávit te Dóminus, et uxórem ab adolescéntia abiéctam,  
 dixit Deus tuus. Ad punctum in módico derelíqui te,

et in miseratióibus magnis congregábo te. In mométo indignatiónis abscondi fáciem meam parúmper a te, et in misericórdia sempitérna misértus sum tui, dixit redémptor tuus Dóminus.

Sicut in diébus Noe istud mihi est, cui iurávi ne indúcerem aquas Noe ultra supra terram; sic iurávi ut non iráscar tibi et non increpem te. Montes enim commovebúntur, et colles contremíscent; misericórdia autem mea non recédet a te, et foedus pacis meæ non movébitur, dixit miserátor tuus Dóminus.

Paupércula, tempestáte convúlta absque ulla consolatióne, ecce ego sternam per órđinem lápides tuos et fundábo te in sapphíris; et ponam iáspidem propugnácula tua, et portas tuas in lápides sculptos et omnes términos tuos in lápides desiderábiles, univérsos filios tuos doctos a Dómino, et multitudinem pacis filiis tuis, et in iustítia fundáberis. Recéde procul a calúmnia, quia non timébis, et a pavóre, quia non appropinquábit tibi. — Verbum Dómini.

### Psalmus responsorius

Ps 29, 2 et 4. 5-6. 11 et 12 a et 13 b (R.: 2 a)

R. Exaltábo te, Dómine, quóniam extraxísti me.

<sup>2</sup> Exaltábo te, Dómine, quóniam extraxísti me, nec delectásti inimícos meos super me.

<sup>4</sup> Dómine, eduxísti ab inférno ánimam meam, vivificásti me, ut non descénderem in lacum. R.

Psállite Dómino, sancti eius,

et confitémini memóriæ sanctitátis eius.

Quóniam ad moméntum indignatio eius,

et per vitam volúntas eius.

Ad vésperum demorátur fletus,

ad matutínium lætítia. R.

- <sup>11</sup> Audi, Dómine, et miserére mei,  
Dómine, esto mihi adiutor.  
<sup>12</sup> Convertísti planctum meum in choros mihi.  
<sup>13</sup> Dómine Deus meus, in ætérnum confitébor tibi. **R.**

**27. Post quartam lectionem (De nova Ierusalem):**

**Orémus.**

Omnípotens sempitérne Deus,  
multiplica in honórem nóminis tui  
quod patrum fidei spondísti,  
et promissionis filios sacra adoptióne diláta,  
ut, quod prióres sancti non dubitavérunt futúrum,  
Ecclésia tam magna ex parte  
iam cognóscat implétum.

Per Christum Dóminum nostrum.

**R. Amen.**

**Vel alia ex orationibus, quæ sequuntur lectiones omissas.**

### **Lectio quinta**

*Venite ad me, et vivet anima vestra,  
et feriam vobiscum pactum sempiternum.*

**Léctio libri Isaíæ prophétæ**

**55, 1-11**

**Hæc dicit Dóminus:**

« Omnes sitiéntes, veníte ad aquas; et qui non habétis argéntum properáte, émite et comédite; veníte, émite absque argénto et absque ulla commutatóne vinum et lac. Quare appénditis argéntum non in pánibus, et labórem vestrum non in saturitáte? Audíte, audiéntes me, et comédite bonum, et delectábitur in crassitúdine ánima vestra.

**Inclináte aurem vestram et veníte ad me; audíte, et vivet ánima vestra, et feriam vobiscum pactum sempi-**

térnum, misericórdias David fidéles. Ecce testem pópulis dedi eum, ducem ac præceptórem géntibus. Ecce gentem quam nesciébas vocábis, et gentes quæ te non cognovérunt ad te current propter Dóminum Deum tuum et Sanctum Israel, quia glorificávit te.

Quærite Dóminum dum inveníri potest; invocáte eum dum prope est. Derelínquat ímpius viam suam, et vir iníquus cogitatiónes suas; et revertátur ad Dóminum, et miserébitur eius; et ad Deum nostrum, quóniam multus est ad ignoscéndum. Non enim cogitatiónes meæ cogitatiónes vestræ, neque viæ vestræ viæ meæ, dicit Dóminus. Quia, sicut exaltántur cæli et terra, sic exaltátæ sunt viæ meæ a viis vestris, et cogitatiónes meæ a cogitatióibus vestris.

Et quómodo descéndit imber et nix de cælo, et illuc ultra non revértitur, sed inébríat terram, et infúndit eam, et germináre eam facit, et dat semen serénti et panem comedéti; sic erit verbum meum quod egrediétur de ore meo: non revertétur ad me vácuum, sed faciet quæcúmque vólui et prosperábitur in his ad quæ misi illud ». — Verbum Dómini.

Psalmus responsorius      Is 12, 2-3. 4 bcd. 5-6 (R.: 3)

R. Hauriétis aquas in gáudio de fóntibus Salvatóris.

Ecce Deus salvátor meus, fiduciáliter agam et non timébo, quia fortitúdo mea et laus mea Dóminus, et factus est mihi in salútem.

Hauriétis aquas in gáudio de fóntibus Salvatóris. R.

Confitémini Dómino et invocáte nomen eius, notas fácite in pópulis adinventiónes eius, mementóte quóniam excélsus est nomen eius. R.

Cantáte Dómino, quóniam magnífice fecit, annuntiáte hoc in univérsa terra.

6 Exsulta et lauda, habitatio Sion,  
quia magnus in medio tui Sanctus Israel. **℞.**

28. **Post quintam lectionem (De salute omnibus gratuito oblata):**

Orémus.

Omnipotens sempiternæ Deus,  
spes única mundi,  
qui prophetarum tuorum præconiis  
præsentium temporum declarasti mysteria,  
auge populi tui vota placatus,  
quia in nullo fidelium nisi ex tua inspiratione proveniunt  
quarumlibet incrementa virtutum.  
Per Christum Dominum nostrum.

**℞.** Amen.

### Lectio sexta

*Ambula per viam ad splendorem Domini.*

Lectio libri Baruch prophætæ 3, 9-15. 32 — 4, 4

Audi, Israel, mandata vitæ; auribus percipe, ut scias prudentiam. Quid est, Israel, quod in terra inimicorum es, inveterasti in terra aliena, coinquinatus es cum mortuis, deputatus es cum descendentibus in infernum? Dereliquisti fontem sapientiæ! Nam, si in via Dei ambulasses, habitasses utique in pace sempiterna. Disce ubi sit prudentia, ubi sit virtus, ubi sit intellectus, ut scias simul ubi sit longiturnitas vitæ et victus, ubi sit lumen oculorum et pax. Quis invenit locum eius, et quis intravit in thesauros eius?

Sed qui scit universa novit eam et adinvenit eam prudentia sua, qui preparavit terram in æterno tempore, et replavit eam pecudibus et quadrupedibus; qui emittit lumen et vadit, et vocavit illud et obcedit illi in tre-

móre. Stellæ autem dedérunt lumen in custódiis suis, et lætátæ sunt; vocátæ sunt et dixerunt: « Adsumus »; et luxérunt ei cum iucunditáte qui fecit illas.

Hic est Deus noster, et non æstimábitur álius advérsus eum; hic adinvénit omnem viam disciplínæ, et trádedit illam Iacob púero suo et Israel dilécto suo. Post hæc in terris visus est, et cum homínibus conversátus est. Hic liber mandatórum Dei et lex, quæ est in ætérnum; omnes qui tenent eam pervénient ad vitam, qui autem dereliquérunt eam in mortem.

Convértere, Iacob, et apprehénde eam, ámbula per viam ad splendórem eius contra lumen eius; ne tradas álteri glóriam tuam et dignitátem tuam genti aliénæ.

Beáti sumus, Israel, quia quæ Deo placent manifestáta sunt nobis. — Verbum Dómini.

### Psalmus responsorius

Ps 18, 8. 9. 10. 11 (R.: Io 6, 69)

R. Dómine, verba vitæ ætérnæ habes.

- 8 Lex Dómini immaculáta, refíciens ánimam, testimónium Dómini fidéle, sapiéntiam præstans párvulis. R.
- 9 Iustítiæ Dómini rectæ, lætificántes corda, præcéptum Dómini lícidum, illúminans óculos. R.
- 10 Timor Dómini mundus, pérmanens in sáculum sáculi, iudícia Dómini vera, iusta ómnia simul, R.
- 11 desiderabilia super aurum et lápidem pretiósum multum, et dulcióra super mel et favum stillántem. R.

29. Post sextam lectionem (De fonte sapientiæ):

Orémus.

Deus, qui Ecclésiám tuam  
semper géntium vocatióne múltiplicas,

concede propitius,  
 ut, quos aqua baptismatis abluis,  
 continua protectione tuearis.  
 Per Christum Dominum nostrum.  
 R. Amen.

## Lectio septima

*Effundam super vos aquam mundam,  
 et dabo vobis cor novum.*

Lectio libri Ezechielis prophetae      36, 16-17 a. 18-28

Factum est verbum Domini ad me dicens:

« Fili hominis, domus Israel habitaverunt in humo sua et polluerunt eam in viis suis et in studiis suis. Et effudi indignationem meam super eos pro sanguine, quem fuderunt super terram, et in idolis suis polluerunt eam. Et dispersi eos in gentes, et ventilati sunt in terras, iuxta vias eorum et adinventiones eorum iudicavi eos, et ingressi sunt ad gentes ad quas introierunt, et polluerunt nomen sanctum meum, cum diceretur de eis: " Populus Domini iste est, et de terra eius egressi sunt ". Et peperi nomini sancto meo, quod polluerat domus Israel in gentibus ad quas ingressi sunt.

Idcirco dices domui Israel: Hæc dicit Dominus Deus: " Non propter vos ego faciam, domus Israel, sed propter nomen sanctum meum, quod polluistis in gentibus ad quas intrastis. Et sanctificabo nomen meum magnum, quod pollutum est inter gentes, quod polluistis in medio earum, ut sciant gentes quia ego Dominus, ait Dominus exercituum, cum sanctificatus fuero in vobis coram eis.

Tollam quippe vos de gentibus, et congregabo vos de universis terris, et adducam vos in terram vestram;

et effúdam super vos aquam mundam, et mundabímini ab ómnibus inquinaméntis vestris, et ab univérsis idólis vestris mundábo vos.

Et dabo vobis cor novum, et spíritum novum ponam in médio vestri, et áuferam cor lapídeum de carne vestra, et dabo vobis cor cárneum, et spíritum meum ponam in médio vestri, et fáciam ut in præcéptis meis ambulétis et iudícia mea custodiátis et operémini. Et habitábitis in terra, quam dedi pátribus vestris, et éritis mihi in pópulum, et ego ero vobis in Deum " ».

Verbum Dómini.

### Psalmus responsorius

Ps 41, 3. 5 bcd; Ps 42, 3. 4 (p.: Ps 41, 2)

℞. Quemádmódu(m) desíderat cervus ad fontes aquárum,  
ita desíderat ánima mea ad te, Deus.

Sitívit ánima mea ad Deum, Deum vivum:  
quando véniam et apparebo ante fáciem Dei? ℞.

Quóniam transíbam in locum tabernáculi admirábilis  
usque ad domum Dei,  
in voce exsultatiónis et confessiόnis,  
multitúdinis festa celebrántis. ℞.

Emítte lucem tuam et veritátem tuam;  
ipsa me dedúcant et addúcant  
in montem sanctum tuum et in tabernácula tua. ℞.

Et introíbo ad altáre Dei,  
ad Deum lætítiæ exsultatiόnis meæ.  
Confitébor tibi in cíthara, Deus, Deus meus. ℞.

vel, quando celebratur baptisma

Is 12 ut supra (post lectionem quintam), p. 351.



vel etiam            Ps 50, 12-13. 14-15. 18-19 (R.: 12 a)

R. Cor mundum crea in me, Deus.

- <sup>12</sup> Cor mundum crea in me, Deus,  
et spírítum firmum ínno<sup>v</sup>a in vísceribus meis.
- <sup>13</sup> Ne prócias me a fácie tua,  
et spírítum sanctum tuum ne áuferas a me. R.
- <sup>14</sup> Redde mihi lætítiam salutáris tui,  
et spírítu promptíssimo confírma me.
- <sup>15</sup> Docébo iníquos vías tuas,  
et impíi ad te converténtur. R.
- <sup>18</sup> Non enim sacrificio delectáris,  
holocáustum, si ófferam, non placébit.
- <sup>19</sup> Sacrificium Deo spírítus contribulátus,  
cor contrítum et humiliátum, Deus, non despícies. R.
- 

30. Post septimam lectionem (De corde novo et spiritu novo):

Orémus.

Deus, incommutábilis virtus et lumen ætérnum,  
réspice propítius ad totíus Ecclésiæ sacraméntum,  
et opus salutis humánæ  
perpétuæ dispositiónis efféctu tranquillius operáre;  
totúsque mundus experiátur et vídeat  
deiécta érigi, inveteráta renovári  
et per ipsum Christum redíre ómnia in íntegrum,  
a quo sumpsére princípium.  
Qui vivit et regnat in sæcula sæculórum.

R. Amen.

Vel:

Orémus.

Deus, qui nos ad celebrándum paschále sacraméntum  
utriúsque Testaménti páginis ínstruis,

da nobis intellégere misericórdiam tuam,  
ut ex perceptióne præsentium múnerum  
firma sit exspectátio futurórum.

Per Christum Dóminum nostrum.

**R.** Amen.

31. Post ultimam lectionem e Vetere Testamento cum suo responsorio et sua oratione, accenduntur cerei altaris, et sacerdos intonat hymnum *Glória in excélsis Deo*, quem omnes prosequuntur, dum pulsantur campanæ, iuxta locorum consuetudines.

32. Expleto hymno, sacerdos dicit collectam, more solito.

**Orémus.**

Deus, qui hanc sacratíssimam noctem  
glória domínicæ resurrectionis illústras,  
éxcita in Ecclésia tua adoptiónis spíritum,  
ut, córpore et mente renováti,  
puram tibi exhibeámus servitútem.  
Per Dóminum.

33. Deinde lector profert lectionem de Apostolo.

### Epistola

*Christus suscitatus ex mortuis  
iam non moritur.*

Léctio Epístolæ beáti Pauli apóstoli ad Romános

6, 3-11

**Fratres:**

Ignorátis quia quicúmque baptizáti sumus in Christo Iesu, in morte ipsíus baptizáti sumus? Consepúlti ergo sumus cum illo per baptismum in mortem, ut quemádmódum suscitátus est Christus a mórtuis per glóriam Patris, ita et nos in novitáte vitæ ambulémus.

Si enim complantáti facti sumus similitúdini mortis eius, simul et resurrectionis érimus; hoc sciéntes, quia vetus homo noster simul crucifixus est, ut destruátur corpus peccáti, ut ultra non serviámus peccáto; qui enim mórtuus est iustificátus est a peccáto.

Si autem mórtui sumus cum Christo, crédimus quia simul étiam vivémus cum eo; sciéntes quod Christus suscitátus ex mórtuis iam non móritur, mors illi ultra non dominábitur. Quod enim mórtuus est, peccáto mórtuus est semel; quod autem vivit, vivit Deo. Ita et vos existimáte vos mórtuos quidem esse peccáto, vivéntes autem Deo in Christo Iesu.

Verbum Dómini.

34. *Finita Epistola, omnibus surgentibus, sacerdos sollemniter intonat Allelúia, quod omnes repetunt.*

*Deinde psalmista vel cantor profert psalmum, populo respondente Allelúia. Si necesse est, psalmista ipse Allelúia intonat*

*Psalmus responsorius Ps 117, 1-2. 16 ab-17. 22-23*

*℟. Allelúia, allelúia, allelúia.*

- <sup>1</sup> Confitémini Dómino, quóniam bonus,  
quóniam in sáculum misericórdia eius.
- <sup>2</sup> Dicat nunc Israel, quóniam bonus,  
quóniam in sáculum misericórdia eius. *℟.*
- <sup>16</sup> Délixtera Dómini fecit virtútem,  
délixtera Dómini exaltáta est.
- <sup>17</sup> Non móriar, sed vivam,  
et narrábo ópera Dómini. *℟.*
- <sup>22</sup> Lápídem quem reprobavérunt ædificántes,  
hic factus est in caput ánguli;
- <sup>23</sup> a Dómino factum est istud,  
et est mirábile in óculis nostris. *℟.*

35. *Ad Evangelium non portantur luminaria, sed tantum incensum, si adhibetur.*

## Evangelium

## Anno A

*Surrexit a mortuis et præcedit vos in Galilæam.*

✠ Lécio sancti Evangélii secúndum Matthæum 28, 1-10

Sero autem post sábbatum, cum illucésceret in primam sábbati, venit María Magdaléne et áltera María vidére sepúlcrum. Et ecce terræ motus factus est magnus: ángelus enim Dómini descéndit de cælo et accédens revólvit lápídem et sedébat super eum. Erat autem aspéctus eius sicut fulgur et vestiméntum eius cándidum sicut nix. Præ timóre autem eius extérriti sunt custódes et facti sunt velut mórtui.

Respóndens autem ángelus dixit muliéribus: « Nolíte timére vos, scio enim quod Iesum qui crucifíxus est quæritis. Non est hic: surrexit enim sicut dixit. Veníte, vidéte locum ubi pósitus erat. Et cito eúntes dícite discipulis eius: Surrexit a mórtuis, et ecce præcedit vos in Galilæam, ibi eum vidébitis. Ecce dixi vobis ».

Et exeúntes cito de monuménto cum timóre et magno gáudio, cucurrérunt nuntiáre discipulis eius.

Et ecce Iesus occúrrit illis dicens: « Avéte ». Illæ autem accessérunt et tenuérunt pedes eius et adoravérunt eum. Tunc ait illis Iesus: « Nolíte timére; ite, nuntiáte frátribus meis ut eant in Galilæam et ibi me vidébunt ». — Verbum Dómini.

## Anno B

*Iesus Nazarenus crucifíxus surrexit.*

✠ Lécio sancti Evangélii secúndum Marcum 16, 1-8

Cum transisset sábbatum, María Magdaléne et María Iacóbi et Salóme emérunt arómata ut veniéntes ún-

gerent Iesum. Et valde mane prima sabbatorum véniunt ad monuméntum orto iam sole.

Et dicébant ad invicem: « Quis revólvet nobis lápidem ab óstio monuménti? » Et respiciéntes vident revolútum lápidem; erat quippe magnus valde.

Et introeúntes in monuméntum vidérunt iúvenem sedéntem in dextris, coopértum stola cándida, et obstupuérunt.

Qui dicit illis: « Nolíte expavéscere; Iesum quæritis Nazarénum crucifixum: surrêxit, non est hic; ecce locus ubi posuérunt eum. Sed ite, dícite discipulis eius et Petro: Præcédit vos in Galiléam: ibi eum vidébitis sicut dixit vobis ».

Et exeúntes fugérunt de monuménto, inváserat enim eas tremor et pavor, et némini quicquam dixerunt, timébant enim. — Verbum Dómini.

## Anno C

*Quid quæritis viventem cum mortuis?*

✠ Lécio sancti Evangélii secúndum Lucam 24, 1-12

Prima sabbatorum, valde dilúculo venérunt mulieres ad monuméntum portántes quæ paráverant arómata. Et invenérunt lápidem revolútum a monuménto, et ingressæ non invenérunt corpus Dómini Iesu.

Et factum est, dum mente hæsitárent de isto, ecce duo viri stetérunt secus illas in veste fulgénti. Cum timérent autem, et declinárent vultum in terram, dixerunt ad illas: « Quid quæritis vivéntem cum mórtuis? Non est hic, sed surrêxit. Recordámini quáliter locútus est vobis cum adhuc in Galiléa esset, dicens: " Opórtet Fílium hóminis tradi in manus hóminum peccatórum et crucifígi et die tértia resúrgere " ».

Et recordátæ sunt verbórum eius, et regréssæ a monuménto nuntiavérunt hæc ómnia illis Undecim et

céteris ómnibus. Erat autem María Magdaléne et Ioánna et María Iacóbi; et céteræ cum eis dicébant ad Apóstolos hæc. Et visa sunt ante illos sicut deliraméntum verba ista, et non credébant illis.

Petrus autem surgens cucúrrit ad monuméntum, et procúbens videt linteámina sola; et rédiit ad sua, mirans quod factum fúerat. — Verbum Dómini.

36. Statim post Evangelium fit homilia. Deinde proceditur ad liturgiam baptismalem.

### Pars tertia

#### Liturgia baptismalis

37. Sacerdos cum ministris vadit ad fontem baptismalem, si hic est in conspectu fidelium. Secus ponitur vas cum aqua in presbyterio.

Vocantur, si adsunt, catechumeni, qui præsentantur a patrinis, vel, si sunt parvuli, portantur a parentibus et patrinis, in faciem ecclesiæ congregatæ.

38. Deinde sacerdos admonet astantes his vel similibus verbis:  
Si adsunt baptizandi

Précibus nostris, caríssimi,  
fratrum nostrórum beátam spem unánimes adiuvémus,  
ut Pater omnipotens ad fontem regeneratiónis eúntes  
omni misericórdiæ suæ auxilió prosequátur.

Si benedicendus est fons, sed non adsunt baptizandi

Dei Patris omnipoténtis grátiam,  
caríssimi, super hunc fontem súpplíces invocémus,  
ut qui ex eo renascéntur  
adoptióri filii in Christo aggregéntur.

39. Et canuntur litaníæ a duobus cantoribus, omnibus stantibus (propter tempus paschale) et respondentibus.

Si autem habenda sit longior processio ad baptisterium, litaníæ cantantur durante processione; quo in casu baptizandi vocantur ante processionem, et fit processio præcedente cereo pa-

schali, quem sequuntur catechumeni cum patrinis, deinde sacerdos cum ministris. Monitio autem fiat ante benedictionem aquæ.

40. Si non adsunt baptizandi, neque benedicendus est fons, omissis litaniis, statim proceditur ad benedictionem aquæ (n. 45).

41. In litaniiis addi possunt aliqua nomina Sanctorum, præsertim vero Titularis ecclesiæ vel Patronorum loci et eorum qui sunt baptizandi.

**Kýrie, eléison**

**Kýrie, eléison**

**Christe, eléison**

**Christe, eléison**

**Kýrie, eléison**

**Kýrie, eléison**

**Sancta María, Mater Dei**      ora pro nobis

**Sancte Michael**      ora pro nobis

**Sancti Angeli Dei**      oráte pro nobis

**Sancte Ioánnes Baptísta**      ora pro nobis

**Sancte Ioseph**      ora pro nobis

**Sancti Petre et Paule**      oráte pro nobis

**Sancte Andréa**      ora pro nobis

**Sancte Ioánnes**      ora pro nobis

**Sancta María Magdaléna**      ora pro nobis

**Sancte Stéphane**      ora pro nobis

**Sancte Ignáti Antiochéne**      ora pro nobis

**Sancte Lauréti**      ora pro nobis

**Sanctæ Perpétua et Felícitas**      oráte pro nobis

**Sancta Agnes**      ora pro nobis

**Sancte Gregóri**      ora pro nobis

**Sancte Augustíne**      ora pro nobis

**Sancte Athanási**      ora pro nobis

**Sancte Basíli**      ora pro nobis

**Sancte Martíne**      ora pro nobis

**Sancte Benedicte**      ora pro nobis

**Sancti Francíscæ et Domínice**      oráte pro nobis

<b>Sancte Francíscæ Xavier</b>	ora pro nobis
<b>Sancte Ioánnes María Vianney</b>	ora pro nobis
<b>Sancta Catharina Senénsis</b>	ora pro nobis
<b>Sancta Terésia de Avila</b>	ora pro nobis
<b>Omnes Sancti et Sanctæ Dei</b>	oráte pro nobis
<b>Propítius esto</b>	líbera nos, Dómine
<b>Ab omni malo</b>	líbera nos, Dómine
<b>Ab omni peccáto</b>	líbera nos, Dómine
<b>A morte perpétua</b>	líbera nos, Dómine
<b>Per incarnatióem tuam</b>	líbera nos, Dómine
<b>Per mortem et resurrectiόem</b>	
<b>tuam</b>	líbera nos, Dómine
<b>Per effusiόem Spíritus Sancti</b>	líbera nos, Dómine
<b>Peccatóres</b>	te rogámus, audi nos
<b>Si adsunt baptizandi</b>	
<b>Ut hos eléctos per grátiam Bapti-</b>	
<b>smi regeneráre dignéris</b>	te rogámus, audi nos
<b>Si non adsunt baptizandi</b>	
<b>Ut hunc fontem, regenerándis tibi</b>	
<b>filiis, grátia tua sanctificáre di-</b>	
<b>gnéris</b>	te rogámus, audi nos
<b>Iesu, Fili Dei vivi</b>	te rogámus, audi nos
<b>Christe, audi nos</b>	
<b>Christe, audi nos</b>	
<b>Christe, exáudi nos</b>	
<b>Christe, exáudi nos</b>	

Si adsunt baptizandi, sacerdos, iunctis manibus, dicit sequentem orationem:

**Orémus.**

**Omnípotens sempitérne Deus,**  
**adésto magnæ pietátis tuæ sacraméntis,**  
**et ad recreándos novos pópulos,**  
**quos tibi fons baptismatis párturit,**  
**spíritum adoptiόnis emítte,**



ut, quod nostræ humilitátis gerendum est ministério,  
virtútis tuæ impleatur efféctu.

Per Christum Dóminum nostrum.

R. Amen.

### *Benedictio aquæ*

42. Deinde sacerdos benedicit aquam baptismalem, iunctis manibus dicens sequentem orationem:

**Deus, qui invisibili poténtia  
per sacramentórum signa miráblem operáris efféctum,  
et creatúram aquæ multis modis præparásti,  
ut baptísmiti grátiam demonstráret;**

**Deus, cuius Spíritus  
super aquas inter ipsa mundi primórdia ferebátur,  
ut iam tunc virtútem sanctificándi  
aquárum natúra concíperet;**

**Deus, qui regeneratiónis spéciem  
in ipsa dilúvii effusióne signásti,  
ut unus eiusdémque eleménti mystério  
et finis esset vítiis et orígo virtútum;**

**Deus, qui Abrahæ filios  
per Mare Rubrum sicco vestígio transíre fecísti,  
ut plebs, a Pharaónis servitúte liberáta,  
pópulum baptizatórum præfiguráret;**

**Deus, cuius Fílius, in aqua Iordánis a Ioánne baptizátus,  
Sancto Spíritu est inúctus, et, in cruce pendens,  
una cum ságuine aquam de látere suo prodúxit,  
ac, post resurrectiónem suam, discíplis iussit:**

**« Íte, docéte omnes gentes,  
baptizántes eos**

**in nómine Patris, et Fílii, et Spíritus Sancti »:  
réspice in fáciem Ecclésiæ tuæ,  
eíque dignáre fontem baptísmatis aperíre.**

**Sumat hæc aqua Unigéniti tui grátiam de Spíritu Sancto,  
ut homo, ad imáginem tuam cónditus,  
sacraménto baptismatis  
a cunctis squalóribus vetustátis ablútus,  
in novam infántiam  
ex aqua et Spíritu Sancto resúrgere mereátur.**

Et immittens, pro opportunitate, cereum paschalem in aquam semel vel ter, prosequitur:

**Descéndat, quæsumus, Dómine,  
in hanc plenitúdinem fontis  
per Fílium tuum virtus Spíritus Sancti,**

et tenens cereum in aqua prosequitur:

**ut omnes, cum Christo consepúliti  
per baptismum in mortem,  
ad vitam cum ipso resúrgant.  
Per Christum Dóminum nostrum.  
R. Amen.**

43. Deinde tollitur cereus de aqua, populo acclamante:

**Benedícite, fontes, Dómino,  
laudáte et superexaltáte eum in sáecula,**

vel aliam acclamationem proferente.

44. Singuli catechumeni abrenuntiant diabolo et interrogantur de fide et baptizantur.

Catechumeni vero adulti statim post baptismum, si adest Episcopus vel sacerdos facultate confirmandi gaudens, confirmantur.

45. Si vero non adsunt baptizandi, neque fons baptismalis benedicendus est, sacerdos aquam benedicit sequenti oratione:

**Dóminum Deum nostrum,  
fratres caríssimi, suppliciter exorémus,  
ut hanc creatúram aquæ benedícere dignétur,  
super nos aspergendam in nostri memóriam baptismi.**

**Ipse autem nos renovare dignetur,  
ut fideles Spiritui, quem accepimus, maneamus.**

Et post brevem pausam orationis in silentio prosequitur, iunctis manibus:

**Dómine Deus noster,  
pópulo tuo hac nocte sacratíssima vigilánti  
adesto propítius;  
et nobis, mirábile nostræ creatiónis opus,  
sed et redemptionis nostræ mirabilius, memorántibus,  
hanc aquam benedícere tu dignáre.  
Ipsam enim tu fecísti,  
ut et arva fecunditáte donáret,  
et levámen corpóribus nostris munditiámque præbéret.  
Aquam étiam tuæ minístram misericórdiæ condidísti:  
nam per ipsam solvísti tui pópuli servitútem  
illiúsque sitim in desérto sedásti;  
per ipsam novum fœdus nuntiavérunt prophétæ,  
quod eras cum homínibus iníturus;  
per ipsam dénique, quam Christus in Iordáne sacrávit,  
corrúptam natúræ nostræ substántiam  
in regenerationis lavácro renovásti.  
Sit igitur hæc aqua nobis suscepti baptismatis memória,  
et cum frátribus nostris, qui sunt in Páschate baptizáti,  
gáudia nos tríbus sociáre.  
Per Christum Dóminum nostrum.  
ꝛ. Amen.**

### *Renovatio promissionum baptismalium*

46. Ritu baptismi (et confirmationis) expleto, vel si hic non habuit locum, post benedictionem aquæ, omnes, stantes et candelas accensas in manibus gestantes, promissionem fidei baptismalis renovant.

Sacerdos his vel similibus verbis fideles alloquitur:

**Per paschale mysterium, fratres carissimi,  
in baptismo consepulti sumus cum Christo,  
ut cum eo in novitate vite ambulemus.  
Quapropter, quadragesimali observatione absoluta,  
sancti baptismatis promissiones renovemus,  
quibus olim Sathanæ et operibus eius abrenuntiavimus,  
et Deo in sancta Ecclesia catholica servire promissimus.**

**Quapropter:**

**Sacerdos: Abrenuntiatis Sathanæ?**

**Omnes: Abrenuntio.**

**Sacerdos: Et omnibus operibus eius?**

**Omnes: Abrenuntio.**

**Sacerdos: Et omnibus pompis eius?**

**Omnes: Abrenuntio.**

**Vel:**

**Sacerdos: Abrenuntiatis peccato, ut in libertate filiorum Dei vivatis?**

**Omnes: Abrenuntio.**

**Sacerdos: Abrenuntiatis seductionibus iniquitatis, ne peccatum vobis dominetur?**

**Omnes: Abrenuntio.**

**Sacerdos: Abrenuntiatis Sathanæ, qui est auctor et princeps peccati?**

**Omnes: Abrenuntio.**

Si casus fert, hæc altera formula aptari potest a Conferentiis Episcopalibus, iuxta locorum opportunitates.

Deinde sacerdos prosequitur:

**Sacerdos: Creditis in Deum Patrem omnipotentem, creatorem cæli et terræ?**

**Omnes: Credo.**

**Sacerdos:** Créditis in Iesum Christum, Fílium eius únicum, Dóminum nostrum, natum ex María Virgine, passum et sepúltum, qui a mórtuis resurréxit et sedet ad d́exteram Patris?

**Omnes:** Credo.

**Sacerdos:** Créditis in Spíritum Sanctum, sanctam Eccĺsiam cathólicam, sanctórum communiónem, remissionem peccatórum, carnis resurrecciónem et vitam ætérnam?

**Omnes:** Credo.

Et sacerdos concludit:

**Et Deus omnípotens, Pater Dómini nostri Iesu Christi, qui nos regenerávit ex aqua et Spíritu Sancto, quique nobis dedit remissionem peccatórum, ipse nos custódiat grátia sua, in Christo Iesu Dómino nostro, in vitam ætérnam.**

**Omnes:** Amen.

47. Sacerdos aspergit populum aqua benedicta, omnibus cantantibus

**Ant. Vidi aquam egrediéntem de templo, a látere dextro, allelúia; et omnes, ad quos pervénit aqua ista, salvi facti sunt et dicent: allelúia, allelúia,**

vel alium cantum indolem baptismalem præferentem.

48. Interim neophyti deducuntur ad locum suum inter fideles. Si benedictio aquæ baptismalis facta non est in baptisterio, ministri reverenter portant vas aquæ ad fontem.

Si benedictio fontis locum non habuit, aqua benedicta reponitur loco convenienti.

49. Aspersione facta, sacerdos redit ad sedem, ubi, omisso symbolo, moderatur orationem universalem, quam neophyti primo participant.

## Pars quarta

## Liturgia eucharistica

50. Sacerdos accedit ad altare et more solito incipit liturgiam eucharisticam.

51. Præstat, ut panis et vinum afferantur a neophytis.

## 52. Super oblata

Súscipe, quæsumus, Dómine, preces pópuli tui cum oblationibus hostiárum, ut paschálibus initiáta mystériis, ad æternitátis nobis medélam, te operánte, proficiant. Per Christum.

53. Præfatio paschalis I (in hac potíssimum nocte), p. 631.  
Quando adhibetur Canon Romanus, dicuntur Communicantes et Hanc igitur propria.

54. Ant. ad communionem 1 Cor 5, 7 b-8 a

Pascha nostrum immolátus est Christus; itaque epulémur in ázymis sinceritátis et veritátis, allelúia.

## 55. Post communionem

Spíritum nobis, Dómine, tuæ caritátis infúnde, ut, quos sacraméntis paschálibus satiásti, tua fácias pietáte concórdes. Per Christum.

56. In dimissione, diaconus vel ipse sacerdos dicit:

Ite, missa est, allelúia, allelúia.

R. Deo grátias, allelúia, allelúia.

## **DOMINICA PASCHÆ IN RESURRECTIONE DOMINI**

### **Ad Missam in die**

Ant. ad introitum Ps 138, 18. 5-6

**Resurrexi, et adhuc tecum sum:  
posuisti super me manum tuam:  
mirabilis facta est sciéntia tua, allelúia.**

Vel: Lc 24, 34; cf. Ap 1, 6

**Surrexit Dóminus vere, allelúia.  
Ipsi glória et impérium per univérsa æternitátis sæcula.  
Dicitur Glória in excélsis.**

### **Collecta**

**Deus, qui hodiérna die, per Unigénitum tuum,  
æternitátis nobis áditum, devícta morte, reserásti,  
da nobis, quæsumus,  
ut, qui resurrectionis domínicæ sollémnia cólimus,  
per innovatióem tui Spíritus  
in lúmine vitæ resurgámus.  
Per Dóminum.**

### **Lectio prima**

*Manducavimus et bibimus cum illo  
postquam resurrexit a mortuis.*

Lectio Actuum Apostolorum 10, 34 a. 37-43

**In diébus illis:**

**Apériens Petrus os dixit: « Vos scitis, quod factum  
est verbum per univérsum Iudæam incípiens a Galilæa**

post baptísmum quod prædicávit Ioánnes, Iesum a Ná-zareth, quómodo unxit eum Deus Spíritu Sancto et virtúte, qui pertransívit benefaciéndo et sanándo omnes oppressos a diábolo, quóniam Deus erat cum illo.

Et nos testes sumus ómnium quæ fecit in regione Iudæórum et Ierúsalem, quem et occidérunt suspendéntes in ligno. Hunc Deus suscitávit tértia die et dedit eum manífestum fieri, non omni populo, sed téstibus præordinátis a Deo, nobis, qui manducávimus et bíbimus cum illo postquam resurréxit a mórtuis.

Et præcépit nobis prædicáre populo et testificári quia ipse est qui constitútus est a Deo iudex vivórum et mortuórum. Huic omnes Prophétæ testimónium perhibent remissiónem peccatórum accípere per Nomen eius omnes qui credunt in eum ». — Verbum Dómini.

### Psalmus responsorius

Ps 117, 1-2. 16 ab-17. 22-23 (R.: 24)

R. Hæc dies quam fecit Dóminus;  
exultémus et lætémur in ea.

vel Allelúia, allelúia, allelúia.

- <sup>1</sup> Confitémini Dómino, quóniam bonus,  
quóniam in sæculum misericórdia eius.
- <sup>2</sup> Dicat nunc Israel, quóniam bonus,  
quóniam in sæculum misericórdia eius. R.
- <sup>16</sup> Déxtera Dómini fecit virtútem,  
déxtera Dómini exaltáta est.
- <sup>17</sup> Non móriar, sed vivam,  
et narrábo ópera Dómini. R.
- <sup>22</sup> Lápídem quem reprobavérunt ædificántes,  
hic factus est in caput ánguli;
- <sup>23</sup> a Dómino factum est istud,  
et est mirábile in óculis nostris. R.



Lectio secunda \*

*Quæ sursum sunt quærite, ubi Christus est.*

Lectio Epistolæ beati Pauli apostoli ad Colossenses

Fratres:

3, 1-4

Si conresurrexistis cum Christo, quæ sursum sunt quærite, ubi Christus est in dextera Dei sedens; quæ sursum sunt sâpите, non quæ super terram; mórtui enim estis, et vita vestra abscondita est cum Christo in Deo. Cum Christus apparuerit, vita vestra, tunc et vos apparebitis cum ipso in glória. — Verbum Dómini.

---

vel ad libitum

*Expurgate vetus fermentum,  
ut sitis nova conspersio.*

Lectio Epistolæ primæ beati Pauli apostoli  
ad Corínthios

5, 6 b-8

Fratres:

Nescitis quia módicum ferméntum totam massam corumpit? Expurgáte vetus ferméntum, ut sitis nova conspersio, sicut estis ázymi. Etenim Pascha nostrum immolátus est Christus: itaque festa celebrémus, non in ferménto véteri neque in ferménto malitiæ et nequitiæ, sed in ázymis sinceritátis et veritátis.

Verbum Dómini.

---

Sequentia

(Dici debet hac die; in diebus infra octavam, ad libitum)

Víctimæ pascháli laudes immolent Christiáni.

Agnus redémit oves:

Christus innocens Patri reconciliávit peccatóres.

Mors et vita duéllo conflixére mirádo:  
 dux vitæ mórtuus regnat vivus.  
 Dic nobis, María, quid vidísti in via?  
 Sepúlcrum Christi vivéntis: et glóriam vidi resurgéntis,  
 angélicos testes, sudárium et vestes.  
 Surrexit Christus spes mea: præcedet vos in Galiléam.  
 Scimus Christum surrexisse a mórtuis vere:  
 tu nobis, victor Rex, miserére.

Alleluia

1 Cor 5, 7 b-8 a

✠. Allelúia. 7. Pascha nostrum immolátus est Christus;  
 itaque epulémur in Dómino. ✠. Allelúia.

## Evangelium

*Oportet eum a mortuis resurgere.*

✠ Lécio sancti Evangélii secúndum Ioánnem 20, 1-9

Prima sabbatórum María Magdaléne venit mane cum adhuc ténebræ essent ad monuméntum, et videt lápidem sublátum a monuménto. Currit ergo et venit ad Simónem Petrum et ad álium discípulum quem amábat Iesus, et dicit eis: « Tulérunt Dóminum de monuménto, et nescimus ubi posuérunt eum ».

Exiit ergo Petrus et ille álius discípulus, et venié-bant ad monuméntum. Currébant autem duo simul, et ille álius discípulus præcucúrrit cítius Petro et venit primus ad monuméntum, et cum se inclinásset, videt pósita lin-teámina, non tamen introívit.

Venit ergo Simon Petrus sequens eum, et introívit in monuméntum: et videt lin-teámina pósita, et sudá-rium, quod fúerat super caput eius, non cum lin-tea-mínibus pósitum sed separátim involútum in unum locum.

Tunc ergo introívit et alter discípulus qui vénerat

primus ad monuméntum, et vidit et crédidit: nondum enim sciébant Scriptúram quia opórtet eum a mórtuis resúrgere. — Verbum Dómini.

Loco huius Evangelii legi potest Evangelium ut supra in Nocte sancta, p. 359.

Ubi habetur Missa vespertina, legi etiam potest in ea Evangelium Lc 24, 13-35, ut infra, p. 385.

Dicitur Credo.

### Super oblata

Sacrificia, Dómine,  
paschálibus gáudiis exsultántes offérimus,  
quibus Ecclésia tua mirabíliter renáscitur et nutrítur.  
Per Christum.

Præfatio paschalis I (in hac potíssimum die), p. 631.

Quando adhibetur Canon Romanus, dicuntur Communicántes et Hanc igitur propria.

### Ant. ad communionem

1 Cor 5, 7 b-8 a

Pascha nostrum immolátus est Christus;  
ítaque epulémur in ázymis sinceritátis et veritátis,  
allelúia.

### Post communionem

Perpétuo, Deus, Ecclésiam tuam pio favóre tuére,  
ut, paschálibus renováta mystériis,  
ad resurrectionis pervéniat claritátem.  
Per Christum.

Ad populum dimittendum, infra octavam usque ad dominicam II Paschæ, dicitur:

Ite, missa est, allelúia, allelúia.

℟. Deo grátias, allelúia, allelúia.

## FERIA II INFRA OCTAVAM PASCHÆ

Ant. ad introitum

Ex 13, 5. 9

Introdúxit vos Dóminus in terram fluéntem lac et mel;  
ut lex Dómini sit semper in ore vestro, allelúia.

Vel:

Resurréxit Dóminus a mórtuis, sicut díxerat;  
exsultémus et lætémur omnes,  
quóniam ipse regnat in ætérnum, allelúia.

Dicitur Glória in excélsis.

Collecta

Deus, qui Ecclésiám tuam nova semper prole multiplicas,  
concéde fámulis tuis,  
ut sacraméntum vivéndo téneant, quod fide percepérunt.  
Per Dóminum.

Lectio prior

*Hunc Iesum resuscitavit Deus,  
cuius omnes nos testes sumus.*

Léctio Actuum Apostolórum

2, 14. 22-32

In die Pentecóstes, stans Petrus cum Undecim levávit  
vocem suam et locútus est eis:

« Viri Iudæi et qui habitátis Ierúsalem univérsi,  
hoc vobis notum sit et áuribus percípíte verba mea.

Viri Israelítæ, audíte verba hæc: Iesum Nazarénum,  
virum approbátum a Deo apud vos virtútibus et pro-  
dígíis et signis quæ fecit per illum Deus in médio ve-  
stri, sicut ipsi scitis, hunc defíníto consílio et præscién-

tia Dei tráditum per manum iniquórum affigéntes interemístis, quem Deus suscitávit solútis dolóribus mortis, iuxta quod impossibile erat tenéri illum ab ea:

David enim dicit circa eum: " Providébam Dóminum coram me semper, quóniam a dextris meis est ne commóvear. Propter hoc lætátum est cor meum et exsultávit lingua mea, insuper et caro mea requiéscet in spe quóniam non derelínques ánimam meam in inférno neque dabis Sanctum tuum vidére corruptionem. Notas fecísti mihi vias vitæ, replébis me iucunditáte cum fácie tua " .

Viri fratres, líceat audénter dícere ad vos de patriárcha David, quóniam et defúctus est et sepúltus est et sepúlcrum eius est apud nos usque in hodiérnum diem: prophéta igitur cum esset, et scíret quia iureiurádo iuráset illi Deus de fructu lumbi eius sedére super sedem eius, próvidens locútus est de resurrectione Christi quia neque derelíctus est in inférno neque caro eius vidit corruptionem. Hunc Iesum resuscitávit Deus, cuius omnes nos testes sumus ». — Verbum Dómini.

Psalmus responsorius

Ps 15, 1-2 a et 5. 7-8. 9-10. 11 (R.: 1)

R. **Consérva me, Deus, quóniam sperávi in te.**  
vel **Allelúia.**

<sup>1</sup> **Consérva me, Deus, quóniam sperávi in te.**

<sup>2</sup> **Dixi Dómino: « Dóminus meus es tu ».**

<sup>5</sup> **Dóminus pars hereditátis meæ et cálicis mei:  
tu es qui détines sortem meam. R.**

<sup>7</sup> **Benedícam Dóminum qui tríbuit mihi intelléctum;  
ínsuper et in nóctibus erudiérunt me renes mei.**

<sup>8</sup> **Proponébam Dóminum in conspéctu meo semper,  
quóniam a dextris est mihi, non commovébor. R.**

- 9 Propter hoc lætatum est cor meum,  
et exsultaverunt præcordia mea;  
insuper et caro mea requiescet in spe.
- 10 Quoniam non derelinques animam meam in infierno,  
nec dabis sanctum tuum videre corruptionem. **R.**
- 11 Notas mihi facies vias vitæ,  
plenitudinem lætitiæ cum vultu tuo,  
delectationes in dextera tua usque in finem. **R.**

Sequentia, ad libitum, ut supra, p. 372.

Alleluia

Ps 117, 24

**R.** Alleluia. **V.** Hæc dies quam fecit Dominus;  
exsultemus et lætemur in ea. **R.** Alleluia.

### Evangelium

*Nuntiate fratribus meis ut eant in Galilæam  
et ibi me videbunt.*

✠ Læctio sancti Evangélii secúndum Matthæum

28, 8-15

In illo tẽpore: Exeúntes cito mulieres de monu-  
mento cum timóre et magno gáudio, cucurrerunt nun-  
tiare discipulis eius.

Et ecce Iesus occúrrit illis dicens: « Avête ». Illæ  
autem accesserunt et tenuerunt pedes eius et adoravé-  
runt eum. Tunc ait illis Iesus: « Nolíte timére; ite, nun-  
tiáte frátribus meis ut eant in Galilæam et ibi me vi-  
debunt ».

Quæ cum abiissent, ecce quidam de custódia ve-  
nerunt in civitatem et nuntiaverunt princípibus sacer-  
dótum ómnia quæ facta fuerant. Et congregáti cum se-  
nióribus, consílio accépto, pecúniam copiósam dederunt  
militibus dicentes: « Dícite: “ Discípuli eius nocte ve-

nérunt et furáti sunt eum nobis dormiéntibus ». Et si hoc audítum fúerit a práside, nos suadébimus ei et secúros vos faciémus ».

At illi, accépta pecúnia, fecérunt sicut erant docti. Et divulgátum est verbum istud apud Iudéos usque in hodiérnum diem. — Verbum Dómini.

### Super oblata

Súscipe, quæsumus, Dómine,  
múnera tuórum propítius populórum,  
ut, confessióne tui nóminis et baptísmate renováti,  
sempitérnám beatitúdinem consequántur.  
Per Christum.

Præfatio paschalis I (in hac potíssimum die), p. 631.

Quando adhibetur Canon Romanus, dicuntur Communicántes  
et Hanc ígitur propria.

### Ant. ad communionem

Rom 6, 9

Christus resúrgens ex mórtuis iam non móritur,  
mors illi ultra non dominábitur, allelúia.

### Post communionem

Exúberet, quæsumus, Dómine,  
méntibus nostris paschális grátia sacraménti,  
ut, quos viam fecísti perpétuæ salútis intráre,  
donis tuis dignos efficias.  
Per Christum.

## FERIA III INFRA OCTAVAM PASCHÆ

Ant. ad introitum

Cf. Sir 15, 3-4

**Aqua sapiéntiæ potávit eos;  
firmábitur in illis, et non flectétur,  
exaltábit eos in ætérnum, allelúia.**

Dicitur Glória in excélsis.

Collecta

**Deus, qui paschália nobis remédia contulísti,  
pópulum tuum cælésti dono proséquare,  
ut, perféctam libertátem assecútus,  
in cælis gaudeat, unde nunc in terris exsúltat.  
Per Dóminum.**

Lectio prior

*Pænitentiam agite, et baptizetur  
unusquisque vestrum in nomine Iesu.*

Lectio Actuum Apostolorum

2, 36-41

In die Pentecóstes, dicébat Petrus Iudæis:

« Certíssime sciat omnis domus Israel quia et Dóminum eum et Christum Deus fecit, hunc Iesum quem vos crucifixístis ».

His audítis, compúncti sunt corde, et dixerunt ad Petrum et réliquos Apóstolos: « Quid faciémus, viri fratres? »

Petrus vero ad illos: « Pæniténtiam, inquit, ágite, et baptizétur unusquisque vestrum in nómine Iesu Christi in remissionem peccatórum vestrórum, et acci-



piétis donum Sancti Spíritus: vobis enim est repro-  
missio et filiis vestris et ómnibus qui longe sunt quos-  
cúmque advocáverit Dóminus Deus noster ».

Aliis étiam verbis plúribus testificátus est, et exhor-  
tabátur eos dicens: « Salvámini a generatióne ista  
prava ».

Qui ergo, recépto sermóne eius, baptizáti sunt, et  
appósitæ sunt in illa die ánimæ círciter tria mília.

Verbum Dómini.

### Psalmus responsorius

Ps 32, 4-5. 18-19. 20 et 22 (R.: 5 b)

R. Misericórdia Dómini plena est terra.

vel Allelúia.

- 4 Quia rectum est verbum Dómini,  
et ómnia ópera eius in fide.
- 5 Díligit iustítiam et iudícium,  
misericórdia Dómini plena est terra. R.
- 18 Ecce óculi Dómini super metuéntes eum,  
in eos qui sperant super misericórdia eius,
- 19 ut éruat a morte ánimas eórum,  
et alat eos in fame. R.
- 20 Anima nostra sústinet Dóminum,  
quóniam adiútor et protéctor noster est.
- 22 Fiat misericórdia tua, Dómine, super nos,  
quemádmódum sperávimus in te. R.

Sequentia, ad libitum, ut supra, p. 372.

### Alleluia

Ps 117, 24

R. Allelúia. V. Hæc dies quam fecit Dóminus;  
exsultémus et lætémur in ea. R. Allelúia.

## Evangelium

*Vidi Dominum.*

✠ Lécio sancti Evangélii secúndum Ioánnem

20, 11-18

In illo témpore:

María stabat ad monuméntum foris plorans. Dum ergo fleret inclinávit se in monuméntum et videt duos ángelos in albis sedéntes, unum ad caput et unum ad pedes, ubi pósitum fúerat corpus Iesu.

Et dicunt ei illi: « Múlier, quid ploras? »

Dicit eis: « Tulérunt Dóminum meum, et néscio ubi posuérunt eum ».

Hæc cum dixisset, convérta est retrórsum et videt Iesum stantem, et non sciébat quia Iesus est.

Dicit ei Iesus: « Múlier, quid ploras? Quem quæris? »

Illa, exístimans quia hortulánus esset, dicit ei: « Dómine, si tu sustulísti eum, dícito mihi ubi posuísti eum, et ego eum tollam ».

Dicit ei Iesus: « María ». Convérta illa, dicit ei hebráice: « Rabbúni (quod dícitur Magíster) ».

Dicit ei Iesus: « Iam noli me tângere, nondum enim ascénderi ad Patrem; vade autem ad fratres meos et dic eis: " Ascéndo ad Patrem meum et Patrem vestrum et Deum meum et Deum vestrum " ».

Venit María Magdaléne, annúntians discípuilis: « Vidi Dóminum », et quia hæc dixit ei. — Verbum Dómini.

## Super oblata

Oblatiónes famíliæ tuæ,  
quæsumus, Dómine, súscipe miserátus,  
ut, sub tuæ protectiόνis auxílio,  
et colláta non perdat, et ad ætérna dona pervéniat.  
Per Christum.

**Præfatio paschalis I** (in hac potissimum die), p. 631.

**Quando adhibetur Canon Romanus, dicuntur Communicantes et Hanc igitur propria.**

**Ant. ad communionem**

**Col 3, 1-2**

Si consurrexistis cum Christo, quæ sursum sunt quærite,  
ubi Christus est in dextera Dei sedens;  
quæ sursum sunt sâpите, allelúia.

**Post communionem**

Exáudi nos, omnípotens Deus,  
et famíliæ tuæ corda,  
cui perféctam baptismatis grátiam contulísti,  
ad promeréndam beatitúdinem aptes ætérnam.  
Per Christum.

## FERIA IV INFRA OCTAVAM PASCHÆ

Ant. ad introitum

Mt 25, 34

Veníte, benedícti Patris mei, percípíte Regnum,  
quod vobis parátum est ab origine mundi, allelúia.

Dicitur Glória in excélsis.

Collecta

Deus, qui nos resurrectiónis dominicæ  
ánna sollemnitate lætificas,  
concéde propítius, ut, per temporália festa quæ ágimus,  
pervenire ad gáudia ætérna mereámur.  
Per Dóminum.

Lectio prior

*Quod habeo hoc tibi do:  
in Nomine Iesu surge et ambula.*

Léctio Actuum Apostolorum

3, 1-10

In diébus illis:

Petrus et Ioánnes ascendébant in templum ad horam oratiónis nonam. Et quidam vir qui erat claudus ex útero matris suæ, baiulabátur, quem ponébant cotidie ad portam templi quæ dicitur Speciósá, ut péteret eleemósynam ab introeúntibus in templum; is cum vídisset Petrum et Ioánnem incipiéntes introíre in templum rogábat ut eleemósynam acciperet.

Intuens autem in eum Petrus cum Ioánne dixit: « Réspice in nos ». At ille intendébat in eos sperans se aliquid acceptúrum ab eis.

Petrus autem dixit: « Argéntum et aurum non est mihi, quod autem hábeo hoc tibi do: in Nómine Iesu Christi Nazaréni surge et ámbula ».

Et apprehénsa ei manu délixtera allevávit eum: et prótinus consolidátæ sunt bases eius et tali, et exsiliens stetit et ambulábat, et intrávit cum illis in templum ámbulans et exsiliens et laudans Deum.

Et vidit omnis pópulus eum ambulántem et laudántem Deum, cognoscébant autem illum quóniam ipse erat qui ad eleemósynam sedébat ad Speciósam portam templi, et impléti sunt stupóre et éxstasi in eo quod contígérat illi. — Verbum Dómini.

### Psalmus responsorius

Ps 104, 1-2. 3-4. 6-7. 8-9 (R.: 3 b)

R. Lætétur cor quæréntium Dóminum.

vel Allelúia.

- 1 Confitémini Dómino et invocáte nomen eius, annuntiáte inter gentes ópera eius.
- 2 Cantáte ei et psállite ei, meditámini in ómnibus mirábilibus eius. R.
- 3 Laudámini in nómine sancto eius, lætétur cor quæréntium Dóminum.
- 4 Quæríte Dóminum et poténtiam eius, quæríte fáciem eius semper. R.
- 6 Semen Abraham, servi eius, filii Iacob, elécti eius.
- 7 Ipse Dóminus Deus noster; in univérsta terra iudícia eius. R.
- 8 Memor fuit in sáeculum testaménti sui, verbi quod mandávit in mille generatiónes,

quod dispósuit cum Abraham,  
et iuraménti sui ad Isaac. **R.**

Sequentia, ad libitum, ut supra, p. 372.

**Alleluia**

**Ps 117, 24**

**R.** Allelúia. **V.** Hæc dies quam fecit Dóminus;  
exsultémus et lætémur in ea. **R.** Allelúia.

### Evangelium

*Cognoverunt eum in fractione panis.*

✠ **Léctio sancti Evangélii secúndum Lucam 24, 13-35**

Ecce duo ex discipulis Iesu ibant ipsa die prima sábbati in castéllum quod erat in spátio stadiórum sexagínta ab Ierúsalem nómine Emmaus, et ipsi loquebántur ad ívicem de his ómnibus quæ acciderant.

Et factum est, dum fabularéntur et secum quærerent, et ipse Iesus appropínquans ibat cum illis, óculi autem illórum tenebántur ne eum agnóscerent.

Et ait ad illos: « Qui sunt hi sermónes, quos confértis ad ívicem ambulántes? » Et steterunt tristes.

Et respóndens unus, cui nomen Cléopas, dixit ei: « Tu solus peregrínus es in Ierúsalem et non cognovísti quæ facta sunt in illa his diébus? »

Quibus ille dixit: « Quæ? »

Et illi dixerunt ei: « De Iesu Nazaréno, qui fuit vir prophéta, potens in ópere et sermóne coram Deo et omni pópulo, et quómo do eum tradidérunt summi sacerdotés et príncipes nostri in damnatió nem mortis, et crucifixérunt eum.

Nos autem sperabámus quia ipse esset redemptúrus Israel; at nunc super hæc ómnia tértia dies est hódie quod hæc facta sunt.

Sed et mulieres quædam ex nostris terruérunt nos,

quæ ante lucem fuérunt ad monuméntum et non in-  
 vénito corpore eius venérunt dicétes se étiam visió-  
 nem angelórum vidisse, qui dicunt eum vivere.

Et abiérunt quidam ex nostris ad monuméntum, et  
 ita invenérunt sicut muléres dixerunt, ipsum vero non  
 vidérunt ».

Et ipse dixit ad eos: « O stulti et tardi corde ad  
 credéndum in ómnibus quæ locúti sunt Prophétæ.  
 Nonne hæc opórtuit pati Christum, et intráre in glóriam  
 suam? » Et incípiens a Móyse et ómnibus Prophétis,  
 interpretabátur illis in ómnibus Scriptúris quæ de ipso  
 erant.

Et appropinquavérunt castélló quo ibant, et ipse  
 se finxit lóngius ire. Et coegerunt illum dicétes: « Ma-  
 ne nobiscum, quóniam advesperáscit et inclináta est  
 iam dies ». Et intrávit ut manéret cum illis.

Et factum est dum recumberet cum illis, accépit pa-  
 nem et benedíxit ac fregit et porrigébat illis. Et apérti  
 sunt óculi eórum et cognovérunt eum; et ipse evánuit  
 ab eis.

Et dixerunt ad ínvicem: « Nonne cor nostrum ar-  
 dens erat in nobis dum loquerétur nobis in via, et ape-  
 ríret nobis Scriptúras? »

Et surgétes eádem hora, regréssi sunt in Ierúsalem,  
 et invenérunt congregátos Undecim et eos qui cum ipsis  
 erant, dicétes: « Surréxit Dóminus vere et apparuit Si-  
 móni ». Et ipsi narrábant quæ gesta erant in via et  
 quómodo cognovérunt eum in fractióne panis.

Verbum Dómini.

Super oblata

Súscipe, quæsumus, Dómine,  
 hóstias redemptiónis humánæ,  
 et salútem nobis mentis et córporis operáre placátus.  
 Per Christum.

**Præfatio paschalis I (in hac potissimum die), p. 631.**

**Quando adhibetur Canon Romanus, dicuntur Communicantes et Hanc igitur propria.**

**Ant. ad communionem**

**Lc 24, 35**

**Cognovérunt discípuli Dóminum Iesum  
in fractiône panis, allelúia.**

**Post communionem**

**Ab omni nos, quæsumus, Dómine, vetustáte purgátos,  
sacraménti Filii tui veneránda percéptio  
in novam transférat creatúram.  
Per Christum.**



## FERIA V INFRA OCTAVAM PASCHÆ

**Ant. ad introitum**

**Sap 10, 20-21**

Victricem manum tuam, Dómine, laudavérunt páriter,  
quia sapiéntia apéruit os mutum,  
et linguas infántium fecit disértas, allelúia.

**Dicitur Glória in excélsis.**

**Collecta**

Deus, qui diversitátem géntium  
in confessióne tui nóminis adunásti,  
da, ut renátis fonte baptismatis  
una sit fides méntium et píetas actiónum.  
Per Dóminum.

**Lectio prior**

*Auctorem vitæ interfecistis,  
quem Deus suscitavit a mortuis.*

**Léctio Actuum Apostolorum**

**3, 11-26**

**In diébus illis:**

Cum claudus sanátus tenéret Petrum et Ioánnem,  
concurrít omnis pópulus ad eos ad pórticum quæ ap-  
pellátur Salomónis, stupéntes. Videns autem Petrus  
respóndit ad pópulum:

« Viri Israelítæ, quid mirámini in hoc, aut nos quid  
intuémini quasi nostra virtúte aut pietáte fecérimus hunc  
ambuláre?

Deus Abraham et Deus Isaac et Deus Iacob, Deus  
patrum nostrórum glorificávit Púerum suum Iesum,

quem vos quidem tradidistis et negastis ante faciem Pilati, iudicante illo dimitti: vos autem Sanctum et Iustum negastis, et petistis virum homicidam donari vobis, auctorem vero vitae interfecistis, quem Deus suscitavit a mortuis, cuius nos testes sumus.

Et in fide Nominis eius hunc quem videtis et no-  
stis confirmavit Nomen eius, et fides quae per eum  
est dedit huic integritatem istam in conspectu omnium  
vestrum.

Et nunc, fratres, scio quia per ignorantiam fecistis,  
sicut et principes vestri; Deus autem quae praenuntiavit  
per os omnium Prophetarum pati Christum suum, im-  
plevit sic.

Poenitentini igitur et convertimini ut deleantur ve-  
stra peccata, ut veniant tempora refrigerii a conspectu  
Domini et mittat eum qui praedestinatus est vobis Chri-  
stus, Iesum, quem oportet caelum quidem suscipere  
usque in tempora restitutionis omnium quae locutus est  
Deus per os sanctorum a saeculo suorum Prophetarum.

Moses quidem dixit: "Prophetam vobis suscitabit  
Dominus Deus vester de fratribus vestris tamquam me:  
ipsum audietis iuxta omnia quaecumque locutus fuerit  
vobis. Erit autem, omnis anima quae non audierit Pro-  
phetam illum exterminabitur de plebe". Et omnes Pro-  
phetae a Samuel et deinceps quotquot locuti sunt, etiam  
annuntiaverunt dies istos.

Vos estis filii Prophetarum et testamenti quod  
disposuit Deus ad patres vestros, dicens ad Abraham:  
"Et in semine tuo benedicentur omnes familiae terrae".  
Vobis primum Deus suscitans Puerum suum, misit eum  
benedicentem vobis in avertendo unumquemque a ne-  
quitiis vestris ».

Verbum Domini.

## Psalmus responsorius

Ps 8, 2 a et 5. 6-7. 8-9 (R.: 2 ab)

R. Dómine, Dóminus noster,  
quam admirábile est nomen tuum in univérſa terra!  
vel Allelúia.

- 2 Dómine, Dóminus noster,  
5 quid est homo, quod memor es eius?  
aut fílius hóminis, quóniam visitas eum? R.  
6 Minuísti eum paulo minus ab Angelis,  
glória et honóre coronásti eum;  
7 et constituísti eum super ópera mánuum tuárum  
Omnia subiecísti sub pédibus eius: R.  
8 Oves et boves univérſas,  
ínsuper et pécora campi,  
9 vólucres cæli et pisces maris,  
quæcúmque perámbulant sémitas maris. R.

Sequentia, ad libitum, ut supra, p. 372.

## Alleluia

Ps 117, 24

R. Allelúia. V. Hæc dies quam fecit Dóminus;  
exsultémus et lætémur in ea. R. Allelúia.

## Evangelium

*Sic scriptum est, Christum pati,  
et resurgere a mortuis die tertia.*

✠ Lécio sancti Evangélii secúndum Lucam 24, 35-48

In illo témpore:

Narrábant discipuli quæ gesta erant in via et quó-  
modo cognovérunt Iesum in fractióne panis.

Dum hæc autem loquúntur, ipse stetit in médio eórum, et dicit eis: « Pax vobis ». Conturbáti vero et contérriti, existimábant se spíritum vidére.

Et dixit eis: « Quid turbáti estis, et quare cogitátiónes ascéndunt in corda vestra? Vidéte manus meas et pedes meos quia ipse ego sum: palpáte me et vidéte, quia spíritus carnem et ossa non habet sicut me vidétis habére ». Et cum hoc dixisset, osténdit eis manus et pedes.

Adhuc autem illis non credéntibus præ gáudio et mirántibus, dixit eis: « Habétis hic áliquíd quod manducétur? » At illi obtulérunt ei partem piscis assi. Et sumens coram eis manducávit.

Et dixit ad eos: « Hæc sunt verba quæ locútus sum ad vos cum adhuc essem vobíscum, quóniam necesse est impléri ómnia quæ scripta sunt in lege Móysis et Prophétis et Psalmis de me ». Tunc aperuit illis sensum ut intellégerent Scriptúras.

Et dixit eis: « Sic scriptum est, Christum pati, et resúrgere a mórtuis die tértia, et prædicári in nómine eius pæniténtiam in remissionem peccatórum in omnes gentes — incipiéntibus ab Ierúsalem: vos estis testes horum ».

Verbum Dómini.

### Super oblata

Hóstias, quæsumus, Dómine, placátus assúme,  
quas et pro renátis gratánte deférimus,  
et pro acceleratióne cæléstis auxilií.  
Per Christum.

**Præfatio paschalis I** (in hac potíssimum die), p. 631.

**Quando adhibetur Canon Romanus, dicuntur** Communicántes  
et Hanc igitur propria.

Ant. ad communionem

1 Petr 2, 9

**Pópulus acquisitionis, annuntiáte virtútes eius,  
qui vos de ténebris vocávit in admirábile lumen suum,  
allelúia.**

Post communionem

**Exáudi, Dómine, preces nostras,  
ut redemptionis nostræ sacrosáncta commércia  
et vitæ nobis cónferant præsentis auxiliium,  
et gáudia sempitérna concilient.  
Per Christum.**

## FERIA VI INFRA OCTAVAM PASCHÆ

Ant. ad introitum

Ps 77, 53

Edúxit Dóminus pópulum suum in spe,  
et inimícos eórum opéruit mare, allelúia.

Dicitur Glória in excélsis.

Collecta

Omnípotens sempitérne Deus, qui paschále sacraméntum  
in reconciliatiónis humanæ fœdere contulísti,  
da méntibus nostris,  
ut, quod professióne celebrámus, imitémur efféctu.  
Per Dóminum.

Lectio prior

*Non est in alio aliquo salus.*

Lectio Actuum Apostolorum

4, 1-12

In diébus illis:

Loquéntibus Petro et Ioánne ad pópulum, postquam  
claudus sanátus est, supervenérunt eis sacerdótes et  
magistrátus templi et Sadducæi, doléntes quod docé-  
rent pópulum et annuntiárent in Iesu resurrectiõem ex  
mórtuis, et iniecérunt in eos manus et posuérunt eos  
in custódiam in crástinum; erat enim iam véspera. Multi  
autem eórum qui audierant verbum credidérunt, et fac-  
tus est númerus virórum quinque mília.

Factum est autem in crástinum ut congregaréntur  
príncipes eórum et senióres et scribæ in Ierúsalem, et  
Annas princeps sacerdótum et Cáiaphas et Ioánnes et  
Alexánder et quotquot erant de genere pontificáli, et sta-  
tuéntes eos in médio interrogábant: « In qua virtúte  
aut in quo nómine fecístis hoc vos? »

Tunc Petrus replétus Spíritu Sancto dixit ad eos: « Príncipes pópuli et senióres, si nos hódie diiudicámur in benefácto hóm̄inis infirmi, in quo iste salvus factus est, notum sit ómnibus vobis et omni plebi Israel quia in Nóm̄ine Iesu Christi Nazaréni, quem vos crucifixístis, quem Deus suscitávit a mórtuis, in hoc iste astat coram vobis sanus.

Hic est lapis qui reprobátus est a vobis ædificatóribus, qui factus est in caput ánguli. Et non est in álio áliquo salus, nec enim nomen áliud est sub cælo datum in hominibus in quo opórtet nos salvos fieri ».

Verbum Dómini.

### Psalmus responsorius

Ps 117, 1-2 et 4. 22-24. 25-27 a (R.: 22)

R. Láp̄idem, quem reprobavérunt ædificántes,  
hic factus est in caput ánguli.

vel Allelúia.

- 1 Confitémini Dómino, quóniam bonus,  
quóniam in sæculum misericórdia eius.
- 2 Dicat nunc Israel, quóniam bonus,  
quóniam in sæculum misericórdia eius.
- 4 Dicant nunc qui timent Dóminum,  
quóniam in sæculum misericórdia eius. R.
- 22 Láp̄idem quem reprobavérunt ædificántes,  
hic factus est in caput ánguli;
- 23 a Dómino factum est istud,  
et est mirábile in óculis nostris.
- 24 Hæc est dies quam fecit Dóminus:  
exultémus et lætémur in ea. R.
- 25 O Dómine, salvum me fac;  
o Dómine, da prosperitátem.

Benedíctus qui venit in nómine Dómini.  
 Benedícimus vobis de domo Dómini.  
 Deus Dóminus et illúxit nobis. **¶**

Sequentia, ad libitum, ut supra, p. 372.

Alleluia

Ps 117, 24

**¶** Allelúia. **℟.** Hæc dies quam fecit Dóminus;  
 exsultémus et lætémur in ea. **¶** Allelúia.

### Evangelium

*Venit Iesus et accipit panem et dat eis, et piscem.*

**✠** Lécctio sancti Evangélii secúndum Ioánnem 21, 1-14

In illo témpore:

Manifestávit se íterum Iesus discípulis ad mare Tiberiádis; manifestávit autem sic.

Erant simul Simon Petrus et Thomas qui dicitur Dídymus et Nathánael qui erat a Cana Galilææ et filii Zebedæi et álíi ex discípulis eius duo. Dicit eis Simon Petrus: « Vado piscári ». Dicunt ei: « Venímus et nos tecum ». Exiérunt et ascendérunt in navem, et illa nocte nihil prendidérunt.

Mane autem iam facto, stetit Iesus in lítore; non tamen sciébant discípuli quia Iesus est.

Dicit ergo eis Iesus: « Púeri, numquid pulmentárium habétis? »

Respondérunt ei: « Non ».

Ille autem dixit eis: « Míttite in dexteram navígii rete, et inveniétis ». Misérunt ergo, et iam non valébant illud tráhere a multitúdiine píscium.

Dicit ergo discípulus ille, quem diligébat Iesus, Petro: « Dóminus est ». Simon ergo Petrus, cum audísset quia Dóminus est, tunicam succinxit se, erat enim nudus, et misit se in mare; álíi autem discípuli navígio venérunt,



non enim longe erant a terra sed quasi cúbitis ducéntis, trahéntes rete píscium.

Ut ergo descendérunt in terram vident prunas pósitas et píscem superpósitum et panem.

Dicit eis Iesus: « Afférte de píscibus quos prendidístis nunc ». Ascéndit Simon Petrus, et traxit rete in terram plenum magnis píscibus, centum quinquagínta tribus: et cum tanti essent, non est scissum rete.

Dicit eis Iesus: « Veníte, prandéte ». Nemo autem audébat discipulórum interrogáre eum: « Tu quis es? », sciéntes quia Dóminus est. Venit Iesus et áccipit panem et dat eis, et píscem simíliter.

Hoc iam tértio manifestátus est Iesus discipulis cum resurrexisset a mórtuis. — Verbum Dómini.

Super oblata

Pérfice, Dómine, benígnus in nobis  
paschálium múnerum votíva commércia,  
ut a terrénis afféctibus  
ad cæléste desidérium transferámur.  
Per Christum.

Præfatio paschalis I (in hac potíssimum die), p. 631.

Quando adhibetur Canon Romanus, dicuntur **Communicántes**  
et **Hanc** igitur propria.

Ant. ad communionem

Cf. Io 21, 12-13

Dixit Iesus discipulis suis: Veníte, prandéte.  
Et accépit panem et dedit eis, allelúia.

Post communionem

Contínua, quæsumus, Dómine,  
quos salvásti pietáte custódi,  
ut, qui Fílii tui passióne sunt redémpti,  
eius resurrectione læténtur.  
Per Christum.

## SABBATO INFRA OCTAVAM PASCHÆ

Ant. ad introitum

Ps 104, 43

**Edúxit Dóminus pópulum suum in exsultatióne,  
et eléctos suos in lætítia, allelúia.**

Dicitur Glória in excélsis.

Collecta

**Deus, qui credéntes in te pópulos  
grátia tuæ largitáte múltiplicas,  
ad electiónem tuam propítius intuére,  
ut, qui sacraménto baptísmatis sunt renáti,  
beáta fácias immortalitáte vestíri. Per Dóminum.**

Lectio prior

*Non possumus quæ vidimus et audivimus non loqui.*

Lectio Actuum Apostolorum

4, 13-21

In diébus illis: Vidéntes príncipes et senióres et scribæ Petri fidúciam et Ioánnis, et compérto quod hómines essent sine lítteris et idiótæ, admirabántur et cognoscébant eos quóniam cum Iesu fúerant; hóminem quoque vidéntes stantem cum eis qui curátus fúerat, nihil póterant contradícere.

Iubéntes autem eos foras extra concílium secédere, conferébant ad ínvicem dicéntes: « Quid faciémus hóminibus istis? Quóniam quidem notum signum factum est per eos ómnibus habitántibus in Ierúsalem manifestum, et non póssumus negáre; sed ne ámplius divulgétur in pópulum, comminémur eis ne ultra loquántur in nómine hoc ulli hóminum ».

Et vocantes eos denuntiaverunt ne omnino loquerentur neque docerent in nomine Iesu. Petrus vero et Ioannes respondentes dixerunt ad eos: « Si iustum est in conspectu Dei vos potius audire quam Deum, iudicâte, non enim possumus nos quæ vidimus et audivimus non loqui ».

At illi ultra comminantes dimiserunt eos, nequâquam inveniêntes quomodo punirent eos, propter pópulum, quia omnes glorificâbant Deum in eo quod acciderat.

Verbum Dómini.

### Psalmus responsorius

Ps 117, 1 et 14-15. 16 ab-18. 19-21 (R.: 21 a)

R. Confitebor tibi, Dómine, quóniam exaudisti me.

vel Allelúia.

- 1 Confitémini Dómino, quóniam bonus,  
quóniam in sâculum misericórdia eius.
- 14 Fortitúdo mea et laus mea Dóminus,  
et factus est mihi in salútem.
- 15 Vox iubilatiónis et salútis  
in tabernáculis iustórum. R.
- 16 Dêxtera Dómini fecit virtútem,  
dêxtera Dómini exaltáta est.
- 17 Non móriar, sed vivam,  
et narrábo ópera Dómini.
- 18 Castigans castigávit me Dóminus,  
et morti non trádidit me. R.
- 19 Aperíte mihi portas iustitiæ,  
ingréssus in eas confitebor Dómino;
- 20 hæc porta Dómini, iusti intrábunt in eam.
- 21 Confitebor tibi, quóniam exaudisti me,  
et factus es mihi in salútem. R.

Sequentia, ad libitum, ut supra, p. 372.

## Alleluia

Ps 117, 24

℞. Alleluía. *℣.* Hæc dies quam fecit Dóminus;  
exsultémus et lætémur in ea. *℞.* Alleluía.

## Evangelium

*Euntes in mundum universum prædicate Evangelium.*

## ✠ Lécio sancti Evangélii secúndum Marcum 16, 9-15

Surgens Iesus mane, prima sábbati, appáruit primo Mariæ Magdalénæ, de qua eiécerat septem dæmónia. Illa vadens nuntiávit his qui cum eo fúerant lugéntibus et fléntibus; et illi audiéntes quia víveret et visus esset ab ea, non credidérunt.

Post hæc autem duóbus ex eis ambulántibus osténus est in ália effígie eúntibus in villam; et illi eúntes nuntiavérunt céteris; nec illis credidérunt.

Novíssime recumbéntibus illis Undecim appáruit, et exprobrávit incredulitátem illórum et durítiam cordis, quia his qui víderant eum resuscitátum non crediderant. Et dixit eis: « Eúntes in mundum univérsum prædicáte Evangelium omni creatúrà ».

Verbum Dómini.

## Super oblata

Concéde, quæsumus, Dómine,  
semper nos per hæc mystéria paschália gratulári,  
ut continúa nostræ reparatiónis operátio  
perpétuæ nobis fiat causa lætitiæ.  
Per Christum.

**Præfatio paschalis I** (in hac potíssimum die), p. 631.

**Quando adhibetur Canon Romanus, dicuntur Communicántes et Hanc igitur propria.**

Ant. ad communionem

Gal 3, 27

**Omnes qui in Christo baptizatis estis,  
Christum induistis, allelúia.**

Post communionem

**Pópulum tuum, quésumus, Dómine, intuére benígnus,  
et, quem ætérnis dignátus es renováre mystériis,  
ad incorruptibilem glorificándæ carnis resurrectionem  
perveníre concéde.  
Per Christum.**

## DOMINICA II PASCHÆ

Ant. ad introitum

1 Petr 2, 2

Quasi modo géniti infántes,  
rationábile, sine dolo lac concupiscite,  
ut in eo crescátis in salútem, allelúia.

Vel:

4 Esdr 2, 36-37

Accípite iucunditátem glóriæ vestræ,  
grátias ágéntes Deo,  
qui vos ad cæléstia regna vocávit, allelúia.

Dicitur Glória in excélsis.

Collecta

Deus misericórdiæ sempitérnæ,  
qui in ipso paschális festi recúrsu  
fidem sacrátæ tibi plebis accéndis,  
auge grátiam quam dedisti,  
ut digna omnes intellegéntia comprehéndant,  
quo lavácro ablúti, quo spírítu regeneráti,  
quo sángine sunt redémpti. Per Dóminum.

---

Anno A

Lectio prima

*Omnes qui crediderant erant pariter  
et habebant omnia communia.*

Léctio Actuum Apostolórum

2, 42-47

Erant fratres perseverántes in doctrína Apostolórum  
et communicatióne, in fractiÓne panis et oratiÓnibus.

Fiébat autem omni ánimæ timor, multa quoque  
prodígia et signa per Apóstolos fiébant. Omnes autem

qui crediderant erant pariter et habebant omnia communia, et possessiones et substantias vendebant et dividebant illas omnibus prout cuique opus erat.

Cotidie quoque perdurantes unanimiter in templo et frangentes circa domos panem, sumebant cibum cum exultatione et simplicitate cordis, collaudantes Deum et habentes gratiam ad omnem plebem. Dominus autem agebat qui salvi fierent cotidie in idipsum.

Verbum Domini.

### Psalmus responsorius

Ps 117, 2-4. 13-15. 22-24 (R.: 1)

R. Confitemini Domino quoniam bonus,  
quoniam in seculum misericordia eius.

vel Alleluia.

- 2 Dicat nunc Israel, quoniam bonus,  
quoniam in seculum misericordia eius.
- 3 Dicat nunc domus Aaron,  
quoniam in seculum misericordia eius.
- 4 Dicant nunc qui timent Dominum,  
quoniam in seculum misericordia eius. R.
- 13 Impellentes impulerunt me, ut caderem,  
et Dominus adiuvit me.
- 14 Fortitudo mea et laus mea Dominus,  
et factus est mihi in salutem.
- 15 Vox iubilationis et salutis  
in tabernaculis iustorum. R.
- 22 Lapidem quem reprobaverunt edificantes,  
hic factus est in caput anguli;
- 23 a Domino factum est istud,  
et est mirabile in oculis nostris.
- 24 Hæc est dies quam fecit Dominus:  
exultemus et lætemur in ea. R.

## Lectio secunda

*Regeneravit nos in spem vivam per resurrectionem  
Iesu Christi ex mortuis.*

Lectio Epistolæ primæ beāti Petri apóstoli 1, 3-9

Benedictus Deus et Pater Dómini nostri Iesu Christi, qui secúndum magnam misericórdiam suam regenerávit nos in spem vivam per resurrectionem Iesu Christi ex mórtuis, in hereditátem incorruptibilem et incontaminátam et immarcescibilem, conservátam in cælis propter vos qui in virtúte Dei custodímini per fidem in salutem parátam revelári in témpore novíssimo.

In quo exsultátis, módicum nunc si opórtet contristáti in váriis tentationibus, ut probátio vestræ fidei multo pretiósior auro quod perit, per ignem quidem probáto, inveniátur in laudem et glóriam et honórem in revelatióne Iesu Christi. Quem cum non vidéritis dilígitis, in quem nunc non vidéntes, credéntes autem, exsultátis lætítia inenarrábili et glorificáta, reportántes finem fidei vestræ salutem animárum.

Verbum Dómini.

Alleluia

Io 20, 29

℞. Allelúia. ʒ. Quia vidísti me, Thoma, credidísti,  
dicit Dóminus;  
beāti qui non vidérunt et credidérunt.  
℞. Allelúia.

## Evangelium

*Post dies octo, venit Iesus.*

✠ Lectio sancti Evangélii secúndum Ioánnem

20, 19-31

Cum esset sero die illo prima sabbatórum, et fores



essent clausæ ubi erant discipuli propter metum Iudæorum, venit Iesus et stetit in médio et dicit eis: « Pax vobis ». Et hoc cum dixisset, osténdit eis manus et latus. Gavísi sunt ergo discipuli viso Dómino.

Dixit ergo eis íterum: « Pax vobis: sicut misit me Pater, et ego mitto vos ». Et cum hoc dixisset, insufflavit et dicit eis: « Accípite Spíritum Sanctum: quorum remisérítis peccáta, remíssa sunt eis, quorum retinuérítis, reténta sunt ».

Thomas autem, unus ex Duódecim, qui dicitur Dídy-mus, non erat cum eis quando venit Iesus. Dicébant ergo ei álíi discipuli: « Vídimus Dóminum ».

Ille autem dixit eis: « Nisi vídero in mánibus eius signum clavórum et mittam dígitum meum in signum clavórum et mittam manum meam in latus eius, non credam ».

Et post dies octo íterum erant discipuli eius intus, et Thomas cum eis. Venit Iesus iánuis clausis, et stetit in médio et dixit: « Pax vobis ». Deínde dicit Thomæ: « Infer dígitum tuum huc et vide manus meas et affer manum tuam et mitte in latus meum, et noli esse incrédulus sed fidélis ».

Respóndit Thomas et dixit ei: « Dóminus meus et Deus meus ».

Dicit ei Iesus: « Quia vidísti me, credidísti. Beáti qui non vidérunt et credidérunt ».

Multa quidem et ália signa fecit Iesus in conspéctu discipulórum suórum, quæ non sunt scripta in libro hoc: hæc autem scripta sunt ut credátis quia Iesus est Christus Fílius Dei, et ut credéntes vitam habeátis in Nómíne eius. — Verbum Dómini.

## Anno B

## Lectio prima

*Cor et anima una.*

## Lectio Actuum Apostolorum

4, 32-35

Multitudinis credentium erat cor et ánima una, nec quisquam eórum quæ possidébant áliquid suum esse dicebat, sed erant illis ómnia commúnia. Et virtúte magna reddébant Apóstoli testimónium resurrectiónis Dómini Iesu, et grátia magna erat super ómnibus illis.

Neque enim quisquam egens erat inter illos; quotquot enim possessóres agrórum aut domórum erant, vendétes afferébant prétia eórum quæ vendébant et ponébant ante pedes Apostolorum; dividebátur autem síngulis prout cuique opus erat. — Verbum Dómini.

## Psalmus responsorius

Ps 117, 2-4. 16 ab-18. 22-24 (R.: 1)

R. Confitémini Dómino quóniam bonus,  
quóniam in sáeculum misericórdia eius.

vel Allelúia.

<sup>2</sup> Dicat nunc Israel, quóniam bonus,  
quóniam in sáeculum misericórdia eius.

<sup>3</sup> Dicat nunc domus Aaron,  
quóniam in sáeculum misericórdia eius.

<sup>4</sup> Dicant nunc qui timent Dóminum,  
quóniam in sáeculum misericórdia eius. R.

<sup>16</sup> Déxtera Dómini fecit virtútem,  
déxtera Dómini exaltáta est.

<sup>17</sup> Non móriar, sed vivam,  
et narrábo ópera Dómini.

<sup>18</sup> Castígans castigávit me Dóminus,  
et mortí non trádidit me. R.

- 22 Lápídem quem reprobavérunt ædificántes,  
 hic factus est in caput ánguli;  
 23 a Dómino factum est istud,  
 et est mirábile in óculis nostris.  
 24 Hæc est dies quam fecit Dóminus:  
 exsultémus et lætémur in ea. **Ꝟ.**

### Lectio secunda

*Omne quod natum est ex Deo vincit mundum.*

Léctio Epístolæ primæ beáti Ioánnis apóstoli 5, 1-6

Caríssimi:

Omnis qui credit quóniam Iesus est Christus, ex Deo natus est, et omnis qui diligit Deum qui genuit diligit et eum qui natus est ex eo. In hoc cognóscimus quóniam diligimus natos Dei, cum Deum diligámus et mandáta eius faciámus.

Hæc est enim caritas Dei, ut mandáta eius servémus; et mandáta eius grávia non sunt, quóniam omne quod natum est ex Deo vincit mundum; et hæc est victória quæ vicit mundum: fides nostra. Quis est qui vincit mundum, nisi qui credit quóniam Iesus est Fílius Dei?

Hic est qui venit per aquam et sánguinem, Iesus Christus; non in aqua solum, sed in aqua et in sán-guine; et Spíritus est qui testificátur, quóniam Spíritus est véritas. — Verbum Dómini.

**Alleluia**

**Io 20, 29**

**Ꝟ.** Allelúia. **Ꝟ.** Quia vidísti me, Thoma, credidísti, dicit Dóminus;  
 beáti qui non vidérunt et credidérunt.

**Ꝟ.** Allelúia.

**Evangelium (Io 20, 19-31), ut supra anno A, p. 403.**

## Anno C

## Lectio prima

*Addebantur credentes Domino.*

## Lectio Actuum Apostolorum

5, 12-16

Per manus Apostolorum fiebant signa et prodigia multa in plebe; et erant unanimiter omnes in porticu Salomonis.

Ceterorum autem nemo audébat coniungere se illis, sed magnificábat eos pópulus; magis autem addebántur credétes Dómino, multitudines virórum ac mulierum, ita ut et in platéas efférrent infirmos et pónerent in léctulis et grabátis, ut veniente Petro saltem umbra illius obumbráret quemquam eórum.

Concurrébat autem et multitúdo vicinarum civitátum Ierúsalem, afferétes ægros et vexátos ab spiritibus immúndis, qui curabántur omnes. — Verbum Dómini.

## Psalmus responsorius

Ps 117, 2-4. 22-24. 25-27 a (R.: 1)

R. Confitémini Dómino quóniam bonus,  
quóniam in sáeculum misericórdia eius.

vel Allelúia.

- <sup>2</sup> Dicat nunc Israel, quóniam bonus,  
quóniam in sáeculum misericórdia eius.
- <sup>3</sup> Dicat nunc domus Aaron,  
quóniam in sáeculum misericórdia eius.
- <sup>4</sup> Dicant nunc qui timent Dóminum,  
quóniam in sáeculum misericórdia eius. R.
- <sup>22</sup> Lápídem quem reprobavérunt ædificántes,  
hic factus est in caput ánguli;

- 23 a Dómino factum est istud,  
et est mirábile in óculis nostris.
- 24 Hæc est dies quam fecit Dóminus:  
exsultémus et lætémur in ea. *R̄.*
- 25 O Dómine, salvum me fac;  
o Dómine, da prosperitátem.
- 26 Benedictus qui venit in nómine Dómini.  
Benedícimus vobis de domo Dómini.
- 27 Deus Dóminus et illúxit nobis. *R̄.*

### Lectio secunda

*Fui mortuus  
et ecce sum vivens in sæcula sæculorum.*

Léctio libri Apocalýpsis beáti Ioánnis apóstoli

1, 9-11 a. 12-13. 17-19

Ego Ioánnes, frater vester et párticeps in tribulatióne et regno et paciéntia in Iesu, fui in ínsula quæ appellátur Patmos propter verbum Dei et testimónium Iesu. Fui in spírítu in Domínica die, et audívi post me vocem magnam tamquam tubæ dicéntis: « Quod vides scribe in libro et mitte septem Ecclésiis quæ sunt in Asia ».

Et convérsus sum ut vidérem vocem quæ loquebátur mecum: et convérsus vidi septem Candelábra áurea et in médio Candelabrórum quasi Fílium hóminis, vestítum podére et præcínctum ad mamíllas zonam áuream.

Et cum vidíssem eum, cécidi ad pedes eius tamquam mórtuus; et pósuit dexteram suam super me dicens: « Noli timére: ego sum Primus et Novíssimus, et Vivens et fui mórtuus et ecce sum vivens in sæcula sæcu-

lórum, et hábeo claves Mortis et Inférni. Scribe ergo quæ vidísti et quæ sunt et quæ opórtet fieri post hæc ». Verbum Dómini.

Alleluia

Io 20, 29

R. Allelúia. V. Quia vidísti me, Thoma, credidísti, dicit Dóminus;  
beáti qui non vidérunt et credidérunt.  
R. Allelúia.

Evangelium (Io 20, 19-31), ut supra anno A, p. 403.

---

Dicitur Credo.

Super oblata

**Súscipe, quæsumus, Dómine,**  
**plebis tuæ (et tuórum renatórum) oblatiónes,**  
**ut, confessióne tui nóminis et baptísmate renováti,**  
**sempitérnám beatitúdinem consequántur.**  
Per Christum.

Præfatio paschalis I (in hac potíssimum die), p. 631.

Quando adhibetur Canon Romanus, dicuntur Communicántes et Hanc ígitur propria.

Ant. ad communionem

Cf. Io 20, 27

Mitte manum tuam, et cognósce loca clavórum,  
et noli esse incrédulus, sed fidélis, allelúia.

Post communionem

Concéde, quæsumus, omnípotens Deus,  
ut paschális percéptio sacraménti  
contínua in nostris méntibus perseveret.  
Per Christum.

## Feria secunda

Ant. ad introitum

Rom 6, 9

Christus resurgens ex mortuis iam non moritur,  
mors illi ultra non dominabitur, allelúia.

Collecta

Omnípotens sempitérne Deus,  
quem patérno nómine invocáre præsumimus,  
pérfice in córdibus nostris spíritum adoptiónis filiórum,  
ut promissam hereditátem ingredi mereámur.  
Per Dóminum.

Lectio prior

*Cum orassent, repleti sunt omnes Sancto Spiritu  
et loquebantur verbum Dei cum fiducia.*

Lectio Actuum Apostolorum

4, 23-31

In diébus illis:

Dimíssi venérunt Petrus et Ioánnes ad suos et annuntiavérunt quanta ad eos príncipes sacerdotum et senióres dixissent. Qui cum audissent unánimiter levavérunt vocem ad Deum et dixerunt:

« Dómine, tu qui fecisti cælum et terram et mare et ómnia quæ in eis sunt, qui Spíritu Sancto per os patris nostri David púeri tui dixísti:

“ Quare fremuérunt gentes et pópuli meditáti sunt inánia? Astitérunt reges terræ et príncipes convenérunt in unum advérsus Dóminum et advérsus Christum eius ”.

Convenérunt enim vere in civitáte ista advérsus sanctum Púerum tuum Iesum, quem unxísti, Heródes et Póntius Pilátus cum géntibus et pópulis Israel fá-

cere quæcúmque manus tua et consilium prædestinávit fieri.

Et nunc, Dómine, réspice in minas eórum, et da servis tuis cum omni fidúcia loqui verbum tuum, in eo quod manum tuam exténdas sanitátem et signa et prodígia fieri per Nomen sancti Púeri tui Iesu ».

Et cum orássent motus est locus in quo erant congregáti, et repléti sunt omnes Sancto Spíritu, et loquebántur verbum Dei cum fidúcia. — Verbum Dómini.

Psalmus responsorius Ps 2, 1-3. 4-6. 7-9 (R.: cf. 13 b)

R. Beáti omnes qui confidunt in te, Dómine.  
vel Allelúia.

Quare fremuérunt gentes,  
et pópuli meditáti sunt inánia?  
Astitérunt reges terræ,  
et príncipes convenérunt in unum  
advérsus Dóminum et advérsus Christum eius:  
« Dirumpámus víncula eórum,  
et proiciámus a nobis iugum ipsórum! » R.

Qui hábitat in cælis irridébit eos,  
Dóminus subsannábit eos.  
Tunc loquétur ad eos in ira sua,  
et in furóre suo conturbábit eos:  
« Ego autem constitúi regem meum  
super Sion, montem sanctum meum! » R.

Prædicábo decretum eius:  
Dóminus dixit ad me: « Fílius meus es tu,  
ego hódie génui te.  
Póstula a me, et dabo tibi gentes hereditátem tuam,  
et possessiónem tuam términos terræ.  
Reges eos in virga férrea,  
et tamquam vas figuli confrínges eos ». R.



Alleluia

Col 3, 1

℞. Allelúia. ⁊. Si consurrexístis cum Christo,  
 quæ sursum sunt quærite,  
 ubi Christus est in dextera Dei sedens.  
 ℞. Allelúia.

Loco versus ante Evangelium qui singulis diebus proponitur, alius adhiberi potest ex iis qui infra, p. 601, inveniuntur.

## Evangelium

*Nisi quis natus fuerit denuo,  
 non potest videre Regnum Dei.*

✠ Lécio sancti Evangélii secúndum Ioánnem 3, 1-8

Erat homo ex Pharisséis, Nicodémus nómine, princeps Iudæórum; hic venit ad Iesum nocte et dixit ei: « Rabbi, scimus quia a Deo venísti magíster: nemo enim potest hæc signa fácere quæ tu facis, nisi fúerit Deus cum eo ».

Respóndit Iesus et dixit ei: « Amen, amen dico tibi: Nisi quis natus fúerit denuo, non potest vidére Regnum Dei ».

Dicit ad eum Nicodémus: « Quómodo potest homo nasci cum senex sit? Numquid potest in ventrem matris suæ iteráto introíre et nasci? »

Respóndit Iesus: « Amen, amen dico tibi: Nisi quis natus fúerit ex aqua et Spíritu, non potest introíre in Regnum Dei. Quod natum est ex carne, caro est, et quod natum est ex Spíritu, spíritus est.

Non miréris quia dixi tibi: " Opórtet vos nasci denuo ". Spíritus ubi vult spirat, et vocem eius audis, sed non scis unde véniat et quo vadat; sic est omnis qui natus est ex Spíritu ». — Verbum Dómini.

Super oblata

**Súscipe múnera, Dómine, quæsumus,  
exultántis Ecclésiæ,  
et, cui causam tanti gáudii præstitisti,  
perpétuæ fructum concéde lætitiæ. Per Christum.**

Præfatio paschalis, pp. 631-635.

Ant. ad communionem

Io 20, 19

**Stetit Iesus in médio discipulórum suórum,  
et dixit eis: Pax vobis, allelúia.**

Post communionem

**Pópulum tuum, quæsumus, Dómine, intuére benignus,  
et, quem ætérnis dignátus es renováre mystériis,  
ad incorruptibilem glorificándæ carnis resurrectionem  
pervenire concéde. Per Christum.**

### Feria tertia

Ant. ad introitum

Ap 19, 7 a. 6 c

**Gaudeámus et exultémus et demus glóriam Deo,  
quóniam regnávit Dóminus Deus noster omnípotens,  
allelúia.**

Collecta

**Fac nos, quæsumus, omnípotens Deus,  
Dómini resurgéntis prædicáre virtútem,  
ut, cuius múnemis pignus accévimus,  
manífesta dona comprehéndere valeámus. Per Dóminum.**

Lectio prior

*Cor et anima una.*

Léctio Actuum Apostolórum

4, 32-37

**Multitúdinis credéntium erat cor et ánima una, nec  
quisquam eórum quæ possidébant áliquid suum esse**

dicébat, sed erant illis ómnia commúnia. Et virtúte magna reddébant Apóstoli testimónium resurrectiónis Dómini Iesu, et grátia magna erat super ómnibus illis.

Neque enim quisquam egens erat inter illos; quotquot enim possessóres agrórum aut domórum erant, vendéntes afferébant prétia eórum quæ vendébant et ponébant ante pedes Apostolórum; dividebátur autem singulis prout cuique opus erat.

Ioseph autem qui cognominátus est Bárnabas ab Apóstolis, quod est interpretátum Fílius consolatiónis, Levítes, Cýprius genere, cum habéret agrum, véndidit et áttulit pecúniam et pósuit ante pedes Apostolórum.

Verbum Dómini.

Psalmus responsorius Ps 92, 1 ab. 1 c-2. 5 (R.: 1 a)

R. Dóminus regnávít, decórem indútus est.

vel Allelúia.

1 Dóminus regnávít, decórem indútus est;  
indútus est Dóminus, fortitúdine præcínxit se. R.

Etenim firmávit orbem terræ  
qui non commovébitur.

2 Firmáta sedes tua ex tunc,  
a século tu es. R.

3 Testimónia tua credibília facta sunt nimis;  
domum tuam decet sanctitúdo, Dómine,  
in longitúdinem diérum. R.

Alleluia

Io 3, 15

R. Allelúia. γ. Exaltári opórtet Fílium hóminis,  
ut omnis qui credit in eum hábeat vitam  
ætérnam.

R. Allelúia.

**Evangelium**

*Nemo ascendit in cælum nisi qui descendit de cælo, Filius hominis.*

✠ Lécio sancti Evangéllii secúndum Ioánnem

**3, 5 a. 7 b-15**

In illo témpore: Dixit Iesus Nicodémo: « Amen, amen dico tibi: Opórtet vos nasci dénuo. Spíritus ubi vult spirat, et vocem eius audis, sed non scis unde véniat aut quo vadat; sic est omnis qui natus est ex Spíritu ».

Respóndit Nicodémus et dixit ei: « Quómodo pos-sunt hæc fieri? »

Respóndit Iesus et dixit ei: « Tu es magíster Israel et hæc ignóras? Amen, amen dico tibi: Quod scimus lóquimur et quod vídimus testámur et testimó-nium nostrum non accípitis. Si terréna dixi vobis, et non créditis, quómodo si díxero vobis cæléstia crédétis?

Et nemo ascéndit in cælum nisi qui descéndit de cælo, Filius hóminis. Et sicut Móyses exaltávit serpén-tem in desérto, ita exaltári opórtet Fílium hóminis, ut omnis qui credit in ipso hábeat vitam ætérrnam ».

Verbum Dómini.

**Super oblata**

Concéde, quæsumus, Dómine,  
semper nos per hæc mystéria paschália gratulári,  
ut continúa nostræ reparatiónis operátio  
perpétuæ nobis fiat causa lætitiæ.

Per Christum.

**Præfatio paschalis, pp. 631-635.**

**Ant. ad communionem**

**Cf. Lc 24, 46. 26**

Opórtuit pati Christum, et resúrgere a mórtuis,  
et ita intráre in glóriam suam, allelúia.

## Post communionem

Exáudi, Dómine, preces nostras,  
 ut redemptiónis nostræ sacrosáncta commércia  
 et vitæ nobis cónferant præsentis auxiliúm  
 et gáudia sempitérna concíliant.  
 Per Christum.

## Feria quarta

Ant. ad introitum

Ps 17, 50; 21, 23

Confitébor tibi in pópulis, Dómine,  
 et narrábo nomen tuum frátribus meis, allelúia.

## Collecta

Annua recoléntes mystéria,  
 quibus per renovátam orígini dignitátem  
 humána substántia spem resurrectiónis accépit,  
 cleméntiam tuam, Dómine, suppliciter exorámus,  
 ut, quod fide recólimus,  
 perpétua dilectióne capiámus.  
 Per Dóminum.

## Lectio prior

*Ecce viri quos posuistis in carcere  
 sunt in templo docentes populum.*

Lectio Actuum Apostolorum

5, 17-26

In diébus illis:

Exsurgens princeps sacerdotum et omnes qui cum illo erant, quæ est hæresis Sadducæorum, repléti sunt zelo et iniecérunt manus in Apóstolos et posuérum illos in custódia pública.

Angelus autem Dómini per noctem apéruit iánuas cárceris et edúcens eos dixit: « Ite et stantes loquímini

in templo plebi ómnia verba vitæ huius ». Qui cum audissent intravérunt dilúculo in templum et docébant.

Advéniens autem princeps sacerdotum et qui cum eo erant, convocavérunt concílium et omnes senióres filiórum Israel, et misérunt in cárcerem ut adduceréntur illi. Cum venissent autem ministri, non invenérunt illos in cárcere, reversi autem nuntiavérunt dicétes: « Cárcerem invenimus clausum cum omni diligéntia et custódes stantes ad iánuas, aperiétes autem intus néminem invenimus ».

Ut audierunt autem hos sermónes magistrátus templi et príncipes sacerdotum, ambigébant de illis quidnam fieret illud. Advéniens autem quidam nuntiávit eis: « Ecce viri quos posuístis in cárcere sunt in templo stantes et docétes pópulum ». Tunc ábiens magistrátus cum ministris adducebat illos, non per vim, tímébant enim pópulum, ne lapidaréntur. — Verbum Dómini.

Psalmus responsorius Ps 33, 2-3. 4-5. 6-7. 8-9 (R.: 7 a)

R. Pauper clamávit, et Dóminus exaudivit eum.  
vel Allelúia.

Benedícam Dóminum in omni témpore,  
semper laus eius in ore meo.

In Dómino gloriábitur ánima mea,  
áudiant mansuétí et læténtur. R.

Magnificáte Dóminum mecum,  
et exaltémus nomen eius in idípsum.  
Exquisívi Dóminum, et exaudivit me,  
et ex ómnibus terróribus meis erípuit me. R.

Respícite ad eum et illuminámini,  
et fácies vestræ non confundéntur.  
Iste pauper clamávit, et Dóminus exaudivit eum,  
et de ómnibus tribulatió nibus eius salvávit eum. R.

- 8 Vallábit Angelus Dómini in circúitu timéntes eum,  
et erípiet eos.
- 9 Gustáte et vidéte quóniam suávis est Dóminus;  
beátus vir qui sperat in eo. R.

Alleluia

Io 3, 16

R. Allelúia. - γ. Sic Deus diléxit mundum, ut Fílium  
suum unigénitum daret;  
omnis qui credit in eum habet vitam  
ætérnam.  
R. Allelúia.

## Evangelium

*Misit Deus Filium ut salvetur mundus per ipsum.*

✠ Lécio sancti Evangéllii secúndum Ioánnem 3, 16-21

In illo témpore: Dixit Iesus Nicodémo:

« Sic diléxit Deus mundum, ut Fílium suum Unigénitum daret, ut omnis qui credit in eum non péreat sed hábeat vitam ætérnam.

Non enim misit Deus Fílium in mundum ut iúdicet mundum, sed ut salvétur mundus per ipsum. Qui credit in eum non iudicátur: qui autem non credit iam iudicátus est, quia non crédidit in Nómine Unigéniti Fílii Dei.

Hoc est autem iudícium: Lux venit in mundum, et dilexérunt hómines magis ténebras quam lucem, erant enim eórum mala ópera.

Omnis enim qui mala agit, odit lucem et non venit ad lucem, ut non arguántur ópera eius; qui autem facit veritátem, venit ad lucem, ut manifesténtur eius ópera quia in Deo sunt facta ».

Verbum Dómini.

Super oblata

Deus, qui nos,  
per huius sacrificií veneránda commércia,  
uníus summæque divinitátis partícipes effecísti,  
præsta, quæsumus,  
ut, sicut tuam cognóvimus veritátem,  
sic eam dignis móribus assequámur.  
Per Christum.

Præfatio paschalis, pp. 631-635.

Ant. ad communionem

Cf. Io 15, 16. 19

Dicit Dóminus: Ego elégi vos de mundo  
et pósui vos, ut eátis, et fructum afferátis,  
et fructus vester máneat, allelúia.

Post communionem

Pópulo tuo, quæsumus, Dómine, adésto propítius,  
et, quem mystériis cæléstibus imbuísti,  
fac ad novitátem vitæ de vetustáte transíre.  
Per Christum.

## Feria quinta

Ant. ad introitum

Cf. Ps 67, 8-9. 20

Deus, dum egredereris coram pópulo tuo,  
iter faciens eis, hábitans in illis,  
terra mota est, cæli distillavérunt, allelúia.

Collecta

Concéde, miséricors Deus,  
ut, quod paschálibus exséquimur institútis,  
fructíferum nobis omni témpore sentiámus.  
Per Dóminum.



## Lectio prior

*Nos sumus testes horum verborum,  
et Spiritus Sanctus.*

Lectio Actuum Apostolorum

5, 27-33

In diébus illis:

Cum adduxissent ministri Apóstolos, statuérunt in concílio. Et interrogávit eos princeps sacerdotum dicens: « Nonne præcipiéndò præcépimus vobis ne docerétis in nómine isto? Et ecce replevistis Ierúsalem doctrína vestra, et vultis indúcere super nos sánguinem hóminis istíus ».

Respóndens autem Petrus et Apóstoli dixerunt: « Obœdíre opórtet Deo magis quam homínibus.

Deus patrum nostrórum suscitávit Iesum, quem vos interemístis suspendéntes in ligno; hunc Deus Príncipem et Salvatórem exaltávit dèxtera sua, ad dandam pæniténtiam Israel et remissionem peccatórum.

Et nos sumus testes horum verbórum, et Spíritus Sanctus quem dedit Deus obœdiéntibus sibi ».

Hæc cum audissent dissecabántur et volébant interficere illos. — Verbum Dómini.

## Psalmus responsorius

Ps 33, 2 et 9. 17-18. 19-20 (R.: 7 a)

R. Pauper clamávit, et Dóminus exaudivit eum.

vel Allelúia.

<sup>2</sup> Benedícam Dóminum in omni témpore,  
semper laus eius in ore meo.

<sup>9</sup> Gustáte et vidéte quóniam suávis est Dóminus;  
beátus vir qui sperat in eo. R.

Vultus autem Dómini super faciéntes mala,  
 ut perdat de terra memóriam eórum.  
 Clamavérunt, et Dóminus exaudivit,  
 et ex ómnibus tribulatióibus eórum  
 liberávit eos. **Ps.**

Iuxta est Dóminus iis qui contríto sunt corde,  
 et confráctos spírítu salvábit.  
 Multæ tribulatiónes iustórum,  
 et de ómnibus his liberábit eos Dóminus. **Ps.**

**Alleluia**

**Io 20, 29**

**Ps.** Allelúia. **Ps.** Quia vidísti me, Thoma, credidísti;  
 beáti qui non vidérunt et credidérunt.  
**Ps.** Allelúia.

### **Evangelium**

*Pater diligit Filium et omnia dedit in manu eius.*

**✠** Lécio sancti Evangélii secúndum Ioánnem

**3, 31-36**

In illo témpore: Dixit Iesus Nicodémo:

« Qui de sursum venit, supra omnes est; qui est de terra, de terra est et de terra lóquitur. Qui de cælo venit supra omnes est: et quod vidit et audivit, hoc testátur, et testimónium eius nemo áccipit. Qui áccipit eius testimónium, signávit quia Deus verax est.

Quem enim misit Deus, verba Dei lóquitur, non enim ad mensúram dat Spírítum. Pater díligit Filium et ómnia dedit in manu eius. Qui credit in Fílium habet vitam ætérnam; qui autem incrédulus est Filio, non vidébit vitam, sed ira Dei manet super eum ».

Verbum Dómini.

Super oblata

Ascéndant ad te, Dómine,  
preces nostræ cum oblatiónibus hostiárum,  
ut, tua dignatióne mundáti,  
sacraméntis magnæ pietátis aptémur.  
Per Christum.

Præfatio paschalis, pp. 631-635.

Ant. ad communionem

Mt 28, 20

Ecce ego vobiscum sum ómnibus diébus  
usque ad consummationem sæculi, allelúia.

Post communionem

Omnípotens sempitérne Deus,  
qui ad ætérnam vitam  
in Christi resurrectione nos réparas,  
fructus in nobis paschális multiplíca sacraménti,  
et fortitúdinem cibi salutáris nostris infúnde pectoribus.  
Per Christum.

### Feria sexta

Ant. ad introitum

Ap 5, 9-10

Redemísti nos, Dómine, in sánguine tuo,  
ex omni tribu et lingua et pópulo et natióne,  
et fecísti nos Deo nostro regnum et sacerdótes, allelúia.

Collecta

Deus, qui pro nobis Fílium tuum  
crucis patíbulum subíre voluísti,  
ut inimíci a nobis expélleres potestátem,  
concéde nobis, fámulis tuis,  
ut resurrectionis grátiam consequámur.  
Per Dóminum.

## Lectio prior

*Ibant gaudentes, quoniam digni habiti sunt  
pro Nomine contumeliam pati.*

Lectio Actuum Apostolorum

5, 34-42

In diebus illis:

Surgens quidam in concilio Pharisæus nomine Gamaliel, Legis doctor honorabilis universæ plebi, iussit foras ad breve Apostolos fieri, dixitque ad illos:

« Viri Israëlîtæ, attendite vobis super hominibus istis quid actûri sitis. Ante hos enim dies exstitit Théudas, dicens esse se aliquem, cui consensit virorum numerus circiter quadringentorum; qui occisus est, et omnes quicumque credebant ei dissipati sunt et redacti sunt ad nihilum. Post hunc exstitit Iudas Galilæus in diebus census et avertit populum post se; et ipse periit, et omnes quotquot consentiebant ei dispersi sunt.

Et nunc dico vobis: discédite ab hominibus istis et sinite illos: quoniam, si est ex hominibus consilium hoc aut opus hoc, dissolvétur; si vero ex Deo est, non poteritis dissolvere eos — ne forte et adversus Deum pugnantes inveniámini ».

Consenserunt autem illi et convocantes Apostolos, cæsis denunciaverunt ne loquerentur in nomine Iesu, et dimiserunt eos.

Et illi quidem ibant gaudentes a conspectu concilii quoniam digni habiti sunt pro Nomine contumeliam pati; et omni die in templo et circa domos non cessabant docentes et evangelizantes Christum, Iesum.

Verbum Domini.

Psalmus responsorius Ps 26, 1. 4. 13-14 (R.: cf. 4 ab)

R. Unum p̄t̄ii a D̄omino: ut inh̄abitem in domo D̄omini.  
vel Allelúia.

<sup>1</sup> D̄ominus illuminatio mea et salus mea, quem timébo?  
D̄ominus protéctor vitæ meæ, a quo trepidábo? R.

<sup>4</sup> Unum p̄t̄ii a D̄omino, hoc requíram:  
ut inh̄abitem in domo D̄omini  
óm̄nibus diébus vitæ meæ,  
ut vídeam voluptátem D̄omini,  
et vísitem templum eius. R.

<sup>13</sup> Credo vidére bona D̄omini in terra vivéntium.

<sup>14</sup> Exspécta D̄ominum, viríliter age,  
et confortétur cor tuum, et sústine D̄ominum. R.

Alleluia

Mt 4, 4 b

R. Allelúia. ¶ Non in solo pane vivit homo,  
sed in omni verbo quod procédit de ore  
Dei. R. Allelúia.

### Evangelium

*Distribuit discumbentibus quantum volebant.*

✠ Léc̄tio sancti Evángelii secúndum Ioánnem 6, 1-15

In illo témpore:

Abiit Iesus trans mare Galiléæ quod est Tiberiádis.  
Et sequebátur eum multitúdo magna, quia vidébant si-  
gna quæ faciébat super his qui infirmabántur.

Súbiit autem in montem Iesus, et ibi sedébat cum  
discípulis suis. Erat autem próximum Pascha, dies festus  
Iudæórum.

Cum sublevásset ergo óculos Iesus et vidísset quia  
multitúdo magna venit ad eum, dixit ad Philíppum:

« Unde ememus panes ut mandúcent hi? » Hoc autem dicébat tentans eum, ipse enim sciébat quid esset factúrus.

Respóndit ei Philíppus: « Ducentórum denariórum panes non suffíciunt eis ut unusquisque módicum quid accípiat ».

Dicit ei unus ex discípulis eius, Andréas frater Simónis Petri: « Est puer hic, qui habet quinque panes hordeáceos et duos pisces; sed hæc quid sunt propter tantos? »

Dixit Iesus: « Fácite hómines discumbere ». Erat autem fenum multum in loco. Discubuérunt ergo viri número quasi quinque mília.

Accépit ergo panes Iesus et cum grátias egíssset distribuit discumbéntibus, similíter et ex píscibus quantum volébant. Ut autem impléti sunt, dixit discípulis suis: « Collígite quæ superavérunt fragménta, ne quid péreat ».

Collegérunt ergo, et implevérunt duódecim cóphinos fragmentórum ex quinque pánibus hordeáceis quæ superfuérunt his qui manducavérunt.

Illi ergo hómines, cum vidíssent quod fécerat signum, dicébant: « Hic est vere Prophéta qui venit in mundum ». Iesus ergo, cum cognovíssent quia ventúri essent ut ráperent eum et fácerent eum regem, secessit íterum in montem ipse solus. — Verbum Dómini.

### Super oblata

Oblatiónes famíliæ tuæ,  
 quæsumus, Dómine, súscipe miserátus,  
 ut, sub tuæ protectiÓNis auxílio,  
 et colláta non perdant, et ad æténa dona pervéniant.  
 Per Christum.

**Ant. ad communionem**

Rom 4, 25

Tráditus est Christus Dóminus noster  
propter delícta nostra,  
et resurrexit propter iustificatióem nostram, allelúia.

**Post communionem**

Contínua, quæsumus, Dómine,  
quos salvásti pietáte custódi,  
ut, qui Fílii tui passióne sunt redémpti,  
eius resurrectione læténtur. Per Christum.

**Sabbato****Ant. ad introitum**

1 Petr 2, 9

Pópulus acquisitionis, annuntiáte virtútes eius,  
qui vos de ténebris vocávit in admirábile lumen suum,  
allelúia.

**Collecta**

Deus, per quem nobis et redémptio venit  
et præstátur adóptio,  
fílios dilectiõnis tuæ benígnus inténde,  
ut in Christo credéntibus  
et vera tribuátur libértas et heréditas æténa.  
Per Dóminum.

**Lectio prior***Elegerunt septem viros plenos Spiritu.***Lectio Actuum Apostolorum**

6, 1-7

In diébus illis, crescén-te número discipulórum, factus est murmur Hellenistárum advérsus Hebræos, eo quod neglegeréntur in ministério cotidiáno víduæ eórum.

Convocántes autem Duódecim multitudínem discipulórum, dixerunt: « Non est æquum nos derelinquéntes verbum Dei ministráre mensis; consideráte vero, fra-

tres, viros ex vobis boni testimonii septem, plenos Spíritu et sapiéntia, quos constituémus super hoc opus; nos vero oratióni et ministério verbi instántes érimus ».

Et plácuít sermo coram omni multitudíne, et elegerunt Stéphanum, virum plenum fide et Spíritu Sancto, et Philíppum et Próchorum et Nicánorem et Timónem et Pármenam et Nicoláum prosélytum Antiochénum, quos statuérunt ante conspéctum Apostolórum, et orántes imposuérunt eis manus.

Et verbum Dómini crescébat, et multiplicabátur númerus discipulórum in Ierúsalem valde, multa étiam turba sacerdotum obcædiébat fidei. — Verbum Dómini.

**Psalmus responsorius Ps 32, 1-2. 4-5. 18-19 (Ps.: 22)**

**Ps.** Fiat misericórdia tua, Dómine, super nos, quemádmódum sperávimus in te.

**vel Allelúia.**

- <sup>1</sup> Exsultáte, iusti, in Dómino;  
rectos decet collaudátio.
- <sup>2</sup> Confitémini Dómino in cíthara,  
in psaltério decem chordárum psállite illi. **Ps.**
- <sup>4</sup> Quia rectum est verbum Dómini,  
et ómnia ópera eius in fide.
- <sup>5</sup> Diligit iustítiam et iudícium,  
misericórdia Dómini plena est terra. **Ps.**
- <sup>18</sup> Ecce óculi Dómini super metuéntes eum,  
in eos qui sperant super misericórdia eius,
- <sup>19</sup> ut éruat a morte ánimas eórum,  
et alat eos in fame. **Ps.**

**Alleluia**

**Ps.** Allelúia. **Ps.** Surrexit Christus, qui creávit ómnia  
et misértus est humano géneri. **Ps.** Allelúia.



## Evangelium

*Vident Iesum ambulans super mare.*✠ **Lectio sancti Evangelii secundum Ioannem 6, 16-21**

Ut sero factum est, descendérunt discipuli Iesu ad mare, et cum ascendissent navem, veniebant trans mare in Caphárnaum. Et ténebræ iam factæ erant et nondum vénerat ad eos Iesus. Mare autem, vento magno flante, exurgebat.

Cum remigassent ergo quasi stádia viginti quinque aut triginta, vident Iesum ambulátem super mare et próximum navi fieri, et timuérunt. Ille autem dicit eis: « Ego sum, nolite timére ». Volébant ergo accipere eum in navem, et statim fuit navis ad terram in quam ibant.

Verbum Dómini.

Super oblata

Propítius, Dómine, quæsumus, hæc dona sanctifica, et, hóstiæ spiritalis oblatiône suscepta, nosmetipsos tibi pérfice munus ætérnum. Per Christum.

Præfatio paschalis, pp. 631-635.

Ant. ad communionem

Io 17, 24

Pater, quos dedisti mihi,  
volo ut ubi sum ego et illi sint mecum,  
ut vídeant claritatem quam dedisti mihi, alleluia.

Post communionem

Súmpsimus, Dómine, sacri dona mystérii,  
humíliter deprecántes,  
ut, quæ in sui commemoratióne  
nos Fílius tuus fácere præcépit,  
in nostræ proficiant caritátis augméntum.  
Per Christum.

## DOMINICA III PASCHÆ

Ant. ad introitum

Ps 65, 1-2

Iubiláte Deo, omnis terra,  
psalmum dícite nómini eius,  
date glóriam laudi eius, allelúia.

Dicitur Glória in excélsis.

Collecta

Semper exsúltet pópulus tuus, Deus,  
renováta ánimæ iuventúte,  
ut, qui nunc lætátur  
in adoptiõnis se glóriam restitútum,  
resurrectiõnis diem  
spe certæ gratulatiõnis expéctet.  
Per Dóminum.

---

---

Anno A

Lectio prima

*Impossibile erat teneri illum a morte.*

Lectio Actuum Apostolorum

2, 14. 22 b-28

In die Pentecostes, stans Petrus cum Undecim levávit vocem suam et locútus est eis:

« Viri Iudæi et qui habitátis Ierúsalem univérsi, hoc vobis notum sit et áuribus percípите verba mea.

Iesum Nazarénum, virum approbátum a Deo apud vos virtútibus et prodigiis et signis quæ fecit per illum Deus in médio vestri, sicut ipsi scitis, hunc definito consílio et præsciéntia Dei tráditum per manum iniquórum affigétes interemístis, quem Deus suscitávit

solútis dolóribus mortis, iuxta quod impossibile erat tenéri illum ab ea: David enim dicit circa eum:

“ Providébam Dóminum coram me semper, quóniam a dextris meis est ne commóvear. Propter hoc lætátum est cor meum et exsultávit lingua mea, insuper et caro mea requiéscet in spe quóniam non derelínques ánimam meam in inférno neque dabis Sanctum tuum vidére corruptiónem. Notas fecísti mihi vias vitæ, replébis me iucunditáte cum fácie tua ” ».

Verbum Dómini.

Psalmus responsorius

Ps 15, 1-2 a et 5. 7-8. 9-10. 11 (R.: 11 a)

R. Dómine, notas mihi fácies vias vitæ.  
vel Allelúia.

- 1 Consérva me, Deus, quóniam sperávi in te.
- 2 Dixi Dómino: « Dóminus meus es tu ».
- 5 Dóminus pars hereditátis meæ et cálicis mei: tu es qui détines sortem meam. R.
- 7 Benedícam Dóminum qui tríbuit mihi intelléctum; insuper et in nóctibus erudiérunt me renes mei.
- 8 Proponébam Dóminum in conspéctu meo semper, quóniam a dextris est mihi, non commovébor. R.
- 9 Propter hoc lætátum est cor meum, et exsultavérunt præcórdia mea; insuper et caro mea requiéscet in spe.
- 10 Quóniam non derelínques ánimam meam in inférno, nec dabis sanctum tuum vidére corruptiónem. R.
- 11 Notas mihi fácies vias vitæ, plenitúdinem lætitiæ cum vultu tuo, delectatiónes in délixtera tua usque in finem. R.

## Lectio secunda

*Redempti estis pretioso sanguine  
quasi Agni immaculati Christi.*

Lectio Epistolæ primæ beati Petri apostoli 1, 17-21

Carissimi:

Si Patrem invocatis eum qui sine acceptiōne personarum iudicat secundum uniuscuiusque opus, in timore incolatus vestri tempore conversamini, scientes quod non corruptibilibus argento vel auro redempti estis de vana vestra conversatiōne a patribus tradita, sed pretioso sanguine quasi Agni incontaminati et immaculati Christi, præcogniti quidem ante constitutionem mundi, manifestati autem novissimis temporibus propter vos qui per ipsum fideles estis in Deum, qui suscitavit eum a mortuis et dedit ei gloriam, ut fides vestra et spes esset in Deum. — Verbum Domini.

Alleluia

Cf. Lc 24, 32

℞. Alleluia. ⁊. Domine Iesu, aperi nobis Scripturas;  
fac cor nostrum ardens dum loqueris nobis.  
℞. Alleluia.

## Evangelium

*Cognaverunt eum in fractione panis.*

✠ Lectio sancti Evangelii secundum Lucam 24, 13-35

Ecce duo ex discipulis Iesu ibant ipsa die prima sabbati in castellum quod erat in spatio stadiorum sexaginta ab Ierusalem nomine Emmaus, et ipsi loquebantur ad invicem de his omnibus quæ acciderant.

Et factum est, dum fabularentur et secum quærent,

et ipse Iesus appropinquans ibat cum illis, óculi autem illórum tenebántur ne eum agnóscerent.

Et ait ad illos: « Qui sunt hi sermónes, quos confértis ad ínvicem ambulántes? » Et steterunt tristes.

Et respóndens unus, cui nomen Cléopas, dixit ei: « Tu solus peregrínus es in Ierúsalem et non cognovísti quæ facta sunt in illa his diébus? »

Quibus ille dixit: « Quæ? »

Et illi dixerunt ei: « De Iesu Nazaréno, qui fuit vir prophéta, potens in ópere et sermóne coram Deo et omni pópulo, et quómodo eum tradidérunt summi sacerdotés et príncipes nostri in damnatióem mortis, et crucifixérunt eum.

Nos autem sperabámus quia ipse esset redemptúrus Israel; at nunc super hæc ómnia tértia dies est hódie quod hæc facta sunt.

Sed et mulieres quædam ex nostris terruérunt nos, quæ ante lucem fuérunt ad monuméntum et non in-vénto corpore eius venérunt dicétes se étiam visióem angelórum vidisse, qui dicunt eum vívere.

Et abiérunt quidam ex nostris ad monuméntum, et ita invenérunt sicut mulieres dixerunt, ipsum vero non vidérunt ».

Et ipse dixit ad eos: « O stulti et tardi corde ad credéndum in ómnibus quæ locúti sunt Prophétæ. Nonne hæc opórtuit pati Christum, et intráre in glóriam suam? » Et incípiens a Móyse et ómnibus Prophétis, interpreta-bátur illis in ómnibus Scriptúris quæ de ipso erant.

Et appropinquavérunt castélló quo ibant, et ipse se finxit lóngius ire. Et coegerunt illum dicétes: « Mane nobíscum, quóniam advesperáscit et inclináta est iam dies ». Et intrávit ut manéret cum illis.

Et factum est dum recumberet cum illis, accépit panem et benedíxit ac fregit et porrigébat illis. Et apérti

sunt óculi eórum et cognóverunt eum; et ipse evánuit ab eis.

Et dixerunt ad invicem: « Nonne cor nostrum ardens erat in nobis dum loquerétur nobis in via, et aperíret nobis Scriptúras? »

Et surgéntes eádem hora, regréssi sunt in Ierúsalem, et invenérunt congregátos Undecim et eos qui cum ipsis erant, dicéntes: « Surréxit Dóminus vere et apáruit Simóni ». Et ipsi narrábant quæ gesta erant in via et quómodo cognóverunt eum in fractióne panis.

Verbum Dómini.

## Anno B

Lectio prima

*Auctorem vitæ interfecistis,  
quem Deus suscitavit a mortuis.*

Léctio Actuum Apostolorum 3, 13-15. 17-19

In diébus illis: Dixit Petrus ad pópulum:

« Deus Abraham et Deus Isaac et Deus Iacob, Deus patrum nostrórum glorificávit Púerum suum Iesum, quem vos quidem tradidístis et negástis ante fáciem Piláti, iudicánte illo dimítti: vos autem Sanctum et Iustum negástis et petístis virum homicídám donári vobis, auctórem vero vitæ interfecistis, quem Deus suscitávit a mórtuis, cuius nos testes sumus.

Et nunc, fratres, scio quia per ignorántiam fecistis, sicut et príncipes vestri; Deus autem quæ prænuntiávit per os ómnium Prophetárum pati Christum suum, implevit sic. Pænitémini ígitur et convertímini ut deleántur vestra peccáta ». — Verbum Dómini.

Psalmus responsorius Ps 4, 2. 7. 9 (ꝛ.: 7)

ꝛ. *Leva in signum super nos lumen vultus tui, Dómine. vel Allelúia.*

*Invocántem exáudi me, Deus iustítiae meæ, in tribulatióne dilatásti mihi; miserére mei, et exáudi oratiónem meam. ꝛ.*

*Multi dicunt: Quis osténdit nobis bona? Leva in signum super nos lumen vultus tui, Dómine. ꝛ. In pace in idípsum dórmiam et requiéscam, quóniam tu, Dómine, singuláriter in spe constituísti me. ꝛ.*

#### Lectio secunda

*Ipse est propitiatio pro peccatis nostris, sed etiam pro totius mundi.*

Léctio Epístolæ primæ beáti Ioánnis apóstoli 2, 1-5 a

Filíoli mei, hæc scribo vobis ut non peccétis. Sed si quis peccáverit, advocátum habémus ad Patrem, Iesum Christum iustum; et ipse est propitiatio pro peccátis nostris, non pro nostris autem tantum, sed étiam pro totius mundi.

Et in hoc cognóscimus quóniam nóvimus eum, si mandáta eius servémus. Qui dicit: « Novi eum », et mandáta eius non servat mendax est, et in hoc véritas non est; qui autem servat verbum eius, vere in hoc caritas Dei consummáta est; in hoc cognóscimus quóniam in ipso sumus. — Verbum Dómini.

Alleluia

Cf. Lc 24, 32

ꝛ. Allelúia. ꝥ. *Dómine Iesu, áperi nobis Scriptúras; fac cor nostrum ardens dum lóqueris nobis.*  
ꝛ. Allelúia.

## Evangelium

*Sic scriptum est, Christum pati  
et resurgere a mortuis die tertia.*

✠ Lēctio sancti Evangēlii secūndum Lucam 24, 35-48

In illo tēpore:

Narrábant discípuli quæ gesta erant in via et quómodo cognovérunt Iesum in fractióne panis.

Dum hæc autem loquúntur, ipse stetit in médio eórum, et dicit eis: « Pax vobis ». Conturbáti vero et contérriti, existimábant se spíritum vidére.

Et dixit eis: « Quid turbáti estis, et quare cogitatiónes ascéndunt in corda vestra? Vidéte manus meas et pedes meos, quia ipse ego sum: palpáte me et vidéte, quia spíritus carnem et ossa non habet sicut me vidétis habére ». Et cum hoc dixisset, osténdit eis manus et pedes.

Adhuc autem illis non credéntibus præ gáudio et mirántibus, dixit eis: « Habétis hic áliquid quod manducétur? » At illi obtulérunt ei partem piscis assi. Et sumens coram eis manducávit.

Et dixit ad eos: « Hæc sunt verba quæ locútus sum ad vos cum adhuc essem vobíscum, quóniam necesse est impléri ómnia quæ scripta sunt in lege Móysis et Prophétis et Psalmis de me ». Tunc apéruit illis sensum ut intellégerent Scriptúras.

Et dixit eis: « Sic scriptum est, Christum pati, et resúrgere a mórtuis die tértia, et prædicári in nómine eius pæniténtiam in remissiónem peccatórum in omnes gentes — incipiéntibus ab Ierúsalem: vos estis testes horum ». — Verbum Dómini.



## Anno C

## Lectio prima

*Nos sumus testes horum verborum,  
et Spiritus Sanctus.*

Lectio Actuum Apostolorum 5, 27 b-32. 40 b-41

In diébus illis:

Interrogávit Apóstolos princeps sacerdotum dicens: « Nonne præcipiéndò præcépimus vobis ne docerétis in nómine isto? Et ecce replevistis Ierúsalem doctrína vestra, et vultis inducere super nos sánguinem hóminis istius ».

Respóndens autem Petrus et Apóstoli dixerunt: « Oboedíre opórtet Deo magis quam homínibus.

Deus patrum nostrórum suscitávit Iesum, quem vos interemístis suspendéntes in ligno; hunc Deus Príncipem et Salvatórem exaltávit dextera sua, ad dandam pæniténtiam Israel et remissionem peccatórum.

Et nos sumus testes horum verbórum, et Spíritus Sanctus quem dedit Deus oboediéntibus sibi ».

Et Apóstolis denunciavérunt ne loqueréntur in nómine Iesu, et dimiserunt eos. Et illi quidem ibant gaudentes a conspéctu concílii quóniam digni hábiti sunt pro Nómine contuméliam pati. — Verbum Dómini.

## Psalmus responsorius

Ps 29, 2 et 4. 5 et 6. 11 et 12 a et 13 b (R.: 2 a)

R. Exaltábo te, Dómine, quóniam extraxísti me.

vel Allelúia.

<sup>2</sup> Exaltábo te, Dómine, quóniam extraxísti me,  
nec delectásti inimícos meos super me.

- 4 Dómine, eduxísti ab inférno ánimam meam,  
vivificásti me, ut non descénderem in lacum. **R.**
- 5 Psállite Dómino, sancti eius,  
et confitémini memóriæ sanctitátis eius.
- 6 Quóniam ad moméntum indignátio eius,  
et per vitam volúntas eius.  
Ad vésperum demorátur fletus,  
ad matutínium lætítia. **R.**
- 11 Audi, Dómine, et miserére mei,  
Dómine, esto mihi adiútor.
- 12 Convertísti planctum meum in choros mihi.
- 13 Dómine Deus meus, in ætérnum confitébor tibi. **R.**

## Lectio secunda

*Dignus est Agnus qui occisus est  
accipere virtutem et divitias.*

Lectio libri Apocalýpsis beáti Ioánnis apóstoli

5, 11-14

Ego, Ioánnes, vidi, et audívi vocem angelórum multórum in circúitu Throni et Animálium et Seniórum, et erat númerus eórum myriades myriadum et mília mílium dicéntium voce magna:

« Dignus est Agnus qui occisus est accipere virtutem et divítias et sapiéntiam et fortitúdinem et honórem et glóriam et benedictiónem ».

Et omnem creatúram quæ in cælo est et super terram et sub terram et super mare et quæ in eis ómnia, audívi dicéntes: « Sedénti super thronum et Agno benedictio et honor et glória et potéstas in sácula sæculórum ».

Et quáttuor Animália dicébant: « Amen », et Seniores cecidérunt et adoravérunt. — Verbum Dómini.

## Alleluia

℞. Allelúia. ʒ. Surréxit Christus, qui creávit ómnia  
et misértus est humano géneri. ℞. Allelúia.

## Evangelium \*

*Venit Iesus et accipit panem et dat eis, et piscem.*

✠ Lécio sancti Evangélii secúndum Ioánnem 21, 1-19

In illo témpore:

Manifestávit se íterum Iesus discípulis ad mare Tiberiádis; manifestávit autem sic.

Erant simul Simon Petrus et Thomas qui dicitur Dídymus et Nathánael qui erat a Cana Galilææ et filii Zebedæi et alii ex discípulis eius duo. Dicit eis Simon Petrus: « Vado piscári ». Dicunt ei: « Venimus et nos tecum ». Exiérunt et ascendérunt in navem, et illa nocte nihil prenidérunt.

Mane autem iam facto, stetit Iesus in lítore; non tamen sciébant discípuli quia Iesus est. Dicit ergo eis Iesus: « Púeri, numquid pulmentárium habétis? »

Respondérunt ei: « Non ».

Ille autem dixit eis: « Míttite in dexteram navígi rete, et inveniétis ». Misérunt ergo, et iam non valébant illud tráhere a multitúdine piscium.

Dicit ergo discípulus ille, quem diligébat Iesus, Petro: « Dóminus est ». Simon ergo Petrus, cum audísset quia Dóminus est, tunicam succínxit se, erat enim nudus, et misit se in mare; alii autem discípuli navígio venérunt, non enim longe erant a terra sed quasi cúbitis ducéntis, trahéntes rete piscium.

Ut ergo descendérunt in terram vident prunas pósitas et piscem superpósitum et panem.

Dicit eis Iesus: « Afférte de piscibus quos prenidístis nunc ». Ascéndit Simon Petrus, et traxit rete in

terram plenum magnis piscibus, centum quinquaginta tribus: et cum tanti essent, non est scissum rete.

Dicit eis Iesus: « Venite, prandete ». Nemo autem audébat discipulorum interrogare eum: « Tu quis es? », sciéntes quia Dóminus est. Venit Iesus et áccipit panem et dat eis, et piscem similiter.

Hoc iam tertio manifestátus est Iesus discipulis cum resurrexisset a mórtuis.

Cum ergo prandissent, dicit Simóni Petro Iesus: « Simon Ioánnis, diligis me plus his? »

Dicit ei: « Etiam, Dómine, tu scis quia amo te ».

Dicit ei: « Pasce agnos meos ».

Dicit ei iterum secúndo: « Simon Ioánnis, diligis me? »

Ait illi: « Etiam, Dómine, tu scis quia amo te ».

Dicit ei: « Pasce oves meas ».

Dicit ei tertio: « Simon Ioánnis, amas me? »

Contristátus est Petrus quia dixit ei tertio: « Amas me? » Et dicit ei: « Dómine, tu ómnia scis, tu scis quia amo te ».

Dicit ei: « Pasce oves meas.

Amen, amen dico tibi: Cum esses iúnior, cingébas te ipsum et ambulábas ubi volébas; cum autem senúeris, exténdes manus tuas, et álius te cinget et ducet quo non vis ». Hoc autem dixit significans qua morte glorificatúrus esset Deum. Et hoc cum dixisset, dicit ei: « Séquere me ». — Verbum Dómini.

vel brevior

✠ Lécio sancti Evangélii secúndum Ioánnem 21, 1-14

In illo témpore:

Manifestávit se iterum Iesus discipulis ad mare Tiberiádis; manifestávit autem sic.

Erant simul Simon Petrus et Thomas qui dicitur Dídymus et Nathánael qui erat a Cana Galilææ et filii Zebedæi et alii ex discipulis eius duo. Dicit eis Simon Petrus: « Vado piscári ». Dicunt ei: « Venimus et nos tecum ». Exierunt et ascenderunt in navem, et illa nocte nihil prenidérunt.

Mane autem iam facto, stetit Iesus in litore; non tamen sciébant discipuli quia Iesus est. Dicit ergo eis Iesus: « Púeri, numquid pulmentárium habétis? »

Respondérunt ei: « Non ».

Ille autem dixit eis: « Míttite in dexteram navígi rete, et inveniétis ». Misérunt ergo, et iam non valébant illud tráhere a multítudine piscium.

Dicit ergo discipulus ille, quem diligébat Iesus, Petro: « Dóminus est ». Simon ergo Petrus, cum audísset quia Dóminus est, tunicam succinxit se, erat enim nudus, et misit se in mare; alii autem discipuli navígio venérunt, non enim longe erant a terra sed quasi cúbitis ducéntis, trahéntes rete piscium.

Ut ergo descendérunt in terram vident prunas pósitas et piscem superpósitum et panem.

Dicit eis Iesus: « Afférte de piscibus quos prendístis nunc ». Ascéndit Simon Petrus, et traxit rete in terram plenum magnis piscibus, centum quinquaginta tribus: et cum tanti essent, non est scissum rete.

Dicit eis Iesus: « Veníte, prandéte ». Nemo autem audébat discipulórum interrogáre eum: « Tu quis es? », sciéntes quia Dóminus est. Venit Iesus et áccipit panem et dat eis, et piscem simíliter.

Hoc iam tértio manifestátus est Iesus discipulis cum resurrexisset a mórtuis. — Verbum Dómini.

**Super oblata**

Súscipe múnera, Dómine, quæsumus, exsultántis Ecclésiæ,  
et, cui causam tanti gáudii præstitisti,  
perpétuæ fructum concéde lætitiæ.  
Per Christum.

**Præfatio paschalis, pp. 631-635.**

**Ant. ad communionem****Anno A**

Lc 24, 35

Cognovérunt discípuli Dóminum Iesum  
in fractiône panis, allelúia.

**Anno B**

Lc 24, 46-47

Oportébat Christum pati,  
et resúrgere a mórtuis tértia die,  
et prædicári in nómine eius pæniténtiam,  
et remissionem peccatórum in omnes gentes, allelúia.

**Anno C**

Cf. Io 21, 12-13

Dixit Iesus discípulis suis: Veníte, prandéte.  
Et accépit panem, et dedit eis, allelúia.

**Post communionem**

Pópulum tuum, quæsumus, Dómine, intuére benígnus,  
et, quem ætérnis dignátus es renováre mystériis,  
ad incorruptibilem glorificándæ carnis resurrectionem  
perveníre concéde.  
Per Christum.

**Feria secunda****Ant. ad introitum**

Surréxit pastor bonus,  
qui ánimam suam pósuit pro óvibus suis,  
et pro grege suo mori dignátus est, allelúia.

## Collecta

Deus, qui errántibus,  
 ut in viam possint redíre,  
 veritátis tuæ lumen osténdis,  
 da cunctis, qui christiána professione censéntur,  
 et illa respúere, quæ huic inimíca sunt nómini,  
 et ea quæ sunt apta sectári.  
 Per Dóminum.

## Lectio prior

*Non poterant resistere sapientiæ  
 et Spiritui quo loquebatur.*

## Léctio Actuum Apostolorum

6, 8-15

In diébus illis: Stéphanus plenus grátia et virtúte faciébat prodígia et signa magna in pópulo.

Surrexérunt autem quidam de synagóga quæ appellátur Libertinórum et Cyrenénsium et Alexandrinórum et eórum qui erant a Cilícia et Asia disputántes cum Stéphano, et non póterant resistere sapientiæ et Spíritui quo loquebátur.

Tunc submisérunt viros qui dicerent: « Audívimus eum dicéntem verba blasphéma in Móysen et in Deum »; et commovérunt plebem et senióres et scribas, et concurréntes rapuérunt eum et adduxérunt in concílium, et statuérunt testes falsos dicéntes:

« Homo iste non cessat loqui verba advérsus Locum sanctum et Legem; audívimus enim eum dicéntem quóniam Iesus Nazarénus hic déstruet Locum istum et mutábit consuetúdiines quas trádedit nobis Móyses ».

Et intuéntes eum omnes qui sedébant in concílio, vidérunt faciém eius tamquam faciém ángeli.

Verbum Dómini.

## Psalmus responsorius

Ps 118, 23-24. 26-27. 29-30 (R.: 1)

R. Beáti qui ámbulant in lege Dómini.

vel Allelúia.

- 23 Etsi príncipes sedent, et advérsus me loquúntur,  
servus tamen tuus exercétur in iustificatióibus tuis.
- 24 Nam et testimónia tua delectátio mea,  
et consílium meum iustificatióes tuæ. R.
- 26 Vias meas enuntiávi, et exaudísti me;  
doce me iustificatióes tuas.
- 27 Viam mandatórum tuórum fac me intellégere,  
et exercébor in mirabílibus tuis. R.
- 29 Viam mendáccii avérte a me,  
et legem tuam da mihi benígne.
- 30 Viam veritátis elégi,  
iudícia tua propósui mihi. R.

Alleluia

Mt 4, 4 b

R. Allelúia. **✠** Non in solo pane vivit homo,  
sed in omni verbo quod procédit de ore Dei.  
R. Allelúia.

## Evangelium

*Operamini non cibum qui perit,  
sed cibum qui permanet in vitam æternam.*

✠ Lécitio sancti Evangélii secúndum Ioánnem

6, 22-29

Altera die turba quæ stabat trans mare vidit quia navícula ália non erat ibi nisi una, et quia non introísset cum discipulis suis Iesus in navem, sed soli discipuli eius abiissent; áliæ supervenérunt naves a Tibe-



riade iuxta locum ubi manducáverant panem, grátias agénte Dómino.

Cum ergo vidisset turba quia Iesus non esset ibi neque discipuli eius, ascendérunt ipsi navículas et venérunt Caphárnaum quæréntes Iesum. Et cum inveníssent eum trans mare, dixerunt ei: « Rabbi, quando huc venísti? »

Respóndit eis Iesus et dixit: « Amen, amen dico vobis: Quæritis me non quia vidístis signa, sed quia manducástis ex pánibus et saturáti estis. Operámini non cibum qui perit, sed cibum qui pérmanet in vitam ætérnam, quem Filius hóminis vobis dabit: hunc enim Pater signávit Deus ».

Dixerunt ergo ad eum: « Quid faciémus ut operémur ópera Dei? »

Respóndit Iesus et dixit eis: « Hoc est opus Dei, ut credátis in eum, quem misit Ille ».

Verbum Dómini.

Super oblata

Ascéndant ad te, Dómine, preces nostræ  
cum oblatiónibus hostiárum,  
ut, tua dignatióne mundáti,  
sacraméntis magnæ pietátis aptémur.  
Per Christum.

Præfatio paschalis, pp. 631-635.

Ant. ad communionem

Io 14, 27

Pacem relínquo vobis, pacem meam do vobis;  
non quómodo mundus dat ego do vobis,  
dicit Dóminus, allelúia.

Post communionem

Omnípotens sempitérne Deus,  
qui ad ætérnam vitam

in Christi resurrectione nos réparas,  
 fructus in nobis paschális múltíplica sacraménti,  
 et fortitúdinem cibi salutáris nostris infúnde pectoribus.  
 Per Christum.

### Feria tertia

Ant. ad introitum

Ap 19, 5; 12, 10

Laudem dícite Deo nostro,  
 omnes qui tímétis Deum, pusilli et magni,  
 quia facta est salus et virtus et potéstas Christi eius,  
 allelúia.

Collecta

Deus, qui renátis ex aqua et Spíritu Sancto  
 cæléstis regni pandis intróitum,  
 auge super fámulos tuos grátiam quam dedísti,  
 ut, qui ab ómnibus sunt purgáti peccátis,  
 nullis privéntur tua pietáte promíssis.  
 Per Dóminum.

Lectio prior

*Domine Iesu, suscipe spiritum meum.*

Léctio Actuum Apostolórum

7, 51-59; 8, 1 a

In diébus illis: Dicébat Stéphanus plebi et senióribus  
 et scribis:

« Duri cervíce et incircumcísí córdibus et áuribus,  
 vos semper Spíritui Sancto resístitis, sicut patres ve-  
 stri et vos. Quem Prophetárum non sunt persecúti pa-  
 tres vestri? Et occidérunt eos qui prænuntiábant de  
 advéntu Iusti, cuius vos nunc proditóres et homicidæ  
 fuístis, qui accepístis Legem in dispositiónibus ange-  
 lórum et non custodístis ».

Audiéntes autem hæc dissecabántur córdibus suis et stridébant déntibus in eum.

Cum autem esset plenus Spíritu Sancto, inténdens in cælum vidit glóriam Dei et Iesum stantem a dextris Dei, et ait: « Ecce vídeo cælos apértos et Fílium hóminis a dextris stantem Dei ».

Exclamántes autem voce magna continuérunt aures suas et ímpetum fecérunt unánimiter in eum, et eiciéntes extra civitátem lapidábant. Et testes deposuérunt vestiménta sua secus pedes adulescéntis qui vocabátur Saulus. Et lapidábant Stéphanum invocántem et dicéntem: « Dómine Iesu, súscipe spíritum meum ».

Saulus autem erat conséntiens neci eius.

Verbum Dómini.

### Psalmus responsorius

Ps 30, 3 cd-4. 6 ab et 7 b et 8 a. 17 et 21 ab (R.: 6 a)

R. In manus tuas, Dómine, comméndo spíritum meum.  
vel Allelúia.

- 3 Esto mihi in rupem præsidii,  
et in domum munitam, ut salvum me fácias.
- 4 Quóniam fortitúdo mea et refúgium meum es tu,  
et propter nomen tuum dedúces me et pasces me. R.
- 6 In manus tuas comméndo spíritum meum;  
redemísti me, Dómine, Deus veritátis.
- 7 Ego autem in Dómino sperávi.
- 8 Exultábo et lætábor in misericórdia tua. R.
- 17 Illústra fáciem tuam super servum tuum,  
salvum me fac in misericórdia tua.
- 21 Abscóndes eos in abscóndito faciéi tuæ  
a conturbatióne hóminum. R.

Alleluia

Io 6, 35

℞. Allelúia. ʒ. Ego sum panis vitæ, dicit Dóminus;  
qui venit ad me non esúriet. ℞. Allelúia.

## Evangelium

*Non Moyses,  
sed Pater meus dat panem de cælo verum.*

✠ Lécio sancti Evangelii secúndum Ioánnem

6, 30-35

In illo témpore: Dixit turba Iesu:

« Quod ergo tu facis signum, ut videámus et cre-  
dámus tibi? Quid operáris? Patres nostri manna man-  
ducavérunt in desérto, sicut scriptum est: " Panem de  
cælo dedit eis manducáre " ».

Dixit ergo eis Iesus: « Amen, amen dico vobis: Non  
Móyses dedit vobis panem de cælo, sed Pater meus dat  
vobis panem de cælo verum: panis enim Dei est qui  
descéndit de cælo et dat vitam mundo ».

Dixerunt ergo ad eum: « Dómine, semper da nobis  
panem hunc ».

Dixit eis Iesus: « Ego sum panis vitæ; qui venit ad  
me non esúriet, et qui credit in me non sítiet um-  
quam ». — Verbum Dómini.

## Super oblata

Súscipe múnera, Dómine, quæsumus,  
exsultántis Ecclésiæ,  
et, cui causam tanti gáudii præstitísti,  
perpétuæ fructum concéde lætitiæ.  
Per Christum.

Præfatio paschalis, pp. 631-635.

Ant. ad communionem

Rom 6, 8

Si mórtui sumus cum Christo,  
crédimus quia simul étiam vivémus cum Christo, allelúia.

Post communionem

Pópulum tuum, quésumus, Dómine, intuére benignus,  
et, quem ætérnis dignátus es renováre mystériis,  
ad incorruptibilem glorificándæ carnis resurrectionem  
perveníre concéde.  
Per Christum.

### Feria quarta

Ant. ad introitum

Ps 70, 8. 23

Repleátur os meum laude tua, ut possim cantare;  
gaudébunt lábia mea, dum cantávero tibi, allelúia.

Collecta

Adésto, quésumus, Dómine, familiæ tuæ,  
et dignánte impénde,  
ut, quibus fidei grátiam contulísti,  
in resurrectione Unigéniti tui  
portióne largiáris ætérnam.  
Per Dóminum.

Lectio prior

*Pertransierunt evangelizantes verbum.*

Lectio Actuum Apostolorum

8, 1 b-8

Facta est in illa die persecútio magna in Ecclésiám  
quæ erat Hierosólymis; et omnes dispérsi sunt per re-  
gióne Iudææ et Samariæ præter Apóstolos.

Sepeliérunt autem Stéphanum viri timoráti et fecé-  
runt planctum magnum super illum.

Saulus vero devastábat Ecclésiám per domos intrans, et trahens viros ac mulieres tradébat in custódiám.

Igitur qui dispersi erant pertransiérunt evangeli-zántes verbum.

Philíppus autem descéndens in civitátem Samaríæ prædicábat illis Christum. Intendébant autem turbæ his quæ a Philíppo dicebantur unanímiter, audiéntes et vidéntes signa quæ faciébat; ex multis enim eórum qui habébant spíritus immúndos clamántes voce magna exí-bant, multi autem paralýtici et claudi curáti sunt; factum est autem magnum gáudium in illa civitáte.

Verbum Dómini.

**Psalmus responsorius** Ps 65, 1-3 a. 4-5. 6-7 a (R.: 1)

R. Iubiláte Deo, omnis terra.

vel Allelúia.

Iubiláte Deo, omnis terra,  
psalmum dícite glóriæ nóminis eius,  
glorificáte laudem eius.

Dícite Deo: « Quam terribília sunt ópera tua. R.

Omnis terra adóret te et psallat tibi,  
psalmum dicat nómini tuo ».

Veníte, et vidéte ópera Dei,  
terribilis in adinventionibus super filios hóminum. R.

Convértit mare in áridam,  
et in flúmine pertransíbunt pede;  
ibi lætábimur in ipso.

Qui domináatur in virtúte sua in ætérnum. R.

**Alleluia**

Io 6, 40

R. Allelúia. V. Omnis qui credit in Fílium habet vitam ætérnam;

et ego resuscitábo eum in novíssimo die,  
dícit Dóminus. R. Allelúia.

## Evangelium

*Hæc est voluntas Patris, ut omnis qui videt Filium habeat vitam æternam.*

✠ Lécio sancti Evangélii secúndum Ioánnem

6, 35-40

In illo témpore: Dixit Iesus turbis:

« Ego sum panis vitæ; qui venit ad me non esúriet, et qui credit in me non sítiét umquam. Sed dixi vobis quia et vidístis me et non créditis. Omne quod dat mihi Pater, ad me véniet, et eum qui venit ad me non eíciam foras, quia descéndi de cælo non ut fáciam voluntátem meam sed voluntátem Eius qui misit me.

Hæc est autem volúntas Eius qui misit me, ut omne quod dedit mihi non perdam ex eo, sed resúscitem illud in novíssimo die. Hæc est enim volúntas Patris mei, ut omnis qui videt Filium et credit in eum hábeat vitam ætérnam, et resuscitábo ego eum in novíssimo die ». — Verbum Dómini.

Super oblata

Concéde, quæsumus, Dómine,  
semper nos per hæc mystéria paschália gratulári,  
ut continúa nostræ reparatiónis operátio  
perpétuæ nobis fiat causa lætitiæ.  
Per Christum.

Præfatio paschalis, pp. 631-635.

Ant. ad communionem

Surréxit Dóminus et illúxit nobis,  
quos redémit ságuine suo, allehúia.

**Post communionem**

Exáudi, Dómine, preces nostras,  
 ut redemptiónis nostræ sacrosáncta commércia  
 et vitæ nobis cónferant præsentis auxiliùm  
 et gáudia sempitérna concíliant.  
 Per Christum.

**Feria quinta****Ant. ad introitum****Ex 15, 1-2**

Cantémus Dómino: glorióse enim magnificátus est.  
 Fortitúdo mea et laus mea Dóminus,  
 et factus est mihi in salútem, allehúia.

**Collecta**

Omnípotens sempitérne Deus,  
 propénsius his diébus tuam pietátem consequámur,  
 quibus eam plénius te largiénte cognóvimus,  
 ut, quos ab erróris calígine liberásti,  
 veritátis tuæ firmius inhærére fácias documéntis.  
 Per Dóminum.

**Lectio prior***Ibat autem per viam suam gaudens.*

Lectio Actuum Apostolorum

**8, 26-40**

In diébus illis:

Angelus Dómini locútus est ad Philíppum dicens:  
 « Surge et vade contra meridiánum ad viam quæ descéndit ab Ierúsalem in Gazam; hæc est desérta ».

Et surgens ábiit; et ecce vir Æthiops eunúchus potens Candácis regínæ Æthiópum, qui erat super omnem gazam eius, qui vénerat adoráre in Ierúsalem, et revertebátur sedens super currum suum et legebat prophétam Isaíam.



Dixit autem Spíritus Philíppo: « Accéde et adiúnge te ad currum istum ». Accúrrens autem Philíppus audívit illum legéntem Isaíam prophétam, et dixit: « Putásne intéllegis quæ legis? »

Qui ait: « Et quómodo possum si non áliquis osténderit mihi? » Rogavítque Philíppum ut ascénderet et sedéret secum.

Locus autem Scriptúræ quam legébat erat hic: « Tamquam ovis ad occisiónem ductus est, et sicut agnus coram tondénte se sine voce, sic non áperit os suum. In humilitáte eius iudícium sublátum est: generatióem illíus quis enarrábit? Quóniam tollitur de terra vita eius ».

Respóndens autem eunúchus Philíppo dixit: « Obsecro te, de quo Prophéta dicit hoc? De se an de álio áliquo? » Apériens autem Philíppus os suum, et incípiens a Scriptúra ista, evangelizávit illi Iesum.

Et dum irent per viam, venérunt ad quamdam aquam, et ait eunúchus: « Ecce aqua: quid próhibet me baptizári? »

Et iussit stare currum, et descendérunt utérque in aquam Philíppus et eunúchus, et baptizávit eum.

Cum autem ascendissent de aqua, Spíritus Dómini rápuit Philíppum, et ámplius non vidit eum eunúchus; íbat autem per viam suam gaudens. Philíppus autem invéntus est in Azóto, et pertránsiens evangelizábat civitatibus cunctis donec veníret Cæsaréam.

Verbum Dómini.

Psalmus responsorius Ps 65, 8-9. 16-17. 20 (R.: 1)

R. Iubiláte Deo, omnis terra.

vel Allelúia.

Benedícite, gentes, Deum nostrum,  
et audítam fácite vocem laudis eius;

qui p̄osuit ánimam nostram ad vitam,  
et non dedit in commoti6nem pedes nostros. **℞.**

Veníte, audíte, et narrábo, omnes qui timétis Deum,  
quanta fecit ánimæ meæ.

Ad ipsum ore meo clamávi,  
ex exaltávi in lingua mea. **℞.**

Benedíctus Deus, qui non amóvit orati6nem meam  
et misericórdiam suam a me. **℞.**

Alleluia

Io 6, 51-52

**℞.** Allelúia. **℣.** Ego sum panis vivus qui de cælo  
descénderi, dicit D6minus;  
si quis manducáverit ex hoc pane,  
vivet in ætérnum. **℞.** Allelúia.

### Evangelium

*Ego sum panis vivus qui de cælo descendi.*

✠ Lécitio sancti Evangélii secúndum Ioánnem

6, 44-51

In illo témpore: Dixit Iesus turbis:

« Nemo potest veníre ad me nisi Pater qui misit  
me tráxerit eum, et ego resuscitábo eum in novíssimo  
die.

Est scriptum in Prophétis: “ Et erunt omnes do-  
cíbiles Dei ”: omnis qui audívit a Patre et dídicit, ve-  
nit ad me. Non quia Patrem vidit quisquam, nisi is  
qui est a Deo, hic vidit Patrem. Amen, amen dico vo-  
bis: Qui credit habet vitam ætérnam.

Ego sum panis vitæ. Patres vestri manducavérunt  
in desérto manna et mórtui sunt: hic est panis de cælo  
descéndens, ut si quis ex ipso manducáverit non mo-  
riátur.

Ego sum panis vivus qui de cælo descēdi: si quis manducāverit ex hoc pane, vivet in ætérnum; panis autem quem ego dabo, caro mea est pro mundi vita ».  
Verbum Dómini.

### Super oblata

Deus, qui nos, per huius sacrificii veneránda commércia, unius summæque divinitátis partícipes effecísti, præsta, quæsumus, ut, sicut tuam cognóvimus veritátem, sic eam dignis móribus assequámur. Per Christum.

Præfatio paschalis, pp. 631-635.

### Ant. ad communionem

2 Cor 5, 15

Pro ómnibus mórtuus est Christus,  
ut et qui vivunt iam non sibi vivant,  
sed ei qui pro ipsis mórtuus est et resurrexit, allelúia.

### Post communionem

Pópulo tuo, quæsumus, Dómine, adesto propítius,  
et, quem mystériis cæléstibus imbuísti,  
fac ad novitátem vitæ de vetustáte transíre.  
Per Christum.

## Feria sexta

### Ant. ad introitum

Ap 5, 12

Dignus est Agnus, qui occísus est,  
accípere virtútem et divinitátem et sapiéntiam  
et fortitúdinem et honórem, allelúia.

### Collecta

Præsta, quæsumus, omnípotens Deus,  
ut, qui grátiam dominicæ resurrectionis cognóvimus,  
ipsi per amórem Spíritus in novitátem vitæ resurgámus.  
Per Dóminum.

## Lectio prior

*Vas electionis est mihi, ut portet  
Nomen meum coram gentibus.*

## Lectio Actuum Apostolorum

9, 1-20

## In diebus illis:

Saulus, adhuc spirans minarum et caedis in discipulos Domini, accessit ad principem sacerdotum, et petiit ab eo epistolas in Damascum ad synagogas, ut si quos invenisset huius viae, viros ac mulieres, vinctos perduceret in Ierusalem.

Et cum iter faceret contigit ut appropinquaret Damasco, et subito circumfulsit eum lux de caelo, et cadens in terram audivit vocem dicentem sibi: « Saul Saul, quid me persequeris? »

Qui dixit: « Quis es, Domine? »

Et ille: « Ego sum Iesus quem tu persequeris; sed surge et ingrediere civitatem, et dicetur tibi quid te oporteat facere ».

Viri autem illi qui comitabantur cum eo stabant stupefacti, audientes quidem vocem, neminem autem videntes. Surrexit autem Saulus de terra, apertisque oculis nihil videbat; ad manus autem illum trahentes introduxerunt Damascum. Et erat tribus diebus non videns, et non manducavit neque bibit.

Erat autem quidam discipulus Damasci nomine Ananias, et dixit ad illum in visu Dominus: « Anania ».

At ille ait: « Ecce ego, Domine ».

Et Dominus ad illum: « Surgens vade in vicum qui vocatur Rectus et quare in domo Iudae Saulum nomine Tarsensem; ecce enim orat, et vidit virum Ananiam nomine introeuntem et imponentem sibi manus ut visum recipiat ».

Respondit autem Ananías: « Dómine, audivi a multis de viro hoc, quanta mala sanctis tuis fécerit in Ierúsalem; et hic habet potestatem a princípibus sacerdotum alligandi omnes qui invocant Nomen tuum ».

Dixit autem ad eum Dóminus: « Vade, quóniam vas electiónis est mihi iste ut portet Nomen meum coram géntibus et régibus et filiis Israel: ego enim ostendam illi quanta oporteat eum pro Nómine meo pati ».

Et abiit Ananías et introivit in domum, et impónens ei manus dixit: « Saul frater, Dóminus misit me, Iesus qui apparuit tibi in via qua veniébas, ut vídeas et impléaris Spíritu Sancto ».

Et confestim ceciderunt ab óculis eius tamquam squamæ, et visum recépit, et surgens baptizátus est, et cum accepisset cibum confortátus est.

Fuit autem cum discipulis qui erant Damásci per dies áliquot, et continuo in synagógis prædicábat Iesum, quóniam hic est Fílius Dei. — Verbum Dómini.

**Psalmus responsorius** Ps 116, 1. 2 (R.: Mc 16, 15)

R. Eúntes in mundum univérsum,  
prædicáte Evangélium.

vel Allelúia.

Laudáte Dóminum, omnes gentes,  
collaudáte eum, omnes pópuli. R.

Quóniam confirmáta est super nos misericórdia eius,  
et véritas Dómini manet in ætérnum. R.

**Alleluia**

Io 6, 56

R. Allelúia. V. Qui mandúcat meam carnem et bibit  
meum sánguinem  
in me manet et ego in eo, dicit Dóminus.  
R. Allelúia.

## Evangelium

*Caro mea verus est cibus,  
et sanguis meus verus est potus.*

✠ Lécio sancti Evangélii secúndum Ioánnem

6, 52-59

In illo témpore:

Litigábant Iudáei ad ínvicem dicétes: « Quómodo potest hic nobis carnem suam dare ad manducándum? »

Dixit ergo eis Iesus:

« Amen, amen dico vobis: Nisi manducavéritis carnem Fílii hóminis et bibéritis eius sánguinem, non habébis vitam in vobismetípsis.

Qui mandúcat meam carnem et bibit meum sánguinem habet vitam ætérrnam, et ego resuscitábo eum in novíssimo die: caro enim mea verus est cibus, et sanguis meus verus est potus.

Qui mandúcat meam carnem et bibit meum sánguinem in me manet et ego in illo.

Sicut misit me vivens Pater, et ego vivo propter Patrem, et qui mandúcat me et ipse vivet propter me. Hic est panis qui de cælo descéndit, non sicut manducavérunt patres et mórtui sunt: qui mandúcat hunc panem vivet in ætérrnum ».

Hæc dixit in synagóga docens in Caphárnaum.  
Verbum Dómini.

## Super oblata

Propítius, Dómine, quásumus, hæc dona sanctífica,  
et, hóstiæ spiritális oblatióne suscépta,  
nosmetípsos tibi pérfice munus ætérrnum.  
Per Christum.

**Prefatio paschalis, pp. 631-635.**

Ant. ad communionem

**Crucifixus surréxit a mórtuis, et redémit nos, allelúia.**

Post communionem

**Súmptimus, Dómine, sacri dona mystérii,  
humíliter deprecántes,  
ut, quæ in sui commemoratióne  
nos Fílius tuus fácere præcépit,  
in nostræ proficiant caritátis augméntum.  
Per Christum.**

### Sabbato

Ant. ad introitum

Col 2, 12

**Consepúlti estis Christo in baptismo,  
in quo et resurrexistis per fidem operatiónis Dei,  
qui suscitávit illum a mórtuis, allelúia.**

Collecta

**Deus, qui credéntes in te fonte baptismatis innovásti,  
hanc renátis in Christo concéde custódiám,  
ut, omni erróris incúrsu devícto,  
grátiam tuæ benedictiÓnis fidéliter servent.  
Per Dóminum.**

Lectio prior

*Ædificabatur Ecclesia, et consolatióne  
Sancti Spíritus crescebat.*

Lectio Actuum Apostolorum

9, 31-42

In diébus illis:

**Ecclésia per totam Iudæam et Galiléam et Sama-  
ríam habébat pacem, ædificabátur et ambulábat in ti-  
móre Dómini, et consolatióne Sancti Spíritus crescebat.**

Factum est autem Petrum dum pertransíret univérso deveníre et ad sanctos qui habitábant Lyddæ. Invenit autem ibi hóminem quemdam nómine Ænéam ab annis octo iacéntem in grabáto, qui erat paralytícus.

Et ait illi Petrus: « Ænéa, sanat te Iesus Christus: surge et sterne tibi ». Et continuo surrécit. Et vidérunt illum omnes qui inhabitábant Lyddam et Saron, qui convérsi sunt ad Dóminum.

In Ioppe autem erat quædam discípula nómine Tabítha, quæ interpretáta dicitur Dorcas; hæc erat plena operíbus bonis et eleemósynis quas faciébat.

Factum est autem in diébus illis ut infirmáta moretúr; quam cum lavissent posuérunt in cenáculo. Cum autem prope esset Lydda ab Ioppe, discípuli audiéntes quia Petrus esset in ea, misérunt duos viros ad eum rogántes: « Ne pigritéris veníre usque ad nos ».

Exsúrgens autem Petrus venit cum illis; et cum adventisset duxérunt illum in cenáculum et circumstetérunt illum omnes víduæ flentes et ostendéntes túnicas et vestes quas faciébat Dorcas cum esset cum illis.

Eiécit autem ómnibus foras Petrus, et ponens génuá orávit, et convérsus ad corpus dixit: « Tabítha, surge ». At illa apéruit óculos suos, et viso Petro resédit. Dans autem illi manum eréxit eam, et cum vocásset sanctos et víduas exhibuit eam vivam.

Notum autem factum est per univérsam Ioppen, et credidérunt multi in Dómino. — Verbum Dómini.

Psalmus responsorius

Ps 115, 12-13. 14-15. 16-17 (R.: 12)

R. Quid retribuam Dómino  
pro ómnibus quæ retribuit mihi?

vel Allelúia.



- 12 Quid retribuam Dómino  
pro ómnibus quæ retribuit mihi?
- 13 Cálicem salutáris accípiam,  
et nomen Dómini invocábo. **℞.**
- 14 Vota mea Dómino reddam  
coram omni pópulo eius.
- 15 Pretiósá in conspéctu Dómini  
mors sanctórum eius. **℞.**
- 16 O Dómine, ego servus tuus,  
ego servus tuus et fílius ancillæ tuæ.  
Dirupísti víncula mea:
- 17 tibi sacrificábo hóstiám laudis,  
et nomen Dómini invocábo. **℞.**

Alleluia

Io 6, 64 b. 69 b

**℞.** Allelúia. **℣.** Verba tua, Dómine, spiritus et vita sunt;  
verba vitæ æternæ habes. **℞.** Allelúia.

## Evangelium

*Ad quem ibimus? Verba vitæ æternæ habes.*

**✠** Lécio sancti Evangéllii secúndum Ioánnem

6, 60-69

In illo témpore:

Multi audiéntes ex discíplis Iesu, dixerunt: « Durus est hic sermo: quis potest eum audíre? »

Sciens autem Iesus apud semetípsum quia murmurárent de hoc discípli eius, dixit eis: « Hoc vos scandalízat? Si ergo vidéritis Fílium hóminis ascendéntem ubi erat prius? Spíritus est qui vivíficat, caro non prod est quidquam: verba, quæ ego locútus sum vobis, Spíritus sunt et vita sunt. Sed sunt quidam ex vobis qui non credunt ».

Sciēbat enim ab initio Iesus qui essent non credentes, et quis traditurus esset eum. Et dicebat: « Propterea dixi vobis: Nemo potest venire ad me nisi fuerit ei datum a Patre ».

Ex hoc multi discipulorum eius abiērunt retro et iam non cum illo ambulābant. Dixit ergo Iesus ad Duodecim: « Numquid et vos vultis abire? »

Respondit ei Simon Petrus: « Dómine, ad quem ibimus? Verba vitæ æternæ habes; et nos credidimus et cognovimus quia tu es Sanctus Dei ».

Verbum Dómini.

Super oblata

Oblatiōnes familiæ tuæ, quæsumus, Dómine,  
súscipe miserátus,  
ut, sub tuæ protectiōnis auxilio,  
et colláta non perdant, et ad ætérna dona pervéniant.  
Per Christum.

Præfatio paschalis, pp. 631-635.

Ant. ad communionem

Io 17, 20-21

Pater, pro eis rogo, ut ipsi in nobis unum sint,  
ut credat mundus quia tu me misisti,  
dicit Dóminus, allelúia.

Post communionem

Contínua, quæsumus, Dómine,  
quos salvásti pietáte custódi,  
ut, qui Fílii tui passióne sunt redémpti,  
eius resurrectione læténtur.  
Per Christum.

## DOMINICA IV PASCHÆ

Ant. ad introitum

Ps 32, 5-6

**Misericórdia Dómini plena est terra;  
verbo Dómini cæli firmáti sunt, allelúia.**

Dicitur **Glória in excelsis.**

Collecta

**Omnípotens sempitérne Deus,  
deduc nos ad societátem cælestium gaudiórum,  
ut eo pervéniat humílitás gregis,  
quo procéssit fortitúdo pastóris.  
Per Dóminum.**

---

**Anno A**

Lectio prima

*Dominum eum et Christum Deus fecit.*

Lectio Actuum Apostolorum

2, 14 a. 36-41

In die Pentecóstes, stans Petrus cum Undecim levávit vocem suam et locútus est eis:

« Certissime sciat omnis domus Israel quia et Dóminum eum et Christum Deus fecit, hunc Iesum quem vos crucifixistis ».

His audítis, compúncti sunt corde, et dixerunt ad Petrum et réliquos Apóstolos: « Quid faciémus, viri fratres? »

Petrus vero ad illos: « Pæniténtiam, inquit, ágite, et baptizétur unusquisque vestrum in nómine Iesu Christi in remissionem peccatórum vestrórum, et accipiétis

donum Sancti Spíritus: vobis enim est repromissio et filiis vestris et omnibus qui longe sunt quoscúmque advocáverit Dóminus Deus noster ».

Aliis étiam verbis plúribus testificátus est, et exhortabátur eos dicens: « Salvámini a generatióne ista prava ». Qui ergo, recépto sermóne eius, baptizáti sunt, et appósitæ sunt in illa die ánimæ circiter tria mília.

Verbum Dómini.

Psalmus responsorius Ps 22, 1-3 a. 3 b-4. 5. 6 (R.: 1)

R. Dóminus pascit me, et nihil mihi déerit.

vel Allelúia.

Dóminus pascit me, et nihil mihi déerit:  
in páscuis viréntibus me collocávit,  
super aquas quiétis edúxit me,  
ánimam meam refécit. R.

Dedúxit me super sémitas iustítiæ  
propter nomen suum.

Nam et si ambulávero in valle umbræ mortis,  
non timébo mala, quóniam tu mecum es.

Virga tua et báculo tuus  
ipsa me consoláta sunt. R.

Parásti in conspéctu meo mensam  
advérsus eos qui tríbulant me;  
impinguásti in óleo caput meum,  
et calix meus redúndat. R.

Etenim bénignitas et misericórdia subsequéntur me  
ómnibus diébus vitæ meæ,  
et inhabitábo in domo Dómini  
in longitúdinem diérum. R.

## Lectio secunda

*Conversi estis ad pastorem animarum vestrarum.*

Lectio Epistolæ primæ beati Petri apostoli 2, 20 b-25

Carissimi:

Si benefaciētes et paciētes sustinētis, hæc est grātia apud Deum. In hoc enim vocāti estis, quia et Christus passus est pro vobis, vobis relinquens exēplum ut sequāmini vestigia eius:

qui peccatum non fecit nec inventus est dolus in ore ipsius; qui cum malediceretur non remaledicebat, cum pateretur non comminabatur, tradēbat autem se iuste iudicanti; qui peccata nostra ipse pertulit in corpore suo super lignum, ut peccatis mortui iustitiæ viveremus; cuius livore sanati estis.

Eratis enim sicut oves errantes, sed conversi estis nunc ad pastorem et episcopum animarum vestrarum.

Verbum Domini.

Alleluia

Io 10, 14

℞. Alleluia. ℣. Ego sum pastor bonus, dicit Dominus; et cognosco oves meas, et cognoscunt me meæ. ℞. Alleluia.

## Evangelium

*Ego sum ostium ovium.*

✠ Lectio sancti Evangelii secundum Ioannem

10, 1-10

In illo tempore: Dixit Iesus:

« Amen, amen dico vobis: Qui non intrat per ostium in ovile ovium sed ascendit aliunde, ille fur est et latro;

qui autem intrat per ostium pastor est ovium. Huic ostiarius aperit, et oves vocem eius audiunt, et proprias oves vocat nominatim et educit eas.

Cum proprias omnes miserit, ante eas vadit, et oves illum sequuntur, quia sciunt vocem eius; alienum autem non sequuntur sed fugient ab eo, quia non noverunt vocem alienorum ».

Hoc proverbium dixit eis Iesus; illi autem non cognoverunt quid esset quod loquebatur eis.

Dixit ergo iterum Iesus: « Amen, amen dico vobis: Ego sum ostium ovium. Omnes quotquot venerunt ante me, fures sunt et latrones, sed non audierunt eos oves.

Ego sum ostium: per me si quis introierit, salvabitur et ingrediatur et egrediatur et pascula inveniet. Fur non venit nisi ut fureretur et mactet et perdat; ego veni ut vitam habeant et abundantius habeant ».

Verbum Domini.

## Anno B

### Lectio prima

*Non est in alio aliquo salus.*

Lectio Actuum Apostolorum

4, 8-12

In diebus illis:

Petrus repletus Spiritu Sancto dixit: « Principes populi et seniores, si nos hodie diiudicamur in beneficio hominis infirmi, in quo iste salvus factus est, notum sit omnibus vobis et omni plebi Israel quia in Namine Iesu Christi Nazareni, quem vos crucifixistis, quem Deus suscitavit a mortuis, in hoc iste astat coram vobis sanus.

Hic est lapis qui reprobatus est a vobis aedificatoribus, qui factus est in caput anguli. Et non est in alio alio salus ». — Verbum Domini.

## Psalmus responsorius

Ps 117, 1 et 8-9. 21-23. 26 et 28 cd et 29 (R.: 22)

R. Lapidem, quem reprobaverunt ædificantes,  
hic factus est in caput anguli.

vel Allelúia.

- 1 Confitémini Dómino, quóniam bonus,  
quóniam in sæculum misericórdia eius.
- 8 Bonum est confúgere ad Dóminum,  
quam confídere in hómine.
- 9 Bonum est confúgere ad Dóminum,  
quam confídere in princípibus. R.
- 21 Confitébor tibi, quóniam exaudisti me,  
et factus es mihi in salútem.
- 22 Lapidem, quem reprobaverunt ædificantes,  
hic factus est in caput anguli;
- 23 a Dómino factum est istud,  
et est mirábile in óculis nostris. R.
- 26 Benedíctus qui venit in nómine Dómini.  
Benedícimus vobis de domo Dómini.
- 28 Deus meus es tu, et confitébor tibi,  
Deus meus, et exaltábo te.
- 29 Confitémini Dómino, quóniam bonus,  
quóniam in sæculum misericórdia eius. R.

## Lectio secunda

*Videbimus Deum sicuti est.*

Lectio Epístolæ primæ beáti Ioánnis apóstoli 3, 1-2

Caríssimi:

Vidéte qualem caritátem dedit nobis Pater, ut filii Dei nominémur: et sumus! Propter hoc mundus non

cognóscit nos quia non cognóvit eum. Caríssimi, nunc filii Dei sumus, et nondum manifestátum est quid érimus; scimus quóniam cum ipse apparúerit símiles ei érimus, quóniam vidébimus eum sícuti est.

Verbum Dómini.

Alleluia

Io 10, 14

℞. Allelúia. γ. Ego sum pastor bonus, dicit Dóminus; et cognóscio oves meas, et cognóscunt me meæ. ℞. Allelúia.

### Evangelium

*Bonus pastor animam suam ponit pro ovibus.*

✠ Lécio sancti Evangéllii secúndum Ioánnem

10, 11-18

In illo témpore: Dixit Iesus:

«Ego sum pastor bonus: bonus pastor ánimam suam ponit pro óvibus; mercennárius et qui non est pastor, cuius non sunt oves própriæ, videt lupum veniéntem et dimíttit oves et fugit — et lupus rapit eas et dispérgit — quia mercennárius est, et non pértinet ad eum de óvibus.

Ego sum pastor bonus: et cognóscio meas, et cognóscunt me meæ, sicut novit me Pater, et ego agnóscio Patrem: et ánimam meam pono pro óvibus. Et álias oves hábeo quæ non sunt ex hoc ovíli, et illas opórtet me addúcere, et vocem meam áudiant, et fient unus grex, unus pastor.

Proptérea me Pater díligit, quia ego pono ánimam meam, ut íterum sumam eam. Nemo tollit eam a me, sed ego pono eam a me ipso. Potestátem hábeo ponéndi eam, et potestátem hábeo íterum suméndi eam: hoc mandátum accépi a Patre meo». — Verbum Dómini.



## Anno C

## Lectio prima

*Ecce convertimur ad gentes.*

Lectio Actuum Apostolorum

13, 14. 43-52

In diébus illis:

Pertranseúntes Paulus et Bárnabas, a Perge venérunt Antiochíam Pisídiæ, et ingressi synagógam die sabbatorum sedérunt.

Secúti sunt multi Iudæorum et coléntium proselytorum Paulum et Bárnabam, qui loquéntes suadébant eis ut permanérent in grátia Dei.

Sequénti vero sábbato pæne unívrsa civitas convénit audíre verbum Dómini. Vidéntes autem turbas Iudæi repléti sunt zelo et contradicébant his quæ a Paulo dicebántur, blasphemántes.

Tunc audénter Paulus et Bárnabas dixerunt: « Vobis oportébat primum loqui verbum Dei; sed quóniam repéllitis illud et indignos vos iudicátis ætérnæ vitæ, ecce convertimur ad gentes. Sic enim præcépit nobis Dóminus: " Pósuí te in lumen géntium ut sis in salútem usque ad extrémum terræ " ».

Audiéntes autem gentes gaudébant et glorificábant verbum Dómini, et credidérunt quotquot erant præordináti ad vitam ætérnam; ferebátur autem verbum Dómini per unívrsam regiónem.

Iudæi autem concitavérunt honéstas inter coléntes mulieres et primos civitátis et excitavérunt persecutiómem in Paulum et Bárnabam, et eiecérunt eos de fínibus suis. At illi, excússó púlvere pedum in eos, venérunt Icónium; discipuli quoque replebántur gáudio et Spírítu Sancto.

Verbum Dómini.

## Psalmus responsorius

Ps 99, 2. 3. 5 (R.: 3 c)

R. Nos pópulus eius et oves páscuæ eius.  
vel Allelúia.

Iubiláte Dómino, omnis terra,  
servíte Dómino in lætítia;  
introíte in conspéctu eius in exsultatióne. R.

Scitóte quóniam Dóminus ipse est Deus;  
ipse fecit nos, et ipsíus sumus,  
pópulus eius et oves páscuæ eius. R.

Quóniam suávis est Dóminus;  
in ætérnum misericórdia eius,  
et usque in generatióne et generatióne véritas eius. R.

## Lectio secunda

*Agnus pascet illos et deducet eos  
ad vitæ fontes aquarum.*

## Lectio libri Apocalýpsis beáti Ioánnis apóstoli

7, 9. 14 b-17

Ego, Ioánnes, vidi: et ecce turba magna, quam dinumeráre nemo póterat, ex ómnibus géntibus et tríbutus et pópulis et linguis stantes ante thronum et in conspéctu Agni, amícti stolas albas, et palmæ in mánibus eórum.

Et dixit mihi unus de Senióribus: « Hi sunt qui véniunt de tribulatióne magna, et lavérunt stolas suas et dealbavérunt eas in ságuine Agni. Ideo sunt ante thronum Dei et sérviant ei die ac nocte in templo eius et qui sedet in throno habitábit super illos.

Non esúrient ámplius, neque sítient ámplius, neque cadet super illos sol neque ullus æstus, quóniam Agnus qui in médio throni est pascet illos et dedúcet eos ad vitæ fontes aquárum et abstérget Deus omnem lácrimam ex óculis eórum ». — Verbum Dómini.

Alleluia

Io 10, 14

℞. Allelúia. γ. Ego sum pastor bonus, dicit Dóminus;  
et cognóscō oves meas, et cognóscunt me  
meæ. ℞. Allelúia.

Evangelium

*Ego vitam æternam do ovibus meis.*

✠ Lécitio sancti Evangélii secúndum Ioánnem

10, 27-30

In illo témpore: Dixit Iesus:

« Oves meæ vocem meam áudiunt, et ego cognóscō  
eas, et sequúntur me, et ego vitam ætérnam do eis, et  
non peribunt in ætérnum, et non rápiet eas quisquam  
de manu mea.

Pater meus quod dedit mihi maius ómnibus est, et  
nemo potest rápere de manu Patris. Ego et Pater unum  
sumus ». — Verbum Dómini.

---

Dicitur Credo.

Super oblata

Concéde, quæsumus, Dómine,  
semper nos per hæc mystéria paschália gratulári,  
ut continua nostræ reparatiónis operátio  
perpétuæ nobis fiat causa lætitiæ.  
Per Christum.

Præfatio paschalis, pp. 631-635.

Ant. ad communionem

Surréxit Pastor bonus,  
qui ánimam suam pósuit pro óvibus suis,  
et pro grege suo mori dignátus est, allelúia.

Post communionem

Gregem tuum, Pastor bone, placátus inténde,  
et oves, quas pretiósó Fílii tui sánguine redemísti,  
in ætérnis páscuis collocáre dignéris.  
Per Christum.

### Feria secunda

Ant. ad introitum

Rom 6, 9

Christus resúrgens ex mórtuis iam non móritur,  
mors illi ultra non dominábitur, allelúia.

Collecta

Deus, qui in Fílii tui humilitáte  
iacéntem mundum erexísti,  
fidélibus tuis sanctam concéde lætítiam,  
ut, quos eripuísti a servitúte peccáti,  
gáudiis fácias pérfrui sempitérnis.  
Per Dóminum.

Lectio prior

*Ergo et gentibus Deus pœnitentiam ad vitam dedit.*

Lectio Actuum Apostolorum

11, 1-18

In diébus illis:

Audiérunt Apóstoli et fratres qui erant in Iudéa  
quóniam et gentes recepérunt verbum Dei. Cum ascen-  
dísset autem Petrus in Ierúsalem, disceptábant advérsus  
illum qui erant ex circumcisióne dicéntes: « Introísti ad  
viros præpútium habéntes et manducásti cum illis ». Incípiens autem Petrus exponébat illis ex órdine dicens:

« Ego eram in civitaté Ioppe orans et vidi in ex-  
césu mentis visionem, descéndens vas quoddam velut  
línteum magnum quáttuor iníitiis submítti de cælo, et

venit usque ad me; in quod intuens considerabam et vidi quadrupedia terræ et bestias et reptilia et volatilia cæli.

Audivi autem et vocem dicentem mihi: " Surge, Petre, occide et manduca ". Dixi autem: " Nequaquam, Domine, quia commune aut immundum numquam introivit in os meum ". Respondit autem vox secundo de cælo: " Quæ Deus mundavit tu ne commune dixeris ". Hoc autem factum est per ter, et retracta sunt rursus omnia in cælum.

Et ecce confestim tres viri astiterunt in domo in qua eramus, missi a Cæsaræa ad me. Dixit autem Spiritus mihi ut irem cum illis nihil hæsitans. Venérunt autem mecum et sex fratres isti, et ingressi sumus in domum viri. Narravit autem nobis quomodo vidisset angelum ad domum suam stantem et dicentem: " Mitte in Ioppen et accersi Simónem qui cognominatur Petrus, qui loquetur tibi verba in quibus salvus eris tu et universa domus tua ".

Cum autem coepissem loqui decedit Spiritus Sanctus super eos sicut et super nos in initio. Recordatus sum autem verbi Domini sicut dicebat: " Ioannes quidem baptizavit aqua, vos autem baptizabimini in Spiritu Sancto ". Si ergo æquale donum dedit illis Deus sicut et nobis qui credidimus in Dominum Iesum Christum, ego quis eram qui possem prohibere Deum? »

His autem auditis acquieverunt et glorificaverunt Deum dicentes: « Ergo et gentibus Deus pœnitentiam ad vitam dedit ». — Verbum Domini.

Psalmus responsorius

Ps 41, 2-3; Ps 42, 3. 4 (R.: cf. Ps 41, 3 a)

R. Sitivit anima mea ad te, Deum vivum.  
vel Allelúia.

Quemádmódum desíderat cervus ad fontes aquárum,  
ita desíderat ánima mea ad te, Deus.

Sítívit ánima mea ad Deum, Deum vivum:  
quando véniam et apparebo ante fáciem Dei? **℞.**

Emítte lucem tuam et veritátem tuam;  
ipsa me dedúcant et addúcant  
in montem sanctum tuum et in tabernácula tua. **℞.**

Et introíbo ad altáre Dei,  
ad Deum lætítiæ exsultatiónis meæ.  
Confitébor tibi in cíthara, Deus, Deus meus. **℞.**

**Alleluia**

**Io 10, 14**

**℞.** Allelúia. **γ.** Ego sum pastor bonus, dicit Dóminus;  
et cognóscó oves meas, et cognóscunt me  
meæ. **℞.** Allelúia.

**Evangelium \***

*Ego sum ostium ovium.*

**✠** Lécio sancti Evangélli secúndum Ioánnem

**10, 1-10**

In illo témpore: Dixit Iesus:

« Amen, amen dico vobis: Qui non intrat per óstium  
in ovíle óvium sed ascéndit aliúnde, ille fur est et latro;  
qui autem intrat per óstium pastor est óvium. Huic  
ostiárius áperit, et oves vocem eius áudiunt, et próprias  
oves vocat nominátim et edúcit eas.

Cum próprias omnes emiserit, ante eas vadit, et  
oves illum sequúntur, quia sciunt vocem eius; aliénum  
autem non sequéntur sed fúgient ab eo, quia non no-  
vérunt vocem alienórum ».

Hoc provérbium dixit eis Iesus; illi autem non co-  
gnóverunt quid esset quod loquebátur eis.

Dixit ergo iterum Iesus: « Amen, amen dico vobis: Ego sum ostium ovium. Omnes quotquot venerunt ante me fures sunt et latrones, sed non audierunt eos oves.

Ego sum ostium: per me si quis introierit, salvabitur et ingrediatur et egrediatur et pascula inveniet. Fur non venit nisi ut furatur et mactet et perdat; ego veni ut vitam habeant et abundantius habeant ».

Verbum Domini.

vel anno A, quando hoc Evangelium lectum est dominica præcedenti

*Bonus pastor animam suam ponit pro ovibus.*

✠ Lectio sancti Evangelii secundum Iohannem

10, 11-18

In illo tempore: Dixit Iesus:

« Ego sum pastor bonus: bonus pastor animam suam ponit pro ovibus; mercennarius et qui non est pastor, cuius non sunt oves propriæ, videt lupum venientem et dimittit oves et fugit — et lupus rapit eas et dispergit — quia mercennarius est, et non pertinet ad eum de ovibus.

Ego sum pastor bonus: et cognosco meas, et cognoscunt me meæ, sicut novit me Pater, et ego agnosco Patrem: et animam meam pono pro ovibus. Et alias oves habeo quæ non sunt ex hoc ovili, et illas oportet me adducere, et vocem meam audient, et fiet unus grex, unus pastor.

Propterea me Pater diligit, quia ego pono animam meam, ut iterum sumam eam. Nemo tollit eam a me, sed ego pono eam a me ipso. Potestatem habeo ponendi eam, et potestatem habeo iterum sumendi eam: hoc mandatum accépi a Patre meo ».

Verbum Domini.

## Super oblata

Súscipe múnera, Dómine, quésumus,  
 exsultántis Ecclésiæ,  
 et, cui causam tanti gáudii præstitisti,  
 perpétuæ fructum concéde lætitiæ.  
 Per Christum.

Præfatio paschalis, pp. 631-635.

Ant. ad communionem

Io 20, 19

Stetit Iesus in médio discipulórum suórum,  
 et dixit eis: Pax vobis, allelúia.

## Post communionem

Pópulum tuum, quésumus, Dómine,  
 intuére benignus,  
 et, quem ætérnis dignátus es renováre mystériis,  
 ad incorruptibilem gloriificándæ carnis resurrectiόνem  
 pervenire concéde.  
 Per Christum.

## Feria tertia

Ant. ad introitum

Ap 19, 7. 6

Gaudeámus et exsultémus et demus glóriam Deo,  
 quóniam regnávit Dóminus Deus noster omnipotens,  
 allelúia.

## Collecta

Præsta, quésumus, omnipotens Deus,  
 ut, qui resurrectiόνis domínicæ mystéria cólimus,  
 redemptiόνis nostræ suscipere lætitiám mereámur.  
 Per Dóminum.



## Lectio prior

*Loquebantur et ad Hellenistas,  
evangelizantes Dominum Iesum.*

Lectio Actuum Apostolorum

11, 19-26

In diébus illis:

Illi qui dispersi fuerant a tribulatione quæ facta fuerat sub Stéphano, perambulaverunt usque Phœnicen et Cyprum et Antiochiam, némini loquentes verbum nisi solis Iudæis. Erant autem quidam ex eis viri Cyprii et Cyrenæi, qui cum introissent Antiochiam loquebantur et ad Hellenistas, evangelizantes Dominum Iesum. Et erat manus Domini cum eis, multusque numerus credentium conversus est ad Dominum.

Auditus est autem sermo in auribus Ecclesiæ quæ erat in Ierusalem super istis, et miserunt Barnabam usque Antiochiam; qui cum pervenisset et vidisset gratiam Dei gavisus est et hortabatur omnes proposito cordis permanere in Domino, quia erat vir bonus et plenus Spiritu Sancto et fide. Et appósita est turba multa Domino.

Profectus est autem Tarsum ut quæreretur Saulum, quem cum invenisset perduxit Antiochiam. Factum est autem eis ut annum totum conversarentur in Ecclesia et docerent turbam multam, et cognominarentur primum Antiochiæ discipuli « Christiáni ». — Verbum Domini

Psalmus responsorius

Ps 86, 1-3. 4-5. 6-7 (ꝛ.: Ps 116, 1 a)

ꝛ. Laudáte Dominum, omnes gentes.

vel Allelúia.

- 1 Fundaménta eius in móntibus sanctis;  
 2 dfligit Dóminus portas Sion  
 super ómnia tabernácula Iacob.  
 3 Gloriósa dicta sunt de te, civitas Dei. R.
- 4 Memor ero Rahab et Babylónis inter sciéntes me;  
 ecce Philistéa et Tyrus cum Æthiópia,  
 hi nati sunt illic.  
 5 Et de Sion dicétur:  
 « Hic et ille natus est in ea,  
 et ipse firmávit eam Altíssimus ». R.
- 6 Dóminus réferet in librum populórum:  
 « Hi nati sunt illic ».  
 7 Et cantant sicut choros ducéntes:  
 « Omnes fontes mei in te ». R.

Alleluia

Io 10, 27

R. Allelúia. γ. Oves meæ vocem meam áudiunt, dicit  
 Dóminus;  
 et ego cognósko eas, et sequúntur me.  
 R. Allelúia.

Evangelium

*Ego et Pater unum sumus.*

✠ Lécio sancti Evangélii secúndum Ioánnem

10, 22-30

Facta sunt Encénia in Hierosólymis, hiems erat, et ambulábat Iesus in templo in pórticu Salomónis. Circumdedérunt ergo eum Iudéi et dicébant ei: « Quóús-que ánimam nostram tollis? Si tu es Christus, dic nobis palam ».

Respondit eis Iesus: « Dixi vobis et non creditis; opera quæ ego fácio in nómine Patris mei, hæc testimoniúm pérhibent de me. Sed vos non creditis, quia non estis ex óvibus meis.

Oves meæ vocem meam áudiunt, et ego cognóscó eas, et sequúntur me, et ego vitam ætérnam do eis, et non peribunt in ætérnum, et non rápiet eas quisquam de manu mea.

Pater meus quod dedit mihi maius ómnibus est, et nemo potest rápere de manu Patris. Ego et Pater unum sumus ». — Verbum Dómini.

Super oblata

Concéde, quæsumus, Dómine,  
semper nos per hæc mystéria paschália gratulári,  
ut continua nostræ reparatiónis operátio  
perpétuæ nobis fiat causa lætitiæ.  
Per Christum.

Præfatio paschalis, pp. 631-635.

Ant. ad communionem

Cf. Lc 24, 46. 26

Opórtuit pati Christum, et resúrgere a mórtuis,  
et ita intráre in glóriam suam, allelúia.

Post communionem

Exáudi, Dómine, preces nostras,  
ut redemptiÓnis nostræ sacrosáncta commércia  
et vitæ nobis cónferant præsentis auxiliúm  
et gáudia sempitérna concíliant.  
Per Christum.

**Feria quarta**

Ant. ad introitum Ps 17, 50; 21, 23

**Confitébor tibi in pópulis, Dómine,  
et narrábo nomen tuum frátribus meis, allelúia.**

## Collecta

**Deus, vita fidélium, glória humílium,  
beatitúdo iustórum,  
ad preces súpplícum benígnus inténde,  
ut, qui promíssa tuæ sítiunt largitátis,  
de tua semper abundántia repleántur.  
Per Dóminum.**

## Lectio prior

*Separate mihi Barnabam et Saulum.*

Lectio Actuum Apostolorum 12, 24 — 13, 5 a

## In diébus illis:

Verbum Dei crescébat et multiplicabátur. Bárnabas autem et Saulus revérsi sunt, in Ierúsalem expléto ministério, assúpto Ioánne qui cognominátus est Marcus.

Erant autem in Ecclésia quæ erat Antiochiæ prophétæ et doctóres: Bárnabas et Sýmeon qui vocabátur Níger, et Lúcius Cyrenénsis, et Mánaen qui erat Heródis tetrárchæ collectáneus, et Saulus.

Ministrántibus autem illis Dómino et ieiunántibus, dixit Spíritus Sanctus: «*Separáte mihi Bárnabam et Saulum in opus ad quod vocávi eos*». Tunc ieiunántes et orántes imponentésque eis manus dimiserunt illos.

Et ipsi quidem missi ab Spíritu Sancto devenérunt Seleucíam, et inde navigavérunt Cyprum, et cum venís-

sent Salamínam prædicábant verbum Dei in synagógis Iudæórum; habébant autem et Ioánnem minístrum.

Verbum Dómini.

**Psalmus responsorius** Ps 66, 2-3. 5. 6 et 8 (R.: 4)

R. Confiteántur tibi pópuli, Deus,  
confiteántur tibi pópuli omnes.

vel Allelúia.

<sup>2</sup> Deus misereátur nostri, et benedícat nobis;  
illúminet vultum suum super nos.

<sup>3</sup> Ut cognoscátur in terra via tua,  
in ómnibus géntibus salutáre tuum. R.

<sup>5</sup> Læténtur et exsúltent gentes,  
quóniam iúdicas pópulos in æquitáte,  
et gentes in terra dírigis. R.

<sup>6</sup> Confiteántur tibi pópuli, Deus,  
confiteántur tibi pópuli omnes.

<sup>8</sup> Benedícat nos Deus,  
et métuant eum omnes fines terræ. R.

**Alleluia**

Io 8, 12

R. Allelúia. V. Ego sum lux mundi, dicit Dóminus;  
qui séquitur me habébit lumen vitæ.

R. Allelúia.

**Evangelium**

*Ego lux in mundum veni.*

✠ Lécio sancti Evangélii secúndum Ioánnem

12, 44-50

In illo témpore: Clamávit Iesus et dixit:

« Qui credit in me, non credit in me sed in Eum  
qui misit me, et qui videt me, videt Eum qui misit me.

Ego lux in mundum veni, ut omnis qui credit in me in ténébris non máneat. Et si quis audierit verba mea et non custodierit, ego non iú dico eum, non enim veni ut iúdicem mundum, sed ut salvíficem mundum.

Qui spernit me et non áccipit verba mea, habet qui iúdicet eum: sermo quem locútus sum, ille iudicábit eum in novíssimo die, quia ego ex me ipso non sum locútus, sed qui misit me Pater, ipse mihi mandátum dedit quid dicam et quid loquar. Et scio quia mandátum eius vita ætérna est. Quæ ergo ego loquor, sicut dixit mihi Pater, sic loquor ». — Verbum Dómini.

Super oblata

Deus, qui nos, per huius sacrificii veneránda commércia, unius summæque divinitátis partícipes effecísti, præsta, quæsumus, ut, sicut tuam cognóvimus veritátem, sic eam dignis móribus assequámur.

Per Christum.

Præfatio paschalis, pp. 631-635.

Ant. ad communionem

Cf. Io 15, 16. 19

Dicit Dóminus: Ego elégi vos de mundo et pósui vos, ut eátis, et fructum afferátis, et fructus vester máneat, allelúia.

Post communionem

Pópulo tuo, quæsumus, Dómine, adésto propítius, et, quem mystériis cæléstibus imbuísti, fac ad novitátem vitæ de vetustáte transíre.

Per Christum.

**Feria quinta**

Ant. ad introitum

Cf. Ps 67, 8-9. 20

Deus, dum egredereris coram pópulo tuo,  
iter fáciens eis, hábitans in illis,  
terra mota est, cæli distillavérunt, allelúia.

Collecta

Deus, qui humánam natúram  
supra primæ originis réparas dignitátem,  
réspecte ad pietátis tuæ ineffábile sacraméntum,  
ut, quos regeneratiónis mystério dignátus es innováre,  
in his dona tuæ perpétuæ grátia  
benedictionisque consérves.  
Per Dóminum.

Lectio prior

*Ex semine David eduxit Deus salvatorem Iesum.*

Lectio Actuum Apostolorum

13, 13-25

Cum a Papho navigássent qui erant cum Paulo venérunt Pergen Pamphýliæ; Ioánnes autem discédens ab eis réversus est Hierosólymam.

Illi vero pertranseúntes, a Perge venérunt Antiochíam Pisídiæ, et ingrési synagógam die sabbatorum sedérunt. Post lectiónem autem Legis et Prophetárum, misérunt príncipes synagógæ ad eos dicéntes: « Viri fratres, si quis est in vobis sermo exhortatiónis ad plebem, dícite ».

Surgens autem Paulus et manu siléntium indícens ait:

« Viri Israelítæ et qui timétis Deum, audíte. Deus plebis huius Israel elégit patres nostros, et plebem exaltávit cum essent incolæ in terra Ægýpti, et in brác-

chio excélsio edúxit eos ex ea, et per quadragínta fere annórum tempus mores eórum sustínuit in desérto, et déstruens gentes septem in terra Chánaan, sorte distribuit terram eórum, quasi quadringéntos et quinquagínta annos. Et post hæc dedit Iúdicez usque ad Sámuel prophétam.

Et exínde postulavérunt regem, et dedit illis Deus Saul filium Cis, virum de tribu Bénéiamin, annis quadragínta. Et amóto illo, suscitávit illis David in regem, cui et testimónium pérhibens dixit: " Invéni David filium Iesse, virum secúndum cor meum, qui fáciat omnes voluntátes meas " .

Huius Deus ex sémine secúndum promissionem edúxit Israel salvatórem Iesum, prædicánte Ioáñne ante advéntum eius baptísmum pæniténtiæ omni pópulo Israel. Cum impléret autem Ioáñnes cursum suum, dicébat: " Quid me arbitrámini esse? Non sum ego; sed ecce venit post me cuius non sum dignus calceaménta pedum sólvete " ». — Verbum Dómini.

Psalmus responsorius

Ps 88, 2-3. 21-22. 25 et 27 (R.: cf. 2 a)

R. Misericórdias tuas, Dómine, in ætérnum cantábo.  
vel Allelúia.

Misericórdias Dómini in ætérnum cantábo,  
in generatióem et generatióem  
annuntiábo veritátem tuam in ore meo.

Quóniam dixísti:

« In ætérnum misericórdia ædificábitur »,  
in cælis firmábitur véritas tua. R.

« Invéni David servum meum;  
óleo sancto meo unxi eum.



- 22 Manus enim mea firma erit cum eo.  
et bráccium meum confortábit eum. **℞.**
- 25 Et véritas mea et misericórdia mea cum ipso,  
et in nómine meo exaltábitur cornu eius.
- 27 Ipse invocábit me: Pater meus es tu,  
Deus meus et refúgium salutis meæ ». **℞.**

Alleluia

Ap 1, 5 ab

**℞.** Allelúia. **℣.** Iesu Christe, testis es fidélis, primogénitus mortuórum;  
dilexisti nos et lavásti peccáta nostra in ságuine tuo. **℞.** Allelúia.

## Evangelium

*Qui accipit si quem misero, me accipit.*

✠ Lécitio sancti Evangélii secúndum Ioánnem

13, 16-20

Postquam lavit Iesus pedes discipulórum, dixit eis:

« Amen, amen dico vobis: Non est servus maior dómino suo, neque apóstolus maior eo qui misit illum. Si hæc scitis, beáti estis si fácitis ea.

Non de ómnibus vobis dico, ego scio quos elégerim, sed ut impleátur Scriptúra: “ Qui mandúcat meum panem levávit contra me calcáneum suum ”. Amodo dico vobis prius quam fiat, ut credátis cum factum fuérit, quia ego sum.

Amen, amen dico vobis: Qui áccipit si quem misero, me áccipit, qui autem me áccipit, áccipit Eum qui me misit ». — Verbum Dómini.

Super oblata

**Ascendant ad te, Dómine,  
preces nostræ cum oblatiónibus hostiárum,  
ut, tua dignatióne mundáti,  
sacraméntis magnæ pietátis aptémur. Per Christum.**

Præfatio paschalis, pp. 631-635.

Ant. ad communionem

Mt 28, 20

**Ecce ego vobiscum sum ómnibus diébus  
usque ad consummationem sæculi, allelúia.**

Post communionem

**Omnípotens sempitérne Deus,  
qui ad ætérnam vitam  
in Christi resurrectione nos réparas,  
fructus in nobis paschális múltiplica sacraménti,  
et fortitúdinem cibi salutáris nostris infúnde pectóribus.  
Per Christum.**

## Feria sexta

Ant. ad introitum

Ap 5, 9-10

**Redemísti nos, Dómine, in sánguine tuo,  
ex omni tribu et lingua et pópulo et natióne,  
et fecísti nos Deo nostro regnum et sacerdótes, allelúia.**

Collecta

**Deus, qui et libertátis nostræ auctor es et salútis,  
exáudi supplicántium voces,  
et, quos sánguinis Fílii tui effusióne redemísti,  
fac, ut per te vivere  
et perpétua in te váleant incolumitáte gaudere.  
Per Dóminum.**

## Lectio prior

*Promissionem adimplevit Deus, resuscitans Iesum.*

Lectio Actuum Apostolorum

13, 26-33

In diébus illis: Cum venisset Paulus Antiochiám Pí-sídiæ, dicébat in synagóga:

« Viri fratres, filii géneris Abraham et qui in vobis timent Deum, nobis verbum salutis huius missum est.

Qui enim habitábant Ierúsalem et príncipes eórum hunc ignorántes et voces Prophetárum, quæ per omne sábbatum legúntur, iudicántes implevérunt, et nullam causam mortis inveniéntes petiérunt a Piláto, ut interficerétur; cumque consummássent ómnia quæ de eo scripta erant, deponéntes eum de ligno posuérunť in monuménto.

Deus vero suscitávit eum a mórtuis; qui visus est per dies multos his qui simul ascénderant cum eo de Galiléa in Ierúsalem, qui nunc sunt testes eius ad plebem.

Et nos vobis evangelizámus eam quæ ad patres promissio facta est, quóniam hanc Deus adimplévit filiis eórum, nobis, resúscitans Iesum, sicut et in Psalmo secúndo scriptum est: " Fílius meus es tu, ego hódie gé-nui te " ». — Verbum Dómini.

Psalmus responsorius Ps 2, 6-7. 8-9. 10-11 (R.: 7)

R. Fílius meus es tu: ego hódie génuí te.

vel Allelúia.

\* « Ego autem constitúi regem meum  
super Sion, montem sanctum meum! »

7 Prædicábo decrétum eius:  
Dóminus dixit ad me: « Fílius meus es tu;  
ego hódie génuí te. R.

- 8 **Póstula a me, et dabo tibi gentes hereditátem tuam,  
et possessiónem tuam términos terræ.**
- 9 **Reges eos in virga férrea,  
et tamquam vas figuli confrínges eos ».** R.
- 10 **Et nunc, reges, intellégite,  
erudímini qui iudicátis terram.**
- 11 **Servíte Dómino in timóre,  
et exsultáte ei cum tremóre.** R.

Alleluia

Io 14, 6

R. Allelúia. *γ.* **Ego sum via, véritas et vita,  
dicit Dóminus;  
nemo venit ad Patrem, nisi per me.**  
R. Allelúia.

## Evangelium

*Ego sum via et veritas et vita.*✠ **Léctio sancti Evangélli secúndum Ioánnem** 14, 1-6**In illo témpore: Dixit Iesus discípu-  
lis suis:**

« Non turbétur cor vestrum: créditis in Deum et  
in me crédite. In domo Patris mei mansiónes multæ  
sunt, si quo minus, dixissem vobis quia vado paráre  
vobis locum? Et si abíero et præparávero vobis locum,  
íterum vénio et accípiam vos ad me ipsum, ut ubi sum  
ego et vos sitis. Et quo ego vado, scitis viam ».

Dicit ei Thomas: « Dómine, nescimus quo vadis;  
quómodo póssumus viam scire? »

Dicit ei Iesus: « Ego sum via et véritas et vita: ne-  
mo venit ad Patrem nisi per me ».

Verbum Dómini.

Super oblata

Oblatiónes familiæ tuæ,  
quæsumus, Dómine, súscipe miserátus,  
ut, sub tuæ protectiόνis auxilio,  
et colláta non perdant, et ad ætérna dona pervéniant.  
Per Christum.

Præfatio paschalis, pp. 631-635.

Ant. ad communionem

Rom 4, 25

Tráditus est Christus Dóminus noster  
propter delícta nostra  
et resurrexit propter iustificatióem nostram, allelúia.

Post communionem

Contínua, quæsumus, Dómine,  
quos salvásti pietáte custódi,  
ut, qui Fílii tui passióne sunt redémpti,  
eius resurrectione læténtur.  
Per Christum.

## Sabbato

Ant. ad introitum

1 Petr 2, 9

Pópulus acquisitionis, annuntiáte virtútes eius,  
qui vos de ténebris vocávit in admirábile lumen suum,  
allelúia.

Collecta

Omnípotens sempitérne Deus,  
semper in nobis paschále pérfice sacraméntum,  
ut, quos sacro baptísmate dignátus es renováre,  
sub tuæ protectiόνis auxilio multos fructus áfferant,  
et ad ætérnæ vitæ gáudia pervenire concédas.  
Per Dóminum.

## Lectio prior

*Ecce convertimur ad gentes.*

## Lectio Actuum Apostolorum

13, 44-52

Sequēti sabbato p̄ne univ̄rsa civitas convēnit audire verbum D̄mini. Vidētes autem turbas Iud̄ei repl̄ti sunt zelo et contradicēbant his qūe a Paulo dicebāntur, blasphemātes. Tunc audēter Paulus et B̄rnabas dixerunt:

« Vobis oportēbat primum loqui verbum Dei; sed quōniam rep̄llitis illud et indignos vos iudicatis æternæ vitæ, ecce convertimur ad gentes. Sic enim præcepit nobis D̄minus: " P̄sui te in lumen gēntium ut sis in salutem usque ad extrēmum terræ " ».

Audiētes autem gentes gaudēbant et glorificābant verbum D̄mini, et credidērunt quotquot erant præordinati ad vitam æternam; ferebātur autem verbum D̄mini per univ̄rsam regiōnem.

Iud̄ei autem concitavērunt honēstas inter colētes mulieres et primos civitatis et excitavērunt persecutiōnem in Paulum et B̄rnabam, et eiecērunt eos de finibus suis. At illi, excusso pulvere pedum in eos, venērunt Icónium; discipuli quoque replebāntur gaudio et Sp̄ritu Sancto. — Verbum D̄mini.

## Psalmus responsorius

Ps 97, 1. 2-3 ab. 3 cd-4 (R.: 3 cd)

R. Vidērunt omnes términi terræ salutāre Dei nostri.  
vel Allelúia.

Cantāte D̄mino cānticum novum,  
quia mirabilia fecit.

Salvavit sibi dēxtera eius,  
et bráccium sanctum eius. R.

<sup>2</sup> Notum fecit Dóminus salutáre suum,  
in conspéctu géntium revelávit iustítiam suam.

<sup>3</sup> Recordátus est misericórdiæ suæ  
et veritátis suæ dómui Israel. *R.*

Vidérunt omnes términi terræ  
salutáre Dei nostri.

<sup>4</sup> Iubiláte Deo, omnis terra,  
erúmpite, exsultáte et psállite. *R.*

Alleluia

Io 8, 31 b-32 a

*R.* Allelúia. *Y.* Si manséritis in sermóne meo, vere  
discípuli mei éritis,  
et cognoscétis veritátem, dicit Dóminus.

*R.* Allelúia.

### Evangelium

*Qui vidit me vidit Patrem.*

✠ Lécio sancti Evangélii secúndum Ioánnem

14, 7-14

In illo témpore: Dixit Iesus discíplis suis:

« Si cognovístis me, et Patrem meum útique cognoscétis: et ámodo cognoscítis eum et vidístis eum ».

Dicit ei Philíppus: « Dómine, osténde nobis Patrem, et súfficit nobis ».

Dicit ei Iesus: « Tanto témpore vobíscum sum, et non cognovísti me, Philíppe? Qui vidit me vidit Patrem: quómo tu dicis: " Osténde nobis Patrem " ? Non credis quia ego in Patre et Pater in me est? Verba quæ ego loquor vobis a me ipso non loquor; Pater autem in me manens facit ópera sua. Crédite mihi quia ego in Patre et Pater in me est; alióquin propter ópera ipsa crédite.

**Amen, amen dico vobis: Qui credit in me, ópera quæ ego fácio et ipse fáciat, et maióra horum fáciat, quia ego ad Patrem vado. Et quodcúmque petiéritis in Nómine meo, hoc fáciam, ut glorificétur Pater in Fílio: si quid petiéritis me in Nómine meo, ego fáciam ».** — Verbum Dómini.

Super oblata

**Propítius, Dómine, quæsumus, hæc dona sanctífica, et, hóstiæ spiritális oblatióne suscepta, nosmetípsos tibi pérfice munus ætérnum. Per Christum.**

Præfatio paschalis, pp. 631-635.

Ant. ad communionem

Io 17, 24

**Pater, quos dedísti mihi, volo ut ubi sum ego et illi sint mecum, ut vídeant claritátem quam dedísti mihi, allelúia.**

Post communionem

**Súmpsimus, Dómine, sacri dona mystérii, humíliter deprecántes, ut, quæ in sui commemoratióne nos Fílius tuus fácere præcépit, in nostræ proficiant caritátis augméntum. Per Christum.**



## DOMINICA V PASCHÆ

Ant. ad introitum

Ps 97, 1-2

Cantáte Dómino cánticum novum,  
quia mirabília fecit Dóminus;  
ante conspéctum géntium revelávit iustítiam suam,  
allelúia.

Dicitur Glória in excélsis.

Collecta

Deus, per quem nobis  
et redemptio venit et præstatur adoptio,  
filius dilectionis tuæ benignus intende,  
ut in Christo credentibus  
et vera tribuatur libertas et hereditas æterna.  
Per Dóminum.

---

Anno A

Lectio prima

*Elegerunt septem viros plenos Spiritu.*

Lectio Actuum Apostolorum

6, 1-7

In diébus illis, crescén-te número discipulorum, factus est murmur Hellenistarum adversus Hebræos, eo quod neglexerentur in ministério cotidiáno viduæ eorum.

Convocantes autem Duodecim multitudinem discipulorum, dixerunt: « Non est æquum nos derelinquentes verbum Dei ministrare mensis: considerate vero, fratres, viros ex vobis boni testimonii septem, plenos Spiritu et sapientia, quos constituemus super hoc opus; nos vero orationi et ministério verbi instantes erimus ».

Et placuit sermo coram omni multitudine, et elegerunt Stéphanum, virum plenum fide et Spíritu Sancto, et Philíppum et Próchorum et Nicánorem et Timónem et Pármenam et Nicoláum prosélytum Antiochénum, quos statuerunt ante conspéctum Apostolorum, et orántes imposuerunt eis manus.

Et verbum Dei crescebat, et multiplicabátur númerus discipulorum in Ierúsalem valde, multa étiam turba sacerdotum obcediebat fidei. — Verbum Dómini.

Psalmus responsorius Ps 32, 1-2. 4-5. 18-19 (R.: 22)

R. Fiat misericórdia tua, Dómine, super nos,  
quemádmódum sperávimus in te.

vel Allelúia.

- 1 Exsultáte, iusti, in Dómino;  
rectos decet collaudátio.
- 2 Confitémini Dómino in cíthara,  
in psaltério decem chordárum psállite illi. R.
- 4 Quia rectum est verbum Dómini,  
et ómnia ópera eius in fide.
- 5 Díligit iustítiam et iudícium,  
misericórdia Dómini plena est terra. R.
- 18 Ecce óculi Dómini super metuéntes eum,  
in eos qui sperant super misericórdia eius,
- 19 ut éruat a morte ánimas eórum, et alat eos in fame. R.

### Lectio secunda

*Vos autem genus electum, regale sacerdotium.*

Lectio Epístolæ primæ beáti Petri apóstoli 2, 4-9

Caríssimi:

Ad Dóminum accedéntes, lápidem vivum, ab homínibus quidem reprobátum, coram Deo autem eléctum,

pretiosum, et ipsi tamquam lapides vivi ædificámini domus spiritalis in sacerdotium sanctum, offerre spiritalis hostias acceptabiles Deo per Iesum Christum.

Propter quod continet in Scriptúra: « Ecce pono in Sion lapidem angularem electum pretiosum; et qui credit in eo non confundetur ».

Vobis igitur honor credentibus; non credentibus autem « Lapis quem reprobaverunt ædificantes hic factus est in caput anguli », et « Lapis offensionis et petra scandali »; qui offendant, verbo non credentes, in quod et positi sunt.

Vos autem genus electum, regale sacerdotium, gens sancta, populus in acquisitionem, ut virtutes annuntietis eius qui de tenebris vos vocavit in admirabile lumen suum. — Verbum Domini.

Alleluia

Io 14, 6

℞. Allelúia. γ. Ego sum via, veritas et vita,  
dicit Dóminus;  
nemo venit ad Patrem, nisi per me.  
℞. Allelúia.

Evangelium

*Ego sum via et veritas et vita.*

✠ Lécio sancti Evangélii secúndum Ioánnem

14, 1-12

In illo témpore: Dixit Iesus discipulis suis:

« Non turbetur cor vestrum: creditis in Deum et in me credite. In domo Patris mei mansiones multe sunt, si quo minus, dixissem vobis quia vado parare vobis locum? Et si abiero et præparavero vobis locum, iterum venio et accipiam vos ad me ipsum, ut ubi sum ego et vos sitis. Et quo ego vado, scitis viam ».

Dicit ei Thomas: « Dómine, nescimus quo vadis; quómodo póssumus viam scire? »

Dicit ei Iesus: « Ego sum via et véritas et vita: nemo venit ad Patrem nisi per me. Si cognovístis me, et Patrem meum útique cognoscétis: et ámodo cognóscitis eum et vidístis eum ».

Dicit ei Philíppus: « Dómine, osténde nobis Patrem, et súfficit nobis ».

Dicit ei Iesus: « Tanto témpore vobíscum sum, et non cognovísti me, Philíppe? Qui vidit me vidit Patrem: quómodo tu dicis: " Osténde nobis Patrem " ? Non credis quia ego in Patre et Pater in me est? Verba quæ ego loquor vobis a me ipso non loquor; Pater autem in me manens facit ópera sua. Crédite mihi quia ego in Patre et Pater in me est; alióquin propter ópera ipsa crédite.

Amen, amen dico vobis: Qui credit in me, ópera quæ ego fácio et ipse fáciat, et maióra horum fáciat, quia ego ad Patrem vado ». — Verbum Dómini.

## Anno B

### Lectio prima

*Narravit illis quomodo in via vidisset Dominum.*

Léctio Actuum Apostolórum

9, 26-31

In diébus illis:

Cum venísset Saulus in Ierúsalem tentábat iúngere se discipulis; et omnes timébant eum, non credentes quia esset discipulus.

Bárnabas autem apprehénsus illum duxit ad Apóstolos, et narrávit illis quómodo in via vidisset Dóminum et quia locúsus est ei, et quómodo in Damásco fiduciaúter égerit in nómine Iesu.

Et erat cum illis intrans et éxiens in Ierúsalem, fiduciáliter agens in nómine Dómini, loquebátur quoque et disputábat cum Hellenístis; illi autem quærébant occidere eum. Quod cum cognovissent fratres, deduxérunt eum Cæsaráam et dimiserunt Tarsum.

Ecclésia quidem per totam Iudæam et Galiléam et Samariám habébat pacem, ædificabátur et ambulábat in timóre Dómini, et consolatióne Sancti Spíritus cre-scébat. — Verbum Dómini.

### Psalmus responsorius

Ps 21, 26 b-27. 28 et 30. 31-32 (R.: 26 a)

R. Apud te, Dómine, laus mea in ecclésia magna.

vel Allelúia.

26 Vota mea reddam in conspéctu timéntium eum.

27 Edent páuperes, et saturabúntur,  
et laudábunt Dóminum qui requírun't eum:  
« Vivant corda eórum in sæculum sæculi ». R.

28 Reminiscéntur et converténtur ad Dóminum  
univérsi fines terræ,  
et adorábunt in conspéctu eius  
univérsæ famíliæ géntium.

30 Ipsum solum adorábunt omnes  
qui dórmiunt in terra;  
in conspéctu eius prócident omnes  
qui descéndunt in púlverem. R.

Anima autem mea illi vivet,  
31 et semen meum sérviet ipsi.  
Narrábitur de Dómino generatióni ventúrx,  
32 et annuntiábunt iustítiam eius

pópulo qui nascétur:  
« Hæc fecit Dóminus ». R.

## Lectio secunda

*Hoc est mandatum eius, ut credamus et diligamus.*

Lectio Epistolæ primæ beati Ioannis apostoli

3, 18-24

Filii, non diligamus verbo nec lingua, sed in opere et veritate. In hoc cognoscemus quoniam ex veritate sumus, et in conspectu eius placabimus corda nostra, quoniam si reprehenderit nos cor, maior est Deus corde nostro et cognoscit omnia.

Carissimi, si cor nostrum non reprehenderit nos, fiduciam habemus ad Deum, et quodcumque petierimus accipimus ab eo, quoniam mandata eius custodimus et ea quæ sunt placita coram eo facimus.

Et hoc est mandatum eius, ut credamus Nomini Filii eius Iesu Christi et diligamus alterutrum, sicut dedit mandatum nobis. Et qui servat mandata eius, in ipso manet et ipse in eo; et in hoc cognoscimus quoniam manet in nobis, ex Spiritu quem nobis dedit.

Verbum Domini.

Alleluia

Io 15, 4. 5 b

℞. Alleluia. γ. Manete in me, et ego in vobis,  
dicit Dominus;  
qui manet in me fert fructum multum.  
℞. Alleluia.

Evangelium

*Qui manet in me, et ego in eo,  
hic fert fructum multum.*

✠ Lectio sancti Evangelii secundum Ioannem 15, 1-8

In illo tempore: Dixit Iesus discipulis suis:

« Ego sum vitis vera et Pater meus agricola est. Om-

nem pálmitem in me non feréntem fructum, tollit eum, et omnem qui fert fructum, purgat eum ut fructum plus áfferat.

Iam vos mundi estis propter sermónem quem locúsus sum vobis: manéte in me, et ego in vobis. Sicut palmes non potest ferre fructum a semetípso nisi mánserit in vite, sic nec vos nisi in me manséritis.

Ego sum vitis, vos pálmites. Qui manet in me, et ego in eo, hic fert fructum multum, quia sine me nihil potéstis fácere.

Si quis in me non mánserit, missus est foras sicut palmes et áruit, et cólligunt eos et in ignem mittunt et ardent. Si manséritis in me et verba mea in vobis mánserint, quodcúmque voluérítis pétite et fiet vobis.

In hoc glorificátus est Pater meus, ut fructum multum afferátis et efficiámini mei discípuli ».

Verbum Dómini.

## Anno C

### Lectio prima

*Rettulerunt Ecclesiæ quanta fecisset Deus cum illis.*

Léctio Actuum Apostolórum

14, 21 b-26

In diébus illis:

Revérsi sunt Paulus et Bárnabas Lystram et Icónium et Antiochiám, confirmántes ánimas discipulórum, exhortántes ut permanérent in fide, et quóniam per multas tribulatiónes opórtet nos intráre in Regnum Dei.

Et cum ordinássent illis per síngulas Ecclesiás presbýteros et orássent cum ieiunatió nibus, commendavérunt eos Dómino in quem crediderant.

Transeuntésque Pisídiam venérunt Pamphýliam, et loquéntes in Perge verbum, descendérunt in Attá-

liam. Et inde navigavérunt Antiochiám, unde erant trá-  
diti grátiae Dei in opus quod complevérunt.

Cum autem veníssent et congregássent Ecclesiám,  
rettulérunt quanta fecisset Deus cum illis et quia ape-  
ruíset géntibus óstium fídei. — Verbum Dómini.

### Psalmus responsorius

Ps 144, 8-9. 10-11. 12-13 ab (ꝛ.: cf. 1)

ꝛ. Benedícam nómini tuo in sáeculum, Deus meus rex.  
vel Allelúia.

- 8 Miserátor et miséricors Dóminus,  
longánimis et multæ misericórdiae.
- 9 Suávis Dóminus univérsis,  
et miseratiónes eius super ómnia ópera eius. ꝛ.
- 10 Confiteántur tibi, Dómine, ómnia ópera tua;  
et sancti tui benedícant tibi.
- 11 Glóriam regni tui dicant,  
et poténtiam tuam loquántur. ꝛ.
- 12 Ut notas fáciant fíliis hóminum poténtias tuas,  
et glóriam magnificéntiae regni tui.
- 13 Regnum tuum regnum ómnium sæculórum,  
et dominátio tua in omnem generatióem  
et generatióem. ꝛ.

### Lectio secunda

*Absterget Deus omnem lacrimam ab oculis eorum.*

Léctio libri Apocalýpsis beáti Ioánnis apóstoli

21, 1-5 a

Ego, Ioánnes, vidi Cælum novum et Terram no-  
vam: primum enim cælum et prima terra abiérunt, et  
mare iam non est.



Et Civitatem sanctam Ierusalem novam vidi descendentem de cælo a Deo, paratam sicut sponsam ornatum viro suo. Et audivi vocem magnam de throno dicentem:

« Ecce tabernaculum Dei cum hominibus, et habitabit cum eis, et ipsi populi eius erunt, et ipse Deus cum eis erit, eorum Deus, et abstergit omnem lacrimam ab oculis eorum, et mors ultra non erit, neque luctus neque clamor neque dolor erit ultra: quia prima abiierunt ».

Et dixit qui sedebat super throno: « Ecce nova factio omnia ». Et dicit: « Scribe: Hæc verba fidelia sunt et vera ». — Verbum Domini.

Alleluia

Io 13, 34

℞. Alleluia. γ. Mandatum novum do vobis,  
dicit Dominus;  
ut diligatis invicem, sicut dilexi vos.  
℞. Alleluia.

Evangelium

*Mandatum novum do vobis,  
ut diligatis invicem.*

✠ Lectio sancti Evangelii secundum Ioannem

13, 31-33 a. 34-35

Cum exisset Iudas e cenaculo, dicit Iesus:

« Nunc glorificatus est Filius hominis, et Deus glorificatus est in eo: si Deus glorificatus est in eo et Deus glorificabit eum in semetipso, et continuo glorificabit eum.

Filii, adhuc modicum vobiscum sum. Mandatum novum do vobis, ut diligatis invicem; sicut dilexi vos ut et vos diligatis invicem. In hoc cognoscent omnes

quia mei discipuli estis, si dilectionem habueritis ad invicem ». — Verbum Dómini.

---

Dicitur Credo.

Super oblata

Deus, qui nos, per huius sacrificii veneranda commercia, unius summæque divinitatis partícipes effecísti, præsta, quæsumus, ut, sicut tuam cognóvimus veritátem, sic eam dignis móribus assequámur.

Per Christum.

Præfatio paschalis, pp. 631-635.

Ant. ad communionem

Io 15, 1. 5

Ego sum vitis vera et vos pálmities, dicit Dóminus; qui manet in me, et ego in eo, hic fert fructum multum, allelúia.

Post communionem

Pópulo tuo, quæsumus, Dómine, adésto propítius, et, quem mystériis cæléstibus imbuísti, fac ad novitátem vitæ de vetustáte transíre.

Per Christum.

## Feria secunda

Ant. ad introitum

Surréxit pastor bonus, qui ánimam suam pósuit pro óvibus suis, et pro grege suo mori dignátus est, allelúia.

Collecta

Deus, qui fidélium mentes unius éfficis voluntátis, da pópulis tuis id amáre quod præcipis,

id desiderare quod promittis,  
 ut, inter mundanas varietates,  
 ibi nostra fixa sint corda, ubi vera sunt gaudia.  
 Per Dominum.

Lectio prior

*Evangelizamus vobis  
 ab his vanis converti ad Deum vivum.*

Lectio Actuum Apostolorum

14, 5-17

In diebus illis:

Cum factus esset Iconii impetus gentilium et Iudæorum cum principibus suis ut contumeliis afficerent Paulum et Barnabam et lapidarent eos, intelligentes confugerunt ad civitates Lycaoniae, Lystram et Derben et ad regionem in circuitu, et ibi evangelizantes erant.

Et quidam vir in Lystris infirmus pedibus sedebat, claudus ex utero matris suae, qui numquam ambulaverat. Hic audivit Paulum loquentem; qui intuitus eum et videns quia haberet fidem ut salvus fieret, dixit magna voce: « Surge super pedes tuos rectus ». Et exsilvit et ambulabat.

Turbæ autem cum vidissent quod fecerat Paulus, levaverunt vocem suam lycaonice dicentes: « Dii similes facti hominibus descendérunt ad nos », et vocabant Barnabam Iovem, Paulum vero Mercurium, quoniam ipse erat dux verbi. Sacerdos quoque templi Iovis quod erat ante civitatem, tauros et coronas ad ianuas afferens cum populis, volebat sacrificare.

Quod ubi audierunt apostoli Barnabas et Paulus, conscissis tunicis suis exsilierunt in turbam, clamantes et dicentes:

« Viri, quid hæc facitis? Et nos mortales sumus similes vobis homines, evangelizantes vobis ab his vanis con-

vérti ad Deum vivum, qui fecit cælum et terram et mare et ómnia quæ in eis sunt; qui in præteritis generatióibus permísit omnes gentes ambuláre in viis suis; et quidem non sine testimónio semet ipsum reliquit benefáciens, de cælo dans vobis plúvias et témpora fructífera, implens cibo et lætítia corda vestra ».

Et hæc dicétes vix sedavérunt turbas ne sibi immolárent. — Verbum Dómini.

### Psalmus responsorius

Ps 113 B, 1-2. 3-4. 15-16 (R.: 1)

R. Non nobis, Dómine,  
sed nómini tuo da glóriam.

vel Allelúia.

- 1 Non nobis, Dómine, non nobis,  
sed nómini tuo da glóriam,  
super misericórdia tua et veritáte tua.
- 2 Quare dicent gentes:  
« Ubi est Deus eórum? » R.
- 3 Deus autem noster in cælo,  
ómnia quæcúmque vóluit, fecit.
- 4 Simulácra géntium argéntum et aurum,  
ópera mánuum hóminum. R.
- 15 Benedícti vos a Dómino,  
qui fecit cælum et terram.
- 16 Cæli, cæli sunt Dómino,  
terram autem dedit filiis hóminum. R.

Alleluia

Io 14, 26

R. Allelúia. ¶ Spíritus Sanctus vos docébit ómnia:  
súggeret vobis ómnia quæcúmque díxero vo-  
bis. R. Allelúia.

## Evangelium

*Paraclitus, quem mittet Pater, docebit vos omnia.*

✠ Lécio sancti Evangélii secúndum Ioánnem

14, 21-26

In illo témpore: Dixit Iesus discíplis suis:

« Qui habet mandáta mea et servat ea, ille est qui díligit me. Qui autem díligit me, diligétur a Patre meo, et ego díligam eum et manifestábo ei me ipsum ».

Dicit ei Iudas, non ille Iscariótes: « Dómine, et quid factum est quia nobis manifestatúrus es te ipsum et non mundo? »

Respóndit Iesus et dixit ei: « Si quis díligit me, sermónem meum servábit, et Pater meus díliget eum, et ad eum veniémus et mansiónem apud eum faciémus. Qui non díligit me, sermónes meos non servat. Et sermo quem audítis, non est meus, sed Eius qui misit me, Patris.

Hæc locútus sum vobis apud vos manens. Paráclitus autem, Spíritus Sanctus quem mittet Pater in Nómine meo, ille vos docébit ómnia et súggeret vobis ómnia quæ dixi vobis ».

Verbum Dómini.

## Super oblata

Ascéndant ad te, Dómine, preces nostræ cum oblatiónibus hostiárum, ut, tua dignatióne mundáti, sacraméntis magnæ pietátis aptémur.  
Per Christum.

Præfatio paschalis, pp. 631-635.

Ant. ad communionem Io 14, 27

**Pacem relinquo vobis, pacem meam do vobis;  
non quomodo mundus dat ego do vobis,  
dicit Dóminus, allelúia.**

Post communionem

**Omnípotens sempitérne Deus,  
qui ad ætérnam vitam  
in Christi resurrectione nos réparas,  
fructus in nobis paschális múltiplica sacraménti,  
et fortitúdinem cibi salutáris nostris infúnde pectóribus.  
Per Christum.**

### Feria tertia

Ant. ad introitum Ap 19, 5; 12, 10

**Laudem dicite Deo nostro,  
omnes qui timétis Deum, pusilli et magni,  
quia facta est salus et virtus et potéstas Christi eius,  
allelúia.**

Collecta

**Deus, qui ad ætérnam vitam  
in Christi resurrectione nos réparas,  
da pópulo tuo fidei speique constántiam,  
ut non dubitémus implénda,  
quæ te nóvimus auctóre promissa.  
Per Dóminum.**

Lectio prior

*Rettulerunt Ecclesiæ quanta fecisset Deus cum illis.*

Léctio Actuum Apostolorum 14, 19-27

In diébus illis:

**Supervenérunt ab Antiochía et Icónio Iudæi, et per-**

suâsis turbis lapidantésque Paulum trahébant extra civitâtem, æstimântes eum mórtuum esse. Circumdântibus autem eum discipulis, surgens intrávit civitâtem. Et póstera die proféctus est cum Bárnaba in Derben.

Cumque evangelizássent civitatí illi et docuíssent multos, revérsi sunt Lystram et Icónium et Antiochíam, confirmântes ánimas discipulórum, exhortântes ut permanérent in fide, et quóniam per multas tribulatiónes opórtet nos intráre in Regnum Dei.

Et cum ordinássent illis per síngulas Eccléas presbýteros et orássent cum ieiunatióibus, commendavérunt eos Dómino in quem crediderant.

Transeuntésque Pisídiam venérunt Pamphýliam, et loquéntes in Perge verbum, descendérunt in Attáliam. Et inde navigavérunt Antiochíam, unde erant trádicti grátiae Dei in opus quod complevérunt.

Cum autem veníssent et congregássent Eccléas, rettulérunt quanta fecisset Deus cum illis, et quia aperuíssent géntibus óstium fidei. Moráti sunt autem tempus non módicum cum discipulis.

Verbum Dómini.

Psalmus responsorius

Ps 144, 10-11. 12-13 ab. 21 (ꝛ.: cf. 12).

ꝛ. Amíci tui, Dómine, notam fáciant glóriam regni tui.  
vel Allelúia.

<sup>10</sup> Confiteántur tibi, Dómine, ómnia ópera tua;  
et sancti tui benedicant tibi.

<sup>11</sup> Glóriam regni tui dicant,  
et poténtiam tuam loquántur. ꝛ.

<sup>12</sup> Ut notas fáciant filiis hóminum poténtias tuas,  
et glóriam magnificéntiae regni tui.

- 13 **Regnum tuum regnum ómnium sæculórum,  
et dominátio tua in omnem generatióem  
et generatióem. R.**
- 14 **Laudatióem Dómini loquétur os meum,  
et benedícat omnis caro nómini sancto eius  
in sæculum et in sæculum sæculi. R.**

Alleluia

Lc 24, 26

R. Allelúia. 7. Oportébat pati Christum et resúrgere a  
mórtuis;  
et ita intráre in glóriam suam.  
R. Allelúia.

## Evangelium

*Pacem meam do vobis.*✠ **Léctio sancti Evangélii secúndum Ioánnem**

14, 27-31 a

**In illo témpore: Dixit Iesus discípuis suis:**

« Pacem relínquo vobis, pacem meam do vobis; non  
quómodo mundus dat ego do vobis. Non turbétur cor  
vestrum neque formídet. Audístis quia ego dixi vobis:  
“ Vado et vénio ad vos ”. Si diligerétis me gauderétis,  
quia vado ad Patrem, quia Pater maior me est.

Et nunc dixi vobis priúsqvam fiat, ut cum factum  
fúerit credátis. Iam non multa loquar vobíscum, venit  
enim princeps mundi, et in me non habet quídquam,  
sed ut cognóscat mundus quia díligo Patrem, et sicut  
mandátum dedit mihi Pater, sic fácio ».

**Verbum Dómini.**



Super oblata

**Súscipe múnera, Dómine, quæsumus,  
exsultántis Ecclésiæ,  
et, cui causam tanti gáudii præstitisti,  
perpétuæ fructum concéde lætitiæ.  
Per Christum.**

Præfatio paschalis, pp. 631-635.

Ant. ad communionem

Rom 6, 8

**Si mórtui sumus cum Christo,  
crédimus quia simul étiam vivémus cum Christo,  
allelúia.**

Post communionem

**Pópulum tuum, quæsumus, Dómine, intuére benígnus,  
et, quem ætérnis dignátus es renováre mystériis,  
ad incorruptibilem glorificándæ carnis resurrectionem  
perveníre concéde.  
Per Christum.**

### Feria quarta

Ant. ad introitum

Ps 70, 8. 23

**Repleátur os meum laude tua, ut possim cantáre;  
gaudébunt lábia mea, dum cantávero tibi,  
allelúia.**

Collecta

**Deus, innocéntiæ restitútor et amátor,  
dírige ad te tuórum corda famulórum,  
ut, quos de incredulitátis ténebris liberásti,  
numquam a tuæ veritátis luce discédant.  
Per Dóminum.**

## Lectio prior

*Statuerunt ut ascenderent ad Apostolos et presbyteros  
in Ierusalem super hac quæstione.*

Lectio Actuum Apostolorum

15, 1-6

In diebus illis:

Quidam descendentes de Iudæa docébant fratres: « Nisi circumcidámini secúndum morem Móysis, non potéstis salvi fieri ». Facta autem seditióne et conquisi-tióne non mínima Paulo et Bárnabæ advérsum illos, sta-tuérunt ut ascénderent Paulus et Bárnabas et quidam álii ex illis ad Apóstolos et presbýteros in Ierúsalem super hac quæstióne.

Illi igitur dedúcti ab Ecclésia pertransiébant Phœ-nícen et Samariam narrántes conversiónem géntium, et faciébant gáudium magnum ómnibus frátribus. Cum autem veníssent Ierúsalem, suscepti sunt ab Ecclésia et Apóstolis et presbýteris et annuntiavérunt quanta Deus fecisset cum illis.

Surrexérunt autem quidam de háresi Pharisæórum qui credíderant, dicéntes: « Opórtet circumcidere eos, præcípere quoque serváre legem Móysis ». Conven-rúntque Apóstoli et presbýteri vidére de verbo hoc.

Verbum Dómini.

Psalmus responsorius

Ps 121, 1-2. 4-5 (ꝛ.: cf. 1)

ꝛ. In domum Dómini lætántes íbimus.

vel Allelúia.

Lætátus sum in eo quod dixérunt mihi:

« In domum Dómini íbimus ».

Stantes iam sunt pedes nostri

in portis tuis, Ierúsalem. ꝛ.

- <sup>4</sup> Illuc enim ascendérunt tribus, tribus Dómini,  
testimónium Israel, ad confiténdum nómini Dómini.  
<sup>5</sup> Quia illic sedérunt sedes ad iudícium,  
sedes domus David. R̄.

Alleluia

Io 15, 4. 5 b

R̄. Allelúia. V̄. Manéte in me, et ego in vobis,  
dicit Dóminus;  
qui manet in me, fert fructum multum.  
R̄. Allelúia.

## Evangelium

*Qui manet in me, et ego in eo,  
hic fert fructum multum.*

✠ Lécio sancti Evangélli secúndum Ioánnem 15, 1-8

In illo témpore: Dixit Iesus discipulis suis:

« Ego sum vitis vera et Pater meus agrícola est. Omnem pálmitem in me non feréntem fructum, tollit eum, et omnem qui fert fructum, purgat eum ut fructum plus áfferat.

Iam vos mundi estis propter sermónem quem locútus sum vobis: manéte in me, et ego in vobis. Sicut palmes non potest ferre fructum a semetipso nisi mánserit in vite, sic nec vos nisi in me manséritis.

Ego sum vitis, vos pálmities. Qui manet in me, et ego in eo, hic fert fructum multum, quia sine me nihil potéstis fácere. Si quis in me non mánserit, missus est foras sicut palmes et áruit, et cólligunt eos et in ignem mittunt et ardent.

Si manséritis in me et verba mea in vobis mánserint, quodcúmque voluéritis pétite et fiet vobis. In hoc glori ficátus est Pater meus, ut fructum multum affe-rátis et efficiámini mei discipuli ». — Verbum Dómini.

**Super oblata**

Concéde, quæsumus, Dómine,  
semper nos per hæc mystéria paschália gratulári,  
ut continúa nostræ reparatiónis operátio  
perpétuæ nobis fiat causa lætitiæ.  
Per Christum.

**Præfatio paschalis**, pp. 631-635.

**Ant. ad communionem**

Surréxit Dóminus et illúxit nobis,  
quos redémit ságuine suo, allelúia.

**Post communionem**

Exáudi, Dómine, preces nostras,  
ut redemptiúnis nostræ sacrosáncta commércia  
et vitæ nobis cónferant præsentis auxiliúm  
et gáudia sempitérna concíliant.  
Per Christum.

**Feria quinta****Ant. ad introitum**

Ex 15, 1-2

Cantémus Dómino:  
glorióse enim magnificátus est.  
Fortitúdo mea et laus mea Dóminus,  
et factus est mihi in salútem, allelúia.

**Collecta**

Deus, cuius grátia iusti ex ímpiis  
et beáti effícimur ex míseris,  
adésto opéribus tuis, adésto munéribus,  
ut quibus inest fídei iustificátio  
non desit perseverántiæ fortitúdo.  
Per Dóminum.

## Lectio prior

*Iudico non inquietari eos  
qui ex gentibus convertuntur ad Deum.*

Lectio Actuum Apostolorum

15, 7-21

In diebus illis:

Cum magna conquisitio fieret, surgens Petrus dixit ad Apostolos et seniores:

« Viri fratres, vos scitis quoniam ab antiquis diebus in vobis elegit Deus per os meum audire gentes verbum Evangelii et credere; et qui novit corda Deus testimonium perhibuit illis dans Spiritum Sanctum sicut et nobis, et nihil discrevit inter nos et illos, fide purificans corda eorum.

Nunc ergo quid tentatis Deum, imponere iugum super cervicem discipulorum quod neque patres nostri neque nos portare potuimus? Sed per gratiam Domini Iesu credimus salvari quemadmodum et illi ».

Tacuit autem omnis multitudo, et audiebant Barnabam et Paulum narrantes quanta fecisset Deus signa et prodigia in gentibus per eos. Et postquam tacuerunt, respondit Iacobus dicens:

« Viri fratres, audite me. Symeon narravit quemadmodum primum Deus visitavit sumere ex gentibus populum Nomini suo, et huic concordant verba Prophetarum, sicut scriptum est:

“ Post hæc revertar et reedificabo tabernaculum David quod decidit, et diruta eius reedificabo et erigam illud ut requirant reliqui hominum Dominum, et omnes gentes super quas invocatum est Nomen meum, dicit Dominus faciens hæc nota a sæculo ”.

Propter quod ego iudico non inquietari eos qui ex gentibus convertuntur ad Deum, sed scribere ad eos ut abstineant se a contaminacionibus simulacrorum et for-

nicatióne et suffocáto et ságuine. Móyses enim a generatióibus antíquis habet in síngulis civitatibus qui eum prædicent in synagógis, ubi per omne sábbatum légitur ». — Verbum Dómini.

Psalmus responsorius

Ps 95, 1-2 a. 2 b-3. 10 (R.: cf. 3)

R. Annuntiáte in ómnibus pópulis mirabília Dómini.  
vel Allelúia.

Cantáte Dómino cánticum novum,  
cantáte Dómino, omnis terra.

Cantáte Dómino, benedicite nómini eius. R.

Annuntiáte de die in diem salutáre eius.

Annuntiáte inter gentes glóriam eius,  
in ómnibus pópulis mirabília eius. R.

Dícite in géntibus: « Dóminus regnávít ».

Etenim corréxit orbem terræ qui non commovébitur;  
iudicábit pópulos in æquitáte. R.

Alleluia

Io 10, 27

R. Allelúia. γ. Oves meæ vocem meam áudiunt,  
dicit Dóminus;  
et ego cognóscó eas, et sequúntur me.  
R. Allelúia.

Evangelium

*Manete in dilectione mea,  
ut gaudium vestrum impleatur.*

✠ Lécio sancti Evangéllii secúndum Ioánnem

15, 9-11

In illo témpore: Dixit Iesus discipulis suis:

« Sicut diléxit me Pater, et ego diléxi vos: manéte

**in dilectione mea. Si præcepta mea servaveritis, manebitis in dilectione mea, sicut ego Patris mei præcepta servavi et maneo in eius dilectione.**

**Hæc locutus sum vobis ut gaudium meum in vobis sit, et gaudium vestrum impleatur ».** — Verbum Dómini.

Super oblata

**Deus, qui nos, per huius sacrificii veneranda commercia, unius summæque divinitatis participes effecisti, præsta, quæsumus, ut, sicut tuam cognovimus veritatem, sic eam dignis moribus assequamur. Per Christum.**

Præfatio paschalis, pp. 631-635.

Ant. ad communionem

2 Cor 5, 15

**Pro omnibus mortuus est Christus, ut et qui vivunt iam non sibi vivant, sed ei qui pro ipsis mortuus est et resurrexit, allelúia.**

Post communionem

**Pópulo tuo, quæsumus, Dómine, adesto propítius, et, quem mystériis cælestibus imbuisti, fac ad novitatem vitæ de vetustate transire. Per Christum.**

### Feria sexta

Ant. ad introitum

Ap 5, 12

**Dignus est Agnus, qui occisus est, accipere virtutem et divinitatem et sapientiam et fortitudinem et honorem, allelúia.**

## Collecta

Tribue nobis, quæsumus, Dómine,  
 mystériis paschálibus conveniénter aptári,  
 ut quæ lætánter exséquimur  
 perpétua virtúte nos tueántur et salvent.  
 Per Dóminum.

## Lectio prior

*Visum est Spiritui Sancto et nobis nihil ultra  
 imponere vobis oneris quam hæc necessario.*

## Lectio Actuum Apostolorum

15, 22-31

In diébus illis: Plácuít Apóstolis et presbýteris cum omni Ecclésia eléctos viros ex eis mittere Antiochíam cum Paulo et Bárnaba: Iudam, qui cognominátur Barsábbas, et Silam, viros primos in frátribus, scribéntes per manum eórum:

« Apóstoli et presbýteri fratres his qui sunt Antiochiæ et Sýriæ et Cilíciæ frátribus ex géntibus, salútem.

Quóniam audívimus quia quidam ex nobis exeúntes turbavérunt vos verbis everténtes ánimas vestras, quibus non mandávimus, plácuít nobis colléctis in unum elígere viros et mittere ad vos cum caríssimis nostris Bárnaba et Paulo, homínibus qui tradidérunt ánimas suas pro Nómine Dómini nostri Iesu Christi.

Mísimus ergo Iudam et Silam, qui et ipsi verbis réferent éadem.

Visum est enim Spirítui Sancto et nobis nihil ultra impónere vobis óneris quam hæc necessário: abstinére ab idolóthytis et ságuine et suffocátis et fornicatióne; a quibus custodiéntes vos bene agétis. Valéte ».

Illi ígitur dimíssi descendérunt Antiochíam et congregáta multitúdine tradidérunt epístolam; quam cum legíssent gavísi sunt super consolatióne.

Verbum Dómini.



Psalmus responsorius Ps 56, 8-9. 10-12 (R.: 10 a)

R. Confitebor tibi in pópulis, Dómine.  
vel Allelúia.

<sup>8</sup> Parátum cor meum, Deus,  
parátum cor meum;

<sup>9</sup> cantábo et psalmum dicam.

Exsúrge, glória mea,  
exsúrge, psaltérium et cíthara,  
excitábo auróram. R.

<sup>10</sup> Confitebor tibi in pópulis, Dómine,  
et psalmum dicam tibi in natió nibus,

<sup>11</sup> quóniam magnificáta est usque ad cælos misericórdia tua,  
et usque ad nubes véritas tua.

<sup>12</sup> Exaltáre super cælos, Deus,  
super omnem terram glória tua. R.

Alleluia

Io 15, 15 b

R. Allelúia. γ. Vos dixi amícos, dicit Dóminus,  
quia ómnia quæcúmque audívi a Patre meo  
nota feci vobis. R. Allelúia.

### Evangelium

*Hæc mando vobis, ut diligatis invicem.*

✠ Lécio sancti Evangéllii secúndum Ioánnem

15, 12-17

In illo témpore: Dixit Iesus discíplulis suis:

« Hoc est præcéptum meum, ut diligátis invicem  
sicut diléxi vos: maiórem hac dilectiónem nemo habet,  
ut ánimam suam quis ponat pro amícis suis.

**Vos amici mei estis si faciétis quæ ego præcipio vobis. Iam non dico vos servos, quia servus nescit quid facit dómínus eius: vos autem dixi amícos, quia ómnia quæ audívi a Patre meo nota feci vobis.**

**Non vos me elegístis, sed ego elégi vos et pósui vos ut vos cátis et fructum afferátis et fructus vester máneat, ut quodcúmque petiérítis Patrem in Nómíne meo det vobis.**

**Hæc mando vobis, ut diligátis ínvicem ».**  
**Verbum Dómini.**

Super oblata

**Propítius, Dómine, quæsumus, hæc dona sanctífica, et, hóstiæ spirítalis oblatióne suscépta, nosmetípsos tibi pérfice munus atérnum.**  
**Per Christum.**

Præfatio paschalis, pp. 631-635.

Ant. ad communionem

**Crucifixus surréxit a mórtuis, et redémit nos, allelúia.**

Post communionem

**Súmpsimus, Dómine, sacri dona mystérii, humíliter deprecántes, ut, quæ in sui commemoratióne nos Fílius tuus fácere præcépit, in nostræ proficiant caritátis augméntum.**  
**Per Christum.**

**Sabbato**

Ant. ad introitum

Col 2, 12

**Consepulti estis Christo in baptismo,  
in quo et resurrexistis per fidem operatiõnis Dei,  
qui suscitavit illum a mortuis, allelúia.**

Collecta

**Omnipotens æternæ Deus,  
qui nobis regeneratiõne baptismatis  
cælestem vitam conférre dignatus es,  
præsta, quæsumus,  
ut, quos immortalitatis efficit iustificando capaces,  
usque ad plenitudinem glóriæ, te moderante, perveniant.  
Per Dóminum.**

Lectio prior

*Transiens in Macedoniam, adiuva nos.*

Lectio Actuum Apostolorum

16, 1-10

**In dièbus illis: Pervénit Paulus in Derben et Lystram.  
Et ecce discipulus quidam erat ibi nómine Timó-  
theus, filius mulieris Iudææ fidélis, patre autem Græco,  
huic testimónium reddébant qui in Lystris erant et Icó-  
nii fratres. Hunc vóluit Paulus secum proficisci et assú-  
mens circumcidit eum propter Iudæos qui erant in illis  
locis, sciébant enim omnes quod pater eius Græcus  
esset.**

**Cum autem pertransirent civitátes, tradébant eis cu-  
stodíre dógmata quæ erant decreta ab Apóstolis et pre-  
sbýteris qui essent Hierosólymis. Ecclésiæ quidem con-  
firmabántur fide et abundábant número cotidie.**

Transiérunt autem Phrýgiam et Galátisæ regiõnem, vetáti a Sancto Spírítu loqui verbum in Asia; cum veníssent autem circa Mýsiam tentábant ire Bithýniam et non permísit eos Spírítus Iesu; cum autem præterfíssent Mýsiam, descendérunt Tróadem.

Et visio per noctem Paulo osténsa est, vir Mácedo quídam erat stans et déprecans eum et dicens: « Tránsiens in Macedóniam, ádiuva nos ». Ut autem visum vidit, statim quæsívimus proficísci in Macedóniam, certi facti quia vocásset nos Deus evangelizáre eis.

Verbum Dómini.

Psalmus responsorius Ps 99, 2. 3. 5. (R.: 2 a)

R. Iubiláte Dómino, omnis terra.  
vel Allelúia.

Iubiláte Dómino, omnis terra,  
servíte Dómino in lætítia;  
introíte in conspéctu eius in exsultatióne. R.

Scitóte quóniam Dóminus ipse est Deus;  
ipse fecit nos, et ipsíus sumus,  
pópulus eius et oves páscuæ eius. R.

Quóniam suávis est Dóminus;  
in ætérnum misericórdia eius,  
et usque in generatióem et generatióem  
véritas eius. R.

Alleluia

Col 3, 1

R. Allelúia. γ. Si consurrexístis cum Christo,  
quæ sursum sunt quærite,  
ubi Christus est in dèxtera Dei sedens.  
R. Allelúia.

## Evangelium

*De mundo non estis, sed ego elegi vos de mundo.*

✠ **Lectio sancti Evangelii secundum Ioánnem**

15, 18-21

**In illo témpore: Dixit Iesus discipulis suis:**

« Si mundus vos odit, scitóte quia me priórem vobis ódio hábuit. Si de mundo essétis, mundus quod suum est diligeret; quia vero de mundo non estis, sed ego elégi vos de mundo, proptérea odit vos mundus.

Mementóte sermónis quem ego dixi vobis: « Non est servus maior dómينو suo. Si me persecúti sunt, et vos persecuéntur; si sermónem meum servavérunt, et vestrum servábunt ». Sed hæc ómnia fácient vobis propter Nomen meum, quia nésciunt Eum qui misit me ».

**Verbum Dómini.**

**Super oblata**

Oblatiónes famíliæ tuæ, quæsumus, Dómine, súscipe miserátus, ut, sub tuæ protectiÓNis auxílio, et colláta non perdant, et ad æténa dona pervéniant. Per Christum.

Præfatio paschalis, pp. 631-635.

**Ant. ad communionem**

Io 17, 20-21

**Pater, pro eis rogo, ut ipsi in nobis unum sint, ut credat mundus quia tu me misísti, dicit Dóminus, allelúia.**

**Post communionem**

**Contínua, quæsumus, Dómine, quos salvásti pietáte custódi, ut, qui Filii tui passióne sunt redépti, eius resurrectiÓne læténtur. Per Christum.**

## DOMINICA VI PASCHÆ

Ant. ad introitum

Cf. Is 48, 20

Vocem iucunditátis annuntiáte, et audiátur,  
annuntiáte usque ad extrémum terræ:  
liberávit Dóminus pópulum suum, allelúia.

Dicitur Glória in excélsis.

### Collecta

Fac nos, omnípotens Deus, hos lætitiæ dies,  
quos in honórem Dómini resurgéntis exséquimur,  
afféctu sédulo celebráre,  
ut quod recordatióne percúrrimus  
semper in ópere teneámus.  
Per Dóminum.

---

### Anno A

#### Lectio prima

*Imposuerunt manus super illos,  
et accipiebant Spiritum Sanctum.*

Léctio Actuum Apostolorum

8, 5-8. 14-17

In diébus illis:

Philíppus, descéndens in civitátem Samariæ, prædicábat illis Christum. Intendébant autem turbæ his quæ a Philíppo dicebantur unánimiter, audiéntes et vidéntes signa quæ faciébat; ex multis enim eórum qui habébant spíritus immúndos clamántes voce magna exíbant, multi autem paralýtici et claudi curáti sunt; factum est autem magnum gáudium in illa civitáte.

Cum autem audissent Apóstoli qui erant Hierosólymis quia recépit Samaría verbum Dei, misérunt ad illos Petrum et Ioánnem, qui cum descendissent oravérunt pro ipsis ut accíperent Spíritum Sanctum; nondum enim super quemquam illórum vénerat, sed baptizáti tantum erant in nómine Dómini Iesu. Tunc imposuérunt manus super illos, et accipiébant Spíritum Sanctum. — Verbum Dómini.

### Psalmus responsorius

Ps 65, 1-3 a. 4-5. 6-7 a. 16 et 20 (R.: 1)

**R.** Iubiláte Deo, omnis terra.

**vel** Allelúia.

- 1** Iubiláte Deo, omnis terra,
- 2** psalmum dícite glóriæ nóminis eius,  
glorificáte laudem eius.
- 3** Dícite Deo: « Quam terribília sunt ópera tua. **R.**
- 4** Omnis terra adóret te et psallat tibi,  
psalmum dicat nómini tuo ».
- 5** Veníte, et vidéte ópera Dei,  
terríbilis in adinventiónibus  
super fílios hóminum. **R.**
- 6** Convértit mare in áridam,  
et in flúmine pertransíbunt pede;  
ibi lætábimur in ipso.
- 7** Qui dominátur in virtúte sua in ætérnum. **R.**
- 16** Veníte, audíte, et narrábo,  
omnes qui timétis Deum,  
quanta fecit ánimæ meæ.
- 20** Benedictus Deus, qui non amóvit oratióne[m] meam  
et misericórdiam suam a me. **R.**

## Lectio secunda

*Mortificatus quidem carne,  
vivificatus autem Spiritu.*

Lectio Epistolæ primæ beati Petri apostoli 3, 15-18

Carissimi:

Dominum Christum sanctificate in cordibus vestris, parati semper ad defensionem omni poscenti vos rationem de ea quæ in vobis est spe, sed cum mansuetudine et timore, conscientiam habentes bonam, ut in quo de vobis detrectatur confundantur qui calumniantur vestram bonam in Christo conversationem. Melius est enim beneficientes, si velit voluntas Dei, pati quam malefacientes.

Quia et Christus semel pro peccatis passus est, iustus pro iniustis, ut vos adduceret ad Deum, mortificatus quidem carne, vivificatus autem Spiritu.

Verbum Domini.

Alleluia

Io 14, 23

℞. Alleluia. γ. Si quis diligit me, sermonem meum servabit, dicit Dominus;  
et Pater meus diliget eum, et ad eum veniemus. ℞. Alleluia.

Evangelium

*Rogabo Patrem et alium Paraclitum dabit vobis.*

✠ Lectio sancti Evangelii secundum Ioannem

14, 15-21

In illo tempore: Dixit Iesus discipulis suis:

« Si diligitis me, mandata mea servabitis; et ego rogabo Patrem et alium Paraclitum dabit vobis ut má-



neat vobiscum in ætérnum, Spíritum veritátis, quem mundus non potest accíperere, quia non videt eum nec scit: vos cognóscitis eum, quia apud vos manet et in vobis erit.

Non relínquam vos órphanos, vénio ad vos. Adhuc módicum et mundus me iam non videt, vos autem vidétis me, quia ego vivo et vos vivétis. In illo die vos cognoscétis quia ego sum in Patre meo, et vos in me et ego in vobis.

Qui habet mandáta mea et servat ea, ille est qui díligit me. Qui autem díligit me, díligétur a Patre meo, et ego díligam eum et manifestábo ei me ipsum ».

Verbum Dómini.

## Anno B

### Lectio prima

*Et in nationes gratia Spiritus Sancti effusa est.*

Léctio Actuum Apostolorum 10, 25-26. 34-35. 44-48

Factum est cum introísset Petrus, óbvius ei Cornélius prócidens ad pedes adorávit. Petrus vero levávit eum dicens: « Surge, et ego ipse homo sum ».

Apériens autem Petrus os dixit: « In veritáte compéris quóniam non est personárum accéptor Deus, sed in omni gente qui timet eum et operátur iustítiam accéptus est illi ».

Adhuc loquénste Petro verba hæc cécidit Spíritus Sanctus super omnes qui audiébant verbum. Et obstupéruerunt qui ex circumcisióne fidéles qui vénerant cum Petro, quia et in nátiónes grátia Spíritus Sancti effúsa est; audiébant enim illos loquéntes linguis et magnificántes Deum.

Tunc respóndit Petrus: « Numquid aquam quis pro-

hibere potest ut non baptizentur hi qui Spíritum Sanctum acceperunt sicut et nos? » Et iussit eos in nómine Iesu Christi baptizári. Tunc rogaverunt eum ut maneret aliquot diébus. — Verbum Dómini.

### Psalmus responsorius

Ps 97, 1. 2-3 ab. 3 cd-4 (p.: cf. 2 b)

¶ In conspéctu géntium revelávit Dóminus  
salutare suum.

vel Allelúia.

Cantáte Dómino cánticum novum,  
quia mirabilia fecit.  
Salvavit sibi dextera eius,  
et bráccium sanctum eius. ¶.

Notum fecit Dóminus salutare suum,  
in conspéctu géntium revelávit iustitiam suam.  
Recordátus est misericórdiæ suæ  
et veritátis suæ dómui Israel. ¶.

Viderunt omnes términi terræ  
salutare Dei nostri.  
Iubiláte Deo, omnis terra,  
erumpite, exsultáte et psállite. ¶.

### Lectio secunda

*Deus caritas est.*

Léctio Epístolæ primæ beáti Ioánnis apóstoli 4, 7-10

Caríssimi, diligámus ínvicem, quóniam cáritas ex Deo est, et omnis qui díligit ex Deo natus est et cognóscit Deum. Qui non díligit non cognóvit Deum, quóniam Deus cáritas est.

In hoc apparuit caritas Dei in nobis, quoniam Filium suum unigenitum misit Deus in mundum ut vivamus per eum.

In hoc est caritas, non quasi nos dilexerimus Deum, sed quoniam ipse dilexit nos et misit Filium suum propitiationem pro peccatis nostris. — Verbum Domini.

Alleluia

Io 14, 23

R. Alleluia. *γ.* Si quis diligit me, sermonem meum servabit, dicit Dominus;  
et Pater meus diliget eum, et ad eum veniemus. R. Alleluia.

### Evangelium

*Maiorem hac dilectionem nemo habet,  
ut animam suam quis ponat pro amicis suis.*

✠ Lectio sancti Evangelii secundum Ioannem

15, 9-17

In illo tempore: Dixit Iesus discipulis suis:

« Sicut dilexit me Pater, et ego dilexi vos: manete in dilectione mea. Si precepta mea servaveritis, manebitis in dilectione mea, sicut ego Patris mei precepta servavi et maneo in eius dilectione.

Hæc locutus sum vobis ut gaudium meum in vobis sit, et gaudium vestrum impleatur.

Hoc est preceptum meum, ut diligatis invicem sicut dilexi vos: maiorem hac dilectionem nemo habet, ut animam suam quis ponat pro amicis suis.

Vos amici mei estis si faciatis quæ ego precipio vobis. Iam non dico vos servos, quia servus nescit quid facit dominus eius: vos autem dixi amicos, quia omnia quæ audivi a Patre meo nota feci vobis.

Non vos me elegistis, sed ego elégi vos et pósui vos ut vos eátis et fructum afferátis, et fructus vester máneat, ut quodcúmque petiéritis Patrem in Nómine meo det vobis.

Hæc mando vobis, ut diligátis invicem ».  
Verbum Dómini.

## Anno C

### Lectio prima

*Visum est Spiritui Sancto et nobis nihil ultra imponere vobis oneris quam hæc necessario.*

Léctio Actuum Apostolorum 15, 1-2. 22-29

In diébus illis:

Quidam descendéntes de Iudæa docébant fratres: « Nisi circumcidámini secúndum morem Móysis, non potéstis salvi fieri ». Facta autem seditióne et conquisióne non mínima Paulo et Bárnabæ advérsus illos, statuérunt ut ascénderent Paulus et Bárnabas et quidam álíi ex illis ad Apóstolos et presbýteros in Ierúsalem super hac quæstióne.

Tunc plácuít Apóstolis et presbýteris cum omni Ecclésia eléctos viros ex eis mittere Antiochiám cum Paulo et Bárnaba: Iudam, qui cognominabátur Barsábbas, et Silam, viros primos in frátribus, scribéntes per manum eórum:

« Apóstoli et presbýteri fratres his qui sunt Antiochiæ et Síriæ et Ciliciæ frátribus ex géntibus, salútem.

Quóniam audívimus quia quidam ex nobis exeúntes turbavérunt vos verbis everténtes ánimas vestras, quibus non mandávimus, plácuít nobis colléctis in unum elégere viros et mittere ad vos cum caríssimis nobis Bárnaba et Paulo, homínibus qui tradidérunt ánimas suas pro Nómine Dómini nostri Iesu Christi.

Misimus ergo Iudam et Silam, qui et ipsi verbis referent eadem.

Visum est enim Spiritui Sancto et nobis nihil ultra imponere vobis oneris quam hæc necessario: abstinere ab idolóthyis et sanguíne, et suffocátis et fornicatióne; a quibus custodiétes vos bene agétis. Valéte ». — Verbum Dómini.

Psalmus responsorius Ps 66, 2-3. 5. 6 et 8 (R.: 4)

R. Confiteántur tibi pópuli, Deus,  
confiteántur tibi pópuli omnes.

vel Allelúia.

<sup>2</sup> Deus misereátur nostri, et benedícat nobis;  
illúminet vultum suum super nos.

<sup>3</sup> Ut cognoscátur in terra vía tua,  
in ómnibus géntibus salutáre tuum. R.

<sup>5</sup> Læténtur et exsúltent gentes,  
quóniam iúdicas pópulos in æquitáte,  
et gentes in terra dírigis. R.

<sup>6</sup> Confiteántur tibi pópuli, Deus,  
confiteántur tibi pópuli omnes.

<sup>8</sup> Benedícat nos Deus,  
et métuant eum omnes fines terræ. R.

### Lectio secunda

*Ostendit mihi Civitatem  
sanctam descendentem de cælo.*

Léctio libri Apocalýpsis beáti Ioánnis apóstoli

21, 10-14. 22-23

Sústulit me ángelus in spíritu super montem magnum  
et osténdit mihi Civitátem sanctam Ierúsalem

descendentem de cælo a Deo, habentem gloriam Dei; lumen eius simile lapidi pretiosissimo, tamquam lapidi iaspidi, in modum cristalli; et habebat murum magnum et altum et habebat portas duodecim et super portas Angelos duodecim et nomina inscripta, quæ sunt duodecim tribuum filiorum Israel.

Ab oriente portæ tres et ab aquilone portæ tres et ab austro portæ tres et ab occasu portæ tres: et murus Civitatis habens fundamenta duodecim et super ipsis duodecim nomina duodecim Apostolorum Agni.

Et templum non vidi in ea, Dominus enim Deus Omnipotens templum illius est, et Agnus. Et Civitas non eget sole neque luna, ut luceant ei, nam gloria Dei illuminavit eam, et lucerna eius est Agnus.

Verbum Domini.

Alleluia

Io 14, 23

℞. Alleluia. γ. Si quis diligit me, sermonem meum servabit, dicit Dominus; et Pater meus diliget eum, et ad eum veniemus. ℞. Alleluia.

Evangelium

*Spiritus Sanctus suggeret vobis omnia quæ dixi vobis.*

✠ Lectio sancti Evangelii secundum Ioannem

14, 23-29

In illo tempore: Dixit Iesus discipulis suis:

« Si quis diligit me, sermonem meum servabit, et Pater meus diliget eum, et ad eum veniemus et mansionem apud eum faciemus. Qui non diligit me, sermo-

nes meos non servat. Et sermo quem auditis non est meus, sed Eius qui misit me, Patris.

Hæc locutus sum vobis apud vos manens. Paráclitus autem, Spíritus Sanctus quem mittet Pater in Nómine meo, ille vos docébit ómnia et súggeret vobis ómnia quæ dixi vobis.

Pacem relínquo vobis, pacem meam do vobis; non quómodo mundus dat ego do vobis. Non turbétur cor vestrum neque formidet. Audístis quia ego dixi vobis: " Vado et vénio ad vos ". Si diligerétis me gauderétis, quia vado ad Patrem, quia Pater maior me est. Et nunc dixi vobis priúsqvam fiat, ut cum factum fúerit credátis ». — Verbum Dómini.

Ubi Ascensio Domini sequenti dominica celebratur, legi possunt in dominica sexta Paschæ lectio II et Evangelium quæ dominicæ septimæ assignantur, ut infra, pp. 558-559.

Dicitur Credo.

### Super oblata

Ascéndant ad te, Dómine, preces nostræ  
cum oblatiónibus hostiárum,  
ut, tua dignatióne mundáti,  
sacraméntis magnæ pietátis aptémur.  
Per Christum.

Præfatio paschalis, pp. 631-635.

### Ant. ad communionem

Io 14, 15-16

Si diligitis me, mandáta mea serváte,  
dicit Dóminus.

Et ego rogábo Patrem,  
et álium Paráclitum dabit vobis,  
ut máneat vobíscum in ætérnum, allelúia.

Post communionem

Omnípotens sempitérne Deus,  
 qui ad ætérnam vitam  
 in Christi resurrectione nos réparas,  
 fructum in nobis paschális múltiplica sacraménti,  
 et fortitúdinem cibi salutáris  
 nostris infúnde pectóribus.  
 Per Christum.

### Feria secunda

Ant. ad introitum

Rom 6, 9

Christus resúrgens ex mórtuis iam non móritur,  
 mors illi ultra non dominábitur, allelúia.

Collecta

Concéde, miséricors Deus,  
 ut, quod paschálibus exséquimur institútis,  
 fructíferum nobis omni témpore sentiámus.  
 Per Dóminum.

Lectio prior

*Aperuit Dominus cor eius intendere  
 his quæ dicebantur a Paulo.*

Léctio Actuum Apostolórum

16, 11-15

Navigántes a Tróade recto cursu vénimus Samo-  
 thráciam et sequénti die Neápolim, et inde Philíppos,  
 quæ est prima partis Macedóniæ civitas, colónia. Erá-  
 mus autem in hac urbe diébus áliquot commorántes.

Die autem sabbatórum egréssi sumus foras portam  
 iuxta flumen ubi putabámus oratiónem esse, et sedén-  
 tes loquebámur muliéribus quæ convénerant.



Et quædam mulier nomine Lýdia, purpurária civitatis Thyatirenórum, colens Deum, audiébat, cuius Dóminus apéruit cor inténdere his quæ dicebántur a Paulo. Cum autem baptizáta esset et domus eius, deprecáta est dicens: « Si iudicástis me fidélem Dómino esse, introíte in domum meam et manéte », et coégit nos.

Verbum Dómini.

Psalmus responsorius

Ps 149, 1-2. 3-4. 5-6 a et 9 b (R.: 4 a)

R. Beneplácitum est Dómino in pópulo suo.

vel Allelúia.

- 1 Cantáte Dómino cánticum novum;  
laus eius in ecclésia sanctórum.
- 2 Lætétur Israel in eo qui fecit eum,  
et filii Sion exsúltent in rege suo. R.
- 3 Laudent nomen eius in choro,  
in týmpano et cíthara psallant ei.
- 4 Quia beneplácitum est Dómino in pópulo suo,  
et honorábit mansuétos in salútem. R.
- 5 Iúbilent sancti in glória,  
læténtur in cubilibus suis.
- 6 Exaltatiónes Dei in gútture eórum:
- 9 glória hæc est ómnibus sanctis eius. R.

Alleluia

Io 15, 26 b. 27 a

- R. Allelúia. γ. Spíritus veritátis testimónium perhibébit de me, dicit Dóminus;  
et vos testimónium perhibébitis.  
R. Allelúia.

## Evangelium

*Spiritus veritatis  
testimonium perhibebit de me.*

✠ Lécitio sancti Evangélii secúndum Ioánnem

15, 26 — 16, 4

In illo témpore: Dixit Iesus discíplis suis:

« Cum vénerit Paráclitus quem ego mittam vobis a Patre, Spíritum veritátis qui a Patre procédit, ille testimónium perhibébit de me; sed et vos testimónium perhibétis, quia ab inítio mecum estis.

Hæc locútus sum vobis, ut non scandalizémini. Absque synagógis fácient vos; sed venit hora ut omnis qui intérficit vos arbitrétur obséquium se præstáre Deo. Et hæc fácient quia non novérunt Patrem neque me. Sed hæc locútus sum vobis ut cum vénerit hora eórum reminiscámini eórum quia ego dixi vobis ».

Verbum Dómini.

## Super oblata

Súscipe múnera, Dómine, quæsumus,  
exultántis Ecclésiæ,  
et cui causam tanti gáudii præstitísti,  
perpétuæ fructum concéde lætítiæ.  
Per Christum.

*Præfatio paschalis, pp. 631-635.*

## Ant. ad communionem

Io 20, 19

Stetit Iesus in médio discípulórum suórum,  
et dixit eis: Pax vobis, allelúia.

## Post communionem

**Pópulum tuum, quæsumus, Dómine, intuére benígnus, et, quem ætérnis dignátus es renováre mystériis, ad incorruptibilem glorificándæ carnis resurrectiónem pervenire concéde.**

**Per Christum.**

**Feria tertia**

**Ant. ad introitum**

**Ap 19, 7. 6**

**Gaudeámus et exsultémus et demus glóriam Deo, quóniam regnávít Dóminus Deus noster omnípotens, allelúia.**

## Collecta

**Semper exsúltet pópulus tuus, Deus, renováta ánimæ iuventúte, ut, qui nunc lætátur in adoptiónis se glóriam restitútum, resurrectiónis diem spe certæ gratulatiónis expéctet. Per Dóminum.**

## Lectio prior

*Crede in Domino Iesu et salvus eris  
tu et domus tua.*

**Lectio Actuum Apostolorum**

**16, 22-34**

**In diébus illis:**

**Cucúrrit plebs Philippénsium advérsus Paulum et Silam, et magistrátus scissis túnícis eórum iussérunt eos virgis cædi, et cum multas plagas eis imposuissent, miserunt eos in cárcerem, præcipiéntes custódi ut caute custodíret eos; qui cum tale præcéptum accepisset, mi-**

sit eos in interiorem cárcerem et pedes eorum strinxit in ligno.

Média autem nocte Paulus et Silas orantes laudabant Deum, et audiebant eos qui in custodia erant; subito vero terrémotus factus est magnus, ita ut moverentur fundamenta cárceris, et aperta sunt statim ostia omnia, et universorum vincula soluta sunt.

Expergefactus autem custos cárceris et videns apertas ianuas cárceris, evaginato gladio volébat se interficere, aestimans fugisse vinctos. Clamavit autem Paulus voce magna dicens: « Nihil féceris tibi mali, univérsi enim hic sumus ».

Petitóque lúmine intro cucúrrit, et tremefactus prócidit Paulo et Silæ, et producens eos foras ait: « Dómini, quid me opórtet fácere ut salvus fiam? » At illi dixerunt: « Crede in Dómino Iesu et salvus eris tu et domus tua ».

Et locúti sunt ei verbum Dómini cum omnibus qui erant in domo eius. Et tollens eos in illa hora noctis lavit eos a plagis, et baptizatus est ipse et omnes eius continuo, cumque perduxisset eos in domum appósuit mensam, et lætatus est cum omni domo sua credens Deo. — Verbum Dómini.

Psalmus responsorius

Ps 137, 1-2 a. 2 bc-3. 7 c-8 (R.: 7 c)

R. Salvum me fáciat dextera tua, Dómine.  
vel Allelúia.

Confitébor tibi, Dómine, in toto corde meo,  
quóniam audísti verba oris mei.

In conspéctu angelórum psallam tibi,  
adorábo ad templum sanctum tuum. R.

Confitébor nómini tuo,  
propter misericórdiam tuam et veritátem tuam.

3 In quacúmque die invocávero te, exáudi me;  
multiplicábis in ánima mea virtútem. R.

7 Et salvum me fáciet délixtera tua.

8 Dóminus opus perfíciet pro me;  
Dómine, misericórdia tua in sáculum:  
ópera mánuum tuárum ne remíttas. R.

Alleluia

Io 16, 7. 13

R. Allelúia. γ. Mittam ad vos Spíritum veritátis, dicit  
Dóminus;  
ille docébit vos omnem veritátem.  
R. Allelúia.

### Evangelium

*Si non abiero, Paraclitus non veniet ad vos.*

✠ Lécio sancti Evangéllii secúndum Ioánnem

16, 5 b-11

In illo témpore: Dixit Iesus discíplis suis:

« Nunc vado ad Eum qui me misit, et nemo ex vobis intérogat me: " Quo vadis? " Sed quia hæc locútus sum vobis tristítia implévit cor vestrum. Sed ego veritátem dico vobis: expedit vobis, ut ego vadam. Si enim non abiero, Paráclitus non véniet ad vos; si autem abiero, mittam eum ad vos.

Et cum vénerit ille, árguet mundum de peccáto et de iustítia et de iudício: de peccáto quidem, quia non credunt in me; de iustítia vero, quia ad Patrem vado et iam non vidétis me; de iudício autem, quia princeps mundi huius iudicátus est ». — Verbum Dómini.

Super oblata

**Concéde, quæsumus, Dómine,  
semper nos per hæc mystéria paschália gratulári,  
ut continua nostræ reparatiónis operátio  
perpétuæ nobis fiat causa lætitiæ.  
Per Christum.**

Præfatio paschalis, pp. 631-635.

Ant. ad communionem Cf. Lc 24, 46. 26  
**Opórtuit pati Christum, et resúrgere a mórtuis,  
et ita intráre in glóriam suam, allelúia.**

Post communionem

**Exáudi, Dómine, preces nostras,  
ut redemptiόνis nostræ sacrosáncta commércia  
et vitæ nobis cónferant præsentis auxiliúm  
et gáudia sempitérna concílient.  
Per Christum.**

### Feria quarta

Ant. ad introitum Ps 17, 50; 21, 23  
**Confitébor tibi in pópulis, Dómine,  
et narrábo nomen tuum  
frátribus meis, allelúia.**

Collecta

**Anue nobis, quæsumus, Dómine,  
ut, quemádmódum mystério  
resurrectiόνis Fílii tui sollémnia cólimus,  
ita et in advéntu eius  
gaudére cum Sanctis ómnibus mereámur.  
Per Dóminum.**

## Lectio prior

*Quod ignorantes colitis, hoc ego annuntio vobis.*

Lectio Actuum Apostolorum 17, 15. 22 — 18, 1

In diebus illis:

Qui deducébant Paulum perduxérunt usque Athénas, et, accépto mandáto ad Silam et Timótheum ut quam celérrime venírent ad illum, profécti sunt.

Stans autem Paulus in médio Areópági ait:

« Viri Athenienses, per ómnia quasi superstitiosiores vos vídeo; præteriens enim et videns simulácra vestra, invéni et aram, in qua scriptum erat " Ignóto deo ". Quod ergo ignorántes cólitis, hoc ego annúntio vobis.

Deus qui fecit mundum et ómnia quæ in eo sunt, hic, cæli et terræ cum sit Dóminus, non in manufáctis templis inhábitat nec mánibus humanis cólitur indigens áliquo, cum ipse det ómnibus vitam et inspiratiónem et ómnia; fecitque ex uno omne genus hóminum inhábitare super univérsam fáciem terræ, defíniens státuta témpora et términos habitatiónis eórum, quærere Deum si forte attréctent eum et invéniant, quamvis non longe sit ab unoquóque nostrum.

In ipso enim vívimus et movémur et sumus, sicut et quidam vestrum poetárum dixerunt: " Ipsus enim et genus sumus ". Genus ergo cum simus Dei, non debémus æstimáre auro aut argénto aut lápidi, sculptúræ artis et cogitatiónis hóminis, divínium esse símile.

Et témpora quidem ignorantiæ despiciens Deus, nunc annúntiat homínibus ut omnes ubique pæniténtiam agant, eo quod státuit diem in qua iudicatúrus est orbem in iustítia in viro quem constituit, fidem præbens ómnibus súscitans eum a mórtuis ».

Cum audíssent autem resurrectiónem mortuórum,

quidam quidem irridébant, quidam vero dixerunt: « Audiémus te de hoc iterum ». Sic Paulus exívit de médio eórum.

Quidam vero viri adhæréntes ei credidérunt, in quibus et Dionýsius Areopagíta, et múlier nómine Dámáris et álíi cum eis. Post hæc discédens ab Athénis venit Corínthum. — Verbum Dómini.

**Psalmus responsorius**

**Ps 148, 1-2. 11-12. 13. 14**

**℟.** Pleni sunt cæli et terra glória tua.

**vel Allelúia.**

Laudáte Dóminum de cælis,

laudáte eum, in excélsis.

Laudáte eum, omnes ángeli eius,

laudáte eum, omnes virtútes eius. **℟.**

Reges terræ et omnes pópuli,

príncipes et omnes iúdicés terræ,

iúvenes et vírgines,

senes cum iunióribus: **℟.**

Laudent nomen Dómini,

quia exaltátum est nomen eius solíus.

Conféssio eius super cælum et terram. **℟.**

Et exaltávit cornu pópuli sui.

Hymnus ómnibus sanctis eius,

fíliis Israel, pópulo qui propínquus est ei. **℟.**

**Alleluia**

**Io 14, 16**

**℟.** Allelúia. **℣.** Rogábo Patrem, et álium Paráclitum dabit vobis,

ut máneat vobíscum in ætérnum.

**℟.** Allelúia.



## Evangelium

*Spiritus veritatis ducet vos in omni veritate.*

✠ Lécio sancti Evangélii secúndum Ioánnem

16, 12-15

In illo témpore: Dixit Iesus discípulis suis:

« Adhuc multa hábeo vobis dicere, sed non potéstis portáre modo: cum autem vénerit ille, Spíritus veritátis, ducet vos in omni veritaté: non enim loquétur a semetípso, sed quæcúmque áudiet loquétur, et quæ ventúra sunt annuntiábit vobis. Ille me glorificábit, quia de meo accípiet et annuntiábit vobis.

Omnia quæcúmque habet Pater mea sunt; próp-  
téra dixi quia de meo áccipit et annuntiábit vobis ».

Verbum Dómini.

Super oblata

Deus, qui nos, per huius sacrificii veneránda commércia, unius summæque divinitátis partícipes effecísti, præsta, quæsumus, ut, sicut tuam cognóvimus veritatém, sic eam dignis móribus assequámur. Per Christum.

Præfatio paschalis, pp. 631-635.

Ant. ad communionem

Cf. Io 15, 16. 19

Dicit Dóminus: Ego elégi vos de mundo et pósui vos, ut eátis, et fructum afferátis, et fructus vester máneat, allelúia.

Post communionem

Pópulo tuo, quæsumus, Dómine, adésto propítius, et, quem mystériis cæléstibus imbuísti, fac ad novitatém vitæ de vetustáte transíre. Per Christum.

## IN ASCENSIONE DOMINI

Sollemnitas

Ant. ad introitum

Act 1, 11

**Viri Galilæi, quid admirámini aspiciéntes in cælum?  
Quemádmódum vidístis eum ascendéntem in cælum,  
ita véniet, allelúia.**

Dicitur Glória in excelsis.

Collecta

**Fac nos, omnipotens Deus, sanctis exsultáre gáudiis,  
et pia gratiárum actióne lætári,  
quia Christi Fílii tui ascénsio est nostra provéctio,  
et quo procéssit glória cápitis,  
eo spes vocátur et córporis.  
Per Dóminum.**

Lectio prima

*Videntibus illis, elevatus est.*

Léctio Actuum Apostolorum

1, 1-11

**Primum quidem sermónem feci de ómnibus, o  
Theóphile, quæ cœpit Iesus fácere et docére, usque in  
diem qua, cum præcepisset Apóstolis per Spíritum Sanc-  
tum quos elégit, assúptus est: quibus et præbuit se ip-  
sum vivum post passiónem suam in multis arguméntis,  
per dies quadragínta appárens eis et loquens ea quæ  
sunt de Regno Dei.**

**Et convéscens præcepit eis ab Híerosólymis ne dis-  
cédèrent, sed exspectárent promissionem Patris « Quam  
audístis a me, quia Ioánnes quidem baptizávit aqua, vos  
autem baptizabimini in Spíritu Sancto non post multos  
hos dies ».**

Igitur qui convenerant interrogabant eum dicentes:  
 « Dómine, si in tēpore hoc restitues regnum Israëlī? »  
 Dixit autem eis:

« Non est vestrum nosse tēpora vel momēta quæ  
 Pater pōsuit in sua potestāte: sed accipiētis virtutem  
 superveniēte Sancto Spīritu in vos, et éritis mihi testes  
 in Ierúsalem et in omni Iudæa et Samaría et usque  
 ad últimum terræ ».

Et cum hæc dixisset, vidéntibus illis, elevátus est,  
 et nubes suscepit eum ab óculis eórum. Cumque intue-  
 réntur in cælum eúnte illo, ecce duo viri astiterunt iuxta  
 illos in véslibus albis, qui et dixerunt:

« Viri Galilæi, quid statis aspiciētes in cælum? Hic  
 Iesus qui assúptus est a vobis in cælum sic véniet  
 quemádmōdum vidístis eum eúntem in cælum ».

Verbum Dómini.

Psalmus responsorius Ps 46, 2-3. 6-7. 8-9 (R.: 6)

R. Ascéndit Deus in iúbilo, et Dóminus in voce tubæ.  
 vel Allelúia.

- <sup>2</sup> Omnes gentes, pláudite mánibus,  
 iubiláte Deo in voce exsultatiónis.
- <sup>3</sup> Quóniam Dóminus Altíssimus, terríbilis,  
 rex magnus super omnem terram. R.
- <sup>6</sup> Ascéndit Deus in iúbilo,  
 et Dóminus in voce tubæ.
- <sup>7</sup> Psállite Deo, psállite;  
 psállite regi nostro, psállite. R.
- <sup>8</sup> Quóniam rex omnis terræ Deus,  
 psállite sapiēter.
- <sup>9</sup> Regnávít Deus super gentes,  
 Deus sedet super sedem sanctam suam. R.

## Lectio secunda

*Constituit eum ad dexteram suam in cælestibus.*

Lectio Epistolæ beati Pauli apostoli ad Ephésios

Fratres:

1, 17-23

Deus Dómini nostri Iesu Christi, Pater glóriæ, det vobis Spíritum sapiéntiæ et revelatiónis in agnitíone eius, illuminátos óculos cordis vestri, ut sciátis quæ sit spes vocatiónis eius, quæ divítiæ glóriæ hereditátis eius in sanctis, et quæ sit superéminens magnitúdo virtútis eius in nos qui crédimus secúndum operatióne[m] poténtiæ virtútis eius, quam operátus est in Christo súscitans illum a mórtuis et constituens ad dexteram suam in cælestibus supra omnem Principátum et Virtútem et Dominatióne[m] et omne nomen quod nominátur non solum in hoc sæculo sed et in futúro;

et ómnia subiécit sub pédibus eius, et ipsum dedit caput supra ómnia Ecclésiæ, quæ est corpus ipsíus, plenitúdo eius qui ómnia in ómnibus adimplétur.

Verbum Dómini.

Alleluia

Mt 28, 19. 20

℞. Alleluia. ʒ. Eúntes docéte omnes gentes,  
dicit Dóminus:

ego vobíscum sum ómnibus diébus usque  
ad consummatióne[m] sæculi. ℞. Alleluia.

Anno A

Evangelium

*Data est mihi omnis potestas in cælo et in terra.*

✠ Conclusio sancti Evangelii secúndum Matthæum

In illo témpore:

28, 16-20

Undecim discipuli abiérunt in Galiléam, in Mon-

tem ubi constitúerat illis Iesus, et vidéntes eum adoravérunt, quidam autem dubitavérunt. Et accédens Iesus locútus est eis dicens:

« Data est mihi omnis potéstas in cælo et in terra. Eúntes ergo docéte omnes gentes, baptizántes eos in Nómine Patris et Fílii et Spíritus Sancti, docéntes eos servare ómnia quæcúmque mandávi vobis: et ecce ego vobíscum sum ómnibus diébus usque ad consummationem sæculi ». — Verbum Dómini.

## Anno B

*Assumptus est in cælum  
et sedit a dextris Dei.*

### ✠ Conclusio sancti Evangélii secúndum Marcum

16, 15-20

In illo témpore: Appárens Iesus Undecim, dixit eis:

« Eúntes in mundum univérsum, prædicáte Evangélium omni creatúræ. Qui crediderit et baptizátus fúerit, salvus erit, qui vero non crediderit, condemnábitur.

Signa autem eos qui crediderint hæc sequéntur: in Nómine meo dæmónia eícient, linguis loquéntur novis, serpéntes tollent, et si mortíferum quid bíberint non eos nocébit, super ægrótos manus impónent, et bene habébunt ».

Et Dóminus quidem Iesus postquam locútus est eis, assumptus est in cælum et sedit a dextris Dei. Illi autem profécti prædicavérunt ubíque, Dómíno cooperánte et sermónem confirmánte, sequéntibus signis.

Verbum Dómini.

**Anno C***Dum benediceret illis, ferebatur in cælum.*✠ **Conclusio sancti Evangélii secúndum Lucam**

24, 46-53

**In illo témpore: Dixit Iesus discipulis suis:**

« Sic scriptum est, Christum pati, et resúrgere a mórtuis die tértia, et prædicári in nómine eius pæniténtiam in remissionem peccatórum in omnes gentes — incipiéntibus ab Ierúsalem: vos estis testes horum.

Et ecce ego mitto promíssum Patris mei in vos; vos autem sedéte in civitáte, quoad usque induámini virtútem ex alto ».

Edúxit autem eos foras usque in Bethániam, et elevátis mánibus suis benedíxit eis. Et factum est dum benediceret illis, recéssit ab eis et ferebátur in cælum. Et ipsi adoravérunt eum, et regréssi sunt in Ierúsalem cum gáudio magno, et erant semper in templo benedicétes Deum. — Verbum Dómini.

Dicitur Credo.

Super oblata

**Sacrificium, Dómine, pro Filii tui súplices venerábili nunc ascensióne deférimus: præsta, quæsumus, ut his commérciis sacrosántis ad cæléstia consurgámus. Per Christum.**

Præfatio de Ascensione, pp. 636-637.

Quando adhibetur Canon Romanus, dicitur **Communicántes** proprium.

Ant. ad communionem

Mt 28, 20

**Ecce ego vobíscum sum ómnibus diébus usque ad consummationem sæculi, allelúia.**

Post communionem

**Omnípotens sempitérne Deus,  
qui in terra constitútos divína tractáre concédís,  
præsta, quæsumus,  
ut illuc tendat christiánæ devotiónis afféctus,  
quo tecum est nostra substántia.  
Per Christum.**

Ubi sollemnitas Ascensionis non est de præcepto servanda, assignatur, tamquam diei proprio, dominicæ VII Paschæ.

### Feria quinta

In regionibus ubi celebratio Ascensionis Domini ad dominicam septimam Paschæ transfertur, hodie adhibentur textus qui sequuntur:

Ant. ad introitum

Cf. Ps 67, 8-9. 20

**Deus, dum egredereris coram pópulo tuo,  
iter fáciens eis, hábitans in illis,  
terra mota est, cæli distillavérunt, allelúia.**

Collecta

**Deus, qui pópulum tuum  
tuæ fecísti redemptiόνis participem,  
concéde nobis, quæsumus,  
ut de resurrectione dominica perpétuo gratulémur.  
Per Dóminum.**

Lectio prior

*Manebat apud eos et operabatur,  
et disputabat in synagoga.*

Lectio Actuum Apostolorum

18, 1-8

In diébus illis:

**Discédens Paulus ab Athénis venit Corínthum. Et**

invéniens quemdam Iudæum nómine Aquilam, Pónticum genere, qui nuper vénerat ab Itália, et Priscíllam uxórem eius, eo quod præcepisset Cláudius discédere omnes Iudæos a Roma, accessit ad eos, et quia eiúsdem erat artis manébat apud eos et operabátur; erant autem scenofactóriæ artis.

Disputábat autem in synagóga per omne sábbatum, suadebátque Iudæis et Græcis.

Cum venissent autem de Macedónia Silas et Timótheus, instábat verbo Paulus, testíficans Iudæis esse Christum, Iesum. Contradicéntibus autem eis et blasphemántibus, excútiens vestiménta dixit ad eos: « Sanguis vester super caput vestrum; mundus ego, ex hoc ad gentes vadam ».

Et migrans inde intrávit in domum cuiúsdam nómine Titi Iusti, coléntis Deum, cuius domus erat coniúcta synagógæ. Crispus autem archisynagógus crédidit Dómino cum omni domo sua, et multi Corinthiórum audiéntes credébant et baptizabántur.

Verbum Dómini.

Psalmus responsorius

Ps 97, 1. 2-3 ab. 3 cd-4 (R.: cf. 2 b)

R. In conspéctu géntium revelávit Dóminus  
salutáre suum.

vel Allelúia.

Cantáte Dómino cánticum novum,  
quia mirabília fecit.

Salvávit sibi délixtera eius,  
et bráccium sanctum eius. R.

Notum fecit Dóminus salutáre suum,  
in conspéctu géntium revelávit iustítiam suam.



3 Recordatus est misericordiæ suæ  
et veritatis suæ dómui Israel. **℞.**

Viderunt omnes términi terræ  
salutáre Dei nostri.

4 Iubiláte Deo, omnis terra,  
erúmpite, exsultáte et psállite. **℞.**

**Alleluia**

**Io 14, 18**

**℞. Allelúia. 7. Non vos relínquam órphanos,  
dicit Dóminus:**

**vado et vénio ad vos, et gaudébit cor  
vestrum. ℞. Allelúia.**

**Loco versus ante Evangelium qui singulis diebus proponitur, alius  
adhiberi potest ex iis qui infra, p. 603, inveniuntur.**

### Evangelium

*Contristabimini,  
sed tristitia vestra vertetur in gaudium.*

**✠ Lécio sancti Evangélii secúndum Ioánnem**

**16, 16-20**

**In illo témpore: Dixit Iesus discipulis suis:**

**« Módicum et iam non vidétis me, et íterum mó-  
dicum et vidébitis me ».**

**Dixerunt ergo ex discipulis eius ad ínvicem: « Quid  
est hoc quod dicit nobis: “ Módicum, et non vidétis me,  
et íterum módicum et vidébitis me ”, et: “ Vado ad Pa-  
trem ”? » Dicébant ergo: « Quid est hoc, quod dicit:  
“ Módicum ”? Nescímus quid lóquitur ».**

**Cognóvit Iesus quia volébant eum interrogáre, et  
dixit eis: « De hoc quáeritis inter vos, quia dixi: “ Módi-  
cum, et non vidétis me, et íterum módicum et vidébitis  
me ”? Amen, amen dico vobis, quia plorábitis et flébitis**

vos, mundus autem gaudébit; vos contristabimini, sed tristitia vestra vertetur in gáudium ». — Verbum Dómini.

### Super oblata

Ascéndant ad te, Dómine,  
preces nostræ cum oblatiónibus hostiárum,  
ut, tua dignatióne mundáti,  
sacraméntis magnæ pietátis aptémur. Per Christum.

*Præfatio paschalis, pp. 631-635.*

### Ant. ad communionem

Mt 28, 20

Ecce ego vobíscum sum ómnibus diébus,  
usque ad consummationem sæculi, allelúia.

### Post communionem

Omnípotens sempitérne Deus,  
qui ad ætérrnam vitam  
in Christi resurrectione nos réparas,  
fructus in nobis paschális múltiplica sacraménti,  
et fortitúdinem cibi salutáris nostris infúnde pectoribus.  
Per Christum.

## Feria sexta

### Ant. ad introitum

Ap 5, 9-10

Redemísti nos, Dómine, in ságuine tuo,  
ex omni tribu et lingua et pópulo et natióne,  
et fecísti nos Deo nostro regnum et sacerdótes, allelúia.

### Collecta

Deus, qui ad ætérrnam vitam  
in Christi resurrectione nos réparas,  
érige nos ad consedéntem in délixtera tua  
nostræ salutis auctórem,

ut, cum in maiestáte sua Salvátor noster advénerit,  
 quos fecísti baptísimo renásci,  
 fácias beáta immortalitáte vestíri.  
 Per Dóminum.

In regionibus ubi sollemnitas Ascensionis fit dominica sequenti:

Exáudi, Dómine, preces nostras,  
 ut, quod tui Verbi sanctificatióne promíssum est,  
 evangélico ubíque compleátur efféctu,  
 et plenitúdo adoptiόνis obtíneat  
 quod prædixit testificatió veritátis.  
 Per Dóminum.

Lectio prior

*Populus est mihi multus in hac civitate.*

Léctio Actuum Apostolorum

18, 9-18

Cum esset Paulus Corínthi, dixit ei Dóminus nocte per visiónem: « Noli timére, sed lóquere et ne táceas, quia ego sum tecum et nemo apponétur tibi ut nóceat te, quóniam pópulus est mihi multus in hac civitáte ». Sedit autem annum et sex menses docens apud eos verbum Dei.

Gallióne autem procónsule Acháiæ, insurrexérunt uno ánimo Iudæi in Paulum et adduxérunt eum ad tribúnal dicéntes: « Contra legem hic persuádet homínibus cólere Deum ».

Incipiénte autem Paulo aperíre os, dixit Gállio ad Iudæos: « Si quidem esset iníquum áliquid aut fácinus péssimum, o Iudæi, mérito vos sustinérem; si vero quæstiónes sunt de verbo et nomínibus et lege vestra, vos ipsi vidéritis; iudex ego horum nolo esse ». Et minávit eos a tribunáli.

Apprehédentes autem omnes Sósthenen príncipem  
synagógæ, percutiébant ante tribúnal; et nihil horum  
Gallióni curæ erat.

Paulus vero cum adhuc sustinuisset dies multos,  
frátribus valefáciens navigábat in Síriam, et cum eo  
Priscilla et Aquila, qui sibi totónderat in Cénchreis ca-  
put, habébat enim votum.

Verbum Dómini.

Psalmus responsorius Ps 46, 2-3. 4-5. 6-7 (R.: 8 a)

R. Rex omnis terræ Deus.

vel Allelúia.

Omnes gentes, pláudite mánibus,  
iubiláte Deo in voce exsultatiónis.

Quóniam Dóminus Altíssimus, terríbilis,  
rex magnus super omnem terram. R.

Subiécit pópulos nobis,  
et gentes sub pédibus nostris.

Elégit nobis hereditátem nostram,  
glóriam Iacob quem diléxit. R.

Ascéndit Deus in iúbilo,  
et Dóminus in voce tubæ.

Psállite Deo, psállite;  
psállite regi nostro, psállite. R.

Alleluia

Lc 24, 46

R. Allelúia. γ. Oportébat pati Christum et resúrgere  
a mórtuis;

et ita intráre in glóriam suam.

R. Allelúia.

## Evangelium

*Gaudium vestrum nemo tollit a vobis.*

✠ Lécio sancti Evangélii secúndum Ioánnem

16, 20-23 a

In illo témpore: Dixit Iesus discíplis suis:

« Amen, amen dico vobis, quia plorábitis et flébitis vos, mundus autem gaudébit; vos contristabímmini, sed tristítia vestra vertétur in gáudium.

Múlier cum parit tristítiam habet, quia venit hora eius; cum autem pepérerit púerum, iam non méminit pressúræ propter gáudium quia natus est homo in mundo.

Et vos ígitur nunc quidem tristítiam habétis; íterum autem vidébo vos, et gaudébit cor vestrum, et gáudium vestrum nemo tollit a vobis. Et in illo die me non rogábitis quidquam ».

Verbum Dómini.

Super oblata

Oblatiónes familiæ tuæ,  
quæsumus, Dómine, súscipe miserátus,  
ut, sub tuæ protectiόνis auxilió,  
et colláta non perdant,  
et ad ætérna dona pervéniant.  
Per Christum.

Præfatio paschalis vel de Ascensione, pp. 631-637.

Ant. ad communionem

Rom 4, 25

Tráditus est Christus Dóminus noster ·  
propter delícta nostra,  
et resurréxit propter iustificatióne[m] nostram, allelúia.

Post communionem

**Contínua, quæsumus, Dómine,  
quos salvásti pietáte custódi,  
ut, qui Fílii tui passióne sunt redémpti,  
eius resurreccióné læténtur. Per Christum.**

## Sabbato

Ant. ad introitum

1 Petr 2, 9

**Pópulus acquisitionís, annuntiáte virtútes eius,  
qui vos de ténebris vocávit in admirábile lumen suum,  
allelúia.**

Collecta

**Deus, cuius Fílius ad cælos ascéndens  
Apóstolis Sanctum Spíritum dignátus est pollicéri,  
præsta, quæsumus,  
ut, sicut illi multifária doctrínæ cælestis múnera  
percepérunt,  
ita nobis quoque spiritalia dona concédas. Per Dóminum.**

In regionibus ubi sollemnitas Ascensionis fit dominica sequenti:

**Mentes nostras, quæsumus, Dómine,  
bonis opéribus semper infórma,  
ut, ad melióra iúgiter contendétes,  
paschále mystérium studeámus habére perpétuum.  
Per Dóminum.**

Lectio prior

*Ostendebat Apollo  
per Scripturas esse Christum Iesum.*

Léctio Actuum Apostolórum

18, 23-28

**Facto Antiochiæ aliquánto témpore proféctus est**

Paulus, perambulans ex ordine Galaticam regionem et Phrygiam, confirmans omnes discipulos.

Iudæus autem quidam Apóllo nómine, Alexandrínus natione, vir éloquentis, devénit Ephesum, potens in Scriptúris. Hic erat catechizátus viam Dómini, et fervens Spírítu loquebátur et docébat diligénter ea quæ sunt de Iesu, sciens tantum baptisma Ioánnis.

Hic ergo cœpit fiduciáliter ágere in synagóga; quem cum audissent Priscilla et Aquila assumpsérunt eum et diligéntius exposuérunt ei viam Dómini.

Cum autem vellet transíre in Acháiam, exhortáti fratres scripsérunt discipulis ut susciperent eum; qui cum venisset cóntulit multum his qui crediderant per grátiam; veheménter enim Iudæos revincébat públice, osténdens per Scriptúras esse Christum Iesum.

Verbum Dómini.

Psalmus responsorius Ps 46, 2-3. 8-9. 10 (R.: 8 a)

R. Rex omnis terræ Deus.

vel Allelúia.

- <sup>2</sup> Omnes gentes, pláudite mánibus,  
iubiláte Deo in voce exsultatiónis.
- <sup>3</sup> Quóniam Dóminus Altíssimus, terríbilis,  
rex magnus super omnem terram. R.
- <sup>8</sup> Quóniam rex omnis terræ Deus,  
psállite sapiénter.
- <sup>9</sup> Regnávit Deus super gentes,  
Deus sedet super sedem sanctam suam. R.
- <sup>10</sup> Príncipes populórum congregáti sunt  
cum pópulo Dei Abraham,  
quóniam Dei sunt scuta terræ:  
veheménter elevátus est. R.

Alleluia

Io 16, 28

**R.** Allelúia. **V.** Exívi a Patre et veni in mundum;  
íterum relínquo mundum et vado ad Pa-  
trem. **R.** Allelúia.

## Evangelium

*Pater amat vos, quia vos me amastis et credidistis.*

✠ Lécitio sancti Evangélii secúndum Ioánnem

16, 23 b-28

In illo témpore: Dixit Iesus discipulis suis:

« Amen, amen dico vobis: Si quid petiéritis Patrem in Nómine meo, dabit vobis. Usque modo non petistis quidquam in Nómine meo: pétite et accipiétis, ut gáudium vestrum sit plenum.

Hæc in provérbiis locútus sum vobis; venit hora cum iam non in provérbiis loquar vobis, sed palam de Patre annuntiábo vobis.

Illo die in Nómine meo petétis, et non dico vobis quia ego rogábo Patrem de vobis; ipse enim Pater amat vos, quia vos me amástis et credidístis quia ego a Deo exívi.

Exívi a Patre et veni in mundum; íterum relínquo mundum et vado ad Patrem ».

Verbum Dómini.

## Super oblata

Propítius, Dómine, quésumus,  
hæc dona sanctífica,  
et, hóstiæ spiritális oblatióne suscepta,  
nosmetípsos tibi pérfice munus ætérnum.  
Per Christum.

Præfatio paschalis vel de Ascensione, pp. 631-637.



Ant. ad communionem

Io 17, 24

**Pater, quos dedisti mihi,  
volo ut ubi sum ego et illi sint mecum,  
ut videant claritatem quam dedisti mihi, allehúia.**

Post communionem

**Súmpsimus, Dómine, sacri dona mystérii,  
humíliter deprecántes,  
ut, quæ in sui commemoratióne  
nos Fílius tuus fácere præcépit,  
in nostræ proficiant caritátis augméntum.  
Per Christum.**

## DOMINICA VII PASCHÆ

**Ant. ad introitum**

**Ps 26, 7-9**

Exáudi, Dómine, vocem meam, qua clamávi ad te.  
Tibi dixit cor meum, quæsívi vultum tuum,  
vultum tuum requíram;  
ne avértas fáciem tuam a me, allelúia.

**Dicitur Glória in excélsis.**

**Collecta**

Supplicatióibus nostris, Dómine, adésto propítius,  
ut, sicut humáni géneris Salvatórem  
tecum in tua crédimus maiestáte,  
ita eum usque ad consummationem sáeculi  
manére nobíscum, sicut ipse promísit, sentiámus.  
Per Dóminum.

---

**Anno A**

**Lectio prima**

*Erant perseverantes unanimiter in oratione.*

**Lectio Actuum Apostolorum**

**1, 12-14**

Postquam assúptus est Iesus in cælum revérsi sunt  
Apóstoli in Ierúsalem a monte qui vocátur Olivéti, qui  
est iuxta Ierúsalem sábbati habens iter.

Et cum introissent, in cenáculum ascendérunt ubi  
manébant, et Petrus et Ioánnes et Iacóbus et Andréas,  
Philíppus et Thomas, Bartholomæus et Matthæus, Iacóbus  
Alphæi et Simon Zelótes et Iudas Iacóbi. Hi omnes  
erant perseverántes unanimiter in oratióne cum muliéribus  
et Mariá Matre Iesu et frátribus eius.

**Verbum Dómini.**

Psalmus responsorius

Ps 26, 1. 4. 7-8 a (R.: 13)

R. Credo videre bona Dómini in terra vivéntium.

vel Allelúia.

1 Dóminus illuminátio mea et salus mea,  
quem timébo?Dóminus protéctor vitæ meæ,  
a quo trepidábo? R.4 Unum pétii a Dómino, hoc requíram:  
ut inhábitem in domo Dómini  
ómnibus diébus vitæ meæ,  
ut vídeam voluptátem Dómini,  
et vísitem templum eius. R.7 Exáudi, Dómine, vocem meam qua clamávi,  
miserére mei et exáudi me.

8 De te dixit cor meum: « Exquírite fáciem eius ». R.

## Lectio secunda

*Si exprobramini in nomine Christi, beati.*

Lectio Epístolæ primæ beáti Petri apóstoli

4, 13-16

Caríssimi:

Quemádmódum comunicátis Christi passiónibus gaudéte, ut et in revelatióne glóriæ eius gaudeátis exultántes. Si exprobrámini in nómine Christi, beáti, quóniam Spíritus glóriæ et Dei super vos requiéscit.

Nemo enim vestrum patiátur quasi homicída aut fur aut maléficus aut alienórum speculátor; si autem ut chístiánus, non erubéscat, gloríficet autem Deum in isto nómine. — Verbum Dómini.

Alleluia

Io 14, 18

℟. Allelúia. ʒ. Non vos relínquam órphanos,  
dicit Dóminus:  
vado et vénio ad vos, et gaudébit cor ve-  
strum. ℟. Allelúia.

Evangelium

*Pater, glorifica Filium tuum.*

✠ Lécio sancti Evangélli secúndum Ioánnem

17, 1-11 a

In illo témpore:

Sublevátis Iesus óculis in cælum, dixit:

« Pater, venit hora: glorifica Filium tuum, ut Filius glorificet te sicut dedísti ei potestátem omnis carnis, ut omne quod dedísti ei det eis vitam ætérnam. Hæc est autem vita ætérna, ut cognóscant te solum verum Deum, et quem misísti Iesum Christum.

Ego te glorificávi super terram, opus consummávi quod dedísti mihi ut fáciam; et nunc glorifica me tu, Pater, apud temetípsum glória quam habébam prius quam mundus esset, apud te.

Manifestávi Nomen tuum homínibus quos dedísti mihi de mundo. Tui erant et mihi eos dedísti, et sermónem tuum servavérunt. Nunc cognovérunt quia ómnia quæ dedísti mihi, abs te sunt, quia verba quæ dedísti mihi dedi eis, et ipsi accepérunt et cognovérunt vere quia a te exívi, et credidérunt quia tu me misísti.

Ego pro eis rogo; non pro mundo rogo sed pro his quos dedísti mihi, quia tui sunt, et mea ómnia tua sunt et tua mea; et glorificátus sum in eis. Et iam non sum in mundo, et hi in mundo sunt, et ego ad te vénio ». — Verbum Dómini.

**Anno B**

## Lectio prima

*Oportet testem resurrectionis eius nobiscum  
feri unum ex istis.*

**Lectio Actuum Apostolorum** 1, 15-17. 20 a. 20 c-26

In diébus illis exsurgens Petrus in médio fratrum dixit — erat autem turba hóminum simul fere centum viginti —:

« Viri fratres, opórtet impléri Scriptúram quam prædixit Spíritus Sanctus per os David de Iuda qui fuit dux eórum qui comprehendérunt Iesum, quia connumerátus erat in nobis et sortítus est sortem ministérii huius.

Scriptum est enim in libro Psalmórum: “ Episcopátum eius accípiat alter ”.

Opórtet ergo ex his viris, qui nobiscum congregáti erant in omni témpore quo intrávit et exívit inter nos Dóminus Iesus, incípiens a baptísmate Ioánnis usque in diem qua assúptus est a nobis, testem resurrectionis eius nobiscum fieri unum ex istis ».

Et statuérunt duos, Ioseph qui vocabátur Barsábas, qui cognominátus est Iustus, et Matthíam. Et orántes dixerunt:

« Tu, Dómine, qui corda nosti ómnium, osténde quem elégeris ex his duóbus unum accíperere locum ministérii huius et apostolátus, de quo prævaricátus est Iudas ut abíret in locum suum ».

Et dedérunt sortes eis, et cécidit sors super Matthíam, et annumerátus est cum úndecim Apóstolis.

**Verbum Dómini.**

## Psalmus responsorius

Ps 102, 1-2. 11-12. 19-20 ab (R.: 19 a)

R. Dóminus in cælo parávit sedem suam.

vel Allelúia.

- 1 Bénedic, ánima mea, Dómino;  
et ómnia quæ intra me sunt, nómini sancto eius.
- 2 Bénedic, ánima mea, Dómino,  
et noli oblivísci omnes retributiónes eius. R.
- 11 Quóniam, quantum exaltátur cælum a terra,  
præváluit misericórdia eius super timéntes eum;
- 12 quantum distat ortus ab occidén-te,  
longe fecit a nobis iniquitátes nostras. R.
- 10 Dóminus in cælo parávit sedem suam,  
et regnum ipsíus ómnibus dominábitur.
- 9 Benedícite Dómino, omnes ángeli eius,  
poténtes virtúte, faciéntes verbum illíus. R.

## Lectio secunda

*Qui manet in caritate in Deo manet  
et Deus in eo manet.*

Léctio Epístolæ primæ beáti Ioánnis apóstoli

4, 11-16

Caríssimi, si sic Deus diléxit nos, et nos debémus altéru-trum diligere. Deum nemo vidit umquam; si diligámus ínvicem, Deus in nobis manet et caritas eius in nobis consummáta est. In hoc cognóscimus quóniam in ipso manémus et ipse in nobis, quóniam de Spírítu suo dedit nobis.

Et nos vídimus et testificámur quóniam Pater mi-sit Fílium Salvatórem mundi. Quisquis conféssus fúerit

« Iesus est Filius Dei », Deus in ipso manet et ipse in Deo.

Et nos cognóvimus et credídimus caritatí quam habet Deus in nobis. Deus caritas est, et qui manet in caritaté in Deo manet et Deus in eo manet.

Verbum Dómini.

Alleluia

Io 14, 18

℞. Allelúia. γ. Non vos relínquam órphanos,  
dicit Dóminus:  
vado et vénio ad vos, et gaudébit cor vestrum. ℞. Allelúia.

Evangelium

*Sint unum sicut nos.*

✠ Lécio sancti Evangéllii secúndum Ioánnem

17, 11 b-19

In illo témpore: Sublevátis Iesus óculis in cælum, orávit dicens:

« Pater sancte, serva eos in Nómine tuo quod dedísti mihi, ut sint unum sicut nos. Cum essem cum eis, ego servábam eos in Nómine tuo quod dedísti mihi et custodívi, et nemo ex his périit, nisi fílius perditionis ut Scriptúra impleátur.

Nunc autem ad te vénio, et hæc loquor in mundo ut hábeant gáudium meum implétum in semetípsis. Ego dedi eis sermónem tuum, et mundus ódio eos hábuit, quia non sunt de mundo sicut ego non sum de mundo. Non rogo ut tollas eos de mundo, sed ut serves eos ex Malo. De mundo non sunt sicut ego non sum de mundo.

Sanctífica eos in veritaté: sermo tuus véritas est. Sicut me misísti in mundum, et ego misi eos in mun-

dum; et pro eis ego sanctifico me ipsum, ut sint et ipsi sanctificati in veritate ». — Verbum Dómini.

## Anno C

### Lectio prima

*Video Filium hominis a dextris stantem Dei.*

Lectio Actuum Apostolorum

7, 55-60

In diebus illis:

Cum esset Stéphanus plenus Spíritu Sancto, inténdens in cælum vidit glóriam Dei et Iesum stantem a dextris Dei, et ait: « Ecce video cælos apertos et Filium hóminis a dextris stantem Dei ».

Exclamantes autem voce magna continuérunt aures suas, et impetum fecerunt unánimiter in eum, et eiciéntes extra civitatem lapidábant. Et testes deposuérunt vestiménta sua secus pedes adulescéntis qui vocabátur Saulus.

Et lapidábant Stéphanum invocántem et dicéntem: « Dómine Iesu, súscipe spíritum meu » ». Pósis autem génibus clamávit voce magna: « Dómine, ne státuas illis hoc peccátum », et cum hoc dixisset obdormívit.

Verbum Dómini.

Psalmus responsorius

Ps 96, 1 et 2 b. 6 et 7 c. 9 (R.: 1 a et 9 a)

R. Dóminus regnávít, Altíssimus super omnem terram.  
vel Allelúia.

Dóminus regnávít, exsúltet terra,  
læténtur insulæ multæ;  
iustítia et iudícium firmaméntum sedis eius. R.



- 6 Annuntiavérunt cæli iustítiam eius,  
et vidérunt omnes pópuli glóriam eius.
- 7 Adoráte eum, omnes dii. *R.*
- 9 Quóniam tu Dóminus, Altíssimus super omnem terram,  
nimis exaltátus es super omnes deos. *R.*

## Lectio secunda

*Veni, Domine Iesu!*

Lectio libri Apocalýpsis beáti Ioánnis apóstoli

22, 12-14. 16-17. 20

Ego, Ioánnes, audívi vocem dicéntem mihi:

« Ecce vénio cito, et merces mea mecum est, rédere unicuique sicut opus eius est. Ego Alpha et Omega, Primus et Novíssimus, Príncipium et Finis. Beáti qui lavant stolas suas, ut sit potéstas eórum super lignum vitæ et portis intrent in Civitátem.

Ego Iesus misi ángelum meum testificári vobis hæc super Ecclésiis. Ego sum Radix et Genus David, Stella spléndida matutína ».

Et Spíritus et Sponsa dicunt: « Veni! » Et qui audit dicat: « Veni! » Et qui sitit véniat, qui vult accípiat Aquam Vitæ gratis.

Dicit qui testimónium pérhibet istórum: « Etiam, vénio cito ».

Amen. Veni, Dómine Iesu! — Verbum Dómini.

Alleluia

Io 14, 18

*R.* Allelúia. *Ÿ.* Non vos relínquam órphanos,  
dicit Dóminus:  
vado et vénio ad vos, et gaudébit cor vestrum. *R.* Allelúia.

## Evangelium

*Sint consummati in unum!*

✠ Lécio sancti Evangelii secúndum Ioánnem

17, 20-26

In illo témpore: Sublevátis Iesus óculis in cælum, orávit dicens:

« Pater sancte, non pro his rogo tantum, sed et pro eis qui creditúri sunt per verbum eórum in me, ut omnes unum sint, sicut tu, Pater, in me et ego in te, ut et ipsi in nobis sint, ut mundus credat quia tu me misisti.

Et ego glóriam quam dedísti mihi, dedi illis, ut sint unum sicut nos unum sumus, ego in eis et tu in me, ut sint consummáti in unum, ut cognóscat mundus quia tu me misisti et dilexísti eos sicut me dilexísti.

Pater, quod dedísti mihi, volo ut ubi ego sum et illi sint mecum, ut vídeant glóriam meam, quam dedísti mihi, quia dilexísti me ante constitutióem mundi.

Pater iuste, et mundus te non cognóvit, ego autem te cognóvi et hi cognovérunt quia tu me misisti, et notum feci eis Nomen tuum et notum fáciam, ut diléctio qua dilexísti me in ipsis sit et ego in ipsis ».

Verbum Dómini.

---

Dicitur Credo.

Super oblata

Súscipe, Dómine, fidélium preces cum oblatiόνibus hostiárum, ut, per hęc piæ devotiόνis offícia, ad cæléstem glóriam transeámus. Per Christum.

Præfatio paschalis vel de Ascensione, pp. 631-637.

Ant. ad communionem

Io 17, 22

**Rogo, Pater, ut sint unum,  
sicut et nos unum sumus, allelúia.**

Post communionem

**Exáudi nos, Deus, salutáris noster,  
ut per hæc sacrosáncta mystéria  
in totíus Ecclésiæ confidámus córpore faciéndum,  
quod eius præcèssit in cápite.  
Per Christum.**

### **Feria secunda**

Ant. ad introitum

Act 1, 8

**Accipiétis virtútem superveniéntis Spíritus Sancti in vos,  
et éritis mihi testes usque ad últimum terræ, allelúia.**

Collecta

**Advéniat nobis, quésumus, Dómine,  
virtus Spíritus Sancti,  
qua voluntátem tuam fidéli mente retinére,  
et pia conversatióne deprómere valeámus.  
Per Dóminum.**

Lectio prior

*Si Spiritum Sanctum accepistis credentes?*

Lectio Actuum Apostolorum

19, 1-8

**Factum est cum Apóllo esset Corínthi, ut Paulus  
peragrátis superiórius pártibus veníret Ephesum et in-  
veníret quosdam discipulos, dixítque ad eos: « Si Spí-  
ritum Sanctum accepistis credétes? »**

At illi ad eum: « Sed neque si Spíritus Sanctus est audívimus ». Ille vero ait: « In quo ergo baptizáti estis? » Qui dixerunt: « In Ioánnis baptísmate ».

Dixit autem Paulus: « Ioánnes baptizávit baptísma pæniténtiæ, pópulo dicens in eum qui ventúrus esset post ipsum ut créderent, hoc est in Iesum ».

His audítis, baptizáti sunt in Nómine Dómini Iesu; et cum imposuísset illis manus Paulus, venit Spíritus Sanctus super eos, et loquebántur linguis et prophetábant. Erant autem omnes viri fere duódecim.

Introgréssus autem synagógam cum fidúcia loquebátur per tres menses, dísputans et suádens de Regno Dei. — Verbum Dómini.

Psalmus responsorius

Ps 67, 2-3. 4-5 ac. 6-7 ab (R.: 33 a)

R. Regna terræ, cantáte Deo.  
vel Allelúia.

Exsúrgit Deus, et dissipántur inimíci eius;  
et fúgiunt qui odérunt eum a fácie eius.  
Sicut dissipátur fumus, tu díssipas;  
sicut fluit cera a fácie ignis,  
sic péreunt peccatóres a fácie Dei. R.

Et iusti læténtur et exsúltent in conspéctu Dei,  
et delecténtur in lætítia.

Cantáte Deo, psalmum dícite nómini eius;  
Dóminus nomen illi. R.

Pater orphanórum et iudex viduárum,  
Deus in habitáculo sancto suo.  
Deus, qui inhabitáre facit desolátos in domo,  
qui edúcit vinctos in prosperitátem. R.

Alleluia

Col 3, 1

℟. Allelúia. ʒ. Si consurrexístis cum Christo, quæ sursum sunt quærite,  
ubi Christus est in dèxtera Dei sedens.  
℟. Allelúia.

## Evangelium

*Confidite, ego vici mundum.*

✠ Lèctio sancti Evangélii secúndum Ioánnem

16, 29-33

In illo témpore:

Dixerunt discipuli ad Iesum: « Ecce nunc palam loqueris, et provérbium nullum dicis. Nunc scimus quia scis ómnia et non opus est tibi ut quis te intéroget; in hoc crédimus quia a Deo exísti ».

Respóndit eis Iesus: « Modo créditis? Ecce venit hora et iam venit ut dispergámini unusquisque in própria et me solum relinquátis; et non sum solus, quia Pater mecum est.

Hæc locútus sum vobis, ut in me pacem habeátis: in mundo pressúram habéteis, sed confidite, ego vici mundum ». — Verbum Dómini.

Super oblata

Sacrificia nos, Dómine, immaculáta puríficent,  
et méntibus nostris supérnæ grátia: dent vigórem.  
Per Christum.

Præfatio paschalis vel de Ascensione, pp. 631-637.

Ant. ad communionem

Io 14, 18; 16, 22

Non vos relínquam órphanos, dicit Dóminus:  
véniam ad vos íterum, et gaudébit cor vestrum, allelúia.

**Post communionem**

Pópulo tuo, quæsumus, Dómine, adésto propítius,  
 et, quem mystériis cæléstibus imbuísti,  
 fac ad novitátem vitæ de vetustáte transíre.  
 Per Christum.

**Feria tertia****Ant. ad introitum****Ap 1, 17-18**

Ego sum primus et novíssimus;  
 et vivus et fui mórtuus,  
 et ecce sum vivens in sæcula sæculórum, allelúia.

**Collecta**

Præsta, quæsumus, omnípotens et miséricors Deus,  
 ut Spíritus Sanctus advéniens  
 templum nos glóriæ suæ dignánte inhabitádo perficiat.  
 Per Dóminum.

**Lectio prior**

*Consummo cursum meum et ministerium  
 quod accepi a Domino Iesu.*

**Lectio Actuum Apostolorum****20, 17-27**

In diébus illis:

A Miléto mittens Ephesum convocávit Paulus pre-  
 sbýteros Ecclésiæ. Qui cum venissent ad eum dixit eis:

« Vos scitis a prima die qua ingressus sum in Asiam,  
 quáliter vobiscum per omne tempus fúerim, sérvians  
 Dómino cum omni humilitáte et lácrimis et tentatió-  
 nibus quæ mihi accidérunt ex insídiis Iudæórum; quó-  
 modo nihil subtráxerim utílium quóminus annuntiárem  
 vobis et docérem vos públice et per domos, testíficans

Iudæis atque Græcis in Deum pæniténtiam et fidem in Dóminum nostrum Iesum.

Et nunc ecce alligátus ego Spíritu vado in Ierúsalem, quæ in ea eventúra sint mihi ignórans, nisi quod Spíritus Sanctus per omnes civitátes protestátur mihi dicens quóniam víncula et tribulatiónes me manent. Sed níhili fácio ánimam meam pretiósam mihi, dúmmodo consúmmem cursum meum et ministérium quod accépi a Dómino Iesu, testificári Evangélium grátiae Dei.

Et nunc ecce ego scio quia ámplius non vidébitis faciém meam vos omnes per quos transívi prædicans Regnum; quaprópter contéstor vos hodiérna die quia mundus sum a ságuine ómnium, non enim subterfúgi quóminus annuntiárem omne consílium Dei vobis ».

Verbum Dómini.

Psalmus responsorius Ps 67, 10-11. 20-21 (R.: 33 a)

R. Regna terræ, cantáte Deo,  
vel Allelúia.

<sup>10</sup> Plúviam voluntáriam effundébas, Deus;  
hereditátem tuam infirmátam, tu refecísti eam.

<sup>11</sup> Animália tua habitábant in ea,  
parásti in bonitáte tua páuperi, Deus. R.

<sup>20</sup> Benedíctus Dóminus die cotídie;  
portábit nos Deus salutárium nostrórum.

<sup>21</sup> Deus noster, Deus ad salvándum;  
et Dómini, Dómini éxitus mortis. R.

Alleluia

Io 14, 16

R. Allelúia. V. Rogábo Patrem et alium Paráclitum dabit vobis,  
ut máneat vobíscum in ætérnum.  
R. Allelúia.

## Evangelium

*Pater, glorifica Filium tuum.*✠ **Léctio sancti Evangélli secúndum Ioánnem**

17, 1-11 a

**In illo témpore:****Sublevátis Iesus óculis suis in cælum, dixit:**

« Pater, venit hora: glorifica Fílium tuum, ut Fílius gloríficet te sicut dedísti ei potestátem omnis carnis, ut omne quod dedísti ei det eis vitam ætérnam. Hæc est autem vita ætérna, ut cognóscant te solum verum Deum et quem misísti Iesum Christum.

Ego te glorificávi super terram, opus consummávi quod dedísti mihi ut faciám; et nunc glorífica me tu, Pater, apud temetípsum glória quam habébam prius quam mundus esset, apud te.

Manifestávi Nomen tuum homínibus quos dedísti mihi de mundo. Tui erant et mihi eos dedísti, et sermónem tuum servavérunt. Nunc cognovérunt quia ómnia quæ dedísti mihi, abs te sunt, quia verba quæ dedísti mihi dedi eis, et ipsi accepérunt et cognovérunt vere quia a te exívi, et credidérunt quia tu me misísti.

Ego pro eis rogo; non pro mundo rogo sed pro his quos dedísti mihi, quia tui sunt, et mea ómnia tua sunt et tua mea; et glorificátus sum in eis. Et iam non sum in mundo, et hi in mundo sunt, et ego ad te vénio ». — Verbum Dómini.

**Super oblata**

Súscipe, Dómine, fidélium preces cum oblatiónibus hostiárum, ut, per hæc piæ devotiónis officia, ad cæléstem glóriam transcámus. Per Christum.



Præfatio paschalis vel de Ascensione, pp. 631-637.

**Ant. ad communionem**

**Io 14, 26**

**Spíritus Sanctus, quem mittet Pater in nómine meo, ille vos docébit ómnia, et súggeret vobis ómnia quæcúmque díxero vobis, dicit Dóminus, allelúia.**

**Post communionem**

**Súmpsimus, Dómine, sacri dona mystérii, humíliter deprecántes, ut, quæ in sui commemoratiónem nos Fílius tuus fácere præcépit, in nostræ proficiant caritátis augméntum. Per Christum.**

### **Feria quarta**

**Ant. ad introitum**

**Ps 46, 2**

**Omnes gentes, pláudite mánibus, iubiláte Deo in voce exsultatiónis, allelúia.**

**Collecta**

**Ecclésiæ tuæ, miséricors Deus, concéde propítius, ut, Sancto Spíritu congregáta, toto sit corde tibi devóta, et pura voluntáte concórdet. Per Dóminum.**

**Lectio prior**

*Commendo vos Deo, qui potens est ædificare et dare hereditatem.*

**Léctio Actuum Apostolorum**

**20, 28-38**

**In diébus illis: Dicébat Paulus presbýteris Ecclésiæ Ephesiórum:**

**« Atténdite vobis et univérso gregi, in quo vos Spí-**

ritus Sanctus p̄suit ep̄scopos, p̄scere Eccl̄siam Dei, quam acquisiv̄it s̄anguine suo. Ego scio qūoniam intr̄abunt post discessīonem meam lupi graves in vos non parc̄entes gregi, et ex vobis ipsis exsurḡent viri loqūentes p̄v̄ersa ut abstrahant discipulos post se.

Propter quod vigil̄ate, mem̄oria retin̄entes qūoniam per trīennium nocte et die non cess̄avi cum lacrimis monens unumqūmque vestrum. Et nunc comm̄endo vos Deo et verbo gr̄atīe ipsius, qui potens est aedific̄are et dare heredit̄atem in sanctific̄atis omnibus.

Argentum aut aurum aut vestem nullius concupivi; ipsi scitis qūoniam ad ea qūa mihi opus erant et his qui mecum sunt ministraverunt manus ist̄a. Omnia ost̄endi vobis qūoniam sic labor̄antes op̄rtet suscipere infirmos, ac meminisse verb̄orum D̄omini Iesu, qūoniam ipse dixit: " Beatius est magis dare quam accipere " ».

Et cum h̄aec dixisset, p̄sitis genibus suis, cum omnibus illis oravit. Magnus autem fletus factus est omnium, et procumbentes super collum Pauli osculabantur eum, dolentes maxime in verbo quod dixerat, qūoniam amplius faciem eius non essent visuri. Et deducebant eum ad navem. — Verbum D̄omini.

### Psalmus responsorius

Ps 67, 29-30. 33-35 a. 35 b-36 c (R.: 33 a)

R. Regna terr̄a, cantate Deo.

vel Allel̄ia.

<sup>29</sup> Manda, Deus, virtuti tūa;  
confirma hoc, Deus, quod operatus es in nobis.

<sup>30</sup> A templo tuo in Ierusalem  
tibi afferent reges m̄n̄era. R.

- 33 Regna terræ, cantáte Deo,  
 psállite Dómino, psállite Deo,  
 34 qui fertur super cælum cæli ad oriéntem;  
 ecce dabit vocem suam, vocem virtútis.  
 35 Tribúite virtútem Deo. **R.**  
 Super Israel magnificéntia eius  
 et virtus eius in núbibus.  
 36 Benedíctus Deus. **R.**

## Alleluia

Io 17, 17 b. a

**R.** Allelúia. **V.** Sermo tuus, Dómine, véritas est;  
 sanctífica nos in veritáte. **R.** Allelúia.

## Evangelium

*Sint unum sicut nos.*

✠ Lécio sancti Evangélii secúndum Ioánnem

17, 11 b-19

In illo témpore: Sublevátis Iesus óculis suis in cælum,  
 orávit dicens:

« Pater sancte, serva eos in Nómine tuo quod dedísti mihi, ut sint unum sicut nos. Cum essem cum eis, ego servábam eos in Nómine tuo quod dedísti mihi et custodívi, et nemo ex his périit, nisi fílius perditiónis, ut Scriptúra impleátur.

Nunc autem ad te vénio, et hæc loquor in mundo ut hábeant gáudium meum implétum in semetípsis. Ego dedi eis sermónem tuum, et mundus ódio eos hábuit, quia non sunt de mundo sicut ego non sum de mundo. Non rogo ut tollas eos de mundo, sed ut serves eos ex Malo. De mundo non sunt sicut ego non sum de mundo.

Sanctífica eos in veritáte: sermo tuus véritas est.

**Sicut me misisti in mundum, et ego misi eos in mundum; et pro eis ego sanctifico me ipsum, ut sint et ipsi sanctificati in veritate ».** — Verbum Dómini.

Super oblata

**Súscipe, quæsumus, Dómine,  
sacrificia tuis instituta præcéptis,  
et sacris mystériis,  
quæ débitæ servitútis celebrámus officio,  
sanctificatiónem tuæ nobis redemptionis  
dignánte adimple.  
Per Christum.**

Præfatio paschalis vel de Ascensione, pp. 631-637.

Ant. ad communionem

Io 15, 26-27

**Cum vénerit Paráclitus, quem ego mittam vobis,  
Spíritum veritátis qui a Patre procedit,  
ille testimónium perhibébit de me,  
et vos testimónium perhibébitis,  
dicit Dóminus, allelúia.**

Post communionem

**Grátiam tuam nobis, Dómine,  
semper accúmulet divíni participatio sacraménti,  
et, sua nos virtúte mundándo,  
tanti múnere capáces indesinénter effíciat.  
Per Christum.**

### Feria quinta

Ant. ad introitum

Hebr 4, 16

**Adeámus cum fidúcia ad thronum grátiae,  
ut misericórdiam consequámur,  
et grátiam inveniámus in auxílio oportúno, allelúia.**

## Collecta

**Spiritus tuus, quæsumus, Dómine,  
spiritália nobis dona poténter infúndat,  
ut det nobis mentem, quæ tibi sit plácita,  
et aptet nos tuæ propítius voluntáti.  
Per Dóminum.**

## Lectio prior

*Oportet te et Romæ testificari.*

## Lectio Actuum Apostolorum

22, 30; 23, 6-11

## In diébus illis:

Volens scire tribúnus diligénter qua ex causa accusarétur Paulus a Iudæis, solvit eum, et iussit príncipes sacerdotum convenire et omne concílium, et producens Paulum státuit coram illis.

Sciens autem Paulus quia una pars esset Sadducæorum et áltera Pharisæorum, exclamábat in concilio: « Viri fratres, ego Pharisæus sum, fílius Pharisæorum; de spe et resurrectione mortuorum ego iúdicor ».

Et cum hæc diceret, facta est dissénsio inter Pharisæos et Sadducæos, et divisa est multitúdo. Sadducæi enim dicunt non esse resurrectionem, neque ángelum, neque spíritum, Pharisæi autem utrúmque confitentur.

Factus est autem clamor magnus, et surgéntes scribæ quidam partis Pharisæorum, pugnábant dicéntes: « Nihil mali invénimus in hómine isto: quod si spíritus locútus est ei aut ángelus », et cum magna dissénsio facta esset, timens tribúnus ne discerperétur Paulus ab ipsis, iussit mílites descendere ut ráperent eum de médio eorum ac dedúcerent in castra.

Sequénti autem nocte assistens ei Dóminus ait:

« Constans esto, sicut enim testificátus es quæ sunt de me in Ierúsalem, sic te opórtet et Romæ testificári ».   
 Verbum Dómini.

### Psalmus responsorius

Ps 15, 1-2 a et 5. 7-8. 9-10. 11 (R.: 1)

R. Consérva me, Deus, quóniam sperávi in te.  
vel Allelúia.

- 1 Consérva me, Deus, quóniam sperávi in te.
- 2 Dixi Dómino: « Dóminus meus es tu ».
- 3 Dóminus pars hereditátis meæ et cálicis mei: tu es qui détines sortem meam. R.
- 7 Benedicam Dóminum qui tríbuit mihi intelléctum; ínsuper et in nóctibus erudiérunt me renes mei.
- 8 Proponébam Dóminum in conspéctu meo semper, quóniam a dextris est mihi, non commovébor. R.
- 9 Propter hoc lætátum est cor meum, et exsultavérunt præcórdia mea; ínsuper et caro mea requiescet in spe.
- 10 Quóniam non derelínques ánimam meam in inférno, nec dabis sanctum tuum vidére corruptiónem. R.
- 11 Notas mihi fácies vias vitæ, plenitúdinem lætítiæ cum vultu tuo, delectatiónes in dextera tua usque in finem. R.

### Alleluia

Io 17, 21

R. Allelúia. V. Ut omnes unum sint, sicut tu, Pater, in me, et ego in te, ut credat mundus quia tu me misísti, dicit Dóminus. R. Allelúia.

## Evangelium

*Sint consummati in unum!*

✠ Lécio sancti Evangélii secúndum Ioánnem

17, 20-26

In illo témpore: Sublevátis Iesus óculis suis in cælum, orávit dicens:

« Pater sancte, non pro his rogo tantum, sed et pro eis qui creditúri sunt per verbum eórum in me, ut omnes unum sint, sicut tu, Pater, in me et ego in te, ut et ipsi in nobis sint, ut mundus credat quia tu me misísti.

Et ego glóriam quam dedísti mihi, dedi illis, ut sint unum sicut nos unum sumus, ego in eis et tu in me, ut sint consummáti in unum, ut cognóscat mundus quia tu me misísti et dilexísti eos sicut me dilexísti.

Pater, quod dedísti mihi, volo ut ubi ego sum et illi sint mecum, ut vídeant glóriam meam, quam dedísti mihi, quia dilexísti me ante constitutiónem mundi.

Pater iuste, et mundus te non cognóvit, ego autem te cognóvi et hi cognovérunt quia tu me misísti, et notum feci eis Nomen tuum et notum fáciam, ut dilécio qua dilexísti me in ipsis sit et ego in ipsis ».

Verbum Dómini.

Super oblata

Propítius, Dómine, quæsumus,  
hæc dona sanctífica,  
et, hóstiæ spiritális oblatiône suscépta,  
nosmetípsos tibi pérfice munus ætérnum.  
Per Christum.

Præfatio paschalis vel de Ascensione, pp. 631-637.

**Ant. ad communionem****Io 16, 7**

Ego veritatem dico vobis: expedit vobis, ut ego vadam; si enim non abiero, Paraclitus non veniet ad vos, dicit Dominus, allelúia.

**Post communionem**

Percépta mystéria, quæsumus, Dómine, et eruditíone nos ínstruant et participatióne restáurent, ut ad spirítalia mereámur múnera pervenire.  
Per Christum.

**Feria sexta****Ant. ad introitum****Ap 1, 5-6**

Diléxit nos Christus, et lavit nos a peccátis nostris in ságuine suo, et fecit nos regnum et sacerdótes Deo et Patri suo, allelúia.

**Collecta**

Deus, qui nobis æternitátis áditum glorificatióne Christi tui et Sancti Spíritus illuminatióne reserásti, concéde, quæsumus, ut, tanti doni párticeps, devótio nostra proficiat, et ad fidei transferámur aúgmentum.  
Per Dóminum.

**Lectio prior**

*Iesus defunctus, quem affirmabat Paulus vivere.*

**Léctio Actuum Apostolorum****25, 13-21**

In diébus illis:

Agrippa rex et Bereníce descendérunt Cæsaréam et sa-



lutavérunt Festum. Et cum dies plures ibi demoraréntur, Festus regi indicávit de Paulo dicens:

« Vir quidam est derelíctus a Felíce vinctus, de quo cum essem Hierosólymis adiérunt me príncipes sacerdotum et senióres Iudæórum, postulántes advérsus illum damnatióem; ad quos respóndi quia non est consuetúdo Románis donáre áliquem hóminem, priúsqvam is qui accusátur præséntes hábeat accusatóres locúmque defendéndi se ab accusatióne accípiat.

Cum ergo huc conveníssent, sine ulla dilatióne sequénti die sedens pro tribunáli iussi addúci virum; de quo cum stetíssent accusatóres, nullam causam deferébant de quibus ego suspicábar malis, quæstiónes vero quasdam de sua superstitióne habébant advérsus eum, et de quodam Iesu defúncto, quem affirmábat Paulus vívere.

Hésitans autem ego de huiúsmodi quæstióne, dicebam si vellet ire Hierosólymam et ibi iudicári de istis. Paulo autem appellánte ut servaréetur ad Augústi cognitióem, iussi servári eum donec mittam eum ad Cæsarem ». — Verbum Dómini.

### Psalmus responsorius

Ps 102, 1-2. 11-12. 19-20 ab (R.: 19 a)

R. Dóminus in cælo parávit sedem suam.

vel Allelúia.

- <sup>1</sup> Bénedic, ánima mea, Dómino;  
et ómnia quæ intra me sunt, nómini sancto eius.
- <sup>2</sup> Bénedic, ánima mea, Dómino,  
et noli oblivísci omnes retributiónes eius. R.
- <sup>11</sup> Quóniam, quantum exaltátur cælum a terra,  
præváluit misericórdia eius super timéntes eum;

- 12 quantum distat ortus ab occidēte,  
longe fecit a nobis iniquitates nostras. **R.**
- 19 Dóminus in cælo parávit sedem suam,  
et regnum ipsíus ómnibus dominábitur.
- 20 Benedícite Dómino, omnes ángeli eius,  
poténtes virtúte, faciéntes verbum illíus. **R.**

## Alleluia

Io 14, 26

**R.** Allelúia. **V.** Spíritus Sanctus vos docébit ómnia:  
súggeret vobis ómnia quæcúmque díxero  
vobis. **R.** Allelúia.

## Evangelium

*Pasce agnos meos, pasce oves meas.*

✠ Lécitio sancti Evangéllii secúndum Ioánnem

21, 15-19

Cum manifestásset se Iesus discíplis suis et pran-  
díssent ipsi, dicit Simóni Petro: « Simon Ioánnis, díli-  
gis me plus his? »

Dicit ei: « Etiam, Dómine, tu scis quia amo te ».

Dicit ei: « Pasce agnos meos ».

Dicit ei íterum secúndo: « Simon Ioánnis, díligis  
me? »

Ait illi: « Etiam, Dómine, tu scis quia amo te ».

Dicit ei: « Pasce oves meas ».

Dicit ei tértio: « Simon Ioánnis, amas me? »

Contristátus est Petrus, quia dixit ei tértio: « Amas  
me? » et dicit ei: « Dómine, tu ómnia scis, tu scis quia  
amo te ».

Dixit ei: « Pasce oves meas.

Amen, amen dico tibi: Cum esses iúnior, cingébas  
te ipsum et ambulábas ubi volébas; cum autem senúe-

ris, extēdes manus tuas, et alius te cinget et ducet quo non vis ».

Hoc autem dixit significans qua morte glorificaturus esset Deum. Et hoc cum dixisset, dicit ei: « Séquere me ». — Verbum Dómini.

Super oblata

Hóstias pópuli tui, quæsumus, Dómine,  
miserátus inténde,  
et, ut tibi reddántur accéptæ,  
consciéntias nostras Sancti Spíritus emúndet advéntus.  
Per Christum.

Præfatio paschalis vel de Ascensione, pp. 631-637.

Ant. ad communionem

Io 16, 13

Cum vénerit Spíritus veritátis,  
docébit vos omnem veritátem,  
dicit Dóminus, allelúia.

Post communionem

Deus, cuius mystériis mundámur et páscimur,  
tribue, quæsumus, ut eórum nobis indúlta reféctio  
vitam cónferat sempitérnam.  
Per Christum.

## Sabbato

Ad Missam matutinam

Ant. ad introitum

Act 1, 14

Erant discípuli perseverántes unánimiter in oratióne,  
cum muliéribus et María Matre Iesu et frátribus eius,  
allelúia.

## Collecta

**Præsta, quæsumus, omnipotens Deus,  
ut, qui paschalia festa perëgimus,  
hæc, te largiente, moribus et vita teneamus.  
Per Dóminum.**

## Lectio prior

*Mansit Romæ, prædicans Regnum Dei.*

Lectio Actuum Apostolorum 28, 16-20. 30-31

**Cum pervenissémus Romam, permíssum est Paulo manere sibi met cum custodiënte se milite.**

**Factum est autem ut post tertium diem convocaret primos Iudæorum; cumque convenissent dicebat eis:**

**« Ego, viri fratres, nihil adversus plebem faciens aut mores paternos, vinctus ab Hierosólymis traditus sum in manus Romanórum, qui cum interrogatióne de me habuissent, volébant dimittere eo quod nulla causa esset mortis in me; contradicentibus autem Iudæis coactus sum appellare Cæsarem, non quasi gentem meam habens aliquid accusare.**

**Propter hanc igitur causam rogavi vos videre et alloqui, propter spem enim Israel catena hac circumdatus sum ».**

**Mansit autem biennio toto in suo conducto, et suscipiebat omnes qui ingrediebantur ad eum, prædicans Regnum Dei et docens quæ sunt de Dómino Iesu Christo cum omni fiducia sine prohibitióne.**

**Verbum Dómini.**

Psalmus responsorius

Ps 10 (Vulg.), 5. 6 et 8 (R.: cf. 8 b)

**R. Recti videbunt vultum tuum, Dómine.  
vel Allelúia.**

- 4 Dóminus in templo sancto suo,  
Dóminus in cælo sedes eius.  
Oculi eius in páuperem respiciunt,  
pálpebræ eius intérogant filios hóminum. **℞.**
- 5 Dóminus intérogat iustum et ímpium,  
qui autem diligit iniquitátem, odit ánima eius.
- 7 Quóniam iustus Dóminus et iustítias diléxit,  
recti vidébunt vultum eius. **℞.**

## Alleluia

Io 16, 7. 13

**℞.** Alleluia. **℣.** Mittam ad vos Spíritum veritátis,  
dicit Dóminus;  
ille docébit vos omnem veritátem.  
**℞.** Alleluia.

## Evangelium

*Hic est discipulus qui scripsit hæc  
et verum est testimonium eius*

✠ Lécio sancti Evangélii secúndum Ioánnem

21, 20-25

In illo témpore:

Convérsum Petrus videt illum discipulum, quem diligébat Iesus, sequéntem, qui et recúbuit in cena super pectus eius, et dixit: « Dómine, quis est qui tradit te? »

Hunc ergo cum vidísset Petrus, dicit Iesu: « Dómine, hic autem quid? »

Dicit ei Iesus: « Si eum volo manére donec véniam, quid ad te? Tu me séquere ». »

Exívit ergo sermo iste in fratres quia discipulus ille non móritur. Non autem dixit ei Iesus: « Non móritur », sed: « Sic eum volo manére donec véniam, quid ad te? »

Hic est discipulus qui testimónium pérhibet de his et scripsit hæc, et scimus quia verum est testimónium eius.

Sunt autem et ália multa quæ fecit Iesus, quæ si scribántur per síngula, nec ipsum árbitror mundum cápere eos qui scribéndi sunt líbros. — Verbum Dómini.

Super oblata

Mentes nostras, quæsumus, Dómine,  
Spíritus Sanctus advéniens divínis præparet sacraméntis,  
quia ipse est remíssio ómnium peccatórum.  
Per Christum.

Præfatio paschalis vel de Ascensione, pp. 631-637.

Ant. ad communionem

Io 16, 14

Spíritus Sanctus, ille me clarificábit,  
quia de meo accípiet et annuntiábit vobis,  
dicit Dóminus, allelúia.

Post communionem

Annue, Dómine, nostris précibus miserátus,  
ut, sicut de prætéritis  
ad nova sumus sacraménta transláti,  
ita, vetustáte depósita, sanctificátis méntibus innovémur.  
Per Christum.

## DOMINICA PENTECOSTES

### Ad Missam in Vigilia

Hæc Missa adhibetur vespere sabbati sive ante sive post I  
Vesperas dominicæ Pentecostes.

Ant. ad introitum Rom 5, 5; 8, 11

**Cáritas Dei diffúsa est in córdibus nostris  
per inhabitántem Spíritum eius in nobis, allelúia.**

Dicitur Glória in excélsis.

### Collecta

**Omnípotens sempitérne Deus, qui paschále sacraméntum  
quingúaginta diérum voluísti mystério continéri,  
præsta, ut, géntium facta dispersióne,  
divisiónes linguárum ad unam confessiónem tui nóminis  
cælésti múnere congregéntur.**

**Per Dóminum.**

Vel:

**Præsta, quæsumus, omnípotens Deus,  
ut claritátis tuæ super nos splendor effúlgeat,  
et lux tuæ lucis corda eórum,  
qui per tuam grátiam sunt renáti,  
Sancti Spíritus illustratióne confirmet.**  
**Per Dóminum.**

### Lectio prima \*

1. *Vocatum est Babel,  
quia ibi confusum est labium universæ terræ.*

**Léctio libri Génesis 11, 1-9**  
**Erat terra lábii unús et sermónum eorúndem. Cum-**

que proficisceréntur de oriénte, invenérunt campum in terra Sénnaar, et habitavérunt in eo.

Dixitque alter ad próximum suum: « Veníte, faciámus láteres, et coquámus eos igni ». Habuerúntque láteres pro saxis, et bitúmen pro cæménto. Et dixerunt: « Veníte, faciámus nobis civitátem et turrim, cuius culmen pertíngat ad cælum, et celebrémus nomen nostrum ántequam dividámur in univérsas terras ».

Descéndit autem Dóminus, ut vidéret civitátem et turrim, quam ædificábant fílii Adam; et dixit: « Ecce unus est pópulus et unum lábium ómnibus: cœperúntque hoc fácere, nec desístent a cogitatióibus suis, donec eas ópere cómpleant. Veníte, ígitur, descendámus et confundámus ibi linguam eórum, ut non áudiat unusquisque vocem próximi sui ».

Atque ita divisit eos Dóminus ex illo loco in univérsas terras; et cessavérunt ædificáre civitatem. Et idcirco vocátum est nomen eius Babel, quia ibi confúsum est lábium univérsæ terræ; et inde dispérsit eos Dóminus super fáciem cunctárum regiónum ».

Verbum Dómini.

vel, ad libitum

2. *Descendit Dominus coram omni plebe  
super montem Sinai.*

Léctio libri Exodi

19, 3-8 a. 16-20 b

In diébus illis:

Móyses ascéndit ad Deum, vocavítque eum Dóminus de monte, et ait: « Hæc dices dómui Iacob, et annuntiábis fíliis Israel:

“ Vos ipsi vidístis quæ fécerim Ægýptiis, quómodo portáverim vos super alas aquilárum et assúmpserim



mihi. Si ergo audiéritis vocem meam, et custodiéritis pactum meum, éritis mihi in pecúlium de cunctis pópulis; mea est enim omnis terra. Et vos éritis mihi in regnum sacerdotále et gens sancta ". Hæc sunt verba quæ loquéris ad filios Israel ».

Venit Móyses et, convocátis maióribus natu pópuli, expósuit omnes sermónes quos mandáverat Dóminus. Respondítque omnis pópulus simul: « Cuncta, quæ locútus est Dóminus, faciémus ».

Iamque advénerat tértius dies, et mane inclarúerat; et ecce cœpérunt audíri tonítua ac micáre fúlgura, et nubes densíssima operíre montem clangórque búcinæ veheméntius perstrepébat; et tímuit pópulus qui erat in castris. Cumque eduxísset eos Móyses in occúrsum Dei de loco castrórum, stetérunt ad radíces montis.

Totus autem mons Sínai fumábat, eo quod descendísset Dóminus super eum in igne, et ascénderet fumus ex eo quasi de fornáce; erátque omnis mons terríbilis. Et sónitus búcinæ paulátim crescébat in maius, et prolíxius tendebátur. Móyses loquebátur, et Deus respondébat ei. Descendítque Dóminus super montem Sínai in ipso montis vértice, et vocávit Móysen in cacúmen eius. — Verbum Dómini.

vel, ad libitum

3. *Ossa arida, intromittam in vos spiritum, et vivetis.*

Léctio libri Ezechiélis prophétæ

37, 1-14

In diébus illis:

Facta est super me manus Dómini, et edúxit me in spírítu Dómini, et dimísit me in médio campi, qui erat plenus óssibus; et circumdúxit me per ea in gyro:

erant autem multa valde super fáciem campi, síccaque veheménter.

Et dixit ad me: « Fili hóminis, putásne vivent ossa ista? » Et dixi: « Dómine Deus, tu nosti ».

Et dixit ad me: « Vaticináre de óssibus istis, et dices eis: " Ossa árida, audíte verbum Dómini ". Hæc dicit Dóminus Deus óssibus his: " Ecce ego intromíttam in vos spíritum, et vivétis: et dabo super vos nervos, et succrésce fáciem super vos carnes, et superexténdam in vobis cutem, et dabo vobis spíritum, et vivétis, et sciétis quia ego Dóminus " ».

Et prophetávi sicut præcéperat mihi. Factus est autem sónitus, prophetánte me, et ecce commótió, et accessérunt ossa ad ossa, unumquódque ad iunctúram suam. Et vidi, et ecce super ea nervi et carnes ascendérunt, et exténta est in eis cutis désuper. Et spíritum non habébant.

Et dixit ad me: « Vaticináre ad spíritum, vaticináre, fili hóminis, et dices ad spíritum: " Hæc dicit Dóminus Deus: A quáttuor ventis veni, spíritus, et insúfla super interféctos istos, et revivíscant " ».

Et prophetávi sicut præcéperat mihi, et ingrèssus est in ea spíritus, et vixérunt, steterúntque super pedes suos, exércitus grandis nimis valde.

Et dixit ad me: « Fili hóminis, ossa hæc univérsa domus Israel est. Ipsi dicunt: " Aruéront ossa nostra, et périit spes nostra, et abscíssi sumus ". Proptérea vaticináre et dices ad eos: " Hæc dicit Dóminus Deus:

Ecce ego apériam túmulos vestros, et edúcam vos de sepúlcris vestris, pópulus meus, et indúcam vos in terram Israel; et sciétis quia ego Dóminus, cum aperúero sepúlcrá vestra, et edúxero vos de túmulis vestris, pópule meus, et dédero spíritum meum in vobis, et vixéritis, et requiéscere vos fáciem super humum vestram,

et sciétis quia ego Dóminus: locútus sum et feci », ait Dóminus Deus ». — Verbum Dómini.

---

vel, ad libitum

4. *Super servos meos et ancillas  
effundam Spiritum meum.*

Léctio libri Ioélis prophétæ

2, 28-32

Hæc dicit Dóminus:

« Effúdam spíritum meum super omnem carnem, et prophetábunt filii vestri et filiaë vestraë, senes vestri sómnia somniábunt, et iúvenes vestri visiões vidébunt; sed et super servos meos et ancillas in diébus illis effúdam spíritum meum.

Et dabo prodígia in cælo et in terra, sánguinem et ignem et vapórem fumi. Sol convertétur in ténebras, et luna in sánguinem, ántequam véniat Dies Dómini magnus et horribilis.

Et erit: omnis qui invocáverit nomen Dómini salvus erit, quia in monte Sion et in Ierúsalem erit salvátio, sicut dixit Dóminus, et in resíduis quos Dóminus vocáverit ». — Verbum Dómini.

---

**Psalmus responsorius**

Ps 103, 1-2 a. 24 et 35 c. 27-28. 29 bc-30 (R.: cf. 30)

R. Emítte Spíritum tuum, Dómine,  
et rénova fáciem terræ.

vel Allelúia.

- <sup>1</sup> Bénédic, ánima mea, Dómino:  
Dómine Deus meus, magnificátus es veheménter.  
Confessiõnem et decórem induísti,  
<sup>2</sup> amíctus lúmine sicut vestiménto. R.

- 24 **Quam multiplicata sunt opera tua, Domine:  
omnia in sapientia fecisti,  
25 impleta est terra creatura tua. R.**
- 27 **Omnia a te expectant,  
ut des illis escam in tempore suo.**
- 28 **Dante te illis, colligent,  
aperiente te manum tuam, implebuntur bonis. R.**
- 29 **Revocabis spiritum eorum, et deficient,  
et in pulverem suum revertentur.**
- 30 **Emittes spiritum tuum, et creabuntur,  
et renovabis faciem terrae. R.**

## Lectio secunda

*Spiritus interpellat gemitibus inenarrabilibus.*

Lectio Epistolae beati Pauli apostoli ad Romanos

8, 22-27

Fratres:

Scimus quod omnis creatura congemiscit et comparitur usque adhuc; non solum autem, sed et nos ipsi primitias Spiritus habentes, et ipsi intra nos gemimus adoptionem filiorum Dei expectantes, redemptionem corporis nostri. Spe enim salvi facti sumus; spes autem quae videtur non est spes; nam quod videt quis sperat? Si autem quod non videmus speramus, per patientiam expectamus.

Similiter autem et Spiritus adiuvat infirmitatem nostram; nam quid oremus sicut oportet nescimus, sed ipse Spiritus interpellat gemitibus inenarrabilibus; qui autem scrutatur corda, scit quid desideret Spiritus, quia secundum Deum postulat pro sanctis.

Verbum Domini.

## Alleluia

℟. Allelúia. ҆. Veni, Sancte Spíritus,  
 reple tuórum corda fidélium;  
 et tui amóris in eis ignem accénde.  
 ℟. Allelúia.

## Evangelium

*Flumina fluent aquæ vivæ.*

✠ Lécio sancti Evangélii secúndum Ioánnem

7, 37-39

In novíssimo die magno festivitátis stabat Iesus et clamávit dicens:

« Si quis sitit véniat ad me et bibat qui credit in me. Sicut dixit Scriptúra, flúmina de ventre eius fluent aquæ vivæ ».

Hoc autem dixit de Spíritu quem acceptúri erant credétes in eum; nondum enim erat Spíritus, quia Iesus nondum fúerat glorificátus.

Verbum Dómini.

Dicitur Credo.

## Super oblata

Præséntia múnera, quæsumus, Dómine,  
 Spíritus tui benedictióne perfúnde,  
 ut per ipsa Ecclésiæ tuæ ea diléctio tribuátur,  
 per quam salutáris mystérii  
 toto mundo véritas enitéscat.  
 Per Christum.

Præfatio de Pentecoste ut in Missa sequenti, p. 597.

Quando adhibetur Canon Romanus, dicitur **Communicántes proprium.**

Ant. ad communionem

Io 7, 37

Ultimo festivitátis die stabat Iesus,  
et clamábat dicens:  
Si quis sitit, véniat ad me et bibat, allelúia.

Post communionem

Hæc nobis, Dómine, múnera sumpta proficiant,  
ut illo iúgiter Spíritu ferveámus,  
quem Apóstolis tuis ineffabíliter infudísti.  
Per Christum.

## Ad Missam in die

Ant. ad introitum

Sap 1, 7

Spíritus Dómini replévit orbem terrárum,  
et hoc quod cóntinet ómnia sciéntiam habet vocis,  
allelúia.

Vel:

Rom 5, 5; 8, 11

Cáritas Dei diffúsa est in córdibus nostris  
per inhabitántem Spíritum eius in nobis, allelúia.

Dicitur Glória in excélsis.

Collecta

Deus, qui sacraménto festivitátis hodiérnæ  
univérsam Ecclésiám tuam  
in omni gente et natióne sanctificas,  
in totam mundi latitúdinem  
Spíritus Sancti dona defúnde,  
et, quod inter ipsa evangélicæ prædicatiónis exórdia  
operáta est divína dignátio,  
nunc quoque per credéntium corda perfúnde.  
Per Dóminum.

## Lectio prima

*Repleti sunt omnes Spiritu Sancto  
et cœperunt loqui.*

## Lectio Actuum Apostolorum

2, 1-11

Cum complerentur dies Pentecostes erant omnes pariter in eodem loco. Et factus est repente de cœlo sonus tamquam adveniētis spiritus vehementis et replevit totam domum ubi erant sedentes: et apparuerunt illis dispertitæ linguæ tamquam ignis, seditque supra singulos eorum, et repleti sunt omnes Spiritu Sancto, et cœperunt loqui aliis linguis prout Spiritus dabat eloqui illis.

Erant autem in Ierusalem habitantes Iudæi, viri religiosi ex omni natione quæ sub cœlo est; facta autem hac voce, convenit multitudo et confusa est, quoniam audiebat unusquisque lingua sua illos loquentes. Stupēbant autem et mirabantur dicentes:

« Nonne ecce omnes isti qui loquuntur Galilæi sunt? Et quomodo nos audimus unusquisque propria lingua nostra in qua nati sumus?

Parthi et Medi et Ælamitæ, et qui habitant Mesopotamiam, Iudæam quoque et Cappadociam, Pontum et Asiam, Phrygiam quoque et Pamphyliam, Ægyptum et partes Libyæ quæ est circa Cyrēnem, et advenæ Romani, Iudæi quoque et proselyti, Cretes et Arabes, audimus loquentes eos nostris linguis magnalia Dei ».

Verbum Dómini.

## Psalmus responsorius

Ps 103, 1 ab et 24 ac. 29 bc-30. 31 et 34 (R.: cf. 30)

R. Emítte Spíritum tuum, Dómine,  
et rénova faciē terræ.

vel Allelúia.

- 1 **Benedic, ánima mea, Dómino:**  
**Dómine Deus meus, magnificátus es veheménter.**
- 24 **Quam multiplicáta sunt ópera tua, Dómine:**  
**impléta est terra creatúra tua. R.**
- 29 **Revocábis spíritum eórum, et deficient,**  
**et in púlverem suum reverténtur.**
- 30 **Emíttes spíritum tuum, et creabúntur,**  
**et renovábis fáciem terræ. R.**
- 31 **Sit glória Dómini in sáeculum;**  
**lætétur Dóminus in opéribus suis.**
- 34 **Iucúndum sit ei elóquium meum,**  
**ego vero delectábor in Dómino. R.**

### Lectio secunda

*In uno Spiritu omnes nos in unum corpus  
 baptizati sumus.*

Léctio Epístolæ primæ beáti Pauli apóstoli  
 ad Corínthios

12, 3-b-7. 12-13

Fratres:

Nemo potest dícere: « Dóminus Iesus! » nisi in Spíritu Sancto.

Divisiónes vero gratiárum sunt, idem autem Spíritus; et divisiónes ministratiónum sunt, idem autem Dóminus; et divisiónes operatiónum sunt, idem vero Deus, qui operátur ómnia in ómnibus. Unicuíque autem datur manifestátio Spíritus ad utilitátem.

Sicut enim corpus unum est et membra habet multa, ómnia autem membra córporis cum sint multa unum corpus sunt, ita et Christus: étenim in uno Spíritu omnes nos in unum corpus baptizáti sumus, sive Iudæi sive Græci, sive servi sive líberi, et omnes unum Spíritum potáti sumus. — Verbum Dómini.



## Sequentia

Veni, Sancte Spíritus, et emítte cælitus  
lucis tuæ rádium.

Veni, pater páuperum, veni, dator múnerum,  
veni, lumen córdium.

Consolátor óptime, dulcis hospes ánimæ,  
dulce refrigerium.

In labóre réquies, in æstu tempéries,  
in fletu solácium.

O lux beatíssima, reple cordis íntima  
tuórum fidélium.

Sine tuo númine, nihil est in hómine,  
nihil est innóxium.

Lava quod est sórdidum, riga quod est áridum,  
sana quod est saucium.

Flecte quod est rígidum, fove quod est frígidum,  
rege quod est dévium.

Da tuis fidélibus, in te confidéntibus,  
sacrum septenárium.

Da virtútis méritum, da salútis éxítum,  
da perénne gáudium.

## Alleluia

℞. Allelúia. γ. Veni, Sancte Spíritus,  
reple tuórum corda fidélium;  
et tui amóris in eis ignem accénde.  
℞. Allelúia.

## Evangelium

*Sicut misit me Pater, et ego mitto vos:  
accipite Spiritum Sanctum.*

✠ Lécio sancti Evangélii secúndum Ioánnem

20, 19-23

Cum esset sero die illo prima sabbatórum, et fores

essent clausæ ubi erant discipuli propter metum Iudæorum, venit Iesus et stetit in médio et dicit eis: « Pax vobis ». Et hoc cum dixisset, osténdit eis manus et latus. Gavisi sunt ergo discipuli viso Dómino.

Dixit ergo eis íterum: « Pax vobis: sicut misit me Pater, et ego mitto vos ». Et cum hoc dixisset, insufflavit et dicit eis: « Accípite Spíritum Sanctum: quorum remisérítis peccáta, remíssa sunt eis, quorum retinuérítis, rétenta sunt ». — Verbum Dómini.

Dicitur Credo.

Super oblata

Præsta, quæsumus, Dómine,  
ut, secúndum promissionem Filii tui,  
Spíritus Sanctus huius nobis sacrificií  
copiósius revélet arcánium,  
et omnem propítius réseret veritátem. Per Christum.

Præfatio: De mysterio Pentecostes.

γ. Dóminus vobíscum.

ϣ. Et cum spírítu tuo.

γ. Sursum corda.

ϣ. Habémus ad Dóminum.

γ. Grátias agámus Dómino Deo nostro.

ϣ. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus.

Tu enim, sacraméntum paschále consúmmandum,  
quibus, per Unigéniti tui consórtium,  
fílios adoptiónis esse tribuísti,  
hódie Spíritum Sanctum es largítus;

qui, principio nascéntis Ecclésiæ,  
et cunctis géntibus sciéntiam índidit deitátis,  
et linguárum diversitátem  
in unius fidei confessióne sociávit.

Quaprópter, profúsis paschálibus gáudiis,  
totus in orbe terrárum mundus exsúltat.  
Sed et supérnæ virtútes atque angélicæ potestátes  
hymnum glóriæ tuæ cóncinunt, sine fine dicétes:  
Sanctus, Sanctus, Sanctus Dóminus Deus Sábaoth ...

Quando adhibetur Canon Romanus, dicitur Communicátes proprium.

Ant. ad communionem

Act 2, 4 a. 11 c

Repléti sunt omnes Spíritu Sancto,  
loquéntes magnália Dei, allelúia.

Post communionem

Deus, qui Ecclésiæ tuæ cæléstia dona largiris,  
custódi grátiam quam dedísti,  
ut Spíritus Sancti vígeat semper munus infúsum,  
et ad ætérnæ redemptiónis augméntum  
spiritális esca proficiat. Per Christum.

Ad populum dimittendum, diaconus vel ipse sacerdos dicit:

Ite, missa est, allelúia, allelúia.

✠. Deo grátias, allelúia, allelúia.

Absolute tempore paschali, exstinguitur cereus paschalis, quem præstat intra baptisterium honorifice servari, ut ex eo, in Baptismatis celebratione accenso, cerei baptizatorum illuminentur.

Ubi feria II vel etiam III post Pentecosten sunt dies quibus fideles debent vel solent Missam frequentare, resumí potest Missa dominicæ Pentecostes, vel dici potest Missa de Spiritu Sancto, ut infra inter Missas votivas.

## **VERSUS ANTE EVANGELIUM**

qui adhiberi possunt loco textuum  
qui singulis Missis proponuntur

### **Fertis Quadragesimæ**

Ps 50, 12 a. 14 a

1. **Cor mundum crea in me, Deus;  
redde mihi lætítiam salutáris tui.**

Ps 94, 8 ab

2. **Hódie, nolíte obduráre corda vestra,  
sed vocem Dómini audíte.**

Ps 129, 5. 7

3. **Spero in Dóminum, spero in verbum eius;  
quia apud eum misericórdia et copiósá redéptio.**

Ez 18, 31

4. **Proícite a vobis omnes prævaricatiónes vestras,  
dicit Dóminus,  
et fácite vobis cor novum et spíritum novum.**

Ex 33, 11

5. **Nolo mortem impii, dicit Dóminus,  
sed ut convertátur et vivat.**

Ioel 2, 12-13

6. **Nunc ergo, dicit Dóminus,  
convertímini ad me in toto corde vestro,  
quia benígnus et miséricors sum.**

Am 5, 14

7. **Quærite bonum et non malum, ut vivátis;  
et erit Dóminus vobíscum.**

Mt 4, 4 b

8. **Non in solo pane vivit homo,  
sed in omni verbo quod procédit de ore Dei.**

Mt 4, 17

9. **Pæniténtiam ágite, dicit Dóminus;  
appropinquávit Regnum cælórum.**

Cf. Lc 8, 15

10. **Beáti qui in corde bono et óptimo  
verbum Dei rétinent,  
et fructum áfferunt in paciéntia.**

Lc 15, 18

11. **Surgam, et ibo ad patrem meum, et dicam ei:  
Pater, peccávi in cælum et coram te.**

Io 3, 16

12. **Sic Deus diléxit mundum,  
ut Fílium suum unigénitum daret;  
omnis qui credit in eum, habet vitam ætérmam.**

Io 6, 64 b. 69 b

13. **Verba tua, Dómine, spíritus et vita sunt;  
verba vitæ ætérmæ habes.**

Io 8, 12 b

14. **Ego sum lux mundi, dicit Dóminus;  
qui séquitur me, habébit lumen vitæ.**

Io 11, 25 a. 26

15. Ego sum resurrectio et vita, dicit Dóminus;  
qui credit in me non moriétur in ætérnum.

2 Cor 6, 2 b

16. Ecce nunc tempus acceptábile,  
ecce nunc dies salútis.

17. Semen est verbum Dei, sator autem Christus;  
omnis qui invenit eum, manébit in ætérnum.

### ALLELUIA CUM VERSU ANTE EVANGELIUM

quæ adhiberi possunt loco textuum  
qui singulis Missis proponuntur

#### Feris temporis paschalis ante Ascensionem

1. Lc 24, 46

℞. Allelúia. γ. Oportébat pati Christum,  
et resúrgere a mórtuis;  
et ita intráre in glóriam suam. ℞. Allelúia.

2. Io 10, 14

℞. Allelúia. γ. Ego sum pastor bonus, dicit Dóminus,  
et cognóscó oves meas,  
et cognóscunt me meæ. ℞. Allelúia.

3. Io 10, 27

℞. Allelúia. γ. Oves meæ vocem meam áudiunt,  
dicit Dóminus,  
et ego cognóscó eas et sequéntur me.  
℞. Allelúia.

4. Io 20, 29

℞. Allelúia. γ. Quia vidísti me, Thoma, credidísti;  
beáti qui non vidérunt et credidérunt.  
℞. Allelúia.

5. Rom 6, 9

℞. Allelúia. γ. Christus resúrgens ex mórtuis  
iam non móritur;  
mors illi ultra non dominábitur.  
℞. Allelúia.

6. Col 3, 1

℞. Allelúia. γ. Si consurrexístis cum Christo,  
quæ sursum sunt quærite,  
ubi Christus est in dèxtera Dei sedens.  
℞. Allelúia.

7. Ap 1, 5 ab

℞. Allelúia. γ. Iesu Christe, testis es fidélis,  
primogénitus mortuórum;  
dilexísti nos, et lavísti peccáta nostra in  
sánguine tuo. ℞. Allelúia.

8.

℞. Allelúia. γ. Surréxit Christus et illúxit nobis,  
quos redémit sánquine suo. ℞. Allelúia.

9.

℞. Allelúia. γ. Surréxit Dóminus de sepúlcro,  
qui pro nobis pepéndit in ligno. ℞. Allelúia.

10.

℞. Allelúia. γ. Surréxit Christus qui creávit ómnia,  
et misértus est humáno géneri. ℞. Allelúia.

11.

- R.** Allelúia. **V.** Scimus Christum surrexisse a mórtuis vere:  
Tu nobis, victor Rex, miserére.  
**R.** Allelúia.

## Feriis temporis paschalis post Ascensionem

1.

Mt 28, 19. 20

- R.** Allelúia. **V.** Eúntes docéte omnes gentes:  
ego vobíscum sum ómnibus diébus  
usque ad consummationem sáeculi.  
**R.** Allelúia.

2.

Io 14, 16

- R.** Allelúia. **V.** Rogábo Patrem, et álium Paráclitum  
dabit vobis,  
ut máneat vobíscum in ætérnum.  
**R.** Allelúia.

3.

Io 14, 18

- R.** Allelúia. **V.** Non vos relínquam órphanos,  
dicit Dóminus:  
vado et vénio ad vos, et gaudébit cor  
vestrum. **R.** Allelúia.

4.

Io 14, 26

- R.** Allelúia. **V.** Spíritus Sanctus vos docébit ómnia;  
súggeret vobis ómnia quæcúmque díxero  
vobis. **R.** Allelúia.



5. Io 16, 1. 13

℞. Allelúia. γ. Mittam ad vos Spíritum veritátis,  
dicit Dóminus;  
ille docébit vos omnem veritátem.  
℞. Allelúia.

6. Io 16, 28

℞. Allelúia. γ. Exívi a Patre, et veni in mundum;  
íterum relínquo mundum,  
et vado ad Patrem. ℞. Allelúia.

7. Col 3, 1

℞. Allelúia. γ. Si consurrexístis cum Christo,  
quæ sursum sunt quærite,  
ubi Christus est in dèxtera Dei sedens.  
℞. Allelúia.

## TEXTUS COMMUNES

### pro cantu psalmi responsorii

« Psalmus de more sumitur e Lectionario, eo quod singuli textus directo conectuntur cum singulis lectionibus: electio igitur psalmi e lectionibus pendet.

Attamen, ut populus responsum psalmodicum facilius proferre valeat, textus aliqui responsorum et psalmodicum pro diversis temporibus anni aut pro diversis ordinibus Sanctorum selecti sunt, qui adhiberi valent, loco textus lectioni respondentis, quoties psalmus cantu profertur » (Institutio generalis Missalis Romani, n. 36).

### Responsa

#### Tempore Quadragesimæ

Meménto, Dómine, fidelitátis et misericórdiæ tuæ.

#### Tempore paschali

Allelúia (bis vel ter).

### Psalmi

#### Tempore Quadragesimæ

Ps 50, 3-4. 5-6 a. 12-13. 14 et 17 (R.: cf. 3 a)

R. Miserére, Dómine, quia peccávimus.

Miserére mei, Deus, secúndum misericórdiam tuam;  
et secúndum multitudínem miseratiónum tuárum  
dele iniquitátem meam.

Amplius lava me ab iniquitáte mea,  
et a peccáto meo munda me. R.

Quóniam iniquitátem meam ego cognósko,  
et peccátum meum contra me est semper.

Tibi, tibi soli peccávi, et malum coram te feci. R.

- 12 Cor mundum crea in me, Deus,  
et spírítum firmum ínnova in viscéribus meis.
- 13 Ne proícias me a fácie tua,  
et spírítum sanctum tuum ne áuferas a me. **R.**
- 14 Redde mihi lætítiam salutáris tui,  
et spírítu promptíssimo confírma me.
- 17 Dómine, lábia mea apéries,  
et os meum annuntiábit laudem tuam. **R.**

vel

Ps 90, 1-2. 10-11. 12-13. 14-15 (**R.**: cf. 15 b)

- R.** Esto mecum, Dómine, in tribulatióne.
- 1 Qui hábitat in protectiόne Altíssimi,  
sub umbra Omnipoténtis commorábitur.
- 2 Dicet Dómino: « Refúgium meum  
et fortitúdo mea, Deus meus, sperábo in eum ». **R.**
- 10 Non accédet ad te malum,  
et flagéllum non appropinquábit tabernáculo tuo.
- 11 Quóniam ángelis suis mandábit de te,  
ut custódiant te in ómnibus viis tuis. **R.**
- 12 In mánibus portábunt te,  
ne forte offéndas ad lápidem pedem tuum.
- 13 Super áspidem et basiliscum ambulábis,  
et conculcábis leónem et draconem. **R.**
- 14 Quóniam mihi adhésit, liberábo eum;  
suscípíam eum, quóniam cognóvit nomen meum.
- 15 Clamábit ad me, et ego exáudíam eum;  
cum ipso sum in tribulatióne,  
erípíam eum et glorificábo eum. **R.**

vel

Ps 129, 1-2. 3-4. 5-7 a. 7 bc-8 (R.: 7)

R. **Apud Dóminum misericórdia,  
et copiósá apud eum redémptio.**

**De profúndis clamávi ad te, Dómine;  
Dómine, exáudi vocem meam.  
Fiant aures tuæ intendéntes  
in vocem deprecationis meæ. R.**

**Si iniquitátes observáveris, Dómine,  
Dómine, quis sustinébit?  
Quia apud te propitiátio est,  
et timébimus te. R.**

**Sustínui te, Dómine;  
sustínuit ánima mea in verbo eius,  
sperávit ánima mea in Dómino.  
Magis quam custódes auróram,  
speret Israel in Dómino. R.**

**Quia apud Dóminum misericórdia,  
et copiósá apud eum redémptio.  
Et ipse rédimet Israel  
ex ómnibus iniquitátibus eius. R.**

In Hebdomada sancta

Ps 21, 8-9. 17-18 a. 19-20. 23-24 (R.: 2 a)

R. **Deus, Deus meus, quare me dereliquísti?**

**Omnes vidéntes me derisérunt me;  
torquéntes lábia movérunt caput:  
« Sperávit in Dómino, erípiat eum;  
salvum fáciat eum, quóniam vult eum ». R.**

- 17 Quóniam circumdedérunt me canes multi,  
concílium malignántium obsédit me.  
Foderunt manus meas et pedes meos,  
18 et dinumerávit ómnia ossa mea. *R.*
- 19 Diviserunt sibi vestiménta mea,  
et super vestem meam miserunt sortem.  
20 Tu autem, Dómine, ne elongáveris,  
fortitúdo mea, ad adiuvándum me festína. *R.*
- 23 Narrábo nomen tuum frátribus meis,  
in médio ecclésiæ laudábo te.  
24 Qui timétis Dóminum, laudáte eum,  
univérsum semen Iacob, glorificáte eum.  
Métuat eum omne semen Israel. *R.*

## In Nocte sancta

Ps 135, 1-3. 4-6. 7-9. 24-26 (*R.*: 1 b)

- 1 Confitémini Dómino, quóniam bonus.  
*R.* Quóniam in ætérnum misericórdia eius.  
2 Confitémini Deo deórum. *R.*  
3 Confitémini Dómino dominórum. *R.*  
4 Qui facit mirabília magna solus. *R.*  
5 Qui fecit cælos in intelléctu. *R.*  
6 Qui expándit terram super aquas. *R.*  
7 Qui fecit luminária magna. *R.*  
8 Solem, ut præésset diéi. *R.*  
9 Lunam et stellas, ut præéssent nocti. *R.*  
24 Et redémit nos ab inimícis nostris. *R.*  
25 Qui dat escam omni carni. *R.*  
26 Confitémini Deo cæli. *R.*

vel

Ps 135, 1 et 3 et 16. 21-23. 24-26 (R.: 1 b)

- 1 Confitémini Dómino, quóniam bonus.  
 R. Quóniam in ætérnum misericórdia eius.
- 3 Confitémini Dómino dominórum. R.
- 16 Qui tradúxit pópulum suum per desértum. R.
- 21 Et dedit terram eórum hereditátem. R.
- 22 Hereditátem Israel servo suo. R.
- 23 Qui in humilitáte nostra memor fuit nostri. R.
- 24 Et redémit nos ab inimícis nostris. R.
- 25 Qui dat escam omni carni. R.
- 26 Confitémini Deo cæli. R.

Tempore paschali

Ps 117, 1-2. 16 ab-17. 22-23 (R.: 24)

R. Hæc dies quam fecit Dóminus;  
 exsultémus et lætémur in ea.

vel Allelúia, allelúia, allelúia.

- 1 Confitémini Dómino, quóniam bonus,  
 quóniam in sæculum misericórdia eius.
- 2 Dicat nunc Israel, quóniam bonus,  
 quóniam in sæculum misericórdia eius. R.
- 16 Déxtera Dómini fecit virtútem,  
 déxtera Dómini exaltáta est.
- 17 Non móriar, sed vivam,  
 et narrábo ópera Dómini. R.
- 23 Lápídem quem reprobavérunt ædificántes,  
 hic factus est in caput ánguli;
- 23 a Dómino factum est istud,  
 et est mirábile in óculis nostris. R.

**vel**

**Ps 65, 1-3 a. 4-5. 6-7 a. 16 et 20 (R.: 1)**

**R. Iubiláte Deo, omnis terra.**

**vel Allelúia.**

- 1** Iubiláte Deo, omnis terra,  
**2** psalmum dícite glóriæ nóminis eius,  
glorificáte laudem eius.  
**3** Dícite Deo: « Quam terribília sunt ópera tua. **R.**  
**4** Omnis terra adóret te et psallat tibi,  
psalmum dicat nómini tuo ».  
**5** Veníte, et vidéte ópera Dei,  
terribilis in adinventiónibus super fílios hóminum. **R.**  
**6** Convértit mare in áridam,  
et in flúmine pertransíbunt pede;  
ibi lætábimur in ipso.  
**7** Qui domináatur in virtúte sua in ætérnum. **R.**  
**16** Veníte, audíte, et narrábo, omnes qui timétis Deum,  
quanta fecit ánimæ meæ.  
**20** Benedíctus Deus, qui non amóvit oratióne[m] meam  
et misericórdiam suam a me. **R.**

**In Ascensione**

**Ps 46, 2-3. 6-7. 8-9 (R.: 6)**

**R. Ascéndit Deus in iúbilo, et Dóminus in voce tubæ.**

**vel Allelúia.**

- 2** Omnes gentes, pláudite mánibus,  
iubiláte Deo in voce exsultatiónis.  
**3** Quóniam Dóminus Altíssimus, terríbilis,  
rex magnus super omnem terram. **R.**

- 6 Ascéndit Deus in iúbilo,  
et Dóminus in voce tubæ.
- 7 Psállite Deo, psállite;  
psállite regi nostro, psállite. **℞.**
- 8 Quóniam rex omnis terræ Deus,  
psállite sapiénter.
- 9 Regnávit Deus super gentes,  
Deus sedet super sedem sanctam suam. **℞.**

## In dominica Pentecostes

Ps 103, 1 ab et 24 ac. 29 bc-30. 31 et 34 (**℞.**: cf. 30)

**℞.** Emítte Spíritum tuum, Dómine,  
et rénova fáciem terræ.

vel Allelúia.

- 1 Bénédic, ánima mea, Dómino:  
Dómine Deus meus, magnificátus es veheménter.
- 24 Quam multiplicáta sunt ópera tua, Dómine:  
impléta est terra creatúra tua. **℞.**
- 29 Revocábis spíritum eórum, et deficient,  
et in púlverem suum reverténtur.
- 30 Emíttes spíritum tuum, et creabúntur,  
et renovábis fáciem terræ. **℞.**
- 31 Sit glória Dómini in sæculum;  
lætétur Dóminus in opéribus suis.
- 34 Iucúndum sit ei elóquium meum,  
ego vero delectábor in Dómino. **℞.**



# **ORDO MISSÆ CUM POPULO**

## ORDO MISSÆ CUM POPULO

### Ritus initiales

1. Populo congregato, sacerdos cum ministris ad altare accedit, dum cantus ad introitum peragitur.

2. Cum ad altare pervenerit, facta cum ministris debita reverentia, osculo altare veneratur et, pro opportunitate, illud incensat. Postea cum ministris sedem petit.

Cantu ad introitum absoluto, sacerdos et fideles, stantes, signant se, dum sacerdos, ad populum conversus, dicit:

**In nómine Patris, et Fílii, et Spíritus Sancti.**

**Populus respondet:**

**Amen.**

**Deinde sacerdos, manus extendens, populum salutat, dicens:**

**Grátia Dómini nostri Iesu Christi, et cáritas Dei,  
et communicátio Sancti Spíritus sit cum ómnibus vobis.**

**vel:**

**Dóminus vobíscum.**

**Populus respondet:**

**Et cum spírítu tuo.**

**Episcopus, loco Dómini vobíscum, in hac prima salutatione dicit: Pax vobis.**

---

**Vel:**

**℣. Grátia vobis et pax a Deo Patre nostro et Dómino Iesu Christo.**

**℟. Benedíctus Deus et Pater Dómini nostri Iesu Christi.**

**Vel:**

**℟. Et cum spírítu tuo.**

---

3. Sacerdos, vel diaconus vel alius minister idoneus, potest brevissimis verbis introducere fideles in Missam illius diei.

Deinde sequitur actus pænitentialis. Sacerdos fideles invitatur ad pænitentiam:

**Fratres, agnoscámus peccáta nostra,  
ut apti simus ad sacra mystéria celebránda.**

Fit brevis pausa silentii. Postea omnes simul faciunt confessionem:

**Confíteor Deo omnipoténti et vobis, fratres,  
quia peccávi nimis  
cogitatíone, verbo, ópere et omissióne:**

**et, percutientes sibi pectus, dicunt:**

**mea culpa, mea culpa, mea máxima culpa.**

Deinde proseguuntur:

**Ideo precor beátam Mariám semper Vírginem,  
omnes Angelos et Sanctos,  
et vos, fratres, oráre pro me  
ad Dóminum Deum nostrum.**

Sequitur absolutio sacerdotis:

**Misereátur nostri omnípotens Deus  
et, dimíssis peccátis nostris,  
perdúcat nos ad vitam ætérnam.**

Populus respondet:

**Amen.**

Loco præcedentis actus pænitentialis unus e sequentibus adhiberi potest:

I. Sacerdos fideles invitatur ad pænitentiam:

**Fratres, agnoscámus peccáta nostra,  
ut apti simus ad sacra mystéria celebránda.**

Fit brevis pausa silentii.

Postea sacerdos dicit:

**Miserére nostri, Dómine.**

Populus respondet:

**Quia peccávimus tibi.**

Sacerdos:

**Osténde nobis, Dómine, misericórdiam tuam.**

Populus:

**Et salutáre tuum da nobis.**

Sequitur absolutio sacerdotis:

**Misereátur nostri omnipotens Deus  
et, dimíssis peccátis nostris,  
perdúcat nos ad vitam ætérnam.**

Populus respondet:

**Amen.**

II. Sacerdos fideles invitat ad pænitentiam:

**Fratres, agnoscámus peccáta nostra,  
ut apti simus ad sacra mystéria celebránda.**

Fit brevis pausa silentii.

Deinde sacerdos, vel alius minister idoneus, sequentes, vel alias, invocationes cum **Kýrie, eléison** profert:

**Qui missus es sanáre contrítos corde: Kýrie, eléison.**

Populus respondet:

**Kýrie, eléison.**

Sacerdos:

**Qui peccatóres vocáre venísti: Christe, eléison.**

Populus:

**Christe, eléison.**

Sacerdos:

**Qui ad dexteram Patris sedes, ad interpellándum pro  
nobis: Kýrie, eléison.**

Populus:

**Kýrie, eléison.**

Sequitur absolutio sacerdotis:

**Misereátur nostri omnipotens Deus  
et, dimíssis peccátis nostris,  
perdúcat nos ad vitam ætérnam.**

Populus respondet:

**Amen.**

---

4. Sequuntur invocationes **Kýrie, eléison**, nisi iam præceserint in aliqua formula actus pænitentialis.

**ꝛ. Kýrie, eléison.**

**Ꝟ. Kýrie, eléison.**

**ꝛ. Christe, eléison.**

**Ꝟ. Christe, eléison.**

**ꝛ. Kýrie, eléison.**

**Ꝟ. Kýrie, eléison.**

5. Deinde, quando præscribitur, cantatur vel dicitur hymnus:

**Glória in excélsis Deo**

**et in terra pax homínibus bonæ voluntátis.**

**Laudámus te,**

**benedícimus te,**

**adorámus te,**

**glorificámus te,**

**grátias ágimus tibi propter magnam glóriam tuam,**

**Dómine Deus, Rex cæléstis,**

**Deus Pater omnípotens.**

**Dómine Fili unigénite, Iesu Christe,**

**Dómine Deus, Agnus Dei, Filius Patris,**

**qui tollis peccáta mundi, miserére nobis;**

**qui tollis peccáta mundi, súscipe deprecatióem nostram.**

**Qui sedes ad dexteram Patris, miserére nobis.**

**Quóniam tu solus Sanctus, tu solus Dóminus,**

**tu solus Altíssimus,**

**Iesu Christe, cum Sancto Spíritu: in glória Dei Patris.**

**Amen.**

6. Quo hymno finito, sacerdos, manibus iunctis, dicit:

**Orémus.**

Et omnes una cum sacerdote per aliquod temporis spatium in silentio orant.

Tunc sacerdos, manibus extensis, dicit orationem; qua finita, populus acclamat:

**Amen.**

**Liturgia verbi**

7. Deinde lector ad ambonem pergīt, et legit primam lectionem, quam omnes sedentes auscultant.

Ad finem lectionis significandam, lector subdit:

**Verbum Dómini.**

Omnes acclamant:

**Deo grátias.**

8. Psalmista, seu cantor, psalmum dicit, populo responsum proferente.

9. Postea, si habenda sit secunda lectio, lector eam in ambone legit, ut supra.

Ad finem lectionis significandam, lector subdit:

**Verbum Dómini.**

Omnes acclamant:

**Deo grátias.**

10. Sequitur Allelúia, vel alter cantus.

11. Interim sacerdos incensum, si adhibetur, imponit. Postea diaconus, Evangelium prolaturus, ante sacerdotem inclinatus, benedictionem petīt, submissa voce dicens:

**Iube, domne, benedícere.**

Sacerdos submissa voce dicit:

**Dóminus sit in corde tuo et in lábiis tuis:  
ut digne et competénter annúnties Evangélium suum:  
in nómine Patris, et Filii, ✠ et Spíritus Sancti.**

Diaconus respondet:

**Amen.**

Si vero non adest diaconus, sacerdos ante altare inclinatus secreto dicit:

**Munda cor meum ac lábia mea, omnípotens Deus,  
ut sanctum Evangélium tuum digne váleam nuntiáre.**

12. Postea diaconus, vel sacerdos, ad ambonem pergīt, ministris pro opportunitate cum incenso et cereis eum comitantibus, et dicit:

**Dóminus vobíscum.**

**Populus respondet:**

**Et cum spírítu tuo.**

**Diaconus, vel sacerdos:**

**Léctio sancti Evangéllii secúndum N.,**

**et interim signat librum et seipsum in fronte, ore et pectore.**

**Populus acclamat:**

**Glória tibi, Dómine.**

**Deinde diaconus, vel sacerdos, librum, si incensum adhibetur, turificat, et Evangelium proclamat.**

**13. Finito Evangelio, diaconus vel sacerdos dicit:**

**Verbum Dómini,**

**omnibus acclamantibus:**

**Laus tibi, Christe.**

**Deinde librum osculatur dicens secreto:**

**Per evangélica dicta deleántur nostra delícta.**

**14. Deinde fit homilia, quæ habenda est omnibus diebus dominicis et festis de præcepto; aliis diebus commendatur.**

**15. Homilia expleta, fit, quando præscribitur, professio fidei:**

**Credo in unum Deum,**

**Patrem omnipoténtem, factórem cæli et terræ,  
visibílium ómnium et invisibílium.**

**Et in unum Dóminum Iesum Christum,**

**Fílium Dei unigénitum,**

**et ex Patre natum ante ómnia sécula.**

**Deum de Deo, lumen de lúmine,**

**Deum verum de Deo vero,**

**génitum, non factum, consubstantiálem Patri:**

**per quem ómnia facta sunt.**

**Qui propter nos hómines et propter nostram salútem  
descéndit de cælis.**

**Ad verba quæ sequuntur, usque ad factus est, omnes se  
inclinant.**

Et incarnátus est de Spíritu Sancto  
ex María Virgine, et homo factus est.  
Crucifixus étiam pro nobis sub Póntio Piláto;  
passus et sepúltus est,  
et resurréxit tértia die, secúndum Scriptúras,  
et ascéndit in cælum, sedet ad déxteram Patris.  
Et íterum ventúrus est cum glória,  
iudicáre vivos et mórtuos,  
cuius regni non erit finis.  
Et in Spíritum Sanctum, Dóminum et vivificántem:  
qui ex Patre Filióque procedit.  
Qui cum Patre et Fílio simul adorátur et conglorificátur:  
qui locútus est per prophétas.  
Et unam, sanctam, cathólicam et apostólicam Ecclésiám.  
Confíteor unum baptisma in remissionem peccatórum.  
Et expécto resurrectionem mortuórum,  
et vitam ventúri sáculi. Amen.

16. *Deinde fit oratio universalis, seu oratio fidelium.*

### Liturgia eucharistica

17. *His absolutis, incipit cantus ad offertorium. Interim ministri corporale, purificatorium, calicem et missale in altari collocant.*

18. *Expediit ut fideles participationem suam oblatione manifestent, afferendo sive panem et vinum ad Eucharistiæ celebrationem, sive alia dona, quibus necessitatibus Ecclesiæ et pauperum subveniatur.*

19. *Sacerdos, stans ad altare, accipit patenam cum pane, eamque aliquantulum elevatam super altare tenet, secreto dicens:*

Benedíctus es, Dómine, Deus univérsi,  
quia de tua largitáte accépimus panem,  
quem tibi offérimus,  
fructum terræ et óperis mánuum hóminum:  
ex quo nobis fiet panis vitæ.

*Deinde deponit patenam cum pane super corporale.*



Si vero cantus ad offertorium non peragitur, sacerdoti licet hæc verba elata voce proferre; in fine populus acclamare potest:

**Benedíctus Deus in sæcula.**

20. Diaconus, vel sacerdos, infundit vinum et parum aquæ in calicem, dicens secreto:

**Per huius aquæ et vini mystérium  
eius efficiámur divinitátis consórtes,  
qui humanitátis nostræ fieri dignátus est párticeps.**

21. Postea sacerdos accipit calicem, eumque aliquantulum elevatum super altare tenet, secreto dicens:

**Benedíctus es, Dómine, Deus univérsi,  
quia de tua largitáte accépimus vinum,  
quod tibi offérimus,  
fructum vitis et óperis mánuum hóminum,  
ex quo nobis fiet potus spiritalis.**

Deinde calicem super corporale deponit.

Si vero cantus ad offertorium non peragitur, sacerdoti licet hæc verba elata voce proferre; in fine populus acclamare potest:

**Benedíctus Deus in sæcula.**

22. Postea sacerdos, inclinatus, dicit secreto:

**In spírítu humilitátis et in ánimo contríto  
suscipiámur a te, Dómine;  
et sic fiat sacrificium nostrum in conspéctu tuo hódie,  
ut pláceat tibi, Dómine Deus.**

23. Et, pro opportunitate, incensat oblata et altare. Postea vero diaconus vel minister incensat sacerdotem et populum.

24. Deinde sacerdos, stans ad latus altaris, lavat manus, dicens secreto:

**Lava me, Dómine, ab iniquitáte mea,  
et a peccáto meo munda me.**

25. Stans postea in medio altaris, versus ad populum, extendens et iungens manus, dicit:

**Oráte, fratres:**

**ut meum ac vestrum sacrificium  
acceptábile fiat apud Deum Patrem omnipoténtem.**

**Populus respondet:**

**Suscípiat Dóminus sacrificium de mánibus tuis  
ad laudem et glóriam nóminis sui,  
ad utilitátem quoque nostram  
totiúsque Ecclésiæ suæ sanctæ.**

**26. Deinde, manibus extensis, sacerdos dicit orationem super  
oblata; qua finita, populus acclamat: Amen.**

## PREX EUCHARISTICA

27. Tunc sacerdos incipit Precem eucharisticam.

Manus extendens, dicit:

**Dóminus vobíscum.**

Populus respondet:

**Et cum spírítu tuo.**

Sacerdos, manus elevans, proseguitur:

**Sursum corda.**

Populus:

**Habémus ad Dóminum.**

Sacerdos, manibus extensis, subdit:

**Grátias agámus Dómino Deo nostro.**

Populus:

**Dignum et iustum est.**

Sacerdos proseguitur præfationem manibus extensis.

In fine autem præfationis iungit manus et, una cum populo, ipsam præfationem concludit, cantans vel clara voce dicens:

**Sanctus, Sanctus, Sanctus Dóminus Deus Sábaoth.**

**Pleni sunt cæli et terra glória tua.**

**Hosánna in excélsis.**

**Benedíctus qui venit in nómine Dómini.**

**Hosánna in excélsis.**

28. In omnibus Missis licet sacerdoti celebranti illas partes Precis eucharisticæ cantare, quæ in Missis concelebratis cantari possunt, prout in fine Missalis notatur.

In Prece eucharistica prima, seu Canone Romano, ea quæ inter parentheses includuntur omitti possunt.

PRÆFATIO I DE QUADRAGESIMA  
De spiritali significatione Quadragesimæ

35. Sequens præfatio dicitur tempore Quadragesimæ, præsertim vero in dominicis, quando non est dicenda alia præfatio magis propria.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
nos tibi semper et ubique grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.

Quia fidélibus tuis dignánte concédis  
quotánnis paschália sacraméta  
in gáudio purificátis méntibus exspectáre:  
ut, pietátis offícia et ópera caritátis  
propénsius exsequénte,  
frequentatióne mysteriórum, quibus renáti sunt,  
ad grátiae filiórum plenitúdinem perducántur.

Et ídeo cum Angelis et Archángelis,  
cum Thronis et Dominatió nibus,  
cumque omni milítia cæléstis exércitus,  
hymnum glóriæ tuæ cánimus, sine fine dicénte:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

## PRÆFATIO II DE QUADRAGESIMA

## De spiritali pænitentia

36. Sequens præfatio dicitur tempore Quadragesimæ, præsertim vero in dominicis, quando non est dicenda alia præfatio magis propria.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
nos tibi semper et ubique grátias ágere:  
Dómine, sancte Pater, omnípotens ætérne Deus:  
Qui fíliis tuis, ad reparándam méntium puritátem,  
tempus præcípuum salúbriter statuísti,  
quo, mente ab inordinátis afféctibus expédita,  
sic incúmbent transitúris  
ut rebus pótius perpétuis inhærérent.

Et ídeo, cum Sanctis et Angelis univérsis,  
te collaudámus, sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

## PRÆFATIO III DE QUADRAGESIMA

## De fructibus abstinentiæ

37. Sequens præfatio dicitur in Missis de feriis Quadragesimæ et in diebus ieiunii.

Ꝁ. Dóminus vobíscum.

Ꝥ. Et cum spírítu tuo.

Ꝁ. Sursum corda.

Ꝥ. Habémus ad Dóminum.

Ꝁ. Grátias agámus Dómino Deo nostro.

Ꝥ. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:

Dómine, sancte Pater, omnipotens ætérne Deus:

Qui nos per abstinentiam tibi grátias reférre voluísti,  
ut ipsa et nos peccatóres ab insoléntia mitigáret,  
et, egéntium proficiens aliménto,  
imitatóres tuæ benignitátis efficeret.

Et ideo, cum innúmeris Angelis,  
una te magnificámus laudis voce, dicéntes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

**PRÆFATIO IV DE QUADRAGESIMA**  
De fructibus ieiunii

38. Sequens præfatio dicitur in Missis de feriis Quadragesimæ et in diebus ieiunii.

**℣. Dóminus vobíscum.**

**℟. Et cum spírítu tuo.**

**℣. Sursum corda.**

**℟. Habémus ad Dóminum.**

**℣. Grátias agámus Dómino Deo nostro.**

**℟. Dignum et iustum est.**

Vere dignum et iustum est, æquum et salutáre,  
nos tibi semper et ubíque grátias ágere:

Dómine, sancte Pater, omnípotens ætérne Deus:

Qui corporáli ieiúnió vítia cómprimis, mentem élevas,  
virtútem largíris et præmia:

per Christum Dóminum nostrum.

Per quem maiestátem tuam laudant Angeli,  
adórant Dominatiónes, tremunt Potestátes.

Cæli cælórúmque Virtútes, ac beáta Séraphim,  
sócia exsultatióne concélebrant.

Cum quibus et nostras voces ut admítteri iúbeas,  
deprecámur, súpplíci confessióne dicétes:

**Sanctus, Sanctus, Sanctus Dóminus Deus Sábaoth.**

**Pleni sunt cæli et terra glória tua.**

**Hosánna in excélsis.**

**Benedíctus qui venit in nómine Dómini.**

**Hosánna in excélsis.**

## PRÆFATIO I DE PASSIONE DOMINI

## De virtute Crucis

39. Sequens præfatio dicitur infra hebdomadam quintam Quadragesimæ, et in Missis de mysteriis Crucis et Passionis Domini.

Ꝛ. Dóminus vobíscum.

℞. Et cum spírítu tuo.

Ꝛ. Sursum corda.

℞. Habémus ad Dóminum.

Ꝛ. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnipotens ætérne Deus:

Quia per Fílii tui salutíferam passiónem  
totus mundus sensum confiténdæ tuæ maiestátis accépit,  
dum ineffábili crucis poténtia  
iudícium mundi et potéstas émicat Crucifíxi.

Unde et nos, Dómine, cum Angelis et Sanctis univérsis,  
tibi confitémur, in exsultatióne dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.



## PRÆFATIO II DE PASSIONE DOMINI

## De victoria Passionis

40. Sequens præfatio dicitur in feriis II, III et IV Hebdomadæ sanctæ.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.

Cuius salutíferæ passiónis  
et gloriósæ resurrectiónis dies  
appropinquáre noscúntur,  
quibus et de antíqui hostis supérbia triumphátur,  
et nostræ redemptiónis recólitur sacraméntum.

Per quem maiestátem tuam  
adórat exércitus Angelórum,  
ante conspéctum tuum in æternitáte lætántium.  
Cum quibus et nostras voces ut admítte iúbeas,  
deprecámur, sócia exsultatióne dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

## PRÆFATIO PASCHALIS I

## De mysterio paschali

41. Sequens præfatio dicitur tempore paschali.

In Missa Vigiliæ paschalis dicitur: in hac potissimum nocte; a die Paschæ et per totam octavam: in hac potissimum die; alias: in hoc potissimum.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
Te quidem, Dómine, omni témpore confitéri,  
sed in hac potissimum nocte (die)

(sed in hoc potissimum)

gloriosius prædicáre,

cum Pascha nostrum immolátus est Christus.

Ipsé enim verus est Agnus  
qui ábstulit peccáta mundi.

Qui mortem nostram moriéndo destrúxit,  
et vitam resurgéndo reparávit.

Quaprópter, profúsis paschálibus gáudiis,  
totus in orbe terrárum mundus exsúltat.

Sed et supérnæ virtútes atque angélicæ potestátes  
hymnum glóriæ tuæ cóncinunt, sine fine dicéntes:

Sanctus, Sanctus, Sanctus Dóminus Deus Sábaoth ...

Quando adhibetur Canon Romanus, dicuntur Communicántes et Hanc igitur propria, ut infra pp. 661-662.

In Missa Vigiliæ paschalis dicitur: et noctem sacratíssimam celebrántes.

## PRÆFATIO PASCHALIS II

## De vita nova in Christo

42. Sequens præfatio dicitur tempore paschali.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,  
Te quidem, Dómine, omni témpore confitéri,  
sed in hoc potíssimum gloriósius prædicáre,  
cum Pascha nostrum immolátus est Christus.

Per quem in ætérnam vitam filii lucis oriúntur,  
et fidélibus regni cæléstis átria reserántur.

Quia mors nostra est eius morte redémpta,  
et in eius resurrectione vita ómnium resurrexit.

Quaprópter, profúsis paschálibus gáudiis,  
totus in orbe terrárum mundus exsúltat.

Sed et supérnæ virtútes atque angélicæ potestátes  
hymnum glóriæ tuæ cóncinunt, sine fine dicéntes:

Sanctus, Sanctus, Sanctus Dóminus Deus Sábaoth.  
Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

## PRÆFATIO PASCHALIS III

De Christo vivente et semper interpellante pro nobis

43. Sequens præfatio dicitur tempore paschali.

Ꝁ. Dóminus vobíscum.

Ꝥ. Et cum spírítu tuo.

Ꝁ. Sursum corda.

Ꝥ. Habémus ad Dóminum.

Ꝁ. Grátias agámus Dómino Deo nostro.

Ꝥ. Dignum et iustum est.

Vere dignum et iustum est, æquum et salutáre,  
Te quidem, Dómine, omni témpore confitéri,  
sed in hoc potíssimum gloriósius prædicáre,  
cum Pascha nostrum immolátus est Christus.

Qui se pro nobis offerre non désinit,  
nosque apud te perénni advocatióne deféndit;  
qui immolátus iam non móritur,  
sed semper vivit occísus.

Quaprópter, profúsis paschálibus gáudiis,  
totus in orbe terrárum mundus exsúltat.

Sed et supérnæ virtútes atque angélicæ potestátes  
hymnum glóriæ tuæ cóncinunt, sine fine dicétes:

Sanctus, Sanctus, Sanctus Dóminus Deus Sábaoth.  
Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

## PRÆFATIO PASCHALIS IV

De restauratione universi per mysterium paschale

44. Sequens præfatio dicitur tempore paschali.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
Te quidem, Dómine, omni témpore confitéri,  
sed in hoc potíssimum gloriósius prædicáre,  
cum Pascha nostrum immolátus est Christus.

Quia, vetustáte destrúcta,  
renovántur univérsa deiécta,  
et vitæ nobis in Christo reparátur intégritas.

Quaprópter, profúsis paschálibus gáudiis,  
totus in orbe terrárum mundus exsúltat.  
Sed et supérnæ virtútes atque angélicæ potestátes  
hymnum glóriæ tuæ cóncinunt, sine fine dicéntes:

Sanctus, Sanctus, Sanctus Dóminus Deus Sábaoth.  
Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

PRÆFATIO PASCHALIS V  
De Christo sacerdote et victima

45. *Sequens præfatio dicitur tempore paschali.*

*Y.* Dóminus vobíscum.

*R.* Et cum spírítu tuo.

*Y.* Sursum corda.

*R.* Habémus ad Dóminum.

*Y.* Grátias agámus Dómino Deo nostro.

*R.* Dignum et iustum est.

Vere dignum et iustum est, æquum et salutáre,  
Te quidem, Dómine, omni témpore confitéri,  
sed in hoc potíssimum gloriósius prædicáre,  
cum Pascha nostrum immolátus est Christus.

Qui, oblatióne córporis sui,  
antíqua sacrificia in crucis veritáte perfécit,  
et, seípsum tibi pro nostra salute comméndans,  
idem sacérdos, altáre et agnus exhibuit.

Quaprópter, profúsis paschálibus gáudiis,  
totus in orbe terrárum mundus exsúltat.  
Sed et supérnæ virtútes atque angélicæ potestátes  
hymnum glóriæ tuæ cóncinunt, sine fine dicétes:

Sanctus, Sanctus, Sanctus Dóminus Deus Sábaoth.  
Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

## PRÆFATIO I DE ASCENSIONE DOMINI

## De mysterio Ascensionis

46. Sequens præfatio dicitur in die Ascensionis Domini; dici potest diebus post Ascensionem usque ad sabbatum ante Pentecosten, in Missis, quæ præfatione propria carent.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
Quia Dóminus Iesus, Rex glóriæ,  
peccáti triumphátor et mortis,  
mirántibus Angelis, ascéndit (hódie) summa cælórum,  
Mediátor Dei et hóminum,  
Iudex mundi Dominúsque virtútum;  
non ut a nostra humilitáte discéderet,  
sed ut illuc confiderémus, sua membra, nos súbsequi  
quo ipse, caput nostrum principiúmque, præcésit.  
Quaprópter, profúsis paschálibus gáudiis,  
totus in orbe terrárum mundus exsúltat.  
Sed et supérnæ virtútes atque angélicæ potestátes  
hymnum glóriæ tuæ cóncinunt, sine fine dicéntes:  
Sanctus, Sanctus, Sanctus Dóminus Deus Sábaoth ...

In die Ascensionis, quando adhibetur Canon Romanus, dicitur Communicántes proprium, ut infra p. 661.

## PRÆFATIO II DE ASCENSIONE DOMINI

## De mysterio Ascensionis

47. Sequens præfatio dicitur in die Ascensionis Domini; dici potest diebus post Ascensionem usque ad sabbatum ante Pentecosten, in Missis, quæ præfatione propria carent.

Ꝙ. Dóminus vobíscum.

Ꝟ. Et cum spírítu tuo.

Ꝙ. Sursum corda.

Ꝟ. Habémus ad Dóminum.

Ꝙ. Grátias agámus Dómino Deo nostro.

Ꝟ. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.

Qui post resurrectiónem suam  
óm nibus discípulis suis maniféstus appáruit,  
et ipsis cernéntibus est elevátus in cælum,  
ut nos divinitátis suæ tribúeret esse partícipes.

Quaprópter, profúsis paschálibus gáudiis,  
totus in orbe terrárum mundus exsultat.  
Sed et supérnæ virtútes atque angélicæ potestátes  
hymnum glóriæ tuæ cóncinunt, sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

In die Ascensionis, quando adhibetur Canon Romanus, dicitur **Communicátes** proprium, ut infra p. 661.



## PRÆFATIO I DE SS.MA EUCHARISTIA

## De sacrificio et de sacramento Christi

56. Sequens præfatio dicitur in Missa « In Cena Domini » dici potest etiam in Missis votivis de Ss.ma Eucharistia.

℣. Dóminus vobíscum. ℞. Et cum spírítu tuo.

℣. Sursum corda. ℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.

Qui, verus æternúsque Sacérdos,  
formam sacrificii perénnis instítuens,  
hóstiam tibi se primus óbtulit salutárem,  
et nos, in sui memóriam, præcépít offérre.

Cuius carnem pro nobis immolátam  
dum súmimus, roborámur,  
et fusum pro nobis sánguinem dum potámus, ablúimur.

Et ídeo cum Angelis et Archángelis,  
cum Thronis et Domínationibus,  
cumque omni milítia cæléstis exércitus,  
hymnum glóriæ tuæ cánimus,  
sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

Quando adhibetur Canon Romanus, in Missa « In Cena Domini » dicuntur Communicántes, Hanc igitur et Qui pridie propria, pp. 297-298.

## PRÆFATIO II DE SS.MA EUCHARISTIA

## De fructibus sanctissimæ Eucharistiæ

57. Sequens præfatio dicitur in Missis votivis de Ss.ma Eucharistia.

- γ. Dóminus vobíscum.  
 R. Et cum spírítu tuo.  
 γ. Sursum corda.  
 R. Habémus ad Dóminum.  
 γ. Grátias agámus Dómino Deo nostro.  
 R. Dignum et iustum est.

Vere dignum et iustum est, æquum et salutáre,  
 nos tibi semper et ubíque grátias ágere:  
 Dómine, sancte Pater, omnípotens ætérne Deus:  
 per Christum Dóminum nostrum.

Qui cum Apóstolis suis in novíssima cena convéscens,  
 salutíferam crucis memóriam prosecutúrus in sácula,  
 Agnum sine mácula se tibi obtulit,  
 perféctæ laudis munus accéptum.

Quo venerábili mystério fidéles tuos aléndo sanctíficas,  
 ut humánum genus, quod cóntinet unus orbis,  
 una fides illúminet, caritas una coniúngat.

Ad mensam igitur accédimus tam mirábilis sacraménti,  
 ut, grátia tuæ suavitate perfúsi,  
 ad cæléstis formæ imáginem transeámus.

Propter quod cæléstia tibi atque terréstria  
 cánticum novum cóncinunt adorándo,  
 et nos cum omni exércitu Angelórum  
 proclamámus, sine fine dicétes:

Sanctus, Sanctus, Sanctus Dóminus Deus Sábaoth ...

## PRAEFATIO I DE BEATA MARIA VIRGINE

### De maternitate B. Mariæ V.

58. Sequens præfatio dicitur in Missis de B. Maria V., addita suo loco mentione celebrationis diei, prout in singulis Missis indicatur.

**Ꝟ. Dóminus vobíscum.**

**R. Et cum spíritu tuo.**

**Ꝟ. Sursum corda.**

**R. Habémus ad Dóminum.**

**Ꝟ. Grátias agámus Dómino Deo nostro.**

**R. Dignum et iustum est.**

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
Et te in . . . beátæ Mariæ semper Vírginis collaudáre,  
benedícere et prædicáre.

Quæ et Unigénitum tuum  
Sancti Spírítus obumbratióne concépit,  
et, virginitátis glória permanénite,  
lumen ætérnum mundo effúdit,  
Iesum Christum Dóminum nostrum.

Per quem maiestátem tuam laudant Angeli,  
adórant Dominatiónes, tremunt Potestátes.  
Cæli cælórúmque Virtútes, ac beáta Séraphim,  
sócia exsultatióne concélebrant.

Cum quibus et nostras voces ut admítte iúbeas,  
deprecámur, súpplíci confessióne dicéntes:

**Sanctus, Sanctus, Sanctus Dóminus Deus Sábaoth.**

**Pleni sunt cæli et terra glória tua.**

**Hosánna in excélsis.**

**Benedíctus qui venit in nómine Dómini.**

**Hosánna in excélsis.**

**PRÆFATIO II DE BEATA MARIA VIRGINE**  
**Ecclesia, verbis Mariæ, laudes Deo persolvit**

59. Sequens præfatio dicitur in Missis de B. Maria V.

**Ꝁ. Dóminus vobíscum.**

**Ꝥ. Et cum spírítu tuo.**

**Ꝁ. Sursum corda.**

**Ꝥ. Habémus ad Dóminum.**

**Ꝁ. Grátias agámus Dómino Deo nostro.**

**Ꝥ. Dignum et iustum est.**

**Vere dignum et iustum est, æquum et salutáre,  
 in ómnium Sanctórum provéctu te mirábilem confitéri,  
 et potíssimum,**

**beátæ Vírginis Mariæ memóriam recoléntes,  
 cleméntiam tuam ipsíus grato magnificáre præcónio.**

**Vere namque in omnes terræ fines magna fecísti,  
 ac tuam in sæcula prorogásti misericórdiæ largitátem,  
 cum, ancillæ tuæ humilitátem aspiciens,**

**per eam dedísti humanæ salutis auctórem,  
 Fílium tuum, Iesum Christum, Dóminum nostrum.**

**Per quem maiestátem tuam adórat exércitus Angelórum,  
 ante conspéctum tuum in æternitáte lætántium.**

**Cum quibus et nostras voces ut admítte iúbeas,  
 deprecámur, sócia exsultatióne dicéntes:**

**Sanctus, Sanctus, Sanctus Dóminus Deus Sábaoth.**

**Pleni sunt cæli et terra glória tua.**

**Hosánna in excélsis.**

**Benedíctus qui venit in nómine Dómini.**

**Hosánna in excélsis.**

**PRÆFATIO DE ANGELIS**  
De gloria Dei per Angelos

60. Sequens præfatio dicitur in Missis de Ss. Angelis.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:

Et in Archángelis Angelisque tuis  
tua præcónia non tacére,  
quia ad excelléntiam tuam recúrrit et glóriam  
quod angélica creatúra tibi probábilis honorétur:  
et, cum illa sit amplo decóre digníssima,  
tu quam sis imménsus  
et super ómnia præferéndus osténderis,  
per Christum Dóminum nostrum.

Per quem multitúdo Angelórum  
tuam célebrat maiestátem,  
quíbus adorántes in exsultatióne coniúngimur,  
una cum eis laudis voce clamántes:

Sanctus, Sanctus, Sanctus Dóminus Deus Sábaoth.  
Pleni sunt cæli et terra glória tua.  
Hosánna in excélsis.  
Benedíctus qui venit in nómine Dómini.  
Hosánna in excélsis.

**PRÆFATIO DE S. IOSEPH, SPONSO B. M. V.**  
**De missione S. Ioseph**

61. Sequens præfatio dicitur in Missis de S. Ioseph, addita suo loco mentione celebrationis diei, prout in singulis Missis indicatur.

**Ꝁ. Dóminus vobíscum.**

**Ꝥ. Et cum spírítu tuo.**

**Ꝁ. Sursum corda.**

**Ꝥ. Habémus ad Dóminum.**

**Ꝁ. Grátias agámus Dómino Deo nostro.**

**Ꝥ. Dignum et iustum est.**

**Vere dignum et iustum est, æquum et salutáre,  
 nos tibi semper et ubíque grátias ágere:  
 Dómine, sancte Pater, omnípotens ætérne Deus:**

**Et te in . . . beáti Ioseph  
 débítis magnificáre præcóniis, benedicere et prædicáre.  
 Qui et vir iustus, a te Deíparæ Vírgini Sponsus est datus,  
 et fidélis servus ac prudens,  
 super Familiám tuam est constitútus,  
 ut Unigénitum tuum,  
 Sancti Spírítus obumbratióne concéptum,  
 patérna vice custodíret,  
 Iesum Christum Dóminum nostrum.**

**Per quem maiestátem tuam laudant Angeli,  
 adórant Dominatiónes, tremunt Potestátes.  
 Cæli cælórúmque Virtútes, ac beáta Séraphim,  
 sócia exsultatióne concélebrant.  
 Cum quibus et nostras voces ut admítteri iúbeas,  
 deprecámur, súpplíci confessióne dicéntes:**

**Sanctus, Sanctus, Sanctus Dóminus Deus Sábaoth ...**

PRÆFATIO I DE APOSTOLIS  
De Apostolis pastoribus populi Dei

62. Sequens præfatio dicitur in Missis Apostolorum, præsertim sanctorum Petri et Pauli.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
Qui gregem tuum, Pastor ætérne, non déseris,  
sed per beátos Apóstolos continúa protectióne custódis,  
ut íisdem rectóribus gubernétur,  
quos Fílii tui vicários eidem contulísti præesse pastóres.  
Et ideo cum Angelis et Archángelis,  
cum Thronis et Dominatió nibus,  
cumque omni milítia cæléstis exércitus,  
hymnum glóriæ tuæ cánimus,  
sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

**PRÆFATIO II DE APOSTOLIS**  
**De apostolico fundamento et testimonio**

63. Sequens præfatio dicitur in Missis Apostolorum et Evangelistarum.

- ℣. Dóminus vobíscum.  
 ℞. Et cum spírítu tuo.  
 ℣. Sursum corda.  
 ℞. Habémus ad Dóminum.  
 ℣. Grátias agámus Dómino Deo nostro.  
 ℞. Dignum et iustum est.

Vere dignum et iustum est, æquum et salutáre,  
 nos tibi semper et ubíque grátias ágere:  
 Dómine, sancte Pater, omnípotens ætérne Deus:  
 per Christum Dóminum nostrum.

Quóniam Ecclésiám tuam  
 in apostólicis tribuísti consistere fundaméntis,  
 ut signum sanctitátis tuæ  
 in terris manéret ipsa perpétuum,  
 et cæléstia præbéret cunctis homínibus documénta.

Quaprópter nunc et usque in sáculum  
 cum omni milítia Angelórum  
 devóta tibi mente concínimus,  
 clamántes atque dicéntes:

Sanctus, Sanctus, Sanctus Dóminus Deus Sábaoth.  
 Pleni sunt cæli et terra glória tua.  
 Hosánna in excélsis.  
 Benedíctus qui venit in nómine Dómini.  
 Hosánna in excélsis.



## PRÆFATIO I DE SANCTIS

## De gloria Sanctorum

64. Sequens præfatio dicitur in Missis « de Omnibus Sanctis », de Sanctis Patronis et Titularibus ecclesiæ, et in sollempnitatibus et festis Sanctorum, nisi præfatio magis propria sit dicenda. Dici potest in memoriis Sanctorum.

ꝛ. Dóminus vobíscum.

Ꝟ. Et cum spírítu tuo.

ꝛ. Sursum corda.

Ꝟ. Habémus ad Dóminum.

ꝛ. Grátias agámus Dómino Deo nostro.

Ꝟ. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnipotens ætérne Deus:

Qui in Sanctórum concílio celebráris,  
et, eórum coronándo mérita, tua dona coronás.  
Qui nobis eórum conversatióne largiris exémplum,  
et communióne consórtium, et intercessióne subsidiúm;  
ut, tantis téstibus confirmáti,  
ad propósitum certámen currámus invícti  
et immarcescibilem cum eis coronám glóriæ consequámur,  
per Christum Dóminum nostrum.

Et ídeo cum Angelis et Archángelis,  
cumque múltiplici congregatióne Sanctórum,  
hymnum laudis tibi cánimus, sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

## PRÆFATIO II DE SANCTIS

### De actione Sanctorum

65. Sequens præfatio dicitur in Missis « de Omnibus Sanctis », de Sanctis Patronis et Titularibus ecclesiæ, et in sollemnitatibus et festis Sanctorum, nisi præfatio magis propria sit dicenda. Dicitur potest in memoriis Sanctorum.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.

Tu enim Sanctórum tuórum confessióne mirábili  
Ecclésiám tuam nova semper virtúte fecúndas,  
nobisque certíssima præbes tuæ dilectiónis indícia.  
Sed étiam, ad mystéria salutis implénda,  
et ipsórum insígni incitámur exémplo  
et pia intercessióne perpétuo commendámur.

Unde et nos, Dómine, cum Angelis et Sanctis univérsis  
tibi confitémur, in exsultatióne dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

## PRÆFATIO DE SANCTIS MARTYRIBUS

## De signo et exemplo martyrii

66. Sequens præfatio dicitur in sollemnitatibus et festis Ss. Martyrum. Dici potest in memoriis ipsorum.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
 nos tibi semper et ubíque grátias ágere:  
 Dómine, sancte Pater, omnipotens ætérne Deus:  
 Quóniam beáti mártiris **N.** pro confessióne nóminis tui,  
 ad imitatióem Christi,  
 sanguis effúsus tua mirabilia maniféstat,  
 quibus pérficis in fragilitáte virtútem,  
 et vires infírmas ad testimónium róboras,  
 per Christum Dóminum nostrum.  
 Et ídeo, cum cælórum Virtútibus,  
 in terris te iúgiter celebrámus,  
 maiestáti tuæ sine fine clamánte:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

**PRÆFATIO DE SANCTIS PASTORIBUS**  
**De præsentia sanctorum Pastorum in Ecclesia**

67. Sequens præfatio dicitur in sollemnitatibus et festis  
 Ss. Pastorum. Dicitur potest in memoriis ipsorum.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
 nos tibi semper et ubíque grátias ágere:  
 Dómine, sancte Pater, omnípotens ætérne Deus:  
 per Christum Dóminum nostrum.

Quia sic tríbuis Ecclésiám tuam  
 sancti **N.** festivitáte gaudére,  
 ut eam exémplo piæ conversatiónis corróbores,  
 verbo prædicatiónis erúdias,  
 gratáque tibi supplicatióne tueáris.

Et ideo, cum Angelórum atque Sanctórum turba,  
 hymnum laudis tibi cánimus, sine fine dicéntes:  
 Sanctus, Sanctus, Sanctus Dóminus Deus Sábaoth.  
 Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

## PRÆFATIO DE SANCTIS VIRGINIBUS ET RELIGIOSIS

De signo vitæ Deo consecratæ

68. Sequens præfatio dicitur in sollemnitatibus et festis Ss. Virginum et Ss. Religiosorum. Dici potest in memoriis ipsorum.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
In Sanctis enim, qui Christo se dedicavérunt  
propter regnum cælórum,  
tuam decet providéntiam celebráre mirábilem,  
qua humánam substántiam  
et ad primæ originis révocas sanctitátem,  
et ad experiénda dona,  
quæ in novo sæculo sunt habénda, perdúcis.  
Et ideo, cum Sanctis et Angelis univérsis,  
te collaudámus, sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

## PRÆFATIO I DE DEFUNCTIS

## De spe resurrectionis in Christo

75. Sequens præfatio dicitur in Missis defunctorum.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.

In quo nobis spes beátæ resurrectiόνis effúlsit,  
ut, quos contrístat certa moriéndi condíció,  
eósdem consolétur futúrx immortalitátis promissio.  
Tuis enim fidélibus, Dómine, vita mutátur, non tóllitur,  
et, dissolúta terréstris huius incolátus domo,  
ætérna in cælis habitátio comparátur.

Et ídeo cum Angelis et Archángelis,  
cum Thronis et Dominatió nibus,  
cumque omni milítia cæléstis exércitus,  
hymnum glóriæ tuæ cánimus,  
sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

**PRÆFATIO II DE DEFUNCTIS**  
Christus mortuus est pro vita nostra

76. Sequens præfatio dicitur in Missis defunctorum.

℣. **Dóminus vobíscum.**

℞. **Et cum spírítu tuo.**

℣. **Sursum corda.**

℞. **Habémus ad Dóminum.**

℣. **Grátias agámus Dómino Deo nostro.**

℞. **Dignum et iustum est.**

**Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.**

**Ipse enim mortem unus accépit,  
ne omnes nos morerémur;  
immo unus mori dignátus est,  
ut omnes tibi perpétuo viverémus.**

**Et ídeo, choris angélicis sociáti,  
te laudámus in gáudio confiténtes:**

**Sanctus, Sanctus, Sanctus Dóminus Deus Sábaoth.**

**Pleni sunt cæli et terra glória tua.**

**Hosánna in excélsis.**

**Benedíctus qui venit in nómine Dómini.**

**Hosánna in excélsis.**

## PRÆFATIO III DE DEFUNCTIS

Christus, salus et vita

77. Sequens præfatio dicitur in Missis defunctorum.

γ. Dóminus vobíscum.

Ϡ. Et cum spírítu tuo.

γ. Sursum corda.

Ϡ. Habémus ad Dóminum.

γ. Grátias agámus Dómino Deo nostro.

Ϡ. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:

Dómine, sancte Pater, omnipotens ætérne Deus:  
per Christum Dóminum nostrum:

Qui est salus mundi, vita hóminum,  
resurréctio mortuórum.

Per quem maiestátem tuam adórat exércitus Angelórum,  
ante conspéctum tuum in æternitáte lætántium.

Cum quíbus et nostras voces ut admítte iúbeas,  
deprecámur, sócia exsultatióne dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.



**PRÆFATIO IV DE DEFUNCTIS**  
De vita terrena ad gloriam cælestem

78. Sequens præfatio dicitur in Missis defunctorum.

ꝯ. Dóminus vobíscum.

ꝱ. Et cum spírítu tuo.

ꝯ. Sursum corda.

ꝱ. Habémus ad Dóminum.

ꝯ. Grátias agámus Dómino Deo nostro.

ꝱ. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:

Dómine, sancte Pater, omnípotens ætérne Deus:

Cuius império nascimur, cuius arbítrio régimur,  
cuius præcépto in terra, de qua sumpti sumus,  
peccáti lege absólvimur.

Et, qui per mortem Fílii tui redémpti sumus,  
ad ipsíus resurrectiónis glóriam  
tuo nutu excitámur.

Et ideo, cum Angelórum atque Sanctórum turba,  
hymnum laudis tibi cánimus, sine fine dicétes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

**PRÆFATIO V DE DEFUNCTIS**

**De resurrectione nostra per victoriam Christi**

79. *Sequens præfatio dicitur in Missis defunctorum.*

**℣.** Dóminus vobíscum.

**℞.** Et cum spírítu tuo.

**℣.** Sursum corda.

**℞.** Habémus ad Dóminum.

**℣.** Grátias agámus Dómino Deo nostro.

**℞.** Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnipotens ætérne Deus:

Quia, etsi nostri est mériti quod perímus,  
tuæ tamen est pietátis et grátiae  
quod, pro peccáto morte consúmpti,  
per Christi victóriam redémpti,  
cum ipso revocámur ad vitam.

Et ídeo, cum cælórum Virtútibus,  
in terris te iúgiter celebrámus,  
maiestáti tuæ sine fine clamántes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

*Aliæ formulæ breviores introductionis et conclusionis pro præfationibus, quæ ad libitum adhiberi possunt, præsertim a Conferentiis Episcopalibus in apparandis popularibus interpretationibus, inveniuntur in Appendice (pp. 701-703).*

# **PRECES EUCHARISTICÆ**

## PREX EUCHARISTICA I SEU CANON ROMANUS

### 80. Sacerdos, manibus extensis, dicit:

Te igitur, clementissime Pater,  
per Iesum Christum, Filium tuum,  
Dóminum nostrum,  
súpplīces rogámus ac pétimus,  
iungit manus et dicit:

uti accépta hábeas

signat semel super panem et calicem simul, dicens:

et benedícas ✠ hęc dona, hęc múnera,

hęc sancta sacrificia illibáta,

extensis manibus prosequitur:

in primis, quæ tibi offérimus

pro Ecclésia tua sancta cathólica:

quam pacificáre, custodíre, adunáre

et régere dignéris toto orbe terrárum:

una cum fámulo tuo Papa nostro N.

et Antístite nostro N. \*

et ómnibus orthodóxis

atque cathólicæ et apostólicæ fidei cultóribus.

### 81. Commemoratio pro vivis.

Meménto, Dómine, famulórum  
familiarúmque tuárum N. et N.

Iungit manus et orat aliquantulum pro quibus orare intendit.

Deinde, manibus extensis, prosequitur:

---

\* Hic fieri potest mentio de Episcopis Coadiutoribus vel Auxiliariis, ut in « Institutione generali Missalis Romani », n. 109, notatur.

et ómnium circumstántium,  
 quorum tibi fides cógnita est et nota devótio,  
 pro quibus tibi offérimus:  
 vel qui tibi ófferunt hoc sacrificium laudis,  
 pro se suisque ómnibus:  
 pro redemptione animárum suárum,  
 pro spe salutis et incolumitátis suæ:  
 tibi que reddunt vota sua  
 ætérno Deo, vivo et vero.

## 82. Infra Actionem.

Communicántes,  
 et memóriam venerántes,  
 in primis gloriósæ semper Vírginis Mariæ,  
 Genetrícis Dei et Dómini nostri Iesu Christi:  
 † sed et beáti Ioseph, eiúsdem Vírginis Sponsi,  
 et beatorum Apostolorum ac Mártýrum tuórum,  
 Petri et Pauli, Andréæ,  
 (Iacóbi, Ioánnis,  
 Thomæ, Iacóbi, Philíppi,  
 Bartholomæi, Matthæi,  
 Simónis et Thaddæi:  
 Lini, Cleti, Cleméntis, Xysti,  
 Cornélii, Cypriáni,  
 Lauréntii, Chrysógoni,  
 Ioánnis et Pauli, Cosmæ et Damiáni)  
 et ómnium Sanctórum tuórum;  
 quorum méritis precibusque concédas,  
 ut in ómnibus protectionis tuæ muniámur auxilio.  
 (Per Christum Dóminum nostrum. Amen.)

## COMMUNICANTES PROPRIA

### A Missa Vigiliæ paschalis usque ad dominicam II Paschæ

85. Communicantes,  
et (noctem sacratissimam)  
diem sacratissimum celebrantes  
Resurrectiõnis Dõmini nostri Iesu Christi  
secũdum carnem:  
sed et memoriã venerantes,  
in primis gloriõsæ semper Virgini Mariæ,  
Genetrícis eiũsdem Dei et Dõmini nostri Iesu Christi: †

### In Ascensione Domini

86. Communicantes,  
et diem sacratissimum celebrantes,  
quo Dõminus noster,  
unigénitus Fílius tuus,  
unítam sibi fragilitátis nostræ substãntiam  
in glóriæ tuæ dẽxtera collocávit:  
sed et memoriã venerantes,  
in primis gloriõsæ semper Virgini Mariæ,  
Genetrícis eiũsdem Dei et Dõmini nostri Iesu Christi: †

### In dominica Pentecostes

87. Communicantes,  
et diem sacratissimum Pentecõstes celebrantes,  
quo Spíritus Sanctus  
Apóstolis in ígneis linguis apparuit:  
sed et memoriã venerantes,  
in primis gloriõsæ semper Virgini Mariæ,  
Genetrícis Dei et Dõmini nostri Iesu Christi: †

---

88. Manibus extensis, prosequitur:

**Hanc igitur oblationem servitutis nostræ,  
sed et cunctæ familiæ tuæ,  
quæsumus, Dómine, ut placátus accípias:  
diésque nostros in tua pace dispónas,  
atque ab ætérna damnatióne nos éripi  
et in electórum tuórum iúbeas grege numerári.**

Iungit manus.

(Per Christum Dóminum nostrum. Amen.)

---

**A Missa Vigiliæ paschalis  
usque ad dominicam II Paschæ**

89. Hanc igitur oblationem servitutis nostræ,  
sed et cunctæ familiæ tuæ,  
quam tibi offérimus pro his quoque,  
quos regeneráre dignátus es ex aqua et Spíritu Sancto,  
tribuens eis remissionem ómnium peccatórum,  
quæsumus, Dómine, ut placátus accípias:  
diésque nostros in tua pace dispónas,  
atque ab ætérna damnatióne nos éripi  
et in electórum tuórum iúbeas grege numerári.

Iungit manus.

(Per Christum Dóminum nostrum. Amen.)

---

90. Tenens manus expansas super oblata, dicit:

**Quam oblationem tu, Deus, in ómnibus, quæsumus,  
benedíctam, adscríptam, ratam,  
rationábilem, acceptabilémque fácere dignéris:**

ut nobis Corpus et Sanguis fiat dilectíssimi Filii tui,  
Dómini nostri Iesu Christi.

Iungit manus.

91. In formulis quæ sequuntur, verba Domini proferantur  
distincte et aperte, prouti natura eorundem verborum requirit.

Qui, pridie quam paterétur,

accipit panem,

eumque parum elevatum super altare tenens,

prosequitur:

accépit panem in sanctas ac venerábiles manus suas,

elevat oculos,

et elevátis óculis in cælum

ad te Deum Patrem suum omnipoténtem,

tibi grátias agens benedíxit, fregit,

dedítque discíplulis suis, dicens:

parum se inclinát

Accípite et manducáte ex hoc omnes:

hoc est enim Corpus meum,

quod pro vobis tradétur.

Hostiam consecratam ostendit populo, reponit super pa-  
tenam, et genuflexus adorat.

92. Postea prosequitur:

Símili modo, postquam cenátum est,

accipit calicem,

eumque parum elevatum super altare tenens,

prosequitur:

accípiens et hunc præclárum cálicem

in sanctas ac venerábiles manus suas,

item tibi grátias agens benedíxit,



**dedítque discíplis suis, dicens:  
parum se inclinát**

**Accípíte et bíbite ex eo omnes:  
hic est enim calix Sánguini mei  
novi et ætéрни testaménti,  
qui pro vobis et pro multis effundétur  
in remissionem peccatórum.**

**Hoc fácite in meam commemoratióem.**

Calicem ostendit populo, deponit super corporale, et genuflexus adorat.

93. Deinde dicit:

**Mystérium fidei.**

Et populus prosequitur, acclamans:

**Mortem tuam annuntiámus, Dómine,  
et tuam resurrectionem confitémur, donec vénias.**

Vel:

**Quotiescúmque manducámus panem hunc  
et cálicem bíbimus,  
mortem tuam annuntiámus, Dómine,  
donec vénias.**

Vel:

**Salvátor mundi, salva nos,  
qui per crucem et resurrectionem tuam  
liberásti nos.**

94. Postea, extensis manibus, sacerdos dicit:

**Unde et mémoires, Dómine,  
nos servi tui,**

**sed et plebs tua sancta,  
 eiúsdem Christi, Filii tui, Dómini nostri,  
 tam beátæ passiónis,  
 necnon et ab íferis resurrectiónis,  
 sed et in cælos gloriósæ ascensiónis:  
 offérimus præcláræ maiestáti tuæ  
 de tuis donis ac datis  
 hóstiám puram,  
 hóstiám sanctam,  
 hóstiám immaculátam,  
 Panem sanctum vitæ æternæ  
 et Cálícem salútis perpétuæ.**

**95. Supra quæ propítio ac seréno vultu  
 respícere dignéris:  
 et accépta habére,  
 sicuti accépta habére dignátus es  
 múnera púeri tui iusti Abel,  
 et sacrificium Patriárchæ nostri Abrahæ,  
 et quod tibi óbtulit  
 summus sacérdos tuus Melchisedech,  
 sanctum sacrificium,  
 immaculátam hóstiám.**

96. Inclínatus, iunctis manibus, prosequitur:

**Súpplices te rogámus, omnípotens Deus:  
 iube hæc perférri per manus sancti Angeli tui  
 in sublíme altáre tuum,  
 in conspéctu divínæ maiestátis tuæ;  
 ut, quotquot ex hac altáris participatióne  
 sacrosánctum Filii tui Corpus et Sánguinem  
 sumpsérimus,**

**erigit se atque seipsum signat, dicens:**  
**omni benedictione cælesti et grátia repleámur.**

**Iungit manus.**

**(Per Christum Dóminum nostrum. Amen.)**

**97. Commemoratio pro defunctis.**

**Manibus extensis, dicit:**

**Meménto étiam, Dómine, famulórum  
 famularúmque tuárum N. et N.,  
 qui nos præcessérunt cum signo fidei,  
 et dórmiunt in somno pacis.**

**Iungit manus et orat aliquantulum pro iis defunctis, pro  
 quibus orare intendit.**

**Deinde, extensis manibus, prosequitur:**

**Ipsis, Dómine,  
 et ómnibus in Christo quiescéntibus,  
 locum refrigerii, lucis et pacis,  
 ut indúlgeas, deprecámur.**

**Iungit manus.**

**(Per Christum Dóminum nostrum. Amen.)**

**98. Manu dextera percutit sibi pectus, dicens:**

**Nobis quoque peccatóribus fámulis tuis,  
 et extensis manibus prosequitur:  
 de multitudíne miseratiónum tuárum sperántibus,  
 partem áliquam et societátem donáre dignéris  
 cum tuis sanctis Apóstolis et Martýribus:  
 cum Ioánne, Stéphano,  
 Matthía, Bárnaba,  
 (Ignátio, Alexándro,**

Marcellíno, Petro,  
Felicítate, Perpétua,  
Agatha, Lúcia,  
Agnéte, Cæcília, Anastásia )  
et ómnibus Sanctis tuis:  
intra quorum nos consórtium,  
non æstimátor mériti, sed véniaë,  
quæsumus, largítor admítte.

**Iungit manus.**

**Per Christum Dóminum nostrum.**

99. **Et prosequitur:**

Per quem hæc ómnia, Dómine,  
semper bona creas, sanctíficas, vivíficas, benedícis,  
et præstas nobis.

100. **Accipit patenam cum hostia et calicem, et, utrumque elevans, dicit:**

Per ipsum, et cum ipso, et in ipso,  
est tibi Deo Patri omnipoténti,  
in unitáte Spíritus Sancti,  
omnis honor et glória  
per ómnia sæcula sæculórum.

**Populus acclamat: Amen.**

Deinde sequitur ritus communionis, p. 684.

## PREX EUCHARISTICA II

101. **ꝛ. Dóminus vobíscum.**

**Ꝟ. Et cum spírítu tuo.**

**ꝛ. Sursum corda.**

**Ꝟ. Habémus ad Dóminum.**

**ꝛ. Grátias agámus Dómino Deo nostro.**

**Ꝟ. Dignum et iustum est.**

**Vere dignum et iustum est, æquum et salutáre,  
nos tibi, sancte Pater,  
semper et ubíque grátias ágere  
per Fílium dilectiónis tuæ Iesum Christum,  
Verbum tuum per quod cuncta fecísti:  
quem misísti nobis Salvatórem et Redemptórem,  
incarnátum de Spírítu Sancto et ex Vírgine natum.  
Qui voluntátem tuam adímplens  
et pópulum tibi sanctum acquírens  
exténdit manus cum paterétur,  
ut mortem sólveret  
et resurrectionem manifestáret.  
Et ideo cum Angelis et ómnibus Sanctis  
glóriam tuam prædicámus, una voce dicétes:  
Sanctus, Sanctus, Sanctus Dóminus Deus Sábaoth.  
Pleni sunt cæli et terra glória tua.  
Hosánna in excélsis.  
Benedíctus qui venit in nómine Dómini.  
Hosánna in excélsis.**

102. Sacerdos, manibus extensis, dicit:

Vere Sanctus es, Dómine, fons omnis sanctitátis.

103. *Iungit manus, easque expansas super oblata tenens, dicit:*

**Hæc ergo dona, quæsumus,  
Spíritus tui rore sanctífica,**

*iungit manus*

*et signat semel super panem et calicem simul, dicens:  
ut nobis Corpus et ✠ Sanguis fiant  
Dómini nostri Iesu Christi.*

*Iungit manus.*

104. In formulis quæ sequuntur, verba Domini proferantur distincte et aperte, prouti natura eorundem verborum requirit.

**Qui cum Passióni voluntárie traderétur,  
accipit panem,**

*eumque parum elevatum super altare tenens,  
prosequitur:*

**accépit panem et grátias agens fregit,  
dedítque discíplis suis, dicens:**

*parum se inclinát*

**Accípíte et manducáte ex hoc omnes:**

**hoc est enim Corpus meum,  
quod pro vobis tradétur.**

*Hostiam consecratam ostendit populo, reponit super patenam, et genuflexus adorat.*

105. *Postea prosequitur:*

**Símili modo, postquam cenátum est,  
accipit calicem,**

*eumque parum elevatum super altare tenens,  
prosequitur:*

**accípiens et cálicem,  
íterum grátias agens dedit discíplis suis, dicens:  
parum se inclinat**

**Accípíte et bíbite ex eo omnes:**

**hic est enim calix Sánguini mei  
novi et ætéрни testaméнти,  
qui pro vobis et pro multis effundétur  
in remissiónem peccatórum.**

**Hoc fácite in meam commemoratiónem.**

*Calicem ostendit populo, deponit super corporale, et genuflexus adorat.*

106. Deinde dicit:

**Mystérium fidei:**

*Et populus prosequitur, acclamans:*

**Mortem tuam annuntiámus, Dómine,  
et tuam resurrectiόnem confitémur,  
donec vénias.**

*Vel:*

**Quotiescúmque manducámus panem hunc  
et cálicem bíbimus,  
mortem tuam annuntiámus, Dómine,  
donec vénias.**

*Vel:*

**Salvátor mundi, salva nos,  
qui per crucem et resurrectiόnem tuam  
liberásti nos.**

107. Deinde sacerdos, extensis manibus, dicit:

Mémoires igitur mortis et resurrectionis eius,  
tibi, Dómine, panem vitæ  
et cálicem salutis offerimus,  
grátias ágentes quia nos dignos habuísti  
astáre coram te et tibi ministráre.

Et súpplícés deprecámur  
ut Córporis et Sánguínis Christi partícipes  
a Spírítu Sancto congregémur in unum.

Recordáre, Dómine,  
Ecclésiæ tuæ toto orbe diffúsæ,  
ut eam in caritaté perficias  
una cum Papa nostro **N.**  
et Epíscopo nostro **N.** \*  
et unívérso clero.

**In Missis pro defunctis addi potest:**

Meménto fámuli tui (fámulæ tuæ) **N.**,  
quem (quam) (hódie)  
ad te ex hoc mundo vocásti.  
Concéde, ut, qui (quæ) complantátus  
(complantáta) fuit similitúdini mortis Fílii tui,  
simul fiat et resurrectionis ipsíus.

Meménto étiam fratrum nostrórum,  
qui in spe resurrectionis dormiérunt,  
omniúmque in tua miseratióne defunctórum,  
et eos in lumen vultus tui admítte.

\* Hic fieri potest mentio de Episcopis Coadiutoribus vel Auxiliariis, ut in « Institutione generali Missalis Romani », n. 109, notatur.



**Omnium nostrum, quæsumus, miserere,  
ut cum beata Dei Genetrice Virgine Maria,  
beatis Apóstolis et ómnibus Sanctis,  
qui tibi a sæculo placuerunt,  
æternæ vitæ mereámur esse consórtes,  
et te laudémus et glorificémus  
iungit manus  
per Filium tuum Iesum Christum.**

108. Accipit patenam cum hostia et calicem, et utrumque elevans, dicit:

**Per ipsum, et cum ipso, et in ipso,  
est tibi Deo Patri omnipoténti,  
in unitate Spíritus Sancti,  
omnis honor et glória  
per ómnia sæcula sæculórum.  
Populus acclamat: Amen.**

Deinde sequitur ritus communionis, p. 684.

## PREX EUCHARISTICA III

109. *Sacerdos, manibus extensis, dicit:*

Vere Sanctus es, Dómine,  
et mérito te laudat omnis a te cóndita creatúra,  
quia per Fílium tuum,  
Dóminum nostrum Iesum Christum,  
Spíritus Sancti operánte virtúte,  
vivíficas et sanctíficas univérsa,  
et pópulum tibi congregáre non désinis,  
ut a solis ortu usque ad occásum  
oblátio munda offerátur nómini tuo.

110. *Iungit manus, easque expansas super oblata tenens, dicit:*

Súpplīces ergo te, Dómine, deprecámur,  
ut hæc múnera, quæ tibi sacránda detúlimus,  
eódem Spíritu sanctificáre dignéris,  
*iungit manus*  
*et signat semel super panem et calicem simul, dicens:*  
ut Corpus et ✠ Sanguis fiant  
Fílii tui, Dómini nostri Iesu Christi,  
*iungit manus*  
cuius mandáto hæc mystéria celebrámus.

111. *In formulis quæ sequuntur, verba Domini proferantur distincte et aperte, prouti natura eorundem verborum requirit:*

*Ipsē enim in qua nocte tradébátur*  
*accipit panem*  
*eumque parum elevatum super altare tenens,*  
*prosequitur:*

**accépit panem  
et tibi grátias agens benedíxit,  
fregit, dedítque discíplis suis, dicens:  
parum se inclinát**

**Accípíte et manducáte ex hoc omnes:  
hoc est enim Corpus meum,  
quod pro vobis tradétur.**

Hostiam consecratam ostendit populo, deponit super patenam, et genuflexus adorat.

112. Postea prosequitur:

**Símili modo, postquam cenátum est,  
accipit calicem,  
eumque parum elevatum super altare tenens,  
prosequitur:  
accípiens cálicem,  
et tibi grátias agens benedíxit,  
dedítque discíplis suis, dicens:  
parum se inclinát**

**Accípíte et bíbite ex eo omnes:  
hic est enim calix Sánguinis mei  
novi et ætéрни testaménti,  
qui pro vobis et pro multis effundétur  
in remissionem peccatórum.  
Hoc fácite in meam commemoratiónem.**

Calicem ostendit populo, deponit super corporale, et genuflexus adorat.

113. Deinde dicit:

**Mystérium fidei:**

Et populus prosequitur, acclamans:

**Mortem tuam annuntiámus, Dómine,  
et tuam resurrectionem confitémur,  
donec vénias.**

Vel:

**Quotiescúmque manducámus panem hunc  
et cálicem bíbimus,  
mortem tuam annuntiámus, Dómine,  
donec vénias.**

Vel:

**Salvátor mundi, salva nos,  
qui per crucem et resurrectionem tuam  
liberásti nos.**

114. Deinde sacerdos, extensis manibus, dicit:

**Mémores igitur, Dómine,  
eiusdem Fílii tui salutíferæ passiónis  
necnon mirábilis resurrectionis  
et ascensionis in cælum,  
sed et præstolántes álterum eius advéntum,  
offérimus tibi, grátias referéntes,  
hoc sacrificium vivum et sanctum.**

**Réspice, quæsumus, in oblationem Ecclesiæ tuæ  
et, agnóscens Hóstiam,  
cuius voluísti immolatione placári, concéde,  
ut qui Córporis et Sánguine Fílii tui refícimur,  
Spíritu eius Sancto repléti,  
unum corpus et unus spíritus inveniámur in Christo.**

**Ipse nos tibi perficiat munus ætérnum,  
ut cum eléctis tuis hereditátem cónsequi valeámus,**

in primis cum beatíssima Vírgine,  
 Dei Genetríce, María,  
 cum beáteis Apóstolis tuis et gloriósis Martýribus  
 (cum Sancto N.: Sancto diei vel patrono)  
 et ómnibus Sanctis, quorum intercessióne  
 perpétuo apud te confídimus adiuvári.

Hæc Hóstia nostræ reconciliatiónis proficiat,  
 quæsumus, Dómine,

ad totius mundi pacem atque salútem.

Ecclésiám tuam, peregrinántem in terra,

in fide et caritaté firmáre dignéris

cum fámulo tuo Papa nostro N.

et Episcopó nostro N. \*,

cum episcopáli órđine et univérso clero

et omni pópulo acquisitionis tuæ.

Votis huius famíliæ, quam tibi astáre voluísti,  
 adésto propítius.

Omnes filios tuos ubíque dispérsos

tibi, clemens Pater, miserátus coniúnge.

† Fratres nostros defúntos

et omnes qui, tibi placéntes,

ex hoc século transiérunt,

in regnum tuum benígnus admítte,

ubi fore sperámus,

ut simul glória tua perénniter satiémur,

íungit manus

per Christum Dóminum nostrum,

per quem mundo bona cuncta largíris. †

---

\* Hic fieri potest mentio de Episcopis Coadiutoribus vel Auxiliariis, ut in « Institutione generali Missalis Romani », n. 109, notatur.

115. Accipit patenam cum hostia et calicem, et, utrumque elevans, dicit:

**Per ipsum, et cum ipso, et in ipso,  
est tibi Deo Patri omnipoténti,  
in unitáte Spíritus Sancti,  
omnis honor et glória  
per ómnia sáecula sáeculórum.**

**Populus acclamat: Amen.**

Deinde sequitur ritus communionis, p. 684.

116. Quando hæc prex eucharistica in Missis pro defunctis adhibetur, dici potest:

† **Meménto fámuli tui (fámulæ tuæ) N.,  
quem (quam) (hódie) ad te ex hoc mundo vocásti.  
Concéde, ut, qui (quæ) complantátus  
(complantáta) fuit similitúdini mortis Filii tui,  
simul fiat et resurrectionis ipsíus,  
quando mórtuos suscitábit in carne de terra  
et corpus humilitátis nostræ  
configurábit córpori claritátis suæ.  
Sed et fratres nostros defúntos,  
et omnes qui, tibi placétes,  
ex hoc sáeculo transiérunt,  
in regnum tuum benígnus admítte, ubi fore sperámus,  
ut simul glória tua perénniter satiémur,  
quando omnem lácrimam abstérgeres ab óculis nostris,  
quia te, sícuti es, Deum nostrum vidétes,  
tibi símiles érimus cuncta per sáecula,  
et te sine fine laudábimus,  
iungit manus  
per Christum Dóminum nostrum,  
per quem mundo bona cuncta largíris. †**

## PREX EUCHARISTICA IV

117. **ꝛ. Dóminus vobíscum.**  
**ꝥ. Et cum spírítu tuo.**
- ꝛ. Sursum corda.**  
**ꝥ. Habémus ad Dóminum.**
- ꝛ. Grátias agámus Dómino Deo nostro.**  
**ꝥ. Dignum et iustum est.**

Vere dignum est tibi grátias ágere,  
vere iustum est te glorificáre, Pater sancte,  
quia unus es Deus vivus et verus,  
qui es ante sáecula et pérmanes in ætérnum,  
inaccessíblem lucem inhábítans;  
sed et qui unus bonus atque fons vitæ cuncta fecísti,  
ut creatúras tuas benedictiónibus adimpléres  
multásque lætificáres tui lúminis claritáte.  
Et ídeo coram te innúmeræ astant turbæ angelórum,  
qui die ac nocte sérvíunt tibi  
et, vultus tui glóriam contemplántes,  
te incessánter glorífícant.  
Cum quibus et nos et, per nostram vocem,  
omnis quæ sub cælo est creatúra  
nomen tuum in exsultatióne confitémur, canétes:

**Sanctus, Sanctus, Sanctus Dóminus Deus Sábaoth.**  
**Pleni sunt cæli et terra glória tua.**  
**Hosánna in excélsis.**  
**Benedíctus qui venit in nómine Dómini.**  
**Hosánna in excélsis.**

118. Sacerdos, manibus extensis, dicit:

**Confitémur tibi, Pater sancte,  
quia magnus es et ómnia ópera tua  
in sapiéntia et caritáte fecísti.  
Hóminem ad tuam imáginem condidísti,  
eíque commisísti mundi curam univérsi,  
ut, tibi soli Creatóri sérvians,  
creatúris ómnibus imperáret.  
Et cum amicitíam tuam, non obcédiens, amisísset,  
non eum dereliquísti in mortis império.  
Omnibus enim misericórditer subvenísti,  
ut te quæréntes invenírent.  
Sed et fœdera plúries homínibus obtulísti  
eósque per prophétas erudísti  
in exspectatióne salútis.  
Et sic, Pater sancte, mundum dilexísti,  
ut, compléta plenitúdine témporum,  
Unigénitum tuum nobis mitteres Salvatórem.  
Qui, incarnátus de Spíritu Sancto  
et natus ex María Vírgine,  
in nostra condicióne forma est conversátus  
per ómnia absque peccáto;  
salútem evangelizávit paupéribus,  
redemptiónem captívis, mæstis corde lætítiam.  
Ut tuam vero dispensatióne impléret,  
in mortem trádidit semetípsum  
ac, resúrgens a mórtuis,  
mortem destrúxit vitámque renovávit.  
Et, ut non ámplius nobismetípsis viverémus,  
sed sibi qui pro nobis mórtuus est atque surréxit,  
a te, Pater, misit Spíritum Sanctum**



**primítias credéntibus,  
qui, opus suum in mundo perficiens,  
omnem sanctificatiónem compléret.**

119. Iungit manus, easque expansas super oblata tenens, dicit:

**Quæsumus ígitur, Dómine,  
ut idem Spíritus Sanctus  
hæc múnera sanctificáre dignétur,  
iungit manus  
et signat semel super panem et calicem simul, dicens:  
ut Corpus et ✠ Sanguis fiant  
Dómini nostri Iesu Christi  
iungit manus  
ad hoc magnum mystérium celebrándum,  
quod ipse nobis reliquit in fœdus ætérnum.**

120. In formulis quæ sequuntur, verba Domini proferantur distincte et aperte, prouti natura eorundem verborum requirit.

**Ipse enim, cum hora venisset  
ut glorificarétur a te, Pater sancte,  
ac dilexisset suos qui erant in mundo,  
in finem diléxit eos:  
et cenántibus illis  
accipit panem,  
eumque parum elevatum super altare tenens,  
prosequitur:  
accépit panem, benedíxit ac fregit,  
deditque discíplulis suis, dicens:  
parum se inclinat  
Accípите et manducáte ex hoc omnes:  
hoc est enim Corpus meum,  
quod pro vobis tradétur.**

Hostiam consecratam ostendit populo, deponit super patenam, et genuflexus adorat.

121. Postea prosequitur:

**Símili modo**

**accipit calicem,**

**eumque parum elevatum super altare tenens,**

**prosequitur:**

**accípiens cálicem, ex genímine vitis replétum,**

**grátias egit, dedítque discíplis suis, dicens:**

**parum se inclinat**

**Accípíte et bíbite ex eo omnes:**

**hic est enim calix Sánguinis mei**

**novi et ætéрни testaménti,**

**qui pro vobis et pro multis effundétur**

**in remissiónem peccatórum.**

**Hoc fácite in meam commemoratiónem.**

Calicem ostendit populo, deponit super corporale, et genuflexus adorat.

122. Deinde dicit:

**Mystérium fidei:**

**Et populus prosequitur, acclamans:**

**Mortem tuam annuntiámus, Dómine,**

**et tuam resurrectiόnem confitémur, donec vénias.**

**Vel:**

**Quotiescúmque manducámus panem hunc**

**et cálicem bíbimus,**

**mortem tuam annuntiámus, Dómine, donec vénias.**

Vel:

**Salvátor mundi, salva nos,  
qui per crucem et resurrectionem tuam  
liberásti nos.**

123. Deinde sacerdos, extensis manibus, dicit:

**Unde et nos, Dómine,  
redemptionis nostræ memoriále nunc celebrántes,  
mortem Christi  
eiusque descensum ad ínferos recólimus,  
eius resurrectionem  
et ascensionem ad tuam dexteram profitémur,  
et, exspectántes ipsíus advéntum in glória,  
offérimus tibi eius Corpus et Sánguinem,  
sacrificiúm tibi acceptábile  
et toti mundo salutáre.**

**Réspice, Dómine, in Hóstiam,  
quam Ecclésiæ tuæ ipse parásti,  
et concéde benígnus ómnibus  
qui ex hoc uno pane participábunt et cálice,  
ut, in unum corpus a Sancto Spírítu congregáti,  
in Christo hóstia viva perficiántur,  
ad laudem glóriæ tuæ.**

**Nunc ergo, Dómine, ómnium recordáre,  
pro quibus tibi hanc oblationem offérimus:  
in primis fámuli tui, Papæ nostri N.,  
Epíscopi nostri N. \*,  
et Episcopórum órdinis univérsi,**

---

\* Hic fieri potest mentio de Episcopis Coadiutoribus vel Auxiliariis, ut in « Institutione generali Missalis Romani », n. 109, notatur.

sed et totius cleri, et offerentium,  
et circumstantium,  
et cuncti populi tui,  
et omnium, qui te quaerunt corde sincero.

Meménto étiam illórum,  
qui obiérunt in pace Christi tui,  
et ómnium defunctorum,  
quorum fidem tu solus cognovisti.

Nobis ómnibus, filiis tuis, clemens Pater, concéde,  
ut cæléstem hereditátem cónsequi valeámus  
cum beáta Vírgine, Dei Genetríce, María,  
cum Apóstolis et Sanctis tuis  
in regno tuo, ubi cum unívérſa creatúra,  
a corruptióne peccáti et mortis liberáta,  
te glorificémus per Christum Dóminum nostrum,  
**iungit manus,**  
per quem mundo bona cuncta largiris.

124. **Accipit patenam cum hostia et calicem, et utrumque elevans, dicit:**

Per ipsum, et cum ipso, et in ipso,  
est tibi Deo Patri omnipoténti,  
in unitáte Spíritus Sancti,  
omnis honor et glória  
per ómnia sáecula sáeculórum.

**Populus acclamat: Amen.**

## RITUS COMMUNIONIS

125. Calice et patena depositis, sacerdos, iunctis manibus, dicit:

**Præcéptis salutáribus móniti,  
et divína institutióne formáti,  
audémus dicere:**

Extendit manus et, una cum populo, pergit:

**Pater noster, qui es in cælis:  
sanctificétur nomen tuum;  
advéniat regnum tuum;  
fiat volúntas tua, sicut in cælo, et in terra.  
Panem nostrum cotidiánum da nobis hódie;  
et dimítte nobis débita nostra,  
sicut et nos dimíttimus debitóribus nostris;  
et ne nos indúcas in tentatióne;  
sed líbera nos a malo.**

126. Manibus extensis, sacerdos solus prosequitur, dicens:

**Líbera nos, quæsumus, Dómine, ab ómnibus malis,  
da propítius pacem in díebus nostris,  
ut, ope misericórdiæ tuæ adiúti,  
et a peccáto simus semper líberi  
et ab omni perturbatióne secúri:  
exspectántes beátam spem  
et advéntum Salvatóris nostri Iesu Christi.**

Iungit manus.

Populus orationem concludit, acclamans:

**Quia tuum est regnum,  
et potéstas, et glória  
in sæcula.**

127. Deinde sacerdos, manibus extensis, clara voce dicit:

**Dómine Iesu Christe, qui dixisti Apóstolis tuis:  
Pacem relínquo vobis, pacem meam do vobis:  
ne respicias peccáta nostra,  
sed fidem Ecclésiæ tuæ;  
eamque secúndum voluntátém tuam  
pacificáre et coadunáre dignéris.**

Iungit manus.

**Qui vivis et regnas in sæcula sæculórum.**

**Populus respondet: Amen.**

128. Sacerdos, ad populum conversus, extendens et iungens manus, subdit:

**Pax Dómini sit semper vobíscum.**

Populus respondet:

**Et cum spírítu tuo.**

129. Deinde, pro opportunitate, diaconus vel sacerdos subiungit:

**Offérte vobis pacem.**

Et omnes, iuxta locorum consuetudines, pacem et caritatem sibi invicem significant; sacerdos pacem dat diacono vel ministro.

130. Deinde accipit hostiam eamque super patenam frangit, et particulam immittit in calicem, dicens secreto:

**Hæc commíxtio Córporis et Sánguinis Dómini nostri  
Iesu Christi fiat accipiéntibus nobis in vitam setérnam.**

131. Interim cantatur vel dicitur:

**Agnus Dei, qui tollis peccáta mundi: miserére nobis.  
Agnus Dei, qui tollis peccáta mundi: miserére nobis.  
Agnus Dei, qui tollis peccáta mundi: dona nobis pacem.**

Quod etiam pluries repeti potest, si fractio panis protrahitur. Última tamen vice dicitur: dona nobis pacem.

132. *Sacerdos deinde, manibus iunctis, dicit secreto:*

Dómine Iesu Christe, Fili Dei vivi,  
 qui ex voluntáte Patris,  
 cooperánte Spíritu Sancto,  
 per mortem tuam mundum vivificásti:  
 líbera me  
 per hoc sacrosánctum Corpus et Sánguinem tuum  
 ab ómnibus iniquitatibus meis et univérsis malis:  
 et fac me tuis semper inhærére mandátis,  
 et a te numquam separári permíttas.

*Vel:*

Percéptio Córporis et Sánguinis tui,  
 Dómine Iesu Christe,  
 non mihi provéniat in iudícium et condemnatióem:  
 sed pro tua pietáte  
 prosit mihi ad tutaméntum mentis et córporis,  
 et ad medélam percipiéndam.

133. *Sacerdos genuflectit, accipit hostiam, eamque aliquantum elevatam super patenam tenens, ad populum versus, clara voce dicit:*

Ecce Agnus Dei, ecce qui tollit peccáta mundi.  
 Beáti qui ad cenam Agni vocáti sunt.

*Et una cum populo semel subdit:*

Dómine, non sum dignus ut intres sub tectum meum:  
 sed tantum dic verbo, et sanábitur ánima mea.

134. *Et sacerdos, ad altare versus, secreto dicit:*

Corpus Christi custódiat me in vitam ætérnam.

*Et reverenter sumit Corpus Christi.*

*Deinde accipit calicem et secreto dicit:*

Sanguis Christi custódiat me in vitam ætérnam.

*Et reverenter sumit Sanguinem Christi.*

135. Postea accipit patenam vel pyxidem, accedit ad communicandos, et hostiam parum elevatam unicuique eorum ostendit, dicens:

**Corpus Christi.**

Communicandus respondet:

**Amen.**

Et communicatur.

Eo modo agit et diaconus, si sacram Communionem distribuit.

136. Si adsint sub utraque specie communicandi, servetur ritus suo loco descriptus.

137. Dum sacerdos sumit Corpus Christi, incipit cantus ad Communionem.

138. Distributione Communionis expleta, sacerdos vel diaconus vel acolythus purificat patenam super calicem et ipsum calicem.

Dum purificationem peragit, sacerdos dicit secreto:

**Quod ore sumpsimus, Dómine, pura mente capiámus, et de múnere temporáli fiat nobis remédium sempitérnum.**

139. Tunc sacerdos ad sedem redire potest. Pro opportunitate sacrum silentium, per aliquod temporis spatium, servari, vel psalmus aut canticum laudis proferri potest.

140. Deinde, stans ad sedem vel ad altare, sacerdos dicit:  
**Orémus.**

Et omnes una cum sacerdote per aliquod temporis spatium in silentio orant, nisi silentium iam præcesserit. Deinde sacerdos, manibus extensis, dicit orationem post Communionem. Populus in fine acclamat:

**Amen.**

### **Ritus conclusionis**

141. Sequuntur, si habendæ sint, breves annuntiationes ad populum.



142. Deinde fit dimissio. Sacerdos, versus ad populum, extendens manus, dicit:

**Dóminus vobíscum.**

**Populus respondet:**

**Et cum spírítu tuo.**

**Sacerdos benedicit populum, dicens:**

**Benedícat vos omnípotens Deus,  
Pater, et Fílius, ✠ et Spírítus Sanctus.**

**Populus respondet:**

**Amen.**

Quibusdam diebus vel occasionibus, huic formulæ benedictionis præmittitur, iuxta rubricas, alia formula benedictionis sollemnior, vel oratio super populum (cf. pp. 704-715).

143. Deinde diaconus, vel ipse sacerdos, manibus iunctis, ad populum versus dicit:

**Ite, missa est.**

**Populus respondet:**

**Deo grátias.**

144. Deinde sacerdos altare osculo de more veneratur, ut initio. Facta denique debita reverentia cum ministris, recedit.

145. Si qua actio liturgica immediate sequatur, ritus dimissionis omittuntur.

# **ORDO MISSÆ SINE POPULO**

## ORDO MISSÆ SINE POPULO

### Ritus initiales

1. Sacerdos, facta cum ministro debita reverentia, signat se, dicens:

**In nómine Patris, et Fílii, et Spíritus Sancti.**

Minister respondet:

**Amen.**

2. Tunc sacerdos, ad ministrum conversus et manus extendens, eum salutat, dicens:

**Dóminus vobíscum.**

Minister respondet:

**Et cum spírítu tuo.**

Adhiberi possunt etiam sequentes formulæ salutationis:

Ꝁ. **Grátia Dómini nostri Iesu Christi, et cáritas Dei, et comunicátio Sancti Spíritus sit cum ómnibus vobis.**

ꝑ. **Et cum spírítu tuo.**

Vel:

Ꝁ. **Grátia vobis et pax a Deo Patre nostro et Dómino Iesu Christo.**

ꝑ. **Benedíctus Deus et Pater Dómini nostri Iesu Christi.**

Vel:

ꝑ. **Et cum spírítu tuo.**

3. Postea sacerdos et minister faciunt confessionem:

**Confíteor Deo omnipoténti et tibi, frater,  
quia peccávi nimis  
cogitatíone, verbo, ópere et omissióne:**

et, percutientes sibi pectus, dicunt:

**mea culpa, mea culpa, mea máxima culpa.**

**Deinde prosequuntur:**

**Ideo precor beátam Mariám semper Vírginem,  
omnes Angelos et Sanctos,  
et te, frater, oráre pro me  
ad Dóminum Deum nostrum.**

**Sequitur absolutio sacerdotis:**

**Misereátur nostri omnípotens Deus  
et, dimíssis peccátis nostris,  
perdúcat nos ad vitam ætérnam.**

**Minister respondet:**

**Amen.**

4. Tunc sacerdos ascendit ad altare, illud veneratur osculo, et accedit ad missale in sinistro latere altaris collocato, et legit antiphonam ad introitum.

5. Sequuntur invocationes **Kýrie, eléison**, quas sacerdos dicit alternatim cum ministro.

**Sac.: Kýrie, eléison.**

**Min.: Kýrie, eléison.**

**Sac.: Christe, eléison.**

**Min.: Christe, eléison.**

**Sac.: Kýrie, eléison.**

**Min.: Kýrie, eléison.**

6. Deinde, quando præscribitur, sacerdos et minister simul dicunt hymnum **Glória in excélsis Deo.**

7. Quo finito, sacerdos, manibus iunctis, dicit:

**Orémus.**

Et, facta aliqua pausa silentii, extendit manus et dicit orationem; qua expleta, minister acclamat:

**Amen.**

**Liturgia verbi**

8. Tunc minister vel ipse sacerdos legit primam lectionem, psalmum et, si habenda est, secundam lectionem necnon alterum cantum.

9. Deinde sacerdos, inclinatus, secreto dicit:

**Munda cor meum ac lăbia mea, omnĭpotens Deus,  
ut sanctum Evangĕlium tuum digne văleam nuntiăre.**

10. Postea, iunctis manibus, dicit:

**Dŏminus vobĭscum.**

Minister respondet:

**Et cum spĭritu tuo.**

Sacerdos:

**Lĕctio sancti Evangĕlii secŭndum N.,**

**et interim signat librum et seipsum in fronte, ore et pectore.**

Minister acclamat:

**Glŏria tibi, Dŏmine.**

Deinde sacerdos Evangelium legit. Quo finito, librum osculatur, dicens secreto: Per evangĕlica dicta deleantur nostra delicta.

Minister autem acclamat:

**Laus tibi, Christe.**

11. Quando dicendum est, sacerdos et minister simul dicunt symbolum.

12. Postea fieri potest oratio universalis seu oratio fidelium, in qua ipse sacerdos etiam intentiones profert, ministro respondente.

**Liturgia eucharistica**

13. Minister corporale, purificatorium et calicem super altare deponit, nisi iam initio Missæ ibidem sint posita. Sacerdos ad medium altaris accedit.

14. Tunc minister affert patenam cum pane, quam sacerdos accipit et aliquantulum elevatam super altare tenet, dicens:

**Benedíctus es, Dómine, Deus univérsi,  
quia de tua largitáte accévimus panem,  
quem tibi offérimus,  
fructum terræ et óperis mánuum hóminum,  
ex quo nobis fiet panis vitæ.**

Deponit deinde patenam cum pane super corporale.

15. Postea sacerdos infundit vinum et parum aquæ in calicem, dicens secreto:

**Per huius aquæ et vini mystérium  
eius efficiámur divinitátis consórtes,  
qui humanitátis nostræ fieri dignátus est párticeps.**

16. Postea accipit calicem, eumque aliquantulum elevatum super altare tenet, dicens:

**Benedíctus es, Dómine, Deus univérsi,  
quia de tua largitáte accévimus vinum,  
quod tibi offérimus,  
fructum vitis et óperis mánuum hóminum,  
ex quo nobis fiet potus spiritális.**

Deinde calicem super corporale deponit.

17. Postea, inclinatus, dicit secreto:

**In spírítu humilitátis et in ánimo contríto  
suscipiámur a te, Dómine,  
et sic fiat sacrificium nostrum in conspéctu tuo hódie,  
ut pláceat tibi, Dómine Deus.**

18. Deinde, stans ad latus altaris, lavat manus, dicens secreto:

**Lava me, Dómine, ab iniquitáte meá,  
et a peccáto meo munda me.**

19. Stans postea in medio altaris, versus ad ministrum, extendens et iungens manus, dicit:

**Oráte, fratres,  
ut meum ac vestrum sacrificium  
acceptábile fiat apud Deum Patrem omnipoténtem.**

**Minister respondet:**

**Suscípiat Dóminus sacrificium de mánibus tuis  
ad laudem et glóriam nóminis sui,  
ad utilitátem quoque nostram  
totiúsque Ecclésiæ suæ sanctæ.**

**Deinde, manibus extensis, sacerdos dicit orationem super  
oblata; qua finita, minister acclamat: Amen.**

20. Tunc sacerdos dicit Precem eucharisticam, iuxta normas, quæ in singulis Precibus eucharisticis (pp. 659-683) indicantur.

21. Post doxologiam in fine Precis eucharisticæ, iunctis manibus, sacerdos dicit:

**Præcéptis salutáribus móniti,  
et divína institutióne formáti,  
audémus dicere:**

**Extendit manus et, una cum ministro, pergit:**

**Pater noster, qui es in cælis:  
sanctificétur nomen tuum;  
advéniat regnum tuum;  
fiat volúntas tua, sicut in cælo, et in terra.  
Panem nostrum cotidiánum da nobis hódie;  
et dimítte nobis débita nostra,  
sicut et nos dimíttimus debitoribus nostris;  
et ne nos indúcas in tentatiónem;  
sed líbera nos a malo.**

22. **Manibus extensis, sacerdos solus prosequitur, dicens:**

**Líbera nos, quæsumus, Dómine, ab ómnibus malis,  
da propítius pacem in diébus nostris.**

ut, ope misericordiæ tuæ adiúti,  
 et a peccáto simus semper líberi  
 et ab omni perturbatióne secúri:  
 exspectántes beátam spem  
 et advéntum Salvatóris nostri Iesu Christi.

**Iungit manus. Minister orationem concludit, acclamans:**

Quia tuum est regnum;  
 et potéstas, et glória  
 in sæcula.

**23. Tunc sacerdos, manibus extensis, clara voce dicit:**

Dómine Iesu Christe, qui dixisti Apóstolis tuis:  
 Pacem relínquo vobis, pacem meam do vobis:  
 ne respicias peccáta nostra,  
 sed fidem Ecclésiæ tuæ;  
 eámque secúndum voluntátem tuam  
 pacificáre et coadunáre dignéris.

**Iungit manus.**

Qui vivis et regnas in sæcula sæculórum.

**Minister respondet: Amen.**

**24. Sacerdos, ad ministrum conversus, extendens et iungens manus, subdit:**

Pax Dómini sit semper vobíscum.

**Minister respondet:**

Et cum spírítu tuo.

**Et sacerdos, pro opportunitate, pacem dat ministro.**

**25. Postea accipit hostiam, eamque super patenam frangit, interim cum ministro dicens:**

Agnus Dei, qui tollis peccáta mundi: miserére nobis.  
 Agnus Dei, qui tollis peccáta mundi: miserére nobis.  
 Agnus Dei, qui tollis peccáta mundi: dona nobis pacem.



His dictis, particulam immittit in calicem, dicens secreto:

**Hæc commixtio Córporis et Ságuinis Dómini nostri Iesu Christi fiat accipiéntibus nobis in vitam ætérnam.**

26. Sacerdos deinde, manibus iunctis, dicit secreto:

**Dómine Iesu Christe, Fili Dei vivi,  
qui ex voluntáte Patris,  
cooperánte Spíritu Sancto,  
per mortem tuam mundum vivificásti:  
líbera me  
per hoc sacrosánctum Corpus et Ságuinem tuum  
ab ómnibus iniquitátibus meis et univérsis malis:  
et fac me tuis semper inhærére mandátis,  
et a te numquam separári permíttas.**

Vel:

**Percéptio Córporis et Ságuinis tui,  
Dómine Iesu Christe,  
non mihi provéniat in iudícium et condemnatióem:  
sed pro tua pietáte  
prosit mihi ad tutaméntum mentis et córporis,  
et ad medélam percipiéndam.**

27. Sacerdos genuflectit, accipit hostiam, eamque aliquantum elevatam super patenam tenens, ad ministrum versus, clara voce dicit:

**Ecce Agnus Dei, ecce qui tollit peccáta mundi.  
Beáti qui ad cenam Agni vocáti sunt.**

Et una cum ministro semel subdit:

**Dómine, non sum dignus ut intres sub tectum meum:  
sed tantum dic verbo, et sanábitur ánima mea.**

Si minister non est communicandus, sacerdos, accepta hostia, et stans ad altare conversus, statim dicit: **Dómine, non sum dignus, etc.**

28. Et deinde, ad altare versus, secreto dicit:

**Corpus Christi custódiat me in vitam ætérnam.**

Et reverenter sumit Corpus Christi.

Deinde accipit calicem et secreto dicit:

**Sanguis Christi custódiat me in vitam ætérnam.**

Et reverenter sumit Sanguinem Christi.

29. Quo facto, sacerdos dicit antiphonam ad Communionem.

30. Postea accipit patenam, accedit ad ministrum, si communicandus est, et hostiam parum elevatam ei ostendit, dicens:

**Corpus Christi.**

Minister respondet:

**Amen.**

Et communicatur.

31. Deinde sacerdos purificat patenam super calicem et ipsum calicem. Calix, patena, corporale et purificatorium a ministro ad abacum deferuntur, vel super altare relinquuntur.

Dum purificationem peragit, sacerdos dicit secreto:

**Quod ore sumpsimus, Dómine, pura mente capiámus,  
et de múnere temporáli fiat nobis remédium sempitérnum.**

32. Sacrum silentium per aliquod temporis spatium servari potest.

33. Postea sacerdos, manibus iunctis, dicit:

**Orémus.**

Et facta aliqua pausa silentii, nisi iam præcesserit, extendit manus et dicit orationem post Communionem. Minister in fine acclamat:

**Amen.**

**Ritus conclusionis**

34. Deinde sacerdos, versus ad ministrum, extendens manus, dicit:

**Dóminus vobíscum.**

Minister respondet:

**Et cum spírítu tuo.**

Sacerdos benedicit ministrum, dicens:

**Benedícat vos omnipotens Deus,  
Pater, et Fílius, ✠ et Spírítus Sanctus.**

Minister respondet:

**Amen.**

35. Denique sacerdos altare osculo veneratur et, facta cum ministro debita reverentia, recedit.

# APPENDIX

## INTRODUCTIONES ET CONCLUSIONES BREVES PRO PRÆFATIONIBUS

Quæ ad libitum, pro opportunitate, adhiberi possunt, præsertim a Conferentiis Episcopalibus in apparandis popularibus interpretationibus.

### I

1. Vere dignum et iustum est, æquum et salutäre, nos tibi, sancte Pater, semper et ubique grátias ágere:  
(per Iesum Christum Dóminum nostrum:)
2. Vere dignum est tibi grátias ágere, vere iustum est te glorificáre, Pater sancte:  
(per Iesum Christum Dóminum nostrum:)
3. Vere dignum et iustum est nos tibi grátias ágere, et semper benedicere, teque laudáre, omnípotens ætérne Deus:  
(per Iesum Christum Dóminum nostrum:)
4. Vere dignum et iustum est, omnípotens ætérne Deus, tibi in ómnibus et pro ómnibus semper grátias ágere, tuásque prædicáre virtútes:  
(per Iesum Christum Dóminum nostrum:)
5. Vere dignum et iustum est nos tibi semper, Pater omnípotens, offérre hymnum et laudatiónis prómere cánticum:  
(per Iesum Christum Dóminum nostrum:)
6. Vere dignum et iustum est, vere salutáre nobis atque convéniens, tibi grátias ágere atque laudes impéndere, Dómine, Pater cæléstis, omnípotens et miséricors Deus:  
(per Iesum Christum Dóminum nostrum:)

7. Vere dignum et iustum est, ut te, Deus,  
et cælestia et terræna collaudent:  
(per Iesum Christum Dóminum nostrum:)
8. Vere dignum et iustum est, æquum et salutáre,  
nos tuæ pietáti semper grátias ágere, miséricors Pater,  
omnípotens Deus, Rex ætérnæ glóriæ:  
(per Iesum Christum Dóminum nostrum:)
9. Vere dignum et iustum est, æquum et salutáre,  
te, ætérnum et omnipoténtem Deum,  
incessánte prædicáre,  
tibi in ómnibus grátias ágere:  
(per Iesum Christum Dóminum nostrum:)

## II

1. Unde et nos cum ómnibus Angelis te laudámus,  
iucúnda celebratióne clamántes:
2. Unde et nos tibi grátias ágimus,  
et tuas virtútes cum Angelis prædicámus, dicéntes:
3. Unde et nos, Dómine,  
cum Angelis et Sanctis univérsis  
tibi confitémur, in exsultatióne dicéntes:
4. Et ídeo, choris angélicis sociáti,  
te laudámus in gáudio confiténtes:
5. Et ídeo, cum innúmeris Angelis,  
una te magnificámus laudis voce, dicéntes:
6. Et ídeo, cum Angelórum atque Sanctórum turba,  
hymnum laudis tibi cánimus, sine fine dicéntes:
7. Et ídeo, cum Sanctis et Angelis univérsis,  
te collaudámus, sine fine dicéntes:
8. Et ídeo, cum cælórum Virtútibus,  
in terris te iúgiter celebrámus,  
maiestáti tuæ sine fine clamántes:

9. **Propter quod cælestia tibi atque terrèstria canticum novum concinunt adorando, et nos cum omni exercitu Angelorum proclamamus, sine fine dicentes:**
10. **Quapropter nunc et usque in sæculum, cum omni militiâ Angelorum, devota tibi mente concinimus, clamantes atque dicentes:**
11. **Sed et angelici chori atque agmina beatorum hymnum gloriæ tuæ concinunt, sine fine dicentes:**
12. **Per quem maiestatem tuam adorat exercitus Angelorum, ante conspectum tuum in æternitate lætantium. Cum quibus et nostras voces ut admitti iubeas, deprecamur, sociâ exultatione dicentes:**

## BENEDICTIONES SOLLEMNES

Benedictiones sequentes adhiberi possunt, ad libitum sacerdotis, in fine celebrationis Missæ, aut liturgiæ verbi, aut Officii, aut Sacramentorum.

Diaconus vel, eo deficiente, ipse sacerdos dicere potest invitatorium: **Inclináte vos ad benedictionem, vel aliis verbis expressum. Deinde sacerdos, manibus super populum extensis, dicit benedictionem, omnibus respondentibus: Amen.**

### I. In celebrationibus de tempore

#### 5. De Passione Domini

Deus, Pater misericordiárum,  
qui Unigéniti sui passióne  
tribuit vobis caritátis exéplum,  
præstet ut, per servítium Dei et hóminum,  
percipiátis suæ benedictionis ineffábile donum.

℟. Amen.

Ut ab eo sempitérnæ vitæ munus obtineátis,  
per cuius temporálem mortem,  
ætérnam vos evádere créditois.

℟. Amen.

Quátenus, cuius humilitátis sequímini documénta,  
eius resurrectionis possideátis consórtia.

℟. Amen.

Benedícat vos omnipotens Deus,  
Pater, et Fílius, ✠ et Spíritus Sanctus.

℟. Amen.

#### 6. Tempore paschali

Deus, qui per resurrectionem Unigéniti sui  
dignátus est vobis bonum redemptionis

**adoptionisque conférre,  
sua benedictione vos tribuat congaudere.**

**R. Amen.**

**Et quo redimente  
percepistis donum perpétuæ libertatis,  
eo largiente  
hereditatis æternæ consortes effici valeatis.**

**R. Amen.**

**Et cui resurrexistis in baptismo iam credendo,  
adiungi mereamini in patria cælesti  
nunc recte vivendo.**

**R. Amen.**

**Benedicat vos omnipotens Deus,  
Pater, et Filius, ✠ et Spiritus Sanctus.**

**R. Amen.**

## **7. In Vigilia paschali et die Paschæ**

**Benedicat vos omnipotens Deus,  
hodierna interveniente sollemnitate paschali,  
et ab omni miseratus defendat incursione peccati.**

**R. Amen.**

**Et qui ad æternam vitam  
in Unigeniti sui resurrectione vos reparat,  
vos præmiis immortalitatis adimpleat.**

**R. Amen.**

**Et qui, explétis passionis dominicæ diébus,  
paschalis festi gaudia celebrátis,  
ad ea festa, quæ lætitiis peraguntur æternis,  
ipso opitulante, exsultántibus ánimis veniátis.**

**R. Amen.**



**Benedícat vos omnípotens Deus,  
Pater, et Fílius, ✠ et Spíritus Sanctus.**

**℞. Amen.**

### **8. In Ascensione Domini**

**Benedícat vos omnípotens Deus,  
cuius Unigénitus hodiérna die cælórum alta penetrávit,  
et vobis, ubi est ipse, ascendéndi áditum reserávit.**

**℞. Amen.**

**Concédat ut, sicut Christus post resurrectionem suam  
visus est discipulis maniféstus,  
ita vobis in iudícium véniens  
appáreat pro æternitáte placátus.**

**℞. Amen.**

**Et qui eum consedére Patri in sua créditis maiestáte,  
ipsum usque in finem sæculi vobíscum permanére  
secúndum eius promissionem læti valeátis experíre.**

**℞. Amen.**

**Benedícat vos omnípotens Deus,  
Pater, et Fílius, ✠ et Spíritus Sanctus.**

**℞. Amen.**

### **9. De Spiritu Sancto**

**Deus, Pater lúminum,  
qui (hodiérna die) discipulórum mentes  
Spíritus Parácliti infusióne dignátus est illustráre,  
sua vos fáciat benedictione gaudére,  
et perpétuo donis eiúsdem Spíritus abundáre.**

**℞. Amen.**

**Ignis ille, qui super discipulos mirándus apparuit,  
corda vestra ab omni malo poténter expúrget,  
et sui lúminis claritáte perlústret.**

**ꝛ. Amen.**

**Quique dignátus est in unius fidei confessióne  
diversitátem adunáre linguárum,  
in eádem fide perseveráre vos fáciat,  
et per illam a spe ad spéciem perveníre concédát.**

**ꝛ. Amen.**

**Benedícat vos omnípotens Deus,  
Pater, et Fílius, ✠ et Spíritus Sanctus.**

**ꝛ. Amen.**

## **II. In celebrationibus de Sanctis**

### **15. De beata Maria Virgine**

**Deus, qui per beátæ Mariæ Vírginis partum  
genus humánum sua vóluit benignitáte redímere,  
sua vos dignétur benedictióne ditáre.**

**ꝛ. Amen.**

**Eiúsque semper et ubíque patrocínia sentiátis,  
per quam auctórem vitæ suscípere meruístis.**

**ꝛ. Amen.**

**Et qui ad eius celebrándam sollemnitátem  
hodiérna die devótis méntibus convenístis,  
spiritalium gaudiórum cælestiúmque præmiórum  
vobíscum múnera reportétis.**

**ꝛ. Amen.**

**Benedícat vos omnípotens Deus,  
Pater, et Fílius, ✠ et Spíritus Sanctus.**

**ꝛ. Amen.**

## 16. De sanctis Petro et Paulo

Benedícat vos omnípotens Deus,  
qui in beáti Petri confessióne vos salubérrima stabilívit,  
et per eam in Ecclesiæ soliditáte fidei fundávit.

℞. Amen.

Et quos beáti Pauli instrúxit indeféssa prædicatióne,  
suo semper exémplo dóceat Christo fratres lucrifácere.

℞. Amen.

Ut Petrus clave, Paulus verbo,  
ope intercessiόνis utérque  
in illam pátriam nos certent indúcere,  
ad quam meruérunt illi, alter cruce, alter gládio,  
felíciter pervenire.

℞. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

℞. Amen.

## 17. De Apostolis

Deus, qui vos  
in apostólicis tríbuit consistere fundaméntis,  
benedícere vobis dignétur,  
beatórum Apostolórum N. et N. (beáti Apóstoli N.)  
méritis intercedéntibus gloriósis.

℞. Amen.

Et apostólicis præsídiis  
vos pro cunctis fáciat testes veritátis,  
qui vos eórum munerári documéntis vóluit et exémplicis.

℞. Amen.

Ut eórum intercessióne ad æternæ pátriæ hereditátem  
pervenire possítis,  
per quorum doctrínam fidei firmitátem possidétis.

℞. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

℞. Amen.

### 18. De omnibus Sanctis

Deus, glória et exsultátio Sanctórum,  
benedícat vos benedictióne perpétua,  
qui vobis hodiérna tríbuit celebráre sollémnia.

℞. Amen.

Eórum intercessióne a præséntibus malis liberáti,  
et exémpis sanctæ conversatiónis instrúcti,  
in servítio Dei fratrumque inveniámini semper intéti.

℞. Amen.

Quátenus cum iis ómnibus  
valeátis illíus pátriæ possidére vos gáudia,  
in qua fílios suos supérnis coniúngi cívibus  
in pace perpétua sancta lætátur Ecclésia.

℞. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

℞. Amen.

### III. Aliæ benedictiones

#### 19. In Dedicacione ecclesie

Deus, Dóminus cæli et terræ,  
qui vos hódie ad huius domus dedicatióne  
(dedicatiónis memóriam) adunávit,  
ipse vos cælésti benedictióne fáciat abundáre.

℞. Amen.

Concedátque vobis fieri templum suum  
et habitáculum Spíritus Sancti,  
qui omnes filios dispérsos voluit in Filio suo congregári.

℞. Amen.

Quátenus, feliciter emundáti,  
habitatórem Deum in vobismetípsis possítis habére,  
et æternæ beatitúdinis hereditátem  
cum ómnibus Sanctis possidére.

℞. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

℞. Amen.

## 20. In celebrationibus pro defunctis

Benedícat vos Deus totíus consolatiónis,  
qui hóminem ineffábili bonitáte creávit,  
et in resurrectione Unigéniti sui  
spem credéntibus resurgéndi concéssit.

℞. Amen.

Nobis, qui vívimus, véniam tríbuat pro peccátis,  
et ómnibus defúnctis locum concédát lucis et pacis.

℞. Amen.

Ut omnes cum Christo sine fine feliciter vivámus,  
quem resurrexísse a mórtuis veráciter crédimus.

℞. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

℞. Amen.

## ORATIONES SUPER POPULUM

Orationes sequentes adhiberi possunt, ad libitum sacerdotis, in fine celebrationis Missæ, aut liturgiæ verbi, aut Officii, aut Sacramentorum.

Diaconus vel, eo deficiente, ipse sacerdos dicere potest invitatorium: **Inclináte vos ad benedictionem, vel aliis verbis expressum. Deinde sacerdos, manibus super populum extensis, dicit orationem, omnibus respondentibus: Amen.**

Post orationem, sacerdos semper subdit: **Benedícat vos omnipotens Deus, Pater, et Fílius,  et Spíritus Sanctus.  Amen.**

1. **Esto, Dómine, propítius plebi tuæ, et temporáli consolatióne non déseras, quam vis ad ætérra conténdere.  
Per Christum.**
2. **Præsta fámulis tuis, Dómine, abundantiam protectionis et grátia; da salútem mentis et córporis; da plenitúdinem fratérnæ caritátis, et eos tibi semper fac esse devótos.  
Per Christum.**
3. **Da, quæsumus, Dómine, pópulis cristiánis, et quæ profiténtur agnóscere, et cæléste munus dilígere, quod frequéntant.  
Per Christum.**
4. **Plebs tua, Dómine, quæsumus, benedictionis sanctæ munus accípiat, per quod et nóxia quæque declínet, et optáta repériat.  
Per Christum.**

5. **Fidèles tuos, Dómine,  
benedíctio desideráta confírmet,  
quæ eos et a tua voluntáte  
numquam fáciat discrepáre,  
et tuis semper indúlgeat beneficiis gratulári.  
Per Christum.**
6. **Pópulum tuum, Dómine, quæsumus,  
ad te toto corde convérte,  
quia, quos deféndis étiam delinquéntes,  
maióre pietáte tuéris sincéra mente devótos.  
Per Christum.**
7. **Famíliam tuam, quæsumus, Dómine,  
propitiátus illústra,  
ut, beneplácitis inhæréndo,  
cuncta quæ bona sunt mereátur exercére.  
Per Christum.**
8. **Adésto, Dómine, fámulis tuis,  
et opem tuam largíre poscéntibus,  
ut iis, qui te auctóre et gubernatóre  
felíciter gloriántur,  
et creáta restáures, et restauráta consérves.  
Per Christum.**
9. **Implorántes, Dómine, misericórdiam tuam,  
fidèles pópulos propítius intuére,  
ut, qui de tua pietáte confídunt,  
tuæ caritátis dona ubíque diffúndere váleant.  
Per Christum.**
10. **Bénedic, Dómine, plebem tuam,  
quæ munus tuæ miseratiónis exspéctat,  
et concéde, ut, quod, te inspiránte, desíderat,  
te largiénte percípiat.  
Per Christum.**

11. **Subiétum tibi pópulum,  
quásumus, Dómine,  
propitiátio cæléstis amplíficet,  
et tuis semper fáciat servíre mandátis.  
Per Christum.**
12. **Propitiáre pópulo tuo, Deus,  
ut, ab omni malo liberátus,  
et toto tibi corde desérviat,  
et sub tua semper protectióne consístat.  
Per Christum.**
13. **Præténde, Dómine, fidélibus tuis  
déteram cæléstis auxilií,  
ut te toto corde perquirant,  
et quæ digne póstulant cónsequi mereántur.  
Per Christum.**
14. **Família tua, Deus,  
et de celebrátis mystériis suæ redemptiónis  
iúgiter collætétur,  
et eius dona perseveránter acquirat.  
Per Christum.**
15. **Esto, quásumus, Dómine, propítius plebi tuæ,  
ut, de die in diem quæ tibi dísplicent respuéntes,  
tuórum pótius repleántur  
delectatióibus mandatórum.  
Per Christum.**
16. **Tueátur, quásumus, Dómine,  
déterta tua pópulum deprecántem,  
et purificátum dignánter erúdiat,  
ut consolatióne præsénti  
ad futúra bona proficiat.  
Per Christum.**



17. **Réspice, quæsumus, Dómine,  
super hanc familiam tuam,  
pro qua Dóminus noster Iesus Christus  
non dubitávit mánibus tradi nocéntium,  
et crucis subíre torméntum.  
Qui vivit.**
18. **Da, quæsumus, Dómine, fidélibus tuis  
et sine cessatióne cápere paschália sacraménta,  
et desideránte expectáre dona ventúra,  
ut, mystériis quibus renáti sunt permanétes,  
ad novam vitam his opéribus perducántur.  
Per Christum.**
19. **Dómine Deus,  
de abundántia misericordiárum tuárum  
fámulos præsta locuplétes, præsta secúros,  
ut, confirmáti benedictiónibus tuis,  
in omni gratiárum actióne semper abúndent,  
teque perpétua exsultatióne benedicant.  
Per Christum.**
20. **Benedícat vos Deus omni benedictióne cælésti,  
sanctósque vos et puros  
in conspéctu suo semper efficiat;  
divítias glóriæ suæ in vos abundánter effúndat,  
verbis veritátis instruat, evangélio salutis erúdiat,  
et caritaté fratérna semper locupléset.  
Per Christum.**
21. **Fidéles tuos, quæsumus, Dómine,  
córporé páriter et mente purífica,  
ut, tua inspiratióne compúncti,  
nóxias delectatiónes vitáre præváleant,  
atque tua semper suavitaté pascántur.  
Per Christum.**

22. **Adsit, Dómine, fidélibus tuis  
sacræ benedictiõnis efféctus,  
qui mentes ómnium spiritali vegetatiõne dispõnat,  
ut ad ópera sua exercénda  
virtúte caritatís tuæ roboréntur.  
Per Christum.**
23. **Confirma, Dómine, quæsumus,  
tuórum corda fidélium,  
et grátiae tuæ virtúte corróbora,  
ut et in tua sint supplicatiõne devóti,  
et mútua dilectiõne sincéri.  
Per Christum.**
24. **Protéctor in te sperántium, Deus,  
benedic pópulum tuum,  
salva, tuére, dispóne,  
ut, a peccátis liber, ab hoste secúrus,  
in tuo semper amóre perseveret.  
Per Christum.**

### In festis Sanctorum

25. **Exsúltet, Dómine, pópulus christiánus  
de magnórum Fílii tui glorificatiõne membrórum,  
et in quorum est celebritáte tibi devótus,  
partem acquirat in eórum sorte perpétua,  
atque de tua glória semper congáudeat.  
Per Christum.**
26. **Plebis tuæ, quæsumus, Dómine,  
ad te semper corda convérte,  
et quam tantis facis patrocíniis adiuvárí,  
perpétuis non désinas gubernáre præsídiis.  
Per Christum.**

## PROPRIUM DE SANCTIS

Elenchus lectionum, quæ magis conveniunt aliquibus Missis sanctorum (pro papa, pro missionariis, pro religiosis, pro educatoribus, pro iis qui opera misericordiæ exercuerunt, pro viduis) in Indicibus exstat.

1. Gradus celebrationum, nempe sollemnitatis, festum aut memoria singulis diebus indicatur. Quando nulla adest indicatio, agitur de memoria ad libitum.

2. Pro singulis sollemnitatibus et festis integra Missa propria ponitur, quæ proinde dicitur prouti iacet.

3. Ad memorias quod attinet, hæc servantur:

a) Textus proprii, qui nonnullis diebus apponuntur, semper adhibeantur.

b) Quoties remittitur ad aliquod Commune definitum, textus aptiores seligantur, iuxta principia, quæ initio Communium exponuntur. Pagina, quæ singulis vicibus indicatur, innuit tantum initium Communis ad quod remittitur.

c) Si vero ad plura Communia remittitur, unum vel aliud adhiberi potest, attendente utilitate pastorali, et facta semper facultate textus e pluribus Missis eiusdem Communis inter se commutandi.

Ex. gr., si quis Sanctus simul est martyr et episcopus, adhiberi poterit aut Commune martyrum aut Commune pastorum (pro episcopis).

d) Insuper, præter Communis, quæ peculiarem notam sanctitatis illustrant (ex. gr. martyrum, virginum, pastorum, etc.) semper adhiberi possunt etiam Communia Sanctorum et Sanctarum, quæ de sanctitate in genere agunt.

Ex. gr., pro Sancta virgine et martyre, præter Commune martyrum aut Commune virginum, adhiberi possunt etiam textus e Comuni Sanctorum et Sanctarum.

e) Orationes super oblata et post communionem, nisi sint propriæ, sumuntur aut e Comuni aut e currenti tempore liturgico.

4. Missæ quæ in hoc Proprio habentur, exceptis tamen Missis de mysteriis vitæ Domini et B. Mariæ Virginis necnon de quibusdam Sanctis, pro quibus peculiaris prævidetur Missa votiva, dicuntur etiam ut votivæ. In orationibus, hoc in casu, omittuntur verba quæ innuant diem natalem, vel sollemnitatem vel festum, et eis substituitur verbum **memória vel commemoratio**. Item, sicubi occurrat antiphona ad introitum **Gaudemus**, hæc substituitur alia antiphona e respectivo Comuni.

5. De lectionibus hæc insuper attendenda sunt:

a) In sollemnitatibus et festis semper adhibendæ sunt lectiones quæ in Proprio vel Comuni ponuntur; celebrationibus calendarii generalis semper lectiones propriæ assignantur.

b) In memoriis vero lectiones feriales de more adhibeantur. Attamen aliquando lectiones « propriæ » assignantur, id est quæ de ipsa persona Sancti agunt vel de mysterio de quo Missa celebratur; hæ lectiones dicendæ sunt loco lectionum ferialium occurrentium, ut expresse suo loco indicatur.

Pro ceteris autem casibus, lectiones de memoria adhibeantur tantum si peculiare rationes, præsertim indolis pastoralis, id suadeant. Nonnunquam ponuntur lectiones « appropriatæ », quæ, scilicet peculiarem aspectum vitæ spiritualis vel actuositatis Sancti in lucem produunt. Plerumque vero indicantur lectiones in Communibus exstantes, ut electio facilius evadat. Agitur tamen de suggestionibus: loco enim lectionis appropriatæ vel simpliciter propositæ, quævis alia lectio seligi potest e Communibus indicatis.

c) Cum in calendariis particularibus gradus celebrationis mutatur, attendatur sollempnitates tres lectiones habere, quarum prima ex Vetere Testamento (tempore autem paschali ex Actibus Apostolorum vel Apocalypsi) cum psalmo responsorio, secunda vero ex Novo Testamento, tertia denique ex Evangelio.

## FEBRUARIUS

Die 6 februarii

**Ss. Pauli Miki et sociorum, martyrum**

Memoria

De Communi martyrum, p. 850.

Collecta

**Deus, ómnium fortitúdo sanctórum,  
qui beátos mártynes Paulum eiúsque sócios  
per crucem ad vitam vocáre dignátus es,  
præsta, quæsumus, ut, eórum intercessióne,  
fidem quam profitémur  
usque ad mortem fórtiter teneámus. Per Dóminum.**

Lectio prior

*Vivo autem, iam non ego; vivit vero in me Christus.*

Léctio Epístolæ beáti Pauli apóstoli ad Gálatas

2, 19-20

Fratres:

**Ego per Legem Legi mórtuus sum, ut Deo vivam;  
Christo confíxus sum cruci.**

**Vivo autem, iam non ego; vivit vero in me Christus.**

**Quod autem nunc vivo in carne, in fide vivo Fílii  
Dei, qui diléxit me et trádidit seípsum pro me.**

**Verbum Dómini.**

Psalmus resp. Ps 125, 1-2 ab. 2 cd-3. 4-5. 6 (R.: 5)

R. **Qui sémant in lácrimis, in exultatióne metent.**

**In converténdo Dóminus captivitátem Sion,  
facti sumus quasi somniántes.**

**Tunc replétum est gáudio os nostrum,  
et lingua nostra exultatióne. R.**

Tunc dicébant inter gentes:

« Magnificávit Dóminus fácere cum eis ».

3 Magnificávit Dóminus fácere nobíscum;  
facti sumus lætántes. *R.*

4 Convérte, Dómine, captivitátem nostram,  
sicut torréntes in Austro.

5 Qui séminant in lácrimis, in exsultatióne metent. *R.*

6 Eúntes ibant et flebant, semen spargéndum portántes;  
veniéntes autem vénient in exsultatióne,  
portántes manípulos suos. *R.*

*Alleluia et Versus ante Evang. Mt 28, 19 a. 20 b*

(*R. Allelúia*). *V.* Eúntes docéte omnes gentes,  
dicit Dóminus;  
ego vobíscum sum ómnibus diébus  
usque ad consummationem sǎculi.  
(*R. Allelúia*).

### Evangelium

*Euntes docete omnes gentes.*

✠ Lécio sancti Evangélii secúndum Matthæum

28, 16-20

In illo témpore:

Undecim discípluli abiérunt in Galiléam, in montem ubi constitúerat illis Iesus; et vidéntes eum adoravérunt, quidam autem dubitavérunt.

Et accédens Iesus locútus est eis dicens: « Data est mihi omnis potéstas in cælo et in terra. Eúntes ergo docéte omnes gentes, baptizántes eos in Nómine Patris et Filii et Spíritus Sancti, docéntes eos serváre ómnia quæcúmque mandávi vobis.

Et ecce ego vobíscum sum ómnibus diébus, usque ad consummationem sǎculi ». — Verbum Dómini.

Die 8 februarii  
S. Hieronymi Emiliani

De Communi sanctorum (pro educatoribus), p. 980.

Collecta

Deus, Pater misericordiárum,  
qui beátum Hierónymum  
adiutórem et patrem órphanis providísti,  
eius nobis intercessióne concéde,  
ut spíritum adoptiónis,  
quo filii tui nominámur et sumus,  
fidéliter custodiámus.

Per Dóminum.

Lectio prior, p. 991, n. 8.

Psalmus responsorius, p. 992.

Evangelium, p. 1036, n. 14.

Die 10 februarii  
S. Scholasticæ, virginis

Memoria

De Communi virginum, p. 957.

Vel de Communi sanctarum (pro religiosis), p. 976.

Collecta

Beátæ Scholásticæ vírginis memóriam recoléntes,  
quásumus, Dómine,  
ut, eius exémplo, tibi intemeráta caritáte serviámus  
et felíces obtineámus tuæ dilectiónis efféctus.

Per Dóminum.

Lectio prior, p. 961, n. 1.

Psalmus responsorius, p. 962.

Evangelium, p. 969, n. 3.



**Die 11 februarii**  
**Beatæ Mariæ Virginis de Lourdes**

De Communi beatæ Mariæ Virginis, p. 812.

**Collecta**

Concéde, miséricors Deus,  
fragilitáti nostræ præsidium,  
ut, qui immaculátæ Dei Genetrícis memóriam ágimus,  
intercessiónis eius auxilió,  
a nostris iniquitátibus resurgámus.  
Per Dóminum.

**Lectio prior**

*Ecce ego declinabo super eam  
quasi fluvium pacis.*

Léctio libri Isaíæ prophétæ

66, 10-14 c

Lætámini cum Ierúsalem et exsultáte in ea, omnes qui dilígitis eam; gaudéte cum ea gáudio, univérsi qui lugétis super eam, ut sugátis et repleámini ab úbere consolatiónis eius, ut mulgeátis et deliciis affluátis ab omnímoda glória eius.

Quia hæc dicit Dóminus: « Ecce ego declinábo super eam quasi flúvium pacis et quasi torrémentem inundántem glóriam géntium, quam sugétis; ad úbera portabímini, et super génuá blandiéntur vobis. Quómodo, si cui mater blandiátur, ita ego consolábor vos, et in Ierúsalem consolabímini ».

Vidébitis, et gaudébit cor vestrum, et ossa vestra quasi herba germinábunt, et cognoscétur manus Dómini servis eius. — Verbum Dómini.

## Psalmus responsorius

Iudt 13, 23 bc-24 a. 25 abc (R.: 15, 10 d)

R. Tu honorificéntia pópuli nostri.

- 23 **Benedícta es tu, filia, a Dómino Deo excélso,  
præ ómnibus muliéribus super terram.**  
 24 **Benedíctus Dóminus,  
qui creávit cælum et terram. R.**  
 25 **Quia hódie nomen tuum ita magnificávit,  
ut non recédât laus tua de ore hómínium,  
qui mémore s fúerint virtútis Dómini in ætérnum. R.**

Evangelium, p. 848, n. 10.

## Die 14 februarii

## Ss. Cyrilli, monachi, et Methodii, episcopi

## Memoria

De Communi pastorum (pro fundatoribus Ecclesiarum  
vel pro missionariis), p. 896 vel p. 899.

Vel de Communi sanctorum, p. 970.

## Collecta

Deus, qui per beátos fratres Cyríllum et Methódium  
 Slavóniæ gentes illuminásti,  
 da córdibus nostris tuæ doctrínæ verba percípere,  
 nosque pérfice pópulum  
 in vera fide et recta confessióne concórdem.  
 Per Dóminum.

Lectio prior, p. 914, n. 1.

Psalmus responsorius, p. 914.

Evangelium, p. 932, n. 7.

## Die 17 februarii

**Ss. septem Fundatorum Ordinis Servorum B. M. V.**

De Communi sanctorum (pro religiosis), p. 976.

## Collecta

Beatórum fratrum, Dómine,  
 pietátem nobis benígus infúnde,  
 qua et Dei Genetrícem sunt devotíssime veneráti,  
 et tuum ad te pópulum provexérunt.  
 Per Dóminum.

Lectio prior, p. 1009, n. 1.

Psalmus responsorius, p. 1004.

Evangelium, p. 1027, n. 7 a.

## Die 21 februarii

**S. Petri Damiani, episcopi et Ecclesiæ doctoris**

De Communi pastorum (pro episcopo), p. 891.

Vel de Communi doctorum Ecclesiæ, p. 937.

Vel de Communi sanctorum (pro religiosis), p. 976.

## Collecta

Concéde nos, quésumus, omnípotens Deus;  
 beáti Petri epíscopi mónita et exémpa sectári,  
 ut, Christo nihil præponéntes  
 et Ecclésiæ tuæ servítio semper inténti,  
 ad ætérnæ lucis gáudia perducámur.  
 Per Dóminum.

Lectio prior, p. 950, n. 7.

Psalmus responsorius, p. 984.

Evangelium, p. 1044, n. 20.

Die 22 februarii  
CATHEDRÆ S. PETRI, APOSTOLI  
Festum

Ant. ad introitum

Lc 22, 32

Dicit Dóminus Simóni Petro:

Ego rogávi pro te,  
ut non deficiat fides tua,  
et tu aliquándo convérsus  
confirma fratres tuos.

Dicitur Glória in excélsis.

Collecta

Præsta, quæsumus, omnipotens Deus,  
ut nullis nos permittas perturbatióibus cóncuti,  
quos in apostólicæ confessiõnis petra solidásti.  
Per Dóminum.

Lectio prior

*Consenior et testis Christi passionum.*

Léctio Epístolæ primæ beáti Petri apóstoli

5, 1-4

Caríssimi:

Seniõres, qui in vobis sunt, óbsecro consénior et testis Christi passiónum, qui et eius, quæ in futúro revelánda est, glóriæ comunicátor: páscite qui est in vobis gregem Dei, providéntes non coácto, sed spontáneè secúndum Deum, neque turpis lucri grátia, sed voluntárie; neque ut dominántes in cleris, sed formæ facti gregis.

Et, cum apparuerit Princeps pastórum, percipiétis  
 immarcescibilem glóriæ corónam.

Verbum Dómini.

Psalmus responsorius

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

1 Dóminus pascit me, et nihil mihi déerit:

2 in páscuis viréntibus me collocávit,  
 super aquas quiétis edúxit me,

3 ánimam meam refécit.

Dedúxit me super sémitas iustítiæ  
 propter nomen suum. R.

4 Nam et si ambulávero in valle umbræ mortis,  
 non tímébo mala, quóniam tu mecum es.

Virga tua et báculo tuus  
 ipsa me consoláta sunt. R.

5 Parásti in conspéctu meo mensam

advérsus eos qui tribulant me;  
 impinguásti in óleo caput meum,  
 et calix meus redúndat. R.

6 Etenim benígnitas et misericórdia subsequéntur me

ómnibus diébus vitæ meæ,  
 et inhabitábo in domo Dómini  
 in longitudínem diérum. R.

Alleluia et Versus ante Evangelium

Mt 16, 18

(R. Allelúia). V. Tu es Petrus, et super hanc petram  
 ædificábo Ecclésiám meam,

et portæ ínferi non prævalébunt advérsum  
 eam.

(R. Allelúia).

## Evangelium

*Tu es Petrus, et tibi dabo claves  
regni cælorum.*

✠ Lécio sancti Evangélii secúndum Matthæum

16, 13-19

In illo témpore:

Venit Iesus in partes Cæsaráe Philíppi, et interrogábat discípulos suos dicens: « Quem dicunt hómines esse Fílium hóminis? »

At illi dixérunt: « Alii Ioánnem Baptistam, álii autem Eliám, álii vero Ieremíam aut unum ex prophétis ».

Dicit illis Iesus: « Vos autem quem me esse dicitis? »

Respóndens Simon Petrus, dixit: « Tu es Christus, Fílius Dei vivi ».

Respóndens autem Iesus, dixit ei: « Beátus es, Simon Bar Iona, quia caro et sanguis non revelávit tibi, sed Pater meus qui in cælis est. Et ego dico tibi: Tu es Petrus, et super hanc petram ædificábo Ecclésiám meam, et portæ ínferi non prævalébunt advérsum eam. Tibi dabo claves Regni cælórum, et quodcúmque ligáveris super terram erit ligátum in cælis, et quodcúmque sól-veris super terram erit solútum in cælis ».

Verbum Dómini.

Super oblata

Ecclésiæ tuæ, quæsumus, Dómine,  
preces et hóstias benígnus admítte,  
ut, beáto Petro pastóre,  
ad ætérrnam pervéniat hereditátem,  
quo docénte fidei tenet integritátem.  
Per Christum.

Præfatio I de Apostolis, p. 644.

**Ant. ad communionem**

**Mt 16, 16. 18**

**Dixit Petrus ad Iesum:**

**Tu es Christus, Fílius Dei vivi.**

**Respóndit Iesus:**

**Tu es Petrus,**

**et super hanc petram ædificábo Ecclésiám meam.**

**Post communionem**

**Deus, qui nos,**

**beáti Petri apóstoli festivitátem celebrántes,**

**Christi Córporis et Sánguini communióne vegetásti,**

**præsta, quæsumus,**

**ut hoc redemptiõnis commércium**

**sit sacraméntum nobis unitátis et pacis.**

**Per Christum.**

**Die 23 februarii**

**S. Polycarpi, episcopi et martyris**

**Memoria**

**De Communi martyrum, p. 855.**

**Vel de Communi pastorum (pro episcopo), p. 891.**

**Collecta**

**Deus univérse creatúræ,**

**qui beátum Polycárpum episcopum**

**in número mártýrum dignátus es aggregáre,**

**eius nobis intercessióne concéde,**

**ut, cum illo partem cálicis Christi capiéntes,**

**in vitam resurgámus ætérnam.**

**Per Dóminum.**

## Lectio prior

*Scio tribulationem tuam et paupertatem tuam.*

Lectio libri Apocalýpsis beáti Ioánnis apóstoli 2, 8-11

Ego Ioánnes audivi Dóminum dicentem mihi:

« Angelo Ecclésiæ quæ est Smyrnæ scribe: " Hæc dicit Primus et Novíssimus, qui fuit mórtuus et vixit: Scio tribulationem tuam et paupertatem tuam — sed dives es — et blasphemiam ab his qui se dicunt Iudæos esse et non sunt, sed sunt synagoga Sátanæ. Nihil horum timeas quæ passurus es. Ecce missurus est diábolus ex vobis in cárcerem, ut tentémini; et habébitis tribulationem diébus decem. Esto fidélis usque ad mortem, et dabo tibi coronam vitæ.

Qui habet aurem, áudiat quid Spíritus dicat Ecclésiis: Qui vicerit, non lædétur a morte secúnda " ».

Verbum Dómini.

## Psalmus responsorius

Ps 30, 3 cd-4. 6 a et 8 ab. 16 bc-17 (r.: 6 a)

R. In manus tuas, Dómine, comméndo spíritum meum.

3 Esto mihi in rupem præsidii et in domum munitam, ut salvum me fácias.

4 Quóniam fortitúdo mea et refúgium meum es tu, et propter nomen tuum dedúces me et pasces me. R.

6 In manus tuas comméndo spíritum meum.

8 Exsultábo et lætábor in misericórdia tua, quóniam respexisti humilitátem meam. R.

16 Eripe me de manu inimicórum meórum et a persecúentibus me;

17 illústra faciém tuam super servum tuum, salvum me fac in misericórdia tua. R.

Evangelium, p. 887, n. 6.



## MARTIUS

**Die 4 martii**

**S. Casimiri**

De Communi sanctorum, p. 970.

Collecta

**Deus omnipotens, cui servíre regnare est,  
concéde nobis, beáti Casimíri intercedénte suffrágio,  
tibi in sanctitáte et iustítia perpétuo famulári.  
Per Dóminum.**

Lectio prior, p. 1014, n. 9.

Psalmus responsorius, p. 985.

Evangelium, p. 1045, n. 21.

**Die 7 martii**

**Ss. Perpetuæ et Felicitatis, martyrum**

**Memoria**

De Communi martyrum, p. 850.

Vel de Communi sanctarum (pro sanctis mulieribus),  
p. 981.

Collecta

**Deus, cuius urgénte caritáte  
beátæ mártýres Perpétua et Felícitas  
torméntum mortis, contémpo persecutóre, vicérunt,  
da nobis, quásumus, eárum précibus,  
ut in tua semper dilectióne crescámus.  
Per Dóminum.**

Lectio prior, p. 877, n. 2.

Psalmus responsorius, p. 874.

Evangelium, p. 884, n. 3.

**Die 8 martii**  
**S. Ioannis a Deo, religiosi**

De Communi sanctorum (pro religiosjs vel pro iis qui opera misericordiæ exercuerunt), p. 976 vel p. 978.

**Collecta**

**Deus, qui beátum Ioánnem  
 misericórdiæ spírítu perfudísti,  
 da, quæsumus, ut, caritátis ópera exercéntes,  
 inter eléctos in regno tuo inveníri mereámur.  
 Per Dóminum.**

Lectio prior, p. 1019, n. 15.  
 Psalmus responsorius, p. 986.

**Alleluia et Versus ante Evangelium** Io 13, 34  
 (R. Allelúia). **¶. Mandátum novum do vobis, dicit Dó-  
 minus,  
 ut diligátis invicem sicut diléxi vos.  
 (R. Allelúia).**

**Evangelium**

Forma longior, p. 1032.  
 Forma brevior:

*Quamdiu fecistis fratribus meis minimis,  
 mihi fecistis.*

**✠ Lécio sancti Evangélii secúndum Matthæum** 25, 31-40

**In illo témpore:**

**Dixit Iesus discipulis suis: « Cum vénerit Fílius hó-  
 minis in glória sua, et omnes ángeli cum eo, tunc se-  
 débit super thronum glóriæ suæ: et congregabúntur an-**

te eum omnes gentes, et separabit eos ab invicem, sicut pastor segregat oves ab hædis: et statuet oves quidem a dextris suis, hædos autem a sinistris.

Tunc dicet Rex his qui a dextris eius erunt: " Venite, benedicti Patris mei, possidete paratum vobis Regnum a constitutione mundi. Esurivi enim, et dedistis mihi manducare; sitiivi, et dedistis mihi bibere; hospes eram, et collegistis me; nudus, et operuistis me; infirmus, et visitastis me; in carcere eram et venistis ad me ".

Tunc respondebunt ei iusti dicentes: " Domine, quando te vidimus esurientem et pavimus, aut sitiientem et dedimus tibi potum? quando autem te vidimus hospitem et collegimus, aut nudum et cooperuimus? quando autem te vidimus infirmum aut in carcere et venimus ad te? "

Et respondens Rex dicet illis: " Amen dico vobis: Quamdiu fecistis uni de his fratribus meis minimis, mihi fecistis " ». — Verbum Domini.

## Die 9 martii

### S. Franciscæ Romanæ, religiosæ

De Communi sanctarum (pro religiosis), p. 976.

#### Collecta

Deus, qui nobis in beata Francisca singulare dedisti coniugalis et monasticæ conversationis exemplar, fac nos tibi perseveranter deservire, ut in omnibus vitæ adiunctis te conspiciere et sequi valeamus.  
Per Dominum.

Lectio prior, p. 995, n. 11.

Psalmus responsorius, p. 995.

Evangelium, p. 1028, n. 7 b.

Die 17 martii

**S. Patricii, episcopi**

De Communi pastorum (pro missionariis vel pro episcopis), p. 899 vel p. 891.

**Collecta**

Deus, qui ad prædicandam  
Hiberniæ populis glóriam tuam  
beátum Patricium episcopum providísti,  
eius méritis et intercessióne concéde,  
ut, qui christiáno nómine gloriántur,  
tua mirabilia homínibus iúgiter annúntient.  
Per Dóminum.

Lectio prior, p. 1018, n. 14.

Psalmus responsorius, p. 911.

Evangelium, p. 933, n. 6.

Die 18 martii

**S. Cyrilli Hierosolymitani,  
episcopi et Ecclesiæ doctoris**

De Communi pastorum (pro episcopo), p. 891.

Vel de Communi doctorum Ecclesiæ, p. 937.

**Collecta**

Deus, qui Ecclésiám tuam  
per beátum Cyrillum episcopum  
ad mystéria salútis profúndius attingénda  
mirabiliter adduxísti,  
da nobis, eius intercessióne, Fílium tuum ita agnóscere,  
ut vitam abundántius habeámus. Per Dóminum.

Lectio prior, p. 1020, n. 17.

Psalmus responsorius, p. 941.

Evangelium, p. 1044, n. 20.

Die 19 martii

**S. IOSEPH, SPONSI BEATÆ MARIE VIRGINIS**

**Sollemnitas**

**Ant. ad introitum**

**Lc 12, 42**

Ecce fidélis servus et prudens,  
quem constituit Dóminus super familiam suam.

**Dicitur Glória in excélsis.**

**Collecta**

Præsta, quæsumus, omnipotens Deus,  
ut humanæ salutis mystéria,  
cuius primórdia beáti Ioseph fidéli custodiæ commisisti,  
Ecclésia tua, ipso intercedente, iúgiter servet implénda.  
Per Dóminum.

**Lectio prima**

*Dabit illi Dominus Deus sedem David patris eius.*

**Léctio libri secúndi Samuélis**

**7, 4-5 a. 12-14 a. 16**

**In diébus illis:**

Ecce sermo Dómini ad Nathan dicens: « Vade et loquere ad servum meum David: Hæc dicit Dóminus: " Cum compléti fuerint dies tui, et dormieris cum patribus tuis, suscitábo semen tuum post te, quod egrediétur de útero tuo, et firmábo regnum eius. Ipse ædificábit domum nómini meo, et stabiliam thronum regni eius usque in sempitérnum. Ego ero ei in patrem, et ipse erit mihi in fílium.

Et fidélis erit domus tua et regnum tuum usque in ætérnum ante faciém tuam, et thronus tuus erit firmus iúgiter " ». — Verbum Dómini.

## Psalmus responsorius

Ps 88, 2-3. 4-5. 27 et 29 (R.: 37)

R. Semen eius in ætérnum manébit.

2 Misericórdias Dómini in ætérnum cantábo,  
in generatióem et generatióem  
annuntiábo veritátem tuam in ore meo.

3 Quóniam dixísti:  
« In ætérnum misericórdia ædificábitur »,  
in cælis firmábitur véritas tua. R.

4 « Dispósui testaméntum elécto meo,  
iurávi David servo meo:

5 Usque in ætérnum confirmábo semen tuum,  
et ædificábo in generatióem et generatióem  
sedem tuam ». R.

17 « Ipse invocábit me: “ Pater meus es tu,  
Deus meus et refúgium salutis meæ ”.

29 In ætérnum servábo illi misericórdiam meam,  
et testaméntum meum fidéle ipsi ». R.

## Lectio secunda

*Contra spem in spe credidit.*

Lectio Epístolæ beáti Pauli apóstoli ad Romános

4, 13. 16-18. 22

Fratres:

Non per Legem promíssio Abrahæ aut sémini eius,  
ut heres esset mundi, sed per iustitiam fidei.

Ideo ex fide, ut secúndum grátiam, ut firma sit promíssio omni sémini, non ei qui ex Lege est solum, sed et ei qui ex fide est Abrahæ (qui est pater ómnium nostrum, sicut scriptum est: « Patrem multárum gén-tium pósui te »), ante Deum cui crédidit, qui vivificat mórtuos et vocat ea quæ non sunt quasi sint. Qui contra

spem in spe crédidit, ut fieret pater multárum géntium, secúndum quod dictum est: « Sic erit semen tuum ».

Ideo et reputátum est illi ad iustítiam.

Verbum Dómini.

Alleluia et Versus ante Evangelium Ps 83, 5

(R. Allelúia). V. Beáti qui hábitant in domo tua,  
Dómine,  
in sécula sæculórum laudábunt te.  
(R. Allelúia).

Evangelium \*

*Ioseph fecit sicut præcepit ei angelus Domini.*

✠ Lécio sancti Evangélii secúndum Matthæum  
1, 16. 18-21. 24 a

Iacob genuit Ioseph virum Mariæ, de qua natus est Iesus, qui vocátur Christus.

Iesu Christi autem generátio sic erat. Cum esset desponsáta mater eius María Ioseph, ántequam convenírent, invénta est in útero habens de Spíritu Sancto. Ioseph autem vir eius, cum esset iustus et nollet eam tradúcere, vóluit occúlte dimíttere eam.

Hæc autem eo cogitánte, ecce ángelus Dómini in somnis apparuit ei dicens: « Ioseph, fili David, noli timére accípere Mariám cóniugem tuam; quod enim in ea natum est, de Spíritu Sancto est. Páriet autem fílium, et vocábis nomen eius Iesum; ipse enim salvum fáciat pó-pulum suum a peccátis eórum ».

Exsúrgens autem Ioseph a somno, fecit sicut præcepit ei ángelus Dómini. — Verbum Dómini.

Vel

*Ecce pater tuus et ego dolentes quærebat<sup>us</sup> te.*✠ Léc<sup>ti</sup>o sancti Evangélii secúndum Lucam

2, 41-51 a

Ibant paréntes Iesu per omnes annos in Ierúsalem, in die festo Paschæ. Et, cum factus esset annórum duódecim, ascendéntibus illis secúndum consuetúdinem diéi festi, consummatisque diébus, cum redírent, remánsit puer Iesus in Ierúsalem, et non cognovérunt paréntes eius. Existimántes autem illum esse in comitátu, venérunt iter diéi, et requirebánt eum inter cognátos et notos.

Et non inveniéntes, regréssi sunt in Ierúsalem requirentes eum.

Et factum est, post tríduum invenérunt illum in templo sedéntem in médio doctórum, audiéntem illos et interrogántem eos. Stupébant autem omnes, qui eum audiébant, super prudentia et respónsis eius. Et vidéntes eum admiráti sunt.

Et dixit mater eius ad illum: « Fili, quid fecísti nobis sic? Ecce pater tuus et ego doléntes quærebat<sup>us</sup> te ».

Et ait ad illos: « Quid est quod me quærebat<sup>is</sup>? Nesciebat<sup>is</sup> quia in his quæ Patris mei sunt opórtet me esse? » Et ipsi non intellexérunt verbum, quod locútus est ad illos.

Et descéndit cum eis et venit Názareth; et erat súbditus illis. — Verbum Dómini.

Dicitur Credo.

Super oblata

Quésumus, Dómine, ut, sicut beátus Ioseph Unigénito tuo, nato de María Vírgine,



**pia devotióne desérviit,  
ita et nos mundo corde  
tuis altáribus mereámur ministráre.  
Per Christum.**

Præfatio de S. Ioseph (Et te in sollemnitate), p. 643.

Ant. ad communionem Mt 25, 21  
**Euge, serve bone et fidélis: intra in gáudium Dómini tui.**

Post communionem

**Famíliam tuam, quésumus, Dómine,  
quam de beáti Ioseph sollemnitate lætántem  
ex huius altáris alimónia satiásti,  
perpétua protectiÓne defénde,  
et tua in ea propitiátus dona custódi.  
Per Christum.**

**Die 23 martii**

**S. Turibii de Mogrovejo, episcopi**

De Communi pastorum (pro episcopo), p. 891.

Collecta

**Deus, qui Ecclésiám tuam  
beáti Turibii episcopi apostólicis curis  
zelóque veritátis auxísti,  
concéde, ut pópulus tibi sacrátus  
fidei et sanctitátis nova semper increménta suscípiat.  
Per Dóminum.**

Lectio prior, p. 924, n. 11.

Psalmus responsorius, p. 909.

Evangelium, p. 926, n. 1.

**Die 25 martii**  
**IN ANNUNTIATIONE DOMINI**  
**Sollemnitas**

Ant. ad introitum Hebr 10, 5. 7

**Dóminus ingrédiens mundum dixit:**  
**Ecce vénio ut fáciam, Deus, voluntátem tuam.**

Dicitur *Glória in excélsis.*

Collecta

**Deus, qui Verbum tuum in útero Vírginis Mariæ  
veritátem carnís humánæ suscipere voluísti,  
concéde, quésumus,  
ut, qui Redemptórem nostrum  
Deum et hóminem confitémur,  
ipsíus étiam divínæ natúræ mereámur esse consórtes.  
Per Dóminum.**

Lectio prima

*Ecce virgo concipiet.*

Léctio libri Isaíæ prophétæ 7, 10-14; 8, 10

In diébus illis:

Locútus est Dóminus ad Achaz, dicens: « Pete tibi signum a Dómino Deo tuo in profúndum inférni sive in excélsum supra ».

Et dixit Achaz: « Non petam, et non tentábo Dóminum ».

Et dixit Isaías: « Audíte ergo, domus David, numquid parum vobis est moléstos esse homínibus, quia molésti estis et Deo meo? Propter hoc dabit Dómi-

nus ipse vobis signum: Ecce virgo concípíet et páriet fílium, et vocábitur nomen eius Emmánuel, quia nobíscum Deus ». — Verbum Dómini.

### Psalmus responsorius

Ps 39, 7-8 a. 8 b-9. 10. 11 (R.: 8 a et 9 a)

R. Ecce vénio, Dómine, ut fáciam voluntátem tuam.

7 Sacrificium et oblatiónem noluísti,  
aures autem fodísti mihi.

Holocáustum et pro peccáto non postulásti,

8 tunc dixi: « Ecce vénio. R.

In volúmine libri scriptum est de me

9 fácere voluntátem tuam.

Deus meus, vólui,

et lex tua in præcórdiis meis ». R.

10 Annuntiávi iustítiam tuam in ecclésia magna;

ecce lábia mea non prohibébo, Dómine, tu scisti. R.

11 Iustítiam tuam non abscondi in corde meo,

veritátem tuam et salutáre tuum dixi.

Non abscondi misericórdiam tuam

et veritátem tuam ab ecclésia magna. R.

### Lectio secunda

*In capitulo libri scriptum est de me,  
ut faciam, Deus, voluntatem tuam.*

Lectio Epístolæ ad Hebræos

10, 4-10

Impossibile est sánguinem taurórum et hircórum auférre peccáta. Ideo ingrédíens mundum Christus dicit: « Hóstiam et oblatiónem noluísti, corpus autem aptásti mihi; holocaustómata et sacrificia pro peccáto non tibi placuerunt; tunc dixi: “ Ecce vénio; in capítulo

libri scriptum est de me, ut fáciam, Deus, voluntátem tuam " ».

Supérius dicens, « Hóstias et oblatiónes et holocaustómata et sacrificia pro peccáto nolúisti nec placuérunt tibi » quæ secúndum Legem offerúntur, tunc dixit: " Ecce vénio, ut fáciam voluntátem tuam " »; aufert primum, ut secúndum státuat.

In qua voluntáte sanctificáti sumus per oblatiónem córporis Christi Iesu in semel. — Verbum Dómini.

Alleluia et Versus ante Evangelium Io 1, 14 ab  
(R. Allelúia). ⁊. Verbum caro factum est  
et habitávit in nobis,  
et vídimus glóriam eius. (R. Allelúia).

### Evangelium

*Ecce concipies in utero et paries filium.*

✠ Lécio sancti Evangélii secúndum Lucam  
1, 26-38

In illo témpore:

Missus est ángelus Gábriel a Deo in civitátem Galiléæ, cui nomen Náza-reth, ad vírginem desponsátam viro, cui nomen erat Ioseph, de domo David, et nomen vírginis María.

Et ingrèssus ad eam dixit: « Ave, grátia plena, Dóminus tecum ». Ipsa autem turbáta est in sermóne eius, et cogitábat qualis esset ista salutátio.

Et ait Angelus ei: « Ne tímeas, María; invenísti enim grátiam apud Deum: et ecce concipies in útero et páries fílium, et vocábis nomen eius Iesum. Hic erit magnus, et Fílius Altíssimi vocábitur, et dabit illi Dóminus Deus sedem David patris eius, et regnábit super domum Iacob in ætérnum, et Regni eius non erit finis ».

Dixit autem María ad Angelum: « Quómodo fiet istud, quóniam virum non cognóscó? »

Et respóndens Angelus dixit ei: « Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur Sanctum vocábitur, Fílius Dei. Et ecce Elísabeth, cognáta tua, et ipsa concépit fílium in senectúte sua; et hic mensis est sextus illi, quæ vocátur stérilis; quia non erit impossibile apud Deum omne verbum ».

Dixit autem María: « Ecce ancílla Dómini; fiat mihi secúndum verbum tuum ». Et discéssit ab illa Angelus. — Verbum Dómini.

Dicitur Credo. Ad verba Et incarnátus est genuflectitur.

Super oblata

Ecclésiæ tuæ munus, omnípotens Deus,  
dignáre suscipere,  
ut, quæ in Unigéniti tui incarnatióne  
primórdia sua constáre cognóscit,  
ipsíus gaudeat hac sollemnitate celebráre mystéria.  
Per Christum.

Præfatio: De mysterio Incarnationis.

Ꝁ. Dóminus vobíscum.

Ꝥ. Et cum spírítu tuo.

Ꝁ. Sursum corda.

Ꝥ. Habémus ad Dóminum.

Ꝁ. Grátias agámus Dómino Deo nostro.

Ꝥ. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.

**Quem inter hómínes et propter hómínes nascitúrum,  
 Spíritus Sancti obumbránte virtúte,  
 a cælésti núntio Virgo fidénte audívit  
 et immaculátis viscéríbus amánte portávit,  
 ut et promissiónes fíliis Israel perficeret véritas,  
 et géntium exspectátio patéret ineffabíliter adimplénda.  
 Per quem maiestátem tuam adórat exércitus Angelórum,  
 ante conspéctum tuum in æternitáte lætántium.  
 Cum quíbus et nostras voces ut admítte iúbeas,  
 deprecámur, sócia exsultatióne dicétes:  
 Sanctus, Sanctus, Sanctus Dóminus Deus Sábaoth ...**

Ant. ad communionem

Is 7, 14

**Ecce Virgo concípiet et páriet Fílium,  
 et vocábitur nomen eius Emmánuel.**

Post communionem

**In méntibus nostris, quæsumus, Dómine,  
 veræ fídei sacraméta confírma,  
 ut, qui concéptum de Vírgine  
 Deum verum et hómíne confitémur,  
 per eius salutíferæ resurrectiós poténtiam,  
 ad ætérrnam mereámur pervenire lætítiam.  
 Per Christum.**

## APRILIS

Die 2 aprilis

**S. Francisci de Paola, eremitæ**

De Communi sanctorum (pro religiosis), p. 976.

Collecta

**Deus, humilium celsitúdo,  
qui beátum Francíscum  
sanctorum tuorum glória sublimásti,  
tribue, quæsumus, ut, eius méritis et exémplo,  
promíssa humilibus præmia felíciter consequámur.  
Per Dóminum.**

Lectio prior, p. 1014, n. 9.

Psalmus responsorius, p. 905.

Evangelium, p. 1042, n. 17.

Die 4 aprilis

**S. Isidori, episcopi et Ecclesiæ doctoris**

De Communi pastorum (pro episcopo), p. 891.

Vel de Communi doctorum Ecclesiæ, p. 937.

Collecta

**Exáudi, quæsumus, Dómine, preces nostras,  
quas in beáti Isidóri commemoratióne deférimus,  
ut Ecclesiá tua eius intercessiόνibus adiuvétur,  
cuius cæléstibus instrúitur disciplínis.  
Per Dóminum.**

Lectio prior, p. 920, n. 6.

Psalmus responsorius, p. 940.

Evangelium, p. 956, n. 3 a.

Die 5 aprilis

**S. Vincentii Ferrer, presbyteri**

De Communi pastorum (pro missionariis), p. 899.

Vel de Communi sanctorum (pro religiosis), p. 976.

**Collecta**

Deus, qui beátum Vincéntium presbýterum  
minístrum prædicatiónis evangélicæ suscitásti,  
præsta, quæsumus,  
ut, quem ventúrum iúdicem nuntiávit in terris,  
beáti videámus regnántem in cælis.

Per Dóminum.

Lectio prior, p. 925, n. 12.

Psalmus responsorius, p. 908.

Evangelium, p. 1042, n. 18.

Die 7 aprilis

**S. Ioannis Baptistæ de la Salle, presbyteri**

**Memoria**

De Communi pastorum, p. 893.

Vel de Communi sanctorum (pro educatoribus), p. 980.

**Collecta**

Deus, qui ad christiánam iuventútem educándam  
beátum Ioánnem Baptistam elegísti,  
éxcita in Ecclésia tua institutóres,  
qui humánæ et christiánæ iúvenum disciplínæ  
toto corde sese devóveant.

Per Dóminum.

Lectio prior, p. 924, n. 11.

Psalmus responsorius, p. 1003.

Evangelium, p. 1025, n. 6.



## Die 11 aprilis

**S. Stanislai, episcopi et martyris**

De Communi martyrum, p. 855 vel 860.

Vel de Communi pastorum (pro episcopo), p. 891.

## Collecta

Deus, pro cuius honore beátus episcopus Stanisláus  
gládiis persecutorum occúbuit,  
præsta, quæsumus,  
ut fortes in fide usque ad mortem perseveráre valeámus.  
Per Dóminum.

Lectio prior, p. 874, n. 3.

Psalmus responsorius, p. 875.

Evangelium, p. 887, n. 7.

## Die 13 aprilis

**S. Martini I, papæ et martyris**

De Communi martyrum, p. 855 vel 860.

Vel de Communi pastorum (pro papa), p. 889.

## Collecta

Da nobis, quæsumus, omnípotens Deus,  
advérsa mundi invícta mentis constántia toleráre,  
qui beátum Martínum papam et mártirem  
nec minis terréri nec pœnis passus es superári.  
Per Dóminum.

Lectio prior, p. 879, n. 5.

Psalmus responsorius, p. 876.

Evangelium, p. 887, n. 6.

**Die 21 aprilis**

**S. Anselmi, episcopi et Ecclesiæ doctoris**

De Communi pastorum (pro episcopo), p. 891.

Vel de Communi doctorum Ecclesiæ, p. 937.

Vel de Communi sanctorum (pro religiosis), p. 976.

**Collecta**

**Deus, qui beáto Anselmo episcopo dedísti  
alta sapiéntiæ tuæ quærere et docére,  
fac ita fidem tuam intelléctui nostro subveníre,  
ut cordi dulce sápiant quæ nobis credénda mandásti.  
Per Dóminum.**

Lectio prior, p. 1013, n. 7.

Psalmus responsorius, p. 995.

Evangelium, p. 951, n. 1 a.

**Die 23 aprilis**

**S. Georgii, martyris**

De Communi martyrum, p. 855 vel 860.

**Collecta**

**Magnificántes, Dómine, poténtiam tuam,  
súplices exorámus, ut, sicut sanctus Geórgius  
dominicæ fuit passiónis imitátor,  
ita sit fragilitátis nostræ promptus adiútor.  
Per Dóminum.**

Lectio prior, p. 876, n. 4.

Psalmus responsorius, p. 876.

Evangelium, p. 885, n. 4.

**Die 24 aprilis****S. Fidélis de Sigmaringen, presbyteri et martyris**

De Communi martyrum, p. 855 vel 860.

Vel de Communi pastorum, p. 893.

**Collecta**

**Deus, qui beátum Fidélem, amóre tuo succénsus,  
in fidei propagatióne  
martyrii palma decoráre dignátus es,  
ipso interveniénte, concéde, ut, in caritaté fundáti,  
cum illo resurrectiόνis Christi virtútem  
cognóscere mereámur. Per Dóminum.**

Lectio prior, p. 923, n. 9.

Psalmus responsorius, p. 865.

Evangelium, p. 1045, n. 21.

**Die 25 aprilis****S. MARCI, EVANGELISTÆ****Festum**

**Ant. ad introitum**

**Mc 16, 15**

**Eúntes in mundum univérsum,  
prædicáte Evangélium omni creatúræ, allelúia.**

**Dicitur Glória in excélsis.**

**Collecta**

**Deus, qui beátum Marcum evangelístam tuum  
evangélicæ prædicatiónis grátia sublimásti,  
tribue, quæsumus, eius nos eruditióné ita proficere,  
ut vestigia Christi fidéliter sequámur.  
Per Dóminum.**

## Lectio prior

*Salutat vos Marcus filius meus.*

Lectio Epistolæ primæ beati Petri apostoli 5, 5 b-14

Carissimi:

Omnes invicem humilitatem induite, quia « Deus superbis resistit, humilibus autem dat gratiam ». Humiliamini igitur sub potenti manu Dei, ut vos exaltet in tempore, omnem sollicitudinem vestram proicientes in eum, quoniam ipsi cura est de vobis.

Sobrii estote, vigilate: adversarius vester diabolus, tamquam leo rugiens, circuit quaerens quem devoret; cui resistite fortes fide, scientes eadem passionum ei, quae in mundo est, vestrae fraternitati fieri. Deus autem omnis gratiae, qui vocavit vos in aeternam suam gloriam in Christo Iesu, modicum passus ipse perficiet, confirmabit, solidabit, fundabit. Ipsi imperium in saecula saeculorum. Amen.

Per Silvianum vobis fidelem fratrem, ut arbitror, breviter scripsi, obsecrans et contestans hanc esse veram gratiam Dei, in qua state.

Salutat vos quae est in Babylone coelecta, et Marcus filius meus. Salutate invicem in osculo caritatis.

Pax vobis omnibus qui estis in Christo.

Verbum Domini.

Psalmus responsorius

Ps 88, 2-3. 6-7. 16-17 (R.: cf. 2 a)

R. Misericordias tuas, Domine, in aeternum cantabo.  
vel Alleluia.

<sup>2</sup> Misericordias Domini in aeternum cantabo,  
in generationem et generationem  
annuntiabo veritatem tuam in ore meo.

- 3 Quóniam dixísti:  
« In ætérnum misericórdia ædificábitur »,  
in cælis firmábitur véritas tua. **℞.**
- 6 Confitebúntur cæli mirabília tua, Dómine,  
étenim veritátem tuam in ecclésia sanctorum.
- 7 Quóniam quis in núbibus æquábitur Dómino,  
símilis erit Dómino in filiis Dei? **℞.**
- 16 Beátus pópulus qui scit iubilatióem;  
Dómine, in lúmine vultus tui ambulábunt,  
17 et in nómine tuo exsultábunt tota die,  
et in iustítia tua exaltabúntur. **℞.**

**Alleluia**

1 Cor 1, 23-24

**℞. Allelúia. V.** Nos prædicámus Christum crucifíxum,  
Dei virtútem et Dei sapiéntiam. **℞. Allelúia.**

**Evangelium***Prædicate Evangelium omni creaturæ.*✠ **Léctio sancti Evangélii secúndum Marcum**

16, 15-20

**In illo témpore: Appárens Iesus Undecim dixit eis:**

« Eúntes in mundum univérsum, prædicáte Evan-  
gélium omni creaturæ. Qui crediderit et baptizátus fue-  
rit, salvus erit; qui vero non crediderit, condemnábitur.

Signa autem eos qui crediderint, hæc sequéntur: in  
Nómine meo dæmónia eícient, linguis loquéntur novis,  
serpéntes tollent, et si mortíferum quid bíberint, non  
eos nocébit; super ægrótos manus impónent, et bene  
habébunt ».

Et Dóminus quidem Iesus, postquam locúsus est  
eis, assúptus est in cælum, et sedit a dextris Dei.

**Illi autem profecti prædicaverunt ubique, Dómino cooperante et sermónem confirmante, sequéntibus signis. — Verbum Dómini.**

Super oblata

**Glóriam beáti Marci veneránte,  
tibi, Dómine, hóstias laudis offérimus,  
teque suppliciter deprecámur, ut evangélica prædicatio  
in Ecclésia tua iúgiter perseveret.  
Per Christum.**

Præfatio II de Apostolis, p. 645.

Ant. ad communionem

Mt 28, 20

**Ecce ego vobiscum sum ómnibus diébus  
usque ad consummationem sæculi,  
dicit Dóminus, allelúia.**

Post communionem

**Præsta, quæsumus, omnípotens Deus,  
ut, quod de sancto altári tuo accépimus, nos sanctíficet,  
et in fide Evangélii, quod beátus Marcus prædicávit,  
fortes effíciat. Per Christum.**

**Die 28 aprilis**

**S. Petri Chanel, presbyteri et martyris**

De Communi martyrum, p. 860.

Vel de Communi pastorum (pro missionariis), p. 899.

Collecta

**Deus, qui ad dilatándam Ecclésiam tuam  
beátum Petrum martýrio coronásti,  
da nobis, in his paschálibus gáudiis,**

ita Christi mórtui et resurgéntis mystéria frequentáre,  
ut novitátis vitæ testes esse mereámur.

Per Dóminum.

Lectio prior, p. 918, n. 2.

Psalmus responsorius, p. 912.

Evangelium, p. 929, n. 4.

### Die 29 aprílis

## S. Catharinæ Senensis, virginis et Ecclesiæ doctoris Memoria

De Communi virginum, p. 957.

Vel de Communi doctorum Ecclesiæ, p. 937.

Ant. ad introitum

Hæc est virgo sápiens, et una de número prudéntum,  
quæ óbviã Christo cum lámpade accénsa éxiit, allelúia.

Collecta

Deus, qui beátam Catharinam  
in contemplatióne dominicæ passiónis  
et in Ecclésiæ tuæ servitio divíno amóre flagráre fecísti,  
ipsíus intercessióne concéde,  
ut pópulus tuus, Christi mystério sociátus,  
in eius glóriæ revelatióne semper exsúltet.  
Per Dóminum.

Lectio prior

*Sanguis Iesu mundat nos ab omni peccato.*

Léctio Epístolæ primæ beáti Ioánnis apóstoli

Caríssimi:

1, 5 — 2, 2

Hæc est annuntiatio, quam audívimus ab eo, et  
annuntiámus vobis: quóniam Deus lux est, et ténebræ

in eo non sunt ullæ. Si dixerimus quóniam communió-  
nem habémus cum eo, et in ténebris ambulámus, men-  
timur et non fácimus veritátem; si autem in luce am-  
bulémus, sicut ipse est in luce, communió-  
nem habémus ad ínicem, et sanguis Iesu, Fílii eius, mundat nos ab  
omni peccáto.

Si dixerimus quóniam peccátum non habémus, ipsi  
nos sedú-  
cimus, et véritas in nobis non est. Si confiteámur  
peccáta nostra, fidélis est et iustus, ut remíttat nobis  
peccáta, et emúndet nos ab omni iniustítia. Si dixerimus  
quóniam non peccávimus, mendácem fácimus eum, et  
verbum eius non est in nobis.

Filíoli mei, hæc scribo vobis, ut non peccétis; sed  
si quis peccáverit, advocátum habémus ad Patrem, Ie-  
sum Christum iustum, et ipse est propitiátio pro pec-  
cátis nostris: non pro nostris autem tantum, sed étiam  
pro totíus mundi. — Verbum Dómini.

Psalmus responsorius

Ps 102, 1-2. 3-4. 8-9. 13-14. 17-18 a (R.: 1 a)

R. **Bé-  
nedic, á-  
nima mea, Dó-  
mino.**

- <sup>1</sup> **Bé-  
nedic, á-  
nima mea, Dó-  
mino;  
et ó-  
mnia quæ  
intra me  
sunt, nó-  
mini san-  
cto eius.**
- <sup>2</sup> **Bé-  
nedic, á-  
nima mea,  
Dómino,  
et noli ob-  
livisci om-  
nes retribu-  
tiones eius.** R.
- <sup>3</sup> **Qui propi-  
tiátur ó-  
mnibus in-  
iquitatibus  
tuis,  
qui sanat  
omnes in-  
firmitates  
tuas;**
- <sup>4</sup> **qui ré-  
dimittit de  
inté-  
ritu vitam  
tuam,  
qui coró-  
nat te in  
misericór-  
dia et mi-  
seratió-  
nibus.** R.
- <sup>8</sup> **Miserá-  
tor et mi-  
séricors Dó-  
minus,  
longá-  
nimis et  
multæ mi-  
sericór-  
diæ.**
- <sup>9</sup> **Non in  
perpétuum  
conténdet,  
neque in  
ætérnum  
irascétur.** R.



- 13 Quómodo miserétur pater filiórum,  
miserétus est Dóminus timéntibus se.
- 14 Quóniam ipse cognóvit figméntum nostrum,  
recordátus est quóniam pulvis sumus. **℞.**
- 17 Misericórdia autem Dómini ab ætérno  
et usque in ætérnum super timéntes eum,  
et iustítia illíus in filios filiórum;
- 18 in eos qui servant testaméntum eius. **℞.**

*Evangelium, p. 1023, n. 3.*

### Super oblata

Súscipe, Dómine,  
quam in beátæ Catharinæ commemoratióne  
offérimus hóstiam salutárem,  
ut, illíus mónitis erudíti,  
tibi vero Deo fervéntius grátias ágere valeámus.  
Per Christum.

### Ant. ad communionem

1 Io 1, 7

Si in luce ambulámus, sicut Deus est in luce,  
societátem habémus ad ívicem,  
et sanguis Iesu Christi, Filii eius,  
emúndat nos ab omni peccáto, allelúia.

### Post communionem

Æternitátem nobis, Dómine, cónferat,  
qua pasti sumus, mensa cæléstis,  
quæ beátæ Catharinæ vitam étiam áluit temporálem.  
Per Christum.

**Die 30 aprilis**

**S. Pii V, papæ**

De Communi pastorum (pro papa), p. 889.

**Collecta**

**Deus, qui in Ecclésia tua beátum Pium papam  
ad fidem tuéndam ac te dígnius coléndum  
próvidus excitásti,  
da nobis, ipso intercedénte,  
vívida fide ac fructuósa caritáte  
mysteriórum tuórum esse partícipes.  
Per Dóminum.**

Lectio prior, p. 919, n. 3.

Psalmus responsorius, p. 915.

Evangelium, p. 935, n. 11.

## MAIUS

### Die 1 maii S. Ioseph Opificis

¶ Evangelium huius memoriæ est proprium.

Ant. ad introitum

Ps 127, 1-2

Beátus omnis qui timet Dóminum,  
qui ámbulat in viis eius.

Labóres mánuum tuárum manducábis,  
beátus es, et bene tibi erit, allehúia.

Collecta

Rerum cónditor, Deus,  
qui legem labóris humano géneri statuísti,  
concéde propítius,  
ut, sancti Ioseph exémplo et patrocínio,  
ópera perficiámus quæ præcipis,  
et præmia consequámur quæ promíttis.  
Per Dóminum.

Lectio prior \*

*Replete terram et subicite eam.*

Lectio libri Génesis

1, 26 — 2, 3

Ait Deus:

« Faciámus hóminem ad imáginem et similitúdinem  
nostram; et præsit piscibus maris et volatilibus cæli  
et béstiis universæque terræ omnique réptili, quod  
movétur in terra ».

Et creávit Deus hóminem ad imáginem suam; ad imáginem Dei creávit illum: másculum et féminam creávit eos.

Benedixítque illis Deus et ait: « Créscite et multiplicámini et repléte terram et subícite eam, et dominámini píscibus maris et volatílibus cæli et univérsis animántibus, quæ movéntur super terram ».

Dixítque Deus: « Ecce dedi vobis omnem herbam afferéntem semen super terram, et univérsa ligna, quæ habent in semetipsis seméntem géneris sui, ut sint vobis in escam et cunctis animántibus terræ omnique vólucris cæli, et univérsis quæ movéntur in terra et in quibus est ánima vivens, ut hábeant ad vescéndum ».

Et factum est ita. Vidítque Deus cuncta quæ fécerat, et erant valde bona. Et factum est vésperere et mane, dies sextus.

Igitur perfécti sunt cæli et terra et omnis ornátus eórum. Complevítque Deus die séptimo opus suum, quod fécerat, et requiévit die séptimo ab univérso ópere quod patrát. Et benedixít diéi séptimo et sanctificávit illum, quia in ipso cessáverat ab omni opére suo, quod creávit Deus ut fáceret. — Verbum Dómini.

---

Vel

*Quodcumque facitis, ex animo operamini,  
sicut Domino et non hominibus.*

Léctio Epístolæ beáti Pauli apóstoli ad Colossénses

3, 14-15. 17. 23-24

Fratres:

Super ómnia hæc caritátem, quod est vínculum perfectiónis, et pax Christi dominétur in córdibus vestris, ad quam et vocáti estis in uno córpore, et grati estóte.

Omne quodcúmque fácitis in verbo aut in ópere, ómnia in Nómine Dómini Iesu, grátias ágentes Deo Patri per ipsum.

Quodcúmque fácitis, ex ánimo operámini, sicut Dómino et non homínibus; sciéntes quod a Dómino accipiétis retributióem hereditátis. Dómino Christo servíte. — Verbum Dómini.

### Psalmus responsorius

Ps 89, 2. 3-4. 12-13. 14 et 16 (R.: 17 c)

R. Opus mánuum nostrárum confírma, Dómine.

vel Allelúia.

- 2 Priúsqvam montes nasceréntur  
aut gignerétur terra et orbis,  
a sáculo et usque in sáculum tu es Deus. R.
- 3 Redúcis hóminem in púlverem;  
et dixísti: « Revertímini, filii hóminum ».
- 4 Quóniam mille anni ante óculos tuos  
tamquam dies hestérna quæ præteriit,  
et custódia in nocte. R.
- 12 Dinumeráre dies nostros sic doce nos,  
ut inducámus cor ad sapiéntiam.
- 13 Convértere, Dómine, úsquequo?  
Et deprecábilis esto super servos tuos. R.
- 14 Reple nos mane misericórdia tua,  
et exultábimus et delectábimur ómnibus diébus nostris.
- 16 Appáreat servis tuis opus tuum,  
et decor tuus fíliis eórum. R.

### Alleluia

Ps 67, 20

R. Allelúia. γ. Benedíctus Dóminus die cotídie;  
portábit nos Deus salutárium nostrórum.  
R. Allelúia.

## Evangelium

*Nonne hic est fabri filius?*✠ **Lectio sancti Evangelii secundum Matthæum****In illo tempore:**

13, 54-58

Veniens Iesus in patriam suam, docebat eos in synagoga eorum, ita ut mirarentur et dicerent: « Unde huic sapientia hæc et virtutes? Nonne hic est fabri filius? Nonne mater eius dicitur Maria, et fratres eius Iacobus et Ioseph et Simon et Iudas? Et sorores eius nonne omnes apud nos sunt? Unde ergo huic omnia ista? » Et scandalizabantur in eo.

Iesus autem dixit eis: « Non est propheta sine honore nisi in patria et in domo sua ».

Et non fecit ibi virtutes multas propter incredulitatem illorum. — Verbum Domini.

Super oblata

Fons totius misericordiae, Deus,  
 respice ad munera nostra,  
 quae in commemoratione beati Ioseph  
 maiestati tuae deferrimus,  
 et concede propitius,  
 ut oblata dona fiant praesidia supplicantium.  
 Per Christum.

Praefatio de S. Ioseph (Et te in commemoratione), p. 643.

Ant. ad communionem

Col 3, 17

Omne quodcumque facitis in verbo aut in opere,  
 omnia in nomine Domini, gratias agentes Deo, alleluia.

Post communionem

Caelstibus, Domine, pasti deliciis, supplices te rogamus,  
 ut, exemplo beati Ioseph,

caritátis tuæ in córdibus nostris testimónia geréntes,  
perpétuæ pacis fructu iúgiter perfruámur.  
Per Christum.

### Die 2 maii

#### S. Athanasii, episcopi et Ecclesiæ doctoris

#### Memoria

De Communi pastorum (pro episcopo), p. 891.

Vel de Communi doctorum Ecclesiæ, p. 937.

#### Collecta

Omnípotens sempitérne Deus,  
qui beátum Athanásium episcopum  
divinitátis Fílii tui propugnatórem exímium suscitásti,  
concéde propítius,  
ut, eius doctrína et protectióne gaudéntes,  
in tui cognitióne et amóre sine intermissióne crescámus.  
Per Dóminum.

#### Lectio prior

*Hæc est victoria, quæ vicit mundum,  
fides nostra.*

Léctio Epístolæ primæ beáti Ioánnis apóstoli 5, 1-5

#### Caríssimi:

Omnis qui credit quóniam Iesus est Christus, ex Deo natus est; et omnis qui díligit Deum qui génuít, díligit et eum qui natus est ex eo.

In hoc cognóscimus quóniam díligimus natos Dei, cum Deum díligámus et mandáta eius faciámus. Hæc est enim cáritas Dei, ut mandáta eius servémus; et mandáta eius grávia non sunt.

Quóniam omne quod natum est ex Deo, vincit mundum; et hæc est victória, quæ vicit mundum, fides nostra. Quis est qui vincit mundum, nisi qui credit quóniam Iesus est Fílius Dei? — Verbum Dómini.

**Psalmus responsorius**

Ps 36, 3-4. 5-6. 30-31 (R.: 30 a)

R. Os iusti meditábitur sapiéntiam.

Spera in Dómino et fac bonitátem,  
et inhabitábis terram et pascéris in fide.

Delectáre in Dómino,  
et dabit tibi petitiónes cordis tui. R.

Commítte Dómino viam tuam et spera in eo,  
et ipse fáciat;

et edúcet quasi lumen iustítiam tuam,  
et iudícium tuum tamquam merídiem. R.

Os iusti meditábitur sapiéntiam,  
et lingua eius loquétur iudícium;  
lex Dei eius in corde ipsíus,  
et non vacillábunt gressus eius. R.

**Alleluia**

Mt 5, 10

R. Allelúia. V. Beáti qui persecutiónem patiúntur  
propter iustítiam,  
quóniam ipsórum est Regnum cælórum.

R. Allelúia.

**Evangelium**

*Cum persequentur vos in civitate ista, fugite in aliam.*

✠ Lécio sancti Evangélli secúndum Matthæum

10, 22-25 a

In illo témpore: Dixit Iesus discíplis suis:

« Eritis ódio ómnibus propter nomen meum; qui autem perseveráverit in finem, hic salvus erit. Cum au-



tem persequéntur vos in civitaté ista, fúgite in áliam. Amen enim dico vobis: Non consummábitis civitatés Israel, donec véniat Fílius hóminis.

Non est discipulus super magistrum, nec servus super dómimum suum. Súfficit discipulo ut sit sicut magíster eius, et servus sicut dóminus eius ».

Verbum Dómini.

Super oblata

Réspice, Dómine, múnera quæ tibi in commemoratióne sancti Athanásii perhibémus, eíusque fidem profiténtibus illibátam tuæ testificatio veritatís prosit ad salutem. Per Christum.

Post communionem

Da nobis, quæsumus, omnipotens Deus, ut Unigéniti tui vera divínitas, quam cum beáto Athanásio firmiter confitémur, per hoc sacraméntum vivíficet nos semper et múniat. Per Christum.

Die 3 maii

SS. PHILIPPI ET IACOBI, APOSTOLORUM

Festum

Ant. ad introitum

Isti sunt viri sancti,  
quos elégit Dóminus in caritaté non ficta,  
et dedit illis glóriam sempitérnam, alleluía.

Dicitur Glória in excélsis.

Collecta

Deus, qui nos ánnua apostolorum Philíppi et Iacóbi festivitáte lætificas,

da nobis, ipsórum précibus,  
 in Unigéniti tui passióne et resurrectione consórtium,  
 ut ad perpétuam tui visiónem pervenire mereámur.  
 Per Dóminum.

### Lectio prior

*Dominus visus est Iacobo, deinde Apostolis omnibus.*

Lectio Epístolæ primæ beáti Pauli apóstoli  
 ad Corínthios

15, 1-8

Notum vobis fácio, fratres, Evangélium, quod evangelizávi vobis, quod et accepístis, in quo et statis, per quod et salvámini, qua ratióne evangelizáverim vobis, si tenétis, nisi si frustra credidístis.

Trádidi enim vobis in primis quod et accépi: quóniam Christus mórtuus est pro peccátis nostris, secúndum Scriptúras, et quia sepúltus est et quia suscitátus est tértia die, secúndum Scripturas, et quia visus est Cephæ, et post hæc Duódecim; deínde visus est plus quam quingéntis frátribus simul, ex quibus plures manent usque adhuc, quidam autem dormiérunt; deínde visus est Iacóbo, deínde Apóstolis ómnibus; novíssime autem ómnium, tamquam abortívo, visus est et mihi.

Verbum Dómini.

Psalmus responsorius

Ps 18, 2-3. 4-5 (R.: 5 a)

R. In omnem terram exívit sonus eórum.

vel Allelúia.

Cæli enárrant glóriam Dei,  
 et ópera mánuum eius annúntiat firmaméntum.  
 Dies diéi erúctat verbum,  
 et nox nocti índicat sciéntiam. R.

- 4 Non sunt loquélæ neque sermónes,  
quorum non intellegántur voces.
- 5 In omnem terram exívit sonus eórum,  
et in fines orbis terræ verba eórum. **℞.**

Alleluia

Io 14, 6 b et 9 c

**℞.** Allelúia. **℣.** Ego sum via, véritas et vita,  
dicit Dóminus;  
Philippe, qui videt me,  
videt et Patrem. **℞.** Allelúia.

## Evangelium

*Tanto tempore vobiscum sum,  
et non cognovisti me, Philippe?*

✠ Lécitio sancti Evangélii secúndum Ioánnem 14, 6-14

In illo témpore: Dixit Iesus ad Thomam:

« Ego sum via et véritas et vita. Nemo venit ad Patrem, nisi per me. Si cognovístis me, et Patrem meum útique cognoscétis; et ámodo cognóscitis eum et vidístis eum ».

Dicit ei Philíppus: « Dómine, osténde nobis Patrem, et súfficit nobis ».

Dicit ei Iesus: « Tanto témpore vobiscum sum, et non cognovísti me, Philippe? qui vidit me, vidit Patrem. Quómodo tu dicis: “ Osténde nobis Patrem ”? Non credis quia ego in Patre, et Pater in me est? Verba, quæ ego loquor vobis, a me ipso non loquor. Pater autem in me manens facit opera sua. Crédite mihi quia ego in Patre, et Pater in me est; alióquin propter ópera ipsa créдите.

Amen, amen dico vobis: Qui credit in me, ópera quæ ego fácio et ipse fáciét, et maióra horum fáciét, quia ego ad Patrem vado; et quodcúmque petiérítis

in Nómine meo hoc fáciam, ut glorificétur Pater in Fí-  
lio. Si quid petiéritis me in Nómine meo, ego fáciam ».  
Verbum Dómini.

### Super oblata

Súscipe, Dómine, múnera  
quæ pro apostolórum Philíppi et Iacóbi festivitáte  
deférimus,  
et immaculátam nobis religiónem mundámque largíre.  
Per Christum.

Præfatio de Apostolis, pp. 644-645.

### Ant. ad communionem

Io 14, 8-9

Dómine, osténde nobis Patrem,  
et súfficit nobis.  
Philippe, qui videt me,  
videt et Patrem meum, allelúia.

### Post communionem

Purífica, quæsumus, Dómine, mentes nostras  
per hæc sancta quæ súmpsimus,  
ut, cum apóstolis Philíppo et Iacóbo  
te in Fílio contemplánte,  
vitam habére mereámur ætérnam.  
Per Christum.

Pro Missa votiva S. Philippi seorsim dicenda a S. Iacobo,  
lectio prior sumitur e Missa diei 28 octóbris, ut infra in Missa  
votiva de omnibus sanctis Apostolis.

Pro Missa votiva S. Iacobi seorsim dicenda a S. Philippo,  
Evangelium sumitur e Missa diei 28 octobris, item ut infra in  
Missa votiva de omnibus sanctis Apostolis.

**Die 12 maii****Ss. Nerei et Achillei, martyrum**

De Communi martyrum, p. 858.

**Collecta**

**Præsta, quæsumus, omnipotens Deus,  
ut, qui gloriósos mártýres Néreum et Achilleum  
fortes in sua confessióne cognóvimus,  
pios apud te in nostra intercessióne sentiámus.  
Per Dóminum.**

Lectio prior, p. 873, n. 2.

Psalmus responsorius, p. 874.

Evangelium, p. 883, n. 1.

**Eodem die 12 maii****S. Pancratii, martyris**

De Communi martyrum, p. 860.

**Collecta**

**Lætétur Ecclésia tua, Deus,  
beáti Pancratii mártýris confisa suffrágiis,  
atque, eius précibus gloriósis,  
et devóta permáneat, et secúra consistat.  
Per Dóminum.**

Lectio prior, p. 1007, n. 3.

Psalmus responsorius, p. 1008.

Evangelium, p. 1023, n. 3.

Die 14 maii  
S. MATTHIÆ, APOSTOLI

Festum

Ant. ad introitum

Io 15, 16

Non vos me elegistis, sed ego elégi vos,  
ut eátis, et fructum afferátis,  
et fructus vester máneat (T. P. allelúia).

Dicitur Glória in excélsis.

Collecta

Deus, qui beátum Matthíam  
Apostolórum collégio sociásti,  
eius nobis interventióne concéde,  
ut, dilectiónis tuæ sorte gaudéntes,  
cum eléctis numerári mereámur.  
Per Dóminum.

Lectio prior

*Cecidit sors super Matthiam, et annumeratus est  
cum undecim Apostolis.*

Lectio Actuum Apostolorum

1, 15-17. 20-26

In diébus illis exsurgens Petrus in médio fratrum,  
dixit — erat autem turba nóminum simul fere centum  
viginti —: « Viri fratres, oportébat impléri Scriptúram,  
quam prædixit Spíritus Sanctus per os David, de Iuda,  
qui fuit dux eórum qui comprehendérunt Iesum, quia  
connumerátus erat in nobis et sortítus est sortem mi-  
nistérii huius.

Scriptum est enim in libro Psalmórum: “ Fiat com-  
morátio eius desérta, et non sit qui inhábitet in ea ”,  
et: “ Episcopátum eius accípiat alter ”.

Opórtet ergo ex his viris, qui nobíscum congregáti erant in omni témpore, quo intrávit et exívit inter nos Dóminus Iesus, incípiens a baptísmate Ioánnis usque in diem qua assúptus est a nobis, testem resurrecciónis eius nobíscum fieri unum ex istis ».

Et statuérunt duos: Ioseph, qui vocabátur Barsábas, qui cognominátus est Iustus, et Matthíam.

Et orántes dixerunt: « Tu, Dómine, qui corda nosti ómnium, osténde quem elégeris ex his duóbus unum accípere locum ministérii huius et apostolátus, de quo prævaricátus est Iudas, ut abíret in locum suum ».

Et dedérunt sortes eis, et cécidit sors super Matthíam, et annumerátus est cum úndecim Apóstolis.

Verbum Dómini.

Psalmus responsorius

Ps 112, 1-2. 3-4. 5-6. 7-8 (ꝑ.: 8)

ꝑ. Collocávit eum Dóminus cum princípibus pópuli sui.  
vel Allelúia.

<sup>1</sup> Laudáte, púeri Dómini,  
laudáte nomen Dómini.

<sup>2</sup> Sit nomen Dómini benedíctum  
ex hoc nunc et usque in séculum. ꝑ.

<sup>3</sup> A solis ortu usque ad occásum  
laudábile nomen Dómini.

<sup>4</sup> Excélsus super omnes gentes Dóminus,  
super cælos glória eius. ꝑ.

<sup>5</sup> Quis sicut Dóminus Deus noster, qui in altis hábitat,  
<sup>6</sup> et humília réspicit in cælo et in terra? ꝑ.

<sup>7</sup> Súscitans de terra ínopem,  
de stércore érigens páuperem,  
<sup>8</sup> ut cóllocet eum cum princípibus,  
cum princípibus pópuli sui. ꝑ.

## Alleluia

Io 15, 16

**R.** Alleluia. **V.** Ego vos elégi de mundo,  
 ut eátis et fructum afferátis,  
 et fructus vester máneat, dicit Dóminus.  
**R.** Alleluia.

## Evangelium

*Non vos me elegistis, sed ego elegi vos.*

✠ Lécio sancti Evangélii secúndum Ioánnem

15, 9-17

In illo témpore: Dixit Iesus discíplis suis:

« Sicut diléxit me Pater, et ego diléxi vos. Manéte in dilectióne mea. Si præcépta mea servavéritis, manébitis in dilectióne mea; sicut ego Patris mei præcépta servávi, et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos. Maiórem hac dilectiónem nemo habet, ut ánimam suam quis ponat pro amícis suis. Vos amíci mei estis, si faciétis quæ ego præcípio vobis.

Iam non dico vos servos, quia servus nescit quid facit dóminus eius: vos autem dixi amícos, quia ómnia quæ audívi a Patre meo, nota feci vobis. Non vos me elegistis; sed ego elégi vos et pósui vos, ut vos eátis et fructum afferátis, et fructus vester máneat, ut, quodcúmque petiérítis Patrem in Nómine meo, det vobis.

Hæc mando vobis, ut diligátis ínvicem ».

Verbum Dómini.

## Super oblata

Ecclésiæ tuæ, Dómine, múnera  
 pro festo beáti Matthiæ reverénter oblata suscípias,



et per ea nos grátiae tuæ virtúte confírma.  
Per Christum.

Præfatio de Apostolis, pp. 644-645.

Ant. ad communionem

Io 15, 12

Hoc est præcéptum meum, ut diligátis invicem,  
sicut diléxi vos, dicit Dóminus (T. P. allelúia).

Post communionem

Famíliam tuam, Dómine,  
divínis ne cesses replére munéribus,  
ut, beáto Matthía pro nobis intercedénte,  
in partem sortis sanctórum in lúmine  
nos dignéris accípere.  
Per Christum.

Die 18 maii

S. Ioannis I, papæ et martyris

De Communi martyrum, p. 860.

Vel de Communi pastorum (pro papa), p. 889.

Collecta

Deus, fidélium remunerátor animárum,  
qui hunc diem  
beáti Ioánnis papæ martýrio consecrásti,  
exáudi preces pópuli tui, et præsta,  
ut, qui eius mérita venerámur,  
fidei constántiam imitémur.  
Per Dóminum.

Lectio prior, p. 1006, n. 2.

Psalmus responsorius, p. 1006.

Evangelium, p. 933, n. 8.

## Die 20 maii

**S. Bernardini Senensis, presbyteri**

De Communi pastorum (pro missionariis), p. 899.

Vel de Communi sanctorum (pro religiosis), p. 976.

## Collecta

**Deus, qui beáto Bernardíno presbýtero  
sancti nóminis Iesu amórem exímium tribuísti,  
eius méritis precibúsque concéde,  
ut Spíritus nos semper tuæ dilectiÓNis accéndat.  
Per Dóminum.**

## Lectio prior

*Non est in alio aliquo salus.*

## Léctio Actuum Apostolórum

4, 8-12

**In diébus illis: Petrus replétus Spíritu Sancto dixit:**

« Príncipes pópuli et senióres, si nos hódie diiudicámur in benefácto hómínis infírmi, in quo iste salvus factus est, notum sit ómnibus vobis et omni plebi Israel, quia in Nómíne Iesu Christi Nazaréni, quem vos crucifixístis, quem Deus suscitávit a mórtuis, in hoc iste astat coram vobis sanus.

Hic est lapis, qui reprobátus est a vobis ædificatóribus, qui factus est in caput ánguli; et non est in álio áliquo salus; nec enim nomen áliud est sub cælo datum in homínibus, in quo opórtet nos salvos fieri ».

**Verbum Dómini.**

## Psalmus responsorius

Ps 39, 2 et 4 ab. 7-8 a. 8 b-9. 10 (R.: 8 a et 9 a)

R. Ecce vénio, Dómine, ut fáciam voluntátem tuam.

2 Exspéctans exspectávi Dóminum,  
et inténdit mihi.4 Et immísit in os meum cánticum novum,  
carmen Deo nostro. R.7 Sacrificium et oblatiónem noluísti,  
aures autem fodísti mihi.  
Holocáustum et pro peccáto non postulásti,  
8 tunc dixi: « Ecce vénio. R.9 In volúmine libri scriptum est de me  
fácere voluntátem tuam.  
Deus meus, vólui,  
et lex tua in præcórdiis meis ». R.10 Annuntiávi iustítiam tuam in ecclésia magna;  
ecce lábia mea non prohibébo, Dómine, tu scisti. R.  
Evangelium, p. 1040, n. 15.

## Die 25 maii

S. Bedæ Venerabilis, presbyteri et Eccleslæ doctoris

De Communi doctorum Eccleslæ, p. 937.

Vel de Communi sanctorum (pro religiosis), p. 976.

## Collecta

Deus, qui Ecclésiám tuam  
beáti Bedæ presbýteri eruditióné claríficas,  
fámulis tuis concéde propítius,  
et eius semper illustrári sapiéntia, et méritis adiuvári.  
Per Dóminum.

Lectio prior, p. 947, n. 3.

Psalmus responsorius, p. 942.

Evangelium, p. 951, n. 1 a.

**Eodem die 25 maii  
S. Gregorii VII, papæ**

De Communi pastorum (pro papa), p. 889.

**Collecta**

**Da Ecclésiæ tuæ, quæsumus, Dómine,  
spírítum fortitúdinis zelúmque iustítiæ,  
quibus beátum Gregórium papam claréscere voluísti,  
ut, iniquitátem réprobans,  
quæcúmque recta sunt líbera exérceat caritáte.  
Per Dóminum.**

Lectio prior, p. 915, n. 2.

Psalmus responsorius, p. 915.

Evangelium, p. 926, n. 1 a.

**Eodem die 25 maii  
S. Mariæ Magdalænæ de' Pazzi, virginis**

De Communi virginum, p. 957.

Vel de Communi sanctarum (pro religiosis), p. 976.

**Collecta**

**Deus, virginitátis amátor,  
qui beátam Mariám Magdalénam vírginem,  
tuo amóre succénsam,  
donis cæléstibus decorásti,  
da ut, quam hódie venerámur,  
eius puritátis caritatisque imitémur exémplo.  
Per Dóminum.**

Lectio prior, p. 965, n. 1.

Psalmus responsorius, p. 962.

Evangelium, p. 1034, n. 11.

## Die 26 maii

**S. Philippi Neri, presbyteri**

## Memoria

De Communi pastorum, p. 893.

Vel de Communi sanctorum (pro religiosis vel pro educatoribus), p. 976 vel 980.

## Collecta

**Deus, qui fidèles tibi servos  
sanctitátis glória sublimáre non desístis,  
concéde propítius,  
ut illo nos igne Spíritus Sanctus inflámmet,  
quo beáti Philíppi cor mirábiliter penetrávit.  
Per Dóminum.**

Lectio prior, p. 1015, n. 10.

Psalmus responsorius, p. 1004.

Evangelium, p. 1046, n. 22.

## Super oblata

**Hóstiam tibi laudis offeréntes, quésumus, Dómine,  
ut, beáti Philíppi exémplo,  
ad tui nóminis glóriam proximíque servítium  
hílares nos semper præstémus. Per Christum.**

## Post communionem

**Cæléstibus, Dómine, pasti delíciis,  
quésumus, ut, beáti Philíppi imitatióne,  
semper éadem, per quæ veráciter vívimus, appetámus.  
Per Christum.**

## Die 27 maii

**S. Augustini Cantuariensis, episcopi**

De Communi pastorum (pro missionariis vel pro episcopis), p. 899 vel 891.

## Collecta

Deus, qui beáti Augustini episcopi prædicatione Anglórum gentes ad Evangelium perduxisti, tribue, quæsumus, ut eius labórum fructus in Ecclesia tua perénni fecunditate persistant.  
Per Dóminum.

Lectio prior, p. 923, n. 10.

Psalmus responsorius, p. 909.

Evangelium, p. 926, n. 1.

## Die 31 maii

**IN VISITATIONE BEATÆ MARLÆ VIRGINIS**

## Festum

Ant. ad introitum

Ps 65, 16

Veníte, audíte, et narrábo, omnes qui timétis Deum, quanta fecit Dóminus animæ meæ (T. P. allelúia).

Dicitur Glória in excelsis.

## Collecta

Omnípotens sempitérne Deus, qui beátam Virginem Mariám, Fílium tuum gestántem, ad visitándam Elisabeth inspirásti, præsta, quæsumus, ut, afflánti Spirítui obsequéntes, cum ipsa te semper magnificáre possimus.  
Per Dóminum.

## Lectio prior \*

*Rex Israel Dominus in medio tui.*

Lectio libri Sophoniæ prophætæ 3, 14-18

Lauda, filia Sion; iúbila, Israel; lætare et exsulta in omni corde, filia Ierúsalem: abstulit Dóminus iudicium tuum, avértit inimicos tuos; rex Israel Dóminus in médio tui, non timébis malum ultra.

In die illa dicétur Ierúsalem: « Noli timére, Sion; non dissolvántur manus tuæ. Dóminus Deus tuus in médio tui fortis, ipse salvábit; gaudébit super te in lætítia, silébit in dilectióne sua, exsultábit super te in laude ».

Nugas, qui a lege recésserant, congregábo, quia ex te erant; ut non ultra hábeas super eis oppróbrium.

Verbum Dómini.

Vel

*Necessitatibus sanctorum communicantes,  
hospitalitatem sectantes.*

Lectio Epístolæ beáti Pauli apóstoli ad Romános

12, 9-16 b

Fratres:

Diléctio sine simulatióne, odiéntes malum, adhæréntes bono, caritáte fraternitátis ínvicem diligéntes, honóre ínvicem præveniéntes, sollicitúdine non pigri, spírítu fervéntes, Dómino serviéntes, spe gaudéntes, in tribulatióne patiéntes, oratióni instántes, necessitatibus sanctorum comunicántes, hospitalitatem sectántes.

Benedícite persecúntibus: benedícite, et nolíte maledícere.

Gaudére cum gaudéntibus, flere cum fléntibus, idípsum ínicem sentiéntes, non alta sapiéntes, sed humílibus consentiéntes.

Verbum Dómini.

### Psalmus responsorius

Is 12, 2-3. 4 bcd. 5-6 (R.: 6 b)

R. Magnus in médio tui Sanctus Israel.

1 Ecce Deus salvátor meus,  
fiduciáliter agam et non timébo,  
quia fortitúdo mea et laus mea Dóminus,  
et factus est mihi in salútem.

3 Hauriétis aquas in gáudio  
de fóntibus Salvatóris. R.

4 Confitémini Dómino et invocáte nomen eius,  
notas fácite in pópulis adinventiónes eius,  
mementóte quóniam excélsus est nomen eius. R.

5 Cantáte Dómino,  
quóniam magnífice fecit,  
annuntiáte hoc in univérsta terra.

6 Exúlta et lauda, habitátio Sion,  
quia magnus in médio tui Sanctus Israel. R.

### Alleluia

Lc 1, 45

R. Allelúia. V. Beáta es, Virgo María,  
quæ credidísti quóniam perficiéntur ea  
quæ dicta sunt tibi a Dómino.

R. Allelúia.



## Evangelium

*Unde hoc mihi, ut veniat mater Domini mei ad me?*

✠ Lécctio sancti Evángelii secúndum Lucam 1, 39-56

Exsúrgens María in diébus illis ábiit in montána cum festinátione, in civitátem Iudæ. Et intrávit in domum Zachariæ, et salutávit Elísabeth.

Et factum est, ut audívit salutátionem Mariæ Elísabeth, exsultávit infans in útero eius, et repléta est Spírítu Sancto Elísabeth, et exclamávit voce magna et dixit:

« Benedícta tu inter mulíeres, et benedíctus fructus ventris tui. Et unde hoc mihi, ut véniat mater Dómini mei ad me? Ecce enim, ut facta est vox salutátionis tuæ in áuribus meis, exsultávit in gáudio infans in útero meo. Et beáta quæ crédidit, quóniam perficiéntur ea quæ dicta sunt ei a Dómino ».

Et ait María:

« Magnificat ánima mea Dóminum, et exsultávit spírítus meus in Deo salvatóri meo, quia respéxit humilitátem ancillæ suæ. Ecce enim ex hoc beátam me dicent omnes generatiónes: quia fecit mihi magna qui potens est, et sanctum Nomen eius, et misericórdia eius in progénies et progénies tíméntibus eum.

Fecit poténtiam in bráccchio suo, dispérsit supérbos mente cordis sui, depósuit poténtes de sede et exaltávit húmiles, esuriéntes implévit bonis et dívites dimísit inánes.

Suscépit Israel púerum suum, memorári misericórdiæ, sicut locútus est ad patres nostros, Abraham et sémini eius in sécula ».

Mansit autem María cum illa quasi ménsibus tribus, et revérsa est in domum suam.

Verbum Dómini.

Super oblata

**Maiestáti tuæ, Dómine,  
hoc nostrum gratum sit sacrificium salutáre,  
sicut beatíssimæ Unigéniti tui Matris  
habuísti acceptábilem caritátem.  
Per Christum.**

Præfatio II de B. Maria Virgine, p. 641.

Ant. ad communionem

Lc 1, 48-49

**Beátam me dicent omnes generatiónes,  
quia fecit mihi magna qui potens est,  
et sanctum nomen eius (T. P. allelúia).**

Post communionem

**Magníficet te, Deus, Ecclésia tua  
qui tuis fecísti magna fidélibus,  
et, quem laténtem  
beátus Ioánnes cum exsultatióne præsensit,  
eúndem semper vivéntem  
cum lætítia in hoc percípiat sacraménto.  
Per Christum.**

## IUNIUS

### Die 1 iunii S. Iustini, martyris

#### Memoria

De Communi martyrum, p. 860.

Ant. ad introitum

Cf. Ps. 118, 85. 46

**Narravérunt mihi iníqui fabulatiónes,  
sed non ut lex tua:  
ego autem loquébar de testimoniis tuis  
in conspéctu regum, et non confundébar (T. P. allelúia).**

#### Collecta

**Deus, qui per stultítiam crucis  
eminéntem Iesu Christi sciéntiam  
beátum Iustinum mártirem mirabíliter docuísti,  
eius nobis intercessióne concéde,  
ut, errorum circumventióne depúlso,  
fidei firmitátem consequámur.  
Per Dóminum.**

#### Lectio prior

*Placuit Deo per stultitiam prædicationis  
salvos facere credentes.*

**Léctio Epístolæ primæ beáti Pauli apóstoli  
ad Corínthios**

1, 18-25

#### Fratres:

**Verbum crucis pereúntibus quidem stultítia est; his  
autem qui salvi fiunt, id est nobis, virtus Dei est. Scrip-**

tum est enim: « Perdam sapiéntiam sapiéntium, et prudentiam prudentium reprobábo ». Ubi sapiens? ubi scriba? ubi conquisitor huius sæculi? Nonne stultam fecit Deus sapiéntiam huius mundi?

Nam, quia in Dei sapiéntia non cognóvit mundus per sapiéntiam Deum, plácuit Deo per stultítiam prædicatiónis salvos fácere credéntes. Quóniam et Iudæi signa petunt, et Græci sapiéntiam quærunt; nos autem prædicámus Christum crucifíxum, Iudæis quidem scándalum, géntibus autem stultítiam, ipsis autem vocátis, Iudæis atque Græcis, Christum Dei virtútem et Dei sapiéntiam; quia quod stultum est Dei sapiéntius est homínibus, et quod infirmum est Dei fórtius est homínibus. — Verbum Dómini.

### Psalmus responsorius

Ps 33, 2-3. 4-5. 6-7. 8-9 (R.: 5 b)

R. Ex ómnibus terróribus meis erípuit me Dóminus.

- 2 Benedicam Dóminum in omni témpore,  
semper laus eius in ore meo.
- 3 In Dómino gloriábitur ánima mea,  
áudiant mansuétí et læténtur. R.
- 4 Magnificáte Dóminum mecum,  
et exaltémus nomen eius in idípsum.
- 5 Exquisívi Dóminum, et exaudivit me,  
et ex ómnibus terróribus meis erípuit me. R.
- 6 Respícite ad eum, et illuminámini,  
et fácies vestræ non confundéntur.
- 7 Iste pauper clamávit, et Dóminus exaudivit eum,  
et de ómnibus tribulatió nibus eius salvávit eum. R.
- 8 Vallábit ángelus Dómini in circúitu timéntes eum,  
et erípiet eos.

9 Gustáte et vidéte quóniam suávis est Dóminus;  
beátus vir qui sperat in eo. **R.**

**Evangelium, p. 950, n. 1.**

### Super oblata

Concéde nobis, quáesumus, Dómine,  
hæc digne frequentáre mystéria,  
quæ beátus Iustínus strénua virtúte deféndit.  
Per Christum.

### Ant. ad communionem

1 Cor 2, 2

Non iudicávi me scire áliquid inter vos,  
nisi Iesum Christum, et hunc crucifixum (**T. P. allelúia**).

### Post communionem

Cælésti alimónia refécti,  
súpplīces te, Dómine, deprecámur,  
ut, beáti Iustíni mártiris mónitis obsequéntes,  
de accéptis donis  
semper in gratiárum actióne maneámus.  
Per Christum.

## Die 2 iunii

### Ss. Marcellini et Petri, martyrum

**De Communi martyrum, p. 858.**

### Collecta

Deus, qui nos sanctórum mártýrum Marcellíni et Petri  
confessióne gloriósa circúmdas et prótegis,  
præsta nobis ex eórum imitatióne profícere,  
et oratióne fulcírī.  
Per Dóminum.

**Lectio prior, p. 879, n. 4.**

**Psalmus responsorius, p. 874.**

**Evangelium, p. 887, n. 7.**

Die 3 iunii

Ss. Caroli Lwanga et sociorum, martyrum

Memoria

De Communi martyrum, p. 858.

Collecta

Deus, qui sánguinem mártýrum  
semen christianórum esse fecísti,  
concéde propítius, ut tuæ ager Ecclésiæ,  
qui est beatórum Cárolí  
eiúsqúe sociórum cruóre rigátus,  
in amplam tibi messem iúgiter fecundétur.  
Per Dóminum.

Lectio prior, p. 866, n. 3.

Psalmus responsorius, p. 867.

Evangelium, p. 1021, n. 1.

Super oblata

Hóstias tibi, Dómine, offérimus, suppliciter exorántes,  
ut, sicut beátis mártýribus  
magis mori quam peccáre tribuísti,  
ita nos fácias, tibi soli déditos, altári tuo ministráre.  
Per Christum.

Post communionem

Súmptimus, Dómine, dívina sacraménta,  
sanctórum mártýrum tuórum victóriam recoléntes:  
quáesumus,  
ut, quæ ipsis ad perferénda supplicia contulérunt,  
ea nobis inter advérsa  
præbeant fidei caritátisque constántiam.  
Per Christum.

**Die 5 iunii****S. Bonifatii, episcopi et martyris****Memoria**

De Communi martyrum, p. 860.

Vel de Communi pastorum (pro missionariis), p. 899.

**Collecta**

**Sanctus martyr, Dómine, Bonifátius  
pro nobis intervéntor exsístat,  
ut fidem, quam ore dócuit et sángine consignávit,  
fírmiter teneámus, et opéribus profíteámur confidénter.  
Per Dóminum.**

Lectio prior, p. 916, n. 3.

Psalmus responsorius, p. 916.

Evangelium, p. 934, n. 9.

**Die 6 iunii****S. Norberti, episcopi**

De Communi pastorum (pro episcopo), p. 891.

Vel de Communi sanctorum (pro religiosis), p. 976.

**Collecta**

**Deus, qui beátum Norbértum episcopum  
Ecclésiæ tuæ  
oratióne ac pastoráli zelo místrum exímium effecísti,  
præsta, quæsumus, ut, eius interveniénte suffrágio,  
fidélium grex pastóres iuxta cor tuum  
et salutária páscua semper invéniat.  
Per Dóminum.**

Lectio prior, p. 912, n. 9.

Psalmus responsorius, p. 913.

Evangelium, p. 1043, n. 19.

Die 9 iunii

S. Ephræm, diaconi et Ecclesiæ doctoris

De Communi doctorum Ecclesiæ, p. 937.

Collecta

Córdibus nostris, quæsumus, Dómine,  
Spíritum Sanctum benígnus infúnde,  
cuius afflátu beátus Ephræm diáconus  
in tuis mystériis decantándis exsultávit,  
eiúsq; virtúte tibi soli desérviit.  
Per Dóminum.

Lectio prior, p. 1016, n. 10 a.

Psalmus responsorius, p. 943.

Evangelium, p. 956, n. 3 a.

Die 11 iunii

S. Barnabæ, apostoli

Memoria

† Lectio prior huius memoriæ est propria.

Ant. ad introitum

Cf. Act 11, 24

Beátus iste sanctus,  
qui annumerári méruiť inter Apóstolos:  
erat enim vir bonus,  
et plenus Spíritu Sancto et fide (T. P. allelúia).

Collecta

Deus, qui beátum Bárnabam,  
plenum fide et Spíritu Sancto,  
ad géntium conversiónem segregáre præcepísti,  
concéde, ut Evangélium Christi, quod strénue prædicávit,  
ore et ópere fidéliter nuntiétur.  
Per Dóminum.



## Lectio prior

*Erat vir bonus et plenus Spiritu Sancto et fide.*

Lectio Actuum Apostolorum 11, 21 b-26; 13, 1-3

In diebus illis:

Multus númerus credéntium convérsus est ad Dóminum. Audítus est autem sermo in áuribus Ecclésiæ, quæ erat in Ierúsalem super istis, et misérunt Bárnabam usque Antiochíam. Qui, cum pervénisset et vidisset grátiam Dei, gávisus est et hortabátur omnes propósito cordis permanére in Dómino; quia erat vir bonus et plenus Spírítu Sancto et fide. Et appósita est turba multa Dómino.

Proféctus est autem Tarsum, ut quæreretur Saulum. Quem, cum invenísset, perdúxit Antiochíam. Factum est autem eis ut annum totum conversaréntur in Ecclésia et docérent turbam multam, et cognominaréntur primum Antiochiæ discípuli « Christiáni ».

Erant autem in Ecclésia, quæ erat Antiochiæ, prophétæ et doctóres: Bárnabas et Sýmeon, qui vocabátur Níger, et Lúcius Cyrenénsis et Mánaen, qui erat Heródis tetrárchæ collactáneus, et Saulus.

Ministrántibus autem illis Dómino et ieiunántibus, dixit Spírítus Sanctus: « Separáte mihi Bárnabam et Saulum in opus ad quod vocávi eos ». Tunc ieiunántes et orántes imponentésque eis manus, dimiserunt illos. — Verbum Dómini.

## Psalmus responsorius

Ps 97, 1. 2-3 ab. 3 c-4. 5-6 (R.: 2 b)

R. In conspéctu géntium revelávit Dóminus iustítiam suam.

<sup>1</sup> Cantáte Dómino cánticum novum, quia mirabília fecit.

Salvavit sibi dextera eius,  
et brachium sanctum eius. R.

Notum fecit Dominus salutare suum,  
in conspectu gentium revelavit iustitiam suam.

Recordatus est misericordiae suae  
et veritatis suae domui Israel. R.

Viderunt omnes termini terrae  
salutare Dei nostri.

Iubilate Deo, omnis terra,  
erumpite, exultate et psallite. R.

Psallite Domino in cithara,  
in cithara et voce psalmi;  
in tubis ductilibus et voce tubae cornae,  
iubilate in conspectu regis Domini. R.

Alleluia

Mt 28, 19 a. 20 b

R. Alleluia. V. Euntes docete omnes gentes,  
dicit Dominus;  
ego vobiscum sum omnibus diebus  
usque ad consummationem saeculi.  
R. Alleluia.

### Evangelium

*Euntes praedicate, dicentes:  
Appropinquavit Regnum caelorum.*

✠ Lectio sancti Evangelii secundum Mattheum

10, 7-13

In illo tempore: Dixit Iesus Apostolis suis:

« Euntes praedicate, dicentes: Appropinquavit Regnum caelorum. Infirmos curate, mortuos suscite, leprosos mundate, demones eicite: gratis accepistis, gratis date.

Nolite possidére aurum neque argéntum neque pecúniám in zonis vestris, non peram in via neque duas túnicas neque calceaménta neque virgam; dignus enim est operárius cibo suo. In quamcúmque civitátem aut castéllum intravéritis, interrogáte quis in ea dignus sit, et ibi manéte donec exeátis.

Intrántes autem in domum, salutáte eam; et si quidem fúerit domus digna, véniat pax vestra super eam; si autem non fúerit digna, pax vestra ad vos revertá-tur ». — Verbum Dómini.

### Super oblata

Obláta múnera, quæsumus, Dómine,  
tua benedictióne sanctífica,  
quæ, te donánte, nos flamma tuæ dilectiónis accéndant,  
per quam beátus Bárnabas  
lumen Evangélii géntibus apportávit.  
Per Christum.

Præfatio de Apostolis, pp. 644-645.

### Ant. ad communionem

Io 15, 15

Iam non dicam vos servos,  
quia servus nescit quid fáciat Dóminus eius.  
Vos autem dixi amícos, quia ómnia  
quæcúmque audivi a Patre meo,  
nota feci vobis (T. P. allelúia).

### Post communionem

Æternæ pignus vitæ capiéntes,  
te, Dómine, humíliter implorámus,  
ut, quod pro beáti Bárnabæ apóstoli memória  
in imágine gérimus sacraménti,  
manífesta perceptióne sumámus.  
Per Christum.

**COMMUNIA**

1. Commoditatis causa, in singulis Communibus, plures ponuntur Missæ cum omnibus elementis, nempe antiphonis, orationibus et lectionibus.

Attamen sacerdoti licet, pro opportunitate, antiphonas et orationes ex eodem Communi inter se commutare, eligendo ex ipsis textus, qui, sub respectu pastorali, aptiores videntur.

Insuper, in Missis de memoriis, orationes super oblata et post communionem, præter quam ex ipsis Communibus, sumi possunt etiam e feriis respectivi temporis liturgici.

2. In Communi martyrum et in Communi sanctorum et sanctarum, omnes orationes, quæ ponuntur pro viris, adhiberi possunt etiam pro mulieribus, mutato genere.

3. In singulis Communibus, textus forma singulari expressi semper adhiberi possunt pro pluribus, mutato numero. Item, textus forma plurali positi pro uno assumi possunt, mutato numero.

4. Quædam Missæ pro determinatis temporibus et circumstantiis positæ, pro iisdem temporibus et circumstantiis adhibeantur.

5. Tempore paschali, in fine antiphonarum ad introitum et ad communionem addatur unum **Allelúia**.

6. In sollempnitatibus et festis, dici potest una ex antiphonis ad libitum quæ infra, p. 1047, indicantur.

7. In omnibus Communibus, primæ lectioni psalmus responsorius assignatur, Evangelio autem **Allelúia** et versus, qui aptiores videntur. Pro iis tamen etiam alii sumi possunt ex eadem serie.

Post secundam lectionem nihil habetur. Attamen quando ante Evangelium una tantum lectio profertur, e serie secundæ lectionis deprompta, aptus psalmus responsorius seligatur, inter eos qui ponuntur post unamquamque primam lectionem.

Elenchus lectionum, quæ magis conveniunt aliquibus Missis sanctorum (pro papa, pro missionariis, pro religiosis, pro educatoribus, pro iis qui opera misericordiæ exercuerunt, pro viduis) in Indicibus existat.

# COMMUNE DEDICATIONIS ECCLESÆ

## IN DIE DEDICATIONIS

Textus Missarum « in dedicatione ecclesiæ » necnon « in dedicatione altaris » inveniuntur inter Missas rituales, pp. 1285 et 1291.

## IN ANNIVERSARIO DEDICATIONIS

### A. In ipsa ecclesia dedicata

Ant. ad introitum

Ps 67, 36

**Mirabilis, Deus, de sanctuário tuo;  
Deus Israel ipse tribuet  
virtutem et fortitudinem plebi suæ; benedíctus Deus.**

Collecta

**Deus, qui nobis per singulos annos  
huius sancti templi tui consecrationis réparas diem,  
exáudi preces pópuli tui, et præsta,  
ut fiat hic tibi semper purum servítium  
et nobis plena redémptio. Per Dóminum.**

Lectiones ut infra, pp. 797-810.

Super oblata

**Mémores diéi quo domum tuam, Dómine,  
glória dignátus es ac sanctitáte replére,  
nosmetípsos, quésumus, fac hóstias tibi semper accéptas.  
Per Christum.**

Præfatio: De mysterio templi Dei, quod est Ecclesia.

**℣. Dóminus vobíscum.**

**℞. Et cum spírítu tuo.**

**℣. Sursum corda.**

**℞. Habémus ad Dóminum.**

**Ꝛ.** Grátias agámus Dómino Deo nostro.

**Ꝟ.** Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnipotens ætérne Deus:  
per Christum Dóminum nostrum.

Quia in domo visibili, quam nobis exstrúere concessísti,  
ubi familiæ in hoc loco  
ad te peregrinánti favére non désinis,  
mystérium tuæ nobíscum communiónis  
mire figúras et operáris:

hic enim tibi templum illud quod nos sumus ædíficas,  
et Ecclesiám per orbem diffúsam  
in domínici compágem córporis facis augéri,  
in pacis visióne compléndam, cælésti civitaté Ierúsalem.

Et ídeo, cum multítudine órduum beatórum,  
in templo glóriæ tuæ, te collaudámus,  
benedícimus et magnificámus, dicéntes: Sanctus ...

**Ant. ad communionem**

**1 Cor 3, 16-17**

Temp!um Dei estis, et Spíritus Dei hábitat in vobis.  
Temp!um Dei sanctum est, quod estis vos.

**Post communionem**

Benedictiónis tuæ, quæsumus, Dómine,  
plebs tibi sacra fructus repórtet et gáudium,  
ut, quod in huius festivitátis die  
corporáli servítio exhibuit,  
spiritalíter se retulísse cognóscat. Per Christum.

**Benedictio in fine Missæ.**

**Dici potest textus benedictionis sollempnis n. 19, p. 709, cum verbis ad huius domus dedicatiónis memóriam.**

**B. Extra ipsam ecclesiam dedicatam**

Ant. ad introitum

Ap 21, 2

Vidi civitatem sanctam, Ierusalem novam,  
descendentem de caelo a Deo,  
paratam sicut sponsam ornatum viro suo.

Collecta

Deus, qui de vivis et electis lapidibus  
aeternum habitaculum tuae praeparas maiestati,  
multiplica in Ecclesia tua spiritum gratiae quem dedisti,  
ut fidelis tibi populus  
in caelestis aedificationem Ierusalem semper accrescat.  
Per Dominum.

Vel:

Deus, qui populum tuum Ecclesiam vocare dignatus es,  
da, ut plebs in nomine tuo congregata  
te timeat, te diligat, te sequatur,  
et ad caelestia promissa, te ducente, perveniat.  
Per Dominum.

Lectiones ut infra, pp. 797-810.

Super oblata

Suscipe, quaesumus, Domine, munus oblatum,  
et poscentibus concede, ut hic sacramentorum virtus  
et votorum obtineatur effectus. Per Christum.

Præfatio: De mysterio Ecclesiae,  
quæ est sponsa Christi templumque Spiritus.

γ. Dominus vobiscum.

δ. Et cum spiritu tuo.



**Ꝛ. Sursum corda.**

**Ꝟ. Habémus ad Dóminum.**

**Ꝛ. Grátias agámus Dómino Deo nostro.**

**Ꝟ. Dignum et iustum est.**

**Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:**

**Qui domum oratiónis muníficus inhabitáre dignáris,  
ut, grátia tua perpétuis fovénte subsidiis,  
templum Spíritus Sancti ipse nos perficias,  
acceptábilis vitæ splendóre corúscans.**

**Sed et visibílibus ædificiis adumbrátam,  
Christi sponsam Ecclésiám perénni operatióne sanctíficas,  
ut, innumerábili prole mater exsúltans,  
in glóriam tuam collocétur in cælis.**

**Et ídeo, cum Sanctis et Angelis univérsis,  
te collaudámus, sine fine dicéntes: Sanctus ...**

**Ant. ad communionem**

**1 Petr 2, 5**

**Tamquam lápides vivi superædificámini,  
domus spiritális, sacerdotium sanctum.**

**Post communionem**

**Deus, qui nobis supérnam Ierúsalem  
per temporále Ecclésiæ tuæ signum adumbráre voluísti,  
da, quæsumus, ut, huius participatióne sacraménti,  
nos tuæ grátiae templum efficias,  
et habitatiónem glóriæ tuæ íngredi concédas.  
Per Christum.**

---

Lectio prima extra T. P.

1

*Sint oculi tui aperti super domum hanc.*

Lectio libri primi Regum 8, 22-23. 27-30

In diébus illis:

Stetit Sálomon ante altáre Dómini in conspéctu ecclésiæ Israel, et expándit manus suas in cælum et ait: « Dómine, Deus Israel, non est símilis tui Deus in cælo désuper et super terram deórsum, qui custódis pactum et misericórdiam servis tuis qui ámbulant coram te in toto corde suo.

Ergóne putándum est quod vere Deus hábitet super terram? Si enim cælum et cæli cælórum te cápere non possunt, quanto magis domus hæc quam ædificávi.

Sed réspice ad oratióem servi tui et ad preces eius, Dómine Deus meus; audi hymnum et oratióem, quam servus tuus orat coram te hódie, ut sint óculi tui apérti super domum hanc nocte ac die, super domum de qua dixísti: " Erit nomen meum ibi "; ut exáudias oratióem quam orat in loco isto ad te servus tuus; ut exáudias deprecatióem servi tui et pópuli tui Israel, quodcúmque oráverint in loco isto; et exáudies in loco habitáculi tui in cælo et, cum exaudieris, propítius eris ».

Verbum Dómini.

**Psalmus responsorius Ps 83, 3. 4. 5 et 10. 11 (R.: 2)**

**R.** Quam dilécta tabernácula tua, Dómine virtútum.

**3** Concupíscit et déficit ánima mea in átria Dómini.  
Cor meum et caro mea exsultavérunt in Deum vivum. **R.**

**4** Etenim passer invénit sibi domum,  
et turtur nidum sibi, ubi ponat pullos suos:  
altária tua, Dómine virtútum, rex meus et Deus meus. **R.**

- 5 Beáti qui hábitant in domo tua,  
in perpétuum laudábunt te.
- 10 Protéctor noster, áspice, Deus,  
et réspice in fáciem Christi tui. **R.**
- 11 Quia mélior est dies una in átriis tuis super mília,  
elégi ad limen esse in domo Dei mei,  
magis quam habitáre in tabernáculis peccatórum. **R.**

## 2

*Ædificavi domum nomini eius, ut habitaret ibi  
in perpetuum.*

## Léctio libri secúndi Chronicórum

5, 6-8. 9 b. 13 — 6, 2

In diébus illis:

Rex Sálomon et univérsus cœtus Israel, et omnes qui fuérunt congregáti ante arcam, immolábant arietes et boves absque ullo número: tanta enim erat multitúdo victimárum.

Et intulérunt sacerdótes arcam fœderis Dómini in locum suum, id est ad oráculum templi, in sancta sanctórum subter alas chérubim, ita ut chérubim expánderent alas suas super locum, in quo pósito erat arca, et ipsam arcam tégerent cum véctibus suis. Fuit itaque arca ibi usque in præséntem diem. Nihílque erat áliud in arca, nisi duæ tábulæ, quas posúerat Móyses in Horeb, quando legem dedit Dóminus fíliis Israel egrediéntibus ex Ægýpto.

Igitur, cunctis páriter et tubis et voce et cýmbalis et órganis et divérsi géneris musicórum concinéntibus et vocem in sublíme tolléntibus, longe sónitus audiebátur; ita ut, cum Dóminum laudáre cœpissent et dícere: « Confitémini Dómino quóniam bonus, quóniam in ætérnum misericórdia eius », implerétur domus Dei nube, nec pos-

sent sacerdotes stare et ministrare propter caliginem; compléverat enim gloria Domini domum Dei.

Tunc Salomon ait: « Dominus pollicitus est ut habitaret in caligine; ego autem edificavi domum nomini eius, ut habitaret ibi in perpetuum ».

Verbum Domini.

**Psalmus responsorius 1 Chr 29, 10. 11. 12 (R.: 13 b)**

**R.** Laudamus nomen tuum inclitum, Domine.

**10** Benedictus es, Domine Deus Israel patris nostri, ab æterno in æternum. **R.**

**11** Tua est, Domine, magnificentia et potentia et gloria atque victoria, et tibi laus; cuncta enim, quæ in cælo sunt et in terra, tua sunt. Tuum, Domine, regnum, et tu es super omnes principes. **R.**

**12** Tuæ divitiæ et tua est gloria; tu dominaris omnium, in manu tua virtus et potentia, in manu tua magnitudo et imperium omnium. **R.**

3

*Domus mea domus orationis vocabitur cunctis populis.*

Lectio libri Isaïæ prophætæ **56, 1. 6-7**

Hæc dicit Dominus:

« Custodite iudicium et facite iustitiam, quia iuxta est salus mea ut veniat, et iustitia mea ut reveletur.

Et filios advenæ, qui adhærent Domino, ut colant eum et diligant nomen eius, ut sint ei in servos; omnem custodiéntem sabbatum ne polluat illud et tenéntem fœdus meum, adducam eos in montem sanctum meum,

et lætificábo eos in domo oratiónis meæ; holocáusta eórum et víctimæ eórum placébunt mihi super altári meo, quia domus mea domus oratiónis vocábitur cunctis pópulis ». — Verbum Dómini.

### Psalmus responsorius

Ps 83, 3. 4. 5 et 10. 11 (R.: Ap 21, 3 b)

R. Ecce tabernáculum Dei cum homínibus.

3 Concupíscit et déficit ánima mea in átria Dómini.  
Cor meum et caro mea exsultavérunt in Deum vivum. R.

4 Etenim passer invénit sibi domum,  
et turtur nidum sibi, ubi ponat pullos suos:  
altária tua, Dómine virtútum, rex meus et Deus meus. R.

5 Beáti qui hábitant in domo tua,  
in perpétuum laudábunt te.

10 Protéctor noster, aspice, Deus,  
et réspice in fáciem Christi tui. R.

11 Quia mélior est dies una in átriis tuis super mília,  
elégi ad limen esse in domo Dei mei,  
magis quam habitáre in tabernáculis peccatórum. R.

#### 4

*Repleta est gloria Domini domus.*

Léctio libri Ezechiélis prophétæ 43, 1-2. 4-7 a

In diébus illis:

Duxit me ángelus ad portam, quæ respiciébat ad viam orientálem, et ecce glória Dei Israel ingrediebátur per viam orientálem, et vox erat ei quasi vox aquárum multárum, et terra splendébat a maiestáte eius.

Et maiéstas Dómini ingrèssa est templum per viam portæ, quæ respiciébat ad oriéntem; et elevávit me spí-

ritus et introduxit me in átrium intérius, et ecce repléta erat glória Dómini domus.

Et audívi loquéntem ad me de domo, et vir qui stabat iuxta me dixit ad me: « Fili hóminis, locus sólii mei et locus vestigiórum pedum meórum, ubi hábito in médio filiórum Israel in ætérnum ». — Verbum Dómini.

Psalmus responsorius 1 Chr 29, 10. 11. 12 (R.: 13 b)

R. Laudámus nomen tuum ínclitum, Dómine.

<sup>10</sup> Benedíctus es, Dómine, Deus Israel patris nostri, ab ætérno in ætérnum. R.

<sup>11</sup> Tua est, Dómine, magnificéntia et poténtia et glória atque victória, et tibi laus; cuncta enim, quæ in cælo sunt et in terra, tua sunt. Tuum, Dómine, regnum, et tu es super omnes príncipes. R.

<sup>12</sup> Tuæ divítiae et tua est glória; tu domináris ómnium, in manu tua virtus et poténtia, in manu tua magnitúdo et impérium ómnium. R.

Lectio prima  
tempore paschali

1

*Non Altíssimus in manufactis habitat.*

Léctio Actuum Apostolórum

7, 44-50

In diébus illis:

Dicébat Stéphanus plebi et senióribus et scribis:

« Tabernáculum testimónii erat pátribus nostris in

deserto, sicut dispósuit qui loquebátur ad Móysem, ut fáceret illud secúndum formam quam víderat.

Quod et induxérunt suscipiéntes patres nostri cum Iesu in possessioném géntium, quas éxpulit Deus a fácie patrum nostrórum, usque in diébus David, qui invénit grátiam ante Deum et pétiit ut " inveníret tabernáculum dómui Iacob ".

Sálonon autem ædificávit illi domum. Sed non Altíssimus in manufáctis hábitat, sicut Prophéta dicit: " Cælum mihi thronus est, terra autem scabéllum pedum meórum. Quam domum ædificábitis mihi? dicit Dóminus; aut quis locus requietiónis meæ? Nonne manus mea fecit hæc ómnia? " » — Verbum Dómini.

Psalmus responsorius

Ps 94, 1-2. 3-5. 6-7

℞. Accedámus in conspéctum Dómini cum láudibus.  
vel Allehúia.

- 1 Veníte, exsultémus Dómino;  
iubilémus Deo salutári nostro.
- 2 Præoccupémus fáciem eius in confessióne,  
et in psalmis iubilémus ei. ℞.
- 3 Quóniam Deus magnus Dóminus,  
et rex magnus super omnes deos.
- 4 Quia in manu eius sunt profúnda terræ,  
et altitúdines móntium ipsíus sunt.
- 5 Quóniam ipsíus est mare, et ipse fecit illud,  
et siccam manus eius formavérunt. ℞.
- 6 Veníte, adorémus et procidámus,  
et génua flectámus ante Dóminum qui fecit nos,
- 7 quia ipse est Deus noster,  
et nos pópulus páscuæ eius  
et oves manus eius. ℞.

*Ecce tabernaculum Dei cum hominibus.*

Lectio libri Apocalýpsis beáti Ioánnis apóstoli

21, 1-5 a

Ego Ioánnes vidi cælum novum et terram novam. Primum enim cælum et prima terra abiérunt, et mare iam non est. Et civitátem sanctam, Ierúsalem novam, vidi descendéntem de cælo a Deo, parátam sicut sponsam ornátam viro suo.

Et audívi vocem magnam de throno dicéntem: « Ecce tabernáculum Dei cum homínibus, et habitábit cum eis; et ipsi pópuli eius erunt, et ipse Deus cum eis erit, eórum Deus; et abstérget omnem lácrimam ab óculis eórum, et mors ultra non erit, neque luctus, neque clamor, neque dolor erit ultra, quia prima abiérunt ».

Et dixit qui sedébat super throno: « Ecce nova fácio ómnia ».

Verbum Dómini.

Psalmus responsorius

Ps 83, 3. 4. 5 et 10. 11 (R.: Ap 21, 3 b)

R. Deus cum eis erit eórum Deus.

vel Allelúia.

Concupiscit et déficit ánima mea in átria Dómini.

Cor meum et caro mea exsultavérunt in Deum vivum. R.

Etenim passer invénit sibi domum,

et turtur nidum sibi, ubi ponat pullos suos:

altária tua, Dómine virtútum, rex meus et Deus meus. R.

Beáti qui hábitant in domo tua,

in perpétuum laudábunt te.

Protéctor noster, aspice, Deus,

et réspice in fáciem Christi tui. R.



- 11 Quia mélior est dies una in átriis tuis super mília,  
elégi ad limen esse in domo Dei mei,  
magis quam habitáre in tabernáculis peccatórum. *R.*

## 3

*Ostendam tibi sponsam uxorem Agni.*

Léctio libri Apocalýpsis beáti Ioánnis apóstoli

21, 9 b-14

Locútus est ángelus mecum dicens: « Veni, osténdam tibi sponsam uxórem Agni ».

Et sústulit me in spíritu super montem magnum et altum; et osténdit mihi civitátem sanctam Ierúsalem, descendéntem de cælo a Deo, habéntem glóriam Dei; lumen eius símile lápidi pretiosíssimo tamquam lápidi iáspidi in modum crystálli.

Et habébat murum magnum et altum, et habébat portas duódecim, et super portas ángelos duódecim, et nómina inscrípta, quæ sunt duódecim tríbuum filiórum Israel.

Ab oriénte portæ tres, et ab aquilóne portæ tres, et ab austro portæ tres, et ab occásu portæ tres. Et murus civitátis habens fundaménta duódecim, et super ipsis duódecim nómina duódecim Apostolórum Agni.

Verbum Dómini.

Psalmus responsorius

Ps 121, 1-2. 3-4. 8-9 (*R.*: cf. 1)

*R.* In domum Dómini lætántes íbimus.

vel Allelúia.

- 1 Lætátus sum in eo quod dixerunt mihi:  
« In domum Dómini íbimus ».
- 2 Stantes iam sunt pedes nostri  
in portis tuis, Ierúsalem. *R.*

Ierúsalem, quæ ædificáta est ut cívitas  
sibi compácta in idípsum.

Illuc enim ascendérunt tribus, tribus Dómini,  
testimónium Israel, ad confiténdum nómini Dómini. **℞.**

Propter fratres meos et próximos meos  
loquar: « Pax in te! »

Propter domum Dómini Dei nostri  
exquíram bona tibi. **℞.**

### Lectio secunda

#### 1

*Templum Dei estis.*

Léctio Epístolæ primæ beáti Pauli apóstoli  
ad Corínthios

**3, 9 b-11. 16-17**

Fratres:

Dei ædificátio estis. Secúndum grátiam Dei, quæ  
data est mihi, ut sápiens architétus fundaméntum pósui;  
álius autem superædificat. Unusquisque autem vídeat  
quómodo superædificet. Fundaméntum enim áliud nemo  
potest pónere, præter id quod pósitum est, qui est Iesus  
Christus.

Nescítis quia templum Dei estis et Spíritus Dei há-  
bitat in vobis? Si quis autem templum Dei evérterit,  
evértet illum Deus. Templum enim Dei sanctum est,  
quod estis vos. — Verbum Dómini.

#### 2

*Omnis ædificatio crescit in templum sanctum  
in Domino.*

Léctio Epístolæ beáti Pauli apóstoli  
ad Ephésios

**2, 19-22**

Fratres:

Iam non estis extránei et ádvenæ, sed estis concíves

sanctorum et domestici Dei, superaedificati super fundamentum Apostolorum et Prophetarum, ipso summo angulari lapide Christo Iesu; in quo omnis aedificatio compacta crescit in templum sanctum in Domino; in quo et vos coaedificamini in habitaculum Dei in Spiritu.

Verbum Domini.

## 3

*Accessistis ad Sion montem et civitatem  
Dei viventis.*

Lectio Epistolae ad Hebraeos

12, 18-19. 22-24

Fratres:

Non accessistis ad tractabilem et ardentem ignem, et turbinem et caliginem et procellam, et tubae sonum et vocem verborum, quam qui audierunt recusaverunt ne ultra eis fieret verbum.

Sed accessistis ad Sion montem et Civitatem Dei viventis, Ierusalem caelestem, et multa milia angelorum frequentiam, et Ecclesiam primogenitorum qui conscripti sunt in caelis, et iudicem Deum omnium, et spiritus iustorum qui consummati sunt, et Testamenti novi mediatorum Iesum, et sanguinem aspersionis melius loquentem quam Abel. — Verbum Domini.

## 4

*Tamquam lapides vivi aedificamini, domus spiritalis.*

Lectio Epistolae primae beati Petri apostoli

2, 4-9

Carissimi:

Ad Dominum accedentes lapidem vivum, ab hominibus quidem reprobatum, coram Deo autem electum,

pretiosum, et ipsi tamquam lapides vivi aedificamini, domus spiritalis in sacerdotium sanctum, offerre spirituales hostias, acceptabiles Deo per Iesum Christum.

Propter quod continet in Scriptura: « Ecce pono in Sion lapidem angularem, electum, pretiosum; et qui credit in eo non confundetur ». Vobis igitur honor credentibus; non credentibus autem, « Lapis quem reprobaverunt aedificantes: hic factus est in caput anguli », et « Lapis offensionis et petra scandali »; qui offendunt verbo non credentes in quod et positi sunt.

Vos autem genus electum, regale sacerdotium, gens sancta, populus in acquisitionem, ut virtutes annuntiatis eius, qui de tenebris vos vocavit in admirabile lumen suum. — Verbum Domini.

## Evangelium

### 1

Alleluia et Versus ante Evangelium Mt 16, 18

(R. Alleluia). V. Tu es Petrus, et super hanc petram aedificabo Ecclesiam meam, et portae inferi non praevalerunt adversus eam. (R. Alleluia).

*Tu es Petrus, et tibi dabo claves regni caelorum.*

✠ Lectio sancti Evangelii secundum Matthaeum

16, 13-19

In illo tempore:

Venit Iesus in partes Caesareae Philippi, et interrogabat discipulos suos, dicens: « Quem dicunt homines esse Filium hominis? »

At illi dixerunt: « Alii Ioannem Baptistam, alii autem

Elíam, álíi vero Ieremíam, aut unum ex prophétis ».

Dicit illis: « Vos autem quem me esse dicitis? »

Respóndens Simon Petrus dixit: « Tu es Christus, Fílius Dei vivi ».

Respóndens autem Iesus dixit ei: « Beátus es, Simon Bar Iona, quia caro et sanguis non revelávit tibi, sed Pater meus qui in cælis est. Et ego dico tibi: Tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam. Tibi dabo claves Regni cælórum, et quodcúmque ligáveris super terram, erit ligátum in cælis; et quodcúmque sólveris super terram, erit solútum in cælis ».

Verbum Dómini.

## 2

Alleluia et Versus ante Evangelium Cf. Mt 7, 8

(R. Allelúia). *γ.* In domo mea omnis qui petit áccipit,  
dicit Dóminus;  
qui quærit invenit, et pulsánti aperiétur.  
(R. Allelúia).

*Hodie salus domui huic facta est.*

✠ Lécitio sancti Evangélíi secúndum Lucam 19, 1-10

In illo témpore:

Ingréssus Iesus perambulábat Iéricho. Et ecce vir nómine Zacchæus, et hic erat princeps publicanórum et ipse dives, et quærébat vidére Iesum quis esset, et non póterat præ turba, quia statúra pusíllus erat. Et præcúrrens ascéndit in árborem sycómorum, ut vidéret illum, quia inde erat transitúrus.

Et, cum venisset ad locum, suspiciens Iesus dixit ad eum: « Zacchæe, festinans descende, nam hodie in domo tua oportet me manere ».

Et festinans descendit et excipit illum gaudens. Et, cum viderent omnes, murmurabant dicentes: « Ad hominem peccatorem devertit ».

Stans autem Zacchæus dixit ad Dominum: « Ecce dimidium bonorum meorum, Domine, do pauperibus et, si quid aliquem defraudaui, reddo quadruplum ».

Ait autem Iesus ad eum: « Hodie salus domui huic facta est, eo quod et ipse filius sit Abraham. Venit enim filius hominis querere et salvum facere quod perierat ». — Verbum Domini.

3

Alleluia et Versus ante Evangelium 2 Chr 7, 16

(R. Alleluia). γ. Elégi et sanctificaui locum istum,  
dicit Dominus,  
ut sit nomen meum ibi in sempiternum.  
(R. Alleluia).

*Dicebat de templo corporis sui.*

✠ Lécio sancti Evangélii secúndum Ioánnem

2, 13-22

Prope erat Pascha Iudæorum, et ascendit Hierosólymam Iesus; et invenit in templo vendentes boves et oves et columbas, et nummularios sedentes.

Et, cum fecisset flagellum de funiculis, omnes eiéicit de templo, oves quoque et boves, et nummulariórum effúdit æs, et mensas subvértit.

Et his qui colúmbas vendébant dixit: « Auférte ista hinc, nolíte fácere domum Patris mei domum negotiatiónis ». Recordáti sunt discipuli eius quia scriptum est: « Zelus domus tuæ cómedet me ».

Respondérunt ergo Iudæi et dixerunt ei: « Quod signum osténdis nobis quia hæc facis? »

Respóndit Iesus et dixit eis: « Sólvite templum hoc, et in tribus diébus excitábo illud ».

Dixerunt ergo Iudæi: « Quadragínta et sex annis ædificátum est templum hoc, et tu tribus diébus excitábis illud? » Ille autem dicébat de templo córporis sui.

Cum ergo resurrexisset a mórtuis, recordáti sunt discipuli eius quia hoc dicébat, et credidérunt Scriptúrá et sermóni quem dixit Iesus. — Verbum Dómini.

## 4

Alleluia et Versus ante Evangelium

Ap 21, 3

(**Ps.** Allelúia). **ꝛ.** Ecce tabernáculum Dei cum homínibus, et habitábit cum eis. (**Ps.** Allelúia).

*Ego vitam æternam do ovibus meis.*

✠ Lécio sancti Evangélii secúndum Ioánnem

10, 22-30

Facta sunt Encænia in Hierosólymis, hiems erat, et ambulábat Iesus in templo, in pórticu Salomónis. Circumdedérunt ergo eum Iudæi et dicébant ei: « Quoúsque ánimam nostram tollis? Si tu es Christus, dic nobis palam ».

Respóndit eis Iesus: « Dixi vobis, et non créditis. Opera, quæ ego fácio in nómine Patris mei, hæc testimoniúm pérhibent de me. Sed vos non créditis, quia non estis ex óvibus meis.

Oves meæ vocem meam áudiunt, et ego cognósko eas, et sequúntur me; et ego vitam ætérrnam do eis, et non peribunt in ætérrnum et non rápiet eas quisquam de manu mea.

Pater meus quod dedit mihi, maius ómnibus est; et nemo potest rápere de manu Patris. Ego et Pater unum sumus ». — Verbum Dómini.



## COMMUNE BEATÆ MARIÆ VIRGINIS

Hæ Missæ adhibentur etiam pro celebranda memoria sanctæ Mariæ in sabbato, et in Missis votivis de beata Maria Virgine.

### 1

Ant. ad introitum

Sedulius

**Salve, sancta parens, enixa puérpera Regem,  
qui cælum terrámque regit in sæcula sæculórum.**

Collecta

**Concéde nos fámulos tuos, quæsumus, Dómine Deus,  
perpétua mentis et córporis sanitáte gaudére,  
et, gloriósa beatæ Mariæ semper Vírginis intercessióne,  
a præsénti liberári tristítia, et ætérna pérfrui lætítia.  
Per Dóminum.**

Vel:

**Famulórum tuórum, quæsumus, Dómine, delictis ignósce,  
ut, qui tibi placére de áctibus nostris non valémus,  
Genetrícis Fílii tui Dómini nostri intercessióne salvémur.  
Per Dóminum.**

Lectiones ut infra, pp. 818-849.

Super oblata

**Unigéniti tui, Dómine, nobis succúrrat humánitas,  
ut, qui natus de Vírgine  
Matris integritátem non mínuit sed sacrávit,  
a nostris nos piáculis éxuens,  
oblatiónem nostram tibi reddat accéptam.  
Per Christum.**

Præfatio I de B. Maria Virgine (in Missis votivis: Et te in veneratióne), p. 640, vel II, p. 641.

Ant. ad communionem

Cf. Lc 11, 27

**Beáta víscera Mariæ Virginis,  
quæ portavérunt ætérni Patris Fílium.**

Post communionem

**Suméntes, Dómine, cæléstia sacraménta,  
quæsumus cleméntiam tuam,  
ut, qui de beátæ Virginis Mariæ festivitáte lætámur,  
eiúsdem Virginis imitatione,  
redemptionis nostræ mystério  
digne valeámus famulári.  
Per Christum.**

2

Ant. ad introitum

**Beáta es, Virgo María,  
quæ ómnium portásti Creatórem;  
genuísti qui te fecit, et in ætérnum pérmanes Virgo.**

Collecta

**Concéde, miséricors Deus, fragilitáti nostræ præsidium,  
ut, qui sanctæ Dei Genetrícis memóriam ágimus,  
intercessionis eius auxílio  
a nostris iniquitatibus resurgámus.  
Per Dóminum.**

Vel:

**Adiuvet nos, quæsumus, Dómine,  
beátæ Mariæ semper Virginis intercessio veneránda,  
et a cunctis perículis absolutos  
in tua fáciat pace gaudére.  
Per Dóminum.**

Lectiones ut infra, pp. 818-849.

Super oblata

**Genetrícis Fílii tui memóriam venerántes,  
quæsumus, Dómine,  
ut sacrificií huius oblátio  
nosmetípsos, grátia tua largiénte,  
tibi perficiat munus ætérnum. Per Christum.**

Præfatio I de B. Maria Virgine (in Missis votivis: Et te in veneratióne), p. 640, vel II, p. 641.

Ant. ad communionem

Lc 1, 49

**Fecit mihi magna qui potens est, et sanctum nomen eius.**

Post communionem

**Redemptiónis ætérnæ partícipes effécti,  
quæsumus, Dómine,  
ut, qui Genetrícis Fílii tui memóriam ágimus,  
et de grátia tuæ plenitúdine gloriémur,  
et salvatiónis contínuum sentiámus augméntum.  
Per Christum.**

3

Ant. ad introitum

Cf. Iudith 13, 23. 25

**Benedícta es tu, Virgo María, a Dómino Deo excélsio  
præ ómnibus muliéribus super terram;  
quia nomen tuum ita magnificávit,  
ut non recédât laus tua de ore hóminum.**

Collecta

**Sanctíssimæ venerántibus Vírginis Mariæ  
memóriam gloriósam,  
ipsíus nobis, quæsumus, Dómine, intercessióne concéde,  
ut de plenitúdine grátia tuæ  
nos quoque mereámur accíperé. Per Dóminum.**

Vel:

**Dómine Iesu, qui virginálem aulam beátæ Mariæ,  
in qua habitáres, elígere dignátus es,  
da, quæsumus, ut, sua nos defensióne munitos,  
iucúndos fácias suæ interésse festivitáti. Qui vivis.**

Lectioes ut infra, pp. 818-849.

Super oblata

**Laudis tibi, Dómine, hóstias offérimus,  
de Genetrícis Fílii tui festivitáte lætántes;  
præsta, quæsumus,  
ut per hæc sacrosáncta commércia  
ad redemptiónis æternæ proficiámus augméntum.  
Per Christum.**

Præfatio I de B. Maria Virgine (in Missis votivis: Et te in  
veneratióne), p. 640, vel II, p. 641.

Ant. ad communionem

Cf. Lc 1, 48

**Beátam me dicent omnes generatiónes,  
quia ancíllam húmílem respéxit Deus.**

Post communionem

**Sumptis, Dómine, sacraméntis cæléstibus,  
te súpplíces deprecámur,  
ut, qui beátæ Mariæ Virginis memóriam  
venerádo recólimus,  
æterni convívii mereámur esse partícipes. Per Christum.**

## 6. Tempore paschali

Ant. ad introitum

Cf. Act 1, 14

**Erant discípuli perseverántes unánímiter in oratióne  
cum María matre Iesu, allelúia.**

## Collecta

**Deus, qui, per resurrectionem  
Filiï tui Dómini nostri Iesu Christi,  
mundum lætificáre dignátus es,  
præsta, quæsumus,  
ut, per eius Genetrícem Virgínem Mariám,  
perpétuæ capiámus gáudia vitæ. Per Dóminum.**

**Vel:**

**Deus, qui Apóstolis tuis,  
cum Mariá Matre Iesu orántibus,  
Sanctum dedísti Spíritum,  
da nobis, ut, ipsa intercedénte,  
maiestáti tuæ fidéliter servíre  
et nóminis tui glóriam  
verbo et exémplo diffúndere valeámus. Per Dóminum.**

Lectiones ut infra, pp. 833-849

## Super oblata

**Festivitátem recoléntes beátæ Virgínis Mariæ,  
tibi, Dómine, múnera nostra offérimus, deprecántes,  
ut eius nobis succúrrat humánitas,  
qui tibi oblatiónem seípsum in cruce  
óbtulit immaculátam. Qui vivit.**

Præfatio I de B. Maria Virgine (in Missis votivis: Et te in  
veneratióne), p. 640, vel II, p. 641.

## Ant. ad communionem

**Lætáre, Virgo Mater,  
quia surréxit Christus de sepúlcro, allelúia.**

## Post communionem

**In méntibus nostris, quæsumus, Dómine,  
veræ fidei sacraménta confírma,**

ut, qui concéptum de Virgine  
Deum verum et hóminem confitémur,  
per eius salutíferæ resurrectionis poténtiam,  
ad ætérnam mereámur pervenire lætítiam. Per Christum

### Aliæ orationes in Missis de B.M.V.

#### Collecta

Concéde, quæsumus, omnipotens Deus,  
ut fidéles tui,  
qui sub sanctíssimæ Virginis Mariæ  
patrocínio lætántur,  
eius pia intercessióne  
a cunctis malis liberéntur in terris,  
et ad gáudia ætérna  
pervenire mereántur in cælis. Per Dóminum.

#### Super oblata

Preces, Dómine, tuórum réspice oblationésque fidélium,  
in beátæ Mariæ Dei Genetrícis  
commemoratióne delátas, ut tibi gratæ sint,  
et nobis cónferant tuæ propitiatiónis auxiliúm.  
Per Christum.

#### Post communionem

Salutáribus refécti sacraméntis,  
súpplícites te, Dómine, deprecámur,  
ut, qui festivitátem beátæ Virginis Dei Genetrícis Mariæ  
venerándo égimus,  
redemptiόnis tuæ fructum  
perpétuo experíri mereámur. Per Christum.

---

Lectio prima  
extra tempus paschale

## 1

*Inimicitias ponam inter semen tuum  
et semen mulieris.*

Lectio libri Génesis

3, 9-15. 20

Postquam comédit Adam de ligno, vocávit Dóminus Deus eum et dixit ei: « Ubi es? »

Qui ait: « Vocem tuam audívi in paradíso, et tímui eo quod nudus essem, et abscondi me ».

Cui dixit: « Quis enim indicávit tibi quod nudus esses, nisi quod ex ligno, de quo præcéperam tibi ne coméderes, comedísti? »

Dixitque Adam: « Múlier, quam dedísti mihi sóciam, dedit mihi de ligno, et comédi ».

Et dixit Dóminus Deus ad mulierem: « Quare hoc fecísti? »

Quæ respóndit: « Serpens decépit me, et comédi ».

Et ait Dóminus Deus ad serpéntem: « Quia fecísti hoc, maledíctus es inter ómnia animántia et béstias terræ: super pectus tuum gradiéris et terram cómedes cunctis diébus vitæ tuæ. Inimicitias ponam inter te et mulierem, et semen tuum et semen illius; ipsa cónteret caput tuum, et tu insidiáberis calcáneo eius ».

Et vocávit Adam nomen uxóris suæ Heva, eo quod mater esset cunctórum vivéntium. — Verbum Dómini.

Psalmus responsorius

Iudt 13, 23 bc-24 a. 25 abc (R.: 15, 10 d)

R. Tu honorificéntia pópuli nostri.

- 1) **Benedícta es tu, fília,  
a Dómino Deo excélso,  
præ ómnibus muliéribus super terram.**
- 2) **Benedíctus Dóminus  
qui creávit cælum et terram. R.**
- 3) **Quia hódie nomen tuum ita magnificávit,  
ut non recédát laus tua de ore hóminum,  
qui mémoires fúerint  
virtútis Dómini in ætérnum. R.**

## 2

*Sicut locutus est ad patres nostros, Abraham  
et semini eius in sæcula.*

Léctio libri Génesis

12, 1-7

In diébus illis:

Dixit Dóminus ad Abram: « Egrédere de terra tua, et de cognatióne tua, et de domo patris tui, et veni in terram quam monstrábo tibi. Faciámque te in gentem magnam, et benedicám tibi, et magnificábo nomen tuum, erisque benedíctus. Benedicám benedicéntibus tibi et maledicám maledicéntibus tibi, atque in te benedicéntur univérsæ cognatiónes terræ ».

Egréssus est itaque Abram, sicut præcéperat ei Dóminus, et ivit cum eo Lot. Septuagínta quinque annórum erat Abram cum egrederétur de Haran. Tulítque Sárai uxórem suam, et Lot filium fratris sui, universámque substántiam quam posséderant, et ánimas quas fécerant in Haran; et egréssi sunt ut irent in terram Chánaan.

Cumque venissent in eam, pertransívit Abram terram



usque ad locum Sichem, usque ad convallē Illústrem.  
Chananæus autem tunc erat in terra.

Appáruit autem Dóminus Abram et dixit ei: « Sé-  
mini tuo dabo terram hanc ». Qui ædificávit ibi altáre  
Dómino, qui apparúerat ei.

Verbum Dómini.

Psalmus responsorius

Lc 1, 46-47. 48-49. 50-51. 52-53. 54-55 (R.: 49)

R. Fecit mihi magna qui potens est,  
et sanctum Nomen eius.

<sup>46</sup> Magnificat ánima mea Dóminum,  
<sup>47</sup> et exsultávit spíritus meus  
in Deo Salvatóri meo, R.

<sup>48</sup> quia respéxit humilitátem ancillæ suæ.  
Ecce enim ex hoc beátam me dicent  
omnes generatiónes:

<sup>49</sup> quia fecit mihi magna qui potens est,  
et sanctum Nomen eius, R.

<sup>50</sup> et misericórdia eius in progénies et progénies  
timéntibus eum.

<sup>51</sup> Fecit poténtiam in bráccio suo,  
dispérsit supérbos mente cordis sui; R.

<sup>52</sup> depósuit poténtes de sede  
et exaltávit húmiles,  
<sup>53</sup> esuriéntes implévit bonis  
et dívites dimísit inánes. R.

<sup>54</sup> Suscépit Israel púerum suum,  
memorári misericórdiæ,  
<sup>55</sup> sicut locútus est ad patres nostros,  
Abraham et sémini eius in sácula. R.

## 3

*Dabit illi Deus sedem David patris eius.*

Lectio libri secúndi Samuélis

7, 1-5. 8 b-11. 16

Factum est cum sedisset David rex in domo sua, et Dóminus dedisset ei réquiem úndique ab univérsis inimicis suis, dixit ad Nathan prophétam: « Vidésne quod ego hábitem in domo cédrina, et arca Dei pósita sit in médio péllium? »

Dixítque Nathan ad regem: « Omne, quod est in corde tuo, vade, fac, quia Dóminus tecum est ».

Factum est autem in illa nocte, et ecce sermo Dómini ad Nathan dicens: « Vade et lóquere ad servum meum David: “ Hæc dicit Dóminus: Numquid tu ædificábis mihi domum ad habitándum? Ego tuli te de páscuis sequéntem greges, ut esses dux super pópulum meum Israel, et fui tecum in ómnibus ubicúmque ambulásti, et interféci univérsos inimicos tuos a fácie tua; fecístique tibi nomen grande iuxta nomen magnórum qui sunt in terra’.

Et ponam locum pópulo meo Israel et plantábo eum, et habitábit sub eo et non turbábitur ámplius; nec adent filii iniquitátis ut affligant eum sicut prius, ex die qua constitúti iúdice super pópulum meum Israel. Et réquiem dabo tibi ab ómnibus inimicis tuis, prædicítque tibi Dóminus quod domum fáciat tibi Dóminus.

Et fidélis erit domus tua et regnum tuum usque in ætérnum ante fáciem tuam, et thronus tuus erit firmus iúgiter ” ».

Verbum Dómini.

## Psalmus responsorius

1 Sam 2, 1. 4-5. 6-7. 8 abcd (ꝛ.: 1 a)

ꝛ. Exsultávit cor meum in Dómino salvatóre meo.

1 Exsultávit cor meum in Dómino,  
et exaltátum est cornu meum in Deo meo;  
dilatátum est os meum super inimícos meos,  
quia lætáta sum in salutári tuo. ꝛ.

4 Arcus fórtium superátus est,  
et infírmi accínci sunt róbores;  
5 repléti prius pro pánibus se locavérunt,  
et famélici saturáti sunt;  
donec stérilis péperit plúrimos,  
et quæ multos habébat fílios,  
infirmáta est. ꝛ.

6 Dóminus mortificat et vivificat,  
dedúcit ad íferos et redúcit;  
7 Dóminus páuperem facit et ditat,  
humíliat et súblevat. ꝛ.

8 Súscitat de púlvere egénium,  
et de stércore élevat páuperem,  
ut sédeat cum princípibus,  
et sólium glóriæ téneat. ꝛ.

## 4

*Attulerunt arcam Dei et constituerunt eam in medio  
tabernaculi, quod tetenderat ei David.*

Léctio libri primi Chronicórum 15, 3-4. 15-16; 16, 1-2  
In diébus illis:

Congregávit David univérsum Israel in Ierúsalem, ut  
afferrétur arca Dei in locum suum, quem præpará-  
verat ei; necnon et fílios Aaron et levítas.

Tulérunt autem ffilii Levi arcam Dei, sicut præcéperat Móyses iuxta verbum Dómini, húmeris suis in véctibus. Dixitque David princípibus levitárum ut constituerent de frátribus suis cantóres in órganis musicórum, nablis vidélicet et lyris et cýmbalis, ut resonáret in excélsis sónitus lætítiæ.

Attulérunt ígitur arcam Dei, et constituerunt eam in médio tabernáculi, quod teténdérat ei David, et obtulérunt holocáusta et pacífica coram Deo.

Cumque compléset David ófferens holocáusta et pacífica, benedíxit pópulo in nómine Dómini.

Verbum Dómini.

Psalmus responsorius Ps 112, 1-2. 3-4. 5-6. 7-8 (R.: 2)

R. Sit nomen Dómini benedíctum in sácula.

vel Allelúia.

Laudáte, púeri Dómini,

laudáte nomen Dómini.

Sit nomen Dómini benedíctum

ex hoc nunc et usque in sáculum. R.

A solis ortu usque ad occásum

laudábile nomen Dómini.

Excélsus super omnes gentes Dóminus,

super cælos glória eius. R.

Quis sicut Dóminus Deus noster,

qui in altis hábitat,

et humília réspicit

in cælo et in terra? R.

Súscitans de terra ínopem,

de stércore érigens páuperem,

ut cóllocet eum cum princípibus,

cum princípibus pópuli sui. R.

*Maria, sedes Sapientiæ.*

Léctio libri Proverbiórum

8, 22-31

Hæc lóquitur Sapiéntia Dei:

« Dóminus possédit me in iníitio viárum suárum, ántequam quidquam fáceret a princípío. Ab ætérno ordináta sum et ex antíquis, ántequam terra fieret.

Nondum erant abyssi, et ego iam concépta eram, necdum fontes aquárum erúperant, necdum montes gravi mole constiterant, ante colles ego parturiébar: adhuc terram non fécerat et flúmina et cárdenes orbis terræ.

Quando præparábat cælos áderam, quando certa lege et gyro vallábat abyssos, quando æthera firmábat sursum, et librábat fontes aquárum, quando circúmdabat mari términum suum, et legem ponébat aquis ne transírent fines suos, quando appendébat fundaménta terræ, cum eo eram cuncta compónens. Et delectábar per singulos dies, ludens coram eo omni témpore, ludens in orbe terrárum, et delíciæ meæ esse cum filiis hóminum ». — Verbum Dómini.

Psalmus responsorius

Ps 44, 11-12. 14-15. 16-17 (R.: 11 a)

R. Audi, filia, et vide, et inclína aurem tuam.

11 Audi, filia, et vide, et inclína aurem tuam,  
et oblivíscere pópulum tuum et domum patris tui;

12 et concupíscet rex spéciem tuam.

Quóniam ipse est dóminus tuus, et adóra eum. R.

14 Gloriósa nimis filia regis intrínsecus;  
textúris áureis circumamícta.

15 In véstibus variegátis adducétur regi;  
vírgines post eam, próximæ eius, afferúntur tibi. R.

Afferúntur in lætítia et exsultatióne,  
adducúntur in domum regis.  
Pro pátribus tuis erunt tibi filii;  
constítues eos príncipes super omnem terram. R.

## 6

*Maria, sedes Sapientiæ.*

Lectio libri Sirácide 24, 1-2. 5-7. 12-16. 26-30

Sapiéntia laudábit ánimam suam, et in Deo honorábitur, et in médio pópuli sui gloriábitur; et in ecclésiis Altíssimi apériet os suum, et in conspéctu virtútis illius gloriábitur.

Ego ex ore Altíssimi prodívi, primogénita ante omnem creatúram; ego feci in cælis ut orirétur lumen indeficiens, et sicut nébula texi omnem terram. Ego in altíssimis habitávi, et thronus meus in colúmna nubis.

Præcépit et dixit mihi Créator ómnium, et qui créavit me requiévít in tabernáculo meo, et dixit mihi: « In Iacob inhábita, et in Israel hereditáre, et in eléctis meis mitte radices ».

Ab íntio et ante sécula créata sum, et usque ad futúrum séculum non désinam, et in habitatióne sancta coram ipso ministrávi.

Et sic in Sion firmáta sum, et in civitaté sanctificáta simíliter requiéví, et in Ierúsalem potéstas mea.

Et radicávi in pópulo honorificáto, et in parte Dei mei heréditas illius, et in plenitúdine sanctorum deténtio mea.

Transíte ad me, omnes qui concupíscitis me, et a generatióibus meis implémini; spíritus enim meus super mel dulcis, et heréditas mea super mel et favum.

Memória mea in generatióes sæculórum.

Qui edunt me adhuc esúrient, et qui bibunt me adhuc sítient. Qui audit me non confundétur, et qui operántur in me non peccábunt. — Verbum Dómini.

**Psalmus responsorius**

**Ps 44, 11-12. 14-15. 16-17 (R.: 11 a)**

**R.** Audi, fília, et vide, et inclína aurem tuam.

- 11** Audi, fília, et vide, et inclína aurem tuam,  
et oblivíscere pópulum tuum et domum patris tui;
- 12** et concupíscet rex spéciem tuam.  
Quóniam ipse est dóminus tuus, et adóra eum. **R.**
- 14** Gloriósa nimis fília regis intrínsecus,  
textúris áureis circumamícta.
- 15** In véstibus variegátis adducétur regi;  
vírgines post eam, próximæ eius,  
afferúntur tibi. **R.**
- 16** Afferúntur in lætítia et exsultatióne,  
adducúntur in domum regis.
- 17** Pro pátribus tuis erunt tibi fílii;  
constítues eos príncipes super omnem terram. **R.**

7

*Ecce virgo concipiet.*

Léctio libri Isaíæ prophétæ

**7, 10-14; 8, 10**

In diébus illis:

Locútus est Dóminus ad Achaz dicens: « Pete tibi signum a Dómino Deo tuo in profúndum inférni sive in excélsum supra ».

Et dixit Achaz: « Non petam et non tentábo Dóminum ».

Et dixit: « Audíte ergo, domus David: numquid parum vobis est moléstos esse homínibus, quia molésti estis et Deo meo?

Propter hoc dabit Dóminus ipse vobis signum. Ecce virgo concípiet et páriet fílium, et vocábitur nomen eius Emmánuel, quia nobíscum Deus ».

Verbum Dómini.

Psalmus responsorius

1 Sam 2, 1. 4-5. 6-7. 8 abcd (R.: 1 a)

R. Exsultávit cor meum in Dómino salvatóre meo.

Exsultávit cor meum in Dómino,  
et exaltátum est cornu meum in Deo meo;  
dilatátum est os meum super inimícos meos,  
quia lætáta sum in salutári tuo. R.

Arcus fórtium superátus est,  
et infirmi accínti sunt róbores;  
repléti prius pro pánibus se locavérunt,  
et famélici saturáti sunt;  
donec stérilis péperit plúrimos,  
et quæ multos habébat filios, infirmáta est. R.

Dóminus mortificat et vivificat,  
dedúcit ad inferos et redúcit;  
Dóminus páuperem facit et ditat,  
humíliat et súblevat. R.

Súscitat de púlvere egénium,  
et de stércore élevat páuperem,  
ut sédeat cum princípibus,  
et sólium glóriæ téneat. R.



## 8

*Filius datus est nobis.*

Lectio libri Isaïæ prophætæ

9, 2-4. 6-7

Pópulus, qui ambulábat in ténebris, vidit lucem magnam, habitántibus in regióne umbræ mortis lux orta est eis. Multiplicásti gentem et non magnificásti lætítiam. Lætábúntur coram te, sicut qui lætántur in messe, sicut exsúltant victóres, capta præda, quando dividunt spólia. Iugum enim óneris eius, et virgam húmeri eius, et sceptrum exactóris eius superásti, sicut in die Má dian.

Párvulus enim natus est nobis, et fílius datus est nobis, et factus est principátus super húmerum eius: et vocábitur nomen eius « Admirábilis, Consiliárius, Deus fortis, Pater futúri sáeculi, Princeps pacis ».

Multiplicábitur eius impérium, et pacis non erit finis; super sólium David et super regnum eius sedébit, ut confirmet illud et corróboret in iudicio et iustítia ámodo et usque in sempitérnum. Zelus Dómini exercítuum fáciat hoc. — Verbum Dómini.

Psalmus responsorius

Ps 112, 1-2. 3-4. 5-6. 7-8 (R.: 2)

R. Sit nomen Dómini benedíctum in sáecula.  
vel Allelúia.

<sup>1</sup> Laudáte, púeri Dómini,  
laudáte nomen Dómini.

<sup>2</sup> Sit nomen Dómini benedíctum  
ex hoc nunc et usque in sáeculum. R.

<sup>3</sup> A solis ortu usque ad occásum  
laudábile nomen Dómini.

**Excelsus super omnes gentes Dóminus,  
super cælos glória eius. R.**

**Quis sicut Dóminus Deus noster,  
qui in altis hábitat,  
et humília respicit  
in cælo et in terra? R.**

**Súscitans de terra inopem,  
de stercore érigens páuperem,  
ut cóllocet eum cum princípibus,  
cum princípibus pópuli sui. R.**

## 9

*Gaudens gaudebo in Domino.*

**Léctio libri Isaíæ prophétæ**

61, 9-11

**Scient in géntibus semen pópuli mei, et germen eórum in médio populórum. Omnes qui viderint eos cognóscant illos, quia isti sunt semen, cui benedíxit Dóminus.**

**Gaudens gaudebo in Dómino, et exsultábit ánima mea in Deo meo, quia induit me vestiméntis salútis, et induménto iustítiae circúmdedit me, quasi sponsam decorátam coróna, et quasi sponsam ornátam monílibus suis. Sicut enim terra profert germen suum, et sicut hortus semen suum gérminat, sic Dóminus Deus germinábit iustítiam et laudem coram univérsis géntibus.**

**Verbum Dómini.**

**Psalmus responsorius**

1 Sam 2, 1. 4-5. 6-7. 8 abcd (R.: 1 a)

**R. Exsultávit cor meum in Dómino salvatóre meo.**

**Exsultávit cor meum in Dómino,  
et exaltátum est cornu meum in Deo meo;**

dilatatum est os meum super inimicos meos,  
quia lætata sum in salutari tuo. **R.**

- 4** Arcus fortium superatus est,  
et infirmi accincti sunt robore;  
**5** replenti prius pro panibus se locaverunt,  
et famelici saturati sunt;  
donec sterilis peperit plurimos,  
et quæ multos habebat filios,  
infirmata est. **R.**
- 6** Dominus mortificat et vivificat,  
deducit ad inferos et reducit;  
**7** Dominus pauperem facit et ditat,  
humiliat et subleuat. **R.**
- 8** Suscitat de pulvere egenum,  
et de stercore elevat pauperem,  
ut sedeat cum principibus,  
et solium gloriæ teneat. **R.**

## 10

*Tempus, in quo parturiens pariet.*

Lectio libri Michææ prophætæ

5, 2-5 a

Hæc dicit Dominus:

« Et tu, Bèthlehem Ephrata, parvulus es in milibus  
Iuda: ex te mihi egrediètur qui sit dominator in Israel,  
et egressus eius ab initio, a dièbus æternitatis. Propter  
hoc dabit eos usque ad tempus, in quo parturiens pariet,  
et reliquiae fratrum eius convertentur ad filios Israel.

Et stabit et pascet in fortitudine Domini, in sublimitate  
nominis Domini Dei sui; et convertentur, quia nunc

**magnificabitur usque ad términos terræ. Et erit iste pax ».** — Verbum Dómini.

Psalmus responsorius Ps 112, 1-2. 3-4. 5-6. 7-8 (R.: 2)

R. Sit nomen Dómini benedictum in sæcula.  
vel Allehúia.

Laudáte, púeri Dómini,  
laudáte nomen Dómini.  
Sit nomen Dómini benedictum  
ex hoc nunc et usque in sæculum. R.

A solis ortu usque ad occásum  
laudábile nomen Dómini.  
Excelsus super omnes gentes Dóminus,  
super cælos glória eius. R.

Quis sicut Dóminus Deus noster,  
qui in altis hábitat,  
et humília respicit  
in cælo et in terra? R.

Súscitans de terra ínopem,  
de stércore érigens páuperem,  
ut cóllocet eum cum princípibus,  
cum princípibus pópuli sui. R.

## 11

*Lætare, filia Sion, ecce ego venio.*

Léctio libri Zachariæ prophétæ 2, 10-13

Lauda et lætáre, filia Sion, quia ecce ego vénio, et habitábo in médio tui, ait Dóminus. Et applicabúntur gentes multæ ad Dóminum in die illa, et erunt mihi in

pópulum, et habitábo in médio tui, et scies quia Dóminus exercítuum misit me ad te.

Et possidébit Dóminus Iudam partem suam in terra sanctificáta, et éliget adhuc Ierúsalem. Síleat omnis caro a fácie Dómini, quia consurréxit de habitáculo sancto suo. — Verbum Dómini.

### Psalmus responsorius

Lc 1, 46-47. 48-49. 50-51. 52-53. 54-55

℞. Beáta, Virgo María,  
quæ portásti ætérni Patris Fílium.

46 Magníficat ánima mea Dóminum,  
47 et exsultávit spíritus meus in Deo Salvatóri meo, ℞.

48 quia respéxit humilitátem ancíllæ suæ.  
Ecce enim ex hoc beátam me dicent  
omnes generatiónes:

49 quia fecit mihi magna qui potens est,  
et sanctum Nomen eius, ℞.

50 et misericórdia eius in progénies et progénies  
timéntibus eum.

51 Fecit poténtiam in bráchio suo,  
dispérsit supérbos mente cordis sui; ℞.

52 depósuit poténtes de sede  
et exaltávit húmiles,  
53 esuriéntes implévit bonis  
et dívites dimísit inánes. ℞.

54 Suscépit Israel púerum suum,  
memorári misericórdiæ,  
55 sicut locútus est ad patres nostros,  
Abraham et sémini eius in sæcula. ℞.

Lectio prima  
tempore paschali

## 1

*Erant perseverantes in oratione  
cum Maria matre Iesu.*

## Lectio Actuum Apostolorum

1, 12-14

Postquam assumptus est Iesus in cælum, reversi sunt Apóstoli in Ierúsalem a monte qui vocátur Olivéti, qui est iuxta Ierúsalem sábbati habens iter.

Et cum introissent, in cenáculum ascenderunt ubi manébant, et Petrus et Ioánnes, et Iacóbus et Andréas, Philíppus et Thomas, Bartholomæus et Matthæus, Iacóbus Alphæi et Simon Zelótes et Iudas Iacóbi.

Hi omnes erant perseverántes unánimiter in oratione cum muliéribus et María matre Iesu et frátribus eius. — Verbum Dómini.

*Psalmus responsorius, ut supra, p. 832.*

## 2

*Signum magnum apparuit in cælo.*

## Lectio libri Apocalýpsis beáti Ioánnis apóstoli

11, 19 a; 12, 1. 3-6 a. 10 ab

Apértum est templum Dei in cælo, et visa est arca testaménti eius in templo eius. Et signum magnum apparuit in cælo: mulier amícta sole, et luna sub pédibus eius, et super caput eius coróna stellárum duódecim.

Et visum est aliud signum in cælo: et ecce draco rufus magnus, habens capita septem et cornua decem, et super capita sua septem diadêmata, et cauda eius trahit tertiam partem stellarum cæli, et misit eas in terram. Et draco stetit ante mulierem, quæ erat paritura, ut, cum peperisset, filium eius devoraret.

Et peperit filium masculinum, qui recturus est omnes gentes in virga færra; et raptus est filius eius ad Deum et ad thronum eius; et mulier fugit in desertum, ubi habet locum paratum a Deo.

Et audivi vocem magnam in cælo dicentem: « Nunc facta est salus et virtus et Regnum Dei nostri, et potestas Christi eius ». — Verbum Dómini.

Psalmus responsorius

Ps 44, 11-12. 14-15. 16-17 (R.: 11 a)

R. Audi, filia, et vide, et inclina aurem tuam.

vel Allelúia.

- <sup>11</sup> Audi, filia, et vide, et inclina aurem tuam,  
et obliviscere populum tuum et domum patris tui;
- <sup>12</sup> et concupiscet rex speciem tuam.  
Quoniam ipse est dominus tuus, et adora eum. R.
- <sup>14</sup> Gloriosa nimis filia regis intrinsecus,  
texturis aureis circumamicta.
- <sup>15</sup> In vestibus variegatis adducetur regi;  
virgines post eam, proxima eius, afferuntur tibi. R.
- <sup>16</sup> Afferuntur in lætitia et exultatione,  
adducuntur in domum regis.
- <sup>17</sup> Pro patribus tuis erunt tibi filii;  
constitues eos principes super omnem terram. R.

## 3

*Vidi Ierusalem novam, paratam sicut sponsam  
ornatam viro suo.*

## Lectio libri Apocalýpsis beáti Ioánnis apóstoli

21, 1-5 a

Ego Ioánnes vidi cælum novum et terram novam. Primum enim cælum et prima terra abiérunt, et mare iam non est. Et civitátem sanctam, Ierúsalem novam, vidi descendéntem de cælo a Deo, parátam sicut sponsam ornátam viro suo.

Et audívi vocem magnam de throno dicéntem: « Ecce tabernáculum Dei cum homínibus, et habitábit cum eis; et ipsi pópuli eius erunt, et ipse Deus cum eis erit eórum Deus; et abstérget omnem lácrimam ab óculis eórum, et mors ultra non erit, neque luctus neque clamor neque dolor erit ultra, quia prima abiérunt ».

Et dixit qui sedébat super throno: « Ecce nova fácio ómnia ». — Verbum Dómini.

## Psalmus responsorius

Iudt 13, 23 bc-24 a. 25 abc (R.: 15, 10 d)

R. Tu honorificéntia pópuli nostri.

vel Allelúia.

<sup>23</sup> Benedícta es tu, flía, a Dómino Deo excélso,  
præ ómnibus muliéribus super terram.

<sup>24</sup> Benedíctus Dóminus qui creávit cælum et terram. R.

<sup>25</sup> Quia hódie nomen tuum ita magnificávit,  
ut non recédát laus tua de ore hóminum,  
qui mémoires fúerint virtútis Dómini in ætérnum. R.



## Lectio secunda

## 1

*Ubi abundavit delictum, superabundavit gratia.*Lectio Epistolæ beati Pauli apostoli  
ad Romános

5, 12. 17-19

Fratres:

Sicut per unum hóminem peccátum in hunc mundum intrávit, et per peccátum mors; et ita in omnes hómines mors pertránsiit, eo quod omnes peccavérunt.

Si enim unús delicto mors regnávit per unum, multo magis qui abundántiam grátiae et donatiónis iustítiae accípiunt, in vita regnábunt per unum Iesum Christum.

Igitur, sicut per unús delíctum in omnes hómines in condemnatiónem, sic et per unús iustítiam in omnes hómines in iustificatiónem vitæ.

Sicut enim per inobcediéntiam unús hóminis peccatóres constitúti sunt multi, ita et per unús obceditiónem iusti constituéntur multi. — Verbum Dómini.

## 2

*Quos Deus præscivit et prædestinavit.*Lectio Epistolæ beati Pauli apostoli  
ad Romános

8, 28-30

Fratres:

Scimus quóniam diligentibus Deum ómnia cooperántur in bonum, his qui secúndum propósitum vocáti sunt. Nam quos præscivit, et prædestinávit confórmes fieri imáginis Filii eius, ut sit ipse primogénitus in multis frátribus. Quos autem prædestinávit, hos et vocávit; et quos vocávit, hos et iustificávit; quos autem iustificávit, illos et glorificávit. — Verbum Dómini.

## 3

*Misit Deus Filium suum, factum ex muliere.*

Lectio Epistolæ beāti Pauli apóstoli ad Gálatas 4, 4-7

Fratres:

Ubi venit plenitúdo témporis, misit Deus Filium suum, factum ex muliere, factum sub Lege, ut eos qui sub Lege erant redímeret, ut adoptiónem filiórum reciperémus.

Quóniam autem estis filii, misit Deus Spíritum Filii sui in corda nostra clamántem: « Abba, Pater! ». Itaque iam non es servus, sed filius. Quod si filius, et heres per Deum. — Verbum Dómini.

## 4

*Elegit nos Deus in Christo ante mundi constitutionem.*

Lectio Epistolæ beāti Pauli apóstoli  
ad Ephésios

1, 3-6. 11-12

Benedíctus Deus et Pater Dómini nostri Iesu Christi, qui benedíxit nos in omni benedictióne spiritáli in cæléstibus in Christo; sicut elégit nos in ipso ante mundi constitutióne, ut essémus sancti et immaculáti in conspéctu eius in caritate, qui prædestinávit nos in adoptiõnem filiórum per Iesum Christum in ipsum, secúndum beneplácitum voluntátis suæ, in laudem glóriæ grátie suæ, in qua gratificávit nos in Dilécto.

In quo sorte vocáti sumus, prædestináti secúndum propósitum eius, qui ómnia operátur secúndum consílium voluntátis suæ, ut simus in laudem glóriæ eius, qui ante sperávimus in Christo. — Verbum Dómini.

## Evangelium

## 1

## Alleluia et Versus ante Evangelium

(*R.* Alleluia). *γ.* Felix es, sacra Virgo Mariá,  
 et omni laude digníssima,  
 quia ex te ortus est sol iustitiæ,  
 Christus Deus noster.  
 (*R.* Alleluia).

\* *Quod in ea natum est, de Spiritu Sancto est.*

✠ Lécio sancti Evangélii secúndum Matthæum

1, 1-16. 18-23

Liber generatiónis Iesu Christi, fílii David, fílii Abraham. Abraham genuit Isaac, Isaac autem genuit Iacob, Iacob autem genuit Iudam et fratres eius, Iudas autem genuit Phares et Zara de Thamar, Phares autem genuit Esrom, Esrom autem genuit Aram, Aram autem genuit Amínadab, Amínadab autem genuit Naásson, Naásson autem genuit Salmon, Salmon autem genuit Booz de Rahab, Booz autem genuit Iobed ex Ruth, Iobed autem genuit Iesse, Iesse autem genuit David regem.

David autem genuit Salomónem ex ea quæ fuit Uriæ, Sálomon autem genuit Róboam, Róboam autem genuit Abíam, Abía autem genuit Asa, Asa autem genuit Iósaphat, Iósaphat autem genuit Ioram, Ioram autem genuit Ozíam, Ozías autem genuit Ióatham, Ióatham autem genuit Achaz, Achaz autem genuit Ezechíam, Ezechías autem genuit Manássen, Manáesses autem genuit Amon, Amon autem genuit Iosíam, Iosías autem genuit Iechoníam et fratres eius in transmigratióne Babylónis.

Et post transmigratiónem Babylónis Iechonías genuit Saláthiel. Saláthiel autem genuit Zoróbabel, Zoróbabel

autem genuit Abiud, Abiud autem genuit Ellacim, Ellacim autem genuit Azor, Azor autem genuit Sadoc, Sadoc autem genuit Achim, Achim autem genuit Eliud, Eliud autem genuit Eleázar, Eleázar autem genuit Matthan, Matthan autem genuit Iacob, Iacob autem genuit Ioseph virum Mariæ, de qua natus est Iesus qui vocatur Christus.

Iesu Christi autem generatio sic erat: Cum esset desponsata mater eius Maria Ioseph, antequam convenirent, inventa est in utero habens de Spiritu Sancto; Ioseph autem vir eius, cum esset iustus et nollet eam traducere, voluit occulte dimittere eam.

Hæc autem eo cogitante, ecce angelus Domini in somnis apparuit ei dicens: « Ioseph, fili David, noli timere accipere Mariam coniugem tuam; quod enim in ea natum est de Spiritu Sancto est. Pariet autem filium, et vocabis nomen eius Iesum; ipse enim salvum faciet populum suum a peccatis eorum ».

Hoc autem totum factum est ut adimpleretur id quod dictum est a Domino per Prophetam dicentem: « Ecce virgo in utero habebit et pariet filium, et vocabunt nomen eius Emmmanuel », quod est interpretatum « Nobiscum-Deus ». — Verbum Domini.

vel brevior

✠ Lectio sancti Evangelii secundum Matthæum

1, 18-23

Generatio Iesu Christi sic erat: Cum esset desponsata mater eius Maria Ioseph, antequam convenirent, inventa est in utero habens de Spiritu Sancto; Ioseph autem vir eius, cum esset iustus et nollet eam traducere, voluit occulte dimittere eam.

Hæc autem eo cogitante, ecce angelus Domini in somnis apparuit ei dicens: « Ioseph, fili David, noli timere accipere Mariam coniugem tuam; quod enim in

ea natum est de Spíritu Sancto est. Páriet autem fílium, et vocábis nomen eius Iesum; ipse enim salvum fáciat pópulum suum a peccátis eórum ».

Hoc autem totum factum est ut adimplerétur id quod dictum est a Dómino per Prophétam dicentem: « Ecce virgo in útero habébit et páriet fílium, et vocábunt nomen eius Emmánuel », quod est interpretátum « Nobíscum-Deus ». — Verbum Dómini.

## 2

Alleluia et Versus ante Evangelium Lc 1, 45

(R. Allelúia). V. Beáta es, Virgo María, quæ credidísti, quóniam perficiéntur ea quæ dicta sunt tibi a Dómino. (R. Allelúia).

*Accipe puerum et matrem eius,  
et fuge in Ægyptum.*

✠ Lécio sancti Evangélli secúndum Matthæum

2, 13-15. 19-23

Cum recessissent Magi, ecce ángelus Dómini appáret in somnis Ioseph dicens: « Surge et áccipe púerum et matrem eius, et fuge in Ægýptum, et esto ibi usque dum dicam tibi; futúrum est enim ut Heródes quærat púerum ad perdéndum eum ».

Qui consúrgens accépit púerum et matrem eius nocte, et recessit in Ægýptum. Et erat ibi usque ad óbitum Heródis, ut adimplerétur quod dictum est a Dómino per Prophétam dicentem: « Ex Ægýpto vocávi fílium meum ».

Defúnto autem Heróde, ecce appáret ángelus Dómini in somnis Ioseph in Ægýpto, dicens: « Surge et ác-

cipe puerum et matrem eius, et vade in terram Israel; defuncti sunt enim qui quærebant animam pueri ».

Qui surgens accepit puerum et matrem eius, et venit in terram Israel. Audiens autem quod Archelæus regnaret in Iudæa pro Herode patre suo, tímuit illuc ire; et admónitus in somnis, secéssit in partes Galilææ. Et véniens habitávit in civitaté, quæ vocátur Náza-reth, ut adimplerétur quod dictum est per Prophétas: « Nazaréus vocábitur ». — Verbum Dómini.

## 2a

Alleluia et Versus ante Evangelium Lc 11, 28

(R. Allelúia). γ. Beáti qui áudiunt verbum Dei  
et custódiunt illud. (R. Allelúia).

*Extendens manum in discipulos, dixit:  
Ecce mater mea et fratres mei.*

✠ Lécio sancti Evangélli secúndum Matthæum

12, 46-50

In illo témpore:

Loquente Iesu ad turbas, ecce mater et fratres eius stabant foris, quærentes loqui ei. Dixit autem ei quidam: « Ecce mater tua et fratres tui foris stant, quærentes loqui tecum ».

At ille respóndens dicénti sibi ait: « Quæ est mater mea, et qui sunt fratres mei? »

Et exténdens manum suam in discipulos suos, dixit: « Ecce mater mea et fratres mei. Quicumque enim fécerit voluntátem Patris mei qui in cælis est, ipse meus frater et soror et mater est ». — Verbum Dómini.

Alleluia et Versus ante Evangelium Lc 1, 28

(*R.* Allelúia). *V.* Ave, Mariá, grátia plena; Dóminus tecum;  
benedícta tu in muliéribus. (*R.* Allelúia).

*Ecce concipies in utero et paries filium.*

✠ Lécitio sancti Evangélii secúndum Lucam 1, 26-38

In illo témpore:

Missus est ángelus Gábriel a Deo in civitátem Galiléæ, cui nomen Náza-reth, ad vírginem desponsátam viro, cui nomen erat Ioseph, de domo David, et nomen vírginis Mariá.

Et ingressus ad eam dixit: « Ave, grátia plena, Dóminus tecum ».

Ipsa autem turbáta est in sermóne eius et cogitábat qualis esset ista salutátio.

Et ait Angelus ei: « Ne tíneas, Mariá; invenísti enim grátiam apud Deum: et ecce concípies in útero et páries filium, et vocábis nomen eius Iesum. Hic erit magnus et Fílius Altíssimi vocábitur, et dabit illi Dóminus Deus sedem David patris eius, et regnábit super domum Iacob in ætérnum, et Regni eius non erit finis ».

Dixit autem Mariá ad Angelum: « Quómodo fiet istud, quóniam virum non cognóscó? »

Et respóndens Angelus dixit ei: « Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur Sanctum vocábitur, Fílius Dei. Et ecce Elísabeth, cognáta tua, et ipsa concépit filium in senectúte sua; et hic mensis est sextus illi, quæ vocátur stérilis; quia non erit impossíbile apud Deum omne verbum ».

Dixit autem Mariá: « Ecce ancílla Dómini, fiat mihi

secúndum verbum tuum ». Et discéssit ab illa Angelus. — Verbum Dómini.

## 4

Alleluia et Versus ante Evangelium Lc 1, 45

(**R.** Allelúia). **V.** Beáta es, Virgo María, quæ credidísti, quóniam perficiéntur ea quæ dicta sunt tibi a Dómino. (**R.** Allelúia).

*Beata quæ credidit.*

✠ Lécitio sancti Evangéllii secúndum Lucam 1, 39-47

Exsúrgens María in diébus illis ábiit in montána cum festinatióne, in civitátem Iudæ. Et intrávit in domum Zachariæ et salutávit Elísabeth.

Et factum est, ut audívit salutatiónem Mariæ Elísabeth, exsultávit infans in útero eius, et repléta est Spíritu Sancto Elísabeth, et exclamávit voce magna et dixit: « Benedícta tu inter mulíeres, et benedíctus fructus ventris tui. Et unde hoc mihi, ut véniat mater Dómini mei ad me? Ecce enim, ut facta est vox salutatiónis tuæ in áuribus meis, exsultávit in gáudio infans in útero meo.

Et beáta quæ crédidit, quóniam perficiéntur ea quæ dicta sunt ei a Dómino ».

Et ait María: « Magníficat ánima mea Dóminum. Et exsultávit spíritus meus in Deo Salvatóri meo ».

Verbum Dómini.

## 5

Alleluia et Versus ante Evangelium

(**R.** Allelúia). **V.** Felix es, sacra Virgo María, et omni laude digníssima, quia ex te ortus est sol iustítiæ, Christus Deus noster.

(**R.** Allelúia).



*Peperit filium suum primogenitum.*✠ **Léctio sancti Evangélii secúndum Lucam** 2, 1-14

Factum est in diébus illis, éxiit edíctum a Cæsare Augústo, ut describerétur univérsus orbis. Hæc descriptio prima facta est præsíde Sýriæ Quiríno. Et ibant omnes, ut profiteréntur sínguli in suam civitátem.

Ascéndit autem et Ioseph a Galilæa, de civitáte Náza-reth, in Iudæam, in civitátem David, quæ vocátur Bét-hleem; eo quod esset de domo et famíliá David, ut profiterétur cum Mariá desponsáta sibi uxóre prægnánte.

Factum est autem, cum essent ibi, impléti sunt dies ut páreret, et péperit fílium suum primogénitum, et pan-nis eum involvit et reclinávit eum in præsépio, quia non erat eis locus in diversório.

Et pastóres erant in regióne eádem, vigilátes et custodiéntes vigilias noctis supra gregem suum. Et ángelus Dómini stetit iuxta illos, et glória Dómini circumfúlsit illos, et timuérunt timóre magno.

Et dixit illis ángelus: « Nolíte timére; ecce enim evan-gelízo vobis gáudium magnum, quod erit omni pópulo: quia natus est vobis hódie Salvátor, qui est Christus Dóminus, in civitáte David. Et hoc vobis signum: inve-niétis infántem pannis involútum et pósitum in præ-sépio ».

Et súbito facta est cum ángelo multitúdo militiæ cæléstis, laudántium Deum et dicéntium: « Glória in altíssimis Deo, et super terram pax in homínibus bonæ voluntátis ».

**Verbum Dómini.**

## 6

Alleluia et Versus ante Evangelium Cf. Lc 2, 19

(*R.* Allelúia). *V.* Beáta Virgo María,  
quæ conservábat verbum Dei,  
cónferens in corde suo. (*R.* Allelúia).

*Conservabat omnia verba hæc  
conferens in corde suo.*

✠ Lécitio sancti Evangélii secúndum Lucam

In illo témpore:

2, 15 b-19

Pastóres loquebántur ad invicem: «Transeámus usque Béthleem et videámus hoc verbum, quod factum est, quod Dóminus osténdit nobis».

Et venérunt festinántes; et invenérunt Mariám et Ioseph et infántem pósito in præsépio. Vidéntes autem notum fecérunt verbum, quod dictum erat illis de púero hoc. Et omnes qui audiérunt miráti sunt de his quæ dicta erant a pastóribus ad ipsos.

María autem conservábat ómnia verba hæc cónferens in corde suo. — Verbum Dómini.

## 7

Alleluia et Versus ante Evangelium

(*R.* Allelúia). *V.* Felix es, sacra Virgo María,  
et omni laude digníssima,  
quia ex te ortus est sol iustítiæ,  
Christus Deus noster. (*R.* Allelúia).

*Tuam ipsius animam pertransiet gladius.*

✠ Lécitio sancti Evangélii secúndum Lucam 2, 27-35

In illo témpore:

Venit Sýmeon in Spíritu in templum; et cum indúcerent púerum Iesum paréntes eius, ut fácerent secún-

dum consuetúdinem Legis pro eo, et ipse accépit eum in ulnas suas, et benedíxit Deum et dixit:

« Nunc dimíttis servum tuum, Dómine, secúndum verbum tuum in pace; quia vidérunt óculi mei salutáre tuum, quod parásti ante fáciem ómnium populórum: lumen ad revelatiónem géntium et glóriam plebis tuæ Israel ».

Et erat pater eius et mater mirántes super his quæ dicebántur de illo.

Et benedíxit illis Sýmeon; et dixit ad Mariám matrem eius: « Ecce pósito est hic in ruínam et resurrectiόnem multórum in Israel et in signum cui contradicétur (et tuam ipsíus ánimam pertránsiet gládus), ut reveléntur ex multis córdibus cogitatiόnes ». — Verbum Dómini.

## 8

Alleluia et Versus ante Evangelium Cf. Lc 2, 19

(R. Allelúia). γ. Beáta Virgo María,  
quæ conservábat verbum Dei,  
cónferens in corde suo. (R. Allelúia).

*Pater tuus et ego dolentes quærebarus te.*

✠ Léctio sancti Evangélii secúndum Lucam 2, 41-52

Ibant paréntes Iesu per omnes annos in Ierúsalem in die festo Paschæ. Et, cum factus esset annórum duódecim, ascendéntibus illis secúndum consuetúdinem diéi festi, consummatisque diébus, cum redirent, remánsit puer Iesus in Ierúsalem, et non cognóverunt paréntes eius.

Existimántes autem illum esse in comitátu, venérunt iter diéi, et requirébant eum inter cognátos et notos. Et non inveniéntes regréssi sunt in Ierúsalem requiréntes eum.

Et factum est, post tríduum invenérunt illum in templo sedéntem in médio doctórum, audiéntem illos et interrogántem eos. Stupébant autem omnes qui eum audiébant super prudéntia et respónsis eius. Et vidéntes eum admiráti sunt.

Et dixit mater eius ad illum: « Fili, quid fecísti nobis sic? ecce pater tuus et ego doléntes quærebámus te ».

Et ait ad illos: « Quid est quod me quærebátis? nesciebátis quia in his quæ Patris mei sunt opórtet me esse? » Et ipsi non intellexérunt verbum, quod locútus est ad illos.

Et descendit cum eis, et venit Náza-reth, et erat súbditus illis.

Et mater eius conservábat ómnia verba in corde suo. Et Iesus proficiébat sapiéntia et ætáte et grátia apud Deum et hómines. — Verbum Dómini.

## 9

Alleluia et Versus ante Evangelium Lc 11, 28

(R. Allelúia). V. Beáti qui áudiunt verbum Dei et custódiunt illud. (R. Allelúia).

*Beatus venter qui te portavit.*

✠ Léc-tio sancti Evangé-lii secúndum Lucam 11, 27-28

In illo témpore:

Loquente Iesu ad turbas, extóllens vocem quædam múlier de turba dixit illi: « Beá-tus venter qui te portávit, et úbera quæ suxísti ».

At ille dixit: « Quiním-mo beáti qui áudiunt verbum Dei et custódiunt ». — Verbum Dómini.

Alleluia et Versus ante Evangelium Lc 1, 45

(*℞.* Allelúia). *℣.* Beáta es, Virgo María, quæ credidísti, quóniam perficiéntur ea quæ dicta sunt tibi a Dómino. (*℞.* Allelúia).

*Et erat mater Iesu ibi.*

✠ Lécio sancti Evangélii secúndum Ioánnem 2, 1-11

In illo témpore:

Núptiæ factæ sunt in Cana Galiléæ, et erat mater Iesu ibi: vocátus est autem et Iesus et discipuli eius ad núptias. Et, deficiénte vino, dicit mater Iesu ad eum: « Vinum non habent ».

Et dicit ei Iesus: « Quid mihi et tibi, múlter? nondum venit hora mea ».

Dicit mater eius minístris: « Quodcúmque díxerit vobis, fácite ».

Erant autem ibi lapídeæ hýdriæ sex, pósitæ secúndum purificatióem Iudæórum, capiéntes singulæ metretas binas vel ternas.

Dicit eis Iesus: « Impléte hýdrias aqua ». Et implevérunt eas usque ad summum.

Et dicit eis: « Hauríte nunc et ferte architriclínó ». Illi autem tulérunt.

Ut autem gustávit architriclínus aquam vinum factam, et non sciébat unde esset, minístri autem sciébant qui haurierant aquam, vocat sponsum architriclínus, et dicit ei: « Omnis homo primum bonum vinum ponit, et cum inebriáti fúerint, id quod detérius est; tu servásti bonum vinum usque adhuc ».

Hoc fecit inítium signórum Iesus in Cana Galiléæ; et manifestávit glóriam suam, et credidérunt in eum discipuli eius. — Verbum Dómini.

## 11

Alleluia et Versus ante Evangelium Cf. Lc 2, 19

(**℟.** Allelúia). **℣.** Beáta est María Virgo,  
quæ sine morte méruit martýrii palmam  
sub cruce Dómini. (**℟.** Allelúia).

*Ecce filius tuus. Ecce mater tua.*

**✠** Lécio sancti Evangelii secúndum Ioánnem

19, 25-27

In illo témpore:

Stabant iuxta crucem Iesu mater eius et soror matris  
eius María Cléopæ et María Magdaléne.

Cum vidisset ergo Iesus matrem et discípulum stan-  
tem quem diligébat, dicit matri: « Múlier, ecce filius  
tuus »; deínde dicit discípulo: « Ecce mater tua ».

Et ex illa hora accépit eam discípulus in sua.  
Verbum Dómini.

## COMMUNE MARTYRUM

### 1. Pro pluribus martyribus, extra T. P.

Ant. ad introitum

Gaudent in cælis animæ Sanctorum,  
qui Christi vestigia sunt secuti;  
et quia pro eius amore sanguinem suum fuderunt,  
ideo cum Christo exsultant sine fine.

Collecta

Præsta, Dómine,  
præcibus nostris cum exsultatione proventum,  
ut sanctorum mártirum N. et N.  
quorum diem passionis ánnua devotióne recolimus,  
étiam fidei constantiam subsequámur.  
Per Dóminum.

Lectioes ut infra, pp. 863-887.

Super oblata

Súscipe, sancte Pater, múnera  
quæ in sanctorum mártirum commemoratióne deférimus,  
et nobis fámulis tuis concéde,  
ut in confessiône tui nóminis inveníri stábiles mereámur.  
Per Christum.

Ant. ad communionem

Lc 22, 28-30

Vos estis qui permansistis mecum in tentationibus meis,  
et ego dispóno vobis Regnum, dicit Dóminus,  
ut edátis et bibátis super mensam meam in Regno meo.

Post communionem

Deus, qui crucis mystérium  
in sanctis mártiribus tuis mirabíliter illustrásti,

concede propitius, ut, ex hoc sacrificio roborati,  
Christo fideliter hæreamus,  
et in Ecclesia ad salutem omnium operemur.  
Per Christum.

## 2. Pro pluribus martyribus, extra T. P.

Ant. ad introitum

Ps 33, 20-21

Multæ tribulationes iustorum,  
et de his omnibus liberavit eos Dominus.  
Dominus custodit omnia ossa eorum,  
unum ex his non conteretur.

Collecta

Omnipotens sempiternè Deus,  
qui sanctis N. et N. pro Christo pati donasti,  
nostræ quoque fragilitati divinum prætende subsidium,  
ut, sicut illi pro te mori non dubitarunt,  
ita nos fortes in tua confessione vivere valeamus.  
Per Dominum.

Lectiones ut infra, pp. 863-887.

Super oblata

Fiat tibi, quæsumus, Domine,  
hóstia sacranda placabilis pretiòsi celebritate martyrii,  
quæ et peccata nostra purificet,  
et tuorum tibi vota conciliet famulorum.  
Per Christum.

Ant. ad communionem

Io 15, 13

Maiorem dilectionem nemo habet,  
ut animam suam ponat quis pro amicis suis,  
dicit Dominus.



Post communionem

**Pane cælesti nutritos et in Christo unum corpus effectos,  
da nos, quæsumus, Dómine,  
ab eius caritate numquam separári  
et, sanctorum mártýrum tuorum N. et N. exémplo,  
propter eum qui diléxit nos ómnia fórtiter superáre.  
Per Christum.**

### **3. Pro pluribus martyribus, extra T. P.**

Ant. ad introitum

Ps 36, 39

**Salus iustórum a Dómino,  
et protéctor eórum est in témpore tribulatiónis.**

Collecta

**Fratérna nos, Dómine, mártýrum tuorum coróna lætíficet,  
quæ et fidei nostræ præbeat increménta virtútum,  
et múltiplici nos suffrágio consolétur.  
Per Dóminum.**

Vel:

**Beatórum mártýrum N. et N., quæsumus, Dómine,  
tibi nos orátio grata comméndet,  
et in tuæ veritátis professióne confírmet.  
Per Dóminum.**

Lectiones ut infra, pp. 863-887.

Super oblata

**Súscipe, quæsumus, Dómine, múnera pópuli tui  
pro mártýrum tuorum passiónibus dicáta sanctorum,  
et, quæ beátis N. et N.  
in persecutióne fortitúdinem ministrárunť,  
nobis quoque præbeant inter advérſa constántiam.  
Per Christum.**

**Ant. ad communionem** **Mc 8, 35**

Qui perdiderit ánimam suam propter me et Evangélium,  
salvam fáciat eam, dicit Dóminus.

**Post communionem**

Consérva in nobis, Dómine, munus tuum,  
et quod, te donánte,  
pro festivitáte beatórum mártýrum **N.** et **N.** percépimus,  
et salútem nobis præstet et pacem.  
Per Christum.

#### 4. Pro pluribus martyribus, extra T. P.

**Ant. ad introitum** **Ps 33, 18**

Clamavérunt iusti, et Dóminus exaudivit eos,  
et ex ómnibus tribulatióibus eórum liberávit eos.

**Collecta**

Deus, qui nos ánnua sanctórum **N.** et **N.**  
festivitáte lætíficas,  
concéde propítius, ut, quorum natalícia cólimus,  
virtútem quoque passiónis imitémur.  
Per Dóminum.

**Vel:**

Deus, qui sanctis **N.** et **N.**  
ad hanc glóriam veniéndi copiósam  
munus grátiae contulísti,  
da fámulis tuis, mártýrum intercedéntibus méritis,  
véniám peccatórum,  
et concéde, ut ab ómnibus adversitatibus liberéntur.  
Per Dóminum.

**Super oblata**

Hóstias tibi, Dómine,  
 pro commemoratióne beatórum **N.** et **N.** offérimus,  
 suppliciter deprecántes,  
 ut, sicut illis præbuísti sacræ fidei claritátem,  
 sic nobis indulgéntiam largiáris et pacem.  
 Per Christum.

**Ant. ad communionem**

2 Cor 4, 11

In mortem trádimur propter Iesum,  
 ut et vita Iesu manifestétur in carne nostra mortáli.

**Post communionem**

Concéde nobis, Dómine, per hæc sacraménta cæléstia,  
 grátiam in beatórum mártýrum **N.** et **N.**  
 celebritáte múltiplicem,  
 ut de tanti agóne certáminis discámus  
 et firma solidári patiéntia,  
 et pia exultáre victória.  
 Per Christum.

**5. Pro pluribus martyribus, extra T. P.****Ant. ad introitum**

Sanguis sanctórum mártýrum  
 pro Christo effúsus est in terris;  
 ideo adépti sunt præmia sempitérna.

**Collecta**

Da nobis, quæsumus, Dómine,  
 fidei miserátus augméntum,  
 ut, quos sanctos mártýres tuos **N.** et **N.**  
 usque ad sánguinem reténta gloríficat,  
 nos étiam iustificet, veráciter hanc sequéntes.  
 Per Dóminum.

Lectiones ut infra, pp. 863-887.

### Super oblata

Sacrificiis praesentibus, Dómine, quásumus,  
inténde placátus,  
ut, quod passiónis Fílii tui mystério gérimus,  
beatórum **N.** et **N.** exémplis, pio consequámur afféctu.  
Per Christum.

Vel:

Hæc hóstia, Dómine,  
quam in beatórum **N.** et **N.** triúmpho deférimus,  
corda nostra tui amóris igne iúgiter inflámmet,  
et ad promíssa perseverántibus præmia dispónat.  
Per Christum.

Ant. ad communionem

Cf. Rom 8, 38-39

Neque mors, neque vita, neque creatúra áliqua  
póterit nos separáre a caritáte Christi.

Post communionem

Pasti, Dómine,  
pretióso Córpo et Sáanguine unigéniti Fílii tui,  
da, quásumus,  
in commemoratióne beatórum mártýrum tuórum **N.** et **N.**  
perseveránti caritáte in te manére,  
de te vívere, et ad te movéri.  
Per Christum.

## 6. Pro uno martyre, extra T. P.

Ant. ad introitum

Iste Sanctus pro lege Dei sui certávit usque ad mortem,  
et a verbis impiórum non tímuit;  
fundátus enim erat supra firmam petram.

## Collecta

**Omnípotens et miséricors Deus,  
qui mártýrem tuum N.  
passiónis suæ torménta superáre fecisti,  
concéde, ut, qui eius triúmphi diem celebrámus,  
insuperábiles tua protectióne  
ab hostis insidiis maneámus.  
Per Dóminum.**

Lectiones ut infra, pp. 863-887.

## Super oblata

**Obláta múnera, quæsumus, Dómine,  
tua benedictióne sanctífica,  
quæ, te donánte,  
nos illa flamma tuæ dilectiónis accéndat,  
per quam sanctus N.  
torménta sui córporis univérsa devicit. Per Christum.**

## Vel:

**Accépta tibi sint, quæsumus, Dómine, múnera,  
quæ in commemoratióne beáti mártýris tui N. deférimus,  
ut eo maiestáti tuæ sint plácita,  
sicut illius effúsió sánguinis apud te éxstitit pretiósa.  
Per Christum.**

Ant. ad communionem

Mt 16, 24

**Qui vult veníre post me, ábneget semetípsum,  
et tollat crucem suam, et sequátur me, dicit Dóminus.**

## Post communionem

**Præstent nobis, quæsumus, Dómine,  
sacra mystéria quæ súmpsimus  
eam ánimi fortitúdinem,  
quæ beátum N. mártýrem tuum  
réddidit in tuo servítio fidélem et in passióne victórem.  
Per Christum.**

## 7. Pro uno martyre, extra T. P.

**Ant. ad introitum**

Hic est vere martyr,  
 qui pro Christi nómine sánguinem suum fudit,  
 qui minas iúdicum non tímuit,  
 sed ad cæléstia regna pervénit.

**Collecta**

Omnípotens sempitérne Deus,  
 qui beáto **N.**  
 usque ad mortem pro iustítia certáre tribuísti,  
 fac nos, eius intercessióne,  
 pro amóre tuo ómnia advérsa toleráre  
 et ad te, qui solus es vita, tota virtúte properáre.  
 Per Dóminum.

*Lectiones ut infra, pp. 863-887.*

**Super oblata**

Clementíssime Deus,  
 múnera hæc tua benedictióne perfúnde  
 et nos in fide confírma,  
 quam beátus **N.** effúso sángine assérui.  
 Per Christum.

**Vel:**

Hóstias tibi, Dómine,  
 pro commemoratióne beáti mártiris tui **N.** offérimus,  
 quem a tui córporis unitáte nulla tentátio separávit.  
 Per Christum.

**Ant. ad communionem****Io 15, 5**

Ego sum vitis vera et vos pálmites, dicit Dóminus;  
 qui manet in me et ego in eo, hic fert fructum multum.

Post communionem

**Sacris, Dómine, recreáti mystériis, quæsumus,  
ut, miram beáti N. constántiam æmulánte,  
patiéntiæ præmíum cónsequi mereámur ætérnum.  
Per Christum.**

### **8. Pro pluribus martyribus, tempore paschali**

Ant. ad introitum

Cf. Mt 25, 34

**Venite, benedícti Patris mei, percípíte regnum,  
quod vobis parátum est ab origine mundi, allelúia.**

Collecta

**Quæsumus, omnipotens Deus,  
ut nos, virtúte Spíritus Sancti, et ad credéndum dóciles  
et ad confiténdum fortes efficias,  
qui beátis martýribus N. et N.  
propter verbum tuum et testimónium Iesu  
ánimas pónere tribuísti. Per Dóminum.**

Vel:

**Deus, a quo constántiam fides,  
et virtútem sumit infirmitas,  
tribue nobis, mártýrum N. et N. exémplo et précibus,  
in Unigéniti tui passióne et resurrectione consórtium,  
ut cum eis apud te gáudium perféctum consequámur.  
Per Dóminum.**

Lectioes ut infra, pp. 872-887.

Super oblata

**In tuórum, Dómine, pretiósa morte iustórum,  
sacrificíum illud offérimus,  
de quo martýrium sumpsit omne princípium.  
Per Christum.**

**Ant. ad communionem**

Ap 2, 7

Vincénti dabo édere de ligno vitæ,  
quod est in paradíso Dei mei, allelúia.

**Post communionem**

Beatórum mártýrum **N.** et **N.** cæléstem victóriam  
divíno convívio celebrántes, te, Dómine, depóscimus,  
ut, panem vitæ hic edéntes, des víncere,  
et víncétes des édere de ligno vitæ in paradíso.  
Per Christum.

**9. Pro pluribus martyribus, tempore paschali****Ant. ad introitum**

Cf. Ap 12, 11

Isti sunt Sancti, qui vicérunt propter sánguinem Agni,  
et non dilexérunt ánimas suas usque ad mortem;  
proptérea cum Christo regnant in ætérnum, allelúia.

**Collecta**

Lætíficet nos, quæsumus, Dómine,  
beatórum mártýrum tuórum **N.** et **N.** gloriósa festívitás,  
quos, Unigéniti tui passiónem et resurrectiónem  
voce líbera confiténtes, pretiósium sánguinem  
gloriósa morte fúndere fecísti. Per Dóminum.

*Lectiones ut infra, pp. 872-887.*

**Super oblata**

Præséntia múnera, quæsumus, Dómine,  
ita seréna pietáte intuére,  
ut Sancti Spíritus perfundántur benedictióne,  
et in nostris córdibus  
eam dilectiónem válidam operéntur,  
per quam sancti mártýres **N.** et **N.**  
ómnia córporis torménta devicérunt. Per Christum.



Ant. ad communionem 2 Tim 2, 11-12

**Si commórtuí sumus cum Christo, et convívemus;  
si sustinébimus, et conregnábimus, allelúia.**

Post communionem

**Uníus panis alimónia refécti,  
in commemoratióne beatórum mártýrum N. et N.  
suppliciter te, Dómine, deprecámur,  
ut nos in tua iúgiter caritaté confírmes,  
et in novitaté vitæ concédas ambuláre. Per Christum.**

### **10. Pro uno martyre, tempore paschali**

Ant. ad introitum Cf. 4 Esd 2, 35

**Lux perpétua lucébit Sanctis tuis, Dómine,  
et ætérnitas témporum, allelúia.**

Collecta

**Deus, qui ad illustrándam Ecclésiám tuam  
beátum N. mártýrii victória decoráre dignátus es,  
concéde propítius,  
ut, sicut ipse domínicæ passiónis imitátor fuit,  
ita nos, per eius vestigia gradiétes,  
ad gáudia sempitérna pervenire mereámur.  
Per Dóminum.**

Lectiones ut infra, pp. 872-887.

Super oblata

**Súscipe, Dómine, sacrificium placatiónis et laudis,  
quod in commemoratióne beáti mártýris N.  
tuæ offerimus maiestáti, ut nos perdúcat ad véniam,  
et in perpétua gratiárum constítuat actióne. Per Christum.**

Ant. ad communionem Io 12, 24-25

**Nisi granum fruménti cadens in terram mórtuum fúerit,  
ipsum solum manet; si autem mórtuum fúerit,  
multum fructum affert, allelúia.**

**Post communionem**

Tua, Dómine, súmpsimus dona cæléstia de hodiérna festivitáte lætántes; præsta, quæsumus. ut, qui in hoc divíno convívio mortem Fílii tui annuntiámus, eíusdem resurrectiónis et glóriæ cum sanctis martýribus participes esse mereámur. Per Christum.

**Aliae orationes pro martyribus****Pro missionariis martyribus****Collecta**

Maiestátis tuæ cleméntiam suppliciter deprecámur, omnipotens et miséricors Deus, ut, sicut Unigéniti tui agnitiónem per beatórum mártýrum **N.** et **N.** prædicatióem populórum córdibus infudísti, ita, eórum intercessióne, fidei stabilitáte firméntur. Per Dóminum.

**Super oblata**

Mártýrum tuórum **N.** et **N.** passiónem venerántes, fac nos, Dómine, hoc sacrificio mortem Unigéniti tui digne annuntiáre, cui parum fuit hortári mártýres verbo, nisi firmáret exémplo. Per Christum.

**Post communionem**

Cæléstibus, Dómine, pasti delíciis, súpplices te rogámus, ut, exémplo beatórum **N.** et **N.**, caritátis et passiónis Fílii tui in méntibus nostris signa ferámus, et perpétuæ pacis fructu iúgiter perfruámur. Per Christum.

## Pro virgine martyre

## Collecta

Deus, qui nos hódie  
 beátæ N. ánnua commemoratióne lætíficas,  
 concéde propítius, ut eius adiuvémur méritis,  
 cuius castitátis et fortitúdinis irradiámur exémplic.  
 Per Dóminum.

## Super oblata

Múnera, quésumus, Dómine,  
 quæ in celebritáte beátæ N. deférimus,  
 ita grátiae tuæ efficiántur accépta,  
 sicut eius tibi plácitum éxstitit passiónis certámen.  
 Per Christum.

## Post communionem

Deus, qui beátam N.  
 pro gémina virginitátis et martýrii victória  
 inter Sanctos coronásti,  
 da, quésumus, per huius virtútem sacraménti,  
 ut, omne malum fórtiter superántes,  
 cæléstem glóriam consequámur. Per Christum.

## Pro sancta muliere martyre

## Collecta

Deus, cuius múnere virtus in infirmitáte perfícitur,  
 da ómnibus beátæ N. glóriam recoléntibus,  
 ut, quæ abs te sumpsit robur ut víceret,  
 abs te quoque vincéndi nobis grátiam semper obtíneat.  
 Per Dóminum.

## Super oblata

Hodiérnum, Dómine, sacrificium lætánter offérimus,  
 quo, beátæ N. cæléstem victóriam recenséntes,

et tua magnalia prædicamus,  
 et nos acquisisse gaudemus suffragia gloriosa.  
 Per Christum.

Post communionem

Sumentes, Dómine, gaudia sempiterna  
 de participatióne sacramenti, et de memoria beátæ N.,  
 suppliciter deprecámur,  
 ut, quæ sédula servitúte, donante te, gérimus,  
 dignis sensibus tuo múnere capiámus. Per Christum.

---

Lectio prima  
 extra tempus paschale

1

*Zacharias, quem occidistis inter templum et altare.*

Lectio libri secúndi Chronicórum

24, 18-22

In diébus illis:

Dereliquerunt templum Dómini Dei patrum suorum,  
 servieruntque lucis et sculptilibus, et facta est ira con-  
 tra Iudam et Ierúsalem propter hoc peccátum. Mitte-  
 bátque eis prophétas ut reverteréntur ad Dóminum, quos  
 protestántes illi audíre nolébant.

Spiritus itaque Dei induit Zachariam filium Ióiadæ  
 sacerdotem, et stetit in conspéctu pópuli et dixit eis:  
 « Hæc dicit Dóminus Deus: Quare transgredimini præ-  
 ceptum Dómini, quod vobis non próderit, et dereliquistis  
 Dóminum, ut derelínqueret vos? »

Qui congregati advérsus eum, miserunt lápides iuxta  
 regis impérium in átrio domus Dómini. Et non est re-  
 cordátus Ioas rex misericórdiæ quam fécerat Ióiada pa-  
 ter illius secum, sed interfécit filium eius.

Qui, cum morerétur, ait, « Videat Dóminus et requírat ». — Verbum Dómini.

**Psalmus responsorius**

Ps 30, 3 cd-4. 6 et 8 ab. 16 bc-17 (R.: 6 a)

R. In manus tuas, Dómine, comméndo spíritum meum.

3 Esto mihi in rupem præsidii et in domum munitam, ut salvum me fácias.

4 Quóniam fortitúdo mea et refúgium meum es tu, et propter nomen tuum dedúces me et pasces me. R.

6 In manus tuas comméndo spíritum meum; redemísti me, Dómine, Deus veritátis.

8 Exsultábo et lætábor in misericórdia tua, quóniam respexisti humilitátem meam. R.

16 Eripe me de manu inimicórum meórum et a persecúentibus me;

17 illústra faciém tuam super servum tuum, salvum me fac in misericórdia tua. R.

2

*Propter timorem tuum libenter hæc patior.*

Lectio libri secúndi Machabæórum 6, 18. 21. 24-31

In diébus illis:

Eleázarus unus de primóribus scribárum, vir ætáte provéctus et vultu decórus, apérto ore hians compellebátur carnem porcínam manducáre.

Hi autem qui astábant, iníqua miseratióne commóti propter antiquam viri amicítiam, tolléntes eum secréto rogábant afférri carnes, quibus vesci ei licébat, ut simularetur manducásse, sicut rex imperáverat, de sacrificii cárnibus.

« Non ætáti nostræ dignum est », inquit, « fingere, ut multi adulescéntium, arbitrántes Eleázarum nonagínta annórum transísse ad vitam alienigenárum, et ipsi propter meam simulatiónem et propter módicum corruptibilis vitæ tempus decipiántur, et per hoc máculam atque exsecratiónem meæ senectúti conquíram. Nam, etsi in præsénti témpore supplicíis hóminum erípiar, sed manum Omnipoténtis nec vivus nec defúctus effúgiam.

Quam ob rem fórtiter vita excedéndo, senectúte quidem dignus apparebo, adulescéntibus autem exéplum forte relínquam, si prompto ánimo ac fórtiter pro gravíssimis ac sanctíssimis légibus honésta morte perfún-gar ». His dictis, conféstim ad supplicium trahebátur.

Hí autem, qui eum ducébant et paulo ante fúerant mitióre, in iram convérsi sunt propter sermónes ab eo dictos, quos illi per arrogántiam prolátos arbitrabántur.

Sed, cum plagis perimerétur, ingémuit et dixit: « Dómine, qui habes sanctam sciéntiam, manifeste tu scis quia, cum a morte possem liberári, duos córporis sustíneo dolóres; secúndum ánimam vero propter tímórem tuum libénter hæc pátió ».

Et iste quidem hoc modo vita decéssit, non solum iuvénibus, sed et univérsæ genti memóriam mortis suæ ad exéplum virtútis et fortitúdinis derelínquens.

Verbum Dómini.

### Psalmus responsorius

Ps 33, 2-3. 4-5. 6-7. 8-9 (R.: 5 b)

R. Ex ómnibus terróribus meis erípuit me Dóminus.

Benedícam Dóminum in omni témpore,  
semper laus eius in ore meo.

In Dómino gloriábitur ánimá mea,  
áudiant mansuétí et læténtur. R.

- 4 Magnificáte Dóminum mecum,  
et exaltémus nomen eius in idípsum.
- 5 Exquisívi Dóminum, et exaudivit me,  
et ex ómnibus terróribus meis erípuit me. **R.**
- 6 Respícite ad eum, et illuminámini,  
et fácies vestræ non confundéntur.
- 7 Iste pauper clamávit, et Dóminus exaudivit eum,  
et de ómnibus tribulatió nibus eius salvávit eum. **R.**
- 8 Vallábit ángelus Dómini in circúitu tímentes eum,  
et erípiet eos.
- 9 Gustáte et vidéte quóniam suávis est Dóminus;  
beátus vir qui sperat in eo. **R.**

## 3

*Parati sumus mori, magis quam patrias Dei leges  
prævaricari.*

Léctio libri secúndi Machabæórum

7, 1-2. 9-14

In diébus illis:

Cóntigit septem fratres, una cum matre sua apprehén-  
sos, compélli a rege édere, contra fas, carnes porcínas,  
flagris et táureis cruciátos.

Unus autem ex illis, qui erat primus, sic ait: « Quid  
quæris et quid vis díscere a nobis? Paráti sumus mori,  
magis quam pátrias Dei leges prævaricári ».

Secúndus autem in último spírítu constitútus sic ait:  
« Tu quidem, scelestíssime, in præsénti vita nos perdis,  
sed rex mundi defúntos nos pro suis légibus in ætérnæ  
vitæ resurrectiõe suscitábit ».

Post hunc tértius illúditur, et linguam postulátus  
cito prótulit et manus constánter exténdit, et cum fidúcia  
ait: « E cælo ista possídeo, sed propter Dei leges nunc  
hæc ipsa despício, quóniam ab ipso me ea receptúrum  
spero »; ita ut rex et qui cum ipso erant miraréntur adu-

lescéntis ánimum, quod tamquam níhilum dúceret cruciátus.

Et hoc ita defúncto, quartum vexábant simíliter torquéntes; et, cum iam esset ad mortem, sic ait: « Pótius est ab homínibus morti datos spem exspectáre a Deo, íterum ab ipso resuscitándos; tibi enim resurréctio ad vitam non erit ». — Verbum Dómini.

**Psalmus responsorius Ps 123, 2-3. 4-5. 7 b-8 (R.: 7 a)**

**R.** Anima nostra sicut passer erépta est  
de láqueo venántium.

**2** Nisi quia Dóminus erat in nobis,  
cum exsúrgerent hómines in nos.

**3** Forte vivos deglutíssent nos,  
cum irascerétur furor eórum in nos. **R.**

**4** Fórsitan aqua absorbuíssent nos,  
torrens pertransíssent ánimam nostram,  
**5** fórsitan pertransíssent ánimam nostram  
aquæ intumescéntes. **R.**

**7** Láqueus contrítus est,  
et nos erépti sumus.

**8** Adiutórium nostrum in nómine Dómini,  
qui fecit cælum et terram. **R.**

#### 4

*Mater mirabilis, quæ bono animo ferebat  
propter spem quam in Deum habebat.*

Léctio libri secúndi Machabæórum

In diébus illis:

**7, 1. 20-23. 27 b-29**

Cóntigit septem fratres, una cum matre sua apprehénsos, compélli a rege édere, contra fas, carnes porcínas, flagris et táureis cruciátos.



Supra modum autem mater mirabilis et bonorum memoria digna, quæ pereuntes septem filios sub unius diæi tempore conspiciens, bono animo ferébat propter spem quam in Deum habébat; singulos illorum hortabatur voce patria fortiter repléta sapientiá, et, femineæ cogitatióni masculinum ánimum inserens, dixit ad eos:

« Nescio quáliter in útero meo apparuístis, neque enim ego spíritum et ánimam donávi vobis et vitam, et singulorum membra non ego ipsa compégi; sed enim mundi créator, qui formávit hóminis nativitátem, quique ómnium invénit originem, et spíritum vobis íterum cum misericórdia reddet et vitam, sicut nunc vosmetípsos despíctis propter leges eius ».

Adulescentióri autem dixit:

« Fili mi, miserére mei, quæ te in útero novem mën-sibus portávi et lac triénnio dedi et álui, et in ætátem istam perdúxi. Peto, nate, ut aspicias ad cælum et terram et ad ómnia, quæ in eis sunt, et intéllegas quia ex nñhilo fecit illa Deus et hóminum genus. Ita fiet, ut non tíneas carníficem istum, sed dignus frátribus tuis efféctus párticeps, súscipe mortem, ut in illa miseratióne cum frátribus tuis te recípiam ».

Verbum Dómini.

Psalmus responsorius

Ps 30, 3 cd-4. 6 et 8 ab. 16 bc-17 (R.: 6 a)

R. In manus tuas, Dómine,  
comméndo spíritum meum.

<sup>3</sup> Esto mihi in rupem præsidii et in domum munitam,  
ut salvum me fácias.

<sup>4</sup> Quóniam fortitúdo mea et refúgium meum es tu,  
et propter nomen tuum dedúces me et pasces me. R.

- 4 In manus tuas comméndo spíritum meum;  
 redemísti me, Dómine, Deus veritátis.  
 8 Exsultábo et lætábor in misericórdia tua,  
 quóniam respexísti humilitátem meam. **R.**  
 16 Eripe me de manu inimicórum meórum  
 et a persecuéntibus me;  
 17 illústra fáciem tuam super servum tuum,  
 salvum me fac in misericórdia tua. **R.**

## 5

*Quasi holocausti hostiam accepit illos.*

## Léctio libri Sapiéntiæ

3, 1-9

Iustórum ánimæ in manu Dei sunt, et non tanget illos torméntum mortis. Visi sunt óculis insipiéntium mori, et æstimáta est afflictió éxitus illórum, et, quod a nobis est iter, extermínium; illi autem sunt in pace; et si coram homínibus torménta passi sunt, spes illórum immortalité plena est.

In paucis vexáti, in multis bene disponéntur, quóniam Deus tentávit eos et invénit illos dignos se. Tamquam aurum in fornáce probávit illos, et quasi holocáusti hóstiam accepit illos, et in témpore erit respéctus illórum.

Fulgébunt iusti, et tamquam scintillæ in arundinéto discúrrunt; iudicábunt natiónes et dominabúntur pópulis, et regnábít Dóminus illórum in perpétuum.

Qui confídunt in illo intéllegent veritátem, et fidéles in dilectiône acquiescent illi, quóniam donum et pax est eléctis eius.

Verbum Dómini.

## Psalmus responsorius

Ps 125, 1-2 ab. 2 cd-3. 4-5. 6 (ꝑ.: 5)

ꝑ. Qui séminant in lácrimis, in exsultatióne metent.

1 In converténdo Dóminus captivitátem Sion,  
facti sumus quasi somniátes.2 Tunc replétum est gáudio os nostrum,  
et lingua nostra exsultatióne. ꝑ.

Tunc dicébant inter gentes:

« Magnificávit Dóminus fácere cum eis ».

3 Magnificávit Dóminus fácere nobíscum;  
facti sumus lætántes. ꝑ.4 Convérte, Dómine, captivitátem nostram,  
sicut torréntes in austro.5 Qui séminant in lácrimis,  
in exsultatióne metent. ꝑ.6 Eúntes ibant et flebant,  
semen spargéndum portántes;  
veniéntes autem vénient in exsultatióne,  
portántes manípulos suos. ꝑ.

## 6

*Liberasti me secundum multitudinem misericordiæ  
nominis tui.*

## Léctio libri Sirácidæ

51, 1-12

Confitébor tibi, Dómine rex, et collaudábo te Deum salvatórem meum. Confitébor nómini tuo, quóniam adiútor et protéctor factus es mihi et liberásti corpus meum a perditiónē, a láqueo linguæ iníquæ, et a lábiis operántium mendácium, et in conspéctu astántium factus es mihi adiútor.

Et liberásti me, secúndum multítudinem misericórdiæ nóminis tui, a rugiéntibus præparátis ad escam, de máni-bus quæréntium ánimam meam, et de portis tribulatió-num, quæ circumdedérunt me, a pressúra flammæ, quæ circumdedit me, et in médio ignis non sum æstuátus; de altitúdine ventris ínferi, et a lingua coinquináta et a verbo mendácii, a rege iníquo et a lingua iniústa.

Laudábit usque ad mortem ánima mea Dóminum, et vita mea appropínquans erat in inférno deórsum.

Circumdedérunt me úndique, et non erat qui adiu-váret; respiciens eram ad adiutórium hóminum, et non erat. Memorátus sum misericórdiæ tuæ, Dómine, et ope-ratiónis tuæ quæ a sæculo sunt, quóniam éruis susti-nénte te, Dómine, et líberas eos de mánibus géntium.

Verbum Dómini.

Psalmus responsorius Ps 123, 2-3. 4-5. 7 b-8 (R.: 7 a)

R. Anima nostra sicut passer erepta est  
de láqueo venántium.

<sup>2</sup> Nisi quia Dóminus erat in nobis,  
cum exsúrgerent hómines in nos.

<sup>3</sup> Forte vivos deglutíssent nos,  
cum irascerétur furor eórum in nos. R.

<sup>4</sup> Fórsitan aqua absorbuísset nos,  
torrens pertransísset ánimam nostram,  
<sup>5</sup> fórsitan pertransíssent ánimam nostram  
aquæ intumescéntes. R.

<sup>7</sup> Láqueus contrítus est,  
et nos erépti sumus.

<sup>8</sup> Adiutórium nostrum in nómine Dómini,  
qui fecit cælum et terram. R.

Lectio prima  
tempore paschali

## 1

*Domine Iesu, suscipe spiritum meum.*

Lectio Actuum Apostolorum

7, 55-60

In diebus illis:

Cum esset Stéphanus plenus Spíritu Sancto, inténdens in cælum vidit glóriam Dei et Iesum stantem a dextris Dei, et ait: « Ecce vídeo cælos apértos, et Fílium hóminis a dextris stantem Dei ».

Exclamántes autem voce magna, continuérunt aures suas, et ímpetum fecérunt unanímiter in eum. Et eiciéntes extra civitátem lapidábant. Et testes deposuérunt vestiménta sua secus pedes adulescéntis, qui vocabátur Saulus.

Et lapidábant Stéphanum invocántem et dicéntem: « Dómine Iesu, súscipe spíritum meum ».

Pósitis autem génibus, clamávit voce magna: « Dómine, ne státuas illis hoc peccátum ». Et, cum hoc dixisset, obdormívit. Saulus autem erat conséntiens neci eius. — Verbum Dómini.

Psalmus responsorius

Ps 30, 3 cd-4. 6 et 8 ab. 16 bc-17 (R.: 6 a)

R. In manus tuas, Dómine, comméndo spíritum meum.  
vel Allelúia.

<sup>3</sup> Esto mihi in rupem præsidii et in domum munitam, ut salvum me fácias.

<sup>4</sup> Quóniam fortitúdo mea et refúgium meum es tu, et propter nomen tuum dedúces me et pasces me. R.

- 6 In manus tuas comméndo spíritum meum;  
redemísti me, Dómine, Deus veritátis.
- 8 Exsultábo et lætábor in misericórdia tua,  
quóniam respexisti humilitátem meam. **R.**
- 16 Eripe me de manu inimicórum meórum  
et a persecúentibus me;
- 17 illústra fáciem tuam super servum tuum,  
salvum me fac in misericórdia tua. **R.**

## 2

*Hi sunt qui veniunt de tribulatione magna.*

Léctio libri Apocalýpsis beáti Ioánnis apóstoli

**7, 9-17**

Ego Ioánnes vidi: Et ecce turba magna, quam dinumeráre nemo póterat, ex ómnibus géntibus et tribubus et pópulis et linguis, stantes ante thronum et in conspéctu Agni, amícti stolas albas, et palmæ in mánibus eórum; et clamant voce magna dicétes: « Salus Deo nostro, qui sedet super thronum, et Agno ».

Et omnes ángeli stabant in circúitu throni et seniórurum et quáttuor animálium; et cecidérunt in conspéctu throni in fácies suas et adoravérunt Deum, dicétes: « Amen. Benedíctio et glória et sapiéntia et gratiárum áctio, et honor et virtus et fortitúdo Deo nostro in sæcula sæculórum. Amen. ».

Et respóndit unus de senióribus dicens mihi: « Hi, qui amícti sunt stolis albis, qui sunt et unde venérunt? »

Et dixi illi: « Dómine mi, tu scis ».

Et dixit mihi: « Hi sunt qui véniunt de tribulatióne magna, et lavérunt stolas suas et dealbavérunt eas in ságuine Agni. Ideo sunt ante thronum Dei, et sérviant ei die ac nocte in templo eius, et qui sedet in throno habitábit super illos.

Non esúrient ámplius, neque sítient ámplius, neque cadet super illos sol neque ullus æstus, quóniam Agnus, qui in médio throni est, pascet illos et dedúcet eos ad vitæ fontes aquárum, et abstérget Deus omnem lá-  
crimam ex óculis eórum ». — Verbum Dómini.

Psalmus responsorius

Ps 123, 2-3. 4-5. 7 b-8 (R.: 7 a)

R. Anima nostra sicut passer erépta est  
de láqueo venántium.

vel Allelúia.

<sup>2</sup> Nisi quia Dóminus erat in nobis,  
cum exsúrgerent hómines in nos.

<sup>3</sup> Forte vivos deglutíssent nos,  
cum irascerétur furor eórum in nos. R.

<sup>4</sup> Fórsitan aqua absorbuíssent nos,  
torrens pertransíssent ánimam nostram,  
<sup>5</sup> fórsitan pertransíssent ánimam nostram  
aquæ intumescéntes. R.

<sup>7</sup> Láqueus contrítus est,  
et nos erépti sumus.

<sup>8</sup> Adiutórium nostrum in nómine Dómini,  
qui fecit cælum et terram. R.

### 3

*Non dilexerunt animam suam usque ad mortem.*

Léctio libri Apocalýpsis beáti Ioánnis apóstoli

12, 10-12 a

Ego Ioánnes audívi vocem magnam in cælo dicén-  
tem: « Nunc facta est salus et virtus et Regnum Dei

nostri, et potestas Christi eius, quia proiectus est accusator fratrum nostrorum, qui accusabat illos ante conspectum Dei nostri die ac nocte; et ipsi vicerunt illum propter sanguinem Agni et propter verbum testimonii sui; et non dilexerunt animam suam usque ad mortem.

Propterea lætāmini, cæli, et qui habitātis in eis ».   
 Verbum Dómini.

Psalmus responsorius

Ps 33, 2-3. 4-5. 6-7. 8-9 (R.: 5 b)

R. Ex ómnibus terróribus meis  
erípuit me Dóminus.

vel Allehúia.

Benedícam Dóminum in omni témpore,  
semper laus eius in ore meo.

In Dómino gloriábitur ánima mea,  
áudiant mansuēti et læténtur. R.

Magnificáte Dóminum mecum,  
et exaltémus nomen eius in idípsum.  
Exquisívi Dóminum, et exaudívit me,  
et ex ómnibus terróribus meis erípuit me. R.

Respícite ad eum, et illuminámini,  
et fácies vestræ non confundéntur.

Iste pauper clamávit,  
et Dóminus exaudívit eum,  
et de ómnibus tribulatió nibus eius  
salvávit eum. R.

Vallábit ángelus Dómini in circúitu tímētes eum,  
et erípiet eos.

Gustáte et vidéte quóniam suávis est Dóminus;  
beátus vir qui sperat in eo. R.



## 4

*Qui vicerit hereditabit hæc.*

Léctio libri Apocalýpsis beáti Ioánnis apóstoli

21, 5-7

Dixit qui sedébat super throno: « Ecce nova fácio ómnia ».

Et dicit: « Scribe: hæc verba fidélia sunt et vera ».

Et dixit mihi: « Facta sunt. Ego sum alpha et ómega, princípium et finis. Ego sitiénti dabo de fonte aquæ vivæ gratis. Qui vicerit hereditábit hæc, et ero illi Deus, et ille erit mihi fílius ». — Verbum Dómini.

Psalmus responsorius

Ps 125, 1-2 ab. 2 cd-3. 4-5. 6 (R.: 5)

R. Qui séminant in lácrimis, in exsultatióne metent.  
vel Allelúia.

<sup>1</sup> In converténdo Dóminus captivitátem Sion,  
facti sumus quasi somniántes.

<sup>2</sup> Tunc replétum est gáudio os nostrum,  
et lingua nostra exsultatióne. R.

Tunc dicébant inter gentes:

« Magnificávit Dóminus fácere cum eis ».

<sup>3</sup> Magnificávit Dóminus fácere nobíscum;  
facti sumus lætántes. R.

<sup>4</sup> Convérte, Dómine, captivitátem nostram,  
sicut torréntes in austro.

<sup>5</sup> Qui séminant in lácrimis,  
in exsultatióne metent. R.

<sup>6</sup> Eúntes ibant et flebant,  
semen spargéndum portántes;  
veniéntes autem vénient in exsultatióne,  
portántes manípulos suos. R.

## Lectio secunda

## 1

*Gloriamur in tribulationibus.*

## Lectio Epistolæ beāti Pauli apóstoli ad Romános

5, 1-5

## Fratres:

Iustificáti ex fide, pacem habémus ad Deum per Dóminum nostrum Iesum Christum, per quem et accés-sum habémus fide in grátiam istam, in qua stamus et gloriámur in spe glóriæ Dei.

Non solum autem, sed et gloriámur in tribulatió-nibus, sciéntes quod tribulatio paciéntiam operátur, paciéntia autem probatió-nem, probatio vero spem; spes autem non confúndit, quia caritas Dei diffúsa est in córdibus nostris per Spíritum Sanctum, qui datus est nobis. — Verbum Dómini.

## 2

*Neque mors neque vita poterit nos separare a caritate Dei.*

## Lectio Epistolæ beāti Pauli apóstoli ad Romános

8, 31 b-39

## Fratres:

Si Deus pro nobis, quis contra nos? Qui Fílio suo non pepércit, sed pro nobis ómnibus trádedit illum, quómodo non étiam cum illo ómnia nobis donábit? Quis accusá-bit advérsus eléctos Dei? Deus qui iustificat. Quis est qui condémnet? Christus Iesus, qui mórtuus est, immo qui suscitátus est, qui et est ad déxteram Dei, qui étiam interpéllat pro nobis.

Quis nos separábit a caritaté Christi? tribulátio, an angústia, an persecútio, an fames, an núditas, an periculum, an gládius? sicut scriptum est: « Propter te mortificámur tota die, æstimáti sumus ut oves occisiónis ».

Sed in his ómnibus supervíncimus per eum qui dilexit nos. Certus sum enim quia neque mors neque vita, neque ángeli neque principátus neque instántia neque futúra, neque virtútes neque altitúdo neque profúndum, neque ália quælibet creatúra póterit nos separáre a caritaté Dei, quæ est in Christo Iesu Dómino nostro.

Verbum Dómini.

## 3

*Mortificationem Iesu in corpore ferentes.*

Léctio Epístolæ secúndæ beáti Pauli apóstoli  
ad Corínthios

4, 7-15

Fratres:

Habémus thesáurum grátia in vasis fictílibus, ut sublimitas sit virtútis Dei et non ex nobis. In ómnibus tribulatióne pátimur, sed non angustiámur; aporiámur, sed non destitúimur; persecutióne pátimur, sed non derelinquimur; deícimur, sed non perimus; semper mortificatióne Iesu in córpore circumferétes, ut et vita Iesu in córpore nostro manifestétur.

Semper enim nos, qui vívimus, in mortem trádimur propter Iesum, ut et vita Iesu manifestétur in carne nostra mortáli. Ergo mors in nobis operátur, vita autem in vobis.

Habétes autem eúndem spíritum fídei, sicut scriptum est: « Crédidi, propter quod locúsus sum »; et nos crédimus, propter quod et lóquimur, sciétes quóniam qui suscitávit Dóminum Iesum, et nos cum Iesu suscitábit, et constituet vobíscum.

Omnia enim propter vos, ut grátia abúndans per multos gratiárum actiónem abundáre fáciat in glóriam Dei.  
Verbum Dómini.

## 4

*Quasi morientes, et ecce vivimus.*

Léctio Epístolæ secúndæ beáti Pauli apóstoli  
ad Corínthios

6, 4-10

Fratres:

In ómnibus exhibeámus nosmetípsos sicut Dei mínistros in multa paciéntia, in tribulatió nibus, in necessitatibus, in angústiiis, in plagis, in carcéribus, in sediatió nibus, in labóribus, in vigiliis, in ieiúniis, in castitate, in sciéntia, in longanimitate, in suavitate, in Spírítu Sancto, in caritate non ficta, in verbo veritátis, in virtúte Dei; per arma iustitiæ a dextris et sinístris, per glóriam et ignobilitátem, per infámiam et bonam famam; ut seductóres, et veráces; sicut qui ignóti, et cógniti; quasi morientes, et ecce vivimus; ut castigáti, et non mortificáti; quasi tristes, semper autem gaudéntes; sicut egéntes, multos autem locupletántes; tamquam nihil habéntes, et ómnia possidéntes. — Verbum Dómini.

## 5

*Omnes qui volunt pie vivere in Christo Iesu persecutionem patientur.*

Léctio Epístolæ secúndæ beáti Pauli apóstoli  
ad Timótheum

2, 8-13; 3, 10-12

Caríssime:

Memor esto Iesum Christum resuscitátum esse a mórtuis ex sémine David secúndum Evangélium meum,

in quo labóro usque ad víncula quasi male óperans; sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Iesu, cum glória æténa.

Fidélis sermo: nam, si commórtui sumus, et convívemus; si sustinémus, et conregnábimus; si negábimus, et ille negábit nos; si non crédimus, ille fidélis manet: negáre enim seípsum non potest.

Tu autem assecútus es meam doctrínam, institutió-nem, propósitum, fidem, longanimitátem, dilectiónem, paciéntiam, persecutiónes, passiónes, quália mihi facta sunt Antiochiæ, Icónii, Lystris, quales persecutiónes sustinui; et ex ómnibus me erípuit Dóminus. Et omnes qui volunt pie vívere in Christo Iesu persecutió-nem paciéntur. — Verbum Dómini.

## 6

*Magnum certamen sustinuistis passionum.*

Léctio Epístolæ ad Hebræos

10, 32-36

Fratres:

Rememorámini prístinos dies, in quibus illumináti magnum certámen sustinuistis passiónum; et in áltero quidem oppróbriis et tribulatió-nibus spectáculum facti, in áltero autem sócii táliter conversántium effécti.

Nam et vinctis compássi estis, et rapínam bonórum vestrórum cum gáudio suscepistis, cognoscéntes vos habére meliórem substántiam et manéntem. Nolíte itaque abícere confidéntiam vestram, quæ magnam habet remuneratió-nem. Paciéntia enim vobis necessária est, ut voluntátem Dei faciéntes reportétis promissió-nem.

Verbum Dómini.

## 7

*Beatus vir qui suffert tentationem.*

Lectio Epistolæ beati Iacobi apostoli 1, 2-4. 12

Omne gaudium existimate, fratres mei, cum in tentationibus variis incidéritis, scientes quod probatio fidei vestræ patientiam operatur.

Patientia autem opus perfectum habeat, ut sitis perfecti et integri, in nullo deficientes.

Beatus vir qui suffert tentationem, quia, cum probatus fuerit, accipiet coronam vitæ, quam repromisit Deus diligentibus se. — Verbum Domini.

## 8

*Timorem eorum ne timueritis et non conturbemini.*

Lectio Epistolæ primæ beati Petri apostoli 3, 14-17

Carissimi:

Si patimini propter iustitiam, beati. « Timorem autem eorum ne timueritis et non conturbemini ».

Domini autem Christum sanctificate in cordibus vestris, parati semper ad defensionem omni poscenti vos rationem de ea, quæ in vobis est, spe; sed cum mansuetudine et timore, conscientiam habentes bonam, ut in quo de vobis detrectatur confundantur qui calumniantur vestram bonam in Christo conversationem.

Melius est enim beneficientes, si velit voluntas Dei, pati quam maleficientes. — Verbum Domini.

## 9

*Communicatis Christi passionibus gaudete.*

Lectio Epistolæ primæ beati Petri apostoli 4, 12-19

Carissimi, nolite mirari in fervore, qui ad tentationem vobis fit, quasi novi aliquid vobis contingat; sed quemadmodum communicatis Christi passionibus gaudete, ut et in revelatione gloriæ eius gaudeatis exultantes.

Si exprobramini in nomine Christi, beati; quoniam Spiritus gloriæ et Dei super vos requiescit. Nemo enim vestrum patiatur quasi homicida aut fur aut malificus aut alienorum speculator. Si autem ut christianus, non erubescat, glorificet autem Deum in isto nomine.

Quoniam tempus est, ut incipiat iudicium a domo Dei. Si autem primum a nobis, quis finis eorum qui non credunt Dei Evangelio? Et, si iustus vix salvatur, impius et peccator ubi parabit? Itaque et hi qui patiuntur secundum voluntatem Dei, fidei Creatori commendent animas suas in benefacto. — Verbum Domini.

## 10

*Hæc est victoria, quæ vicit mundum,  
fides nostra.*

Lectio Epistolæ primæ beati Ioannis apostoli 5, 1-5

Carissimi:

Omnis qui credit quoniam Iesus est Christus, ex Deo natus est; et omnis, qui diligit Deum qui genuit, diligit et eum qui natus est ex eo.

In hoc cognoscimus quoniam diligimus natos Dei, cum Deum diligamus et mandata eius faciamus. Hæc est enim caritas Dei, ut mandata eius servemus; et mandata eius gravia non sunt.

Quóniam omne quod natum est ex Deo vincit mundum, et hæc est victória, quæ vicit mundum, fides nostra. Quis est qui vincit mundum, nisi qui credit quóniam Iesus est Fílius Dei? — Verbum Dómini.

## Evangelium

## 1

Alleluia et Versus ante Evangelium Mt 5, 10

(*R.* Allelúia). *ꝛ.* Beáti qui persecutiónem patiúntur  
propter iustítiam,  
quóniam ipsórum est Regnum cælórum.  
(*R.* Allelúia).

*Ad præsides et ad reges ducemini propter me,  
in testimonium illis et gentibus.*

✠ Lécio sancti Evangéllii secúndum Matthæum

In illo témpore:

**10, 17-22**

Dixit Iesus Apóstolis suis: « Cavéte ab homínibus; tradent enim vos in concíliis, et in synagógis suis flagelábunt vos, et ad præsides et ad reges ducémini propter me, in testimónium illis et géntibus.

Cum autem tradent vos, nolíte cogitáre quómoδο aut quid loquámini; dábitur enim vobis in illa hora quid loquámini.

Non enim vos estis qui loquámini, sed Spíritus Patris vestri qui lóquitur in vobis; tradet autem frater fratrem in mortem, et pater fílium, et insúrgent fílii in paréntes et morte eos afficient, et éritis ódio ómnibus propter nomen meum; qui autem perseveráverit in finem, hic salvus erit ». — Verbum Dómini.



## 2

Alleluia et Versus ante Evangelium Iac 1, 12

(R. Allelúia). γ. Beátus vir qui suffert tentatiónem,  
quóniam, cum probátus fúerit,  
accípiet corónam vitæ. (R. Allelúia).

*Nolite timere eos qui occidunt corpus.*

✠ Lécio sancti Evangélii secúndum Matthæum

10, 28-33

In illo témpore:

Dixit Iesus Apóstolis suis: « Nolite timere eos qui occidunt corpus, ánimam autem non possunt occidere; sed pótius eum timéte qui potest et ánimam et corpus pérdere in gehénna.

Nonne duo pásseres asse véneunt? Et unus ex illis non cadet super terram sine Patre vestro. Vestri autem et capilli cápitis omnes numeráti sunt. Nolite ergo timére: multis passéribus meliôres estis vos.

Omnis ergo qui confitébitur me coram homínibus, confitébor et ego eum coram Patre meo, qui est in cælis. Qui autem negáverit me coram homínibus, negábo et ego eum coram Patre meo, qui est in cælis ».

Verbum Dómini.

## 3

Alleluia et Versus ante Evangelium Mt 5, 10

(R. Allelúia). γ. Beáti qui persecutiónem patiúntur  
propter iustítiam,  
quóniam ipsórum est Regnum cælórum.  
(R. Allelúia).

*Non veni pacem mittere, sed gladium.*

✠ Lécitio sancti Evangélii secúndum Matthæum

10, 34-39

In illo témpore:

Dixit Iesus Apóstolis suis: « Nolíte arbitrári quia vénerim mittere pacem in terram: non veni pacem mittere, sed gládium; veni enim " separáre hóminem advérsus patrem suum, et filiam advérsus matrem suam, et nurum advérsus socrum suam; et inimíci hóminis doméstici eius " .

Qui amat patrem aut matrem plus quam me, non est me dignus et qui amat filium aut filiam super me, non est me dignus; et qui non áccipit crucem suam et séquitur me, non est me dignus.

Qui invénerit ánimam suam perdet illam, et qui perdiderit ánimam suam propter me, invéniet eam ».

Verbum Dómini.

4

Alleluia et Versus ante Evangelium 1 Petr 4, 14

(R. Allelúia). γ. Si exprobrámini in nómine Christi,  
beáti éritis,  
quóniam Spíritus Dei super vos requiésцит.  
(R. Allelúia).

*Qui perdiderit animam suam propter me,  
hic salvam faciet illam.*

✠ Lécitio sancti Evangélii secúndum Lucam 9, 23-26

In illo témpore:

Dicébat Iesus ad omnes: « Si quis vult post me veníre, ábneget se ipsum et tollat crucem suam cotidie, et sequátur me.

Qui enim volúerit ánimam suam salvam fácere, perdet illam: qui autem perdiderit ánimam suam propter me, hic salvam fáciet illam.

Quid enim próficit homo, si lucrétur univérsum mundum, se autem ipsum perdat et detriméntum sui fácíat?

Nam qui me erubúerit et meos sermónes, hunc Fílius hóminis erubéscet, cum vénerit in glória sua, et Patris et sanctórum angelórum ».

Verbum Dómini.

## 5

Alleluia et Versus ante Evangelium Iac 1, 12

(R. Allelúia). γ. Beátus vir qui suffert tentatiónem, quóniam, cum probátus fúerit, accípiet corónam vitæ. (R. Allelúia).

*Si granum frumenti mortuum fuerit,  
multum fructum affert.*

✠ Lécio sancti Evangélii secúndum Ioánnem 12, 24-26

In illo témpore:

Dixit Iesus discipulis suis: « Amen, amen dico vobis: Nisi granum fruménti cadens in terram mórtuum fúerit, ipsum solum manet; si autem mórtuum fúerit, multum fructum affert.

Qui amat ánimam suam perdit eam, et qui odit ánimam suam in hoc mundo in vitam ætérnam custódiét eam.

Si quis mihi minístrat, me sequátur; et ubi sum ego, illic et miníster meus erit. Si quis mihi ministráverit, honorificábit eum Pater ». — Verbum Dómini.

## 6

## Alleluia et Versus ante Evangelium

(R. Allelúia). V. Te Deum laudámus, te Dóminum confitémur;  
te mártýrum candidátus laudat exércitus.  
(R. Allelúia).

*Si me persecuti sunt, et vos persequentur.*

## ✠ Lécitio sancti Evangéllii secúndum Ioánnem 15, 18-21

In illo témpore:

Dixit Iesus discíplis suis: « Si mundus vos odit, scitóte quia me priórem vobis ódio hábuit. Si de mundo essétis, mundus quod suum est diligeret; quia vero de mundo non estis, sed ego elégi vos de mundo, propterea odit vos mundus.

Mementóte sermónis quem ego dixi vobis: " Non est servus maior dómíno suo ".

Si me persecúti sunt, et vos persequentur; si sermónem meum servavérunt, et vestrum servábunt. Sed hæc ómnia fácient vobis propter Nomen meum, quia nésciunt eum qui misit me ».

Verbum Dómini.

## 7

## Alleluia et Versus ante Evangelium 2 Cor 1, 3 b-4 a

(R. Allelúia). V. Pro eis sanctífico meípsum,  
dicit Dóminus,  
ut sint et ipsi sanctificáti in veritáte.  
(R. Allelúia).

*Mundus odio eos habuit.*

✠ **Léctio sancti Evangélii secúndum Ioánnem**

17, 11 b-19

**In illo témpore:**

Sublevátis Iesus óculis in cælum, orávit dicens: « Pa-  
ter sancte, serva eos in Nómine tuo, quod dedísti mihi,  
ut sint unum sicut nos. Cum essem cum eis, ego servá-  
bam eos in Nómine tuo. Quos dedísti mihi et custodívi,  
et nemo ex his périit, nisi fílius perditionis, ut Scriptúra  
impleátur. Nunc autem ad te vénio et hæc loquor in  
mundo, ut hábeant gáudium meum implétum in semet-  
ípsis.

Ego dedi eis sermónem tuum, et mundus ódio eos  
hábit, quia non sunt de mundo, sicut ego non sum de  
mundo.

Non rogo ut tollas eos de mundo, sed ut serves eos  
ex Malo. De mundo non sunt, sicut ego non sum de  
mundo.

Sanctífica eos in veritáte. Sermo tuus véritas est.

Sicut me misísti in mundum, et ego misi eos in mun-  
dum. Et pro eis ego sanctífico me ipsum, ut sint et ipsi  
sanctificáti in veritáte ». — Verbum Dómini.

## COMMUNE PASTORUM

### 1. Pro papis, vel pro episcopis

#### Ant. ad introitum

Elégit eum Dóminus sibi  
in sacerdotem magnum,  
et apériens thesáurum suum  
abundáre eum fecit ómnibus bonis.

#### Collecta (pro papis)

Omnípotens sempitérne Deus,  
qui beátum **N.** cuncto pópulo tuo præesse,  
ac verbo et exémplo prodésse voluísti,  
eódem intercedénte,  
pastóres Ecclésiæ tuæ  
cum grégibus sibi commíssis custódi  
et dírige in viam salútis æternæ.  
Per Dóminum.

#### Vel (pro episcopis):

Deus, qui Ecclésiæ tuæ in beáto **N.**  
boni pastóris exémplum providére dignátus es,  
concéde propítius,  
ut, eius intercessióne,  
in loco páscuæ tuæ perpétuo collocári mereámur.  
Per Dóminum.

Lectiones ut infra, pp. 903-935.

#### Super oblata

Laudis tibi, Dómine, hóstias offérimus  
in tuórum commemoratióne Sanctórum,  
quibus nos et præsentibus éxui malis confidimus,  
et futúris. Per Christum.

Ant. ad communionem

Cf. Io 10, 11

Pastor bonus ánimam suam pósuit pro óvibus suis.

Post communionem

Sacraménta quæ súmpsimus, Dómine Deus noster,  
in nobis fóveant caritátis ardórem,  
quo beátus N. veheménter accénsus  
pro Ecclésia tua se iúgiter impendébat. Per Christum.

## 2. Pro papis, vel pro episcopis

Ant. ad introitum

Cf. Sir 45, 30

Státuit ei Dóminus testaméntum pacis,  
et príncipem fecit eum,  
ut sit illi sacerdotií dignitas in ætérnum.

Collecta (pro papis)

Deus, qui beátum N.,  
quem totius Ecclésiæ præstitisti esse pastórem,  
miro virtútis et doctrinæ splendóre coruscáre fecisti,  
da nobis talis episcopi mérita venerántibus,  
ut per bona ópera lucére coram homínibus  
et per amórem ardére coram te valeámus.  
Per Dóminum.

Vel (pro episcopis):

Da nobis, quæsumus, omnípotens Deus,  
beáti N. episcopi digne memóriam venerári,  
et, sicut illum quibus præerat,  
verbo et exémplo prodésse voluísti,  
ita ipsíus apud te  
semper intercessiónis suffrágia sentiámus.  
Per Dóminum.

Lectiones ut infra, pp. 903-935.

**Super oblata**

Annue nobis, quæsumus, Dómine,  
 ut, in hac festivitáte beáti **N.**,  
 hæc nobis prosit oblátio,  
 quam immolándo  
 totíus mundi tribuísti relaxári delícta.  
 Per Christum.

**Ant. ad communionem**

Io 21, 17

Dómine, tu ómnia nosti; tu scis quia amo te.

**Post communionem**

Acceptórum múnere virtus, Dómine Deus,  
 in hac festivitáte beáti **N.** nobis efféctus ímpleat,  
 ut simul et mortális vitæ subsidium cónferat,  
 et gáudium perpétuæ felicitátis obtíneat.  
 Per Christum.

**3. Pro episcopis****Ant. ad introitum**

Ez 34, 11. 23-24

Visitábo oves meas, dicit Dóminus,  
 et suscitábo pastórem qui pascat eas:  
 ego autem Dóminus ero eis in Deum.

**Collecta**

Omnípotens sempitérne Deus,  
 qui beátum **N.** episcopum  
 plebi tuæ sanctæ præesse voluísti,  
 quæsumus, ut, eius suffragántibus méritis,  
 pietátis tuæ grátiam largiáris.  
 Per Dóminum.

Lectiones ut infra, pp. 903-935.



**Super oblata**

Hóstias, quæsumus, Dómine, quas in festivitáte beáti **N.** sacris altáribus exhibémus, propítius réspice, ut, nobis indulgéntiam largiéndò, tuo nómini dent honórem.  
Per Christum.

**Ant. ad communionem**

Io 15, 16

Non vos me elegístis, dicit Dóminus;  
sed ego elégi vos, et pósui vos ut eátis,  
et fructum afferátis, et fructus vester máneat.

**Post communionem**

Refécti sacris mystériis, Dómine, humíliter deprecámur, ut, beáti **N.** exémplo, studeámus confitéri quod crédidit, et ópere exercére quod dócuit.  
Per Christum.

**4. Pro episcopis****Ant. ad introitum**

1 Sam 2, 35

Suscitábo mihi sacerdotem fidélem,  
qui iuxta cor meum et ánimam meam fáciat,  
dicit Dóminus.

**Collecta**

Deus, qui beátum **N.** divína caritaté flagrántem, fidéque, quæ vincit mundum, insígnem, sanctis Pastóribus mirabíliter aggregásti, præsta, quæsumus, ut, ipso intercedénte, nos quoque, in fide et caritaté perseverántes, eius glóriæ consórtes fieri mereámur.  
Per Dóminum.

Lectiones ut infra, pp. 903-935.

**Super oblata**

Súscipe, Dómine, hæc múnera pópuli tui,  
 quæ tibi in beáti **N.** festivitáte offérimus,  
 ut per éadem, sicut confidimus,  
 tuæ pietátis sentiámus auxiliúm.  
 Per Christum.

**Ant. ad communionem****Io 10, 10**

Ego veni ut vitam hábeant,  
 et abundántius hábeant, dicit Dóminus.

**Post communionem**

Córpore sacri et pretiósi Sánguini alimónia repléti,  
 quæsumus, Dómine Deus noster,  
 ut, quod pia devotióne gérimus,  
 certa redemptióne capiámus.  
 Per Christum.

**5. Pro pastoribus****Ant. ad introitum****Lc 4, 18**

Spíritus Dómini super me: propter quod unxit me,  
 evangelizáre paupéribus misit me,  
 sanáre contrítos corde.

**Collecta**

Deus, fidélium lumen et pastor animárum,  
 qui beátum **N.** (episcopum) in Ecclésia posuísti,  
 ut oves tuas verbo pásceret et informáret exémplo,  
 da nobis, eius intercessióne,  
 et fidem serváre, quam verbo dócuit,  
 et viam sequi, quam exémplo monstrávit.  
 Per Dóminum.

**Lectiones ut infra, pp. 903-935.**

**Super oblata**

Maiestátem tuam suppliciter implorámus,  
omnípotens Deus, ut, sicut glóriam divínæ poténtiæ  
múnera pro Sanctis obláta testántur,  
sic nobis efféctum tuæ salvatiónis impéndant,  
Per Christum.

**Ant. ad communionem**

Mt 28, 20

Ecce ego vobíscum sum ómnibus diébus,  
usque ad consummationem sáeculi, dicit Dóminus.

**Post communionem**

Sumpta mystéria, quásumus, Dómine,  
ætérnis nos præparent gáudiis,  
quæ beátus N. fidéli dispensatióne promérui.  
Per Christum.

**Vel:**

Refectiône sacra enutrítos,  
fac nos, omnípotens Deus,  
exémpla beáti N. iúgiter sequéntes,  
te pépeti devotióne cólere,  
et indeféssa ómnibus caritáte proficere.  
Per Christum.

**6. Pro pastoribus****Ant. ad introitum**

Ier 3, 15

Dabo vobis pastóres iuxta cor meum,  
et pascent vos sciéntia et doctrína.

**Vel:**

Dan 3, 84. 87

Sacerdótes Dei, benedícite Dóminum;  
sancti et húmiles corde, laudáte Deum.

**Collecta**

Deus, qui beátos (episcopos) **N.** et **N.**  
 ad pascéndum pópulum tuum  
 spírítu veritátis et dilectiónis implevísti,  
 præsta, ut, quorum festivitátem venerádo ágimus,  
 eórum imitatióne proficiámus,  
 et intercessióne sublevémur. Per Dóminum.

Lectiones ut infra, pp. 903-935.

**Super oblata**

Súscipe, quæsumus, Dómine, hoc sacrificium pópuli tui,  
 ut, quod tibi in honóre beatórum **N.** et **N.**  
 offértur ad glóriam, nobis tríbuas ad salutem perpétuam.  
 Per Christum.

**Ant. ad communionem****Mt 20, 28**

Fílius hóminis non venit ministrári, sed ministráre,  
 et dare ánimam suam redemptiόνem pro multis.

**Post communionem**

Súmpsimus, Dómine, sanctórum tuórum **N.** et **N.**  
 memóriam celebrántes, sacraménta cæléstia;  
 præsta, quæsumus, ut, quod temporáliter gérimus,  
 ætérnis gáudiis consequámur. Per Christum.

**7. Pro pastoribus****Ant. ad introitum****Ps 131, 9**

Sacerdótes tui, Dómine, induant iustítiam,  
 et sancti tui exsúltent.

**Collecta**

Súpplices te rogámus, omnípotens Deus,  
 ut, intercedéntibus sanctis tuis **N.** et **N.**,  
 et tua in nobis dona múltiplices,  
 et témpora nostra in pace dispónas. Per Dóminum.

Lectiones ut infra, pp. 903-935.

Super oblata

**Prætende múnera, quæsumus, Dómine,  
altáribus tuis pro beatórum tuórum N. et N.  
commemoratíone propósita,  
ut, sicut per hæc beáta mystéria illis glóriam contulísti,  
ita nobis indulgéntiam largiáris.  
Per Christum.**

Ant. ad communionem

Mt 24, 46-47

**Beátus servus, quem, cum vénerit Dóminus,  
invénerit vigilántem; amen dico vobis,  
super ómnia bona sua constituet eum.**

Vel:

Lc 12, 42

**Fidélis servus et prudens,  
quem constituit Dóminus super familiam suam,  
ut det illis in témpore trítici mensúram.**

Post communionem

**Mensa cæléstis, omnipotens Deus,  
in ómnibus festivitátem beatórum N. et N. celebrántibus  
supérnas vires firmet et áugeat,  
ut et fidei donum íntegrum custodiámus,  
et per osténsus salutis trámitem ambulémus.  
Per Christum.**

## 8. Pro fundatoribus Ecclesiarum

Ant. ad introitum

Is 59, 21; 56, 7

**Dicit Dóminus: Sermónes mei, quos dedi in os tuum,  
non deficiunt de ore tuo,  
et múnera tua accépta erunt super altáre meum.**

**Collecta**

Omnípotens et miséricors Deus,  
 qui beáti **N.** prædicatióne  
 patres nostros illumináre dignátus es,  
 concéde nobis, quæsumus,  
 ut, qui christiáno gloriámur nómine,  
 fidem quam profitémur iúgiter opéribus ostendámus.  
 Per Dóminum.

**Vel:**

Réspice, Dómine, familiam tuam,  
 quam beátus **N.** (epíscopus) génuít verbo veritatís,  
 et vitæ áluit sacraméto,  
 ut, quos grátia tua fecit illíus ministério fidéles,  
 fáciat eiúsdem précibus in caritaté fervéntes.  
 Per Dóminum.

*Lectiones ut infra, pp. 903-935.*

**Super oblata**

Annue, quæsumus, omnípotens Deus,  
 ut hæc sacrificia pópuli tui,  
 quæ tibi in commemoratióne beáti **N.** offérimus,  
 donis cæléstibus propitiátus immísceas.  
 Per Christum.

**Ant. ad communionem****Mc 10, 45**

Fílius hóminis venit, ut daret ánimam suam  
 redemptionem pro multis.

**Post communionem**

Súmptimus, Dómine, pignus redemptionis æternæ,  
 beáti **N.** festivitáte lætántes,  
 quod sit nobis, quæsumus,  
 vitæ præsentis auxiliúm páriter et futúre.  
 Per Christum.

## 9. Pro fundatoribus Ecclesiarum

Ant. ad introitum

Isti sunt viri sancti,  
quos elégit Dóminus in caritaté non ficta;  
et dedit illis glóriam sempitérnam,  
quorum doctrína fulget Ecclésia.

Collecta

Réspice, quésumus, Dómine,  
ad tuam benígnus Ecclésiam N.  
et, cui per apostólicam sanctorum N. et N. sollicitúdinem  
religiónis exórdium donásti,  
per eórum intercessiónem,  
tribue contínuum christiánæ pietátis afféctum.  
Per Dóminum.

Vel:

Deus, qui beáti N. (epíscopi) prædicatióne  
patres nostros vocásti in admirábile Evangélii lumen,  
fac, ut, eius intercessióne,  
crescámus in grátia  
et cognitióne Dómini nostri Iesu Christi, Fílii tui.  
Qui tecum vivit.

Lectiones ut infra, pp. 903-935.

Super oblata

Súscipe, quésumus, Dómine, múnera pópuli tui,  
pro sanctorum tuórum N. et N. festivitáte deláta,  
et sincéro nos corde pérfice benígnus accéptos.  
Per Christum.

Ant. ad communionem

Io 15, 15

Iam non dicam vos servos,  
quía servus nescit quid fáciat dóminus eius,

dicit Dóminus. Vos autem dixi amícos,  
quia ómnia quæcúmque audívi a Patre meo,  
nota feci vobis.

Post communionem

Lætíficet nos accéptum de altári salutáre tuum, Dómine,  
in sanctorum N. et N. festivitáte,  
qua, de tuis beneficiis sollíciti,  
pretiósá fidei nostræ inítia venerámur,  
et te in Sanctis tuis mirábilem prædicámus.  
Per Christum.

### 10. Pro missionariis

Ant. ad introitum

Isti sunt viri sancti facti amíci Dei,  
divinæ veritátis præcónio gloriósi.

Collecta

Deus, qui per beátum N. (episcopum)  
infidèles pópulos  
de ténebris ad lucem veritátis venire tribuísti,  
da nobis, eius intercessióne,  
in fidei stabilitáte consistere,  
et in spe Evangélii, quod prædicávit,  
constántes permanére. Per Dóminum.

Vel:

Omnípotens sempitérne Deus,  
qui huius diéi lætítiam  
in beáti N. glorificatióne consecrásti,  
concéde propítius,  
ut fidem illam, quam inexplébili stúdio semper assérui,  
iúgiter retinére et ópere complére studeámus.  
Per Dóminum.



Lectiones ut infra, pp. 903-935.

Super oblata

**Réspice quas offérimus hóstias,  
omnípotens Deus,  
in beáti N. festivitáte, et præsta,  
ut, qui domínicæ passiónis mystéria celebrámus,  
imitémur quod ágimus.**

**Per Christum.**

Ant. ad communionem

Ez 34, 15

**Ego pascam oves meas,  
et ego eas accubáre fáciam, dicit Dóminus.**

Post communionem

**Huius mystérii virtúte,  
confírma, Dómine,  
fámulos tuos in fide veritátis,  
ut eam ubíque ore et ópere confiteántur,  
pro qua beátus N. laboráre non déstitit  
et vitam suam impéndit.**

**Per Christum.**

### **11. Pro missionariis**

Ant. ad introitum

Is 52, 7

**Quam pulchri super montes  
pedes annuntiántis et prædicántis pacem,  
annuntiántis bonum, prædicántis salútem!**

Collecta

**Deus, qui Ecclésiam tuam  
beáti N. religiónis zelo  
et apostólicis curis amplificásti,  
eius intercessióne concéde,**

ut fidei et sanctitatis nova semper incrementa suscipiat.  
Per Dóminum.

Lectiones ut infra, pp. 903-935.

Super oblata

Propitiare, Dómine, supplicatióibus nostris,  
et ab omni culpa líberos esse concede,  
ut, purificánte nos grátia tua,  
íisdem quibus famulámur mystériis emundémur.  
Per Christum.

Ant. ad communionem                      Mc 16, 15; Mt 28, 20

Eúntes in mundum univérsum, prædicáte Evangélium:  
ego vobíscum sum ómnibus diébus, dicit Dóminus.

Vel:    Io 15, 4-5

Manéte in me, et ego in vobis, dicit Dóminus.  
Qui manet in me et ego in eo, hic fert fructum multum.

Post communionem

Sacraménta quæ súmpsimus, Dómine Deus noster,  
illam nobis fidem innútriant,  
quam et apostólica dócuit prædicátió,  
et beáti N. sollicitúdo custodívit.  
Per Christum.

## 12. Pro missionariis

Ant. ad introitum

Ps 95, 3-4

Annuntiáte inter gentes glóriam eius,  
in ómnibus pópulis mirabilia eius,  
quóniam magnus Dóminus et laudábilis nimis.

## Collecta

Deus, cuius ineffabili misericórdia  
 beátus N. evangelizávit investigábiles divítias Christi,  
 da nos, eius intercessióne, créscere in sciéntia tua,  
 et, in omni ópere bono fructificántes,  
 secúndum Evangélii veritátem  
 coram te fidéliter ambuláre.  
 Per Dóminum.

Vel, pro martyribus:

Præsta, quæsumus, omnipotens Deus,  
 ut beatórum N. et N. fidem cógrua devotióne sectémur,  
 qui pro eiúsdem dilatatióne  
 corónam martýrii meruérunt.  
 Per Dóminum.

Lectiones ut infra, pp. 903-935.

## Super oblata

Beáti N. memóriam recenséntes, quæsumus, Dómine,  
 ut his munéribus tibi oblátis  
 benedictiόnem effúndas de cælis,  
 quo, ex eis suméntes, et ómnibus careámus culpis  
 et cælestibus repleámur edúliis.  
 Per Christum.

Ant. ad communionem

Cf. Lc 10, 1. 9

Misit Dóminus discípulos, qui nuntiárent civitatibus:  
 Appropinquávit in vos regnum Dei.

## Post communionem

Sancta tua nos, Dómine, sumpta vivíficent,  
 ut, qui beáti N. commemoratióne gaudémus,  
 eius quoque apostólicæ virtútis proficiámus exémplo.  
 Per Christum.

---

Lectio prima  
extra tempus paschale

## 1

*Cogitabat disperdere eos, nisi Moyses, electus eius, intercessisset apud eum, ut averteret iram eius.*

Lectio libri Exodi

32, 7-14

In diébus illis:

Locútus est Dóminus ad Móysen dicens: « Vade, descénde; peccávit pópulus tuus, quem eduxísti de terra Ægýpti. Recessérunt cito de via, quam ostendísti eis, fecerúntque sibi vítulum conflátilem et adoravérunt; atque immolántes ei hóstias dixerunt: " Isti sunt dii tui, Israel, qui te eduxérunt de terra Ægýpti " ».

Rursúmque ait Dóminus ad Móysen: « Cerno quod pópulus iste duræ cervicis sit; dimítte me, ut irascátur furor meus contra eos et déleam eos, faciámque te in gentem magnam ».

Móyses autem orábat Dóminum Deum suum dicens: « Cur, Dómine, iráscitur furor tuus contra pópulum tuum, quem eduxísti de terra Ægýpti in fortitúdine magna et in manu robústa? Ne, quæso, dicant Ægýptii: " Cállide edúxit eos, ut interfíceret in móntibus et deléret e terra ": quiéscat ira tua et esto placábilis super nequítia pópuli tui.

Recordáre Abraham, Isaac et Israel servórum tuórum, quibus iurásti per temetípsum dicens: " Multiplícabó semen vestrum sicut stellas cæli, et univérsam terram hanc, de qua locútus sum, dabo sémini vestro, et possidébitis eam semper " ».

Placátusque est Dóminus ne fáceret malum, quod locútus fúerat advérsus pópulum suum. — Verbum Dómini.

## Psalmus responsorius

Ps 105, 19-20. 21-22. 23 (R.: 4 a)

R. Meménto nostri, Dómine,  
in beneplácito pópuli tui.

- 19 Fecérunt vítulum in Horeb,  
et adoravérunt scúlptile;  
20 et mutavérunt glóriam suam  
in similitúdinem tauri comedéntis fenum. R.  
21 Oblíti sunt Deum qui salvávit eos,  
qui fecit magnália in Ægýpto,  
22 mirabília in terra Cham,  
terribília in mari Rubro. R.  
23 Et dixit quia dispénderet eos,  
nisi affúisset Móyses eléctus eius.  
Stetit in confractióne in conspéctu eius,  
ut avérteret iram eius ne destrúeret eos. R.

## 2

*Dominus possessio eius est.*

## Léctio libri Deuteronomíi

10, 8-9

In diébus illis:

Locútus est Móyses pópulo dicens: « Separávit Dóminus tribum Levi, ut portáret arcam fœderis Dómini, et staret coram eo in ministério, ac benedíceret in nomine illíus usque in præsentem diem. Quam ob rem non hábuit Levi partem neque possessiónem cum frátribus suis, quia ipse Dóminus possessio eius est, sicut promísit ei Dóminus Deus tuus ».

Verbum Dómini.

## Psalmus responsorius

Ps 15, 1-2 a et 5. 7-8. 11 (R.: cf. 5 a)

R. Tu es, Dómine, pars hereditátis meæ.

- 1 **Consérva me, Deus, quóniam sperávi in te.**  
 2 **Dixi Dómino: « Dóminus meus es tu.**  
 5 **Dóminus pars hereditátis meæ et cálicis mei: tu es qui détines sortem meam ».** R.  
 7 **Benedícam Dóminum qui tríbuit mihi intelléctum; ínsuper et in nóctibus erudiérunt me renes mei.**  
 8 **Proponébam Dóminum in conspéctu meo semper, quóniam a dextris est mihi, non commovébor.** R.  
 1 **Notas mihi fácies vias vitæ, plenitúdinem lætítiæ cum vultu tuo, delectatiónes in délixtera tua usque in finem.** R.

## 3

*Surge, unge parvulum; ipse est enim.*

## Léctio libri primi Samuélis

16, 1 b. 6-13 a

In diébus illis:

Dixit Dóminus ad Samuélem: « Imple cornu tuum óleo et veni, ut mittam te ad Isai Bethlehémitem; provídi enim in fliis eius mihi regem ».

Cumque ingræssus esset, vidit Eliab et ait: « Num coram Dómino est christus eius? »

Et dixit Dóminus ad Samuélem: « Ne respicias vultum eius neque altitúdinem statúræ eius, quóniam abiéci eum, nec iuxta intúitum hóminis ego iú dico; homo enim videt ea quæ parent, Dóminus autem intúetur cor ». Et vocávit Isai Abínadab et addúxit eum coram Samuэле.

Qui dixit: « Nec hunc elégit Dóminus ».

Addúxit autem Isai Samma, de quo ait: « Etiam hunc non elégit Dóminus ».

Addúxit itaque Isai septem filios suos coram Samuele, et ait Sámuel ad Isai: « Non elégit Dóminus ex istis ».

Dixítque Sámuel ad Isai: « Numquid iam compléti sunt filii? »

Qui respóndit: « Adhuc réliquus est párvulus et pascit oves ».

Et ait Sámuel ad Isai: « Mitte et adduc eum; nec enim discumbémus priúsqvam huc ille véniat ». Misit ergo et addúxit eum. Erat autem rufus et pulcher aspéctu decoráque fácie.

Et ait Dóminus: « Surge, unge eum; ipse est enim ».

Tulit ergo Sámuel cornu ólei, et unxit eum in médio fratrum eius, et diréctus est spíritus Dómini a die illa in David et deinceps. Surgénsque Sámuel ábiit in Ráamatha. — Verbum Dómini.

### Psalmus responsorius

Ps 88, 2-3. 4-5. 21-22. 25 et 27 (R.: cf. 2 a)

R. Misericórdias tuas, Dómine, in ætérnum cantábo.

<sup>2</sup> Misericórdias Dómini in ætérnum cantábo,  
in generatióem et generatióem  
annuntiábo veritátem tuam in ore meo.

<sup>3</sup> Quóniam dixísti:  
« In ætérnum misericórdia ædificábitur »,  
in cælis firmábitur véritas tua. R.

<sup>4</sup> « Dispósui testaméntum elécto meo,  
iurávi David servo meo:

<sup>5</sup> Usque in ætérnum confirmábo semen tuum,  
et ædificábo in generatióem et generatióem  
sedem tuam ». R.

- 21 « Invéni David servum meum;  
óleo sancto meo unxi eum.
- 22 Manus enim mea firma erit cum eo,  
et bráccium meum confortábit eum. R̄.
- 25 Et véritas mea et misericórdia mea cum ipso  
et in nómine meo exaltábitur cornu eius.
- 27 Ipse invocábit me: Pater meus es tu,  
Deus meus et refúgium salutis meæ ». R̄.

## 4

*Quem mittam? et quis ibit nobis?*

Léctio libri Isaíæ prophétæ

6, 1-8

In anno quo mórtuus est rex Ozías, vidi Dóminum sedéntem super sólium excélsus et elevátum, et ea, quæ sub ipso erant, replébant templum.

Séraphim stabant super illud: sex alæ uni et sex alæ álteri: duábus velábant fáciem eius, et duábus velábant pedes eius, et duábus volábant; et clamábant alter ad álterum et dicébant: « Sanctus, sanctus, sanctus Dóminus Deus exercítuum: plena est omnis terra glória eius ». Et commóta sunt superliminária cárdinum a voce clamántis, et domus repléta est fumo.

Et dixi: « Væ mihi, quia táciui, quia vir pollútus lábiis ego sum, et in médio pópuli pollúta lábia habéntis ego hábito, et regem Dóminum exercítuum vidi óculis meis ».

Et volávit ad me unus de séraphim et in manu eius cálculus, quem fórcipe túlerat de altári, et tétigit os meum et dixit: « Ecce tétigit hoc lábia tua, et auferétur iniquitas tua, et peccátum tuum mundábitur ».

Et audívi vocem Dómini dicéntis: « Quem mittam? et quis ibit nobis? »

Et dixi: « Ecce ego, mitte me ». — Verbum Dómini.



## Psalmus responsorius

Ps 39, 2 et 4 ab. 7-8 a. 8 b-9. 10 (R.: 8 a et 9 a)

R. Ecce vénio, Dómine, ut fáciam voluntátem tuam.

2 Exspéctans exspéctávi Dóminum,  
et inténdit mihi.4 Et immísit in os meum cánticum novum,  
carmen Deo nostro. R.7 Sacríficium et oblatiónem noluísti,  
aures autem fodísti mihi.  
Holocáustum et pro peccáto non postulásti,  
8 tunc dixi: « Ecce vénio. R.9 In volúmine libri scriptum est de me  
fácere voluntátem tuam.Deus meus, vólui,  
et lex tua in præcórdiis meis ». R.10 Annuntiávit iustítiam tuam in ecclésia magna;  
ecce lábia mea non prohibébo, Dómine, tu scisti. R.

## 5

## Pro missionariis

*Videbunt omnes fines terræ salutare Dei nostri.*

## Léctio libri Isaíæ prophétæ

52, 7-10

Quam pulchri super montes pedes annuntiántis et  
prædicántis pacem, annuntiántis bonum, prædicántis sa-  
lútem, dicéntis Sion: « Regnábit Deus tuus! »

Vox speculatórum tuórum: levavérunt vocem, si-  
mul laudábunt, quia óculo ad óculum vidébunt cum con-  
vérterit Dóminus Sion. Gaudéte et laudáte simul, desérta  
Ierúsalem, quia consolátus est Dóminus pópulum suum,  
redémit Ierúsalem.

Parávit Dóminus bráccium sanctum suum in óculis ómnium géntium, et vidébunt omnes fines terræ salutáre Dei nostri. — Verbum Dómini.

Psalmus responsorius

Ps 95, 1-2 a. 2 b-3. 7-8 a. 10 (R.: 3)

R. Annuntiáte in ómnibus pópulis mirabília Dómini.

- 1 Cantáte Dómino cánticum novum, cantáte Dómino, omnis terra.
- 2 Cantáte Dómino, benedicite nómini eius. R.  
Annuntiáte de die in diem salutáre eius.
- 3 Annuntiáte inter gentes glóriam eius, in ómnibus pópulis mirabília eius. R.
- 7 Afférte Dómino, famíliæ populórum, afférte Dómino glóriam et poténtiam,
- 8 afférte Dómino glóriam nóminis eius. R.
- 10 Dícite in géntibus: « Dóminus regnávit ». Etenim corréxit orbem terræ qui non commovébitur; iudicábit pópulos in æquitáte. R.

6

*Unxit me Dominus et evangelizare pauperibus misit me.*

Léctio libri Isaíæ prophétæ

61, 1-3 a

Spíritus Dómini super me, eo quod únxerit Dóminus me; ad annuntiándum mansuétis misit me, ut medérer contrítis corde et prædicárem captívis indulgéntiam et clausis apertiónem; ut prædicárem annum placábilem et diem ulciónis Deo nostro. Ut consolárer omnes lugéntes, ut pónerem lugéntibus Sion, et darem eis coronám pro cínere, óleum gáudii pro luctu, pállium laudis pro spírítu mæroris: et vocabúntur in ea fortes iustitiæ plantátio Dómini ad glorificándum. — Verbum Dómini.

## Psalmus responsorius

Ps 88, 2-3. 4-5. 21-22. 25 et 27 (R.: cf. 2 a)

R. Misericórdias tuas, Dómine, in ætérnum cantábo.

2 Misericórdias Dómini in ætérnum cantábo,  
in generatióem et generatióem  
annuntiábo veritátem tuam in ore meo.

3 Quóniam dixisti:  
« In ætérnum misericórdia ædificábitur »,  
in cælis firmábitur véritas tua. R.

4 « Dispósui testaméntum elécto meo,  
iurávi David servo meo:  
5 Usque in ætérnum confirmábo semen tuum,  
et ædificábo in generatióem et generatióem  
sedem tuam ». R.

21 « Invéni David servum meum;  
óleo sancto meo unxi eum.

22 Manus enim mea firma erit cum eo,  
et bráccium meum confortábit eum. R.

25 Et véritas mea et misericórdia mea cum ipso  
et in nómine meo exaltábitur cornu eius.

27 Ipse invocábit me: Pater meus es tu,  
Deus meus et refúgium salútis meæ ». R.

## 7

*Ad omnia quæ mittam te ibis.*

## Léctio libri Ieremiæ prophétæ

1, 4-9

Factum est verbum Dómini ad me dicens: « Priúsquam te formárem in útero, novi te; et ántequam exíres de vulva, sanctificávi te, et prophétam in géntibus dedi te ».

Et dixi: « A a a, Dómine Deus! ecce nescio loqui, quia puer ego sum ».

Et dixit Dóminus ad me: « Noli dicere: " Puer sum ", quóniam ad ómnia quæ mittam te ibis, et univérsa quæcúmque mandávero tibi loquéris. Ne tíneas a fácie eórum, quia tecum ego sum ut éruam te », dicit Dóminus.

Et misit Dóminus manum suam, et tétigit os meum, et dixit Dóminus ad me: « Ecce dedi verba mea in ore tuo ». — Verbum Dómini.

Psalmus responsorius

Ps 95, 1-2 a. 2 b-3. 7-8 a. 10 (R.: 3)

R. Annuntiáte in ómnibus pópulis mirabília Dómini.

<sup>1</sup> Cantáte Dómino cánticum novum,  
cantáte Dómino, omnis terra.

<sup>2</sup> Cantáte Dómino, benedicite nómini eius. R.

Annuntiáte de die in diem salutáre eius.

<sup>3</sup> Annuntiáte inter gentes glóriam eius,  
in ómnibus pópulis mirabília eius. R.

<sup>7</sup> Afférte Dómino, familiæ populórum,  
afférte Dómino glóriam et poténtiam,

<sup>8</sup> afférte Dómino glóriam nóminis eius. R.

<sup>10</sup> Dícite in géntibus: « Dóminus regnávít ».

Etenim corréxit orbem terræ qui non commovébitur;  
iudicábit pópulos in æquitáte. R.

## 8

*Speculatorem dedi te domui Israel.*

Lectio libri Ezechiélis prophète

3, 16-21

Factum est verbum Dómini ad me dicens: « Fili hóminis, speculatorem dedi te dómui Israel, et áudies de ore meo verbum et annuntiábis eis ex me.

Si, dicente me ad ímpium: " Morte moriéris ", non annuntiáveris ei neque locúsus fúeris, ut avertátur a via sua ímpia et vivat, ipse ímpius in iniquitáte sua moriétur, sánguinem autem eius de manu tua requíram.

Si autem tu annuntiáveris ímpio, et ille non fúerit convérsus ab impietáte sua et a via sua ímpia, ipse quidem in iniquitáte sua moriétur, tu autem ánimam tuam liberásti.

Sed, et si convérsus iustus a iustítia sua fúerit et fécerit iniquitátem, ponam offendículum coram eo; ipse moriétur, quia non annuntiásti ei; in peccáto suo moriétur, et non erunt in memória iustítiae eius, quas fecit, sánguinem vero eius de manu tua requíram.

Si autem tu annuntiáveris iusto, ut non peccet iustus et ille non peccáverit, vivens vivet, quia annuntiásti ei, et tu ánimam tuam liberásti ». — Verbum Dómini.

**Psalmus responsorius**      **Ps 116, 1. 2 (R.: Mc 16, 15)**

**R.** Eúntes in mundum univérsum, prædicáte Evangélium.  
**vel Allelúia.**

**1** Laudáte Dóminum, omnes gentes,  
collaudáte eum, omnes pópuli. **R.**

**2** Quóniam confirmáta est super nos misericórdia eius,  
et véritas Dómini manet in ætérnum. **R.**

## 9

*Sicut visitat pastor gregem suum,  
sic visitabo oves meas.*

**Léctio libri Ezechiélis prophétæ**

**34, 11-16**

Hæc dicit Dóminus: « Ecce ego ipse requíram oves meas et visitábo eas: sicut vísitat pastor gregem suum in die quando fúerit in médio óvium suárum dissipátarum,

sic visitábo oves meas et liberábo eas de ómnibus locis, in quibus dispérsæ fúerant in die nubis et caliginis.

Et edúcam eas de pópulis, et congregábo eas de terris, et indúcam eas in terram suam, et pascam eas in móntibus Israel, in rivis et in cunctis sédibus terræ; in páscuis ubérrimis pascam eas, et in móntibus excélsis Israel erunt páscua eárum: ibi requiéscent in herbis viréntibus, et in páscuis pínguibus pascéntur super montes Israel.

Ego pascam oves meas et ego eas accubáre fáciam, dicit Dóminus Deus.

Quod perierat requíram, et quod abiéctum erat redúcam, et quod confráctum fúerat alligábo, et quod infirmum fúerat consolidábo, et quod pingue et forte custódiam, et pascam illas in iudício ».

Verbum Dómini.

Psalmus responsorius Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

Dóminus pascit me, et nihil mihi déerit:  
in páscuis viréntibus me collocávit,  
super aquas quiétis edúxit me,  
ánimam meam refécit.

Dedúxit me super sémitas iustítiæ  
propter nomen suum. R.

Nam et si ambulávero in valle umbræ mortis,  
non timébo mala, quóniam tu mecum es.

Virga tua et báculus tuus  
ipsa me consoláta sunt. R.

Parásti in conspéctu meo mensam  
advérsus eos qui tríbulant me;  
impinguásti in óleo caput meum,  
et calix meus redúndat. R.

- 6 Etenim benignitas et misericórdia subsequéntur me  
 ómnibus diébus vitæ meæ,  
 et inhabitábo in domo Dómini  
 in longitúdinem diérum. *℞.*

Lectio prima  
 tempore paschali

## 1

## Pro missionariis

*Ecce convertimur ad gentes.*

## Lectio Actuum Apostolorum

13, 46-49

In diébus illis:

Paulus et Bárnabas dixerunt Iudæis: « Vobis oportébat primum loqui verbum Dei; sed, quóniam repéllitis illud et indignos vos iudicátis æternæ vitæ, ecce convertimur ad gentes. Sic enim præcepit nobis Dóminus: “ Pósuisti te in lumen gentium, ut sis in salutem usque ad extrémum terræ ” ».

Audiéntes autem gentes gaudébant et glorificábant verbum Dómini; et credidérunt quotquot erant præordináti ad vitam æternam. Ferebátur autem verbum Dómini per univérsam regiónem.

Verbum Dómini.

Psalmus responsorius Ps 116, 1. 2 (*℞.*: Mc 16, 15)

*℞.* Eúntes in mundum univérsam,  
 prædicáte Evangélium.

vel Allelúia.

- 1 Laudáte Dóminum, omnes gentes,  
 collaudáte eum, omnes pópuli. *℞.*

Quóniam confirmáta est super nos  
misericórdia eius,  
et véritas Dómini manet in aetérnum. R̄.

## 2

*Attendite vobis et universo gregi,  
in quo vos Spiritus Sanctus  
posuit episcopos, pascere Ecclesiam Dei.*

Léctio Actuum Apostolorum 20, 17-18 a. 28-32. 36

In diébus illis:

A Miléto Paulus mittens Ephesum convocávit presbýteros Ecclésiæ.

Qui cum venissent ad eum, dixit eis: « Atténdite vobis et univérso gregi, in quo vos Spíritus Sanctus pósuit episcopos, páscere Ecclésiám Dei, quam acquisívit sán-guine suo.

Ego scio quóniam intrábunt, post discessiónem meam, lupi graves in vos, non parcéntes gregi, et ex vobis ipsis exsúrgent viri loquéntes perversa, ut ábstrahant discipulos post se.

Propter quod vigiláte, memória retinéntes quóniam per triénnum nocte et die non cessávi cum lácrimis monens unumquémque vestrum. Et nunc comméndo vos Deo et verbo grátiae ipsíus, qui potens est ædificáre et dare hereditátem in sanctificátis ómnibus ».

Et, cum hæc dixisset, pósitis génibus suis, cum ómnibus illis orávit. — Verbum Dómini.

Psalmus responsorius Ps 109, 1. 2. 3. 4 (R̄.: 4 bc)

R̄. Tu es sacérdos in aetérnum  
secúndum órđinem Melchisedech.

vel Allelúia.



- 1 Dixit Dóminus Dómino meo: « Sede a dextris meis, donec ponam inimicos tuos scabéllum pedum tuórum ». *R.*
- 2 Virgam poténtiæ tuæ emíttet Dóminus ex Sion: domináre in médio inimicórum tuórum. *R.*
- 3 Tecum principátus in die virtútis tuæ, in splendóribus sanctis, ex útero matutíni velut rorem génuí te. *R.*
- 4 Iurávit Dóminus et non pænitébit eum: « Tu es sacérdos in ætérnum secúndum órđinem Melchisedech ». *R.*

## 3

*Lumen annuntiaturus est Christus populo et gentibus*

Léctio Actuum Apostolórum

26, 19-23

In diébus illis:

Paulus dixit: « Rex Agríppa, non fui incrédulus cæléstis visiónis, sed his qui sunt Damásci primum, et Hierosólymis, et in omnem regiónem Iudææ, et géntibus annuntiábam ut pæniténtiam ágerent et converteréntur ad Deum, digna pæniténtiæ ópera faciéntes. Hac ex causa me Iudæi, cum essem in templo, comprehésum tentábant interfícere.

Auxílium ígitur assecútus a Deo usque in hodiérnum diem sto, testificans minóri atque maióri, nihil extra dicens quam ea quæ prophætæ sunt locúti futúra esse et Móyses, si passibilis Christus, si primus ex resurrectióne mortuórum lumen annuntiaturus est pópulo et géntibus ». — Verbum Dómini.

Psalmus responsorius Ps 116, 1. 2 (*R.*: Mc 16, 15)

*R.* Eúntes in mundum univérsum, prædicáte Evangélium.  
vel Allehúia.

Laudáte Dóminum, omnes gentes,  
collaudáte eum, omnes pópuli. R̄.

Quóniam confirmáta est super nos misericórdia eius,  
et véritas Dómini manet in aetérnum. R̄.

## Lectio secunda

## 1

*Habentes donationes  
secundum gratiam differentes.*

Léctio Epístolæ beáti Pauli apóstoli ad Romános

12, 3-13

Fratres:

Dico per grátiam quæ data est mihi, ómnibus qui sunt inter vos: non áltius sápere quam opórtet sápere, sed sápere ad sobrietátem, unicuíque sicut Deus divisit mensúram fidei.

Sicut enim in uno córpore multa membra habémus, ómnia autem membra non eúndem actum habent; ita multi unum corpus sumus in Christo, sínguli autem alter alteríus membra.

Habéntes autem donatiónes secúndum grátiam, quæ data est nobis, differentes: sive prophetíam secúndum ratiónem fidei, sive ministérium in ministrándo, sive qui docet in doctrína, sive qui exhortátur in exhortándo, qui tribuit in simplicitáte, qui præest in sollicitú-dine, qui miserétur in hilaritáte.

Diléctio sine simulatióne, odiéntes malum, adhæréntes bono, caritaté fraternitátis ínvicem diligéntes, honóre ínvicem præveniéntes, sollicitú-dine non pigri, spírítu fervéntes, Dómino serviéntes, spe gaudéntes, in tribulatióne

patiéntes, oratióni instántes, necessitatibus sanctorum  
 communicántes, hospitalitatem sectántes.

Verbum Dómini.

## 2

Pro missionariis

*Placuit Deo*  
*per stultitiam prædicationis salvos facere credentes.*

Lectio Epistolæ primæ beati Pauli apostoli  
 ad Corínthios

1, 18-25

Fratres:

Verbum crucis pereúntibus quidem stultitia est; his  
 autem qui salvi fiunt, id est nobis, virtus Dei est.

Scriptum est enim: « Perdam sapiéntiam sapiéntium,  
 et prudéntiam prudéntium reprobábo ». Ubi sapiens?  
 ubi scriba? ubi conquisitor huius sæculi? Nonne stul-  
 tam fecit Deus sapiéntiam huius mundi?

Nam, quia in Dei sapiéntia non cognóvit mundus per  
 sapiéntiam Deum, plácuit Deo per stultitiam prædicatió-  
 nis salvos fácere credentes.

Quóniam et Iudæi signa petunt, et Græci sapiéntiam  
 quærun; nos autem prædicámus Christum crucifixum,  
 Iudæis quidem scándalum, Géntibus autem stultitiam;  
 ipsis autem vocátis, Iudæis atque Græcis, Christum Dei  
 virtutem et Dei sapiéntiam.

Quia quod stultum est Dei sapiéntius est homínibus,  
 et quod infirmum est Dei fórtius est homínibus.

Verbum Dómini.

## 3

*Ut ministri Christi  
et dispensatores mysteriorum Dei.*

Lectio Epistolæ primæ beāti Pauli apóstoli  
ad Corínthios

4, 1-5

Fratres:

Sic nos existimet homo ut ministros Christi et dispensatores mysteriorum Dei. Hic iam quæritur inter dispensatores, ut fidelis quis inveniatur.

Mihi autem pro mínimo est ut a vobis iudicer aut ab humano die; sed neque me ipsum iudico: nihil enim mihi conscius sum, sed non in hoc iustificatus sum; qui autem iudicat me Dominus est.

Itaque nolite ante tempus quicquam iudicare, quoad usque veniat Dominus, qui et illuminabit abscondita tenebrarum et manifestabit consilia cordium; et tunc laus erit unicuique a Deo. — Verbum Domini.

## 4

*Væ mihi, si non evangelizavero!*

Lectio Epistolæ primæ beāti Pauli apóstoli  
ad Corínthios

9, 16-19. 22-23

Fratres:

Si evangelizavero, non est mihi gloria, necessitas enim mihi incumbit; væ enim mihi est, si non evangelizavero! Si enim volens hoc ago, mercedem habeo; si autem invitus, dispensatio mihi credita est.

Quæ est ergo merces mea? Ut Evangelium prædicans sine sumptu ponam Evangelium, ut non abutar potestate mea in Evangelio.

Nam, cum liber essem ex omnibus, omnium me servum feci, ut plures lucrifacerem.

**Factus sum infirmis infirmus, ut infirmos lucri fácerem; ómnibus ómnia factus sum, ut áliquos útique fácerem salvos. Omnia autem fácio propter Evangélium, ut compárticeps eius efficiar. — Verbum Dómini.**

## 5

*Idoneos nos fecit ministros novi testamenti.*

**Léctio Epístolæ secúndæ beáti Pauli apóstoli  
ad Corínthios**

3, 1-6 a

**Fratres:**

**Incípiamus íterum nosmetípsos commendáre? aut numquid egémus, sicut quidam, commendatíciis epístolis ad vos aut ex vobis?**

**Epístola nostra vos estis, scripta in córdibus nostris, quæ scítur et légitur ab ómnibus homínibus; manifestátí quóniam epístola estis Christi ministráta a nobis et scripta non atraménto, sed Spíritu Dei vivi; non in tábulis lapídeis, sed in tábulis cordis carnálibus.**

**Fidúciam autem talem habémus per Christum ad Deum; non quod sufficiéntes simus cogitáre áliquid a nobis quasi ex nobis, sed sufficiéntia nostra ex Deo est; qui et idóneos nos fecit minístros Novi Testaménti.**

**Verbum Dómini.**

## 6

*Prædicamus Iesum Christum; nos autem  
servos vestros per Iesum.*

**Léctio Epístolæ secúndæ beáti Pauli apóstoli  
ad Corínthios**

4, 1-2. 5-7

**Fratres:**

**Habéntes hanc ministratiónem, iuxta quod misericórdiam consecúti sumus, non defícimus, sed abdicávimus**

occúlta dedécoris non ambulátes in astútia, neque adulterátes verbum Dei, sed in manifestatióne veritátis commendátes nosmetípsos ad omnem consciéntiam hóminum coram Deo.

Non enim nosmetípsos prædicámus, sed Iesum Christum Dóminum, nos autem servos vestros per Iesum; quóniam Deus, qui dixit: « De ténebris lux splendéscat », ipse illúxit in córdibus nostris, ad illuminatiónem sciéntiæ glóriæ Dei in fácie Iesu Christi.

Habémus autem thesáurum istum in vasis fictilibus, ut sublímitas sit virtútis Dei et non ex nobis.

Verbum Dómini.

## 7

*Dedit nobis ministerium reconciliationis.*

Léctio Epístolæ secúndæ beáti Pauli apóstoli  
ad Corínthios

5, 14-20

**Fratres:**

Cáritas Christi urget nos; æstimátes hoc, quóniam, si unus pro ómnibus mórtuus est, ergo omnes mórtui sunt; et pro ómnibus mórtuus est, ut et qui vivunt iam non sibi vivant, sed ei qui pro ipsis mórtuus est et resurréxit.

Itaque nos ex hoc néminem nóvimus secúndum carnem; et si cognóvimus secúndum carnem Christum, sed nunc iam non nóvimus.

Si quis ergo in Christo nova creatúra; vétera transié-  
runt: ecce facta sunt nova; ómnia autem ex Deo, qui reconciliávit nos sibi per Christum et dedit nobis ministérium reconciliatiónis.

Quóniam quidem Deus erat in Christo mundum reconcilians sibi, non réputans illis delicta ipsórum, et pónit in nobis verbum reconciliatiónis.

Pro Christo ergo legatióne fúngimur, tamquam Deo exhortánte per nos. Obsecrámus pro Christo: Reconciliámini Deo. — Verbum Dómini.

## 8

*In opus ministerii,  
in ædificationem corporis Christi.*

Lectio Epístolæ beáti Pauli apóstoli  
ad Ephésios

4, 1-7. 11-13

**Fratres:**

Obsecro vos ego, vinctus in Dómino, ut digne ambulétis vocatióne qua vocáti estis, cum omni humilitáte et mansuetúdine, cum longanimitáte supportántes invicem in caritaté; solliciti serváre unitátem spíritus in vínculo pacis.

Unum corpus et unus Spíritus, sicut et vocáti estis in una spe vocatiónis vestræ; unus Dóminus, una fides, unum baptisma; unus Deus et Pater ómnium, qui super omnes et per ómnia et in ómnibus.

Unicuíque autem nostrum data est grátia secúndum mensúram donatiónis Christi. Et ipse dedit quosdam quidem apóstolos, quosdam autem prophétas, álios vero evangelístas, álios autem pastóres et doctóres: ad instructióne sanctórum in opus ministérii, in ædificatióne córporis Christi, donec occurrámus omnes in unitátem fidei et agnitiónis Fílii Dei, in virum perféctum, in mensúram ætátis plenitúdinis Christi.

Verbum Dómini.

## 9

*Factus sum minister Ecclesiæ  
secundum dispensationem Dei.*

Lectio Epistolæ beati Pauli apostoli  
ad Colossenses

1, 24-29

Fratres:

Nunc gáudeo in passiõibus pro vobis et adimpleo ea quæ desunt passiõnum Christi in carne mea, pro corpore eius, quod est Ecclesiã; cuius factus sum ego minister secúndum dispensatiõnem Dei, quæ data est mihi in vos, ut ímpleam verbum Dei.

Mystérium, quod absconditum fuit a sæculis et generatiõibus, nunc autem manifestátum est sanctis eius, quibus voluit Deus notas fácere divítias glóriæ mystérii huius in gèntibus, quod est Christus in vobis, spes glóriæ.

Quem nos annuntiãmus commonétes omnem hóminem et docétes omnem hóminem in omni sapiéntia, ut exhibeãmus omnem hóminem perféctum in Christo: ad quod et labóro certãdo secúndum operatiõnem eius, quæ operátur in me in virtúte. — Verbum Dómini.

## 10

*Volebamus tradere non solum Evangelium,  
sed etiam animas nostras.*

Lectio Epistolæ primæ beati Pauli apostoli  
ad Thessalonicenses

2, 2 b-8

Fratres:

Fidúciã habúimus in Deo nostro loqui ad vos Evangelíum Dei in multa sollicitúdi-ne. Exhortãtio enim nostra non ex erróre, neque ex immundítia, neque in



dolo; sed, sicut probáti sumus a Deo ut crederétur nobis Evángelium, ita lóquimur; non quasi homínibus placéntes, sed Deo qui probat corda nostra.

Neque enim aliquándo fúimus in sermóne adulatiónis, sicut scitis, neque sub prætéxtu avarítiae, Deus testis; nec quæréntes ab homínibus glóriam, neque a vobis, neque ab aliis.

Cum possimus óneri esse ut Christi apóstoli, sed facti sumus párvuli in médio vestrum, tamquam si nutritrix fóveat filios suos.

Ita desiderántes vos, cúpide volebámus trádere vobis non solum Evángelium Dei, sed étiam ánimas nostras, quóniam caríssimi nobis facti estis.

Verbum Dómini.

## 11

*Bonum depositum custodi per Spiritum Sanctum.*

Léctio Epístolæ secúndæ beáti Pauli apóstoli

ad Timótheum

1, 13-14; 2, 1-3

Caríssime:

Formam habe sanórum verbórum, quæ a me audísti, in fide et in dilectióne quæ sunt in Christo Iesu. Bonum depósitum custódi per Spíritum Sanctum, qui hábitat in nobis.

Tu ergo, fili mi, confortáre in grátia, quæ est in Christo Iesu; et quæ audísti a me per multos testes, hæc comménda fidélibus homínibus, qui idónei erunt et alios docére.

Collabóra sicut bonus miles Christi Iesu.

Verbum Dómini.

## 12

*Opus fac evangelistæ, ministerium tuum imple.*

Lectio Epistolæ secundæ beati Pauli apostoli  
ad Timotheum

4, 1-5

Carissime:

Testificor coram Deo et Christo Iesu, qui iudicaturus est vivos et mortuos, per adventum ipsius et Regnum eius; prædica verbum, insta opportune, importune, argue, increpa, obsecra, in omni patientia et doctrina.

Erit enim tempus, cum sanam doctrinam non sustinebunt, sed ad sua desideria cocervabunt sibi magistros, prurientes auribus, et a veritate quidem auditum avertent, ad fabulas autem convertentur.

Tu vero vigila in omnibus, labora, opus fac evangelistæ, ministerium tuum imple. — Verbum Domini.

## 13

*Pascite qui est in vobis gregem Dei.*

Lectio Epistolæ primæ beati Petri apostoli

5, 1-4

Carissimi:

Seniores, qui in vobis sunt, obsecro, consenior et testis Christi passionum, qui et eius, quæ in futuro revelanda est, gloriæ communicator: pascite qui est in vobis gregem Dei, providentes, non coacto, sed spontanee secundum Deum, neque turpis lucri gratia, sed voluntarie; neque ut dominantes in cleris, sed formæ facti gregis.

Et, cum apparuerit princeps pastorum, percipietis immarcescibilem gloriæ coronam. — Verbum Domini.

## Evangelium

## 1

Alleluia et Versus ante Evangelium Io 10, 14

(**℞.** Allelúia). **γ.** Ego sum pastor bonus,  
dicit Dóminus;  
et cognóscō oves meas, et cognóscunt me  
meæ. (**℞.** Allelúia).

*Messis quidem multa, operarii autem pauci.*

**✠** Lécio sancti Evangéllii secúndum Mattháeum 9, 35-38

In illo témpore:

Circumíbat Iesus civitátes omnes et castélla, docens in synagógis eórum, et prædicans Evangéllium Regni, et curans omnem languórem et omnem infirmitátem. Videns autem turbas, misértus est eis quia erant vexáti et iacéntes sicut oves non habéntes pastórem.

Tunc dicit discípulis suis: « Messis quidem multa, operárii autem pauci; rogáte ergo Dóminum messis, ut mittat operários in messem suam ».

Verbum Dómini.

## 1 a

Pro papa

Alleluia et Versus ante Evangelium Mc 1, 17

(**℞.** Allelúia). **γ.** Veníte post me, dicit Dóminus,  
et fáciám vos fieri piscatóres hóminum.  
(**℞.** Allelúia).

*Tu es Petrus,  
et super hanc petram ædificabo Ecclesiam meam.*

✠ Læctio sancti Evangélii secúndum Matthæum

16, 13-19

In illo témpore:

Venit Iesus in partes Cæsaráe Philíppi et interrogábat discípulos suos dicens: « Quem dicunt hómines esse Fílium hóminis? »

At illi dixerunt: « Alii Ioánnem Baptístam, álii autem Elíam, álii vero Ieremíam aut unum ex prophétis ».

Dicit illis: « Vos autem, quem me esse dicitis? »

Respóndens Simon Petrus dixit: « Tu es Christus, Fílius Dei vivi ».

Respóndens autem Iesus dixit ei: « Beátus es, Simon Bar Iona, quia caro et sanguis non revelávit tibi, sed Pater meus qui in cælis est.

Et ego dico tibi: Tu es Petrus, et super hanc petram ædificábo Ecclésiám meam, et portæ ínferi non prævalébunt advérsus eam. Tibi dabo claves Regni cælórum; et quodcúmque ligáveris super terram, erit ligátum in cælis, et quodcúmque sólveris super terram, erit solútum in cælis ».

Verbum Dómini.

2

Alleluia et Versus ante Evangelium Mt 23, 9 a. 10 b

(℞. Allelúia). ℣. Unus est Pater vester, qui in cælis est; et magíster vester unus est, Christus.

(℞. Allelúia).

*Qui maior est vestrum erit minister vester.*

✠ Lécio sancti Evangélii secúndum Mattháeum

23, 8-12

In illo témpore:

Dixit Iesus ad discípulos suos: « Vos nolíte vocári Rabbi; unus enim est magíster vester, omnes autem vos fratres estis.

Et patrem nolíte vocáre vobis super terram; unus enim est Pater vester, cæléstis.

Nec vocémini magístri; quia magíster vester unus est, Christus.

Qui maior est vestrum erit miníster vester.

Qui autem se exaltáverit humiliábitur, et qui se humiliáverit exaltábitur ». — Verbum Dómini.

3

Pro missionariis

Alleluia et Versus ante Evang. Mt 28, 10 a. 20 b

(R. Allelúia). γ. Eúntes docéte omnes gentes dicit Dóminus;

ego vobíscum sum ómnibus diébus  
usque ad consummationem sáeculi.

(R. Allelúia).

*Euntes docete omnes gentes.*

✠ Lécio sancti Evangélii secúndum Mattháeum

28, 16-20

In illo témpore:

Undecim discípuli abiérunt in Galiléam, in montem ubi constitúerat illis Iesus; et vidéntes eum adoravérunt, quidam autem dubitavérunt.

Et accédens Iesus locútus est eis dicens: « Data est mihi omnis potéstas in cælo et in terra. Eúntes ergo docéte omnes gentes, baptizántes eos in Nómine Patris et Fílii et Spíritus Sancti, docétes eos serváre ómnia quæcúmque mandávi vobis.

Et ecce ego vobíscum sum ómnibus diébus, usque ad consummatiónem sæculi ».

Verbum Dómini.

## 4

Alleluia et Versus ante Evangelium Mc 1, 17

(**R.** Allelúia). **V.** Veníte post me, dicit Dóminus,  
et fáciam vos fieri piscatóres hóminum.  
(**R.** Allelúia).

*Faciam vos fieri piscatores hominum.*

## ✠ Lécio sancti Evangélli secúndum Marcum

1, 14-20

Postquam tráditus est Ioánnes, venit Iesus in Galiléam prædicans Evangélium Dei, et dicens: « Implétum est tempus, et appropinquávit Regnum Dei; pænitémini et créдите Evangélio ».

Et prætériens secus mare Galiléæ, vidit Simónem et Andréam fratrem Simónis mitténtes in mare; erant enim piscatóres. Et dixit eis Iesus: « Veníte post me, et fáciam vos fieri piscatóres hóminum ». Et prótinus, relíctis rétibus, secúti sunt eum.

Et progréssus pusillum vidit Iacóbum Zebedæi et Ioánnem fratrem eius, et ipsos in navi componéntes rétia, et statim vocávit illos. Et, relícto patre suo Zebedæo in navi cum mercenáriis, abiérunt post eum.

Verbum Dómini.

## 5

## Pro missionariis

Alleluia et Versus ante Evang. Mt 28, 19 a. 20 b

(R. Allelúia). **Ꝛ. Eúntes docéte omnes gentes, dicit Dóminus;**  
**ego vobíscum sum ómnibus diébus**  
**usque ad consummationem sáeculi.**  
 (R. Allelúia).

*Euntes in mundum universum,  
 prædicate Evangelium.*

✠ **Léctio sancti Evangélii secúndum Marcum 16, 15-20**

**In illo témpore:**

**Appárens Iesus Undecim dixit eis: « Eúntes in mundum univérsum, prædicáte Evangélium omni creatúræ. Qui credíderit et baptizátus fúerit salvus erit; qui vero non credíderit condemnábitur.**

**Signa autem eos qui credíderint hæc sequéntur: in nómine meo dæmónia eícient, linguis loquéntur novis, serpéntes tollent, et, si mortíferum quid bíberint, non eos nocébit, super ægrótos manus impónent, et bene habébunt ».**

**Et Dóminus quidem Iesus, postquam locúsus est eis, assúptus est in cælum, et sedit a dextris Dei. Illi autem profécti prædicavérunt ubique, Dómino cooperánte et sermónem confirmánte, sequéntibus signis.**

**Verbum Dómini.**

## 6

## Pro missionariis

Alleluia et Versus ante Evangelium Mc 1, 17

(R. Allelúia). V. Veníte post me, dicit Dóminus,  
et fáciam vos fieri piscatóres hóminum.  
(R. Allelúia).

*In verbo tuo laxabo retia.*

✠ Lécio sancti Evangélli secúndum Lucam 5, 1-11

In illo témpore:

Cum turba urgéret Iesum et audíret verbum Dei, et ipse stabat secus stagnum Genésareth. Et vidit duas naves stantes secus stagnum; piscatóres autem descéndérant de illis et lavábant rétia.

Ascéndens autem in unam navem, quæ erat Simónis, rogávit eum a terra redúcere pusillum. Et sedens docébat de navícula turbas.

Ut cessávit autem loqui, dixit ad Simónem: « Duc in altum, et laxáte rétia vestra in captúram ».

Et respóndens Simon dixit: « Præcéptor, per totam noctem laborántes nihil cépimus; in verbo autem tuo laxábo rétia ».

Et, cum hoc fecissent, conclusérunt píscium multitudinem copiósam; rumpebántur autem rétia eórum. Et annuérunt sóciis, qui erant in ália navi, ut venírent et adiuvárent eos. Et venérunt et implevérunt ambas navículas, ita ut mergeréntur.

Quod cum vidéret Simon Petrus, prócidit ad génuá Iesu dicens: « Exi a me, quia homo peccátor sum, Dómine ». Stupor enim circumdéderat eum, et omnes qui cum illo erant in captúra píscium, quos céperant; simíli-



ter autem et Iacobum et Ioannem, filios Zebedæi, qui erant socii Simónis.

Et ait ad Simónem Iesus: « Noli timere, ex hoc iam homines eris capiens ». Et, subductis ad terram nāvibus, relictis omnibus, secuti sunt illum.

Verbum Dómini.

## 7

Alleluia et Versus ante Evangelium Lc 4, 18-19

(R. Alleluia). *γ.* Evangelizare pauperibus misit me Dóminus,  
 prædicare captivis remissionem.  
 (R. Alleluia).

*Mensis quidem multa, operarii autem pauci.*

✠ Læctio sancti Evangélii secúndum Lucam 10, 1-9

In illo tēpore:

Designavit Dóminus alios septuaginta duos, et misit illos binos ante faciē suam in omnem civitatem et locum, quo erat ipse venturus.

Et dicebat illis: « Mensis quidem multa, operarii autem pauci. Rogate ergo Dóminum messis, ut mittat operarios in messem suam. Ite: ecce ego mitto vos sicut agnos inter lupos. Nolite portare sacculum neque peram neque calceamenta et neminem per viam salutaveritis.

In quamcúmque domum intraveritis primum dícite: « Pax huic domui »; et, si ibi fuerit filius pacis, requiescet super illam pax vestra; sin autem, ad vos revertetur.

In eadem autem domo manete, edentes et bibentes quæ apud illos sunt; dignus est enim operarius mercede sua.

Nolite transire de domo in domum, et, in quamcúmque civitátem intravéritis et suscéperint vos, manducáte quæ apponúntur vobis, et curáte infirmos, qui in illa sunt, et dícite illis: " Appropinquávit in vos Regnum Dei " ». — Verbum Dómini.

## 8

Alleluia et Versus ante Evangelium Io 15, 15b

(*R.* Allelúia). *γ.* Vos dixi amícos, dicit Dóminus, quia ómnia quæcúmque audívi a Patre meo nota feci vobis. (*R.* Allelúia).

*Dispono vobis,  
sicut disposuit mihi Pater meus, Regnum.*

✠ Lécitio sancti Evangéllii secúndum Lucam 22, 24-30

In illo témpore:

Facta est conténtio inter Apóstolos, quis eórum vide-rétur esse maior.

Dixit autem eis Iesus: « Reges géntium dominántur eórum, et qui potestátem habent super eos benéfici vo-cántur. Vos autem non sic; sed qui maior est in vobis fiat sicut iúnior, et qui præcésor est sicut ministrátor. Nam quis maior est, qui recúmbit an qui ministrat? nonne qui recúmbit? Ego autem in médio vestrum sum sicut qui ministrat.

Vos autem estis qui permansístis mecum in tenta-tiónibus meis; et ego dispóno vobis, sicut dispósuit mihi Pater meus, Regnum, ut edátis et bibátis super mensam meam in Regno meo, et sedeátis super thronos, iudi-cántes duódecim tribus Israel ».

Verbum Dómini.

Alleluia et Versus ante Evangelium Io 10, 14

(R. Allelúia). **ꝛ.** Ego sum pastor bonus, dicit Dóminus; et cognóscó oves meas, et cognóscunt me meæ. (R. Allelúia).

*Bonus pastor animam suam ponit pro ovibus.*

✠ Lécio sancti Evangelii secúndum Ioánnem 10, 11-16

In illo témpore:

Dixit Iesus: « Ego sum pastor bonus. Bonus pastor ánimam suam ponit pro óvibus. Mercenárius et qui non est pastor, cuius non sunt oves própriæ, videt lupum veniéntem et dimíttit oves et fugit (et lupus rapit eas et dispérgit), quia mercenárius est et non pértinet ad eum de óvibus.

Ego sum pastor bonus, et cognóscó meas, et cognóscunt me meæ. Sicut novit me Pater, et ego agnóscó Patrem; et ánimam meam pono pro óvibus.

Et álias oves hábeo, quæ non sunt ex hoc ovíli, et illas opórtet me addúcere, et vocem meam áudient, et fient unus grex et unus pastor ». — Verbum Dómini.

Alleluia et Versus ante Evangelium Io 15, 15 b

(R. Allelúia). **ꝛ.** Vos dixi amícos, dicit Dóminus, quia ómnia quæcúmque áudívi a Patre meo nota feci vobis.  
(R. Allelúia).

*Posui vos ut vos eatis et fructum afferatis.*

✠ **Léctio sancti Evangéllii secúndum Ioánnem** 15, 9-17

In illo témpore:

**Dixit Iesus discíplulis suis: « Sicut diléxit me Pater, et ego diléxi vos. Manéte in dilectióne mea. Si præcépta mea servavéritis, manébitis in dilectióne mea; sicut ego Patris mei præcépta servávi, et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.**

**Hoc est præcéptum meum, ut diligátis ínvicem, sicut diléxi vos. Maiórem hac dilectiónem nemo habet, ut ánimam suam ponat quis pro amícis suis. Vos amíci mei estis, si faciétis quæ ego præcípio vobis.**

**Iam non dicam vos servos, quia servus nescit quid faciát dóminus eius: vos autem dixi amícos, quia ómnia, quæ audívi a Patre meo, nota feci vobis.**

**Non vos me elegístis; sed ego elégi vos et pósui vos ut vos eátis et fructum afferátis, et fructus vester máneat, ut quodcúmque petiérítis Patrem in Nómine meo det vobis.**

**Hæc mando vobis, ut diligátis ínvicem ».**

**Verbum Dómini.**

## 11

Pro papa

**Alleluia et Versus ante Evangelium** Io 10, 14

(**Ꝁ. Allelúia**). **ꝥ. Ego sum pastor bonus, dicit Dóminus;**

**et cognóscó oves meas, et cognóscunt me meæ. (Ꝁ. Allelúia).**

*Pasce agnos meos, pasce oves meas.*

✠ **Léctio sancti Evangéllii secúndum Ioánnem**

21, 15-17

Cum manifestásset se Iesus discípulis suis et prandísset cum eis, dicit Simóni Petro Iesus: « Simon Ioánnis, diligis me plus his? »

Dicit ei: « Etiam, Dómine, tu scis quia amo te ».

Dicit ei: « Pasce agnos meos ».

Dicit ei iterum secúndo: « Simon Ioánnis, diligis me? »

Ait illi: « Etiam, Dómine, tu scis quia amo te ».

Dicit ei: « Pasce oves meas ».

Dicit ei tértio: « Simon Ioánnis, amas me? »

Contristátus est Petrus, quia dixit ei tértio: « Amas me? », et dicit ei: « Dómine, tu ómnia scis, tu scis quia amo te ».

Dicit ei: « Pasce oves meas ». — Verbum Dómini.

## COMMUNE DOCTORUM ECCLESIAE

### 1

**Ant. ad introitum**

**Sir 15, 5**

In médio Ecclesiae aperuit os eius,  
et implévit eum Dóminus spíritu sapiéntiae et intelléctus;  
stolam glóriæ induit eum.

**Vel:**

**Ps 36, 30-31**

Os iusti meditábitur sapiéntiam,  
et lingua eius loquétur iudícium;  
lex Dei eius in corde ipsius.

**Collecta**

Omnípotens ætérne Deus,  
qui beátum **N.** (episcopum)  
Ecclesiae tuæ doctórem dedísti,  
præsta, ut, quod ille divíno affátus Spíritu dócuit,  
nostris iúgiter stabiliátur in córdibus,  
et quem patrónum, te donánte, ampléctimur,  
eum apud tuam misericórdiam defensórem habeámus.  
Per Dóminum.

**Lectiones ut infra, pp. 939-956.**

**Super oblata**

Sacrificium tibi pláceat, Deus,  
in festivitáte beáti **N.** libénter exhibítum,  
quo monénte,  
nos étiam totos tibi réddimus collaudántes.  
Per Christum.

**Ant. ad communionem**

Lc 12, 42

Fidélis servus et prudens,  
quem constituit Dóminus super familiam suam,  
ut det illis in témpore trítici mensúram.

**Post communionem**

Quos Christo réficis pane vivo,  
eósdem édoce, Dómine, Christo magistro,  
ut in festivitáte beáti **N.** tuam discant veritátem,  
et eam in caritaté operéntur.  
Per Christum.

## 2

**Ant. ad introitum**

Dan 12, 3

Qui docti fúerint, fulgébunt quasi splendor firmaménti,  
et, qui ad iustítiam erúdiunt multos,  
quasi stellæ in perpétuas æternitátes.

**Vel:**

Cf. Sir 44, 15. 14

Sapiéntiam Sanctórum narrent pópuli,  
et laudes eórum núntiet Ecclésia;  
nómina autem eórum vivent in sáeculum sáeculi.

**Collecta**

Dómine Deus, qui beátum **N.**  
cælésti doctrína imbúere dignátus es,  
da nobis, ipsíus intervéntu,  
eándem doctrínam fidéliter custodíre,  
et móribus profitéri.  
Per Dóminum.

Lectiones ut infra, pp. 939-956.

Super oblata

**Illa nos, quæsumus, Dómine, divína tractántes,  
Spíritus Sanctus fidei luce perfúndat,  
qua beátum N. ad glóriæ tuæ propagatiónem  
iúgiter collustrávit. Per Christum.**

Ant. ad communionem

1 Cor 1, 23-24

**Nos prædicámus Christum crucifixum,  
Christum, Dei virtútem et Dei sapiéntiam.**

Post communionem

**Cælésti alimónia refécti,  
súplices te, Dómine, deprecámur,  
ut, beáti N. mónitis,  
de accéptis donis  
semper in gratiárum actióne maneámus.  
Per Christum.**

---

Lectio prima  
extra tempus paschale

1

*Dedi tibi cor sapiens et intellegens.*

Léctio libri primi Regum

3, 11-14

In diébus illis:

**Dixit Dóminus Salomóni: « Quia postulásti verbum  
hoc, et non petísti tibi dies multos, nec divítias aut áni-  
mas inimicórum tuórum, sed postulásti tibi sapiéntiam ad  
discernéndum iudícium: ecce feci tibi secúndum sermónes  
tuos, et dedi tibi cor sápiens et intéllegens, in tantum  
ut nullus ante te símilis tui fúerit nec post te surrectú-  
rus sit.**



Sed et hæc, quæ non postulasti, dedi tibi, divítias scilicet et glóriam, ut nemo fúerit símilis tui in régibus cunctis retro diébus. Si autem ambuláveris in viis meis et custodíeris præcépta mea et mandáta mea, sicut ambulávit pater tuus, longos fáciam dies tuos ».

Verbum Dómini.

**Psalmus responsorius Ps 36, 3-4. 5-6. 30-31 (R.: 30 a)**

**R.** Os iusti meditábitur sapiéntiam.

**3** Spera in Dómino et fac bonitátem,  
et inhabitábis terram et pascéris in fide.

**4** Delectáre in Dómino,  
et dabit tibi petitiónes cordis tui. **R.**

**5** Commítte Dómino viam tuam et spera in eo,  
et ipse fáciet;

**6** et educet quasi lumen iustítiam tuam,  
et iudícium tuum tamquam merídiem. **R.**

**30** Os iusti meditábitur sapiéntiam,  
et lingua eius loquétur iudícium;

**31** lex Dei eius in corde ipsíus,  
et non vacillábunt gressus eius. **R.**

## 2

*Super salutem et speciem dilexi sapientiam.*

**Léctio libri Sapiéntiæ**

**7, 7-10. 15-16**

Optávi, et datus est mihi sensus; et invocávi, et venit in me spíritus sapiéntiæ; et præpósui illam regnis et sédibus, et divítias nihil esse duxi in comparatióne illíus. Nec comparávi illi lápidem pretiósus, quóniam omne aurum in comparatióne illíus aréna est exígua, et tamquam lutum æstimábitur argéntum in conspéctu illíus.

Super salutem et speciem dilexi illam, et proposui pro luce habere illam, quoniam inextinguibile est lumen illius.

Mihi autem dedit Deus dicere ex sententia, et præsumere digna horum quæ mihi dantur, quoniam ipse sapientiae dux est et sapientium emendator. In manu enim illius et nos et sermones nostri, et omnis sapientia et operum scientia et disciplina. — Verbum Domini.

**Psalmus responsorius** Ps 18, 8. 9. 10. 11 (R.: 10 b)

R. Iudicia Domini vera, iusta omnia simul.

8 Lex Domini immaculata, efficiens animam, testimonium Domini fidele, sapientiam praestans parvulis. R.

9 Iustitiae Domini rectae, laetificantes corda, praecipitum Domini lucidum, illuminans oculos. R.

10 Timor Domini mundus, permanens in saeculum saeculi, iudicia Domini vera, iusta omnia simul. R.

11 Desiderabilia super aurum et lapidem pretiosum multum, et dulciora super mel et favum stillantem. R.

## 3

*Adimplebit illum spiritu sapientiae et intellectus.*

Lectio libri Siracidæ

15, 1-6

Qui timet Deum faciet bona, et qui continens est iustitiae apprehendet illam; et obviabit illi quasi mater honorificata, et quasi mulier a virginitate suscipiet illum.

Cibabit illum pane vitae et intellectus, et aqua sapientiae salutaris potabit illum; et firmabitur in illo et non flectetur, et continet illum et non confundetur; et exaltabit illum apud proximos suos.

Et in medio ecclesiae aperiet os eius, et adimplebit

illum sp̄ritu sapiéntiæ et intelléctus, et stola glóriæ  
véstiet illum; iucunditátem et exultatiónem thesauri-  
zábit super illum, et nómine ætérno hereditábit illum.  
Verbum Dómini.

Psalmus responsorius

Ps 118, 9. 10. 11. 12. 13. 14 (R.: 12 b)

R. Doce me, Dómine, iustificatiónes tuas.

<sup>9</sup> In quo mundábit adulescéntior viam suam?  
In custodiéndo sermónes tuos. R.

<sup>10</sup> In toto corde meo exquisívi te,  
ne erráre me fácias a præcéptis tuis. R.

<sup>11</sup> In corde meo abscondi elóquia tua,  
ut non peccem tibi. R.

<sup>12</sup> Benedíctus es, Dómine;  
doce me iustificatiónes tuas. R.

<sup>13</sup> In lábiis meis numerávi ómnia iudícia oris tui. R.

<sup>14</sup> In via testimoniórum tuórum delectátus sum  
sicut in ómnibus divítiis. R.

4

*Spiritu intellegentiæ replebit illum.*

Léctio libri Sirácidæ

39, 8-14

Si Dóminus magnus volúerit, sp̄ritu intellegentiæ  
replebit illum. Et ipse tamquam imbres mittet elóquia  
sapiéntiæ suæ, et in oratióne confitébitur Dómino, et  
ipse díriget consílium eius et disciplínam, et in abscon-  
ditis suis consiliábitur.

Ipse palam fáciet disciplínam doctrínæ suæ, et in  
lege testaménti Dómini gloriábitur; collaudábunt multi  
sapiéntiam eius, et usque in sáculum non delébitur; non  
recédet memória eius, et nomen eius requirétur a ge-  
neratióne in generatiónem.

Sapiéntiam eius enarrábunt gentes, et laudem eius enuntiábit ecclésia. — Verbum Dómini.

**Psalmus responsorius**

Ps 36, 3-4. 5-6. 30-31 (R.: 30 a)

R. Os iusti meditábitur sapiéntiam.

3 Spera in Dómino et fac bonitátem,  
et inhabitábis terram et pascéris in fide.

4 Delectáre in Dómino,  
et dabit tibi petitiónes cordis tui. R.

5 Commítte Dómino viam tuam et spera in eo,  
et ipse fáciat;

6 et edúcet quasi lumen iustítiam tuam,  
et iudícium tuum tamquam merídiem. R.

30 Os iusti meditábitur sapiéntiam,  
et lingua eius loquétur iudícium;

31 lex Dei eius in corde ipsius,  
et non vacillábunt gressus eius. R.

**Lectio prima  
tempore paschali**

1

*Dominum eum et Christum Deus fecit.*

Lectio Actuum Apostolorum 2, 14 a. 22-24. 32-36

In die Pentecóstes, stans Petrus cum Undecim levávit vocem suam et locúsus est:

« Viri Israelítæ, audíte verba hæc: Iesum Nazarénum, virum approbátum a Deo apud vos virtútibus et prodígiis et signis, quæ fecit per illum Deus in médio vestri, sicut ipsi scitis, hunc defínito consílio et præsciéntia Dei tráditum per manum iniquórum affigentes in-

teremístis. Quem Deus suscitávit, solútis dolóribus mor-  
tis iuxta quod impossibile erat tenéri illum ab ea.

Hunc Iesum resuscitávit Deus, cuius omnes nos  
testes sumus. Déxtera igitur Dei exaltátus, et pro-  
missióne Spíritus Sancti accépta a Patre, effúdit hunc,  
quem vos vidétis et audítis.

Non enim David ascéndit in cælos; dicit autem  
ipse « Dixit Dóminus Dómino meo: "Sede a dextris  
meis, donec ponam inimicos tuos scabéllum pedum  
tuórum" ».

Certíssime ergo sciat omnis domus Israel, quia et  
Dóminum eum et Christum Deus fecit hunc Iesum, quem  
vos crucifixístis ». — Verbum Dómini.

**Psalmus resp. Ps 18, 8. 9. 10. 11 (R.: Io 6, 64 b)**

**R.** Verba tua, Dómine, spíritus et vita sunt.

**vel Allelúia.**

- 8** Lex Dómini immaculáta, reficiens ánimam,  
testimónium Dómini fidéle,  
sapiéntiam præstans párvulis. **R.**
- 9** Iustítiæ Dómini rectæ, lætificántes corda,  
præceptum Dómini lúcidum, illúminans óculos. **R.**
- 10** Timor Dómini mundus, pérmanens in sæculum sæculi,  
iudícia Dómini vera, iusta ómnia simul. **R.**
- 11** Desiderabilia super aurum et lápidem pretiósium multum,  
et dulcióra super mel et favum stillántem. **R.**

2

*Promissionem Deus adimplevit, resuscitans Iesum.*

Léctio Actuum Apostolórum

13, 26-33

In diébus illis:

Cum venisset Paulus Antiochiám Pisídiæ, dicébat

in synagoga: « Viri fratres, filii generis Abraham, et qui in vobis timent Deum, nobis verbum salutis huius missum est.

Qui enim habitabant Ierusalem et principes eorum, hunc ignorantes et voces prophetarum, quae per omne sabbatum leguntur, iudicantes impleverunt; et nullam causam mortis inveniētes petierunt a Pilato ut interficeretur. Cumque consummasset omnia quae de eo scripta erant, deponentes eum de ligno posuerunt in monumento.

Deus vero suscitavit eum a mortuis; qui visus est per dies multos his qui simul ascenderant cum eo de Galilaea in Ierusalem, qui nunc sunt testes eius ad plebem.

Et nos vobis evangelizamus eam quae ad patres promissio facta est; quoniam hanc Deus adimplevit filiis eorum, nobis resuscitans Iesum, sicut et in psalmo secundo scriptum est: " Filius meus es tu; ego hodie genui te " ». — Verbum Domini.

Psalmus responsorius, ut supra, p. 943.

## Lectio secunda

## 1

*Placuit Deo per stultitiam praedicationis  
salvos facere credentes.*

Lectio Epistolae primae beati Pauli apostoli  
ad Corinthios

1, 18-25

Fratres:

Verbum crucis pereuntibus quidem stultitia est; his autem qui salvi fiunt, id est nobis, virtus Dei est.

Scriptum est enim: «Perdam sapiéntiam sapiéntium, et prudéntiam prudéntium reprobábo». Ubi sapiens? ubi scriba? ubi conquisitor huius saeculi? Nonne stultam fecit Deus sapiéntiam huius mundi?

Nam, quia in Dei sapiéntia non cognóvit mundus per sapiéntiam Deum, plácuit Deo per stultítiam praedicationis salvos fácere credétes.

Quóniam et Iudaei signa petunt, et Graeci sapiéntiam quaerunt; nos autem praedicámus Christum crucifixum, Iudaeis quidem scándalum, Géntibus autem stultítiam, ipsis autem vocátis, Iudaeis atque Graecis, Christum Dei virtútem et Dei sapiéntiam.

Quia quod stultum est Dei, sapiéntius est homínibus, et quod infirmum est Dei, fórtius est homínibus.  
Verbum Dómini.

## 2

*Loquimur Dei sapientiam in mysterio.*

Léctio Epístolæ primæ beáti Pauli apóstoli  
ad Corínthios

2, 1-10 a

Ego, cum veníssem ad vos, fratres, veni non per sublimitátem sermónis aut sapiéntiæ, annúntians vobis mystérium Dei.

Non enim iudicávi scire me áliquid inter vos, nisi Iesum Christum et hunc crucifixum. Et ego in infirmitáte et timóre et tremóre multo fui apud vos; et sermo meus et praedicatio mea non in persuasibilibus sapiéntiæ verbis, sed in ostensióne Spíritus et virtútis, ut fides vestra non sit in sapiéntia hóminum, sed in virtúte Dei.

Sapiéntiam autem loquimur inter perfectos, sapiéntiam vero non huius saeculi neque princípum huius

sæculi, qui destruúntur; sed lóquimur Dei sapiéntiam in mystério, quæ abscondita est, quam prædestinávit Deus ante sæcula in glóriam nostram, quam nemo principum huius sæculi cognóvit; si enim cognovissent, numquam Dóminum glóriæ crucifixissent; sed, sicut scriptum est: « Quod óculus non vidit nec auris audívit, nec in cor hómínis ascéndit, quæ præparávit Deus his qui díligunt illum »; nobis autem revelávit Deus per Spíritum. — Verbum Dómini.

## 3

*Nos autem sensum Christi habemus.*

Léctio Epístolæ primæ beáti Pauli apóstoli  
ad Corinthios

2, 10 b-16

**Fratres:**

Spíritus ómnia scrutátur, étiam profúnda Dei. Quis enim scit hómínium quæ sint hómínis, nisi spíritus hómínis, qui in ipso est? Ita et quæ Dei sunt nemo cognóvit, nisi Spíritus Dei.

Nos autem non spíritum mundi accévimus, sed Spíritum qui ex Deo est, ut sciámus quæ a Deo donáta sunt nobis: quæ et lóquimur, non in doctis humanæ sapiéntiæ, sed in doctis Spíritus verbis, spiritalibus spiritalia comparántes.

Animális autem homo non pércipit quæ sunt Spíritus Dei; stultítia enim sunt illi, et non potest intellégere, quia spiritaliter examinántur. Spiritalis autem iúdicat ómnia, et ipse a némine iudicátur. Quis enim cognóvit sensum Dómini, qui ínstruat eum?

Nos autem sensum Christi habémus.

Verbum Dómini.



## 4

*Gentibus evangelizare investigabiles  
divitias Christi.*

Lectio Epistolæ beāti Pauli apóstoli  
ad Ephésios

3, 8-12

Fratres:

Mihi ómnium sanctórum mínimo data est grátia hæc, géntibus evangelizáre investigábiles divítias Christi, et illumináre omnes quæ sit dispensátio mystérii absconditi a sæculis in Deo, qui ómnia creávit; ut innotéscat nunc principátibus et potestátibus in cæléstibus per Ecclésiám multifórmis sapiéntia Dei; secúndum propósitum sæculórum quod fecit in Christo Iesu Dómino nostro, in quo habémus fidúciam et accéssum in confidéntia per fidem eius.

Verbum Dómini.

## 5

*In opus ministerii,  
in ædificationem corporis Christi.*

Lectio Epistolæ beāti Pauli apóstoli  
ad Ephésios

4, 1-7. 11-13

Fratres:

Obsecro vos ego, vinctus in Dómino, ut digne ambulétis vocatióne qua vocáti estis, cum omni humilitáte et mansuetúdine, cum longanimitáte supportántes invicem in caritáte; solliciti serváre unitátem spíritus in vínculo pacis.

Unum corpus et unus Spíritus, sicut et vocáti estis

in una spe vocatiónis vestræ; unus Dóminus, una fides, unum baptisma; unus Deus et Pater ómnium, qui super omnes et per ómnia et in ómnibus.

Unicuique autem nostrum data est grátia secúndum mensúram donatiónis Christi. Et ipse dedit quosdam quidem apóstolos, quosdam autem prophétas, álios vero evangelístas, álios autem pastóres et doctóres: ad instructiόnem sanctórum in opus ministérii, in ædificatiόnem córporis Christi, donec occurrámus omnes in unitátem fidei et agnitiónis Fílii Dei, in virum perféctum, in mensúram ætátis plenitúdinis Christi.

Verbum Dómini.

## 6

*Bonum depositum custodi per Spiritum Sanctum.*

Léctio Epístolæ secúndæ beáti Pauli apóstoli  
ad Timótheum

1, 13-14; 2, 1-3

Caríssime:

Formam habe sanórum verbórum, quæ a me audísti, in fide et dilectiόne quæ sunt in Christo Iesu. Bonum depósitum custódi per Spíritum Sanctum, qui hábitat in nobis.

Tu ergo, fili mi, confortáre in grátia, quæ est in Christo Iesu; et quæ audísti a me per multos testes, hæc comménda fidélibus homínibus, qui idónei erunt et álios docére.

Collabóra sicut bonus miles Christi Iesu.

Verbum Dómini.

## 7

*Opus fac evangelistæ, ministerium tuum imple.*

Léctio Epístolæ secúndæ beáti Pauli apóstoli  
ad Timótheum

4, 1-5

Caríssime:

Testíficor coram Deo et Christo Iesu, qui iudicáturus est vivos ac mórtuos, per advéntum ipsíus et Regnum eius; prádica verbum, insta oportúne, importúne, árgue, íncrepa, óbseca, in omni patiéntia et doctrína.

Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritáte quidem audítum avértent, ad fábulas autem converténtur.

Tu vero vígila in ómnibus, labóra, opus fac evangelistæ, ministérium tuum imple. — Verbum Dómini.

### Evangelium

## 1

**Alleluia et Versus ante Evangelium** Mt 5, 16

(*R.* Allelúia). *✠* Sic líceat lux vestra coram homínibus,  
ut vídeant ópera vestra bona  
et gloríficent Patrem vestrum.

(*R.* Allelúia).

*Vos estis lux mundi.*

*✠* Léctio sancti Evangélii secúndum Matthæum

5, 13-19

In illo témpore:

Dixit Iesus discípulis suis: « Vos estis sal terræ; quod si sal evanúerit, in quo saliétur? Ad níhilum va-

let ultra, nisi ut mittátur foras et conculcétur ab homínibus.

Vos estis lux mundi. Non potest civitas abscondi supra montem pósita. Neque accéndunt lucérnam et ponunt eam sub módio, sed super candelábrum, ut luceat ómnibus qui in domo sunt. Sic luceat lux vestra coram homínibus, ut vídeant vestra bona ópera et gloríficent Patrem vestrum, qui in cælis est.

Nolíte putáre quóniam veni sólvere Legem aut prophétas: non veni sólvere, sed adimplére. Amen quippe dico vobis: Donec tránseat cælum et terra, iota unum aut unus apex non præteríbit a Lege donec ómnia fiant. Qui ergo sólverit unum de mandátis istis mínimis et docúerit sic hómines, mínimus vocábitur in Regno cælórum; qui autem fécerit et docúerit, hic magnus vocábitur in Regno cælórum ».

Verbum Dómini.

1 a

**Alleluia et Versus ante Evang.**      **Io 6, 64 b et 69 b**  
**(R. Allelúia). V. Verba tua, Dómine, spíritus et vita;**  
**verba vitæ æternæ habes. (R. Allelúia).**

*Erat Iesus docens eos, sicut potestatem habens.*

✠ **Léctio sancti Evangéllii secúndum Matthæum**

**7, 21-29**

In illo témpore: Dixit Iesus Apóstolis suis:

« Non omnis qui dicit mihi: “ Dómine, Dómine ”, intrábit in Regnum cælórum; sed qui facit voluntátem Patris mei, qui in cælis est. Multi dicent mihi in illa die: “ Dómine, Dómine, nonne in tuo nómine prophe-távimus et in tuo nómine dæmónia eiécimus et in tuo

nómine virtútes multas fécimus? ” Et tunc confitébor illis: “ Numquam novi vos: discédite a me qui operámini iniquitátem ”.

Omnis ergo qui audit verba mea hæc et facit ea assimilábitur viro sapiénti, qui ædificávit domum suam supra petram; et descéndit plúvia et venérunt flúmina et flavérunt venti et irruérunt in domum illam, et non cécidit; fundáta enim erat super petram.

Et omnis qui audit verba mea hæc et non facit ea, símilis erit viro stulto, qui ædificávit domum suam supra arénam; et descéndit plúvia et venérunt flúmina et flavérunt venti et irruérunt in domum illam, et cécidit, et fuit ruína eius magna ».

Et factum est, cum consummáset Iesus verba hæc, admirábantur turbæ super doctrínam eius; erat enim docens eos, sicut potestátem habens, et non sicut scribæ eórum. — Verbum Dómini.

## 1 b

Alleluia et Versus ante Evangelium Cf. Act 16, 14 b

(R. Allelúia). ʒ. Aperi, Dómine, cor nostrum,  
ut intendámus verbis Fílii tui.

(R. Allelúia).

*Nova et vetera.*

✠ Lécio sancti Evangélii secúndum Matthæum

13, 47-52

In illo témpore: Dixit Iesus turbis:

« Símile est Regnum cælórum sagénæ missæ in mare, et ex omni genere congregánti. Quam, cum impléta esset, educéntes secus litus et sedéntes collegérunt bonos in vasa, malos autem foras misérunt. Sic erit in

consummatione sæculi: exhibunt angeli, et separabunt malos de medio iustorum, et mittent eos in caminum ignis: ibi erit fletus et stridor dentium.

Intellexistis hæc omnia? »

Dicunt ei: « Etiam ».

Ait autem illis: « Ideo omnis scriba doctus in Regno cælorum similis est homini patri familias, qui profert de thesauro suo nova et vetera ».

Verbum Domini.

## 2

**Alleluia et Versus ante Evang.**      **Mt 23, 9 a. 10 b**

(**℞. Alleluia**). **℣. Unus est Pater vester, qui in cælis est; et magister vester unus est, Christus.**

(**℞. Alleluia**).

*Nec vocemini magistri, quia magister vester unus est, Christus.*

**✠ Læctio sancti Evangelii secundum Matthæum**

**23, 8-12**

**In illo tempore:**

Dixit Iesus ad discipulos suos: « Vos nolite vocari Rabbi; unus enim est magister vester, omnes autem vos fratres estis.

Et patrem nolite vocare vobis super terram; unus enim est Pater vester, cælestis.

Nec vocemini magistri; quia magister vester unus est, Christus.

Qui maior est vestrum erit minister vester.

Qui autem se exaltaverit humiliabitur, et qui se humiliaverit exaltabitur ». — Verbum Domini.

## 3

Alleluia et Versus ante Evangelium

(R. Allelúia). γ. Semen est verbum Dei, sator autem  
Christus;  
omnis qui invenit eum,  
manébit in ætérnum. (R. Allelúia).

\* *Exiit seminans ad seminandum.*

✠ Lécio sancti Evangélii secúndum Marcum

4, 1-10. 13-20

In illo témpore:

Iterum cœpit Iesus docére ad mare; et congregá-  
tur ad eum turba plúrima, ita ut in navem ascéndens  
sedéret in mari, et omnis turba circa mare super ter-  
ram erant. Et docébat eos in parábolis multa, et dicé-  
bat illis in doctrína sua:

« Audíte: ecce éxiit séminans ad seminándum. Et  
factum est, dum séminat, áliud cécidit circa viam, et  
venérunt vólucres et comedérunt illud; áliud cécidit  
super petrósa, ubi non habébat terram multam, et sta-  
tim exórtum est, quóniam non habébat altitúdinem  
terræ; et, quando exórtus est sol, exæstuávit, et eo  
quod non habéret radícem, exáruit; et áliud cécidit in  
spinas, et ascendérunt spinæ et suffocavérunt illud, et  
fructum non dedit; et ália cecidérunt in terram bonam  
et dabant fructum: ascendébant et crescébant et affe-  
rébant unum trigínta et unum sexagínta et unum cen-  
tum ».

Et dicébat: « Qui habet aures audiéndi áudiat ».

Et, cum esset singuláris, interrogavérunt eum hi  
qui circa eum erant cum Duódecim parábolas.

Et ait illis: « Nescítis parábolam hanc, et quómodo

omnes parábolas cognoscétis? Qui séminat, verbum séminat.

Hi autem sunt qui circa viam, ubi seminátur verbum: et, cum audierint, conféstim venit Sátanas et auferit verbum quod seminátum est in eos.

Et hi sunt qui super petrósa seminántur: qui, cum audierint verbum, statim cum gáudio accípiunt illud et non habent radicem in se, sed temporáles sunt; deínde, orta tribulatióne vel persecutióne propter verbum, conféstim scandalizántur.

Et álíi sunt qui in spinis seminántur: hi sunt qui verbum audiérunt, et ærúmnæ sáculi et decéptio divitiárum et circa réliqua concupiscéntiæ introeúntes sufócant verbum, et sine fructu effícitur.

Et hi sunt, qui super terram bonam semináti sunt: qui áudiunt verbum et suscípiunt et fructificant unum trigínta et unum sexagínta et unum centum ».

Verbum Dómini.

### vel brevior

✠ Lécio sancti Evangélli secúndum Marcum 4, 1-9

In illo témpore:

Iterum cœpit Iesus docére ad mare; et congregátur ad eum turba plúrima, ita ut in navem ascéndens sedéret in mari, et omnis turba circa mare super terram erant. Et docébat eos in parábolis multa, et dicébat illis in doctrína sua:

« Audíte: ecce éxiit séminans ad seminándum. Et factum est, dum séminat, álíud cécidit circa viam, et venérunt vólucres et comedérunt illud; álíud cécidit super petrósa, ubi non habébat terram multam, et statim exórtum est, quóniam non habébat altitúdinem terræ; et, quando exórtus est sol, exæstuávit, et eo



quod non haberet radicem, exaruit; et aliud cecidit in spinas, et ascenderunt spinæ et suffocaverunt illud, et fructum non dedit; et alia ceciderunt in terram bonam et dabant fructum: ascendebant et crescebant et afferbant unum triginta et unum sexaginta et unum centum ». — Verbum Dómini.

---

## 3 a

Alleluia et Versus ante Evangelium Io 15, 5

(R. Allelúia). γ. Ego sum vitis, vos pálmites, dicit Dóminus;

qui manet in me et ego in eo,

hic fert fructum multum. (R. Allelúia).

*Ex abundantia cordis os loquitur.*

✠ Lécio sancti Evangélii secúndum Lucam 6, 43-45

In illo témpore: Dicébat Iesus discípuis suis:

« Non est arbor bona, fáciens fructum malum, neque íterum arbor mala fáciens fructum bonum. Unaquæque enim arbor de fructu suo cognóscitur. Neque enim de spinis cólligunt ficus, neque de rubo vindémiant uvam.

Bonus homo de bono thesáuro cordis profert bonum, et malus homo de malo profert malum; ex abundantia enim cordis os eius lóquitur ». .

Verbum Dómini.

## COMMUNE VIRGINUM

### 1

#### Ant. ad introitum

Hæc est virgo sápiens, et una de número prudéntum,  
quæ óbviã Christo cum lámpade accénsa éxiit.

#### Collecta

Exáudi nos, Deus, salutáris noster,  
ut, sicut de beátæ **N.** vírginis commemoratióne gaudémus,  
ita piæ devotiónis erudiámur afféctu.  
Per Dóminum.

Lectiones ut infra, pp. 961-969.

#### Super oblata

In beáta vírgine **N.** te, Dómine, mirábilem prædicántes,  
maiestátem tuam suppliciter exorámus,  
ut, sicut eius tibi grata sunt mérita,  
sic nostræ servitútis accépta reddántur officia.  
Per Christum.

#### Ant. ad communionem

Mt 25, 6

Ecce Sponsus venit: exíte óbviã Christo Dómino.

#### Post communionem

Divíni múnere participatióne refécti,  
quæsumus, Dómine Deus noster,  
ut, exémplo beátæ **N.**,  
mortificatióne Iesu in córpore nostro circumferéntes,  
tibi soli adhærere studeámus.  
Per Christum.

## 2

Ant. ad introitum

**Gaudeámus et exultémus,  
quia Dóminus ómnium  
diléxit vírginem sanctam atque gloriósam.**

Collecta

**Dómine Deus, qui beátam N. vírginem  
cæléstibus donis cumulásti,  
tribue, quæsumus, ut, eius virtútes æmulántes in terris,  
gáudiis cum ipsa perfruámur ætérnis.  
Per Dóminum.**

Vel, pro virgine fundatrice:

**Fac, Dómine Deus noster, ut beáta virgo N.,  
sponsa tibi fidélis,  
divínæ caritátis flammam éxcitet in córdibus nostris,  
quam, ad perénnem Ecclésiæ tuæ glóriam,  
áliis virgínibus insérui. Per Dóminum.**

Lectiones ut infra, pp. 961-969.

Super oblata

**Dicátæ, quæsumus, Dómine,  
capiámus oblatiónis efféctum,  
ut, beátæ N. exémplo,  
terrénæ vetustátis conversatióne mundáti,  
cæléstis vitæ proféctibus innovémur.  
Per Christum.**

Ant. ad communionem

Mt 25, 4. 6

**Quinque prudéntes vírgines accepérunt óleum  
in vasis suis cum lampádibus.**

**Média autem nocte clamor factus est:**

**Ecce Sponsus venit: exíte óbviám Christo Dómino.**

**Post communionem**

Córpore et Sánguine Unigéniti tui sacra percéptio,  
 Dómine, ab ómnibus nos cadúcis rebus avértat,  
 ut exémplo beátæ **N.** valeámus  
 tui et sincéra in terris caritáte proficere,  
 et perpétua in cælis visióne gaudére. Per Christum.

## 3

**Ant. ad introitum**

Veni, sponsa Christi, áccipe corónam,  
 quam tibi Dóminus præparávit in ætérnum.

**Collecta**

Deus, qui te in puris manére córdibus ásseris,  
 da nobis, beátæ **N.** vírginis intercessióne,  
 per grátiam tuam tales exsístere,  
 in quibus habitáre dignéris. Per Dóminum.

**Vel:**

Exáudi, quæsumus, Dómine, preces nostras,  
 ut, qui beátæ **N.** vírginis virtútem devóte recólimus,  
 in tui amóre permanére  
 et usque in finem semper créscere mereámur.  
 Per Dóminum.

*Lectiones ut infra, pp. 961-969.*

**Super oblata**

Súscipe, Dómine, obséquium humilitátis nostræ,  
 quod tibi in commemoratióne beátæ **N.** vírginis  
 exhibémus,  
 et nos, per immaculátam hóstiam,  
 da iúgiter in tuo conspéctu pio sanctóque amóre flagráre.  
 Per Christum.

Ant. ad communionem

Cf. Lc 10, 42

Optimam partem elégit sibi virgo prudens,  
quæ non auferétur ab ea.

Post communionem

Cælésti pane refécti,  
humíliter deprecámur cleméntiam tuam, Dómine,  
ut, qui de beátæ N. commemoratióne gaudémus,  
véniám delictórum, sospitatém córporum,  
gratiámque et glóriam ætérnam consequámur animárum.  
Per Christum.

4

Ant. ad introitum

Ps 148, 12-14

Vírignes laudent nomen Dómini,  
quia exaltátum est nomen eius solíus;  
conféssio eius super cælum et terram.

Collecta

Múltiplica super nos,  
quæsumus, Dómine, misericórdiam tuam,  
ut, sicut in beatárum vírginum N. et N. festivitáte  
pia devotióne lætámur,  
in eárum perpétua societáte, te largiénte, fruámur.  
Per Dóminum.

Lectiones ut infra, pp. 961-969.

Super oblata

In sanctárum vírginum N. et N. commemoratióne  
te, Dómine, mirábilem prædicántes,  
múnera votíva deférimus;  
præsta, quæsumus, ut, sicut eárum tibi grata sunt mérita,  
sic nostræ servitútis accépta reddántur officia.  
Per Christum.

Ant. ad communionem

Mt 25, 10

Venit Sponsus,  
et vírgines, quæ parátæ erant,  
intravérunt cum eo ad núptias.

Vel:

Io 14, 21 et 23

Qui díligit me,  
díligétur a Patre meo,  
et ad eum veniémus,  
et mansiónem apud eum faciémus.

Post communionem

Sumpta mystéria, quæsumus, Dómine,  
in hac festivitáte beatárum vírginum N. et N.  
íncitent nos iúgiter et illústrent,  
ut digne advéntum Filii tui præstolémur,  
et ad supérnas eius núptias admittámur.  
Per Christum.

---

Lectio prima  
extra tempus paschale

1

*Fortis est ut mors dilectio.*

Léctio Cántici canticórum

8, 6-7

Pone me ut signáculum super cor tuum, ut signáculum super bráccium tuum, quia fortis est ut mors dílectio, dura sicut inférnus æmulátio, lámpades eius lámpades ignis atque flammárum.

Aquæ multæ non potuérunt exstinguere caritátem,  
nec flúmina óbruent illam. Si déderit homo omnem

substantiam domus suæ pro dilectione, quasi nihil despiciet eam. — Verbum Dómini.

**Psalmus responsorius**

Ps 148, 1-2. 11-13 a. 13 c-14 (R.: 12 a. 13 a)

R. Iúvenes et vírgines,  
laudáte nomen Dómini.

vel Allelúia.

- <sup>1</sup> Laudáte Dóminum de cælis,  
laudáte eum, in excélsis.
- <sup>2</sup> Laudáte eum, omnes ángeli eius,  
laudáte eum, omnes virtútes eius. R.
- <sup>11</sup> Reges terræ et omnes pópuli,  
príncipes et omnes iúdicēs terræ,
- <sup>12</sup> iúvenes et vírgines,  
senes cum iunióribus
- <sup>13</sup> laudent nomen Dómini. R.
- Conféssio eius super cælum et terram,  
<sup>14</sup> et exaltávit cornu pópuli sui.  
Hymnus ómnibus sanctis eius,  
filiis Israel, pópulo qui propínquus est ei. R.

2

*Sponsabo te mihi in sempiternum*

Léctio libri Osée prophétæ 2, 14 b. 15 b. 19-20

Hæc dicit Dóminus:

Ecce ego ducam eam in solitúdinem, et loquar ad cor eius; et canet ibi iuxta dies iuventútis suæ, et iuxta dies ascensionis suæ de terra Ægýpti.

Et sponsábo te mihi in sempiternum; et sponsábo te mihi in iustítia et iudício, et in misericórdia et in

miserationibus, et sponsabo te mihi in fide, et scies quia ego Dominus. — Verbum Domini.

**Psalmus responsorius**

Ps 44, 11-12. 14-15. 16-17 (R.: cf. Mt 25, 6)

R. Ecce Sponsus venit:  
exite obviam Christo Domino.

- 11 Audi, filia, et vide, et inclina aurem tuam,  
et obliviscere populum tuum et domum patris tui;  
12 et concupiscet rex speciem tuam.  
Quoniam ipse est dominus tuus, et adora eum. R.  
14 Gloriosa nimis filia regis intrinsecus,  
texturis aureis circumamicta.  
15 In vestibus variegatis adducetur regi;  
virgines post eam, proximae eius, afferuntur tibi. R.  
16 Afferuntur in laetitia et exultatione,  
adducuntur in domum regis.  
17 Pro patribus tuis erunt tibi filii;  
constitues eos principes super omnem terram. R.

**Lectio prima  
tempore paschali**

1

*Beati qui ad cenam nuptiarum Agni  
vocati sunt.*

Lectio libri Apocalypsis beati Ioannis apostoli

19, 1. 5-9 a

Ego Ioannes audivi quasi vocem magnam turbæ multæ in cælo dicentium: « Alleluia, salus et gloria et virtus Deo nostro ».



Et vox de throno exiit dicens: « Laudem dícite Deo nostro, omnes servi eius, et qui timétis eum, pusílli et magni ».

Et audívi quasi vocem turbæ magnæ, et sicut vocem aquárum multárum, et sicut vocem tonítruum magnórum, dicéntium:

« Allelúia, quóniam regnávít Dóminus Deus noster omnípotens. Gaudeámus et exultémus et demus glóriam ei, quia venérunt núptiæ Agni, et Uxor eius præparávit se. Et datum est illi ut coopériat se býssinum splendens mundum; býssinum enim iustificatiónes sunt sanctórum ».

Et dicit mihi: « Scribe: Beáti qui ad cenam nuptiárum Agni vocáti sunt ». — Verbum Dómini.

Psalmus responsorius

Ps 148, 1-2. 11-13 a. 13 c-14 (ꝛ.: cf. 12 a. 13 a)

ꝛ. Iúvenes et vírgines, laudáte nomen Dómini.

vel Allelúia.

- <sup>1</sup> Laudáte Dóminum de cælis,  
laudáte eum, in excélsis.
- <sup>2</sup> Laudáte eum, omnes ángeli eius,  
laudáte eum, omnes virtútes eius. ꝛ.
- <sup>11</sup> Reges terræ et omnes pópuli,  
príncipes et omnes iúdíces terræ,
- <sup>12</sup> iúvenes et vírgines,  
senes cum iunióribus
- <sup>13</sup> laudent nomen Dómini. ꝛ.

- Conféssio eius super cælum et terram,  
<sup>14</sup> et exaltávit cornu pópuli sui.  
Hymnus ómnibus sanctis eius,  
fíliis Israel, pópulo qui propínquus est ei. ꝛ.

## 2

*Vidi Ierusalem novam, paratam sicut sponsam  
ornatam viro suo.*

Léctio libri Apocalýpsis beáti Ioánnis apóstoli

21, 1-5 a

Ego Ioánnes vidi cælum novum et terram novam. Primum enim cælum et prima terra abiérunt, et mare iam non est. Et civitátem sanctam, Ierúsalem novam vidi descendéntem de cælo a Deo, parátam sicut sponsam ornátam viro suo.

Et audívi vocem magnam de throno dicéntem: « Ecce tabernáculum Dei cum homínibus, et habitábit cum eis; et ipsi pópuli eius erunt, et ipse Deus cum eis erit, eórum Deus; et abstérget omnem lácrimam ab óculis eórum, et mors ultra non erit neque luctus neque clamor neque dolor erit ultra, quia prima abiérunt ».

Et dixit qui sedébat super throno: « Ecce nova fácio ómnia ». — Verbum Dómini.

Psalmus responsorius, ut supra, p. 963.

Lectio secunda

## 1

*Virgo cogitat quæ Domini sunt.*

Léctio Epístolæ primæ beáti Pauli apóstoli  
ad Corínthios

7, 25-35

Fratres:

De virgínibus præcéptum Dómini non hábeo; consílium autem do, tamquam misericórdiam consecútus a Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómini sic esse.

Alligátus es uxóri? noli quærere solutiónem. Solútus es ab uxóre? noli quærere uxórem. Si autem acéperis uxórem, non peccásti; et si núpserit virgo, non peccávit. Tribulatiónem tamen carnis habébunt huiúsmodi; ego autem vobis parco.

Hoc itaque dico, fratres: Tempus breviátum est; réliquum est, ut et qui habent uxóres tamquam non habéntes sint, et qui flent tamquam non flentes, et qui gaudent tamquam non gaudéntes, et qui emunt tamquam non possidéntes, et qui utúntur hoc mundo tamquam non abuténtes; præterit enim figúra huius mundi.

Volo autem vos sine sollicitúdone esse.

Qui sine uxóre est, sollícitus est quæ Dómini sunt, quómodo pláceat Dómino. Qui autem cum uxóre est, sollícitus est quæ sunt mundi, quómodo pláceat uxóri, et divísus est.

Et múlier innúpta et virgo cógitat quæ Dómini sunt, ut sit sancta et córpore et spírítu; quæ autem nupta est cógitat quæ sunt mundi, quómodo pláceat viro.

Porro hoc ad utilitatém vestram dico, non ut láqueum vobis iníciam, sed ad honéstum et ad adhæréndum Dómino sine distractiÓne. — Verbum Dómini.

## 2

*Despondi vos uni viro, virginem castam  
exhibere Christo.*

Léctio Epístolæ secúndæ beáti Pauli apóstoli  
ad Corínthios

10, 17 — 11, 2

Fratres:

Qui gloriátur, in Dómino gloriétur. Non enim qui seípsum comméndat, ille probátus est; sed quem Dóminus comméndat.

Utinam sustinerétis módicum quid insipiéntiæ meæ, sed et supportáte me. Æmulor enim vos Dei æmulatione; despónði enim vos uni viro, vírginem castam exhibére Christo. — Verbum Dómini.

## Evangelium

## 1

Alleluia et Versus ante Evangelium

(R. Allelúia). γ. Veni, sponsa Christi, áccipe corónam, quam tibi Dóminus præparávit in ætérnum. (R. Allelúia).

*Propter Regnum cælorum.*

✠ Lécio sancti Evangélii secúndum Matthæum

19, 3-12

In illo témpore:

Accessérunt ad Iesum pharisæi tentántes eum, et dicéntes: « Licet hómīni dimíttēre uxórem suam, quacúmque ex causa? »

Qui respóndens ait: « Non legístis quia qui creávit ab inítio, " másculum et féminam fecit eos ", et dixit: " Propter hoc dimíttet homo patrem et matrem, et adhærébit uxóri suæ, et erunt duo in carne una " ?

Itaque iam non sunt duo, sed una caro.

Quod ergo Deus coniúnxit, homo non séparet ».

Dicunt illi: « Quid ergo Móyses mandávit dari libéllum repúdiū et dimíttēre? »

Ait illis: « Móyses ad durítiam cordis vestri permisit vobis dimíttēre uxóres vestras; ab inítio autem non sic fuit. Dico autem vobis, quia quicúmque dimiserit uxórem suam, nisi ob fornicatióem, et áliam dúxerit, moechátur ».

Dicunt ei discipuli eius: « Si ita est causa hóminis cum uxóre, non éxpedit núbere ».

Qui dixit eis: « Non omnes cápiunt verbum istud, sed quibus datum est. Sunt enim eunúchi qui de matris útero sic nati sunt, et sunt eunúchi qui facti sunt ab homínibus, et sunt eunúchi qui se ipsos castravérunt propter Regnum cælórum. Qui potest cápere cápiat ».

Verbum Dómini.

## 2

## Alleluia et Versus ante Evangelium

(*R.* Allelúia). *γ.* Hæc est virgo sápiens,  
quam Dóminus vigilántem invénit;  
veniénte Dómino, intrávit cum eo ad  
núptias. (*R.* Allelúia).

*Ecce Sponsus, exite obviam ei*

✠ Lécio sancti Evangélii secúndum Matthæum

25, 1-13

In illo témpore:

Dixit Iesus discipulis suis parábolam hanc: « Símile erit Regnum cælórum decem virgínibus, quæ accipiéntes lámpades suas exiérunt óbviám sponso. Quinque autem ex eis erant fátuæ et quinque prudéntes; fátuæ enim, accéptis lampádibus suis, non sumpsérunt óleum secum; prudéntes vero accepérunt óleum in vasis cum lampádibus suis. Moram autem faciénte sponso, dormitavérunt omnes et dormiérunt.

Média autem nocte, clamor factus est: “ Ecce sponsus, exite óbviám ei ”. Tunc surrexérunt omnes virgínes illæ, et ornavérunt lámpades suas.

Fátuæ autem sapiéntibus dixérunt: “ Date nobis de óleo vestro, quia lámpades nostræ exstinguúntur ”.

Respondérunt prudéntes dicéntes: “ Ne forte non suffíciat nobis et vobis, ite pótius ad vendéntes et émite vobis ”. Dum autem irent émere, venit sponsus, et quæ parátæ erant intravérunt cum eo ad núptias, et clausa est iánua.

Novíssime autem véniunt et réliquæ vírgines dicéntes: “ Dómine, Dómine, áperi nobis ”.

At ille respóndens ait: “ Amen dico vobis, nescio vos ”. Vigiláte itaque, quia nescitis diem neque horam ». — Verbum Dómini.

## 3

Alleluia et Versus ante Evangelium Io 14, 23

(*Ps.* Allelúia). *γ.* Si quis díligit me, sermónem meum servábit,  
et Pater meus díliget eum,  
et ad eum veniémus. (*Ps.* Allelúia).

*Martha excepit illum.*

*Maria optimam partem elegit.*

✠ Léctio sancti Evangélii secúndum Lucam 10, 38-42

In illo témpore:

Intrávit Iesus in quoddam castéllum; et múlter quædam, Martha nómine, excépit illum. Et huic erat soror nómine María, quæ étiam sedens secus pedes Dómini audiébat verbum illíus.

Martha autem satagébat circa frequens ministérium; quæ stetit et ait: « Dómine, non est tibi curæ, quod soror mea relíquit me solam ministráre? dic ergo illi ut me ádiuvet ».

Et respóndens dixit illi Dóminus: « Martha, Martha, sollícita es et turbáris erga plúrima. Porro unum est necessárium: María enim óptimam partem elégit, quæ non auferétur ab ea ». — Verbum Dómini.

## COMMUNE SANCTORUM ET SANCTARUM

Missæ quæ sequuntur, si pro determinato Sanctorum ordine inscribuntur, pro eius ordinis Sanctis adhibentur; quæ vero nulla inscriptione signantur, pro omnibus Sanctorum ordinibus adhiberi possunt.

### 1

Ant. ad introitum Ps 144, 10-11

**Confiteántur tibi, Dómine, ómnia ópera tua,  
et Sancti tui benedicant tibi:  
glóriam regni tui dicent, et poténtiam tuam loquéntur.**

Collecta

**Omnípotens ætérne Deus,  
qui per glorificatiónem Sanctórum  
novíssima dilectiόνis tuæ nobis arguménta largiris,  
concéde propítius,  
ut, ad Unigénitum tuum fidéliter imitándum,  
et ipsórum intercessióne commendémur,  
et incitémur exémplo.  
Per Dóminum.**

Lectioes ut infra, pp. 983-1046.

Super oblata

**Preces nostras, Dómine, quésumus, propitiátus admítte,  
et, ut digne tuis famulémur altáribus,  
Sanctórum tuórum nos intercessióne custódi.  
Per Christum.**

Ant. ad communionem Ps 67, 4

**Iusti epuléntur, et exsúltent in conspéctu Dei,  
et delecténtur in lætítia.**

**Vel:****Lc 12, 37**

Beáti servi illi, quos, cum vénerit Dóminus,  
invénerit vigilántes; amen dico vobis, quod præcinget se,  
et fáciat illos discumbere, et tránsiens ministrábit illis.

**Post communionem**

Omnípotens sempitérne Deus,  
Pater totíus consolatiónis et pacis,  
præsta familiæ tuæ in celebritáte Sanctórum  
ad laudem tui nóminis congregatæ,  
ut, per Unigéniti tui sumpta mystéria,  
pignus accípiat redemptiósni æternæ.  
Per Christum.

2

**Ant. ad introitum****Ps 63, 11**

Lætábitur iustus in Dómino, et sperábit in eo;  
et laudabúntur omnes recti corde.

**Collecta**

Deus, qui solus es sanctus, et sine quo nullus est bonus,  
intercessióne beáti **N.** iube nos tales fieri,  
qui non debeámus tua glória privári.  
Per Dóminum.

**Lectiones ut infra, pp. 983-1046.****Super oblata**

Præsta nobis, quæsumus, omnípotens Deus,  
ut nostræ humilitátis oblátio  
et pro tuórum tibi grata sit honóre Sanctórum,  
et nos córpore páriter et mente puríficet.  
Per Christum.



**Ant. ad communionem**

Io 12, 26

Qui mihi ministrat, me sequatur, dicit Dóminus:  
et ubi ego sum, illic et míster meus erit.

**Post communionem**

In natalíciis Sanctórum quæsumus, Dómine,  
ut, sacraménti múnere vegetáti,  
bonis, quibus per tuam grátiam nunc fovémur,  
perfruámur ætéris.  
Per Christum.

## 3

**Ant. ad introitum**

Ps 20, 2-3

In virtúte tua, Dómine, lætábitur iustus,  
et super salutáre tuum exsultábit veheménter;  
desidérium ánimæ eius tribuísti ei.

**Collecta**

Deus, qui infirmitáti nostræ, ad teréndam salutis viam,  
in Sanctis tuis exéplum et præsidium collocásti,  
concéde propítius, ut, qui beáti **N.** natalícia cólimus,  
per eius ad te exépla gradiámur.  
Per Dóminum.

*Lectiones ut infra, pp. 983-1046.*

**Super oblata**

Præsénti oblatióne, Dómine,  
in beáti **N.** commemoratióne deláta,  
fidélibus tuis, quæsumus, pacis et unitátis dona largíre.  
Per Christum.

**Ant. ad communionem**

Mt 16, 24

Qui vult veníre post me, ábneget semetípsum,  
et tollat crucem suam, et sequatur me, dicit Dóminus.

**Post communionem**

Sacraménta quæ súmpsimus, Dómine,  
 in commemoratióne beáti **N.**  
 mentes et corda nostra sanctíficent,  
 ut divínæ consórtes natúræ éffici mereámur.  
 Per Christum.

## 4

**Ant. ad introitum**

Mal 2, 6

Lex veritátis fuit in ore eius,  
 et iníquitas non est invénta in lábiis eius;  
 in pace et in æquitáte ambulávit mecum,  
 et multos avértit ab iniquitáte.

**Collecta**

Deus, qui nos cóspicis ex nostra infirmitáte deficere,  
 ad amórem tuum nos misericórditer  
 per Sanctórum tuórum exémpa restáura.  
 Per Dóminum.

Lectiones ut infra, pp. 983-1046.

**Super oblata**

Sacrificia, Dómine,  
 quæ in hac festivitáte sancti **N.** tuæ offérimus maiestáti,  
 nobis sint ad salútem efficácia, et tuæ plácita pietáti.  
 Per Christum.

**Ant. ad communionem**

Mt 5, 8-9

Beáti mundo corde, quóniam ipsi Deum vidébunt:  
 beáti pacífici, quóniam ffilii Dei vocabúntur:  
 beáti qui persecutiónem patiúntur propter iustítiam,  
 quóniam ipsórum est regnum cælórum.

Post communionem

**Sacro múnere satiáti, súpplīces te, Dómine, deprecámur,  
ut, quod débitæ servitútis celebrámus officio,  
salvatiónis tuæ sentiámus augméntum.  
Per Christum.**

## 5

Ant. ad introitum

Ps 91, 13-14

**Iustus ut palma florébit,  
sicut cedrus Líbani multiplicábitur;  
plantátus in domo Dómini, in átriis domus Dei nostri.**

Collecta

**Impetret, quæsumus, Dómine, fidélibus tuis auxílium  
orátio iusta Sanctórum,  
et, in quorum sunt celebritáte devóti,  
fiant in eórum perpétua sorte partícipes.  
Per Dóminum.**

Lectiones ut infra, pp. 983-1046.

Super oblata

**Hóstias ad altáre tuum offeréntibus, Dómine,  
da nobis illum pietátis afféctum, quem beáto N. infudísti,  
ut pura mente ac férvido corde rei sacræ attendámus,  
et sacrificium tibi plácitum  
nobisque profícuum celebrémus.  
Per Christum.**

Ant. ad communionem

Mt 11, 28

**Veníte ad me, omnes qui laborátis et oneráti estis,  
et ego reficiam vos, dicit Dóminus.**

**Post communionem**

Sacramentórum tuórum, Dómine,  
commúnio sumpta nos salvet,  
et in tuæ veritátis luce confirmet.  
Per Christum.

## 6

**Ant. ad introitum**

Ier 17, 7-8

Benedíctus vir, qui confídít in Dómino,  
et erit Dóminus fidúcia eius;  
et erit quasi lignum, quod transplantátur super aquas,  
quod ad humórem mittit radíces suas;  
et non timébit cum vénerit æstus.

**Collecta**

Concéde, quæsumus, omnipotens Deus,  
ut ad meliorem vitam  
Sanctórum tuórum exémpla nos próvocent,  
quátenus beáti N., cuius memóriam celebrámus,  
étiam actus incessánte imitémur.  
Per Dóminum.

Lectiones ut infra, pp. 983-1046.

**Super oblata**

Múnera nostra, Dómine, sacris altáribus offeréntes,  
in hac festivitáte Sanctórum tuórum,  
quæsumus cleméntiam tuam,  
ut éadem et suprémam tibi glóriam operéntur,  
et ubérrimam nobis grátiam assequántur.  
Per Christum.

**Ant. ad communionem**

Io 15, 9

Sicut diléxit me Pater, et ego diléxi vos, dicit Dóminus;  
manéte in dilectióne mea.

Post communionem

**Quæsumus, Dómine Deus noster,  
ut divína mystéria,  
quæ in tuórum commemoratióne Sanctórum  
frequentámus,  
salútem et pacem in nobis operéntur ætérnam.  
Per Christum.**

### 7. Pro religiosís

Ant. ad introitum

Ps 15, 5-6

**Dóminus pars hereditátis meæ et cálicis mei;  
tu es qui restítues hereditátem meam mihi.  
Funes cecidérunt mihi in præcláris;  
étenim heréditas mea præclára est mihi.**

Collecta

**Deus, cuius múnere beátus N.  
Christum páuperem et húmilem perseverávit imitári,  
concéde nobis, ipso intercedénte,  
ut, in vocatióne nostra fidéliter ambulátes,  
ad eam perfectiόνem,  
quam nobis in Fílio tuo proposuísti,  
perveníre valeámus.  
Per Dóminum.**

Vel, pro abbate:

**Da nobis, quæsumus, Dómine,  
inter mundi huius varietátes  
toto corde rebus cæléstibus adhærere,  
qui per beátum N. abbátem  
evangélicæ nobis perfectiόνis documénta donásti.  
Per Dóminum.**

Lectioes ut infra, pp. 983-1046.

**Super oblata**

Clementíssime Deus, qui, vétere hómine consúmpto, novum secúndum te in beáto **N.** creáre dignátus es, concéde propítius, ut nos páriter renováti hanc placatiónis hóstiám tibi acceptábilem offerámus. Per Christum.

**Ant. ad communionem****Cf. Mt 19, 27-29**

Amen dico vobis quod vos qui reliquistis ómnia, et secúti estis me, céntuplum accipiétis, et vitam ætérrnam possidébítis.

**Post communionem**

Quáesumus, omnípotens Deus, ut, qui huius sacraménti munímur virtúte, exémplo beáti **N.** discámus te super ómnia semper inquírrere, et novi hóminis formam in hoc sáeculo portáre. Per Christum.

**8. Pro religiosis****Ant. ad introitum****Cf. Ps 23, 5-6**

Isti sunt sancti, qui accepérunt benedictiónem a Dómino et misericórdiam a Deo salutári suo, quia hæc est generátio quæréntium Dóminum.

**Collecta**

Deus, qui beátum **N.** ad tuum regnum in hoc sáeculo perquiréndum per caritátis perféctæ prosecutióne vocásti, concéde, ut, eiús intercessióne roboráti, in dilectiósni via spírítu gaudéntes progrediámur. Per Dóminum.

Lectiones ut infra, pp. 983-1046.

Super oblata

**Accépta tibi sint, quésumus, Dómine,  
múnera nostræ servitútis  
pro beáti N. commemoratióne altári tuo propósita,  
et concéde, ut, a terrénis impediméntis absolúti,  
te solo dívites efficiámur. Per Christum.**

Ant. ad communionem

Ps 33, 9

**Gustáte et vidéte quóniam suávis est Dóminus:  
beátus vir, qui sperat in eo.**

Post communionem

**Per huius virtútem sacraménti, quésumus, Dómine,  
beáti N. exémplo, deduc nos iúgiter in tua dilectiône,  
et opus bonum quod cœpísti in nobis  
pérface usque in diem Christi Iesu. Qui vivit.**

### **9. Pro his qui opera misericordiæ exercuerunt**

Ant. ad introitum

Mt 25, 34. 36. 40

**Veníte, benedícti Patris mei, dicit Dóminus:  
infrmus eram, et visitástis me.  
Amen dico vobis,  
quámdiu fecístis uni ex his frátribus meis mínimis,  
mihi fecístis.**

Collecta

**Deus, qui Ecclésiám tuam  
in dilectiône tuæ divinitátis et próximi  
cuncta serváre cæléstia mandáta docuísti,  
da nobis, ut, beáti N. exémplo caritátis ópera exercéntes,  
inter benedíctos regni tui connumerári mereámur.  
Per Dóminum.**

Lectiones ut infra, pp. 983-1046.

Super oblata

**Súscipe, Dómine, múnera pópuli tui, et præsta,  
ut, qui Filii tui imménsæ caritátis opus recólimus,  
in tui et próximi dilectióne,  
Sanctórum tuórum exémplo, confirmémur.  
Per Christum.**

Ant. ad communionem Io 15, 13

**Maiórem hac dilectiónem nemo habet,  
ut ánimam suam ponat quis pro amícis suis.**

Vel: Io 13, 35

**In hoc cognóscant omnes  
quia discípuli mei estis,  
si dilectiónem habuéritis ad invicem,  
dicit Dóminus.**

Post communionem

**Sacris mystériis reféctos,  
da nos, quæsumus, Dómine,  
beáti N. exémplo sectári,  
qui te indeféssa pietáte cóluit,  
et pópulo tuo imménsa prófuit caritáte.  
Per Christum.**

Vel:

**Sacraménti salutáris, Dómine, pasti delíciis,  
tuam súpplices deprecámur pietátem,  
ut, sancti N. caritátis imitatóres effécti,  
consórtes simus et glóriæ.  
Per Christum.**



## 10. Pro educatoribus

Ant. ad introitum

Mc 10, 14

Sínite párvulos veníre ad me, et ne prohibuérítis eos:  
tálium est enim regnum Dei, dicit Dóminus.

Vel:

Mt 5, 19

Qui fécerit et docúerit,  
hic magnus vocábitur in regno cælórum, dicit Dóminus.

Collecta

Deus, qui in Ecclésia tua beátum **N.** suscitásti,  
ut próximis viam salútis monstráret,  
da nobis, eius exémplo, Christum magístrum ita sequi,  
ut ad te cum frátribus nostris perveníre valeámus.  
Per Dóminum.

Lectiones ut infra, pp. 983-1046.

Super oblata

Accépta tibi sit, quésumus, Dómine,  
sacrátæ plebis oblátio  
pro tuórum commemoratióne Sanctórum,  
et præsta, ut, ex huius participatióne mystérii,  
exémpa tuæ caritátis referámus.  
Per Christum.

Ant. ad communionem

Mt 18, 3

Nisi conversi fuéritis et efficiámini sicut párvuli,  
non intrábitis in regnum cælórum, dicit Dóminus.

Vel:

Io 8, 12

Qui séquitur me, non ámbulat in ténebris,  
sed habébit lumen vitæ, dicit Dóminus.

Post communionem

**Tribuat nobis, omnipotens Deus,  
refectio sancta subsidium,  
ut, exemplo Sanctorum tuorum,  
et fraternitatis caritatem et lumen veritatis  
in corde exhibeamus et opere. Per Christum.**

### 11. Pro sanctis mulieribus

Ant. ad introitum

Cf. Prov 31, 30. 28

**Mulier timens Dominum ipsa laudabitur.  
Filii eius beatissimam predicaverunt,  
vir eius laudavit eam.**

Collecta

**Deus, qui nos annua beatae N. festivitate laetificas,  
da, quaesumus, ut, quam veneramur officio,  
etiam pie conversationis sequamur exemplo.  
Per Dominum.**

Vel (pro pluribus):

**Concede, quaesumus, omnipotens Deus,  
ut veneranda nobis beatarum N. et N. intercessio  
tribuat caeleste subsidium,  
quarum vita mirabilis  
omnibus salutare praestat exemplum. Per Dominum.**

Lectiones ut infra, pp. 983-1046.

Super oblata

**Hostas tibi, Domine,  
pro sanctae N. commemoratione deferimus,  
suppliciter deprecantes,  
ut indulgentiam nobis pariter conferant et salutem.  
Per Christum.**

**Ant. ad communionem****Mt 13, 45-46**

Símile est regnum cælórum hómini negotiátóri,  
 quærénti bonas margarítas;  
 invénta autem una pretiósá margaríta,  
 dedit ómnia sua, et comparávit eam.

**Post communionem**

Divíni operátio sacraménti, omnípotens Deus,  
 in hac festivitáte beátæ **N.**  
 illúminet nos páriter et inflámmet,  
 ut et sanctis iúgiter desidériis ferveámus,  
 et bonis opéribus abundémus. Per Christum.

**12. Pro sanctis mulieribus****Ant. ad introitum****Cf. Prov 14, 1-2**

Ecce múlier sápiens, quæ ædificávit domum suam,  
 et timens Dóminum ambulávit recto itínere.

**Collecta**

Deus, humílium celsitúdo,  
 qui beátam **N.** caritátis et paciéntiæ decóre  
 excéllere disposuísti,  
 eius méritis et intercessióne concéde,  
 ut, crucem nostram iúgiter feréntes,  
 te semper dilígere valeámus. Per Dóminum.

**Vel:**

Effúnde super nos, Dómine,  
 spíritum agnitiónis et dilectiónis tuæ,  
 quo ancíllam tuam **N.** implevísti,  
 ut, sédula eius imitatioéne tibi sincére obsequéntes,  
 fide et ópere placeámus. Per Dóminum.

**Lectiones ut infra, pp. 983-1046.**

**Super oblata**

Hóstias, Dómine, tuæ plebis inténde,  
et, quas in honóre Sanctórum tuórum  
devóta mente célebrat,  
proficere sibi séntiat ad salútem. Per Christum.

**Ant. ad communionem****Mt 12, 50**

Quicúmque fécerit voluntátem Patris mei, qui in cælis est,  
ipse meus frater et soror et mater est, dicit Dóminus.

**Post communionem**

Repléti sumus, Dómine, munéribus tuis,  
quæ in celebritáte beátæ **N.** percépimus;  
tribue, quæsumus, ut eórum et mundémur efféctu,  
et muniámur auxílio. Per Christum.

**Lectio prima extra tempus paschale**

1

*Egredere de terra tua  
et de cognatione tua, et veni.*

**Léctio libri Génesis****12, 1-4 a**

In diébus illis:

Dixit Dóminus ad Abram: « Egrédere de terra tua  
et de cognatióne tua et de domo patris tui; et veni  
in terram quam monstrábo tibi. Faciámque te in gentem  
magnam, et benedicám tibi, et magnificábo nomen tuum,  
erisque benedíctus.

Benedicám benedicéntibus tibi et maledicám male-  
dicéntibus tibi, atque in te benedicéntur univérsæ co-  
gnatiónes terræ ».

Egréssus est itaque Abram, sicut præcéperat ei  
Dóminus. — Verbum Dómini.

## Psalmus responsorius

Ps 15, 1-2 a et 5. 7-8. 11 (R.: 5 a)

R. Tu es, Dómine, pars hereditátis meæ.

- 1 Conserva me, Deus, quóniam sperávi in te.  
 2 Dixi Dómino: « Dóminus meus es tu.  
 3 Dóminus pars hereditátis meæ et cálicis mei:  
 tu es qui détines sortem meam ». R.  
 7 Benedícam Dóminum  
 qui tríbuit mihi intelléctum;  
 însuper et in nóctibus erudiérunt me renes mei.  
 8 Proponébam Dóminum in conspéctu meo semper,  
 quóniam a dextris est mihi, non commovébor. R.  
 11 Notas mihi fácies vias vitæ,  
 plenitúdinem lætítiæ cum vultu tuo,  
 delectatiónes in déxtera tua usque in finem. R.

## 2

*Diliges amicum tuum sicut teipsum.*

## Léctio libri Levítici

19, 1-2. 17-18

In diébus illis:

Locútus est Dóminus ad Móysen dicens: « Lóquere ad omnem cœtum filiórum Israel, et dices ad eos: Sancti estóte, quia ego sanctus sum, Dóminus Deus vester.

Non óderis fratrem tuum in corde tuo, sed públice árgue eum, ne hábeas super illo peccátum. Non quæras uliónem nec memor eris iniúriæ civium tuórum. Dlíiges amicum tuum sicut teipsum. Ego Dóminus. Leges meas custodíte ». — Verbum Dómini.

Psalmus resp. Ps 14, 2-3 ab. 3 cd-4 ab. 5 (R.: 1 b)

R. Iustus requiescet in monte sancto tuo, Dómine.

Qui ingreditur sine mácula, et operatur iustitiam;  
qui loquitur veritatem in corde suo,  
qui non egit dolum in lingua sua. R.

Nec fecit próximo suo malum,  
et opprobrium non intulit próximo suo.  
Ad nihilum reputatus est in conspectu eius malignus,  
timentes autem Dóminum glorificat. R.

Qui pecuniam suam non dedit ad usuram,  
et múnera super innocentem non accepit.  
Qui facit hæc, non movébitur in ætérnum. R.

## 3

*Diliges Dominum Deum tuum ex toto corde tuo.*

Lectio libri Deuteronomii

6, 3-9

In diébus illis:

Locutus est Móyses pópulo dicens: « Audi, Israel, et obsérva, ut fácias quæ præcépít tibi Dóminus, et bene sit tibi, et multiplicéris ámplius, sicut pollicitus est Dóminus Deus patrum tuórum tibi terram lacte et melle manántem.

Audi, Israel: Dóminus Deus noster Dóminus unus est. Diliges Dóminum Deum tuum ex toto corde tuo et ex tota ánima tua et ex tota fortitúdine tua.

Erúntque verba hæc, quæ ego præcípio tibi hódie, in corde tuo, et narrábis ea filiis tuis, et meditáberis in eis sedens in domo tua et ámbulans in itinere, dórmíens atque consúrgens, et ligábis ea quasi signum in manu tua, erúntque et movebúntur inter óculos tuos, scribebique ea in límine et óstiis domus tuæ ».

Verbum Dómini.

## Psalmus responsorius

Ps 111, 1-2. 3-4. 5-7 a. 7 b-8. 9 (R.: 1 a)

R. **Beátus vir qui timet Dóminum.**vel **Alleluía.**

- 1 **Beátus vir qui timet Dóminum,**  
in mandátis eius cupit nimis.
- 2 **Potens in terra erit semen eius,**  
generátio rectórum benedicétur. R.
- 3 **Glória et divitiæ in domo eius,**  
et iustítia eius manet in sáculum sáculi.
- 4 **Exórtum est in ténebris lumen rectis,**  
miséricors et miserátor et iustus. R.
- 5 **Iucúndus homo qui miserétur et cómmodat,**  
dispónet res suas in iudício,
- 6 **quia in ætérnum non commovébitur.**  
In memória ætérna erit iustus,
- 7 **ab auditióne mala non timébit. R.**  
Parátum cor eius, sperans in Dómino,
- 8 **confirmátum est cor eius, non timébit,**  
donec despíciat inimícos suos. R.
- 9 **Distribuit, dedit paupéribus;**  
iustítia eius manet in sáculum sáculi,  
cornu eius exaltábitur in glória. R.

## 4

## Pro religiosis

*Dominus possessio eius est.*

Léctio libri Deuteronomii

10, 8-9

In diébus illis:

Locútus est Móyses pópulo dicens: « Separávit Dóminus tribum Levi, ut portáret arcam féederis Dómini,

et staret coram eo in ministério, ac benedíceret in nómine illíus usque in præsentem diem. Quam ob rem non hábuit Levi partem neque possessionem cum fratribus suis, quia ipse Dóminus possessio eius est, sicut promísit ei Dóminus Deus tuus ». — Verbum Dómini.

### Psalmus responsorius

Ps 15, 1-2 a et 5. 7-8. 11 (R.: 5 a)

R. Tu es, Dómine, pars hereditátis meæ.

Consérva me, Deus, quóniam sperávi in te.

Dixi Dómino: « Dóminus meus es tu.

Dóminus pars hereditátis meæ et cálicis mei:

tu es qui détines sortem meam ». R.

Benedícam Dóminum qui tríbuit mihi intelléctum;

ínsuper et in nóctibus erudiérunt me renes mei.

Proponébam Dóminum in conspéctu meo semper,

quóniam a dextris est mihi, non commovébor. R.

Notas mihi fácies vias vitæ,

plenitúdinem lætítiæ cum vultu tuo,

delectatiónes in dextera tua usque in finem. R.

## 5

### Pro religiosís

*Sta in monte coram Domino.*

Léctio libri primi Regum

19, 4-9 a. 11-15 a

In diébus illis:

Perréxit Elías in desértum viam uníus diéi. Cumque venísset et sedéret subter unam iuníperum, petívit ánimæ suæ ut morerétur et ait: « Súfficit mihi, Dómine: tolle ánimam meam, neque enim mélior sum quam patres mei ». Proiecítkue se et obdormívit in umbra iuníperi.



Et ecce ángelus Dómini tétigit eum, et dixit illi: « Surge et cómede ». Respéxit, et ecce ad caput suum subcinerícius panis et vas aquæ; comédit ergo et bibit et rursus obdormívit.

Reversúsque est ángelus Dómini secúndo, et tétigit eum dixítque illi: « Surge, cómede, grandis enim tibi restat via ». Qui, cum surrexísset, comédit et bibit et ambulávit in fortitúdine cibi illíus quadragínta diébus et quadragínta nóctibus usque ad montem Dei Horeb. Cumque venísset illuc mansit in spelúnca.

Et ait Dóminus ei: « Egrédere, et sta in monte coram Dómino ». Et ecce Dóminus transit. Et spíritus grandis et fortis subvértens montes et cónterens petras ante Dóminum; non in spíritu Dóminus. Et post spíritum commótió; non in commotióne Dóminus. Et post commotióne ignis; non in igne Dóminus. Et post ignem síbilis auræ ténuis.

Quod cum audísset Elías, opéruit vultum suum pállio et egréssus stetit in óstio spelúncæ; et ecce vox ad eum dicens: « Quid hic agis, Elía? »

Et ille respóndit: « Zelo zelátus sum pro Dómino Deo exercítuum, quia dereliquérunt pactum tuum filii Israel, altária tua destruxérunt, prophétas tuos occidérunt gládio: derelíctus sum ego solus, et quærent ánimam meam ut áuferant eam ».

Et ait Dóminus ad eum: « Vade, et revértere in viam tuam per désertum in Damáscum ». — Verbum Dómini.

### Psalmus responsorius

Ps 14, 2-3 ab. 3 cd-4 ab. 5 (ñ.: 1 b)

℞. Iustus requiescet in monte sancto tuo, Dómine.

- <sup>2</sup> Qui ingréditur sine mácula, et operátur iustítiam;  
<sup>3</sup> qui lóquitur veritátem in corde suo,  
 qui non egit dolum in lingua sua. ℞.

Nec fecit próximo suo malum,  
 et opprobrium non intulit próximo suo.  
 Ad nihilum reputatus est  
 in conspectu eius malignus,  
 timéntes autem Dóminum glorificat. ꝛ.

Qui pecúniam suam non dedit ad usúram,  
 et múnera super innocentem non accépit.  
 Qui facit hæc, non movébitur in ætérnum. ꝛ.

## 6

Pro religiosis

*Consurgens Eliseus abiit et secutus est Eliam.*

Léctio libri primi Regum

19, 16 b. 19-21

In diébus illis:

Dixit Dóminus ad Eliam: « Eliséum, fílium Saphat, qui est de Abelméhula, unges prophétam pro te ».

Proféctus inde Eliás répperit Eliséum, fílium Saphat, arántem in duódecim iugis boum; et ipse in duódecim iugis boum arántibus unus erat; cumque venísset Eliás ad eum, misit pállium suum super illum.

Qui statim, relíctis bobus, cucúrrit post Eliam et ait: « Osculer, oro, patrem meum et matrem meam, et sic sequar te ».

Dixítque ei: « Vade et revértere, quod enim meum erat feci tibi ».

Revérsus autem ab eo tulit par boum et mactávit illud, et in arátro boum coxit carnes et dedit pópulo, et comedérunt; consurgénsque ábiit et secútus est Eliam et ministrábat ei. — Verbum Dómini.

Psalmus responsorius

Ps 15, 1-2 a et 5. 7-8. 11 (R.: 5 a)

R. Tu es, Dómine, pars hereditátis meæ.

- 1 **Consérva me, Deus, quóniam sperávi in te.**
- 2 **Dixi Dómino: « Dóminus meus es tu.**
- 5 **Dóminus pars hereditátis meæ et cálicis mei: tu es qui détines sortem meam ».** R.
- 7 **Benedícam Dóminum qui tríbuit mihi intelléctum; insuper et in nóctibus erudiérunt me renes mei.**
- 8 **Proponébam Dóminum in conspéctu meo semper, quóniam a dextris est mihi, non commovébor.** R.
- 11 **Notas mihi fácies vias vitæ, plenitúdinem lætítiæ cum vultu tuo, delectatiónes in délixtera tua usque in finem.** R.

7

*Consenescamus ambo pariter sani.*

Léctio libri Tobíæ

8, 5-10

Sero nuptiárum, Tobías dixit Saræ: « Fílii sanctorum sumus, et non póssumus ita coniúngi sicut gentes quæ ignórant Deum ». Surgéntes autem páriter, instánter orábant ambo simul, ut sánitas darétur eis.

Dixítque Tobías: « Dómine Deus patrum nostrórum, benedícant te cæli et terræ maréque et fontes et flúmina et omnes creatúre tuæ, quæ in eis sunt. Tu fecisti Adam de limo terræ dedístique ei adiutórium Evam.

Et nunc, Dómine, tu scis quia non luxúriæ causa accípio sorórem meam cóniugem, sed sola posteritátis dilectiône, in qua benedícatúr nomen tuum in sæcula sæculórum ».

Dixit quoque Sara: « Miserere nobis, Dómine, miserere nobis, et consenescámus ambo páriter sani ».

Verbum Dómini.

Psalmus responsorius Ps 127, 1-2. 3. 4-5 (R.: 1 a)

R. Beátus omnis qui timet Dóminum.

Beátus omnis qui timet Dóminum,  
qui ámbulat in viis eius.

Labóres mánuum tuárum manducábis,  
beátus es, et bene tibi erit. R.

Uxor tua sicut vitis fructífera  
in latéribus domus tuæ;  
fílii tui sicut novéllæ olivárum  
in circúitu mensæ tuæ. R.

Ecce sic benedicétur homo,  
qui timet Dóminum.

Benedícat tibi Dóminus ex Sion,  
et vídeas bona Ierúsalem  
ómniibus diébus vitæ tuæ. R.

## 8

Pro iis qui opera misericordiæ exercuerunt

*Bona est oratio cum ieiunio et eleemosyna.*

Léctio libri Tobíæ

12, 6-13

In diébus illis:

Dixit Angelus Tobíæ et filio eius: « Benedícite Deum cæli, et coram ómniibus vivéntibus confitémini ei, quia fecit vobíscum misericórdiam suam. Etenim sacraméntum regis abscondere bonum est, ópera autem Dei reveláre et confitéri honoríficum est.

Bona est oratio cum ieiunio, et eleemósyna magis quam thesáuros auri recóndere; quóniam eleemósyna a morte liberat, et ipsa est quæ purgat peccáta, et facit inveníre misericórdiam et vitam ætérnam; qui autem fáciunt peccátum et iniquitátem hostes sunt ánimæ suæ.

Manifésto ergo vobis veritátem, et non abscondam a vobis occúltum sermónem. Quando orábas cum lácrimis et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego óbtuli oratióem tuam Dómino.

Et quia accéptus eras Deo, necesse fuit ut tentatio probáret te ». — Verbum Dómini.

### Psalmus responsorius

Ps 102, 1-2. 3-4. 8-9. 13-14. 17-18 a (R.: 1 a)

R. Bénedic, ánima mea, Dómino.

- 1 Bénedic, ánima mea, Dómino;  
et ómnia quæ intra me sunt, nómini sancto eius.
- 2 Bénedic, ánima mea, Dómino,  
et noli oblivísci omnes retributiónes eius. R.
- 3 Qui propitiátur ómnibus iniquitatibus tuis,  
qui sanat omnes infirmitátes tuas;
- 4 qui rédimít de intéritu vitam tuam,  
qui coronat te in misericórdia et miseratióibus. R.
- 5 Miserátor et miséricors Dóminus,  
longánimis et multæ misericórdiæ.
- 9 Non in perpétuum conténdet,  
neque in ætérnum irascétur. R.
- 13 Quómodo miserétur pater filiórum,  
misértus est Dóminus tíméntibus se.
- 14 Quóniam ipse cognóvit figméntum nostrum,  
recordátus est quóniam pulvis sumus. R.

Misericórdia autem Dómini ab ætérno  
et usque in ætérnum super timéntes eum,  
et iustítia illíus in filios filiórum;  
in eos qui servant testaméntum eius. R̄.

## 9

Pro viduis

*Timebat Dominum valde.*

Léctio libri Iudith

8, 2-8

Vir Iudith fuit Manáesses, qui mórtuus est in diébus messis hordeácea; instábat enim super alligántes manípulos in campo, et venit æstus super caput eius, et mórtuus est in Bethúlia civitáte sua, et sepúltus est illic cum pátribus suis.

Erat autem Iudith relicta eius vídua iam annis tribus et ménsibus sex. Et in superiórius domus suæ fecit sibi secrétum cubículum, in quo cum puéllis suis clausa morabátur.

Et habens super lumbos suos cilícium, ieiunábat ómnibus diébus vitæ suæ, præter sábbata et neoméncias et festa domus Israel. Erat autem elegánti aspéctu nimis; cui vir suus reliquerat divítias multas et familiam copiósam, ac possessiónes arméntis boum et grégibus óvium plenas.

Et erat hæc in ómnibus famosíssima, quóniam timébat Dóminum valde, nec erat qui loquerétur de illa verbum malum. — Verbum Dómini.

Psalmus responsorius

Ps 130, 1. 2. 3

R̄. Custódi ánimam meam in pæce apud te, Dómine.

Dómine, non est exaltátum cor meum,  
neque eláti sunt óculi mei;  
neque ambulávi in magnis;  
neque in mirabílibus super me. R̄.

- <sup>2</sup> Vere pacátam et quiétam  
feci ánimam meam;  
sicut ablactátus in sinu matris suæ,  
sicut ablactátus, ita in me est ánima mea. R̄.
- <sup>3</sup> Speret Israel in Dómino,  
ex hoc nunc et usque in sáeculum. R̄.

## 10

*Timui ne honorem Dei mei transferrem  
ad hominem.*

Léctio libri Esther

13, 8-14. 17

In diébus illis:

Mardocháeus deprecátus est Dóminum, memor ómnium óperum eius, et dixit: « Dómine, Dómine rex omnípotens, in dicióné enim tua cuncta sunt pósita, et non est qui possit tuæ resistere voluntáti, si decreveris salváre Israel.

Tu fecísti cælum et terram, et quidquid cæli ámbitu continétur. Dóminus ómnium es, nec est qui resistat maiestáti tuæ.

Cuncta nosti, et scis quia non pro supérbia et contumélia et áliqua glóriæ cupiditáte fécerim hoc, ut non adorárem Aman superbíssimum (libénter enim pro salute Israel étiam vestígia pedum eius deosculári parátus essem); sed tímui ne honórem Dei mei transférrem ad hómínem, et ne quemquam adorárem, excépto Deo meo.

Exáudi deprecatiónem meam, et propítius esto sorti et funículo tuo; et convérte luctum nostrum in gáudium, ut vivéntes laudémus nomen tuum, Dómine, et ne claudas ora te canéntium ». — Verbum Dómini.

## Psalmus responsorius

Ps 33, 2-3. 4-5. 6-7. 8-9. 10-11 (R.: 2 a)

- R. Benedicam Dóminum in omni témpore.
- 2 Benedicam Dóminum in omni témpore,  
semper laus eius in ore meo.
- 3 In Dómino gloriábitur ánima mea,  
áudiant mansuéti et læténtur. R.
- 4 Magnificáte Dóminum mecum,  
et exaltémus nomen eius in idípsum.
- 5 Exquisívi Dóminum, et exaudívit me,  
et ex ómnibus terróribus meis erípuit me. R.
- 6 Respícite ad eum, et illuminámini,  
et fácies vestræ non confundéntur.
- 7 Iste pauper clamávit, et Dóminus exaudívit eum,  
et de ómnibus tribulatió nibus eius salvávit eum. R.
- 8 Vallábit ángelus Dómini in circúitu timéntes eum,  
et erípiet eos.
- 9 Gustáte et vidéte quóniam suávis est Dóminus;  
beátus vir qui sperat in eo. R.
- 10 Timéte Dóminum, sancti eius,  
quóniam non est inópia timéntibus eum.
- 11 Dívites eguérunt et esuriérunt,  
inquiréntes autem Dóminum  
non deficiunt omni bono. R.

## 11

*Mulier timens Dominum ipsa laudabitur.*

Lectio libri Proverbiórum 31, 10-13. 19-20. 30-31

Mulierem fortem quis invéniet? Procul et de últimis fínibus prétium eius.

Confidit in ea cor viri sui, et spóliis non indigébit;  
reddet ei bonum et non malum ómnibus diébus vitæ



suæ; quæsiuit lanam et linum et operata est consilio manuum suarum.

Manum suam misit ad fortia, et digiti eius apprehenderunt fusum; manum suam aperuit inopi, et palmas suas extendit ad pauperem.

Fallax gratia et vana est pulchritudo, mulier timens Dominum ipsa laudabitur. Date ei de fructu manuum suarum, et laudent eam in portis opera eius.

Verbum Domini.

Psalmus responsorius

Ps 130, 1. 2. 3

℞. Custodi animam meam in pace apud te, Domine.

1 Domine, non est exaltatum cor meum,  
neque elati sunt oculi mei;  
neque ambulavi in magnis,  
neque in mirabilibus super me. ℞.

1 Vere pacatam et quietam  
feci animam meam;  
sicut ablactatus in sinu matris suæ,  
sicut ablactatus, ita in me est anima mea. ℞.

3 Speret Israel in Domino,  
ex hoc nunc et usque in seculum. ℞.

## 12

*Qui timetis Dominum, credite, sperate, diligite.*

Lectio libri Siracidae

2, 7-13

Metuentes Dominum, sustinete misericordiam eius, et non deflectatis ab illo, ne cadatis. Qui timetis Dominum credite illi, et non evacuabitur merces vestra. Qui timetis Dominum sperate in illum, et in oblectatio-

nem veniet vobis misericordia. Qui timetis Dóminum diligite illum, et illuminabúntur corda vestra.

Respícite, filii, natiónes hóminum et scitote quia nullus sperávit in Dómino et confúsus est. Quis enim permánsit in mandátis eius et derelictus est? aut quis invocávit eum, et despéxit illum?

Quóniam pius et miséricors est Deus, et remíttet in die tribulatiónis peccáta; et protéctor est ómnibus exquiréntibus se in veritaté. — Verbum Dómini.

### Psalmus responsorius

Ps 111, 1-2. 3-4. 5-7 a. 7 b-8. 9 (R.: 1 a)

R. Beátus vir qui timet Dóminum.

vel Allelúia.

Beátus vir qui timet Dóminum,  
in mandátis eius cupit nimis.

Potens in terra erit semen eius,  
generatio rectórum benedicétur. R.

Glória et divítiae in domo eius,  
et iustítia eius manet in sáeculum sáeculi.

Exórtum est in ténebris lumen rectis,  
miséricors et miserátor et iustus. R.

Iucúndus homo qui miserétur et cómmodat,  
dispónet res suas in iudicio,

quia in ætérnum non commovébitur.

In memória ætérna erit iustus,  
ab auditióne mala non timébit. R.

Parátum cor eius, sperans in Dómino,  
confirmátum est cor eius, non timébit,  
donec despíciat inimícos suos. R.

Distribuit, dedit paupéribus;  
iustítia eius manet in sáeculum sáeculi,  
cornu eius exaltábitur in glória. R.

## 13

*Humilia te, et coram Deo invenies gratiam.*

## Lectio libri Siracidaë

3, 19-26

Fili, in mansuetudine ópera tua pèrfice, et super hóminum glóriam diligéris. Quanto magnus es, humilia te in ómnibus, et coram Deo invénies grátiam, quóniam magna poténtia Dei solius, et ab humílibus honorátur.

Altióra te ne quæsíeris et fortióra te ne scrutátus fúeris; sed, quæ præcépit tibi Deus, illa cógita semper et in plúribus opéribus eius ne fúeris curiosus; non est enim tibi necessárium ea quæ abscondita sunt vidére óculis tuis.

In supervácuís rebus noli scrutári multipliciter, et in plúribus opéribus eius non eris curiosus; plúrima enim super sensum hóminum osténsa sunt tibi; multos quoque supplantávit suspício illórum et in vanitáte defínuit sensus illórum. — Verbum Dómini.

## Psalmus responsorius

Ps 130, 1. 2. 3

℞. Custódi ánimam meam in pace apud te, Dómine.

<sup>1</sup> Dómine, non est exaltátum cor meum,  
neque eláti sunt óculi mei;  
neque ambulávi in magnis,  
neque in mirabílibus super me. ℞.

<sup>2</sup> Vere pacátam et quiétam  
feci ánimam meam;  
sicut ablactátus in sinu matrís suæ,  
sicut ablactátus, ita in me est ánima mea. ℞.

<sup>3</sup> Speret Israel in Dómino,  
ex hoc nunc et usque in sáculum. ℞.

## 14

*Sicut sol oriens, sic mulieris bonæ species  
in ornamentum domus eius.*

## Lectio libri Sirácidæ

26, 1-4. 16-21

Mulieris bonæ beátus vir; númerus enim annórum illíus duplex. Múlier fortis oblécstat virum suum et annos vitæ illíus in pace implébit.

Pars bona múlier bona, in parte timéntium Deum dábitur viro pro factis bonis; dívitis autem et páuperis cor bonum, in omni témpore vultus illórum hílaris.

Grátia mulieris sédulæ delectábit virum suum, et ossa illíus impinguábit disciplína illíus. Datum Dei est múlier sensáta et tácíta, non est immutátio erudítæ ánimæ.

Grátia super grátiam múlier sancta et pudoráta. Omnis autem ponderátio non est digna continéntis ánimæ.

Sicut sol óriens mundo in altíssimis Dei, sic mulieris bonæ spécies in ornáméntum domus eius.

Verbum Dómini.

## Psalmus responsorius Ps 127, 1-2. 3. 4-5. (R.: 1 a)

R. Beátus omnis qui timet Dóminum.

Beátus omnis qui timet Dóminum,  
qui ámbulat in viis eius.

Labóres mánuum tuárum manducábis,  
beátus es, et bene tibi erit. R.

Uxor tua sicut vitis fructífera  
in latéribus domus tuæ;  
fílii tui sicut novéllæ olivárum  
in circúitu mensæ tuæ. R.

- 4 Ecce sic benedicétur homo,  
qui timet Dóminum.
- 5 Benedicat tibi Dóminus ex Sion,  
et vídeas bona Ierúsalem  
ómnibus diébus vitæ tuæ. R.

## 15

Pro iis qui opera misericordiæ exercuerunt.

*Frangere esurienti panem tuum.*

Léctio libri Isaíæ prophétæ

58, 6-11

Hæc dicit Dóminus:

« Dissólve colligatiónes impietátis, solve fascículos depriméntes, dimítte eos qui confrácti sunt líberos, et omne onus dirúmpe. Frange esuriénti panem tuum, et egénos vagósque induc in domum tuam; cum víderis nudum, óperi eum, et carnem tuam ne despéxeris.

Tunc erúmpet quasi mane lumen tuum, et sánitas tua cítius oriétur, et antefbit fáciem tuam iustítia tua, et glória Dómini cólliget te. Tunc invocábis, et Dóminus exáudiet; clamábis, et dicet: " Ecce adsum ".

Si abstúleris de médio tui caténam, et desieris ex-téndere dígitum, et loqui quod non prodest; cum effúderis esuriénti ánimam tuam, et ánimam afflíctam repléveris, oriétur in ténebris lux tua, et ténebræ tuæ erunt sicut merídies.

Et réquiem tibi dabit Dóminus semper; et implébit splendóribus ánimam tuam, et ossa tua liberábit; et eris quasi hortus irriguus et sicut fons aquárum, cuius non defíciant aquæ ». — Verbum Dómini.

Psalmus responsorius

Ps 111, 1-2. 3-4. 5-7 a. 7 b-8. 9 (R.: 1 a)

R. **Beátus vir qui timet Dóminum.**

vel **Allelúia.**

**Beátus vir qui timet Dóminum,  
in mandátis eius cupit nimis.**

**Potens in terra erit semen eius,  
generátio rectórum benedicétur. R.**

**Glória et divítiae in domo eius,  
et iustítia eius manet in sáeculum sáeculi.**

**Exórtum est in ténebris lumen rectis,  
miséricors et miserátor et iustus. R.**

**Iucúndus homo qui miserétur et cómmodat,  
dispónet res suas in iudício,  
quia in ætérnum non commovébitur.**

**In memória æténa erit iustus,  
ab auditióne mala non timébit. R.**

**Parátum cor eius, sperans in Dómino,  
confirmátum est cor eius, non timébit,  
donec despíciat inimícos suos. R.**

**Distribuit, dedit paupéribus;  
iustítia eius manet in sáeculum sáeculi,  
cornu eius exaltábitur in glória. R.**

16

*Factus est in corde meo quasi ignis  
exæstuans.*

Léctio libri Ieremíæ prophétæ

20, 7-9

**Seduxísti me, Dómine, et sedúctus sum; fórtior me  
fuísti et invaluísti, factus sum in derísu tota die, om-  
nes subsánnant me. Quia iam olim loquor vocíferans,**

iniquitatem et vastitatem clamito; et factus est mihi sermo Domini in opprobrium et in derisum tota die.

Et dixi: « Non recordabor eius neque loquar ultra in nomine illius »; et factus est in corde meo quasi ignis exestuans claususque in ossibus meis, et defeci ferre non sustinens. — Verbum Domini.

**Psalmus resp. Ps 15, 1-2 a et 5. 7-8. 11 (R.: 5 a)**

**R.** Tu es, Domine, pars hereditatis meae.

- 1** **C**onserva me, Deus, quoniam speravi in te.
- 2** **D**ixi Domino: « Dominus meus es tu.
- 5** **D**ominus pars hereditatis meae et calicis mei: tu es qui detines sortem meam ». **R.**
- 7** **B**enedicam Dominum qui tribuit mihi intellectum; insuper et in noctibus erudiérunt me renes mei.
- 8** **P**roponébam Dominum in conspectu meo semper, quoniam a dextris est mihi, non commovébor. **R.**
- 11** **N**otas mihi facies vias vitae, plenitudinem laetitiae cum vultu tuo, delectationes in dextera tua usque in finem. **R.**

## 17

*Indicabo tibi, o homo, quid Dominus  
requirat a te.*

**Lectio libri Michaeae prophetae**

**6, 6-8**

Quid dignum offeram Domino? Curvabo genu Deo excelso? numquid offeram ei holocaustomata et vitulos anniculos?

Numquid placari potest Dominus in milibus arietum, aut in multis milibus hircorum pinguium? numquid dabo primogenitum meum pro scelere meo, fructum ventris mei pro peccato animae meae?

Indicábo tibi, o homo, quid sit bonum, et quid Dóminus requírat a te: Utique fácere iudícium, et diligere misericórdiam, et sollicitum ambuláre cum Deo tuo.

Verbum Dómini.

**Psalmus responsorius Ps 1, 1-2. 3. 4 et 6 (R.: 2 a)**

**R.** In lege Dómini fuit volúntas eius.

Beátus vir qui non ábiit in consílio impiórum,  
et in via peccatórum non stetit,  
et in convéntu derisórum non sedit;  
sed in lege Dómini volúntas eius,  
et in lege eius meditátur die ac nocte. **R.**

Et erit tamquam lignum  
plantátum secus decúrsus aquárum,  
quod fructum suum dabit in témpore suo;  
et fólium eius non défluet,  
et ómnia quæcúmque fáciet prosperabúntur. **R.**

Non sic impíi, non sic,  
sed tamquam pulvis quem próicit ventus.  
Quóniam novit Dóminus viam iustórum,  
et iter impiórum perfbít. **R.**

## 18

*Derelinquam in medio tui populum pauperem  
et egenum.*

**Léctio libri Sophoniæ prophétæ 2, 3; 3, 12-13**

Quérite Dóminum, omnes mansuétí terræ, qui iudícium eius estis operáti; quérite iustum, quérite mansuétum, si quómodo abscondámini in die furóris Dómini.



Et derelínquam in médio tui pópulum páuperem et egénum, et sperábunt in nómine Dómini. Relíquiæ Israel non fácient iniquitátem nec loquéntur mendá-cium, et non inveniétur in ore eórum lingua dolósa, quóniam ipsi pascéntur et accubábunt, et non erit qui extérreat. — Verbum Dómini.

### Psalmus responsorius

Ps 33, 2-3. 4-5. 6-7. 8-9. 10-11 (R.: 9 a)

R. Gustáte et vidéte quóniam suávis est Dóminus.

- 2 Benedícam Dóminum in omni témpore,  
semper laus eius in ore meo.
- 3 In Dómino gloriábitur ánima mea,  
áudiant mansuétí et læténtur. R.
- 4 Magnificáte Dóminum mecum,  
et exaltémus nomen eius in idípsum.
- 5 Exquisívi Dóminum, et exaudivit me,  
et ex ómnibus terróribus meis erípuit me. R.
- 6 Respícite ad eum, et illuminámini,  
et fácies vestræ non confundéntur.
- 7 Iste pauper clamávit, et Dóminus exaudivit eum,  
et de ómnibus tribulatió nibus eius salvávit eum. R.
- 8 Vallábit ángelus Dómini in circúitu timéntes eum,  
et erípíet eos.
- 9 Gustáte et vidéte quóniam suávis est Dóminus;  
beátus vir qui sperat in eo. R.
- 10 Timéte Dóminum sancti eius,  
quóniam non est inópia timéntibus eum.
- 11 Dívites eguérunt et esuriérunt,  
inquiréntes autem Dóminum  
non defíciant omni bono. R.

Lectio prima  
tempore paschali

## 1

## Pro religiosiis

*Cor et anima una.*

## Lectio Actuum Apostolorum

4, 32-35

## In diébus illis:

Multitúdinis credéntium erat cor et ánima una; nec quisquam eórum quæ possidébant áliquid suum esse dicébat; sed erant illis ómnia commúnia.

Et virtúte magna reddébant Apóstoli testimónium resurrectionis Dómini Iesu, et grátia magna erat super ómnibus illis.

Neque enim quisquam egens erat inter illos; quotquot enim possessóres agrórum aut domórum erant, vendéntes afferébant prétia eórum quæ vendébant et ponébant ante pedes Apostolorum; dividebátur autem síngulis, prout cuique opus erat. — Verbum Dómini.

## Psalmus responsorius

Ps 15, 1-2 a et 5. 7-8. 11 (R.: 5 a)

R. Tu es, Dómine, pars hereditátis meæ.

vel Allelúia.

<sup>1</sup> Consérva me, Deus, quóniam sperávi in te.<sup>2</sup> Dixi Dómino: « Dóminus meus es tu.<sup>5</sup> Dóminus pars hereditátis meæ et cálicis mei:

tu es qui détines sortem meam ». R.

<sup>7</sup> Benedicam Dóminum qui tribuit mihi intelléctum; ínsuper et in nóctibus erudiérunt me renes mei.<sup>8</sup> Proponébam Dóminum in conspéctu meo semper, quóniam a dextris est mihi, non commovébor. R.

- 11 **Notas mihi fácies vias vitæ,  
plenitúdinem lætitiæ cum vultu tuo,  
delectatiónes in dextera tua usque in finem. R̄.**

## 2

*Cenabo cum illo et ipse mecum.*

Léctio libri Apocalýpsis beáti Ioánnis apóstoli

3, 14 b. 20-22

Hæc dicit Amen, testis fidélis et verus, qui est princípium creatúræ Dei: « Ecce sto ad óstium et pulso: si quis audierit vocem meam et aperúerit mihi iánuam, intrábo ad illum et cenábo cum illo, et ipse mecum.

Qui vícerit, dabo ei sedére mecum in throno meo; sicut et ego vici et sedi cum Patre meo in throno eius.

Qui habet aurem, áudiat quid Spíritus dicat Ecclésiis ». — Verbum Dómini.

**Psalmus responsorius**

**Ps 22, 1-3. 4. 5. 6 (R̄.: 1)**

**R̄. Dóminus pascit me, et nihil mihi déerit.**

**vel Allelúia.**

- 1 **Dóminus pascit me, et nihil mihi déerit:**  
2 **in páscuis viréntibus me collocávit,**  
3 **super aquas quiétis edúxit me,**  
4 **ánimam meam refécit.**  
5 **Dedúxit me super sémitas iustítiæ**  
**propter nomen suum. R̄.**  
6 **Nam et si ambulávero in valle umbræ mortis,**  
**non timébo mala, quóniam tu mecum es.**  
**Virga tua et báculus tuus**  
**ipsa me consoláta sunt. R̄.**  
7 **Parásti in conspéctu meo mensam**  
**advérsus eos qui tríbulant me;**

impinguásti in óleo caput meum,  
et calix meus redúndat. **R.**

Etenim benígnitas et misericórdia subsequéntur me  
ómniibus diébus vitæ meæ,  
et inhabitábo in domo Dómini  
in longitúdinem diérum. **R.**

## 3

*Beati qui ad cenam nuptiarum Agni  
vocati sunt.*

Léctio libri Apocalýpsis beáti Ioánnis apóstoli

19, 1. 5-9 a

Ego Ioánnes audívi quasi vocem magnam turbæ  
multæ in cælo dicéntium: « Allelúia, salus et glória et  
virtus Deo nostro ».

Et vox de throno exívit dicens: « Laudem dícite  
Deo nostro, omnes servi eius, et qui timétis eum, pu-  
silli et magni ».

Et audívi quasi vocem turbæ magnæ, et sicut vo-  
cem aquárum multárum, et sicut vocem tonítruum ma-  
gnórum, dicéntium:

« Allelúia, quóniam regnávit Dóminus Deus noster  
omnipotens. Gaudeámus et exsultémus et demus gló-  
riam ei, quia venérunt núptiæ Agni, et Uxor eius præ-  
parávit se. Et datum est illi ut coopériat se býssinum  
splendens mundum; býssinum enim iustificatiónes sunt  
sanctórum ».

Et dicit mihi: « Scribe: “ Beáti qui ad cenam nup-  
tiárum Agni vocáti sunt ” ».

Verbum Dómini.

## Psalmus responsorius

Ps 102, 1-2. 3-4. 8-9. 13-14. 17-18 a (R.: 1 a)

R. **Benedic, ánima mea, Dómino.****vel Allelúia.**

- 1 **Benedic, ánima mea, Dómino;**  
et ómnia quæ intra me sunt, nómini sancto eius.
- 2 **Benedic, ánima mea, Dómino,**  
et noli oblivísci omnes retributiónes eius. R.
- 3 **Qui propitiátur ómnibus iniquitatibus tuis,**  
qui sanat omnes infirmitates tuas;
- 4 **qui rédimit de intéritu vitam tuam,**  
qui coronat te in misericórdia et miseratióibus. R.
- 8 **Miserátor et miséricors Dóminus,**  
longánimis et multæ misericórdiæ.
- 9 **Non in perpétuum conténdet,**  
neque in ætérnum irascétur. R.
- 13 **Quómodo miserétur pater filiórum,**  
misértus est Dóminus timéntibus se.
- 14 **Quóniam ipse cognóvit figméntum nostrum,**  
recordátus est quóniam pulvis sumus. R.
- 17 **Misericórdia autem Dómini ab ætérno**  
et usque in ætérnum super timéntes eum,  
et iustitia illius in filios filiórum;
- 18 **in eos qui servant testaméntum eius. R.**

Vel etiam Ap 21, 5-7, ut supra in Comuni martyrum, p. 876.

## Lectio secunda

## 1

*Quos iustificavit, illos et glorificavit.*

Lectio Epistolæ beati Pauli apostoli  
ad Romános

8, 26-30

Fratres:

Spíritus ádiuvat infirmitátem nostram: nam quid orémus sicut opórtet, nescimus; sed ipse Spíritus interpéllat gemitibus inenarrabílibus. Qui autem scrutátur corda scit quid desideret Spíritus, quia secúndum Deum póstulat pro sanctis.

Scimus autem quóniam diligentibus Deum ómnia cooperántur in bonum, his qui secúndum propósitum vocáti sunt.

Nam quos præscívit et prædestinávit confórmes fieri imáginis Filii eius, ut sit ipse primogénitus in multis frátribus. Quos autem prædestinávit, hos et vocávit; et quos vocávit, hos et iustificávit; quos autem iustificávit, illos et glorificávit. — Verbum Dómini.

## 2

*Infirma mundi elegit Deus.*

Lectio Epistolæ primæ beati Pauli apostoli  
ad Corínthios

1, 26-31

Fratres:

Vidéte vocatiónem vestram, fratres; quia non multi sapiéntes secúndum carnem, non multi poténtes, non multi nóbiles.

Sed quæ stulta sunt mundi elégit Deus, ut confúndat sapiéntes; et infirma mundi elégit Deus, ut confúndat fórtia; et ignobília mundi et contemptibília elégit Deus, quæ non sunt, ut ea quæ sunt destrúeret, ut non gloriétur omnis caro in conspéctu Dei.

Ex ipso autem vos estis in Christo Iesu, qui factus est Sapiéntia nobis a Deo et iustítia et sanctificátio et redémptio; ut, quemádmódum scriptum est: « Qui gloriátur, in Dómino gloriétur ». — Verbum Dómini.

## 3

\*

*Caritas numquam excidit.*

Léctio Epístolæ primæ beáti Pauli apóstoli  
ad Corínthios

12, 31 — 13, 13

Fratres:

Æmulámini charísmata maióra. Et adhuc excellentiorem viam vobis demónstro.

Si linguis hóminum loquar et angelórum, caritátem autem non hábeam, factus sum velut æs sonans aut cýmbalum tínniens.

Et si habúero prophetiam et nóverim mystéria ómnia et omnem sciéntiam, et si habúero omnem fidem, ita ut montes transférám, caritátem autem non habúero, nihil sum.

Et si distribúero in cibos omnes facultátes meas, et si tradídero corpus meum, ut glórier, caritátem autem non habúero, nihil mihi prodest.

Cáritas pátiens est, benigna est cáritas, non æmulá-tur, non agit supérbe, non inflátur, non est ambitiósá, non quærit quæ sua sunt, non irritátur, non cógitat malum, non gaudet super iniquitátem, congáudet autem veritáti; ómnia suffert, ómnia credit, ómnia sperat, ómnia sústinet.

**Cáritas numquam éxcidit. Sive prophetiæ, evacua-  
búntur; sive linguæ, cessábunt; sive sciéntia, destruétur.  
Ex parte enim cognóscimus et ex parte prophetámus;  
cum autem vénerit quod perféctum est, evacuábitur  
quod ex parte est.**

**Cum essem párvulus, loquébar ut párvulus, sapié-  
bam ut párvulus, cogitábam ut párvulus; quando factus  
sum vir, evacuávi quæ erant párvuli.**

**Vidémus enim nunc per spéculum in ænigmate, tunc  
autem fácie ad fáciem; nunc cognóscó ex parte, tunc  
autem cognóscam sicut et cógnitus sum.**

**Nunc autem manet fides, spes, cáritas, tria hæc;  
maior autem ex his est cáritas.**

**Verbum Dómini.**

---

vel brevior

**Léctio Epístolæ primæ beáti Pauli apóstoli  
ad Corínthios**

13, 4-13

**Fratres:**

**Cáritas pátiens est, benígna est cáritas; non æmulá-  
tur, non agit supérbe, non inflátur, non est ambitiósa,  
non quærit quæ sua sunt, non irritátur, non cógitat ma-  
lum, non gaudet super iniquitátem, congáudet autem  
veritatí; ómnia suffert, ómnia credit, ómnia sperat, óm-  
nia sústinet.**

**Cáritas numquam éxcidit. Sive prophetiæ, evacua-  
búntur; sive linguæ, cessábunt; sive sciéntia, destruétur.  
Ex parte enim cognóscimus et ex parte prophetámus;  
cum autem vénerit quod perféctum est, evacuábitur  
quod ex parte est.**

**Cum essem párvulus, loquébar ut párvulus, sa-  
piébam ut párvulus, cogitábam ut párvulus; quando  
factus sum vir, evacuávi quæ erant párvuli.**



Vidémus enim nunc per spéculum in ænigmate, tunc autem fácie ad fáciem; nunc cognóscó ex parte, tunc autem cognóscam sicut et cógnitus sum.

Nunc autem manet fides, spes, cáritas, tria hæc; maior autem ex his est cáritas. — Verbum Dómini.

---

## 4

*Despondi vos uni viro, virginem castam exhibere Christo.*

Léctio Epístolæ secúndæ beáti Pauli apóstoli

ad Corínthios

10, 17 — 11, 2

Fratres:

Qui gloriátur, in Dómino gloriétur. Non enim qui se ipsum comméndat, ille probátus est; sed quem Dóminus comméndat.

Utinam sustinerétis módicum quid insipiéntiæ meæ, sed et supportáte me. Æmulor enim vos Dei æmulatione; despondi enim vos uni viro, vírginem castam exhibére Christo. — Verbum Dómini.

## 5

*Vivo autem, iam non ego; vivit vero in me Christus.*

Léctio Epístolæ beáti Pauli apóstoli ad Gálatas

2, 19-20

Fratres:

Ego per Legem Legi mórtuus sum, ut Deo vivam; Christo confixus sum cruci.

Vivo autem, iam non ego; vivit vero in me Christus.

Quod autem nunc vivo in carne, in fide vivo Filii Dei, qui diléxit me et trádedit se ipsum pro me.  
Verbum Dómini.

## 6

*Per quem mihi mundus crucifixus est,  
et ego mundo.*

Léctio Epístolæ beáti Pauli apóstoli ad Gálatas

6, 14-16

Fratres:

Mihi absit gloriári, nisi in cruce Dómini nostri Iesu Christi, per quem mihi mundus crucifixus est, et ego mundo. Neque enim circumcisio áliquid est, neque præpútium, sed nova creatúra.

Et quicumque hanc régulam secúti fúerint, pax super illos et misericórdia, et super Israel Dei.

Verbum Dómini.

## 7

*Scire supereminentem scientiæ caritatem Christi.*

Léctio Epístolæ beáti Pauli apóstoli  
ad Ephésios

3, 14-19

Fratres:

Flecto génuá mea ad Patrem, ex quo omnis paternitas in cælis et in terra nomináture; ut det vobis secundum divítias glóriæ suæ virtúte corroborári per Spíritum eius in interiorem hóminem; habitáre Christum per fidem in córdibus vestris; in caritaté radicáti et fundáti, ut valeátis comprehendere cum ómnibus sanctis quæ sit latitúdo et longitúdo et sublimitas et profúndum; scire étiam supereminentem scientiæ caritá-

tem Christi, ut impleámini in omnem plenitúdinem Dei. — Verbum Dómini.

## 8

*Accipite armaturam Dei.*

Léctio Epístolæ beáti Pauli apóstoli  
ad Ephésios

6, 10-13. 18

Fratres:

Confortámini in Dómino et in poténtia virtútis eius.

Indúite armatúram Dei, ut possítis stare advérsus insídias diaboli. Quia non est nobis colluctátio advérsus sánguinem et carnem, sed advérsus principátus, advérsus potestátes, advérsus mundi rectóres tenebrárum harum, contra spiritália nequítiae in cæléstibus.

Proptérea accipite armatúram Dei, ut possítis resistere in die malo et, ómnibus perféctis, stare. Per omnem orationem et obsecrationem orántes omni témpore in Spíritu, et in ipso vigilántes in omni instántia et obsecratione pro ómnibus sanctis. — Verbum Dómini.

## 9

*Ad destinatum persequor,  
ad bravium supernæ vocationis Dei in Christo Iesu.*

Léctio Epístolæ beáti Pauli apóstoli  
ad Philippénes

3, 8-14

Fratres:

Existimo ómnia detriméntum esse propter eminéntiam sciéntiæ Christi Iesu Dómini mei, propter quem ómnia detriméntum feci et árbitror ut stércora, ut Christum lucrí faciám, et invéniam in illo, non habens meam iustítiam, quæ ex Lege est; sed illam, quæ per fidem est

Christi, quæ ex Deo est iustitia in fide; ad cognoscendum illum et virtutem resurrectionis eius et communionem passionum illius, conformans me morti eius, si quo modo occurram ad resurrectionem quæ est ex mortuis.

Non quod iam acciperim aut iam perfectus sim; persequor autem, si umquam comprehendam, sicut et comprehensus sum a Christo Iesu.

Fratres, ego me non arbitror comprehendisse. Unum autem: quæ quidem retro sunt obliviscens, ad ea vero quæ ante sunt extendens me, ad destinatum persequor, ad bravium supernæ vocationis Dei in Christo Iesu.

Verbum Domini.

## 10

*Quæcumque sancta, hæc cogitate.*

Lectio Epistolæ beati Pauli apostoli  
ad Philippenses

4, 4-9

Fratres:

Gaudete in Domino semper. Iterum dico: Gaudete. Modestia vestra nota sit omnibus hominibus; Dominus prope.

Nihil solliciti sitis; sed in omnibus oratione et obsecratione, cum gratiarum actione, petitiones vestræ innotescant apud Deum. Et pax Dei, quæ exsuperat omnem sensum, custodiat corda vestra et intellegentias vestras in Christo Iesu.

De cetero, fratres, quæcumque sunt vera, quæcumque pudica, quæcumque iusta, quæcumque casta, quæcumque amabilia, quæcumque bonæ famæ, si qua virtus et si qua laus, hæc cogitate.

Quæ et didicistis et accepistis et audistis et vidistis in me, hæc agite, et Deus pacis erit vobiscum.

Verbum Domini.

## 10a

*Super omnia hæc caritatem,  
quod est vinculum perfectionis.*

Lectio Epistolæ beati Pauli apostoli  
ad Colossenses

3, 12-17

Fratres:

Induite vos, sicut electi Dei, sancti et dilecti, viscera misericordiæ, benignitatem, humilitatem, mansuetudinem, patientiam, supportantes invicem et donantes vobis ipsis, si quis adversus aliquem habet querelam: sicut et Dominus donavit vobis, ita et vos.

Super omnia autem hæc caritatem, quod est vinculum perfectionis. Et pax Christi dominetur in cordibus vestris, ad quam et vocati estis in uno corpore; et grati estote. Verbum Christi habitet in vobis abundanter, in omni sapientia docentes et commonentes vosmetipsos psalmis, hymnis, canticis spiritalibus, in gratia cantantes in cordibus vestris Deo.

Et omne quodcumque facitis in verbo aut in opere, omnia in Nominе Domini Iesu, gratias agentes Deo Patri per ipsum. — Verbum Domini.

## 11

Pro viduis

*Quæ vere vidua est et desolata, speravit in Deum.*

Lectio Epistolæ primæ beati Pauli apostoli  
ad Timotheum

5, 3-10

Carissime:

Viduas honora, quæ vere viduæ sunt. Si qua autem vidua filios aut nepotes habet, discant primum domum suam pie regere et mutuam vicem reddere parentibus; hoc enim acceptum est coram Deo.

Quæ autem vere vidua est et desolata, speravit in Deum, et instat obsecrationibus et orationibus nocte ac die; nam quæ in deliciis est vivens, mortua est. Et hæc præcipe, ut irreprehensibiles sint.

Si quis autem suorum et maxime domesticorum curam non habet, fidem negavit et est infideli deterior.

Vidua adscribatur non minus sexaginta annorum, quæ fuerit unius viri uxor, in operibus bonis testimonium habens: si filios educavit, si hospitio recepit, si sanctorum pedes lavit, si tribulationem patientibus subministravit, si omne opus bonum subsecuta est.

Verbum Domini.

## 12

*Si fides non habeat opera, mortua est in semetipsa.*

Lectio Epistolæ beati Iacobi apostoli 2, 14-17

Quid proderit, fratres mei, si fidem quis dicat se habere, opera autem non habeat? Numquid poterit fides salvare eum?

Si frater aut soror nudi sunt et indigent victu cotidiano, dicat autem aliquis de vobis illis: « Ite in pace, calefacimini et saturamini »; non dederitis autem eis quæ necessaria sunt corporis, quid proderit?

Sic et fides, si non habeat opera, mortua est in semetipsa. — Verbum Domini.

## 13

*Sanctæ mulieres sperantes in Deo.*

Lectio Epistolæ primæ beati Petri apostoli 3, 1-9

Carissimi:

Mulieres subditæ sint suis viris, ut et si qui non credunt verbo, per mulierum conversationem sine verbo

lucriffiant, considerántes castam in timóre conversatió-  
nem vestram. Quarum sit non extrínsecus capillatúra  
aut circumdatiónis auri aut indumentí vestimentórum  
cultus; sed qui absconditus cordis est homo, in incorrup-  
tibilitáte mitis et quiéti spíritus, qui est in conspéctu Dei  
lócuples.

Sic enim aliquándo et sanctæ mulieres sperántes in  
Deo ornábant se, subiéctæ própriis viris, sicut Sara obce-  
diébat Abrahæ, dóminum eum vocans; cuius estis filia  
benefaciétes et non timétes ullam perturbatióem.

Viri similiter cohabitántes secúndum sciéntiam, quasi  
infirmióri vaso muliebri impertiétes honórem, tam-  
quam et coherédibus grátia vitæ, uti ne impediántur  
oratióes vestræ.

In fine autem omnes unánimes, compatiétes, fra-  
ternitátis amatóres, misericórdes, húmiles; non reddén-  
tes malum pro malo, vel maledíctum pro maledícto, sed  
e contráριο benedicétes, quia in hoc vocáti estis, ut be-  
nedictiónem hereditáte accipiátis. — Verbum Dómini.

## 14

*Unusquisque, sicut accepit donationem,  
in alterutrum illam administrantes.*

Léctio Epístolæ primæ beáti Petri apóstoli 4, 7 b-11

Caríssimi:

Estóte prudétes et vigiláte in oratióibus.

Ante ómnia mútuam in vosmetípsos caritátem con-  
tínuam habétes, quia « caritas óperit multitudínem  
peccatórum ». Hospitáles ívicem sine murmuratióne;  
unusquisque, sicut accépit donatióem, in altérutrum  
illam administrátes, sicut boni dispensatóres multi-  
fórmis grátia Dei.

Si quis loquitur, quasi sermones Dei; si quis ministrat, tamquam ex virtute quam largitur Deus, ut in omnibus glorificetur Deus per Iesum Christum, cui est gloria et imperium in saecula saeculorum. Amen.

Verbum Domini.

## 15

Pro iis qui opera misericordiae exercuerunt

*Et nos debemus pro fratribus animas ponere.*

Lectio Epistolae primae beati Ioannis apostoli 3, 14-18

Carissimi:

Nos scimus quoniam transivimus de morte in vitam, quoniam diligimus fratres.

Qui non diligit manet in morte. Omnis qui odit fratrem suum homicida est, et scitis quoniam omnis homicida non habet vitam aeternam in se manentem.

In hoc novimus caritatem: quoniam ille pro nobis animam suam posuit, et nos debemus pro fratribus animas ponere. Qui habuerit substantiam mundi, et viderit fratrem suum necesse habere, et clauserit viscera sua ab eo, quomodo caritas Dei manet in eo?

Filioli mei, non diligamus verbo nec lingua, sed in opere et veritate. — Verbum Domini.

## 16

*Si diligamus invicem, Deus in nobis manet.*

Lectio Epistolae primae beati Ioannis apostoli 4, 7-16

Carissimi, diligamus invicem, quoniam caritas ex Deo est; et omnis qui diligit, ex Deo natus est et cognoscit Deum. Qui non diligit, non cognovit Deum, quoniam Deus caritas est.



In hoc apparuit caritas Dei in nobis, quoniam Filium suum unigenitum misit Deus in mundum, ut vivamus per eum.

In hoc est caritas, non quasi nos dilexerimus Deum, sed quoniam ipse dilexit nos, et misit Filium suum propitiationem pro peccatis nostris.

Carissimi, si sic Deus dilexit nos, et nos debemus alterutrum diligere. Deum nemo vidit umquam. Si diligamus invicem, Deus in nobis manet, et caritas eius in nobis consummata est.

In hoc cognoscimus quoniam in ipso manemus, et ipse in nobis, quoniam de Spiritu suo dedit nobis. Et nos vidimus et testificamur quoniam Pater misit Filium salvatorem mundi.

Quisque confessus fuerit: « Iesus est Filius Dei », Deus in ipso manet, et ipse in Deo. Et nos cognovimus et credidimus caritati, quam habet Deus in nobis.

Deus caritas est, et qui manet in caritate in Deo manet, et Deus in eo manet.— Verbum Domini.

## 17

*Hæc est victoria, quæ vicit mundum,  
fides nostra.*

Lectio Epistolæ primæ beati Ioannis apostoli 5, 1-5

Carissimi:

Omnis qui credit quoniam Iesus est Christus, ex Deo natus est; et omnis qui diligit Deum qui genuit, diligit et eum qui natus est ex eo.

In hoc cognoscimus quoniam diligimus natos Dei, cum Deum diligamus et mandata eius faciamus. Hæc est enim caritas Dei, ut mandata eius servemus; et mandata eius gravia non sunt.

Quóniam omne quod natum est ex Deo vincit mundum, et hæc est victória, quæ vicit mundum, fides nostra. Quis est qui vincit mundum, nisi qui credit quóniam Iesus est Fílius Dei? — Verbum Dómini.

## Evangelium

## 1

Alleluia et Versus ante Evangelium

Mt 5, 3

(*ꝛ.* Allelúia). *ꝛ.* Beáti páuperes spíritu,  
quóniam ipsórum est Regnum cælórum.  
(*ꝛ.* Allelúia).

*Gaudete et exsultate, quoniam merces vestra  
copiosa est in cælis.*

✠ Lécio sancti Evangélli secúndum Matthæum

5, 1-12 a

In illo témpore:

Videns Iesus turbas ascéndit in montem, et cum sedísset, accessérunt ad eum discípuli eius, et apériens os suum docébat eos dicens:

« Beáti páuperes spíritu, quóniam ipsórum est Regnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sitiunt iustítiam, quóniam ipsi saturabúntur.

Beáti misericórdes, quia ipsi misericórdiam consequéuntur.

Beáti mundo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti qui persecutiónem patiúntur propter iustítiam, quóniam ipsórum est Regnum cælórum.

Beáti estis, cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte et exsultáte, quóniam merces vestra copiósa est in cælis ». — Verbum Dómini.

## 2

Alleluia et Versus ante Evangelium Io 8, 12 b

(R. Allelúia). γ. Ego sum lux mundi, dicit Dóminus;  
qui séquitur me, habébit lumen vitæ.  
(R. Allelúia).

*Vos estis lux mundi.*

✠ Lécio sancti Evangélii secúndum Matthæum

5, 13-16

In illo témpore:

Dixit Iesus discipulis suis: « Vos estis sal terræ; quod si sal evanúerit, in quo saliétur? Ad nihilum valet ultra, nisi ut mittátur foras et conculcétur ab homínibus.

Vos estis lux mundi. Non potest civitas abscondi supra montem pósita. Neque accéndunt lucérnam et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant vestra bona ópera et glórifícent Patrem vestrum, qui in cælis est ».

Verbum Dómini.

## 2a

Alleluia et Versus ante Evangelium Io 14, 23

(R. Allelúia). γ. Si quis diligit me, sermónem meum servábit,  
et Pater meus diliget eum,  
et ad eum veniémus. (R. Allelúia).

*Domus supra petram  
et domus supra arenam ædificata.*

✠ Lécio sancti Evangélii secúndum Matthæum

7, 21-27

In illo témpore: Dixit Iesus discíplis suis:

« Non omnis qui dicit mihi: “ Dómine, Dómine ”, intrábit in Regnum cælórum; sed qui facit voluntátem Patris mei, qui in cælis est. Multi dicent mihi in illa die: “ Dómine, Dómine, nonne in tuo nómine prophétávimus et in tuo nómine dæmónia eiécimus et in tuo nómine virtútes multas fécimus? ” Et tunc confitébor illis: “ Numquam novi vos: discédite a me qui operámini iniquitátem ”.

Omnis ergo qui audit verba mea hæc et facit ea, assimilábitur viro sapiénti, qui ædificávit domum suam supra petram. Et descéndit plúvia et venérunt flúmina et flavérunt venti et irruérunt in domum illam, et non cécidit; fundáta enim erat supra petram.

Et omnis qui audit verba mea hæc et non facit ea símilis erit viro stulto, qui ædificávit domum suam supra arénam. Et descéndit plúvia et venérunt flúmina et flavérunt venti et irruérunt in domum illam, et cécidit, et fuit ruína eius magna ».

Verbum Dómini.

3

Alleluia et Versus ante Evangelium Cf. Mt 11, 25

(*℞. Allelúia*). *℣. Benedictus es, Pater, Dómine cæli et terræ,  
quia mystéria Regni párvulis revelásti.*  
(*℞. Allelúia*).

*Abscondisti hæc a sapientibus, et revelasti ea parvulis.*

✠ Lécio sancti Evangélii secúndum Matthæum

11, 25-30

In illo témpore, respóndens Iesus dixit: « Confíteor tibi, Pater, Dómine cæli et terræ, quia abscondisti hæc a sapiéntibus et prudéntibus, et revelasti ea parvulis. Ita, Pater, quóniam sic fuit plácitum ante te.

Omnia mihi trádicta sunt a Patre meo, et nemo novit Fílium, nisi Pater; neque Patrem quis novit, nisi Fílius et cui volúerit Fílius reveláre.

Veníte ad me, omnes qui laborátis et oneráti estis, et ego reficiam vos.

Tóllite iugum meum super vos, et discite a me quia mitis sum et húmilis corde; et " inveniétis réquiem animábus vestris "; iugum enim meum suáve, et onus meum leve est ». — Verbum Dómini.

4

Alleluia et Versus ante Evang. Io 15, 9 b. 5 b

(R. Allelúia). V. Manéte in dilectióne mea, dicit Dóminus;

qui manet in me et ego in eo,

hic fert fructum multum. (R. Allelúia).

*Vendit universa quæ habet, et emit agrum illum.*

✠ Lécio sancti Evangélii secúndum Matthæum

13, 44-46

In illo témpore:

Dixit Iesus turbis: « Símile est Regnum cælórum thesauro abscondito in agro; quem qui invénit homo, abscondit, et præ gáudio illíus vadit, et vendit univérsa quæ habet, et emit agrum illum.

Iterum símile est Regnum cælórum hómini negotiátóri quærénti bonas margarítas; invénta autem una pretiósa margaríta, ábiit, et véndidit ómnia quæ hábuit, et emit eam ». — Verbum Dómini.

## 5

Alleluia et Versus ante Evangelium Mt 5, 6

(R. Allelúia). V. Beáti qui esúriunt et sítiunt iustítiam, quóniam ipsi saturabúntur. (R. Allelúia).

*Qui perdiderit animam suam propter me,  
inveniet eam.*

✠ Lécio sancti Evangéllii secúndum Mattháeum

16, 24-27

In illo témpore:

Dixit Iesus discíplis suis: « Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam; qui autem perdíderit ánimam suam propter me, invéniet eam.

Quid enim prodest hómini, si mundum univérsum lucrétur, ánimæ vero suæ detriméntum patiátur? aut quam dabit homo commutatiónem pro ánima sua?

Fílius enim hóminis ventúrus est in glória Patris sui cum ángelis suis, et tunc " reddet unicuíque secúndum opus eius " ». — Verbum Dómini.

## 6

Pro educatoribus

Alleluia et Versus ante Evang. Mt 23, 11. 12 b

(R. Allelúia). V. Qui maior est vestrum, erit mínister vester, dicit Dóminus;

qui autem se humiliáverit, exaltábitur.

(R. Allelúia).

*Qui susceperit parvulum in Nomine meo,  
me suscipit.*

✠ **Lectio sancti Evangelii secundum Matthæum**

**18, 1-5**

In illa hora accesserunt discipuli ad Iesum dicentes: « Quis, putas, maior est in Regno cælorum? » Et advocans parvulum, stavit eum in medio eorum, et dixit:

« Amen dico vobis, nisi conversi fueritis et efficiamini sicut parvuli, non intrabitis in Regnum cælorum. Quicumque ergo humiliaverit se sicut parvulus iste, hic est maior in Regno cælorum. Et qui susceperit unum parvulum talem in Nómine meo, me suscipit ».

Verbum Dómini.

7

**Pro religiosis**

**Alleluia et Versus ante Evangelium** **Io 8, 31 b-32**

(**R.** Allelúia). **ꝛ.** Si manseritis in sermone meo,  
vere discipuli mei eritis  
et cognoscetis veritatem, dicit Dóminus.  
(**R.** Allelúia).

*Propter Regnum cælorum.*

✠ **Lectio sancti Evangelii secundum Matthæum**

**19, 3-12**

**In illo tempore:**

Accesserunt ad Iesum pharisæi tentantes eum, et dicentes: « Licet hómini dimittere uxorem suam quacúmque ex causa? »

Qui respondens ait: « Non legistis quia qui creavit ab initio, " másculum et féminam fecit eos ", et dixit: " Propter hoc dimittet homo patrem et matrem, et

adhærébit uxóri suæ, et erunt duo in carne una ”? Itaque iam non sunt duo, sed una caro.

Quod ergo Deus coniúnxit, homo non séparet ».

Dicunt illi: « Quid ergo Móyses mandávit dari libéllum repúdií et dimíttere? »

Ait illis: « Móyses ad durítiam cordis vestri permísit vobis dimíttere uxóres vestras; ab inítio autem non sic fuit. Dico autem vobis, quia quicúmque dimiserit uxórem suam, nisi ob fornicatiónem, et áliam dúxerit, mœcháatur ».

Dicunt ei discípuí eius: « Si ita est causa hóminis cum uxóre, non éxpedít núbere ».

Qui dixit eis: « Non omnes cápiunt verbum istud, sed quibus datum est. Sunt enim eunúchi qui de matris útero sic nati sunt, et sunt eunúchi qui facti sunt ab homínibus, et sunt eunúchi qui se ipsos castravérunt propter Regnum cælórum. Qui potest cápere cápiat ».

Verbum Dómini.

7a

Pro religiosís

Alleluia et Versus ante Evangelium

Mt 5, 3

(R. Allelúia). V. Beáti páuperes spírítu,  
quóniam ipsórum est Regnum cælórum.  
(R. Allelúia).

*Vos qui reliquistis omnia et secuti estis me,  
centuplum accipietis.*

✠ Lécio sancti Evgangélii secundum Matthæum

19, 27-29

In illo témpore:

Dixit Petrus ad Iesum: « Ecce nos relíquimus ómnia, et secúti sumus te: quid ergo erit nobis? »



Iesus autem dixit illis: « Amen dico vobis quod vos, qui secuti estis me, in regeneratione, cum sederit Filius hominis in throno gloriae suae, sedebitis et vos super thronos duodecim, iudicantes duodecim tribus Israel. Et omnis, qui reliquit domos vel fratres aut sorores aut patrem aut matrem aut filios aut agros propter nomen meum, centuplum accipiet et vitam aeternam possidebit ». — Verbum Domini.

## 7b

Alleluia et Versus ante Evangelium Io 13, 34

(R. Alleluia). *γ.* Mandatum novum do vobis, dicit Dominus,  
 ut diligatis invicem sicut dilexi vos.  
 (R. Alleluia).

*Diliges Dominum Deum tuum,  
 et proximum tuum sicut te ipsum.*

✠ Lectio sancti Evangelii secundum Matthaeum

22, 34-40

In illo tempore:

Audientes pharisaei quod silentium imposuisset Iesus sadduceis, convenerunt in unum. Et interrogavit unus ex eis Legis doctor, tentans eum: « Magister, quod est mandatum magnum in Lege? »

Ait autem illi: « " Diliges Dominum Deum tuum in toto corde tuo et in tota anima tua et in tota mente tua ". Hoc est magnum et primum mandatum. Secundum autem simile est huic: " Diliges proximum tuum sicut te ipsum ". In his duobus mandatis universa Lex pendet et prophetae ».

Verbum Domini.

## 8

Alleluia et Versus ante Evangelium Mt 5, 8

(R. Allelúia). *ꝛ. Beáti mundo corde,  
quóniam ipsi Deum vidébunt.  
(R. Allelúia).*

*Ecce Sponsus, exite obviam ei.*

✠ **Léctio sancti Evangélii secúndum Matthæum**  
25, 1-13

**In illo témpore:**

Dixit Iesus discipulis suis parábolam hanc: « Símile erit Regnum cælórum decem virgínibus, quæ accipiéntes lámpades suas exiérunt óbviám sponso. Quínque autem ex eis erant fátuæ et quínque prudéntes; fátuæ enim, accéptis lámpádibus suis, non sumpsérunt óleum secum; prudéntes vero accepérunt óleum in vasis cum lámpádibus suis. Moram autem faciénte sponso, dormitavérunt omnes et dormiérunt.

Média autem nocte clamor factus est: " Ecce sponsus, exíte óbviám ei ". Tunc surrexérunt omnes vírgines illæ, et ornavérunt lámpades suas.

Fátuæ autem sapiéntibus dixérunt: " Date nobis de óleo vestro, quia lámpades nostræ exstinguúntur ".

Respondérunt prudéntes dicéntes: " Ne forte non sufficiat nobis et vobis, ite pótius ad vendéntes et émite vobis ". Dum autem irent émere, venit sponsus, et quæ parátæ erant intravérunt cum eo ad núptias, et clausa est iánua.

Novíssime autem véniunt et réliquæ vírgines dicéntes: " Dómine, Dómine, áperi nobis ".

At ille respóndens ait: " Amen dico vobis, nescio vos ". Vigiláte itaque, quia nescítis diem neque horam ». — Verbum Dómini.

## 9

Alleluia et Versus ante Evangelium Io 14, 23

(R. Allelúia). *¶* Si quis diligit me, sermónem meum servábit,  
 et Pater meus diliget eum,  
 et ad eum veniémus. (R. Allelúia).

\* *Super pauca fuisti fidelis,  
 intra in gaudium domini tui.*

✠ Lécio sancti Evangélii secúndum Mattháeum 25, 14-30

In illo témpore:

Dixit Iesus discipulis suis parábolam hanc: « Homo pégre proficíscens vocávit servos suos, et trádidit illis bona sua. Et uni dedit quinque talénta, álii autem duo, álii vero unum, unicuísque secúndum própriam virtútem, et proféctus est.

Statim ábiit qui quinque talénta accéperat, et operátus est in eis, et lucrátus est ália quinque; similiter qui duo accéperat, lucrátus est ália duo; qui autem unum accéperat, ábiens fodit in terra, et abscondit pecúniám dómini sui.

Post multum vero témporis venit dóminus servórum illórum, et ponit ratiónem cum eis.

Et accédens qui quinque talénta accéperat, óbtulit ália quinque talénta dicens: " Dómine, quinque talénta tradidisti mihi: ecce ália quinque superlucrátus sum ".

Ait illi dóminus eius: " Euge, serve bone et fidélis, super pauca fuísti fidélis, supra multa te constitúam: intra in gáudium dómini tui ".

Accéssit autem et qui duo talénta accéperat et ait: " Dómine, duo talénta tradidisti mihi: ecce ália duo lucrátus sum ".

Ait illi dōminus eius: “ Euge, serve bone et fidēlis, super pauca fuisti fidēlis, supra multa te constītuam: intra in gāudium dōmini tui ”.

Accēdens autem et qui unum talēntum accēperat ait: “ Dōmine, novi te quia homo durus es: metis ubi non semināsti et cōngregas ubi non sparsisti; et timens ābii et abscondi talēntum tuum in terra: ecce habes quod tuum est ”.

Respōndens autem dōminus eius dixit ei: “ Serve male et piger, sciēbas quia meto ubi non semināvi et cōngrego ubi non sparsi; opōrtuit ergo te mittere pecūniam meam nummulāriis, et vēniens ego recepissem quod meum est cum usūra.

Tōllite itaque ab eo talēntum, et date ei qui habet decem talēnta; omni enim habēnti dābitur, et abundābit; ei autem qui non habet, et quod habet auferētur ab eo. Et inūtilem servum eicite in tēnebras exteriōres: illic erit fletus et stridor dēntium ” ».

Verbum Dōmini.

---

vel brevior

✠ Lēctio sancti Evangēlii secūndum Matthāum

25, 14-23

In illo tēmpore:

Dixit Iesus discipulis suis parābolam hanc: « Homo pēgre proficiscens vocāvit servos suos, et trādidit illis bona sua. Et uni dedit quinque talēnta, ālii autem duō, ālii vero unum, unicuique secūndum propriam virtūtem et profēctus est.

Statim ābiit qui quinque talēnta accēperat, et operātus est in eis, et lucrātus est ālia quinque; simīliter qui duo accēperat, lucrātus est ālia duo; qui autem unum accēperat, ābiens fodit in terra, et abscondit pecūniam dōmini sui.

Post multum vero t mporis venit d minus servorum illorum, et ponit rationem cum eis.

Et accedens qui quinque talenta acc perat, obtulit alia quinque talenta dicens: " D mine, quinque talenta tradidisti mihi: ecce alia quinque superlucratu sum " .

Ait illi d minus eius: " Euge, serve bone et fidelis, super pauca fuisti fidelis, supra multa te constituam: intra in gaudium d mini tui " .

Acc ssit autem et qui duo talenta acc perat et ait: " D mine, duo talenta tradidisti mihi: ecce alia duo lucratus sum " .

Ait illi d minus eius: " Euge, serve bone et fidelis, super pauca fuisti fidelis, supra multa te constituam: intra in gaudium d mini tui " ». — Verbum D mini.

## 10

Pro iis qui opera misericordiae exercuerunt

Alleluia et Versus ante Evangelium Io 13, 34

(R. Alleluia).  . Mandatum novum do vobis, dicit D minus,  
 ut diligatis invicem sicut dilexi vos.  
 (R. Alleluia).

\* *Quamdiu fecistis fratribus meis minimis  
 mihi fecistis.*

✠ L ctio sancti Evangelii secundum Matthaeum  
 25, 31-46

In illo tempore:

Dixit Iesus discipulis suis: « Cum venerit Filius hominis in gloria sua, et omnes angeli cum eo, tunc se-

débit super thronum glóriæ suæ: et congregabúntur ante eum omnes gentes, et separábit eos ab ínvicem, sicut pastor ségregat oves ab hædis: et státuet oves quidem a dextris suis, hædos autem a sinístris.

Tunc dicet Rex his qui a dextris eius erunt: " Veníte, benedícti Patris mei, possidéte parátum vobis Regnum a constitutióne mundi. Esurívi enim, et dedístis mihi manducáre; sitívi et dedístis mihi bsbere; hospes eram, et collegístis me; nudus, et operuístis me; infirmus et visitástis me; in cárcere eram et venístis ad me " .

Tunc respondébunt ei iusti dicéntes: " Dómine, quando te vídimus esuriéntem et pávimus, aut sitiéntem et dédimus tibi potum? quando autem te vídimus hóspitem et collégimus, aut nudum et cooperúimus? quando autem te vídimus infirmum aut in cárcere et vénimus ad te? "

Et respóndens Rex dicet illis: " Amen dico vobis, quámdiu fecístis uni de his frátribus meis mínimis, mihi fecístis " .

Tunc dicet et his qui a sinístris erunt: " Discédite a me, maledícti, in ignem ætérnum, qui præparátus est diabolo et ángelis eius. Esurívi enim, et non dedístis mihi manducáre; sitívi, et non dedístis mihi potum; hospes eram, et non collegístis me; nudus, et non operuístis me; infirmus et in cárcere, et non visitástis me " .

Tunc respondébunt et ipsi dicéntes: " Dómine, quando te vídimus esuriéntem aut sitiéntem aut hóspitem aut nudum aut infirmum vel in cárcere, et non ministrávimus tibi? "

Tunc respondébit illis dicens: " Amen dico vobis, quámdiu non fecístis uni de mínimis his, nec mihi fecístis " . Et ibunt hi in supplicium ætérnum, iusti autem in vitam ætérnam » . — Verbum Dómini.

---

vel brevior

✠ **Léctio sancti Evangélii secúndum Matthæum**

25, 31-40

**In illo témpore:**

**Dixit Iesus discipulis suis: « Cum vénerit Fílius hóminis in glória sua, et omnes ángeli cum eo, tunc sedébit super thronum glóriæ suæ: et congregabúntur ante eum omnes gentes, et separábit eos ab ínvicem, sicut pastor ségregat oves ab hædis: et státuet oves quídem a dextris suis, hædos autem a sinístris.**

**Tunc dicet Rex his qui a dextris eius erunt: “ Veníte, benedícti Patris mei, possidéte parátum vobis Regnum a constitutióne mundi. Esurívi enim, et dedístis mihi manducáre; sitívi, et dedístis mihi bíbere; hospes eram, et collegístis me; nudus, et operuístis me; infírmi, et visitástis me; in cárcere eram, et venístis ad me ”.**

**Tunc respondébunt ei iusti dicéntes: “ Dómine, quando te vídimus esuriéntem et pávimus, aut sitiéntem et dédimus tibi potum? quando autem te vídimus hóspitem et collégimus, aut nudum et cooperúimus? quando autem te vídimus infírmi aut in cárcere et vénimus ad te? ”**

**Et respóndens Rex dicet illis: “ Amen dico vobis, quámdiú fecístis uni de his frátribus meis mínimis, mihi fecístis ” ». — Verbum Dómini.**

## 11

**Alleluia et Versus ante Evangelium**

**(R. Allelúia). V. Si mansérítis in sermóne meo, vere discípli mei éritis et cognoscétis veritátem, dicit Dóminus. (R. Allelúia).**

*Qui fecerit voluntatem Dei, hic frater meus  
et soror mea et mater est.*

✠ Lécio sancti Evangélii secúndum Marcum 3, 31-35

In illo témpore:

Venit mater Iesu et fratres eius, et foris stantes miserunt ad eum vocántes eum.

Et sedébat circa eum turba, et dicunt ei: « Ecce mater tua et fratres tui et soróres tuæ foris quærunte te ».

Et respóndens eis ait: « Quæ est mater mea et fratres mei? »

Et circumspíciens eos, qui in circúitu eius sedébat, ait: « Ecce mater mea et fratres mei. Qui enim fécerit voluntátem Dei, hic frater meus et soror mea et mater est ». — Verbum Dómini.

## 12

Pro educatoribus

Alleluia et Versus ante Evangelium Cf. Mt 11, 25

(R. Allelúia). γ. Benedíctus es, Pater, Dómine cæli et terræ,

quia mystéria Regni párvulis revelásti.

(R. Allelúia).

*Quisquis unum ex pueris recipit, me recipit.*

✠ Lécio sancti Evangélii secúndum Marcum 9, 34-36

Discípuli Iesu in via inter se disputáverant quis eórum maior esset.

Et résidens vocávit Duódecim et ait illis: « Si quis vult primus esse, erit ómnium novíssimus et ómnium mínister ».



Et accípiens púerum státuit eum in médio eórum; quem ut compléxus esset, ait illis: « Quisquis unum ex huiúsmodi púeris recéperit in Nómine meo, me récipit; et quicúmque me suscepérit, non me súscipit, sed eum qui me misit ». — Verbum Dómini.

## 13

Pro educatoribus

Alleluia et Versus ante Evangelium Cf. Mt 11, 25  
(R. Allelúia). γ. Benedíctus es, Pater, Dómine cæli et  
terræ,  
quia mystéria Regni párvulis revelásti.  
(R. Allelúia).

*Sinite parvulos venire ad me.*

✠ Lécio sancti Evangélii secúndum Marcum 10, 13-16

In illo témpore:

Offerébant Iesu párvulos, ut tángeret illos; discí-puli autem comminabántur offeréntibus. At videns Iesus, indígne tulit et ait illis: « Sinite párvulos venire ad me, ne prohibuéritis eos; tálíum est enim Regnum Dei. Amen dico vobis, quisquis non recéperit Regnum Dei velut párvulus, non intrábit in illud ».

Et compléxans eos, benedicébat impónens manus super illos. — Verbum Dómini.

## 14

Pro religiosis

Alleluia et Versus ante Evangelium Mt 5, 3  
(R. Allelúia). γ. Beáti páuperes spírítu,  
quóniam ipsórum est Regnum cælórum.  
(R. Allelúia).

\* *Quaecumque habes vende, et sequere me.*

✠ Lécctio sancti Evangélii secúndum Marcum 10, 17-30

In illo témpore:

Cum egrederétur Iesus in viam, accúrrens quidam et genu flexo ante eum, rogábat eum: « Magister bone, quid fáciam ut vitam aetérnam percípiam? »

Iesus autem dixit ei: « Quid me dicis bonum? Nemo bonus, nisi unus Deus.

Præcépta nosti: “ Ne occidas, ne adúlteres, ne furéris, ne falsum testimónium dixeris, ne fraudem féceris, honóra patrem tuum et matrem ” ».

Ille autem dixit ei: « Magister, hæc ómnia conservávi a iuventúte mea ».

Iesus autem intúitus eum diléxit eum, et dixit illi: « Unum tibi deest: vade, quaecúmque habes vende et da paupéribus, et habébis thesáurum in cælo; et veni, séquere me ».

Qui contristátus in hoc verbo ábiit mærens; erat enim habens possessiões multas.

Et circumspiciens Iesus ait discíplis suis: « Quam difícilé qui pecúnias habent in Regnum Dei introibunt! »

Discípuli autem obstupescébant in verbis eius.

At Iesus rursus respóndens ait illis: « Fílii, quam difícilé est in Regnum Dei introíre! Facílius est camélum per forámen acus transíre, quam dívitem intráre in Regnum Dei ».

Qui magis admirabántur dicétes ad semetípsos: « Et quis potest salvus fieri? »

Intuens illos Iesus ait: « Apud hómines impossíbile est, sed non apud Deum; ómnia enim possíbilia sunt apud Deum ».

Cœpit Petrus ei dicere: « Ecce nos dimísimus ómnia, et secúti sumus te ».

Ait Iesus: « Amen dico vobis, nemo est, qui reliquerit domum aut fratres aut sorores aut matrem aut patrem aut filios aut agros propter me et propter Evangelium, qui non accipiat centies tantum nunc in tempore hoc, domos et fratres et sorores et matres et filios et agros cum persecutiōnibus, et in sœculo futuro vitam æternam ». — Verbum Dómini.

---

vel brevior

✠ Læctio sancti Evangelii secundum Marcum 10, 17-27

In illo tempore:

Cum egrederetur Iesus in viam, accurrens quidam et genu flexo ante eum, rogabat eum: « Magister bone, quid faciam ut vitam æternam percipiam? »

Iesus autem dixit ei: « Quid me dicis bonum? Nemo bonus, nisi unus Deus.

Præcepta nosti: " Ne occidas, ne adulteres, ne fureris, ne falsum testimonium dixeris, ne fraudem feceris, honora patrem tuum et matrem " ».

Ille autem dixit ei: « Magister, hæc omnia conservavi a iuventute mea ».

Iesus autem intuitus eum dilexit eum, et dixit illi: « Unum tibi deest: vade, quæcumque habes vende et da pauperibus, et habebis thesaurum in cælo; et veni, sequere me ».

Qui contristatus in hoc verbo, abiit mærens; erat enim habens possessiones multas.

Et circumspiciens Iesus ait discipulis suis: « Quam difficile qui pecunias habent in Regnum Dei introibunt! »

Discipuli autem obstupescébant in verbis eius.

At Iesus rursus respondens ait illis: « Filii, quam difficile est in Regnum Dei introire! Facilius est camé-

lum per forámen acus transíre, quam dívitem intráre in Regnum Dei ».

Qui magis admirabántur dicétes ad semetípsos: « Et quis potest salvus fieri? »

Intuens illos Iesus ait: « Apud hómines impossibile est, sed non apud Deum; ómnia enim possibilía sunt apud Deum ». — Verbum Dómini.

## 14a

Alleluia et Versus ante Evangelium Io 13, 34

(R. Allelúia). *¶* Mandátum novum do vobis, dicit Dóminus,  
ut diligátis invicem sicut diléxi vos.  
(R. Allelúia).

*Estote misericordes,  
sicut et Pater vester misericors est.*

✠ Lécio sancti Evangéllii secúndum Lucam 6, 27-38

In illo témpore: Dixit Iesus discíplis suis:

« Vobis dico, qui audítis: Dilígite inimícos vestros, bene fácite his qui vos odérunt; benedícite maledicéntibus vobis, oráte pro calumniántibus vos. Ei qui te pércutit in maxíllam, præbe et álteram. Et ab eo qui aufert tibi vestiméntum, étiam túnícá noli prohibére. Omni peténti te, tribue; et ab eo qui aufert quæ tua sunt, ne répetas. Et, prout vultis ut fáciant vobis hómines, fácite illis simíliter.

Et si dilígitis eos qui vos dilígunt, quæ vobis est grátia? Nam et peccatóres dilígétes se dilígunt. Et si bene fecéritis his qui vobis bene faciunt, quæ vobis est grátia? Síquidem et peccatóres idem faciunt. Et si mútuam dedéritis his a quibus sperátis recíperé, quæ

vobis grátia est? Nam et peccatóres peccatóribus foenerántur, ut recipiant æquália.

Verúmtamen diligíte inimícos vestros, bene fácite et mútuum date, nihil desperántes; et erit merces vestra multa, et éritis filii Altíssimi, quia ipse benígnus est super ingrátos et malos. Estóte misericórdes, sicut et Pater vester miséricors est.

Et nolíte iudicáre et non iudicabímmini; et nolíte condemnáre et non condemnabímmini; dimíttite et dimittémmini; date et dábitur vobis: mensúram bonam, confértam, coagitatam, supereffluéntem dabunt in sinum vestrum. Eádem quippe mensúra, qua mensi fuéritis, remetiétur vobis ». — Verbum Dómini.

## 15

Pro religiosis

Alleluia et Versus ante Evangelium Io 8, 12 b

(R. Allelúia). V. Ego sum lux mundi, dicit Dóminus; qui séquitur me, habébit lumen vitæ.

(R. Allelúia).

*Sequar te quocumque ieris.*

✠ Lécio sancti Evangélii secúndum Lucam 9, 57-62

In illo témpore:

Ambulántibus Iesu et discíplis suis in via, dixit quidam ad illum: « Sequar te quocúmque ieris ».

Et ait illi Iesus: « Vulpes fóveas habent et vólucres cæli nidos; Fílius autem hóminis non habet ubi caput reclínet ».

Ait autem ad álterum: « Séquere me ».

Ille autem dixit: « Dómine, permítte mihi primúm ire, et sepelíre patrem meum ».

Dixitque ei Iesus: « Sine ut mórtui sepéliant mórtuos suos; tu autem vade, annúntia Regnum Dei ».

Et ait alter: « Sequar te, Dómine, sed primum permítte mihi renuntiáre his qui domi sunt ».

Ait ad illum Iesus: « Nemo mittens manum suam in arátrum et aspiciens retro, aptus est Regno Dei ».

Verbum Dómini.

## 16

Alleluia et Versus ante Evangelium Io 14, 23

(*R.* Allelúia). *V.* Si quis díligit me, sermónem meum servábit,  
et Pater meus díliget eum,  
et ad eum veniémus. (*R.* Allelúia).

*Martha excepit illum.*

*Maria optimam partem elegit.*

✠ Lécio sancti Evangélii secúndum Lucam 10, 38-42

In illo témpore:

Intrávit Iesus in quoddam castéllum; et múlier quædam, Martha nómine, excépit illum. Et huic erat soror nómine María, quæ étiam sedens secus pedes Dómini audiébat verbum illíus.

Martha autem satagébat circa frequens ministérium; quæ stetit et ait: « Dómine, non est tibi curæ, quod soror mea reliquit me solam ministráre? dic ergo illi ut me ádiuvet ».

Et respóndens dixit illi Dóminus: « Martha, Martha, sollicita es et turbáris erga plúrima. Porro unum est necessárium: María enim óptimam partem elégit, quæ non auferétur ab ea ». — Verbum Dómini.

## Pro religiosis

Alleluia et Versus ante Evangelium Mt 5, 3

(R. Allelúia). V. Beáti páuperes spíritu,  
quóniam ipsórum est Regnum cælórum.  
(R. Allelúia).

*Complacuit Patri vestro dare vobis Regnum.*

✠ Lécitio sancti Evangélii secúndum Lucam 12, 32-34

In illo témpore:

Dixit Iesus discipulis suis: « Noli timére, pusíllus grex, quia complacuit Patri vestro dare vobis Regnum.

Véndite quæ possidétis et date eleemósynam. Fácite vobis sácculos qui non veteráscunt, thesáurum non deficiéntem in cælis, quo fur non apprópiat, neque tinea corrúmpit.

Ubi enim thesáurus vester est, ibi et cor vestrum erit ». — Verbum Dómini.

Alleluia et Versus ante Evangelium Lc 21, 36

(R. Allelúia). V. Vigiláte, omni témpore orántes,  
ut digni habeámini, stare ante Fílium hó-  
minis. (R. Allelúia).

*Et vos estote parati.*

✠ Lécitio sancti Evangélii secúndum Lucam 12, 35-40

In illo témpore:

Dixit Iesus discipulis suis: « Sint lumbi vestri præcíncti, et lucérnæ ardéntes, et vos símiles homínibus ex-

spectántibus dómimum suum, quando revertátur a núp-  
tiis; ut, cum vénerit et pulsáverit, conféstim apérian-  
t ei.

Beáti servi illi, quos, cum vénerit dómínus, invé-  
nerit vigilántes; amen dico vobis, quod præcinget se, et  
fáciat illos discumbere et tránsiens ministrábit illis.

Et si vénerit in secúnda vigília et si in tértia vigília  
vénerit et ita invénerit, beáti sunt illi.

Hoc autem scitóte, quia si sciret pater famílias  
qua hora fur veníret, non síneret perfodíri domum suam.

Et vos estóte paráti, quia, qua hora non putátis,  
Fílius hóminis véniet ». — Verbum Dómini.

## 19

## Pro religiosis

Alleluia et Versus ante Evangelium Mt 5, 3

(*R.* Allelúia). *¶* Beáti páuperes spírítu,  
quóniam ipsórum est Regnum cælórum.  
(*R.* Allelúia).

*Qui non renuntiat omnibus quæ possidet,  
non potest meus esse discipulus.*

✠ Lécio sancti Evangélli secúndum Lucam 14, 25-33

In illo témpore:

Ibant turbæ multæ cum Iesu, et convérsus dixit ad  
illos: « Si quis venit ad me, et non odit patrem suum  
et matrem et uxórem, et fílios et fratres et soróres,  
adhuc et ánimam suam, non potest esse meus discipu-  
lus. Et qui non báulat crucem suam et venit post me,  
non potest esse meus discipulus.

Quis enim ex vobis, volens turrem ædificáre, non  
prius sedens cómputat sumptus, si habet ad perficién-  
dum? ne, posteaquam posúerit fundaméntum et non  
potúerit perfícere, omnes qui vident incípiant illúdere



ei, dicentes: " Hic homo cœpit ædificare et non potuit consummare? "

Aut quis rex, iturus committere bellum adversus alium regem, non sedens prius cogitat, si possit cum decem milibus occurrere ei, qui cum viginti milibus venit ad se? Alioquin, adhuc illo longe agente, legationem mittens rogat ea quæ pacis sunt.

Sic ergo omnis ex vobis, qui non renuntiat omnibus quæ possidet, non potest meus esse discipulus ».

Verbum Domini.

## 20

Alleluia et Versus ante Evang. Io 15, 9 b. 5 b

(R. Alleluia). *γ. Manete in dilectione mea, dicit Dominus;*

*qui manet in me et ego in eo,*

*hic fert fructum multum. (R. Alleluia).*

*Qui manet in me, et ego in eo,  
hic fert fructum multum.*

✠ Lectio sancti Evangelii secundum Iohannem 15, 1-8

In illo tempore:

Dixit Iesus discipulis suis: « Ego sum vitis vera, et Pater meus agricola est. Omnem palmitem in me non ferentem fructum tollit eum, et omnem qui fert fructum purgat eum, ut fructum plus afferat. Iam vos mundi estis propter sermonem, quem locutus sum vobis.

Manete in me, et ego in vobis. Sicut palmes non potest ferre fructum a semetipso, nisi manserit in vite, sic nec vos, nisi in me manseritis.

Ego sum vitis, vos palmites; qui manet in me, et ego in eo, hic fert fructum multum, quia sine me nihil potestis facere. Si quis in me non manserit, missus est

foras sicut palmes et áruit, et cólligunt eos et in ignem mittunt, et ardent.

Si manséritis in me, et verba mea in vobis mánserint, quodcúmque voluérítis pétite, et fiet vobis.

In hoc glorificátus est Pater meus, ut fructum multum afferátis, et efficiámini mei discípuli ».

Verbum Dómini.

## 21

Alleluia et Versus ante Evangelium Io 13, 34

(R. Allelúia). *γ.* Mandátum novum do vobis, dicit Dóminus,  
ut diligátis ínvicem sicut diléxi vos.  
(R. Allelúia).

*Vos amici mei estis, si faciétis  
quæ ego præcipio vobis.*

✠ Léctio sancti Evangélii secúndum Ioánnem 15, 9-17

In illo témpore:

Dixit Iesus discíplis suis: « Sicut diléxit me Pater, et ego diléxi vos. Manéte in dilectióne mea. Si præcépta mea servavérítis, manébitis in dilectióne mea; sicut ego Patris mei præcépta servávi, et máneo in eius dilectióne. Hæc locútus sum vobis, ut gáudium meum in vobis sit et gáudium vestrum impleátur.

Hoc est præcéptum meum, ut diligátis ínvicem, sicut diléxi vos. Maiórem hac dilectiónem nemo habet, ut ánimam suam quis ponat pro amícis suis.

Vos amíci mei estis, si faciétis quæ ego præcipio vobis. Iam non dico vos servos, quia servus nescit quid facit dóminus eius: vos autem dixi amícos, quia ómnia, quæ audívi a Patre meo, nota feci vobis.

Non vos me elegístis; sed ego elégi vos et pósui vos, ut vos eátis et fructum afferátis, et fructus vester má-

neat, ut, quodcúmque petiéritis Patrem in Nómine meo, det vobis.

Hæc mando vobis, ut diligátis invicem ».  
Verbum Dómini.

## 22

Alleluia et Versus ante Evang. Io 15, 9 b. 5 b

(R. Allelúia). γ. Manéte in dilectióne mea, dicit Dóminus;

qui manet in me et ego in eo,  
hic fert fructum multum. (R. Allelúia).

*Volo ut ubi ego sum,  
et illi sint mecum.*

✠ Lécio sancti Evangélii secúndum Ioánnem

17, 20-26

In illo témpore:

Sublevátis Iesus óculis in cælum, orávit dicens:  
« Pater sancte, non pro his rogo tantum, sed et pro eis qui creditúri sunt per verbum eórum in me; ut omnes unum sint, sicut tu, Pater, in me, et ego in te, ut et ipsi in nobis sint, ut mundus credat quia tu me misísti.

Et ego glóriam; quam dedísti mihi, dedi illis, ut sint unum sicut et nos unum sumus.

Ego in eis, et tu in me, ut sint consummáti in unum, ut cognóscat mundus quia tu me misísti et dilexísti eos, sicut me dilexísti.

Pater, quod dedísti mihi, volo ut, ubi ego sum, et illi sint mecum, ut vídeant glóriam meam, quam dedísti mihi; quia dilexísti me ante constitutióne[m] mundi.

Pater iuste, et mundus te non cognóvit; ego autem te cognóvi, et hi cognovérunt quia tu me misísti. Et notum feci eis Nomen tuum, et notum fáciam, ut dilectio, qua dilexísti me, in ipsis sit, et ego in ipsis ».

Verbum Dómini.

## ANTIPHONÆ AD INTROITUM AD LIBITUM

in sollemnitatibus et festis

1. Gaudeámus omnes in Dómino, diem festum celebrán-tes sub honóre beáti (beátæ) **N.** (mártyris, pastóris, etc.): de cuius sollemnitáte (festivitáte, passióne) gau-derent Angeli, et colláudant Fílium Dei.
2. Lætémur omnes in Dómino in sollemnitáte sancti **N.**, protectóris nostri, qui hódie ex hoc mundo, fide triúmphans, ad cælum migrávit, in ætérnum cum Chri-sto regnatúrus.
3. Certámen gloriósum Patróni nostri cum gáudio ce-lebrémus, qui, Christum conféssus coram homínibus, honorári a Christo mérui coram Patre qui est in cælis.
4. Sollemnitátem beáti **N.** mártyris cum gáudio cele-brémus, quia pro lege Dei sui certávit usque ad mortem, et hódie in cælis a Christo mérui glorióse coronári.
5. Laudem dícite Deo nostro, omnes Sancti eius et qui tímétis Deum, pusílli et magni; quóniam regnábit Dó-minus Deus noster omnípotens. Gaudeámus, et exsul-témus, et demus glóriam ei.
6. Hódie beátus **N.** labóris sui præmíum recépit; hódie in cælésti convívio cum Sanctis ómnibus gloriósus con-sédit.

# **MISSÆ RITUALES**

**NB.** - Textus linguici, qui pro vno ponuntur, aptati possunt  
pro muliere, mutato genere, vel pro pluribus, mutato numero.

# I. IN CONFERENDIS SACRAMENTIS INITIATIONIS CHRISTIANÆ

## 1. PRO ELECTIONE SEU INSCRIPTIONE NOMINIS

Ant. ad introitum

Ps 104, 3-4

**Lætétur cor quæréntium Dóminum.  
Quérite Dóminum et confirmámini,  
quærite fáciem eius semper.**

Collecta

**Deus, qui, licet salutem hóminum semper operáris,  
nunc tamen pópulum tuum  
grátia abundantióre lætíficas,  
réspecte propítius ad electiónem tuam,  
ut piæ protectionis auxiliium  
et regenerándos múniat et renátos.  
Per Dóminum.**

Lectiones, ut indicantur p. 1066.

Super oblata

**Omnípotens sempitérne Deus,  
qui nos ad ætérrnam vitam  
in confessióne tui nóminis  
baptísmatis réparas sacraménto,  
súscipe tuórum múnera et vota famulórum,  
ut in te sperántium et desidéria iúbeas pèrfici  
et peccáta deléri. Per Christum.**

Dicitur præfatio de Tempore.

Ant. ad communionem

Eph 1, 7

**In Christo habémus redemptiónem per sánguinem eius,  
remissiónem peccatórum, secúndum divítias grátie eius.**

Post communionem

**Purificent nos, quæsumus, Dómine,  
sacraménta quæ sumpsimus,  
et fámulos tuos  
ab omni culpa líberos esse concéde,  
ut, qui consciéntiæ reátu constringúntur,  
cæléstis remédii plenitúdine gloriéntur.  
Per Christum.**

Sumi potest etiam Missa feriæ sextæ hebdomadæ IV in Quadra-  
gesima, p. 174.

## 2. IN SCRUTINIIS PERAGENDIS

Hæc Missa adhibetur quando scrutinia celebrantur, sive tempore ipsis proprio, idest in dominicis III, IV et V in Quadra-  
gesima, sive aliis temporibus.

Ant. ad introitum

Ez 36, 23-26

**Cum sanctificátus fúero in vobis,  
congregábo vos de univérsis terris;  
et effúndam super vos aquam mundam,  
et mundabímmini ab ómnibus inquinaméntis vestris.  
Et dabo vobis spíritum novum,  
dicit Dóminus.**

Collecta

In primo scrutinio:

**Da, quæsumus, Dómine, eléctis nostris  
digne atque sapiénter  
ad confessiónem tuæ laudis accédere,  
ut dignitáte pristina,  
quam origináli transgressióne perdidérunt,  
per tuam glóriam reforméntur.  
Per Dóminum.**



In secundo scrutinio:

**Omnípotens sempitérne Deus,  
Ecclésiám tuám spirítáli iucundítate múltíplica,  
ut, qui sunt generatióne terréni,  
fiant regeneratióne cæléstes. Per Dóminum.**

In tertio scrutinio:

**Concéde, Dómine, eléctis nostris,  
ut, sanctis edócti mystériis,  
et renovéntur fonte baptísmatis  
et inter Ecclésiæ tuæ membra numeréntur.  
Per Dóminum.**

Lectiones, ut indicantur p. 1066.

Super oblata

In primo scrutinio:

**Miserátio tua, Deus,  
ad hæc percipiéndá mystéria fámulos tuos, quæsumus,  
et prævéniat competénter  
et devóta conversatióne perdúcat. Per Christum.**

In secundo scrutinio:

**Remédii sempitérni múnera, Dómine,  
lætántes offérimus, suppliciter exorántes,  
ut éadem nos et digne venerári  
et pro salvándis congruénter exhibére perficias.  
Per Christum.**

In tertio scrutinio:

**Exáudi nos, omnípotens Deus,  
et fámulos tuos, quos fidei cristiánæ primítiis imbuísti,  
huius sacrificii tríbuas operatióne mundári.  
Per Christum.**

Dicitur præfatio propria de singulis dominicis Quadragesimæ vel, aliis diebus, de Tempore.

Quando adhibetur Canon Romanus, in **Meménto** vivorum fit memoria patrinatorum, et dicitur **Hanc igitur** proprium.

**Meménto, Dómine, famulórum famularúmque tuárum, qui eléctos tuos susceptúri sunt ad sanctam grátiam baptismi tui, et recitantur nomina patrinatorum et matricularum, et ómnium circumstántium, quorum tibi fides cógnita est ...**

**Hanc igitur oblatiónem, Dómine, ut propítius suscipias, deprecámur, quam tibi offérimus pro fámulis et famulábus tuis, quos ad ætérnam vitam et beátum grátiae tuæ donum numeráre, elégere atque vocáre dignátus es. (Per Christum Dóminum nostrum. Amen.)**

Ant. ad communionem

Quando legitur Evangelium de Samaritana: Io 4, 13-14

**Qui bíberit aquam, quam ego dabo ei, dicit Dóminus, fiet in eo fons aquæ salientis in vitam ætérnam.**

Quando legitur Evangelium de cæco nato: Cf. Io 9, 11

**Dóminus linívit óculos meos: et ábii, et lavi, et vidi, et crédidi Deo.**

Quando legitur Evangelium de Lazaro: Io 11, 26

**Omnis qui vivit et credit in me, non moriétur in ætérnum, dicit Dóminus.**

Post communionem

In primo scrutinio:

**Adéstó, Dómine, quésumus, redemptionis efféctibus, ut, quos sacraméntis æternitátis instítues, eósdem prótegas dignánter aptándos. Per Christum.**

**In secundo scrutinio:**

**Tu semper, quæsumus, Dómine,  
tuam attólle benígnus familiam,  
tu dispónere corréctam, tu propítius tuére subiéctam,  
tu gubérna perpétua bonitáte salvándam.  
Per Christum.**

**In tertio scrutinio:**

**Concurrat, Dómine, quæsumus, pópulus tuus  
et toto tibi corde subiéctus obtíneat,  
ut, ab omni perturbatióne secúrus,  
et salvatiónis suæ gáudia promptus exérceat  
et pro regenerándis benígnus exóret.  
Per Christum.**

### 3. IN CONFERENDO BAPTISMATE

Hæc Missa dicitur, cum colore albo, in collatione Baptismi adultorum, præsertim si in eadem actione liturgica etiam Confirmatio datur.

Dici potest, pro opportunitate, etiam in collatione Baptismi parvulorum.

Adhiberi autem potest omnibus diebus, exceptis dominicis Adventus, Quadragesimæ et Paschæ, sollemnitatibus, atque feriis IV Cinerum et totius Hebdomadæ sanctæ.

## A

**Ant. ad introitum**

**Eph 4, 24**

**Indúite novum hóminem,  
quí secúndum Deum créatus est  
in iustítia et sanctitáte veritátis.**

**Collecta**

**Deus, qui nos facis passiónis et resurrectiόnis Fílii tui  
participáre mystérium,  
præsta, quæsumus,**

ut, adoptiõnis filiõrum Spírítu roboráti,  
in novitáte vitæ iúgiter ambulémus.  
Per Dóminum.

**Lectiones ut infra, pp. 1076-1107, vel, pro parvulis, pp. 1109-1125.**

### **Super oblata**

Quos Fílio tuo conformátos  
(et chrismatis signáculo perféctos )  
pópulo sacerdotáli propítius aggregásti,  
rogámus, Dómine,  
ut in acceptábiles hóstias computáre dignéris,  
et una cum oblatiõnibus Ecclésiæ tuæ benígnus accípias.  
Per Christum.

**Quando adhibetur Canon Romanus, in Meménto vivorum fit memoria patrinorum:**

Meménto, Dómine, famulórum famularúmque tuárum,  
qui eléctos tuos suscepérunt  
ad sanctam grátiam baptísmi tui,  
**et recitantur nomina patrinorum et matrinarum,**  
et ómnium circumstántium,  
quorum tibi fides cógnita est ...

**In Precibus eucharisticis, neophytorum memoria secundum has formulas inseritur:**

**a) in Prece eucharistica I dicitur Hanc igitur proprium:**

Hanc igitur oblatiõnem servitútis nostræ,  
sed et cunctæ familiæ tuæ,  
quam tibi offérimus pro his quoque,  
quos regeneráre dignátus es ex aqua et Spírítu Sancto,  
tribuens eis remissionem ómnium peccatórum,  
ut inveníres eos in Christo Iesu Dómino nostro,  
quásumus, Dómine, ut placátus accípias,  
et nómina eórum ascribí iúbeas in libro vivéntium.  
(Per Christum Dóminum nostrum. Amen.)

b) **in intercessionibus Preci eucharisticæ II, post verba et univérso clero, additur:**

Recordáre quoque, Dómine, neophytórum,  
qui hódie per Baptísmum (et Confirmatióem)  
familiæ tuæ adiúcti sunt,  
ut Christum, Fílium tuum,  
corde magno et ánimo volénti sequántur.  
Meménto étiam ...

c) **in intercessionibus Preci eucharisticæ III, post verba adésto propítius, additur:**

Confórta, quásumus, in sancto propósito fámulos tuos,  
qui hódie per lavácrum regeneratiónis  
(et donatióem Sancti Spíritus)  
plebi tuæ aggregáti sunt,  
et concéde, ut in novitáte vitæ semper procédant.  
Omnes filios tuos ubíque dispérsos ...

d) **in intercessionibus Preci eucharisticæ IV, mentio neophytorum inseritur hoc modo:**

... sed et totíus cleri, et offeréntium,  
et circumstántium, et neophytórum,  
quos hódie ex aqua et Spíritu Sancto regenerásti,  
et cuncti pópuli tui ...

**Ant. ad communionem**

**1 Io 3, 1**

Vidéte qualem caritátem dedit nobis Pater,  
ut filii Dei nominémur et simus.

**Post communionem**

Præsta, quásumus, Dómine,  
ut, carnis et ságuinis Fílii tui præditi sacraménto,  
in communióne Spíritus eius  
fratrúmque dilectiÓne ita crescámus,  
quátenuS ad plenam córporis Christi mensúram  
caritáte vívida dilatémur.  
Per Christum.

**B**

Ant. ad introitum

Tit 3, 5. 7

**Salvos nos fecit Deus  
per lavácrum regeneratiónis  
et renovatiónis Spíritus Sancti,  
ut, iustificáti grátia ipsíus,  
herédes simus secúndum spem vitæ æternæ.**

Collecta

**Deus, qui nos regéneras verbo vitæ,  
da, ut, corde sincéro illud accipiéntes,  
·veritatém álacres faciámus,  
et fraternæ afferámus fructus plúrimos caritatís.  
Per Dóminum.**

Lectiones ut infra, pp. 1076-1107, vel, pro parvulis, pp. 1109-1125.

Super oblata

**Ad parátum panem accedéntibus vinúmque commíxtum  
iánuam, Dómine, résera censæ tuæ,  
ut, cæléste cum gáudiis convívium celebrántes,  
inter sanctórum cives tuósque domésticos censeámur.  
Per Christum.**

Intercessionés propriæ, pp. 1056-1057.

Ant. ad communionem

1 Io 3, 2

**Caríssimi, nunc filii Dei sumus,  
et nondum apparuit quid érimus.**

Post communionem

**Præclárum, Dómine,  
mortis et resurrectiÓnis Filii tui mystérium,  
quod annuntiávimus, celebrándo,  
fac, ut, per huius sacraménti virtútem,  
étiam vivéndo fateámur.  
Per Christum.**

#### 4. IN CONFERENDA CONFIRMATIONE

Hæc Missa dicitur, cum colore rubro vel albo, quando in ipsa Missa aut immediate ante vel post ipsam Missam confertur Confirmatio.

Adhiberi autem potest omnibus diebus, exceptis dominicis Adventus, Quadragesimæ et Paschæ, sollemnitatibus, atque feriis IV Cinerum et totius Hebdomadæ sanctæ.

##### A

Ant. ad introitum

Ez 36, 25-26

**Dicit Dóminus: Effúndam super vos aquam mundam,  
et dabo vobis cor novum,  
et spíritum novum ponam in médio vestri.**

Collecta

**Præsta, quæsumus, omnípotens et miséricors Deus,  
ut Spíritus Sanctus advéniens  
templum nos glóriæ suæ  
dignánte inhabitándo perficiat.  
Per Dóminum.**

Vel:

**Promissionem tuam, quæsumus, Dómine,  
super nos propitiátus adímple,  
ut Spíritus Sanctus advéniens  
nos coram mundo testes efficiat  
Evangélii Dómini nostri Iesu Christi.  
Qui tecum vivit.**

Aliæ orationes ad libitum, pp. 1062-1063.

Lectiones ut infra, pp. 1126-1151.

Super oblata

**Famulórum tuórum, quæsumus, Dómine,  
súscipe vota cleménte, et præsta,  
ut, Fílio tuo perféctius configuráti,**

**in testimónium eius indesinéter accréscent,  
memoriále participánte redemptionis eius,  
qua Spíritum tuum nobis ipse promérui.  
Qui tecum.**

**Quando adhibetur Canon Romanus, dicitur Hæc igitur proprium:**

**Hanc igitur oblatiónem servitútis nostræ,  
sed et cunctæ familiæ tuæ,  
quam tibi offérimus pro iis quoque,  
quos, Baptísmate regenerátos,  
confirmáre dignátus es donatióne Spíritus Sancti,  
quæsumus, Dómine, ut placátus accípias,  
et propitiátus in eis tuam grátiam custódiás.  
(Per Christum Dóminum nostrum. Amen.)**

**Ant. ad communionem**

**Cf. Hebr 6, 4**

**Quicúmque illumináti estis,  
qui gustavístis donum cæléste,  
et participes facti estis Spíritus Sancti,  
gaudéte omnes in Dómino.**

**Post communionem**

**Spíritu Sancto, Dómine, perúncos  
tuíque Fílii sacraménto nutritos  
tua in pósterum benedictióne proséquare,  
ut, ómnibus adversitatibus superátis,  
Ecclésiám tuam sanctitate lætíficent,  
eiúsque in mundo increméta  
suis opéribus et caritate promóveant.  
Per Christum.**

**Benedictio in fine Missæ**

**Loco benedictionis consuetæ, in fine Missæ adhibetur benedictio  
quæ sequitur, vel oratio super populum, p. 1061.**



Benedícat vos Deus Pater omnípotens,  
qui vos, ex aqua et Spíritu Sancto renátos,  
fílios suæ adoptiónis effécit,  
et dignos sua patérna dilectióne custódiat.

℞. Amen.

Benedícat vos Fílius eius unigénitus,  
qui Spíritum veritátis  
in Ecclésia mansúrum esse promísit,  
et vos in confessióne veræ fidei  
sua virtúte confírmnet.

℞. Amen.

Benedícat vos Spíritus Sanctus,  
qui ignem caritátis in córdibus discipulórum accéndit,  
et vos, in unum congregátos,  
ad gáudium regni Dei sine offensióne perdúcat.

℞. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.

℞. Amen.

### Oratio super populum

Loco formulæ benedictionis prædictæ, adhiberi potest oratio super populum.

Diaconus vel minister dicere potest invitatorium: **Inclináte vos ad benedictiónem, vel aliud.**

Deinde Episcopus, manibus super populum extensis, dicit:

Confirma hoc, Deus, quod operátus es in nobis,  
et Spíritus Sancti dona  
in córdibus tuórum custódi fidélium,  
ut et Christum crucifíxum  
coram mundo confitéri non erubéscant,  
et mandáta eius devóta caritáte perficiant.

Per Christum Dóminum nostrum.

℞. Amen.

Benedícat vos omnípotens Deus,  
Pater, et Fílius, ✠ et Spíritus Sanctus.  
R. Amen.

## B

Ant. ad introitum

Cf. Rom 5, 5; 8, 11

Cáritas Dei diffúsa est in córdibus nostris  
per inhabitántem Spíritum eius in nobis.

### Collecta

Spíritum Sanctum tuum, quæsumus, Dómine,  
super nos dignánter effúnde,  
ut omnes, in unitáte fidei ambulántes,  
et caritátis eius fortitúdine roboráti,  
ad mensúram ætátis plenitúdinis Christi occurrámus.  
Per Dóminum.

Aliæ orationes ad libitum, pp. 1059 et 1063.

Lectiones ut infra, pp. 1126-1151.

### Super oblata

Hos fámulos tuos, Dómine,  
una cum Unigénito tuo benígnus admítte,  
ut, qui eius cruce spiritalíque sunt unctióne signáti,  
se tibi cum ipso iúgiter offeréntes,  
largiórem in dies effusiónem tui Spíritus mereántur.  
Per Christum.

Quando adhibetur Canon Romanus, dicitur Hanc ígitur proprium,  
ut in Missa præcedente, p. 1060.

Ant. ad communionem

Ps 33, 6. 9

Accédite ad Dóminum et illuminámini:  
gustáte et vidéte quóniam suávis est.

Post communionem

**Quos tui Spíritus, Dómine, cumulásti munéribus,  
tuique auxísti Unigéniti nutríméto,  
fac étiam in plenitúdine legis instrúctos,  
ut coram mundo tuæ libertátem adoptiónis  
iúgiter maníféstent,  
et prophéticum tui pópuli munus  
sua váleant sanctitáte præbére.  
Per Christum.**

Benedictio sollempnis vel oratio super populum, pp. 1060-1061.

## C

**Aliæ orationes, pro opportunitate adhibendæ**

Collecta

**Mentes nostras, quæsumus, Dómine,  
Paráclitus qui a te procedit illúminet,  
et indúcat in omnem, sicut tuus promísit Fílius, veritátem.  
Qui tecum.**

Super oblata

**Súscipe, quæsumus, Dómine, oblatiónem familiæ tuæ,  
ut, qui donum Spíritus Sancti suscepérunt,  
et colláta custódiant, et ad ætérna præmia pervéniant.  
Per Christum.**

Post communionem

**Spíritum nobis, Dómine, tuæ caritátis infúnde,  
ut, quos uno pane cælésti satiásti,  
una fácias pietáte concórdes.  
Per Christum.**

---

A

AD CATECHUMENOS FACIENDOS

Lectio prior

*Egredere de terra tua, et veni in terram,  
quam monstrabo tibi.*

Lectio libri Génesis

12, 1-4 a

In diébus illis:

Dixit Dóminus ad Abram: « Egrédere de terra tua, et de cognatióne tua, et de domo patris tui, et veni in terram, quam monstrábo tibi. Faciámque te in gentem magnam, et benedicám tibi; et magnificábo nomen tuum, erisque benedíctus.

Benedicám benedicéntibus tibi et maledicám maledicéntibus tibi; atque in te benedicéntur univérsæ cognatiónes terræ ».

Egréssus est itaque Abram, sicut præcéperat ei Dóminus. — Verbum Dómini.

Psalmus responsorius

Ps 32, 4-5. 12-13. 18-19. 20 et 22 (R.: 12 b vel 22)

R. Beátus pópulus, quem elégit Dóminus  
in hereditátem sibi.

vel: Fiat misericórdia tua, Dómine, super nos,  
quemádmódu sperávimus in te.

<sup>4</sup> Quia rectum est verbum Dómini,  
et ómnia ópera eius in fide.

<sup>5</sup> Díligit iustítiam et iudícium,  
misericórdia Dómini plena est terra. R.

- 12 **Beáta gens, cui Dóminus est Deus,  
pópulus, quem elégit in hereditátem sibi.**
- 13 **De cælo respéxit Dóminus,  
vidit omnes fílios hóminum. R.**
- 18 **Ecce óculi Dómini  
super metuéntes eum,  
in eos qui sperant super misericórdia eius,  
ut éruat a morte ánimas eórum,  
et alat eos in fame. R.**
- 20 **Anima nostra sústinet Dóminum,  
quóniam adiútor et protéctor noster est.**
- 22 **Fiat misericórdia tua, Dómine, super nos,  
quemádmódum sperávimus in te. R.**

**Alleluia et Versus ante Evang.**

**Io 1, 41 et 17 b**

**(R. Allelúia). V. Invenimus Messiam,  
qui est Christus;  
grátia et véritas per eum facta est.  
(R. Allelúia).**

### **Evangelium**

*Ecce Agnus Dei. Invenimus Messiam.*

**✠ Lécio sancti Evangélii secúndum Ioánnem 1, 35-42**

**In illo témpore:**

Stabat Ioánnes et ex discípulis eius duo. Et respiciens Iesum ambulátem, dicit: « Ecce Agnus Dei ». Et audierunt eum duo discípuli loquéntem, et secúti sunt Iesum.

Convérsus autem Iesus, et videns eos sequéntes se, dicit eis: « Quid quæritis? »

Qui dixerunt ei: « Rabbi (quod dicitur interpretátum: Magíster), ubi hábitas? »

Dicit eis: « Veníte et vidébitis ». Venérunt ergo et vidérunt ubi manéret, et apud eum mansérunt die illo; hora erat quasi décima.

Erat Andréas, frater Simónis Petri, unus ex duóbus qui audierant ab Ioánne et secúti fúerant eum.

Invénit hic primum fratrem suum Simónem, et dicit ei: « Invénimus Messíam (quod est interpretátum Christus) ». Addúxit eum ad Iesum.

Intúitus eum Iesus dixit: « Tu es Simon fílius Ioánnis: tu vocáberis Cephaz (quod interpretátur Petrus) ».

**Verbum Dómini.**

## **B**

### **IN DIE ELECTIONIS BAPTIZANDORUM**

*Si electio fit dominica I in Quadragesima, sumi possunt lectiones cuiuslibet seriei huius dominicæ.*

*Si fit extra dominicam et lectiones diei non conveniunt, similiter seligantur lectiones inter eas quæ assignantur dominicæ I in Quadragesima, p. 43, vel aliæ aptæ.*

## **C**

### **IN SCRUTINIIS PERAGENDIS**

#### **Ad I Scrutinium**

*Sumuntur semper lectiones dominicæ III in Quadragesima, seriei A, cum suis cantibus, p. 107.*

#### **Ad II Scrutinium**

*Sumuntur semper lectiones dominicæ IV in Quadragesima, seriei A, cum suis cantibus, p. 144.*

**Ad III Scrutinium**

Sumuntur semper lectiones dominicæ V in Quadragesima, seriei A, cum suis cantibus, p. 181.

**D****IN TRADITIONE SYMBOLI**

## Lectio prima

*Audi, Israel: Diliges Dominum ex toto corde tuo.*

## Lectio libri Deuteronomii

6, 1-7

Locutus est Móyses pópulo dicens: « Hæc sunt præcepta et cæremóniæ atque iudícia, quæ mandávit Dóminus Deus vester, ut docerem vos, et faciátis ea in terra ad quam transgredimini possidendam; ut timeas Dóminum Deum tuum et custodias ómnia mandáta et præcepta eius, quæ ego præcipio tibi et fliis ac nepótibus tuis, cunctis diébus vitæ tuæ, ut prolongentur dies tui.

Audi, Israel, et obsérva, ut fácias quæ præcepit tibi Dóminus, et bene sit tibi, et multipliceris ámplius, sicut pollicitus est Dóminus Deus patrum tuórum tibi terram lacte et melle manántem.

Audi, Israel: Dóminus Deus noster Dóminus unus est. Diliges Dóminum Deum tuum ex toto corde tuo et ex tota ánima tua et ex tota fortitúdine tua. Erúntque verba hæc, quæ ego præcipio tibi hódie, in corde tuo, et narrábis ea fliis tuis, et meditaberis in eis sedens in domo tua et ámbulans in itinere, dórmienti atque consúrgens ». — Verbum Dómini.

## Psalmus responsorius

Ps 18, 8. 9. 10. 11 (R.: Io 6, 69)

R. Dómine, verba vitæ æternæ habes.

- 8 Lex Dómini immaculáta, reficiens ánimam,  
testimónium Dómini fidèle,  
sapiéntiam præstans párvulis. R.
- 9 Iustítiæ Dómini rectæ, lætificántes corda,  
præcéptum Dómini lúcidum, illúminans óculos. R.
- 10 Timor Dómini mundus, pérmanens in sæculum sæculi,  
iudícia Dómini vera, iusta ómnia simul. R.
- 11 Desiderabilia super aurum  
et lápidem pretiósus multum,  
et dulcióra super mel et favum stillántem. R.

## Lectio secunda

1

*Fidei confessio credentis in Deum.*Lectio Epístolæ beáti Pauli apóstoli  
ad Romános

10, 8-13

Fratres:

Quid dicit Scriptúra? « Prope te est verbum in ore tuo et in corde tuo »; hoc est verbum fidei, quod prædicámus. Quia, si confiteáris in ore tuo « Dóminum Iesum » et in corde tuo credideris quod Deus illum excitávit ex mórtuis, salvus eris. Corde enim créditur ad iustítiam, ore autem conféssio fit in salutem.

Dicit enim Scriptúra: « Omnis qui credit in illo non confundétur ». Non enim est distíctio Iudæi et Græci, nam idem Dóminus ómnium, dives in omnes qui invocant illum: « Omnis enim quicumque invocáverit Nomen Dómini, salvus erit ». — Verbum Dómini.



## 2

\* *Per Evangelium salvamini, qua ratione evangelizaverim vobis, si tenetis.*

Lectio Epistolæ primæ beāti Pauli apóstoli  
ad Corínthios 15, 1-8

Notum vobis fácio, fratres, Evangélium, quod evangelizávi vobis, quod et accepístis, in quo et statis, per quod et salvámini: qua ratióne evangelizáverim vobis, si tenétis, nisi si frustra credidístis.

Trádidi enim vobis in primis quod et accépi; quóniam Christus mórtuus est pro peccátis nostris, secúndum Scriptúras, et quia sepúltus est et quia suscitátus est tértia die, secúndum Scriptúras, et quia visus est Cephæ, et post hæc Duódecim; deínde visus est plus quam quingéntis frátribus simul, ex quibus plures manent usque adhuc, quidam autem dormiérunt. Deínde visus est Iacóbo, deínde Apóstolis ómnibus; novíssime autem ómnium, tamquam abortívo, visus est et mihi.

Verbum Dómini.

vel brevior

Lectio Epistolæ primæ beāti Pauli apóstoli  
ad Corínthios 15, 1-4

Notum vobis fácio, fratres, Evangélium, quod evangelizávi vobis, quod et accepístis, in quo et statis, per quod et salvámini: qua ratióne evangelizáverim vobis, si tenétis, nisi si frustra credidístis.

Trádidi enim vobis in primis quod et accépi; quóniam Christus mórtuus est pro peccátis nostris secúndum Scriptúras, et quia sepúltus est et quia suscitátus est tértia die, secúndum Scriptúras. — Verbum Dómini.

## Evangelium

## 1

Versus ante Evangelium

Io 3, 16

γ. Sic Deus diléxit mundum,  
ut Fílium suum Unigénitum daret;  
omnis qui credit in eum habet vitam ætérnam.

*Super hanc petram ædificabo Ecclesiam meam.*

✠ Lécio sancti Evangélii secúndum Matthæum

16, 13-18

In illo témpore:

Venit Iesus in partes Cæsaráe Philippi, et interrogábat discipulos suos dicens: « Quem dicunt hómines esse Fílium hóminis? »

At illi dixerunt: « Alii Ioánnem Baptístam, álii autem Eliám, álii vero Ieremíam aut unum ex prophétis ».

Dicit illis: « Vos autem quem me esse dicitis? »

Respóndens Simon Petrus dixit: « Tu es Christus, Fílius Dei vivi ».

Respóndens autem Iesus dixit ei: « Beátus es, Simon Bar Iona, quia caro et sanguis non revelávit tibi, sed Pater meus qui in cælis est.

Et ego dico tibi: Tu es Petrus, et super hanc petram ædificábo Ecclésiám meam, et portæ inferi non prævalébunt advérsus eam ». — Verbum Dómini.

## 2

Versus ante Evangelium

Io 8, 12 b

γ. Ego sum lux mundi, dicit Dóminus;  
qui séquitur me, habébit lumen vitæ.

*Ego lux in mundum veni, ut omnis qui credit in me  
in tenebris non maneat.*

✠ **Lectio sancti Evangelii secundum Ioánnem**

12, 44-50

**In illo tépore:**

Clamávit Iesus et dixit: « Qui credit in me, non credit in me sed in eum qui misit me. Et qui videt me, videt eum qui misit me.

Ego lux in mundum veni, ut omnis qui credit in me, in ténebris non máneat. Et si quis audierit verba mea et non custodierit, ego non iúdicó eum; non enim veni ut iúdicem mundum, sed ut salvificem mundum.

Qui spernit me et non áccipit verba mea, habet qui iúdicet eum. Sermo quem locútus sum, ille iudicábit eum in novíssimo die.

Quia ego ex me ipso non sum locútus; sed qui misit me Pater, ipse mihi mandátum dedit quid dicam et quid loquar.

Et scio quia mandátum eius vita ætérna est. Quæ ergo ego loquor, sicut dixit mihi Pater, sic loquor ».

**Verbum Dómini.**

## **E**

### **IN TRADITIONE ORATIONIS DOMINICÆ**

Lectio prima

*Trabam vos in vinçulis caritatis.*

**Lectio libri Osée prophétæ** 11, 1 b. 3-4. 8 c-9

**Hæc dicit Dóminus:**

« Puer Israel, et diléxi eum, et ex Ægýpto vocávi filium meum.

Et ego, quasi nutricius Ephraim, portábam eos in brácciiis meis, et nesciérunt quod curárem eos. In funiculis Adam traham eos, in vínculis caritátis; et ero eis quasi exáltans iugum super maxíllas eórum, et declinávi ad eum ut vescerétur.

Convérsum est in me cor meum, páriter conturbáta est pænitúdo mea. Non fáciám furórem iræ meæ, non convértar ut dispérdam Ephraim, quóniam Deus ego et non homo; in médio tui sanctus, et non ingrédíar civitátem ». — Verbum Dómini.

**Psalmus responsorius**      **Ps 22, 1-3. 4. 5. 6 (R.: 1)**

**R.** Dóminus pascit me, et nihil mihi déerit.

**1** Dóminus pascit me, et nihil mihi déerit:

**2** in páscuis viréntibus me collocávit,  
super aquas quiétis edúxit me,

**3** ánimam meam refécit.

Dedúxit me super sémitas iustítiæ  
propter nomen suum. **R.**

**4** Nam et si ambulávero in valle umbræ mortis,  
non timébo mala, quóniam tu mecum es.

Virga tua et báculo tuus  
ipsa me consoláta sunt. **R.**

**5** Parásti in conspéctu meo mensam  
advérsus eos qui tríbulant me;  
impinguásti in óleo caput meum,  
et calix meus redúndat. **R.**

**6** Etenim benígnitas et misericórdia subsequéntur me  
ómnibus diébus vitæ meæ,  
et inhabitábo in domo Dómini  
in longitúdinem diérum. **R.**

vel

Ps 102, 1-2. 8 et 10. 11-12. 13 et 18 (R.: 13)

R. Quómodo miserétur pater filiórum,  
misértus est Dóminus timéntibus se.

- 1 **Bénédic, ánima mea, Dómino;**  
et ómnia quæ intra me sunt, nómini sancto eius.
- 2 **Bénédic, ánima mea, Dómino,**  
et noli oblivísci omnes retributiónes eius. R.
- 3 **Miserátor et miséricors Dóminus,**  
longánimis et multæ misericórdiæ.
- 4 **Non secúndum peccáta nostra fecit nobis,**  
neque secúndum iniquitátes nostras retríbuit nobis. R.
- 5 **Quóniam, quantum exaltátur cælum a terra,**  
præváluit misericórdia eius super timéntes eum;
- 6 **quantum distat ortus ab occidénte,**  
longe fecit a nobis iniquitátes nostras. R.
- 7 **Quómodo miserétur pater filiórum,**  
misértus est Dóminus timéntibus se,
- 8 **in eos qui servant testaméntum eius,**  
et mémoires sunt mandatórum ipsíus ad faciéndum ea. R.

### Lectio secunda

1

*Accepistis Spiritum adoptionis filiorum,  
in quo clamamus: Abba, Pater.*

Lectio Epístolæ beáti Pauli apóstoli  
ad Romános

8, 14-17. 26-27

Fratres:

Quicúmque Spíritu Dei agúntur, hi filii Dei sunt.  
Non enim accepistis spíritum servitútis íterum in

timórem, sed accepístis Spíritum adoptiónis filiórum, in quo clamámus: « Abba, Pater ».

Ipse Spíritus testimónium reddit una cum spíritu nostro, quod sumus filii Dei. Si autem filii, et heredes: heredes quidem Dei, coheredes autem Christi; si tamen compátimur, ut et conglorificémur.

Similiter autem et Spíritus ádiuvat infirmitátem nostram: nam quid orémus sicut opórtet, nescímus; sed ipse Spíritus interpéllat gemítibus inenarrábilibus. Qui autem scrutátur corda, scit quid desideret Spíritus, quia secúndum Deum póstulat pro sanctis.

Verbum Dómini.

## 2

*Misit Deus Spiritum Filii sui in corda nostra,  
clamantem: Abba, Pater.*

Léctio Epístolæ beáti Pauli apóstoli ad Gálatas 4, 4-7

Fratres:

Ubi venit plenitúdo témporis, misit Deus Fílium suum, factum ex muliere, factum sub Lege, ut eos qui sub Lege erant redímeret, ut adoptiónem filiórum reciperémus.

Quóniam autem estis filii, misit Deus Spíritum Filii sui in corda nostra, clamántem: « Abba, Pater ». Itaque iam non es servus, sed filius. Quod si filius, et heres per Deum. — Verbum Dómini.

Versus ante Evangelium

Rom 8, 15

γ. Non accepístis spíritum servitútis íterum in timóre, sed accepístis Spíritum adoptiónis filiórum, in quo clamámus: « Abba, Pater ».

## Evangelium

*Domine, doce nos orare.*

✠ Lécitio sancti Evangélii secúndum Matthæum 6, 9-13

In illo témpore:

Dixit Iesus discipulis suis: « Sic vos orábitis:

Pater noster, qui es in cælis, sanctificétur Nomen tuum, advéniat Regnum tuum, fiat volúntas tua sicut in cælo et in terra. Panem nostrum supersubstantiálem da nobis hódie, et dímítte nobis débíta nostra, sicut et nos dimíttimus debitóribus nostris, et ne indúcas nos in tentatiónem, sed líbera nos a Malo ». — Verbum Dómini.

## F

## AD RITUM « EFFETHA »

## Evangelium

*Effetha, quod est Adaperire.*

✠ Lécitio sancti Evangélii secúndum Marcum 7, 31-37

In illo témpore:

Exiens Iesus de finibus Tyri, venit per Sidónem ad mare Galilææ inter médios fines Decapóleos. Et addú-cunt ei surdum et mutum, et deprecántur eum ut impónat illi manum.

Et apprehéndens eum de turba seórsum, misit dígitos suos in aurículas eius, et éxspuens tétigit linguam eius, et suspíciens in cælum ingémuit et ait illi: « Effetha », quod est: « Adaperire ». Et statim apértæ sunt aures eius, et solútum est vínculum lingusæ eius, et loquebátur recte.

Et præcépit illis ne cui dicerent. Quanto autem eis præcipiébat, tanto magis plus prædicábant.

Et eo ámplius admirabántur dicéntes: « Bene ómnia fecit, et surdos facit audíre et mutos loqui ».  
**Verbum Dómini.**

## G

### IN CONFERENDO BAPTISMATE ADULTORUM

Cum initiatio christiana in Vigilia paschali peragitur, e lectionibus pro eadem Vigilia assignatis, p. 337, præter Ex 14 (lectionem tertiam), seligatur Is 55 (lectio quinta) et Ez 36 (lectio septima).

Secus, extra Vigiliam paschalem:

#### Lectio prima extra tempus paschale

##### 1

*Sic erit semen tuum. Semini tuo dabo terram hanc.*

Léctio libri Génesis

15, 1-6. 18 a

In diébus illis:

Factus est sermo Dómini ad Abram per visiónem dicens: « Noli timére, Abram, ego protéctor tuus sum, et merces tua magna nimis ».

Dixítque Abram: « Dómine Deus, quid dabis mihi? Ego vadam absque líberis, et filius procuratóris domus meæ iste damáscus Eliézer ». Addidítque Abram: « Mihi autem non dedísti semen; et ecce vernáculus meus heres meus erit ».

Statímque sermo Dómini factus est ad eum dicens: « Non erit hic heres tuus, sed qui egrediétur de útero tuo, ipsum habébis herédem ».

Eduxítque eum foras et ait illi: « Súspice cælum et númera stellas, si potes ». Et dixit ei: « Sic erit semen tuum ». Crédidit Abram Deo, et reputátum est illi ad iustítiam.



In illo die pépigit Dóminus fœdus cum Abram dicens: « Sémini tuo dabo terram hanc, a flúvio Ægýpti usque ad flúvium magnum Euphráten ».

Verbum Dómini.

**Psalmus responsorius**

**Ps 88, 3-4. 16-17. 21-22. 25 et 27 (R.: cf. 2 a)**

**R. Misericórdias tuas, Dómine, in ætérnum cantábo.**

**3 Quóniam dixísti:**

**« In ætérnum misericórdia ædificábitur »,  
in cælis firmábitur véritas tua.**

**4 « Dispósui testaméntum elécto meo,  
iurávi David servo meo ». R.**

**16 Beátus pópulus qui scit iubilatiónem;  
Dómine, in lúmine vultus tui ambulábunt,**

**17 et in nómine tuo exsultábunt tota die,  
et in iustítia tua exaltabúntur. R.**

**21 « Invéni David servum meum;  
óleo sancto meo unxi eum.**

**22 Manus enim mea firma erit cum eo,  
et brácchium meum confortábit eum. R.**

**25 Et véritas mea et misericórdia mea cum ipso,  
et in nómine meo exaltábitur cornu eius.**

**27 Ipse invocábit me: Pater meus es tu,  
Deus meus et refúgium salutis meæ ». R.**

**2**

*Statuam pactum meum inter me et te,  
et inter semen tuum  
post te in generationibus suis, fœdere sempiterno.*

**Léctio libri Génesis**

**17, 1-8**

Postquam Abram nonaginta et novem annórum esse céperat, apparuit ei Dóminus dixítque ad eum: « Ego

Deus omnipotens: *ám-bula coram me, et esto perféctus. Ponámque fœdus meum inter me et te, et multiplicábo te vehementer nimis* ». Cécidit Abram pronus in fáciem.

Dixítque ei Deus: « Ego sum, et pactum meum tecum. Erisque pater multárum géntium, nec ultra vocábitur nomen tuum Abram, sed appelláberis Abraham, quia patrem multárum géntium constitúi te. Faciámque te créscere vehementíssime et ponam te in géntibus, regésque ex te egrediéntur.

Et státuam pactum meum inter me et te, et inter semen tuum post te in generatióibus suis, fœdere sempitérno, ut sim Deus tuus et séminis tui post te. Dabóque tibi et sémini tuo terram peregrinatióis tuæ, omnem terram Chánaan in possessióem ætérrnam, eróque Deus eórum ». — Verbum Dómini.

*Psalmus responsorius*      *Ps 22, 1-3. 4. 5. 6 (R.: 1)*

*R.* Dóminus pascit me, et nihil mihi déerit.

<sup>1</sup> Dóminus pascit me, et nihil mihi déerit:

<sup>2</sup> in páscuis viréntibus me collocávit,  
super aquas quiétis edúxit me,

<sup>3</sup> ánimam meam refécit.

Dedúxit me super sémitas iustítiæ  
propter nomen suum. *R.*

<sup>4</sup> Nam et si ambulávero in valle umbræ mortis,  
non timébo mala, quóniam tu mecum es.

Virga tua et báculus tuus  
ipsa me consoláta sunt. *R.*

<sup>5</sup> Parásti in conspéctu meo mensam  
advérsus eos qui tríbulant me;  
impinguásti in óleo caput meum,  
et calix meus redúndat. *R.*

Etenim benígnitas et misericórdia subsequéntur me  
ómniibus diébus vitæ meæ,  
et inhabitábo in domo Dómini  
in longitudínem diérum. *R.*

3

*Abicite deos alienos, qui in medio vestri sunt.*

Léctio libri Génesis

35, 1-4. 6-7 a

In diébus illis:

Locútus est Deus ad Iacob: « Surge, et ascénde Bethel, et hábita ibi, facque altáre Deo, qui apparuit tibi quando fugiébas Esau fratrem tuum ».

Iacob vero, convocáta omni domo sua, ait: « Abícite deos aliénos, qui in médio vestri sunt, et mundámini ac mutáte vestiménta vestra. Súrgite, et ascendámus in Bethel, ut faciámus ibi altáre Deo, qui exaudívit me in die tribulatiónis meæ, et sócius fuit itíneris mei ». Dedérunt ergo ei omnes deos aliénos, quos habébant, et ináures, quæ erant in áuribus eórum; at ille infódit ea subter terebínthum, quæ est post urbem Sichem.

Venit ígitur Iacob Luzam, quæ est in terra Chánaan, cognoménto Bethel, ipse et omnis pópulus cum eo. Ædificavítque ibi altáre, et appellávit nomen loci illius: Domus Dei. — Verbum Dómini.

*Psalmus responsorius Ps 65, 1-3 a. 8-9. 16-17 (R.: 1)*

*R.* Iubiláte Deo, omnis terra.

<sup>1</sup> Iubiláte Deo, omnis terra,

<sup>2</sup> psalmum dícite glóriæ nóminis eius,  
glorificáte laudem eius.

<sup>3</sup> Dícite Deo: « Quam terribília sunt ópera tua ». *R.*

- 8 **Benedícite, gentes, Deum nostrum,  
et audítam fácite vocem laudis eius;**  
9 **qui pósuit ánimam nostram ad vitam,  
et non dedit in commotiónem pedes nostros. R̄.**  
16 **Veníte, audíte, et narrábo, omnes qui timétis Deum,  
quanta fecit ánimæ meæ.**  
17 **Ad ipsum ore meo clamávi,  
et exaltávi in lingua mea. R̄.**

## 4

*Elige vitam, ut et tu vivas et semen tuum.*

## Léctio libri Deuteronomii

30, 15-20

Locúsus est Móyses pópulo dicens: « **Consídera quod hódie proposúerim in conspéctu tuo vitam et bonum, et e contrário mortem et malum, ut dñligas Dóminum Deum tuum, et ámbules in viis eius, et custódiás mandáta illíus ac cæremónias atque iudícia, et vi-vas; atque multiplicet te benedicátque tibi in terra, ad quam ingrediéris possidéndam.**

**Si autem avérsus fúerit cor tuum et audíre nolúeris, atque erróre decéptus adoráveris deos aliénos et ser-víeris eis, prædíco tibi hódie quod péreas et parvo tém-pore moriéris in terra, ad quam, Iordáne transmísso, ingrediéris possidéndam.**

**Testes ínvoco hódie cælum et terram, quod propo-súerim vobis vitam et mortem, benedictiónem et male-dictiónem. Elige ergo vitam, ut et tu vivas et semen tuum; et dñligas Dóminum Deum tuum, atque obcédias voci eius et illi adhéreas (ipse est enim vita tua et longitúdo diérum tuórum), ut hábites in terra, pro qua iurávit Dóminus pátribus tuis, Abraham, Isaac et Iacob, ut daret eam illis ».** — Verbum Dómini.

Psalmus responsorius

Ps 8, 4-5. 6-7. 8-9 (R.: 2 ab vel Eph 5, 14)

R. **Dómine, Dóminus noster,**  
**quam admirábile est nomen tuum in univérsa terra!**  
vel: **Surge, qui dormis, et exsúrge a mórtuis,**  
**et illuminábit te Christus.**

**Quando vídeo cælos tuos, ópera digitórum tuórum,**  
**lunam et stellas quæ tu fundásti:**  
**quid est homo, quod memor es eius?**  
**aut fílius hóminis, quóniam vísitas eum? R.**

**Minuísti eum paulo minus ab ángelis,**  
**glória et honóre coronásti eum;**  
**et constituísti eum super ópera mánuum tuárum.**  
**Omnia subiecísti sub pédibus eius: R.**

**Oves et boves univérsas,**  
**ínsuper et pécora campi,**  
**vólucres cæli et pisces maris,**  
**quæcúmque perámbulant sémitas maris. R.**

5

*Serviemus Domino, quia ipse est Deus noster.*

Léctio libri Iósue 24, 1-2 a. 15-17. 18 b-25 a

In diébus illis:

**Congregávit Iósue omnes tribus Israel in Sichem, et vocávit maióres natu ac príncipes et iúdicés et magístros, steterúntque in conspéctu Dómini, et ad pópulum sic locútus est: « Si malum vobis vidétur ut Dómino serviátis, óptio vobis datur: elígite hódie quod placet, cui servíre potíssimum debeátis, utrum diis, quibus serviérunt patres vestri in Mesopotámia, an diis**

Amorrhæórum, in quorum terra habitátis; ego autem et domus mea serviémus Dómino ».

Respondítque pópulus et ait: « Absit a nobis ut relinquámus Dóminum et serviámus diis aliénis. Dóminus Deus noster ipse edúxit nos et patres nostros de terra Ægýpti, de domo servitútis, fecítque vidéntibus nobis signa ingéntia, et custodívit nos in omni via, per quam ambulávimus, et in cunctis pópulis, per quos transívimus. Serviémus igitur Dómino, quia ipse est Deus noster ».

Dixítque Iósue ad pópulum: « Non potéritis servíre Dómino. Deus enim sanctus et fortis æmulátor est, nec ignóscet sceléribus vestris atque peccátis. Si dimiséritis Dóminum et serviéritis diis aliénis, convértet se et afflíget vos atque subvértet, postquam vobis præstíterit bona ».

Dixítque pópulus ad Iósue: « Nequáquam ita, ut lóqueris, erit, sed Dómino serviémus ».

Et Iósue ad pópulum: « Testes, inquit, vos estis, quia ipsi elegéritis vobis Dóminum, ut serviátis ei ».

Responderúntque: « Testes ».

« Nunc ergo, ait, auférte deos aliénos de médio vestri, et inclináte corda vestra ad Dóminum Deum Israel ».

Dixítque pópulus ad Iósue: « Dómino Deo nostro serviémus, et obcédientes érimus præcéptis eius ».

Percússit ergo Iósue in die illo fœdus.

Verbum Dómini.

### *Psalmus responsorius*

*Ps 41, 2-3; 42, 3. 4 (R.: 41, 3 a)*

*R.* Sitívit ánima mea ad Deum vivum.

Quemádmódum desíderat cervus ad fontes aquárum, ita desíderat ánima mea ad te, Deus.

Sitívit ánima mea ad Deum, Deum vivum:  
 quando véniam et apparebo ante fáciem Dei? R.  
 Emítte lucem tuam et veritátem tuam;  
 ipsa me dedúcant et addúcant  
 in montem sanctum tuum et in tabernácula tua. R.  
 Et introibo ad altáre Dei,  
 ad Deum lætitiæ exsultatiónis meæ.  
 Confitebor tibi in cíthara, Deus, Deus meus. R.

6

*Descendit Naaman et lavit in Iordane septies,  
 et mundatus est.*

Léctio libri secúndi Regum 5, 9-15 a

In diébus illis:

Venit Náaman princeps militiæ regis Syriæ cum equis et curribus, et stetit ad ostium domus Eliséi.

Misitque ad eum Eliséus nuntium dicens: « Vade et lavare septies in Iordane, et recipiet sanitatem caro tua, atque mundaberis ».

Iratuŕ Náaman recedebat dicens: « Putabam quod egrederetur ad me, et stans invocaret nomen Domini Dei sui, et tangeret manu sua locum lepræ et curaret me. Numquid non meliores sunt Abana et Pharphar, fluvii Damasci, omnibus aquis Israel, ut laver in eis et munder? »

Cum ergo vertisset se et abiret indignans, accesserunt ad eum servi sui et locuti sunt ei: « Pater, et si rem grandem dixisset tibi propheta, certe facere deberas; quanto magis quia nunc dixit tibi: "Lavare et mundaberis" ».

Descendit et lavit in Iordane septies iuxta sermonem viri Dei, et restituta est caro eius sicut caro pueri parvuli, et mundatus est.

Reversúsque ad virum Dei cum univérso comitátu suo, venit et stetit coram eo. — Verbum Dómini.

Psalmus responsorius

Ps 50, 3-4. 8-9. 12-13. 14 et 17 (R.: 12 a)

R. Cor mundum crea in me, Deus.

- 3 Misérére mei, Deus, secúndum misericórdiam tuam;  
et secúndum multitudínem miseratiónum tuárum  
dele iniquitátem meam.
- 4 Amplius lava me ab iniquitáte mea,  
et a peccáto meo munda me. R.
- 8 Ecce enim veritátem in corde dilexísti,  
et in occúlto sapiéntiam manifestásti mihi.
- 9 Aspérge me hyssópo, et mundábor;  
lavábis me, et super nivem dealbábor. R.
- 12 Cor mundum crea in me, Deus,  
et spíritum firmum ínnova in viscéribus meis.
- 13 Ne proicias me a fácie tua,  
et spíritum sanctum tuum ne áuferas a me. R.
- 14 Redde mihi lætítiam salutáris tui,  
et spírítu promptíssimo confírma me.
- 17 Dómine, lábia mea apéries,  
et os meum annuntiábit laudem tuam. R.

## 7

*Effundam spiritum meum super semen tuum.*

Léctio libri Isaíæ prophétæ

44, 1-3

« Audi, Iacob, serve meus, et Israel, quem elégi. Hæc dicit Dóminus fáciens et formans te, ab útero auxiliátor tuus:

“ Noli timére, serve meus Iacob et rectíssime, quem elégi. Effúdam enim aquas super sitiéntem, et fluénta



super áridam; effúndam spíritum meum super semen tuum, et benedictiónem meam super stirpem tuam " ».  
Verbum Dómini.

**Psalmus responsorius**

Ps 62, 2. 3-4. 5-6. 8-9 a (R.: 2 b)

R. Sitívit in te ánima mea, Deus meus.

Deus, Deus meus es tu, ad te luce vígilo.

Sitívit in te ánima mea, te desiderávit caro mea. R.

In terra desérta et árida et inaquósa,

sic in sancto appáruí tibi,

ut vidérem virtútem tuam et glóriam tuam.

Quóniam mélior est misericórdia tua super vitas,  
lábia mea laudábunt te. R.

Sic benedícam te in vita mea,

et in nómine tuo levábo manus meas.

Sicut ádipe et pinguédine repleátur ánima mea,  
et lábiis exsultatiónis laudábit os meum. R.

Quia fuísti adiútor meus,

et in velaménto alárum tuárum exsultábo.

Adhæsít ánima mea post te. R.

8

*In corde eorum scribam legem meam.*

**Léctio libri Ieremíæ prophétæ**

31, 31-34

« Ecce dies vénient, dicit Dóminus, et fériam dómui Israel et dómui Iuda fœdus novum, non secúndum pactum, quod pépigi cum pátribus eórum in die qua apprehéndi manum eórum, ut edúcerem eos de terra Ægýpti, pactum quod írritum fecérunt, et ego dominátus sum eórum, dicit Dóminus.

Sed hoc erit pactum, quod fériam cum domo Israel post dies illos, dicit Dóminus: Dabo legem meam in

viscéribus eórum, et in corde eórum scribam eam; et ero eis in Deum, et ipsi erunt mihi in pópulum.

Et non docébit ultra vir próximum suum, et vir fratrem suum, dicens: " Cognósce Dóminum "; omnes enim cognóscent me, a mínimo eórum usque ad máximum, ait Dóminus; quia propitiábor iniquitati eórum, et peccáti eórum non memorábor ámplius ».

Verbum Dómini.

### Psalmus responsorius

Ps 31, 1-2. 5. 11 (R.: 1 a vel 11 a)

R. Beátus cui remíssa est iníquitas.

vel: Lætámini in Dómino et exsultáte, iusti.

- 1 Beátus cui remíssa est iníquitas,  
et obtéctum est peccátum.
- 2 Beátus vir cui non imputávit Dóminus delíctum,  
nec est in spírítu eius dolus. R.
- 3 Peccátum meum cógnitum tibi feci,  
et delíctum meum non abscondi.  
Dixi: « Confitébor advérsus me  
iniquitátem meam Dómino ».  
Et tu remisísti impietátem peccáti mei. R.
- 11 Lætámini in Dómino et exsultáte, iusti,  
et gloriámini, omnes recti corde. R.

### 9

*Effundam super vos aquam mundam,  
et mundabimini  
ab omnibus inquinamentis vestris.*

Léctio libri Ezechiélis prophétæ

36, 24-28

Hæc dicit Dóminus:

« Tollam vos de géntibus, et congregábo vos de univérsis terris, et addúcam vos in terram vestram; et ef-

fúndam super vos aquam mundam, et mundabímini ab ómnibus inquinaméntis vestris, et ab univérsis idólis vestris mundábo vos.

Et dabo vobis cor novum, et spíritum novum ponam in médio vestri, et áuferam cor lapídeum de carne vestra, et dabo vobis cor cárneum; et spíritum meum ponam in médio vestri, et fáciam ut in præcéptis meis ambulétis, et iudícia mea custodiátis et operémini.

Et habitábitis in terra, quam dedi pátribus vestris, et éritis mihi in pópulum, et ego ero vobis in Deum ». Verbum Dómini.

### Psalmus responsorius

Ps 50, 3-4. 8-9. 12-13. 14 et 17 (R.: Ez 36, 26)

R. Dabo vobis cor novum et spíritum novum in médio vestri.

Miserére mei, Deus, secúndum misericórdiam tuam; et secúndum multitudínem miseratiónum tuárum dele iniquitátem meam.

Amplius lava me ab iniquitáte mea, et a peccáto meo munda me. R.

Ecce enim veritátem in corde dilexísti, et in occúlto sapiéntiam manifestásti mihi. Aspérges me hyssópo, et mundábor; lavábis me, et super nivem dealbábor. R.

Cor mundum crea in me, Deus, et spíritum firmum innova in viscéribus meis. Ne proicias me a fácie tua, et spíritum sanctum tuum ne áuferas a me. R.

Redde mihi lætítiam salutáris tui, et spírítu promptíssimo confírma me. Dómine, lábía mea apéries, et os meum annuntiábit laudem tuam. R.

Lectio prima  
tempore paschali

## 1

*Baptizetur unusquisque vestrum  
in nomine Iesu Christi.*

Lectio Actuum Apostolorum 2, 14 a. 36-40 a. 41-42

Die Pentecostes, stans Petrus cum Undecim levavit vocem suam et locutus est: « Certissime sciat omnis domus Israel quia et Dominum eum et Christum Deus fecit, hunc Iesum quem vos crucifixistis ».

His auditis, compuncti sunt corde, et dixerunt ad Petrum et reliquos Apostolos: « Quid faciemus, viri fratres? »

Petrus vero ad illos: « Pœnitentiam, inquit, agite, et baptizetur unusquisque vestrum in nomine Iesu Christi in remissionem peccatorum vestrorum, et accipietis donum Sancti Spiritus. Vobis enim est repromissio et filiis vestris et omnibus qui longe sunt, quoscumque advocaverit Dominus Deus noster ».

Aliis etiam verbis pluribus testificatus est, et exhortabatur eos. Qui ergo, recepto sermone eius, baptizati sunt, et appositæ sunt in illa die animæ circiter tria milia. Erant autem perseverantes in doctrina Apostolorum et communicatione, in fractione panis et orationibus. — Verbum Domini.

Psalmus responsorius Ps 33, 2-3. 6-7. 8-9 (R.: 6 a)

R. Respícite ad eum, et illuminámini.

vel Allelúia.

Benedícam Dóminum in omni témpore,  
semper laus eius in ore meo.

- 3 In Dómino gloriábitur ánima mea,  
áudiant mansuéti et læténtur. **℞.**
- 6 Respícite ad eum, et illuminámini,  
et fácies vestræ non confundéntur.
- 7 Iste pauper clamávit, et Dóminus exaudívit eum,  
et de ómnibus tribulatió nibus eius salvávit eum. **℞.**
- 8 Vallábit ángelus Dómini in circúitu timéntes eum,  
et erípiet eos.
- 9 Gustáte et vidéte quóniam suávis est Dóminus;  
beátus vir qui sperat in eo. **℞.**

## 2

*Si credis ex toto corde, licet te baptizari.*

Léctio Actuum Apostolorum

8, 26-38

In diébus illis:

Ángelus Dómini locútus est ad Philíppum, dicens: « Surge, et vade contra meridiánum ad viam, quæ descendit ab Ierúsalem in Gazam: hæc est desérta ». Et surgens ábiit. Et ecce vir Æthiops, eunúchus potens Candácis, regínæ Æthiopum, qui erat super omnem gazam eius, qui vénerat adoráre in Ierúsalem; et revertébatur sedens super currum suum, et legébat prophétam Isaíam.

Dixit autem Spíritus Philíppo: « Accéde et adiúnge te ad currum istum ».

Accúrrens autem Philíppus, audívit illum legéntem Isaíam prophétam et dixit: « Putásne intéllegis quæ legis? »

Qui ait: « Et quómodo possum, si non áliquis osténderit mihi? » Rogavítque Philíppum ut ascénderet et sedéret secum.

Locus autem Scriptúræ quem legébat erat hic: « Tamquam ovis ad occisió nem ductus est, et sicut agnus

coram tondente se sine voce, sic non aperit os suum. In humilitate eius iudicium eius sublatum est: generationem illius quis enarrabit? Quoniam tollitur de terra vita eius ».

Respondens autem eunuchus Philippo dixit: « Obsecro te, de quo Propheta dicit hoc? De se an de alio aliquo? » Apertis autem Philippus os suum, et incipiens a Scriptura ista, evangelizavit illi Iesum.

Et, dum irent per viam, venerunt ad quandam aquam, et ait eunuchus: « Ecce aqua; quid prohibet me baptizari? » Et iussit stare currum; et descenderunt uterque in aquam, Philippus et eunuchus, et baptizavit eum. — Verbum Domini.

### **Psalmus responsorius**

**Ps 26, 1. 4. 8 b-9 abc. 13-14 (R.: Eph 5, 14)**

**R.** Surge, qui dormis, et exsurge a mortuis,  
et illuminabit te Christus.

**vel Alleluia.**

- 1** Dominus illuminatio mea et salus mea, quem timebo?  
Dominus protector vite mee, a quo trepidabo? **R.**
- 4** Unum petii a Domino, hoc requiram:  
ut inhabitem in domo Domini  
omnibus diebus vite mee,  
ut videam voluptatem Domini,  
et visitem templum eius. **R.**
- 8** Faciem tuam, Domine, requiram.
- 9** Ne avertas faciem tuam a me,  
ne declines in ira a servo tuo.  
Adiutor meus es tu, ne me reicias. **R.**
- 13** Credo videre bona Domini in terra viventium.
- 14** Expecta Dominum, viriliter age,  
et confortetur cor tuum, et sustine Dominum. **R.**

## 3

*Beati qui ad cenam nuptiarum Agni vocati sunt.*

Lectio libri Apocalýpsis beáti Ioánnis apóstoli

19, 1. 5-9 a

Ego Ioánnes audívi quasi vocem magnam turbæ multæ in cælo dicéntium: « Allelúia, salus et glória et virtus Deo nostro ».

Et vox de throno exívit dicens: « Laudem dícite Deo nostro, omnes servi eius, et qui tímétis eum, pu-sílli et magni ».

Et audívi quasi vocem turbæ magnæ, et sicut vo-cem aquárum multárum, et sicut vocem tonítruum magnórum, dicéntium:

« Allelúia, quóniam regnávít Dóminus, Deus noster omnípotens. Gaudeámus et exsultémus et demus gló-riam ei, quia venérunt núptiæ Agni, et Uxor eius præ-parávit se. Et datum est illi ut coopériat se býssinum splendens mundum; býssinum enim iustificatiónes sunt sanctórum ».

Et dicit mihi: Scribe: « Beáti qui ad cenam nuptiá-  
rum Agni vocáti sunt ». — Verbum Dómini.

**Psalmus resp.** Ps 65, 1-3 a. 8-9. 16-17 (R.: 1)

R. Iubiláte Deo, omnis terra. **Vel Allelúia.**

<sup>1</sup> Iubiláte Deo, omnis terra,

<sup>2</sup> psalmum dícite glóriæ nóminis eius,  
glorificáte laudem eius.

<sup>3</sup> Dícite Deo: « Quam terribília sunt ópera tua ». R.

<sup>8</sup> Benedícite, gentes, Deum nostrum,  
et audítam fácite vocem laudis eius;

<sup>9</sup> qui pósuit ánimam nostram ad vitam,  
et non dedit in commotiónem pedes nostros. R.

- 16 Veníte, audíte, et narrábo, omnes qui timétis Deum, quanta fecit ánimæ meæ.  
 17 Ad ipsum ore meo clamávi, et exaltávi in lingua mea. *R.*

*Lectio secunda*

## 1

- \* *Consepulti cum illo per baptismum, in novitate vitæ ambulemus.*

Léctio Epístolæ beáti Pauli apóstoli  
 ad Romános

6, 3-11

Fratres:

Quicúmque baptizáti sumus in Christo Iesu, in morte ipsíus baptizáti sumus.

Consepúlti ergo sumus cum illo per baptismum in mortem, ut quemádmódum suscitátus est Christus a mórtuis per glóriam Patris, ita et nos in novitate vitæ ambulémus. Si enim complantáti facti sumus similitúdini mortis eius, sed et resurrectionis érimus.

Hoc sciéntes quia vetus homo noster simul crucifíxus est, ut destruátur corpus peccáti, ut ultra non serviámus peccáto. Qui enim mórtuus est, iustificátus est a peccáto.

Si autem mórtui sumus cum Christo, crédimus quia simul étiam vivémus cum eo, sciéntes quod Christus suscitátus ex mórtuis iam non móritur, mors illi ultra non dominábitur. Quod enim mórtuus est, peccáto mórtuus est semel; quod autem vivit, vivit Deo.

Ita et vos, existimáte vos mórtuos quidem esse peccáto, vivéntes autem Deo in Christo Iesu.

Verbum Dómini.



vel brevior

**Lectio Epistolæ beati Pauli apostoli  
ad Romános**

6, 3-4. 8-11

**Fratres:**

**Quicumque baptizati sumus in Christo Iesu, in morte ipsius baptizati sumus.**

**Consepulti ergo sumus cum illo per baptismum in mortem, ut quemadmodum suscitatus est Christus a mortuis per gloriam Patris, ita et nos in novitate vitæ ambulemus.**

**Si autem mortui sumus cum Christo, credimus quia simul etiam vivemus cum eo, scientes quod Christus suscitatus ex mortuis iam non moritur, mors illi ultra non dominabitur. Quod enim mortuus est, peccato mortuus est semel; quod autem vivit, vivit Deo.**

**Ita et vos, existimate vos mortuos quidem esse peccato, viventes autem Deo in Christo Iesu.**

**Verbum Domini.**

---

2

*Quis nos separabit a caritate Christi?*

**Lectio Epistolæ beati Pauli apostoli  
ad Romános**

8, 28-32. 35. 37-39

**Fratres:**

**Scimus quoniam diligentibus Deum omnia cooperantur in bonum, his qui secundum propositum vocati sunt. Nam quos præscivit, et prædestinavit conformes**

fieri imáginis Filii eius, ut sit ipse primogénitus in multis frátribus. Quos autem prædestinávit, hos et vocávit; et quos vocávit, hos et iustificávit; quos autem iustificávit, illos et glorificávit.

Quid ergo dicémus ad hæc? Si Deus pro nobis, quis contra nos? Qui Fílio suo non pepércit, sed pro nobis ómnibus trádedit illum, quómodo non étiam cum illo ómnia nobis donábit?

Quis nos separábit a caritaté Christi? tribulátio, an angústia, an persecútio, an fames, an núditas, an perículum, an gládus? Sed in his ómnibus supervíncimus per eum qui diléxit nos.

Certus sum enim quia neque mors neque vita, neque ángeli neque principátus, neque instántia neque futúra, neque virtútes, neque altitúdo, neque profúndum, neque ália quélíbet creatúra póterit nos separáre a caritaté Dei, quæ est in Christo Iesu Dómino nostro.

Verbum Dómini.

## 3

*In uno Spiritu omnes nos in unum corpus  
baptizati sumus.*

Léctio Epístolæ primæ beáti Pauli apóstoli  
ad Corínthios

12, 12-13

Fratres:

Sicut corpus unum est et membra habet multa; ómnia autem membra córporis, cum sint multa, unum corpus sunt; ita et Christus. Etenim in uno Spíritu omnes nos in unum corpus baptizáti sumus, sive Iudæi, sive Græci, sive servi, sive líberi, et omnes unum Spíritum potáti sumus. — Verbum Dómini.

4

*Quicumque baptizati estis, Christum induistis.*

Lectio Epistolæ beati Pauli apostoli  
ad Galatas

3, 26-28

Omnes filii Dei estis per fidem in Christo Iesu. Quicumque enim in Christo baptizati estis, Christum induistis; non est Iudæus neque Græcus, non est servus neque liber, non est masculus et femina; omnes enim vos unus estis in Christo Iesu. — Verbum Domini.

5

*Prædestinavit nos  
in adoptionem filiorum per Iesum.*

Lectio Epistolæ beati Pauli apostoli  
ad Ephésios

1, 3-10. 13-14

Benedictus Deus et Pater Domini nostri Iesu Christi, qui benedixit nos in omni benedictione spiritali in cælestibus in Christo; sicut elegit nos in ipso ante mundi constitutionem, ut essemus sancti et immaculati in conspectu eius in caritate; qui prædestinavit nos in adoptionem filiorum per Iesum Christum in ipsum, secundum beneplacitum voluntatis suæ, in laudem gloriæ gratiæ suæ, in qua gratificavit nos in Dilcto.

In quo habemus redemptionem per sanguinem eius, remissionem peccatorum secundum divitias gratiæ eius, qua superabundavit in nobis in omni sapientia et prudentia, notum faciens nobis mysterium voluntatis suæ secundum beneplacitum eius, quod proposuit in eo, in dispensationem plenitudinis temporum, recapitulare omnia in Christo, quæ in cælis et quæ in terra, in ipso.

In quo et vos, cum audissétis verbum veritátis, Evángelium salutis vestræ, in quo et credéntes signáti estis Spírítu promissionis Sancto, qui est árrabon hereditátis nostræ, in redemptiónem acquisitionis, in laudem glóriæ ipsíus. — Verbum Dómini.

6

*Unus Dominus, una fides, unum baptisma.*

Léctio Epístolæ beáti Pauli apóstoli  
ad Ephésios

4, 1-6

Fratres:

Obsecro vos, ego vinctus in Dómino, ut digne ambulétis vocatióne qua vocáti estis, cum omni humilitáte et mansuetúdine, cum longanimitáte supportántes invicem in caritaté; sollíciti serváre unitátem spírítus in vínculo pacis. Unum corpus et unus Spírítus, sicut et vocáti estis in una spe vocatiónis vestræ; unus Dóminus, una fides, unum baptisma; unus Deus et Pater ómnium, qui super omnes et per ómnia et in ómnibus.

Verbum Dómini.

7

*Induentes novum hominem, sicut dilecti Dei.*

Léctio Epístolæ beáti Pauli apóstoli  
ad Colossénses

3, 9 b-17

Fratres:

Exúite vos véterem hómínem cum áctibus eius, et indúite novum, eum qui renovátur in agnitiónem secúndum imágínem eius qui creávit eum; ubi non est

**Græcus et Iudæus, circumcisio et præputium, bárbarus, Scytha, servus, liber, sed ómnia et in ómnibus Christus.**

**Indúite vos ergo, sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, paciéntiam, supportántes ínvicem et donántes vobis ipsis, si quis advérsus áliquem habet querélam: sicut et Dóminus donávit vobis, ita et vos.**

**Super ómnia autem hæc caritátem, quod est vínculo perfectiónis, et pax Christi dominétur in córdibus vestris, ad quam et vocáti estis in uno córpore; et grati estóte.**

**Verbum Christi hábitet in vobis abundánter, in omni sapiéntia docétes et commonétes vosmetípsos psalmis, hymnis, cánticis spiritalibus, in grátia cantántes in córdibus vestris Deo. Et omne quodcúmque fáctis in verbo aut in ópere, ómnia in Nómine Dómini Iesu, grátias ágétes Deo Patri per ipsum.**

**Verbum Dómini.**

8

*Salvos nos fecit per lavacrum regenerationis  
et renovationis Spiritus Sancti.*

**Léctio Epístolæ beáti Pauli apóstoli  
ad Titum**

3, 4-7

**Caríssime:**

**Cum benignitas et humánitas appáruit Salvatóris nostri Dei, non ex opéribus iustítiæ, quæ fécimur nos, sed secúndum suam misericórdiam salvos nos fecit per lavácrum regeneratiónis et renovatiónis Spíritus Sancti, quem effúdit super nos abúnde per Iesum Christum Salvatórem nostrum; ut, iustificáti grátia ipsíus, herédes simus secúndum spem vitæ ætérnæ.**

**Verbum Dómini.**

9

*Aspersi corda a conscientia mala et abluti corpus  
aqua munda.*

Léctio Epístolæ ad Hebræos 10, 22-25

Fratres:

Accedámus cum vero corde in plenitúdine fidei, aspérsi corda a conscientia mala et ablúti corpus aqua munda; teneámus spei confessiónem indeclinábilem (fidélis enim est qui repromísit); et considerémus ínvi-  
cem in provocatióne caritátis et bonórum óperum, non deserétes congregatióne nostram, sicut est consuetúdinis quibúsdam, sed exhortántes et tanto magis quanto vidétis appropinquántem diem.

Verbum Dómini.

10

*Vos genus electum, regale sacerdotium.*

Léctio Epístolæ primæ beáti Petri apóstoli 2, 4-5. 9-10

Caríssimi:

Ad Dóminum accedétes, lápidem vivum, ab homínibus quidem reprobátum, coram Deo autem eléctum, pretiósus, et ipsi tamquam lápidés vivi ædificámini domus spiritalis in sacerdotium sanctum, offerre spiritalés hóstias, acceptábiles Deo per Iesum Christum.

Vos autem genus eléctum, regále sacerdotium, gens sancta, pópulus in acquisitionem, ut virtútes annuntiétis eius, qui de ténebris vos vocávit in admirábile lumen suum; qui aliquándo non pópulus, nunc autem pópulus Dei; qui non consecúti misericórdiam, nunc autem misericórdiam consecúti. — Verbum Dómini.

## Evangelium

### 1

Alleluia et Versus ante Evangelium Col 3, 1

(R. Allelúia). V. Si consurrexístis cum Christo,  
quæ sursum sunt quærite,  
ubi Christus est in dèxtera Dei sedens.  
(R. Allelúia).

*Si quis vult post me venire,  
abneget semetipsum.*

✠ Lécio sancti Evangélii secúndum Matthæum  
16, 24-27

In illo témpore:

Dixit Iesus discipulis suis: « Si quis vult post me venire, abneget semetipsum, et tollat crucem suam, et sequatur me. Qui enim voluerit animam suam salvam facere, perdet eam; qui autem perdiderit animam suam propter me, inveniet eam.

Quid enim prodest homini, si mundum universum lucratur, animæ vero suæ detrimentum patiatur? Aut quam dabit homo commutationem pro anima sua?

Filius enim hominis venturus est in gloria Patris sui cum angelis suis, et tunc reddet unicuique secundum opus eius ». — Verbum Dómini.

### 2

Alleluia et Versus ante Evangelium Eph 4, 5-6

(R. Allelúia). V. Unus Dóminus, una fides, unum baptísma;  
unus Deus et Pater. (R. Allelúia).

*Docete omnes gentes,  
baptizantes eos in Nomine Patris,  
et Filii, et Spiritus Sancti.*

✠ Lécio sancti Evangélii secúndum Matthæum

28, 18-20

In illo témpore:

Accédens Iesus locúsus est úndecim discíplis dicens: « Data est mihi omnis potéstas in cælo et in terra. Eúntes ergo docéte omnes gentes, baptizántes eos in Nómine Patris, et Filii, et Spíritus Sancti, docéntes eos serváre ómnia quæcúmque mandávi vobis.

Et ecce ego vobíscum sum ómnibus diébus, usque ad consummatiónem sæculi ». — Verbum Dómini.

3

Alleluia et Versus ante Evangelium

Io 3, 16

(R. Allelúia). γ. Sic Deus diléxit mundum,  
ut Fílium suum unigénitum daret;  
omnis qui credit in eum,  
habet vitam ætérnam. (R. Allelúia).

*Baptizatus est in Iordane ab Ioanne.*

✠ Lécio sancti Evangélii secúndum Marcum 1, 9-11

In diébus illis venit Iesus a Názareth Galiléæ, et baptizátus est in Iordáne ab Ioánne.

Et statim ascéndens de aqua vidit apértos cælos, et Spíritum tamquam colúmbam descendéntem in ipsum; et vox facta est de cælis: « Tu es Fílius meus diléctus, in te complácuí ». — Verbum Dómini.



4

Alleluia et Versus ante Evangelium Io 14, 6

(R. Allelúia). ̄. Ego sum via, véritas et vita,  
dicit Dóminus;  
nemo venit ad Patrem, nisi per me.  
(R. Allelúia).

*Quisquis non receperit Regnum Dei velut parvulus,  
non intrabit in illud.*

✠ Lécio sancti Evangelii secúndum Marcum

10, 13-16

In illo témpore:

Offerébant Iesu párvulos, ut tängeret illos; discí-  
puli autem comminabántur eis.

At videns Iesus, indígne tulit, et ait illis: « Sínite  
párvulos veníre ad me, ne prohibuéritis eos; tálium est  
enim Regnum Dei. Amen dico vobis, quisquis non re-  
céperit Regnum Dei velut párvulus, non intrábit in  
illud ». Et compléxans eos, benedicébat impónens ma-  
nus super illos. — Verbum Dómini.

5

Alleluia et Versus ante Evangelium Mc 16, 15

(R. Allelúia). ̄. Eúntes in mundum univérsum,  
prædicáte Evangelium omni creatúræ.  
(R. Allelúia).

*Qui crediderit et baptizatus fuerit, salvus erit.*

✠ Lécio sancti Evangelii secúndum Marcum

16, 15-16. 19-20

In illo témpore:

Appárens Iesus Undecim dixit eis: « Eúntes in  
mundum univérsum, prædicáte Evangelium omni crea-

túræ. Qui crediderit et baptizátus fuerit, salvus erit; qui vero non crediderit, condemnábitur ».

Et Dóminus quidem Iesus, postquam locútus est eis, assúptus est in cælum, et sedit a dextris Dei.

Illi autem profécti prædicavérunt ubique, Dómino cooperánte et sermónem confirmánte sequéntibus signis. — Verbum Dómini.

## 6

Alleluia et Versus ante Evangelium 2 Tim 1, 10 b

(*R.* Allelúia). *γ.* Salvátor noster Iesus Christus  
destrúxit mortem,  
et illuminávit vitam per Evangélium.  
(*R.* Allelúia).

*Scriptum est prædicari in nomine Christi pænitentiam  
in remissionem peccatorum in omnes gentes.*

✠ Lécio sancti Evangélii secúndum Lucam

24, 44-53

In illo témpore:

Dixit Iesus ad discipulos suos: « Hæc sunt verba quæ locútus sum ad vos, cum adhuc essem vobíscum, quóniam necesse est impléri ómnia quæ scripta sunt in lege Móysis et prophétis et psalmis de me ».

Tunc aperuit illis sensum, ut intellégerent Scriptúras.

Et dixit eis: « Sic scriptum est, Christum pati, et resúrgere a mórtuis die tértia, et prædicári in nómine eius pæniténtiam in remissionem peccatórum in omnes gentes, incipiéntibus ab Ierúsalem. Vos estis testes horum.

Et ecce ego mitto promíssum Patris mei in vos; vos autem sedéte in civitáte, quoad usque induámini virtútem ex alto ».

Edúxit autem eos foras usque in Bethániam, et elevátis mánibus suis benedíxit eis.

Et factum est, dum benedíceret illis, recéssit ab eis, et ferebátur in cælum. Et ipsi adoravérunt eum et regréssi sunt in Ierúsalem cum gáudio magno; et erant semper in templo benedicéntes Deum.

Verbum Dómini.

7

Alleluia et Versus ante Evangelium Io 3, 16

(R. Allelúia). γ. Sic Deus diléxit mundum,  
ut Fílium suum unigénitum daret;  
omnis qui credit in eum,  
habet vitam aetérnam. (R. Allelúia).

*Dedit potestatem filios Dei fieri, his qui credunt  
in nomine eius.*

✠ Inítium sancti Evagélíi  
secúndum Ioánnem

1, 1-5. 9-14. 16-18

In princípío erat Verbum, et Verbum erat apud Deum, et Deus erat Verbum. Hoc erat in princípío apud Deum. Omnia per ipsum facta sunt, et sine ipso factum est nihil, quod factum est.

In ipso vita erat, et vita erat lux hóminum; et lux in ténebris lucet, et ténebræ eam non comprehendérunt.

Erat lux vera, quæ illúminat omnem hóminem, véniens in mundum.

In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt; quotquot autem recepérunt eum, dedit eis potestátem filios Dei fieri, his qui credunt in

nómine eius, qui non ex sanguínibus neque ex voluntáte carnis neque ex voluntáte viri, sed ex Deo nati sunt.

Et Verbum caro factum est, et habitávit in nobis; et vidimus glóriam eius, glóriam quasi Unigéniti a Patre, plenum grátiae et veritátis.

Et de plenitúdine eius nos omnes accévimus, et grátiam pro grátia. Quia Lex per Móysen data est, grátia et véritas per Iesum Christum facta est.

Deum nemo vidit umquam; Unigénitus Deus, qui est in sinu Patris, ipse enarrávit. — Verbum Dómini.

## 8

**Alleluia et Versus ante Evangelium**      2 Tim 1, 10 b

(**Ꝁ. Allelúia**). **ꝥ. Salvátor noster Iesus Christus destrúxit mortem, et illuminávit vitam per Evangélium.**  
(**Ꝁ. Allelúia**).

*Ecce Agnus Dei, qui tollit peccatum mundi.*

**✠ Lécio sancti Evangélii secúndum Ioánnem**      1, 29-34

In illo témpore:

Videt Ioánnes Iesum veniéntem ad se, et ait: « Ecce Agnus Dei, ecce qui tollit peccátum mundi.

Hic est de quo dixi: “ Post me venit vir, qui ante me factus est, quia prior me erat ”. Et ego nesciébam eum; sed ut manifestétur Israel, proptérea veni ego in aqua baptízans ».

Et testimónium perhíbuit Ioánnes dicens: « Vidi Spíritum descendéntem quasi colúmbam de cælo, et mansit super eum.

Et ego nesciebam eum; sed qui misit me baptizare in aqua, ille mihi dixit: " Super quem videris Spiritum descendentem et manentem super eum, hic est qui baptizat in Spiritu Sancto ".

Et ego vidi et testimonium perhibui, quia hic est Filius Dei ». — Verbum Domini.

9

Alleluia et Versus ante Evangelium 1 Petr 2, 9

(R. Alleluia). γ. Vos genus electum, regale sacerdotium,  
gens sancta;  
virtutes annuntiate eius,  
qui de tenebris vos vocavit  
in admirabile lumen suum.  
(R. Alleluia).

*Nisi quis natus fuerit denuo,  
non potest videre Regnum Dei.*

✠ Lectio sancti Evangelii secundum Ioannem 3, 1-6

Erat homo ex pharisaeis, Nicodemus nomine, princeps Iudaeorum.

Hic venit ad Iesum nocte, et dixit ei: « Rabbi, scimus quia a Deo venisti magister; nemo enim potest haec signa facere quae tu facis, nisi fuerit Deus cum eo ».

Respondit Iesus et dixit ei: « Amen, amen dico tibi, nisi quis natus fuerit denuo, non potest videre Regnum Dei ».

Dicit ad eum Nicodemus: « Quomodo potest homo nasci, cum senex sit? numquid potest in ventrem matris suae iterato introire et nasci? »

Respondit Iesus: « Amen, amen dico tibi, nisi quis natus fuerit ex aqua et Spiritu, non potest introire in Regnum Dei.

Quod natum est ex carne, caro est, et quod natum est ex Spiritu, spiritus est ». — Verbum Domini.

## 10

Alleluia et Versus ante Evangelium Io 3, 16

(R. Allelúia). ⁊. Sic Deus diléxit mundum,  
 ut Fílium suum unigénitum daret;  
 omnis qui credit in eum,  
 habet vitam ætérnam. (R. Allelúia).

*Ut omnis qui credit in eum  
 habeat vitam æternam.*

✠ Lécio sancti Evangélii secúndum Ioánnem 3, 16-21

In illo témpore:

Dixit Iesus Nicodémo: « Sic Deus diléxit mundum, ut Fílium suum Unigénitum daret, ut omnis qui credit in eum non péreat, sed hábeat vitam ætérnam. Non enim misit Deus Fílium suum in mundum ut iúdicet mundum, sed ut salvétur mundus per ipsum.

Qui credit in eum non iudicátur, qui autem non credit iam iudicátus est, quia non crédidit in Nómine Unigéniti Filii Dei.

Hoc est autem iudícium: Lux venit in mundum, et dilexérunt hómines magis ténebras quam lucem; erant enim eórum mala ópera. Omnis enim qui mala agit, odit lucem et non venit ad lucem, ut non arguántur ópera eius.

Qui autem facit veritátem, venit ad lucem, ut manifesténtur eius ópera, quia in Deo sunt facta ».

Verbum Domini.

11

Alleluia et Versus ante Evangelium Io 8, 12 b

(R. Allelúia). ̄. Ego sum lux mundi, dicit Dóminus;  
qui séquitur me, habébit lumen vitæ.

(R. Allelúia).

*Ego lux in mundum veni.*

✠ Lécio sancti Evangélli secúndum Ioánnem

12, 44-50

In illo témpore:

Clamávit Iesus et dixit: « Qui credit in me, non credit in me sed in eum qui misit me. Et qui videt me, videt eum qui misit me.

Ego lux in mundum veni, ut omnis qui credit in me, in ténebris non máneat. Et si quis audierit verba mea et non custodierit, ego non iúdicó eum; non enim veni ut iúdicem mundum, sed ut salvíficem mundum.

Qui spernit me et non áccipit verba mea, habet qui iúdicet eum. Sermo, quem locútus sum, ille iudicábit eum in novíssimo die.

Quia ego ex meípso non sum locútus; sed qui misit me Pater, ipse mihi mandátum dedit quid dicam et quid loquar.

Et scio quia mandátum eius vita ætérna est. Quæ ergo ego loquor, sicut dixit mihi Pater, sic loquor ».

Verbum Dómini.

12

Alleluia et Versus ante Evangelium Io 14, 6

(R. Allelúia). ̄. Ego sum via, véritas et vita,  
dicit Dóminus;

nemo venit ad Patrem, nisi per me.

(R. Allelúia).

*Qui manet in me, et ego in eo,  
hic fert fructum multum.*

✠ **Léctio sancti Evangélii secúndum Ioánnem**

15, 1-11

**In illo témpore:**

Dixit Iesus discipulis suis: « Ego sum vitis vera, et Pater meus agricola est. Omnem pálmitem in me non feréntem fructum tollit eum, et omnem qui fert fructum purgat eum, ut fructum plus áfferat.

Iam vos mundi estis propter sermónem quem locú- tus sum vobis: manéte in me, et ego in vobis. Sicut palmes non potest ferre fructum a semetípso, nisi mánserit in vite, sic nec vos, nisi in me manséritis.

Ego sum vitis, vos pálmities; qui manet in me, et ego in eo, hic fert fructum multum, quia sine me nihil potéstis fácere. Si quis in me non mánserit, missus est foras sicut palmes et áruit, et cólligunt eos et in ignem mittunt, et ardent.

Si manséritis in me, et verba mea in vobis mánserint, quodcúmque voluérítis pétite, et fiet vobis.

In hoc glorificátus est Pater meus, ut fructum multum afferátis, et efficiámini mei discipuli. Sicut diléxit me Pater, et ego diléxi vos. Manéte in dilectióne mea.

Si præcépta mea servavéritis, manébitis in dilectióne mea; sicut et ego Patris mei præcépta servávi, et máneo in eius dilectióne.

Hæc locútus sum vobis, ut gáudium meum in vobis sit, et gáudium vestrum impleátur ».

**Verbum Dómini.**



## H

### IN CONFERENDO BAPTISMATE PARVULORUM

#### Lectio prima

1

*Da nobis aquam, ut bibamus.*

Lectio libri Exodi

17, 3-7

In diébus illis:

Sitívit pópulus præ aquæ penúria, et murmurávit contra Móysen dicens: « Cur fecísti nos exíre de Ægýpto, ut occíderes nos, et líberos nostros ac iuménta, siti? »

Clamávit autem Móyses ad Dóminum dicens: « Quid fáciam pópulo huic? adhuc páululum et lapidábit me ».

Et ait Dóminus ad Móysen: « Antecéde pópulum, et sume tecum de senióribus Israel, et virgam, qua percussísti flúvium, tolle in manu tua et vade. En ego stabo ibi coram te, supra petram Horeb; percutiésque petram, et exíbit ex ea aqua, ut bibat pópulus ».

Fecit Móyses ita coram senióribus Israel; et vocávit nomen loci illíus « Tentátio », propter iúrgium filiórum Israel, et quia tentavérunt Dóminum dicéntes: « Estne Dóminus in nobis an non? »

Verbum Dómini.

Psalmus responsorius

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

- <sup>1</sup> Dóminus pascit me, et nihil mihi déerit:  
<sup>2</sup> in páscuis viréntibus me collocávit,  
super aquas quiétis edúxit me, ánimam meam refécit.  
<sup>3</sup> Dedúxit me super sémitas iustitíæ  
propter nomen suum. R.

*Qui manet in me, et ego in eo,  
hic fert fructum multum.*

✠ Lécio sancti Evangélii secúndum Ioánnem

15, 1-11

In illo témpore:

Dixit Iesus discipulis suis: « Ego sum vitis vera, et Pater meus agricola est. Omnem pálmitem in me non feréntem fructum tollit eum, et omnem qui fert fructum purgat eum, ut fructum plus áfferat.

Iam vos mundi estis propter sermónem quem locú-  
tus sum vobis: manéte in me, et ego in vobis. Sicut  
palmes non potest ferre fructum a semetípso, nisi  
mánserit in vite, sic nec vos, nisi in me manséritis.

Ego sum vitis, vos pálmites; qui manet in me, et  
ego in eo, hic fert fructum multum, quia sine me nihil  
potéstis fácere. Si quis in me non mánserit, missus est  
foras sicut palmes et áruit, et cólligunt eos et in ignem  
mittunt, et ardent.

Si manséritis in me, et verba mea in vobis mán-  
serint, quodcúmque voluérítis pétite, et fiet vobis.

In hoc glorificátus est Pater meus, ut fructum mul-  
tum afferátis, et efficiámini mei discipuli. Sicut diléxit  
me Pater, et ego diléxi vos. Manéte in dilectióne mea.

Si præcépta mea servavéritis, manébitis in dilectióne  
mea; sicut et ego Patris mei præcépta servávi, et má-  
neo in eius dilectióne.

Hæc locútus sum vobis, ut gáudium meum in vo-  
bis sit, et gáudium vestrum impleátur ».

Verbum Dómini.

## H

### IN CONFERENDO BAPTISMATE PARVULORUM

Lectio prima

1

*Da nobis aquam, ut bibamus.*

Lectio libri Exodi

17, 3-7

In diebus illis:

Sitívit pópulus præ aquæ penúria, et murmurávit contra Móysen dicens: « Cur fecísti nos exíre de Ægýpto, ut occíderes nos, et líberos nostros ac iuménta, siti? »

Clamávit autem Móyses ad Dóminum dicens: « Quid fáciam pópulo huic? adhuc páululum et lapidábit me ».

Et ait Dóminus ad Móysen: « Antecéde pópulum, et sume tecum de senióribus Israel, et virgam, qua percussísti flúvium, tolle in manu tua et vade. En ego stabo ibi coram te, supra petram Horeb; percutiésque petram, et exíbit ex ea aqua, ut bibat pópulus ».

Fecit Móyses ita coram senióribus Israel; et vocávit nomen loci illius « Tentátio », propter iúrgium filiórum Israel, et quia tentavérunt Dóminum dicétes: « Estne Dóminus in nobis an non? »

Verbum Dómini.

Psalmus responsorius

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

<sup>1</sup> Dóminus pascit me, et nihil mihi déerit:

<sup>2</sup> in páscuis viréntibus me collocávit,

super aquas quiétis edúxit me, ánimam meam refécit.

<sup>3</sup> Dedúxit me super sémitas iustitiæ

propter nomen suum. R.

- 4 Nam et si ambulávero in valle umbræ mortis,  
non timébo mala, quóniam tu mecum es.  
Virga tua et báculus tuus  
ipsa me consoláta sunt. R̄.
- 5 Parásti in conspéctu meo mensam  
advérsus eos qui tríbulant me;  
impinguásti in óleo caput meum,  
et calix meus redúndat. R̄.
- 6 Etenim benígnitas et misericórdia subsequéntur me  
ómnibus diébus vitæ meæ,  
et inhabitábo in domo Dómini  
in longitudínem diérum. R̄.

## 2

*Effundam super vos aquam mundam,  
et mundabimini  
ab omnibus inquinamentis vestris.*

Léctio libri Ezechiélis prophétæ

36, 24-28

Hæc dicit Dóminus:

« Tollam vos de géntibus, et congregábo vos de univérsis terris, et addúcam vos in terram vestram; et effúndam super vos aquam mundam, et mundabímmini ab ómnibus inquinaméntis vestris, et ab univérsis idólis vestris mundábo vos.

Et dabo vobis cor novum, et spíritum novum ponam in médio vestri, et áuferam cor lapídeum de carne vestra, et dabo vobis cor cárneum; et spíritum meum ponam in médio vestri, et fáciam ut in præcéptis meis ambulétis, et iudícia mea custodiátis et operémmini.

Et habitábitis in terra, quam dedi pátribus vestris, et éritis mihi in pópulum, et ego vobis in Deum ».

Verbum Dómini.

Psalmus responsorius

Ps 33, 2-3. 6-7. 8-9. 14-15. 16-17 (R.: 9 a)

R. Gustáte et vidéte quóniam suávis est Dóminus.

- 2 Benedicam Dóminum in omni témpore,  
semper laus eius in ore meo.
- 3 In Dómino gloriábitur ánima mea,  
áudiant mansuétí et læténtur. R.
- 6 Respícite ad eum, et illuminámini,  
et fácies vestræ non confundéntur.
- 7 Iste pauper clamávit, et Dóminus exaudívit eum,  
et de ómnibus tribulatió nibus eius salvávit eum. R.
- 8 Vallábit ángelus Dómini in circúitu timéntes eum,  
et erípiet eos.
- 9 Gustáte et vidéte quóniam suávis est Dóminus;  
beátus vir qui sperat in eo. R.
- 14 Próhibe linguam tuam a malo,  
et lábia tua ne loquántur dolum.
- 15 Divérte a malo et fac bonum,  
inquíre pacem et perséquare eam. R.
- 16 Oculi Dómini super iustos,  
et aures eius in clamórem eórum.
- 17 Vultus autem Dómini super faciéntes mala,  
ut perdat de terra memóriam eórum. R.

3

*Vidi aquam egredientem de templo,  
et omnes, ad quos  
pervenit aqua ista, salvi facti sunt.*

Léctio libri Ezechiélis prophétæ

47, 1-9. 12

In diébus illis:

Convértit me ángelus ad portam domus Dómini, et  
ecce aquæ egrediebántur subter limen domus ad orién-

tem; fácies enim domus respiciébat ad oriéntem, aquæ descendébant in latus templi dextrum ad merídiem altáris. Et edúxit me per viam portæ aquilonis, et convértit me ad viam foras portam exteriórem, viam quæ respiciébat ad oriéntem, et ecce aquæ redundántes a látere dextro.

Cum egrederétur vir ad oriéntem, qui habébat funículum in manu sua, et mensus est mille cúbitos, et tradúxit me per aquam usque ad talos; rursúmque mensus est mille, et tradúxit me per aquam usque ad génua; et mensus est mille, et tradúxit me per aquam usque ad renes; et mensus est mille, torréntem quem non pó-tui pertransíre, quóniam intumúerant aquæ profúndi torréntis, qui non potest transvadári.

Et dixit ad me: « Certe vidisti, fili hóminis ». Et edúxit me et convértit ad ripam torréntis. Cumque me convertíssem, ecce in ripa torréntis ligna multa nimis ex utrâque parte.

Et ait ad me: « Aquæ istæ, quæ egrediúntur ad túmulos sábuli orientális et descéndunt ad plana desérti, intrábunt mare et exsibunt, et sanabúntur aquæ; et omnis ánima vivens quæ serpit, quocúmque vénerit torrens, vivet, et erunt pisces multi satis, postquam vénerint illuc aquæ istæ, et sanabúntur et vivent ómnia ad quæ vénerit torrens ».

Et super torréntem oriétur in ripis eius ex utrâque parte omne lignum pomíferum; non défluet fólium ex eo, et non defíciet fructus eius; per síngulos menses áfferet primitíva, quia aquæ eius de sanctuário egrediéntur, et erunt fructus eius in cibum, et fólia eius ad medicínam.

Verbum Dómini.

Psalmus resp. Ps 26, 1. 4. 8 b-9 abc. 13-14 (r.: 1 a)

R. Dóminus illuminátio mea et salus mea.

- 1 Dóminus illuminátio mea et salus mea, quem timébo?  
Dóminus protéctor vitæ meæ, a quo trepidábo? R.
- 4 Unum pétii a Dómino, hoc requíram:  
ut inhábitem in domo Dómini  
ómnibus diébus vitæ meæ,  
ut vídeam voluptátem Dómini,  
et vísitem templum eius. R.
- 8 Fáciem tuam, Dómine, requíram.
- 9 Ne avértas fáciem tuam a me,  
ne declínes in ira a servo tuo.  
Adiútor meus es tu, ne me reicias. R.
- 13 Credo vidére bona Dómini in terra vivéntium.
- 14 Exspécta Dóminum, viríliter age,  
et confortétur cor tuum, et sústine Dóminum. R.

### Lectio secunda

#### 1

*Consepulti cum illo per baptismum,  
in novitate vitæ ambulemus.*

Léctio Epístolæ beáti Pauli apóstoli  
ad Romános

6, 3-5

Fratres:

Quicúmque baptizáti sumus in Christo Iesu, in  
morte ipsíus baptizáti sumus.

Consepúlti ergo sumus cum illo per baptísmum in  
mortem, ut, quemádmódu[m] suscitátus est Christus  
a mórtuis per glóriam Patris, ita et nos in novitaté  
vitæ ambulémus.

Si enim complantati facti sumus similitudini mortis eius, sed et resurrectionis érimus. — Verbum Dómini.

2

*Conformes fieri imaginis Filii eius.*

Lectio Epístolæ beáti Pauli apóstoli  
ad Romános

8, 28-32

Fratres:

Scimus quóniam diligéntibus Deum ómnia coope-  
rántur in bonum, his qui secúndum propósitum vocáti  
sunt. Nam quos præscívit, et prædestinávit confórmes  
fieri imáginis Filii eius, ut sit ipse primogénitus in  
multis frátribus. Quos autem prædestinávit, hos et vo-  
cávit; et quos vocávit, hos et iustificávit; quos autem  
iustificávit, illos et glorificávit.

Quid ergo dicémus ad hæc? Si Deus pro nobis, quis  
contra nos?

Qui Filio suo non pepércit, sed pro nobis ómnibus  
trádidit illum, quómo do non étiam cum illo ómnia no-  
bis donábit? — Verbum Dómini.

3

*In uno Spiritu omnes nos in unum corpus  
baptizati sumus.*

Lectio Epístolæ primæ beáti Pauli apóstoli  
ad Corínthios

12, 12-13

Fratres:

Sicut corpus unum est et membra habet multa;  
ómnia autem membra córporis, cum sint multa, unum  
corpus sunt; ita et Christus.



**Etenim in uno Spírítu omnes nos in unum corpus baptizáti sumus, sive Iudæi sive Græci, sive servi sive líberi; et omnes unum Spírítum potáti sumus.**

**Verbum Dómini.**

4

*Quicumque baptizati estis, Christum induistis.*

**Léctio Epístolæ beáti Pauli apóstoli  
ad Gálatas**

3, 26-28

**Fratres:**

**Omnes filii Dei estis per fidem in Christo Iesu. Quicumque enim in Christo baptizáti estis, Christum induistis.**

**Non est Iudæus neque Græcus, non est servus neque liber, non est másculus et fémina; omnes enim vos unus estis in Christo Iesu. — Verbum Dómini.**

5

*Unus Dominus, una fides, unum baptisma.*

**Léctio Epístolæ beáti Pauli apóstoli  
ad Ephésios**

4, 1-6

**Fratres:**

**Obsecro vos, ego vinctus in Dómino, ut digne ambulétis vocatióne qua vocáti estis, cum omni humilitáte et mansuetúdine, cum longanimitáte supportántes invicem in caritáte; solliciti serváre unitátem spírítus in vínculo pacis. Unum corpus et unus Spírítus, sicut et vocáti estis in una spe vocatiónis vestræ; unus Dóminus, una fides, unum baptisma; unus Deus et Pater ómnium, qui super omnes et per ómnia et in ómnibus.**

**Verbum Dómini.**

*Vos genus electum, regale sacerdotium.*

Lectio Epistolæ primæ beati Petri apostoli

2, 4-5. 9-10

Carissimi:

Ad Christum accedentes, lapidem vivum, ab hominibus quidem reprobatum, coram Deo autem electum, pretiosum, et ipsi tamquam lapides vivi ædificamini, domus spiritalis in sacerdotium sanctum, offerre spirituales hostias, acceptabiles Deo per Iesum Christum.

Vos autem genus electum, regale sacerdotium, gens sancta, populus in acquisitionem ut virtutes annuntiatis eius, qui de tenebris vos vocavit in admirabile lumen suum: qui aliquando non populus, nunc autem populus Dei; qui non consecuti misericordiam, nunc autem misericordiam consecuti. — Verbum Domini.

Evangelium

1

Alleluia et Versus ante Evangelium

Io 14, 6

(R. Alleluia). V. Ego sum via, veritas et vita,

dicit Dominus;

nemo venit ad Patrem, nisi per me.

(R. Alleluia).

*Hoc est magnum et primum mandatum.*

✠ Lectio sancti Evangelii secundum Mattheum

22, 35-40

In illo tempore:

Interrogavit Iesum unus ex pharisæis Legis doctor tentans eum: « Magister, quod est mandatum magnum in Lege? »

Ait illi Iesus: « " Dñliges Dóminum Deum tuum in toto corde tuo, et in tota ánima tua, et in tota mente tua ". Hoc est magnum et primum mandátum. Secúndum autem símile est huic: " Dñliges próximum tuum sicut te ipsum ". In his duóbus mandátis univérsa Lex pendet et prophétæ ». — Verbum Dómini.

2

Alleluia et Versus ante Evangelium Eph 4, 5-6

(R. Allelúia). *γ.* Unus Dóminus, una fides,  
unum baptísma;  
unus Deus et Pater. (R. Allelúia).

*Docete omnes gentes,  
baptizantes eos in Nomine Patris,  
et Filii, et Spiritus Sancti.*

✠ Lécio sancti Evangéllii secúndum Mattháeum  
28, 18-20

In illo témpore:

Accédens Iesus locútus est úndecim discípulis, dicens: « Data est mihi omnis potéstas in cælo et in terra. Eúntes ergo docéte omnes gentes, baptizántes eos in Nómine Patris, et Filii, et Spíritus Sancti, docéntes eos serváre ómnia quæcúmque mandávi vobis.

Et ecce ego vobíscum sum ómnibus diébus, usque ad consummationem sæculi ». — Verbum Dómini.

3

Alleluia et Versus ante Evangelium 2 Tim 1, 10 b

(R. Allelúia). *γ.* Salvátor noster Iesus Christus  
destrúxit mortem,  
et illuminávit vitam per Evangéllium.  
(R. Allelúia).

*Baptizatus est in Iordane ab Ioanne.*

✠ Lécio sancti Evangélii secúndum Marcum 1, 9-11

In diébus illis venit Iesus a Názareth Galilææ, et baptizátus est in Iordáne ab Ioánne.

Et statim ascéndens de aqua vidit apértos cælos et Spíritum tamquam colúmbam descendéntem in ipsum; et vox facta est de cælis: « Tu es Fílius meus diléctus, in te compláculi ». — Verbum Dómini.

4

Alleluia et Versus ante Evangelium Cf. Mt 11, 25

(R. Allelúia). γ. Benedíctus es, Pater,  
Dómine cæli et terræ,  
quia mystéria Regni párvulis revelásti.  
(R. Allelúia).

*Sinite parvulos venire ad me.*

✠ Lécio sancti Evangélii secúndum Marcum 10, 13-16

In illo témpore:

Offerébant Iesu párvulos, ut tängeret illos; discí-puli autem comminabántur eis.

At videns Iesus, indígne tulit, et ait illis: « Sínite párvulos veníre ad me, ne prohibuéritis eos; tálíum est enim Regnum Dei. Amen dico vobis, quisquis non recéperit Regnum Dei velut párvulus, non intrábit in illud ».

Et compléxans eos benedicébat impónens manus super illos. — Verbum Dómini.

Alleluia et Versus ante Evangelium Io 8, 12 b

(R. Allelúia). V. Ego sum lux mundi, dicit Dóminus;  
qui séquitur me, habébit lumen vitæ.

(R. Allelúia).

\* *Audi, Israel: Diliges Dominum Deum tuum  
ex toto corde tuo.*

✠ Lécio sancti Evangélii secúndum Marcum

12, 28 b-34

In illo témpore:

Accéssit unus de scribis ad Iesum, et interrogávit eum: « Quod est primum ómnium mandátum? »

Iesus respóndit: « Primum est: “ Audi, Israel: Dóminus Deus noster Dóminus unus est; et díliges Dóminum Deum tuum ex toto corde tuo, et ex tota ánima tua, et ex tota mente tua, et ex tota virtúte tua ”.

Secúndum est illud: “ Díliges próximum tuum tamquam te ipsum ”. Maius horum áliud mandátum non est ».

Et ait illi scriba: « Bene, magíster, in veritáte dixísti: “ Unus est, et non est álius præter eum; et díligere eum ex toto corde, et ex toto intelléctu, et ex tota fortitúdine; et díligere próximum tamquam seípsum ” maius est ómnibus holocaustómátibus et sacrificiis ».

Et Iesus videns quod sapiénter respóndisset, dixit illi: « Non es longe a Regno Dei ». Et nemo iam audébat eum interrogáre.

Verbum Dómini.

vel brevior

✠ Lécitio sancti Evangélii secúndum Marcum 12, 28 b-31

In illo témpore:

Accéssit unus de scribis ad Iesum, et interrogávit eum: « Quod est primum ómnium mandátum? »

Iesus respóndit: « Primum est: “ Audi, Israel: Dóminus Deus noster Dóminus unus est; et dñliges Dóminum Deum tuum ex toto corde tuo, et ex tota ánima tua, et ex tota mente tua, et ex tota virtúte tua ”.

Secúndum est illud: “ Dñliges próximum tuum tamquam te ipsum ”. Maius horum áliud mandátum non est ». — Verbum Dómini.

## 6

Alleluia et Versus ante Evangelium Io 3, 16

(R. Allelúia). γ. Sic Deus diléxit mundum,  
ut Fílium suum unigénitum daret;  
omnis qui credit in eum,  
habet vitam ætérrnam. (R. Allelúia).

*Nisi quis natus fuerit denuo, non potest videre  
Regnum Dei.*

✠ Lécitio sancti Evangélii secúndum Ioánnem 3, 1-6

Erat homo ex pharisæis, Nicodémus nómine, princeps Iudæórum.

Hic venit ad Iesum nocte, et dixit ei: « Rabbi, scimus quia a Deo venisti magíster; nemo enim potest hæc signa fácere quæ tu facis, nisi fúerit Deus cum eo ».

Respóndit Iesus et dixit ei: « Amen, amen dico tibi: nisi quis natus fúerit denuo, non potest vidére Regnum Dei ».

Dicit ad eum Nicodémus: « Quómodo potest homo nasci, cum senex sit? numquid potest in ventrem matris suæ iteráto introire et nasci? »

Respóndit Iesus: « Amen, amen dico tibi: nisi quis natus fúerit ex aqua et Spíritu, non potest introire in Regnum Dei.

Quod natum est ex carne, caro est, et quod natum est ex Spíritu, spíritus est ». — Verbum Dómini.

7

Alleluia et Versus ante Evangelium Io 8, 12 b

(*R.* Allelúia). *γ.* Ego sum lux mundi, dicit Dóminus; qui séquitur me, habébit lumen vitæ.

(*R.* Allelúia).

*Fons aquæ salientis in vitam æternam.*

✠ Lécio sancti Evangélii secúndum Ioánnem 4, 5-14

In illo témpore:

Venit Iesus in civitátem Samaríæ, quæ dicitur Sichar, iuxta prædium quod dedit Iacob Ioseph, filio suo. Erat autem ibi fons Iacob: Iesus ergo, fatigátus ex itinere, sedébat sic super fontem.

Hora erat quasi sexta. Venit múlter de Samaría hauríre aquam.

Dicit ei Iesus: « Da mihi bíbere ». Discípuli enim eius abierant in civitátem, ut cibos émerent.

Dicit ergo ei múlter illa samaritána: « Quómodo tu, Iudæus cum sis, bíbere a me poscis, quæ sum múlter samaritána? » Non enim coutúntur Iudæi Samaritánis.

Respóndit Iesus, et dixit ei: « Si scires donum Dei, et quis est qui dicit tibi: " Da mihi bíbere ", tu fórsitan petísses ab eo, et dedísses tibi aquam vivam ».

Dicit ei mûlier: « Dómine, neque in quo háurias habes, et púteus altus est; unde ergo habes aquam vivam? Numquid tu maior es patre nostro Iacob, qui dedit nobis púteum, et ipse ex eo bibit et filii eius et pécora eius? »

Respóndit Iesus et dixit ei: « Omnis qui bibit ex aqua hac sítiet íterum, qui autem bíberit ex aqua, quam ego dabo ei, non sítiet in ætérnum; sed aqua, quam dabo ei, fiet in eo fons aquæ saliéntis in vitam ætérnam ». — Verbum Dómini.

## 8

Alleluia et Versus ante Evangelium Io 3, 16

(R. Allelúia). γ. Sic Deus diléxit mundum,  
 ut Filium suum unigénitum daret;  
 omnis qui credit in eum,  
 habet vitam ætérnam. (R. Allelúia).

*Qui credit habet vitam æternam.*

✠ Lécio sancti Evangéllii secúndum Ioánnem 6, 44-47

In illo témpore:

Dixit Iesus turbis: « Nemo potest veníre ad me, nisi Pater qui misit me, tráxerit eum; et ego resuscitábo eum in novíssimo die.

Est scriptum in prophétis: " Et erunt omnes docíbiles Dei ". Omnis, qui audívit a Patre et dídicit, venit ad me. Non quia Patrem vidit quisquam: nisi is qui est a Deo, hic vidit Patrem.

Amen, amen, dico vobis: qui credit habet vitam ætérnam ».

Verbum Dómini.



9

Alleluia et Versus ante Evangelium Io 8, 12 b

(R. Allelúia). V. Ego sum lux mundi, dicit Dóminus;  
qui séquitur me, habébit lumen vitæ.  
(R. Allelúia).

*Flumina fluent aquæ vivæ.*

✠ Lécitio sancti Evangélii secúndum Ioánnem 7, 37 b-39 a

In illo témpore:

Clamávit Iesus dicens: « Si quis sitit véniat ad me et bibat qui credit in me. Sicut dixit Scriptúra, flúmina de ventre eius fluent aquæ vivæ ».

Hoc autem dixit de Spíritu, quem acceptúri erant credéntes in eum. — Verbum Dómini.

10

Alleluia et Versus ante Evangelium Io 8, 12 b

(R. Alleluia). V. Ego sum lux mundi, dicit Dóminus;  
qui séquitur me, habébit lumen vitæ.  
(R. Allelúia).

*Abiit et lavit et venit videns.*

✠ Lécitio sancti Evangélii secúndum Ioánnem 9, 1-7

In illo témpore:

Prætériens Iesus vidit hóminem cæcum a nativité.

Et interrogavérunt eum discípuli sui dicétes: « Rabbi, quis peccávit, hic aut paréntes eius, ut cæcus nasceretur? »

Respóndit Iesus: « Neque hic peccávit, neque paréntes eius; sed ut manifesténtur ópera Dei in illo. Nos

opórtet operári ópera eius qui misit me, donec dies est; venit nox, quando nemo potest operári: quámdiu in mundo sum, lux sum mundi ».

Hæc cum dixisset, éxspuit in terram, et fecit lutum ex sputo, et linívit lutum super óculos eius, et dixit ei: « Vade, lava in natatória Síloæ (quod interpretátur: Missus) ». Abiit ergo et lavit et venit videns.

Verbum Dómini.

## 11

Alleluia et Versus ante Evangelium Io 15, 9 b. 5 b

(R. Allelúia). *γ.* Manéte in dilectióne mea,  
dicit Dóminus;

qui manet in me et ego in eo,  
hic fert fructum multum.

(R. Allelúia).

*Manete in me et ego in vobis.*

✠ Lécio sancti Evangélli secúndum Ioánnem 15, 1-11

In illo témpore:

Dixit Iesus discíplis suis: « Ego sum vitis vera, et Pater meus agrícola est. Omnem pálmitem in me non feréntem fructum tollit eum, et omnem qui fert fructum purgat eum, ut fructum plus áfferat.

Iam vos mundi estis propter sermónem quem locútus sum vobis: manéte in me, et ego in vobis. Sicut palmes non potest ferre fructum a semetípso, nisi mánsarit in vite, sic nec vos, nisi in me manséritis.

Ego sum vitis, vos pálmites; qui manet in me, et ego in eo, hic fert fructum multum, quia sine me nihil potéstis fácere. Si quis in me non mánsarit, missus est foras sicut palmes et áruit, et cólligunt eos et in ignem mittunt, et ardent.

Si manseritis in me, et verba mea in vobis manserint, quodcumque volueritis petite, et fiet vobis.

In hoc glorificatus est Pater meus, ut fructum multum afferatis, et efficiamini mei discipuli. Sicut dilexit me Pater, et ego dilexi vos. Manete in dilectione mea.

Si praecepta mea servaveritis, manebitis in dilectione mea, sicut et ego Patris mei praecepta servavi, et maneo in eius dilectione.

Haec locutus sum vobis, ut gaudium meum in vobis sit, et gaudium vestrum impleatur ». — Verbum Domini.

12

Alleluia et Versus ante Evangelium 2 Tim 1, 10 b

(R. Alleluia). *γ.* Salvator noster Iesus Christus  
destruxit mortem,  
et illuminavit vitam per Evangelium.  
(R. Alleluia).

*Latus eius aperuit, et exivit sanguis et aqua.*

✠ Lectio sancti Evangelii secundum Ioannem

19, 31-35

Iudaei, quoniam Parascève erat, ut non remanerent in cruce corpora sabbato (erat enim magnus dies illius sabbati), rogaverunt Pilatum ut frangerentur eorum crura et tollerentur.

Venerunt ergo milites, et primi quidem fregerunt crura et alterius qui crucifixus est cum eo.

Ad Iesum autem cum venissent, ut viderunt eum iam mortuum, non fregerunt eius crura, sed unus militum lancea latus eius aperuit, et continuo exivit sanguis et aqua.

Et qui vidit testimonium perhibuit, et verum est eius testimonium. Et ille scit quia vera dicit, ut et vos credatis. — Verbum Domini.

## I

## IN CONFERENDA CONFIRMATIONE

*Lectio prima extra tempus paschale*

## 1

*Requiescet super eum Spiritus Domini.*

Lectio libri Isaïæ prophætæ

11, 1-4 a

In die illa: Egrediétur virga de radice Iesse, et flos de radice eius ascéndet, et requiescet super eum Spíritus Dómini: Spíritus sapiéntiæ et intelléctus, Spíritus consílii et fortitúdinis, Spíritus sciéntiæ et pietátis, et replébit eum Spíritus timóris Dómini.

Non secúndum visiónem oculórum iudicábit, neque secúndum audítum áurium árguet, sed iudicábit in iustítia páuperes et árguet in æquitáte pro mansuétis terræ. — Verbum Dómini.

*Psalmus responsorius**Ps 103, 1 ab et 24. 27-28. 30-31. 33-34 (R.: cf. 30)*

**R.** Emítte Spíritum tuum, Dómine,  
et rénova fáciem terræ.

**1** Bénedic, ánima mea, Dómino:  
Dómine Deus meus,  
magnificátus es veheménter.

**24** Quam multiplicáta sunt ópera tua, Dómine:  
ómnia in sapiéntia fecísti,  
impléta est terra creatúra tua. **R.**

**27** Omnia a te exspéctant  
ut des illis escam in témpore suo.

- 28 Dante te illis, cólligent,  
aperiénte te manum tuam,  
implebúntur bonis. *R.*
- 30 Emíttes spíritum tuum, et creabúntur,  
et renovábis fáciem terræ.
- 31 Sit glória Dómini in sáeculum;  
lætétur Dóminus in opéribus suis. *R.*
- 33 Cantábo Dómino in vita mea,  
psallam Deo meo quámdiu sum.
- 34 Iucúndum sit ei elóquium meum,  
ego vero delectábor in Dómino. *R.*

2

*Dedi Spiritum meum super servum meum.*

Léctio libri Isaíæ prophétæ

42, 1-3

Hæc dicit Dóminus:

« Ecce servus meus, suscípiam eum; eléctus meus, complácuit sibi in illo ánima mea: dedi spíritum meum super eum, iudícium géntibus próferet.

Non clamábit neque accípiet persónam, nec audiétur vox eius foris. Cálamum quassátum non cónteret, et linum fúmigans non exstínguet; in veritaté edúcet iudícium ». — Verbum Dómini.

**Psalmus responsorius**

Ps 144, 2-3. 4-5. 8-9. 10-11. 15-16 (*R.*: 1 b)

*R.* Benedícam nómini tuo, Dómine, in ætérnum.

- 2 Per síngulos dies benedícam tibi,  
et laudábo nomen tuum  
in sáeculum et in sáeculum sáeculi.

- <sup>3</sup> Magnus Dóminus et laudábilis nimis,  
et magnitúdinis eius non est investigátio. R̄.
- <sup>4</sup> Generátio generatióni laudábit ópera tua,  
et poténtiam tuam pronuntiábunt.
- <sup>5</sup> Magnificéntiam glóriæ maiestátis tuæ loquéntur,  
et mirabília tua enarrábunt. R̄.
- <sup>6</sup> Miserátor et miséricors Dóminus,  
longánimis et multæ misericórdiæ.
- <sup>9</sup> Suávis Dóminus univérsis,  
et miseratiónes eius super ómnia ópera eius. R̄.
- <sup>10</sup> Confiteántur tibi, Dómine, ómnia ópera tua;  
et sancti tui benedícant tibi.
- <sup>11</sup> Glóriam regni tui dicant,  
et poténtiam tuam loquántur. R̄.
- <sup>15</sup> Oculi ómnium in te sperant,  
et tu das illis escam in témpore opportúno.
- <sup>16</sup> Aperis tu manum tuam,  
et imples omne ánimam in beneplácito. R̄.

3

*Unxit me Dominus  
et evangelizare pauperibus misit me,  
et dare eis oleum gaudii.*

Léctio libri Isaíæ prophétæ

61, 1-3 a. 6 a. 8 b-9

Spiritus Dómini super me, eo quod únxerit Dóminus me; ad annuntiándum mansuétis misit me, ut mēderer contrítis corde, et prædicárem captívis indulgéntiam et clausis apertiónem; ut prædicárem annum plácibilem Dómino et diem ulitiónis Deo nostro, ut con-

solárer omnes lugéntes, ut pónerem lugéntibus Sion, et darem eis corónam pro cínere, óleum gáudii pro luctu, pállium laudis pro spírítu mæroris.

Vos autem sacerdótes Dómini vocabímíni, mínistri Dei nostri dicétur vobis.

Dabo opus eórum in veritáte, et fœdus perpétuum fériam eis. Et scient in géntibus semen eórum; et germen eórum in médio populórum. Omnes qui víderint eos cognóscant illos, quia isti sunt semen, cui benedíxit Dóminus. — Verbum Dómini.

### Psalmus responsorius

Ps 21, 23-24. 26-27. 28 et 31-32 (R.: 23)

R. Narrábo nomen tuum frátribus meis.

23 Narrábo nomen tuum frátribus meis,  
in médio ecclésiæ laudábo te.

24 Qui tímétis Dóminum, laudáte eum,  
univérsum semen Iacob, glorificáte eum.  
Métuat eum omne semen Israel. R.

26 Apud te laus mea in ecclésia magna;  
vota mea reddam in conspéctu tíméntium eum.

27 Edent páuperes, et saturabúntur,  
et laudábunt Dóminum qui requírunt eum:  
« Vivant corda eórum in sáculum sáculi ». R.

28 Reminiscéntur et converténtur ad Dóminum  
univérsi fines terræ,  
et adorábunt in conspéctu eius  
univérsæ famíliæ géntium.

31 Et semen meum sérviet ipsi.

Narrábitur de Dómino generatióni ventúræ,  
et annuntiábunt iustítiam eius

32 pópulo qui nascétur: « Hæc fecit Dóminus ». R.

*Spiritum novum ponam in medio vestri.*

Lectio libri Ezechiélis prophétæ

**36, 24-28**

Hæc dicit Dóminus:

« Tollam vos de géntibus, et congregábo vos de univérsis terris, et addúcam vos in terram vestram; et effúndam super vos aquam mundam, et mundabímíni ab ómnibus inquinaméntis vestris, et ab univérsis idólis vestris mundábo vos.

Et dabo vobis cor novum, et spíritum novum ponam in médio vestri, et áuferam cor lapídeum de carne vestra, et dabo vobis cor cárneum; et spíritum meum ponam in médio vestri, et fáciam ut in præcéptis meis ambulétis, et iudícia mea custodiátis et operémíni.

Et habitábíbitis in terra, quam dedi pátribus vestris, et éritis mihi in pópulum, et ego ero vobis in Deum ».

Verbum Dómini.

**Psalmus responsorius**

**Ps 22, 1-3. 4. 5. 6 (R.: 1)**

**R.** Dóminus pascit me, et nihil mihi déerit.

**1** Dóminus pascit me, et nihil mihi déerit:

**2** in páscuis viréntibus me collocávit,

super aquas quiétis edúxit me,

**3** ánimam meam refécit.

Dedúxit me super sémitas iustítiæ  
propter nomen suum. **R.**

**4** Nam et si ambulávero in valle umbræ mortis,  
non timébo mala, quóniam tu mecum es.

Virga tua et báculo tuus  
ipsa me consoláta sunt. **R.**

**5** Parásti in conspéctu meo mensam  
advérsus eos qui tríbulant me;



**impinguásti in óleo caput meum,  
et calix meus redúndat. R.**

**Etenim benignitas et misericórdia subsequéntur me  
ómnibus diébus vitæ meæ,  
et inhabitábo in domo Dómini  
in longitudinem diérum. R.**

5

*Super servos meos et ancillas  
effundam Spiritum meum.*

**Léctio libri Ioélis prophétæ** 2, 23 a. 26-30 a

**Hæc dicit Dóminus:**

« **Fílii Sion, exsultáte et lætámini in Dómino Deo vestro. Comedétis vescétes et saturabímmini; et laudábítis nomen Dómini Dei vestri, qui fecit mirabília vobíscum, et non confundétur pópulus meus in sempitérnum. Et sciétis quia in médio Israel ego sum, et ego Dóminus Deus vester, et non est ámplius; et non confundétur pópulus meus in setérnum.**

**Et erit post hæc, effúndam spíritum meum super omnem carnem, et prophetábunt filii vestri et filie vestræ, senes vestri sómnia somniábunt, et iúvenes vestri visiónes vidébunt; sed et super servos meos et ancillas in diébus illis effúndam spíritum meum. Et dabo prodígia in cælo et in terra ».** — **Verbum Dómini.**

**Psalmus responsorius**

**Ps 103, 1 ab et 24. 27-28. 30-31. 33-34 (R.: cf. 30)**

**R. Emítte Spíritum tuum, Dómine,  
et rénova fáciem terræ.**

**Bénedic, ánima mea, Dómino:  
Dómine Deus meus, magnificátus es veheménter.**

- 24 **Quam multiplicata sunt opera tua, Domine:  
omnia in sapientia fecisti,  
impleta est terra creatura tua. R.**
- 27 **Omnia a te expectant  
ut des illis escam in tempore suo.**
- 28 **Dante te illis, colligent,  
aperiente te manum tuam, implebuntur bonis. R.**
- 30 **Emittes spiritum tuum, et creabuntur,  
et renovabis faciem terræ.**
- 31 **Sit gloria Domini in sæculum;  
laetetur Dominus in operibus suis. R.**
- 33 **Cantabo Domino in vita mea,  
psallam Deo meo quamdiu sum.**
- 34 **Iucundum sit ei eloquium meum,  
ego vero delectabor in Domino. R.**

**Lectio prima  
tempore paschali**

1

*Accipietis virtutem Spiritus Sancti,  
et eritis mihi testes.*

**Lectio Actuum Apostolorum**

1, 3-8

**In diebus illis:**

Apóstolis suis præbuit Iesus seípsum vivum post passionem suam in multis argumentis, per dies quadraginta appárens eis, et loquens ea quæ sunt de Regno Dei.

Et convéscens præcepit eis ab Hierosólymis ne discederent, sed expectarent promissionem Patris « quam audistis a me, quia Ioánnes quidem baptizávit aqua, vos

autem baptizabimini in Spíritu Sancto non post multos hos dies ».

Igitur qui convenerant interrogabant eum, dicentes: « Dómine, si in tēpore hoc restitues regnum Israéli? »

Dixit autem eis: « Non est vestrum nosse tēpora vel moménta, quæ Pater pósuit in sua potestáte; sed accipiétis virtútem superveniēte Sancto Spíritu in vos, et éritis mihi testes et in Ierúsalem et in omni Iudæa et Samaría et usque ad últimum terræ ».

Verbum Dómini.

Psalmus responsorius, ut supra, p. 1131.

## 2

*Repleti sunt omnes Spiritu Sancto et cœperunt loqui.*

Lectio Actuum Apostolorum

2, 1-6. 14. 22 b-23. 32-33

Cum complerentur dies Pentecóstes, erant omnes páriter in eódem loco; et factus est repēte de cælo sonus tamquam adveniētis spíritus vehemētis, et replévit totam domum ubi erant sedētes.

Et apparuerunt illis dispertitæ linguæ tamquam ignis, sedítque supra singulos eórum; et repléti sunt omnes Spíritu Sancto, et cœperunt loqui áliis linguis, prout Spíritus dabat éloqui illis.

Erant autem in Ierúsalem habitātes Iudæi, viri religiósi ex omni natióne quæ sub cælo est. Facta autem hac voce, convénit multitúdo et confúsa est, quóniam audiébat unusquisque lingua sua illos loquētes.

Stans autem Petrus cum Undecim levávit vocem suam et locútus est eis: « Viri Iudæi et qui habitátis Ierúsalem univérsi, hoc vobis notum sit et áuribus per-

cípíte verba mea: Iesum Nazarénum, virum approbátum a Deo apud vos virtútibus et prodígiis et signis, quæ fecit per illum Deus in médio vestri, sicut ipsi scitis, hunc, defínito consílio et præsciéntia Dei tráditum, per manum iniquórum affigéntes interemístis.

Hunc Iesum resuscitávit Deus, cuius omnes nos testes sumus. Déxtera ígitur Dei exaltátus, et promissióne Spíritus Sancti accépta a Patre, effúdit hunc, quem vos vidétis et audítis ». — Verbum Dómini.

Psalmus responsorius Ps 116, 1. 2 (R.: Act 1, 8)

R. Eritis mihi testes usque ad últimum terræ.

vel Allelúia.

<sup>1</sup> Laudáte Dóminum, omnes gentes,  
collaudáte eum, omnes pópuli. R.

<sup>2</sup> Quóniam confirmáta est super nos misericórdia eius,  
et véritas Dómini manet in ætérnum. R.

## 3

*Imposuerunt manus super illos,  
et accipiebant Spiritum Sanctum.*

Léctio Actuum Apostolórum

8, 1. 4. 14-17

Facta est in illa die persecútio magna in Ecclésiám, quæ erat Hierosólymis; et omnes dispérsi sunt per regiones Iudææ et Samariæ præter Apóstolos.

Igitur qui dispérsi erant pertransiérunt evangelizántes verbum.

Cum autem audíssent Apóstoli, qui erant Hierosólymis, quia recépit Samaría verbum Dei, misérunt ad illos Petrum et Ioánnem. Qui, cum descendíssent, ora-

vérunt pro ipsis, ut acciperent Spíritum Sanctum; nondum enim super quemquam illórum vénerat, sed baptizáti tantum erant in nómine Dómini Iesu.

Tunc imposuérunt manus super illos, et accipiébant Spíritum Sanctum. — Verbum Dómini.

Psalmus responsorius

Ps 144, 2-3. 4-5. 8-9. 10-11. 15-16 (R.: 1 b)

R. Benedícam nómini tuo, Dómine, in ætérnum.  
vel Allehúia.

Per síngulos dies benedícam tibi,  
et laudábo nomen tuum  
in sáeculum et in sáeculum sáeculi.  
Magnus Dóminus et laudábilis nimis,  
et magnitúdinis eius non est investigátio. R.

Generátio generatióni laudábit ópera tua,  
et poténtiam tuam pronuntiábunt.  
Magnificéntiam glóriæ maiestátis tuæ loquéntur,  
et mirabília tua enarrábunt. R.

Miserátor et miséricors Dóminus,  
longánimis et multæ misericórdiæ.  
Suávis Dóminus univérsis,  
et miseratiónes eius super ómnia ópera eius. R.

Confiteántur tibi, Dómine, ómnia ópera tua;  
et sancti tui benedícant tibi.  
Glóriam regni tui dicant,  
et poténtiam tuam loquántur. R.

Oculi ómnium in te sperant,  
et tu das illis escam in témpore opportúno.  
Aperis tu manum tuam,  
et imples omne ánimam in beneplácito. R.

## 4

*Cecidit Spiritus Sanctus super omnes  
qui audiebant verbum.*

Lectio Actuum Apostolorum 10, 1. 33-34 a. 37-44

In diebus illis:

Vir quidam erat in Cæsareá nómine Cornélius, centurio cohórtis, quæ dicitur Itálica.

Qui dixit ad Petrum: « Misi ad te, et tu bene fecisti veniéndò; nunc ergo omnes nos in conspéctu Dei ádsumus, audíre ómnia quæcúmque tibi præcépta sunt a Dómino ».

Apériens autem Petrus os dixit: « Vos scitis quod factum est verbum per univérsam Iudæam, incípiens a Galilæa post baptismum, quod prædicávit Ioánnes: Iesum a Názareth, quómodo unxit eum Deus Spíritu Sancto et virtúte, qui pertransívit benefaciéndò et sanándò omnes opprésos a diábolo, quóniam Deus erat cum illo.

Et nos testes sumus ómnium quæ fecit in regióne Iudæórum et Ierúsalem, quem et occidérunt suspendéntes in ligno. Hunc Deus suscitávit tértia die; et dedit eum maniféstum fieri, non omni pópulo, sed téstibus præordinátis a Deo, nobis, qui manducávimus et bíbimus cum illo, postquam resurréxit a mórtuis.

Et præcépit nobis prædicáre pópulo et testificári quia ipse est, qui constitútus est a Deo iudex vivórum et mortuórum. Huic omnes prophætæ testimónium pérhibent, remissionem peccatórum accíperere per Nomen eius omnes qui credunt in eum ».

Adhuc loquente Petro verba hæc, cecidit Spíritus Sanctus super omnes qui audiébant verbum.

Verbum Dómini.

Psalmus responsorius

Ps 95, 1-2 a. 2 b-3. 9-10 a. 11-12 (R.: cf. 3)

R. Annuntiáte in ómnibus pópulis mirabília Dei.

vel Allelúia.

- 1 Cantáte Dómino cánticum novum,  
cantáte Dómino, omnis terra.
- 2 Cantáte Dómino, benedicite nómini eius. R.  
Annuntiáte de die in diem salutáre eius.
- 3 Annuntiáte inter gentes glóriam eius,  
in ómnibus pópulis mirabília eius. R.
- 9 Adoráte Dóminum in splendóre sancto.  
Contremíscite a fácie eius, univérsa terra,  
10 dícite in géntibus: « Dóminus regnávit ». R.
- 11 Læténtur cæli et exsúltet terra,  
sonet mare et plenitúdo eius;
- 12 gaudébunt campi et ómnia quæ in eis sunt.  
Tunc exsultábunt ómnia ligna silvárum. R.

5

*Si Spiritum Sanctum accepistis credentes?*

Lectio Actuum Apostolorum

19, 1 b-6 a

In diébus illis:

Factum est ut Paulus veníret Ephesum, et inveníret quosdam discípulos.

Dixitque ad eos: « Si Spíritum Sanctum accepístis credéntes? »

At illi ad eum: « Sed neque si Spíritus Sanctus est audívimus ».

Ille vero ait: « In quo ergo baptizáti estis? »

Qui dixerunt: « In Ioánnis baptísmate ».

Dixit autem Paulus: « Ioánnes baptizávit baptísma

pænitentiæ, pópulo dicens in eum qui ventúrus esset post ipsum ut créderent, hoc est in Iesum ».

His audítis, baptizáti sunt in Nómine Dómini Iesu. Et, cum imposuísset illis manus Paulus, venit Spíritus Sanctus super eos. — Verbum Dómini.

**Psalmus responsorius** Ps 116, 1. 2 (R.: Act 1, 8)

R. Eritis mihi testes usque ad últimum terræ.

vel Allelúia.

- 1 Laudáte Dóminum, omnes gentes, collaudáte eum, omnes pópuli. R.
- 2 Quóniam confirmáta est super nos misericórdia eius, et véritas Dómini manet in ætérnum. R.

### Lectio secunda

#### 1

*Caritas Dei diffusa est in cordibus nostris  
per Spiritum Sanctum, qui datus est nobis.*

Léctio Epístolæ beáti Pauli apóstoli  
ad Romános

5, 1-2. 5-9 a

Fratres:

Iustificáti ex fide, pacem habémus ad Deum per Dóminum nostrum Iesum Christum, per quem et acéssum habémus fide in grátiam istam, in qua stamus et gloriámur in spe glóriæ Dei.

Spes autem non confúndit, quia cáritas Dei diffúsa est in córdibus nostris per Spíritum Sanctum, qui datus est nobis. Adhuc enim Christus, cum adhuc infirmi essémus, secúndum tempus pro ímpis mórtuus est.



**Vix enim pro iusto quis moritur; nam pro bono forsitan quis et audeat mori.**

**Commendat autem suam caritatem Deus in nos, quoniam, cum adhuc peccatores essemus, Christus pro nobis mortuus est. — Verbum Domini.**

2

*Spiritus testimonium reddit una cum spiritu nostro,  
quod sumus filii Dei.*

**Lectio Epistolae beati Pauli apostoli  
ad Romanos**

8, 14-17

**Fratres:**

**Quicumque Spiritu Dei aguntur, hi filii Dei sunt.**

**Non enim accepistis spiritum servitutis iterum in timore, sed accepistis Spiritum adoptionis filiorum, in quo clamamus: « Abba, Pater ».**

**Ipse Spiritus testimonium reddit una cum spiritu nostro, quod sumus filii Dei. Si autem filii, et heredes: heredes quidem Dei, coheredes autem Christi; si tamen compatiuntur, ut et conglorificentur. — Verbum Domini.**

3

*Spiritus interpellat gemitibus inenarrabilibus.*

**Lectio Epistolae beati Pauli apostoli  
ad Romanos**

8, 26-27

**Fratres:**

**Spiritus adiuvat infirmitatem nostram: nam quid oremus sicut oportet, nescimus; sed ipse Spiritus interpellat gemitibus inenarrabilibus. Qui autem scrutatur corda, scit quid desideret Spiritus, quia secundum Deum postulat pro sanctis. — Verbum Domini.**

## 4

*Unus et idem Spiritus, dividens singulis prout vult.*

Lectio Epistolæ primæ beāti Pauli apóstoli  
ad Corínthios

12, 4-13

Fratres:

Divisiones gratiarum sunt, idem autem Spiritus. Et divisiones ministracionum sunt, idem autem Dominus. Et divisiones operacionum sunt, idem vero Deus, qui operatur omnia in omnibus. Unicuique autem datur manifestatio Spiritus ad utilitatem.

Alii quidem per Spiritum datur sermo sapientiae, alii autem sermo scientiae secundum eundem Spiritum, alteri fides in eodem Spiritu, alii donaciones sanitatum in uno Spiritu, alii operaciones virtutum, alii prophetatio, alii discretio spirituum, alii genera linguarum, alii interpretatio linguarum. Hæc autem omnia operatur unus et idem Spiritus, dividens singulis prout vult.

Sicut enim corpus unum est et membra habet multa; omnia autem membra corporis, cum sint multa, unum corpus sunt; ita et Christus. Etenim in uno Spiritu omnes nos in unum corpus baptizati sumus, sive Iudæi sive Græci, sive servi sive liberi, et omnes unum Spiritum potati sumus. — Verbum Domini.

## 5

*Si vivimus Spiritu, Spiritu et ambulemus.*

Lectio Epistolæ beāti Pauli apóstoli  
ad Gálatas

5, 16-17. 22-23 a. 24-25

Fratres:

Spiritu ambuláte, et concupiscéntiam carnis non per-

feceritis. Caro enim concupiscit adversus spiritum, spiritus autem adversus carnem: hæc enim invicem adversantur, ut non quæcúmque vultis illa faciatis.

Fructus autem Spiritus est caritas, gaudium, pax, longanimitas, benignitas, bonitas, fides, mansuetudo, continentia. Qui autem sunt Christi Iesu, carnem crucifixerunt cum vitiis et concupiscentiis.

Si vivimus Spiritu, Spiritu et ambulamus.

Verbum Domini.

6

*Signati estis Spiritu promissionis Sancto.*

Lectio Epistolæ beati Pauli apostoli  
ad Ephésios

1, 3 a. 4 a. 13-19 a

Benedictus Deus et Pater Domini nostri Iesu Christi: elegit nos in ipso ante mundi constitutionem. In quo et vos, cum audissetis verbum veritatis, Evangelium salutis vestræ, in quo et credentes signati estis Spiritu promissionis Sancto, qui est arrabon hereditatis nostræ, in redemptionem acquisitionis, in laudem gloriæ ipsius.

Propterea et ego audiens fidem vestram, quæ est in Domino Iesu, et dilectionem in omnes sanctos, non cesso gratias agens pro vobis, memoriam faciens in orationibus meis; ut Deus Domini nostri Iesu Christi, Pater gloriæ, det vobis Spiritum sapientiæ et revelationis in agnitione eius; illuminatos oculos cordis vestri, ut sciatis quæ sit spes vocationis eius, quæ divitiæ gloriæ hereditatis eius in sanctis, et quæ sit supereminens magnitudo virtutis eius in nos qui credimus.

Verbum Domini.

*Unum corpus et unus Spiritus, unum baptisma.*

Lectio Epistolæ beati Pauli apostoli ad Ephésios 4, 1-6

Fratres:

Obsecro vos, ego vinctus in Dómino, ut digne ambulétis vocatióne qua vocati estis, cum omni humilitate et mansuetudine, cum longanimitate supportantes invicem in caritate; solliciti servare unitatem spiritus in vinculo pacis.

Unum corpus et unus Spíritus, sicut et vocati estis in una spe vocatiónis vestræ; unus Dóminus, una fides, unum baptisma; unus Deus et Pater ómnium, qui super omnes et per ómnia et in ómnibus.

Verbum Dómini.

Evangelium

1

Alleluia et Versus ante Evangelium

(R. Alleluia). *γ.* Veni, Sancte Spíritus,  
reple tuorum corda fidelium,  
et tui amoris in eis ignem accende.  
(R. Alleluia).

*Ipsorum est Regnum cælorum.*

✠ Lectio sancti Evangelii secundum Matthæum

5, 1-12 a

In illo tempore:

Videns Iesus turbas ascendit in montem, et cum sedisset, accesserunt ad eum discipuli eius. Et apertis os suum docebat eos dicens:

« Beáti páuperes spíritu, quóniam ipsórum est Regnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sítiunt iustítiam, quóniam ipsi saturabúntur.

Beáti misericórdes, quia ipsi misericórdiam consequéuntur.

Beáti mundo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti qui persecutiónem patiúntur propter iustítiam, quóniam ipsórum est Regnum cælórum.

Beáti estis, cum maledíxerint vobis et persecúti vos fúerint, et díxerint omne malum advérsus vos, mentiéntes, propter me: gaudéte et exsultáte, quóniam merces vestra copiósa est in cælis ». — Verbum Dómini.

2

Alleluia et Versus ante Evangelium

(R. Allelúia). *ꝛ. Veni, Sancte Spíritus,  
et emítte cælitus lucis tuæ rádium.  
(R. Allelúia).*

*Si quis vult post me venire,  
abneget semetipsum.*

✠ Lécio sancti Evangélli secúndum Matthéum

16, 24-27

In illo témpore:

Dixit Iesus discipulis suis: « Si quis vult post me venire, abneget semetipsum, et tollat crucem suam, et sequatur me. Qui enim voluerit animam suam salvam facere, perdet eam, qui autem perdidit animam suam propter me, inveniet eam.

Quid enim prodest hómini, si mundum univérsum lucrétur, ánimæ vero suæ detriméntum patiátur? aut quam dabit homo commutatióem pro ánima sua?

Fílius enim hóminis ventúrus est in glória Patris sui cum ángelis suis, et tunc reddet unicuique secúndum opus eius ». — Verbum Dómini.

## 3

Alleluia et Versus ante Evangelium

(R. Allelúia). γ. Veni, Sancte Spíritus,  
reple tuórum corda fidélium,  
et tui amóris in eis ignem accénde.  
(R. Allelúia).

*Super pauca fuisti fidelis,  
intra in gaudium domini tui.*

✠ Lécio sancti Evangélii secúndum Matthæum

25, 14-30

In illo témpore:

Dixit Iesus discipulis suis parábolam hanc: « Homo péregre proficiscens vocávit servos suos, et trádidit illis bona sua. Et uni dedit quinque talénta, álíi autem duo, álíi vero unum, unicuique secúndum própriam virtútem, et proféctus est. Statim abiit qui quinque talénta accéperat, et operátus est in eis, et lucrátus est álía quinque; simíliter qui duo accéperat, lucrátus est álía duo; qui autem unum accéperat, ábiens fodit in terra, et abscóndit pecúniám dómíni sui.

Post multum vero témporis venit dómínus servórum illórum et ponit ratióem cum eis.

Et accédens qui quinque talénta accéperat, óbtulit álía quinque talénta, dicens: « Dómíne, quinque talénta

tradidisti mihi, ecce alia quinque superlucratus sum ”.

Ait illi dominus eius: “ Euge, serve bone et fidelis, super pauca fuisti fidelis, supra multa te constituam; intra in gaudium domini tui ”.

Accessit autem et qui duo talenta acceperat et ait: “ Domine, duo talenta tradidisti mihi, ecce alia duo lucratus sum ”.

Ait illi dominus eius: “ Euge, serve bone et fidelis, super pauca fuisti fidelis, supra multa te constituam; intra in gaudium domini tui ”.

Accedens autem et qui unum talentum acceperat ait: “ Domine, novi te quia homo durus es: metis ubi non seminasti et congregas ubi non sparsisti; et timens abii, et abscondi talentum tuum in terra: ecce habes quod tuum est ”.

Respondens autem dominus eius dixit ei: “ Serve male et piger, sciebas quia meto ubi non seminavi, et congrego ubi non sparsi; oportuit ergo te mittere pecuniam meam nummulariis, et veniens ego recepissem quod meum est cum usura ”.

Tollite itaque ab eo talentum, et date ei qui habet decem talenta; omni enim habenti dabitur, et abundabit; ei autem qui non habet, et quod habet auferetur ab eo.

Et inutilem servum eicite in tenebras exteriores: illic erit fletus et stridor dentium ». — Verbum Domini.

4

Alleluia et Versus ante Evangelium Ap 1, 5 a. 6

(R. Alleluia). γ. Iesu Christe, testis fidelis,  
 primogenite mortuorum,  
 fecisti nos regnum et sacerdotes  
 Deo et Patri nostro. (R. Alleluia).

*Vidit Spiritum descendentem in ipsum.*

✠ Lécio sancti Evangélii secúndum Marcum 1, 9-11

In diébus illis, venit Iesus a Názareth Galilææ et baptizátus est in Iordáne ab Ioánnē.

Et statim ascéndens de aqua vidit apértos cælos, et Spíritum tamquam colúmbam descendéntem in ipsum; et vox facta est de cælis: « Tu es Fílius meus diléctus, in te compláculi ». — Verbum Dómini.

## 5

Alleluia et Versus ante Evangelium Io 16, 13 a; 14, 26 b

(R. Allelúia). γ. Cum vénerit Spíritus veritátis,  
docébit vos omnem veritátem;  
et súggeret vobis ómnia  
quæcúmque díxero vobis.  
(R. Allelúia).

*Spiritus Domini super me.*

✠ Lécio sancti Evangélii secúndum Lucam 4, 16-22 a

In illo témpore:

Venit Iesus Názareth, ubi erat nutritus; et intrávit secúndum consuetúdinem suam die sábbati in synagógam, et surréxit légere. Et tráditus est illi liber prophétæ Isaíæ.

Et, ut revólvit librum, invénit locum, ubi scriptum erat: « Spíritus Dómini super me; propter quod unxit me evangelizáre paupéribus, misit me prædicáre annum Dómini accéptum ».

Et, cum plicúisset librum, réddidit minístro et sedit. Et ómnium in synagóga óculi erant intendéntes in eum.



Cœpit autem dicere ad illos: « Hódie impléta est hæc Scriptúra in áuribus vestris ». Et omnes testimonium illi dabant; et mirábantur in verbis grátiae, quæ procedébant de ore ipsius. — Verbum Dómini.

6

Alleluia et Versus ante Evangelium

(R. Alleluia). V. Veni, Sancte Spíritus,  
et emitte cœlitis lucis tuæ rádium.  
(R. Alleluia).

*Qui in bonam terram, hi sunt qui verbum retinent  
et fructum afferunt in patientia.*

✠ Lécio sancti Evangélii  
secúndum Lucam

8, 4-10 a. 11 b-15

In illo témpore:

Cum turba plúrima conveníret, et de síngulis civitatibus properárent ad Iesum, dixit per similitúdinem: « Exiit qui séminat semináre semen suum. Et, dum séminat ipse, áliud cécidit secus viam et conculcátum est, et vólucres cœli comedérunt illud. Et áliud cécidit super petram et natum áruit, quia non habébat humórem. Et áliud cécidit inter spinas, et simul exórtæ spinæ suffocavérunt illud. Et áliud cécidit in terram bonam, et ortum fecit fructum céntuplum ».

Hæc dicens clamábat: « Qui habet aures audiéndi áudiat ».

Interrogábant autem eum discípuli eius, quæ esset hæc parábola.

Quibus ipse dixit: « Semen est verbum Dei. Qui autem secus viam, sunt qui áudiunt, deínde venit diábolus et tollit verbum de corde eórum, ne credéntes salvi fiant. Qui autem supra petram, qui cum audie-

rint, cum gáudio suscépiunt verbum, et hi radíces non habent, qui ad tempus credunt et in témpore tentatiónis recédunt.

Quod autem in spinis cécidit, hi sunt qui audierunt, et a sollicitudinibus et divitiis et voluptatibus vitæ eúntes suffocántur, et non réferunt fructum.

Quod autem in bonam terram, hi sunt qui in corde bono et óptimo audiéntes verbum rétinent et fructum áfferunt in paciéntia ». — Verbum Dómini.

## 7

Alleluia et Versus ante Evangelium Io 14, 16

(R. Allelúia). *ꝯ*. Pater álium Paráclitum dabit vobis,  
dicit Dóminus,  
ut máneat vobíscum in ætérnum.  
(R. Allelúia).

*Confiteor tibi, Pater, quod revelasti ea parvulis.*

✠ Lécio sancti Evangélii secúndum Lucam 10, 21-24

In illo témpore:

Exsultávit Iesus Spíritu Sancto et dixit: « Confíteor tibi, Pater, Dómine cæli et terræ, quod abscondísti hæc a sapiéntibus et prudéntibus, et revelásti ea párvulis. Etiam, Pater, quia sic plácuít ante te.

Omnia mihi trádicta sunt a Patre meo. Et nemo scit qui sit Fílius, nisi Pater; et qui sit Pater, nisi Fílius, et cui volúerit Fílius reveláre ».

Et convérsus ad discípulos scórsum dixit: « Beáti óculi qui vident quæ vidétis; dico enim vobis: Multi prophætæ et reges volúerunt vidére quæ vos vidétis, et non vidérunt, et audíre quæ audítis, et non audíerunt ». — Verbum Dómini.

8

**Alleluia et Versus ante Evangelium Io 16, 13 a; 14, 26 b**

(**℞. Allelúia**). **℣. Cum vénerit Spíritus veritátis,**  
**docébit vos omnem veritátem;**  
**et súggeret vobis ómnia**  
**quæcúmque díxero vobis.**  
(**℞. Allelúia**).

*Flumina fluent aquæ vivæ.*

**✠ Lécio sancti Evangélli secúndum Ioánnem**  
**7, 37 b-39**

**In illo témpore:**

Clamábat Iesus, dicens: « Si quis sitit véniat ad me et bíbat qui credit in me. Sicut dixit Scriptúra, flúmina de ventre eius fluent aquæ vivæ ».

Hoc autem dixit de Spíritu, quem acceptúri erant credéntes in eum; nondum enim erat Spíritus, quia Iesus nondum fúerat glori ficátus. — Verbum Dómini.

9

**Alleluia et Versus ante Evangelium Io 14, 16**

(**℞. Allelúia**). **℣. Pater álium Paráclitum dabit vobis,**  
**dicit Dóminus,**  
**ut máneat vobíscum in ætérnum.**  
(**℞. Allelúia**).

*Spiritus veritatis apud vos manet.*

**✠ Lécio sancti Evangélli secúndum Ioánnem**  
**14, 15-17**

**In illo témpore:**

Dixit Iesus discíplulis suis: « Si dilígitis me, mandáta mea servábitis.

Et ego rogábo Patrem, et álium Paráclitum dabit vobis, ut máneat vobíscum in ætérnum, Spíritum veritátis, quem mundus non potest accíperere, quia non videt eum nec scít: vos cognoscétis eum, quia apud vos manet et in vobis erit ». — Verbum Dómini.

## 10

*Alleluia et Versus ante Evangelium Io 15, 26 b. 27 a*

(*R.* Allelúia). *ꝛ.* Spíritus veritátis testimónium perhibébit de me, dicit Dóminus, et vos testimónium perhibébitis.  
(*R.* Allelúia).

*Spiritus Sanctus docebit vos omnia.*

✠ *Léctio sancti Evangélii secúndum Ioánnem*

*14, 23-26*

*In illo témpore:*

Dixit Iesus discipulis suis: « Si quis díligit me, sermónem meum servábit, et Pater meus díliget eum, et ad eum veniémus et mansiónem apud eum faciémus. Qui non díligit me, sermónes meos non servat. Et sermo quem audítis non est meus, sed eius, qui misit me, Patris.

Hæc locútus sum vobis apud vos manens. Paráclitus autem Spíritus Sanctus, quem mittet Pater in Nómine meo, ille vos docébit ómnia, et súggetet vobis ómnia quæ dixi vobis ». — Verbum Dómini.

## 11

*Alleluia et Versus ante Evangelium Io 15, 26 b. 27 a*

(*R.* Allelúia). *ꝛ.* Spíritus veritátis testimónium perhibébit de me, dicit Dóminus, et vos testimónium perhibébitis.  
(*R.* Allelúia).

*Spiritus veritatis, qui a Patre procedit,  
testimonium perhibebit de me.*

✠ Lécitio sancti Evangélii secúndum Ioánnem  
15, 18-21. 26-27

In illo témpore:

Dixit Iesus discipulis suis: « Si mundus vos odit, scitóte quia me priórem vobis ódio hábuit. Si de mundo essétis, mundus quod suum est diligeret; quia vero de mundo non estis, sed ego elégi vos de mundo, proptér-  
ea odit vos mundus.

Mementóte sermónis, quem ego dixi vobis: “ Non est servus maior dómno suo. Si me persecúti sunt, et vos persecúentur; si sermónem meum servavérunt, et vestrum servábunt ”. Sed hęc ómnia fácient vobis propter Nomen meum, quia nésciunt eum qui misit me.

Cum autem vénerit Paráclitus, quem ego mittam vobis a Patre, Spíritum veritátis qui a Patre procedit, ille testimónium perhibébit de me. Sed et vos testimónium perhibétis, quia ab inítio mecum estis ».

Verbum Dómini.

12

Alleluia et Versus ante Evangelium Io 16, 13 a; 14, 26 b

(R. Allelúia). ⁊. Cum vénerit Spíritus veritátis,  
docébit vos omnem veritátem;  
et súgget vobis ómnia  
quæcúmque díxero vobis.

(R. Allelúia).

*Spiritus veritatis ducet vos in omni veritate.*

✠ Lécitio sancti Evangélii secúndum Ioánnem  
16, 5 b-7. 12-13 a

In illo témpore:

Dixit Iesus discipulis suis: « Nunc vado ad eum qui me misit, et nemo ex vobis intérogat me: “ Quo

vadis? » Sed, quia hæc locutus sum vobis, tristitia implevit cor vestrum.

Sed ego veritatem dico vobis: Expedi vobis ut ego vadam; si enim non abiero, Paracletus non veniet ad vos; si autem abiero, mittam eum ad vos.

Adhuc multa habeo vobis dicere, sed non potestis portare modo. Cum autem venerit ille Spiritus veritatis, ducet vos in omni veritate ». — Verbum Domini.

### IN PRIMA COMMUNIONE PARVULORUM

Lectiones sumi possunt sive ex toto sive ex parte vel e Missa diei, vel e Missa In Initiatione christiana (supra pp. 1109-1125), vel e Missa votiva de sanctissima Eucharistia (infra pp. 1611-1631).

## II. IN CONFERENDIS SACRIS ORDINIBUS

Extra dominicas Adventus, Quadragesimæ et Paschæ, et extra sollemnitates, et festa Apostolorum, Missa in qua sacri Ordines conferuntur hoc modo ordinari potest:

a) ad introitum et ad communionem dicuntur antiphonæ, quæ infra ponuntur;

b) orationes seligantur quæ sunt magis aptæ ex iis quæ infra proponuntur pro Episcopo (p. 1318 vel 1319), pro sacerdotibus (p. 1331), pro ministris Ecclesiæ (p. 1336);

c) lectiones sumantur ex iis quæ pro his celebrationibus indicantur (pp. 1154-1180), cum facultate eas adhibendi, saltem ex parte, etiam diebus, quibus Missa ritualis prohibetur;

d) nisi dicenda sit præfatio magis propria, quando fit Ordinatio sacerdotum sumi potest præfatio quæ habetur in Missa chrismatis (p. 288).

**Ant. ad introitum**

**Io 12, 26**

Qui mihi ministrat me sequatur, dicit Dóminus;  
et ubi sum ego, illic et míster meus erit.

**Vel (quando fit Ordinatio sacerdotum):** **Lc 4, 18**

Spíritus Dómini super me, propter quod unxit me,  
evangelizáre paupéribus misit me, sanáre contrítos corde.

**Quando adhibetur Canon Romanus, dicitur Hanc igitur proprium.**

Hanc igitur oblatiónem servitútis nostræ,  
sed et cunctæ famíliæ tuæ,  
quam tibi offérimus étiam pro fámulis tuis,  
quos ad Diaconátus, **vel** Presbyterátus, **vel** Episcopátus  
órdinem promovére dignátus es,  
quæsumus, Dómine, ut placátus accípias,  
et propítius in eis tua dona custódiás,  
ut, quod divíno múnere consecúti sunt,  
divínis efféctibus exsequántur.

**(Per Christum Dóminum nostrum. Amen.)**

Ant. ad communionem

Io 17, 17-18

**Pater sancte, sanctífica eos in veritate.  
Sicut tu me misisti in mundum,  
et ego misi eos in mundum, dicit Dóminus.**

---

Lectio prima  
extra tempus paschale

## 1

Pro diaconis

*Applica tribum Levi, ut ministrent Aaron sacerdoti.*

Lectio libri Númeri

3, 5-10 a

In diébus illis:

Locútus est Dóminus ad Móysen dicens: « Applica tribum Levi et fac stare in conspéctu Aaron sacerdotis, ut ministrent ei et éxcubent, et obsérvent quidquid ad cultum pértinet multitudinis coram tabernáculo testimoni, et custódiant vasa tabernáculi serviétes in ministério eius. Dabisque dono levitas Aaron et filiis eius, quibus trádití sunt a filiis Israel ».

Verbum Dómini.

Psalmus responsorius

Ps 83, 3-4. 5 et 11 (R.: 5 a)

R. Beáti qui hábitant in domo tua, Dómine.

<sup>3</sup> Concupiscit et déficit ánima mea in átria Dómini.

Cor meum et caro mea exsultavérunt in Deum vivum.

<sup>4</sup> Etenim passer invénit sibi domum,

et turtur nidum sibi, ubi ponat pullos suos:

altária tua, Dómine virtútum, rex meus et Deus meus. R.



- 5 Beáti qui hábitant in domo tua,  
in perpétuum laudábunt te.
- 11 Quia mélior est dies una in átriis tuis super mília,  
elégi ad limen esse in domo Dei mei,  
magis quam habitáre in tabernáculis peccatórum. *R.*

## 2

## Pro presbyteris

*Tradam spiritum tuum ut sustentent tecum  
onus populi.*

Léctio libri Númeri 11, 11 b-12. 14-17. 24-25 a

In diébus illis:

Ait Móyses ad Dóminum: « Cur imposuísti pondus univérsi pópuli huius super me? Numquid ego concépi omnem hanc multitudínem vel génui eam, ut dicas mihi: “ Porta eos in sinu tuo, sicut portáre solet nutrix infántulum, et defer in terram, pro qua iurásti pátribus eórum? ”

Non possum solus sustinére omnem hunc pópulum, quia gravis est mihi. Sin áliter tibi vidétur, óbsecro ut interficias me, et invéniam grátiam in óculis tuis, ne tantis afficiar malis ».

Et dixit Dóminus ad Móysen: « Cóngrega mihi septuagínta viros de sénibus Israel, quos tu nosti quod senes pópuli sint ac magístri, et duces eos ad óstium tabernáculi föderis, faciésque ibi stare tecum, ut descéndam et loquar tibi, et áuferam de spíritu tuo tradámque eis, ut sustentent tecum onus pópuli, et non tu solus gravéris ».

Venit ígitur Móyses et narrávit pópulo verba Dómini, cóngregans septuagínta viros de sénibus Israel, quos stare fecit circa tabernáculum.

Descendítque Dóminus per nubem et locútus est ad eum, áuferens de spírítu qui erat in Móyse, et dans septuagínta viris. Cumque requievísset in eis spírítus, prophetavérunt. — Verbum Dómini.

**Psalmus responsorius**

**Ps 99, 2. 3. 4. 5 (R.: Io 15, 14)**

**R.** Vos amíci mei estis, si fecéritis quæ præcípío vobis, dicit Dóminus.

**2** Iubiláte Dómino, omnis terra,  
servíte Dómino in lætítia;  
introíte in conspéctu eius in exsultatióne. **R.**

**3** Scitóte quóniam Dóminus ipse est Deus;  
ipse fecit nos, et ipsíus sumus,  
pópulus eius et oves páscuæ eius. **R.**

**4** Introíte portas eius in confessióne,  
átria eius in hymnis,  
confitémini illi, benedícite nómini eius. **R.**

**5** Quóniam suávis est Dóminus;  
in ætérnum misericórdia eius,  
et usque in generatióem et generatióem véritas eius. **R.**

**3**

**Pro episcopis et presbyteris**

*Unxit me Dominus  
et evangelizare pauperibus misit me,  
et dare eis oleum gaudii.*

**Léctio libri Isaíæ prophétæ**

**61, 1-3 a**

Spírítus Dómini super me, eo quod únxerit Dóminus me; ad annuntiándum mansuétis misit me, ut medérem contrítis corde, et prædicárem captívís indulgéntiam et

clausis apertiónem; ut prædicárem annum placábilem Dómino et diem ulitiónis Deo nostro; ut consolárer omnes lugéntes, ut pónerem lugéntibus Sion, et darem eis corónam pro cinere, óleum gáudii pro luctu, pállium laudis pro spírítu mæróris. — Verbum Dómini.

Psalmus responsorius

Ps 88, 21-22. 25 et 27 (p.: cf. 2 a)

R. Misericórdias tuas, Dómine, in ætérnum cantábo.

« Invéni David servum meum;

óleo sancto meo unxi eum.

Manus enim mea firma erit cum eo,  
et bráccium meum confortábit eum. R.

Et vérítas mea et misericórdia mea cum ipso,  
et in nómine meo exaltábitur cornu eius.

Ipse invocábit me: " Pater meus es tu,  
Deus meus et refúgium salútis meæ " ». R.

4

*Ad omnia quæ mittam te ibis.*

Léctio libri Ieremíæ prophétæ

1, 4-9

Factum est verbum Dómini ad me, dicens: « Priúsquam te formárem in útero, novi te; et ántequam exíres de vulva, sanctificávi te, et prophétam in géntibus dedi te ».

Et dixi: « A a a, Dómine Deus! ecce nésccio loqui, quia puer ego sum ».

Et dixit Dóminus ad me: « Noli dicere: " Puer sum "; quóniam ad ómnia quæ mittam te ibis, et univérsa quæcúmque mandávero tibi loqueris. Ne tímeas a fácie eórum, quia tecum ego sum ut éruam te, dicit Dóminus ».

Et misit Dóminus manum suam, et tétigit os meum, et dixit Dóminus ad me: « Ecce dedi verba mea in ore tuo ». — Verbum Dómini.

### Psalmus responsorius

Ps 95, 1-2 a. 2 b-3. 10 (R.: Mt 28, 19)

R. Eúntes in mundum, docéte omnes gentes.

- <sup>1</sup> Cantáte Dómino cánticum novum, cantáte Dómino, omnis terra.
- <sup>2</sup> Cantáte Dómino, benedícite nómini eius. R.  
Annuntiáte de die in diem salutáre eius.
- <sup>3</sup> Annuntiáte inter gentes glóriam eius, in ómnibus pópulis mirabília eius. R.
- <sup>10</sup> Dícite in géntibus: « Dóminus regnávít ». Etenim corréxit orbem terræ qui non commovébitur; iudicábit pópulos in æquitáte. R.

### Lectio prima tempore paschali

1

### Pro diaconis

*Elegerunt septem viros, plenos Spiritu Sancto.*

### Léctio Actuum Apostolórum

6, 1-7 a

In diébus illis, crescén-te número discipulórum, factus est murmur Hellenistárum advérsus Hebráeos, eo quod neglegeréntur in ministério cotidiáno víduæ eórum.

Convocántes autem Duódecim multitudínem discipulórum, dixerunt: « Non est æquum nos derelinquén-tes verbum Dei ministráre mensis. Consideráte vero, fratres, viros ex vobis boni testimónii septem, plenos

**Spíritu et sapiéntia, quos constituémus super hoc opus. Nos vero oratióni et ministério verbi instántes érimus ».**

**Et plácuít sermo coram omni multitudíne, et elegerunt Stéphanum, virum plenum fide et Spíritu Sancto, et Philíppum et Próchorum et Nicánorem et Timónem et Pármenam, et Nicoláum prosélytum antiochénum. Quos statuérunt ante conspéctum Apostolorum, et orántes imposuérunt eis manus.**

**Et verbum Dei crescebat, et multiplicabátur número discipulorum in Ierúsalem valde.**

**Verbum Dómini.**

**Psalmus responsorius**

**Ps 115, 12-13. 17-18 (R.: 1 Cor 10, 16)**

**R. Calix benedictiónis**

**communicátio ságuinis Christi est.**

**vel Allelúia.**

- 12 Quid retribuam Dómino  
pro ómnibus quæ retribuit mihi?**
- 13 Cálicem salutáris accípíam,  
et nomen Dómini invocábo. R.**
- 17 Tibi sacrificábo hóstiam laudis,  
et nomen Dómini invocábo.**
- 18 Vota mea Dómino reddam  
coram omni pópulo eius. R.**

**2**

**Pro diaconis**

*Incipiens a Scriptura ista, evangelizavit illi Iesum.*

**Léctio Actuum Apostolorum**

**8, 26-40**

**In diébus illis:**

**Angelus Dómini locútus est ad Philíppum, dicens:**

« Surge et vade contra meridiánum ad viam, quæ descendit ab Ierúsalem in Gazam; hæc est desérta ».

Et surgens abiit. Et ecce vir Æthiops, eunúchus potens Candácis, reginæ Æthiopum, qui erat super omnem gazam eius, qui vénerat adoráre in Ierúsalem; et revertebátur sedens super currum suum, et legébat prophétam Isaíam.

Dixit autem Spíritus Philíppo: « Accéde et adiúnge te ad currum istum ».

Accúrrens autem Philíppus, audívit illum legéntem Isaíam prophétam, et dixit: « Putásne intéllegis quæ legis? »

Qui ait: « Et quómodo possum, si non áliquis osténderit mihi? » Rogavítque Philíppum ut ascénderet et sedéret secum.

Locus autem Scriptúræ quem legébat erat hic: « Tamquam ovis ad occisiónem ductus est, et sicut agnus coram tondénte se sine voce, sic non áperit os suum. In humilitáte eius iudícium eius sublátum est: generatiónem illius quis enarrábit? Quóniam tollitur de terra vita eius ».

Respóndens autem eunúchus Philíppo dixit: « Obsecro te, de quo Prophéta dicit hoc? De se an de álio áliquo? » Apériens autem Philíppus os suum, et incípiens a Scriptúra ista, evangelizávit illi Iesum.

Et, dum irent per viam, venérunt ad quandam aquam, et ait eunúchus: « Ecce aqua; quid próhibet me baptizári? »

Et iussit stare currum; et descendérunt utérque in aquam, Philíppus et eunúchus, et baptizávit eum.

Cum autem ascendissent de aqua, Spíritus Dómini rápuit Philíppum, et ámplius non vidit eum eunúchus; ibat autem per viam suam gaudens.

**Philíppus autem invéntus est in Azóto; et pertránsiens evangelizábat civitatibus cunctis, donec veníret Cæsaréam. — Verbum Dómini.**

Psalmus responsorius, ut supra, p. 1130.

## 3

*Nos testes sumus omnium quæ fecit Iesus  
in regione Iudæorum et Ierusalem.*

**Lectio Actuum Apostolorum**

10, 37-43

**In diébus illis:**

Apériens Petrus os suum dixit: « Vos scitis quod factum est verbum per univérsam Iudæam, incípiens a Galilæa, post baptísmum, quod prædicávit Ioánnes: Iesum a Názareth, quómo-  
do unxit eum Deus Spírítu Sancto et virtúte, qui pertransívit benefaciéndo et sanándo omnes opprésos a diabolo, quóniam Deus erat cum illo.

Et nos testes sumus ómnium quæ fecit in regione Iudæórum et Ierúsalem, quem et occidérunt suspendéntes in ligno. Hunc Deus suscitávit tértia die; et dedit eum maniféstum fieri, non omni pópulo, sed téstibus præordinátis a Deo, nobis, qui manducávimus et bíbimus cum illo, postquam resurréxit a mórtuis.

Et præcépit nobis prædicáre pópulo et testificári quia ipse est qui constitútus est a Deo iudex vivórum et mortuórum. Huic omnes prophétæ testimónium pérhibent, remissionem peccatórum accíperere per Nomen eius omnes qui credunt in eum ». — Verbum Dómini.

Psalmus responsorius Ps 116, 1. 2 (R.: Mc 16, 15)

R. Eúntes in mundum univérsum, prædicáte Evangélium.  
vel Allelúia.

- 1 Laudáte Dóminum, omnes gentes,  
collaudáte eum, omnes pópuli. **℞.**
- 2 Quóniam confirmáta est super nos misericórdia eius,  
et véritas Dómini manet in ætérnum. **℞.**

## 4

## Pro episcopis et presbyteris

*Attendite vobis et universo gregi,  
in quo vos Spiritus Sanctus  
posuit episcopos pascere Ecclesiam Dei.*

Léctio Actuum Apostolorum 20, 17-18 a. 28-32. 36

In diébus illis:

A Miléto mittens Ephesum convocávit Paulus presbyteros Ecclésiæ.

Qui cum venissent ad eum, dixit eis: « Atténdite vobis et univérso gregi, in quo vos Spíritus Sanctus pósuit episcopos páscere Ecclésiám Dei, quam acquisívit ságuine suo. Ego scio quóniam intrábunt post discessiónem meam lupi graves in vos, non parcéntes gregi; et ex vobis ipsis exsúrgent viri loquéntes perversa, ut ábstrahant discipulos post se.

Propter quod vigiláte, memória retinéntes quóniam per triénnum, nocte et die, non cessávi cum lácrimis monens unumquémque vestrum. Et nunc comméndo vos Deo et verbo grátie ipsíus, qui potens est ædificáre et dare hereditátem in sanctificátis ómnibus ».

Et, cum hæc dixisset, pósitis génibus suis, cum ómnibus illis orávit. — Verbum Dómini.



Psalmus responsorius

Ps 109, 1. 2. 3. 4

℞. **Sacérdos in ætérnum Christus Dóminus  
secúndum órđinem Melchisedech  
panem et vinum óbtulit.**

vel Allelúia.

**Dixit Dóminus Dómino meo: « Sede a dextris meis,  
donec ponam inimicos tuos scabéllum pedum tuórum ».** ℞.

**Virgam poténtiæ tuæ emíttet Dóminus ex Sion:  
domináre in médio inimicórum tuórum.** ℞.

**Tecum principátus in die virtútis tuæ,  
in splendóribus sanctis,  
ex útero matutíni velut rorem génui te.** ℞.

**Iurávit Dóminus et non pænitébit eum:  
« Tu es sacérdos in ætérnum  
secúndum órđinem Melchisedech ».** ℞.

Lectio secunda

1

*Habemus donationes secundum gratiam,  
quæ data est nobis, differentes.*

Léctio Epístolæ beáti Pauli apóstoli ad Romános

12, 4-8

Fratres:

Sicut in uno corpore multa membra habémus, ómnia autem membra non eúndem actum habent; ita multi unum corpus sumus in Christo, singuli autem alter alterús membra; habéntes autem donatiónes secúndum grátiam, quæ data est nobis, differentes: sive prophétiam secúndum ratióem fidei, sive ministérium in ministrándo, sive qui docet in doctrína; sive qui exhortá-

tur in exhortádo, qui tribuit in simplicitáte, qui præest in sollicitúdine, qui miserétur in hilaritáte.

Verbum Dómini.

## 2

*Prædicamus Iesum Christum; nos autem servos vestros per Iesum.*

Léctio Epístolæ secúndæ beáti Pauli apóstoli  
ad Corínthios

4, 1-2. 5-7

Fratres:

Habéntes administratióem, iuxta quod misericórdiam consecúti sumus, non defícimus, sed abdicávimus occúlta dedécoris, non ambulátes in astútia, neque adulterántes verbum Dei, sed in manifestatióne veritátis commendátes nosmetípsos ad omnem consciéntiam hóminum coram Deo.

Non enim nosmetípsos prædicámus, sed Iesum Christum Dóminum, nos autem servos vestros per Iesum; quóniam Deus, qui dixit: «De ténebris lux splendéscat», ipse illúxit in córdibus nostris, ad illuminatióem sciéntiæ glóriæ Dei in fácie Iesu Christi.

Habémus autem thesáurum istum in vasis fictílibus, ut sublímítás sit virtútis Dei, et non ex nobis.

Verbum Dómini.

## 3

*Dedit nobis ministerium reconciliationis.*

Léctio Epístolæ secúndæ beáti Pauli apóstoli  
ad Corínthios

5, 14-20

Fratres:

Cáritas Christi urget nos; æstimátes hoc, quóniam, si unus pro ómnibus mórtuus est, ergo omnes mórtui

sunt; et pro ómnibus mórtuus est Christus, ut et qui vivunt iam non sibi vivant, sed ei qui pro ipsis mórtuus est et resurréxit. Itaque nos ex hoc néminem nóvimus secúndum carnem; et si cognóvimus secúndum carnem Christum, sed nunc iam non nóvimus.

Si quis ergo in Christo nova creatúra, vétera transiérunt: ecce facta sunt nova; ómnia autem ex Deo, qui reconciliávit nos sibi per Christum et dedit nobis ministérium reconciliatiónis. Quóniam quidem Deus erat in Christo mundum reconcilians sibi, non réputans illis delicta ipsórum, et pósuit in nobis verbum reconciliatiónis. Pro Christo ergo legatióne fúngimur, tamquam Deo exhortánte per nos. Obsecrámus pro Christo: Reconciliámini Deo. — Verbum Dómini.

## 4

*In opus ministerii,  
in ædificationem corporis Christi.*

Léctio Epístolæ beáti Pauli apóstoli ad Ephésios

4, 1-7. 11-13

**Fratres:**

Obsecro vos, ego vinctus in Dómino, ut digne ambulétis vocatióne qua vocáti estis, cum omni humilitáte et mansuetúdine, cum longanimitáte supportántes invicem in caritáte; solliciti serváre unitátem spíritus in vínculo pacis.

Unum corpus et unus Spíritus, sicut et vocáti estis in una spe vocatiónis vestræ; unus Dóminus, una fides, unum baptísma; unus Deus et Pater ómnium, qui super omnes et per ómnia et in ómnibus.

Unicuíque autem nostrum data est grátia secúndum mensúram donatiónis Christi. Et ipse dedit quosdam quidem apóstolos, quosdam autem prophétas, álios vero

evangelistas, alios autem pastores et doctores: ad instructionem sanctorum in opus ministerii, in aedificationem corporis Christi, donec occurramus omnes in unitatem fidei et agnitionis Filii Dei, in virum perfectum, in mensuram aetatis plenitudinis Christi. — Verbum Domini.

## 5

Pro diaconis

*Habentes mysterium fidei in conscientia pura.*

Lectio Epistolae primae beati Pauli apostoli

ad Timotheum

3, 8-10. 12-13

Opórtet diaconos esse pudicos, non bilingues, non multo vino deditos, non turpe lucrum sectantes, habentes mysterium fidei in conscientia pura. Et hi autem probentur primum et deinde ministrent, nullum crimen habentes.

Diáconi sint unus uxoris viri, qui filiis suis bene praesint et suis domibus. Qui enim bene ministraverint, gradum sibi bonum acquirunt, et multam fiduciam in fide, quae est in Christo Iesu. — Verbum Domini.

## 6

Pro episcopis

\* *Noli neglegere donationem quae data est tibi  
impositione manuum presbyterii.*

Lectio Epistolae primae beati Pauli apostoli

ad Timotheum

4, 12-16

Carissime:

Nemo adulescentiam tuam contemnat; sed exemplum esto fidelium in verbo, in conversatione, in caritate, in fide, in castitate. Dum venio, attende lectioni, exhortationi, doctrinae.

Noli negligere donatióem quæ in te est, quæ data est tibi per prophetiám cum impositione mánuum presbytérii. Hæc meditáre, in his esto, ut profectus tuus manifestus sit ómnibus. Atténde tibi et doctrinæ, insta in illis: hoc enim faciens, et teipsum salvum facies, et qui te áudiunt. — Verbum Dómini.

---

vel

4, 12 b-16

Caríssime:

Exemplum esto fidélium in verbo, in conversatióne, in caritate, in fide, in castitate. Dum vénio, atténde lectióni, exhortatióni, doctrinæ.

Noli negligere donatióem quæ in te est, quæ data est tibi per prophetiám cum impositione mánuum presbytérii. Hæc meditáre, in his esto, ut profectus tuus manifestus sit ómnibus. Atténde tibi et doctrinæ, insta in illis; hoc enim faciens, et teipsum salvum facies, et qui te áudiunt. — Verbum Dómini.

---

## 7

Pro episcopis

*Ut resuscites donationem Dei, quæ est in te  
per impositionem manuum mearum.*

Lectio Epístolæ secúndæ beáti Pauli apóstoli  
ad Timótheum

1, 6-14

Caríssime:

Admóneo te, ut resuscites donatióem Dei, quæ est in te per impositionem mánuum meárum. Non enim dedit nobis Deus spíritum timóris, sed virtútis et dilectiónis et sobrietátis. Noli itaque erubescere testimó-

nium Dómini nostri, neque me vinctum eius; sed colabóra Evangélio secúndum virtútem Dei, qui nos salvos fecit et vocávit vocatióne sancta, non secúndum ópera nostra, sed secúndum propósitum suum et grátiam, quæ data est nobis in Christo Iesu ante témpora sæculária.

Manifestáta autem nunc per illustratiónem Salvatóris nostri Iesu Christi, qui destrúxit quidem mortem, illuminávit autem vitam et incorruptiónem per Evangélium: in quo pósitus sum ego prædicátor et apóstolus et doctor. Ob quam causam étiam hæc pátiar, sed non confúndor. Scio enim cui crédidi, et certus sum quia potens est depósitum meum serváre in illum diem.

Formam habe sanórum verbórum, quæ a me audísti, in fide et dilectiône quæ sunt in Christo Iesu. Bonum depósitum custódi per Spíritum Sanctum, qui hábitat in nobis. — Verbum Dómini.

## 8

*Christus appellatus est a Deo pontifex  
iuxta ordinem Melchisedech.*

Léctio Epístolæ ad Hebræos

5, 1-10

Omnis pón-tifex, ex homínibus assúptus, pro homínibus constitúitur in his, quæ sunt ad Deum, ut offerat dona et sacrificia pro peccátis; qui æque condolére possit his qui ignórant et errant, quóniam et ipse circúmdatus est infirmitáte; et propter eam debet, quemádmódu et pro pópulo, ita étiam pro semetípso offérre pro peccátis. Nec quisquam sumit sibi illum honórem, sed qui vocátur a Deo tamquam et Aaron.

Sic et Christus non semetípsum glorificávit ut pón-tifex fieret, sed qui locútu est ad eum: « Fílius meus

es tu, ego hódie génui te »; quemádmódum et in álio dicit: « Tu es sacérdos in ætérnum secúndum órđinem Melchisedech ».

Qui, in diébus carnis suæ, preces supplicationésque ad eum, qui possit salvum illum a morte fácere, cum clamóre válido et lácrimis ófferens, et exaudítus pro sua reveréntia.

Et quidem, cum esset Fílius, didicit ex his quæ passus est obcediéntiam, et consummátus factus est ómnibus obcediéntibus sibi auctor salutis ætérnæ, appellátus a Deo póntifex iuxta órđinem Melchisedech.

Verbum Dómini.

## 9

*Sicut boni dispensatores multiformis gratiæ Dei.*

Léctio Epístolæ primæ beáti Petri apóstoli 4, 7 b-11

Caríssimi:

Estóte prudéntes et vigiláte in oratió nibus. Ante ómnia autem mútuam in vosmetipsos caritátem contínuam habéntes, quia « caritas óperit multitudínem peccatórum ».

Hospitáles ínvicem sine murmuratióne; unusquisque, sicut accépit donatió nem, in altérutrum illam administrántes, sicut boni dispensatóres multifórmis grátiæ Dei.

Si quis lóquitur, quasi sermónes Dei; si quis ministrat, tamquam ex virtúte quam largítur Deus, ut in ómnibus glorificétur Deus per Iesum Christum, cui est glória et impérium in sæcula sæculórum. Amen.

Verbum Dómini.

## 10

*Pascite qui est in vobis gregem Dei.*

Lectio Epistolæ primæ beati Petri apostoli 5, 1-4

Carissimi:

Seniores, qui in vobis sunt, obsecro consenior et testis Christi passionum, qui et eius, quæ in futuro revelanda est, gloriæ communicator: pascite qui est in vobis gregem Dei, providentes non coacto, sed spontanee secundum Deum, neque turpis lucri gratia, sed voluntarie; neque ut dominantes in clericis, sed formæ facti gregis.

Et, cum apparuerit Princeps pastorum, percipietis immarcescibilem gloriæ coronam. — Verbum Domini.

## Evangelium

## 1

Alleluia et Versus ante Evangelium Io 15, 15 b

(R. Alleluia). V. Vos dixi amicos, dicit Dominus,  
quia omnia quaecumque audivi a Patre  
meo nota feci vobis. (R. Alleluia).

*Vos estis lux mundi.*

✠ Lectio sancti Evangelii secundum Matthæum

5, 13-16

In illo tempore:

Dixit Iesus discipulis suis: « Vos estis sal terræ; quod si sal evanuerit, in quo salietur? Ad nihilum valet ultra, nisi ut mittatur foras et conculcetur ab hominibus.

Vos estis lux mundi. Non potest civitas abscondi supra montem posita; neque accendant lucernam et po-



nunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant vestra bona ópera, et gloríficent Patrem vestrum, qui in cælis est ». — Verbum Dómini.

## 2

**Alleluia et Versus ante Evangelium** Mt 28, 19 a. 20 b

(**℞. Allelúia**). **ꝰ. Eúntes docéte omnes gentes;**  
**ego vobíscum sum ómnibus diébus**  
**usque ad consummationem sæculi.**  
**(℞. Allelúia).**

*Rogate Dominum messis, ut mittat operarios  
in messem suam.*

**✠ Lécio sancti Evangélii secúndum Matthæum**

**9, 35-38**

**In illo témpore:**

Circumfábat Iesus civitátes omnes et castélla, docens in synagógis eórum, et prædicans Evangelium Regni, et curans omnem languórem et omnem infirmitátem. Videns autem turbas, misértus est eis, quia erant vexáti et iacéntes sicut oves non habéntes pastórem.

Tunc dicit discipulis suis: « Messis quidem multa, operárii autem pauci; rogáte ergo Dóminum messis, ut mittat operários in messem suam ». — Verbum Dómini.

## 3

**Alleluia et Versus ante Evangelium** Lc 4, 18 b-19 a

(**℞. Allelúia**). **ꝰ. Evangelizáre paupéribus**  
**misit me Dóminus,**  
**prædicáre captívis remissionem.**  
**(℞. Allelúia).**

*Elegit Iesus duodecim Apostolos et misit eos.*

✠ Lécio sancti Evangélii secúndum Mattháeum

10, 1-5 a

In illo témpore:

Convocátis Iesus duódecim discipulis suis, dedit illis potestátem spirítuum immundórum, ut eicerent eos et curárent omnem languórem et omnem infirmitátem.

Duódecim autem Apostolórum nómina sunt hæc: primus Simon, qui dicitur Petrus, et Andréas frater eius, et Iacóbus Zebedæi et Ioánnes frater eius, Philíppus et Bartholomæus, Thomas et Matthæus publicánuS, Iacóbus Alphæi et Taddæus, Simon Cananáeus et Iudas Iscariótes, qui et trádidit eum.

Hos duódecim misit Iesus. — Verbum Dómini.

4

Alleluia et Versus ante Evangelium Io 10, 14

(R. Allelúia). *γ.* Ego sum pastor bonus, dicit Dóminus;  
et cognóscó oves meas,  
et cognóscunt me meæ. (R. Allelúia).

*Qui voluerit inter vos primus esse erit vester servus.*

✠ Lécio sancti Evangélii secúndum Mattháeum

20, 25-28

In illo témpore:

Ait Iesus discipulis suis: « Scitis quia príncipes géntium dominántur eórum, et qui magni sunt potestátem exércent in eos.

Non ita erit inter vos: sed quicúmque volúerit inter vos magnus fieri, erit vester mínister; et quicúmque volúerit inter vos primus esse, erit vester servus.

Sicut Fílius hóminis non venit ministrári, sed ministráre et dare ánimam suam redemptionem pro multis ». — Verbum Dómini.

## 5

**Alleluia et Versus ante Evangelium** Mt 28, 19 a. 20 b

(**R.** Allelúia). **Ÿ.** Eúntes docéte omnes gentes;  
ego vobíscum sum ómnibus diébus  
usque ad consummationem sáculi.  
(**R.** Allelúia).

*Messis quidem multa, operarii autem pauci.*

**✠ Lécio sancti Evangélii secúndum Lucam** 10, 1-9

In illo témpore:

Designávit Dóminus álios septuagínta duos; et misit illos binos ante fáciem suam in omnem civitátem et locum, quo erat ipse ventúrus.

Et dicébat illis: « Messis quidem multa, operárii autem pauci. Rogáte ergo dómínum messis, ut mittat operários in messem suam.

Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta; et néminem per viam salutavéritis.

In quamcúmque domum intravéritis, primum dicite: « Pax huic dómui »; et, si ibi fúerit fílius pacis, requiescet super illam pax vestra; sin autem, ad vos revertétur. In eádém autem domo manéte, edéntes et bibéntes quæ apud illos sunt; dignus enim est operárius mercéde sua.

Nolíte transíre de domo in domum; et, in quamcúmque civitátem intravéritis et suscepérint vos, manducáte quæ apponúntur vobis, et curáte infirmos, qui in illa sunt, et dicite illis: « Appropinquávit in vos Regnum Dei » ». — Verbum Dómini.

Alleluia et Versus ante Evangelium Io 15, 15 b

(*R.* Alleluía). *γ.* Vos dixi amícos, dicit Dóminus,  
quia ómnia quæcúmque audivi a Patre  
meo nota feci vobis. (*R.* Alleluía).

*Beati servi, quos, cum venerit dominus,  
invenerit vigilantes.*

✠ Lécitio sancti Evangélii secúndum Lucam 12, 35-44

In illo témpore:

Dixit Iesus discipulis suis: « Sint lumbi vestri præcincti et lucérnæ ardéntes, et vos símiles homínibus expectántibus dóminum suum, quando revertátur a núp-tiis; ut, cum vénerit et pulsáverit, conféstim apériant ei.

Beáti servi illi, quos, cum vénerit dóminus, invénerit vigilántes; amen dico vobis, quod præcínget se, et faciet illos discumbere, et tránsiens ministrábit illis. Et, si vénerit in secúnda vigília et si in tértia vigília vénerit et ita invénerit, beáti sunt illi.

Hoc autem scitóte quia, si sciret paterfamílias qua hora fur veníret, non síneret perfodíri domum suam. Et vos estóte paráti, quia, qua hora non putátis, Fílius hóminis venit ».

Ait autem Petrus: « Dómine, ad nos dicis hanc parábolam, an et ad omnes? »

Et dixit Dóminus: « Quis, putas, est fidélis dispensátor et prudens, quem constituet dóminus supra famíliam suam, ut det illis in témpore trítici mensúram? Beátus ille servus, quem, cum vénerit dóminus eius, invénerit ita faciéntem. Vere dico vobis: Supra ómnia quæ póssidet constituet illum ». — Verbum Dómini.

## Alleluia et Versus ante Evangelium

Io 10, 14

(**℟.** Allelúia). **℣.** Ego sum pastor bonus, dicit Dóminus;  
et cognóscó oves meas,  
et cognóscunt me meæ. (**℟.** Allelúia).

*Hoc facite in meam commemorationem. Ego autem  
in medio vestrum sum sicut qui ministrat.*

## ✠ Lécio sancti Evangéllii secúndum Lucam

22, 14-20. 24-30

Cum facta esset hora, discúbuit Iesus et Apóstoli  
cum eo.

Et ait illis: « Desidério desiderávi hoc pascha man-  
ducáre vobíscum ántequam pátiar. Dico enim vobis:  
Non manducábo illud, donec impleátur in Regno Dei ».

Et, accépto cálice, grátias egit, et dixit: « Accípite  
hoc et dividite inter vos. Dico enim vobis: Non bibam  
ámódo de generatióne vitis, donec Regnum Dei véniat ».

Et, accépto pane, grátias egit et fregit, et dedit eis  
dicens: « Hoc est corpus meum, quod pro vobis datur:  
hoc fácite in meam commemoratióem ».

Simíliter et cálicem, postquam cenávit, dicens: « Hic  
calix novum testaméntum est in sánguine meo, qui pro  
vobis fúnditur ».

Facta est autem et conténtio inter eos, quis eórum  
viderétur esse maior.

Dixit autem eis: « Reges géntium dominántur eó-  
rum, et qui potestátem habent super eos " benéfici "   
vocántur. Vos autem non sic; sed qui maior est in vo-  
bis fiat sicut iúnior, et qui præcésor est sicut mini-  
strátor.

Nam quis maior est, qui recumbit an qui ministrat? nonne qui recumbit? Ego autem in medio vestrum sum sicut qui ministrat.

Vos autem estis qui permansistis mecum in tentationibus meis; et ego dispono vobis, sicut disposuit mihi Pater meus, Regnum, ut edatis et bibatis super mensam meam in Regno meo, et sedeatis super thronos iudicantes duodecim tribus Israel ». — Verbum Domini.

## 8

Alleluia et Versus ante Evangelium Io 10, 14

(R. Alleluia). γ. Ego sum pastor bonus, dicit Dominus;  
et cognosco oves meas,  
et cognoscunt me meae. (R. Alleluia).

*Bonus pastor animam suam ponit pro ovibus.*

✠ Lectio sancti Evangelii secundum Ioannem

10, 11-16

In illo tempore:

Dixit Iesus: « Ego sum pastor bonus. Bonus pastor animam suam ponit pro ovibus. Mercenarius et qui non est pastor, cuius non sunt oves propriae, videt lupum venientem et dimittit oves et fugit, et lupus rapit eas et dispergit, quia mercenarius est et non pertinet ad eum de ovibus.

Ego sum pastor bonus, et cognosco meas, et cognoscunt me meae. Sicut novit me Pater, et ego agnosco Patrem; et animam meam pono pro ovibus.

Et alias oves habeo, quae non sunt ex hoc ovili, et illas oportet me adducere, et vocem meam audient, et fiet unus grex, unus pastor ». — Verbum Domini.

Alleluia et Versus ante Evangelium Io 12, 26 a

(**R.** Allelúia). **V.** Si quis mihi ministrat, me sequatur,  
dicit Dóminus;  
et ubi sum ego, illic et míster meus erit.  
(**R.** Allelúia).

*Si quis mihi ministrat, me sequatur.*

✠ Lécio sancti Evangéllii secúndum Ioánnem

12, 24-26

In illo témpore:

Respóndit Iesus Andréæ et Philíppo, dicens:  
« Amen, amen dico vobis, nisi granum fruménti cadens  
in terram mórtuum fúerit, ipsum solum manet; si au-  
tem mórtuum fúerit, multum fructum affert.

Qui amat ánimam suam, perdit eam; et qui odit  
ánimam suam in hoc mundo, in vitam ætérnam custó-  
diet eam.

Si quis mihi ministrat, me sequatur; et, ubi sum ego,  
illic et míster meus erit. Si quis mihi ministráverit,  
honorificábit eum Pater ». — Verbum Dómini.

Alleluia et Versus ante Evangelium Io 15, 15 b

(**R.** Allelúia). **V.** Vos dixi amícos, dicit Dóminus,  
quia ómnia quæcúmque audívi a Patre  
meo nota feci vobis. (**R.** Allelúia).

*Non vos me elegistis, sed ego elegi vos.*

✠ Lécio sancti Evangéllii secúndum Ioánnem

15, 9-17

In illo témpore:

Dixit Iesus discíplis suis: « Sicut diléxit me Pater,  
et ego diléxi vos. Manéte in dilectióne mea. Si præcépta

mea servavéritis, manébitis in dilectióne mea; sicut ego Patris mei præcépta servávi, et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem sicut diléxi vos. Maiórem hac dilectiónem nemo habet, ut ánimam suam quis ponat pro amícis suis. Vos amíci mei estis, si faciétis quæ ego præcípio vobis.

Iam non dico vos servos, quia servus nescit quid facit dómínus eius: vos autem dixi amícos, quia ómnia quæ audívi a Patre meo nota feci vobis.

Non vos me elegístis, sed ego elégi vos, et pósui vos, ut vos eátis et fructum afferátis, et fructus vester máneat, ut, quodcúmque petiérítis Patrem in Nómíne meo, det vobis.

Hæc mando vobis, ut diligátis ínvicem ».

Verbum Dómini.

## 11

Alleluia et Versus ante Evangelium Io 10, 14

(R. Allelúia). γ. Ego sum pastor bonus, dicit Dóminus;  
et cognóscó oves meas,  
et cognóscunt me meæ. (R. Allelúia).

*Pro eis sanctifico me ipsum, ut sint et ipsi  
sanctificati in veritate.*

✠ Lécio sancti Evangélii secúndum Ioánnem

17, 6. 14-19

In illo témpore:

Sublevátis Iesus óculis in cælum, orávit dicens: « Pa-  
ter sancte, manifestávi Nomen tuum homínibus, quos  
dedísti mihi de mundo. Tui erant, et mihi eos dedísti;  
et sermónem tuum servavérunt.



Ego dedi eis sermónem tuum, et mundus ódio eos hábuit, quia non sunt de mundo, sicut ego non sum de mundo. Non rogo ut tollas eos de mundo, sed ut serves eos ex Malo.

De mundo non sunt, sicut ego non sum de mundo. Sanctifica eos in veritaté. Sermo tuus veritas est. Sicut me misisti in mundum, et ego misi eos in mundum.

Et pro eis ego sanctifico me ipsum, ut sint et ipsi sanctificáti in veritaté ». — Verbum Dómini.

## 12

**Alleluia et Versus ante Evangelium**      Lc 4, 18 a-19 a

(**℞. Allelúia**). **℣. Evangelizáre paupéribus  
misit me Dóminus,  
prædicáre captívís remissionem.  
(℞. Allelúia).**

*Sicut misit me Pater, et ego mitto vos:  
Accipite Spiritum Sanctum.*

**✠ Lécio sancti Evangélii secúndum Ioánnem**

**20, 19-23**

Cum esset sero die illo, prima sabbatórum, et fores essent clausæ, ubi erant discípuli propter metum Iudæórum, venit Iesus, et stetit in médio, et dicit eis: « Pax vobis ».

Et, cum hoc dixisset, osténdit eis manus et latus. Gavísi sunt ergo discípuli, viso Dómino.

Dixit ergo eis íterum: « Pax vobis: sicut misit me Pater, et ego mitto vos ».

Et cum hoc dixisset, insufflavit et dicit eis: « Accípíte Spíritum Sanctum: quorum remiséritis peccáta, remíssa sunt eis; quorum retinuéritis, rétenta sunt ».

Verbum Dómini.

## 13

Alleluia et Versus ante Evangelium Io 10, 14

(*R.* Allelúia). *γ.* Ego sum pastor bonus, dicit Dóminus;  
et cognóscó oves meas,  
et cognóscunt me meæ. (*R.* Allelúia).

*Pasce agnos meos, pasce oves meas.*

✠ Lécio sancti Evangélii secúndum Ioánnem

21, 15-17

Cum manifestásset se Iesus discípulis suis et pran-  
dísset cum eis, dicit Simóni Petro: « Simon Ioánnis,  
diligis me plus his? »

Dicit ei: « Etiam, Dómine, tu scis quia amo te ».

Dicit ei: « Pasce agnos meos ».

Dicit ei íterum secúndo: « Simon Ioánnis, diligis  
me? »

Ait illi: « Etiam, Dómine, tu scis quia amo te ».

Dicit ei: « Pasce oves meas ».

Dicit ei tértio: « Simon Ioánnis, amas me? »

Contristátus est Petrus, quia dixit ei tértio: « Amas  
me? » et dicit ei: « Dómine, tu ómnia scis; tu scis quia  
amo te ».

Dicit ei: « Pasce oves meas ». — Verbum Dómini.

### III. AD MINISTRANDUM VIATICUM

Extra dominicas Adventus, Quadragesimæ et Paschæ, et extra sollemnitates atque ferias IV Cinerum et totius Hebdomadæ sanctæ, dici potest vel Missa de Ss.ma Eucharistia (p. 1607) vel, pro opportunitate, Missa pro infirmis (p. 1495), cum orationibus quæ sequuntur.

Lectiones sumuntur ex iis quæ infra (pp. 1497-1505) vel in Ordine Unctionis infirmorum proponuntur, nisi utilitas infirmi et astantium alias lectiones seligere suadeat.

Quando tamen Missa votiva prohibetur, una e lectionibus sumi potest e textibus de quibus supra, nisi occurrat Triduum sacrum, sollemnitatis Nativitatis Domini, Epiphaniæ, Ascensionis, Pentecostes, Ss.mi Corporis et Sanguinis Christi vel alia sollemnitatis de præcepto servanda.

#### Collecta

**Deus, cuius Fílius nobis est via, véritas et vita,  
réspecte cleménter fámulum tuum N.  
et præsta, ut, tuis promissionibus se committens,  
et Córporis Fílii tui recreátus,  
ad regnum tuum progrediátur in pace. Per Dóminum.**

#### Super oblata

**Sacrificium nostrum, Pater sancte, intuére benígnus,  
ut Agnum tibi paschálem repræséntet,  
cuius pássio paradísi iánuas reserávit, et fámulum tuum N.  
in ætérnum munus per grátiam tuam introducat.  
Per Christum.**

#### Post communionem

**Dómine, qui es salus ætérna in te credéntium,  
præsta, quésumus, ut fámulus tuus N.,  
cælésti pane potúque reféctus,  
in regnum lúminis et vitæ secúrus pervéniat.  
Per Christum.**

## IV. PRO SPONSIS

### 1. IN CELEBRATIONE MATRIMONII

Quoties Matrimonium intra Missam celebratur, dicitur, cum sacris vestibus coloris albi, Missa « Pro sponsis ». Occurrente tamen dominica vel sollemnitate, dicitur Missa de die, retentis in ea benedictione super sponsam et sponsum atque, pro oportunitate, formula propria benedictionis finalis.

Cum tamen liturgia verbi celebrationi Matrimonii aptata magnam vim habeat in catechesi de ipso Sacramento et de numeribus coniugum tradenda, quando Missa « Pro sponsis » prohibetur (nisi occurrant Triduum sacrum, sollemnitates Nativitatis Domini, Epiphania, Ascensionis, Pentecostes et Ss.mi Corporis et Sanguinis Christi, vel aliæ sollemnitates de præcepto servandæ), una e lectionibus sumi potest e textibus pro celebratione Matrimonii prævisis. In dominicis insuper temporis Nativitatis et « per annum », si Missa in qua celebratur Matrimonium a communitate paræciali non participatur, dici potest etiam integra Missa « Pro sponsis ».

Si Matrimonium celebratur tempore Adventus vel Quadragesimæ aliisque diebus indolem pænitentialem præferentibus, parochus sponso moneat, ut rationem habeant peculiaris naturæ horum temporum liturgicorum.

#### A

**Ant. ad introitum**

**Ps 19, 3. 5**

**Mittat vobis Dóminus auxiliúm de sancto,  
et de Sion tueátur vos.**

**Tribuat vobis secúndum cor vestrum,  
et omne consílium vestrum confírmet.**

**Collecta**

**Deus, qui tam excellénti mystério  
coniugále vínculum consecrásti,  
ut Christi et Ecclésiæ sacraméntum  
præsignáres in fécere nuptiárum,**

præsta, quæsumus, his fámulis tuis,  
ut, quod fide percípiunt, ópere persequántur.  
Per Dóminum.

Vel:

Deus, qui, in humáno génere creádo,  
unitátem inter virum et mulierem esse voluísti,  
fámulos tuos, qui coniugáli copulánda sunt fœdere,  
unús vínculo dilectiónis astringe,  
ut, quos in caritaté fructificáre largíris,  
ipsíus caritatís testes esse concédas. Per Dóminum.

Lectiones ut infra, pp. 1196-1221.

Super oblata

Súscipe, quæsumus, Dómine,  
pro sacra connúbii lege munus oblátum,  
et cuius largítor es óperis,  
esto dispósitor. Per Christum.

Præfatio: De dignitate fœderis nuptiarum.

γ. Dóminus vobíscum.

ϣ. Et cum spírítu tuo.

γ. Sursum corda.

ϣ. Habémus ad Dóminum.

γ. Grátias agámus Dómino Deo nostro.

ϣ. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnipotens ætérne Deus:  
Qui fœdera nuptiárum blando concórdiæ iugo  
et insolúbili pacis vínculo nexuísti,  
ut multiplicándis adoptiónum fíliis  
sanctorum connubiórum fecúnditas pudíca servíret.

Tua enim, Dómine, providéntia,  
tuáque grátia ineffabílibus modis  
utrúmque dispénsas,  
ut, quod generátio ad mundi prodúxit ornátum,  
regenerátio ad Ecclésiæ perdúcat augméntum:  
per Christum Dóminum nostrum.

Per quem, cum Angelis et ómnibus Sanctis,  
hymnum laudis tibi cánimus, sine fine dicétes:

Sanctus, Sanctus, Sanctus Dóminus Deus Sábaoth ...

Quando adhibetur Canon Romanus, dicitur Hanc igitur proprium.  
Verba, quæ uncis includuntur, omitti possunt pro opportunitate.

Hanc igitur oblatiónem servitútis nostræ,  
sed et famulórum tuórum **N.** et **N.**  
totiúsque famíliæ tuæ,  
quæ pro illis tuam maiestátem exórat,  
quásumus, Dómine, ut placátus accípias:  
et sicut eos ad diem nuptiárum pervenire tribuísti,  
sic (tuo múnere desideráta sóbole gaudere proficias,  
atque) ad optátam sériem próvehas benígnus annórum.  
(Per Christum Dóminum nostrum. Amen.)

### Oratio super sponsam et sponsum

Dicto Pater noster et omisso Libera nos, sacerdos, stans ad  
sponsos conversus, dicit super eos benedictionem quæ sequitur.

In invitatorio, si unus ex sponsis vel ambo non communi-  
cant, omitti possunt verba Christi Córporis et Sánguinis sa-  
craménto.

In oratione Deus, qui potestáte, possunt omitti, pro op-  
portunitate, duæ ex tribus paragraphis Deus, qui potestáte;  
Deus, qui tam excellénti; Deus, per quem múlier; ea tantum  
retenta paragrapho, quæ respondeat lectioni Missæ.

In ultima paragrapho huius orationis, verba uncis inclusa  
omitti possunt, sicubi rerum adiuncta id suadere videantur, ex.  
gr. si sponsi sint superadulti.

Sacerdos stans, manibus iunctis, dicit:

**Dóminum, fratres caríssimi, suppliciter deprecémur,  
ut super hanc fámulam suam,  
quæ huic sponso nupsit in Christo,  
benedictiónem grátiae suæ cleménter effúdat,  
et quos fœdere sancto coniúnxit  
(Christi Córporis et Sánguinis sacraménto)  
una fáciat caritáte concórdes.**

Et omnes per breve tempus in silentio orant. Deinde sacerdos, manibus extensis, prosequitur:

**\* Deus, qui potestáte virtútis tuæ  
de níhilo cuncta fecísti,  
qui, dispósitis universitátis exórdiis  
et hómine ad imáginem tuam facto,  
inseparábile viro mulieris adiutórium condidísti,  
ut iam non duo essent, sed una caro,  
docens quod unum placuísset institui  
numquam licére disiúngi:**

**\* Deus, qui tam excelléti mystério  
coniugálem cópulam consecrásti,  
ut Christi et Ecclésiæ sacraméntum  
præsignáres in fœdere nuptiárum:**

**\* Deus, per quem múlier iúngitur viro,  
et societas, principáliter ordináta,  
ea benedictióne donátur,  
quæ sola nec per originális peccáti pœnam  
nec per dilúvii est abláta senténtiam:**

**Réspice propítius super hanc fámulam tuam,  
quæ, maritali iuncta consórtio,  
tua se éxpetit benedictióne muniri:  
sit in ea grátia dilectiónis et pacis,  
imitatríxque sanctárum permáneat feminárum,  
quarum in Scriptúris laudes prædicántur.**

Confídat in ea cor viri sui,  
 qui, parem sóciam et grátiae vitæ coherédem agnóscens,  
 eam honóre débíto prosecuátur  
 eóque díligat semper amóre,  
 quo Christus suam diléxit Ecclésiám.

Et nunc te, Dómine, deprecámur,  
 ut hi fámuli tui nexi fídei mandátisque permáneant,  
 et, uni thoro iuncti,  
 morum sint integritáte conspícui;  
 Evangélli róbores communiti,  
 bonum Christi testimónium ómnibus maniféstent;  
 (in sóbole sint fecúndi,  
 sint paréntes virtútibus comprobáti;  
 vídeant ambo filios filiórum suórum)  
 et, optátam demum senectútem adépti,  
 ad beatórum vitam et ad cæléstia regna pervéniant.  
 Per Christum Dóminum nostrum.

℞. Amen.

*Missa deinde proseguitur more solito.*

**Ant. ad communionem**

**Cf. Eph 5, 25. 27**

Christus diléxit Ecclésiám et seípsum trádidit pro ea,  
 ut exhibéret sibi uxórem sanctam et immaculátam.

**Post communionem**

Huius, Dómine, sacrificií virtúte,  
 institúta providéntiæ tuæ  
 pio favóre comitáre,  
 ut, quos sancta societáte iunxísti  
 (et uno pane unóque cálice satiásti)  
 una étiam fácias caritáte concórdes.  
 Per Christum.



**Benedictio in fine Missæ**

Deus Pater ætérnus  
in mútuo vos servet amóre concórdes,  
ut pax Christi hábitet in vobis,  
et in domo vestra iúgiter máneat.

℞. Amen.

Benedictiónem habeátis in fíliis,  
ab amícis solácium,  
et veram cum ómnibus pacem.

℞. Amen.

Caritátis Dei testes sitis in mundo,  
ut, quos afflícti et egéni benígnos invénerint,  
in ætérna Dei tabernácula  
vos grati aliquándo recípiant.

℞. Amen.

Et vos omnes, qui hic simul adéstis,  
benedícat omnípotens Deus,  
Pater, et Fílius, ✠ et Spíritus Sanctus.

℞. Amen.

**B****Ant. ad introitum****Ps 89, 14. 17**

Repléti sumus mane, Dómine, misericórdia tua,  
et exsultávimus et delectáti sumus  
ómnibus diébus nostris.  
Sit splendor Dómini super nos  
et super ópera mánuum nostrárum.

**Collecta**

Adésto, Dómine, supplicatióibus nostris,  
et super hos fámulos tuos

grátiam tuam benígnus effúnde,  
 ut qui apud tua coniungúntur altária  
 in mútua caritaté firméntur.  
 Per Dóminum.

Lectioes ut infra, pp. 1196-1221.

Super oblata

Múnera, quæ tibi, Dómine,  
 lætántes offérimus,  
 benígnus assúme,  
 et, quos sacraménti fœdere coniunxísti,  
 patérna pietáté custódi.  
 Per Christum.

Præfatio: De magno sacramento Matrimonii.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
 nos tibi semper et ubíque grátias ágere:  
 Dómine, sancte Pater, omnípotens ætérne Deus:  
 per Christum Dóminum nostrum.

Quia novum nexuísti cum tuo pópulo testaméntum,  
 ut, quem mortis et resurrectiónis redemísses mystério,  
 divínæ in Christo fáceres natúræ consórtem  
 eiúsq; in cælis glóriæ coherédem.

Cuius piíssimam grátia largitátem  
 in viri mulierisque significásti connúbio,  
 ut ad ineffábile tui amóris consílium  
 nos revocáret quod ágitur sacraméntum.

Et ideo, cum Angelis et ómnibus Sanctis,  
te laudámus, sine fine dicétes:

Sanctus, Sanctus, Sanctus Dóminus Deus Sábaoth ...

Quando adhibetur Canon Romanus, dicitur Hanc igitur proprium.  
Verba, quæ unciis includuntur, omitti possunt pro opportunitate.

Hanc igitur oblatiónem servitútis nostræ,  
sed et famulórum tuórum **N.** et **N.**  
totiúsque familiæ tuæ,  
quæ pro illis tuam maiestátem exórat,  
quæsumus, Dómine, ut placátus accípias:  
et sicut eos ad diem nuptiárum pervenire tribuísti,  
sic ( tuo múnere desideráta sóbole gaudere proficias,  
atque ) ad optátam sériem próvehas benígnus annórum.  
( Per Christum Dóminum nostrum. Amen. )

### Oratio super sponsam et sponsum

Dicto Pater noster et omisso Libera nos, sacerdos, stans ad  
sponso conversus, dicit super eos benedictionem quæ sequitur.

In oratione Pater sancte omitti potest, pro opportunitate,  
una ex duabus paragraphis Pater sancte; Deus, qui, ad amoris,  
ea tantum retenta paragrapho quæ respondeat lectioni Missæ.

Sacerdos stans, manibus iunctis, dicit:

Super hos sponso, qui, matrimónium ineúntes,  
ad altáre accédunt,  
ut ( Christi Córporis Sanguínisque partícipes )  
mútua semper dilectióne nectántur,  
Dóminum deprecémur.

Et omnes per breve tempus in silentio orant. Deinde sacerdos,  
manibus extensis, proseguitur:

\* Pater sancte,  
qui hómínem ad imáginem tuam cónditum  
másculum creásti et féminam,  
ut vir et múlíer, in carnis et cordis unitáte coniúnti,  
munus suum in mundo adimplérent:

\* Deus, qui, ad amoris tui consilium revelandum, in mútua dilectione sponsorum fœdus illud adumbrári voluisti, quod ipse cum pópulo tuo iníre dignátus es, ut, sacraménti significatióne compléta, in fidélium tuórum coniugáli consórtio Christi et Ecclesiæ nuptiále patéret mystérium: super hos fámulos tuos (N. et N.) dexteram tuam, quæsumus, propitiátus exténde.

Præsta, Dómine, ut, in huius quod íneunt sacraménti consórtio, inter se amoris tui dona comunicent, et, præsentiae tuæ signum ínvicem ostendéntes, cor unum fiant et ánima una.

Da étiam, Dómine, ut domum, quam ædificant, ópere quoque susténtent, filiósque suos, evangélica disciplína formátos, cælésti famíliæ tuæ præparent cooptándos.

Hanc fámulam tuam N. tuis dignéris benedictionibus cumuláre, ut, uxóris ac matris múnera complens, casta suam domum dilectione refóveat, et grátia décoret affábili.

Hunc étiam fámulum tuum N. cælésti, Dómine, benedictione proséquare, ut maríti fidélis officia digne persólvat et próvidi patris.

Concéde, Pater sancte, ut, qui coram te coniúgio copuláti ad mensam tuam accédere cúpiunt, cæléste aliquándo convívium participáre læténtur. Per Christum Dóminum nostrum.

ꝛ. Amen.

Missa deinde prosequitur more solito.

Ant. ad communionem

Io 13, 34

**Mandátum novum do vobis, ut diligátis ínvicem,  
sicut diléxi vos, dicit Dóminus.**

Post communionem

**Mensæ tuæ partícipes effécti,  
quásumus, Dómine,  
ut, qui nuptiárum iungúntur sacraménto,  
tibi semper adhæreant,  
et tuum homínibus nomen annúntient.  
Per Christum.**

Benedictio in fine Missæ

**Deus Pater omnípotens gáudium suum vobis concédát  
et in filiis vos benedícat.**

**R. Amen.**

**Unigénitus Dei Fílius in próspéris et advérsis  
vobis miserátus assístat.**

**R. Amen.**

**Spíritus Dei Sanctus caritátem suam  
in corda vestra semper effúndat.**

**R. Amen.**

**Et vos omnes, qui hic simul adéstis,  
benedícat omnípotens Deus,  
Pater, et Fílius, ✠ et Spíritus Sanctus,**

**R. Amen.**

## C

Ant. ad introitum

Ps 144, 2. 9

**Per síngulos dies benedícam tibi, Dómine,  
et laudábo nomen tuum in sáeculum sáeculi,  
quia suávis es univérsis,  
et miseratiónes tuæ super ómnia ópera tua.**

## Collecta

**Præsta, quæsumus, omnipotens Deus,  
ut hi fámuli tui, nuptiárum sacramento iungéndi,  
in fide quam profiténtur accréscent,  
et sóbole fidéli tuam ditent Ecclésiám. Per Dóminum.**

Lectiones ut infra, pp. 1196-1221.

## Super oblata

**Propitiáre, Dómine, supplicatióibus nostris,  
et has oblatiões, quas tibi pro his fámulis tuis  
sancto fódere copulátis offerimus,  
benigno súscipe vultu,  
ut per hæc mystéria  
in mútua caritaté tuóque amóre firméntur.  
Per Christum.**

Præfatio: De Matrimonio ut signum divinæ caritatis.

**Ꝛ. Dóminus vobíscum.**

**ꝛ. Et cum spírítu tuo.**

**Ꝛ. Sursum corda.**

**ꝛ. Habémus ad Dóminum.**

**Ꝛ. Grátias agámus Dómino Deo nostro.**

**ꝛ. Dignum et iustum est.**

**Vere dignum et iustum est, æquum et salutáre,**

**nos tibi semper et ubíque grátias ágere:**

**Dómine, sancte Pater, omnipotens ætérne Deus:**

**Qui hóminem pietátis tuæ dono créatum**

**ad tantam voluísti dignitátem extólli,**

**ut in viri mulierisque consórtio**

**veram relínqueres tui amóris imáginem;**

**quem enim ex caritaté creásti,**

**eum ad caritátis legem vocáre non désinis,**

**ut ætérnæ tuæ caritátis partícipem esse concédas.**

Cuius connúbii sancti mystérium  
dum tuæ dilectiónis signum exsístit,  
amórem sacrat humánum:  
per Christum Dóminum nostrum.

Per quem, cum Angelis et ómnibus Sanctis,  
hymnum laudis tibi cánimus, sine fine dicétes:

Sanctus, Sanctus, Sanctus Dóminus Deus Sábaoth ...

Quando adhibetur Canon Romanus, dicitur Hanc igitur proprium.  
Verba, quæ uncis includuntur, omitti possunt pro opportunitate.

Hanc igitur oblatiónem servitútis nostræ,  
sed et famulórum tuórum **N.** et **N.**  
totiúsque familiæ tuæ,  
quæ pro illis tuam exórat maiestátem,  
quæsumus, Dómine, ut placátus accípias:  
et sicut eos ad diem nuptiárum perveníre tribuísti,  
sic ( tuo múnere desideráta sóbole gaudére profícias,  
atque ) ad optátam sériem próvehas benígnus annórum.  
( Per Christum Dóminum nostrum. Amen. )

### Oratio super sponsam et sponsum

Dicto Pater noster et omisso Libera nos, sacerdos, stans ad  
sponsos conversus, dicit super eos benedictionem quæ sequitur:

Précibus nostris, fratres caríssimi,  
super hos sponsos  
Dei benedictiónem súpplícis invocémus,  
ut ipse suo fóveat benígnus auxílio,  
quos ditávit connúbii sacraménto.

Et omnes per breve tempus in silentio orant. Deinde sacerdos,  
manibus extensis, prosequitur:

Pater sancte, mundi cónditor univérsi,  
qui virum atque mulíerem  
ad imáginem tuam creásti,

eorúmque societátem tua voluísti benedictióne cumulári,  
te pro hac sponsa humiliter deprecámur,  
quæ hódie viro suo nuptiárum iúngitur sacraménto.

Super eam, Dómine, eiúsque vitæ consórtem  
benedictio tua copiósá descendat,  
ut, dum mútuo connúbii dono fruúntur,  
famíliam ornent filiis, ditent Ecclésiám.

Læti te laudent, Dómine, te mæsti requírant;  
te in labóribus sibi gaúdeant adesse ut fáveas,  
te séntiant in necessitátibus astáre ut lénias;  
te in cœtu sancto precéntur,  
tuos in mundo se testes osténdant;  
et, adépti próspérá senectútem  
cum hac qua circumdántur amicórum coróna,  
ad cæléstia regna pervéniant.

Per Christum Dóminum nostrum.

ꝛ. Amen.

Missa deinde prosequitur more solito.

Ant. ad communionem

Ps 33, 1. 9

Benedícam Dóminum in omni témpore,  
semper laus eius in ore meo.

Gustáte et vidéte quóniam suávis est Dóminus;  
beátus vir, qui sperat in eo.

Post communionem

Concéde, quæsumus, omnipotens Deus,  
ut accépti virtus sacraménti  
in his fámulis tuis sumat augméntum,  
et hóstiæ quam obtúlimus  
a nobis ómnibus percipiátur efféctus.  
Per Christum.



**Benedictio in fine Missæ**

**Dóminus Iesus,  
qui núptiis in Cana adesse dignátus est,  
vobis et propínquis vestris  
benedictiónem suam largiátur.**

**℞. Amen.**

**Ipse, qui Ecclésiám diléxit in finem,  
amórem suum in corda vestra  
indésinéter effúndat.**

**℞. Amen.**

**Det vobis Dóminus,  
ut, eius resurrectionis fidem testántes,  
beátam spem exspectétis in gáudio.**

**℞. Amen.**

**Et vos omnes, qui hic simul adéstis,  
benedícat omnípotens Deus,  
Pater, et Fílius, ✠ et Spíritus Sanctus.**

**℞. Amen.**

---

## Lectio prima extra tempus paschale

## 1

*Masculum et feminam creavit eos.*

Lectio libri Génesis

1, 26-28. 31 a

Ait Deus: « Faciámus hóminem ad imáginem et similitúdinem nostram; et præsit piscibus maris et volatilibus cæli, et béstiis universæque terræ, omnique réptili, quod movétur in terra ».

Et creávit Deus hóminem ad imáginem suam; ad imáginem Dei creávit illum: másculum et féminam creávit eos.

Benedixítque illis Deus et ait: « Créscite et multiplicámini, et repléte terram, et subícite eam, et dominámini piscibus maris et volatilibus cæli et univérsis animántibus, quæ movéntur super terram ».

Vidítque Deus cuncta quæ fécerat, et erant valde bona. — Verbum Dómini.

## Psalmus responsorius

Ps 32, 12 et 18. 20-21. 22 (R.: 5 b)

R. Misericórdia Dómini plena est terra.

- 12 Beáta gens, cui Dóminus est Deus,  
pópulus, quem elégit in hereditátem sibi.
- 18 Ecce óculi Dómini super metuéntes eum,  
in eos qui sperant super misericórdia eius. R.
- 20 Anima nostra sústinet Dóminum,  
quóniam adiútor et protéctor noster est;
- 21 quia in eo lætábitur cor nostrum,  
et in nómine sancto eius sperávimus. R.
- 22 Fiat misericórdia tua, Dómine, super nos,  
quemádmódu[m] sperávimus in te. R.

*Et erunt duo in carne una.*

Léctio libri Génesis

2, 18-24

Dixit Dóminus Deus: « Non est bonum esse hómí-  
nem solum; faciámus ei adiutórium símile sibi ».

Formátis igitur, Dóminus Deus, de humo cunctis  
animántibus terræ et univérsis volatílibus cæli, addúxit  
ea ad Adam, ut vidéret quid vocáret ea; omne enim  
quod vocávit Adam ánimæ vivéntis ipsum est nomen  
eius. Appellavítque Adam nomínibus suis cuncta ani-  
mántia, et univérsa volatília cæli, et omnes béstias terræ.  
Adæ vero non inveniebátur adiutor símilis eius.

Immísit ergo Dóminus Deus sopórem in Adam;  
cumque obdormísset, tulit unam de costis eius, et replé-  
vit carnem pro ea, et ædificávit Dóminus Deus costam,  
quam túlerat de Adam, in mulierem, et addúxit eam  
ad Adam.

Dixítque Adam: « Hoc nunc os ex óssibus meis, et  
caro de carne mea: hæc vocábitur " Virágo ", quóniam  
de viro sumpta est ».

Quámobrem relínquet homo patrem suum et ma-  
trem, et adhærébit uxóri suæ, et erunt duo in carne  
una. — Verbum Dómini.

Psalmus responsorius

Ps 148, 1-2. 3-4. 9-10. 11-13 (R.: cf. 12 c)

R. Laudáte nomen Dómini.

vel Allelúia.

<sup>1</sup> Laudáte Dóminum de cælis,  
laudáte eum, in excélsis.

<sup>2</sup> Laudáte eum, omnes ángeli eius,  
laudáte eum, omnes virtútes eius. R.

- <sup>3</sup> Laudáte eum, sol et luna,  
 laudáte eum, omnes stellæ et lumen.  
<sup>4</sup> Laudáte eum, cæli cælórum,  
 et aquæ omnes quæ super cælos sunt. *R.*  
<sup>9</sup> Montes et omnes colles,  
 ligna fructífera et omnes cedri,  
<sup>10</sup> béstiæ et unívérsa pécora,  
 serpéntes et vólucres pennátæ. *R.*  
<sup>11</sup> Reges terræ et omnes pópuli,  
 príncipes et omnes iúdicez terræ,  
<sup>12</sup> iúvenes et vírgines,  
 senes cum iunióribus,  
<sup>13</sup> laudent nomen Dómini,  
 quia exaltátum est nomen eius solíus. *R.*

## 3

*Tantum dilexit Isaac Rebeccam, ut dolorem,  
 qui ex morte matris eius acciderat, temperaret.*

Léctio libri Génesis

24, 48-51. 58-67

In diébus illis:

Servus Abraham dixit ad Laban: « Benedíxi Dómino Deo dómini mei Abraham, qui perdúxit me recto itinere, ut súmerem fliam fratris dómini mei fllio eius. Quámobrem, si fáctis misericórdiam et veritátem cum dómno meo, indicáte mihi; sin autem áliud placet, et hoc dicite mihi, ut vadam ad déxteram sive ad sínístram ».

Responderúntque Laban et Báthuel: « A Dómino egréssus est sermo; non póssumus extra plácitum eius quidquam áliud loqui tecum. En Rebécca coram te est; tolle eam et proficiscere, et sit uxor fllii dómini tui, sicut locútus est Dóminus ».

Cumque vocata venisset, sciscitanti sunt: « Vis ire cum homine isto? »

Quae ait: « Vadam ».

Dimiserunt ergo eam et nutricem illius, servumque Abraham et comites eius, imprecantes prospera sorori suae atque dicentes: « Soror nostra es, crescas in mille milia, et possideat semen tuum portas inimicorum suorum ». Igitur Rebecca et puellae illius, ascensis camelis, secutae sunt virum, qui festinus revertebatur ad dominum suum.

Eo autem tempore deambulabat Isaac per viam quae ducit ad puteum, cuius nomen est « Viventis et Videntis »; habitabat enim in terra australi. Et egressus fuerat ad meditandum in agro, inclinata iam die. Cumque elevasset oculos, vidit camelos venientes procul.

Rebecca quoque, conspecto Isaac, descendit de camelo, et ait ad puerum: « Quis est ille homo, qui venit per agrum in occursum nobis? »

Dixitque ei: « Ipse est dominus meus ». At illa tollens cito pallium operuit se. Servus autem cuncta quae gesserat narravit Isaac. Qui introduxit eam in tabernaculum Sarae matris suae, et accepit eam uxorem; et in tantum dilexit eam, ut dolorem, qui ex morte matris eius acciderat, temperaret. — Verbum Domini.

Psalmus responsorius

Ps 144, 8-9. 10 et 15. 17-18 (R.: 9 a)

R. Suavis Dominus universis.

Miserator et misericors Dominus,  
longanimis et multae misericordiae.

Suavis Dominus universis,

et miserationes eius super omnia opera eius. R.

Confiteantur tibi, Domine, omnia opera tua;  
et sancti tui benedicant tibi.

- 15 Oculi ómnium in te sperant,  
et tu das illis escam in témpore opportúno. **℞.**
- 17 Iustus Dóminus in ómnibus viis suis,  
et sanctus in ómnibus opéribus suis.
- 18 Prope est Dóminus ómnibus invocántibus eum,  
ómnibus invocántibus eum in veritáte. **℞.**

## 4

*Ipse coniungat vos impleatque benedictionem  
suam in vobis*

Léctio libri Tobíæ

7, 9 c-10. 11 c-17

In diébus illis:

Cum hortarétur Ráguel eum discúmbere ad prándium, Tobías dixit: « Hic ego hódie non manducábo neque bibam, nisi prius petitionem meam confirmes, et promíttas mihi dare Saram filiam tuam ».

Cum nutáret Ráguel et non daret peténti ullum respónsum, dixit ei Angelus: « Noli timére dare eam isti, quóniam huic timénti Deum debétur coniux filia tua; proptérea álius non pótuit habére illam ».

Tunc dixit Ráguel: « Non dúbito quod Deus preces et lácrimas meas in conspéctu suo admiserit, et credo quóniam ídeo fecit vos veníre ad me, ut ista coniungerétur cognatióni suæ secúndum legem Móysi, et nunc noli dúbium gérere quod tibi eam tradam ».

Et apprehéndens dexteram filíæ, dexteræ Tobíæ trádidit, dicens: « Deus Abraham, Deus Isaac et Deus Iacob vobíscum sit, et ipse coniúngat vos impleátque benedictiónem suam in vobis ».

Et accépta charta, fecérunt conscriptiónem coniúgii. Et post hæc epuláti sunt, benedicéntes Deum.

Verbum Dómini.

Psalmus responsorius

Ps 32, 12 et 18. 20-21. 22 (R.: 5 b)

R. Misericórdia Dómini plena est terra.

- 12 Beáta gens, cui Dóminus est Deus,  
pópulus, quem elégit in hereditátem sibi.
- 18 Ecce óculi Dómini super metuéntes eum,  
in eos qui sperant super misericórdia eius. R.
- 20 Anima nostra sústinet Dóminum,  
quóniam adiútor et protéctor noster est;
- 21 quia in eo lætábitur cor nostrum,  
et in nómine sancto eius sperávimus. R.
- 22 Fiat misericórdia tua, Dómine, super nos,  
quemádmódum sperávimus in te. R.

5

*Consenescamus ambo pariter sani.*

Léctio libri Tobíæ

8, 5-10

Sero nuptiárum Tobías dixit Saræ: « Fílii sanctórum sumus et non póssumus ita coniúngi sicut gentes quæ ignórant Deum ». Surgéntes autem páriter instánter orábant ambo simul, ut sánitas darétur eis.

Dixítque Tobías: « Dómine Deus patrum nostrórum, benedicant te cæli et terræ, maréque et fontes et flúmina, et omnes creatúræ tuæ quæ in eis sunt. Tu fecísti Adam de limo terræ, dedistíque ei adiutórium Evam.

Et nunc, Dómine, tu scis quia non luxúriæ causa accípio sorórem meam cóniugem, sed sola posteritátis dilectióne, in qua benedicátur nomen tuum in sácula sæculórum ».

Dixit quoque Sara: « Miserére nobis, Dómine, miserére nobis, et consenescámus ambo páriter sani ».

Verbum Dómini.

## Psalmus responsorius

Ps 102, 1-2. 8 et 13. 17-18 a (R.: 8 a)

R. Miserátor et miséricors Dóminus.

- 1 Bénedic, ánima mea, Dómino;  
et ómnia quæ intra me sunt, nómini sancto eius.
- 2 Bénedic, ánima mea, Dómino,  
et noli oblivísci omnes retributiónes eius. R.
- 8 Miserátor et miséricors Dóminus,  
longánimis et multæ misericórdiæ.
- 13 Quómodo miserétur pater filiórum,  
misértus est Dóminus timéntibus se. R.
- 17 Misericórdia autem Dómini ab ætérno,  
et usque in ætérnum super timéntes eum,  
et iustítia illius in filios filiórum;
- 18 in eos qui servant testaméntum eius. R.

## 6

*Fortis est ut mors dilectio.*

Léctio Cántici canticórum 2, 8-10. 14. 16 a; 8, 6-7 a

Vox dilécti mei: Ecce iste venit sáliens in móntibus, transíliens colles. Símilis est diléctus meus cápree hinnulóque cervórum. En ipse stat post parietem nostrum, respiciens per fenéstras, prospiciens per cancellos.

En diléctus meus lóquitur mihi: « Surge, própéra, amíca mea, colúmba mea, formósa mea, et veni, colúmba mea, in foramínibus petræ, in cavérna macériæ, osténde mihi fáciem tuam, sonet vox tua in áuribus meis: vox enim tua dulcis, et fácies tua decóra ».

Diléctus meus mihi, et ego illi.

Qui dixit mihi: « Pone me ut signáculum super cor tuum, ut signáculum super bráccium tuum, quia



fortis est ut mors diléctio, dura sicut inférnus æmulá-  
tio, lámpades eius lámpades ignis atque flammárum.

Aquæ multæ non potuérunt exstinguere caritátem,  
nec flúmina óbruent illam ». — Verbum Dómini.

Psalmus responsorius Ps 127, 1-2. 3. 4-5 (R.: 4)

R. Ecce sic benedicétur homo, qui timet Dóminum.

Beátus omnis qui timet Dóminum,  
qui ámbulat in viis eius.

Labóres mánuum tuárum manducábis,  
beátus es, et bene tibi erit. R.

Uxor tua sicut vitis fructífera  
in latéribus domus tuæ;  
filii tui sicut novéllæ olivárum  
in circúitu mensæ tuæ. R.

Ecce sic benedicétur homo,  
qui timet Dóminum.

Benedícat tibi Dóminus ex Sion,  
et vídeas bona Ierúsalem  
ómnibus diébus vitæ tuæ. R.

7

*Sicut sol oriens, sic mulieris bonæ species  
in ornamentum domus eius.*

Léctio libri Sirácidæ 26, 1-4. 16-21

Mulæris bonæ beátus vir; númerus enim annórum  
illíus duplex. Múlier fortis oblécet virum suum, et an-  
nos vitæ illíus in pace implébit.

Pars bona múlier bona, in parte timéntium Deum  
dábitur viro pro factis bonis; dívitis autem et páuperis  
cor bonum, in omni témpore vultus illórum hílaris.

Grátia mulieris sédulæ delectábit virum suum, et ossa illíus impinguábit disciplína illíus. Datum Dei est múlier sensáta et tácita, non est immutátio eruditæ ánimæ. Grátia super grátiam múlier sancta et pudoráta. Omnis autem ponderátio non est digna continéntis ánimæ.

Sicut sol óriens mundo in altíssimis Dei, sic mulieris bonæ spécies in ornáméntum domus eius.

Verbum Dómini.

### Psalmus responsorius

Ps 33, 2-3. 4-5. 6-7. 8-9 (R.: 2 a)

R. Benedicam Dóminum in omni témpore.

2 Benedicam Dóminum in omni témpore,  
semper laus eius in ore meo.

3 In Dómino gloriábitur ánima mea,  
áudiant mansuétí et læténtur. R.

4 Magnificáte Dóminum mecum,  
et exaltémus nomen eius in idípsum.

5 Exquisívi Dóminum, et exaudivit me,  
et ex ómnibus terróribus meis erípuit me. R.

6 Respícite ad eum, et illuminámini,  
et fácies vestræ non confundéntur.

7 Iste pauper clamávit,  
et Dóminus exaudivit eum,  
et de ómnibus tribulatió nibus eius  
salvávit eum. R.

8 Vallábit ángelus Dómini  
in circúitu timéntes eum,  
et erípiet eos.

9 Gustáte et vidéte quóniam suávis est Dóminus;  
beátus vir qui sperat in eo. R.

*Feriam domui Israel et domui Iuda  
foedus novum.*

Lectio libri Ieremiæ prophætæ 31, 31-32 a. 33-34 a

« Ecce dies venient, dicit Dominus, et feriam domui Israel et domui Iuda foedus novum, non secundum pactum, quod pepigi cum patribus eorum, in die qua apprehendi manum eorum, ut educerem eos de terra Aegypti.

Sed hoc erit pactum, quod feriam cum domo Israel post dies illos, dicit Dominus; dabo legem meam in visceribus eorum, et in corde eorum scribam eam; et ero eis in Deum, et ipsi erunt mihi in populum.

Et non docebit ultra vir proximum suum, et vir fratrem suum dicens: "Cognosce Dominum"; omnes enim cognoscent me, a minimo eorum usque ad maximum », ait Dominus. — Verbum Domini.

**Psalmus responsorius**

Ps 111, 1-2. 3-4. 5-7 a. 7 bc-8. 9 (R.: cf. 1)

R. Beatus vir qui in mandatis Domini cupit nimis.

vel Allelúia.

Beatus vir qui timet Dominum,  
in mandatis eius cupit nimis.

Potens in terra erit semen eius,  
generatio rectorum benedicetur. R.

Glória et divitiæ in domo eius,  
et iustitia eius manet in sæculum sæculi.

Exortum est in tenebris lumen rectis,  
misericors et miserator et iustus. R.

Iucundus homo qui miseretur et commodat,  
dispónet res suas in iudicio,

6 quia in ætérnum non commovébitur.

In memória æténa erit iustus,

7 ab auditióne mala non timébit. *R.*

Parátum cor eius, sperans in Dómino,

8 confirmátum est cor eius, non timébit,  
donec despíciat inimícos suos. *R.*

9 Distribuit, dedit paupéribus;

iustítia eius manet in sáeculum sáeculi,  
cornu eius exaltábitur in glória. *R.*

Tempore paschali, lectio prima Ap 19, 1. 5-9 a, ut supra,  
p. 1091. Psalmus responsorius, unus ex præcedentibus, pp. 1196-  
1205.

### Lectio secunda

#### 1

*Quis nos separabit a caritate Christi?*

Lectio Epístolæ beáti Pauli apóstoli  
ad Romános

8, 31 b-35. 37-39

Fratres:

Si Deus pro nobis, quis contra nos? Qui Filio suo non pepércit, sed pro nobis ómnibus trádedit illum, quómodo non étiam cum illo ómnia nobis donábit?

Quis accusábit advérsus eléctos Dei? Deus qui iustíficat. Quis est qui condémnet? Christus Iesus, qui mórtuus est, immo qui suscitátus est, qui et est ad dextéram Dei, qui étiam interpéllat pro nobis.

Quis nos separábit a caritaté Christi? tribulátio, an angústia, an persecútio, an fames, an núditas, an pérículum, an gládus? Sed in his ómnibus supervíncimus per eum qui diléxit nos.

Certus sum enim quia neque mors neque vita, neque ángeli neque principátus, neque instántia neque fu-

túra, neque virtútes, neque altitúdo neque profúndum, neque ália quælibet creatúra póterit nos separáre a caritáte Dei, quæ est in Christo Iesu Dómino nostro.

Verbum Dómini.

2.

\* *Exhibete corpora vestra hostiam viventem, sanctam, Deo placentem.*

Léctio Epístolæ beáti Pauli apóstoli  
ad Romános

12, 1-2. 9-18

Obsecro vos, fratres, per misericórdiam Dei, ut exhibeátis córpora vestra hóstiam vivéntem, sanctam, Deo placéntem, rationábile obséquium vestrum. Et nolíte conformári huic sáculo, sed transformámini renovatióne mentis, ut probétis quid sit volúntas Dei, quid bonum et benéplacens et perféctum.

Diléctio sine simulatióne, odiéntes malum, adhæréntes bono, caritáte fraternitátis ínvicem diligéntes, honóre ínvicem præveniéntes, sollicitúdi-ne non pigri, spírítu fervéntes, Dómino serviéntes, spe gaudéntes, in tribulatióne paciéntes, oratióni instántes, necessitatibus sanctórum communicántes, hospitalitátem sectántes.

Benedícite persequéntibus, benedícite et nolíte maledícere.

Gaudére cum gaudéntibus, flere cum fléntibus, idípsum ínvicem sentiéntes, non alta sapiéntes sed humílibus consentiéntes.

Nolíte esse prudéntes apud vosmetípsos. Nulli malum pro malo reddéntes, providéntes bona coram ómnibus homínibus. Si fieri potest, quod ex vobis est, cum ómnibus homínibus pacem habéntes. — Verbum Dómini.

---

## vel brevior

Léctio Epístolæ beáti Pauli apóstoli  
ad Romános

12, 1-2. 9-13

Obsecro vos, fratres, per misericórdiam Dei, ut exhibeátis córpora vestra hóstiám vivéntem, sanctám, Deo placéntem, rationábile obséquium vestrum. Et nolíte conformári huic sáculo, sed transformámini renovatióne mentis, ut probétis quid sit volúntas Dei, quid bonum et benéplacens et perféctum.

Diléctio sine simulatióne, odiéntes malum, adhæréntes bono, caritaté fraternitátis ínvicem diligéntes, honóre ínvicem præveniéntes, sollicitúdine non pigri, spírítu fervéntes, Dómino serviéntes, spe gaudéntes, in tribulatióne patientes, oratióni instántes, necessitatibus sanctórum comunicántes, hospitalitátem sectántes. — Verbum Dómini.

## 3

*Corpus vestrum templum est Spiritus Sancti.*

Léctio Epístolæ primæ beáti Pauli apóstoli  
ad Corínthios

6, 13 c-15 a. 17-20

Fratres:

Corpus non fornicatióni, sed Dómino, et Dóminus córpori. Deus vero et Dóminum suscitávit, et nos suscitábit per virtútem suam. Nescítis quóniam córpora vestra membra sunt Christi?

Qui autem adhæret Dómino, unus spírítus est. Fúgite fornicatióne[m]. Omne peccátum quodcúmque fécerit homo, extra corpus est; qui autem fornicátur, in corpus suum peccat.

An nescítis quóniam corpus vestrum templum est Spíritus Sancti, qui in vobis est, quem habétis a Deo, et non estis vestri? Empti enim estis prétio. Glorificáte ergo Deum in córpore vestro.

Verbum Dómini.

4

*Si caritatem non habuero, nihil mihi prodest.*

Léctio Epístolæ primæ beáti Pauli apóstoli  
ad Corínthios

12, 31 — 13, 8 a

Fratres:

Æmulámini charísmata maióra. Et adhuc excellentiorem viam vobis demónstro.

Si linguis hóminum loquar et angelórum, caritátem autem non hábeam, factus sum velut æs sonans aut cýmbalum tinniens.

Et si habúero prophetíam et nóverim mystéria ómnia et omnem sciéntiam, et si habúero omnem fidem, ita ut montes transférám, caritátem autem non habúero, nihil sum.

Et si distribúero in cibos omnes facultátes meas; et si tradídero corpus meum, ut glórier, caritátem autem non habúero, nihil mihi prodest.

Cáritas pátiens est, benígna est cáritas, non æmulá-tur, non agit supérbe, non inflátur, non est ambitiósá, non quærit quæ sua sunt, non irritátur, non cógitat malum, non gaudet super iniquitátem, congáudet autem veritáti; ómnia suffert, ómnia credit, ómnia sperat, ómnia sústinet.

Cáritas numquam éxcidit. — Verbum Dómini.

## 5

\* *Sacramentum hoc magnum est, ego autem dico de Christo et Ecclesia.*

Léctio Epístolæ beáti Pauli apóstoli  
ad Ephésios

5, 2 a. 21-33

**Fratres:**

**Ambuláte in dilectióne, sicut et Christus diléxit nos et trádídít se ipsum pro nobis.**

**Subiécti estóte invicem in timóre Christi. Mulíeres viris suis sicut Dómino; quóniam vir caput est mulieris, sicut et Christus caput est Ecclésiæ, ipse Salvátor córporis. Sed ut Ecclésia subiécta est Christo, ita et mulíeres viris in ómnibus.**

**Viri, dilígite uxóres, sicut et Christus diléxit Ecclésiám, et se ipsum trádídít pro ea, ut illam sanctificáret mundans lavácro aquæ in verbo, ut exhibéret ipse sibi gloriósam Ecclésiám, non habéntem máculam aut rugam aut áliquíd eiúsmodi; sed ut sit sancta et immaculáta.**

**Ita et viri debent dilígere uxóres suas ut córpora sua. Qui suam uxórem dilígít, se ipsum dilígít. Nemo enim umquam carnem suam ódio hábuit, sed nutrit et fovet eam, sicut et Christus Ecclésiám: quia membra sumus córporis eius. Propter hoc relínquet homo patrem et matrem et adhærébit uxóri suæ, « et erunt duo in carne una ».**

**Sacraméntum hoc magnum est, ego autem dico de Christo et Ecclésia. Verúmtamen et vos sínguli, unusquisque suam uxórem sicut se ipsum dilígít; uxor autem tímeat virum. — Verbum Dómini.**



vel brevior

Lectio Epistolae beati Pauli apostoli  
ad Ephésios

5, 2 a. 25-32

Fratres:

Ambuláte in dilectióne, sicut et Christus diléxit nos et trádedit se ipsum pro nobis.

Viri, dilígite uxóres, sicut et Christus diléxit Ecclésiám, et se ipsum trádedit pro ea, ut illam sanctificáret mundans lavácro aquae in verbo, ut exhibéret ipse sibi gloriósam Ecclésiám, non habéntem máculam aut rugam aut áliquid eiúsmodi; sed ut sit sancta et immaculáta.

Ita et viri debent dilígere uxóres suas ut córpora sua. Qui suam uxórem díligit, se ipsum díligit. Nemo enim unquam carnem suam ódio hábuit, sed nutrit et fovet eam, sicut et Christus Ecclésiám; quia membra sumus córporis eius. Propter hoc relínquet homo patrem et matrem et adhærébit uxóri suae, « et erunt duo in carne una ».

Sacraméntum hoc magnum est, ego autem dico de Christo et Ecclésia. — Verbum Dómini.

---

6

*Super omnia caritatem habete, quod est  
vinculum perfectionis.*

Lectio Epistolae beati Pauli apostoli ad Colossenses

3, 12-17

Fratres:

Indúite vos sicut elécti Dei, sancti et dilécti, víscera misericórdiae, benignitátem, humilitátem, mansuetúdinem, paciéntiam, supportántes ínvicem et donántes vobis ipsis,

si quis advérsus áliquem habet querélam: sicut et Dóminus donávit vobis, ita et vos.

Super ómnia autem hæc caritatém, quod est vínculum perfectiónis; et pax Christi dominétur in córdibus vestris ad quam et vocáti estis in uno córpore; et grati estóte.

Verbum Christi hábitet in vobis abundánter, in omni sapiéntia docéntes et commonéntes vosmetipsos psalmis, hymnis, cánticis spiritalibus, in grátia cantántes in córdibus vestris Deo.

Et omne quodcúmque fáctis in verbo aut in ópere, ómnia in Nómine Dómini Iesu, grátias ágéntes Deo Patri per ipsum. — Verbum Dómini.

## 7

*Omnes unanimes, compatiétes,  
fraternitatis amatores.*

Léctio Epístolæ primæ beáti Petri apóstoli 3, 1-9

Caríssimi:

Mulieres súbditæ sint suis viris, ut et si qui non credunt verbo, per mulierum conversatiónem sine verbo lucrifiant; considerántes castam in timóre conversatió-nem vestram. Quarum sit non extrínsecus capillatúre aut circumdatiónis auri aut induménti vestimentórum cultus; sed qui absconditus cordis est homo, in incorruptibilitáte mitis et quiéti spíritus, qui est in conspéc-tu Dei locuples.

Sic enim aliquándo et sanctæ mulieres sperántes in Deo ornábant se, subiéctæ própriis viris, sicut Sarra obediébat Abrahæ, dómimum eum vocans; cuius estis filiæ benefaciétes et non timéntes ullam perturba-tiónem:

Viri similiter cohabitántes secúndum sciéntiam, qua-

si infirmiori vaso muliebri impertiētes honorem, tamquam et coherēdibus grātiae vitæ, uti ne impediāntur oratiōnes vestræ.

In fine autem omnes unānimes, compatiētes, fraternitātis amatōres, misericōrdes, hūmiles; non reddētes malum pro malo, vel maledictum pro maledicto, sed e contrārio benedicētes, quia in hoc vocāti estis, ut benedictiōnem hereditate accipiātis.

Verbum Dómini.

8

*Diligamus in opere et veritate.*

Lectio Epistolæ primæ beāti Ioānnis apóstoli 3, 18-24

Filiioli, non diligamus verbo nec lingua, sed in ópere et veritate. In hoc cognoscemus quóniam ex veritate sumus, et in conspéctu eius placābimus corda nostra. Quóniam, si reprehēderit nos cor, maior est Deus corde nostro et cognóscit ómnia.

Caríssimi, si cor nostrum non reprehēderit nos, fidúciam habémus ad Deum; et quodcúmque petiéri-  
mus accípimus ab eo, quóniam mandáta eius custodí-  
mus, et ea quæ sunt plácita coram eo fácimus.

Et hoc est mandátum eius, ut credámus in Nómine Filii eius Iesu Christi et diligámus altérutrum, sicut dedit mandátum nobis. Et qui servat mandáta eius in ipso manet, et ipse in eo; et in hoc cognóscimus quóniam manet in nobis, ex Spírítu, quem nobis dedit.

Verbum Dómini.

9

*Deus caritas est.*

Lectio Epistolæ primæ beāti Ioānnis apóstoli 4, 7-12

Caríssimi, diligámus invicem, quóniam cáritas ex Deo

est; et omnis qui diligit ex Deo natus est et cognóscit Deum. Qui non diligit non cognóvit Deum, quóniam Deus caritas est. In hoc apparuit caritas Dei in nobis, quóniam Fílium suum unigénitum misit Deus in mundum, ut vivámus per eum.

In hoc est caritas, non quasi nos dilexérimus Deum, sed quóniam ipse diléxit nos et misit Fílium suum propitiatióem pro peccátis nostris.

Caríssimi, si sic Deus diléxit nos, et nos debémus altérutrum diligere. Deum nemo vidit umquam. Si diligámus invicem, Deus in nobis manet, et caritas eius in nobis consummáta est. — Verbum Dómini.

## Evangelium

### 1

Alleluia et Versus ante Evangelium Cf. 1 Io 4, 8 b. 11

(R. Allelúia). γ. Deus caritas est;

diligámus nos invicem, sicut Deus diléxit nos. (R. Allelúia).

*Gaudete et exsultate, quoniam merces vestra  
copiosa est in caelis.*

✠ Lécio sancti Evangélii secúndum Mattháeum

5, 1-12 a

In illo témpore:

Videns Iesus turbas ascéndit in montem, et, cum sedisset, accessérunt ad eum discipuli eius. Et apériens os suum docébat eos dicens:

« Beáti páuperes spírítu, quóniam ipsórum est Regnum caelórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

**Beáti qui esúriunt et sítiunt iustítiam, quóniam ipsi saturabúntur.**

**Beáti misericórdes, quia ipsi misericórdiam consequéntur.**

**Beáti mundo corde, quóniam ipsi Deum vidébunt.**

**Beáti pacífici, quóniam filii Dei vocabúntur.**

**Beáti qui persecutiónem patiúntur propter iustítiam, quóniam ipsórum est Regnum cælórum.**

**Beáti estis, cum maledíxerint vobis et persecúti vos fúerint, et díxerint omne malum advérsus vos, mentiéntes, propter me: gaudéte et exsultáte, quóniam merces vestra copiósa est in cælis ».**

**Verbum Dómini.**

2

Alleluia et Versus ante Evangelium 1 Io 4, 12

(R. Allelúia). **γ. Si diligámus ínvicem,  
Deus in nobis manet,  
et caritas eius in nobis perfécta est.  
(R. Allelúia).**

*Vos estis lux mundi.*

✠ **Léctio sancti Evangélli secúndum Mattháeum**

5, 13-16

**In illo témpore:**

**Dixit Iesus discipulis suis: « Vos estis sal terræ; quod si sal evanúerit, in quo saliétur? Ad níhilum valet ultra, nisi ut mittátur foras et conculcétur ab homínibus.**

**Vos estis lux mundi. Non potest civitas abscondi supra montem pósita, neque accéndunt lucérnam et ponunt eam sub módio, sed super candelábrum, ut luceat ómnibus qui in domo sunt. Sic luceat lux vestra coram homínibus, ut vídeant vestra bona ópera, et gloríficent Patrem vestrum qui in cælis est ».** — Verbum Dómini.

Alleluia et Versus ante Evangelium 1 Io 4, 16

(R. Allelúia). V. Qui manet in caritate, in Deo manet,  
et Deus in eo. (R. Allelúia).

\* *Ædificavit domum suam supra petram.*

✠ Lécio sancti Evangelii secúndum Matthæum  
7, 21. 24-29

In illo témpore:

Dixit Iesus discipulis suis: « Non omnis qui dicit mihi: " Dómine, Dómine " intrábit in Regnum cælórum, sed qui facit voluntátem Patris mei, qui in cælis est.

Omnis ergo qui audit verba mea hæc et facit ea, assimilábitur viro sapiénti, qui ædificávit domum suam supra petram; et descéndit plúvia et venérunt flúmina et flavérunt venti et irruérunt in domum illam, et non cécidit; fundáta enim erat supra petram.

Et omnis qui audit verba mea hæc et non facit ea, símilis erit viro stulto, qui ædificávit domum suam supra arénam; et descéndit plúvia et venérunt flúmina et flavérunt venti et irruérunt in domum illam, et cécidit, et fuit ruína eius magna ».

Et factum est, cum consummáset Iesus verba hæc, admirábantur turbæ super doctrínam eius; erat enim docens eos sicut potestátem habens, et non sicut scribæ eórum. — Verbum Dómini.

vel brevior

✠ Lécio sancti Evangelii secúndum Matthæum  
7, 21. 24-25

Dixit Iesus discipulis suis: « Non omnis qui dicit mihi: " Dómine, Dómine " intrábit in Regnum cæló-

rum, sed qui facit voluntátem Patris mei qui in cælis est.

Omnis ergo qui audit verba mea hæc et facit ea, assimilábitur viro sapiénti, qui ædificávit domum suam supra petram; et descéndit plúvia et venérunt flúmina et flavérunt venti et irruérunt in domum illam, et non cécidit; fundáta enim erat supra petram ».

Verbum Dómini.

4

Alleluia et Versus ante Evangelium 1 Io 4, 7 b

(R. Allelúia). V. Omnis qui diligit ex Deo natus est, et cognóscit Deum. (R. Allelúia).

*Quod Deus coniunxit, homo non separet.*

✠ Lécio sancti Evangélii secúndum Matthæum

In illo témpore:

19, 3-6

Accessérunt ad Iesum pharisæi tentántes eum et dicéntes: « Licet hómini dimítere uxórem suam, quacúmque ex causa? »

Qui respóndens ait: « Non legístis quia qui creávit ab iníto, " másculum et féminam fecit eos, " et dixit: " Propter hoc dimíttet homo patrem et matrem, et adhærébit uxóri suæ, et erunt duo in carne una " ? Itaque iam non sunt duo, sed una caro.

Quod ergo Deus coniúnxit, homo non séparet ».

Verbum Dómini.

5

Alleluia et Versus ante Evangelium Cf. 1 Io 4, 8 b. 11

(R. Allelúia). V. Deus caritas est; diligámus nos invicem, sicut Deus diléxit nos. (R. Allelúia).

*Hoc est magnum et primum mandatum.  
Secundum autem simile est huic.*

✠ Lécio sancti Evangélii secúndum Mattháeum  
22, 35-40

In illo témpore:

Interrogávit Iesum unus ex phariséis Legis doctor tentans eum: « Magíster, quod est mandátum magnum in Lege? »

Ait autem illi: « “ DÍliges Dóminum Deum tuum in toto corde tuo et in tota ánima tua et in tota mente tua ”. Hoc est magnum et primum mandátum.

Secúndum autem símile est huic: “ DÍliges próximum tuum sicut te ipsum ”. In his duóbus mandátis univérsa Lex pendet et prophétæ ».

Verbum Dómini.

## 6

Alleluia et Versus ante Evangelium 1 Io 4, 7 b  
(R. Allelúia). 7. Omnis qui díligit ex Deo natus est,  
et cognóscit Deum. (R. Allelúia).

*Non sunt duo, sed una caro.*

✠ Lécio sancti Evangélii secúndum Marcum 10, 6-9

In illo témpore:

Dixit Iesus: « Ab iníto creatúræ “ másculum et féminam fecit eos. Propter hoc relínquet homo patrem suum et matrem, et adhærébit ad uxórem suam, et erunt duo in carne una. Itaque iam non sunt duo, sed una caro ”.

Quod ergo Deus coniúnxit, homo non séparet ».  
Verbum Dómini.



7

Alleluia et Versus ante Evangelium 1 Io 4, 12

(R. Allelúia). *γ.* Si diligámus invicem,  
Deus in nobis manet,  
et caritas eius in nobis perfecta est.  
(R. Allelúia).

*Hoc fecit initium signorum Iesus  
in Cana Galilææ.*

✠ Lécitio sancti Evangelii secúndum Ioánnem 2, 1-11

In illo témpore:

Núptiæ factæ sunt in Cana Galilææ, et erat mater Iesu ibi. Vocátus est autem et Iesus et discipuli eius ad núptias; et, deficiente vino, dicit mater Iesu ad eum: « Vinum non habent ».

Et dicit ei Iesus: « Quid mihi et tibi, múlter? Nondum venit hora mea ».

Dicit mater eius ministris: « Quodcúmque dixerit vobis, fácite ».

Erant autem ibi lapídeæ hýdriæ sex, pósitæ secúndum purificatióem Iudæórum, capiéntes singulæ metrétas binas vel ternas.

Dicit eis Iesus: « Impléte hýdrias aqua ». Et implevérunt eas usque ad summum.

Et dicit eis: « Hauríte nunc et ferte architriclino ». Illi autem tulérunt.

Ut autem gustávit architriclinus aquam vinum factam, et non sciébat unde esset, ministri autem sciébant qui haurierant aquam, vocat sponsum architriclinus et dicit ei: « Omnis homo primum bonum vinum ponit, et, cum inebriáti fúerint, id quod detérius est; tu servásti bonum vinum usque adhuc ».

Hoc fecit ínítium signórum Iesus in Cana Galilææ; et manifestávit glóriam suam, et credidérunt in eum discípuli eius. — Verbum Dómini.

## 8

Alleluia et Versus ante Evangelium 1 Io 4, 16

(R. Allelúia). V. Qui manet in caritaté, in Deo manet, et Deus in eo. (R. Allelúia).

*Manete in dilectione mea.*

✠ Lécio sancti Evangélii secúndum Ioánnem

In illo témpore:

15, 9-12

Dixit Iesus discíplis suis: « Sicut diléxit me Pater, et ego diléxi vos. Manéte in dilectióne mea. Si præcépta mea servavéritis manébitis in dilectióne mea; sicut ego Patris mei præcépta servávi, et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos ». — Verbum Dómini.

## 9

Alleluia et Versus ante Evangelium Cf. 1 Io 4, 8 b. 11

(R. Allelúia). V. Deus caritas est; diligámus nos ínvicem, sicut Deus diléxit nos. (R. Allelúia).

*Hoc est præcéptum meum,  
ut diligatis ínvicem.*

✠ Lécio sancti Evangélii secúndum Ioánnem

In illo témpore:

15, 12-16

Dixit Iesus discíplis suis: « Hoc est præcéptum meum, ut diligátis ínvicem, sicut diléxi vos. Maiórem

hac dilectionem nemo habet, ut animam suam quis ponat pro amicis suis. Vos amici mei estis, si faciatis quae ego praecipio vobis.

Iam non dico vos servos, quia servus nescit quid facit dominus eius: vos autem dixi amicos, quia omnia, quae audivi a Patre meo, nota feci vobis.

Non vos me elegistis, sed ego elegeri vos et posui vos, ut vos eatis et fructum afferatis et fructus vester maneat, ut, quodcumque petieritis Patrem in Nomine meo, det vobis ». — Verbum Domini.

10

Alleluia et Versus ante Evangelium I Io 4, 12

(R. Alleluia). γ. Si diligamus invicem,  
Deus in nobis manet,  
et caritas eius in nobis perfecta est.  
(R. Alleluia).

\* *Ut sint consummati in unum.*

✠ Lectio sancti Evangelii secundum Ioannem  
17, 20-26

In illo tempore:

Sublevatis Iesus oculis in caelum, oravit dicens: « Pater sancte, non pro his rogo tantum, sed et pro eis qui credituri sunt per verbum eorum in me; ut omnes unum sint, sicut tu, Pater, in me, et ego in te, ut et ipsi in nobis sint, ut mundus credat quia tu me misisti.

Et ego gloriam, quam dedisti mihi, dedi illis, ut sint unum sicut nos unum sumus. Ego in eis, et tu in me, ut sint consummati in unum, ut cognoscat mundus quia tu me misisti et dilexisti eos, sicut me dilexisti.

**Pater, quos dedisti mihi, volo ut, ubi ego sum, et illi sint mecum, ut videant glóriam meam, quam dedisti mihi; quia dilexisti me ante constitutiónem mundi.**

**Pater iuste, et mundus te non cognóvit; ego autem te cognóvi, et hi cognovérunt quia tu me misisti. Et notum feci eis Nomen tuum, et notum fáciam, ut diléctio qua dilexisti me, in ipsis sit, et ego in ipsis ».**

**Verbum Dómini.**

vel brevior

✠ **Léctio sancti Evangélii secúndum Ioánnem**

17, 20-23

**In illo témpore:**

**Sublevátis Iesus óculis in cælum, orávit dicens: « Pater sancte, non pro his rogo tantum, sed et pro eis qui creditúri sunt per verbum eórum in me; ut omnes unum sint, sicut tu, Pater, in me, et ego in te, ut et ipsi in nobis sint, ut mundus credat quia tu me misisti.**

**Et ego glóriam, quam dedisti mihi, dedi illis, ut sint unum sicut nos unum sumus. Ego in eis, et tu in me, ut sint consummáti in unum, ut cognóscat mundus quia tu me misisti et dilexisti eos, sicut me dilexisti ».** — **Verbum Dómini.**

## 2. IN ANNIVERSARIIS MATRIMONII

In anniversariis Matrimonii, præsertim vero in XXV et L anniversario, dici potest, quando permittuntur Missæ pro variis necessitatibus, Missa pro gratiis Deo reddendis, p. 1520, cum orationibus quæ infra ponuntur.

Eadem orationes adhiberi possunt, pro opportunitate, etiam in Missa de feria «per annum».

### A. In anniversario

#### Collecta

Deus, creátor ómnium,  
qui virum et féminam in princípio condidísti,  
ut vínculum constitúerent coniugále,  
uniónem famulórum tuórum **N.** et **N.** bénedic et confírma,  
ut coniunctiónis Christi cum Ecclésia imáginem  
semper perfectiórem exhibeant.  
Per Dóminum.

#### Super oblata

Deus, qui ex látere Christi  
sánguinem et aquam manáre fecísti  
ad humánæ regeneratiónis significánda mystéria,  
múnera nostra in gratiárum actiónem  
pro fámulis tuis **N.** et **N.** dignáre suscípere,  
et eórum coniúgium tuis donis ómnibus munerári.  
Per Christum.

#### Post communionem

Supérno cibo potúque reféctis, Dómine,  
his fámulis tuis in gáudio et caritáte corda diláta,  
ut sit eórum domus sedes honestátis et pacis,  
et ómnibus ad consolatiónes páteat caritátis.  
Per Christum.

**B. In XXV anniversario****Collecta**

Dómine, qui hos fámulos tuos **N.** et **N.**  
 indissolúbili matrimónii nexu coniunxísti,  
 et animórum communióne  
 dignátus es inter labóres et gáudia sustentáre,  
 eórum, quæsumus, auge et purifica caritátem,  
 ut mútua (cum prole sua) sanctificatióne læténtur.  
 Per Dóminum.

**Super oblata**

Hæc múnera, Deus, in gratiárum actiónem  
 pro fámulis **N.** et **N.** dignánte assúme,  
 ut exínde pacem et gáudium abundánte exháuriant.  
 Per Christum.

**Post communionem**

Deus, qui ad mensam familiæ tuæ hos cóniuges **N.** et **N.**  
 (cum líberis et amícis) propítius admisísti,  
 da eis fórtiter et aláriter  
 in mútuam communióne sic prógredi,  
 ut usque ad cæléste convívium,  
 tuo múnere, coniungántur.  
 Per Christum.

**C. In L anniversario****Collecta**

Deus Pater omnípotens,  
 hos cóniuges **N.** et **N.** cleménte aspicias,  
 (cum sóbole sua, quam ad vitam fidémque genuérunt)  
 pro bonis longævæ conversatióne opéribus,  
 et eórum fructíferam bédic senectútem,

sicut eórum caritátis primítias  
sacraménto mirábili confirmásti.  
Per Dóminum.

**Super oblata**

Hæc múnera, Deus, in gratiárum actiónem  
pro fámulis tuis **N.** et **N.** dignánte assúme,  
qui tot annos una simul fide sincéra vixérunt,  
et ómnia bona unitátis et pacis a tua póstulant largitáte.  
Per Christum.

**Post communionem**

Mensæ tuæ pasti delíciis, te, Dómine, deprecámur,  
ut hos cóniuges **N.** et **N.** in sancta senectúte custódias,  
donec ambos, plenos diérum,  
ad tuum admíttas cæléste convívium.  
Per Christum.

## V. IN BENEDICTIONE ABBATIS ET ABBATISSÆ

Hæc Missa dici potest, cum colore albo, extra dominicas Adventus, Quadragesimæ et Paschæ, et extra sollemnitates atque ferias IV Cinerum et totius Hebdomadæ sanctæ.

Ant. ad introitum

Io 15, 16

Non vos me elegistis; sed ego elégi vos et pósui vos,  
ut eátis et fructum afferátis,  
et fructus vester máneat, dicit Dóminus.

Vel:

Col 3, 14-15

Super ómnia caritátem habéte,  
quod est vínculum perfectiónis;  
et pax Christi exsúltet in córdibus vestris.

Collecta

Concéde, quæsumus, Dómine, fámulo tuo N.,  
quem huius communitátis N. abbátem elegisti,  
ut factis et doctrína ad ea quæ recta sunt  
fratrum suorum ánimos ínstruat,  
quátenuis ætérnæ remuneratiónis mercédem  
a te, Pastóre piíssimo,  
una cum ipsis lætus percípiat.  
Per Dóminum.

Lectiones ut infra, pp. 1227-1234

Super oblata

Súscipe, quæsumus, Dómine,  
múnera famulórum tuórum et præsta,  
ut, seípsos in spiritálem hóstiam offeréntes,  
vera humilitáte, obcædiéntia et pace  
iúgiter repleántur.  
Per Christum.



Ant. ad communionem

Mt 20, 28

**Filius hóminis non venit ministrári, sed ministráre,  
et dare ánimam suam redemptionem pro multis.**

Vel:

**Ubi caritas est vera, Deus ibi est.  
Congregávit nos in unum Christi amor.**

Post communionem

**Famíliam tuam, Dómine, respice propítius,  
et nos, qui mystérium fidei celebrávimus,  
fac per sémitas Evangéllii indesinénter cúrre,  
in ómnibus te glorificántes.  
Per Christum.**

---

Lectio prima  
extra tempus paschale

## 1

*Inclina cor tuum ad cognoscendam prudentiam.*

Lectio libri Proverbiórum

2, 1-9

**Fili mi, si suscepéris sermónes meos, et mandáta  
mea absconderis penes te, ut áudiat sapiéntiam auris  
tua, inclína cor tuum ad cognoscéndam prudentiam.**

**Si enim sapiéntiam invocáveris, et inclináveris cor  
tuum prudentiæ, si quæsieris eam quasi pecúniám, et sic  
ut thesáuros effóderis illam, tunc intélleges timórem Dó-  
mini, et sciéntiam Dei invénies; quia Dóminus dat sa-  
piéntiam, et ex ore eius prudentia et sciéntia.**

**Custódiét rectórum salútem, et próteget gradiétes**

simpliciter, servans sémitas iustítiæ, et vias sanctorum custódiens.

Tunc intélleges iustítiam et iudícium, et æquitátem et omnem sémitam bonam.

Verbum Dómini.

### Psalmus responsorius

Ps 1, 1-2. 3. 4 et 6 (R.: Ps 39, 5 a)

R. Beátus vir qui pósuit Dóminum spem suam.

- 1 Beátus vir qui non ábiit in consílio impiórum,  
et in via peccatórum non stetit,  
et in convéntu derisórum non sedit;  
2 sed in lege Dómini volúntas eius,  
et in lege eius meditátur die ac nocte. R.

- 3 Et erit tamquam lignum  
plantátum secus decúrsus aquárum,  
quod fructum suum dabit in témpore suo;  
et fólium eius non défluet,  
et ómnia quæcúmque fáciat prosperabúntur. R.

- 4 Non sic ípii, non sic,  
sed tamquam pulvis quem próicit ventus.  
6 Quóniam novit Dóminus viam iustórum,  
et iter impiórum períbit. R.

## 2

*Viam sapientiæ monstrabo tibi.*

Léctio libri Proverbiórum

4, 7-13

Principium sapiéntiæ, pósse sapiéntiam, et in omni possessióne tua acquiré prudéntiam. Arripi illam, et

exaltábit te, glori ficáberis ab ea, cum eam fúeris amplexátus; dabit cápiti tuo augménta gratiárum, et córona ínclita próteget te.

Audi, fili mi, et súscipe verba mea, ut multiplicén-tur tibi anni vitæ; viam sapiéntiæ monstrábo tibi; du-cam te per sémitas æquitátis, quas cum ingrédus fúe-ris, non artabúntur gressus tui, et currens non habébis offendículum.

Tene disciplínam, ne dimíttas eam; custódi illam, quia ipsa est vita tua. — Verbum Dómini.

### Psalmus responsorius

Ps 91, 2-3. 5-6. 13-14. 15-16 (R.: cf. 2 a)

R. Bonum est confitéri tibi, Dómine.

<sup>2</sup> Bonum est confitéri Dómino,  
et psállere nómini tuo, Altíssime,  
<sup>3</sup> annuntiáre mane misericórdiam tuam,  
et veritátem tuam per noctem. R.

<sup>5</sup> Quia delectásti me, Dómine, in factúra tua,  
et in opéribus mánuum tuárum exultábo.

<sup>6</sup> Quam magnificáta sunt ópera tua, Dómine:  
nimis profúndæ factæ sunt cogitatiónes tuæ. R.

<sup>13</sup> Iustus ut palma florébit,  
sicut cedrus Líbani succrésct.

<sup>14</sup> Plantáti in domo Dómini,  
in átriis Dei nostri florébunt. R.

<sup>15</sup> Adhuc fructus dabunt in senécta,  
úberes et bene viréntes erunt,

<sup>16</sup> ut annúntient quóniam rectus Dóminus,  
refúgium meum, et non est iníquitas in eo. R.

Tempore paschali, lectio prima Act 2, 42-47, ut infra, p. 1258.  
Psalmus responsorius cum R. Filii, audíte me: timórem Dómini  
docébo vos vel Allelúia, ut supra, p. 1204.

## Lectio secunda

## 1

*Solliciti servare unitatem spiritus in vinculo pacis.*

Lectio Epistolæ beati Pauli apostoli ad Ephésios

4, 1-6

Fratres:

Obsecro vos, ego vinctus in Dómino, ut digne ambulétis vocatióne qua vocáti estis, cum omni humilitate et mansuetúdine, cum longanimitate supportántes ínicem in caritate; solliciti servare unitatem spiritus in vínculo pacis.

Unum corpus et unus Spíritus, sicut et vocáti estis in una spe vocatiónis vestræ; unus Dóminus, una fides, unum baptisma; unus Deus et Pater ómnium, qui super omnes et per ómnia et in ómnibus.

Verbum Dómini.

## 2

*Caritatem habete, quod est vinculum perfectionis.*

Lectio Epistolæ beati Pauli apostoli ad Colossénses

3, 12-17

Fratres:

Indúite vos sicut elécti Dei, sancti et dilécti, víscera misericórdiæ, benignitatem, humilitatem, mansuetudinem, patientiam, supportántes ínicem et donántes vobis ípsis, si quis advérsus aliquem habet querélam: sicut et Dóminus donávit vobis, ita et vos.

Super ómnia autem hæc caritátem, quod est vñ-  
culum perfectiónis; et pax Christi dominétur in córdi-  
bus vestris, ad quam et vocáti estis in uno córpore, et  
grati estóte.

Verbum Christi hábitet in vobis abundánte, in  
omni sapiéntia docétes et commonétes vosmetípsos  
psalmis, hymnis, cánticis spiritalibus, in grátia cantátes  
in córdibus vestris Deo.

Et omne quodcúmque fácitis in verbo aut in ópere,  
ómnia in Nómine Dómini Iesu, grátias agétes Deo  
Patri per ipsum. — Verbum Dómini.

## 3

*Obcédite præpositis vestris. Orate pro nobis.*

Léctio Epístolæ ad Hebræos

13, 1-2. 7-8. 17-18

Fratres:

Cáritas fraternitátis máneat. Hospitalitátem nolíte  
oblivísci; per hanc enim quidam nesciéntes hospítio  
recepérunt ángelos.

Mementóte præpositórum vestrórum, qui vobis lo-  
cúti sunt verbum Dei; quorum intuéntes éxitum conver-  
satiónis, imitámini fidem. Iesus Christus heri et hódie  
idem, et in sécula.

Obcédite præpósitis vestris et subiacéte eis; ipsi  
enim pervigilant pro animábus vestris quasi ratiónem  
redditúri; ut cum gáudio hoc fáciant et non gemétes;  
hoc enim non expédit vobis.

Oráte pro nobis; confídimus quia bonam conscién-  
tiam habémus, in ómnibus bene volétes conversári.

Verbum Dómini.

*Formæ facti gregis.*

Lectio Epistolæ primæ beāti Petri apóstoli 5, 1-4

Caríssimi:

Seniôres, qui in vobis sunt, óbsecro consénior et testis Christi passiónum, qui et eius, quæ in futúro revelánda est, glóriæ comunicátor: páscite qui est in vobis gregem Dei, providéntes non coácto, sed spontáneæ secúndum Deum; neque turpis lucrí grátia, sed voluntárie; neque ut dominántes in cleris, sed formæ facti gregis.

Et, cum apparúerit Princeps pastórum, percipiétis immarcescibilem glóriæ coronam.

Verbum Dómini.

## Evangelium

## 1

Alleluia et Versus ante Evangelium Mt 23, 9 a. 10 b

(R. Allelúia). *γ.* Unus est Pater vester, qui in cælis est; et magister vester unus est, Christus.

(R. Allelúia).

*Qui maior est vestrum erit minister vester.*

✠ Lectio sancti Evangelíi secúndum Matthæum

23, 8-12

In illo témpore:

Dixit Iesus discíplis suis: « Nólite vocári Rabbi; unus enim est magister vester, omnes autem vos fra-

tres estis. Et patrem nolíte vocáre vobis super terram; unus enim es: Pater vester, cæléstis. Nec vocémini magístri; quia magíster vester unus est, Christus.

Qui maior est vestrum erit miníster vester. Qui autem se exaltáverit humiliábitur, et qui se humiliáverit exaltábitur ». — Verbum Dómini.

## 2

Alleluia et Versus ante Evangelium Col 3, 15

(R. Allelúia). *γ.* Pax Christi exsúttet in córdibus vestris, in qua et vocáti estis in uno córpore.

(R. Allelúia).

*Constituét eum Dominus super familiam suam.*

✠ Lécitio sancti Evangéllii secúndum Lucam 12, 35-44

In illo témpore:

Dixit Iesus discíplis suis: « Sint lumbi vestri præcíncti, et lucérnæ ardéntes, et vos símiles homínibus exspectántibus dóminum suum, quando revertátur a núptiis; ut, cum vénerit et pulsáverit, conféstim apérianí ei.

Beáti servi illi, quos, cum vénerit dóminus, invénerit vigilántes; amen dico vobis, quod præcínget se, et fáciét illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt illi.

Hoc autem scitóte, quia si sciret pater familias qua hora fur veníret, non síneret perfodíri domum suam. Et vos estóte paráti, quia, qua hora non putátis, Fílius hóminis venít ».

Ait autem Petrus: « Dómine, ad nos dicis hanc parábolam, an et ad omnes? »

Et cixit Dóminus: « Quis, putas, est fidélis dispen-sátor et prudens, quem constituet dóminus super famí-liam suam, ut det illis in témpore trítici mensúram? Beátus ille servus, quem, cum vénerit dóminus eius invénerit ita faciéntem. Vere dico vobis: Supra ómnia quæ póssidet constituet illum ». — Verbum Dómini.

## 3

Alleluia et Versus ante Evangelium Col 3, 15

(*ꝛ.* Allelúia). *ꝥ.* Pax Christi exsúttet in córdibus vestris, in qua et vocáti estis in uno córpore.  
(*ꝛ.* Allelúia).

*Ego in medio vestrum sum  
sicut qui ministrat.*

✠ Lécio sancti Evangélii secúndum Lucam 22, 24-27

In illo témpore:

Facta est conténtio inter discípulos, quis eórum vi-derétur esse maior.

Iesus autem dixit eis: « Reges géntium dominántur eórum, et qui potestátem habent super eos " benéfici " vocántur. Vos autem non sic; sed qui maior est in vo-bis fiat sicut iúnior, et qui præcëssor est, sicut mi-nistrátor.

Nam quis maior est, qui recúmbit an qui minístrat? nonne qui recúmbit? Ego autem in médio vestrum sum sicut qui minístrat ». — Verbum Dómini.



## VI. IN CONSECRATIONE VIRGINUM

Hæc Missa dici potest, cum colore albo, extra dominicas Adventus, Quadragesimæ et Paschæ, et extra sollemnitates atque ferias IV Cinerum et totius Hebdomadæ sanctæ.

Ant. ad introitum

Ps 104, 4-5

**Quærite Dóminum et confirmámini,  
quærite fáciem eius semper.  
Mementóte mirábilium eius quæ fecit.**

Collecta

**Da, quæsumus, Dómine,  
his famulábus tuis,  
quibus virginále infudísti propósitum,  
inchoáti óperis consummátum efféctum,  
et, ut perféctam tibi ófferant plenitúdinem,  
inítia sua perdúcere mereántur ad finem.  
Per Dóminum.**

Lectiones ut infra, pp. 1248-1283.

Super oblata

**Oblátis hóstiis, quæsumus, Dómine,  
his famulábus tuis  
perseverántiam suscépti propósi  
benígnus accómmoda,  
ut, apértis iánuis, summi Regis advéntu,  
regnum cæléste cum lætítia mereántur intráre.  
Per Christum.**

In Precibus eucharisticis, virginum consecratio secundum has formulas opportune commemoratur:

a) in Prece eucharistica I, dicitur **Hanc igitur** proprium:

**Hanc igitur oblatiónem servitútis nostræ,  
sed et famulárum tuárum,**

quam tibi in die eárum consecrationis offerimus,  
 quæsumus, Dómine,  
 placátus áccipe et propitiátus sanctífica;  
 ut quæ, te largiénte,  
 árcius se hódie Filio tuo sociárunt,  
 eidem in fine témporum glorióse adveniénti  
 iucundánte occurrant.

(Per Christum Dóminum nostrum. Amen.)

b) in intercessionibus Precis eucharisticæ II, post verba univérso clero additur:

Recordáre quoque, Dómine, istárum sorórum,  
 quas spiritali unctióne hódie sacrásti;  
 ut, caritátis et fidei accénsis lampádibus,  
 tibi et pópulo tuo constánter deserviánt,  
 Christi Sponsi exspectántes advéntum.  
 Meménto etiam ...

c) in intercessionibus Precis eucharisticæ III, post verba pópulo acquisitionis tuæ additur:

Confortáre quoque, Dómine,  
 in sancto propósito dignéris  
 has fámulas tuas,  
 quæ pia devotióne Christum tuum student sectári,  
 evangélicæ vitæ atque fraternæ dilectionis  
 testimónium præbéntes.  
 Votis huius famíliæ ...

d) in intercessionibus Precis eucharisticæ IV, mentio virginum sacratarum inseri potest hoc modo:

... sed et totíus cleri,  
 et istárum sorórum,  
 quas hódie divíno cúltoi  
 et hómínium servítio perpétuo dicásti,  
 et offeréntium,  
 et circumstántium ...

Ant. ad communionem

Ps 41, 2

**Quemádmódum desiderat cervus ad fontes aquárum,  
ita desiderat ánima mea ad te, Deus.**

Post communionem

**Repléti, Dómine, munéribus sacris,  
súpplices deprecámur,  
ut famulárum tuárum N. et N. conversátio  
et humanæ societátis proféctui constánter fávest,  
et ad Ecclesiæ increméntum indesinénter proficiat.  
Per Christum.**

Benedictio in fine Missæ

**Omnípotens Pater  
beátæ virginitátis propósitum,  
quod pectóribus vestris infúdit,  
sua protectióne inviolátum custódiat.  
R. Amen.**

**Dóminus Iesus,  
qui sacrárum víginum corda  
sponsáli sibi fóedere iungit,  
mentes vestras divíni séminis verbo fecúndet.  
R. Amen.**

**Spíritus Sanctus,  
qui supervénit in Víginem  
quique corda vestra hódie suo sacrávit illápsu,  
ad Dei Ecclesiæque servítium vos veheménter accéndat.  
R. Amen.**

**Et vos omnes, qui his sacris adéstis,  
benedícat omnípotens Deus,  
Pater, et Fílius, ✠ et Spíritus Sanctus.  
R. Amen.**

## VII. IN PROFESSIONE RELIGIOSA

Hæ Missæ dici possunt, cum colore albo, extra dominicas Adventus, Quadragesimæ et Paschæ, et extra sollemnitates atque ferias IV Cinerum et totius Hebdomadæ sanctæ.

### 1. IN DIE PRIMÆ PROFESSIONIS RELIGIOSÆ

Ant. ad introitum

Ps 39, 8-9

**Ecce vénio, Dómine,  
fácere voluntátem tuam.  
Deus meus, vólui,  
et lex tua in præcórdiis meis.**

Collecta

**Concéde, quæsumus, Dómine,  
his frátribus nostris,  
quibus Christum præssius sectánda  
propósitum inspirásti,  
incépti itíneris felicem éxitum,  
ut perféctum devotiónis munus  
tibi mereántur offérre.  
Per Dóminum.**

Lectiones ut infra, pp. 1248-1283.

Super oblata

**Súscipe, Dómine, quæsumus,  
oblatiónes et preces,  
quas tibi offérimus  
celebrántes professionis religiósæ primórdia,  
et præsta, ut famulórum tuórum primitiæ,  
tua fovénte grátia,  
in fructus ubérrimos convertántur.  
Per Christum.**

Præfatio propria, p. 1240.

Ant. ad communionem

Mc 3, 35

Qui fécerit voluntátem Dei,  
hic frater meus et soror mea et mater est.

Post communionem

Lætificent nos, Dómine, sumpta mystéria  
et præsta ut, eórum virtúte, hi fámuli tui  
inchoáta religiónis múnera fidéliter adimpleant  
et líberam tibi exhibeant servitútem. Per Christum.

## 2. IN DIE PROFESSIONIS PERPETUÆ

### A

Ant. ad introitum

Ps 121, 1-2

Lætátus sum in his quæ dicta sunt mihi:  
in domum Dómini íbimus.  
Stantes erant pedes nostri in átriis tuis, Ierúsalem.

Collecta

Deus, qui in his fámulis tuis baptísmatis grátiam  
tanta voluísti frondére virtúte,  
ut Filii tui vestigia préssius sequi conténderent,  
concede, ut ipsi,  
evangélicam perfectiόνem iúgiter sectántes,  
Ecclésiæ sanctitátem adáugeant  
eiúsque apostólicum confirment vigórem. Per Dóminum.

Lectiones ut infra, pp. 1248-1283.

Super oblata

Servórum tuórum, Dómine,  
múnera et vota benígnus assúme,  
et evangélica profiténtes consília  
tua caritáte confírma. Per Christum.

**Præfatio: De vita religiosa  
ut servitium Dei per Christi imitationem.**

**Ꝁ. Dóminus vobíscum.**

**Ꝥ. Et cum spírítu tuo.**

**Ꝁ. Sursum corda.**

**Ꝥ. Habémus ad Dóminum.**

**Ꝁ. Grátias agámus Dómino Deo nostro.**

**Ꝥ. Dignum et iustum est.**

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnipotens ætérne Deus:  
per Christum Dóminum nostrum.

Qui, de radíce Vírginis flos illibátus egréssus,  
mundos corde dixit beátos  
suáque conversatióne dócuit castitátis fastígium.  
Qui tuis semper beneplácitis optávit hærere,  
et, usque ad mortem pro nobis factus obcédiens,  
hóstiam se tibi vóluit perféctæ suavitátis offérre.  
Qui ómnia propter te relinquéntes in terris  
ad servítium tuæ maiestátis dicávit impénsius  
et cælórum confirmávit inventúros esse thesáurum.  
Et ídeo, cum Angelórum atque Sanctórum turba,  
hymnum laudis tibi cánimus, sine fine dicéntes:  
Sanctus, Sanctus, Sanctus Dóminus Deus Sábaoth ...

**In Precibus eucharisticis, professorum vel professorum oblatio secundum has formulas opportune commemoratur:**

**I. Pro viris**

**a) in Prece eucharistica I dicitur Hanc igitur proprium:**

Hanc igitur oblatiónem servitútis nostræ,  
sed et famulórum tuórum,  
quam tibi in die eórum professionis offérimus,

**quæsumus, Dómine,  
placátus áccipe et propitiátus sanctífica;  
ut qui, te largiénte,  
hódie vitam suam tibi dicárunt,  
in Fílii tui glorióso advéntu  
ætérnæ Paschæ gáudio  
mereántur admítte.  
(Per Christum Dóminum nostrum. Amen.)**

b) in intercessionibus Precis eucharisticæ II, post verba **univérso clero** additur:

**Recordáre quoque, Dómine, istórum fratrum,  
qui hódie se tibi dicárunt perpétuo servítio,  
et concéde, ut ad te semper corda mentésque érigant  
noménque tuum gloríficent.  
Meménto étiam ...**

c) in intercessionibus Precis eucharisticæ III, post verba **pópulo acquisitionis tuæ** additur:

**Confortáre quoque in sancto propósito dignéris  
hos fámulos tuos,  
qui hódie sacris religiónis vínculis  
perpétuo tibi se devinxérunt,  
et fac, ut in Ecclésia tua  
novam et ætérnam vitam maniféstent,  
Christi redemptióne comparátam.  
Votis huius famíliæ ...**

d) in intercessionibus Precis eucharisticæ IV, mentio professorum inseri potest hoc modo:

**... sed et totíus cleri,  
et istórum fratrum, qui professione perpétua  
hódie tibi árctius consecrántur,  
et offeréntium,  
et circumstántium ...**

## II. Pro mulieribus

a) in Prece eucharistica I dicitur Hanc igitur proprium:

**Hanc igitur oblationem servitutis nostræ,  
sed et famularum tuarum,  
quam tibi in die earum professionis offerimus,  
quæsumus, Dómine,  
placatus accipe et propitiatus sanctifica;  
ut quæ, te largiente,  
arctius se hódie Fílio tuo sociarunt,  
eídem in fine témporum glorióse adveniénti  
iucundánte occurrant.**

(Per Christum Dóminum nostrum. Amen.)

b) in intercessionibus Precis eucharisticæ II, post verba univérso clero additur:

**Recordáre quoque, Dómine, istárum sorórum,  
quæ ómnia propter te reliquérunt,  
ut te in ómnibus invenírent  
et, sui oblítæ, cunctórum prospícerent necessitatibus.  
Meménto étiam ...**

c) in intercessionibus Precis eucharisticæ III, post verba pópulo acquisitionis tuæ additur:

**Confortáre quoque in sancto propósito dignéris  
has famulas tuas,  
quæ pia devotióne Christum tuum student sectári,  
evangélicæ vitæ atque fratérnæ dilectiónis  
testimónium præbéntes.  
Votis huius famíliæ ...**

d) in intercessionibus Precis eucharisticæ IV, mentio professorum inseri potest hoc modo:

**... sed et totius cleri  
et istárum sorórum, quæ sacro religiónis pignore  
hódie tibi perpétuo se consecrârunt,  
et offeréntium, et circumstántium ...**



Ant. ad communionem

Gal 2, 19-20

Christo confixus sum cruci.  
Vivo autem, iam non ego:  
vivit vero in me Christus.

Post communionem

Divinis mystériis veneránter assúptis,  
te, Dómine, súpplīces deprecámur,  
ut hos fámulos tuos,  
sacra tibi oblatióne devíntos,  
et Sancti Spíritus igne succéndas  
et Fílio tuo perénni iungas consórtio.  
Qui tecum.

Benedictio in fine Missæ

Deus, bonárum inspirátor voluntátum,  
vestra fóveat consília cordáque róbores,  
ut, quæ promisístis, perseveránti servétis fide.

R. Amen.

Ipse concédatur vobis,  
ut arctam viam, quam elegístis,  
in gáudio Christi percurrátis,  
ónera fratrum cum exsultatióne portántes.

R. Amen.

Cáritas Dei ex vobis famíliam efficiat  
in nómine Dómini congregátam,  
quæ Christi amóris reddat imáginem.

R. Amen.

Et vos omnes, qui his sacris adéstis,  
benedícat omnípotens Deus,  
Pater, et Fílius, ✠ et Spíritus Sanctus.

R. Amen.

**B**

Ant. ad introitum

Ps 65, 13-14

**Introibo in domum tuam in holocáustis,  
reddam tibi vota mea, quæ distinxérunt lábia mea.**

Collecta

**Dómine, sancte Pater,  
servórum tuórum N. et N.  
propósitum confirma benignus,  
et fac ut baptismatis grátia,  
quam novis cúpiunt néxibus roborári,  
plenum in eis sumat efféctum,  
quo tuæ maiestáti débitum cultum retribuunt,  
et Christi regnum apostólico dilátent ardóre.  
Per Dóminum.**

Lectiones ut infra, pp. 1248-1283.

Super oblata

**Oblatiónes famulórum tuórum,  
Dómine, cleménter assúme,  
eásque in sacraméntum redemptionis convérte,  
et, quos ad Fílium tuum préssius imitándum  
patérna voluísti dispensatióne vocáre,  
Sancti Spíritus reple munéribus.  
Per Christum.**

Præfatio et intercessionés propriæ, pp. 1240-1242.

Ant. ad communionem

Ps 33, 9

**Gustáte et vidéte quóniam suávis est Dóminus;  
beátus vir, qui sperat in eo.**

Post communionem

**Lætíficet nos, Dómine,  
confirmáti propósi hodiérna sollémnitas**

ac divini sacraménti veneránda percéptio,  
et concéde propítius,  
ut geminátum devotiónis munus  
famulórum tuórum péctora  
in Ecclésiæ hominúmque servítium  
veheménti caritaté compéllat.  
Per Christum.

Benedictio in fine Missæ

Deus, sancti consilii inspirátor et efféctor,  
sua vos constánter tueátur grátia,  
ut vestræ vocatiónis múnera  
fidéli ánimo persolvátis.

℟. Amen.

Ipsé divínæ vos fáciat caritátis  
apud omnes gentes testimónium et signum.

℟. Amen.

Et víncula, quibus Christo  
vos néxuit in terris,  
in cælis benígnus perénnet.

℟. Amen.

Et vos omnes, qui his sacris adéstis,  
benedícat omnípotens Deus,  
Pater, et Fílius, ✠ et Spíritus Sanctus.

℟. Amen.

### 3. IN DIE RENOVATIONIS VOTORUM

Antiphonæ ad introitum et ad communionem sumuntur, pro opportunitate, ab una e Missis præcedentibus, pp. 1238-1244.

#### Collecta

**Deus, rerum ordinátor hominúmque rector,  
réspice super hos filios tuos,  
qui oblatiónem sui cúpiunt confirmáre,  
et præsta, ut, in dies,  
Ecclésiæ mystério árcitius coniungántur,  
et humanæ familiæ bono devoveántur impénsius.  
Per Dóminum.**

Lectioes ut infra, pp. 1248-1283.

#### Super oblata

**Pópuli tui, quæsumus, Dómine,  
múnera propítius intuére,  
quæ hi fratres nostri  
castitátis, paupertátis, obcediéntiæ  
renováta augent oblatióne,  
et temporália dona in sacraméntum æternitátis convérte,  
et offeréntium mentes ad Fílii tui confórma imáginem.  
Per Christum.**

Præfatio propria, p. 1240.

#### Post communionem

**Sumptis, Dómine, cæléstibus sacraméntis,  
súpplices te rogámus, ut hi fámuli tui,  
qui, supérna grátia tantum confísi,  
árdua renovárunt propósita,  
Christi virtúte roboréntur  
et Sancti Spíritus muniántur præsidio.  
Per Christum.**

#### 4. IN XXV VEL L ANNIVERSARIO PROFESSIONIS RELIGIOSÆ

Antiphonæ ad introitum et ad communionem sumuntur, pro  
opportunitate, ab una e Missis præcedentibus, pp. 1238-1244.

##### Collecta

Dómine, Deus fidélis,  
da nobis, quæsumus, grátias tibi reférre  
pro tua erga fratrem nostrum **N.** benignitáte,  
qui accéptum a te donum hódie renováre conténdit;  
róbora in eo spíritum perféctæ caritátis,  
ut glóriæ tuæ et óperí salutis  
in dies váleat fervéntius inservíre.  
Per Dóminum.

Lectiones ut infra, pp. 1248-1283.

##### Super oblata



Súscipe, Dómine, una cum munéribus oblatiónem sui,  
quam hódie frater noster **N.** confirmáre desíderat,  
et per virtútem Sancti Spíritus  
imáginí dilécti Fílii tui  
ámplius eum conformáre dignéris. Qui vivit.

Præfatio propria, p. 1240.

##### Post communionem

Súmpsimus, Dómine, Corpus et Sánguinem Fílii tui,  
quæ in iucúnda celebratióne  
huius anniversárii contulísti;  
concéde, quæsumus, ut frater noster **N.**,  
cælésti pane potúque reféctus,  
incépti itíneris ad te ducéntis  
felícem progréssum obtíneat. Per Christum.

## Lectio prima extra tempus paschale

## 1

*Egredere de terra tua et de cognatione tua,  
et veni.*

Lectio libri Génesis

12, 1-4 a

In diébus illis:

Dixit Dóminus ad Abram: « Egrédere de terra tua et de cognatione tua et de domo patris tui, et veni in terram, quam monstrábo tibi. Faciámque te in gentem magnam, et benedicám tibi, et magnificábo nomen tuum, erisque benedíctus. Benedicám benedicéntibus tibi, et maledicám maledicéntibus tibi, atque in te benedicéntur univérsæ cognationes terræ ».

Egréssus est <sup>um</sup> Abram, sicut præcéperat ei Dóminus. — Verbum Dómini.

## Psalmus responsorius

Ps 39, 2 et 4 ab. 7-8 a. 8 b-9. 10. 12 (R.: 8 a et 9 a)

R.: Ecce vénio, Dómine, fácere voluntátem tuam.

<sup>2</sup> Exspéctans exspectávi Dóminum,  
et inténdit mihi.

<sup>4</sup> Et immísit in os meum cánticum novum,  
carmen Deo nostro. R.

<sup>7</sup> Sacrificium et oblationem noluísti,  
aures autem fodísti mihi.

Holocáustum et pro peccáto non postulásti,  
<sup>9</sup> tunc dixi: « Ecce vénio. R.

In volúmine libri scriptum est de me  
<sup>9</sup> fácere voluntátem tuam.

Deus meus, vólui,  
et lex tua in præcórdiis meis ». R.

**Annuntiávi iustítiam tuam in ecclésia magna;  
 ecce lábia mea non prohibébo, Dómine, tu scisti. R.  
 Tu autem, Dómine, ne prohibeas miseratiónes tuas a me;  
 misericórdia tua et véritas tua semper suscípant me. R.**

## 2

*Loquere, Domine, quia audit servus tuus.*

**Léctio libri primi Samuélis** 3, 1-10

**In diébus illis:**

Puer Sámuel ministrábat Dómino coram Heli, et sermo Dómini erat pretiósus in diébus illis: non erat visio manífesta. Factum est ergo, in die quadam, Heli iacébat in loco suo, et óculi eius caligáverant, nec póterat vidére. Lucérna Dei ántequam exstinguerétur, Sámuel dormiébat in templo Dómini, ubi erat arca Dei.

Et vocávit Dóminus Sámuel, qui respóndens ait: « Ecce ego ». Et cucúrrit ad Heli et dixit: « Ecce ego, vocásti enim me ».

Qui dixit: « Non vocávi: revértere et dormi ». Et ábiit et dormívit. Et adiécit Dóminus rursum vocáre Samuélem.

Consurgénsque Sámuel ábiit ad Heli, et dixit: « Ecce ego, quia vocásti me ».

Qui respóndit: « Non vocávi te, fili mi: revértere et dormi ». Porro Sámuel necdum sciébat Dóminum, neque revelátus fúerat ei sermo Dómini.

Et adiécit Dóminus, et vocávit adhuc Samuélem tértio, qui consúrgens ábiit ad Heli et ait: « Ecce ego, quia vocásti me ».

Intelléxit ergo Heli quia Dóminus vocáret púerum, et ait ad Samuélem: « Vade et dormi, et, si deinceps vocáverit te, dices: " Lóquere, Dómine, quia audit servus tuus " ». Abiit ergo Sámuel et dormívit in loco suo.

Et venit Dóminus et stetit, et vocávit sicut vocáverat secúndo: « Sámuel, Sámuel ».

Et ait Sámuel: « Lóquere, Dómine, quia audit servus tuus ». — Verbum Dómini.

### Psalmus responsorius

Ps 62, 2. 3-4. 5-6. 8-9 (Ps.: 2 b)

Ps. Sitívit in te ánima mea, Deus meus.

2 Deus, Deus meus es tu, ad te de luce vígilo.

Sitívit in te ánima mea,  
te desiderávit caro mea. Ps.

3 In terra desérta et árida et inaquósa,  
sic in sancto appáruí tibi,  
ut vidérem virtútem tuam et glóriam tuam.

4 Quóniam mélior est misericórdia tua super vitas,  
lábía mea laudábunt te. Ps.

5 Sic benedícam te in vita mea,  
et in nómine tuo levábo manus meas.

6 Sicut ádipe et pinguédine repleátur ánima mea,  
et lábiis exsultatiónis laudábit os meum. Ps.

8 Quia fuísti adiútor meus,  
et in velaménto alárum tuárum exsultábo.

9 Adhásit ánima mea post te,  
me suscepit délixtera tua. Ps.

### 3

*Sta in monte coram Domino.*

Léctio libri primi Regum

19, 4-9 a. 11-15 a

In diébus illis:

Perréxit Elías in desértum viam uníus diéi.

Cumque venísset et sedéret subter unam iuníperum,  
petívit animæ suæ ut morerétur et ait: « Súfficit mihi,



Dómine: tolle ánimam meam, neque enim mélior sum quam patres mei ». Proiecitque se et obdormívit in umbra iuniperi.

Et ecce ángelus Dómini tétigit eum, et dixit illi: « Surge et cómede ». Respéxit, et ecce ad caput suum subcinerícius panis et vas aquæ; comédit ergo et bibit et rursum obdormívit.

Reversúsque est ángelus Dómini secúndo, et tétigit eum dixítque illi: « Surge, cómede, grandis enim tibi restat via ». Qui, cum surrexisset, comédit et bibit, et ambulávit in fortitúdi-  
ne cibi illíus quadraginta diébus et quadraginta nóctibus, usque ad montem Dei Horeb.

Cumque venisset illuc, mansit in spelúnca. Et ecce sermo Dómini ad eum, et ait ei: « Egrédere, et sta in monte coram Dómino ». Et ecce Dóminus transit.

Et spíritus grandis et fortis subvértens montes et cónterens petras ante Dóminum; non in spíritu Dóminus. Et post spíritum, commótió; non in commotióne Dóminus. Et post commotióne, ignis; non in igne Dóminus. Et post ignem, síbilus auræ ténuis.

Quod cum audisset Elías, opéruit vultum suum pállio, et egressus stetit in óstio spelúnçæ; et ecce vox ad eum dicens: « Quid hic agis, Elía? »

Et ille respóndit: « Zelo zelátus sum pro Dómino Deo exercítuum, quia dereliquerunt pactum tuum filii Israel, altária tua destruxérunt, prophétas tuos occidérunt gládio: derelictus sum ego solus, et quærunt ánimam meam ut áuferant eam ».

Et ait Dóminus ad eum: « Vade, et revértere in viam tuam per désertum in Damáscum ».

Verbum Dómini.

## Psalmus responsorius

Ps 23, 1-2. 3-4 ab. 5-6 (R.: cf. 6)

R. Hæc est generatio quærentium faciæ tuam, Dómine.

- 1 Dómini est terra et plenitúdo eius,  
orbis terrárum et qui hábitant in eo.
- 2 Quia ipse super mária fundávit eum,  
et super flúmina firmávit eum. R.
- 3 Quis ascéndet in montem Dómini,  
aut quis stabit in loco sancto eius?
- 4 Innocens mánibus et mundo corde,  
qui non accépit in vanum nomen eius. R.
- 5 Hic accípiet benedictiónem a Dómino,  
et iustificatióem a Deo salutári suo.
- 6 Hæc est generatio quærentium eum,  
quærentium faciæ Dei Iacob. R.

## 4

*Consurgens Eliseus abiit et secutus est Eliam.*

Léctio libri primi Regum

19, 16 b. 19-21

In diébus illis:

Dixit Dóminus ad Eliám: « Eliséum, ffilium Saphat, qui est de Abelméhula, unges prophétam pro te ».

Proféctus ergo inde Eliás réperit Eliséum, ffilium Saphat, arántem in duódecim iugis boum, et ipse in duódecim iugis boum arántibus unus erat; cumque venisset Eliás ad eum, misit pállium suum super illum.

Qui statim, relíctis bobus, cucúrrit post Eliám et ait: « Osculer, oro, patrem meum et matrem meam, et sic sequar te ».

Dixitque ei. « Vade et revertere, quod enim meum erat feci tibi ».

Reversus autem ab eo, tulit par boum et mactavit illud, et in aratro boum coxit carnes et dedit populo, et comederunt; consurgensque abiit et secutus est Elíam, et ministrabat ei. — Verbum Dómini.

Psalmus responsorius

Ps 39, 2 et 4 ab. 7-8 a. 8 b-9. 10. 12 (R.: 8 a et 9 a)

R. Ecce vénio, Dómine, fácere voluntátem tuam.

2 Exspéctans expectávi Dóminum,  
et inténdit mihi.

4 Et immísit in os meum cánticum novum,  
carmen Deo nostro. R.

7 Sacrificium et oblatiónem noluisti,  
aures autem fodisti mihi.  
Holocáustum et pro peccáto non postulásti,  
8 tunc dixi: « Ecce vénio. R.

In volúmine libri scriptum est de me  
9 fácere voluntátem tuam.  
Deus meus, vólui,  
et lex tua in præcórdiis meis ». R.

10 Annuntiávi iustítiam tuam in ecclésia magna;  
ecce lábia mea non prohibébo, Dómine, tu scisti. R.

12 Tu autem, Dómine, ne prohibeas miseratiónes tuas a me;  
misericórdia tua et véritas tua semper suscipiant me. R.

## 5

*Surge, amica mea, et veni.*

Léctio Cántici canticórum

2, 8-14

Vox dilécti mei: Ecce iste venit sáliens in móntibus, transliens colles. Símilis est diléctus meus cápree

hinnulóque cervórum. En ipse stat post paríetem nostrum, respiciens per fenéstras, prospiciens per cancellós.

En diléctus meus lóquitur mihi: « Surge, própera, amíca mea, colúmba mea, formósa mea, et veni. Iam enim hiems tránsiit, imber ábiit et recéssit, flores apparuérunt in terra nostra, tempus putatiónis advénit, vox túrturis audíta est in terra nostra, ficus prótulit grossos suos, víneæ floréntes dedérunt odórem suum.

Surge, amíca mea, speciósa mea, et veni, colúmba mea, in foramínibus petræ, in cavérna macériæ, osténde mihi fáciem tuam, sonet vox tua in áuribus meis: vox enim tua dulcis, et fácies tua decóra ».

Verbum Dómini.

### Psalmus responsorius

Ps 44, 11-12. 14-15. 16-17 (R.: cf. Mt 25, 6)

R. Ecce Sponsus venit: exíte óbviám Christo Dómino.

- 11 Audi, fília, et vide, et inclína aurem tuam,  
et oblivíscere pópulum tuum et domum patris tui;
- 12 et concupíscet rex spéciem tuam.  
Quóniam ipse est dóminus tuus, et adóra eum. R.
- 14 Gloriósa nimis fília regis intrínsecus,  
textúris áureis circumamícta.
- 15 In véstibus variegátis adducétur regi;  
vírgines post eam, próximæ eius, afferúntur tibi. R.
- 16 Afferúntur in lætítia et exsultatióne,  
adducúntur in domum regis.
- 17 Pro pátribus tuis erunt tibi filii;  
constítues eos príncipes super omnem terram. R.

## 6

*Fortis est ut mors dilectio.*

Lectio Cántici canticórum

8, 6-7

Pone me ut signáculum super cor tuum, ut signáculum super bráccium tuum, quia fortis est ut mors diléctio, dura sicut inférnus æmulátio, lámpades eius lámpades ignis atque flammárum.

Aquæ multæ non potuérunt exstinguere caritátem, nec flúmina óbruent illam.

Si déderit homo omnem substántiam domus suæ pro dilectióne, quasi nihil despíciat eam.

Verbum Dómini.

Psalmus responsorius

Ps 83, 3. 4. 5 et 8 a. 11. 12 (R.: 2)

R. Quam dilécta tabernácula tua, Dómine virtútum!

3 Concupíscit et déficit ánima mea in átria Dómini.  
Cor meum et caro mea exsultavérunt in Deum vivum. R.

4 Etenim passer invénit sibi domum,  
et turtur nidum sibi, ubi ponat pullos suos:  
altária tua, Dómine virtútum, rex meus et Deus meus. R.

5 Beáti qui hábitant in domo tua,  
in perpétuum laudábunt te.

6 Ibunt de virtúte in virtútem. R.

11 Quia mélior est dies una in átriis tuis super mília,  
elégi ad limen esse in domo Dei mei,  
magis quam habitáre in tabernáculis peccatórum. R.

12 Quia sol et scutum est Dóminus Deus,  
grátiam et glóriam dabit Dóminus;  
non privábit bonis eos  
qui ámbulant in innocéntia. R.

*Gaudens gaudebo in Domino.*

Léctio libri Isaíæ prophétæ

61, 9-11

Scient in géntibus semen eórum, et germen eórum in médio populórum. Omnes qui viderint eos cognóscant illos, quia isti sunt semen, cui benedixit Dóminus.

Gaudens gaudebo in Dómino, et exsultábit ánima mea in Deo meo, quia induit me vestiméntis salutis, et induménto iustítiæ circúmdedit me, quasi sponsum decorátum coróna, et quasi sponsam ornátam monílibus suis.

Sicut enim terra profert germen suum, et sicut hortus semen suum gérminat, sic Dóminus Deus germinábit iustítiam et laudem coram univérsis géntibus.

Verbum Dómini.

Psalmus responsorius

Ps 99, 2. 3. 4. 5 (R.: 2 c)

R. Introíte in conspéctu Dómini in exsultatióne.

- <sup>2</sup> Iubiláte Dómino, omnis terra,  
servíte Dómino in lætítia;  
introíte in conspéctu eius in exsultatióne. R.
- <sup>3</sup> Scitóte quóniam Dóminus ipse est Deus;  
ipse fecit nos, et ipsíus sumus,  
pópulus eius et oves páscuæ eius. R.
- <sup>4</sup> Introíte portas eius in confessióne,  
átria eius in hymnis,  
confitémini illi, benedícite nómini eius. R.
- <sup>5</sup> Quóniam suávis est Dóminus;  
in ætérnum misericórdia eius,  
et usque in generatióne et generatióne  
véritas eius. R.

*Sponsabo te mihi in sempiternum.*

Lectio libri Osée prophætæ

2, 14. 19-20

Hæc dicit Dóminus:

« Ecce ego lactábo eam, et ducam eam in solitúdinem; et loquar ad cor eius.

Et sponsábo te mihi in sempiternum; et sponsábo te mihi in iustítia et iudício, et in misericórdia et in miseratió nibus; et sponsábo te mihi in fide, et scies quia ego Dóminus ». — Verbum Dómini.

**Psalmus responsorius**

Ps 26, 1. 4. 5. 8 b-9 ab. 9 cd et 11 (R.: 8 b)

R. Fáciem tuam, Dómine, requíram.

1 Dóminus illuminátio mea et salus mea, quem timébo?  
Dóminus protéctor vitæ meæ, a quo trepidábo? R.

4 Unum pétii a Dómino, hoc requíram:  
ut inhábitem in domo Dómini  
ómnibus diébus vitæ meæ,  
ut vídeam voluptátem Dómini  
et vísitem templum eius. R.

5 Quóniam occultábit me in tentório suo, in die malórum.  
Abscóndet me in abscóndito tabernáculi sui,  
in petra exaltábit me. R.

6 Fáciem tuam, Dómine, requíram.

9 Ne avértas fáciem tuam a me,  
ne declínes in ira a servo tuo. R.

Adiútor meus es tu, ne me reicias,  
neque derelínquas me, Deus salútis meæ.

11 Osténde mihi, Dómine, viam tuam,  
et dírige me in sémitam rectam  
propter inimícos meos. R.

Lectio prima  
tempore paschali

## 1

*Omnes qui crediderant erant pariter  
et habebant omnia communia.*

## Lectio Actuum Apostolorum

2, 42-47

## In diebus illis:

Erant discipuli perseverantes in doctrina Apostolorum et communicatióne, in fractiÓne panis et oratiÓnibus.

Fiebat autem omni animæ timor. Multa quoque prodigia et signa per Apóstolos fiebant.

Omnes autem qui crediderant erant páriter et habebant ómnia commúnia; et possessiones et substántias vendebant, et dividébant illas ómnibus, prout cuique opus erat.

Cotidie quoque perdurantes unánimiter in templo, et frangentes circa domos panem, sumebant cibum cum exsultatiÓne et simplicitate cordis, collaudantes Deum et habentes grátiam ad omnem plebem. Dóminus autem augébat qui salvi fierent cotidie in idípsum.

Verbum Dómini.

## Psalmus responsorius

Ps 33, 2-3. 4-5. 6-7. 8-9 (R.: 2 a)

R. Benedicam Dóminum in omni témpore.  
vel Allelúia.

- <sup>2</sup> Benedicam Dóminum in omni témpore,  
semper laus eius in ore meo.  
<sup>3</sup> In Dómino gloriábitur ánima mea,  
áudiant mansuétí et læténtur. R.



Magnificáte Dóminum mecum,  
et exaltémus nomen eius in idípsum.  
Exquisívi Dóminum, et exaudivit me,  
et ex ómnibus terróribus meis erípuit me. **R.**

Respícite ad eum, et illuminámini,  
et fácies vestræ non confundéntur.  
Iste pauper clamávit,  
et Dóminus exaudivit eum,  
et de ómnibus tribulatióibus eius  
salvávit eum. **R.**

Vallábit ángelus Dómini in circúitu timéntes eum,  
et erípiet eos.  
Gustáte et vidéte quóniam suávis est Dóminus;  
beátus vir qui sperat in eo. **R.**

## 2

*Cor et anima una.*

## Léctio Actuum Apostolórum

4, 32-35

In diébus illis:

Multitúdinis credéntium erat cor et ánima una;  
nec quisquam eórum quæ possidébant áliquid suum esse  
dicébat; sed erant illis ómnia commúnia.

Et virtúte magna reddébant Apóstoli testimónium  
resurrectiósni Dómini Iesu, et grátia magna erat super  
ómnibus illis.

Neque enim quisquam egens erat inter illos; quot  
quot enim possessóres agrórum aut domórum erant,  
vendéntes afferébant prétia eórum quæ vendébant et  
ponébant ante pedes Apostolórum: dividebátur autem  
sínghlis, prout cuique opus erat. — Verbum Dómini.

## Psalmus responsorius

Ps 32, 2-3. 4-5. 11-12. 13-14. 18-19 (R.: 12 b)

R. **Beátus pópulus,**  
quem elégit Dóminus in hereditátem sibi.

vel **Allelúia.**

- 2** Confitémini Dómino in cíthara,  
in psaltério decem chordárum psállite illi.
- 3** Cantáte ei cánticum novum,  
bene psállite ei in vociferatióne. R.
- 4** Quia rectum est verbum Dómini,  
et ómnia ópera eius in fide.
- 5** Dñligit iustítiam et iudícium,  
misericórdia Dómini plena est terra. R.
- 11** Consílium autem Dómini in ætérnum manet,  
cogitatiónes cordis eius in generatióne et generatióne.
- 12** Beáta gens, cui Dóminus est Deus,  
pópulus, quem elégit in hereditátem sibi. R.
- 13** De cælo respéxit Dóminus,  
vidit omnes filios hóminum.
- 14** De loco habitáculi sui respéxit  
super omnes qui hábitant terram. R.
- 18** Ecce óculi Dómini super metuéntes eum,  
in eos qui sperant super misericórdia eius,
- 19** ut éruat a morte ánimas eórum  
et alat eos in fame. R.

## 3

*Cenabo cum illo, et ipse mecum.*

Léctio libri Apocalýpsis beáti Ioánnis apóstoli

3, 14 b. 20-22

Hæc dicit Amen, Testis fidélis et verus, princípium creatúræ Dei: « Ecce sto ad óstium et pulso: si quis

audierit vocem meam et aperuerit ianuam, introibo ad illum et cenabo cum illo, et ipse mecum.

Qui vicerit, dabo ei sedere mecum in throno meo; sicut et ego vici et sedi cum Patre meo in throno eius.

Qui habet aurem audiat quid Spiritus dicat Ecclesiis ». — Verbum Domini.

Psalmus responsorius, ut supra, p. 1255.

## 4

*Veni, Domine Iesu.*

Lectio libri Apocalypsis beati Ioannis apostoli

22, 12-14. 16-17. 20

Ego Ioannes audivi vocem dicentem mihi: « Ecce venio cito, et merces mea mecum est, reddere unicuique sicut opus eius est. Ego sum alpha et omega, primus et novissimus, principium et finis.

Beati qui lavant stolas suas, ut sit potestas eorum super lignum vitæ, et portis intrent in civitatem.

Ego Iesus misi angelum meum testificari vobis hæc super Ecclesiis. Ego sum radix et genus David, stella splendida matutina ».

Et Spiritus et Sponsa dicunt: « Veni! » Et qui audit dicat: « Veni! » Et qui sitit veniat, qui vult accipiat aquam vitæ gratis.

Dicit qui testimonium perhibet istorum: « Etiam, venio cito ». « Amen. Veni, Domine Iesu! »

Verbum Domini.

Psalmus responsorius, ut supra, p. 1254.

## Lectio secunda

## 1

*In novitate vitæ ambulemus.*

Lectio Epistolæ beati Pauli apóstoli ad Romános

Fratres:

6, 3-11

Quicúmque baptizáti sumus in Christo Iesu, in morte ipsíus baptizáti sumus. Consepúlti ergo sumus cum illo per baptismum in mortem, ut, quemádmódum suscitátus est Christus a mórtuis per glóriam Patris, ita et nos in novitáte vitæ ambulémus.

Si enim complantáti facti sumus similitúdini mortis eius, sed et resurrectionis érimus. Hoc sciéntes, quia vetus homo noster simul crucifixus est, ut destruátur corpus peccáti, ut ultra non serviámus peccáto. Qui enim mórtuus est, iustificátus est a peccáto.

Si autem mórtui sumus cum Christo, crédimus quia simul étiam vivémus cum eo, sciéntes quod Christus suscitátus ex mórtuis iam non móritur, mors illi ultra non dominátur. Quod enim mórtuus est, peccáto mórtuus est semel; quod autem vivit, vivit Deo.

Ita et vos, existimáte vos mórtuos quidem esse peccáto, vivéntes autem Deo, in Christo Iesu.

Verbum Dómini.

## 2

*Exhibete corpora vestra hostiam viventem, sanctam, Deo placentem.*

Lectio Epistolæ beati Pauli apóstoli ad Romános

12, 1-13

Obsecro vos, fratres, per misericórdiam Dei, ut exhibeátis córpora vestra hóstiam vivéntem, sanctam, Deo

placéntem, rationábile obséquium vestrum. Et nolíte conformári huic sáculo, sed transformámini renovatióne mentis, ut probétis quid sit volúntas Dei, quid bonum et benéplacens et perféctum.

Dico enim per grátiam, quæ data est mihi, ómnibus qui sunt inter vos: non áltius sápere quam opórtet sápere, sed sápere ad sobrietátem, unicuíque sicut Deus divisit mensúram fidei.

Sicut enim in uno córpore multa membra habémus, ómnia autem membra non eúndem actum habent, ita multi unum corpus sumus in Christo, sínguli autem alter alteríus membra. Habéntes autem donatiónes secúndum grátiam, quæ data est nobis, differentes: sive prophetiam secúndum ratióne[m] fidei, sive ministérium in ministrándo, sive qui docet in doctrína, sive qui exhortátur in exhortándo, qui tribuit in simplicitáte, qui præest in sollicitúdi[n]e, qui miserétur in hilaritáte.

Diléctio sine simulatióne, odiéntes malum, adhæréntes bono, caritáte fraternitátis ínvicem diligéntes, honóre ínvicem præveniéntes, sollicitúdi[n]e non pigri, spírítu fervéntes, Dómino serviéntes, spe gaudéntes, in tribulatióne paciéntes, oratió[n]i instántes, necessitatibus sanctórum communicántes, hospitalitátem sectántes.

Verbum Dómini.

3

*Verbum crucis pereuntibus stultitia est;  
nobis Dei virtus est.*

Lectio Epístolæ primæ beáti Pauli apóstoli  
ad Corínthios

1, 22-31

Fratres:

Iudæi signa petunt, et Græci sapiéntiam quærunt; nòs autem prædicámus Christum crucifixum, Iudæis

quidem scándalum, Géntibus autem stultítiam, ipsis autem vocátis, Iudæis atque Græcis, Christum Dei virtútem et Dei sapiéntiam; quia quod stultum est Dei, sapiéntius est homínibus, et quod infirmum est Dei, fórtius est homínibus.

Vidéte enim vocatióem vestram, fratres, quia non multi sapiéntes secúndum carnem, non multi poténtes, non multi nóbiles.

Sed quæ stulta sunt mundi elégit Deus, ut confúndat sapiéntes; et infirma mundi elégit Deus, ut confúndat fórtia; et ignobíllia mundi et contemptibíllia elégit Deus, quæ non sunt, ut ea quæ sunt destrúeret, ut non gloriétur omnis caro in conspéctu Dei.

Ex ipso autem vos estis in Christo Iesu, qui factus est sapiéntia nobis a Deo et iustítia et sanctificátio et redéemptio, ut, quemádmódum scriptum est, « qui gloriátur, in Dómino gloriétur ». — Verbum Dómini.

## 4

*Virgo cogitat quæ Domini sunt.*

Léctio Epístolæ primæ beáti Pauli apóstoli  
ad Corínthios

7, 25-35

Fratres:

De virgínibus præcéptum Dómini non hábeo; consílium autem do, tamquam misericórdiam consecútus a Dómino, ut sim fidélis. Existimo ergo hoc bonum esse propter instántem necessitátem, quóniam bonum ést hómíni sic esse.

Alligátus es uxóri? noli quærere solutióem. Solútus es ab uxóre? noli quærere uxórem. Si autem accéperis uxórem, non peccásti; et si núpserit virgo, non peccávit. Tribulatióem tamen carnis habébunt huiúsmodi; ego autem vobis parco.

Hoc itaque dico, fratres: tempus breviatum est; reliquum est ut et qui habent uxores tamquam non habentes sint, et qui flent tamquam non flentes, et qui gaudent tamquam non gaudentes, et qui emunt tamquam non possidentes, et qui utuntur hoc mundo tamquam non abutentes; praeterit enim figura huius mundi.

Volo autem vos sine sollicitudine esse. Qui sine uxore est sollicitus est quae Domini sunt, quomodo placeat Deo. Qui autem cum uxore est, sollicitus est quae sunt mundi, quomodo placeat uxori, et divisus est.

Et mulier innupta et virgo cogitat quae Domini sunt, ut sit sancta et corpore et spiritu; quae autem nupta est cogitat quae sunt mundi, quomodo placeat viro.

Porro hoc ad utilitatem vestram dico, non ut laqueum vobis iniciam, sed ad honestum, et ad adherendum Domino sine distractione.

Verbum Domini.

## 5

*Elegit nos Deus in Christo, ut essemus  
sancti et immaculati in caritate.*

Lectio Epistolae beati Pauli apostoli ad Ephesios

1, 3-14

Benedictus Deus et Pater Domini nostri Iesu Christi, qui benedixit nos in omni benedictione spirituali in caelestibus in Christo; sicut elegit nos in ipso ante mundi constitutionem, ut essemus sancti et immaculati in conspectu eius in caritate; qui praedestinavit nos in adoptionem filiorum per Iesum Christum in ipsum, secundum beneplacitum voluntatis suae, in laudem gloriae gratiae suae, in qua gratificavit nos in Dilcto.

In quo habémus redemptionem per sánguinem eius, remissionem peccatórum secúndum divítias grátiae eius, qua superabundávit in nobis in omni sapiéntia et prudéntia; notum fáciens nobis mystérium voluntátis suæ, secúndum beneplácitum eius, quod propósuit in eo, in dispensatióne plenitúdinis témporum, recapituláre ómnia in Christo, quæ in cælis et quæ in terra: in ipso.

In quo étiam sorte vocáti sumus, prædestináti secúndum propósitum eius, qui ómnia operátur secúndum consílium voluntátis suæ, ut simus in laudem glóriæ eius, qui ante sperávimus in Christo; in quo et vos, cum audissétis verbum veritátis, Evangélium salutis vestræ, in quo et credéntes signáti estis Spírítu promissionis Sancto, qui est árrabon hereditátis nostræ, in redemptionem acquisitionis, in laudem glóriæ ipsíus.

Verbum Dómini.

## 6

*Idem sapite, eandem caritatem habentes, unanimes.*

Léctio Epístolæ beáti Pauli apóstoli ad Philippénes

2, 1-4

Fratres:

Si qua consolátio in Christo, si quod solácium caritátis, si qua commúnio spírítus, si quæ víscera et miseratiónes, impléte gáudium meum, ut idem sapiátis, eándem caritátem habéntes, unánimes, idípsum sapiéntes; nihil per contentiónem neque per inánem glóriam, sed in humilitáte superióres sibi ínvicem arbitrántes, non quæ sua sunt sínguli considerántes, sed et ea quæ aliórum. — Verbum Dómini.



## 7

*Omnia detrimentum feci, ut Christum lucri faciam.*

Lectio Epistolæ beati Pauli apostoli ad Philippenses

3, 8-14

Fratres:

Existimo omnia detrimentum esse propter eminentiam scientiæ Christi Iesu Domini mei: propter quem omnia detrimentum feci et arbitror ut stercora, ut Christum lucri faciam, et inveniar in illo, non habens meam iustitiam, quæ ex Lege est, sed illam, quæ per fidem est Christi, quæ ex Deo est iustitia in fide; ad cognoscendum illum et virtutem Resurrectionis eius et communionem passionum illius, conformans me morti eius, si quo modo occurram ad resurrectionem quæ est ex mortuis.

Non quod iam acciperim aut iam perfectus sim; persequor autem, si unquam comprehendam, sicut et comprehensus sum a Christo Iesu.

Fratres, ego me non arbitror comprehendisse. Unum autem: quæ quidem retro sunt obliviscens, ad ea vero quæ ante sunt extendens me, ad destinatum persequor, ad bravium supernæ vocationis Dei in Christo Iesu. — Verbum Domini.

## 8

*Quæ sursum sunt sapite, non quæ super terram.*

Lectio Epistolæ beati Pauli apostoli ad Colossenses

3, 1-4

Fratres:

Si conresurrexistis Christo, quæ sursum sunt quærite, ubi Christus est in dextera Dei sedens; quæ sursum sunt sapite, non quæ super terram.

Mórtui enim estis, et vita vestra abscondita est cum Christo in Deo.

Cum Christus apparúerit, vita vestra, tunc et vos apparébitis cum ipso in glória. — Verbum Dómini.

## 9

*Super omnia caritatem habete, quod est vinculum perfectionis.*

Léctio Epístolæ beáti Pauli apóstoli ad Colossénses

3, 12-17

Fratres:

Indúite vos sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, paciéntiam, supportántes ínvicem et donántes vobis ipsis, si quis advérsus áliquem habet querélam: sicut et Dóminus donávit vobis, ita et vos.

Super ómnia autem hæc caritátem, quod est vinculum perfectiónis; et pax Christi dominétur in córdibus vestris, ad quam et vocáti estis in uno córpore, et grati estóte.

Verbum Christi hábitet in vobis abundánter, in omni sapiéntia docéntes et commonéntes vosmetípsos psalmis, hymnis, cánticis spiritalibus, in grátia cantántes in córdibus vestris Deo.

Et omne quodcúmque fáctis in verbo aut in ópere, ómnia in Nómine Dómini Iesu Christi, grátias ágéntes Deo Patri per ipsum. — Verbum Dómini.

## 10

*Hæc est voluntas Dei, sanctificatio vestra.*

Lectio Epistolæ primæ beati Pauli apostoli  
ad Thessalonicenses

4, 1-3 a. 7-12

Fratres, rogâmus vos et obsecramus in Dômino Iesu ut, quemadmodum accepistis a nobis quomodo vos oporteat ambulare et placere Deo, sicut et ambulatis, ut abundetis magis. Scitis enim quæ præcepta dederimus vobis per Dôminum Iesum.

Hæc est enim voluntas Dei, sanctificatio vestra.

Non enim vocavit nos Deus in immunditia, sed in sanctificatione. Itaque qui spernit, non hominem spernit, sed Deum, qui etiam dat Spîritum suum Sanctum in vos.

De caritate autem fraternitatis non necesse habetis ut vobis scribam; ipsi enim vos a Deo edocti estis ut diligatis invicem. Etenim facitis illud in omnes fratres in universa Macedonia.

Rogamus autem vos, fratres, ut abundetis magis, et operam detis ut quieti sitis, et ut vestrum negotium agatis, et operemini manibus vestris, sicut præcepimus vobis, ut honeste ambulatis ad eos qui foris sunt, et nullius aliquid desideretis. — Verbum Dômini.

## 11

*Iesum Christum, cum non videritis, diligitis.*

Lectio Epistolæ primæ beati Petri apostoli

1, 3-9

Benedictus Deus et Pater Dômini nostri Iesu Christi, qui secundum magnam misericordiam suam regeneravit nos in spem vivam, per resurrectionem Iesu Christi ex mortuis, in hereditatem incorruptibilem et

incontaminátam et immarcescibilem, conservátam in cælis, propter vos, qui in virtúte Dei custodimini per fidem in salutem parátam revelári in témpore novíssimo.

In quo exsultátis, módicum nunc si opórtet contristári in váriis tentatióibus; ut probátio vestræ fidei multo pretiósior auro quod perit, per ignem quidem probáto, inveniátur in laudem et glóriam et honórem in revelatióne Iesu Christi: quem, cum non vidéritis, dilígitis; in quem nunc non vidéntes, credéntes autem exsultátis lætítia inenarrábili et glorificáta, reportántes finem fidei vestræ, salutem animárum.

Verbum Dómini.

## 12

*Si diligamus invicem, Deus in nobis manet.*

Léctio Epístolæ primæ beáti Ioánnis apóstoli 4, 7-16

Caríssimi, diligámus ínvicem, quóniam caritas ex Deo est; et omnis qui diligit ex Deo natus est et cognóscit Deum. Qui non diligit non cognóvit Deum, quóniam Deus caritas est. In hoc appáruit caritas Dei in nobis, quóniam Filium suum unigénitum misit Deus in mundum, ut vivámus per eum. In hoc est caritas, non quasi nos dilexérimus Deum, sed quóniam ipse diléxit nos, et misit Filium suum propitiatiónem pro peccátis nostris.

Caríssimi, si sic Deus diléxit nos, et nos debémus altérutrum dilígere. Deum nemo vidit umquam. Si diligámus ínvicem, Deus in nobis manet, et caritas eius in nobis consummáta est.

In hoc cognóscimus quóniam in ipso manémus, et ipse in nobis, quóniam de Spíritu suo dedit nobis. Et nos vídimus et testificámur quóniam Pater misit Filium salvatórem mundi.

Quisquis conféssus fuerit: « Iesus est Filius Dei », Deus in ipso manet, et ipse in Deo. Et nos cognóvimus et credídimus caritáti, quam habet Deus in nobis. Deus caritas est, et qui manet in caritáte in Deo manet, et Deus in eo manet. — Verbum Dómini.

## Evangelium

## 1

Alleluia et Versus ante Evangelium Lc 11, 28

(*Ṛ.* Allelúia). *Ṛ.* Beáti qui áudiunt verbum Dei,  
et custódiunt illud. (*Ṛ.* Allelúia).

*Beati estis ... gaudete et exultate.*

✠ Lécio sancti Evangélli secúndum Mattháeum

*5, 1-12 a*

In illo témpore:

Videns Iesus turbas, ascéndit in montem; et cum sedísset, accessérunt ad eum discipuli eius. Et apériens os suum, docébat eos dicens:

« Beáti páuperes spírítu, quóniam ipsórum est Regnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sítiunt iustítiam, quóniam ipsi saturabúntur.

Beáti misericórdes, quia ipsi misericórdiam consequéuntur.

Beáti mudo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti qui persecutiónem patiúntur propter iustítiam, quóniam ipsórum est Regnum cælórum.

Beáti estis, cum maledíxerint vobis, et persecúti

vos fuerint, et dixerint omne malum adversum vos, mentientes, propter me: gaudete et exultate, quoniam merces vestra copiosa est in caelis ».

Verbum Domini.

## 2

Alleluia et Versus ante Evangelium Cf. Mt 11, 25

(R. Alleluia). *γ.* Benedictus es, Pater, Domine caeli et terrae,

quia mysteria Regni parvulis revelasti.

(R. Alleluia).

*Abscondisti haec a sapientibus,  
et revelasti ea parvulis.*

✠ LECTIO sancti Evangelii secundum Matthaeum

11, 25-30

In illo tempore:

Respondens Iesus dixit: « Confiteor tibi, Pater, Domine caeli et terrae, quia abscondisti haec a sapientibus et prudentibus, et revelasti ea parvulis. Ita, Pater, quoniam sic fuit placitum ante te.

Omnia mihi tradita sunt a Patre meo. Et nemo novit Filium, nisi Pater; neque Patrem quis novit, nisi Filius, et cui voluerit Filius revelare.

Venite ad me, omnes qui laboratis et onerati estis, et ego reficiam vos. Tollite iugum meum super vos, et discite a me quia mitis sum et humilis corde; et inveniatis requiem animabus vestris; iugum enim meum suave et onus meum leve est ».

Verbum Domini.

## 3

Alleluia et Versus ante Evangelium 2 Cor 8, 9

(R. Allelúia). γ. Iesus Christus egénus factus est,  
cum esset dives,  
ut illius inópia vos dívites essétis.  
(R. Allelúia).

*Qui perdiderit animam suam propter me,  
inveniet eam.*

✠ Lécio sancti Evangelíi secúndum Mattháeum

16, 24-27

In illo témpore:

Dixit Iesus discipulis suis: « Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam; qui autem perdíderit ánimam suam propter me, invéniet eam.

Quid enim prodest hómíni, si mundum univérsum lucrétur, ánimæ vero suæ detriméntum patiátur?

Aut quam dabit homo commutatiónem pro ánima sua?

Fílius enim hómínis ventúrus est in glória Patris sui cum ángelis suis, et tunc reddet unicuique secúndum opus eius ». — Verbum Dómini.

## 4

Alleluia et Versus ante Evangelium Cf. Mt 11, 25

(R. Allelúia). γ. Benedíctus es, Pater, Dómine cæli et  
terræ,  
quia mystéria Regni párvulis revelásti.  
(R. Allelúia).

*Propter Regnum cælorum.*

✠ Lécitio sancti Evangélii secúndum Matthæum

In illo témpore:

19, 3-12

Accessérunt ad Iesum pharisæi tentántes eum et dicéntes: « Licet hómini dimítttere uxórem suam quacúmque ex causa? »

Qui respóndens ait: « Non legístis quia qui creávit ab inítio " másculum et féminam fecit eos " et dixit: " Propter hoc dimíttet homo patrem et matrem, et adhærébit uxóri suæ, et erunt duo in carne una " ? Itaque iam non sunt duo, sed una caro. Quod ergo Deus coniúnxit, homo non séparet ».

Dicunt illi: « Quid ergo Móyses mandávit dari libéllum repúdií et dimítttere? »

Ait illis: « Móyses ad durítiam cordis vestri permísit vobis dimítttere uxóres vestras! ab inítio autem non sic fuit. Dico autem vobis quia quicúmque dimíserit uxórem suam, nisi ob fornicatióem, et áliam dúxerit mœchátur ».

Dicunt ei discípuli eius: « Si ita est causa hóminis cum uxóre, non expedit núbere ».

Qui dixit eis: « Non omnes cápiunt verbum istud, sed quibus datum est. Sunt enim eunúchi qui de matris útero sic nati sunt, et sunt eunúchi qui facti sunt ab homínibus, et sunt eunúchi qui se ipsos castravérunt propter Regnum cælórum. Qui potest cápere cápiat ».

Verbum Dómini.

5

Alleluia et Versus ante Evangelium

Phil 3, 8-9

(R. Alleluia). γ. Omnia detriméntum feci  
et árbitor ut stércora,

ut Christum lucrifáciam et invéniam in illo.

(R. Alleluia).



*Si vis perfectus esse, vende quæ habes  
et sequere me.*

✠ Lécio sancti Evangélii secúndum Matthæum

19, 16-26

In illo témpore:

Ecce unus accédens ad Iesum ait illi: « Magíster, quid boni fáciam ut hábeam vitam ætérnam? »

Qui dixit ei: « Quid me intérogas de bono? Unus est bonus. Si autem vis ad vitam íngredi, serva mandáta ».

Dicit illi: « Quæ? »

Iesus autem dixit: « " Non homicídium fácies, non adulterábis, non fácies furtum, non falsum testimónium dices, honóra patrem et matrem ", et " diliges próximum tuum sicut te ipsum " ».

Dicit illi aduléscens: « Omnia hæc custodívi: quid adhuc mihi deest? »

Ait illi Iesus: « Si vis perféctus esse, vade, vende quæ habes et da paupéribus, et habébis thesáurum in cælo, et veni, séquere me ».

Cum audísset autem aduléscens verbum, ábiit tristis: erat enim habens multas possessiões.

Iesus autem dixit discíplis suis: « Amen dico vobis: Dives difícilé intrábit in Regnum cælórum. Et íterum dico vobis: Facílius est camélum per forámen acus transíre, quam dívitem intráre in Regnum Dei ».

Audítis autem his, discípluli mirabántur valde dicétes: « Quis ergo póterit salvus esse? »

Aspiciens autem Iesus dixit illis: « Apud hómines hoc impossível est; apud Deum autem ómnia possibilía sunt ». — Verbum Dómini.

## 6

Alleluia et Versus ante Evangelium Io 15, 5

(*Ps. Alleluia*). *γ. Ego sum vitis, vos palmites,  
dicit Dominus;  
qui manet in me, et ego in eo,  
hic fert fructum multum.  
(Ps. Alleluia).*

*Ecce Sponsus, exite obviam ei.*

✠ *Lectio sancti Evangelii secundum Matthaeum*

25, 1-13

*In illo tempore:*

Dixit Iesus discipulis suis parabolam hanc: « Simile erit Regnum caelorum decem virginibus, quae accipientes lampades suas exierunt obviam sponso. Quae autem ex eis erant fatuae et quinque prudentes. Fatuae enim, acceptis lampadibus suis, non sumpsérunt oleum secum; prudentes vero accepérunt oleum in vasis cum lampadibus suis.

Moram autem faciente sponso, dormitavérunt omnes et dormiérunt.

Média autem nocte clamor factus est: " Ecce sponsus, exite obviam ei ". Tunc surrexérunt omnes virgines illae et ornavérunt lampades suas.

Fatuae autem sapientibus dixerunt: " Date nobis de oleo vestro, quia lampades nostrae exstinguuntur ".

Respondérunt prudentes dicentes: " Ne forte non sufficiat nobis et vobis, ite potius ad vendentes et émite vobis ".

Dum autem irent émere, venit sponsus, et quae paratae erant intravérunt cum eo ad nuptias, et clausa est ianua.

Novissime autem véniunt et reliquae virgines di-

céntes: " Dómine, dómine, áperi nobis ". At ille respóndens ait: " Amen dico vobis, nescio vos ".

Vigiláte itaque, quia nescitis diem neque horam ».   
 Verbum Dómini.

## 7

**Alleluia et Versus ante Evangelium** Gal 6, 14

(R. Allelúia). V. Mihi absit gloriári nisi in cruce   
 Dómini, per quem mihi mundus   
 crucifíxus est, et ego mundo.

(R. Allelúia).

*Qui fecerit voluntatem Dei, hic frater meus   
 et soror mea et mater est.*

✠ **Lectio sancti Evangelii secúndum Marcum**

3, 31-35

In illo témpore:

Venit mater Iesu et fratres eius et foris stantes   
 misérunt ad eum vocántes eum.

Et sedébat circa eum turba, et dicunt ei: « Ecce   
 mater tua et fratres tui et soróres tuæ foris quærunt   
 te ».

Et respóndens eis ait: « Quæ est mater mea et fra-   
 tres mei? »

Et circumspíciens eos qui in circúitu eius sedébant,   
 ait: « Ecce mater mea et fratres mei. Qui enim féce-   
 rit voluntátem Dei, hic frater meus et soror mea et   
 mater est ». — Verbum Dómini.

## 8

**Alleluia et Versus ante Evangelium** 2 Cor 8, 9

(R. Allelúia). V. Iesus Christus egénus factus est,   
 cum esset dives,   
 ut illius inópia vos dívites essétis.

(R. Allelúia).

*Ecce nos dimisimus omnia,  
et secuti sumus te.*

✠ **Léctio sancti Evangélii secúndum Marcum**

10, 24 b-30

**In illo témpore:**

**Ait Iesus discipulis suis: « Fílii, quam difícilé est in Regnum Dei introíre! Facílius est camélum per forámen acus transíre quam dívitem intráre in Regnum Dei ».**

**Qui magis admirabántur, dicéntes ad semetípsos: « Et quis potest salvus fieri? »**

**Intuens illos Iesus ait: « Apud hómines impossíbile est, sed non apud Deum; ómnia enim possibília sunt apud Deum ».**

**Cœpit Petrus ei dícere: « Ecce nos dimísimus ómnia, et secúti sumus te ».**

**Ait Iesus: « Amen dico vobis: Nemo est qui relíquerit domum aut fratres aut soróres aut matrem aut patrem aut fílios aut agros propter me et propter Evangélium, qui non accípiat cénties tantum nunc in témpore hoc, domos et fratres et soróres et matres et fílios et agros cum persecutió nibus, et in sáeculo futúro vitam ætérnam ».** — **Verbum Dómini.**

9

**Alleluia et Versus ante Evangelium**

Phil 3, 8-9

(**℞. Allelúia**). **γ. Omnia detriméntum feci**

**et árbitor ut stércora,**

**ut Christum lucrifáciam et invéniam in illo.**

(**℞. Allelúia**).

*Nemo mittens manum suam in aratrum  
et aspiciens retro, aptus est Regno Dei.*

✠ Lécio sancti Evangélii secúndum Lucam 9, 57-62

In illo témpore:

Ambulántibus Iesus et discípulis suis in via, dixit quidam ad illum: « Sequar te quocúmque íeris ».

Et ait illi Iesus: « Vulpes fóveas habent, et vólucres cæli nidos; Fílius autem hóminis non habet ubi caput reclínet ».

Ait autem ad álterum: « Séquere me ».

Ille autem dixit: « Dómine, permítte mihi primum ire et sepelíre patrem meum ».

Dixítque ei Iesus: « Sine ut mórtui sepéliant mórtuos suos; tu autem vade, annúntia Regnum Dei ».

Et ait alter: « Sequar te, Dómine, sed primum permítte renuntiáre his qui domi sunt ».

Ait ad illum Iesus: « Nemo mittens manum suam in arátrum et aspiciens retro, aptus est Regno Dei ».

Verbum Dómini.

## 10

Alleluia et Versus ante Evangelium Gal 6, 14

(R. Allelúia). ʒ. Mihi absit gloriári nisi in cruce  
Dómini, per quem mihi mundus  
crucifíxus est, et ego mundo.

(R. Allelúia).

*Martha excepit illum.*

*Maria optimam partem elegit.*

✠ Lécio sancti Evangélii secúndum Lucam

10, 38-42

In illo témpore:

Intrávit Iesus in quoddam castéllum; et múlter quædam, Martha nómine, excépit illum. Et huic erat soror

nómine María, quæ étiam sedens secus pedes Dómini audiébat verbum illíus.

Martha autem satagébat circa frequens ministérium; quæ stetit et ait: « Dómine, non est tibi curæ quod soror mea reliquit me solam ministráre? dic ergo illi ut me ádiuvet ».

Et respóndens dixit illi Dóminus: « Martha, Martha, sollicita es et turbáris erga plúrima.

Porro unum est necessárium: María enim óptimam partem elégit, quæ non auferétur ab ea ».

Verbum Dómini.

## 11

Alleluia et Versus ante Evangelium Io 15, 5

(R. Allelúia). V. Ego sum vitis, vos pálmites,  
dicit Dóminus;

qui manet in me, et ego in eo,  
hic fert fructum multum.

(R. Allelúia).

*Beati qui audiunt verbum Dei  
et custodiunt.*

✠ Lécio sancti Evangélii secúndum Lucam 11, 27-28

In illo témpore:

Extóllens vocem quædam múlter de turba dixit Iesu: « Beátus venter qui te portávit, et úbera quæ súxisti ».

At ille dixit: « Quinímmo beáti, qui áudiunt verbum Dei et custódiunt ». — Verbum Dómini.

## 12

Alleluia et Versus ante Evangelium Gal 6, 14

(R. Allelúia). V. Mihi absit gloriári nisi in cruce  
Dómini, per quem mihi mundus

crucifíxus est, et ego mundo.

(R. Allelúia).

*Si granum frumenti mortuum fuerit,  
multum fructum affert.*

✠ **Lectio sancti Evangelii secundum Ioannem** **12, 24-26**

In illo tempore:

Dixit Iesus discipulis suis: « Amen, amen dico vobis: Nisi granum frumenti cadens in terram mortuum fuerit, ipsum solum manet; si autem mortuum fuerit, multum fructum affert.

Qui amat animam suam, perdit eam; et qui odit animam suam in hoc mundo, in vitam æternam custodiet eam.

Si quis mihi ministrat, me sequatur; et ubi sum ego, illic et minister meus erit. Si quis mihi ministraverit, honorificabit eum Pater ». — Verbum Domini.

13

**Alleluia et Versus ante Evangelium** **Io 15, 5**

(R. Alleluia). V. Ego sum vitis, vos palmites,  
dicit Dominus;  
qui manet in me, et ego in eo,  
hic fert fructum multum.  
(R. Alleluia).

*Manete in me, et ego in vobis.*

✠ **Lectio sancti Evangelii secundum Ioannem** **15, 1-8**

In illo tempore:

Dixit Iesus discipulis suis: « Ego sum vitis vera, et Pater meus agricola est. Omnem palmitem in me non ferentem fructum tollit eum, et omnem qui fert fructum purgat eum, ut fructum plus afferat. Iam vos mundi estis propter sermonem, quem locutus sum vobis.

**Manéte in me, et ego in vobis. Sicut palmes non potest ferre fructum a semetipso, nisi manserit in vite, sic nec vos, nisi in me manseritis.**

**Ego sum vitis, vos palmites; qui manet in me, et ego in eo, hic fert fructum multum, quia sine me nihil potestis facere. Si quis in me non manserit, missus est foras sicut palmes et aruit, et colligunt eos et in ignem mittunt, et ardent.**

**Si manseritis in me, et verba mea in vobis manserint, quodcumque volueritis petite, et fiet vobis. In hoc glorificatus est Pater meus, ut fructum multum afferatis, et efficiamini mei discipuli ».**

**Verbum Domini.**

#### 14

Alleluia et Versus ante Evangelium Io 13, 34

(**R. Allelúia**). **γ. Mandátum novum do vobis,  
dicit Dóminus,  
ut diligátis invicem sicut diléxi vos.  
(R. Allelúia).**

*Vos amici mei estis, si facietis  
quæ ego præcipio vobis.*

✠ **Léctio sancti Evangélii secúndum Ioánnem**

15, 9-17

**In illo témpore:**

**Dixit Iesus discipulis suis: « Sicut diléxit me Pater, et ego diléxi vos. Manéte in dilectióne mea. Si præcepta mea servaveritis, manébitis in dilectióne mea; sicut ego Patris mei præcepta servávi, et máneo in eius dilectióne.**



Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem sicut diléxi vos. Maiórem hac dilectiónem nemo habet, ut ánimam suam quis ponat pro amícis suis.

Vos amíci mei estis, si faciétis quæ ego præcípio vobis. Iam non dico vos servos, quia servus nescit quid facit dóminus eius: vos autem dixi amícos, quia ómnia quæ audívi a Patre meo nota feci vobis.

Non vos me elegístis, sed ego elégi vos et pósui vos, ut vos eátis et fructum afferátis, et fructus vester máneat; ut, quodcúmque petiérítis Patrem in Nómine meo, det vobis.

Hæc mando vobis, ut diligátis ínvicem ».  
Verbum Dómini.

## 15

Alleluia et Versus ante Evangelium Ps 132, 1

(*Ps.* Allelúia). *Ps.* Ecce quam bonum et quam iucúndum habitáre fratres in unum. (*Ps.* Allelúia).

*Volo ut, ubi ego sum, et illi sint mecum.*

✠ Lécio sancti Evangélii secúndum Ioánnem

17., 20-26

In illo témpore:

Sublevátis Iesus óculis in cælum, orávit dicens: « Pater sancte, non pro his rogo tantum, sed et pro eis qui creditúri sunt per verbum eórum in me; ut omnes unum sint, sicut tu, Pater, in me, et ego in te, ut et ipsi in nobis sint, ut mundus credat quia tu me misísti.

**Et ego glóriam, quam dedísti mihi, dedi illis, ut sint unum sicut nos unum sumus. Ego in eis, et tu in me, ut sint consummáti in unum, ut cognóscat mundus quia tu me misísti et dilexísti eos, sicut me dilexísti.**

**Pater, quod dedísti mihi, volo ut, ubi ego sum, et illi sint mecum, ut vídeant glóriam meam, quam dedísti mihi; quia dilexísti me ante constitutióem mundi.**

**Pater iuste, et mundus te non cognóvit; ego autem te cognóvi, et hi cognovérunt quia tu me misísti. Et notum feci eis Nomen tuum, et notum fáciam, ut dilectio, qua dilexísti me, in ipsis sit, et ego in ipsis ».**

**Verbum Dómini.**

## VIII. IN DIE DEDICATIONIS

### 1. IN DEDICATIONE ECCLESIAE

Ant. ad introitum Ps 67, 6. 7. 36

Deus in loco sancto suo,  
Deus, qui inhabitare facit unánimes in domo:  
ipse dabit virtutem et fortitudinem plebi suæ.

Vel: Ps 121, 1

In domum Dómini lætantes ibimus, allelúia.

Collecta

Omnípotens sempitérne Deus,  
effúnde super hunc locum grátiam tuam,  
et ómnibus te invocántibus auxilii tui munus impénde,  
ut hic verbi tui et sacramentórum virtus  
ómnium fidélium corda confirmet. Per Dóminum.

Lectio prima

*Legerunt in libro legis, et intellexerunt  
cum legeretur.*

Léctio libri Nehemíæ 8, 2-4 a. 5-6. 8-10

In diébus illis:

Attulit Esdras sacérdos legem coram multitudíne virórum et mulierum, cunctisque qui póterant intellégere, in die prima mensis séptimi. Et legit in eo apérte in platéa, quæ erat ante portam Aquárum, de mane usque ad médiam diem, in conspéctu virórum et mulierum et sapiéntium; et aures omnis pópuli erant erectæ ad librum.

Stetit autem Esdras scriba super gradum ligneum, quem fécerat ad loquéndum. Et apéruit Esdras librum

coram omni pópulo (super univérsum quippe pópulum eminébat), et cum aperuisset eum, stetit omnis pópulus. Et benedíxit Esdras Dómino Deo magno, et respóndit omnis pópulus: « Amen. Amen », élevans manus suas. Et incurváti sunt, et adoravérunt Deum proni in terram.

Et legérunt in libro legis Dei distíncte et apérte ad intellegéndum; et intellexérunt cum legerétur. Dixit autem Nehemías (ipse est Athérsatha) et Esdras, sacerdos et scriba, et levítæ interpretántes univérso pópulo: « Dies sanctificátus est Dómino Deo nostro: nolíte lugére et nolíte flere ». Flebat enim omnis pópulus, cum audíret verba legis.

Et dixit eis: « Ite, comédite pínguia, et bíbite mulsum, et míttite partes his qui non præparavérunt sibi; quia sanctus dies Dómini est. Et nolíte contristári: gáudium étenim Dómini est fortitúdo nostra ».

Verbum Dómini.

### Psalmus responsorius

Ps 118, 129. 130. 133. 135. 144 (R.: 105 a)

R. Lucérna pédibus meis verbum tuum, Dómine.

<sup>129</sup> Mirabilia testimónia tua,  
ídeo servávit ea ánima mea. R.

<sup>130</sup> Declarátio sermónum tuórum illúminat,  
et intelléctum dat párvulis. R.

<sup>133</sup> Gressus meos dirige secúndum elóquium tuum,  
et non dominétur mei omnis iníquitas. R.

<sup>135</sup> Fáciem tuam illúmina super servum tuum,  
et doce me iustificatiónes tuas. R.

<sup>144</sup> Iustítia testimoniórum tuórum in ætérnum;  
intelléctum da mihi, et vivam. R.

Lectio secunda et Evangelium ut supra in anniversario dedicationis ecclesiæ, pp. 797-810.

Pro lectione secunda, tempore paschali, eligi potest etiam Ap 21, 1-5 a vel Ap 21, 9 b-14, quæ proponuntur supra in anniversario dedicationis ut lectio prima, pp. 803-804.

### Super oblata

**Accépta tibi sint, Dómine, múnera lætántis Ecclésiæ, ut pópulus tuus, in hanc domum sanctam convéniens, per hæc mystéria salutem perpétuam consequátur.**

**Per Christum.**

Dicitur Prex eucharistica I vel III cum hac Præfatione, quæ ritui dedicationis ecclesiæ inhæret:

Præfatio: De mysterio templi Dei.

**γ. Dóminus vobíscum. ϩ. Et cum spírítu tuo.**

**γ. Sursum corda. ϩ. Habémus ad Dóminum.**

**γ. Grátias agámus Dómino Deo nostro.**

**ϩ. Dignum et iustum est.**

Vere dignum et iustum est, æquum et salutáre, nos tibi, sancte Pater, semper et ubíque grátias ágere. Qui templum glóriæ tuæ univérsum mundum fecisti, ut nomen tuum ubíque clarificárétur, sed et loca divínis apta mystériis non rénuis tibi sacrári: hanc ergo oratiónis domum, humano extrúctam labóre, maiestáti tuæ exsultántes dicámus.

Hic veri Templi adumbrátur mystérium et cælestis Ierúsalem prænotátur imágo: corpus enim Fílii tui, ex alma Vírgine natum, templum effecisti tibi sacrátum, in quo inhabitáret plenitúdo divinitátis.

Ecclésiám autem sanctam constituísti civitátem, super fundaméntum Apostolórum ædificátam, summo angulári lápide ipso Christo Iesu; sed eléctis construéndam lapídibus, Spírítu vivificátis, coagmentátis caritáte,

ubi tu per infinita saecula omnia omnibus eris  
et Christi lumen fulgebit perenne.

Per quem nos, Domine, cum Angelis et Sanctis universis  
tibi confitemur, in exultatione dicentes:

Sanctus, Sanctus, Sanctus Dominus Deus Sabaoth ...

---

Quando iam de more sacra celebrantur in ecclesia, et si adhibetur  
Præx eucharistica I, II vel III, dicitur hæc

Præfatio: De ecclesia terrestri ad Ecclesiam Dei.

ꝫ. Dominus vobiscum.

Ꝩ. Et cum spiritu tuo.

ꝫ. Sursum corda.

Ꝩ. Habemus ad Dominum.

ꝫ. Grátias agámus Dómino Deo nostro.

Ꝩ. Dignum et iustum est.

Vere dignum et iustum est, æquum et salutáre,  
nos tibi semper et ubique grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.

Quia in domo visibili, quam nobis extrúere concessísti,  
ubi familiæ in hoc loco ad te peregrinánti  
favére non désinis,

mystérium tuæ nobiscum communiónis  
mire figúras et operáris:

hic enim tibi templum illud quod nos sumus ædíficas,  
et Ecclésiám per orbem diffúsam

in domínici compágem córporis facis augéri,

in pacis visione compléndam, cælésti civitáte Ierúsalem.

Et ideo, cum multitúdi-ne órdinum beatórum,

in templo glóriæ tuæ, te collaudámus,

benedícimus et magnificámus, dicentes: Sanctus ...

---

In Precibus eucharisticis, dedicatio ecclesiæ secundum has formulas commemoratur:

a) in Prece eucharistica I dicitur **Hanc igitur** proprium:

**Hanc igitur oblationem servitutis nostræ,  
sed et famulorum tuorum  
qui hanc ecclesiam (in honorem N.)  
fideli tibi obtulerunt animo  
vel indefesso ædificaverunt labore,  
quæsumus, Domine, ut placatus accipias.  
(Per Christum Dominum nostrum. Amen.)**

b) in intercessionibus Precis eucharisticæ III, post verba **põpulo acquisitionis tuæ** dicitur:

**Votis huius familiæ, quæ hanc tibi dicat ecclesiam,  
adesto propitius:  
sit ei domus salutis et aula cælestium sacramentorum;  
hic resonet evangelium pacis  
et sacra mysteria celebrantur,  
quibus fideles tui, verbo vitæ ac divina gratia instructi,  
per temporalem civitatem peregrinantes  
ad æternam Ierusalem pervenire mereantur,  
in qua omnes filios tuos ubique dispersos  
tibi, clemens Pater, miseratus coniungas.  
Fratres nostros defunctos ...**

Ant. ad communionem Mt 21, 13; Lc 11, 10

**Domus mea, domus orationis vocabitur, dicit Dominus:  
in ea omnis qui petit accipit,  
et qui quærit invenit, et pulsanti aperiatur.**

Vel:

Cf. Ps 127, 3

**Sicut novellæ olivarum,  
Ecclesiæ filii sint in circuitu mensæ Domini, allelûia.**

**Post communionem**

Multiplica, Dómine, quæsumus,  
 per hæc sancta quæ sumpsimus,  
 veritatem tuam in mentibus nostris,  
 ut te in templo sancto iúgiter adorémus,  
 et in conspéctu tuo cum ómnibus Sanctis gloriémur.  
 Per Christum.

**Benedictio in fine Missæ**

Deus, Dóminus cæli et terræ,  
 qui vos hódie  
 ad huius domus dedicatiónem adunávit,  
 ipse vos cælésti benedictiône fáciat abundáre.

**R.** Amen.

Concedátque vos fieri templum suum  
 et habitáculum Spíritus Sancti,  
 qui omnes filios dispérsos  
 vóluit in Fílio suo congregári.

**R.** Amen.

Quátenus feliciter emundáti,  
 habitatórem Deum  
 in vobismetipsis possitis habére,  
 et æternæ beatitúdinis hereditátem  
 cum ómnibus Sanctis possidére.

**R.** Amen.

Benedícat vos omnípotens Deus,  
 Pater, et Fílius, **✠** et Spíritus Sanctus.

**R.** Amen.

**Missæ in anniversario dedicationis in Communibus ponuntur,  
 pp. 793-795.**



## 2. IN DEDICATIONE ALTARIS

Ant. ad introitum

Ps 83, 10-11

Protéctor noster, áspice, Deus,  
et réspice in fáciem Christi tui;  
quia mélior est dies una in átriis tuis super mília.

Vel:

Ps 42, 4

Introibo ad altáre Dei, allelúia.

Collecta

Deus, qui ad Fílium tuum in ara crucis exaltátum  
ómnia attráhere voluísti,  
caelésti grátia perfúnde fídeles tuos  
hanc tibi dicántes altáris mensam,  
ad quam eos, in unum congregátos, próvide nútries  
Spíritúque effúso, in dies constitues  
plebem tibi sacrátam. Per Dóminum.

Lectiones ut infra, pp. 1293-1302.

Super oblata

Descéndat, quáesumus, Dómine Deus noster,  
Spíritus tuus Sanctus super hoc altáre,  
qui et dona pópuli tui sanctíficet,  
et suméntium corda dignánter emúndet. Per Christum.

Dicitur Prex eucharistica I vel III cum hac Præfatione, quæ ri-  
tui dedicationis altaris inhæret:

Præfatio: Altare ipse est Christus.

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:

Dómine, sancte Pater, omnipotens ætérne Deus:  
per Christum Dóminum nostrum.

Qui verus sacérdos veráque efféctus hóstia,  
sacrificií, quod ipse in ara crucis tibi óbtulit,  
memoriále nobis præcépit in perpétuum celebráre.

Ideo pópulus tuus hoc eréxit altáre,  
quod tibi, Dómine, exsultántes dicámus.

Hic est vere locus excélsus,  
ubi Christi sacrificium in mystério iúgiter offértur,  
tibi perfécta tribúitur laus  
nostráque exséritur redémptio.

Hic domínica mensa parátur,  
ad quam flíi tui, Christi córpore refécti,  
in unam sanctámque congregántur Ecclésiám.

Hic fidéles Spíritum tuum háuriunt  
de flumínibus a Christo, spiritáli petra, manántibus,  
per quem et ipsi fiunt oblátio sancta, vivum altáre.

Unde et nos, Dómine, cum Angelis et Sanctis univérsis  
tibi confitémur, in exsultatióne dicétes:

Sanctus, Sanctus, Sanctus Dóminus Deus Sábaoth ...

Ant. ad communionem

Ps 83, 4-5

Passer invénit sibi domum,  
et turtur nidum, ubi repónat pullos suos:  
altária tua, Dómine virtútum,  
rex meus et Deus meus.

Beáti qui hábitant in domo tua,  
in séculum séculi laudábunt te.

Vel:

Cf. Ps 127, 3

Sicut novéllæ olivárum,  
Ecclésiæ filíi sint in circúitu mensæ Dómini, allelúia.

Post communionem

**Da nobis, Dómine, tuis semper altáribus inhærére,  
ubi sacrificii sacraméntum celebrátur,  
ut, fide et caritáte coniúcti, dum Christo reficimur  
in Christum transformémur. Qui vivit et regnat.**

Benedictio in fine Missæ

**Deus, qui vos exórnat regáli sacerdótio,  
tribuat ut, munus vestrum sancte perficiétes,  
Christi sacrificium valeátis digne participáre.**

**℟. Amen.**

**Et qui ad unam mensam vos cóngregat  
unóque reficit pane,  
ex vobis fáciat cor unum et ánimam unam.**

**℟. Amen.**

**Ut eos, quibus Christum annuntiátis,  
ad Christum trahátis exémplo vestræ dilectiónis.**

**℟. Amen.**

**Benedícat vos omnípotens Deus,  
Pater, et Fílius, ✠ et Spíritus Sanctus.**

**℟. Amen.**

---

Lectio prima extra tempus paschale

1

*Surgens Iacob tulit lapidem et erexit in titulum,  
fundens oleum desuper.*

Léctio libri Génesis

28, 11-18

In diébus illis:

**Cum venisset Iacob ad quendam locum, et vellet  
in eo requiescere post solis occúbítum, tulit de lapídibus**

qui iacébant, et supponens cápiti suo dormívit in eódem loco.

Vidítque in somnis scalam stantem super terram, et cacúmen illíus tangens cælum, ángelos quoque Dei ascendéntes et descendéntes per eam, et Dóminum inníxum scalæ dicéntem sibi:

« Ego sum Dóminus Deus Abraham patris tui et Deus Isaac: terram, in qua dormis, tibi dabo et sémini tuo, erítque semen tuum quasi pulvis terræ; dilatáberis ad occidentem et oriéntem et septentríonem et merídiem, et benedicéntur in te et in sémine tuo cunctæ tribus terræ. Et ero custos tuus quocúmque perréxeris, et redúcam te in terram hanc; nec dimíttam nisi complévero univérſa quæ dixi ».

Cumque evigilásset Iacob de somno, ait: « Vere Dóminus est in loco isto, et ego nesciébam ».

Pavénsque, « Quam terríbilis est » inquit, « locus iste! non est hic áliud nisi domus Dei et porta cæli ». Surgens ergo Iacob mane tulit lápidem, quem supposúerat cápiti suo, et eréxit in titulum, fundens óleum désuper. — Verbum Dómini.

Psalmus responsorius

Ps 94, 1-2. 3-5. 6-7

℞. Accedámus in conspéctum Dómini cum láudibus.

- 1 Veníte, exsultémus Dómino;  
iubilémus Deo salutári nostro.
- 2 Præoccupémus fáciem eius in confessióne,  
et in psalmis iubilémus ei. ℞.
- 3 Quóniam Deus magnus Dóminus,  
et rex magnus super omnes deos.
- 4 Quia in manu eius sunt profúnda terræ,  
et altitúduines móntium ipsíus sunt.
- 5 Quóniam ipsíus est mare, et ipse fecit illud,  
et siccam manus eius formavérunt. ℞.

- 6 Veníte, adorémus et procidámus,  
 et génuā flectámus ante Dóminum qui fecit nos,  
 7 quia ipse est Deus noster,  
 et nos pópulus páscuæ eius et oves manus eius. *R.*

## 2

*Ædificavit Iosue altare Domino.*

Léctio libri Iósue

8, 30-35

In diébus illis:

Ædificávit Iósue altáre Dómino Deo Israel in monte Hebal, sicut præcéperat Móyses fámulus Dómini fíliis Israel, et scriptum est in volúmine legis Móysi: altáre vero de lapídibus impolítis quos ferrum non tétigit. Et obtulit super eo holocáusta Dómino, immolavítque pacíficas víctimas. Et scripsit super lápides deuteronomium legis Móysi, quod ille digésserat coram fíliis Israel.

Omnis autem pópulus et maióres natu, ducésque ac iúdicez stabant ex utrâque parte arcæ, in conspéctu sacerdotum qui portábant arcam fœderis Dómini, ut ádvena ita et indígena. Média pars eórum iuxta montem Garí-zim, et média iuxta montem Hebal, sicut præcéperat Móyses fámulus Dómini.

Et primum quidem benedíxit pópulo Israel; post hæc legit ómnia verba benedictiónis et maledictiónis, et cuncta quæ scripta erant in legis volúmine. Nihil ex his quæ Móyses iússerat reliquit intáctum, sed univérsa replicávit coram omni multítudine Israel, muliéribus ac párvulis et ádvenis qui inter eos morabántur.

Verbum Dómini.

Psalmus responsorius Ps 83, 3. 4. 5 et 10. 11 (R.: 2)

R. Quam dilécta altária tua, Dómine.

3 Concupíscit et déficit ánima mea in átria Dómini.  
Cor meum et caro mea  
exsultavérunt in Deum vivum. R.

4 Etenim passer invénit sibi domum,  
et turtur nidum sibi, ubi ponat pullos suos:  
altária tua, Dómine virtútum, rex meus et Deus meus. R.

5 Beáti qui hábitant in domo tua,  
in perpétuum laudábunt te.

10 Protéctor noster, áspice, Deus,  
et réspice in fáciem Christi tui. R.

11 Quia mélior est dies una in átriis tuis super mília,  
elégi ad limen esse in domo Dei mei,  
magis quam habitáre in tabernáculis peccatórum. R.

## 3

*Fecerunt dedicationem altaris, et facta est  
lætitia in populo magna valde.*

Léctio libri primi Machabæórum

4, 52-59

Ante matutínium surrexérunt quinta et vigésima die mensis noni (hic est mensis Cásleu) centésimi quadragésimi octávi anni, et obtulérunt sacrificium secúndum legem super altáre holocaustórum novum, quod fecérunt. Secúndum tempus et secúndum diem, in qua contaminavérunt illud gentes, in ipsa renovátum est in cánticis et cítharis et cínyris et in cýmbalis.

Et cécidit omnis pópulus in fáciem, et adoravérunt

et benedixerunt in cælum eum qui prosperavit eis; et fecerunt dedicationem altaris diebus octo, et obtulerunt holocausta cum lætitia, et sacrificium salutaris et laudis; et ornaverunt faciem templi coronis aureis et scutulis, et dedicaverunt portas et pastophoria, et imposuerunt eis ianuas. Et facta est lætitia in populo magna valde, et aversum est opprobrium gentium.

Et statuit Iudas et fratres eius et universa ecclesia Israel, ut agatur dies dedicationis altaris in temporibus suis ab anno in annum, per dies octo, a quinta et vigesima die mensis Casleu, cum lætitia et gaudio.

Verbum Domini.

Psalmus responsorius Ps 121, 1-2. 3-4. 8-9 (R.. cf. 1)

R. In domum Domini lætantes ibimus.

Lætatus sum in eo quod dixerunt mihi:

« In domum Domini ibimus ».

Stantes iam sunt pedes nostri  
in portis tuis, Ierusalem. R.

Ierusalem, quæ ædificata est ut civitas  
sibi compacta in idipsum.

Illuc enim ascenderunt tribus, tribus Domini,  
testimonium Israel, ad confitendum nomini Domini. R.

Propter fratres meos et proximos meos  
loquar: « Pax in te! »

Propter domum Domini Dei nostri  
exquiram bona tibi. R.

Lectio prima  
tempore paschali

## 1

*Erant fratres perseverantes  
in fractione panis et orationibus.*

## Lectio Actuum Apostolorum

2, 42-47

Erant fratres perseverantes in doctrina Apostolorum et communicatióne, in fractiÓne panis et oratiÓnibus.

Fiebat autem omni animæ timor. Multa quoque prodigia et signa per Apóstolos fiebant. Omnes autem qui crediderant erant pariter, et habebant omnia comúnia: et possessiones et substantias vendebant, et dividebant illas omnibus, prout cuique opus erat.

Cotidie quoque perdurantes unanimiter in templo, et frangentes circa domos panem, sumebant cibum cum exsultatiÓne et simplicitate cordis, collaudantes Deum, et habentes gratiam ad omnem plebem. Dóminus autem augébat qui salvi fierent cotidie in idípsum.

Verbum Dómini.

## Psalmus responsorius

Ps 117, 15-16. 19-20. 22-23. 27 (R.: 1)

R. Confitémini Dómino,  
quóniam in sáculum misericórdia eius.

vel Allelúia.

<sup>15</sup> Vox iubilatiÓnis et salutis  
in tabernáculis iustórum.



- 16 **Déxtera Dómini fecit virtútem,  
déterta Dómini exaltávit me;  
déterta Dómini fecit virtútem. R̄.**
- 19 **Aperíte mihi portas iustítiae,  
ingréssus in eas confitébor Dómino;**
- 20 **hæc porta Dómini, iusti intrábunt in eam. R̄.**
- 22 **Lápidem quem reprobavérunt ædificántes,  
hic factus est in caput ánguli;**
- 23 **a Dómino factum est istud,  
et est mirábile in óculis nostris. R̄.**
- 27 **Deus Dóminus, et illúxit nobis.  
Instrúite sollempnitátem in ramis condénsis,  
usque ad córnua altáris. R̄.**

2

*Stetit angelus ante altare.*

**Léctio libri Apocalýpsis beáti Ioánnis apóstoli 8, 3-4**

**Ego Ioánnes vidi: Alius ángelus venit et stetit ante altáre habens thuríbulum áureum, et data sunt illi incénsa multa, ut daret oratióibus sanctórum ómnium super altáre áureum, quod est ante thronum. Et ascéndit fumus incensórum de oratióibus sanctórum de manu ángeli coram Deo. — Verbum Dómini.**

Psalmus responsorius, ut supra, p. 1297.

## Lectio secunda

## 1

*Non potestis mensæ Domini participes esse  
et mensæ dæmoniorum.*

Lectio Epistolæ primæ beati Pauli apóstoli  
ad Corínthios

10, 16-21

Fratres:

Calix benedictiónis, cui benedicimus, nonne comunicatio sánguinis Christi est? et panis quem frángimus, nonne comunicatio córporis Christi est? Quóniam unus panis, unum corpus multi sumus, omnes enim de uno pane participámur.

Vidéte Israël secúndum carnem: nonne qui edunt hóstias comunicántes sunt altári? Quid ergo dico? quod idolóthytum sit áliquid? aut quod idólum sit áliquid? Sed quæ ímmolant, dæmóniis ímmolant et non Deo; nolo autem vos comunicántes fieri dæmóniis: non potéstis cálicem Dómini bíbere et cálicem dæmoniórum; non potéstis mensæ Dómini participes esse et mensæ dæmoniórum. — Verbum Dómini.

## 2

*Habemus altare, de quo edere non habent potestatem  
qui tabernaculo deserviunt.*

Lectio Epistolæ ad Hebræos

13, 8-15

Jesus Christus heri et hódie idem, et in sácula. Doctrínis váriis et peregrínis nolíte abdúci; óptimum enim est grátia stabilíri cor, non escis, quæ non profuérunt ambulántibus in eis.

Habémus altáre, de quo édere non habent potestátem qui tabernáculo deserviunt. Quorum enim animálium infértur sanguis pro peccáto in Sancta per pontíficem, horum córpora cremántur extra castra.

Propter quod et Iesus, ut sanctificáret per suum sánguinem pópulum, extra portam passus est. Exeámus igitur ad eum extra castra, impropérium eius portántes. Non enim habémus hic manéntem civitátem, sed futúram inquirimus.

Per ipsum ergo offerámus hóstiam laudis semper Deo, id est fructum labiórum confiténtium Nómni eius. — Verbum Dómini.

Vel etiam 1 Petr 2, 4-9, ut supra in anniversario dedicationis ecclesiæ, p. 806.

## Evangelium

### 1

Alleluia et Versus ante Evangelium Ez 37, 27

(R. Allelúia). *γ*. Erit tabernáculum meum in eis,  
dicit Dóminus.

(R. Allelúia).

*Vade, reconciliare fratri tuo,  
et tunc offer munus tuum.*

✠ Lécio sancti Evangélii secúndum Matthæum

5, 23-24

In illo témpore: Dixit Iesus discípulis suis:

« Si ófferes munus tuum ad altáre, et ibi recordátus fueris quia frater tuus habet áliquíd advérsus te, relínque ibi munus tuum ante altáre, et vade prius, reconciliáre fratri tuo, et tunc véniens offer munus tuum ».

Verbum Dómini.

## 2

Alleluia et Versus ante Evangelium Cf. Io 4, 24

(R. Allelúia). *ꝯ*. Pater veros adorátóres quærit,  
qui adórent eum in spírítu et veritáte.  
(R. Allelúia).

*Veri adoratores adorabunt Patrem in spiritu  
et veritate.*

✠ Lécitio sancti Evangélii secúndum Ioánnem 4, 19-24

In illo témpore:

Múlier Samaritána dicit Iesu:

« Dómine, vídeo quia prophéta es tu. Patres nostri in monte hoc adoravérunt, et vos dicitis quia Hierosólymis est locus ubi adoráre opórtet ».

Dicit ei Iesus: « Crede mihi, múlier, quia venit hora, quando neque in monte hoc, neque in Hierosólymis adorábitis Patrem. Vos adorátis quod nescítis, nos adorámus quod scimus, quia salus ex Iudæis est. Sed venit hora et nunc est, quando veri adorátóres adorábunt Patrem in spírítu et veritáte. Nam et Pater tales quærit qui adórent eum. Spírítus est Deus, et eos, qui adoránt eum, in spírítu et veritáte opórtet adoráre ».

Verbum Dómini.

## 3

Alleluia et Versus ante Evangelium Hebr 13, 8

(R. Allelúia). *ꝯ*. Christus heri et hódie,  
ipse et in sácula.  
(R. Allelúia).

*Si exaltatus fuero a terra, omnes traham  
ad meipsum*

✠ Lécio sancti Evangélii secúndum Ioánnem

12, 31-36 a

In illo témpore:

Dixit Iesus ad turbam: « Nunc iudícium est huius mundi, nunc princeps huius mundi eiciétur foras.

Et ego, si exaltátus fúero a terra, omnes traham ad meípsum ». Hoc autem dicébat significans qua morte esset moritúrus.

Respóndit ergo ei turba: « Nos audívimus ex Lege quia Christus manet in ætérnum, et quómodo tu dicis: " Opórtet exaltári Filium hóminis "? Quis est iste Fílius hóminis? »

Dixit ergo eis Iesus: « Adhuc módicum tempus lumen in vobis est. Ambuláte dum lucem habétis, ut non ténebræ vos comprehéndant; et qui ámbulat in ténebris nescit quo vadat.

Dum lucem habétis, créдите in lucem, ut filii lucis fiátis ». — Verbum Dómini.

**MISSÆ ET ORATIONES  
PRO VARIIS NECESSITATIBUS**

**1. Una simul colliguntur, in hac parte, Missæ et orationes, quæ in pluribus rerum adiunctis adhiberi possunt, pro variis necessitatibus sut occasionibus.**

Quæ inveniuntur in tribus prioribus partibus dici possunt sive in Missa cum populo sive in Missa sine populo celebrata; quæ vero in quarta parte colliguntur, plerumque in Missis quæ sine populo celebrantur dici deberent, nisi ratio pastoralis aliquando aliter suadeat.

**2. Missis, quæ integra formulæ, idest antiphonis et orationibus, hic donantur, etiam lectiones propriæ in lectionario suppeditantur.**

**3. Semper licet sacerdoti omnes orationes huius serici, vel etiam solam collectam, in Missa de fertis « per annum » adhibere, servatis iis quæ sub n. 1 indicantur.**

**4. In quibusdam Missis, textus liturgici, qui pro viro ponuntur, aptari possunt pro muliere, mutato genere, vel pro pluribus, mutato numero.**

**5. Hæ Missæ dici possunt cum colore proprio dici vel temporis aut cum colore violaceo, si indolem penitentialem manifestant, v. gr. nn. 23, 28, 40 (cf. Institutio generalis, n. 310).**

# I. PRO SANCTA ECCLESIA

## 1. PRO ECCLESIA

### A

Ant. ad introitum

Cf. Eph 1, 9 a. 10

Deus notum fecit nobis sacraméntum voluntátis suæ,  
instauráre ómnia in Christo,  
quæ in cælis et quæ in terra sunt, in ipso.

Collecta

Deus, qui regnum Christi ubique terrárum dilatári  
providéntia mirábili disposuisti,  
et omnes hómines salutáris éffici redemptionis participes,  
præsta, quæsumus,  
ut Ecclésia tua universális sit salutis sacraméntum,  
et tuæ in hómines caritátis  
maniféstet et operétur mystérium. Per Dóminum.

Lectiones, ut indicantur pp. 1313-1315.

Super oblata

Plebis tibi sacratæ réspice múnera, miséricors Deus,  
et per huius sacraménti virtútem concéde,  
ut credéntium in te multitúdo  
genus eléctum, regále sacerdotium, gens sancta,  
pópulus acquisitionis tibi iúgiter efficiátur. Per Christum.

Prefatio VIII de dominicis per annum, ut infra:

γ. Dóminus vobíscum. ϩ. Et cum spírítu tuo.

γ. Sursum corda. ϩ. Habémus ad Dóminum.

γ. Grátias agámus Dómino Deo nostro.

ϩ. Dignum et iustum est.

Vere dignum et iustum est, æquum et salutáre,  
nos tibi semper et ubique grátias ágere:  
Dómine, sancte Pater, omnípotens ætérne Deus:



Quia filios, quos longe peccati crimen abstulerat,  
 per sanguinem Filii tui Spiritusque virtute,  
 in unum ad te denuo congregare voluisti:  
 ut plebs, de unitate Trinitatis adunata,  
 in tuae laudem sapientiae multiformis  
 Christi corpus templumque Spiritus nosceretur Ecclesia.  
 Et ideo, choris angelicis sociati,  
 te laudamus in gaudio confitentes: Sanctus ...

Ant. ad communionem

Ap 22, 17 a. 20

Spiritus et sponsa dicunt: Veni.

Amen. Veni, Domine Iesu.

Post communionem

Deus, qui tuis Ecclesiam  
 iugiter pascis et roboras sacramentis,  
 concede nobis mensa caelesti refectis,  
 ut, caritatis tuae documentis obsequendo,  
 fermentum vivificans et salutis instrumentum  
 humano efficiamur consortio. Per Christum.

## B

Ant. ad introitum

Ap 7, 9

Vidi turbam magnam, quam dinumerare nemo poterat,  
 ex omnibus gentibus et tribubus et populis et linguis,  
 alleluia.

Collecta

Deus, qui in Christi tui testamento ex omnibus gentibus  
 populum tibi congregare non desinis,  
 in Spiritu ad unitatem coalescentem,  
 concede, ut Ecclesia tua, missioni sibi creditae fidelis,  
 cum hominum familia iugiter incédât,  
 et tamquam fermentum  
 et veluti anima societatis humanae

**in Christo renovándæ et in familiam Dei transformándæ  
semper exsístat. Per Dóminum.**

Lectioes, ut indicantur pp. 1313-1315.

Super oblata

**Múnera quæ tibi offérimus, Dómine,  
súscipe benígnus, et præsta, ut Ecclésia tua,  
de látere Christi in cruce dormiéntis exórta,  
ex huius participatióne mystérii  
suam iúgiter háuriant sanctitátem,  
qua semper vivat suóque digne respóndeat auctóri.  
Per Christum.**

Præfatio VIII de dominicis per annum, ut supra, p. 1307.

Ant. ad communionem

Io 19, 34

**Unus mílitum láncea latus eius apéruit,  
et contínuo exívit sanguis et aqua.**

Vel:

Ap 7, 12

**Benedíctio et cláritas et sapiéntia et gratiárum áctio,  
honor et virtus et fortitúdo Deo nostro  
in sécula sæculórum. Amen.**

Post communionem

**Sacraménto Fílii tui recreáti, te, Dómine, deprecámur,  
ut Ecclésiæ tuæ operatióne fecúndes,  
qua salutáris mystérii plenitúdinem  
paupéribus contínuo revélas,  
quos ad tui regni præcípuam vocásti portióne.  
Per Christum.**

## C

Ant. ad introitum

Mt 18, 19-20

**Dico vobis:**

**Ubi sunt duo vel tres congregáti in nómine meo,  
ibi sum in médio eórum, dicit Dóminus.**

Vel:

Rom 12, 5

**Multi unum corpus sumus in Christo,  
singuli autem alter alterius membra.**

Collecta

**Concede, quæsumus, omnipotens Deus,  
ut Ecclesia tua semper ea plebs sancta permâneat  
de unitate Patris et Filii et Spiritus Sancti adunata,  
quæ tuæ sanctitatis et unitatis sacramentum  
mundo manifestet,  
et ipsum ad perfectionem tuæ conducat caritatis.  
Per Dóminum.**

Lectiones, ut indicantur pp. 1313-1315.

Super oblata

**Immensæ Filii tui caritatis memoriale celebrantes,  
te, Dómine, suppliciter exoramus,  
ut eiusdem salutáris óperis fructus,  
per Ecclesiæ tuæ ministérium,  
ad totius mundi proficiat salutem. Per Christum.**

Præfatio de unitate, p. 1364.

Ant. ad communionem

Cf. 1 Cor 10, 17

**Unus panis, unum corpus multi sumus,  
omnes qui de uno pane et de uno cálice participámus.**

Post communionem

**Deus, qui mirábili sacraménto  
Ecclesiæ fortitudinem tribuis et solámen,  
da pópulo tuo per hæc sancta Christo adhærere,  
ut, temporálibus munéribus quæ gerit,  
tuum in libertáte regnum ædificet ætérnum.  
Per Christum.**

## D

Ant. ad introitum

Cf. Io 17, 20-21

Rogo, Pater, pro eis qui creditúri sunt in me,  
 ut ipsi in nobis unum sint,  
 ut credat mundus quia tu me misísti.

Collecta

Omnípotens sempitérne Deus,  
 qui glóriam tuam ómnibus in Christo géntibus revelásti,  
 custódi ópera misericórdiæ tuæ,  
 ut Ecclésia sancta, toto orbe diffúsa,  
 stábili fide in confessióne tui nóminis perseveret.  
 Per Dóminum.

Lectiones, ut indicantur pp. 1313-1315.

Super oblata

Deus, qui eódem sacrificio  
 Ecclésiám tuam hígiter sanctíficas, quo eam mundásti,  
 da, ut, cápiti suo Christo uníta, cum eo se tibi ófferat,  
 et pura tibi voluntáte concórdet. Per Christum.

Prefatio VIII de dominicis per annum, ut supra, p. 1307.

Ant. ad communionem

Io 15, 5

Qui manet in me et ego in eo, hic fert fructum multum,  
 quia sine me nihil potéstis fácere, dicit Dóminus.

Post communionem

Refectióne sancta enutrítam,  
 gubérna, quæsumus, Dómine, tuam placátus Ecclésiám,  
 ut, poténti moderatióne dirécta,  
 et increménta libertátis accípiat,  
 et in religiónis integritáte persístat.  
 Per Christum.

## E

## Pro Ecclesia locali

## Ant. ad introitum

Ap 1, 5-6

Iesu Christo, qui diléxit nos,  
et lavit nos a peccátis nostris in ságuine suo,  
et fecit nos regnum et sacerdotés Deo et Patri suo:  
ipsi glória et impérium in sácula sáculórum. Amen.

## Collecta

Deus, qui in síngulis Ecclésiis per orbem peregrínis  
unam, sanctam, cathólicam et apostólicam  
maniféstas Ecclésiám,  
plebi tuæ concéde benígnus ita pastóri suo adunári  
atque per Evangélium et Eucharístiam  
congregári in Spíritu Sancto,  
ut universitátem pópuli tui digne váleat repræsentáre,  
et signum fiat  
atque præsentíæ Christi in mundo instruméntum.  
Per Dóminum.

Lectiones, ut indicantur pp. 1313-1315.

## Super oblata

Imménsæ Fílii tui caritátis memoriále celebrántes,  
te, Dómine, suppliciter exorámus,  
ut eiúsdem salutáris óperis fructus,  
per Ecclésiæ tuæ ministérium,  
ad totíus mundi proficiat salútem.  
Per Christum.

Præfatio VIII de dominicis per annum, ut supra, p. 1307.

## Ant. ad communionem

Ap 3, 20

Ecce sto ad óstium et pulso, dicit Dóminus;  
si quis audierit vocem meam

et aperúerit mihi iánuam,  
intrábo ad illum, et cenábo cum illo, et ipse mecum.

### Post communionem

Vígeat in hac Ecclésia tua, Dómine,  
et usque in finem persevéret  
fidei intégritas, morum sáncritas,  
fratérna cáritas et munda relígio,  
et, quam Fílii tui córpore  
et verbo tuo páscere non désinis,  
eam quoque tuis non cesses gubernáre præsídiis.  
Per Christum.

Orationes super oblata et post communionem adhiberi possunt  
etiam eæ quæ in schematibus præcedentibus inveniuntur.

### Lectiones:

1. **Is 56, 1. 6-7:** « Domus mea domus orationis vocabitur cunctis populis ».  
Hæc dicit Dóminus: « Custodíte ... », p. 1389.
2. **Is 60, 1-6:** « Omnes isti congregati sunt, venerunt tibi ».  
Surge, illumináre, Ierúsalem ..., p. 1390.
3. **Ez 34, 11-16:** « Congregabo oves meas de terris ».  
Hæc dicit Dóminus: « Ecce ego requíram oves meas ... », p. 1666.
4. **Os 2, 14 b. 15 b. 19-20:** « Sponsabo te mihi in sempiternum ».  
Hæc dicit Dóminus: « Ecce ego ducam eam ... », p. 962.
5. **1 Cor 3, 9 b-11. 16-17:** « Dei ædificatio estis ».  
Fratres: Dei ædificatio estis ..., p. 805.
6. **1 Cor 12, 3 b-7. 12-13:** « Divisiones ministracionum sunt, idem autem Dominus ».  
Fratres: Nemo potest dícere: « Dóminus Iesus! » nisi in Spírítu Sancto ..., p. 1694.
7. **Eph 1, 3-14:** « Recapitulare omnia in Christo ... in laudem gloriæ ipsius ».  
Fratres: Benedíctus Deus et Pater ..., p. 1265.

8. **Eph 2, 19-22:** « Superædificati super fundamentum Apostolorum et Prophetarum ».  
Fratres: Iam, in Christo Iesu, non estis extranei ..., p. 1374.
9. **1 Pt 2, 4-9:** « Ipsi tamquam lapides vivi ædificamini ».  
Carissimi: Accédite ad Dóminum Iesum, lápidem vivum ..., p. 806.
10. **Ap 7, 2-4. 9-14:** « Ecce turba magna, quam dinumerare nemo poterat ».  
Ego, Ioánnes, vidi álium Angelum ..., p. 1723.

### Psalmi responsorii:

1. **Ps 18, 2-3. 4-5.**  
r. (5 a): In omnem terram exivit sonus eórum, p. 1393.
2. **Ps 24, 4-5 a b. 6-7. 8-9. 10 et 14.**  
r. (6 a): Reminiscere miseratiónum tuárum, Dómine, p. 1660.
3. **Ps 66, 2-3. 5. 7-8.**  
r. (4): Confiteántur tibi pópuli, Deus, confiteántur tibi pópuli omnes, p. 1392.
4. **Ps 97, 1. 2-3 a b. 3 c-4. 5-6.**  
r. (2 b): In conspéctu géntium revelávit Dóminus iustitiam suam, p. 1391.
5. **Ps 116, 1. 2.**  
r. (Mc 16, 15): Eúntes in mundum univérsum, prædicáte Evangélium, p. 912.

### Alleluia, Versus ante Evangelium et Evangelia:

1. **Mt 16, 18:** Tu es Petrus, et super hanc petram ..., p. 807.  
**Mt 16, 13-19:** « Super hanc petram ædificabo Ecclesiam meam ».  
In illo témpore: Venit Iesus in partes ..., p. 807.
2. **Ps 132, 1:** Ecce quam bonum ..., p. 1328.  
**Mt 18, 15-20:** « Ubi sunt duo vel tres congregati in Nomine meo, ibi sum in medio eorum ».  
In illo témpore: Dixit Iesus discipulis suis: « Si peccáverit in te ... », p. 1328.
3. **Mt 28, 19 a. 20 b:** Eúntes, docéte omnes gentes ..., p. 1399.  
**Mt 28, 16-20:** « Eúntes, docete omnes gentes ».  
In illo témpore: Undecim discipuli ..., p. 1400.
4. **Io 15, 5:** Ego sum vitis, vos pálmites ..., p. 1281.  
**Io 15, 1-8:** « Manete in me, et ego in vobis ».

In illo t mpore: Dixit Iesus disc pulis suis: « Ego sum vitis vera ... », p. 1281.

5. Io 10, 11: Ego sum pastor bonus ..., p. 1324.

Io 17, 11 b. 17-23: « Sicut me misisti in mundum, et ego misi eos in mundum ».

In illo t mpore: Sublev tis Iesus  culis in c elum ..., p. 1325.

6. Io 10, 14: Ego sum pastor bonus ..., p. 1180.

Io 21, 15-17: « Pasce agnos meos, pasce oves meas ».

Cum manifest sset se Iesus disc pulis suis et prandisset cum eis, dicit Sim ni Petro ..., p. 1180.

---

Cf. etiam textus aptiores qui proponuntur in Missis pro unitate christianorum et pro evangelizatione populorum, pp. 1368-1384 et 1388-1403.

## 2. PRO PAPA

### pr sertim in anniversario electionis

#### A

H c Missa dicitur, cum colore albo, in anniversario electionis Pap , ubi peculiare habentur celebrationes, dummodo non occurrat dominica Adventus, Quadragesim  et Pasch , aut sollemnitas, aut feria IV Cinerum vel Hebdomad  sanct .

Ant. ad introitum

Mt 16, 18-19

Tu es Petrus,  
et super hanc petram  dific bo Eccl siam meam,  
et port e inferi non pr val bunt adv rsus eam,  
et tibi dabo claves regni c lorum.

#### Collecta

Deus, qui provid nti  tu  consilio  
super be tum Petrum, c teris Ap stolis pr p situm,  
Eccl siam tuam  dific ri voluisti,  
r spice prop tius ad Papam nostrum N., et conc de,  
ut, quem Petri constituisti successorem,



pópulo tuo visíbile sit unitátis fidei et communiónis  
príncipium et fundaméntum.

Per Dóminum.

**Vel:**

Deus, ómnium fidélium pastor et rector,  
fámulum tuum **N.**, quem pastórem  
Ecclésiæ tuæ præesse voluísti, propítius réspice;  
da ei, quæsumus, verbo et exémplo,  
quibus præest proficere,  
ut ad vitam, una cum grege sibi crédito,  
pervéniat sempitérnam.

Per Dóminum.

Pro lectionibus sumuntur textus aptiores ex his qui proponuntur  
in Communi pastorum, ut supra pp. 903-935.

**Super oblata**

Oblátis, quæsumus, Dómine, placáre munéribus,  
et Ecclésiám tuam sanctam,  
una cum Papa nostro **N.**,  
quem ipsi constituísti pastórem,  
assídua protectióne gubérna.  
Per Christum.

**Ant. ad communionem**

Io 21, 15. 17

Dixit Iesus Petro:

Simon Ioánnis, díligis me plus his?

Petrus autem respóndit:

Dómine, tu ómnia nosti; tu scis, Dómine, quia amo te.

**Post communionem**

Mensæ cæléstis partícipes effécti,  
súpplices te, Dómine, deprecámur,  
ut, huius virtúte mystérii,

Ecclésiám tuam in unitáte et caritáte confírmes,  
et fámulum tuum **N.**,  
cui pastorále munus tradidísti,  
una cum commísso sibi grege  
salves semper et múnias.  
Per Christum.

**B****Alla oratio pro Papa****Collecta**

Deus, qui in apóstoli Petri successióne  
fámulum tuum **N.** elegísti totíus gregis esse pastórem,  
supplicántem pópulum intuére propítius, et præsta,  
ut, qui Christi vices gerit in terris, fratres confírmet,  
et omnis Ecclésia cum ipso commúnicet  
in vínculo unitátis, amóris et pacis,  
quátenus in te, animárum pastóre,  
omnes veritátem et vítam assequántur ætérnam.  
Per Dóminum.

**3. PRO EPISCOPO****præsertim in anniversario ordinationis****A**

Hæc Missa dicitur, cum colore albo, in anniversario electionis Episcopi, ubi peculiare habentur celebrationes, dummodo non occurrat dominica Adventus, Quadragesimæ et Paschæ, aut sollemnitatis, aut feria IV Cinerum vel Hebdomadæ sanctæ.

**Ant. ad introitum****Ez 34, 11. 23. 24**

Visitábo oves meas, dicit Dóminus,  
et suscitábo pastórem qui pascat eas;  
ego autem Dóminus ero eis in Deum.

## Collecta

Deus, pastor ætérne fidélium,  
 qui Ecclésiæ tuæ multiplici dispensatióne præes  
 et amóre domináris,  
 da, quæsumus, fámulo tuo N.,  
 quem plebi tuæ præfecisti,  
 ut gregi, cuius est pastor, Christi vice præsideat,  
 et fidélis sit doctrínæ magíster,  
 sacri cultus sacérdos et gubernatiónis mínister.  
 Per Dóminum.

Vel:

Deus, ómnium fidélium pastor et rector,  
 fámulum tuum N.,  
 quem pastórem Ecclésiæ N. præesse voluísti,  
 propítius réspice;  
 da ei, quæsumus, verbo et exémplo,  
 quibus præest profícere,  
 ut ad vitam, una cum grege sibi crédito,  
 pervéniat sempitérnam.  
 Per Dóminum.

Pro lectionibus sumuntur textus aptiores ex iis qui proponuntur  
 in Communi pastorum, ut supra pp. 903-935.

## Super oblata

Hæc oblátio, Dómine, pro fámulo tuo N. deláta  
 sit tibi munus accéptum,  
 et, quem sacerdotem magnum  
 in tuo pópulo suscitásti,  
 apostolicárum virtátum munéribus,  
 ad gregis proféctum, exórna.  
 Per Christum.

Ant. ad communionem

Mt 20, 28

**Filius hominis non venit ministrári, sed ministráre,  
et dare ánimam suam redemptionem pro multis.**

Post communionem

**Huius, Dómine, virtúte mystérii,  
in fámulo tuo N. episcopo nostro  
grátiae tuæ dona múltiplica,  
ut et tibi digne persólvat pastorále ministérium,  
et fidélis dispensatiónis ætéRNA præmia consequátur.  
Per Christum.**

**B****Alia oratio pro Episcopo**

Collecta

**Da, quæsumus, Dómine, fámulo tuo N.,  
quem pascéndo gregi tuo  
in Apostolorum successióne præfecísti,  
spíritum consilii et fortitúdinis,  
spíritum sciéntiæ et pietátis,  
ut, pópulum sibi crédito fideliter gubérnans,  
Ecclésiæ ædíficet in mundo sacraméntum.  
Per Dóminum.**

**4. PRO ELIGENDO PAPA VEL EPISCOPO**

Ant. ad introitum

1 Sam 2, 35

**Suscitábo mihi sacerdotem fidélem,  
qui iuxta cor meum et ánimam meam fáciat;  
et ædificábo ei domum fidélem,  
et ambulábit coram me cunctis diébus.**

## Collecta

**Deus, qui, pastor ætérnus,  
gregem tuum assídua custódia gubérnas,  
eum imménsa tua pietáte concédas Ecclésiæ pastórem,  
qui tibi sanctitáte pláceat,  
et vígili nobis sollicitúdine prosit.  
Per Dóminum.**

Lectiones ut infra, pp. 1321-1324.

## Super oblata

**Tuæ nobis, Dómine, abundántia pietátis indúlgeat,  
ut, per sacra múnera quæ tibi reverénter offérimus,  
gratum maiestáti tuæ pastórem  
Ecclésiæ sanctæ præesse gaudeámus.  
Per Christum.**

Ant. ad communionem

Io 15, 16

**Ego elégi vos et pósui vos, ut fructum afferátis,  
et fructus vester máneat, dicit Dóminus.**

## Post communionem

**Reféctos, Dómine, Córporis et Sánguini Unigéniti tui  
salubérrimo sacraméto,  
nos mirífica tuæ maiestátis grátia  
de illíus pastóris concessióne lætificet,  
qui et plebem tuam virtútibus ínstruat,  
et fidélium mentes evangélica veritáte perfúndat.  
Per Christum.**

---

Lectio prima

*Unxit me Dominus et evangelizare pauperibus  
misit me.*

Lectio libri Isaïæ prophætæ

61, 1-3 a

Spiritus Dómini super me, eo quod únxit Dóminus me; ad annuntiándum mansuétis misit me, ut medéret contritis corde, et prædicárem captívis indulgéntiam et clausis apertiónem; ut prædicárem annum placábilem Dómino et diem últiónis Deo nostro; ut consoláret omnes lugéntes, ut pónerem lugéntibus Sion et darem eis corónam pro cínere, óleum gáudii pro luctu, pállium pro spírítu mæroris. — Verbum Dómini.

Psalmus responsorius

Ps 88, 4-5. 21-22. 25 et 27 (R.: cf. 2 a)

R. Misericórdias tuas, Dómine, in ætérnum cantábo.

vel Allelúia.

- 4 « Dispósui testaméntum elécto meo,  
iurávi David servo meo:
- 5 Usque in ætérnum confirmábo semen tuum,  
et ædificábo in generatióem et generatióem  
sedem tuam. R.
- 21 Invéni David servum meum;  
óleo sancto meo unxi eum.
- 22 Manus enim mea firma erit cum eo,  
et brácchium meum confortábit eum. R.
- 25 Et véritas mea et misericórdia mea cum ipso,  
et in nómine meo exaltábitur cornu eius.
- 27 Ipse invocábit me: " Pater meus es tu,  
Deus meus et refúgium salutis meæ " ». R.

## Lectio secunda

## 1

*Augmentum corporis facit in ædificationem sui  
in caritate.*

Léctio Epístolæ beáti Pauli apóstoli ad Ephésios

Fratres:

4, 11-16

Dedit Christus quosdam quidem apóstolos, quosdam autem prophétas, álios vero evangelístas, álios autem pastóres et doctóres: ad instructiónem sanctórum in opus ministérii, in ædificatióem córporis Christi, donec occurrámus omnes in unitátem fidei et agnitiónis Fílii Dei, in virum perféctum, in mensúram ætátis plenitúdinis Christi.

Ut iam non simus párvuli, fluctuántes et circumácti omni vento doctrínæ, in fallácia hóminum, in astútia ad circumventiónem erróris; veritátem autem faciéntes in caritaté, crescámus in illum per ómnia, qui est caput Christus; ex quo totum corpus compáctum et conéxum per omnem iunctúram subministratiónis, secúndum operatióem in mensúra uniuscuiúsque partis, augméntum córporis facit in ædificatióem sui in caritaté.

Verbum Dómini.

## 2

*Christus appellatus est a Deo pontifex  
iuxta ordinem Melchisedech.*

Léctio Epístolæ ad Hebræos

5, 1-10

Omnis pón tifex, ex homínibus assúptus, pro homínibus constitúitur in his quæ sunt ad Deum, ut óffe-

rat dona et sacrificia pro peccátiis; qui æque condolére possit his qui ignórant et errant, quóniam et ipse circumdatus est infirmitáte; et propter eam debet, quemádmodum et pro pópulo, ita étiam pro semetípso offerre pro peccátiis.

Nec quisquam sumit sibi illum honórem, sed qui vocátur a Deo, tamquam et Aaron.

Sic et Christus non semetípsum glorificávit ut pón-tifex fieret, sed qui locútus est ad eum:

« Fílius meus es tu, ego hódie génui te »; quemádmodum et in álio dicit:

« Tu es sacérdos in ætérnum secúndum órđinem Melchisedech ».

Qui, in diébus carnis suæ, preces supplicationésque ad eum, qui possit salvum illum a morte fácere, cum clamóre válido et lácrimis ófferens, et exaudítus pro sua reveréntia.

Et quidem, cum esset Fílius, didicit ex his quæ passus est obœdiéntiam; et consummátus factus est ómnibus obœdiéntibus sibi auctor salutis ætérnæ, appellátus a Deo pón-tifex iuxta órđinem Melchisedech.

Verbum Dómini.

## Evangelium

### 1

Alleluia et Versus ante Evangelium Io 15, 9

(R. Allelúia). ⁊. Sicut diléxit me Pater, et ego diléxi vos.

Manéte in dilectióne mea,  
dicit Dóminus.

(R. Allelúia).



*Ego elegi vos et posui vos, ut fructum  
afferatis.*

✠ **Léctio sancti Evangelii secúndum Ioánnem**

**15, 9-17**

**In illo témpore:**

Dixit Iesus discipulis suis: « Sicut diléxit me Pater, et ego diléxi vos. Manéte in dilectióne mea. Si præcépta mea servavéritis, manébitis in dilectióne mea; sicut ego Patris mei præcépta servávi, et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos. Maiórem hac dilectiónem nemo habet, ut ánimam suam quis ponat pro amícis suis.

Vos amíci meí estis, si faciétis quæ ego præcípio vobis. Iam non dico vos servos, quia servus nescit quid facit dóminus eius: vos autem dixi amícos, quia ómnia quæ audívi a Patre meo, nota feci vobis.

Nos vos me elegístis, sed ego elégi vos et pósui vos, ut vos eátis et fructum afferátis, et fructus vester máneat, ut, quodcúmque petiérítis Patrem in Nómine meo, det vobis.

Hæc mando vobis, ut diligátis ínvicem ».

Verbum Dómini.

2

**Alleluia et Versus ante Evangelium**

**Io 10, 11**

(**℞. Allelúia**). **℣.** Ego sum pastor bonus, dicit Dóminus; bonus pastor ánimam suam dat pro óvibus suis.

(**℞. Allelúia**).

*Sicut me misisti in mundum,  
et ego misi eos in mundum.*

✠ **Léctio sancti Evangélii secúndum Ioánnem**  
17, 11 b. 17-23

In illo témpore:

Sublevátis Iesus óculis in cælum, orávit dicens:  
« Pater sancte, serva eos in Nómine tuo, quod dedísti mihi, ut sint unum sicut nos. Sanctífica eos in veritaté. Sermo tuus véritas est.

Sicut me misísti in mundum, et ego misi eos in mundum. Et pro eis ego sanctífico me ipsum, ut sint et ipsi sanctificáti in veritaté.

Non pro his autem rogo tantum, sed et pro eis qui creditúri sunt per verbum eórum in me; ut omnes unum sint, sicut tu, Pater, in me, et ego in te, ut et ipsi in nobis unum sint, ut mundus credat quia tu me misísti.

Et ego glóriam, quam dedísti mihi, dedi illis, ut sint unum sicut nos unum sumus. Ego in eis, et tu in me, ut sint consummáti in unum, ut cognóscat mundus quia tu me misísti et dilexísti eos, sicut me dilexísti ». — Verbum Dómini.

## 5. PRO CONCILIO VEL SYNODO

**Ant. ad introitum**

**Col 3, 14-15**

Super ómnia caritatém habéte,  
quod est vínculum perfectiónis:  
et pax Christi exsúltet in córdibus vestris.

**Collecta**

Ecclésiæ tuæ, Dómine, rector et custos,  
infúnde, quæsumus, fámulis tuis

**spírítum íntellegéntiæ, veritátis et pacis,  
ut, quæ tibi plácita sunt, toto corde cognóscant  
et, ágnota, tota virtúte secténtur.  
Per Dóminum.**

**Vel:**

**Deus, qui pópulis tuis indulgéntia cónsulis  
et amóre domináris,  
da spírítum sapiéntiæ quibus dedísti régimen disciplínæ,  
ut plebs tua ad veritátis agnitiónem pleniórem  
et sanctitátis tibi accéptum ducátur augméntum.  
Per Dóminum.**

Lectiones ut infra, pp. 1327-1330.

Super oblata

**Réspice, clementíssime Deus, múnera servórum tuórum,  
et grátiam tui lúminis illis impénde,  
ut quæ recta sunt in óculis tuis veráciter íntélegant,  
et fiduciáliter exsequántur.  
Per Christum.**

Præfatio II de Spiritu Sancto, p. 1685.

Ant. ad communionem

**Ubi caritas est vera, Deus ibi est.  
Congregávit nos in unum Christi amor.**

Post communionem

**Da, quæsumus, miséricors Deus,  
ut sancta quæ sumpsimus  
fámulos tuos in veritáte confirment,  
et honórem tui nóminis illos fáciant exquirere.  
Per Christum.**

Pro conventu spiritali vel pastorali, Missa ut infra n. 16, p. 1422.

---

## Lectio prima

*Iuxta te est sermo, ut facias illum.*

Lectio libri Deuteronomii

30, 10-14

In diébus illis:

Locútus est Móyses pópulo, dicens: « Audies vocem Dómini Dei tui, et custódies præcépta eius et cæremónias, quæ in hac lege conscripta sunt, et revertéris ad Dóminum Deum tuum in toto corde tuo et in tota ánima tua.

Mandátum hoc, quod ego præcipio tibi hódie, non supra te est neque procul pósitum, nec in cælo situm, ut possis dícere: " Quis nostrum valet ad cælum ascéndere, ut déferat illud ad nos, et audiámus atque ópere compleámus? " Neque trans mare pósitum, ut causéris et dicas: " Quis ex nobis póterit transfretáre mare et illud ad nos usque deférre, ut possimus audíre et fácere quod præcéptum est? "

Sed iuxta te est sermo valde in ore tuo et in corde tuo, ut fácias illum ». — Verbum Dómini.

## Psalmus responsorius

Ps 18, 8. 9. 10. 11 (R.: Io 6, 69)

R. Dómine, verba vitæ ætérnæ habes.

vel Allelúia.

- 8 Lex Dómini immaculáta, refíciens ánimam, testimónium Dómini fidéle, sapiéntiam præstans párvulis. R.
- 9 Iustítiæ Dómini rectæ, lætificántes corda, præcéptum Dómini lúcidum, illúminans óculos. R.
- 10 Timor Dómini mundus, pérmanens in sæculum sæculi, iudícia Dómini vera, iusta ómnia simul. R.

- 11 Desiderabilia super aurum  
et lapidem pretiosum multum,  
et dulciora super mel et favum stillantem. **R.**

### Lectio secunda

*Idem sapite, eandem caritatem habentes,  
unanimis.*

Lectio Epistolæ beati Pauli apostoli ad Philippenses

Fratres:

2, 1-4

Si qua consolatio in Christo, si quod solacium caritatis, si qua communitio spiritus, si quæ viscera et miseraciones, impléte gaudium meum, ut idem sapiatis, eandem caritatem habentes, unánimes, idípsam sapiéntes; nihil per contentiónem neque per inánem glóriam, sed in humilitate superiores sibi invicem arbitrantes, non quæ sua sunt singuli considerantes, sed et ea quæ aliorum. — Verbum Dómini.

### Evangelium

1

Alleluia et Versus ante Evangelium Ps 132, 1

(**R.** Alleluia). **V.** Ecce quam bonum et quam iucundum habitare fratres in unum. (**R.** Alleluia).

*Ubi sunt duo vel tres congregati in Nomine meo,  
ibi sum in medio eorum.*

✠ Lectio sancti Evangelii secundum Matthæum

In illo tempore:

18, 15-20

Dixit Iesus discipulis suis: « Si peccaverit in te frater tuus, vade, corripe eum inter te et ipsum solum.

Si te audierit, lucrátus es fratrem tuum; si autem non audierit, ádhibe tecum adhuc unum vel duos, ut " in ore duórum téstium vel trium stet omne verbum "; quod si nolúerit audire eos, dic ecclésiæ; si autem et ecclésiám nolúerit audire, sit tibi sicut éthnicus et publicánus.

Amen dico vobis: Quæcúmque alligavéritis super terram erunt ligáta in cælo; et quæcúmque solvéritis super terram erunt solúta in cælo.

Iterum dico vobis: Si duo ex vobis consénsierint super terram de omni re quacúmque petierint, fiet illis a Patre meo qui in cælis est.

Ubi enim sunt duo vel tres congregáti in Nómine meo, ibi sum in médio eórum ». — Verbum Dómini.

## 2

Alleluia et Versus ante Evangelium Ps 132, 1

(*℞. Allelúia*). *γ.* Ecce quam bonum et quam iucúndum habitáre fratres in unum. (*℞. Allelúia*).

*Venite seorsum, et requiescite pusillum.*

✠ Lécio sancti Evangélii secúndum Marcum

6, 30-34

In illo témpore:

Conveniéntes Apóstoli ad Iesum, renuntiavérunt illi ómnia quæ égerant et docúerant.

Et ait illis: « Veníte vos ipsi seórsum in désertum locum, et requiescite pusillum ». Erant enim qui veniébant et redíbant multi, et nec manducánda spátium habébant.

Et abiérunt in navi in désertum locum seórsum. Et vidérunt eos abeúntes, et cognovérunt multi; et pe-

déstre de ómnibus civitatibus concurrerunt illuc, et prævenérunt eos.

Et éxiens vidit multam turbam Iesus, et misértus est super eos, quia erant « sicut oves non habéntes pastórem »: et cœpit docére illos multa.

Verbum Dómini.

## 3

Alleluia et Versus ante Evangelium Io 16, 33 a; 14, 26 b

(R. Allelúia). *γ.* Cum vénerit Spíritus veritátis,  
docébit vos omnem veritátem;  
et súgget vobis ómnia  
quæcúmque díxero vobis.

(R. Allelúia).

*Paraclitus vos docebit omnia.*

✠ Lécio sancti Evangéllii secúndum Ioánnem

14, 23-29

In illo témpore:

Dixit Iesus discíplis suis: « Si quis díligit me, sermónem meum servábit, et Pater meus díliget eum, et ad eum veniémus et mansiónem apud eum faciémus. Qui non díligit me, sermónes meos non servat. Et sermo quem audítis, non est meus, sed eius qui misit me, Patris.

Hæc locútus sum vobis apud vos manens. Paráclitus autem Spíritus Sanctus, quem mittet Pater in Nómine meo, ille vos docébit ómnia et súgget vobis ómnia quæ dixi vobis.

Pacem relínquo vobis, pacem meam do vobis: non quómodo mundus dat, ego do vobis. Non turbétur cor vestrum neque formídet.

Audístis quia ego dixi vobis: " Vado et vénio ad vos ". Si diligerétis me gauderétis, quia vado ad Pa-

trem, quia Pater maior me est. Et nunc dixi vobis priusquam fiat, ut, cum factum fuerit, credátis ».

Verbum Dómini.

## 6. PRO SACERDOTIBUS

Ant. ad introitum

Lc 4, 18. 19

**Spiritus Dómini super me, propter quod unxit me, evangelizare pauperibus misit me, sanare contritos corde, dimittere confractos in remissionem.**

Collecta

**Deus, qui Unigénitum tuum  
summum æternúmque constituísti sacerdotem,  
præsta, ut, quos ministros  
tuorumque mysteriórum dispensatores elégit,  
in accépto ministério adimpléndo fidèles inveniántur.  
Per Dóminum.**

Vel:

**Dómine Deus noster, qui in regéndo pópulo tuo  
ministério úteris sacerdotum,  
tribue illis perseverántem in tua voluntáte famulátum,  
ut ministério atque vita  
tuam váleant in Christo glóriam procuráre.  
Per Dóminum.**

Pro lectionibus sumuntur textus aptiores ex iis qui proponuntur in Communi pastorum, ut supra pp. 903-935.

Super oblata

**Deus, qui sacerdotes tuos sacris altáribus  
tuoque pópulo ministráre voluísti,  
per huius sacrificii virtútem concéde propítius,**



ut eorum servitium tibi iúgiter pláceat,  
 et fructum qui semper máneat  
 in Ecclésia tua váleat afférre.  
 Per Christum.

Ant. ad communionem

Io 17, 17-18

Pater sancte, sanctífica eos in veritáte:  
 sermo tuus véritas est.  
 Sicut tu me misísti in mundum,  
 et ego misi eos in mundum, dicit Dóminus.

Post communionem

Sacerdótes tuos, Dómine, et omnes fámulos tuos  
 vivíficet divína, quam obtúlimus et sumpsimus, hóstia,  
 ut, perpétua tibi caritáte coniúcti,  
 digne famulári tuæ mereántur maiestáti.  
 Per Christum.

## 7. PRO SEIPSO SACERDOTE

### A

præsertim pro sacerdote curam animarum gerente

Ant. ad introitum

Cf. Col 1, 25. 28

Ecclésiæ factus sum ego mínister,  
 secúndum dispensatióem Dei  
 quæ data est mihi in vos:  
 Christum nos annuntiámus, ut exhibeámus  
 omnem hóminem perféctum in Christo Iesu.

**Collecta**

**Deus, qui non propriis suffragantibus méritis,  
sed sola ineffábilis grátiae tuæ largitate,  
me familiæ tuæ præesse voluisti,  
tribue me tibi digne persolvere  
ministérium sacerdotális officii,  
plebémque commissam, te in ómnibus gubernánte,  
dirigere concéde.**

**Per Dóminum.**

Pro lectionibus sumuntur textus aptiores ex iis qui proponuntur  
in Communi pastorum, ut supra pp. 903-935.

**Super oblata**

**Deus, diérum temporúmque  
potens et benigne moderátor,  
collátis in me per grátiam tuam propitiáre munéribus,  
et, præsentis oblatiónis virtúte,  
in hunc afféctum dírige cor plebis et sacerdotís,  
ut nec pastóri obcédéntia gregis,  
nec gregi desit cura pastóris.**

**Per Christum.**

**Ant. ad communionem**

**Io 15, 9**

**Sicut diléxit me Pater, et ego diléxi vos;  
manéte in dilectióne mea, dicit Dóminus.**

**Post communionem**

**Omnípotens sempitérne Deus,  
origo cunctárum perfectióque virtútum,  
da mihi, quésumus, huius participatióne mystérii,  
et exercére quæ recta sunt et prædicáre quæ vera,  
ut instructiódinem grátiae tuæ  
fidélibus et agéndo præbeam et docéndo.**

**Per Christum.**

## B

## Ant. ad introitum

Ps 15, 2. 5

Dixi Dómino: Dóminus meus es tu,  
 bonum mihi non est sine te.  
 Dóminus pars hereditátis meæ et cálicis mei:  
 tu es qui détines sortem meam.

## Collecta

Aures tuæ pietátis, clementíssime Deus,  
 inclína précibus meis,  
 et grátia Sancti Spíritus illúmina cor meum,  
 ut tuis mystériis digne ministráre,  
 Ecclésiæ tuæ fidéliter servíre,  
 teque mérear ætéRNA caritáte dilígere.  
 Per Dóminum.

Pro lectionibus sumuntur textus aptiores ex iis qui proponuntur  
 in Communi pastorum, ut supra pp. 903-935.

## Super oblata

Súscipe, Deus omnípotens, hæc múnera,  
 quæ tibi offérimus veneránte,  
 et respiciens Christum tuum,  
 sacerdotem simul et hóstiám,  
 da, ut, eius sacerdotii párticeps efféctus,  
 oblatiónem spiritálem  
 me tibi semper exhíbeam placéntem.  
 Per Christum.

## Ant. ad communionem

Cf. Lc 22, 28-30

Dixit Iesus illis qui permansérunt in tentatióibus suis:  
 Ego dispóno vobis regnum,  
 ut edátis et bibátis super mensam meam.

Post communionem

**Pane cælésti confirmátum  
et novi testaménti cálice congaudentem,  
fac me, Pater sancte, tibi servíre fidéliter,  
et in salútem hóminum  
vitam fórtiter devotéque consúmere.  
Per Christum.**

### C

in anniversario propriæ ordinationis

Ant. ad introitum

Io 15, 16

**Non vos me elegístis; sed ego elégi vos et pósui vos,  
ut eátis et fructum afferátis,  
et fructus vester máneat, dicit Dóminus.**

Collecta

**Pater sancte, qui me  
ad communiónem cum ætérno Christi tui sacerdotio  
et ad Ecclésiæ tuæ ministérium  
nullis meis méritis elegísti, præsta,  
ut Evangélii strénuus ac mítis prædicátor exsístam,  
et mysteriórum tuórum fidélis dispensátor invéniam.  
Per Dóminum.**

Pro lectionibus sumuntur textus aptiores ex iis qui proponuntur  
in Communi pastorum, ut supra pp. 903-935.

Super oblata

**Pro nostræ servitútis augméto  
sacrificium tibi, Dómine, laudis offérimus,  
ut, quod imméritis contulísti, propítius exsequáris.  
Per Christum.**

Ant. ad communionem

Cf. 1 Cor 10, 16

**Calix benedictiónis cui benedícimus,  
communicátio sánguinis Christi est;  
et panis quem frángimus,  
participátio córporis Dómini est.**

Post communionem

**Ad glóriam, Dómine, tui nóminis  
ánua festa répetens sacerdotális exórdii,  
mystérium fidei lætánter celebrávi,  
ut in veritáte hoc sim,  
quod in sacrificio mýstice tractávi.  
Per Christum.**

## 8. PRO MINISTRIS ECCLESIAE

Ant. ad introitum

1 Cor 12, 4-6

**Divisionés vero gratiárum sunt, idem autem Spíritus;  
et divisionés ministratiónum sunt, idem autem Dóminus;  
et divisionés operatiónum sunt, idem vero Deus,  
qui operátur ómnia in ómnibus.**

Collecta

**Deus, qui ministros Ecclésiæ tuæ docuísti  
non ministrári velle, sed frátribus ministráre,  
illis, quæsumus, concéde et in actióne sollértiam,  
et cum mansuetúdone ministérii in oratióne constántiam.  
Per Dóminum.**

Pro lectionibus sumuntur textus aptiores ex iis qui proponuntur in Comuni pastorum, pp. 903-935, vel indicantur in Missa pro laicis, pp. 1361-1362.

Super oblata

**Pater sancte,  
cuius Fílius discipulórum vóluit laváre pedes,**

ut nobis præberet exéplum,  
súscipe, quésumus, nostræ múnera servitútis, et præsta,  
ut, nosmetípsos in spirítalem hóstiam offeréntes,  
spíritu humilitátis et diligéntiæ repleámur.  
Per Christum.

Ant. ad communionem

Lc 12, 37

Beáti servi illi,  
quos, cum vénerit dóminus, invénerit vigilántes.  
Fáciat illos discumbere,  
et tránsiens ministrábit illis.

Post communionem

Concéde fámulis tuis, Dómine,  
cælésti cibo potúque replétis,  
ut, ad glóriam tuam et salútem credéntium procurándam,  
fidéles inveniántur  
Evangélii, sacramentórum caritatisque ministri.  
Per Christum.

## 9. PRO VOCATIONIBUS AD SACROS ORDINES

Ant. ad introitum

Mt 9, 38

Rogáte Dóminum messis,  
ut mittat operários in messem suam,  
dicit Iesus discípulis suis.

Collecta

Deus, qui pastóres pópulo tuo providére voluísti,  
effúnde in Ecclésia tua Spíritum pietátis et fortitúdinis,  
qui dignos altáribus tuis éxcitet ministros,  
et Evangélii tui strénuos ac mites assertóres effíciat.  
Per Dóminum.

Lectiones ut infra, pp. 1338-1357.

Super oblata

**Plebis tuæ, quæsumus, Dómine,  
preces et múnera benígnus inténde,  
ut dispensatóres mysteriórum tuórum multiplicéntur,  
et in amóre tuo iúgiter perseverént.  
Per Christum.**

Ant. ad communionem

1 Io 3, 16

**In hoc cognóvimus caritátem Dei:  
quóniam ille ánimam suam pro nobis pósuit,  
et nos debémus pro frátribus ánimas pónere.**

Post communionem

**Pane mensæ cæléstis refécti, te, Dómine, deprecámur,  
ut, per hoc sacraméntum caritátis,  
illa sémina maturéscant,  
quæ magna in agrum Ecclesiæ tuæ largitáte dispérgis,  
quátenus multi sorte sibi éligant  
tibi in frátribus ministráre.  
Per Christum.**

---

Lectio prima

1

*Egredere de terra tua et de cognatione tua,  
et veni.*

Léctio libri Génesis

12, 1-4 a

In diébus illis:

**Dixit Dóminus ad Abram: «Egrédere de terra tua  
et de cognatione tua et de domo patris tui, et veni in  
terram quam monstrábo tibi. Faciámque te in gentem  
magnam, et benedicám tibi et magnificábo nomen tuum,**

erisque benedictus. Benedicam benedicentibus tibi et maledicam maledicentibus tibi, atque in te benedicentur univērsæ cognationes terræ ».

Egrēssus est itaque Abram, sicut præcēperat ei Dóminus. — Verbum Dómini.

**Psalmus responsorius**

Ps 39, 2 et 4 ab. 7-8 a. 8 b-9. 10. 12 (R.: 8 a. 9 a)

R. Ecce vénio, Dómine, ut fáciam voluntátem tuam.

<sup>2</sup> Exspéctans exspectávi Dóminum,  
et inténdit mihi.

<sup>4</sup> Et immísit in os meum cánticum novum,  
carmen Deo nostro. R.

<sup>7</sup> Sacrificium et oblatiónem noluísti,  
aures autem fodísti mihi.  
Holocáustum et pro peccáto non postulásti,  
<sup>8</sup> tunc dixi: « Ecce vénio. R.

In volúmine libri scriptum est de me  
<sup>9</sup> fácere voluntátem tuam.

Deus meus, vólui,  
et lex tua in præcórdiis meis ».

<sup>10</sup> Annuntiávi iustítiam tuam in ecclésia magna;  
ecce lábia mea non prohibébo, Dómine, tu scísti. R.

<sup>12</sup> Tu autem, Dómine, ne prohibéas miseratiónes tuas a me;  
misericórdia tua et véritas tua semper suscípant me. R.

2

*Ego ero tecum.*

Léctio libri Exodi

3, 1-6. 9-12

In diébus illis:

Pascébat Móyses oves Iethro, sóceri sui, sacerdotís Mádián; cumque minásset gregem ad interióra desérti,



venit ad montem Dei Horeb. Apparuitque ei Dóminus in flamma ignis de médio rubi; et vidébat quod rubus ardéret, et non comburerétur.

Dixit ergo Móyses: « Vadam et vidébo visiónem hanc magnam; quare non comburátur rubus ».

Cernens autem Dóminus quod pérgeret ad vidéndum, vocávit eum de médio rubi et ait: « Móyses, Móyses ».

Qui respóndit: « Adsum ».

At ille: « Ne apprópies, inquit, huc; solve calceamentum de pédibus tuis; locus enim, in quo stas, terra sancta est ».

Et ait: « Ego sum Deus patris tui, Deus Abraham, Deus Isaac et Deus Iacob ». Abscóndit Móyses fáciem suam; non enim audébat aspícere contra Deum.

Ait Dóminus: « Clamor filiórum Israel venit ad me, vidique afflictiónem eórum, qua ab Ægýptiis opprimúntur. Sed veni, et mittam te ad Pharaómem, ut edúcas pópulum meum, filios Israel de Ægýpto ».

Dixitque Móyses ad Deum: « Quis sum ego ut vadam ad Pharaómem, et edúcam filios Israel de Ægýpto? »

Qui dixit ei: « Ego ero tecum, et hoc habébis signum, quod míserim te: cum edúxeris pópulum meum de Ægýpto, immolábis Deo super montem istum ».

Verbum Dómini.

### Psalmus responsorius

Ps 26, 1. 4. 5. 8 b-9 ab. 9 cd et 11 (R.: 8 b)

R. Fáciem tuam, Dómine, requíram.

<sup>1</sup> Dóminus illuminátio mea et salus mea, quem timébo? Dóminus protéctor vitæ meæ, a quo trepidábo? R.

<sup>4</sup> Unum pétii a Dómino, hoc requíram: ut inhábitem in domo Dómini ómnibus diébus vitæ meæ,

ut videam voluptátem Dómini,  
et visitem templum eius. R̄.

<sup>5</sup> Quóniam occultábit me in tentório suo,  
in die malórum.

Abscóndet me in abscondito tabernáculi sui,  
in petra exaltábit me. R̄.

<sup>6</sup> Fáciem tuam, Dómine, requíram.

<sup>9</sup> Ne avértas fáciem tuam a me,  
ne declínes in ira a servo tuo. R̄.

Adiútor meus es tu, ne me reícias,  
neque derelínquas me, Deus salútis meæ.

<sup>11</sup> Osténde mihi, Dómine, viam tuam,  
et dirige me in sémitam rectam propter inimícos meos. R̄.

3

*Loquere, Domine, quia audit servus tuus.*

Léctio libri primi Samuélis

3, 1-10

In diébus illis:

Puer Sámuel ministrábat Dómino coram Heli, et sermo Dómini erat pretiósus in diébus illis: non erat visio manifésta. Factum est ergo, in die quadam, Heli iacébat in loco suo, et óculi eius caligáverant, nec póterat vidére. Lucérna Dei ántequam exstinguerétur, Sámuel dormiébat in templo Dómini, ubi erat arca Dei.

Et vocávit Dóminus Sámuel, qui respóndens ait: « Ecce ego ». Et cucúrrit ad Heli et dixit: « Ecce ego; vocásti enim me ».

Qui dixit: « Non vocávi: revértere et dormi ». Et ábiit et dormívit. Et adiécit Dóminus rursus vocáre Samuélem.

Consurgénsque Sámuel ábiit ad Heli, et dixit: « Ecce ego, quia vocásti me ».

Qui respóndit: « Non vocávi te, fili mi: revértere et dormi ». Porro Sámuel necdum sciébat Dóminum, neque revelátus fúerat ei sermo Dómini.

Et adiécit Dóminus et vocávit adhuc Samuéliem tértio, qui consúrgens ábiit ad Heli et ait: « Ecce ego, quia vocásti me ».

Intelléxit ergo Heli quia Dóminus vocáret púerum, et ait ad Samuéliem: « Vade et dormi et, si deínceps vocáverit te, dices: “ Lóquere, Dómine, quia audit servus tuus ” ». Abiit ergo Sámuel et dormívit in loco suo.

Et venit Dóminus et stetit, et vocávit sicut vocáverat secúndo: « Sámuel, Sámuel ». Et ait Sámuel: « Lóquere, Dómine, quia audit servus tuus ».

Verbum Dómini.

### Psalmus responsorius

Ps 39, 2 et 4 ab. 7-8 a. 8 b-9. 10. 12 (R.: 8 a. 9 a)

R. Ecce vénio, Dómine, ut fáciam voluntátem tuam.

<sup>2</sup> Exspéctans exspectávi Dóminum, et inténdit mihi.

<sup>4</sup> Et immísit in os meum cánticum novum, carmen Deo nostro. R.

<sup>7</sup> Sacrificíum et oblatiónem nolúisti, aures autem fodísti mihi.

<sup>8</sup> Holocáustum et pro peccáto non postulásti, tunc dixi: « Ecce vénio. R.

<sup>9</sup> In volúmine libri scriptum est de me fácere voluntátem tuam.

Deus meus, vólui, et lex tua in præcórdiis meis ». R.

<sup>10</sup> Annuntiávi iustítiam tuam in ecclésia magna; ecce lábia mea non prohibébo, Dómine, tu scisti. R.

<sup>12</sup> Tu autem, Dómine, ne prohibeas miseratiónes tuas a me; misericórdia tua et véritas tua semper suscipiant me. R.

*Consurgens Eliseus abiit et secutus est Eliam.*

Lectio libri primi Regum

19, 16 b. 19-21

In diébus illis:

Dixit Dóminus ad Eliám: « Eliséum, fílium Saphat, qui est de Abelméhula, unges prophétam pro te ».

Proféctus ergo inde Eliás réperit Eliséum, fílium Saphat, arántem in duódecim iugis boum, et ipse in duódecim iugis boum arántibus unus erat; cumque venisset Eliás ad eum, misit pállium suum super illum.

Qui statim, relíctis bobus, cucúrrit post Eliám et ait: « Osculer, oro, patrem meum et matrem meam, et sic sequar te ».

Dixítque ei: « Vade et revértere, quod enim meum erat feci tibi ».

Revérsus autem ab eo, tulit par boum et mactávit illud, et in arátro boum coxit carnes et dedit pópulo, et comedérunt; consurgénsque ábiit et secútus est Eliám et ministrábat ei. — Verbum Dómini.

Psalmus resp. Ps 83, 3-4. 5 et 8 a. 11 (R.: 5 a)

R. Beáti qui hábitant in domo tua, Dómine.

<sup>3</sup> Concupíscit et déficit ánima mea in átria Dómini.  
Cor meum et caro mea exsultavérunt in Deum vivum.

<sup>4</sup> Etenim passer invénit sibi domum,  
et turtur nidum sibi, ubi ponat pullos suos:  
altária tua, Dómine virtútum, rex meus et Deus meus. R.

<sup>5</sup> Beáti qui hábitant in domo tua,  
in perpétuum laudábunt te.

<sup>8</sup> Ibunt de virtúte in virtútem. R.

<sup>11</sup> Quia mélior est dies una in átriis tuis super mília,  
elégi ad limen esse in domo Dei mei,  
magis quam habitáre in tabernáculis peccatórum. R.

*Quem mittam? et quis ibit nobis?*

Lectio libri Isaíæ prophétæ

6, 1. 6-8

In anno, quo mórtuus est rex Ozías, vidi Dóminum sedéntem super sólium excélsus et elevátum, et ea, quæ sub ipso erant, replébant templum. Et volávit ad me unus de séraphim et in manu eius cálculus, quem fórcipe túlerat de altári, et tétigit os meum et dixit: « Ecce tétigit hoc lábia tua, et auferétur iníquitas tua, et peccátum tuum mundábitur ». Et audívi vocem Dómini dicéntis: « Quem mittam? et quis ibit nobis? » Et dixi: « Ecce ego, mitte me ». — Verbum Dómini.

Psalmus responsorius

Ps 39, 2 et 4 ab. 7-8 a. 8 b-9. 10. 12 (R.: 8 a. 9 a)

R. Ecce vénio, Dómine, ut fáciam voluntátem tuam.

<sup>2</sup> Exspéctans exspectávi Dóminum,  
et inténdit mihi.

<sup>4</sup> Et immísit in os meum cánticum novum,  
carmen Deo nostro. R.

<sup>7</sup> Sacrificium et oblatiónem noluísti,  
aures autem fodísti mihi.

Holocáustum et pro peccáto non postulásti,  
<sup>8</sup> tunc dixi: « Ecce vénio. R.

In volúmine libri scriptum est de me  
<sup>9</sup> fácere voluntátem tuam.

Deus meus, vólui,  
et lex tua in præcórdiis meis ». R.

<sup>10</sup> Annuntiávi iustítiam tuam in ecclésia magna;  
ecce lábia mea non prohibébo, Dómine, tu scisti. R.

<sup>12</sup> Tu autem, Dómine, ne prohibéas miseratiónes tuas a me;  
misericórdia tua et véritas tua semper suscipiant me. R.

## 6

*Ad omnia quæ mittam te ibis.*

Lectio libri Ieremiæ prophætæ

1, 4-9

Factum est verbum Dómini ad me dicens: « Priúsqvam te formárem in útero, novi te; et ántequam exíres de vulva, sanctificávi te, et prophétam in géntibus dedi te ».

Et dixi: « A a a, Dómine Deus! ecce néscio loqui, quia puer ego sum ».

Et dixit Dóminus ad me: « Noli dícere: " Puer sum "; quóniam ad ómnia quæ mittam te ibis, et univérsa quæcúmque mandávero tibi loquerís. Ne tíneas a fácie eórum, quia tecum ego sum ut éruam te », dicit Dóminus.

Et misit Dóminus manum suam, et tétigit os meum, et dixit Dóminus ad me: « Ecce dedi verba mea in ore tuo ». — Verbum Dómini.

## Psalmus responsorius

Ps 15, 1-2 a et 5. 7-8. 11 (R.: cf. 5 a)

R. Tu es, Dómine, pars hereditátis meæ.

1 **Consérva me, Deus, quóniam sperávi in te.**2 **Dixi Dómino: « Dóminus meus es tu.**5 **Dóminus pars hereditátis meæ et cálicis mei: tu es qui détines sortem meam ».** R.7 **Benedícam Dóminum, qui tríbuit mihi intelléctum; ínsuper et in nóctibus erudiérunt me renes mei.**8 **Proponébam Dóminum in conspéctu meo semper, quóniam a dextris est mihi, non commovébor.** R.11 **Notas mihi fácies vias vitæ, plenitúdinem lætítiæ cum vultu tuo, delectatiónes in déxtera tua usque in finem.** R.

*Factus est in corde meo quasi ignis exæstuans.*

Lectio libri Ieremiæ prophætæ

20, 7-9

Seduxisti me, Dómine, et seductus sum; fórtior me fuisti et invaluisti, factus sum in derisum tota die, omnes subsánnant me. Quia iam olim loquor vociferans, iniquitátem et vastitátem clámito; et factus est mihi sermo Dómini in oppróbrium et in derisum tota die.

Et dixi: « Non recordábor eius, neque loquar ultra in nómine illíus »; et factus est in corde meo quasi ignis exæstuans clausúsque in óssibus meis: et deféci, ferre non sústinens. — Verbum Dómini.

Psalmus responsorius

Ps 26, 1. 4. 5. 8 b-9 ab. 9 cd et 11 (R.: 8 b)

R. Fáciem tuam, Dómine, requíram.

<sup>1</sup> Dóminus illuminátio mea et salus mea, quem timébo? Dóminus protéctor vitæ meæ, a quo trepidábo? R.

<sup>4</sup> Unum pétii a Dómino, hoc requíram: ut inhábitem in domo Dómini ómnibus diébus vitæ meæ, ut vídeam voluptátem Dómini, et vísitem templum eius. R.

<sup>5</sup> Quóniam occultábit me in tentório suo, in die malórum. Abscóndet me in abscóndito tabernáculi sui, in petra exaltábit me. R.

<sup>8</sup> Fáciem tuam, Dómine, requíram.

<sup>9</sup> Ne avértas fáciem tuam a me, ne declínes in ira a servo tuo. R.

Adiutor meus es tu, ne me reicias,  
neque derelinquas me, Deus salutis meae.  
Ostende mihi, Domine, viam tuam,  
et dirige me in semitam rectam  
propter inimicos meos. R.

Lectio secunda

1

*Deus dedit nobis ministerium reconciliationis.*

Lectio Epistolae secundae beati Pauli apostoli  
ad Corinthios

5, 14-20

Fratres:

Caritas Christi urget nos; aestimantes hoc, quoniam si unus pro omnibus mortuus est, ergo omnes mortui sunt, et pro omnibus mortuus est Christus, ut et qui vivunt iam non sibi vivant, sed ei qui pro ipsis mortuus est et resurrexit. Itaque nos ex hoc neminem novimus secundum carnem; et si cognovimus secundum carnem Christum, sed nunc iam non novimus.

Si qua ergo in Christo nova creatura, vetera transierunt: ecce facta sunt nova; omnia autem ex Deo, qui reconciliavit nos sibi per Christum, et dedit nobis ministerium reconciliationis. Quoniam quidem Deus erat in Christo mundum reconcilians sibi, non reputans illis delicta ipsorum, et posuit in nobis verbum reconciliationis.

Pro Christo ergo legatione fungimur, tamquam Deo exhortante per nos. Obsecramus pro Christo: reconciliamini Deo. — Verbum Domini.



## 2

*Omnia detrimentum feci, ut Christum lucri faciam.*

Lectio Epistolæ beati Pauli apostoli ad Philippenses

3, 8-14

Fratres:

Existimo omnia detrimentum esse propter eminentiam scientiæ Christi Iesu Domini mei; propter quem omnia detrimentum feci et arbitror ut stercora, ut Christum lucri faciam, et inveniat in illo, non habens meam iustitiam, quæ ex Lege est, sed illam, quæ per fidem est Christi, quæ ex Deo est iustitia in fide; ad cognoscendum illum et virtutem resurrectionis eius et communionem passionum illius, conformans me morti eius, si quo modo occurram ad resurrectionem, quæ est ex mortuis.

Non quod iam acciperim aut iam perfectus sim; persequor autem, si umquam comprehendam, sicut et comprehensus sum a Christo Iesu.

Fratres, ego me non arbitror comprehedissee. Unum autem, quæ quidem retro sunt obliviscens, ad ea vero quæ ante sunt extendens me, ad destinatum persequor, ad bravum supernæ vocationis Dei in Christo Iesu.

Verbum Domini.

## 3

*Christus appellatus est a Deo pontifex iuxta ordinem Melchisedech.*

Lectio Epistolæ ad Hebræos

5, 1-10

Omnis pontifex, ex hominibus assumptus, pro hominibus constituitur in his quæ sunt ad Deum, ut offerat dona et sacrificia pro peccatis; qui æque condolere possit his qui ignorant et errant, quoniam et ipse circumdatus est infirmitate; et propter eam de-

bet, quemádmódu[m] et pro pópulo, ita étiam pro semetípso offérre pro peccátis.

Nec quisquam sumit sibi illum honórem, sed qui vocátur a Deo tamquam et Aaron.

Sic et Christus non semetípsum glorificávit ut pón-tifex fieret; sed qui locútus est ad eum:

« Fílius meus es tu, ego hódie génui te », quemádmódu[m] et in álio dicit:

« Tu es sacérdos in ætérnum secúndum órđinem Melchisedech ».

Qui, in diébus carnis suæ, preces supplicationésque ad eum, qui possit salvum illum a morte fácere, cum clamóre válido et lácrimis ófferens, exaudítus pro sua reveréntia.

Et quidem, cum esset Fílius, dídidit ex his quæ passus est obcédientiam, et consummátus factus est ómnibus obcédientibus sibi auctor salutis ætérnæ, appellátus a Deo pón-tifex iuxta órđinem Melchisedech.

Verbum Dómini.

## Evangelium

### 1

Alleluia et Versus ante Evangelium Io 15, 16

(R. Allelúia). *γ.* Ego vos elégi de mundo,  
ut eátis et fructum afferátis,  
et fructus vester máneat,  
dicit Dóminus. (R. Allelúia).

*Messis quidem multa, operarii autem pauci.*

✠ Lécio sancti Evangélli secúndum Mattháeum

In illo témpore: 9, 35-38

Circumíbat Iesus civitátes omnes et castélla, docens in synagógis eórum, et prædicans Evangelium Re-

gni, et curans omnem languórem et omnem infirmitátem. Videns autem turbas misértus est eis, quia erant vexáti et iacéntes sicut oves non habéntes pastórem.

Tunc dicit discíplulis suis: « Messis quidem multa, operárii autem pauci, rogáte ergo Dóminum messis, ut mittat operários in messem suam ».

Verbum Dómini.

## 2

Alleluia et Versus ante Evangelium Phil 3, 8-9

(R. Allelúia). ⁊. Omnia detriméntum feci  
et árbitor ut stércora,  
ut Christum lucrifáciam et invéniam in illo.  
(R. Allelúia).

*Quæcumque habes vende, et sequere me.*

✠ Lécio sancti Evangéllii secúndum Marcum

10, 17-27

In illo témpore:

Cum egrederétur Iesus in viam, accúrens quidam et genu flexo ante eum, rogábat eum: « Magister bone, quid fáciam ut vitam ætérnam percípiam? »

Iesus autem dixit ei: « Quid me dicis bonum? Nemo bonus, nisi unus Deus. Præcépta nosti: " Ne occidas, ne adúlteres, ne furéris, ne falsum testimónium dixeris, ne fraudem féceris, honóra patrem tuum et matrem " ».

Ille autem dixit ei: « Magíster, hæc ómnia conservávi a iuventúte mea ».

Iesus autem intúitus eum diléxit eum et dixit illi: « Unum tibi deest: vade, quæcúmque habes vende, et da paupéribus et habébis thesáurum in cælo; et veni, séquere me ». Qui contristátus in hoc verbo ábiit mærens; erat enim habens possessiónes multas.

Et circumspiciens Iesus ait discipulis suis: « Quam difficile qui pecúnias habent in Regnum Dei introibunt! » Discipuli autem obstupescébant in verbis eius.

At Iesus rursus respóndens ait illis: « Fílii, quam difficile est in Regnum Dei introíre! Facilius est camélum per forámen acus transíre, quam dívitem intráre in Regnum Dei ».

Qui magis admirabántur, dicétes ad semetipsos: « Et quis potest salvus fieri? »

Intuens illos Iesus ait: « Apud hómines impossibile est, sed non apud Deum; ómnia enim possibília sunt apud Deum ». — Verbum Dómini.

3

Alleluia et Versus ante Evangelium Io 15, 5

(ꝛ. Allelúia). ꝥ. Ego sum vitis, vos pálmites,  
 dicit Dóminus;  
 qui manet in me, et ego in eo,  
 hic fert fructum multum.  
 (ꝛ. Allelúia).

*Accipietis centies tantum in tempore hoc,  
 cum persecutionibus, et in sæculo futuro vitam æternam.*

✠ Lécio sancti Evangelii secúndum Marcum

In illo témpore: 10, 28-30

Cœpit Petrus dícere ad Iesum: « Ecce nos dimísimus ómnia, et secúti sumus te ».

Ait Iesus: « Amen dico vobis: Nemo est, qui reliquerit domum aut fratres aut soróres aut matrem aut patrem aut filios aut agros propter me et propter Evangelium, qui non accípiat centies tantum nunc in témpore hoc, domos et fratres et soróres et matres et filios et agros, cum persecutió nibus, et in sæculo futúro vitam ætérnam ». — Verbum Dómini.

Alleluia et Versus ante Evangelium Mt 4, 19

(*R.* Allelúia). *V.* Veníte post me, dicit Dóminus,  
et fáciam vos fíeri piscatóres hóminum.  
(*R.* Allelúia).

*Ex hoc iam homines eris capiens.*

✠ Lécio sancti Evangélii secúndum Lucam 5, 1-11

In illo témpore:

Cum turba urgéret Iesum, et audíret verbum Dei, et ipse stabat secus stagnum Genésareth. Et vidit duas naves stantes secus stagnum; piscatóres autem descéndent de illis et lavábant rétia. Ascéndens autem in unam navim, quæ erat Simónis, rogávit eum a terra redúcere pusillum. Et sedens docébat de navícula turbas.

Ut cessávit autem loqui, dixit ad Simónem: « Duc in altum, et laxáte rétia vestra in captúram ».

Et respóndens Simon dixit: « Præcéptor, per totam noctem laborántes nihil cépimus; in verbo autem tuo laxábo rétia ». Et, cum hoc fecissent, conclusérunt píscium multitúdinem copiósam; rumpebántur autem rétia eórum. Et annuérunt sóciis, qui erant in ália navi, ut venírent et adiuvárent eos. Et venérunt, et implevérunt ambas navículas, ita ut pæne mergeréntur.

Quod cum vidéret Simon Petrus, prócidit ad génuá Iesu, dicens: « Exi a me, quia homo peccátor sum, Dómine ». Stupor enim circumdéderat eum et omnes qui cum illo erant, in captúra píscium, quam céperant; simíliter autem et Iacóbum et Ioánnem, fílios Zebedæi, qui erant sócii Simónis.

Et ait ad Simónem Iesus: « Noli timére, ex hoc iam hómines eris cápiens ».

Et, subdúctis ad terram návibus, relíctis ómnibus, secúti sunt illum. — Verbum Dómini.

5

Alleluia et Versus ante Evangelium Phil 3, 8-9

(R. Allelúia). ̄. **Omnia detriméntum feci  
et árbitor ut stércora,  
ut Christum lucrifáciam et invéniam in illo.  
(R. Allelúia).**

*Nemo mittens manum suam in aratrum  
et aspiciens retro, aptus est Regno Dei.*

✠ **Léctio sancti Evangélii secúndum Lucam 9, 57-62**

**In illo témpore:**

**Ambulántibus Iesu et discíplis suis in via, dixit  
quidam ad illum: « Sequar te quocúmque íeris ».**

**Et ait illi Iesus: « Vulpes fóveas habent, et vólucres  
cæli nidos; Fílius autem hóminis non habet ubi  
caput reclínet ».**

**Ait autem ad álterum: « Séquere me ».**

**Ille autem dixit: « Dómine, permítte mihi primum  
ire et sepelíre patrem meum ».**

**Dixítque ei Iesus: « Sine ut mórtui sepéliant mórtuos  
suos; tu autem vade, annúntia Regnum Dei ».**

**Et ait alter: « Sequar te, Dómine, sed primum  
permítte mihi renuntiáre his quæ domi sunt ».**

**Ait ad illum Iesus: « Nemo mittens manum suam  
in arátrum et aspiciens retro, aptus est Regno Dei ».**

**Verbum Dómini.**

6

Alleluia et Versus ante Evangelium Phil 3, 8-9

(R. Allelúia). ̄. **Omnia detriméntum feci  
et árbitor ut stércora,  
ut Christum lucrifáciam et invéniam in illo.  
(R. Allelúia).**

*Qui non baiulat crucem suam et venit post me,  
non potest esse meus discipulus.*

✠ Lécctio sancti Evangélii secúndum Lucam 14, 25-33

In illo témpore:

Ibant turbæ multæ cum Iesu, et convérsus dixit ad illos: « Si quis venit ad me, et non odit patrem suum et matrem et uxórem et filios et fratres et soróres, adhuc et ánimam suam, non potest esse meus discipulus; et qui non báiuulat crucem suam et venit post me, non potest esse meus discipulus.

Quis enim ex vobis, volens turrem ædificáre, non prius sedens cóputat sumptus, si habet ad perficiéndum? ne, posteáquam posúerit fundaméntum et non potúerit perficere, omnes qui vident incípiant illúdere ei, dicéntes: “ Hic homo coepit ædificáre et non pótuit consummáre ”.

Aut quis rex itúrus commíttere bellum advérsus álium regem, non sedens prius cógitat si possit cum decem mílibus occúrrere ei, qui cum vigínti mílibus venit ad se? Alióquin, adhuc illo longe agénte, legatiónem mittens rogat ea quæ pacis sunt.

Sic ergo omnis ex vobis, qui non renúntiat ómnibus quæ póssidet, non potest meus esse discipulus ».

Verbum Dómini.

7

Alleluia et Versus ante Evangelium Mt 4, 19

(R. Allelúia). *γ. Veníte post me, dicit Dóminus,  
et fáciam vos fieri piscatóres hóminum.*

(R. Allelúia).

\*

*Sequere me.*

✠ **Léctio sancti Evangélii secúndum Ioánnem 1, 35-51**

**In illo témpore:**

Stabat Ioánnes et ex discípulis eius duo. Et respiciens Iesum ambulántem dicit: « Ecce Agnus Dei ». Et audierunt eum duo discípuli loquéntem, et secúti sunt Iesum.

Convérsum autem Iesus, et videns eos sequéntes se, dicit eis: « Quid quáeritis? »

Qui dixerunt ei: « Rabbi (quod dicitur interpretátum magíster), ubi hábitas? »

Dicit eis: « Veníte et vidébitis ». Venérunt ergo et vidérunt ubi manéret, et apud eum mansérunt die illo; hora erat quasi décima.

Erat Andréas, frater Simónis Petri, unus ex duóbus, qui audierant ab Ioáñne et secúti fúerant eum.

Invénit hic primum fratrem suum Simónem, et dicit ei: « Invénimus Messíam » (quod est interpretátum Christus). Addúxit eum ad Iesum.

Intúitus eum Iesus, dixit: « Tu es Simon, fílius Ioánnis, tu vocáberis Cephás » (quod interpretátur Petrus).

In crástinum vóluit exíre in Galiléam; et invénit Philíppum.

Et dicit ei Iesus: « Séquere me ». Erat autem Philíppus a Bethsáida, civitáte Andréæ et Petri.

Invénit Philíppus Nathánael, et dicit ei: « Quem scripsit Móyses in Lege et prophétæ, invénimus, Iesum, fílium Ioseph a Názareth ».

Et dixit ei Nathánael: « A Názareth potest áliquid boni esse? »

Dicit ei Philíppus: « Veni et vide ».



Vidit Iesus Nathánael venientem ad se, et dicit de eo: « Ecce vere Israelíta, in quo dolus non est ».

Dicit ei Nathánael: « Unde me nosti? »

Respóndit Iesus et dixit ei: « Priúsqvam te Philippus vocáret, cum esses sub ficu, vidi te ».

Respóndit ei Nathánael: « Rabbi, tu es Fílius Dei, tu rex es Israel ».

Respóndit Iesus et dixit ei: « Quia dixi tibi: " Vidi te sub ficu ", credis? maióra his vidébis ».

Et dicit ei: « Amen, amen, dico vobis, vidébitis cælum apértum, et ángelos Dei ascendéntes et descendentés supra Fílium hóminis ». — Verbum Dómini.

vel brevior

✠ Lécio sancti Evangéllii secúndum Ioánnem 1, 35-42

In illo témpore:

Stabat Ioáannes et ex discípulis eius duo. Et respiciens Iesum ambulántem dicit: « Ecce Agnus Dei ». Et audiérunt eum duo discípuli loquéntem, et secúti sunt Iesum.

Convérsus autem Iesus, et videns eos sequéntes se, dicit eis: « Quid quéritis? »

Qui dixerunt ei: « Rabbi (quod dicitur interpretátum magíster), ubi hábitas? »

Dicit eis: « Veníte et vidébitis ». Venérunt ergo et vidérunt ubi manéret, et apud eum mansérunt die illo; hora erat quasi décima.

Erat Andréas, frater Simónis Petri, unus ex duóbus, qui audierant ab Ioáanne et secúti fúerant eum.

Invenit hic primum fratrem suum Simónem, et dicit ei: « Invénimus Messíam » (quod est interpretátum Christus). Addúxit eum ad Iesum.

Intúitus eum Iesus, dixit: « Tu es Simon, fílius Ioánnis, tu vocáberis Cephas » (quod interpretátur Petrus). — Verbum Dómini.

---

8

Alleluia et Versus ante Evangelium Io 15, 16

(R. Allelúia). γ. Ego vos elégi de mundo,  
ut eátis et fructum afferátis,  
et fructus vester máneat,  
dicit Dóminus. (R. Allelúia).

*Non vos me elegistis, sed ego elegi vos.*

✠ Lécio sancti Evangéllii secúndum Ioánnem 15, 9-17

In illo témpore:

Dixit Iesus discíplulis suis: « Sicut diléxit me Pater, et ego diléxi vos. Manéte in dilectióne mea. Si præcépta mea servavéritis, manébitis in dilectióne mea; sicut ego Patris mei præcépta servávi, et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínvicem, sicut diléxi vos. Maiórem hac dilectiónem nemo habet, ut ánimam suam quis ponat pro amícis suis.

Vos amíci mei estis, si faciétis quæ ego præcípio vobis. Iam non dicam vos servos, quia servus nescit quid facit dóminus eius: vos autem dixi amícos, quia ómnia, quæ audívi a Patre meo, nota feci vobis.

Non vos me elegistis, sed ego elégi vos et pósui vos, ut vos eátis et fructum afferátis, et fructus vester máneat, ut, quodcúmque petiérítis Patrem in Nómíne meo, det vobis.

Hæc mando vobis, ut diligátis ínvicem ».

Verbum Dómini.

## 10. PRO RELIGIOSIS

Ant. ad introitum

Ps 36, 3-4

**Spera in Dómino et fac bonitátem,  
et inhabitábis terram et pascéris in fide.  
Delectáre in Dómino,  
et dabit tibi petitiónes cordis tui.**

Collecta

**Deus, omnis boni propósi inspirátor atque perféctor,  
dirige fámulos tuos in viam salútis æternæ,  
et, quos, relíctis ómnibus, tibi se totos devovérunt,  
fac, Christum sequéntes et ea quæ sunt sæculi abnegántes,  
in spíritu paupertátis et cordis humilitáte  
tibi et frátribus suis fidéliter deservíre.  
Per Dóminum.**

Pro lectionibus sumuntur textus aptiores ex iis qui proponuntur  
in Missa in professione religiosa, pp. 1248-1283.

Super oblata

**Sanctifica, quæsumus, Dómine,  
per hæc sancta quæ tibi offérimus,  
fámulos tuos, quos in nómine tuo congregásti,  
ut, fidéliter vota sua tibi reddéntes,  
maiestáti tuæ sincéro corde deserviant.  
Per Christum.**

Ant. ad communionem

1 Reg 19, 7

**Angelus Dómini dixit Elíæ:  
Surge, cómede; grandis enim tibi restat via.**

Vel:

Ap 22, 17 a. 20

**Spíritus et sponsa dicunt: Veni.  
Amen. Veni, Dómine Iesu.**

Post communionem

Servos tuos, Dómine, in amóre tuo congregátos  
et de uno pane participántes,  
da unánimes consideráre ínicem  
in provocationém caritátis et bonórum óperum,  
ut eórum sancta conversatióne  
Christi testes veri ubíque exhibeántur.  
Per Christum.

## 11. PRO VOCATIONIBUS AD VITAM RELIGIOSAM

Ant. ad introitum

Mt 19, 21

Si vis perféctus esse,  
vade, vende quæ habes et da paupéribus,  
et veni, séquere me, dicit Dóminus.

Collecta

Pater sancte,  
qui, licet fidéles omnes ad perfectiónem caritátis invítas,  
multos tamen excitáre non désinis,  
qui Fílii tui vestígia préssius sequántur,  
concéde, ut, quos tibi in sortem peculiárem elégeris,  
conversatióne sua váleant regní tui signum osténdere  
Ecclésiæ mundóque perspícuum.  
Per Dóminum.

Vel (ab ipsis religiosis dicenda):

Famíliam tuam, quésumus, Dómine, propítius réspice  
et nova prole semper amplifica,  
ut et fílios suos  
ad propósitam caritátis perfectiónem addúcere,  
et ad hóminum salútem effícaciter váleat laboráre.  
Per Dóminum.

Pro lectionibus sumuntur textus aptiores ex illis qui proponuntur in Missis in professione religiosa, pp. 1248-1283, vel pro vocationibus ad sacros Ordines, pp. 1338-1357.

### Super oblata

Múnera quæ tibi offérimus,  
 Pater sancte, súscipe miserátus,  
 et ómnibus, qui Fílium tuum per arctam viam imitari  
 læta sibi mente propónunt,  
 communionem concéde fratérnam  
 et spiritalém libertátem.  
 Per Christum.

Ant. ad communionem

Cf. Mt 19, 27. 28. 29

Amen dico vobis, quod vos qui reliquistis ómnia,  
 et secúti estis me, céntuplum accipiétis  
 et vitam ætérnam possidébitis, dicit Dóminus.

### Post communionem

Fámulos tuos, Dómine, spiritali cibo potúque confírma,  
 ut, evangélicæ semper vocatióni fidéles,  
 vivam ubique Fílii tui imáginem repræséntent.  
 Per Christum.

### Vel (ab ipsis religiosis dicenda):

Huius, Dómine, virtúte sacraménti, da nobis, quæsumus,  
 perseverántem in tua voluntáte famulátum,  
 ut tuam caritátem mundo testári  
 et bona quæ sola non amittúntur  
 valeámus fórtiter inquirere.  
 Per Christum.

## 12. PRO LAICIS

Ant. ad introitum

Mt 13, 33

Símile est regnum cælórum ferménto,  
quod accéptum múlier abscondit in farináe satis tribus,  
donec fermentátum est totum.

Collecta

Deus, qui Evangéllii virtútem  
vélti ferméntum in mundum misísti,  
concéde fidélibus tuis,  
quos in médio mundi negotiorúmque sæculárium  
vitam ágere vocásti,  
ut, spírítu christiáno fervéntes,  
per temporália quæ gerunt múnera,  
regnum tuum iúgiter instáurent.  
Per Dóminum.

Lectiones:

1. **Ioel 2, 28-32:** « Super servos meos et ancillas meas effundam spírítum meum ».  
Hæc dicit Dóminus: « Effúdam spírítum meum ... », p. 1691.
2. **Act 2, 1-11:** « Repleti sunt omnes Spírítu Sancto et cœperunt loqui ».  
Cum compleréntur dies Pentecóstes ..., p. 1692.
3. **1 Cor 12, 3 b-7. 12-13:** « Divisiones ministratíonum sunt, idem autem Dominus ».  
Fratres: Nemo potest dícere: « Dóminus Iesus! » nisi in Spírítu Sancto ..., p. 1694.
4. **Eph 1, 3-14:** « Recapitulare omnia in Christo ... in laudem gloriæ ipsius ».  
Fratres: Benedíctus Deus et Pater ..., p. 1265.

Psalmi responsorii:

1. **Ps 84, 2-4. 5-6. 7-8.**  
p. (8): Osténde nobis, Dómine, misericórdiam tuam, et salutáre tuum da nobis, p. 1511.

## 2. Ps 99, 2. 3. 4. 5.

℟. (3 c): Nos pópulus eius et oves páscuæ eius, p. 1373.

## 3. Ps 102, 1-2. 3-4. 8-9. 11-12.

℟. (8 a): Miserátor et miséricors Dóminus, p. 1538.

## 4. Ps 112, 1-2. 3-4. 5-6. 7-8.

℟. (2): Sit nomen Dómini benedíctum in sácula, p. 1526.

## Alleluia, Versus ante Evangelium et Evangelia:

## 1. Mt 5, 9: Beáti pacífici, quóniam filii Dei vocabúntur, p. 1434.

Mt 5, 1-12 a: « Beati pacífici ».

In illo témpore: Videns Iesus turbas ..., p. 1434.

## 2. Mt 11, 28: Veníte ad me, omnes qui laborátis ..., p. 1459.

Mt 25, 14-30: « Super pauca fuisti fidelis, intra in gaudium domini tui ».

In illo témpore: Dixit Iesus discipulis suis parábolam hanc:

« Homo pégre proficiscens ... », p. 1459.

## 3. Semen est verbum Dei, sator autem Christus ..., p. 954.

Mc 4, 1-9: « Exiit seminans ad seminandum ».

In illo témpore: Iterum cœpit Iesus docére ad mare ..., p. 955.

## 4. Io 15, 5: Ego sum vitis, vos pálmites ..., p. 1281.

Io 15, 1-8: « Manete in me, et ego in vobis ».

In illo témpore: Dixit Iesus discipulis suis: « Ego sum vitis vera ... », p. 1281.

## Super oblata

Deus, qui Fílii tui sacrificio  
cunctum voluísti mundum salváre,  
per huius oblatiónis virtútem concéde,  
ut fámuli tui, quos étiam in statu laicáli  
ad apostolátum vocáre non désinis,  
et mundum spírítu ímbuant Christi,  
et eius sint sanctificatiónis ferméntum.  
Per Christum.

## Ant. ad communionem

Ps 99, 2

Iubiláte Dómino, omnis terra,  
servíte Dómino in lætítia;  
introíte in conspéctu eius in exsultatióne, alleluía.

Vel:

Io 15, 8

**In hoc clarificátus est Pater meus,  
ut fructum plúrimum afferátis  
et efficiámini mei discípuli, dicit Dóminus.**

Post communionem

**De plenitúdine grátiae tuæ suméntes, quésumus, Dómine,  
ut, eucharístici convívii fortitúdine roboráti,  
fidéles tui, quos rebus sæculáribus déditos esse voluísti,  
strénui sint evangélicæ testes veritátis,  
et Ecclésiám tuam in rebus temporálibus  
præséntem iúgiter reddant et actuósam.  
Per Christum.**

### 13. PRO UNITATE CHRISTIANORUM

Hæc Missa dici potest, etiam dominicis « per annum », quando  
peculiares celebrationes pro unitate christianorum habentur.

**A**

Ant. ad introitum

Io 10, 14-15

**Ego sum pastor bonus, et cognóscó oves meas,  
et cognóscunt me meæ, dicit Dóminus.  
Sicut novit me Pater, et ego agnóscó Patrem;  
et ánimam meam pono pro óvibus meis.**

Collecta

**Omnípotens sempitérne Deus,  
qui dispérsa cóngregas et congregáta consérvas,  
ad gregem Fílii tui placátus inténde,  
ut, quos unum sacrávit baptísma,  
eos et fidei iungat intégritas,  
et vínculum sóciet caritátis.  
Per Dóminum.**



**Vel:**

**Súpplīces te rogámus, amátor hóminum, Dómine:  
pleniórem Spíritus tui grátiam  
super nos effúnde benígus, et præsta,  
ut, digne qua nos vocásti vocatióne ambulátes,  
testimónium veritátis exhibeámus homínibus,  
et ómnium credéntium unitátem  
in vínculo pacis fidéntes inquirámus.  
Per Dóminum.**

**Lectiones ut infra, pp. 1368-1384.**

**Super oblata**

**Qui una semel hóstia, Dómine,  
adoptiόνis tibi pópulum acquisísti,  
unitátis et pacis in Ecclésia tua  
propítius nobis dona concédas.  
Per Christum.**

**Præfatio: De unitate Corporis Christi, quod est Ecclesia.**

**ꝫ. Dóminus vobíscum.**

**ꝫ. Et cum spírītu tuo.**

**ꝫ. Sursum corda.**

**ꝫ. Habémus ad Dóminum.**

**ꝫ. Grátias agámus Dómino Deo nostro.**

**ꝫ. Dignum et iustum est.**

**Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.**

**Per ipsum enim nos adduxísti  
ad agnitiónem tuæ veritátis,  
ut uníus fidei et baptísmi vínculo  
Corpus eius efficerémur;**

per ipsum in cunctis g<sup>en</sup>tibus  
 largitus es Sp<sup>iritu</sup>m Sanctum tuum,  
 qui, in diversitate donorum mirabilis operator  
 et unitatis effector,  
 filios adoptionis inhabitat  
 totamque replet et regit Eccl<sup>esi</sup>am.

Et ideo, choris angelicis sociati,  
 te laudamus in gaudio confitentes:

**Sanctus, Sanctus, Sanctus Dominus Deus Sabaoth ...**

Ant. ad communionem Cf. 1 Cor 10, 17

**Unus panis et unum corpus multi sumus,  
 omnes qui de uno pane et de uno calice participamus.**

Post communionem

**Hæc tua, Domine, sumpta sacra comm<sup>un</sup>io,  
 sicut fidelium in te unionem præsignat,  
 sic in Eccl<sup>esi</sup>a tua unitatis operetur effectum.  
 Per Christum.**

## B

Ant. ad introitum Ps 105, 47

**Salvos nos fac, Domine Deus noster,  
 et congrega nos de nationibus,  
 ut confiteamur nomini sancto tuo,  
 et gloriemur in laude tua.**

Collecta

**Deus, qui diversitatem gentium  
 in confessione tui nominis adunasti,  
 da nobis et velle et posse quæ præcipis,  
 ut populo ad regnum tuum vocato  
 una sit fides mentium et pietas actionum.  
 Per Dominum.**

Vel:

**Preces pópuli tui, quésumus, Dómine, placátus inténde,  
et præsta, ut fidélium corda  
in tua laude et commúni pæniténtia iungántur,  
quátenus, christianórum divisióne subláta,  
in perfécta Ecclésiæ communióne  
ad ætérnum tuum regnum properémus lætántes.  
Per Dóminum.**

Lectioes ut infra, pp. 1368-1384.

Super oblata

**Salútis nostræ memoriále celebrántes,  
cleméntiam tuam, Dómine, suppliciter exorámus,  
ut hoc sacraméntum pietátis  
fiat nobis signum unitátis et vínculum caritátis.  
Per Christum.**

Præfatio propria, p. 1364.

Ant. ad communionem

Col 3, 14-15

**Super ómnia caritátem habéte,  
quod est vínculum perfectiόνis;  
et pax Christi exsúltet in córdibus vestris,  
in qua et vocáti estis in uno corpore.**

Post communionem

**Spirítum nobis, Dómine, tuæ caritátis infúnde,  
ut, huius sacrificii virtúte,  
una fácias in te credéntes pietáte concórdes.  
Per Christum.**

C

Ant. ad introitum

Eph 4, 4-6

**Unum corpus et unus spirítus,  
sicut vocáti estis in una spe vocatiónis vestræ;**

**unus Dóminus, una fides, unum baptísma;  
unus Deus et Pater ómnium,  
qui est super omnes et per ómnia et in ómnibus nobis.**

**Collecta**

**Pópulum tuum, quæsumus, Dómine, propítius réspice,  
et Spíritus tui super ipsum dona cleménter effúnde,  
ut in veritátis iúgiter amóre succrésat,  
et perfectam christianórum unitátem  
stúdio perquírat et ópere. Per Dóminum.**

**Vel:**

**Ubertátem misericordiárum tuárum, Dómine,  
revéla super nos et, in virtúte Spíritus tui,  
christianórum divisiónes rémove,  
ut Ecclésia tua signum inter nátiónes elevátum  
clárius appáreat,  
et mundus, tuo Spíritu illustrátus,  
in Christum credat quem misísti.  
Per Dóminum.**

Lectiones ut infra, pp. 1368-1384.

**Super oblata**

**Quam tibi, Dómine, offérimus hóstia  
et purificatióne cónferat,  
et omnes uno baptísimate coniúctos  
eorúndem mysteriórum tandem partícipes efficiat.  
Per Christum.**

Præfatio propria, p. 1364.

Ant. ad communionem

Io 17, 21. 23

**Ut omnes unum sint,  
sicut tu, Pater, in me, et ego in te,  
ut et ipsi in nobis unum sint:  
ego in eis, et tu in me, ut sint consummáti in unum.**

Post communionem

**Sacraménta Christi tui suméntes,  
quésumus, Dómine,  
ut in Ecclésia tua  
sanctificatiónis grátiam rénoves quam dedísti,  
et omnes qui christiáno gloriántur nómine  
in unitáte fidei tibi servíre mereántur.  
Per Christum.**

---

Lectio prima

1

*Rursum congregabit te Dominus de cunctis populis,  
in quos te ante dispersit.*

Léctio libri Deuteronomii

30, 1-4

In diébus illis:

Locútus est Móyses pópulo, dicens: « Cum vénerint super te omnes sermónes isti, benedíctio sive maledíctio, quam propósui in conspéctu tuo, et ductus pœnitúdi-ne cordis tui in univérsis géntibus, in quas dispéserit te Dóminus Deus tuus, et revérsus fúeris ad eum et obœdíeris eius impériis, sicut ego hódie præcípio tibi, cum filiis tuis in toto corde tuo et in tota ánima tua; redúcet Dóminus Deus tuus captivitátem tuam ac miserébitur tui, et rursum congregábit te de cunctis pópulis, in quos te ante dispérsit.

Si ad cárdines cæli fúeris dissipátus, inde te rétrahet Dóminus Deus tuus ». — Verbum Dómini.

## Psalmus responsorius

Ier 31, 10. 11-12 ab. 13 cd-14 (R.: cf. 10 c)

R. Cóngrega, Dómine, pópulum tuum dispérsu.

vel Allelúia.

- <sup>10</sup> Audíte verbum Dómini, gentes,  
et annuntiáte in ínsulis, quæ procul sunt, et dícite:  
« Qui dispérsit Israel congregábit eum,  
et custódiét eum sicut pastor gregem suum ». R.
- <sup>11</sup> Redémit enim Dóminus Iacob,  
et liberávit eum de manu potentióris,  
<sup>12</sup> et vénient et laudábunt in monte Sion,  
et cónfluent ad bona Dómini. R.
- <sup>13</sup> « Et convértam luctum eórum in gáudium,  
et consolábor eos, et lætificábo a dolóre suo;  
<sup>14</sup> et inebriábo ánimam sacerdotum pinguédine,  
et pópulus meus bonis meis adimplébitur ». R.

## 2

*Congregabo vos de universis terris  
Et dabo vobis cor novum.*

## Léctio libri Ezechiélis prophétæ 36, 24-28

Hæc dicit Dóminus Deus: « Tollam vos de géntibus, et congregábo vos de univérsis terris, et addúcam vos in terram vestram. et effúndam super vos aquam mundam, et mundabímmini ab ómnibus inquinaméntis vestris, et ab univérsis idólis vestris mundábo vos.

Et dabo vobis cor novum, et spíritum novum ponam in médio vestri, et áuferam cor lapídeum de carne vestra et dabo vobis cor cárneum; et spíritum meum ponam in médio vestri, et fáciam ut in præcéptis meis ambulétis et iudícia mea custodiátis et operémmini. Et habi-

tábitis in terra, quam dedi pátribus vestris, et éritis mihi in pópulum, et ego ero vobis in Deum ».

Verbum Dómini.

**Psalmus responsorius** Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

vel Allelúia.

<sup>1</sup> Dóminus pascit me, et nihil mihi déerit:

<sup>2</sup> in páscuis viréntibus me collocávit,

super aquas quiétis edúxit me,

<sup>3</sup> ánimam meam refécit.

Dedúxit me super sémitas iustítiæ  
propter nomen suum. R.

<sup>4</sup> Nam et si ambulávero in valle umbræ mortis,  
non timébo mala, quóniam tu mecum es.

Virga tua et báculus tuus  
ipsa me consoláta sunt. R.

<sup>5</sup> Parásti in conspéctu meo mensam

advérsus eos qui tríbulant me;

impinguásti in óleo caput meum,

et calix meus redúndat. R.

<sup>6</sup> Etenim benígnitas et misericórdia subsequéntur me

ómnibus diébus vitæ meæ,

et inhabitábo in domo Dómini

in longitúdinem diérum. R.

3

*Et non erunt ultra duæ gentes.*

Léctio libri Ezechiélis prophétæ

In diébus illis:

37, 15-19. 21 b-22. 26-28

Factus est sermo Dómini ad me, dicens: « Et tu, fili hóminis, sume tibi lignum unum et scribe super illud:

“ Iudæ et filiõrum Israel sociõrum eius ”; et tolle lignum alterum et scribe super illud: “ Ioseph ligno Ephraim, et cunctæ dõmui Israel sociõrumque eius ”; et adiunge illa unum ad alterum tibi in lignum unum, et erunt in uniónem in manu tua.

Cum autem dixerint ad te filii pòpuli tui loquentes: “ Nonne indicas nobis quid in his tibi velis? ” loqueris ad eos: “ Hæc dicit Dõminus Deus: Ecce ego assumam lignum Ioseph, quod est in manu Ephraim, et tribus Israel, quæ sunt ei adiunctæ, et dabo eas pariter cum ligno Iuda et faciam eas in lignum unum, et erunt unum in manu eius ”.

Ecce ego assumam filios Israel de medio nationum, ad quas abiérunt, et congregabo eos undique, et adducam eos ad humum suam.

Et faciam eos in gentem unam in terra, in montibus Israel, et rex unus erit omnibus imperans, et non erunt ultra duæ gentes nec dividéntur amplius in duo regna.

Et percútiã illis fœdus pacis, pactum sempiternum erit eis, et fundabo eos et multiplicabo; et dabo sanctificationem meam in medio eorum in perpetuum, et erit tabernaculum meum in eis, et ero eis Deus, et ipsi erunt mihi pòpulus, et scient gentes quia ego Dõminus sanctificator Israel, cum fuerit sanctificatio mea in medio eorum in perpetuum ». — Verbum Dõmini.

Psalmus responsorius

Ps 121, 1-2. 4-5. 6-7. 8-9 (R: Is 66, 10)

R. Lætãmini cum Ierúsalem et exsultate in ea.  
vel Allelúia.

Lætátus sum in eo quod dixerunt mihi:

« In domum Dõmini ibimus ».

Stantes iam sunt pedes nostri

in portis tuis, Ierúsalem. R.



- 4 Illuc enim ascendérunt tribus, tribus Dómini,  
testimónium Israel, ad confiténdum nómini Dómini.
- 5 Quia illic sedérunt sedes ad iudícium,  
sedes domus David. *ꝛ.*
- 6 Rogáte quæ ad pacem sunt Ierúsalem,  
secúri sint diligéntes te.
- 7 Fiat pax in muris tuis,  
et secúritas in túrribus tuis. *ꝛ.*
- 8 Propter fratres meos et próximos meos  
loquar: « Pax in te! »
- 9 Propter domum Dómini Dei nostri  
exquíram bona tibi. *ꝛ.*

## 4

*In tempore illo congregabo vos.*

Léctio libri Sophoníæ prophétæ

3, 16-20

« Noli timére, Sion; non dissolvántur manus tuæ. Dóminus Deus tuus in médio tui fortis, ipse salvábit; gaudébit super te in lætítia, silébit in dilectióne sua, exsultábit super te in laude. Nugas, qui a lege recésserant, congregábo, quia ex te erant; ut non ultra hábeas super eis oppróbrium.

Ecce ego interfíciam omnes qui afflixérunt te in témpore illo; et salvábo claudicántem, et eam quæ eiécta fúerat congregábo, et ponam eos in laudem et in nomen in omni terra confusiónis eórum, in témpore illo quo addúcam vos, et in témpore quo congregábo vos.

Dabo enim vos in nomen et in laudem ómnibus pópulis terræ, cum convértero captivitátem vestram coram óculis vestris », dicit Dóminus. — Verbum Dómini.

Psalmus responsorius Ps 99, 2. 3. 4. 5 (R.: 3 c)

R. Nos pópulus eius et oves páscuæ eius.

Iubiláte Dómino, omnis terra,  
servíte Dómino in lætítia;  
introíte in conspéctu eius in exsultatióne. R.

Scitóte quóniam Dóminus ipse est Deus;  
ipse fecit nos, et ipsíus sumus,  
pópulus eius et oves páscuæ eius. R.

Introíte portas eius in confessióne,  
átria eius in hymnis,  
confitémini illi, benedícite nómini eius. R.

Quóniam suávis est Dóminus;  
in ætérnum misericórdia eius,  
et usque in generatióne  
et generatióne véritas eius. R.

Lectio secunda

1

*Non sint in vobis schismata. Divisus est Christus?*

Léctio Epístolæ primæ beáti Pauli apóstoli  
ad Corínthios

1, 10-13

Obsecro vos, fratres, per Nomen Dómini nostri Iesu Christi, ut idípsum dicátis omnes, et non sint in vobis schismata; sitis autem perfécti in eódem sensu et in eádem senténtia. Significátum est enim mihi de vobis, fratres mei, ab his qui sunt Chloes, quia contentiónes inter vos sunt.

Hoc autem dico, quod unusquisque vestrum dicit:  
« Ego quidem sum Pauli, ego autem Apóllo, ego vero Cephæ, ego autem Christi ».

Divísus est Christus? Numquid Paulus crucifíxus est pro vobis? aut in nómine Pauli baptizáti estis?  
Verbum Dómini.

## 2

*Superædificati super fundamentum Apostolorum,  
ipso summo angulari lapide Christo Iesu.*

Léctio Epístolæ beáti Pauli apóstoli ad Ephésios

2, 19-22

Fratres:

Iam non estis extránei et ádvenæ, sed estis concíves sanctórum et doméstici Dei, superædificáti super fundaméntum Apostolórum et prophetárum, ipso summo angulari lápide Christo Iesu, in quo omnis ædificátió compácta crescit in templum sanctum in Dómino; in quo et vos coædificámini in habitáculum Dei in Spíritu.

Verbum Dómini.

## 3

*Solliciti servare unitatem spiritus in vinculo pacis.*

Léctio Epístolæ beáti Pauli apóstoli ad Ephésios

4, 1-6

Fratres:

Obsecro vos, ego vinctus in Dómino, ut digne ambulétis vocatióne qua vocáti estis, cum omni humilitáte et mansuetúdine, cum longanimitáte supportántes invicem in caritaté; solliciti serváre unitátem spíritus in vínculo pacis.

Unum corpus et unus Spíritus, sicut vocáti estis in una spe vocatiónis vestræ; unus Dóminus, una fides, unum baptisma; unus Deus et Pater ómnium, qui super omnes et per ómnia et in ómnibus. — Verbum Dómini.

4

*Donantes invicem, sicut et Deus in Christo donavit vobis.*

Lectio Epistolæ beati Pauli apostoli ad Ephésios

Fratres:

4, 30 — 5, 2

Nolite contristare Spiritum Sanctum Dei, in quo signati estis in diem redemptionis. Omnis amaritudo et ira et indignatio et clamor et blasphemia tollatur a vobis, cum omni malitia.

Estote autem invicem benigni, misericordes, donantes invicem, sicut et Deus in Christo donavit vobis.

Estote ergo imitatores Dei, sicut filii carissimi, et ambulante in dilectione, sicut et Christus dilexit nos, et tradidit se ipsum pro nobis oblationem et hostiam Deo, in odorem suavitatis. — Verbum Domini.

5

*Idem sapite, unanimes.*

Lectio Epistolæ beati Pauli apostoli ad Philippenses

Fratres:

2, 1-13

Si qua consolatio in Christo, si quod solacium caritatis, si qua societas spiritus, si quæ viscera et miserationes, implente gaudium meum, ut idem sapiatis, eandem caritatem habentes, unanimes, idipsum sapientes; nihil per contentionem neque per inanem gloriam, sed in humilitate superiores sibi invicem arbitrantes, non quæ sua sunt singuli considerantes, sed et quæ aliorum.

Hoc sentite in vobis, quod et in Christo Iesu: qui, cum in forma Dei esset, non rapinam arbitratus est esse se æqualem Deo, sed semetipsum exinanivit formam servi accipiens, in similitudinem hominum fac-

tus; et hábitu invéntus ut homo, humiliávit semetípsum factus obcédiens usque ad mortem, mortem autem crucis.

Propter quod et Deus illum exaltávit, et donávit illi Nomen, quod est super omne nomen, ut in Nómine Iesu omne genu flectátur cæléstium et terréstrium et infernórum, et omnis lingua confiteátur: « Dóminus Iesus Christus », in glória Dei Patris.

Itaque, caríssimi mei, sicut semper obœdistis, non ut in præséntia mei tantum, sed multo magis nunc in abséntia mea, cum metu et tremóre vestram salutem operámini. Deus est enim qui operátur in vobis et velle et perfícere pro suo beneplácito. — Verbum Dómini.

## 6

*Vocati estis in uno corpore.*

Léctio Epístolæ beáti Pauli apóstoli ad Colossénses

Fratres:

3, 9 b-17

Exúite vos véterem hómínem cum áctibus eius, et indúite novum, eum qui renovátur in agnitiónem secúndum imáginem eius qui creávit eum; ubi non est Græcus et Iudæus, circumcisio et præpútium, Bárbarus, Scytha, servus, liber, sed ómnia et in ómnibus Christus.

Indúite vos ergo, sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, patiéntiam, supportántes ínvicem et donántes vobis ipsis, si quis advérsus áliquem habet querélam: sicut et Dóminus donávit vobis, ita et vos.

Super ómnia autem hæc caritátem, quod est vín-culum perfectiónis; et pax Christi dominétur in córdibus vestris, ad quam et vocáti estis in uno córpore; et grati estóte.

Verbum Christi hábitet in vobis abundánte, in omni sapiéntia docétes et commonétes vosmetípsos psalmis, hymnis, cánticis spiritalibus, in grátia cantátes in córdibus vestris Deo. Et omne quodcúmque fáctis in verbo aut in ópere, ómnia in Nómine Dómini Iesu, grátias ágétes Deo Patri per ipsum.

Verbum Dómini.

7

*Unus mediator Dei et hominum,  
homo Christus Iesus.*

Léctio Epístolæ primæ beáti Pauli apóstoli  
ad Timótheum

2, 5-8

Caríssime:

Unus Deus, unus et mediátor Dei et hóminum, homo Christus Iesus, qui dedit redemptionem semetípsum pro ómnibus, testimónium temporibus suis; in quod pósito sum ego prædicátor et apóstolus (veritatem dico, non méntior), doctor géntium in fide et veritate.

Volo ergo viros oráre in omni loco, levántes puras manus sine ira et disceptatióne. — Verbum Dómini.

8

*Si sic Deus dilexit nos, et nos debemus  
alterutrum diligere.*

Léctio Epístolæ primæ beáti Ioánnis apóstoli 4, 9-15

Caríssimi:

In hoc appáruit caritas Dei in nobis, quóniam Fílium suum unigénitum misit Deus in mundum, ut vivámus per eum. In hoc est caritas, non quasi nos dilexé-

rimus Deum, sed quóniam ipse diléxit nos et misit Fílium suum propitiatióem pro peccátis nostris.

Caríssimi, si sic Deus diléxit nos, et nos debémus alterútrum diligere. Deum nemo vidit umquam. Si diligámus invicem, Deus in nobis manet, et caritas eius in nobis consummáta est. In hoc cognóscimus quóniam in eo manémus, et ipse in nobis, quóniam de Spíritu suo dedit nobis.

Et nos vídimus et testificámur quóniam Pater misit Fílium salvatórem mundi. Quisque conféssus fúerit: « Iesus est Fílius Dei », Deus in ipso manet, et ipse in Deo. — Verbum Dómini.

## Evangelium

### 1

Alleluia et Versus ante Evangelium

(R. Allelúia). ꝛ. Ecclésia Dómini unum lumen est,  
quod ubíque diffúnditur,  
nec únitas córporis separátur.

(R. Allelúia).

*Ubi sunt duo vel tres congregati in Nomine meo,  
ibi sum in medio eorum.*

✠ Lécio sancti Evangéllii secúndum Matthéum

In illo témpore: 18, 19-22

Dixit Iesus discipulis suis: « Si duo ex vobis consenserint super terram de omni re quacúmque petierint, fiet illis a Patre meo qui in cælis est. Ubi enim sunt duo vel tres congregáti in Nómine meo, ibi sum in médio eórum ».

Tunc accédens Petrus, dixit ei: « Dómine, quótiens peccábit in me frater meus et dimittam ei? usque sépties? »

Dicit illi Iesus: « Non dico tibi usque sépties, sed usque septuágies sépties ». — Verbum Dómini.

2

Alleluia et Versus ante Evangelium Col 3, 15

(R. Allelúia). ꝛ. Pax Christi exsúttet in córdibus vestris,  
in qua vocáti estis in uno córpore.

(R. Allelúia).

*Qui non est adversus vos, pro vobis est.*

✠ Léctio sancti Evangéllii secúndum Lucam 9, 49-55

In illo témpore:

Dixit Ioánnes ad Iesum: « Præcéptor, vídimus quen-  
dam in nómine tuo eiciéntem dæmónia, et prohibúimus  
eum, quia non séquitur nobíscum ».

Et ait ad illum Iesus: « Nolíte prohibére; qui enim  
non est advérsus vos, pro vobis est ».

Factum est autem, dum compleréntur dies assump-  
tiónis eius, et ipse fáciem suam firmávit ut iret in Ie-  
rúsalem, et misit núnctios ante conspéctum suum. Et  
eúntes intravérunt in castéllum Samaritanórum, ut pa-  
rárent illi. Et non recepérunt eum, quia fácies eius  
erat eúntis Ierúsalem.

Cum vidíssent autem discípuli Iacobus et Ioánnes,  
dixerunt: « Dómine, vis dicámus ut ignis descéndat de  
cælo et consúmat illos? »

Et convérsus increpávit illos. — Verbum Dómini.

3

Alleluia et Versus ante Evangelium Eph 4, 5

(R. Allelúia). ꝛ. Unus Dóminus, una fides,  
unum baptísma,

unus Deus et Pater. (R. Allelúia).



*Fient unus grex, unus pastor.*

✠ Lécio sancti Evangélii secúndum Ioánnem

In illo témpore:

10, 11-16

Dixit Iesus: « Ego sum pastor bonus. Bonus pastor ánimam suam ponit pro óvibus. Mercenárius et qui non est pastor, cuius non sunt oves própriae, videt lupum veniéntem et dimittit oves et fugit, et lupus rapit eas et dispérgit, quia mercenárius est, et non pértinet ad eum de óvibus.

Ego sum pastor bonus et cognóscó meas, et cognóscunt me meæ. Sicut novit me Pater, et ego agnóscó Patrem; et ánimam meam pono pro óvibus.

Et álias oves hábeo, quæ non sunt ex hoc ovili; et illas opórtet me addúcere, et vocem meam áudient, et fient unus grex, unus pastor ». — Verbum Dómini.

4

Alleluia et Versus ante Evangelium

(R. Alleluía). γ. Colligátur Ecclésia tua, Dómine,  
a finibus terræ in Regnum tuum,  
quóniam tua est glória et virtus  
per Iesum Christum in sécula.

(R. Alleluía).

*Ut filios Dei, qui erant dispersi,  
congregaret in unum.*

✠ Lécio sancti Evangélii secúndum Ioánnem

In illo témpore:

11, 45-52

Multi ex Iudæis, qui vénerant ad Mariám et Martham, soróres Lázari, et viderant quæ fecit Iesus, cre-  
didérunt in eum. Quidam autem ex ipsis abiérunt  
ad pharisæos, et dixerunt eis quæ fecit Iesus.

Collegérunt ergo pontífices et pharisséi concílium, et dicébant: « Quid fácimus, quia hic homo multa signa facit? Si dimíttimus eum sic, omnes credent in eum; et vénient Románi et tollent nostrum et locum et gentem ».

Unus autem ex ipsis, Cáíaphas, cum esset pónlífex anni illíus, dixit eis: « Vos nescítis quidquam, nec cogitátis quia éxpedit vobis ut unus moriátur homo pro pópulo, et non tota gens péreat ».

Hoc autem a semetípso non dixit; sed, cum esset pónlífex anni illíus, prophetávit quia Iesus moritúrus erat pro gente, et non tantum pro gente, sed et ut filios Dei, qui erant dispérsi, congregáret in unum.

Verbum Dómini.

## 5

Alleluia et Versus ante Evangelium

(Ꝥ. Allelúia). γ. Colligátur Ecclésia tua, Dómine,  
a fínibus terræ in Regnum tuum,  
quóniam tua est glória et virtus  
per Iesum Christum in sáecula.  
(Ꝥ. Allelúia).

*Exemplum dedi vobis, ut, quemadmodum  
ego feci vobis, et vos faciatis.*

✠ Lécio sancti Evangéllii secúndum Ioánnem

13, 1-15

Ante diem festum Paschæ, sciens Iesus quia venit eius hora, ut tránseat ex hoc mundo ad Patrem, cum dilexíisset suos, qui erant in mundo, in finem diléxit eos.

Et in cena, cum diábolus iam misíisset in corde, ut tráderet eum Iudas Simónis Iscarióti, sciens quia óm-

nia dedit ei Pater in manus, et quia a Deo exívit, et ad Deum vadit, surgit a cena et ponit vestiménta sua, et cum accepisset línteum, præcínxit se. Deínde mittit aquam in pelvim, et cœpit laváre pedes discipulórum, et extérgere línteo quo erat præcínctus. Venit ergo ad Simónem Petrum.

Dicit ei Petrus: « Dómine, tu mihi lavas pedes? »

Respóndit Iesus et dixit ei: « Quod ego fácio, tu nescis modo, scies autem póstea ».

Dicit ei Petrus: « Non lavábis mihi pedes in ætérnum ».

Respóndit Iesus ei: « Si non lávero te, non habes partem mecum ».

Dicit ei Simon Petrus: « Dómine, non tantum pedes meos, sed et manus et caput ».

Dicit ei Iesus: « Qui lotus est non indiget nisi ut pedes lavet, sed est mundus totus. Et vos mundi estis, sed non omnes ». Sciébat enim quisnam esset qui tráderet eum; proptérea dixit: « Non estis mundi omnes ».

Postquam ergo lavit pedes eórum et accépit vestiménta sua, cum recubúisset íterum, dixit eis: « Scitis quid fécerim vobis? Vos vocátis me " Magister " et " Dómine "; et bene dícitis: sum étenim. Si ergo lavi vestros pedes, Dóminus et Magíster, et vos debétis alter alteríus laváre pedes. Exémplum enim dedi vobis, ut, quemádmódu[m] ego feci vobis, et vos faciátis ».

Verbum Dómini.

## 6

Alleluia et Versus ante Evangelium

Eph 4, 5

(**℞**. Allelúia). **℣**. Unus Dóminus, una fides,  
unum baptísma,

unus Deus et Pater. (**℞**. Allelúia).

*Tui erant, et mihi eos dedisti,  
et sermonem tuum servaverunt.*

✠ **Léctio sancti Evangélii secúndum Ioánnem 17, 1-11**

**In illo témpore:**

Sublevátis Iesus óculis suis in cælum, dixit: « Pater, venit hora, glorifica Fílium tuum, ut Fílius tuus gloríficet te; sicut dedísti ei potestátem omnis carnis; ut omne quod dedísti ei, det eis vitam ætérmam.

Hæc est autem vita ætérna, ut cognóscant te solum verum Deum et quem misísti, Iesum Christum. Ego te glorificávi super terram, opus consummávi quod dedísti mihi ut fáciam. Et nunc glorifica me tu, Pater, apud temetípsum glória quam habébam, priúsqvam mundus esset, apud te.

Manifestávi Nomen tuum homínibus, quos dedísti mihi de mundo. Tui erant, et mihi eos dedísti, et sermónem tuum servavérunt. Nunc cognovérunt quia ómnia, quæ dedísti mihi, abs te sunt, quia verba, quæ dedísti mihi, dedi eis, et ipsi accepérunt et cognovérunt vere quia a te exívi, et credidérunt quia tu me misísti.

Ego pro eis rogo, non pro mundo rogo, sed pro his quos dedísti mihi, quia tui sunt. Et mea ómnia tua sunt, et tua mea; et glorificátus sum in eis. Et iam non sum in mundo, et hi in mundo sunt, et ego ad te vénio. Pater sancte, conserva eos in Nómine tuo quod dedísti mihi, ut sint unum sicut nos ». — Verbum Dómini.

7

**Alleluia et Versus ante Evangelium** Io 17, 21

(**℟. Allelúia**). **γ. Ut omnes unum sint,**  
sicut tu, Pater, in me et ego in te,  
ut credat mundus quia tu me misísti.  
(**℟. Allelúia**).

*Sint unum sicut nos.*

✠ **Léctio sancti Evangélii secúndum Ioánnem**

**In illo témpore:**

17, 11 b-19

Sublevátis Iesus óculis in cælum, orávit dicens: « Pater sancte, conserva eos in Nómine tuo quod dedísti mihi, ut sint unum sicut nos. Cum essem cum eis, ego servábam eos in Nómine tuo quod dedísti mihi et custodívi, et nemo ex his périit, nisi fílius perditiónis, ut Scriptúra impleátur.

Nunc autem ad te vénio; et hæc loquor in mundo, ut hábeant gáudium meum implétum in semetípsis. Ego dedi eis sermónem tuum, et mundus ódio eos hábuit, quia non sunt de mundo, sicut ego non sum de mundo. Non rogo ut tollas eos de mundo, sed ut serves eos ex Malo. De mundo non sunt, sicut ego non sum de mundo.

Sanctífica eos in veritáte. Sermo tuus veritas est. Sicut me misísti in mundum, et ego misi eos in mundum. Et pro eis ego sanctifico meípsum, ut sint et ipsi sanctificáti in veritáte ». — Verbum Dómini.

8

Alleluia et Versus ante Evangelium

Io 17, 21

(R. Allelúia). γ. Ut omnes unum sint,

sicut tu, Pater, in me et ego in te,  
ut credat mundus quia tu me misísti.

(R. Allelúia).

*Sint consummati in unum.*

✠ **Léctio sancti Evangélii secúndum Ioánnem** 17, 20-26

**In illo témpore:**

Sublevátis Iesus óculis in cælum, orávit dicens: « Pater sancte, non pro his rogo tantum, sed et

pro eis qui creditúri sunt per verbum eórum in me; ut omnes unum sint, sicut tu, Pater, in me et ego in te, ut et ipsi in nobis sint, ut mundus credat quia tu me misisti.

Et ego glóriam, quam dedisti mihi, dedi illis, ut sint unum sicut nos unum sumus. Ego in eis et tu in me, ut sint consummáti in unum, et cognóscat mundus quia tu me misisti et dilexisti eos, sicut me dilexisti.

Pater, quod dedisti mihi, volo ut ubi ego sum, et illi sint mecum, ut vídeant glóriam meam, quam dedisti mihi, quia dilexisti me ante constitutióem mundi. Pater iuste, et mundus te non cognóvit; ego autem te cognóvi, et hi cognovérunt quia tu me misisti. Et notum feci eis Nomen tuum, et notum fáciam, ut diléctio, qua dilexisti me, in ipsis sit, et ego in ipsis ».

Verbum Dómini.

## 14. PRO EVANGELIZATIONE POPULORUM

Hæc Missa dici potest, etiam dominicis « per annum », quando peculiare celebrationes pro opere missionum habentur, dummodo non occurrat dominica Adventus, Quadragesimæ et Paschæ, aut sollemnitatis.

### A

Ant. ad introitum

Ps 66, 2-3

Deus misereátur nostri, et benedícat nobis,  
illúminet vultum suum super nos et misereátur nostri;  
ut cognoscámus in terra viam tuam,  
in ómnibus géntibus salutáre tuum.

Collecta

Deus, qui omnes hómines vis salvos fieri  
et ad agnitiónem veritátis venire,  
réspice messem tuam multam

et operários in eam mitte dignánte,  
 ut omni creatúra Evangélium prædicétur,  
 et plebs tua, verbo vitæ congregáta  
 et sacramentórum virtúte suffúlta,  
 in via salútis et caritátis procedat.  
 Per Dóminum.

Vel:

Deus, qui Fílium tuum lumen verum in mundum misísti,  
 effúnde Spíritum promissionis,  
 qui veritátis sémina in córdibus hóminum  
 iúgiter diffúndat et fidei súscitet obséquiium,  
 ut omnes, per baptísmum ad novam vitam generáti,  
 unum pópulum tuum íngredi mereántur.  
 Per Dóminum.

Lectiones ut infra, pp. 1388-1403.

Super oblata

Réspice, Dómine, in fáciem Christi tui,  
 qui pro ómnibus redemptionem trádidit semetípsum,  
 ut per eum ab ortu solis usque ad occásum  
 nomen tuum magnificétur in géntibus,  
 et una ubíque maiestáti tuæ exhibeátur oblátio.  
 Per Christum.

Ant. ad communionem

Mt 28, 20

Docéte omnes gentes serváre quæcúmque mandávi vobis,  
 dicit Dóminus. Ego vobíscum sum ómnibus diébus,  
 usque ad consummationem sæculi.

Post communionem

Redemptionis nostræ múnere vegetáti,  
 quæsumus, Dómine, ut, hoc perpétuæ salútis auxilio,  
 fides semper vera proficiat.  
 Per Christum.

**B**

Ant. ad introitum

Ps 95, 3-4

**Annuntiáte inter gentes glóriam eius,  
in ómnibus pópulis mirabília eius:  
quóniam magnus Dóminus et laudábilis nimis.**

Collecta

**Deus, qui Ecclésiám tuam  
sacraméntum salutis cunctis géntibus esse voluísti,  
ut Christi salutíferum opus  
usque in fines sæculórum perseveret,  
éxcita tuórum corda fidélium, et præsta,  
ut ad omnem creatúram salvándam  
urgéntius vocári se séntiant,  
quátenus ex ómnibus pópulis  
una família unúsque tibi pópulus exsúrgat et crescat.  
Per Dóminum.**

Lectiones ut infra, pp. 1388-1403.

Super oblata

**Múnera supplicántis Ecclésiæ  
in conspéctum maiestátis tuæ ascéndant accépta,  
cui pro totius mundi salute  
grata éxstitit Filii tui pássio gloriósa.  
Per Christum.**

Ant. ad communionem

Ps 116, 1-2

**Laudáte Dóminum, omnes gentes,  
collaudáte eum, omnes pópuli;  
quóniam confirmáta est super nos misericórdia eius,  
et véritas Dómini manet in ætérnum.**

Vel:

Mc 16, 15

**Eúntes in mundum univérsum,  
prædicáte Evangélium omni creatúræ, dicit Dóminus.**



Post communionem

Sanctificet nos, quæsumus, Dómine,  
 mensæ tuæ participatio, et præsta,  
 ut, quam Unigénitus tuus in cruce operátus est salutem,  
 omnes gentes per Ecclesiæ tuæ sacraméntum  
 gratánte accipiant.  
 Per Christum.

---

Lectio prima  
 extra tempus paschale

1

*Fluent ad montem Domini omnes gentes.*

Lectio libri Isaíæ prophétæ 2, 1-5

Verbum quod vidit Isaías fílius Amos super Iuda  
 et Ierúsalem.

Et erat in novíssimis diébus præparátus mons do-  
 mus Dómini in vértice móntium, et elevábitur super  
 colles, et fluent ad eum omnes gentes.

Et ibunt pópuli multi et dicent: « Veníte, et ascen-  
 dámus ad montem Dómini, et ad domum Dei Iacob, et  
 docébit nos vias suas, et ambulábit in sémitis eius,  
 quia de Sion exhibit lex, et verbum Dómini de Ierúsalem.

Et iudicábit gentes et árguet pópulos multos; et  
 confábunt gládios suos in vómeres et lanceas suas in  
 falces. Non levábit gens contra gentem gládium, nec  
 exercebúntur ultra ad próelium.

Domus Iacob, veníte, et ambulémus in lúmine Dó-  
 mini ». — Verbum Dómini.

**Psalmus responsorius**

Ps 97, 1. 2-3 ab. 3 c-4. 5-6 (R.: 2 b)

**R.** In conspéctu géntium revelávit Dóminus  
iustítiam suam.

Cantáte Dómino cánticum novum,  
quia mirabília fecit.

Salvávit sibi délixtera eius  
et brácchium sanctum eius. **R.**

Notum fecit Dóminus salutáre suum,  
in conspéctu géntium revelávit iustítiam suam.

Recordátus est misericórdiæ suæ  
et veritátis suæ dómui Israel. **R.**

Vidérunt omnes términi terræ  
salutáre Dei nostri.

Iubiláte Deo, omnis terra,  
erúmpite, exsultáte et psállite. **R.**

Psállite Dómino in cíthara,  
in cíthara et voce psalmi;  
in tubis ductílibus et voce tubæ córneæ,  
iubiláte in conspéctu regis Dómini. **R.**

2

*Domus mea  
domus orationis vocabitur cunctis populis.*

**Léctio libri Isaíæ prophétæ**

56, 1. 6-7

Hæc dicit Dóminus:

« Custodíte iudícium et fácite iustítiam, quia iuxta  
est salus mea ut véniat, et iustítia mea ut revelétur.

Et filios ádvenæ, qui adhærent Dómino, ut colant  
eum et díligant nomen eius, ut sint ei in servos, omnem  
custodiéntem sábbatum ne pólluat illud, et tenéntem  
fœdus meum, addúcam eos in montem sanctum meum,

et lætificábo eos in domo oratiónis meæ; holocáusta eórum et víctimæ eórum placébunt mihi super altári meo, quia domus mea domus oratiónis vocábitur cunctis pópulis ». — Verbum Dómini.

**Psalmus responsorius** Ps 66, 2-3. 5. 7-8 (R.: cf. 3)

R. Cognoscátur in ómnibus géntibus salutáre tuum.

2 Deus misereátur nostri et benedicat nobis,  
illúminet vultum suum super nos.

3 Ut cognoscátur in terra via tua,  
in ómnibus géntibus salutáre tuum. R.

5 Læténtur et exsúltent gentes,  
quóniam iúdicas pópulos in æquitáte,  
et gentes in terra dírigis. R.

7 Terra dedit fructum suum;  
benedícat nos Deus, Deus noster;

8 benedícat nos Deus,  
et métuant eum omnes fines terræ. R.

## 3

*Ambulabunt gentes in lumine tuo.*

Léctio libri Isaíæ prophétæ

60, 1-6

Surge, illumináre, Ierúsalem, quia venit lumen tuum, et glória Dómini super te orta est. Quia ecce ténebræ opérient terram, et caligo pópulos; super te autem oriétur Dóminus, et glória eius in te vidébitur.

Et ambulábunt gentes in lúmine tuo, et reges in splendóre ortus tui. Leva in circúitu óculos tuos et vide: omnes isti congregáti sunt, venérunt tibi; fílii tui de longe vénient, et fíliæ tuæ de látere surgent.

Tunc vidébis et áfflues, mirábitur et dilatábitur cor tuum, quando convérsa fúerit ad te multitúdo maris, fortitúdo géntium vénerit tibi, inundátio camelórum

opériet te, dromedárii Má dian et Epha; omnes de Saba vénient aurum et tus deferéntes, et laudem Dómino annuntiántes. — Verbum Dómini.

**Psalmus responsorius**

Ps 97, 1. 2-3 ab. 3 c-4. 5-6 (R.: 3 c)

R. Vidérunt omnes términi terræ salutáre Dei nostri.

Cantáte Dómino cánticum novum,  
quia mirabília fecit.

Salvávit sibi délixtera eius  
et brácchium sanctum eius. R.

Notum fecit Dóminus salutáre suum,  
in conspéctu géntium revelávit iustítiam suam.

Recordátus est misericórdiæ suæ  
et veritátis suæ dómui Israel. R.

Vidérunt omnes términi terræ  
salutáre Dei nostri.

Iubiláte Deo, omnis terra,  
erúmpite, exsultáte et psállite. R.

Psállite Dómino in cíthara,  
in cíthara et voce psalmi;  
in tubis ductílibus et voce tubæ córneæ,  
iubiláte in conspéctu regis Dómini. R.

4

*Et ego non parcam Ninive?*

Léctio libri Ionæ prophétæ 3, 10 — 4, 11

Vidit Deus ópera Ninivítarum, quia convérsi sunt de via sua mala; et misértus est Deus super malítiam, quam locútus fúerat ut fáceret eis, et non fecit.

Et afflíctus est Ionas afflictióné magna, et irátus est; et orávit ad Dóminum, et dixit: « Obsecro: numquid non hoc est verbum meum, cum adhuc essem in terra mea?

Propter hoc praeoccupávi ut fúgerem in Tharsis; scio enim quia tu Deus clemens et miséricors es, pátiens et multae miseratiónis, et ignóscens super malítia. Et nunc, Dómine, tolle, quæso, ánimam meam a me, quia mélior est mihi mors quam vita ».

Et dixit Dóminus: « Putásne bene irásceris tu? »

Et egressus est Ionas de civitaté, et sedit contra orientem civitátis, et fecit sibi met umbráculum ibi, et sedébat subter illud in umbra, donec vidéret quid accíderet civitatí. Et præparávit Dóminus Deus héderam, et ascéndit super caput Ionæ, ut esset umbra super caput eius et protégeret eum; laboráverat enim. Et lætátus est Ionas super hédera lætítia magna.

Et parávit Deus vermem ascénsu dilúculi in crástinum, et percússit héderam, et exáruit. Et, cum ortus fuisset sol, præcépít Dóminus vento cálido et urénti, et percússit sol super caput Ionæ, et æstuábat.

Et petívit ánimæ suæ ut morerétur, et dixit: « Mélius est mihi mori quam vívere ».

Et dixit Dóminus ad Ionam: « Putásne bene irásceris tu super hédera? »

Et dixit: « Bene iráscor ego usque ad mortem ».

Et dixit Dóminus: « Tu doles super héderam, in qua non laborásti neque fecísti ut crésceret, quæ sub una nocte nata est et sub una nocte périit, et ego non parcam Nínive, civitatí magnæ, in qua sunt plus quam centum viginti mília hóminum, qui nésciunt quid sit inter dexteram et sinístam suam, et iuménta multa? »

Verbum Dómini.

Psalmus responsorius Ps 66, 2-3. 5. 7-8 (R.: 4)

R. Confiteántur tibi pópuli, Deus,  
confiteántur tibi pópuli omnes.

Deus misereátur nostri et benedícat nobis,  
illúminet vultum suum super nos.

Ut cognoscátur in terra via tua,  
in ómnibus géntibus salutáre tuum. R̄.

Læténtur et exsúltent gentes,  
quóniam iúdicas pópulos in æquitáte,  
et gentes in terra dirigis. R̄.

Terra dedit fructum suum;  
benedícat nos Deus, Deus noster;  
benedícat nos Deus,  
et métuant eum omnes fines terræ. R̄.

5

*Venient populi multi ad quærendum Dominum  
in Ierusalem.*

Lectio libri Zachariæ prophætæ 8, 20-23

Hæc dicit Dóminus exercítuum: « Usquequo vé-  
niant pópuli et hábitent in civitatibus multis, et vadant  
habitatóres unus ad álterum, dicétes: “ Eámus et de-  
precémur fáciem Dómini et quærámus Dóminum exer-  
cítuum; vadam étiam ego ”. Et vénient pópuli multi et  
gentes robústæ ad quæréndum Dóminum exercítuum  
in Ierúsalem et deprecándam fáciem Dómini ».

Hæc dicit Dóminus exercítuum: « In diébus illis,  
in quibus apprehéndent decem hómines ex ómnibus  
linguis géntium, et apprehéndent fimbriam viri Iudæi  
dicétes: “ Ibimus vobíscum, audívimus enim quóniam  
Deus vobíscum est ” ». — Verbum Dómini.

Psalmus responsorius Ps 18, 2-3. 4-5 (R̄.: 5 a)

R̄. In omnem terram exívit sonus eórum.

Cæli enarrant glóriam Dei,  
et ópera mánuum eius annúntiat firmaméntum.  
Dies diéi erúctat verbum,  
et nox nocti índicat sciéntiam. R̄.

- 4 Non sunt loquélæ neque sermónes,  
 quorum non intellegántur voces.  
 5 In omnem terram exívit sonus eórum,  
 et in fines orbis terræ verba eórum. **ꝛ.**

Lectio prima  
 tempore paschali

## 1

*Eritis mihi testes usque ad ultimum terræ.*

Léctio Actuum Apostolórum

1, 3-8

In diébus illis:

Apóstolis suis præbuit Iesus seípsum vivum post passiónem suam in multis arguméntis, per dies quadragínta appárens eis, et loquens ea quæ sunt de Regno Dei.

Et convéscens præcépit eis ab Hierosólymis ne discéderent, sed exspectárent promissionem Patris, « quam audístis a me, quia Ioánnes quidem baptizávit aqua, vos autem baptizabímini in Spíritu Sancto non post multos hos dies ».

Igitur qui convénerant interrogábant eum, dicéntes: « Dómine, si in témpore hoc restítues regnum Israéli? »

Dixit autem eis: « Non est vestrum nosse témpora vel moménta, quæ Pater pósuit in sua potestáte; sed accipiétis virtútem superveniénte Sancto Spíritu in vos, et éritis mihi testes et in Ierúsalem et in omni Iudæa et Samaría et usque ad últimum terræ ».

Verbum Dómini.

Psalmus responsorius

Ps 95, 1-2 a. 2 b-3. 7-8 a. 9-10 a (ꝛ.: Mt 28, 19)  
 ꝛ. Eúntes in mundum, docéte omnes gentes.  
 vel Allelúia.

- 1 Cantáte Dómino cánticum novum,  
cantáte Dómino, omnis terra.
- 2 Cantáte Dómino, benedicite nómini eius. R̄.  
Annuntiáte de die in diem salutáre eius.
- 3 Annuntiáte inter gentes glóriam eius,  
in ómnibus pópulis mirabília eius. R̄.
- 4 Afférte Dómino, familiæ populórum,  
afférte Dómino glóriam et poténtiam,  
5 afférte Dómino glóriam nóminis eius. R̄.
- 6 Adoráte Dóminum in splendóre sancto.  
Contremíscite a fácie eius, univérsa terra,  
7 dícite in géntibus: « Dóminus regnávít ». R̄.

## 2

*Loquebantur et ad Hellenistas,  
evangelizantes Dominum Iesum.*

Léctio Actuum Apostolórum

11, 19-26

In diébus illis:

Illi qui dispérsi fúerant a tribulatióne, quæ facta fúerat sub Stéphanó, perambulavérunt usque Phœnicen et Cyprum et Antiochiám, némini loquéntes verbum nisi solis Iudæis.

Erant autem quidam ex eis viri Cýprij et Cyrenæi, qui cum introíssent Antiochiám, loquebantur et ad Hellenistas, evangelizántes Dóminum Iesum. Et erat manus Dómini cum eis; multúsque númerus credéntium convérsus est ad Dóminum.

Audítus est autem sermo in áuribus Ecclésiæ, quæ erat in Ierúsalem, super istis, et misérunt Bárnabam usque Antiochiám. Qui, cum pervénisset et vidisset



grátiam Dei, gávisus est et hortabátur omnes propó-  
sito cordis permanére in Dómino; quia erat vir bonus,  
et plenus Spíritu Sancto et fide. Et appósita est turba  
multa Dómino.

Proféctus est autem Bárnabas Tarsum, ut quæreret  
Saulum. Quem, cum invenísset, perdúxit Antiochíam.  
Factum est autem eis ut annum totum conversaréntur  
in Ecclésia, et docérent turbam multam, ut cognomina-  
réntur primum Antiochiæ discipuli « Christiáni ».

Verbum Dómini.

Psalmus responsorius Ps 116, 1. 2 (ꝛ.: Mc 16, 15)

ꝛ. Eúntes in mundum univérsum, prædicáte Evangélium.  
vel Allelúia.

1 Laudáte Dóminum, omnes gentes,  
collaudáte eum, omnes pópuli. ꝛ.

2 Quóniam confirmáta est super nos misericórdia eius,  
et véritas Dómini manet in ætérnum. ꝛ.

### 3

*Ecce convertimur ad gentes.*

Léctio Actuum Apostolorum

13, 46-49

In diébus illis:

Paulus et Bárnabas dixerunt Iudæis: « Vobis oportebat primum loqui verbum Dei; sed, quóniam repél-  
litis illud, et indignos vos iudicátis ætérnæ vitæ, ecce  
convértimur ad gentes.

Sic enim præcépit nobis Dóminus: " Pósuisti te in lu-  
men gentium, ut sis in salutem usque ad extrémum  
terræ " ».

Audiéntes autem gentes gaudébant et glorificábant

verbum Dómini, et crediderunt quotquot erant præordinati ad vitam æternam; ferebatur autem verbum Dómini per univérsum regiónem. — Verbum Dómini.

Psalmus responsorius, ut supra, p. 1394.

## Lectio secunda

## 1

*Quomodo autem audient sine prædicante?  
Quomodo vero prædicabunt, nisi mittantur?*

## Léctio Epístolæ beáti Pauli apóstoli ad Romános

10, 9-18

Si confiteáris in ore tuo: « Dóminum Iesum », et in corde tuo credideris quod Deus illum excitávit ex mórtuis, salvus eris. Corde enim créditur ad iustítiam, ore autem conféssio fit in salútem.

Dicit enim Scriptúra: « Omnis qui credit in illo non confundétur ». Non enim est distíctio Iudæi et Græci, nam idem Dóminus ómnium, dives in omnes qui invocant illum.

« Omnis enim quicúmque invocáverit Nomen Dómini salvus erit ».

Quómodo ergo invocábunt in quem non crediderunt? Aut quómodo credent ei quem non audierunt? Quómodo autem áudient sine prædicante? Quómodo vero prædicábunt, nisi mittántur?

Sicut scriptum est: « Quam speciósi pedes evangelizántium bona! »

Sed non omnes obcediérunt Evangélio.

Isaiás enim dicit: « Dómine, quis crédidit audítui nostro? » Ergo fides ex audítu, audítus autem per verbum Christi.

Sed dico: « Numquid non audiérunt? » Quin immo: « In omnem terram éxiit sonus eórum, et in fines orbis terræ verba eórum ».

Verbum Dómini.

## 2

*Mysterium Christi nunc revelatum est:  
esse gentes coheredes promissionis.*

Léctio Epístolæ beáti Pauli apóstoli ad Ephésios

3, 2-12

Fratres:

Audístis dispensatióem grátiae Dei, quæ data est mihi pro vobis; quóniam secúndum revelatióem notum mihi factum est mystérium, sicut supra scripsi in brevi; prout potéstis legétes intelligere prudéntiam meam in mystério Christi, quod áliis generatióibus non inótuit fíliis hóminum, sicut nunc revelátum est sanctis Apóstolis eius et prophétis in Spíritu: esse gentes coheredes et concorporáles et compartícipes promissionis in Christo Iesu per Evangélium, cuius factus sum mínister secúndum donum grátiae Dei, quæ data est mihi secúndum operatióem virtútis eius.

Mihi ómnium sanctórum mínimo data est grátia hæc, géntibus evangelizáre investigábiles divítias Christi, et illumináre omnes quæ sit dispensátio mystérii absconditi a sæculis in Deo, qui ómnia creávit; ut inotéscat nunc principátibus et potestátibus in cælestibus per Ecclésiám multifórmis sapiéntia Dei; secúndum propósitum sæculórum, quod fecit in Christo Iesu Dómino nostro, in quo habémus fidúciam et accéssum in confidéntia per fidem eius. — Verbum Dómini.

*Deus omnes homines vult salvos fieri.*

**Lectio Epistolæ primæ beati Pauli apóstoli  
ad Timótheum**

2, 1-8

**Caríssime:**

Obsecro primo ómnium fieri obsecrationés, orationés, postulatiónes, gratiarum actionés pro ómnibus homínibus: pro régibus et ómnibus qui in sublimitáte sunt, ut quiétam et tranquillam vitam agamus in omni pietáte et castitáte.

Hoc bonum est et accéptum coram Salvatóre nostro Deo, qui omnes hómines vult salvos fieri et ad agnitiónem veritátis venire.

Unus enim Deus, unus et mediátor Dei et hóminum, homo Christus Iesus, qui dedit redemptionem semetípsum pro ómnibus, testimónium temporibus suis; in quod pósitus sum ego prædicátor et apóstolus (veritátem dico, non méntior), doctor géntium in fide et veritáte.

Volo ergo viros oráre in omni loco, levántes puras manus sine ira et disceptatióne. — Verbum Dómini.

### Evangelium

#### 1

Alleluia et Versus ante Evangelium Mt 28, 19 a-20 b

(R. Allelúia). γ. Eúntes, docéte omnes gentes,  
dicit Dóminus;

ego vobíscum sum ómnibus diébus  
usque ad consummationem séculi.

(R. Allelúia).

*Euntes, docete omnes gentes.*

✠ Lécio sancti Evangélii secúndum Matthæum

28, 16-20

In illo témpore:

Undecim discipuli abiérunt in Galiléam, in montem ubi constitúerat illis Iesus, et vidéntes eum adoravérunt, quidam autem dubitavérunt.

Et accédens Iesus locútus est eis, dicens: « Data est mihi omnis potéstas in cælo et in terra; eúntes ergo docéte omnes gentes, baptizántes eos in Nómine Patris et Fílii et Spíritus Sancti, docéntes eos serváre ómnia quaecúmque mandávi vobis.

Et ecce ego vobíscum sum ómnibus diébus usque ad consummationém sáculi ». — Verbum Dómini.

2

Alleluia et Versus ante Evangelium

Mc 16, 15

(R. Allelúia). γ. Eúntes in mundum univérsum,  
dicit Dóminus,  
prædicáte Evangélium omni creatúræ.  
(R. Allelúia).

*Euntes in mundum universum,  
prædicate Evangelium.*

✠ Lécio sancti Evangélii secúndum Marcum . 16, 15-20

In illo témpore:

Appárens Iesus Undecim dixit eis: « Eúntes in mundum univérsum, prædicáte Evangélium omni creatúræ. Qui crediderit et baptizátus fúerit, salvus erit; qui vero non crediderit, condemnábitur.

Signa autem eos qui crediderint hæc sequéntur: in Nómine meo dæmónia eicient, linguis loquéntur novis,

serpentes tollent, et, si mortiferum quid biberint, non eos nocēbit, super aegrotos manus impōnent, et bene habebunt ».

Et Dōminus quidem Iesus, postquam locutus est eis, assumptus est in cælum, et sedit a dextris Dei.

Illi autem profecti prædicaverunt ubique, Dōmino cooperante et sermōnem confirmante, sequentibus signis. — Verbum Dōmini.

3

Alleluia et Versus ante Evangelium Io 3, 16

(R. Alleluia). γ. Sic Deus dilexit mundum,  
ut Filium suum unigenitum daret;  
omnis qui credit in eum,  
habet vitam æternam. (R. Alleluia).

*Sic scriptum est, prædicari in nomine eius pœnitentiam  
in remissionem peccatorum in omnes gentes.*

✠ Lēctio sancti Evangēlii secūndum Lucam 24, 44-53

In illo tēpore:

Dixit Iesus ad discipulos suos: « Hæc sunt verba quæ locutus sum ad vos, cum adhuc essem vobiscum, quoniam necesse est impleri omnia quæ scripta sunt in lege Mōysis et prophetis et psalmis de me ». Tunc aperuit illis sensum, ut intellerent Scripturas.

Et dixit eis: « Sic scriptum est, Christum pati, et resurgere a mortuis die tertia, et prædicari in nomine eius pœnitentiam in remissionem peccatorum in omnes gentes, incipientibus ab Ierusalem. Vos estis testes horum.

Et ecce ego mitto promissum Patris mei in vos; vos autem sedete in civitate, quoadusque induamini virtutem ex alto ».

Edúxit autem eos foras usque in Bethániam; et elevátis mánibus suis benedíxit eis.

Et factum est, dum benedíceret illis, recéssit ab eis et ferebátur in cælum.

Et ipsi adoravérunt eum et regréssi sunt in Ierúsalem cum gáudio magno; et erant semper in templo, benedicéntes Deum. — Verbum Dómini.

## 4

**Alleluia et Versus ante Evangelium** **Mc 16, 15**

(**R.** Allelúia). **Ꝛ.** Eúntes in mundum univérsum,  
dicit Dóminus,  
prædicáte Evangelium omni creatúræ.  
(**R.** Allelúia).

*Ut filios Dei, qui erant dispersi,  
congregaret in unum.*

✠ **Léctio sancti Evangelii secúndum Ioánnem**

**11, 45-52**

In illo témpore:

Multi ex Iudéis, qui vénerant ad Mariám et Martham, soróres Lázari, et viderant quæ fecit Iesus, credidérunt in eum. Quidam autem ex ipsis abiérunt ad pharisæos, et dixerunt eis quæ fecit Iesus.

Collegérunt ergo pontífices et pharisæi concílium, et dicébant: « Quid fácimus, quia hic homo multa signa facit? Si dimíttimus eum sic, omnes credent in eum, et vénient Románi et tollent nostrum et locum et gentem ».

Unus autem ex ipsis, Cásiaphas, cum esset póntifex anni illíus, dixit eis: « Vos nescítis quidquam; nec cogitátis quia éxpedit vobis ut unus moriátur homo pro pópulo, et non tota gens péreat ».

Hoc autem a semetípso non dixit; sed, cum esset póntifex anni illíus, prophetávit quia Iesus moritúrus

erat pro gente, et non tantum pro gente, sed et ut filios Dei, qui erant dispérsi, congregáret in unum.

Verbum Dómini.

5

Alleluia et Versus ante Evangelium Io 3, 16

(**℞. Allelúia**). **℣.** Sic Deus diléxit mundum,  
ut Fílium suum unigénitum daret;  
omnis qui credit in eum,  
habet vitam ætérrnam. (**℞. Allelúia**).

*Sicut me misisti in mundum,  
et ego misi eos in mundum.*

✠ Lécio sancti Evangéllii secúndum Ioánnem

In illo témpore: 17, 11 b. 17-23

Sublevátis Iesus óculis in cælum, orávit dicens:  
« Pater sancte, serva eos in Nómine tuo quod dedísti mihi, ut sint unum sicut nos.

Sanctífica eos in veritáte. Sermo tuus véritas est. Sicut me misísti in mundum, et ego misi eos in mundum. Et pro eis ego sanctífico meípsum, ut sint et ipsi sanctificáti in veritáte.

Non pro his autem rogo tantum, sed et pro eis qui creditúri sunt per verbum eórum in me; ut omnes unum sint, sicut tu, Pater, in me et ego in te, ut et ipsi in nobis sint, ut mundus credat quia tu me misísti.

Et ego glóriam, quam dedísti mihi, dedi illis, ut sint unum, sicut nos unum sumus. Ego in eis et tu in me, ut sint consummáti in unum, ut cognóscat mundus quia tu me misísti et dilexísti eos, sicut me dilexísti ».

Verbum Dómini.



## 15. PRO CHRISTIANIS PERSECUTIONE VEXATIS

Ant. ad introitum

Cf. Ps 73, 19-22

Réspice, Dómine, in testaméntum tuum,  
et ánimas páuperum tuórum ne derelínquas in finem;  
exsúrge, Dómine, et iúdica causam tuam,  
et ne obliviscáris voces quæréntium te.

Vel:

Act 12, 5

Petrus servabátur in cárcere;  
orátio autem fiebat sine intermissióne  
ab Ecclésia ad Deum pro eo.

Collecta

Deus, qui inscrutábili providéntia  
passiónibus Fílii tui vis Ecclésiám sociári,  
præsta fidélibus tuis,  
in tribulatióne propter nomen tuum versántibus,  
spíritum paciéntiæ et caritátis,  
ut promissionum tuárum  
fidi inveniántur testes atque veráces.  
Per Dóminum.

Lectiones ut infra, pp. 1406-1421.

Super oblata

Súscipe, quæsumus, Dómine,  
humilitátis nostræ preces et hóstias, et præsta,  
ut, qui, tibi fidéliter serviéntes,  
hóminum persecutiónes patiúntur,  
gaudeant se Christi Fílii tui sacrificio sociári,  
et sua séntiant inter electórum nómina  
scripta esse in cælis.  
Per Christum.

Ant. ad communionem Mt 5, 11-12

**Beáti estis, cum maledíxerint vobis  
et persecúti vos fúerint propter me, dicit Dóminus;  
gaudéte et exsultáte,  
quóniam merces vestra copiósa est in cælis.**

Vel: Mt 10, 32

**Omnis qui confitébitur me coram homínibus,  
confitébor et ego eum coram Patre meo,  
qui in cælis est, dicit Dóminus.**

Post communionem

**Per huius sacraménti virtútem  
fámulos tuos, Dómine, in veritáte confírma,  
et fidélibus tuis in tribulatióne pósito concéde,  
ut, crucem sibi post Fílium tuum baiulántes,  
christiáno nómine iúgiter váleant inter advérsa gloriári.  
Per Christum.**

---

Lectio prima  
extra tempus paschale

## 1

*Miserere populi tui,  
quia volunt hereditatem tuam delere.*

Lectio libri Esther

13, 8-11. 15-17

In diébus illis:

Mardochæus deprecátus est Dóminum, memor ómnium óperum eius, et dixit: « Dómine, Dómine rex omnípotens, in dicióné enim tua cuncta sunt pósita, et non est qui possit tuæ resistere voluntáti, si decreveris salváre Israel. Tu fecísti cælum et terram et quidquid cæli ámbitu continétur. Dóminus ómnium es, nec est qui resistat maiestáti tuæ.

Et nunc, Dómine rex, Deus Abraham, miserére pópuli tui, quia volunt nos inimíci nostri pérdere et hereditátem tuam delére. Ne despicias partem tuam, quam redemísti tibi de Ægýpto. Exáudi deprecationem meam, et propítius esto sorti et funículo tuo; et convérte lucrum nostrum in gáudium, ut vivéntes laudémus nomen tuum, Dómine, et ne cludas ora te canéntium ».

Verbum Dómini.

Psalmus responsorius Ps 123, 2-3. 4-5. 7 b-8 (ꝛ.: 7 a)

ꝛ. Anima nostra sicut passer erépta est  
de láqueo venántium.

<sup>2</sup> Nisi quia Dóminus erat in nobis,  
cum exsúrgerent hómínes in nos.

<sup>3</sup> Forte vivos deglutíssent nos,  
cum irascerétur furor eórum in nos. ꝛ.

**Fórsitan aqua absorbuisset nos;  
torrens pertransisset ánimam nostram,  
fórsitan pertransissent ánimam nostram  
aquæ intumescéntes. R.**

**Láqueus contrítus est,  
et nos crepti sumus.**

**Adiutórium nostrum in nómine Dómini,  
qui fecit cælum et terram. R.**

2

*Omnes qui sperant in Deum non infirmantur.*

**Léctio libri primi Machabæórum** 2, 49-52. 57-64

Appropinquavérunt dies Mathathæe moriéndi, et dixit filiis suis: « Nunc confortáta est supérbia et castigatio, et tempus eversiónis et ira indignatiónis. Nunc ergo, o filii, æmulatóres estóte legis; et date ánimas vestras pro testaménto patrum vestrórum, et mementóte óperum patrum, quæ fecérunt in generatió nibus suis, et accipiétis glóriam magnam et nomen ætérnum.

Abraham, nonne in tentatióne invéntus est fidélis, et “ reputátum est ei ad iustítiam ”? David, in sua misericórdia, consecútus est sedem regni in sácula; Elías, dum zelat zelum legis, recéptus est in cælum; Ananías et Azarías et Misaél credéntes liberáti sunt de flamma; Dániel, in sua simplicitáte, liberátus est de ore leónum.

Et ita cogitáte, per generatió nem et generatió nem, quia omnes qui sperant in eum non infirmántur. Et a verbis viri peccatóris ne timuéritis, quia glória eius ster-cus et vermis est: hódie extóllitur et cras non inveniétur, quia convérsus est in terram suam, et cogitatio eius périit.

Vos ergo, filii, confortámini et viriliter ágite in lege, quia in ipsa gloriósi éritis ». — Verbum Dómini.

Psalmus responsorius Ps 2, 1-3. 4-6. 10-11 (R.: 13 b)

R. **Beáti omnes qui confidunt in Dómino.**

- 1 **Quare fremuérunt gentes,  
et pópuli meditáti sunt inánia?**
- 2 **Astitérunt reges terræ,  
et príncipes convenérunt in unum,  
advérsus Dóminum et advérsus christum eius:**
- 3 **« Dirumpámus víncula eórum,  
et proiciámus a nobis iugum ipsórum! » R.**
- 4 **Qui hábitat in cælis irridébit eos,  
Dóminus subsannábit eos.**
- 5 **Tunc loquétur ad eos in ira sua,  
et in furóre suo conturbábit eos:**
- 6 **« Ego autem constitui regem meum  
super Sion, montem sanctum meum! » R.**
- 10 **Et nunc, reges, intelligíte,  
erudímini, qui iudicátis terram.**
- 11 **Servíte Dómino in timóre,  
et exsultáte ei cum tremóre. R.**

## 3

*Servus meus es tu, elegi te et non abieci te.*

Léctio libri Isaíæ prophétæ 41, 8-10. 13-14

Hæc dicit Dóminus Deus: « Tu, Israel, serve meus, Iacob, quem elégi, semen Abraham amíci mei; in quo apprehéndi te ab extrémis terræ, et a longínquis eius vocávi te; et dixi tibi: " Servus meus es tu, elégi te et non abiéci te. Ne tíneas, quia ego tecum sum; ne declínes, quia ego Deus tuus; confortávi te et auxiliátus sum tibi, et suscepit te délixtera iusti mei ".

Quia ego Dóminus Deus tuus apprehéndens manum tuam dicénsque tibi: " Ne tíneas, ego adiúvi te ".

**Noli timere, vermis Iacob, qui mórtui estis ex Israel; ego auxiliátus sum tibi, dicit Dóminus et redemptor tuus sanctus Israel ».** — Verbum Dómini.

Psalmus responsorius Ps 122, 1. 2 (R.: 2 cd)

R. Oculi nostri ad Dóminum, donec misereátur nostri.

Ad te levávi óculos meos,  
qui hábitas in cælis. R.

Ecce sicut óculi servórum ad manus dominórum suórum,  
sicut óculi ancillæ ad manus dómínæ suæ,  
ita óculi nostri ad Dóminum Deum nostrum,  
donec misereátur nostri. R.

4

*Ne tradas nos in perpetuum,  
propter nomen tuum.*

Léctio libri Daniélis prophétæ 3, 25. 34-43

In diébus illis:

Stans Azarias orávit sic, aperiénsque os suum in médio ignis ait: « Ne, quæsumus, tradas nos in perpetuum propter nomen tuum, et ne dissipes testaméntum tuum, neque áuferas misericórdiam tuam a nobis, propter Abraham diléctum tuum, et Isaac servum tuum, et Israel sanctum tuum, quibus locútus es póllicens quod multiplicáres semen eórum sicut stellas cæli, et sicut arénam quæ est in lítore maris.

Quia, Dómine, imminúti sumus plus quam omnes gentes, sumúsque húmiles in univérsa terra hódie propter peccáta nostra, et non est in témpore hoc princeps et dux et prophéta, neque holocáustum neque sacrificium neque oblátio neque incénsus neque locus primitiárum coram te, ut possimus invenire misericórdiam tuam.

Sed in ánimo contríto et spírítu humilitátis suscipiámur; sicut in holocáusto arietum et taurórum et sicut in milibus agnórum pínguium, sic fiat sacrificium nostrum in conspéctu tuo hódie, ut pláceat tibi, quóniam non est confúsió confidéntibus in te.

Et nunc séquimur te in toto corde, et timémus te, et quérimus fáciem tuam. Ne confúndas nos, sed fac nobíscum iuxta mansuetúdinem tuam et secúndum multitudínem misericórdiæ tuæ, et érué nos in mirabílibus tuis, et da glóriam nómini tuo, Dómine ».

Verbum Dómini.

Psalmus responsorius

Ps 122, 1. 2 (R.: 3 a)

R. Miserére nostri, Dómine, miserére nostri.

1 Ad te levávi óculos meos,  
qui hábitas in cælis. R.

2 Ecce sicut óculi servórum ad manus dominórum suórum,  
sicut óculi ancíllæ ad manus dómínæ suæ,  
ita óculi nostri ad Dóminum Deum nostrum,  
donec misereátur nostri. R. |

Lectio prima  
tempore paschali

1

*Non possumus nos quæ vidimus  
et audivimus non loqui.*

Lectio Actuum Apostolórum

4, 1-5. 18-21

In diébus illis:

Loquéntibus Petro et Ioánné ad pópulum postquam claudus sanátus est, supervenérunt eis sacerdótes et magistrátus templi et sadducæi, doléntes quod docérent pópulum et annuntiárent in Iesu resurrectiónem ex mór-

tuis; et iniecérunt in eos manus, et posuérunt in custódiam in crástinum; erat enim iam véspera.

Multi autem eórum qui audierant verbum, crediderunt; et factus est númerus virórum quinque mília.

Factum est autem in crástinum, ut congregaréntur príncipes eórum et senióres et scribæ in Ierúsalem. Et vocántes eos, denuntiavérunt ne omníno loqueréntur neque docerént in nómine Iesu.

Petrus vero et Ioánnes respondéntes dixerunt ad eos: « Si iustum est in conspéctu Dei vos pótius audíre quam Deum, iudicáte; non enim póssumus nos quæ vídimus et audívimus non loqui ».

At illi ultra comminántes dimiserunt eos, nequáquam inveniéntes quómo punírent eos, propter pópulum, quia omnes glorificábant Deum in eo quod acciderat. — Verbum Dómini.

**Psalmus responsorius Ps 123, 2-3. 4-5. 7 b-8 (R.: 7 a)**

**R.** Anima nostra sicut passer erépta est  
de láqueo venántium.

**vel Allelúia.**

Nisi quia Dóminus erat in nobis,  
cum exsúrgerent hómínes in nos.  
Forte vivos deglutíssent nos,  
cum irascerétur furor eórum in nos. **R.**

Fórsitan aqua absorbuíssent nos;  
torrens pertransíssent ánimam nostram,  
fórsitan pertransíssent ánimam nostram  
aquæ intumescéntes. **R.**

Láqueus contrítus est,  
et nos erépti sumus.  
Adiutórium nostrum in nómine Dómini,  
qui fecit cælum et terram. **R.**



## 2

*Nunc, Domine, respice in minas eorum.*

Lectio Actuum Apostolorum

4, 23-31

In diebus illis:

Dimissi venerunt Petrus et Ioannes ad suos; et annuntiaverunt quanta ad eos principes sacerdotum et seniores dixissent. Qui, cum audissent, unanimiter leverunt vocem ad Deum et dixerunt:

« Domine, tu qui fecisti caelum et terram, et mare et omnia quae in eis sunt, qui Spiritu Sancto per os patris nostri David pueri tui dixisti: " Quare fremuerunt gentes, et populi meditati sunt inania? Astiterunt reges terrae, et principes convenerunt in unum adversus Dominum et adversus Christum eius " .

Convenerunt enim vere in civitate ista adversus sanctum puerum tuum Iesum, quem unxisti, Herodes et Pontius Pilatus cum gentibus et populis Israel facere quaecumque manus tua et consilium praedestinavit fieri.

Et nunc, Domine, respice in minas eorum, et da servis tuis cum omni fiducia loqui verbum tuum, in eo quod manum tuam extendas sanitatem et signa et prodigia fieri per Nomen sancti Pueri tui Iesu ».

Et, cum orassent, motus est locus, in quo erant congregati, et replati sunt omnes Sancto Spiritu, et loquebantur verbum Dei cum fiducia. — Verbum Domini.

Psalmus responsorius Ps 2, 1-3. 4-6. 10-11 (R.: 13 b)

R. Beati omnes qui confidunt in Domino.

vel Alleluia.

<sup>1</sup> Quare fremuerunt gentes,  
et populi meditati sunt inania?

- 2 Astitérunt reges terræ,  
et príncipes convenérunt in unum,  
advérsus Dóminum et advérsus christum eius:
- 3 « Dirumpámus víncula eórum,  
et proiciámus a nobis iugum ipsórum! » R.
- 4 Qui hábitat in cælis irridébit eos,  
Dóminus subsannábit eos.
- 5 Tunc loquétur ad eos in ira sua,  
et in furóre suo conturbábit eos:
- 6 « Ego autem constítui regem meum  
super Sion, montem sanctum meum! » R.
- 10 Et nunc, reges, intellégite,  
erudímini, qui iudicátis terram.
- 11 Servíte Dómino in timóre,  
et exsultáte ei cum tremóre. R.

3

*Apostoli ibant gaudentes, quoniam digni habiti sunt  
pro Nomine contumeliam pati.*

Léctio Actuum Apostolórum 5, 27 b-32. 40 b-42

In diébus illis:

Interrogávit Apóstolos princeps sacerdotum, dicens:  
« Nonne præcipiéndó præcépimus vobis ne docerétis in  
nómine isto? Et ecce replevistis Ierúsalem doctrína  
vestra et vultis indúcere super nos sánguinem hóminis  
istíus ».

Respóndens autem Petrus et Apóstoli, dixerunt:  
« Obœdíre opórtet Deo magis quam homínibus. Deus  
patrum nostrórum suscitávit Iesum, quem vos intere-  
místis suspendéntes in ligno.

Hunc Deus príncipem et salvatórem exaltávit dexte-  
ra sua, ad dandam pæniténtiam Israel et remissiónem

peccatórum. Et nos sumus testes horum verbórum, et Spíritus Sanctus, quem dedit Deus obœdiéntibus sibi ».

Et Apóstolis cæsis denuntiavérunt ne loqueréntur in nómine Iesu, et dimisérunt eos.

Et illi quidem ibant gaudéntes a conspéctu concílii, quóniam digni hábiti sunt pro Nómine contuméliam pati. Et omni die in templo et circa domos non cessábant docéntes et evangelizántes Christum Iesum.

Verbum Dómini.

Psalmus responsorius, ut supra, p. 1412.

## 4

*Hi sunt qui veniunt de tribulatione magna.*

Léctio libri Apocalýpsis beáti Ioánnis apóstoli

7, 9-10. 14 b-17

Ego Ioánnes vidi: Et ecce turba magna, quam dinumeráre nemo póterat, ex ómnibus géntibus et tríbutus et pópulis et linguis stantes ante thronum et in conspéctu Agni, amícti stolas albas, et palmæ in mánibus eórum; et clamant voce magna dicéntes: « Salus Deo nostro, qui sedet super thronum, et Agno ».

« Hi sunt qui véniunt de tribulatióne magna, et lavérunt stolas suas et dealbavérunt eas in ságuine Agni. Ideo sunt ante thronum Dei, et sérviant ei die ac nocte in templo eius, et qui sedet in throno habitábit super illos.

Non esúrient ámplius neque sítient ámplius, neque cadet super illos sol neque ullus æstus, quóniam Agnus, qui in médio throni est, pascet illos et dedúcet eos ad vitæ fontes aquárum, et abstérget Deus omnem lácriam ex óculis eórum ». — Verbum Dómini.

Psalmus responsorius Ps 26, 1. 2. 3. 5 (R.: 9 d)

R. Ne derelinquas me, Deus salutis meae.

vel Allelúia.

Dóminus illuminatio mea et salus mea, quem timébo?  
Dóminus protéctor vitæ meae, a quo trepidábo? R.

Dum apprópíant super me nocéntes,  
ut edant carnes meas;  
qui tribulant me et inimíci mei,  
ipsi infirmáti sunt et cecidérunt. R.

Si consistant advérsus me castra,  
non timébit cor meum;  
si exsúrgat advérsus me próélium,  
in hoc ego sperábo. R.

Quóniam occultábit me in tentório suo,  
in die malórum.

Abscóndet me in abscóndito tabernáculi sui,  
in petra exaltábit me. R.

Lectio secunda

1

*Vobis hoc donatum est pro Christo,  
ut etiam pro illo patiamini.*

Lectio Epístolæ beáti Pauli apóstoli ad Philippénses

Fratres:

1, 27-30

Tantum digne Evangélio Christi conversámini, ut,  
sive cum vénero et vídero vos, sive absens áudiam de  
vobis, quia statis in uno Spíritu, unánimes concertántes  
fide Evangélii; et in nullo pertérriti ab adversáriis,  
quod est illis indícium perditiónis, vobis autem salutis,

et hoc a Deo; quia vobis hoc donatum est pro Christo, non solum ut in eum credatis, sed ut etiam pro illo patiamini, idem certamen habentes, quale et vidistis in me et nunc auditis in me. — Verbum Domini.

## 2

*Quis filius, quem non corripit pater?*

Lectio Epistolæ ad Hebræos

12, 2-13

Fratres:

Aspícite in auctórem fidei et consummatórem Iesum, qui, pro gáudio sibi propósito sustínuit crucem, confusióne contémpsa, atque in dextera throni Dei sedet. Recogitáte enim eum qui talem sustínuit a peccatóribus advérsus semetípsum contradicciónem, ut ne fatigémur ánimis vestris deficientes.

Nondum usque ad sánguinem restitístis advérsus peccátum repugnántes, et oblísti estis exhortatiónis, quæ vobis tamquam filiis loquitur: « Fili mi, noli negligere disciplinam Domini, neque deficias dum ab eo argúeris. Quem enim diligit Dóminus castigat, flagéllat autem omnem filium quem récipit ».

Ad disciplinam suffértis. Tamquam filios vos tractat Deus. Quis enim filius, quem non corripit pater? Quod si extra disciplinam estis, cuius partícipes facti sunt omnes, ergo adulterini et non filii estis.

Deínde patres quidem carnis nostræ habebámus eruditóres et reverebámur; non multo magis obtemperábimus Patri spiritu et vivémus? Et illi quidem ad témpus paucórum diérum, secúndum quod videbátur illis castigábant; hic autem ad id quod útile est ad participándam sanctitátem eius. Omnis autem disciplina in præsentí quidem vidétur non esse gáudii, sed mæroris; póstea autem fructum pacíficum exercitátis per eam reddit iustitiæ.

Propter quod remissas manus et soluta genua erigite, et gressus rectos facite pedibus vestris, ut quod claudum est non extorqueatur, magis autem sanetur.

Verbum Domini.

3

*Exsultatis, modicum nunc si oportet contristari.*

Lectio Epistolae primae beati Petri apostoli 1, 3-9

Benedictus Deus et Pater Domini nostri Iesu Christi, qui secundum magnam misericordiam suam regeneravit nos in spem vivam per resurrectionem Iesu Christi ex mortuis, in hereditatem incorruptibilem et incontaminatam et immarcescibilem, conservatam in caelis propter vos, qui in virtute Dei custodimini per fidem in salutem, paratam revelari in tempore novissimo.

In quo exsultatis, modicum nunc si oportet contristari in variis tentationibus; ut probatio vestrae fidei multo pretiosior auro, quod perit, per ignem quidem probato, inveniatur in laudem et gloriam et honorem in revelatione Iesu Christi: quem, cum non videritis, diligitis; in quem nunc non videntes, credentes autem exsultatis laetitia inenarrabili et glorificata, reportantes finem fidei vestrae salutem animarum.

Verbum Domini.

Evangelium

1

Alleluia et Versus ante Evangelium Mt 5, 10

(R. Alleluia). V. Beati qui persecutionem patiuntur propter iustitiam, quoniam ipsorum est Regnum caelorum.  
(R. Alleluia).

*Beati estis, cum maledixerint vobis  
et persecuti vos fuerint.*

✠ Lécio sancti Evangélii secúndum Mattháeum

5, 1-12 a

In illo témpore:

Videns Iesus turbas ascéndit in montem, et, cum sedisset, accessérunt ad eum discípuli eius, et apériens os suum docébat eos dicens:

« Beáti páuperes spírítu, quóniam ipsórum est Regnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sítiunt iustítiam, quóniam ipsi saturabúntur.

Beáti misericórdes, quia ipsi misericórdiam consequéntur.

Beáti mundo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti qui persecutiónem patiúntur propter iustítiam, quóniam ipsórum est Regnum cælórum.

Beáti estis, cum maledixerint vobis, et persecúti vos fuerint, et dixerint omne malum advérsus vos, mentiéntes, propter me: gaudéte et exsultáte, quóniam merces vestra copiósa est in cælis ». — Verbum Dómini.

2

Alleluia et Versus ante Evangelium

1 Petr 4, 14

(R. Allelúia). V. Si exprobrámini in nómine Christi,  
beáti éritis,  
quóniam Spírítus Dei super vos requiéscit.  
(R. Allelúia).

*Eritis odio omnibus propter nomen meum.*

✠ Lécio sancti Evangélii secúndum Matthæum

10, 17-22

In illo témpore:

Dixit Iesus Apóstolis suis: « Cavéte ab homínibus; tradent enim vos in concíliis, et in synagógis suis flagelábunt vos, et ad præsides et ad reges ducémini propter me, in testimónium illis et géntibus.

Cum autem tradent vos, nolíte cogitáre quómo aut quid loquámini; dábitur enim vobis in illa hora quid loquámini. Non enim vos estis qui loquámini, sed Spíritus Patris vestri qui lóquitur in vobis.

Tradet autem frater fratrem in mortem, et pater fílium, et insúrgent fílii in paréntes et morte eos affícient.

Et éritis ódio ómnibus propter nomen meum; qui autem perseveráverit in finem, hic salvus erit ».

Verbum Dómini.

3

Alleluia et Versus ante Evangelium Iac 1, 12

(R. Allelúia). ̄. Beátus vir, qui suffert tentatiónem, quóniam, cum probátus fúerit, accípiet corónam vitæ. (R. Allelúia).

*Nolite timere eos qui occidunt corpus.*

✠ Lécio sancti Evangélii secúndum Matthæum

10, 26-33

In illo témpore:

Dixit Iesus Apóstolis suis: « Ne timuéritis eos. Nihil enim est opértum quod non revelábitur, et ocúltum quod non sciétur. Quod dico vobis in ténebris,



dícite in lúmine, et quod in aure audítis, prædicáte super tecta.

Et nolíte timére eos qui occidunt corpus, ánimam autem non possunt occidere; sed pótius eum timéte qui potest et ánimam et corpus pérdere in gehénna.

Nonne duo pásseres asse véneunt? Et unus ex illis non cadet super terram sine Patre vestro. Vestri autem et capílli cápítis omnes numeráti sunt. Nolíte ergo timére: multis passéribus meliôres estis vos.

Omnis ergo qui confitébitur me coram homínibus, confitébor et ego eum coram Patre meo, qui est in cælis. Qui autem negáverit me coram homínibus, negábo et ego eum coram Patre meo, qui est in cælis ».

Verbum Dómini.

## 4

Alleluia et Versus ante Evangelium 2 Cor 1, 3 b-4 a  
(R. Allelúia). γ. **Benedíctus Pater misericordiárum  
et Deus totíus consolatiónis,  
qui consolátur nos in omni tribulatióne  
nostra. (R. Allelúia).**

*Si me persecuti sunt, et vos persequentur.*

✠ **Léctio sancti Evangélii secúndum Ioánnem**

15, 18-21. 26 — 16, 4

**In illo témpore:**

Dixit Iesus discíplis suis: « Si mundus vos odit, scitóte quia me priórem vobis ódio hábuit. Si de mundo essétis, mundus quod suum est diligeret; quia vero de mundo non estis, sed ego elégi vos de mundo, proptér-ea odit vos mundus. Mementóte sermónis quem ego dixi vobis: " Non est servus maior dómíno suo ". Si me persecúti sunt, et vos persequéntur; si sermónem

meum servavérunt, et vestrum servábunt. Sed hæc ómnia fácient vobis propter Nomen meum, quia nésciunt eum qui misit me.

Cum autem vénerit Paráclitus, quem ego mittam vobis a Patre, Spíritum veritátis qui a Patre procedit, ille testimónium perhibébit de me. Sed et vos testimónium perhibétis, quia ab inítio mecum estis.

Hæc locútus sum vobis, ut non scandalizémini. Absque synagógis fácient vos. Sed venit hora, ut omnis qui intérficit vos arbitrétur obséquium se præstáre Deo. Et hæc fácient quia non novérunt Patrem neque me. Sed hæc locútus sum vobis, ut, cum vénerit hora eórum, reminiscámini eórum quia ego dixi vobis ».

Verbum Dómini.

5

Alleluia et Versus ante Evangelium 1 Petr 4, 14

(R. Allelúia). γ. Si exprobrámini in nómine Christi,  
beátí éritis,  
quóniam Spíritus Dei super vos requiéscit.  
(R. Allelúia).

*Mundus odio eos habuit.*

✠ Lécio sancti Evangélii secúndum Ioánnem

17, 11 b-19

In illo témpore:

Sublevátis Iesus óculis in cælum, orávit dicens:  
« Pater sancte, conserva eos in Nómine tuo quod dedísti mihi, ut sint unum sicut nos. Cum essem cum eis, ego servábam eos in Nómine tuo quod dedísti mihi et custodívi, et nemo ex his périit, nisi filius perditionis, ut Scriptúra impleátur.

Nunc autem ad te vénio, et hæc loquor in mundo, ut hábeant gáudium meum implétum in semetípsis.

Ego dedi eis sermónem tuum, et mundus ódio eos hábuit, quia non sunt de mundo, sicut ego non sum de mundo. Non rogo ut tollas eos de mundo, sed ut serves eos ex Malo. De mundo non sunt, sicut ego non sum de mundo.

Sanctífica eos in veritaté. Sermo tuus véritas est. Sicut me misisti in mundum, et ego misi eos in mundum.

Et pro eis ego sanctífico meípsum, ut sint et ipsi sanctificáti in veritaté ». — Verbum Dómini.

## 16. PRO CONVENTU SPIRITALI VEL PASTORALI

**Ant. ad introitum**

**Mt 18, 19. 20**

Dicit Dóminus:

Ubi sunt duo vel tres congregáti in nómine meo,  
ibi sum in médio eórum.

**Vel:**

**Col 3, 14-15**

Super ómnia caritátem habéte,  
quod est vínculum perfectiónis;  
et pax Christi exsúltet in córdibus vestris,  
in qua et vocáti estis in uno córpore.

**Collecta**

Infúnde in nobis, quésumus, Dómine,  
spíritum intellegéntiæ, veritátis et pacis,  
ut quæ tibi sunt plácita toto corde noscámus,  
et, quæ novérimus,  
unánimi voluntátum consensióne sectémur.  
Per Dóminum.

**Vel:**

Deus, cuius Fílius ómnibus in nómine suo congregátis  
promísit seípsum in médio eórum affutúrum,  
præsta, quésumus,

**ut illum præsentem nobiscum sentiámus,  
et abundáre in córdibus nostris  
grátiam, misericórdiam et pacem  
in veritaté et caritaté experiámur.  
Per Dóminum.**

Pro lectionibus sumuntur textus aptiores ex iis qui proponuntur  
in Missa pro Concilio vel Synodo, pp. 1327-1330.

Super oblata

**Respiciat, quæsumus, cleméntia tua, Dómine,  
tuórum múnera famulórum,  
ut, quæ sunt in óculis tuis salutária atque recta,  
et veráciter intéllegant, et fiduciáliter eloquántur.  
Per Christum.**

Præfatio II de Spiritu Sancto, p. 1685.

Ant. ad communionem

**Ubi caritas est vera, Deus ibi est.  
Congregávit nos in unum Christi amor.**

Post communionem

**Da nobis, miséricors Deus, ut sancta quæ sumpsimus  
et nos in tua voluntáte confirment,  
et testes ubique veritátis efficiant.  
Per Christum.**

## II. PRO REBUS PUBLICIS

### 17. PRO PATRIA VEL CIVITATE

Collecta

Deus, qui mirábili consilio univérſa dispónis,  
súscipe benígnus  
quas pro pátria nostra tibi fúndimus preces,  
ut sapiéntia moderatórum et honestáte cívium  
concordia et iustítia firméntur  
atque fiat cum pace prospéritas perpétua.  
Per Dóminum.

### 18. PRO REMPUBLICAM MODERANTIBUS

Collecta

Omnípotens sempitérne Deus,  
in cuius manu sunt hóminum corda et iura populórum,  
réspice benígnus ad eos qui nos in potestáte moderántur,  
ut ubique terrárum populórum prospéritas,  
pacis securitas et religiónis libértas,  
te largiénte, consistant.  
Per Dóminum.

### 19. PRO CÆTU MODERATORUM NATIONUM

Collecta

Deus, qui miro órđine univérſa dispónis  
et ineffabiliter gubérnas,  
réspice propítius in congregátos moderatóres natiónum,  
eisque Spíritum tuæ sapiéntiæ cleménte infúnde,  
ut in commúnem salútem et pacem ómnia dispónant  
atque a voluntáte tua numquam discédant.  
Per Dóminum.

**20. PRO SUPREMO NATIONIS MODERATORE****Collecta**

**Deus, cui potestates humanæ deserviunt,  
da famulo tuo (regi nostro) N.  
prosperum suæ dignitatis effectum,  
in qua, te semper timens tibi que placere contendens,  
populo sibi credito liberam ordinis tranquillitatem  
iugiter procuret et servet.  
Per Dominum.**

**21. PRO POPULORUM PROGRESSIONE****Ant. ad introitum****1 Io 3, 17**

**Qui habuerit substantiam huius mundi,  
et viderit fratrem suum necessitatem habere,  
et clauserit viscera sua ab eo,  
quomodo caritas Dei manet in eo?**

**Collecta**

**Deus, qui unam dedisti cunctis gentibus originem,  
et unam ex eis in te voluisti familiam congregare,  
tuæ caritatis ardore omnium corda perfunde  
et fratrum suorum desiderio iustæ progressionis accende,  
ut, per bona quæ cunctis affluenter largiris,  
humana singulorum perficiatur persona,  
et æquitas atque iustitia, quavis divisione sublata,  
in hominum societate firmantur.  
Per Dominum.**

Pro lectionibus sumuntur textus aptiores ex iis qui proponuntur  
in Missa pro pace et iustitia servanda, pp. 1428-1436.

**Super oblata**

**Preces ad te clamantium, Domine, propitiatus exaudi,  
et, Ecclesiæ tuæ oblatione suscepta, præsta,**

ut omnes hómínes spírítu filiórúm Dei repléántur,  
 quátenus, inæqualitátibus in caritaté superátis,  
 una fiat in tua pace populórúm famíliá.  
 Per Christum.

**Ant. ad communionem**

**Cf. Ps 103, 13. 14. 15**

De fructu óperum tuórum, Dómine, satiábitur terra,  
 ut edúcas panem de terra,  
 et vinum lætíficet cor hómínis.

**Vel:**

**Lc 11, 9**

Pétite, et dábitur vobis; quáerite, et inveniétis;  
 pulsáte, et aperiétur vobis, dicit Dóminus.

**Post communionem**

Uno pane refécti,  
 quo humánam famíliam iúgiter instáuras,  
 quæsumus, Dómine,  
 ut, ex unitátis participatióne sacraménti,  
 válidum et purum hauriámus amórem  
 ad progrediéntes pópulos iuvándos,  
 et ad opus iustítiæ, inspiránte caritaté, perficiéndum.  
 Per Christum.

## 22. PRO PACE ET IUSTITIA SERVANDA

### A

**Ant. ad introitum**

**Cf. Sir 36, 18-19**

Da pacem, Dómine, sustinéntibus te,  
 et exáudi oratiónes servórum tuórum,  
 et dírige nos in viam iustítiæ.

**Collecta**

Deus, qui pacíficos revelásti filios tuos esse vocándos,  
 præsta, quæsumus,

ut illam instaurémus sine intermissiōne iustitiam,  
quæ sola firmam pacem spondeat et veracem.  
Per Dóminum.

Vel:

Deus, qui patérnam curam ómnium geris,  
concede propítius,  
ut hómines, quibus unam originem dedísti,  
et unam in pace familiam constituant,  
et fratérno semper ánimo uniántur.  
Per Dóminum.

Lectiones ut infra, pp. 1428-1436.

Super oblata

Fílii tui, pacífici Regis, sacrificium salutáre,  
his sacramentórum signis oblátum,  
quibus pax et únitas designántur, quæsumus, Dómine,  
ad concórdiam proficiat  
inter omnes filios tuos confirmándam.  
Per Christum.

Ant. ad communionem

Mt 5, 9

Beáti pacífici, quóniam fílii Dei vocabúntur.

Vel:

Io 14, 27

Pacem relínquo vobis, pacem meam do vobis,  
dicit Dóminus.

Post communionem

Largíre nobis, quæsumus, Dómine, spíritum caritátis,  
ut, Córpoze et Sánguine Unigéniti tui vegetáti,  
pacem inter omnes, quam ipse relíquit,  
efficáciter nutriámus.  
Per Christum.



## B

## Aliæ orationes pro pace

## Collecta

Deus, cōnditor mundi,  
 sub cuius arbítrio ómnium sæculórum ordo decúrrit,  
 adésto propítius invocatióibus nostris  
 et tranquillitátem pacis præsentibus concéde tempóribus,  
 ut in láudibus misericórdiæ tuæ  
 incessábili exsultatióne lætémur.

Per Dóminum.

Vel:

## Collecta

Deus pacis, immo pax ipsa,  
 quem discórdans ánimus non capit,  
 quem mens cruénta non récipit, præsta,  
 ut, qui concórdes sunt, boni perseverántiam téneant,  
 qui discórdes sunt, mali obliuione sanéntur.

Per Dóminum.

Cf. etiam n. 42: Pro concordia fovenda, p. 1551.

---

 Lectio prima

## 1

*Multiplicabitur eius imperium,  
 et pacis non erit finis.*

Léctio libri Isaíæ prophétæ

9, 2-7

Pópulus, qui ambulábat in ténebris, vidit lucem magnam; habitántibus in regióne umbræ mortis lux orta est eis. Multiplicásti gentem et non magnificásti lætí-

tiam. Lætábúntur coram te, sicut qui lætántur in messe, sicut exsúltant victóres, capta præda, quando dívidunt spólia. Iugum enim óneris eius et virgam úmeri eius et sceptrum exactóris eius superásti, sicut in die Mádian.

Quia omnis violénta prædátió cum tumúltu, et vestiméntum mixtum ságuine erit in combustióne et cibus ignis.

Párvulus enim natus est nobis, et fílius datus est nobis, et factus est principátus super úmerum eius, et vocábitur nomen eius admirábilis, consiliárius, Deus fortis, pater futúri sæculi, princeps pacis.

Multiplicábitur eius impérium, et pacis non erit finis; super sólium David et super regnum eius sedébit, ut confirmet illud et corróboret in iudício et iustítia ámodo et usque in sempitérnum. Zelus Dómini exercítuum fáciét hoc. — Verbum Dómini.

### Psalmus responsorius

Ps 71, 2. 3-4 ab. 7-8. 12-13. 17 (R.: 7)

R. Florébit in diébus eius iustítia et abundántia pacis.

2 Iúdicet pópulum tuum in iustítia,  
et páuperes tuos in iudício. R.

3 Afferant montes pacem pópulo,  
et colles iustítiam.

4 Iudicábit páuperes pópuli,  
et salvos fáciét filios ínopis. R.

7 Florébit in diébus eius iustítia et abundántia pacis,  
donec auferátur luna.

8 Et dominábitur a mari usque ad mare,  
et a Flúmine usque ad términos orbis terrárum. R.

12 Quia liberábit ínopem clamántem  
et páuperem cui non erat adiútor.

13 Parcet páuperi et ínopi,  
et ánimas páuperum salvas fáciét. R.

- 17 Sit nomen eius benedíctum in sácula,  
ante solem permanébit nomen eius.  
Et benedicéntur in ipso omnes tribus terræ,  
omnes gentes magnificábunt eum. **R.**

## 2

*Erit opus iustitiæ pax.*

Léctio libri Isaíæ prophétæ

32, 15-18

In diébus illis:

Effundétur super nos spíritus de excélso. Et erit  
desértum in Carmel, et Carmel in saltum reputábitur,  
et habitábit in solitúdine iudícium, et iustítia in Car-  
mel sedébit, et erit opus iustítiæ pax, et cultus iustí-  
tiæ siléntium, et securitas usque in sempitérnum.

Et sedébit pópulus meus in pulchritúdine pacis et in  
tabernáculis fidúciæ et in réquie opulénta.

Verbum Dómini.

Psalmus responsorius

Ps 84, 9 ab-10. 11-12. 13-14 (**R.**: cf. 9)

**R.** Lóquitur pacem Dóminus ad plebem suam.

- 9 Audiam quid loquátur Dóminus Deus,  
quóniam loquétur pacem  
ad plebem suam et sanctos suos.
- 10 Verúmtamen prope timéntes eum salutáre ipsíus,  
ut inhábitet glória in terra nostra. **R.**
- 11 Misericórdia et véritas obviavérunt sibi,  
iustítia et pax osculátæ sunt.
- 12 Véritas de terra orta est,  
et iustítia de cælo prospéxit. **R.**
- 13 Etenim Dóminus dabit benignitátem,  
et terra nostra dabit fructum suum.
- 14 Iustítia ante eum ambulábit,  
et ponet in via gressus suos. **R.**

3

*Pacem ei qui longe est  
et qui prope creavi.*

Lectio libri Isaiae prophetae 57, 15-19

Hæc dicit Excelsus et Sublimis, habitans æternitatem, et sanctum nomen eius, in excelso et in sancto habitans, et cum contrito et humili spiritu, ut vivificet spiritum humilium et vivificet cor contritorum: « Non enim in sempiternum litigabo, neque usque ad finem irascar, quia spiritus a facie mea egrediatur, et flatus ego faciam.

Propter iniquitatem avaritiæ eius iratus sum et percussi eum, abscondi a te faciem meam et indignatus sum; et abiit vagus in via cordis sui. Vias eius vidi et sanavi eum, et reduxi eum, et reddidi consolationes ipsi et lugentibus eius.

Creavi fructum labiorum pacem: pacem ei qui longe est et qui prope, dixit Dominus; et sanavi eum ».

Verbum Domini.

Psalmus responsorius

Ps 121, 1-2. 4-5. 6-7. 8-9 (R.: Sir 36, 18)

R. Da pacem, Domine, sustinentibus te.

Lætatus sum in eo quod dixerunt mihi:

« In domum Domini ibimus ».

Stantes iam sunt pedes nostri

in portis tuis, Ierusalem. R.

Illuc enim ascenderunt tribus, tribus Domini, testimonium Israel, ad confitendum nomini Domini.

Quia illic sederunt sedes ad iudicium,

sedes domus David. R.

- 6 Rogáte quæ ad pacem sunt Ierúsalem,  
secúri sint diligéntes te.
- 7 Fiat pax in muris tuis  
et secúritas in túrribus tuis. *R.*
- 8 Propter fratres meos et próximos meos  
loquar: « Pax in te! »
- 9 Propter domum Dómini Dei nostri  
exquíram bona tibi. *R.*

## Lectio secunda

## 1

*Pax Dei custodiet corda vestra  
et intellegentias vestras.*

## Léctio Epístolæ beáti Pauli apóstoli ad Philippénes

4, 6-9

Fratres:

Nihil sollíciti sitis; sed in ómnibus oratióne et obsecratióne cum gratiárum actióne, petitiónes vestræ innotéscant apud Deum. Et pax Dei, quæ exsúperat omnem sensum, custódiat corda vestra et intellegéntias vestras in Christo Iesu.

De cétero, fratres, quæcúmque sunt vera, quæcúmque pudíca, quæcúmque iusta, quæcúmque casta, quæcúmque amabilia, quæcúmque bonæ famæ, si qua virtus et si qua laus, hæc cogitáte. Quæ et didicístis et accepístis et audístis et vidístis in me, hæc ágite, et Deus pacis erit vobíscum.

Verbum Dómini.

2

*Pax Christi dominetur in cordibus vestris.*

Lectio Epistolæ beati Pauli apostoli ad Colossenses

3, 12-15

Fratres:

Induite vos sicut electi Dei, sancti et dilecti, viscera misericordiæ, benignitatem, humilitatem, mansuetudinem, patientiam, supportantes invicem et donantes vobis ipsis, si quis adversus aliquem habet querelam; sicut et Dominus donavit vobis, ita et vos.

Super omnia autem hæc caritatem, quod est vinculum perfectionis, et pax Christi dominetur in cordibus vestris, ad quam et vocati estis in uno corpore; et grati estote. — Verbum Domini.

3

*Fructus iustitiæ in pace seminatur,  
facientibus pacem.*

Lectio Epistolæ beati Iacobi apostoli

3, 13-18

Carissimi:

Quis sapiens et disciplinatus inter vos? Ostendat ex bona conversatione operationem suam in mansuetudine sapientiæ. Quod si zelum amarum habetis, et contentiones in cordibus vestris, nolite gloriari et mendaces esse adversus veritatem.

Non est ista sapientia desursum descendens, sed terræna, animalis, diabólica. Ubi enim zelus et contentio, ibi inconstantia et omne opus pravum. Quæ autem desursum est sapientia primum quidem pudica est,

deinde pacífica, modésta, suadíbilis, plena misericórdia et frúctibus bonis, non iúdicans, sine simulatióne.

Fructus autem iustítiæ in pace seminátur, faciéntibus pacem. — Verbum Dómini.

### Evangelium

#### 1

Alleluia et Versus ante Evangelium Mt 5, 9

(R. Allelúia). γ. Beáti pacífici,  
quóniam filii Dei vocabúntur.  
(R. Allelúia).

*Beati qui esuriunt et sitiunt iustitiam.  
Beati pacifici.*

✠ Lécio sancti Evangélli secúndum Matthæum 5, 1-12 a

In illo témpore:

Videns Iesus turbas ascéndit in montem, et, cum sedisset, accessérunt ad eum discípuli eius, et apériens os suum docébat eos, dicens:

« Beáti páuperes spírиту, quóniam ipsórum est Regnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sítiunt iustítiam, quóniam ipsi saturabúntur.

Beáti misericórdes, quia ipsi misericórdiam consequéntur.

Beáti mundo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti qui persecutiónem patiúntur propter iustítiam, quóniam ipsórum est Regnum cælórum.

Beáti estis, cum maledíxerint vobis et persecúti vos

fuerint et dixerint omne malum adversum vos, mentientes, propter me: gaudete et exultate, quoniam merces vestra copiosa est in caelis ». — Verbum Domini.

## 2

Alleluia et Versus ante Evangelium Mt 5, 9

(R. Alleluia). V. Beati pacifici,  
quoniam filii Dei vocabuntur.

(R. Alleluia).

*Ego dico vobis: Non resistere malo.*

✠ Lectio sancti Evangelii secundum Matthaeum

5, 38-48

In illo tempore:

Dixit Iesus discipulis suis: « Audistis quia dictum est: "Oculum pro oculo et dentem pro dente" ».

Ego autem dico vobis: Non resistere malo; sed, si quis te percusserit in dextera maxilla tua, praebe illi et alteram; et ei, qui vult tecum iudicio contendere et tunicam tuam tollere, remitte ei et pallium; et quicumque te angariaverit mille passus, vade cum illo duo. Qui petit a te, da ei; et volenti mutuari a te, ne avertaris.

Audistis quia dictum est: "Diliges proximum tuum" et odio habebis inimicum tuum.

Ego autem dico vobis: Diligite inimicos vestros, et orate pro persecutibus vos, ut sitis filii Patris vestri qui in caelis est, quia solem suum oriri facit super malos et bonos, et pluit super iustos et iniustos.

Si enim dilexeritis eos qui vos diligunt, quam mercedem habetis? nonne et publicani hoc faciunt? Et si salutaveritis fratres vestros tantum, quid amplius facitis? nonne et ethnici hoc faciunt?

Estote ergo vos perfecti, sicut Pater vester caelestis perfectus est ». — Verbum Domini.



## 3

Alleluia et Versus ante Evangelium Io 14, 27

(*R.* Alleluia). *V.* Pacem relinquo vobis, dicit Dominus,  
pacem meam do vobis. (*R.* Alleluia).

*Pacem meam do vobis.*

✠ Lécio sancti Evangelii secúndum Ioánnem 14, 23-29

In illo tēpore:

Dixit Iesus discipulis suis: « Si quis diligit me, sermónem meum servábit, et Pater meus diliget eum, et ad eum veniémus et mansiónem apud eum faciémus.

Qui non diligit me, sermónes meos non servat. Et sermo quem audítis non est meus, sed eius qui misit me, Patris.

Hæc locútus sum vobis apud vos manens. Paráclitus autem Spíritus Sanctus, quem mittet Pater in Nómine meo, ille vos docébit ómnia, et súggeret vobis ómnia quæ dixi vobis.

Pacem relinquo vobis, pacem meam do vobis; non quómodo mundus dat, ego do vobis. Non turbétur cor vestrum neque formídet.

Audístis quia ego dixi vobis: " Vado et vénio ad vos ". Si diligerétis me, gauderétis, quia vado ad Patrem, quia Pater maior me est. Et nunc dixi vobis priúsquam fiat, ut, cum factum fúerit, credátis ».

Verbum Dómini.

## 4

Alleluia et Versus ante Evangelium Io 14, 27

(*R.* Alleluia). *V.* Pacem relinquo vobis, dicit Dominus,  
pacem meam do vobis. (*R.* Alleluia).

*Pax vobis.*

✠ **Léctio sancti Evangélii secúndum Ioánnem**  
20, 19-23

Cum esset sero die illo, prima sabbatorum, et fores essent clausæ, ubi erant discipuli propter metum Iudæorum, venit Iesus et stetit in médio, et dicit eis: « Pax vobis ». Et cum hoc dixisset, osténdit eis manus et latus. Gavísi sunt ergo discipuli, viso Dómino.

Dixit ergo eis íterum: « Pax vobis; sicut misit me Pater, et ego mitto vos ».

Et cum hoc dixisset, insufflávit et dicit eis: « Accípíte Spíritum Sanctum: quorum remiséritis peccáta, remíssa sunt eis; quorum retinuéritis, reténta sunt ».

**Verbum Dómini.**

## 22 bis. PRO RECONCILIATIONE

Quæ in hac Missa inter parentheses inscribuntur, occasione peculiaris temporis pænitentialis dicuntur.

**Ant. ad introitum**

**Salus pópuli ego sum, dicit Dóminus.**

**De quacúmque tribulatióne clamáverint ad me, exáudiam eos, et ero illórum Dóminus in perpétuum.**

**Collecta**

**Deus cleméntiæ et reconciliatiónis,  
qui præcípunos dies salútis homínibus præbes  
ad te ómnium Creatórem et Patrem agnoscéndum,  
(per hoc acceptábile tempus) propítius nos ádiuva,  
ut, libénter verbum pacis a te accipiéntes,  
ómnia in Christo instaurándi  
tuæ deserviámus voluntáti.  
Per Dóminum.**

Vel, præsertim tempore paschali:

**Deus, veræ libertátis auctor,  
qui omnes hómines unum vis efformáre pópulum  
a servitúte solútum,  
(quique grátie et benedictiónis tempus nobis præbes,  
concede, quæsumus,  
ut, increméta libertátis accípiens,  
universále salutis sacraméntum  
in mundum Ecclésia tua vivídus appareat  
atque in hómines  
caritátis maniféstet et operétur mystérium.  
Per Dóminum.**

### Lectio prima

*Quærite Dominum.*

Léctio libri Isaíæ prophétæ

55, 1-3 c. 6-9

Hæc dicit Dóminus:

« Omnes sitiéntes, veníte ad aquas, et qui non habétis argéntum, properáte, émite et comédite; veníte, émite absque argénto et absque ulla commutatióne vinum et lac.

Quare appénditis argéntum non in pánibus, et labórem vestrum non in saturitáte? Audíte, audiéntes me, et comédite bonum, et delectábitur in crassitúdine ánima vestra.

Inclináte aurem vestram et veníte ad me; audíte, et vivet ánima vestra; et fériam vobíscum pactum sempitérnum.

Quærite Dóminum dum inveníri potest, invocáte eum dum prope est.

Derelinquat impius viam suam, et vir iníquus cogitációs suas, et revertátur ad Dóminum, et miserébitur

eius, et ad Deum nostrum, quóniam multus est ad ignoscéndum.

Non enim cogitatiónes meæ cogitatiónes vestræ, neque viæ vestræ viæ meæ, dicit Dóminus.

Quia, sicut exaltántur cæli a terra, sic exaltátæ sunt viæ meæ a viis vestris, et cogitatiónes meæ a cogitatió-nibus vestris ». — Verbum Dómini.

### Psalmus responsorius

Ps 50, 3-4. 12-13. 14-15 (R.: 12 a)

R. Cor mundum crea in me, Deus.

<sup>3</sup> Misérére mei, Deus, secúndum misericórdiam tuam;  
et secúndum multitudínem miseratiónum tuárum  
dele iniquitátem meam.

<sup>4</sup> Amplius lava me ab iniquitáte mea,  
et a peccáto meo munda me. R.

<sup>12</sup> Cor mundum crea in me, Deus,  
et spíritum firmum ínnova in viscéribus meis.

<sup>13</sup> Ne proícias me a fácie tua,  
et spíritum sanctum tuum ne áuferas a me. R.

<sup>14</sup> Redde mihi lætítiam salutáris tui,  
et spírítu promptíssimo confírma me.

<sup>15</sup> Docébo iníquos vías tuas,  
et ímpii ad te converténtur. R.

### Lectio secunda

*Reconciliamini Deo.*

Léctio Epístolæ secúndæ beáti Pauli apóstoli  
ad Corínthios

5, 17-21 — 6, 1-2

Fratres:

Si quis est in Christo, nova creatúra; vétera transié-runt, ecce, facta sunt nova.

Omnia autem ex Deo qui reconciliávit nos sibi per Christum et dedit nobis ministérium reconciliatiónis, quóniam quidem Deus erat in Christo mundum reconcilians sibi, non réputans illis delicta ipsórum, et pósuit in nobis verbum reconciliatiónis.

Pro Christo ergo legatióne fúngimur tamquam Deo exhortánte per nos: obsecrámus pro Christo, reconciliámini Deo. Eum qui non nóverat peccátum, pro nobis peccátum fecit, ut nos efficerémur iustítia Dei in ipso.

Adiuvántes autem, et exhortámur ne in vácuum grátiam Dei recipiátis: ait enim: « Témptore accépto exaudivi te et in die salutis adiúvi te ». Ecce nunc tempus acceptábile, ecce nunc dies salutis. — Verbum Dómini.

Alleluia et Versus ante Evangelium Mt 5, 9

(R. Allelúia). *γ.* Beáti pacífici,  
quóniam fílii Dei vocabúntur.  
(R. Allelúia).

### Evangelium

*Prædicare annum Domini acceptum.*

✠ Lécctio sancti Evangélii secúndum Lucam 4, 14-21

In illo témpore:

Regréssus est Iesus in virtúte Spíritus in Galiléam. Et fama éxiit per univérsam regiónera de illo. Et ipse docébat in synagógis eórum, et magnificabátur ab ómnibus.

Et venit Názareth, ubi erat nutritus; et intrávit secúndum consuetúdinem suam die sábbati in synagógam, et surréxit légere. Et tráditus est illi liber prophétæ Isaíæ.

Et, ut revólvit librum, invénit locum, ubi scriptum erat: « Spíritus Dómini super me; propter quod unxit

me evangelizáre paupéribus, misit me prædicáre annum Dómini accéptum.

Et, cum plicuisset librum, réddidit ministro et sedit. Et ómnium in synagóga óculi erant intendéntes in eum.

Cœpit autem dícere ad illos: « Hódie impléta est hæc Scriptúra in áuribus vestris ». — Verbum Dómini.

Vel: Mt 5, 1-12 a: « Gaudete et exsultate », p. 1418.

Super oblata

Memoráre, Dómine, Fílium tuum,  
qui est pax et reconciliátio nostra,  
mundi peccátum suo sángine delevisse,  
et múnera Ecclésiæ tuæ propítius aspiciens,  
da ut, (grátiam huius témporis cum lætítia celebrántes,)  
libertátem Christi ad omnes possimus exténdere.  
Qui vivit.

Præfatio I de dominicis per annum, ut infra:

ꝯ. Dóminus vobíscum.

℞. Et cum spírítu tuo.

ꝯ. Sursum corda.

℞. Habémus ad Dóminum.

ꝯ. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.

Cuius hoc miríficum fuit opus per paschále mystérium,  
ut de peccáto et mortis iugo ad hanc glóriam vocarémur,  
qua nunc genus eléctum, regále sacerdotium,

gens sancta et acquisitionis pópulus dicerémur,  
 et tuas annuntiarémus ubíque virtútes,  
 qui nos de ténebris ad tuum admirábile lumen vocásti.

Et ideo cum Angelis et Archángelis,  
 cum Thronis et Dominationíbus,  
 cumque omni militía cælestis exércitus,  
 hymnum glóriæ tuæ cánimus,  
 sine fine dicétes:

Sanctus, Sanctus, Sanctus Dóminus Deus Sábaoth.  
 Pleni sunt cæli et terra glória tua.  
 Hosánna in excélsis.  
 Benedictus qui venit in nómine Dómini.  
 Hosánna in excélsis.

Vel præfatio communis I, ut infra:

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
 nos tibi semper et ubíque grátias ágere:  
 Dómine, sancte Pater, omnípotens ætérne Deus:  
 per Christum Dóminum nostrum.

In quo ómnia instauráre tibi complácuit,  
 et de plenitúdine eius nos omnes accíperé tribuísti.  
 Cum enim in forma Dei esset, exinanívit semetípsum,  
 ac per sánguinem crucis suæ pacificávit univérsa;  
 unde exaltátus est super ómnia  
 et ómnibus obtemperántibus sibi  
 factus est causa salútis ætérnæ.

**Et ideo cum Angelis et Archángelis,  
cum Thronis et Dominationibus,  
cumque omni milítia cælestis exércitus,  
hymnum glóriæ tuæ cánimus,  
sine fine dicétes:**

**Sanctus, Sanctus, Sanctus Dóminus Deus Sábaoth.  
Pleni sunt cæli et terra glória tua.  
Hosánna in excélsis.  
Benedíctus qui venit in nómine Dómini.  
Hosánna in excélsis.**

**Ant. ad communionem**

**Mt 11, 28**

**Veníte ad me, omnes qui laborátis et oneráti estis,  
et ego reficiam vos, dicit Dóminus.**

**Vel:**

**Io 16, 24**

**Pétite et accipiétis,  
ut gáudium vestrum sit plenum, dicit Dóminus.**

**Post communionem**

**Sacraméntum Fílii tui, quod sumpsimus,  
quæsumus, Dómine, vires nostras adáugeat,  
ut, ex hoc unitátis mystério,  
válidum hauriámus amórem  
et ubique tuæ pacis operatóres efficiámur.  
Per Christum.**



## 23. TEMPORE BELLI VEL EVERSIONIS

Ant. ad introitum

Ier 29, 11. 12. 14

**Dicit Dóminus:**

**Ego cógito cogitatiónes pacis et non afflictiónis;  
 invocábitis me, et ego exáudiam vos,  
 et redúcam captivitátem vestram de cunctis locis.**

Vel:

Ps 17, 5-7

**Circumdedérunt me gémitus mortis,  
 dolóres inférni circumdedérunt me;  
 et in tribulatióne mea invocávi Dóminum,  
 et exaudivit de templo sancto suo vocem meam.**

Collecta

**Deus miséricors et fortis,  
 qui bella cónteris deprimisque supérbos,  
 immanitátes a nobis et lácrimas  
 dignáre festinánter arcére,  
 ut omnes in veritaté tui nominári filii mereámur.  
 Per Dóminum.**

Vel:

**Deus, auctor pacis et amátor,  
 quem nosse vivere, cui servíre regnáre est,  
 prótege ab ómnibus impugnationibus súpplices tuos,  
 ut, qui in defensióne tua confídimus,  
 nullíus hostilitátis arma timeámus.  
 Per Dóminum.**

Lectioes ut infra, pp. 1445-1451.

Super oblata

**Memoráre, Dómine, Fílium tuum, qui est ipse pax,  
 ódia nostra suo Sáanguine peremísse,**

et, mala nostra propitiátus aspiciens,  
da, ut homínibus quos díligis  
pacem hæc hóstia cum tranquillitáte restituat.  
Per Christum.

Ant. ad communionem Io 14, 27

Pacem relínquo vobis, pacem meam do vobis,  
dicit Dóminus;  
non quómo modo mundus dat, ego do vobis.  
Non turbétur cor vestrum neque formídet.

Post communionem

Uno pane, qui cor hóminis confirmat,  
suáviter satiátis, da nobis, Dómine,  
et belli furóres superáre feliciter,  
et tuam amóris ac iustítiæ legem  
firmiter custodíre.  
Per Christum.

---

Lectio prima

1

*Consurrexit Cain adversus fratrem suum Abel,  
et interfecit eum.*

Léctio libri Génesis 4, 3-10

In diébus illis:

Factum est ut offérret Cain de frúctibus terræ mún-  
nera Dómino; Abel quoque óbtulit de primogénitis  
gregis sui et de adípibus eórum. Et respéxit Dóminus  
ad Abel et ad múnera eius; ad Cain vero et ad múnera  
illíus non respéxit; iratúsque est Cain veheménter, et  
cócídit vultus eius.

Dixitque Dóminus ad eum: « Quare irátus es? et cur cóncidit fácies tua? Nonne, si bene égeris, recípies; sin autem male, statim in fóribus peccátum áderit? Sed sub te erit appetítus eius, et tu domináberis illius ».

Dixitque Cain ad Abel fratrem suum: « Egrediámur foras ». Cumque essent in agro, consurréxit Cain advérsus fratrem suum Abel, et interfécit eum.

Et ait Dóminus ad Cain: « Ubi est Abel, frater tuus? »

Qui respóndit: « Néscio: num custos fratris mei sum ego? »

Dixitque ad eum: « Quid fecísti? Vox sánguinis fratris tui clamat ad me de terra ».

Verbum Dómini.

### Psalmus responsorius

Ps 71, 2. 3-4 ab. 7-8. 12-13. 17 (R.: 7)

R. Florébit in diébus eius iustítia et abundántia pacis.

2 Iúdicet pópulum tuum in iustítia,  
et páuperes tuos in iudício. R.

3 Afferant montes pacem pópulo,  
et colles iustítiam.

4 Iudicábit páuperes pópuli,  
et salvos fáciet filios ínopis. R.

7 Florébit in diébus eius iustítia et abundántia pacis,  
donec auferátur luna.

8 Et dominábitur a mari usque ad mare,  
et a Flúmine usque ad términos orbis terrárum. R.

12 Quia liberábit ínopem clamántem  
et páuperem cui non erat adiútor.

13 Parcet páuperi et ínopi,  
et ánimas páuperum salvas fáciet. R.

- 17 Sit nomen eius benedíctum in sácula,  
ante solem permanébit nomen eius.  
Et benedicéntur in ipso omnes tribus terræ,  
omnes gentes magnificábunt eum. *R.*

2

*Non discent ultra belligerare.*

Léctio libri Michææ prophétæ 9, 1-4

In novíssimo diérum erit mons domus Dómini præparátus in vértice móntium, et sublímis super colles; et fluent ad eum pópuli.

Et properábunt gentes multæ et dicent: « Veníte, ascendámus ad montem Dómini et ad domum Dei Iacob, et docébit nos de viis suis, et íbimus in sémitis eius; quia de Sion egrediétur lex, et verbum Dómini de Ierúsalem.

Et iudicábit inter pópulos multos, et corripiet gentes fortes usque in longínquum, et concident gládios suos in vómeres et hastas suas in ligónes; non sumet gens advérsus gentem gládium et non discent ultra belligeráre.

Et sedébit vir subtus vitem suam et subtus ficum suam, et non erit qui detérreat, quia os Dómini exercítuum locútum est ». — Verbum Dómini.

*Psalmus responsorius, ut supra, p. 1446.*

3

*Dissipabitur arcus belli.*

Léctio libri Zachariæ prophétæ 9, 9-10

Hæc dicit Dóminus: « Exsúlta satis, fília Sion, iúbila, fília Ierúsalem: ecce Rex tuus véniet tibi iustus et

salvator; ipse pauper, et ascendens super asinam et super pullum filium asinae.

Et disperdam quadrigam ex Ephraim et equum de Ierusalem; et dissipabitur arcus belli, et loquetur pacem gentibus, et potestas eius a mari usque ad mare, et a fluminibus usque ad fines terrae ».

Verbum Domini.

Psalmus responsorius, ut supra, p. 1430.

### Lectio secunda

#### 1

*Opera carnis sunt inimicitiae,  
irae, rixae, dissensiones.*

Lectio Epistolae beati Pauli apostoli ad Galatas

5, 17-26

Fratres:

Caro concupiscit adversus spiritum, spiritus autem adversus carnem: haec enim invicem adversantur, ut non quaecumque vultis illa faciatis. Quod si Spiritu ducimini, non estis sub Lege.

Manifesta autem sunt opera carnis, quae sunt fornicatio, immunditia, luxuria, idolorum servitus, veneficia, inimicitiae, contentiones, aemulationes, irae, rixae, dissensiones, sectae, invidiae, ebrietates, comessationes et his similia. Quae praedico vobis, sicut praedixi, quoniam qui talia agunt Regnum Dei non consequentur.

Fructus autem Spiritus est caritas, gaudium, pax, longanimitas, benignitas, bonitas, fides, mansuetudo, continentia. Adversus huiusmodi non est Lex. Qui autem sunt Christi Iesu, carnem suam crucifixerunt cum vitis et concupiscentiis.

Si vivimus Spíritu, Spíritu et ambulémus. Non efficiámur inánis glóriæ cúpidi, ínvicem provocántes, ínvicem invidéntes. — Verbum Dómini.

2

*Omnis amaritudo et ira et indignatio  
tollatur a vobis.*

Léctio Epístolæ beáti Pauli apóstoli ad Ephésios

4, 30 — 5, 2

Fratres:

Nolíte contristáre Spíritum Sanctum Dei, in quo signáti estis in diem redemptionis.

Omnis amaritúdo et ira et indignátio et clamor et blasphemía tollátur a vobis cum omni malítia. Estóte autem ínvicem benígni, misericórdes, donántes ínvicem, sicut et Deus in Christo donávit vobis.

Estóte ergo imitatóres Dei, sicut filii caríssimi, et ambuláte in dilectióne, sicut et Christus diléxit nos et trádedit se ipsum pro nobis oblatiónem et hóstiam in odórem suavítatis. — Verbum Dómini.

3

*Litigatis et belligeratis.*

Léctio Epístolæ beáti Iacóbi apóstoli

4, 1-10

Caríssimi:

Unde bella et unde lites in vobis? Nonne hinc, ex concupiscéntiis vestris, quæ militant in membris vestris? Concupiscitis et non habétis, occiditis et zelátis et non potéstis adipísci, litigátis et belligerátis. Non habétis, propter quod non postulátis. Pétitis et non accípitis, eo

quod male p titis, ut in concupisc ntiis vestris insu-  
m tis.

Ad lteri, nesc tis quia amicitia huius mundi ini-  
mica est Dei? Quicumque ergo voluerit amicus esse  
s culi huius, inimicus Dei constituitur.

Aut putatis quia in niter Scriptura dicat: « Ad in-  
vidiam concupiscit Sp ritus, qui inhabitat in nobis? »

Maiorem autem dat gr tiam; propter quod dicit:  
« Deus superbis resistit, humilibus autem dat gr tiam ».

Subicimini igitur Deo; resistite autem diabolo, et  
fugiet a vobis; appropiate Deo, et appropinquabit vobis.  
Emundate manus, peccatores; et purificate corda, d -  
plices  nimo. Miseri estote et lugete et plorate; risus  
vester in luctum convertatur, et gaudium in m rorem.

Humiliamini in conspectu D mini, et exaltabit vos.  
Verbum D mini.

### Evangelium

#### 1

Alleluia et Versus ante Evangelium Mt 5, 9

(R. Alleluia).  . Beati pacifici,  
quoniam filii Dei vocabuntur.  
(R. Alleluia).

*Omnis, qui irascitur fratri suo,  
reus erit iudicio.*

✠ L ctio sancti Evangelii secundum Matth um

5, 20-24

In illo tempore:

Dixit Iesus discipulis suis: « Dico vobis: Nisi  
abundaverit iustitia vestra plus quam scribarum et pha-  
ris orum, non intrabitis in Regnum c lorum.

Audistis quia dictum est antiquis: " Non occides ";  
qui autem occiderit, reus erit iudicio.

Ego autem dico vobis: Omnis, qui iráscitur fratri suo, reus erit iudício; qui autem díxerit fratri suo: " Racha ", reus erit concílio; qui autem díxerit: " Fá-tue ", reus erit gehénnæ ignis.

Si ergo offers munus tuum ad altáre, et ibi recordá-tus fúeris quia frater tuus habet áliquid advérsum te, relínque ibi munus tuum ante altáre, et vade prius, re-conciliáre fratri tuo, et tunc véniens offer munus tuum ».

Verbum Dómini.

2

Alleluia et Versus ante Evangelium Io 13, 34

(**℞.** Allelúia). **γ.** Mandátum novum do vobis,  
dicit Dóminus:  
ut diligátis ínicem sicut diléxi vos.  
(**℞.** Allelúia).

*Ut diligatis invicem sicut dilexi vos.*

✠ Lécio sancti Evangélii secúndum Ioánnem 15, 9-12

In illo témpore:

Dixit Iesus discípulis suis: « Sicut diléxit me Pa-ter, et ego diléxi vos. Manéte in dilectióne mea. Si præ-cépta mea servavéritis, manébitis in dilectióne mea; sicut ego Patris mei præcépta servávi, et máneo in eius dilectióne. Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis ínicem sic-ut diléxi vos ». — Verbum Dómini.



### III. IN VARIIS CIRCUMSTANTIIS PUBLICIS

24. Initio anni civilis, cf. I volumen, pp. 1529-1534.

#### 25. PRO HUMANO LABORE SANCTIFICANDO

##### A

Ant. ad introitum Gen 1, 1. 27. 31

In principio creávit Deus cælum et terram.

Et creávit Deus hóminem ad imáginem suam.

Vidítque Deus cuncta quæ fécerat, et erant valde bona.

Vel: Ps 89, 17

Bónitas tua, Dómine, sit super nos,  
et opus mánuum nostrárum secúnda nobis.

Collecta

Rerum cónditor Deus,  
qui hóminem iussísti labóris officia sustinére,  
da, ut opus quod incípiamus  
huius vitæ prosit increméntis,  
et regno Christi dilatándo tua benignitáte proficiat.  
Per Dóminum.

Vel:

Deus, qui humáno labóre imménsum creatiónis opus  
iúgiter pérficis atque gubérnas,  
exáudi preces pópuli supplicántis, et præsta,  
ut omnes hómines digno potiántur labóre,  
quo, suam condiciónem honestántes,  
árctius coniúcti frátribus suis váleant inservíre.  
Per Dóminum.

Lectioes ut infra, pp. 1455-1459.

Super oblata

Deus, qui humánum genus præsentium múnorum  
et aliménto végetas et rénovas sacraménto,

tribue, quæsumus, ut eórum et corpóribus nostris  
subsídium non desit et méntibus.

**Per Christum.**

Præfatio V de dominicis per annum, ut infra:

℣. Dóminus vobíscum.

℟. Et cum spírítu tuo.

℣. Sursum corda.

℟. Habémus ad Dóminum.

℣. Grátias agámus Dómino Deo nostro.

℟. Dignum et iustum est.

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:

Qui ómnia mundi eleménta fecisti,  
et vices díspuísti témporum variári;  
hómínem vero formásti ad imáginem tuam,  
et rerum ei subiecísti univérsa mirácula,  
ut vicárió múnere dominarétur ómnibus quæ creásti,  
et in óperum tuórum magnálibus iúgiter te laudáret,  
per Christum Dóminum nostrum.

Unde et nos cum ómnibus Angelis te laudámus,  
iucúnda celebratióne clamántes:

Sanctus, Sanctus, Sanctus Dóminus Deus Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

Ant. ad communionem

Col 3, 17

Omne quodcúmque fácitis in verbo aut in ópere,  
ómnia in nómine Dómini Iesu Christi,  
grátias agéntes Deo et Patri per ipsum.

Post communionem

**Unitátis et caritátis mensæ partícipes effécti,  
rogámus, Dómine, cleméntiam tuam,  
ut, per ópera quæ nobis implénda commisísti,  
et vitam sustentémus terrénam,  
et regnum tuum ædificémus fidéntes.  
Per Christum.**

## **B**

### **Aliæ orationes**

Collecta

**Deus, qui naturálium rerum virtútes  
hómínium labóri súbdere voluísti, concéde propítius,  
ut, opéribus nostris christiáno spíritu inténti,  
sincéram caritátem cum frátribus exercére,  
et creatióni divínæ perficiénda  
sóciám óperam præstáre mereámur.  
Per Dóminum.**

Super oblata

**Súscipe, Dómine, múnera supplicántis Ecclésiæ,  
et præsta, ut, per humánium quem tibi offérimus labórem,  
óperi Christi redemptóris consociári mereámur.  
Per Christum.**

Post communionem

**Gubérna, quæsumus, Dómine, temporálibus adiuméntis  
quos dignáris ætéris recreáre mystériis.  
Per Christum.**

---

## Lectio prima

## 1

*Replete terram et subicite eam.*

Lectio libri Génesis

1, 26 — 2, 3

Ait Deus: « **Faciámus hóminem ad imáginem et similitúdinem nostram; et præsit piscibus maris et volatilibus cæli, et béstiis universæque terræ, omnique réptili, quod movétur in terra** ».

Et creávit Deus hóminem ad imáginem suam; ad imáginem Dei creávit illum; másculum et féminam creávit eos.

Benedixítque illis Deus, et ait: « **Créscite et multiplicámini et repléte terram et subícite eam, et dominámini piscibus maris et volatilibus cæli et univérsis animántibus, quæ movéntur super terram** ».

Dixítque Deus: « **Ecce dedi vobis omnem herbam afferéntem semen super terram, et univérsa ligna, quæ habent in semetipsis seméntem géneris sui, ut sint vobis in escam et cunctis animántibus terræ, omnique vólucris cæli, et univérsis, quæ movéntur in terra, et in quibus est ánima vivens, ut hábeant ad vescéndum** ».

Et factum est ita. Vidítque Deus cuncta quæ fécerat, et erant valde bona. Et factum est vespere et mane, dies sextus.

Igitur perfécti sunt cæli et terra, et omnis ornátus eórum. Complevítque Deus die séptimo opus suum, quod fécerat, et requiévit die séptimo ab univérso ópere quod patrát. Et benedixit diéi séptimo et sanctificávit illum, quia in ipso cessáverat ab omni ópere suo, quod creávit Deus ut fáceret. — Verbum Dómini.

## Psalmus responsorius

Ps 89, 2. 3-4. 12-13. 14 et 16 (R.: 17 c)

R. Opus mánuum nostrárum confírma, Dómine.

- 2 Priúsqvam montes nasceréntur  
aut gignerétur terra et orbis,  
a sáculo et usque in sáculum tu es Deus. R.
- 3 Redúcis hóminem in púlverem;  
et dixísti: « Revertímíni, filii hóminum ».
- 4 Quóniam mille anni ante óculos tuos  
tamquam dies hestérna quæ prætérit,  
et custódia in nocte. R.
- 12 Dinumeráre dies nostros sic doce nos,  
ut inducámus cor ad sapiéntiam.
- 13 Convértere, Dómine, úsquequo?  
Et deprecábilis esto super servos tuos. R.
- 14 Reple nos mane misericórdia tua,  
et exultábimus et delectábimur ómnibus diébus nostris.
- 16 Appáreat servis tuis opus tuum,  
et decor tuus fíliis eórum. R.

## 2

*Posuit Dominus hominem in paradiso,  
ut operaretur.*

## Léctio libri Génesis

2, 4 b-9. 15

In die quo fecit Dóminus Deus cælum et terram, et omne virgúltum agri ántequam orirétur in terra, omnémque herbam regiónis priúsqvam germináret; non enim plúerat Dóminus Deus super terram, et homo non erat, qui operarétur terram; sed fons ascendébat e terra irrígans univérsam superfícíem terræ.

Formávit igitur Dóminus Deus hóminem de limo

terræ, et inspirávit in fáciem eius spiráculum vitæ, et factus est homo in ánimam vivéntem.

Plantáverat autem Dóminus Deus paradísium voluptátis a princípío, in quo pósuit hóminem quem formáverat. Produxitque Dóminus Deus de humo omne lignum pulchrum visu et ad vescéndum suáve; lignum étiam vitæ in médio paradísi, lignúmque sciéntiæ boni et mali.

Tulit ergo Dóminus Deus hóminem, et pósuit eum in paradíso voluptátis, ut operarétur et custodíret illum. — Verbum Dómini.

Psalmus responsorius Ps 126, 1. 2. (R.: cf. 1)

R. Dóminus ædíficet nobis domum et custódiat civitátem.

Nisi Dóminus ædificáverit domum,  
in vanum labórant qui ædificant eam.

Nisi Dóminus custodíerit civitátem,  
frustra vígilat qui custódit eam. R.

Vanum est vobis ante lucem súrgere,  
et sero quiéscere, et manducáre panem labóris.  
Verúmtamen dabit ipse diléctis suis duplícia. R.

### Lectio secunda

*Si quis non vult operari, nec manducet.*

Léctio Epístolæ secúndæ beáti Pauli apóstoli  
ad Thessalonicénses 3, 6-12. 16

Præcipimus vobis, fratres, in Nómine Dómini nostri Iesu Christi, ut subtrahátis vos ab omni fratre ambulánte inordináte, et non secúndum traditiónem, quam accepérunt a nobis.

Ipsi enim scitis quemádmódu opórteat imitári nos, quóniam non inordináti fúimus inter vos, neque gratis

panem manducávimus ab aliquo sed in labóre et fatigatióne nocte et die operátes, ne quem vestrum gravarémus. Non quasi non habuérimus potestátem, sed ut nosmetípsos formam darémus vobis ad imitándum nos.

Nam et cum essémus apud vos, hoc præcipiebámus vobis: si quis non vult operári, nec mandúcet. Audívimus enim inter vos quosdam ambuláre inordináte, nihil operátes, sed curióse agétes.

His autem, qui eiúsmodi sunt, præcipimus et obsecrámus in Dómino Iesu Christo, ut cum quiéte operátes suum panem mandúcent.

Ipse autem Dóminus pacis det vobis pacem sempitérnam in omni modo. Dóminus cum ómnibus vobis. — Verbum Dómini.

### Evangelium

#### 1

Alleluia et Versus ante Evangelium Ps 67, 20

(*ꝛ*. Allelúia). *ꝛ*. Benedíctus Dóminus die cotídie;  
portábit nos Deus salutárium nostrórum.  
(*ꝛ*. Allelúia).

*Nolite esse solliciti in crastinum.*

✠ Lécio sancti Evangélii secúndum Mattháum

6, 31-34

In illo témpore:

Dixit Iesus discíplis suis: « Nólite solliciti esse, dicétes: " Quid manducábimus? aut: Quid bibémus? aut: Quo operiémur? " Hæc enim ómnia gentes inquírun; scit enim Pater vester cæléstis quia his ómnibus indigétis.

Quærite autem primum Regnum Dei et iustitiam eius, et hæc omnia adiciéntur vobis.

Nolite ergo esse solliciti in crástinum; crástinus enim dies sollicitus erit sibi ipse; súfficit diéi malítia sua ». — Verbum Dómini.

2

Alleluia et Versus ante Evangelium

Mt 11, 28

(R. Allelúia). V. Veníte ad me,  
omnes qui laborátis et oneráti estis,  
et ego reficiam vos, dicit Dóminus.  
(R. Allelúia).

*Super pauca fuisti fidelis,  
intra in gaudium domini tui.*

✠ Lécio sancti Evangélii secúndum Matthæum

25, 14-30

In illo témpore:

Dixit Iesus discipulis suis parábolam hanc: « Homo péregre proficiscens vocávit servos suos, et tradidit illis bona sua. Et uni dedit quinque talénta, álii autem duo, álii vero unum, unicuíque secúndum própriam virtútem, et proféctus est.

Statim abiit qui quinque talénta accéperat, et operátus est in eis, et lucrátus est ália quinque; simíliter qui duo accéperat, lucrátus est ália duo; qui autem unum accéperat, ábiens fodit in terra, et abscondit pecúniam dómini sui.

Post multum vero témporis, venit dóminus servórum illórum et ponit ratiónem cum eis.

Et accédens qui quinque talénta accéperat, obtulit ália quinque talénta, dicens: « Dómine, quinque talénta tradidísti mihi: ecce ália quinque superlucrátus sum ».



Ait illi dñus eius: « Euge, serve bone et fidelis, super pauca fuisti fidelis, supra multa te constituam: intra in gaudium dñi tui ».

Accēssit autem et qui duo talēta accēperat et ait: « Dñe, duo talēta tradidisti mihi: ecce alia duo lucratus sum ».

Ait illi dñus eius: « Euge, serve bone et fidelis, super pauca fuisti fidelis, supra multa te constituam: intra in gaudium dñi tui ».

Accēdens autem et qui unum talētum accēperat ait: « Dñe, novi te quia homo durus es: metis ubi non seminasti, et cōgregas ubi non sparsisti; et timens abii, et abscondi talētum tuum in terra: ecce habes quod tuum est ».

Respōdens autem dñus eius dixit ei: « Serve male et piger, sciēbas quia meto ubi non seminavi, et cōgrego ubi non sparsi; oportuit ergo te mittere pecūniam meam nummulariis, et veniens ego recepissem quod meum est cum usura.

Tollite itaque ab eo talētum, et date ei qui habet decem talēta; omni enim habenti dabitur, et abundabit; ei autem qui non habet, et quod habet auferetur ab eo.

Et inútilem servum eicite in tēnebras exteriōres: illic erit fletus et stridor dēntium ». — Verbum Dñi.

## 26. IN CONSERENDIS AGRIS

### A

Ant. ad introitum

Ps 89, 17

Bónitas tua, Dñe, sit super nos,  
et opus mánuum nostrárum secúnda nobis.

**Collecta**

**Deus, quo iuvánte,  
sémína terræ mandámus, tua multiplicánda virtúte,  
concéde, ut, quæ nostris scimus deesse labóribus,  
per te, qui das solus increméntum, suppleántur abúnde.  
Per Dóminum.**

Lectiones ut infra, pp. 1462-1465.

**Super oblata**

**Deus, qui verus es corporálium auctor frúctuum  
et spiritalium summus agrícóla,  
da, quæsumus, labórum proféctus nostrórum,  
ut fructus terræ abundánter capiámus,  
et, quæ ab una providéntia sumunt princípium,  
ad tuam glóriam semper cooperéntur. Per Christum.**

Præfatio V de dominicis per annum, p. 1453.

**Ant. ad communionem**

Ps 84, 13

**Dóminus dabit benignitátem,  
et terra nostra dabit fructum suum.**

**Post communionem**

**Qui tuis nos, Dómine, réficis sacraméntis,  
mánuum nostrárum adésto labóribus,  
ut, qui in te vívimus, movémur et sumus,  
terræ semínibus benedictióne concéssa  
de segétibus multiplicátis nutriámur. Per Christum.**

**B****Aliæ orationes****Collecta**

**Benedictiónem tuam, Dómine Deus,  
super pópulum tuum propitiátus infúnde,**

quátenus, dante te benignitátem,  
 terra nostra próferat fructus suos,  
 quibus ad honórem sancti tui nóminis  
 grata semper mente fruámur.  
 Per Dóminum.

### Super oblata

Nostris, Dómine, adésto munéribus,  
 ut, qui de granis fruménti  
 deférimus tibi panem in tui Corpus Fílii transmútandum,  
 sémini terræ committéndo  
 per te concéssa benedictióne lætémur.  
 Per Christum.

### Post communionem

Concéde fidélibus tuis, omnípotens Deus,  
 cóngruam terræ frúctuum largitátem,  
 quibus temporáliter enutríti,  
 spiritalibus quoque proficiant incrementis,  
 ut, quorum in hoc sacraméto pignus accepérunt,  
 bona consequántur æténa. Per Christum.

---

### Lectio prima

*Protulit terra herbam virentem et facientem semen  
 iuxta genus suum.*

### Léctio libri Génesis

1, 11-12

Ait Deus: «Gérminet terra herbam viréntem et  
 faciéntem semen, et lignum pomíferum fáciens fructum  
 iuxta genus suum, cuius semen in semetípso sit super  
 terram». Et factum est ita.

Et prótulit terra herbam viréntem et faciéntem  
 semen iuxta genus suum, lignúmque fáciens fructum,

et habens unumquódque seméntem, secúndum spéciem suam. Et vidit Deus quod esset bonum.

Verbum Dómini.

Psalmus responsorius

Ps 103, 1-2 a. 14-15. 24. 27-28 (R.: 24 c)

R. Impléta est terra creatúra tua, Dómine.

<sup>1</sup> **Bénedic, ánima mea, Dómino:  
Dómine Deus meus, magnificátus es veheméner.  
Confessióem et decórem induísti,  
amíctus lúmine sicut vestiméto. R.**

<sup>14</sup> **Prodúcis fenum iuméntis,  
et herbam serviéntibus hómini.  
Edúcens panem de terra,  
<sup>15</sup> et vinum quod lætíficat cor hóminis.  
Exhílarans fáciem in óleo,  
panis autem cor hóminis confirmat. R.**

<sup>24</sup> **Quam multiplicáta sunt ópera tua, Dómine:  
ómnia in sapiéntia fecísti,  
impléta est terra creatúra tua. R.**

<sup>27</sup> **Omnia a te exspéctant  
ut des illis escam in témpore suo.**

<sup>28</sup> **Dante te illis, cólligent,  
aperiénte te manum tuam, implebúntur bonis. R.**

Lectio secunda

*Deus panem ad manducandum præstabit.*

Léctio Epístolæ secúndæ beáti Pauli apóstoli  
ad Corínthios

9, 8-11

Fratres:

Potens est Deus omnem grátiam abundáre fácere in

vobis, ut, in ómnibus semper omnem sufficiéntiam habéntes, abundétis in omne opus bonum, sicut scriptum est: « Dispérsit, dedit paupéribus, iustítia eius manet in ætérnum ».

Qui autem adminístrat semen seminánti, et panem ad manducándum præstábit et multiplicábit semen vestrum et augébit increménta frugum iustítiae vestrae. In ómnibus locupletáti in omnem simplicitátem, quæ operáitur per nos gratiárum actiónem Deo.

Verbum Dómini.

### Evangelium

1

Alleluia et Versus ante Evangelium Ps 125, 5

(R. Allelúia). V. Qui séminant in lácrimis  
in exsultatióne metent. (R. Allelúia).

*Exiit qui seminat seminare.*

✠ Lécio sancti Evangélii secúndum Mattháum  
13, 1-9

In illo die, éxiens Iesus de domo sedébat secus mare. Et congregatæ sunt ad eum turbæ multæ, ita ut in navículam ascéndens sedéret, et omnis turba stabat in lítore.

Et locútus est eis multa in parábolis, dicens: « Ecce éxiit qui séminat seminare. Et dum séminat, quædam cecidérunt secus viam, et venérunt vólucres et comedérunt ea. Alia autem cecidérunt in petrósa, ubi non habébant terram multam, et continuo exórta sunt, quia non habébant altitúdinem terræ; sole autem orto, aestuavérunt et, quia non habébant radicem, aruérunt. Alia autem cecidérunt in spinas, et crevérunt spinæ et suffocavérunt ea.

Alia vero ceciderunt in terram bonam, et dabant fructum: aliud centésimum, aliud sexagésimum, aliud trigésimum.

Qui habet aures áudiat ». — Verbum Dómini.

## 2

Alleluia et Versus ante Evangelium 2 Cor 9, 6

(*℞. Allelúia*). *℣. Qui parce séminat, parce et metet; et qui séminat in benedictionibus, de benedictionibus et metet. (℞. Allelúia).*

*Homo iacit sementem et dormit, et semen increscit, dum nescit ille.*

✠ Lécio sancti Evangélii secúndum Marcum 4, 26-29

In illo témpore:

Dicébat Iesus turbis: « Sic est Regnum Dei, quemádmódum si homo iáciat seméntem in terram et dórmiat et exsúrgat nocte ac die, et semen gérmínet et incrésceat, dum nescit ille. Ultro terra fructíficat: primum herbam, deínde spicam, deínde plenum fruméntum in spica.

Et, cum se prodúxerit fructus, statim “ mittit falcem, quóniam adest messis ” ». — Verbum Dómini.

## 27. POST COLLECTOS FRUCTUS TERRÆ

Ant. ad introitum

Ps 66, 7-8

Terra dedit fructum suum:  
benedícat nos Deus, Deus noster.

Collecta

Dómine, Pater bone,  
qui terram hómini próvidus tradidísti,

concede, ut fructibus ex ea colléctis  
vitam sustentáre possimus,  
iisdémque ita semper utámur,  
ut laudi tuæ et ómnium utilitatí,  
te opitulánte, proficiant. Per Dóminum.

Vel:

Grátias tibi reférimus, Dómine,  
pro fructibus, quos in salutem hóminum terra prodúxit,  
quátenus, sicut illos  
summæ tuæ temperaméntum providéntiæ comparávit,  
ita de terra cordis nostri  
germen iustítiæ et fructus caritatís fácias exoríri.  
Per Dóminum.

Lectioes ut infra, pp. 1467-1471.

Super oblata

Sanctífica, Dómine, múnera,  
quæ tibi de terra fructificánte  
cum gratiárum actióne deférimus,  
et, qui nobis terrenárum frugum tríbuis ubertátem,  
fac mentes nostras cælésti fertilitáte fecúndas.  
Per Christum.

Præfatio V de dominicis per annum, p. 1453.

Ant. ad communionem Ps 103, 13. 14. 15

De fructu óperum tuórum, Dómine, satiábitur terra,  
ut edúcas panem de terra, et vinum lætíficet cor hóminis.

Post communionem

Da, quæsumus, Dómine, ut de percéptis terræ fructibus  
hoc salutári mystério tibi grátias exhibéntes,  
eódem operánte in nobis,  
bona potióra cónsequi mereámur. Per Christum.

---

## Lectio prima

## 1

*Recorderis Domini Dei tui,  
quod ipse vires tibi præbuerit.*

Lectio libri Deuteronomii

8, 7-18

In diebus illis:

Locutus est Moyses populo, dicens: « Dominus Deus tuus introducet te in terram bonam, terram rivorum aquarumque et fontium, in cuius campis et montibus erumpunt fluviorum abyssi, terram frumenti, hordei, ac vinearum, in qua ficus et malogranata et oliveta nascuntur, terram olei ac mellis, ubi absque ulla penuria comedes panem tuum et rerum omnium abundantia perfruëris; cuius lapides ferrum sunt et de montibus eius æris metalla fodiuntur; ut, cum comederis et satiatus fueris, benedicas Domino Deo tuo pro terra optima, quam dedit tibi.

Observa et cave nequando obliviscaris Domini Dei tui et negligas mandata eius atque iudicia et caeremonias, quas ego præcipio tibi hodie.

Ne, postquam comederis et satiatus fueris, domos pulchras edificaveris et habitaveris in eis, habuerisque armamenta bouum et ovium greges, argenti et auri cunctarumque rerum copiam, elevetur cor tuum, et non reminiscaris Domini Dei tui, qui eduxit te de terra Ægypti, de domo servitutis, et ductor tuus fuit in solitudine magna atque terribili, in qua erat serpens flatu adurens et scorpio ac dipsas, et nullæ omnino aquæ, qui eduxit rivos de petra durissima et cibavit te manna in solitudine, quod nescierunt patres tui.

Et postquam afflixit ac probavit, ad extremum miseratus est tui, ne diceres in corde tuo: " Fortitudo mea



et robur manus meæ hæc mihi ómnia præstitérunt "; sed recordéris Dómini Dei tui, quod ipse vires tibi præbúerit, ut impléret pactum suum, super quo iurávit patribus tuis, sicut præsens indicat dies ».

Verbum Dómini.

Psalmus responsorius Ps 66, 2-3. 5. 7-8 (ꝛ.: 7)

ꝛ. Terra dedit fructum suum;  
benedícat nos Deus, Deus noster.

<sup>2</sup> Deus misereátur nostri et benedícat nobis,  
illúminet vultum suum super nos.

<sup>3</sup> Ut cognoscátur in terra via tua,  
in ómnibus géntibus salutáre tuum. ꝛ.

<sup>5</sup> Læténtur et exsúltent gentes,  
quóniam iúdicas pópulos in æquitáte,  
et gentes in terra dírgis. ꝛ.

<sup>7</sup> Terra dedit fructum suum;  
benedícat nos Deus, Deus noster;

<sup>8</sup> benedícat nos Deus,  
et métuant eum omnes fines terræ. ꝛ.

## 2

*Implebuntur aræ frumento.*

Léctio libri Ioélis prophétæ

2, 21-24. 26-27

Noli timére, terra; exsúlta et lætáre, quóniam magnificávit Dóminus ut fáceret. Nolíte timére, animália regiónis, quia germinavérunt speciósa desérta, quia lignum áttulit fructum suum, ficus et vínea dedérunt virtútem suam.

Et, filii Sion, exsultáte et lætámmini in Dómino Deo vestro, quia dedit vobis doctórem iustítie, et descéndere

**fáciat ad vos imbrem matutinum et serótinum, sicut in principio.**

**Et implebúntur áræ fruménto, et redundábunt torcularia vino et óleo. Et comedétis vescéntes et saturabímmini; et laudábitis nomen Dómini Dei vestri, qui fecit mirabília vobíscum, et non confundétur pópulus meus in sempitérnium.**

**Et sciétis quia in médio Israel ego sum, et ego Dóminus Deus vester, et non est ámplius; et non confundétur pópulus meus in ætérnum. — Verbum Dómini.**

**Psalmus responsorius Ps 66, 2-3. 5. 7-8 (R.: 4)**

**R. Confiteántur tibi pópuli, Deus,  
confiteántur tibi pópuli omnes.**

**Deus misereátur nostri et benedícat nobis,  
illúminet vultum suum super nos.**

**Ut cognoscátur in terra via tua,  
in ómnibus géntibus salutáre tuum. R.**

**Læténtur et exsúltent gentes,  
quóniam iúdicas pópulos in æquitáte,  
et gentes in terra dírigis. R.**

**Terra dedit fructum suum;  
benedícat nos Deus, Deus noster;  
benedícat nos Deus,  
et métuant eum omnes fines terræ. R.**

### Lectio secunda

*Divitibus præcipe non sperare in incerto divitiarum.*

**Léctio Epístolæ primæ beáti Pauli apóstoli  
ad Timótheum 6, 6-11. 17-19**

**Caríssime:**

**Est quæstus magnus píetas cum sufficiéntia; nihil**

enim intúlimus in mundum, quia nec auférre quid pòsumus; habéntes autem aliménta et quibus tegámur, his conténti érimus.

Nam qui volunt dívites fieri incidunt in tentatióem et láqueum et desidéria multa stulta et nocíva, quæ mergunt hómines in intéritum et perditioném. Radix enim ómnium malórum est cupiditas; quam quidam appeténtes erravérunt a fide, et inseruérunt se dolóribus multis.

Tu autem, o homo Dei, hæc fuge; sectáre vero iustítiam, pietátem, fidem, caritátem, paciéntiam, mansuetúdinem.

Divítibus huius sáculi præcipe non superbe sápere neque speráre in incérto divitiárum, sed in Deo qui præstat nobis ómnia abúnde ad fruéndum: bene ágere, dívites fieri in opéribus bonis, fácite tribúere, communicáre, thesaurizáre sibi fundaméntum bonum in futúrum, ut apprehéndant veram vitam.

Verbum Dómini.

## Evangelium

### 1

Alleluia et Versus ante Evangelium Ps 125, 5

(R. Allelúia). V. Qui séminant in lácrimis  
in exultatióne metent. (R. Allelúia).

*Si cui res abundant, vita eius non est  
ex his quæ possidet.*

✠ Lécitio sancti Evangéllii secúndum Lucam 12, 15-21

In illo témpore:

Dixit Iesus ad turbam: « Vidéte et cavéte ab omni avarítia; quia si cui res abúndant, vita eius non est ex his quæ pòssidet ».

Dixit autem similitudinem ad illos dicens: « Hominis cuiusdam divitis uberes fructus ager attulit, et cogitabat intra se dicens: " Quid faciam, quod non habeo quo congregem fructus meos? "

Et dixit: " Hoc faciam: destruam horrea mea et maiora edificabo, et illuc congregabo omne triticum et bona mea ". Et dicam animæ meæ: " Anima, habes multa bona posita in annos plurimos: requiesce, comede, bibe, epulare ".

Dixit autem illi Deus: " Stulte, hac nocte animam tuam repetunt a te; quæ autem parasti, cuius erunt? "

Sic est qui sibi thesaurizat, et non fit in Deum dives ». — Verbum Domini.

2

Alleluia et Versus ante Evangelium Cf. Ps 64, 14

(R. Alleluia). ⁊. Coronasti annum benignitate tua, Deus:  
valles abundabunt frumento;  
clamabunt, etenim hymnum dicent.  
(R. Alleluia).

*Cecidit in faciem ante pedes eius  
gratias agens ei.*

✠ LECTIO sancti Evangelii secundum Lucam 17, 11-19

In illo tempore:

Factum est, dum iret Iesus in Ierusalem, et ipse transibat per mediam Samariam et Galileam.

Et, cum ingrederetur quoddam castellum, occurrerunt ei decem viri leprosi, qui steterunt a longe, et levaverunt vocem, dicentes: « Iesu præceptor, miserere nostri ».

Quos ut vidit, dixit: « Ite, ostendite vos sacerdotibus ». Et factum est, dum irent, mundati sunt.

Unus autem ex illis, ut vidit quia sanátus est, regressus est cum magna voce, magníficans Deum, et cecidit in fáciem ante pedes eius grátias agens ei. Et hic erat Samaritánus.

Respóndens autem Iesus dixit: « Nonne decem mundáti sunt? et novem ubi sunt? Non sunt invénti qui redírent ut darent glóriam Deo, nisi hic alienígena? »

Et ait illi: « Surge, vade, quia fides tua te salvum fecit ». — Verbum Dómini.

Sumi possunt etiam lectiones de Missa Pro gratiis Deo reddendis, ut infra, pp. 1522-1535.

## 28. TEMPORE FAMIS VEL PRO FAME LABORANTIBUS

### A

Ant. ad introitum

Ps 73, 20. 19

Réspice, Dómine, in testaméntum tuum,  
et ánimas páuperum tuórum ne obliviscáris in finem.

Collecta

Deus, qui bonus et omnipotens  
ómnibus próvides creatúris,  
efficácem da nobis dilectiónem  
erga fratres cibórum inópiam patiéntes,  
ut, fame depúlta,  
libero ac secúro corde tibi váleant deservíre.  
Per Dóminum.

Lectiones ut infra, pp. 1474-1485.

Super oblata

Réspice, Dómine, oblatiónem,  
quam tibi de tuis datis óptimis exhibémus,

ut, quæ diviñæ abundántiam vitæ  
et unitátem in caritaté significat,  
ad æquam nos partióñem  
mutuúmque impéllat fraternitátis officium.  
Per Christum.

Ant. ad communionem Mt 11, 28

Veníte ad me, omnes qui laborátis et oneráti estis,  
et ego reficiam vos, dicit Dóminus.

Post communionem

Deus, Pater omnipotens,  
súpplíces te rogámus,  
ut panis vivus, qui de cælo descéndit,  
ad fratres ínopos nos róboret sublevándos.  
Per Christum.

## B

Allæ orationes, ab ipsis esurientibus dicendæ

Collecta

Deus, qui mortem non fecisti,  
et escam præbes omni carni,  
tuórum famem famulórum miserátus expélle,  
ut lætius corda nostra et expeditius  
tibi váleant deservíre.  
Per Dóminum.

Super oblata

Tibi, Dómine, de nostra egestáte  
hæc múnera libéñter offérimus,  
a tua benignitaté suppliciter exorántes,  
ut tuæ sint nobis largitióñis primitiæ salutáris.  
Per Christum.

Post communionem

Qui cibum cælestem, Dómine,  
a tua largitáte suscepimus, quésumus,  
ut spem nobis et robur sic cónferat ad labórem,  
ut efficaciter nostris fratrumque necessitatibus  
subveníre possimus. Per Christum.

---

Lectio prima

1

*Advenam et pupillum et viduam  
auferre manipulum relictum patieris.*

Léctio libri Deuteronomii

24, 17-22

In diébus illis:

Locútus est Móyses pópulo, dicens: « Non pervértes iudícium ádvenæ et pupilli, nec áuferes pignoris loco víduæ vestiméntum. Meménto quod servieris in Ægýpto, et erúerit te Dóminus Deus tuus inde; idcirco præcipio tibi ut fácias hanc rem.

Quando messúeris ségetem in agro tuo et oblítus manipulum reliqueris, non revertéris ut tollas illum; sed ádvenam et pupillum et víduam auferre patieris, ut benedícat tibi Dóminus Deus tuus in omni ópere mánuum tuárum.

Si fruges collégeris olivárum, quidquid remánserit in arbóribus non revertéris ut cólligas; sed relínques ádvenæ, pupillo ac víduæ. Si vindemiáveris víream tuam, non cólliges remanéntes racémos, sed cedent in usus ádvenæ, pupilli ac víduæ.

Meménto quod et tu servieris in Ægýpto, et idcirco præcipio tibi ut fácias hanc rem ». — Verbum Dómini.

Psalmus responsorius

Ps 21, 23-24. 26-27. 28 et 31-32 (R.: 27 a)

R. Edent páuperes, et saturabúntur.

23 Narrábo nomen tuum frátribus meis,  
in médio ecclésiæ laudábo te.

24 Qui timétis Dóminum, laudáte eum,  
univérsum semen Iacob, glorificáte eum.  
Métuat eum omne semen Israel. R.

26 Apud te laus mea in ecclésia magna;  
vota mea reddam in conspéctu timéntium eum.

27 Edent páuperes, et saturabúntur,  
et laudábunt Dóminum qui requírun't eum:  
« Vivant corda eórum in sáeculum sáeculi ». R.

28 Reminiscéntur et converténtur ad Dóminum  
univérsi fines terræ,  
et adorábunt in conspéctu eius  
univérsæ famíliæ géntium.

31 Et semen meum sérviet ipsi.

Narrábitur de Dómino generatióni ventúráe,  
et annuntiábunt iustítiam eius  
pópulo qui nascétur: « Hæc fecit Dóminus ». R.

2

*Si comedi buccellam meam solus,  
et non comedit pupillus ex ea.*

Léctio libri Iob

31, 16-20. 24-25. 31-32

Si negávi, quod volébam, paupéribus, et óculos ví-  
duæ exspectáre feci, si comédi buccellam meam solus,  
et non comédit pupillus ex ea (quia ab infántia mea  
crevit mecum miserátio et de útero matris meæ egrés-  
sa est mecum).

Si despéxi pereúntem, eo quod non habúerit indu-



méntum, et absque operiménto páuperem; si non benedixerunt mihi látera eius, et de velléribus óvium meárum calefactus est.

Si putávi aurum robur meum, et obrízo dixi: « Fidéncia mea »; si lætátus sum super multis divítiis meis, et quia plúrima répperit manus mea.

Si non dixerunt viri tabernáculi mei: « Quis det de cárnibus eius, ut saturémur? » Foris non mansit peregrínus; óstium meum viatóri pátuít. — Verbum Dómini.

### Psalmus responsorius

Ps 111, 1-2. 3-4. 5-7 a. 7 bc-8. 9 (ꝛ.: cf. 1 a. 9 a)

ꝛ. **Beátus vir qui donat paupéribus.**  
vel **Allelúia.**

- 1 **Beátus vir qui timet Dóminum,**  
**in mandátis eius cupit nimis.**
- 2 **Potens in terra erit semen eius,**  
**generátio rectórum benedicétur. ꝛ.**
- 3 **Glória et divítiæ in domo eius,**  
**et iustítia eius manet in sáeculum sáeculi.**
- 4 **Exórtum est in ténebris lumen rectis,**  
**miséricors et miserátor et iustus. ꝛ.**
- 5 **Iucúndus homo qui miserétur et cómmodat,**  
**dispónet res suas in iudício,**
- 6 **quia in ætérnum non commovébitur.**
- 7 **In memória ætérna erit iustus. ꝛ.**  
**Ab auditióne mala non timébit.**
- 8 **Parátum cor eius, sperans in Dómino,**  
**confirmátum est cor eius, non timébit,**  
**donec despíciat inimícos suos. ꝛ.**
- 9 **Distríbuit, dedit paupéribus;**  
**iustítia eius manet in sáeculum sáeculi,**  
**cornu eius exaltábitur in glória. ꝛ.**

*Frangere esurienti panem tuum.*

Lectio libri Isaiaë prophetae

58, 6-11

Hæc dicit Dominus: « Dissolve colligationes impietatis, solve fasciculos deprimentes, dimitte eos qui contracti sunt liberos et omne onus dirumpe.

Frangere esurienti panem tuum, et egenos vagosque induc in domum tuam; cum videris nudum, operi eum, et carnem tuam ne despexeris.

Tunc erumpet quasi mane lumen tuum, et sanitas tua citius oriatur, et anteibit faciem tuam iustitia tua, et gloria Domini colliget te; tunc invocabis, et Dominus exaudiet; clamabis, et dicet: " Ecce adsum ". Si abstuleris de medio tui catenam, et desieris extendere digitum et loqui quod non prodest; cum effuderis esurienti animam tuam et animam afflictam repleris, oriatur in tenebris lux tua et tenebrae tuae erunt sicut meridies.

Et requiem tibi dabit Dominus semper, et implebit splendoribus animam tuam, et ossa tua liberabit; et eris quasi hortus irriguus et sicut fons aquarum, cuius non deficient aquae ». — Verbum Domini.

Psalmus responsorius

Ps 111, 1-2. 3-4. 5-7 a. 7 bc-8. 9 (R: cf. 1 a. 9 a)

R. Beatus vir qui donat pauperibus.

vel Alleluia.

Beatus vir qui timet Dominum,  
in mandatis eius cupit nimis.

Potens in terra erit semen eius,  
generatio rectorum benedicetur. R.

- 3 Glória et divitiæ in domo eius,  
et iustitia eius manet in sæculum sæculi.
- 4 Exortum est in ténébris lumen rectis,  
miséricors et miserátor et iustus. **R.**
- 5 Iucúndus homo qui miserétur et cómmodat,  
dispónet res suas in iudício,
- 6 quia in ætérnum non commovébitur.
- 7 In memória ætérna erit iustus. **R.**
- Ab auditióne mala non timébit.  
Parátum cor eius, sperans in Dómino,  
confirmátum est cor eius, non timébit,  
donec despíciat inimícos suos. **R.**
- 9 Distribuit, dedit paupéribus;  
iustitia eius manet in sæculum sæculi,  
cornu eius exaltábitur in glória. **R.**

## 4

*Discipuli, prout quis habebat,  
proposuerunt singuli eorum in ministerium  
mittere habitantibus in Iudæa fratribus.*

## Léctio Actuum Apostolorum

11, 27-30

In his diébus supervenérunt ab Hierosólymis prophétæ Antiochiám; et surgens unus ex eis nómine Agabus, significávit per Spíritum famem magnam futúram in univérso orbe terrárum, quæ facta est sub Cláudio.

Discípuli autem, prout quis habébat, proposuérunt singuli eórum in ministérium mittere habitántibus in Iudæa frátribus. Quod et fecérunt, mitténtes ad presbýteros per manum Bárnabæ et Sauli. — Verbum Dómini.

Psalmus responsorius

Ps 106, 2-3. 4-5. 6-7. 8-9 (ꝛ.: 1)

ꝛ. **Confitémini Dómino,**  
**quóniam in sæculum misericórdia eius.**  
vel **Allelúia.**

- <sup>2</sup> **Dicant qui redépti sunt a Dómino,**  
**quos redémit de manu adversárii,**  
<sup>3</sup> **et de regiônibus congregávit eos,**  
**a solis ortu et occásu,**  
**ab aquilóne et mari. ꝛ.**
- <sup>4</sup> **Erravérunt in solitúdine, in inaquóso,**  
**viam civitátis habitatiónis non invenérunt.**  
<sup>5</sup> **Esuriéntes et sitiéntes,**  
**ánima eórum in ipsis defécit. ꝛ.**
- <sup>6</sup> **Et clamavérunt ad Dóminum, cum tribularéntur,**  
**et de necessitatibus eórum eripuit eos.**  
<sup>7</sup> **Et dedúxit eos in viam rectam,**  
**ut irent in civitátem habitatiónis. ꝛ.**
- <sup>8</sup> **Confiteántur Dómino propter misericórdiam eius**  
**et mirabilia eius in filios hóminum;**  
<sup>9</sup> **quia satiávit ánimam sitiéntem,**  
**et ánimam esuriéntem replévit bonis. ꝛ.**

Lectio secunda

1

*Vestra abundantia illorum inopiam suppleat.*

Lectio Epístolæ secúndæ beáti Pauli apóstoli  
ad Corínthios 8, 1-5. 9-15

Notam fácimus vobis, fratres, grátiam Dei, quæ  
data est in Ecclésiis Macedóniæ, quod in multo expe-

riménto tribulatiónis abundántia gáudii ipsórum, et altíssima paupértas eórum abundávit in divítias simplicitátis eórum; quia secúndum virtútem testimónium red-do, et supra virtútem voluntárii fuérunt, cum multa exhortatióne obsecrantes nos grátiam et communicatiónem ministérii, quod fit in sanctos. Et non sicut sperávimus, sed semetípsos dedérunt primum Dómino, deínde nobis per voluntátem Dei.

Scitis enim grátiam Dómini nostri Iesu Christi, quóniam propter vos egénus factus est, cum esset dives; ut illíus inópia vos dívites essétis. Et consílium in hoc do; hoc enim vobis útile est, qui non solum fácere, sed et velle cœpístis ab anno prióre; nunc vero et facto perfícite, ut, quemádmodum promptus est ánimus velle, ita sit et perficere ex eo quod habétis.

Si enim volúntas prompta est, secúndum id quod habet, accépta est; non secúndum quod non habet; non enim ut áliis sit remissio, vobis autem tribulatió; sed ex æqualitáte.

In præsentí témpore vestra abundántia illórum inópiam súppleat, ut et illórum abundántia vestram inópiam súppleat, ut fiat æqualitas, sicut scriptum est: « Qui multum non abundávit, et qui módicum non minorávit ». — Verbum Dómini.

## 2

*Unusquisque prout destinavit corde suo,  
non ex tristitia aut ex necessitate.*

Léctio Epístolæ secúndæ beáti Pauli apóstoli  
ad Corínthios

9, 6-15

Fratres:

Qui parce séminat, parce et metet; et qui séminat

in benedictionibus, in benedictionibus et metet. Unusquisque prout destinavit corde suo, non ex tristitia aut ex necessitate; hilarem enim datorem diligit Deus.

Potens est autem Deus omnem gratiam abundare facere in vobis, ut, in omnibus semper omnem sufficientiam habentes, abundetis in omne opus bonum, sicut scriptum est: « Dispersionis, dedit pauperibus, iustitia eius manet in aeternum ».

Qui autem administrat semen seminanti, et panem ad manducandum praestabit et multiplicabit semen vestrum et auget incrementa frugum iustitiae vestrae; ut in omnibus locupletati in omnem simplicitatem, quae operatur per nos gratiarum actionem Deo.

Quoniam ministerium huius officii non solum supplet ea quae desunt sanctis, sed etiam abundat per multas gratiarum actiones Deo, per probationem ministerii huius glorificantes Deum in obedientia confessionis vestrae in Evangelium Christi, et simplicitate communionis in illos et in omnes, et ipsorum obsecratione pro vobis, desiderantium vos propter eminentem gratiam Dei in vobis. Gratias Deo super inenarrabili dono eius. — Verbum Domini.

## Evangelium

### 1

Alleluia et Versus ante Evangelium Mt 25, 34

(R. Alleluia). V. Venite, benedicti Patris mei,  
dicit Dominus;  
possidete paratum vobis Regnum  
a constitutione mundi. (R. Alleluia).

*Esurivi, et dedistis mihi manducare.*

✠ Lécio sancti Evangélii secúndum Mattháeum

25, 31-46

In illo témpore:

Dixit Iesus discípulis suis: « Cum vénerit Fílius hóminis in glória sua, et omnes ángeli cum eo, tunc sedébit super thronum glóriæ suæ, et congregabúntur ante eum omnes gentes, et separábit eos ab ínvicem, sicut pastor ségregat oves ab hædis: et státuet oves quídem a dextris suis, hædos autem a sinístris.

Tunc dicet Rex his qui a dextris eius erunt: “ Veníte, benedícti Patris mei, possidéte parátum vobis Regnum a constitutióne mundi. Esurívi enim, et dedístis mihi manducáre; sitívi, et dedístis mihi bíbere; hospes eram, et collegístis me; nudus, et operuístis me; infirmus, et visitástis me; in cárcere eram, et venístis ad me ”.

Tunc respondébunt ei iusti dicétes: “ Dómine, quando te vídimus esuriéntem et pávimus, aut sitiéntem et dédimus tibi potum? quando autem te vídimus hóspitem et collégimus, aut nudum et cooperúimus? quando autem te vídimus infirmum aut in cárcere et vénimus ad te? ”

Et respóndens Rex dicet illis: “ Amen dico vobis, quámdiu fecístis uni de his frátribus meis mínimis, mihi fecístis ”.

Tunc dicet et his qui a sinístris erunt: “ Discédite a me, maledícti, in ignem ætérnum, qui præparátus est diabolo et ángelis eius. Esurívi enim, et non dedístis mihi manducáre; sitívi, et non dedístis mihi potum; hospes eram, et non collegístis me; nudus, et non operuístis me; infirmus et in cárcere, et non visitástis me ”.

Tunc respondébunt et ipsi dicétes: “ Dómine,

quando te vídimus esuriéntem aut sitiéntem aut hóspitem aut nudum aut infirmum vel in cárcere, et non ministrávimus tibi? »

Tunc respondébit illis dicens: « Amen dico vobis, quámdiu non fecístis uni de mínimis his, nec mihi fecístis ».

Et ibunt hi in supplicium ætérnum, iusti autem in vitam ætérnam ». — Verbum Dómini.

2

Alleluia et Versus ante Evangelium 2 Cor 8, 9

(R. Allelúia). γ. Iesus Christus egénus factus est,  
cum esset dives,  
ut illius inópia vos dívites essétis.  
(R. Allelúia).

*Date illis vos manducare.*

✠ Lécio sancti Evangélii secúndum Marcum 6, 34-44

In illo témpore:

Vidit multam turbam Iesus, et misértus est super eos, quia erant « sicut oves non habéntes pastórem », et cœpit docére illos multa.

Et, cum iam hora multa facta esset, accessérunt discipuli eius dicéntes: « Desértus est locus hic, et hora iam est multa; dímítte illos, ut, eúntes in villas et vicos in circúitu, emant sibi quod mandúcent ».

Respondens autem ait illis: « Date illis vos manducáre ».

Et dicunt ei: « Eúntes emámus denáriis ducéntis panes, et dábitus eis manducáre ».

Et dicit eis: « Quot panes habétis? Ite, vidéte ».

Et, cum cognovíssent, dicunt: « Quinque, et duos pisces ».



Et præcepit illis ut accumbere facerent omnes secundum contubernia super viride fenum. Et discubuerunt secundum áreas per centenos et per quinquagenos.

Et, acceptis quinque panibus et duobus piscibus, intuens in cælum benedixit et fregit panes, et dabat discipulis suis, ut ponerent ante eos, et duos pisces divisit omnibus.

Et manducaverunt omnes et saturati sunt. Et sustulerunt fragmenta duodecim cophinos plenos, et de piscibus. Et erant qui manducaverunt panes quinque milia virorum. — Verbum Domini.

## 3

Alleluia et Versus ante Evangelium 2 Cor 8, 9

(R. Alleluia). γ. Iesus Christus egenus factus est,  
cum esset dives,  
ut illius inopia vos divites essetis.  
(R. Alleluia).

*Cum facis convivium, voca pauperes.*

✠ Lectio sancti Evangelii secundum Lucam

14, 12-14

In illo tempore:

Dicebat Iesus principi pharisæorum qui se invitaverat: « Cum facis prandium aut cenam, noli vocare amicos tuos neque fratres tuos neque cognatos neque vicinos divites, ne forte et ipsi te reinventent, et fiat tibi retributio.

Sed, cum facis convivium, voca pauperes, debiles, claudos, cæcos. Et beatus eris, quia non habent retribuere tibi; retribuétur enim tibi in resurrectione iustorum ». — Verbum Domini.

Alleluia et Versus ante Evangelium Mt 25, 34

(**℞.** Allelúia). **γ.** Veníte, benedícti Patris mei,  
dicit Dóminus;  
possidéte parátum vobis Regnum  
a constitutióne mundi. (**℞.** Allelúia).

*Quidam pauper, nomine Lazarus,  
iacebat ad ianuam divitis.*

✠ Lécitio sancti Evangelíi secúndum Lucam 16, 19-31

In illo témpore:

Dixit Iesus phariséis: « Homo quidam erat dives, et induebátur púrpura et bysso, et epulabátur cotidie splendide. Quidam autem pauper, nómine Lázarus, iacébat ad iánuam eius ulcéribus plenus, et cúpiens saturári de his quæ cadébant de mensa dívitis; sed et canes veniébant et lingébant úlcerá eius.

Factum est autem ut morerétur pauper, et porta-rétur ab ángelis in sinum Abrahæ; mórtuus est autem et dives, et sepúltus est.

Et in inférno élevans óculos suos, cum esset in tor-méntis, vidébat Abraham a longe, et Lázarus in sinu eius; et ipse clamans dixit: " Pater Abraham, miserére mei et mitte Lázarus, ut intíngat extrémum dígiti sui in aquam, ut refrígeret linguam meam, quia crúciór in hac flamma ".

At dixit Abraham: " Fili, recordáre quia recepísti bona tua in vita tua, et Lázarus simíliter mala; nunc autem hic consolátur, tu vero cruciáris. Et in his óm-nibus inter nos et vos chaos magnum firmátum est, ut hi, qui volunt hinc transíre ad vos, non possint, neque inde ad nos transmeáre ".

Et ait: "Rogo ergo te, pater, ut mittas eum in domum patris mei (habeo enim quinque fratres), ut testetur illis, ne et ipsi veniant in locum hunc tormentorum".

Ait autem Abraham: "Habent Moysen et prophetas: audiant illos".

At ille dixit: "Non, pater Abraham; sed, si quis ex mortuis scribit ad eos, penitentiam agent".

Ait autem illi: "Si Moysen et prophetas non audiunt, neque, si quis ex mortuis resurrexerit, credent". — Verbum Domini.

## 29. PRO PROFUGIS ET EXSULIBUS

Ant. ad introitum

Ps 90, 11

Angelis suis Deus mandavit de te,  
ut custodiant te in omnibus viis tuis.

Vel:

Ier 29, 11. 12. 14

Dicit Dominus:

Ego cogito cogitationes pacis et non afflictionis;  
invocabitis me, et ego exaudiam vos,  
et reducam captivitatem vestram de cunctis locis.

Collecta

Domine, cui nullus est alienus,  
nemo ab opitulatione longinquus,  
profugos et exsules, segregatos homines  
puerosque dispersos propitius intueri,  
ut illis reditus in patriam,  
nobis erga egenum et advenam a te benignitas tribuatur.  
Per Dominum.

Lectioes ut infra, pp. 1487-1492.

Super oblata

**Dómine, qui tuum voluísti Fílium pónere ánimam suam,  
ut in unum tuos dispérsos fílios congregáret,  
præsta, ut hæc pacífica oblátio  
communiónem obtíneat animórum,  
et caritátem fraternitátis adáugeat.  
Per Christum.**

Ant. ad communionem

Ps 90, 2

**Refúgium meum et fortitúdo mea,  
Deus meus, sperábo in eum.**

Post communionem

**Dómine, qui nos uno pane et uno cálice refecísti,  
da nobis humanitátem in ádvenas ac derelictos  
sincéro corde sectári,  
ut omnes in terra vivéntium  
congregári dénique mereámur. Per Christum.**

---

Lectio prima

1

*Amat Deus peregrinum et dat ei  
victum atque vestitum.*

Léctio libri Deuteronomii

10, 17-19

In diébus illis:

**Locútus est Móyses pópulo dicens: « Dóminus Deus  
vester ipse est Deus deórum et Dóminus dominántium,  
Deus magnus et potens et terríbilis, qui persónam non  
accípit nec múnera, facit iudícium pupíllis et víduæ,  
amat peregrínium et dat ei victum atque vestítum. Et**

vos ergo amáte peregrinos, quia et ipsi fuístis ádvenæ in terra Ægýpti ». — Verbum Dómini.

**Psalmus responsorius**

Ps 106, 33-34. 35-36. 41-42 (R.: 1)

**R.** Confitémini Dómino,  
quóniam in sáculum misericórdia eius.

**vel Allelúia.**

- 33** Pósuit flúmina in desértum,  
et éxitus aquárum in sitim,  
**34** terram fructíferam in salsúginem,  
a malítia inhabitántium in ea. **R.**
- 35** Pósuit desértum in stagna aquárum,  
et terram sine aqua in éxitus aquárum.  
**36** Et collocávit illic esuriétes,  
et constituérunt civitátem habitatiónis. **R.**
- 41** Et suscepit páuperem de inópia,  
et pósuit sicut oves famílias.  
**42** Vidébunt recti et lætabúntur,  
et omnis iníquitas oppilábit os suum. **R.**

2

*Advenam auferre manipulum relictum patieris.*

Léctio libri Deuteronomii

24, 17-22

In diébus illis:

Locútus est Móyses pópulo, dicens: « Non pervértes iudícium ádvenæ et pupílli, nec áuferes pignoris loco víduæ vestiméntum. Meménto quod servieris in Ægýpto, et erúerit te Dóminus Deus tuus inde; idcírcó præcípio tibi ut fácias hanc rem.

Quando messúeris ségetem in agro tuo et oblítus manipulum reliqueris, non revertéris ut tollas illum; sed ádvenam et pupillum et víduam auférre patiéris, ut benedícat tibi Dóminus Deus tuus in omni ópere mánuum tuárum.

Si fruges collégeris olivárum, quidquid remánserit in arbóribus non revertéris ut cólligas; sed relínques ádvenæ, pupillo ac víduæ. Si vindemiáveris víneam tuam, non cólliges remanéntes racémos, sed cedent in usus ádvenæ, pupilli ac víduæ.

Meménto quod et tu servíeris in Ægýpto, et idcírco præcípio tibi ut fácias hanc rem ». — Verbum Dómini.

Psalmus responsorius Ps 120, 1-2. 3-4. 5-6. 7-8 (R.: 2)

R. Auxílium meum a Dómino,  
qui fecit cælum et terram.

Levábó óculos meos in montes:  
unde véniet auxílium mihi?

Auxílium meum a Dómino,  
qui fecit cælum et terram. R.

Non dabit in commotiónem pedem tuum,  
neque dormitábit qui custódit te.

Ecce non dormitábit neque dórmiet,  
qui custódit Israel. R.

Dóminus custódit te,  
Dóminus umbráculum tuum,  
ad manum dexteram tuam.  
Per diem sol non percútiet te,  
neque luna per noctem. R.

Dóminus custódiét te ab omni malo;  
custódiét ánimam tuam Dóminus.  
Dóminus custódiét intróitum tuum et éxitum tuum,  
ex hoc nunc et usque in sáeculum. R.

## Lectio secunda

## 1

*Hospitalitatem sectantes.*

Lectio Epistolæ beati Pauli apostoli ad Romanos

12, 9-16 b

Fratres:

Dilèctio sine simulatióne, odiéntes malum, adhæréntes bono, caritatè fraternitatís ínvicem diligéntes, honóre ínvicem præveniéntes, sollicitúdine non pigri, spírítu fervéntes, Dómino serviéntes, spe gaudéntes, in tribulatióne patiéntes, oratióni instántes, necessitatibus sanctorum communicántes, hospitalitatem sectántes.

Benedicite persecúentibus; benedicite et nolíte maledicere. Gaudére cum gaudéntibus, flere cum fléntibus, idípsum ínvicem sentiéntes, non alta sapiéntes, sed humílibus consentiéntes. — Verbum Dómini.

## 2

*Significant se patriam inquirere.*

Lectio Epistolæ ad Hebræos

11, 13-16

Iuxta fidem defúnci sunt omnes patriárchæ, non accéptis promissionibus, sed a longe eas aspiciéntes et salutántes, et confiténtes, quia peregríni et hóspites sunt supra terram.

Qui enim hæc dicunt significant se pátriam inquírere. Et, si quidem illíus meminissent de qua exierant, habébant útique tempus reverténdi. Nunc autem meliorem appetunt, id est cæléstem.

Ideo non confúnditur Deus vocári Deus eórum; parávit enim illis civitátem. — Verbum Dómini.

3

*Hospitalitatem nolite oblivisci.*

Lectio Epistolæ ad Hebræos 13, 1-3. 14-16

Fratres:

Cáritas fraternitátis máneat in vobis, et hospitalitatem nolite oblivisci; per hanc enim quidam nescientes hospítio recepérunt ángelos. Mementóte victórum tamquam simul vincti, laborántium tamquam et ipsi in córpore morántes.

Non habémus hic manéntem civitátem, sed futúram inquirimus. Per Iesum ergo offerámus hóstiam laudis semper Deo, id est fructum labiórum confiténtium Nómīni eius. Beneficéntiæ autem et communiónis nolite oblivisci; tálibus enim hóstiis oblectátur Deus.

Verbum Dómini.

Evangelium

1

Alleluia et Versus ante Evangelium Hebr 13, 14

(*ñ. Allelúia*). *γ.* Non habémus hic manéntem civitátem, sed futúram inquirimus. (*ñ. Allelúia*).

*Accipe puerum et matrem eius,  
et fuge in Ægyptum.*

✠ Lectio sancti Evangélii secúndum Matthæum  
2, 13-15. 19-23

Cum recessissent magi, ecce ángelus Dómini appáret in somnis Ioseph, dicens: « Surge, et accipe púerum et matrem eius, et fuge in Ægyptum; et esto ibi usque



dum dicam tibi: futurum est enim ut Heródes quærat púerum ad perdéndum eum ».

Qui consúrgens accépit púerum et matrem eius nocte, et recéssit in Ægýptum. Et erat ibi usque ad óbitum Heródis, ut adimplerétur quod dictum est a Dómino per Prophétam dicéntem: « Ex Ægýpto vocávi filium meum ».

Defúnto autem Heróde, ecce appáret ángelus Dómini in somnis Ioseph in Ægýpto, dicens: « Surge, et accipe púerum et matrem eius, et vade in terram Israel; defúnti sunt enim qui quærébant ánimam púeri ».

Qui surgens accépit púerum et matrem eius, et venit in terram Israel. Audiens autem quia Archeláus regnáret in Iudæa pro Heróde patre suo, tímuit illo ire; et, admónitus in somnis, secéssit in partes Galiléæ. Et véniens habitávit in civitaté quæ vocátur Náza-reth, ut adimplerétur quod dictum est per prophétas: « Nazaræus vocábitur ». — Verbum Dómini.

## 2

Alleluia et Versus ante Evangelium 2 Cor 1, 3 b-4 a

(*ꝛ.* Allelúia). *ꝥ.* Benedictus Pater misericordiárum  
et Deus totius consolatiónis,  
qui consolátur nos in omni tribulatióne  
nostra. (*ꝛ.* Allelúia).

*Quis est meus proximus?*

✠ Lécio sancti Evangélii secúndum Lucam 10, 25-37

In illo témpore:

Ecce quidam legisperítus surréxit tentans Iesum, dicens: « Magíster, quid faciéndum vitam ætérnam possidébo? »

At ille dixit ad eum: « In Lege quid scriptum est? quómodo legis? »

Ille autem respóndens dixit: « " DÍliges Dóminum Deum tuum ex toto corde tuo, et ex tota ánima tua, et ex ómnibus víribus tuis, et ex omni mente tua " et " próximum tuum sicut teípsum " ».

Dixítque illi: « Recte respóndísti; hoc fac et vives ».

Ille autem volens iustificáre seípsum dixit ad Iesum: « Et quis est meus próximus? »

Suscípiens autem Iesus dixit: « Homo quidam descendébat ab Ierúsalem in Iéricho, et incidit in latrónes, qui étiam despoliavérunt eum, et, plagis impóstitis, abiérunt semivívo relícto. Accidit autem ut sacérdos quidam descénderet eádém via, et, viso illo, præterívit. Simíliter et levíta, cum esset secus locum et vidéret eum, pertránsiit.

Samaritánus autem quidam iter fáciens venit secus eum, et videns eum misericórdia motus est. Et apprópians alligávit vúlnera eius, infúndens óleum et vinum; et impónens illum in iumentum suum, duxit in stábulum et curam eius egit.

Et áltera die prótulit duos denários et dedit stabulário, et ait: " Curam illíus habe, et, quodcúmque supererogáveris, ego, cum redíero, reddam tibi ".

Quis horum trium vidétur tibi próximus fuisse illi qui incidit in latrónes? »

At ille dixit: « Qui fecit misericórdiam in illum ».

Et ait illi Iesus: « Vade, et tu fac simíliter ».

Verbum Dómini.

## 30. PRO CAPTIVITATE DETENTIS

## Ant. ad introitum

Ps 87, 2-3

Dómine, Deus salutis meæ,  
 in die clamávi et nocte coram te.  
 Intret in conspéctu tuo orátio mea,  
 inclína aurem tuam ad precem meam.

## Collecta

Deus, cuius Fílius,  
 ad rediméndum genus humánum a captivitate peccáti,  
 formam servi accíperere dignátus est,  
 da fámulis tuis in vínculis constitútis,  
 ut illa libertate potiántur,  
 qua omnes hómines, filios tuos, voluísti donári.  
 Per Dóminum.

*Pro lectionibus sumuntur textus aptiores ex iis qui proponuntur  
 In Missis in quacumque necessitate, pp. 1511-1519, vel pro christi-  
 anis persecutione vexatis, pp. 1406-1421.*

## Super oblata

Per humanæ redemptionis salutáre sacraméntum,  
 quod tibi, Dómine, offérimus, præsta,  
 ut fámuli tui a captivitate solvántur,  
 et animæ perpétua gáudeant libertate.  
 Per Christum.

## Ant. ad communionem

Ps 68, 31. 34

Laudábo nomen Dei cum cántico,  
 et magnificábo eum in laude.  
 Quóniam exaudivit páuperes Dóminus,  
 et vinctos suos non despéxit.

## Post communionem

Nostræ libertátis prétium recoléntes,  
 tuam, Dómine, pro frátribus nostris

**implorámus cleméntiam,  
ut a vínculis solvántur,  
et servi fiant iustítiæ tuæ.  
Per Christum.**

### 31. PRO DETENTIS IN CARCERE

Collecta

**Omnípotens et miséricors Deus,  
cui soli patent córdium secréta,  
qui iustum agnóscis et ímpium iustificáre vales,  
exáudi preces nostras  
pro fámulis tuis in cárcere deténtis, et præsta,  
ut per paciéntiam et spem in afflictióné sublevéntur,  
et cítius váleant sine offensióne ad própria revérti.  
Per Dóminum.**

Vel, pro detentis in carcere propter Evangelium, orationes ut supra, n. 15, p. 1404.

### 32. PRO INFIRMIS

Ant. ad introitum

Ps 6, 3-4

**Miserére mei, Dómine, quóniam infirmus sum;  
sana me, Dómine, quóniam conturbáta sunt ossa mea,  
et ánima mea turbáta est valde.**

Vel:

Cf. Is 53, 4

**Vere languóres nostros Dóminus tulit,  
et dolóres nostros ipse portávit.**

Collecta

**Deus, qui languóres nostros  
voluísti ab unigénito Fílio tuo portári,  
ut infirmitátis et paciéntiæ virtútem osténderes humanæ,  
preces nostras pro frátribus in ægritudíne pósitis**

benignus exáudi, et præsta,  
 ut, qui dolóribus, ærúmnis aliísve morbis premúntur,  
 et inter eos qui beáti prædicántur se séntiant eléctos,  
 et Christo pro mundi salúte patiénti se sciant unítos.  
 Per Dóminum.

Vel:

Omnípotens sempitérne Deus,  
 salus æténa credéntium,  
 exáudi nos pro fámulis tuis infirmis,  
 pro quibus misericórdiæ tuæ implorámus auxiliúm,  
 ut, réddita sibi sanitáte,  
 gratiárum tibi in Ecclésia tua réferant actiões.  
 Per Dóminum.

Lectiones ut infra, pp. 1497-1505.

Super oblata

Deus, cuius nútibus vitæ nostræ moménta decúrrunt,  
 súscipe preces et hóstias,  
 quibus tuam pro frátribus ægrotántibus  
 misericórdiam implorámus,  
 ut, de quorum perículo metúimus,  
 de eórum salúte lætémur.  
 Per Christum.

Ant. ad communionem

Col 1, 24

Adímpleo, quæ desunt passiónum Christi in carne mea,  
 pro córpore eius, quod est Ecclésia.

Post communionem

Deus, infirmitátis humánæ singuláre præsidium,  
 auxilií tui super infirmos fámulos tuos osténde virtútem,  
 ut, ope misericórdiæ tuæ adiúti,  
 Ecclésiæ tuæ sanctæ incólumes repræsentári mereántur.  
 Per Christum.

---

## Lectio prima

## 1

*Vidi lacrimas tuas, et ecce sanavi te.*

## Lectio libri secúndi Regum

20, 1-6

In diébus illis ægrotávit Ezechías rex usque ad mortem; et venit ad eum Isaías, filius Amos, prophéta, dixítque ei: « Hæc dicit Dóminus Deus: Præcipe dómni tuæ, moriérís enim tu et non vives ».

Qui convértit fáciem suam ad parietem, et orávit Dóminum dicens: « Obsecro, Dómine: meménto, quæso, quómo do ambuláverim coram te in veritáte et in corde perfécto, et quod plácitum est coram te fécerim ». Flevit itaque Ezechías fletu magno.

Et ántequam egrederétur Isaías médiám partem átrii, factus est sermo Dómini ad eum, dicens: « Revértere et dic Ezechíæ duci pópuli mei: Hæc dicit Dóminus Deus David patris tui: Audívi oratió nem tuam et vidi lácrimas tuas, et ecce sanávi te: die tértio ascédes templum Dómini.

Et addam diébus tuis quíndecim annos; sed et de manu regis Assyriórum liberábo te et civitátem hanc, et prótegam urbem istam propter me et propter David servum meum ». — Verbum Dómini.

Psalmus responsorius Ps 101, 3. 24-25. 19-21 (ꝛ.: 2)

ꝛ. Dómine, exáudi oratió nem meam,  
et clamor meus ad te véniat.

Non abscóndas fáciem tuam a me;  
in quacúmque die tribulor,  
inclína ad me aurem tuam.

In quacúmque die invocávero te,  
velóciter exáudi me. ꝛ.

- 24 Humiliávit in via virtútem meam,  
abbreviávit dies meos.  
Dicam: « Deus meus,
- 25 ne áuferas me in dimídio diérum meórum;  
in generatióem et generatióem sunt anni tui ». R.
- 19 Scribántur hæc pro generatióne áltera,  
et pópulus qui creábitur laudábit Dóminum.
- 20 Quia prospéxit de excélso sanctuário suo,  
Dóminus de cælo in terram aspéxit;
- 21 ut audíret gémitus compeditórum,  
ut sólveret filios mortis. R.

## 2

*Vere languores nostros ipse tulit.*

Léctio libri Isaíæ prophétæ

53, 1-5. 10-11

Quis crédidit audítui nostro? et bráccium Dómini cui revelátum est? Et ascéndet sicut virgúltum coram eo, et sicut radix de terra sitiénti.

Non est spécies ei neque decor, et vídimus eum, et non erat aspéctus, et desiderávimus eum; despéctum et novíssimum virórum, virum dolórum et sciéntem infirmitátem, et quasi absconditus vultus eius et despéctus, unde nec reputávimus eum.

Vere languóres nostros ipse tulit et dolóres nostros ipse portávit; et nos putávimus eum quasi leprósum, et percússum a Deo, et humiliátum. Ipse autem vulnerátus est propter iniquitátes nostras, attrítus est propter scélera nostra, disciplína pacis nostræ super eum, et livóre eius sanáti sumus.

Et Dóminus volúit contérere eum in infirmitáte. Si posúerit pro peccáto ánimam suam, vidébit semen longévum, et volúntas Dómini in manu eius dirigétur.

Pro eo quod laborávit ánima eius, vidébit et saturábitur. In sciéntia sua iustificábit ipse iustus servus meus multos, et iniquitátes eórum ipse portábit.

Verbum Dómini.

### Psalmus responsorius

Is 38, 10. 11. 12 abcd. 16 (R.: 17 b)

R. Tu, Dómine, eruísti ánimam meam, ut non períret.

<sup>10</sup> Ego dixi: « In dimídio diérum meórum vadam ad portas ínferi: quæsi vi resíduum annórum meórum ». R.

<sup>11</sup> Dixi: « Non vidébo Dóminum Deum in terra vivéntium; non aspiciam hóminem ultra et habitatórem quiétis. R.

<sup>12</sup> Generátio mea abláta est et convolúta est a me quasi tabernáculum pastórum; præcisa est velut a texénte vita mea; dum adhuc ordírer, succídit me. R.

<sup>16</sup> Dómine, si sic vívitur, et in tálibus vita spíritus mei, corripies me et vivificábis me ». R.

### 3

*Ceteri qui in insula habebant infirmitates  
accedebant ad Paulum et curabantur.*

Léctio Actuum Apostolórum

28, 7-10

In diébus illis:

In illis locis erant prædia príncipis ínsulæ Mélitæ, nómine Públii, qui nos suscípiens trídúo benigne hospí-



tio recépit. Cóntigt autem patrem Públii fébribus et dysentéria vexátum iacére. Ad quem Paulus intrávit, et, cum orásset et imposuísset ei manus, sanávit eum.

Quo facto et céteri qui in ínsula habébant infirmitátes accedébant et curabántur. Qui étiam multis honóribus nos honoravérunt, et navigántibus imposuérunt quæ necessária erant.

Verbum Dómini.

**Psalmus responsorius Ps 101, 3. 24-25. 19-21 (R.: 2)**

**R.** Dómine, exáudi oratióem meam,  
et clamor meus ad te véniat.

**3** Non abscondas fáciem tuam a me;  
in quacúmque die tríbulo,  
inclína ad me aurem tuam.  
In quacúmque die invocávero te,  
velóciter exáudi me. **R.**

**24** Humiliávit in via virtútem meam,  
abbreviávit dies meos.

**25** Dicam: « Deus meus,  
ne áuferas me in dimídio diérum meórum;  
in generatióem et generatióem sunt anni tui ». **R.**

**19** Scribántur hæc pro generatióne áltera,  
et pópulus qui creábitur laudábit Dóminum.

**20** Quia prospéxit de excélsio sanctuário suo,  
Dóminus de cælo in terram aspéxit;

**21** ut audíret gémitus compeditórum,  
ut sólveret filios mortis. **R.**

## Lectio secunda

## 1

*In mortem tradimur propter Iesum.***Lectio Epistolæ secundæ beāti Pauli apóstoli  
ad Corínthios**

4, 10-18

**Fratres:**

**Semper mortificatiónem Iesu in córpore circumferétes, ut et vita Iesu in córpore nostro manifestétur. Semper enim nos, qui vívimus, in mortem tradimur propter Iesum, ut et vita Iesu manifestétur in carne nostra mortáli. Ergo mors in nobis operátur, vita autem in vobis.**

**Habéntes autem eúndem Spíritum fidei, sicut scriptum est: « Crédidi, propter quod locútus sum »; et nos crédimus, propter quod et lóquimur, sciéntes quóniam qui suscitávit Dóminum Iesum, et nos cum Iesu suscitábit, et constituet vobíscum. Omnia enim propter vos, ut grátia abúndans per multos, gratiárum actiÓnem abundáre fáciat in glóriam Dei.**

**Propter quod non defícimus; sed, licet is qui foris est noster homo corrúmpitur, tamen is qui intus est noster renovátur de die in diem. Id enim, quod in præ-sénti est leve tribulatiÓnis nostræ, supra modum in sublimitátem ætérnum glóriæ pondus operátur nobis, non contemplántibus nobis quæ vidéntur, sed quæ non vidéntur: quæ enim vidéntur temporália sunt, quæ autem non vidéntur ætérna sunt.**

**Verbum Dómini.**

## 2

*Sufficit tibi gratia mea, nam virtus  
in infirmitate perficitur.*

Léctio Epístolæ secúndæ beáti Pauli apóstoli  
ad Corinthios 12, 7 b-10

**Fratres:**

Datus est mihi stímulus carni, ángelus Sátanæ, ut me colaphízet, ne extóllar.

Propter quod ter Dóminum rogávi ut discéderet a me, et dixit mihi: « Súfficit tibi grátia mea, nam virtus in infirmitáte perficitur ». Libentíssime ígitur pótius gloriábor in infirmitátibus meis, ut inhábitet in me virtus Christi.

Propter quod pláceo mihi in infirmitátibus, in contuméliis, in necessitatibus, in persecutió nibus et in angúst iis pro Christo: cum enim infírmor, tunc potens sum. — Verbum Dómini.

## 3

*Oratio fidei salvabit infirmum.*

Léctio Epístolæ beáti Iacóbi apóstoli 5, 13-16

**Caríssimi:**

Tristátur áliquis vestrum? Oret. Æquo ánimo est? Psallat.

Infirμάtur quis in vobis? Advocet presbýteros Ecclésiæ et orent super eum, unguéntes eum óleo in Nómine Dómini; et orátio fídei salvábit infirmum, et allevábit eum Dóminus, et, si peccáta operátus fúerit, dimitténtur ei.

**Confitémini ergo altérutrum peccáta et oráte pro invicem, ut sanémini. Multum enim valet deprecátio iusti óperans. — Verbum Dómini.**

## Evangelium

### 1

Alleluia et Versus ante Evangelium Mt 8, 17

(**R. Allelúia**). **ꝛ. Ipse infirmitátes nostras accépit, et ægotatiónes nostras portávit.**  
(**R. Allelúia**).

*Ipse infirmitates nostras accepit.*

✠ **Léctio sancti Evangélii secúndum Mattháeum**  
8, 14-17

**In illo témpore:**

**Cum venisset Iesus in domum Petri, vidit socrum eius iacéntem et febricitántem. Et tétigit manum eius, et dimísit eam febris, et surrélixit et ministrábat ei.**

**Véspere autem facto, obtulérunt ei multos dæmónia habéntes, et eiciébat spíritus verbo, et omnes male habéntes curávit, ut adimplerétur quod dictum est per Isaíam prophétam dicéntem: « Ipse infirmitátes nostras accépit, et ægotatiónes portávit ». — Verbum Dómini.**

### 2

Alleluia et Versus ante Evangelium 2 Cor 1, 3 b-4 a

(**R. Allelúia**). **ꝛ. Benedíctus Pater misericordiárum et Deus totíus consolatiónis, qui consolátur nos in omni tribulatióne nostra. (R. Allelúia).**

*Super ægrotos manus imponent, et bene habebunt.*

✠ Lécitio sancti Evangélii secúndum Marcum

16, 15-20

In illo témpore:

Appárens Iesus Undecim dixit eis: « Eúntes in mundum univérsum, prædicáte Evangélium omni creatúræ. Qui credíderit et baptizátus fúerit, salvus erit; qui vero non credíderit, condemnábitur.

Signa autem eos qui credíderint hæc sequéntur: in Nómine meo dæmónia eícient, linguis loquéntur novis, serpéntes tollent, et, si mortíferum quid bíberint, non eos nocébit, super ægrótos manus impónent, et bene habébunt ».

Et Dóminus quidem Iesus, postquam locútus est eis, assúptus est in cælum et sedit a dextris Dei.

Illi autem profécti prædicavérunt ubique, Dómino cooperánte et sermónem confirmánte sequéntibus signis. — Verbum Dómini.

3

Alleluia et Versus ante Evangelium

Mt 8, 17

(R. Allelúia). ʒ. Ipse infirmitátes nostras accépit,  
et ægrotatiónes nostras portávit.

(R. Allelúia).

*Pater, non mea voluntas, sed tua fiat.*

✠ Lécitio sancti Evangélii secúndum Lucam 22, 39-43

In illo témpore:

Egréssus Iesus e cenáculo, ibat secúndum consuetúdinem in montem Olivárum. Secúti sunt autem illum et discípuli.

Et, cum pervénisset ad locum, dixit illis: « Oráte, ne intrétis in tentatiónem ».

Et ipse avulsus est ab eis quantum iactus est lapidis; et, pòsitis génibus, orábat dicens: « Pater, si vis, transfer cálicem istum a me; verúntamen non mea volúntas, sed tua fiat ».

Appáruit autem illi ángelus de cælo confórtans eum. Et factus in agonía prolíxius orábat. — Verbum Dómini.

## 4

Alleluia et Versus ánte Evangelium Col 1, 24 b

(R. Allelúia). γ. Adímpleo ea quæ desunt passiónum  
Christi in carne mea  
pro córpore eius, quod est Ecclésia.  
(R. Allelúia).

*Omnem palmitem, qui fert fructum, purgat eum,  
ut fructum plus afferat.*

✠ Lécio sancti Evangélii secúndum Ioánnem 15, 1-8

In illo témpore:

Dixit Iesus discipulis suis: « Ego sum vitis vera, et Pater meus agrícola est.

Omnem pálmitem in me non feréntem fructum tollit eum, et omnem qui fert fructum purgat eum, ut fructum plus áfferat. Iam vos mundi estis propter sermónem quem locútus sum vobis.

Manéte in me, et ego in vobis. Sicut palmes non potest ferre fructum a semetípso, nisi mánserit in vite, sic nec vos, nisi in me manséritis. Ego sum vitis, vos pálmítes; qui manet in me, et ego in eo, hic fert fructum multum, quia sine me nihil potéstis fácere.

Si quis in me non mánserit, missus est foras sicut palmes et áruit, et cólligunt eos, et in ignem mittunt, et ardent. Si manséritis in me, et verba mea in vobis mánserint, quodcúmque voluérítis pétíte, et fiet vobis.

In hoc glorificátus est Pater meus, ut fructum multum afferátis et efficiámini mei discípuli ».

Verbum Dómini.

### 33. PRO MORIENTIBUS

Ant. ad introitum

Rom 14, 7-8

Nemo nostrum sibi vivit, et nemo sibi móritur:

sive enim vivimus, Dómino vivimus;

sive mórimur, Dómino mórimur.

Sive ergo vivimus sive mórimur, Dómini sumus.

Vel:

Cf. Is 53, 4

Vere languóres nostros Dóminus tulit,

et dolóres nostros ipse portávit.

Collecta

Omnípotens et miséricors Deus,

qui humano géneri, per ipsum mortis institútum,

ætérnae vitæ áditum misericórditer reserásti,

réspice propítius fámulum tuum

extrémo agóne laborántem,

ut, consociátus Fílii tui passióni

et eius ságuine signátus,

tibi váleat immaculátus præsentári. Per Dóminum.

Vel, pro hodie morituris:

Omnípotens et miséricors Deus,

qui amórem tuum creatúris ómnibus ubique maniféscas,

audi benigne preces

quas pro hódie moritúris effúndimus,

ut, pretiósó ságuine Fílii tui redémpti,

absque peccáti mácula de hoc mundo váleant exíre

atque in sinu misericórdiæ tuæ perénniter requiéscere.

Per Dóminum.

Pro lectionibus sumuntur textus aptiores ex iis qui proponuntur in Missis pro infirmis, 1497-1505, vel ad postulandam gratiam bene moriendi, pp. 1558-1560.

### Super oblata

Súscipe, Deus, hóstiam, quam tibi pro fámulo tuo in extrémō vitæ constitúto fidénter offérimus, et da per eam univérſa illíus delícta purgári, ut, qui tuæ dispositiónis ærúm̄nis in hac vita prémitur, in futúra réquiem consequátur ætérnam. Per Christum.

### Ant. ad communionem

Col 1, 24

Adímpleo, quæ desunt passiónum Christi in carne mea, pro córpore eius, quod est Ecclésia.

### Vel:

Io 6, 54

Qui mandúcat meam carnem et bibit meum sánguinem, habet vitam ætérnam, dicit Dóminus, et ego resuscitábo eum in novíssimo die.

### Post communionem

Per huius, Dómine, sacraménti virtútem, fámulum tuum dignáre cleménter tua grátia sustinére, ut in hora mortis contra se inimícum prævalére non vídeat, sed cum Angelis tuis tránsitum habére mereátur ad vitam. Per Christum.

## 34. TEMPORE TERRÆMOTUS

### Collecta

Deus, qui fundásti terram super stabilitátem suam, parce metuéntibus, propitiáre supplicibus, ut, treméntis terræ perículis pénitus amótiſ, cleméntiam tuam iúgiter sentiámus, et, tua protectióne secúri, tibi serviámus gratánter. Per Dóminum.



**35. AD PETENDAM PLUVIAM**

Collecta

**Deus, in quo vivimus, movémur et sumus,  
plúviam nobis tribue congruéntem,  
ut, præsentibus subsidiis sufficiénter adiúti,  
sempitérna fiduciálius appetámus.**

**Per Dóminum.****36. AD POSTULANDAM SERENITATEM**

Collecta

**Omnípotens sempitérne Deus,  
qui nos et castigándo sanas  
et ignoscéndo consérvas,  
præsta supplicibus tuis,  
ut optáta áeris serenitáte lætémur,  
et pietátis tuæ donis  
ad glóriam nóminis tui salutémque nostram  
semper utámur.**

**Per Dóminum.****37. AD REPELLENDAS TEMPESTATES**

Collecta

**Deus, cuius nutu univérssa obcédiunt eleménta,  
te súpplices exorámus,  
ut, sedátis terréntibus procéllis,  
in matériam tránseat laudis comminátio potestátis.**

**Per Dóminum.**

**38. IN QUACUMQUE NECESSITATE****A**

Ant. ad introitum

**Salus pópuli ego sum, dicit Dóminus:  
de quacúmque tribulatióne clamáverint ad me,  
exáudiam eos, et ero illórum Dóminus in perpétuum.**

Collecta

**Deus, refúgium nostrum in labóribus,  
virtus in languóribus, solámen in flétibus,  
parce pópulo tuo, ut, dignis flagellatió nibus castigátus,  
in tua miseratióne dénique respíret.  
Per Dóminum.**

Lectiones ut infra, pp. 1511-1519.

Super oblata

**Súscipe, quáesumus, Dómine, preces et oblatiões nostras,  
ut, qui peccatórum nostrórum flagéllis percútimur,  
miseratiónis tuæ grátia liberémur.  
Per Christum.**

Ant. ad communionem

Mt 11, 28

**Veníte ad me, omnes qui laborátis et oneráti estis,  
et ego reficiam vos, dicit Dóminus.**

Post communionem

**Tribulatió nem nostram,  
quáesumus, Dómine, propítius réspice,  
et iram tuæ indignatió nis,  
quam pro peccátis nostris iuste merémur,  
per passió nem Fílii tui, propitiátus avérte.  
Per Christum.**

**B**

Ant. ad introitum

Ps 43, 24-27

**Exsúrge, quare obdórmis, Dómine?****Exsúrge, et ne repéllas in finem.****Quare fáciem tuam avértis,  
oblivísceris tribulatióem nostram?****Adhésit in terra venter noster:****exsúrge, Dómine, ádiuva nos****et rédime nos propter mísericórdiam tuam.**

Collecta

**Omnípotens et miséricors Deus,  
afflictiónem nostram propitiátus inténde,  
et ita filiórum tuórum onus álleva fidémque confírma,  
ut in patérna semper providéntia tua  
sine dubitatióne confidant. Per Dóminum.**

Lectioes ut infra, pp. 1511-1519.

Super oblata

**Súscipe, Dómine, múnera, quæ tibi fidénte offerimus,  
et, quam mæroris amaritúdinem sustinémus,  
fac ut in suavítatis sacrificium convertátur. Per Christum.**

Ant. ad communionem

Io 16, 23-24

**Si quid petiéritis Patrem in nómine meo, dabit vobis.  
Pétite et accipiétis, ut gáudium vestrum sit plenum,  
dicit Dóminus.**

Post communionem

**Te súpplíces, Dómine, exorámus,  
ut, dápius recreáti munitíque divínis,  
et futúros labóres fórtiter ággredi valeámus,  
et fratres in pressúra pósitos impénsius confirmémus.  
Per Christum.**

Lectio prima

1

*Converte luctum nostrum in gaudium.*

Lectio libri Esther

13, 8-11. 16-17

In diébus illis:

Mardochéus deprecátus est Dóminum, memor ómnium óperum eius, et dixit: « Dómine, Dómine, rex omnípotens, in diciónem enim tua cuncta sunt pósita; et non est qui possit tuæ resistere voluntáti, si decreveris salváre Israel. Tu fecísti cælum et terram, et quidquid cæli ámbitu continétur. Dóminus ómnium es, nec est qui resistat maiestáti tuæ.

Ne despicias partem tuam, quam redemísti tibi de Ægýpto. Exáudi deprecationem meam, et propítius esto sorti et funículo tuo; et convérte luctum nostrum in gáudium, ut vivéntes laudémus nomen tuum, Dómine, et ne claudas ora te canéntium ». — Verbum Dómini.

**Psalmus responsorius** Ps 84, 2-4. 5-6. 7-8 (R.: 8)

R. Osténde nobis, Dómine, misericórdiam tuam,  
et salutáre tuum da nobis.

Complacuísti tibi, Dómine, in terra tua,  
convertísti captivitátem Iacob.

Remisísti iniquitátem plebis tuæ,

operuísti ómnia peccáta eórum.

Contraxísti omnem iram tuam,

revertísti a furóre indignatiónis tuæ. R.

Convérte nos, Deus, salutáris noster,

et avérte iram tuam a nobis.

Numquid in ætérnum irascéris nobis,

aut exténdes iram tuam a generatióne in generatióne? R.

- <sup>7</sup> Nonne tu convérsus vivificábis nos,  
et plebs tua lætábitur in te?
- <sup>8</sup> Osténde nobis, Dómine, misericórdiam tuam,  
et salutáre tuum da nobis. *ꝛ.*

## 2

*Bonum est præstolari cum silentio salutare Dei.*

Léctio libri Lamentatiónum

3, 17-26

Repúlsa est a pace ánima mea, oblítus sum bonórum, et dixi: « Périit finis meus, et spes mea a Dómino ».

Recordáre paupertátis et transgressiónis meæ, absínthii et fellis; memória memor ero et tabéscet in me ánima mea: hæc récolens in corde meo, ídeo sperábo.

Misericórdiæ Dómini, quia non sumus consúpti, quia non defecérunt miseratiónes eius. Novi dilúculo, multa est fides tua.

« Pars mea Dóminus », dixit ánima mea; proptérea exspectábo eum.

Bonus est Dóminus sperántibus in eum, ánimæ quærénti illum; bonum est præstolari cum siléntio salutáre Dei. — Verbum Dómini.

Psalmus responsorius

Ps 79, 2 ac et 3 b. 5-7 (*ꝛ.*: 4 b)

*ꝛ.* Illústra fáciem tuam, Dómine, et salvi érimus.

- <sup>2</sup> Qui pascis Israel, inténde,  
qui sedes super chérubim, effúlge,
- <sup>3</sup> éxcita poténtiam tuam, et veni. *ꝛ.*
- <sup>5</sup> Dómine Deus virtútum,  
quoúsque irascéris super oratióem pópuli tui?

- 6 Cibásti nos pane lacrimárum,  
et potum dedísti nobis in lácrimis copióse.
- 7 Posuísti nos in contradicciónem vicínis nostris,  
et inimíci nostri subsannavérunt nos. R̄.

3

*Erue nos in mirabilibus tuis.*

Léctio libri Daniélis prophétæ

3, 25. 34-43

In diébus illis:

Stans Azarias orávit sic, aperiénsque os suum in médio ignis ait: « Ne, quésumus, tradas nos in perpétuum propter nomen tuum, et ne dissipes testaméntum tuum, neque áuferas misericórdiam tuam a nobis, propter Abraham diléctum tuum, et Isaac servum tuum, et Israel sanctum tuum, quibus locútus es póllicens quod multiplicáres semen eórum sicut stellas cæli et sicut arénam, quæ est in lítore maris.

Quia, Dómine, imminúti sumus plus quam omnes gentes, sumúsque húmiles in univérsa terra hódie propter peccáta nostra, et non est in témpore hoc princeps et dux et prophéta, neque holocáustum neque sacrificium neque oblátio neque incénsum neque locus primitiárum coram te, ut possimus inveníre misericórdiam tuam; sed in ánimo contríto et spírítu humilitátis suscipiámur.

Sicut in holocáusto arietum et taurórum, et sicut in mílibus agnórum pínguium, sic fiat sacrificium nostrum in conspéctu tuo hódie, ut pláceat tibi, quóniam non est confúsió confidéntibus in te.

Et nunc séquimur te in toto corde, et timémus te, et quærimus fáciem tuam. Ne confúndas nos, sed fac nobíscum iuxta mansuetúdinem tuam et secúndum mul-

titúdinem misericórdiæ tuæ, et érue nos in mirabílibus tuis, et da glóriam nómini tuo, Dómine ».

Verbum Dómini.

**Psalmus responsorius**

**Ps 122, 1. 2 (R.: 3 a)**

**R.** Miserére nostri, Dómine, miserére nostri.

**1** Ad te levávi óculos meos,  
qui hábitas in cælis. **R.**

**2** Ecce sicut óculi servórum  
ad manus dominórum suórum,  
sicut óculi ancíllæ ad manus dómínæ suæ,  
ita óculi nostri ad Dóminum Deum nostrum,  
donec misereátur nostri. **R.**

**4**

*Neque luctus, neque clamor, neque dolor  
erit ultra.*

Léctio libri Apocalýpsis beáti Ioánnis apóstoli

**21, 1-5 a. 6 b-7**

Ego Ioánnes vidi cælum novum et terram novam. Primum enim cælum et prima terra abiérunt, et mare iam non est. Et civitátem sanctam Ierúsalem novam vidi descendéntem de cælo a Deo, parátam sicut sponsam ornátam viro suo.

Et audívi vocem magnam de throno, dicéntem: « Ecce tabernáculum Dei cum homínibus, et habitábit cum eis; et ipsi pópuli eius erunt, et ipse Deus cum eis erit eórum Deus; et abstérget omnem lácrimam ab óculis eórum, et mors ultra non erit, neque luctus neque clamor neque dolor erit ultra: quia prima abiérunt ».

Et dixit qui sedébat super throno: « Ecce nova

fácio ómnia. Ego sum alpha et ómega, princípium et finis. Ego sitiénti dabo de fonte aquæ vitæ gratis. Qui vícerit hereditábit hæc, et ero illi Deus et ille erit mihi filius ». — Verbum Dómini.

**Psalmus responsorius** Ps 122, 1. 2 (R.: cf. 2 cd)

R. Oculi nostri ad Dóminum, donec misereátur nostri.

Ad te levávi óculos meos,  
qui hábitas in cælis. R.

Ecce sicut óculi servórum  
ad manus dominórum suórum,  
sicut óculi ancillæ ad manus dóminæ suæ,  
ita óculi nostri ad Dóminum Deum nostrum,  
donec misereátur nostri. R.

### Lectio secunda

#### 1

*Diligentibus Deum omnia cooperantur in bonum.*

Léctio Epístolæ beáti Pauli apóstoli ad Romános

8, 18-30

Fratres:

Existimo quod non sunt condígnæ passiónes huius témporis ad futúram glóriam quæ revelánda est in nobis. Nam exspectátio creatúre revelatióem filiórum Dei exspectat. Vanitati enim creatúra subiécta est, non volens, sed propter eum qui subiécit eam in spe: quia et ipsa creatúra liberábitur a servitúte corruptiónis, in libertátem glóriæ filiórum Dei.

Scimus enim quod omnis creatúra congemíscit et compárturit usque adhuc. Non solum autem, sed et



nos ipsi primitias Spíritus habentes, et ipsi intra nos gémimus adoptiónem filiórum exspectantes, redemptiónem córporis nostri.

Spe enim salvi facti sumus. Spes autem quæ videtur non est spes; nam quod videt quis sperat? Si autem quod non vidémus sperámus, per patiéntiam exspectámus.

Similiter autem et Spíritus ádiuvat infirmitátem nostram: nam quid orémus sicut opórtet, nescimus; sed ipse Spíritus interpéllat gemítibus inenarrábilibus. Qui autem scrutátur corda scit quid desíderet Spíritus, quia secúndum Deum póstulat pro sanctis.

Scimus autem quóniam diligentibus Deum ómnia cooperántur in bonum, his qui secúndum propósitum vocáti sunt. Nam quos præscívit, et prædestinávit cóformes fieri imáginis Filii eius, ut sit ipse primogénitus in multis frátribus.

Quos autem prædestinávit, hos et vocávit; et quos vocávit, hos et iustificávit; quos autem iustificávit, illos et glorificávit. — Verbum Dómini.

## 2

*Neque mors neque vita poterit nos separare  
a caritate Dei.*

Léctio Epístolæ beáti Pauli apóstoli ad Romános

8, 31 b-39

Fratres:

Si Deus pro nobis, quis contra nos? Qui Filio suo non pepércit, sed pro nobis ómnibus trádidit illum, quómodo non étiam cum illo ómnia nobis donábit?

Quis accusábit advérsus eléctos Dei? Deus qui iustificat; quis est qui condémnet? Christus Iesus, qui

mórtuus est, immo qui suscitátus est, qui et est ad dexteram Dei, qui étiam interpéllat pro nobis.

Quis nos separábit a caritaté Christi? tribulátio, an angústia, an persecútio, an fames, an núditas, an periculum, an gládus? Sicut scriptum est: « Propter te mortificámur tota die, æstimáti sumus ut oves occisiónis ».

Sed in his ómnibus supervíncimus per eum qui diléxit nos. Certus sum enim quia neque mors neque vita, neque ángeli neque principátus, neque instántia neque futúra, neque virtútes, neque altitúdo neque profúndum, neque ália quælibet creatúra póterit nos separáre a caritaté Dei, quæ est in Christo Iesu Dómino nostro. — Verbum Dómini.

3

*Beatus vir, qui suffert tentationem.*

Léctio Epístolæ beáti Iacóbi apóstoli 1, 2-4. 12

Omne gáudium existimáte, fratres mei, cum in tentatióibus váriis incidéritis, sciéntes quod probátio fidei vestræ patiéntiam operátur. Patiéntia autem opus perfectum hábeat, ut sitis perfecti et integri in nullo deficientes.

Beátus vir, qui suffert tentatiónem, quia, cum probátus fúerit, accípiet corónam vitæ, quam repromísit Deus diligéntibus se. — Verbum Dómini.

Evangelium

1

Alleluia et Versus ante Evangelium Ps 32, 22

(R. Allelúia). γ. Fiat misericórdia tua, Dómine,  
super nos,  
quemádmódum sperávimus in te.  
(R. Allelúia).

*Omnis qui petit accipit.*

✠ Lécitio sancti Evangélii secúndum Matthæum

7, 7-11

In illo témpore:

Dixit Iesus discipulis suis: « Péтите, et dábitur vobis; quérite, et inveniétis; pulsáte, et aperiétur vobis.

Omnis enim qui petit áccipit, et qui quærit invenit, et pulsánti aperiétur.

Aut quis est ex vobis homo, quem si petierit fflius suus panem, numquid lápidem pórriget ei? aut si piscem petierit, numquid serpéntem pórriget ei?

Si ergo vos, cum sitis mali, nostis dona bona dare filiis vestris, quanto magis Pater vester, qui in cælis est, dabit bona peténtibus se ». — Verbum Dómini.

2

Alleluia et Versus ante Evangelium 2 Cor 1, 3 b-4 a

(R. Allelúia). γ. **Benedíctus Pater misericordiárum  
et Deus totíus consolatiónis,  
qui consolátur nos in omni tribulatióne  
nostra. (R. Allelúia).**

*Quis est iste, quia et ventus et mare obædiunt ei?*

✠ Lécitio sancti Evangélii secúndum Marcum 4, 35-40

In illa die, cum sero esset factum, ait Iesus discipulis suis: « Transeámus contra ». Et dimitténtes turbam, assúmunt eum ut erat in navi, et áliæ naves erant cum illo.

Et exóritur procélla magna venti, et fluctus mitébant in navem ita ut iam implerétur navis.

Et erat ipse in puppi supra cervícal dórmiens; et

excitant eum et dicunt ei: « Magister, non ad te pertinet quia perimus? »

Et exsurgens comminatus est vento, et dixit mari: « Tace, obmutésce ». Et cessavit ventus, et facta est tranquillitas magna.

Et ait illis: « Quid tímidi estis? necdum habétis fidem? » Et timuérunt magno timóre, et dicébant ad alterutrum: « Quis, putas, est iste, quia et ventus et mare obcédiunt ei? » — Verbum Dómini.

3

Alleluia et Versus ante Evangelium Iac 1, 12

(R. Allelúia). V. Beátus vir, qui suffert tentatiónem, quóniam, cum probátus fúerit, accípiet corónam vitæ. (R. Allelúia).

*Deus faciet vindictam electorum suorum clamantium ad se.*

✠ Lécio sancti Evangélli secúndum Lucam 18, 1-8

In illo témpore:

Dicébat Iesus discíplis suis parábolam, quóniam opórtet semper oráre et non deficere, dicens: « Iudex quidam erat in quadam civitáte, qui Deum non timébat et hómínem non reverebátur.

Vídua autem erat in civitáte illa; et veniébat ad eum dicens: " Vídica me de adversário meo ". Et nolébat per multum tempus.

Post hæc autem dixit intra se: " Etsi Deum non tímeo nec hómínem revéreor, tamen, quia molésta est mihi hæc vídua, vindicábo illam, ne in novíssimo véniens suggílet me " ».

Ait autem Dóminus: « Audíte quid iudex iniquitátis dicit. Deus autem non fáciat vindíctam electórum

suorum clamantium ad se die ac nocte, et patientiam habebit in illis?

Dico vobis: cito faciet vindictam illorum. Verumtamen Filius hominis veniens, putas, inveniet fidem in terra? » — Verbum Domini.

### 39. PRO GRATIIS DEO REDDENDIS

#### A

Ant. ad introitum

Eph 5, 19-20

Cantate et psallite in cordibus vestris Domino,  
gratias agentes semper pro omnibus  
in nomine Domini nostri Iesu Christi Deo et Patri.

Collecta

Deus, qui famulos tuos in tribulatione positos  
semper miseratus exaudis,  
pro benignitate tua gratias agentes,  
te supplices deprecamur,  
ut, liberi a malis omnibus,  
in gaudio tibi iugiter serviamus.  
Per Dominum.

Lectiones ut infra, pp. 1522-1535.

Super oblata

Domine, qui Filium tuum dedisti nobis,  
ut nos a morte omnique malo benignus eriperet,  
quaesumus, ut hoc sacrificium clementer accipias,  
quod ab aeternis liberi  
tibi in gratiarum offerimus actionem.  
Per Christum.

Præfatio communis IV, ut infra:

**γ. Dóminus vobíscum.**

**ϩ. Et cum spírítu tuo.**

**γ. Sursum corda.**

**ϩ. Habémus ad Dóminum.**

**γ. Grátias agámus Dómino Deo nostro.**

**ϩ. Dignum et iustum est.**

**Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:**

**Quia, cum nostra laude non égeas,  
tuum tamen est donum quod tibi grates rependámus,  
nam te non augent nostra præcónia,  
sed nobis profíciunt ad salutém,  
per Christum Dóminum nostrum.**

**Et ídeo, choris angélicis sociáti,  
te laudámus in gáudio confiténtes: Sanctus ...**

**Ant. ad communionem**

**Ps 137, 1**

**Confitébor tibi, Dómine, in toto corde meo,  
quóniam audísti verba oris mei.**

**Vel:**

**Ps 115, 12-13**

**Quid retríbuam Dómino  
pro ómnibus quæ retríbuit mihi?  
Cálicem salutáris accípíam, et nomen Dómini invocábo.**

**Post communionem**

**Omnípotens Deus, qui per hunc panem vitæ  
fámulos tuos et a peccáti vínculo liberáre  
et vires eórum dignáris tua pietáte refícere,  
da nobis in spem glóriæ sine intermissióne profícere.  
Per Christum.**

**B - Aliæ orationes****Collecta**

**Deus, Pater donórum ómnium,  
a quo descéndere confitémur  
quidquid habémus aut sumus,  
benefícia doce nos imménsæ tuæ pietátis agnóscere,  
ac te sincéro corde totáque nostra virtúte diligere.  
Per Dóminum.**

**Super oblata**

**Pro collátis donis  
sacrificíum tibi, Dómine, laudis offérimus,  
suppliciter deprecántes,  
ut quod imméritis contulísti  
ad nóminis tui glóriam referámus. Per Christum.**

**Post communionem**

**Deus, qui nobis in cibum spiritálem reddidísti  
Fílii tui sacraméntum salutáre,  
quod tibi in actiónem obtúlimus gratiárum,  
da nobis ita virtútis et gáudii munéribus confirmári,  
ut tibi servíre devótius  
et nova benefícia cónsequi mereámur. Per Christum.**

---

**Lectio prima**
**1**

*Benedictus Dominus, qui dedit requiem populo suo.*

**Léctio libri primi Regum**

**8, 55-61**

**In diébus illis:**

**Stetit Sálomon rex et benedíxit omni ecclésiæ Israel**

voce magna, dicens: « **Benedíctus Dóminus, qui dedit réquiem pópulo suo Israel, iuxta ómnia quæ locútus est; non cécidit ne unus quidem sermo ex ómnibus bonis, quæ locútus est per Móysen servum suum.**

Sit Dóminus Deus noster nobíscum, sicut fuit cum pátribus nostris, non derelínquens nos neque próiciens; sed inclínet corda nostra ad se, ut ambulémus in univérsis viis eius, et custodiámus mandáta eius et cæremónias eius et iudícia, quæcúmque mandávit pátribus nostris.

Et sint sermónes mei isti, quibus deprecátus sum coram Dómino, appropinquántes Dómino Deo nostro die ac nocte, ut fáciat iudícium servo suo et pópulo suo Israel per singulos dies, ut sciant omnes pópuli terræ quia Dóminus ipse est Deus et non est ultra absque eo.

Sit quoque cor nostrum perféctum cum Dómino Deo nostro, ut ambulémus in decretis eius, et custodiámus mandáta eius sicut et hódie ». — Verbum Dómini.

Psalmus responsorius, ut supra, p. 801.

## 2

*Deus magna fecit in omni terra.*

Léctio libri Sirácidæ

50, 24-26

Oráte Deum ómnium, qui magna fecit in omni terra, qui auxit dies nostros a ventre matris nostræ, et fecit nobíscum secúndum suam misericórdiam.

Det nobis iucunditátem cordis, et fieri pacem in diébus nostris in Israel per dies sempitérnos; crédere Israel nobíscum esse Dei misericórdiam, ut líberet nos in diébus suis. — Verbum Dómini.



## Psalmus responsorius

Ps 137, 1-2 a. 2 bc-3. 4-5 (R.: 2 bc)

R. Confitébor nómini tuo, Dómine,  
propter misericórdiam tuam et veritátem tuam.

<sup>1</sup> Confitébor tibi, Dómine, in toto corde meo,  
quóniam audísti verba oris mei.

<sup>2</sup> In conspéctu angelórum psallam tibi,  
adorábo ad templum sanctum tuum. R.

Et confitébor nómini tuo  
propter misericórdiam tuam et veritátem tuam.

<sup>3</sup> In quacúmque die invocávero te, exáudi me;  
multiplicábis in ánima mea virtútem. R.

<sup>4</sup> Confitebúntur tibi, Dómine, omnes reges terræ,  
quia audiérunt elóquia oris tui.

<sup>5</sup> Et cantábunt vias Dómini,  
quóniam magna est glória Dómini. R.

## 3

*Recordabor laudem Domini super multitudinem  
bonorum domui Israel.*

Léctio libri Isaíæ prophétæ

63, 7-9

Miseratiónum Dómini recordábor, laudem Dómini super ómnibus, quæ réddidit nobis Dóminus, et super multitudínem bonórum dómui Israel, quæ largítus est eis secúndum indulgéntiam suam et secúndum multitudínem misericordiárum suárum.

Et dixit: « Verúmtamen pópulus meus est, filii non negántes »; et factus est eis salvátor. In omni tribulatióne eórum non est tribulátus, et ángelus faciéi eius

salvavit eos. In dilectione sua et in indulgentia sua ipse redemit eos, et portavit eos et elevavit eos cunctis diebus sæculi. — Verbum Dómini.

Psalmus responsorius

Ps 144, 2-3. 4-5. 6-7. 8-9. 10-11 (R.: 1 b)

R. Benedicam nómini tuo, Dómine, in ætérnum.

- 2 Per síngulos dies benedicam tibi,  
et laudábo nomen tuum  
in sæculum et in sæculum sæculi.
- 3 Magnus Dóminus et laudábilis nimis,  
et magnitúdinis eius non est investigátió. R.
- 4 Generátio generatióni laudábit ópera tua,  
et poténtiam tuam pronuntiábunt.
- 5 Magnificéntiam glóriæ maiestátis tuæ loquéntur,  
et mirábilia tua enarrábunt. R.
- 6 Et virtútem terribílium tuórum dicent,  
et magnitúdinem tuam narrábunt.
- 7 Memóriam abundántiæ suavitatís tuæ eructábunt,  
et iustítia tua exsultábunt. R.
- 8 Miserátor et miséricors Dóminus,  
longánimis et multæ misericórdiæ.
- 9 Suávis Dóminus univérsis,  
et miseratiónes eius super ómnia ópera eius. R.
- 10 Confiteántur tibi, Dómine, ómnia ópera tua;  
et sancti tui benedicant tibi.
- 11 Glóriam regni tui dicant,  
et poténtiam tuam loquántur. R.

*Rex Israel Dominus in medio tui.*

Léctio libri Sophoniæ prophétæ

3, 14-15

Lauda, fflia Sion; iúbila, Israel; lætáre et exsúlta in omni corde, fflia Ierúsalem: ábstulit Dóminus iudícium tuum, avértit inimícos tuos; rex Israel Dóminus in médio tui, non timébis malum ultra.

Verbum Dómini.

Psalmus responsorius Ps 112, 1-2. 3-4. 5-6. 7-8 (R.: 2)

R. Sit nomen Dómini benedíctum in sácula.  
vel Allehúia.

<sup>1</sup> Laudáte, púeri Dómini,  
laudáte nomen Dómini.

<sup>2</sup> Sit nomen Dómini benedíctum  
ex hoc nunc et usque in sáculum. R.

<sup>3</sup> A solis ortu usque ad occásum  
laudábile nomen Dómini.

<sup>4</sup> Excélsus super omnes gentes Dóminus,  
super cælos glória eius. R.

<sup>5</sup> Quis sicut Dóminus Deus noster,  
qui in altis hábitat,

<sup>6</sup> et humília réspicit  
in cælo et in terra? R.

<sup>7</sup> Súscitans de terra ínopem,  
de stércore érigens páuperem,  
<sup>8</sup> ut cóllocet eum cum princípibus,  
cum princípibus pópuli sui. R.

Lectio secunda

1

*Gratias ago Deo meo semper pro vobis.*

Lectio Epistolæ primæ beāti Pauli apóstoli  
ad Corínthios 1, 3-9

Fratres:

Grátia vobis et pax a Deo Patre nostro et Dómino Iesu Christo.

Grátias ago Deo meo semper pro vobis, in grátia Dei, quæ data est vobis in Christo Iesu; quia in ómnibus dívites facti estis in illo, in omni verbo et in omni sciéntia, sicut testimónium Christi confirmátum est in vobis.

Ita ut nihil vobis desit in ulla donatióne, expectántibus revelatióne Dómini nostri Iesu Christi; qui et confirmábit vos usque ad finem sine crímine, in die Dómini nostri Iesu Christi.

Fidélis Deus, per quem vocáti estis in communióne Fílii eius Iesu Christi Dómini nostri.

Verbum Dómini.

2

*In laudem gloriæ gratiæ suæ.*

Lectio Epistolæ beāti Pauli apóstoli ad Ephésios  
1, 3-14

Benedíctus Deus et Pater Dómini nostri Iesu Christi, qui benedíxit nos in omni benedictióne spiritáli in cæléstibus in Christo; sicut elégit nos in ipso ante mundi constitutióne, ut essémus sancti et immaculáti

in conspéctu eius in caritaté; qui prædestinávit nos in adoptionem filiórum per Iesum Christum in ipsum, secúndum beneplácitum voluntátis suæ, in laudem glóriæ grátiae suæ, in qua gratificávit nos in Dilécto.

In quo habémus redemptionem per sánguinem eius, remissionem peccatórum, secúndum divítias grátiae eius, qua superabundávit in nobis in omni sapiéntia et prudentia; notum fáciens nobis mystérium voluntátis suæ, secúndum beneplácitum eius, quod propósuit in eo, in dispensationem plenitúdinis téporum, recapituláre ómnia in Christo, quæ in cælis et quæ in terra.

In ipso, in quo étiam sorte vocáti sumus, prædestináti secúndum propósitum eius, qui ómnia operátur secúndum consílium voluntátis suæ, ut simus in laudem glóriæ eius, qui ante sperávimus in Christo; in quo et vos, cum audissétis verbum veritatís, Evangélium salutis vestræ, in quo et credéntes signáti estis Spíritu promissionis Sancto, qui est árrabon hereditátis nostræ, in redemptionem acquisitionis, in laudem glóriæ ipsius. — Verbum Dómini.

## 3

*Gratias agentes Deo Patri per Christum.*

Léctio Epístolæ beáti Pauli apóstoli ad Colossénes

3, 12-17

Fratres:

Indúite vos sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, patiéntiam, supportántes ívicem et donántes vobis ipsis, si quis advérsus áliquem habet querélam: sicut et Dóminus donávit vobis, ita et vos.

Super ómnia autem hæc caritatém, quod est vinctulum perfectiónis; et pax Christi dominétur in córdi-

bus vestris, ad quam et vocáti estis in uno córpore; et grati estóte.

Verbum Christi hábitet in vobis abundánte, in omni sapiéntia docétes et commonétes vosmetípsos psalmis, hymnis et cánticis spiritalibus, in grátia cantátes in córdibus vestris Deo. Et omne quodcúmque fáctis in verbo aut in ópere, ómnia in Nómine Dómini Iesu, grátias agétes Deo Patri per ipsum.

Verbum Dómini.

## Evangelium

### 1

Alleluia et Versus ante Evangelium Ps 137, 1 bc

(R. Allelúia). γ. Confitebor tibi, Dómine,  
in toto corde meo,  
quóniam audísti verba oris mei.  
(R. Allelúia).

*Omnis qui petit accipit.*

✠ Lécio sancti Evangélii secúndum Mattháeum

7, 7-11

In illo témpore: Dixit Iesus discíplis suis:

« Pétite, et dábitur vobis; quérite, et inveniétis; pulsáte, et aperiétur vobis. Omnis enim qui petit áccipit, et qui quærit invenit, et pulsánti aperiétur.

Aut quis est ex vobis homo, quem si petíerit fílius suus panem, numquid lápidem pórriget ei? aut si píscem petíerit, numquid serpéntem pórriget ei? Si ergo vos, cum sitis mali, nostis dona bona dare fíliis vestris, quanto magis Pater vester, qui in cælis est, dabit bona peténtibus se ». — Verbum Dómini.

## 2

Alleluia et Versus ante Evangelium Cf. Mt 11, 25

(R. Allelúia). γ. **Benedíctus es, Pater,  
Dómine cæli et terræ,  
quia mystéria Regni párvulis revelásti.  
(R. Allelúia).**

*Abscondisti hæc a sapientibus  
et revelasti ea parvulis.*

✠ **Léctio sancti Evangélii secúndum Matthæum**

11, 25-30

In illo témpore, respóndens Iesus dixit: « **Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis.**

**Ita, Pater, quóniam sic fuit plácitum ante te. Omnia mihi trádicta sunt a Patre meo; et nemo novit Fílium, nisi Pater; neque Patrem quis novit, nisi Fílius, et cui volúerit Fílius reveláre.**

**Veníte ad me, omnes qui laborátis et onerátí estis, et ego reficiam vos.**

**Tóllite iugum meum super vos, et discite a me quia mitis sum et húmilis corde; et " inveniétis réquiem animábus vestris "; iugum enim meum suáve et onus meum leve est ».**

**Verbum Dómini.**

## 3

Alleluia et Versus ante Evangelium Cf. Ps 65, 16

(R. Allelúia). γ. **Veníte, audíte, et narrábo vobis  
quanta fecit Dóminus ánimæ meæ.  
(R. Allelúia).**

*Annuntia quanta tibi Dominus fecerit.*

✠ Lécio sancti Evangélii secúndum Marcum 5, 18-20

In illo témpore:

Cum ascénderet Iesus navem, qui dæmónio vexátus fúerat deprecabátur eum ut esset cum illo.

Et non admísit eum, sed ait illi: « Vade in domum tuam ad tuos, et annúntia illis quanta tibi Dóminus fécerit, et misértus sit tui ».

Et ábiit et cœpit prædicáre in Decápoli quanta sibi fecisset Iesus, et omnes mirabántur. — Verbum Dómini.

4

Alleluia et Versus ante Evangelium Lc 1, 49

(*ñ. Allelúia*). *γ.* Fecit mihi magna qui potens est, et sanctum nomen eius. (*ñ. Allelúia*).

*Magnificat anima mea Dominum.*

✠ Lécio sancti Evangélii secúndum Lucam 1, 39-55

Exsúrgens María in diébus illis ábiit in montána cum festinátione, in civitátem Iudæ. Et intrávit in domum Zachariæ et salutávit Elísabeth.

Et factum est, ut audívit salutatiónem Mariæ Elísabeth, exsultávit infans in útero eius, et repléta est Spíritu Sancto Elísabeth, et exclamávit voce magna, et dixit:

« Benedícta tu inter mulieres, et benedíctus fructus ventris tui. Et unde hoc mihi, ut véniat mater Dómini mei ad me? Ecce enim, ut facta est vox salutatiónis tuæ in áuribus meis, exsultávit in gáudio infans in útero meo. Et beáta quæ crédidit, quóniam perficiéntur ea quæ dicta sunt ei a Dómino ».



Et ait María:

« Magnificat ánima mea Dóminum, et exultávit spíritus meus in Deo Salvatóri meo, quia respéxit humilitátem ancillæ suæ.

Ecce enim ex hoc beátam me dicent omnes generatiónes: quia fecit mihi magna qui potens est, et sanctum Nomen eius, et misericórdia eius in progénies et progénies timéntibus eum.

Fecit poténtiam in bráccio suo, dispérsit supérbos mente cordis sui, depósuit poténtes de sede et exaltávit húmiles, esuriéntes implévit bonis et dívites dimísit inánes.

Suscépit Israel púerum suum, memorári misericórdiæ, sicut locútus est ad patres nostros, Abraham et sémini eius in sécula ». — Verbum Dómini.

## 5

Alleluia et Versus ante Evangelium Cf. Mt 11, 25

(*R.* Allelúia). *γ.* Benedíctus es, Pater,  
Dómine cæli et terræ,  
quia mystéria Regni párvulis revelásti.  
(*R.* Allelúia).

*Gaudete quod nomina vestra scripta sunt in cælis.*

✠ Lécio sancti Evangélii secúndum Lucam 10, 17-24

In illo témpore:

Revérsi sunt ad Iesum septuagínta duo cum gáudio dicéntes: « Dómine, étiam dæmónia subiciúntur nobis in Nómine tuo ».

Et ait illis: « Vidébam Sátanam sicut fulgur de cælo cadéntem. Ecce dedi vobis potestátem calcánda supra serpéntes et scorpíones, et supra omnem virtútem ini-

míci; et nihil vobis nocébit. Verúmtamen in hoc nolíte gaudére quia spíritus vobis subiciúntur; gaudéte autem quod nómina vestra scripta sunt in cælis ».

In ipsa hora exsultávit Spíritu Sancto et dixit: « Confíteor tibi, Pater, Dómine cæli et terræ, quod abscondísti hæc a sapiéntibus et prudéntibus, et revelásti ea párvulis. Etiam, Pater, quia sic plácuít ante te. Omnia mihi trádicta sunt a Patre meo. Et nemo scit qui sit Fílius, nisi Pater; et qui sit Pater, nisi Fílius et cui volúerit Fílius reveláre ».

Et convérsus ad discípulos seórsum dixit: « Beáti óculi qui vident quæ vidétis. Dico vobis: Multi prophétæ et reges voluérunt vidére quæ vos vidétis, et non vidérunt; et audíre quæ audítis, et non audíerunt ».

Verbum Dómini.

## 6

Alleluia et Versus ante Evangelium 1 Th 5, 18

(*R.* Allelúia). *V.* In ómnibus grátias ágite:  
hæc est enim volúntas Dei in Christo Iesu  
in ómnibus vobis. (*R.* Allelúia).

*Cecidit in faciem ante pedes eius,  
gratias agens ei.*

✠ Lécio sancti Evangélii secúndum Lucam 17, 11-19

In illo témpore:

Factum est, dum iret Iesus in Ierúsalem, transibat per médiám Samariám et Galiléam.

Et, cum ingrederétur quoddam castéllum, occurrérunt ei decem viri leprósi, qui stetérunt a longe et levavérunt vocem dicéntes: « Iesu præcéptor, miserére nostri ».

Quos ut vidit, dixit: « Ite, osténdite vos sacerdotibus ». Et factum est, dum irent, mundáti sunt.

Unus autem ex illis, ut vidit quia sanátus est, regressus est cum magna voce, magnificans Deum, et cecidit in fáciem ante pedes eius, grátias agens ei. Et hic erat Samaritánus.

Respóndens autem Iesus dixit: « Nonne decem mundáti sunt? et novem ubi sunt? Non sunt invénti qui redírent ut darent glóriam Deo, nisi hic alienígena? »

Et ait illi: « Surge, vade: fides tua te salvum fecit ». — Verbum Dómini.

## 7

Alleluia et Versus ante Evangelium Io 15, 11

(R. Allelúia). γ. Hæc locútus sum vobis, dicit Dóminus, ut gáudium meum in vobis sit, et gáudium vestrum impleátur.  
(R. Allelúia).

*Hæc mando vobis, ut diligatis invicem.*

✠ Lécio sancti Evangélii secúndum Ioánnem 15, 9-17

In illo témpore: Dixit Iesus discíplis suis:

« Sicut diléxit me Pater, et ego diléxi vos. Manéte in dileccióne mea. Si præcépta mea servavéritis, manébitis in dileccióne mea; sicut ego Patris mei præcépta servávi, et máneo in eius dileccióne.

Hæc locútus sum vobis, ut gáudium meum in vobis sit, et gáudium vestrum impleátur.

Hoc est præcéptum meum, ut diligátis invicem sicut diléxi vos. Maiórem hac dilecciónem nemo habet, ut ánimam suam quis ponat pro amícis suis.

Vos amíci mei estis, si faciétis quæ ego præcipio

vobis. Iam non dico vos servos, quia servus nescit quid facit dñus eius: vos autem dixi amicos, quia omnia quæ audivi a Patre meo, nota feci vobis.

Non vos me elegistis; sed ego elégi vos et pósui vos, ut vos eátis, et fructum afferátis, et fructus vester máneat; ut, quodcúmque petiérítis Patrem in Nómíne meo, det vobis.

Hæc mando vobis, ut diligátis ínvicem ».

Verbum Dómini.

## 8

Alleluia et Versus ante Evangelium

(R. Allelúia). γ. Te Deum laudámus,  
te Dóminum confitémur:  
te per orbem terrárum  
sancta confitétur Ecclésia.  
(R. Allelúia).

*Gaudium vestrum nemo tollit a vobis.*

✠ Lécio sancti Evangélii secúndum Ioánnem

16, 20-22

In illo témpore: Dixit Iesus discípulis suis:

« Amen, amen dico vobis, quia plorábitis et flébitis vos, mundus autem gaudébit. Vos contristabímíni, sed tristítia vestra vertétur in gáudium.

Múlier, cum parit, tristítiam habet, quia venit hora eius; cum autem pepérerit púerum, iam non méminit pressúræ propter gáudium, quia natus est homo in mundum.

Et vos ígitur nunc quidem tristítiam habétis; íterum autem vidébo vos, et gaudébit cor vestrum, et gáudium vestrum nemo tollet a vobis ».

Verbum Dómini.

## **IV. PRO QUIBUSDAM NECESSITATIBUS PARTICULARIBUS**

### **40. PRO REMISSIONE PECCATORUM**

Ant. ad introitum

Cf. Sap 11, 24. 25. 27

**Miseréris ómnium, Dómine,  
et nihil odísti eórum quæ fecísti,  
dissimulans peccáta hóminum propter pæniténtiam,  
et parcens illis, quia tu es Dóminus Deus noster.**

Collecta

**Súpplícum preces, quæsumus, Dómine,  
propitiátus exáudi,  
et confiténtium tibi parce peccátis,  
ut páriter nobis indulgéntiam tríbuas benígnus et pacem.  
Per Dóminum.**

Vel:

**Propitiáre, Dómine, pópulo tuo,  
et ab ómnibus absólve peccátis,  
ut, quod nostris offénsiónibus promerémur,  
tua indulgéntia repellátur.  
Per Dóminum.**

Lectiones ut infra, pp. 1538-1549.

Super oblata

**Hóstias tibi, Dómine,  
placatiónis et laudis offérimus,  
ut et delícta nostra miserátus absólvas,  
et nutántia corda tu dírigas.  
Per Christum.**

Præfatio IV de dominicis per annum, ut infra:

**℣. Dóminus vobíscum.**

**℞. Et cum spírítu tuo.**

**℣. Sursum corda.**

**℞. Habémus ad Dóminum.**

**℣. Grátias agámus Dómino Deo nostro.**

**℞. Dignum et iustum est.**

Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.

Ipse enim nascéndo vetustátem hóminum renovávit,  
patiéndo delévit nostra peccáta,  
ætérnæ vitæ áditum præstitit a mórtuis resurgéndo,  
ad te Patrem ascendéndo cæléstes iánuas reserávit.

Et ídeo, cum Angelórum atque Sanctórum turba,  
hymnum laudis tibi cánimus, sine fine dicétes:

Sanctus, Sanctus, Sanctus Dóminus Deus Sábaoth ...

**Ant. ad communionem**

**Lc 15, 10**

Gáudium erit coram Angelis Dei  
super uno peccatóre pæniténtiam agénte.

**Post communionem**

Præsta nobis, miséricors Deus,  
ut, percipiétes hoc múnere véniam peccatórum,  
illa deinceps vitáre tua grátia valeámus,  
et tibi sincéro corde servíre.  
Per Christum.

---

Lectio prima

1

*Revertatur ad Dominum, quoniam multus est  
ad ignoscendum.*

Lectio libri Isaíæ prophétæ

55, 6-9

Quærite Dóminum, dum inveníri potest; invocáte eum, dum prope est. Derelinquat ímpius viam suam, et vir iníquus cogitatiónes suas, et revertátur ad Dóminum et miserébitur eius; et ad Deum nostrum, quóniam multus est ad ignoscéndum.

Non enim cogitatiónes meæ cogitatiónes vestræ, neque viæ vestræ viæ meæ, dicit Dóminus. Quia sicut exaltántur cæli a terra, sic exaltátæ sunt viæ meæ a viis vestris, et cogitatiónes meæ a cogitatiónebus vestris.

Verbum Dómini.

Psalmus responsorius

Ps 102, 1-2. 3-4. 8-9. 11-12 (R.: 10 a)

R. Non secúndum peccáta nostra Dóminus fecit nobíscum.

- 1 Bénedic, ánima mea, Dómino;  
et ómnia quæ intra me sunt, nómini sancto eius.
- 2 Bénedic, ánima mea, Dómino,  
et noli oblivísci omnes retributiónes eius. R.
- 3 Qui propitiátur ómnibus iniquitatibus tuis,  
qui sanat omnes infirmitátes tuas;
- 4 qui rédimít de intéritu vitam tuam,  
qui coronat te in misericórdia et miseratiónebus. R.

Miserátor et miséricors Dóminus,  
longánimis et multæ misericórdiæ.  
Non in perpétuum conténdet,  
neque in ætérnum irascétur. R̄.

Quóniam, quantum exaltátur cælum a terra,  
præváluit misericórdia eius super tíméntes eum;  
quantum distat ortus ab occidénte,  
longe fecit a nobis iniquitátes nostras. R̄.

## 2

*Convertimini et agite pænitentiam ab omnibus  
iniquitatibus vestris.*

Léctio libri Ezechiélis prophétæ 18, 21-23. 30-32

Hæc dicit Dóminus:

« Si ímpius égerit pæniténtiam ab ómnibus peccá-  
tis suis, quæ operátus est, et custodierit ómnia præcépta  
mea et fécerit iudícium et iustítiam, vita vivet et non  
moriétur; ómnium iniquitátum eius, quas operátus est,  
non recordábor; in iustítia sua, quam operátus est, vivet.

Numquid voluntátis meæ est mors ímpii? dicit Dó-  
minus Deus, et non ut convertátur a viis suis et vivat?

Idcirco unumquémque iuxta vias suas iudicábo, do-  
mus Israel, ait Dóminus Deus.

Convertimini et ágite pæniténtiam ab ómnibus ini-  
quitátibus vestris, et non erit vobis in ruínam iniquitas;  
proícite a vobis omnes prævaricatiónes vestras, in qui-  
bus prævaricáti estis, et fácite vobis cor novum et spí-  
ritum novum; et quare moriémini, domus Israel?

Quia nolo mortem moriéntis, dicit Dóminus Deus,  
revertimini et vivite ».

Verbum Dómini.



Psalmus responsorius

Ps 50, 3-4. 5-6 a. 12-13. 14 et 17 (R.: cf. 3 a)

**R.** Miserére, Dómine, quia peccávimus.

**3** Miserére mei, Deus, secúndum misericórdiam tuam;  
et secúndum multitudínem miseratiónum tuárum  
dele iniquitátem meam.

**4** Amplius lava me ab iniquitáte mea,  
et a peccáto meo munda me. **R.**

**5** Quóniam iniquitátem meam ego cognósco,  
et peccátum meum contra me est semper.

**6** Tibi, tibi soli peccávi, et malum coram te feci. **R.**

**12** Cor mundum crea in me, Deus,  
et spíritum firmum ínnova in viscéribus meis.

**13** Ne prócias me a fácie tua,  
et spíritum sanctum tuum ne áuferas a me. **R.**

**14** Redde mihi lætítiam salutáris tui,  
et spíritu promptíssimo confírma me.

**17** Dómine, lábia mea apéries,  
et os meum annuntiábit laudem tuam. **R.**

3

*Scindite corda vestra, et non vestimenta vestra.*

Léctio libri Ioélis prophétæ

2, 12-18

Nunc dicit Dóminus: « Convertímini ad me in toto corde vestro, in ieiúnio et in fletu et in planctu, et scíndite corda vestra et non vestiménta vestra, et convertímini ad Dóminum Deum vestrum, quia benígnus et misericors est, pátiens et multæ misericórdiæ et præstábilis super malítia. Quis scit, si convertátur et ignóscat et relínquat post se benedictiónem, sacrificium et libámen Dómino Deo vestro?

Cánite tuba in Sion, sanctificáte ieiúnum, vocáte cœtum, congregáte pópulum, sanctificáte ecclésiám, coadunáte senes, congregáte párvulos et sugéntes úbera; egrediátur sponsus de cublí suo, et sponsa de thálamo suo.

Inter vestibulum et altáre plorábunt sacerdótes ministri Dómini, et dicent: " Parce, Dómine, parce pópulo tuo et ne des hereditátem tuam in oppróbrium, ut dominéntur eis nátiónes. Quare dicunt in pópulis: Ubi est Deus eórum? " »

Zelátus est Dóminus terram suam, et pepércit pópulo suo. — Verbum Dómini.

### Psalmus responsorius

Ps 102, 1-2. 3-4. 8-9. 11-12 (ꝛ.: 8 a)

ꝛ. Miserátor et miséricors Dóminus.

- 1 Bénedic, ánima mea, Dómino;  
et ómnia quæ intra me sunt, nómini sancto eius.
- 2 Bénedic, ánima mea, Dómino,  
et noli oblivísci omnes retributiónes eius. ꝛ.
- 3 Qui propitiátur ómnibus iniquitatibus tuis,  
qui sanat omnes infirmitátes tuas;
- 4 qui rédimít de intéritu vitam tuam,  
qui coronat te in misericórdia et miseratióibus. ꝛ.
- 5 Miserátor et miséricors Dóminus,  
longánimis et multæ misericórdiæ.
- 6 Non in perpétuum conténdet,  
neque in ætérnum irascétur. ꝛ.
- 11 Quóniam, quantum exaltátur cælum a terra,  
præváluit misericórdia eius super timéntes eum;
- 12 quantum distat ortus ab occidénte,  
longe fecit a nobis iniquitátes nostras. ꝛ.

*Conversi sunt Ninivitæ de via sua mala.*

Lectio libri Ionæ prophætæ

3, 1-10

Factum est verbum Dómini ad Ionam secúndo, dicens: « Surge, et vade in Níniven civitátem magnam; et prædica in ea prædicatióem, quam ego loquor ad te ».

Et surréxit Ionas et ábiit in Níniven iuxta verbum Dómini; et Nínive erat civitas magna itinere trium diérum.

Et cœpit Ionas introire in civitátem itinere diéi unius, et clamávit et dixit: « Adhuc quadraginta dies, et Nínive subvertétur ».

Et credidérunt viri Ninivítæ in Deum; et prædicáverunt ieiúnum, et vestíti sunt saccis a maióre usque ad minórem. Et pervénit verbum ad regem Nínive, et surréxit de sólio suo, et abiécit vestiméntum suum a se, et indútus est sacco et sedit in cínere.

Et clamávit et dixit in Nínive, ex ore regis et príncipum eius, dicens: « Hómines et iuménta et boves et pécora non gustent quidquam nec pascántur, et aquam non bibant; et operiántur saccis hómines et iuménta et clament ad Dóminum in fortitúdine, et convertátur vir a via sua mala et ab iniquitáte, quæ est in mánibus eórum. Quis scit, si convertátur et ignóscat Deus et revertátur a furóre iræ suæ, et non períbimus? »

Et vidit Deus ópera eórum, quia convérsi sunt de via sua mala, et misértus est Deus super malítiam, quam locútus fúerat ut fáceret eis, et non fecit.

Verbum Dómini.

Psalmus responsorius, cum ». Si iniquitátes observáveris, Dómine, quis sustinébit?, ut infra, p. 1770.

Lectio secunda

1

*Existimate vos mortuos quidem peccato,  
videntes autem Deo.*

Lectio Epistolæ beati Pauli apostoli ad Romanos

6, 2-4. 12-14

Fratres:

Qui mortui sumus peccato, quomodo adhuc vivemus in illo? An ignoratis quia quicumque baptizati sumus in Christo Iesu, in morte ipsius baptizati sumus?

Consepulti ergo sumus cum illo per baptismum in mortem, ut, quemadmodum suscitatus est Christus a mortuis per gloriam Patris, ita et nos in novitate vitæ ambulemus.

Non ergo regnet peccatum in vestro mortali corpore, ut obediatis concupiscentiis eius. Neque exhibeatis membra vestra arma iniustitiæ peccato; sed exhibete vos Deo tamquam ex mortuis viventes, et membra vestra arma iustitiæ Deo.

Peccatum enim vobis non dominabitur; non enim sub Lege estis, sed sub gratia. — Verbum Domini.

2

*Sanguis Iesu mundat nos ab omni peccato.*

Lectio Epistolæ primæ beati Ioannis apostoli

1, 5 — 2, 2

Carissimi:

Hæc est annuntiatio, quam audivimus a Iesu Christo et annuntiamus vobis, quoniam Deus lux est, et tenebræ

in eo non sunt ullæ. Si dixérimus quóniam communió-  
nem habémus cum eo, et in ténebris ambulámus, men-  
tímur et non fácimus veritátem; si autem in luce am-  
bulémus, sicut ipse est in luce, communió-  
nem habémus ad invicem, et sanguis Iesu, Fílii eius, mundat nos ab  
omni peccáto. Si dixérimus quóniam peccátum non  
habémus, ipsi nos sedú-  
cimus, et véritas in nobis non est.

Si confíteámur peccáta nostra, fidélis est et iustus,  
ut remíttat nobis peccáta et emúndet nos ab omni iniu-  
stítia. Si dixérimus quóniam non peccávimus, mendá-  
cem fácimus eum, et verbum eius non est in nobis.

Filíoli mei, hæc scribo vobis ut non peccétis; sed si  
quis peccáverit, advocátum habémus ad Patrem, Iesum  
Christum iustum, et ipse est propitiátio pro peccátis  
nostris: non pro nostris autem tantum, sed étiam pro  
totius mundi. — Verbum Dómini.

## Evangelium

### 1

Alleluia et Versus ante Evangelium Cf. Ap 1, 5 ab

(R. Allelúia). γ. Iesu Christe, testis es fidélis,  
primogénitus mortuórum;  
dilexisti nos et lavisti peccáta nostra  
in ságuine tuo. (R. Allelúia).

*Glorificaverunt Deum, qui dedit potestatem  
talem hominibus.*

✠ Lécio sancti Evangélli secúndum Matthæum

In illo témpore:

9, 1-8

Ascéndens Iesus in navículam transfretávit, et ve-  
nit in civitátem suam. Et ecce offerébant ei paralýticum  
iacéntem in lecto.

Et videns Iesus fidem illórum, dixit paralytico: « Confide, fili, remittúntur peccáta tua ».

Et ecce quidam de scribis dixerunt intra se: « Hic blasphemámat ».

Et, cum vidisset Iesus cogitatiónes eórum, dixit: « Ut quid cogitátis mala in córdibus vestris? Quid enim est facilius dicere: " Dimittúntur peccáta tua ", aut dicere: " Surge et ámbula? " Ut sciátis autem quóniam Fílius hóminis habet potestátem in terra dimitténdi peccáta, tunc ait paralytico: " Surge, tolle lectum tuum et vade in domum tuam " ».

Et surréxit et ábiit in domum suam.

Vidéntes autem turbæ, timuérunt et glorificavérunt Deum, qui dedit potestátem talem homínibus.

Verbum Dómini.

## 2

Alleluia et Versus ante Evangelium Mc 1, 15

(R. Allelúia). ⁊. Appropinquávit Regnum Dei;  
pænitémini et crédite Évangélio.  
(R. Allelúia).

*Pænitemini et credite Evangelio.*

✠ Inítium sancti Evangélli secúndum Marcum

1, 1-8. 14-15

Inítium Evangélli Iesu Christi Fílii Dei.

Sicut scriptum est in Isaíá prophéta: « Ecce ego mitto ángelum meum ante fáciem tuam, qui præparábit viam tuam ». Vox clamántis in desérto: « Paráte viam Dómini, rectas fácite sémitas eius ».

Fuit Ioánnes in desérto baptizans, et prædicans baptismum pæniténtiæ in remissionem peccatórum. Et

egrediebátur ad illum omnis Iudææ régio, et Hierosolymítæ univérsi, et baptizabántur ab illo in Iordáne flúmine confiténtes peccáta sua.

Et erat Ioánnes vestítus pilis caméli, et zona pellícea circa lumbos eius, et locústas et mel silvéstre edébat; et prædicábat dicens: « Venit fórtior me post me, cuius non sum dignus procúbens sólvete corrígiam calceamentórum eius. Ego baptizávi vos aqua, ille vero baptizábit vos in Spíritu Sancto ».

Postquam autem tráditus est Ioánnes, venit Iesus in Galilæam prædicans Evangélium Dei, et dicens: « Implétum est tempus, et appropinquávit Regnum Dei; pænitémini et créдите Evangélio ». — Verbum Dómini.

## 3

**Alleluia et Versus añte Evangelium** **Cf. Ap 1, 5 ab**

(**℞. Allelúia**). **℣. Iesu Christe, testis es fidélis,**  
**primogénitus mortuórum;**  
**dilexísti nos et lavísti peccáta nostra**  
**in ságuine tuo. (℞. Allelúia).**

*Remissa sunt peccata eius multa,  
 quoniam dilexit multum.*

**✠ Lécio sancti Evangélii secúndum Lucam 7, 36-50**

In illo témpore:

Rogábat Iesum quidam de pharisæis ut manducáret cum illo. Et ingrèssus domum pharisæi discúbuit.

Et ecce múlier, quæ erat in civitáte peccátrix, ut cognóvit quod accúbuit in domo pharisæi, áttulit alabástrum unguénti; et stans retro secus pedes eius flens, lácrimis cœpít rigáre pedes eius, et capíllis cápítis sui tergébat, et osculabátur pedes eius et unguénto unguébat.

Videns autem pharisæus, qui vocáverat eum, ait intra se dicens: « Hic, si esset prophéta, sciret úti- que quæ et qualis múlier quæ tangit eum, quia peccá- trix est ».

Et respóndens Iesus dixit ad illum: « Simon, hábeo tibi áliquíd dícere ».

At ille ait: « Magíster, dic ».

« Duo debitóres erant cúdam fœneratóri: unus de- bébat denários quingéntos et álius quinquagínta. Non habéntibus illis unde rédderent, donávit utrísque. Quis ergo eórum plus díliget eum? »

Respóndens Simon dixit: « Æstimo quia is cui plus donávit ».

At ille dixit ei: « Recte iudicásti ».

Et convérsus ad múliorem, dixit Simóni: « Vides hanc múliorem? Intrávi in domum tuam, aquam pédi- bus meis non dedísti; hæc autem lácrimis rigávit pedes meos, et capíllis suis tersit. Osculum mihi non dedísti; hæc autem, ex quo intrávi, non cessávit osculári pedes meos. Oleo caput meum non unxísti; hæc autem un- guénto unxit pedes meos. Propter quod dico tibi: Re- míssa sunt peccáta eius multa, quóniam diléxit multum. Cui autem minus dimíttitur, minus díligit ».

Dixit autem ad illam: « Remíssa sunt peccáta tua ».

Et cœpérunt qui simul accumbébant dícere intra se: « Quis est hic, qui étiam peccáta dimíttit? »

Dixit autem ad múliorem: « Fides tua te salvam fecit; vade in pace ». — Verbum Dómini.

Alleluia et Versus ante Evangelium Ez 33, 11

(**Ꝟ**. Allelúia). **Ꝛ**. Nolo mortem ímpii, dicit Dóminus, sed ut convertátur et vivat. (**Ꝟ**. Allelúia).



*Gaudere oportebat, quia frater tuus hic  
mortuus erat et revixit.*

✠ Lécitio sancti Evangélii secúndum Lucam

15, 1-3. 11-32

In illo témpore:

Erant appropinquátes Iesu omnes publicáni et peccatóres, ut audírent illum.

Et murmurábant pharisæi et scribæ dicétes: « Hic peccatóres récipit et mandúcat cum illis ».

Et ait ad illos parábolam istam dicens: « Homo quidam habébat duos fílios, et dixit adulescéntior ex illis patri: “ Pater, da mihi portiónem substántiæ, quæ me contíngit ”. Et divisit illis substántiam.

Et non post multos dies, congregátis ómnibus, adulescéntior fílius péregre proféctus est in regiónem longínquam; et ibi dissipávit substántiam suam vivéndo luxurióse.

Et, postquam ómnia consummáset, facta est fames válda in regióné illa, et ipse cœpit egére. Et ábiit et adhæsit uni cívium regiónis illius, et misit illum in villam suam, ut pásceret porcos. Et cupiébat saturári de síliquis, quas porci manducábant; et nemo illi dabat.

In se autem revérsus dixit: “ Quanti mercenárii patris mei abúndant pánibus, ego autem hic fame péreo! Surgam et ibo ad patrem meum et dicam illi: Pater, peccávi in cælum et coram te: et iam non sum dignus vocári fílius tuus: fac me sicut unum de mercenáriis tuis ”.

Et surgens venit ad patrem suum. Cum autem adhuc longe esset, vidit illum pater ipsíus, et misericórdia motus est; et accúrrens cécidit supra collum eius, et osculátus est illum.

Dixitque ei filius: " Pater, peccavi in caelum et coram te: iam non sum dignus vocari filius tuus ".

Dixit autem pater ad servos suos: " Cito proferte stolam primam et induite illum, et date anulum in manum eius et calceamenta in pedes; et adducite vitulum saginatum, occidite et manducemus et epulemur; quia hic filius meus mortuus erat et revixit, perierat et inventus est ". Et coeperunt epulari.

Erat autem filius eius senior in agro, et cum veniret et appropinquaret domui, audivit symphoniam et choros; et vocavit unum de servis, et interrogavit quae haec essent.

Isque dixit illi: " Frater tuus venit, et occidit pater tuus vitulum saginatum, quia salvum illum recepit ". Indignatus est autem et volebat introire; pater ergo illius egressus coepit rogare illum.

At ille respondens dixit patri suo: " Ecce tot annis servio tibi, et numquam mandatum tuum praeterii, et numquam dedisti mihi haedum, ut cum amicis meis epularer; sed postquam filius tuus hic, qui devoravit substantiam tuam cum meretricibus, venit, occidisti illi vitulum saginatum ".

At ipse dixit illi: " Fili, tu semper mecum es, et omnia mea tua sunt. Epulari autem et gaudere oportebat, quia frater tuus hic mortuus erat et revixit, perierat et inventus est " ». — Verbum Domini.

## 5

Alleluia et Versus ante Evangelium

Mc 1, 15

(R. Alleluia). V. Appropinquavit Regnum Dei;  
penitete et credite Evangelio.

(R. Alleluia).

*Mittit Iesus apostolos prædicare pænitentiam  
in remissionem peccatorum.*

✠ Lécio sancti Evangélii secúndum Lucam 24, 46-48

In illo témpore:

Dixit Iesus discipulis suis: « Sic scriptum est, Christum pati et resúrgeré a mórtuis die tértia, et prædicári in nómine eius pæniténtiam in remissionem peccatórum in omnes gentes, incipiéntibus ab Ierúsalem. Vos estis testes horum ». — Verbum Dómini.

#### 41. AD POSTULANDAM CARITATEM

Ant. ad introitum

Ez 36, 26. 27. 28

Dicit Dóminus:

Auferam cor lapídeum de carne vestra,  
et dabo vobis cor cárneum,  
et spíritum meum ponam in médio vestri:  
et éritis mihi in pópulum, et ego ero vobis in Deum.

Collecta

Corda nostra, quæsumus, Dómine,  
tuæ Spíritu caritátis inflámma,  
ut tuæ digna semper ac plácita maiestáti cogitare  
et te in frátribus sincére dilígere valeámus.  
Per Dóminum.

Pro lectionibus sumuntur textus aptiores ex iis qui proponuntur  
in Missis pro unitate christianorum, pp. 1368-1384, vel pro pace  
et iustitia servanda, pp. 1428-1436.

Super oblata

Propítius, Dómine, quæsumus, hæc dona sanctífica,  
et, hóstiæ spiritalis oblatióne suscepta, concéde,  
ut caritátem tuam ad omnes possímus exténdere.  
Per Christum.

**Ant. ad communionem**

**1 Cor 13, 13**

Nunc autem manent fides, spes, caritas, tria hæc:  
maior autem horum est caritas.

**Post communionem**

Quos uno pane cælesti satiasti,  
quæsumus, Dómine,  
ut Sancti Spíritus grátia perfúndas,  
et abundánter reficias perféctæ dulcédine caritátis.  
Per Christum.

## 42. PRO CONCORDIA FOVENDA

**Ant. ad introitum**

**Act 4, 32. 33**

Multitúdinis credéntium erat cor unum et ánima una.  
Et virtúte magna reddébant Apóstoli  
testimónium resurrectiónis Iesu Christi Dómini nostri;  
et grátia magna erat in ómnibus illis, allelúia.

**Collecta**

Deus, summa únitas et vera caritas,  
da fidélibus tuis cor unum et ánimam unam,  
ut Ecclésiæ tuæ corpus concórdia vígeat,  
et, quæ veritátis confessióne nítitur,  
stábili unitáte firmétur.  
Per Dóminum.

*Pro lectionibus sumuntur textus aptiores ex iis qui proponuntur  
in Missis pro unitate christianorum, pp. 1368-1384, vel pro pace  
et iustitia servanda, pp. 1428-1436.*

**Super oblata**

Deus, qui nos ad imáginem tuam  
sacraméntis rénovas et præcéptis,  
gressus nostros in sémitis tuis pérface miserátus,

1552 Pro quibusdam necessitatibus particularibus

ut caritatis donum, quod a nobis sperari fecisti,  
per hæc quæ offerimus sacrificia tribuas apprehendi.  
Per Christum.

Præfatio de unitate, p. 1364.

Ant. ad communionem Io 17, 20. 21

Rogo, Pater, pro eis qui credituri sunt in me,  
ut ipsi in nobis unum sint,  
ut credat mundus quia tu me misisti, dicit Dominus.

Post communionem

Sumpsimus, Domine, sacramentum unitatis;  
præsta nobis, quæsumus,  
sancta unanimitate in domo tua viventibus,  
pacem habere quam tradimus,  
pacem servare quam sumimus.  
Per Christum.

### 43. PRO FAMILIA

Ant. ad introitum Eph 6, 2-3

Honora patrem tuum et matrem tuam,  
quod est mandatum primum in promissione,  
ut bene sit tibi et sis longævus super terram.

Collecta

Deus, cuius in ordinatione  
societas familiaris firmum suum habet fundamentum,  
respice famulorum tuorum preces miseratus, et præsta,  
ut, exempla sanctæ Familiæ Unigeniti tui  
domesticis virtutibus caritatisque obsequio sectantes,  
in lætitia domus tuæ præmiis fruamur æternis.  
Per Dominum.

Pro lectionibus sumuntur textus aptiores ex iis qui proponuntur in Missa pro sponsis, pp. 1196-1221.

### Super oblata

Hóstiam tibi placatiónis offérimus, Dómine,  
suppliciter deprecántes,  
ut famílias nostras  
in tua grátia fírmiter et pace constítuas.  
Per Christum.

### Ant. ad communionem

Is 49, 15

Numquid oblivísci potest múlíer infántem suum?  
Et si illa oblíta fúerit,  
ego tamen non obliviscar tui, dicit Dóminus.

### Post communionem

Quos cæléstibus réfcis sacraméntis,  
fac, clementíssime Pater,  
sanctæ Famíliæ Unigéniti tui exémpa iúgiter imitári,  
ut, post ærúmna sæculi,  
eius consórtium consequántur ætérnum.  
Per Christum.

## 44. PRO FAMILIARIBUS ET AMICIS

### Ant. ad introitum

Cf. Ps 121, 6. 8

Rogáte quæ ad pacem sunt Ierúsalem,  
et abundántia diligéntibus te.  
Propter fratres meos et próximos meos  
loquébar pacem de te.

### Collecta

Deus, qui caritátis dona,  
per grátiam Sancti Spíritus,

## 1554 Pro quibusdam necessitatibus particularibus

tuorum fidélium córdibus infudísti,  
da fámulis tuis,  
pro quibus tuam deprecámur cleméntiam,  
salútem mentis et córporis,  
ut te tota virtúte díligant,  
et, quæ tibi sunt plácita, tota dilectióne perficiant.  
Per Dóminum.

Pro lectionibus sumuntur textus aptiores ex iis qui proponuntur in Missis pro unitate christianorum, pp. 1368-1384, vel pro pace et iustitia servanda, pp. 1428-1436.

### Super oblata

Miserére, Dómine, fámulis tuis,  
pro quibus hoc laudis sacrificium  
tuæ offérimus maiestáti,  
ut, per hæc sancta,  
supérnæ benedictiónis grátiam obtíneant,  
et glóriam ætérnæ beatitúdinis acquirant.  
Per Christum.

### Ant. ad communionem

Mt 12, 50

Quicumque fécerit voluntátem Patris mei,  
qui in cælis est,  
ipse meus frater et soror et mater est, dicit Dóminus.

### Post communionem

Te quæsumus, Dómine, suméntes divína mystéria,  
ut fámulis tuis, quibus dedísti in nos caritátem,  
indulgéntiam tríbuas peccatórum,  
consolatióne vitæ gubernatióneque perpétuam,  
quátenus nos omnes, tibi unánimes serviéntes,  
ante faciém tuam congaudéntes pervenire mereámur.  
Per Christum.

## 45. PRO AFFLIGENTIBUS NOS

Ant. ad introitum

Lc 6, 27. 28

Diligite inimicos vestros, dicit Dóminus;  
benefácite his qui odérunt vos;  
benedícite maledicéntibus vobis,  
et oráte pro calumniántibus vos.

Collecta

Deus, qui caritátis tuæ præcépto voluísti,  
ut nos affligéntibus amórem impendámus sincérum,  
da nobis ita novæ legis sequi mandáta,  
ut bona pro malis réddere  
et álíi aliórum ónera portáre studeámus.  
Per Dóminum.

Pro lectionibus sumuntur textus aptiores ex iis qui proponuntur  
in Missis pro unitate christianorum, pp. 1368-1384, vel pro pace  
et iustitia servanda, pp. 1428-1436.

Super oblata

Pacem cum ómnibus habére cupiéntes,  
tibi, Dómine, pro his qui nobis adversántur  
hoc sacrificium offérimus,  
et Fílii tui mortem commemorámus,  
per quam, cum inimíci essémus, tibi reconciliáti sumus.  
Per Christum.

Ant. ad communionem

Mt 5, 9-10

Beáti pacífici, quóniam fílii Dei vocabúntur.  
Beáti qui persecutiónem patiúntur propter iustítiam,  
quóniam ipsórum est regnum cælórum.

Post communionem

Per hæc pacis nostræ mystéria,  
da nos, Deus, cum ómnibus esse pacíficos,



et eos qui nobis adversántur  
tibi gratos efficere, nobisque placátos.  
Per Christum.

#### 46. AD POSTULANDAM GRATIAM BENE MORIENDI

Ant. ad introitum

Ps 22, 4

Si ambulávero in médio umbræ mortis,  
non timébo mala,  
quóniam tu mecum es, Dómine, Deus meus.  
Virga tua et báculus tuus ipsa me consoláta sunt.

Collecta

Deus, qui nos ad imáginem tuam creásti,  
et pro nobis Fílium tuum mortem subíre voluísti,  
concéde supplicibus tuis  
ita vigiláre omni témpore orántes,  
ut absque peccáti mácula de hoc mundo exíre,  
et in sinu misericórdiæ tuæ  
cum exsultatióne requiéscere mereámur.  
Per Dóminum.

Lectiones ut infra, pp. 1558-1560.

Super oblata

Sicut mortem nostram occidísti, Dómine,  
morte Unigéniti tui,  
ita eiúsdem sacraménti virtúte præsta,  
ut, voluntáti tuæ obcédientes usque ad mortem,  
cum pace et fidúcia de hoc sáculo exíre,  
et ipsíus resurrectiόνis  
partícipes éffici tuo múnere valeámus.  
Per Christum.

Præfatio communis V, ut infra:

**γ. Dóminus vobíscum. ρ. Et cum spírítu tuo.**

**γ. Sursum corda. ρ. Habémus ad Dóminum.**

**γ. Grátias agámus Dómino Deo nostro.**

**ρ. Dignum et iustum est.**

Vere dignum et iustum est, æquum et salutáre,  
nos tibi semper et ubíque grátias ágere:

**Dómine, sancte Pater, omnípotens ætérne Deus:  
per Christum Dóminum nostrum.**

**Cuius mortem in caritaté celebrámus,  
resurrectiónem fide vívida confitémur,  
advéntum in glória spe firmissima præstolámur.**

**Et ideo, cum Sanctis et Angelis univérsis,  
te collaudámus, sine fine dicéntes: Sanctus ...**

Vel præfatio communis VI, e Prece eucharistica II deprompta,  
p. 668.

Ant. ad communionem Rom 14, 7-8

**Nemo nostrum sibi vivit, et nemo sibi móritur:**

**sive enim vívimus, Dómino vívimus;**

**sive mórimur, Dómino mórimur.**

**Sive ergo vívimus, sive mórimur, Dómini sumus.**

Vel: Lc 21, 36

**Vigiláte, omni témpore orántes,  
ut digni habeámini stare ante Fílium hóminis.**

Post communionem

**Immortalitátis pínora, Dómine,**

**per hæc mystéria consecúti,**

**pro nostræ mortis éxitu**

**pietátis tuæ auxiliúm súpplícis implorámus,**

**ut, inimíci superátis insídiis,**

**in sinu glóriæ tuæ reficiámur ætérnæ. Per Christum.**

---

## Lectio prima

*Præcipitabit mortem in sempiternum.*

Lectio libri Isaïæ prophætæ

25, 6-10 a

In die illa:

Fáciet Dóminus exercítuum ómnibus pópulis in monte hoc convívium pínguium, convívium vindémiæ, pínguium medullatórum, vindémiæ defæcátæ. Et præcipitábit in monte isto fáciem vínculi colligáti super omnes pópulos, et telam quam ordítus est super omnes nátiónes.

Præcipitábit mortem in sempitérnum, et áuferet Dóminus Deus lácrimam ab omni fácie, et oppróbrium pópuli sui áuferet de univérsta terra, quia Dóminus locútus est.

Eſt dicet in die illa: « Ecce Deus noster iste, exspectávimus eum, et salvábit nos; iste Dóminus, sustinúimus eum, exsultábimus et lætábimur in salutári eius. Quia requiescet manus Dómini in monte isto ».

Verbum Dómini.

## Psalmus responsorius

Ps 30, 2 et 6. 8 bc-9. 15-16. 17 et 25 (ꝛ.: Lc 23, 46)

ꝛ. Pater, in manus tuas comméndo spíritum meum.

<sup>2</sup> In te, Dómine, sperávi, non confúndar in ætérum; in iustítia tua líbera me.

<sup>6</sup> In manus tuas comméndo spíritum meum; redemísti me, Dómine, Deus veritátis. ꝛ.

<sup>6</sup> Quóniam respexísti humilitátem meam, agnovísti necessitátes ánimæ meæ,

<sup>9</sup> nec conclusísti me in mánibus inimíci, statuísti in loco spatióso pedes meos. ꝛ.

- 15 Ego autem in te sperávi, Dómine;  
dixi: « Deus meus es tu,  
in mánibus tuis sortes meæ ».
- 16 Eripe me de manu inimicórum meórum  
et a persecuéntibus me. **℞.**
- 17 Illústra fáciem tuam super servum tuum,  
salvum me fac in misericórdia tua.
- 25 Viríliter ágite, et confortétur cor vestrum,  
omnes qui sperátis in Dómino. **℞.**

### Lectio secunda

*Sive vivimus sive morimur, Domini sumus.*

Léctio Epístolæ beáti Pauli apóstoli ad Romános

14, 7-9. 10 b-12

Fratres:

Nemo nostrum sibi vivit, et nemo sibi móritur. Sive enim vívimus, Dómino vívimus; sive mórimur, Dómino mórimur: sive ergo vívimus sive mórimur, Dómini sumus.

In hoc enim Christus et mórtuus est et vixit, ut et mortuórum et vivórum dominétur.

Omnes stábitus ante tribúnal Dei. Scriptum est enim: « Vivo ego, dicit Dóminus, quóniam mihi flectétur omne genu, et omnis lingua confitébitur Deo ». Itaque unusquisque nostrum pro se ratióem reddet Deo.

Verbum Dómini.

### Evangelium

1

Alleluia et Versus ante Evangelium Mt 24, 42 a. 44

(**℞.** Allelúia). **℣.** Vigiláte et estóte paráti,

quia qua nescítis hora

Fílius hóminis ventúrus est.

(**℞.** Allelúia).

Evangelium (Mt 25, 1-13), ut supra, p. 1276.

2

Alleluia et Versus ante Evangelium Lc 21, 36

(R. Allelúia). V. Vigiláte, omni témpore orántes,  
ut digni habeámini stare  
ante Fílium hóminis. (R. Allelúia).

Evangelium (Lc 12, 35-40), ut infra, p. 1790.

3

Alleluia et Versus ante Evangelium Ap 2, 10 c

(R. Allelúia). V. Esto fidélis usque ad mortem,  
dicit Dóminus,  
et dabo tibi corónam vitæ. (R. Allelúia).

*Vigilate, omni tempore orantes.*

✠ Lécctio sancti Evangélii secúndum Lucam 21, 34-36

In illo témpore: Dixit Iesus discíplulis suis:

« Atténdite vobis, ne forte gravéntur corda vestra  
in crápula et ebrietáte et curis huius vitæ, et super-  
véniat in vos repentiná dies illa; tamquam láqueus enim  
supervéniet in omnes qui sedent super fáciem omnis  
terræ

Vigiláte itaque, omni témpore orántes, ut possítis  
fúgere ista ómnia quæ futúra sunt, et stare ante Fílium  
hóminis ». — Verbum Dómini.

4

Alleluia et Versus ante Evangelium Io 13, 1

(R. Allelúia). V. Sciens Iesus quia venit hora eius,  
ut tránseat ex hoc mundo ad Patrem,  
cum dilexisset suos qui erant in mundo,  
in finem diléxit eos. (R. Allelúia).

*Pater, in manus tuas commendo spiritum meum.*

✠ **Léctio sancti Evangéllii secúndum Lucam 23, 39-46**

**In illo témpore:**

Unus de his qui pendébant latrónibus blasphemábat Iesum dicens: « Nonne tu es Christus? Salvum fac temetípsum et nos ».

Respóndens autem alter, increpábat illum dicens: « Neque tu times Deum, quod in eádem damnatióne es? Et nos quidem iuste, nam digna factis recípiamus; hic vero nihil mali gessit ».

Et dicébat: « Iesu, meménto mei, cum véneris in Regnum tuum ».

Et dixit illi: « Amen dico tibi: hódie mecum eris in paradíso ».

Et erat iam fere hora sexta, et ténebræ factæ sunt in univérsa terra usque in horam nonam. Et obscurátus est sol, et velum templi scissum est médium.

Et clamans voce magna Iesus ait: « Pater, in manus tuas comméndo spíritum meum ».

Et hæc dicens, expirávit. Verbum Dómini.

# **MISSÆ VOTIVÆ**

**N.B.** — Lectio prima tempore paschali adhibetur, quando  
Missa votiva celebrari potest iuxta normas Institutionis generalis  
Missalis Romani



## 1. DE SANCTISSIMA TRINITATE

Dicitur, cum colore albo, Missa de sollemnitate ut infra:

**Ant. ad introitum**

**Benedictus sit Deus Pater,  
unigenitúsque Dei Fílius,  
Sanctus quoque Spíritus,  
quia fecit nobíscum misericórdiam suam.**

**Collecta**

**Deus Pater, qui, Verbum veritátis  
et Spíritum sanctificatiónis mittens in mundum,  
admirábile mystérium tuum homínibus declarásti,  
da nobis, in confessiõe veræ fidei,  
ætérnæ glóriam Trinitátis agnóscere,  
et Unitátem adoráre in poténtia maiestátis.  
Per Dóminum.**

Lectiones ut infra, pp. 1567-1573.

**Super oblata**

**Sanctifica, quæsumus, Dómine Deus noster,  
per tui nóminis invocatiónem,  
hæc múnera nostræ servitútis,  
et per ea nosmetipsos tibi pérfice munus ætérnum.  
Per Christum.**

**Præfatio: De mysterio sanctissimæ Trinitatis.**

**℣. Dóminus vobíscum.**

**℟. Et cum spírítu tuo.**

**℣. Sursum corda.**

**℟. Habémus ad Dóminum.**

**℣. Grátias agámus Dómino Deo nostro.**

**℟. Dignum et iustum est.**

Vere dignum et iustum est, æquum et salutäre,  
nos tibi semper et ubique grátias ágere:

Dómine, sancte Pater, omnipotens ætérne Deus:

Qui cum unigénito Fílio tuo et Spíritu Sancto  
unus es Deus, unus es Dóminus:

non in unius singularitáte persónæ,  
sed in unius Trinitáte substántiæ.

Quod enim de tua glória, revelánte te, crédimus,  
hoc de Fílio tuo,  
hoc de Spíritu Sancto,  
sine discretiónē sentímus.

Ut, in confessiónē veræ sempiternæque Deitátis,  
et in persónis proprietas,  
et in esséntia únitas,  
et in maiestáte adorétur æquálitas.

Quem laudant Angeli atque Archángeli,  
Chérubim quoque ac Séraphim,  
qui non cessant clamáre cotídie, una voce dicéntes:

Sanctus, Sanctus, Sanctus Dóminus Deus Sábaoth ...

Ant. ad communionem

Gal 4, 6

Quóniam autem estis filii,  
misit Deus Spíritum Fílii sui  
in corda vestra clamántem:  
Abba, Pater.

Post communionem

Proficiat nobis ad salutem córporis et ánimæ,  
Dómine Deus noster, huius sacraménti suscéptio,  
et sempiternæ sanctæ Trinitátis  
eiusdémque individúæ Unitátis conféssio.  
Per Christum.

---

## Lectio prima

## 1

*Dominator Domine Deus, misericors et clemens.*

Lectio libri Exodi

34, 4 b-6. 8-9

In diébus illis:

De nocte consurgens Móyses ascendit in montem Sínai, sicut præcéperat ei Dóminus, portans secum tábulas.

Cumque descendisset Dóminus per nubem, stetit Móyses cum eo invocans nomen Dómini. Quo transéunte coram eo, ait: « Dominátor Dómine Deus, misericors et clemens, pátiens et multæ miseratiónis ac verax ».

Festínusque Móyses curvátus est pronus in terram et adórans ait: « Si invéni grátiam in conspéctu tuo, Dómine, óbsecro ut gradiáris nobíscum (pópulus enim duræ cervícis est), et áuferas iniquitátes nostras atque peccáta, nosque possídeas ». — Verbum Dómini.

Psalmus responsorius Dan 3, 52. 53. 54. 55. 56.

- <sup>52</sup> Benedíctus es, Dómine, Deus patrum nostrórum,  
et benedíctum nomen glóriæ tuæ sanctum.  
R. Et laudábile et superexaltátum in ómnibus sáeculis.
- <sup>53</sup> Benedíctus es in templo sancto glóriæ tuæ.  
R. Et superlaudábilis et supergloriósus in sáecula.
- <sup>54</sup> Benedíctus es in throno regni tui.  
R. Et superlaudábilis et superexaltátus in sáecula.
- <sup>55</sup> Benedíctus es, qui intuéris abýssos  
et sedes super chérubim.  
R. Et laudábilis et superexaltátus in sáecula.
- <sup>56</sup> Benedíctus es in firmaménto cæli.  
R. Et laudábilis et gloriósus in sáecula.

*Dominus ipse est Deus in cælo sursum  
et in terra deorsum, et non est alius.*

Léctio libri Deuteronomii

4, 32-34. 39-40

Locútus est Móyses pópulo dicens:

« Intérroga de diébus antiqúis, qui fuérunt ante te ex die, quo creávit Deus hómínem super terram, a summo cælo usque ad summum eius, si facta est aliquándo huiuscémodi res, aut unquam cógnitum est, ut audíret pópulus vocem Dei loquéntis de médio ignis, sicut tu audísti, et vixísti; si fecit Deus ut ingrederétur et tólleret sibi gentem de médio natiónum per tentatiónes, signa atque porténta, per pugnam et robústam manum extentúmque bráccium et horribíles visiónes, iuxta ómnia quæ fecit pro vobis Dóminus Deus vester in Ægýpto, vidéntibus óculis tuis.

Scito ergo hódie et cogitáto in corde tuo, quod Dóminus ipse sit Deus in cælo sursum et in terra deórsum, et non sit álius. Custódi præcépta eius atque mandáta, quæ ego præcipio tibi, ut bene sit tibi et filiis tuis post te et permáneas multo témpore super terram, quam Dóminus Deus tuus datúrus est tibi ».

Verbum Dómini.

Psalmus responsorius

Ps 32, 4-5. 6 et 9. 18-19. 20 et 22 (R.: 12 b)

R. Beátus pópulus, quem elégit Dóminus  
in hereditátem sibi.

<sup>4</sup> Quia rectum est verbum Dómini,  
et ómnia ópera eius in fide.

<sup>3</sup> Diligit iustítiam et iudícium,  
misericórdia Dómini plena est terra. R.

- 6 Verbo Dómini cæli facti sunt,  
et spírítu oris eius omnis virtus eórum.
- 9 Quóniam ipse dixit, et facta sunt,  
ipse mandávit, et creáta sunt. *R.*
- 18 Ecce óculi Dómini super metuéntes eum,  
in eos qui sperant super misericórdia eius,
- 19 ut éruat a morte ánimas eórum,  
et alat eos in fame. *R.*
- 20 Anima nostra sústinet Dóminum,  
quóniam adiútor et protéctor noster est.
- 22 Fiat misericórdia tua, Dómine, super nos,  
quemádmódum sperávimus in te. *R.*

## 3

*Antequam terra fieret, Sapientia iam concepta erat.*

Léctio libri Proverbiórum

8, 22-31

Hæc lóquitur Sapiéntia Dei:

« Dóminus possédit me in inítio viárum suárum,  
ántequam quidquam fáceret a princípío.

Ab ætérno ordináta sum et ex antíquis, ántequam  
terra fieret.

Nondum erant abyssi, et ego iam concépta eram,  
necdum fontes aquárum erúperant, necdum montes  
gravi mole constíterant, ante colles ego parturiébar:  
adhuc terram non fécerat et flúmina et cárdines orbis  
terræ.

Quando præparábat cælos, áderam; quando certa  
lege et gyro vallábat abyssos; quando æthera firmábat  
sursum, et librábat fontes aquárum; quando circúmda-  
bat mari términum suum et legem ponébat aquis, ne  
transírent fines suos; quando appendébat fundaménta  
terræ, cum eo eram cuncta compónens et delectábar per

singulos dies ludens coram eo omni tēpore, ludens in orbe terrarum, et deliciæ meæ esse cum filiis hominum ». — Verbum Dómini.

**Psalmus responsorius** Ps 8, 4-5. 6-7. 8-9 (R.: 2 a)

R. Dómine, Dóminus noster,  
quam admirábile est nomen tuum in univérsa terra!

4 Quando vídeo cælos tuos, ópera digitórum tuórum,  
lunam et stellas quæ tu fundásti:

5 quid est homo, quod memor es eius?  
aut fílius hóminis, quóniam vísitas eum? R.

6 Minuísti eum paulo minus ab Angelis,  
glória et honóre coronásti eum:

7 et constituísti eum super ópera mánuum tuárum.  
Omnia subiecísti sub pédibus eius. R.

8 Oves et boves univérsas, ínsuper et pécora campi,  
9 vólucres cæli et pisces maris,  
quæcúmque perámbulant sémitas maris. R.

**Lectio secunda**

1

*Gratia Iesu Christi et caritas Dei et communicatio  
Sancti Spiritus.*

Lectio Epístolæ secúndæ beáti Pauli apóstoli  
ad Corínthios 13, 11-13

Fratres:

Gaudéte, perfécti estóte, exhortámini ínvicem, idem sápite, pacem habéte, et Deus dilectiónis et pacis erit vobíscum.

Salutáte ínvicem in ósculo sancto.

Salútant vos sancti omnes.

Grátia Dómini Iesu Christi et caritas Dei et comunicatio Sancti Spíritus cum ómnibus vobis.

Verbum Dómini.

2

*Accepistis Spiritum adoptionis filiorum,  
in quo clamamus: Abba, Pater!*

Léctio Epístolæ beáti Pauli apóstoli ad Romános

8, 14-17

Fratres:

Quicúmque Spíritu Dei agúntur, hi filii Dei sunt. Non enim accepístis spíritum servitútis íterum in timóre, sed accepístis Spíritum adoptiónis filiórum, in quo clamámus: « Abba, Pater! » Ipse Spíritus testimónium reddit una cum spíritu nostro quod sumus filii Dei. Si autem filii, et herédes; herédes quidem Dei, coherédes autem Christi, si tamen compátimur ut et conglorificémur. — Verbum Dómini.

3

*Ad Deum per Christum in caritate  
diffusa per Spiritum.*

Léctio Epístolæ beáti Pauli apóstoli ad Romános

5, 1-5

Fratres:

Iustificáti ígitur ex fide, pacem habémus ad Deum per Dóminum nostrum Iesum Christum, per quem et accéssum habémus fide in grátiam istam in qua stamus et gloriámur in spe glóriæ Dei. Non solum autem, sed et gloriámur in tribulatió nibus, sciéntes quod tribu-

látio patiéntiam operátur, patiéntia autem probatió-  
nem, probátio vero spem; spes autem non confúndit,  
quia cáritas Dei diffúsa est in córdibus nostris per Spi-  
ritum Sanctum qui datus est nobis. — Verbum Dómini.

### Evangelium

#### 1

**Alleluia et Versus ante Evangelium** Ap 1, 8

(**R.** Allelúia). **V.** Glória Patri, et Fílio,  
et Spirítui Sancto,  
Deo qui est, et qui erat,  
et qui ventúrus est. (**R.** Allelúia).

*Misit Deus Filium, ut salvetur mundus per ipsum.*

**✠ Lécio sancti Evangélii secúndum Ioánnem** 3, 16-18

In illo témpore: Dixit Iesus Nicodémo:

« Sic diléxit Deus mundum, ut Fílium suum Uni-  
génitum daret, ut omnis qui credit in eum non péreat  
sed hábeat vitam ætérrnam. Non enim misit Deus Fí-  
lium in mundum ut iúdicet mundum, sed ut salvétur  
mundus per ipsum. Qui credit in eum non iudicátur:  
qui autem non credit iam iudicátus est, quia non crédidit  
in Nómine Unigéniti Fílii Dei ». — Verbum Dómini.

#### 2

**Alleluia et Versus ante Evangelium** Ap 1, 8

(**R.** Allelúia). **V.** Glória Patri, et Fílio,  
et Spirítui Sancto,  
Deo qui est, et qui erat,  
et qui ventúrus est. (**R.** Allelúia).



*Baptizantes eos in Nomine Patris et Filii  
et Spiritus Sancti.*

✠ Lécio sancti Evangélii secúndum Matthæum

28, 16-20

In illo témpore:

Undecim discipuli abiérunt in Galiléam, in Montem ubi constitúerat illis Iesus, et vidéntes eum adoravérunt, quidam autem dubitavérunt.

Et accédens Iesus locútus est eis dicens: « Data est mihi omnis potéstas in cælo et in terra. Eúntes ergo docéte omnes gentes, baptizántes eos in Nómine Patris et Fílii et Spíritus Sancti, docéntes eos serváre ómnia quæcúmque mandávi vobis: et ecce ego vobíscum sum ómnibus diébus usque ad consummationem sæculi ».

Verbum Dómini.

3

Alleluia et Versus ante Evangelium

Ap 1, 8

(R. Allelúia). 7. Glória Patri, et Fílio,  
et Spíritui Sancto,

Deo qui est, et qui erat,

et qui ventúrus est. (R. Allelúia).

*Quæcumque habet Pater, mea sunt;  
Spiritus de meo accipiet et annuntiabit vobis.*

✠ Lécio sancti Evangélii secúndum Ioánnem

16, 12-15

In illo témpore: Dixit Iesus discipulis suis:

« Adhuc multa hábeo vobis dícere, sed non potéstis portáre modo: cum autem vénerit ille, Spíritus veritátis, ducet vos in omni veritáte: non enim loquétur a semetípso, sed quæcúmque áudiet loquétur, et quæ ventúra sunt annuntiábit vobis. Ille me glorificábit, quia de meo accipiet et annuntiábit vobis. Omnia quæcúmque habet Pater, mea sunt; proptérea dixi quia de meo accipit et annuntiábit vobis ». — Verbum Dómini.

## 2. DE MYSTERIO SANCTÆ CRUCIS

Dicitur, cum colore rubro, Missa de festo Exaltationis sanctæ Crucis, die 14 septembris, ut infra:

Ant. ad introitum

Cf. Gal 6, 14

Nos autem gloriári oportet  
in cruce Dómini nostri Iesu Christi,  
in quo est salus, vita et resurrectio nostra,  
per quem salváti et liberáti sumus.

Collecta

Deus, qui Unigénitum tuum crucem subíre voluísti,  
ut salvum fáceret genus humánum,  
præsta, quæsumus,  
ut, cuius mystérium in terra cognóvimus,  
eius redemptionis præmia in cælo cónsequi mereámur.  
Per Dóminum.

Lectiones ut infra, pp. 1576-1606.

Super oblata

Hæc oblátio, Dómine, quæsumus,  
ab ómnibus nos purget offénsis,  
quæ in ara crucis totíus mundi tulit offénsam.  
Per Christum.

Præfatio: De victoria crucis gloriosæ.

γ. Dóminus vobíscum.

ϣ. Et cum spírítu tuo.

γ. Sursum corda.

ϣ. Habémus ad Dóminum.

γ. Grátias agámus Dómino Deo nostro.

ϣ. Dignum et iustum est.

Vere dignum et iustum est, æquum et salutäre,  
nos tibi semper et ubique grátias ágere:  
Dómine, sancte Pater, omnipotens, ætérne Deus:

Qui salutem humáni géneris  
in ligno crucis constituísti,  
ut, unde mors oriebátur, inde vita resúrgeret;  
et, qui in ligno vincébat,  
in ligno quoque vincerétur:  
per Christum Dóminum nostrum.

Per quem maiestátem tuam laudant Angeli,  
adórant Dominatiónes, tremunt Potestátes.  
Cæli cælorúmque Virtútes, ac beáta Séraphim,  
sócia exsultatióne concélebrant.

Cum quibus et nostras voces ut admítte iúbeas,  
deprecámur, súpplīci confessiόne dicétes:

Sanctus, Sanctus, Sanctus Dóminus Deus Sábaoth ...

Dici potest etiam præfatio I de Passione Domini, p. 629.

Ant. ad communionem

Io 12, 32

Ego si exaltátus fúero a terra,  
omnes traham ad meípsum, dicit Dóminus.

Post communionem

Refectiόne tua sancta enutríti,  
Dómine Iesu Christe, súpplīces deprecámur,  
ut, quos per lignum crucis vivíficæ redemísti,  
ad resurrectiόnis glóriam perdúcas.  
Qui vivis.

---

## Lectio prima extra tempus paschale

## 1

*Præcepta de cena paschali.*

Lectio libri Exodi

12, 1-8. 11-14

In diébus illis:

Dixit Dóminus ad Móysen et Aaron in terra Ægýpti: « Mensis iste vobis princípium ménsium primus erit in ménsibus anni.

Loquímini ad univérsam cœtum filiórum Israel, et dícite eis: " Décima die mensis huius tollat unusquisque agnum per famílias et domos suas. Sin autem minor est númerus ut sufficere possit ad vescéndum agnum, assúmet vicínus suum, qui iunctus est dómui suæ, iuxta númerum animárum quæ sufficere possunt ad esum agni. Erit autem agnus absque mácula, másculus, annículus; iuxta quem ritum tollétis et hædum.

Et servábitis eum usque ad quartam décimam diem mensis huius; immolábitque eum univérsa multitúdo filiórum Israel ad vésperam. Et sument de sánguine eius, ac ponent super utrúmque postem et in superlimináribus domórum, in quibus cómedent illum. Et edent carnes nocte illa assas igni et ázymos panes cum lactúcis agréstibus.

Sic autem comedétis illum: renes vestros accingétis, et calceaménta habébitis in pédibus, tenétes báculos in mánibus, et comedétis festinánter; est enim Phase (id est tránsitus) Dómini.

Et transíbo per terram Ægýpti nocte illa, percutiámque omne primogénitum in terra Ægýpti ab hómine usque ad pecus, et in cunctis diis Ægýpti fáciam iudícia: Ego Dóminus. Erit autem sanguis vobis in signum in ædibus in quibus éritis; et vidébo sángu-

nem, et transibo vos; nec erit in vobis plaga disperdens, quando percussero terram Ægypti.

Habebitis autem hunc diem in monumentum; et celebrabitis eam sollempnem Domino in generationibus vestris, cultu sempiterno " ». — Verbum Domini.

### Psalmus responsorius

Ps 117, 16 ab-18. 19-21. 22-23 (R.: 1)

R. Confitemini Domino,  
quoniam in seculum misericordia eius.

vel Alleluia.

- <sup>16</sup> Dextera Domini fecit virtutem,  
dextera Domini exaltavit me;  
<sup>17</sup> non moriar, sed vivam,  
et narrabo opera Domini.  
<sup>18</sup> Castigans castigavit me Dominus,  
et morti non tradidit me. R.  
<sup>19</sup> Aperite mihi portas iustitiae,  
ingressus in eas confitebor Domino;  
<sup>20</sup> haec porta Domini, iusti intrabunt in eam.  
<sup>21</sup> Confitebor tibi, quoniam exaudisti me,  
et factus es mihi in salutem. R.  
<sup>22</sup> Lapidem quem reprobaverunt aedificantes,  
hic factus est in caput anguli;  
<sup>23</sup> a Domino factum est istud,  
et est mirabile in oculis nostris. R.

## 2

*Morte turpissima condemnemus eum.*

Lectio libri Sapientiae

2, 1 a. 12-22

Dixerunt impii cogitantes apud se non recte: « Cir-

cumveniámus iustum, quóniam inútilis est nobis, et contrárius est opéribus nostris, et impróperat nobis peccáta legis, et diffámat in nos peccáta disciplínæ nostræ.

Promíttit se sciéntiam Dei habére et fílium Dei se nóminat; factus est nobis in traductiónem cogitatónum nostrárum; gravis est nobis étiam ad vidéndum; quóniam dissímilis est áliis vita illíus et immutátæ sunt viæ eius.

Tamquam nugáces æstimáti sumus ab illo, et ábstinet se a viis nostris tamquam ab immundítiis; et præfert novíssima iustórum, et gloriátur patrem se habére Deum.

Videámus ergo si sermónes illíus veri sint, et tentémus quæ ventúra sunt illi, et sciémus quæ erunt novíssima illíus. Si enim est verus fílius Dei, suscipiet illum et liberábit eum de mánibus contrariórum.

Contumélia et torménto interrogémus eum, ut sciámus reveréntiam eius et probémus patiéntiam illíus.

Morte turpíssima condemnémus eum; erit enim ei respéctus ex sermónibus illíus ».

Hæc cogitavérunt et erravérunt; excæcávit enim illos malítia eórum. Et nesciérunt sacraménta Dei, neque mercédem speravérunt iustítiæ, nec iudicavérunt honórem animárum sanctárum.

Verbum Dómini.

Psalmus responsorius

Ps 21, 8-9. 17-18 a. 19-20. 23-24 (R.: Mt 26, 42)

R. Pater mi, fiat volúntas tua.

8 Omnes vidéntes me derisérunt me;  
torquéntes lábia movérunt caput:

9 « Sperávit in Dómino, erípiat eum;  
salvum fáciat eum, quóniam vult eum ». R.

- 17 Quóniam circumdedérunt me canes multi,  
concílium malignántium obsédit me.  
Fodérunt manus meas et pedes meos,  
18 et dinumerávi ómnia ossa mea. R̄.
- 19 Divisérunt sibi vestiménta mea,  
et super vestem meam misérunt sortem.  
20 Tu autem, Dómine, ne elongáveris,  
fortitúdo mea, ad adiuvándum me festína. R̄.
- 23 Narrábo nomen tuum frátribus meis,  
in médio ecclésiæ laudábo te.  
24 Qui tímétis Dóminum, laudáte eum,  
univérsum semen Iacob, glorificáte eum.  
Métuat eum omne semen Israel. R̄.

## 3

*Faciem meam non averti ab increpantibus.*

Léctio libri Isaíæ prophétæ

50, 4-9 a

Dóminus dedit míhi linguam erudítam, ut sciam sustentáre eum qui lassus est verbo. Erigit mane, mane érigit míhi aurem, ut áudiam quasi magístrum. Dóminus Deus apéruit míhi aurem, ego autem non contradíco; retrórsum non ábii.

Corpus meum dedi percutiéntibus et genas meas velléntibus; fáciem meam non avérti ab increpántibus et conspuéntibus in me.

Dóminus Deus auxiliátor meus, ídeo non sum confúsus, ídeo pósui fáciem meam ut petram duríssimam, et scio quóniam non confundar. Iuxta est qui iustificat me, quis contradícet míhi? Stemus simul, quis est adversárius meus? accédát ad me.

Ecce Dóminus Deus auxiliátor meus, quis est qui condémnet me? — Verbum Dómini.

## Psalmus responsorius

Ps 30, 2 et 6. 12-13. 15-16. 17 et 25 (R.: Lc 23, 46)

R. Pater, in manus tuas commendo spiritum meum.

2 In te, Domine, speravi, non confundar in æternum;  
in iustitia tua libera me.6 In manus tuas commendo spiritum meum;  
redemisti me, Domine, Deus veritatis. R.12 Apud omnes inimicos meos factus sum opprobrium,  
et vicinis meis valde, et timor notis meis:  
qui videbant me foras, fugiebant a me.13 Oblivioni a corde datus sum tamquam mortuus;  
factus sum tamquam vas perditum. R.15 Ego autem in te speravi, Domine;  
dixi: « Deus meus es tu,

16 in manibus tuis sortes meæ ».

Eripe me de manu inimicorum meorum  
et a persecutibus me. R.17 Illustra faciem tuam super servum tuum,  
salvum me fac in misericordia tua.25 Viriliter agite, et confortetur cor vestrum,  
omnes qui speratis in Domino. R.

## 4

*Ipse vulneratus est propter iniquitates nostras.*

Lectio libri Isaïæ prophætæ

52, 13 — 53, 12

Ecce intelleget servus meus, exaltabitur et elevabitur et sublimis erit valde. Sicut obstupuerunt super te multi, sic inglorius erit inter viros aspectus eius, et forma eius inter filios hominum. Iste asperget gentes multas, super ipsum continebunt reges os suum, quia



quibus non est narrátum de eo vidérunt, et qui non audiérunt contempláti sunt.

Quis crédidit audítui nostro? et bráccium Dómini cui revelátum est? Et ascéndet sicut virgúltum coram eo, et sicut radix de terra sitiénti.

Non est spécies ei neque decor; et vídimus eum, et non erat aspéctus, et desiderávimus eum; despéctum et novíssimum virórum, virum dolórum et sciéntem infirmitátem, et quasi absconditus vultus eius et despéctus, unde nec reputávimus eum.

Vere languóres nostros ipse tulit et dolóres nostros ipse portávit, et nos putávimus eum quasi leprósum et percússum a Deo et humiliátum.

Ipse autem vulnerátus est propter iniquitátes nostras, attrítus est propter scélera nostra, disciplína pacis nostræ super eum, et livóre eius sanáti sumus. Omnes nos quasi oves errávimus, unusquisque in viam suam declinávit, et pósuit Dóminus in eo iniquitátem ómnium nostrum.

Oblátus est quia ipse vóluit, et non apéruit os suum; sicut ovis ad occisiónem ducétur, et quasi agnus coram tondénte se obmutéscet, et non apériet os suum.

De angústia et de iudício sublátus est. Generatió-nem eius quis enarrábit? quia abscessus est de terra vivéntium; propter scelus pópuli mei percússi eum. Et dabit ímpios pro sepultúra, et dívitem pro morte sua, eo quod iniquitátem non fécerit, neque dolus fúerit in ore eius.

Et Dóminus vóluit contérere eum in infirmitáte. Si posúerit pro peccáto ánimam suam, vidébit semen longévum, et volúntas Dómini in manu eius dirigétur. Pro eo quod laborávit ánimam eius, vidébit et saturábitur. In sciéntia sua iustificábit ipse iustus servus meus multos, et iniquitátes eórum ipse portábit.

Ideo dispertiam ei plúrimos, et fórtium dívidet spólia, pro eo quod trádedit in mortem ánimam suam, et cum scelerátis reputátus est; et ipse peccáta multórum tulit, et pro transgressóribus rogávit.

Verbum Dómini.

### Psalmus responsorius

Ps 68, 8-10. 15-16. 17-19 (R.: 14 c)

R. In multítudine misericórdiæ tuæ,  
exáudi me, Dómine.

- 1 Quóniam propter te sustínui oppróbrium,  
opérui confúsió fáciem meam;
- 9 extráneus factus sum frátribus meis,  
et peregrínus fíliis matris meæ.
- 10 Quóniam zelus domus tuæ comédit me,  
et oppróbria exprobrántium tibi  
cecidérunt super me. R.
- 15 Eripe me de luto, ut non infígar,  
erípiar ab iis qui odérunt me,  
et de profúndis aquárum.
- 16 Non me demérgat fluctus aquárum,  
neque absórbeat me profúndum;  
neque úrgeat super me púteus os suum. R.
- 17 Exáudi me, Dómine,  
quóniam benígna est misericórdia tua;  
secúndum multítudinem miseratiónum tuárum  
réspice in me.
- 18 Et ne avértas fáciem tuam a púero tuo,  
quóniam tríbulor, velóciter exáudi me.
- 19 Accéde ad ánimam meam, víndica eam,  
propter inimícos meos rédime me. R.

*Videbunt in quem transfixerunt.*

Lectio libri Zachariæ prophætæ 12, 10-11; 13, 6-7

Hæc dicit Dóminus: « Effúndam super domum David et super habitatóres Ierúsalem spíritum grátiae et precum, et aspicient ad me quem confixerunt, et plangent eum planctu quasi super unigénitum, et dolébunt super eum, ut doléri solet in morte primogéniti. In die illa magnus erit planctus in Ierúsalem, sicut planctus Adadrémmon in campo Magéddon.

Et dicétur ei: “ Quid sunt plagæ istæ in médio mánuum tuárum? ” Et dicet: “ His plagátus sum in domo eórum qui diligébant me ”.

Frámea, suscitáre super pastórem meum et super virum cohæréntem mihi, dicit Dóminus exercítuum: pércute pastórem, et dispergéntur oves, et convértam manum meam ad párvulos ». — Verbum Dómini.

### Psalmus responsorius

Ps 68, 20-21. 22 et 27. 31 et 33-34 (R.: cf. 21 cd)

R. Exspectávi commiserántem, sed non fuit,  
et consolántes, sed non invéni.

20 Tu scis oppróbrium meum  
et confusiómem meam et reveréntiam meam.

In conspéctu tuo sunt omnes qui tríbulant me;  
21 oppróbrium contrívit cor meum, et elángui.  
Et sustínui qui simul contristarétur, et non fuit,  
et qui consolarétur, et non invéni. R.

22 Et dedérunt in escam meam fel,  
et in siti mea potavérunt me acéto.

27 Quóniam quem tu percussísti persecúti sunt,  
et super dolórem eius, quem vulnerásti, addidérunt. R.

- 31 Laudábo nomen Dei cum cántico,  
et magnificábo eum in laude.
- 33 Vídeant húmiles et læténtur;  
quærite Deum, et vivet cor vestrum.
- 34 Quóniam exaudívit páuperes Dóminus,  
et vinctos suos non despéxit. *R.*

Lectio prima  
tempore paschali

## 1

*Quem occiderunt suspendentes in ligno,  
hunc Deus suscitavit tertia die.*

## Lectio Actuum Apostolorum

10, 34-43

## In diébus illis:

Apériens Petrus os dixit: « In veritáte compério quóniam non est personárum accéptor Deus, sed in omni gente qui timet eum et operátur iustítiam, accéptus est illi. Verbum misit fíliis Israel, evangelízans pacem per Iesum Christum: hic est ómnium Dóminus.

Vos scitis quod factum est verbum per univérsam Iudæam, incípiens a Galilæa post baptísmum, quod prædicávit Ioánnes: Iesum a Názareth, quómo do unxit eum Deus Spírítu Sancto et virtúte, qui pertransívit benefaciéndo et sanádo omnes opprésos a diábolo, quóniam Deus erat cum illo.

Et nos testes sumus ómnium quæ fecit in regione Iudæórum et Ierúsalem, quem et occidérunt suspendéntes in ligno. Hunc Deus suscitávit tértia die et dedit eum maniféstum fíeri, non omni pópulo, sed téstibus præordinátis a Deo, nobis, qui manducávimus et bíbimus cum illo, postquam resurréxit a mórtuis.

Et præcepit nobis prædicare pópulo et testificari quia ipse est qui constitutus est a Deo iudex vivorum et mortuorum. Huic omnes prophætæ testimónium pèrhìbent, remissionem peccatorum accipere per Nomen eius omnes qui credunt in eum ».

Verbum Dómini.

**Psalmus responsorius**

Ps 54, 2-3 a. 7-8. 17-18. 23 (R.: 23 a)

R. Iacta super Dóminum curam tuam, et ipse te enútriet.  
vel Allelúia.

- 2 Auribus pèrcipe, Deus, orationem meam,  
et ne abscondaris a deprecatione mea;
- 3 inténde mihi et exáudi me. R.
- 7 Et dixi: « Quis dabit mihi pennas sicut colúmbæ,  
et volábo et requiescam? »
- 8 Ecce elongábo fúgiens  
et manébo in solitúdine ». R.
- 17 Ego autem ad Deum clamábo,  
et Dóminus salvábit me.
- 18 Véspere et mane et merídie meditabor et ingemíscam,  
et exáudiet vocem meam. R.
- 23 Iacta super Dóminum curam tuam,  
et ipse te enútriet;  
non dabit in ætérnum fluctuatióem iusto. R.

2

*Promissionem adimplevit Deus resuscitans Iesum.*

Léctio Actuum Apostolorum

13, 26-33

In diébus illis:

Cum venisset Paulus Antiochiám Pisídiæ, dicébat in synagóga: « Viri fratres, filii géneris Abraham, et qui

in vobis timent Deum, nobis verbum salutis huius missum est.

Qui enim habitabant Ierusalem et principes eorum, Iesum ignorantes et voces prophetarum, quæ per omne sabbatum leguntur, iudicantes impleverunt; et nullam causam mortis invenièntes, petierunt a Pilato ut interficeretur.

Cumque consummasset omnia quæ de eo scripta erant, deponentes eum de ligno posuerunt eum in monumento.

Deus vero suscitavit eum a mortuis; qui visus est per dies multos his qui simul ascenderant cum eo de Galilæa in Ierusalem, qui nunc sunt testes eius ad plebem.

Et nos vobis evangelizamus eam, quæ ad patres promissio facta est; quoniam hanc Deus adimplevit filiis eorum, nobis, resuscitans Iesum, sicut et in psalmo secundo scriptum est: "Filius meus es tu; ego hodie genui te" ». — Verbum Domini.

### Psalmus responsorius

Ps 117, 5-7. 10-12. 13-15 (R.: 1)

R. Confitemini Domino,  
quoniam in sæculum misericordia eius.

vel Alleluia.

- 5 De tribulatione invocavi Dominum,  
et exaudivit me educens in latitudinem Dominus.
- 6 Dominus mecum,  
non timebo quid faciat mihi homo.
- 7 Dominus mecum adiutor meus,  
et ego despiciam inimicos meos. R.
- 10 Omnes gentes circueverunt me,  
et in nomine Domini excidi eos.

- 11 **Circumdántes circumdedérunt me,  
et in nómine Dómini excídi eos.**
- 12 **Circumdedérunt me sicut apes,  
et exarsérunt sicut ignis in spinis,  
et in nómine Dómini excídi eos. R̄.**
- 13 **Impelléntes impulérunt me, ut cáderem,  
et Dóminus adiúvit me.**
- 14 **Fortitúdo mea et laus mea Dóminus,  
et factus est mihi in salútem.**
- 15 **Vox iubilatiónis et salútis  
in tabernáculis iustórum. R̄.**

## 3

*Primogenitus mortuorum, qui diligit nos  
et solvit nos a peccatis nostris in sanguine suo.*

**Léctio libri Apocalýpsis beáti Ioánnis apóstoli 1, 5-8**

**Grátia vobis et pax ab Iesu Christo, qui est testis  
fidélis, primogénitus mortuórum et princeps regum ter-  
ræ. Ei qui díligit nos et solvit nos a peccátis nostris in  
sánguine suo, et fecit nos regnum, sacerdótes Deo et  
Patri suo: ipsi glória et impérium in sácula sæculórum.  
Amen.**

**Ecce venit cum núbibus, et vidébit eum omnis ócu-  
lus, et qui eum pupugérunt; et plangent se super eum  
omnes tribus terræ. Etiam. Amen.**

**« Ego sum alpha et ómega, dicit Dóminus Deus,  
qui est et qui erat et qui ventúrus est, Omnípotens ».  
Verbum Dómini.**

**Psalmus responsorius**

**Ps 21, 20 et 23. 24-25 b. 26-27. 28-29 (R̄.: Mt 26, 42)**

**R̄. Pater mi, fiat volúntas tua.**

**vel Allelúia.**

- 20 Tu autem, Dómine, ne elongáveris;  
fortitúdo mea, ad adiuvándum me festína.
- 21 Narrábo nomen tuum frátribus meis,  
in médio ecclésiæ laudábo te. *R.*
- 24 Qui tímétis Dóminum, laudáte eum,  
univérsum semen Iacob, glorificáte eum.  
Métuat eum omne semen Israel,  
quóniam non sprevit neque despéxit  
afflicciónem páuperis. *R.*
- 26 Apud te laus mea in ecclésia magna;  
vota mea reddam in conspéctu tíméntium eum.
- 27 Edent páuperes, et saturabúntur  
et laudábunt Dóminum qui requírunt eum:  
« Vivant corda eórum in sáeculum sáeculi ». *R.*
- 28 Reminiscéntur et converténtur ad Dóminum  
univérsi fines terræ,  
et adorábunt in conspéctu eius  
univérsæ famíliæ géntium.
- 29 Quóniam Dómini est regnum,  
et ipse dominábitur géntium. *R.*

## 4

*Redemisti Deo in sanguine tuo.*

Léctio libri Apocalýpsis beáti Ioánnis apóstoli 5, 6-12

Ego Ioánnes vidi in médio throni et quattuor animálium et in médio seniórum Agnum stantem tamquam occisum, habéntem córnua septem et óculos septem, qui sunt septem spíritus Dei missi in omnem terram.

Et venit et accépit de dextera sedéntis in throno. Et, cum accepisset librum, quattuor animália et vinti-quattuor senióres ceciderunt coram Agno, habéntes singuli cítharas et phíalas áureas plenas incensórum, quæ sunt oratiónes sanctórum.



Et cantant novum canticum dicentes: « Dignus es accipere librum et aperire signacula eius, quoniam occisus es, et redemisti Deo in sanguine tuo, ex omni tribu et lingua et populo et natione, et fecisti eos Deo nostro regnum et sacerdotes, et regnabunt super terram ».

Et vidi, et audivi vocem angelorum multorum in circuitu throni et animalium et seniorum; et erat numerus eorum myriades myriadam et milia milium dicentium voce magna: « Dignus est Agnus, qui occisus est, accipere virtutem et divitias et sapientiam et fortitudinem et honorem et gloriam et benedictionem ».

Verbum Domini.

Psalmus responsorius

Ps 117, 5-7. 10-12. 13-15 (R.: 1)

R. Confitemini Domino,  
quoniam in saeculum misericordia eius.

vel Alleluia.

- <sup>5</sup> De tribulatione invocavi Dominum,  
et exaudivit me educens in latitudinem Dominus.
- <sup>6</sup> Dominus mecum,  
non timebo quid faciat mihi homo.
- <sup>7</sup> Dominus mecum adiutor meus,  
et ego despiciam inimicos meos. R.
- <sup>10</sup> Omnes gentes circueverunt me,  
et in nomine Domini excidi eos.
- <sup>11</sup> Circumdantes circumdederunt me,  
et in nomine Domini excidi eos.
- <sup>12</sup> Circumdederunt me sicut apes,  
et exarserunt sicut ignis in spinis,  
et in nomine Domini excidi eos. R.

- <sup>13</sup> Impelléntes impulérunt me, ut cáderem,  
et Dóminus adiúvit me.
- <sup>14</sup> Fortitúdo mea et laus mea Dóminus,  
et factus est mihi in salútem.
- <sup>15</sup> Vox iubilatiónis et salútis  
in tabernáculis iustórum. R.

## Lectio secunda

## 1

*Nos prædicamus Christum crucifixum.*

Lectio Epístolæ primæ beáti Pauli apóstoli  
ad Corinthios

1, 18-25

Fratres:

Verbum crucis pereúntibus quidem stultítia est; his autem qui salvi fiunt, id est nobis, virtus Dei est. Scriptum est enim: « Perdam sapiéntiam sapiéntium, et prudéntiam prudéntium reprobábo ». Ubi sápiens? ubi scriba? ubi conquisitor huius sæculi? Nonne stultam fecit Deus sapiéntiam huius mundi?

Nam, quia in Dei sapiéntia non cognóvit mundus per sapiéntiam Deum, plácuit Deo per stultítiam prædicatiónis salvos fácere credéntes.

Quóniam et Iudæi signa petunt, et Græci sapiéntiam quærun; nos autem prædicámus Christum crucifixum, Iudæis quidem scándalum, Géntibus autem stultítiam, ipsis autem vocátis, Iudæis atque Græcis, Christum Dei virtútem et Dei sapiéntiam; quia quod stultum est Dei, sapiéntius est homínibus, et quod infírmum est Dei, fórtius est homínibus.

Verbum Dómini.

2

*Ipse est pax nostra,  
qui solvit inimicitiam in carne sua.*

**Lectio Epistolæ beati Pauli apostoli ad Ephésios**

2, 13-18

**Fratres:**

Nunc in Christo Iesu vos, qui aliquando eratis longe, facti estis prope in sanguine Christi. Ipse est enim pax nostra, qui fecit utraque unum et medium parietem maceræ solvit, inimicitiam, in carne sua, Legem mandatorum in decretis evacuans, ut duos condat in semetipso in unum novum hominem, faciens pacem, et reconciliet ambos in uno corpore Deo per crucem, interficiens inimicitiam in semetipso.

Et veniens evangelizavit pacem vobis, qui longe fuistis, et pacem his qui prope; quoniam per ipsum habemus accessum ambo in uno Spiritu ad Patrem.

**Verbum Domini.**

3

*Humiliavit semetipsum:  
propter quod et Deus illum exaltavit.*

**Lectio Epistolæ beati Pauli apostoli ad Philippenses**

2, 6-11

**Fratres:**

Christus Iesus, cum in forma Dei esset, non rapinam arbitratus est esse se æqualem Deo, sed semetipsum exinanivit, formam servi accipiens, in similitudinem hominum factus: et habitu inventus ut homo, humiliavit semetipsum factus obediens usque ad mortem, mortem autem crucis.

Propter quod et Deus illum exaltávit et donávit illi Nomen, quod est super omne nomen, ut in Nómine Iesu omne genu flectátur cæléstium et terréstrium et inférnorum, et omnis lingua confiteátur « Dóminus Iesus Christus! », in glóriam Dei Patris.

Verbum Dómini.

## 4

*Ad cognoscendum Christum  
et virtutem resurrectionis eius  
et communionem passionum illius.*

Léctio Epístolæ beáti Pauli apóstoli ad Philippénes

3, 8-14

Fratres:

Existimo ómnia detriméntum esse propter eminéntiam sciéntiæ Christi Iesu Dómini mei: propter quem ómnia detriméntum feci et árbitror ut stércora, ut Christum lucrifáciam, et invéniam in illo, non habens meam iustítiam, quæ ex Lege est; sed illam, quæ per fidem est Christi, quæ ex Deo est iustítia in fide; ad cognoscéndum illum et virtútem resurrectionis eius et communionem passiónum illius, confórmans me morti eius, si quo modo occúrram ad resurrectionem quæ est ex mórtuis.

Non quod iam accéperim aut iam perféctus sim; pérsequor autem, si umquam comprehéndam, sicut et comprehénsus sum a Christo Iesu.

Fratres, ego me non árbitror comprehéndisse. Unum autem: quæ quidem retro sunt obliviscens, ad ea vero quæ ante sunt exténdens me, ad destinátum pérsequor, ad bravíum supérnæ vocatiónis Dei in Christo Iesu.

Verbum Dómini.

5

*Didicit obœdientiam et factus est auctor  
salutis æternæ.*

Lectio Epistolæ ad Hebræos 5, 7-9

Christus in diébus carnis suæ preces supplicationésque ad eum, qui possit salvum illum a morte fácere, cum clamóre váldo et lácrimis ófferens, et exaudítus pro sua reveréntia.

Et quidem, cum esset Fílius, dídicit ex his quæ passus est oboœdiéntiam, et consummátus factus est ómnibus oboœdiéntibus sibi auctor salutis æternæ.

Verbum Dómini.

Evangelium

1

Alleluia et Versus ante Evangelium

(R. Allelúia). γ. Per lignum servi facti sumus,  
et per sanctam crucem liberáti sumus;  
fructus árboris sedúxit nos,  
Fílius Dei redémit nos. (R. Allelúia).

*Oportet Fílium hominis multa pati.*

✠ Lectio sancti Evangélli secúndum Marcum 8, 31-34

In illo témpore:

Cœpit Iesus docére discipulos suos: « Opórtet Fílium hóminis multa pati et reprobári a senióribus et a summis sacerdotibus et scribis, et occídi, et post tres dies resúrgere ». Et palam verbum loquebátur.

Et apprehéndens eum Petrus cœpit increpáre eum.  
Qui convérsus, et videns discipulos suos, commi-

nátus est Petro et dicit: « Vade retro me, Sátana, quóniam non sapis quæ Dei sunt, sed quæ sunt hóminum ».

Et, convocáta turba cum discipulis suis, dixit eis: « Si quis vult post me sequi, déneget se ipsum, et tollat crucem suam, et sequátur me ». — Verbum Dómini.

## 2

Alleluia et Versus ante Evangelium Phil 2, 8-9

(R. Allelúia). γ. Christus factus est pro nobis obcédians usque ad mortem, mortem autem crucis.

Propter quod et Deus exaltávit illum, et dedit illi nomen, quod est super omne nomen.

(R. Allelúia).

*Apprehendentes filium dilectum occiderunt et eiecerunt extra vineam.*

✠ Lécio sancti Evangélii secúndum Marcum 12, 1-12

In illo témpore:

Cœpit Iesus summis sacerdotibus et scribis et senióribus in parábolis loqui: « Vínream pastinávit homo, et circúmdedit sæpem, et fodit lacum, et ædificávit turrim, et locávit eam agricolis, et pégre proféctus est.

Et misit ad agricolas in témpore servum, ut ab agricolis accíperet de fructu vínæ. Qui apprehénsus eum cæcidérunt et dimisérunt vácuum. Et iterum misit ad illos álium servum, et illum in cápite vulneravérunt et contuméliis affecérunt. Et álium misit, et illum occidérunt, et plures álios, quosdam cædéntes, álios vero occidéntes.

Adhuc unum habébat, filium diléctum: misit illum

ad eos novíssimum, dicens: " Reverebúntur filium meum ".

Colóni autem illi dixerunt ad ívicem: " Hic est heres: veníte, occidámus eum, et nostra erit heréditas ". Et apprehendéntes eum occidérunt et eiecérunt extra víneam.

Quid ergo fáciat dómínus víneæ? Véniet et perdet colónos et dabit víneam áliis. Nec Scriptúram hanc legístis: " Lápídem, quem reprobavérunt ædificántes, hic factus est in caput ánguli; a Dómíno factum est istud, et est mirábile in óculis nostris " ? »

Et quærébant eum tenére, et timuérunt turbam; cognovérunt enim, quóniam ad eos parábolam hanc díxerit. Et, relicto eo, abiérunt. — Verbum Dómíni.

## 3

## Alleluia et Versus ante Evangelium

(*R.* Allelúia). *V.* Adorámus te, Christe, et benedicimus tibi,  
quia per crucem tuam redemísti mundum.  
(*R.* Allelúia).

*Videte manus meas et pedes meos.*

## ✠ Lécio sancti Evangélii secúndum Lucam 24, 35-48

In illo témpore:

Narrábant discípuli quæ gesta erant in via, et quómo cognovérunt eum in fractióne panis.

Dum hæc autem loquúntur, stetit Iesus in médio eórum et dicit eis: « Pax vobis ». Conturbáti vero et contérriti existimábant se spíritum vidére.

Et dixit eis: « Quid turbáti estis, et quare cogitátiónes ascéndunt in corda vestra? Vidéte manus meas et pedes meos, quia ipse ego sum; palpáte me et vidéte,

quia spíritus carnem et ossa non habet, sicut me vidétis habére ».

Et, cum hoc dixisset, osténdit eis manus et pedes.

Adhuc autem illis non credéntibus præ gáudio et mirántibus, dixit eis: « Habétis hic áliquíd quod manducétur? » At illi obtulérunt ei partem piscis assi. Et sumens coram eis manducávit.

Et dixit ad eos: « Hæc sunt verba quæ locútus sum ad vos, cum adhuc essem vobíscum, quóniam necesse est impléri ómnia quæ scripta sunt in lege Móy-sis et prophétis et psalmis de me ». Tunc apéruit illis sensum, ut intellégerent Scriptúras.

Et dixit eis: « Sic scriptum est, Christum pati, et resúrgeré a mórtuis die tértia, et prædicári in nómine eius pæniténtiam in remissionem peccatórum in omnes gentes, incipiéntibus ab Ierúsalem.

Vos estis testes horum ». — Verbum Dómini.

## 4

**Alleluia et Versus ante Evangelium** **Phil 2, 8-9**

(**R.** Allelúia). **γ.** Christus factus est pro nobis obcédens usque ad mortem, mortem autem crucis.

Propter quod et Deus exaltávit illum, et dedit illi nomen, quod est super omne nomen.

(**R.** Allelúia).

*Si exaltatus fuero a terra, omnes traham ad meipsum.*

**✠ Lécio sancti Evangélii secúndum Ioánnem**

In illo témpore:

**12, 31-36 a**

Dixit Iesus ad turbam: « Nunc iudícium est huius mundi, nunc princeps huius mundi eiciétur foras.



Et ego, si exaltátus fúero a terra, omnes traham ad meípsum ». Hoc autem dicébat significans qua morte esset moritúrus.

Respóndit ergo ei turba: « Nos audívimus ex Lege quia Christus manet in ætérnum, et quómodo tu dicis: " Opórtet exaltári Fílium hóminis? " Quis est iste Fílius hóminis? »

Dixit ergo eis Iesus: « Adhuc módicum tempus lumen in vobis est. Ambuláte dum lucem habetis, ut non ténebræ vos comprehéndant; et qui ámbulat in ténebris nescit quo vadat.

Dum lucem habétis, créдите in lucem, ut fílii lucis fiátis ». — Verbum Dómini.

---

## Lectioes de Passione Domini

### 1

Alleluia et Versus ante Evangelium Phil 2, 8-9

(R. Allelúia). *γ.* Christus factus est pro nobis obcédiens usque ad mortem, mortem autem crucis.

Propter quod et Deus exaltávit illum, et dedit illi nomen, quod est super omne nomen.

(R. Allelúia).

*Tristis est anima mea usque ad mortem.*

✠ Lécio sancti Evangéllii secúndum Marcum

In illo témpore: 14, 32-41

Venit Iesus cum Duódecim in prædium, cui nomen Gethsémani, et ait discíplis suis: « Sedéte hic, donec orem ». Et assúmit Petrum et Iacóbum et Ioánnem secum, et cœpit pavére et tædére.

Et ait illis: « Tristis est ánima mea usque ad mortem; sustinéte hic et vigiláte ».

Et, cum processisset páululum, procidébat super terram; et orábat ut, si fieri posset, transíret ab eo hora, et dicébat: « Abba, Pater, ómnia tibi possibília sunt: transfer cálicem hunc a me; sed non quod ego volo, sed quod Tu ». Et venit et invénit eos dormiéntes.

Et ait Petro: « Simon dormis? Non potuísti una hora vigiláre? Vigiláte et oráte, ut non intrétis in tentatiónem: spíritus quidem promptus, caro vero infirma ».

Et iterum ábiens orávit eúndem sermónem dicens.

Et véniens dénuo invénit eos dormiéntes; erant enim óculi illórum ingraváti, et ignorábant quid responderent ei.

Et venit tértio, et ait illis: « Dormíte iam et requiescite? Súfficit: venit hora: ecce tráditur Fílius hóminis in manus peccatórum ». — Verbum Dómini.

## 2

Alleluia et Versus ante Evangelium

(R. Allelúia). γ. Adorámus te, Christe, et benedicimus tibi,  
quia per crucem tuam redemísti mundum.  
(R. Allelúia).

*Tamquam ad latronem existis cum gládiis  
et fustibus comprehendere me?*

✠ Lécio sancti Evangélii secúndum Matthæum

26, 47-56

Loquente Iesu ad discipulos suos, ecce Iudas, unus de Duódecim, venit; et cum eo turba multa cum gládiis

et fústibus, missi a princípibus sacerdotum et senióri-  
bus pópuli.

Qui autem trádidit eum dedit illis signum dicens:  
« Quemcúmque osculátus fúero, ipse est, tenéte eum ».

Et conféstim accédens ad Iesum dixit: « Ave, Rab-  
bi ». Et osculátus est eum.

Iesus autem dixit illi: « Amíce, ad quod venísti! »

Tunc accessérunt et manus iniecérunt in Iesum et  
tenuérunt eum. Et ecce unus ex his, qui erant cum  
Iesu, exténdens manum exémit gládium suum; et per-  
cútiens servum princípis sacerdotum, amputávit aurícu-  
lam eius.

Tunc ait illi Iesus: « Convérte gládium tuum in lo-  
cum suum; omnes enim qui accéperint gládium, gládio  
peribunt. An putas quia non possum rogáre Patrem  
meum, et exhibébit mihi modo plus quam duódecim  
legiões angelórum? Quómodo ergo implebúntur Scrip-  
túræ, quia sic opórtet fieri? »

In illa hora dixit Iesus turbis: « Tamquam ad la-  
trónem existis cum gládiis et fústibus comprehéndere  
me? Cotídie sedébam docens in templo, et non me te-  
nuístis. Hoc autem totum factum est, ut impleréntur  
Scriptúræ prophetárum ».

Tunc discípuli omnes, relicto eo, fugérunt.

Verbum Dómini.

3

Alleluia et Versus ante Evangelium Phil 2, 8-9

(R. Allelúia). γ. Christus factus est pro nobis obcédiens  
usque ad mortem,  
mortem autem crucis.

Propter quod et Deus exaltávit illum,  
et dedit illi nomen,  
quod est super omne nomen.

(R. Allelúia).

*Omnes condemnaverunt eum esse reum mortis.*

✠ Lécio sancti Evangélii secúndum Marcum

14, 55-65

In illo témpore:

Summi sacerdótes et omne concílium quærébant advérsus Iesum testimónium, ut eum morte afficerent, nec inveniébant. Multi enim testimónium falsum dicébant advérsus eum, et conveniéntia testimónia non erant.

Et quidam surgéntes falsum testimónium ferébant advérsus eum, dicéntes: « Nos audívimus eum dicéntem: " Ego dissólvam templum hoc manu factum, et intra tríduum áliud non manu factum ædificábo " ». Et ne ita quidem convéniens erat testimónium illórum.

Et exsúrgens summus sacérdos in médium interrogávit Iesum, dicens: « Non respóndes quidquam ad ea quæ isti testántur advérsum te? »

Ille autem tacébat et nihil respóndit.

Rursum summus sacérdos interrogábat eum, et dicit ei: « Tu es Christus, Fílius Benedícti? »

Iesus autem dixit: « Ego sum; et vidébitis Fílium hóminis a dextris sedéntem Virtútis, et veniéntem cum núbibus cæli ».

Summus autem sacérdos, scindens vestiménta sua, ait: « Quid adhuc necessárii sunt nobis testes? Audistis blasphemíam; quid vobis vidétur? »

Qui omnes condemnaverunt eum esse reum mortis.

Et cœpérunt quidam conspúere eum, et veláre fáciem eius, et cólaphis eum cædere, et dícere ei: « Prophetíza ». Et ministri álapis eum cædebant.

Verbum Dómini.

Alleluia et Versus ante Evangelium

(R. Alleluia). ⁊. Per lignum servi facti sumus,  
et per sanctam crucem liberati sumus;  
fructus arboris seduxit nos,  
Filius Dei redemit nos. (R. Alleluia).

*Quid vultis faciam regi Iudæorum? Crucifige eum.*

✠ LECTIO sancti Evangelii secundum Marcum 15, 1-15

In illo tempore:

Confestim mane consilium facientes summi sacerdotes cum senioribus et scribis, id est universum concilium, vincientes Iesum duxerunt et tradiderunt Pilato.

Et interrogavit eum Pilatus: « Tu es rex Iudæorum? »

At ille respondens ait illi: « Tu dicis ». Et accusabant eum summi sacerdotes in multis.

Pilatus autem rursus interrogabat eum dicens: « Non respondes quidquam? Vide in quantis te accusant ».

Iesus autem amplius nihil respondit, ita ut miraretur Pilatus.

Per diem autem festum dimittere solebat illis unum ex vincitis, quem peterent. Erat autem qui dicebatur Barabbas, vincitus cum seditiosis, qui in seditione fecerant homicidium. Et, cum ascendisset turba, cepit rogare, sicut faciebat illis.

Pilatus autem respondit eis et dixit: « Vultis dimittam vobis regem Iudæorum? » Sciebat enim quod per invidiam tradidissent eum summi sacerdotes.

Pontifices autem concitaverunt turbam, ut magis Barabbam dimitteret eis.

Pilátus autem iterum respondens aiebat illis: « Quid ergo vultis faciam regi Iudæorum? »

At illi iterum clamaverunt: « Crucifige eum ».

Pilátus vero dicebat eis: « Quid enim mali fecit? »

At illi magis clamaverunt: « Crucifige eum ».

Pilátus autem, volens pópulo satisfácere, dimisit illis Barábbam, et tradidit Iesum flagéllis cæsum ut crucifigeretur. — Verbum Dómini.

## 5

Alleluia et Versus ante Evangelium

(R. Allelúia). *γ.* Adorámus te, Christe, et benedícimus tibi,  
quia per crucem tuam redemísti mundum.  
(R. Allelúia).

*Induunt eum purpuram et imponunt ei plectentes spineam coronam.*

✠ Lécio sancti Evangélij secúndum Marcum 15, 16-20

In illo témpore:

Mílites duxérunt Iesum intro in átrium, quod est prætórium, et cónvocant totam cohórtem. Et induunt eum purpuram et impónunt ei plecténtes spineam coronam.

Et cœpérunt salutáre eum: « Ave, rex Iudæorum ». Et percutiébant caput eius arúndine, et conspuébant eum, et ponéntes génuá adorábant eum.

Et, postquam illusérunt ei, exuérunt illum púrpu-ram et induérunt eum vestiméntis suis; et edúcut illum ut crucifigerent eum. — Verbum Dómini.

Alleluia et Versus ante Evangelium

(R. Allelúia). ⁊ Adorámus te, Christe, et benedícimus tibi,  
quia per crucem tuam redemísti mundum.  
(R. Allelúia).

*Iesus, iterum clamans voce magna,  
emisit spiritum.*

✠ Lécio sancti Evangélii secúndum Mattháeum

27, 33-50

In illo témpore:

Venérunt mílites in locum qui dícitur Gólgotha, quod est Calváriæ Locus. Et dedérunt Iesu vinum bíbere cum felle mixtum, et, cum gustásset, nóluit bíbere.

Postquam autem crucifixérunt eum, divisérunt vestiménta eius sortem mitténtes. Et sedéntes servábant eum ibi.

Et imposuérunt super caput eius causam ipsíus scriptam: « Hic est Iesus, rex Iudæórum ». Tunc crucifigúntur cum eo duo latrónes, unus a dextris et unus a sinístris.

Prætereúntes autem blasphemábant eum movéntes cápita sua, et dicéntes: « Qui déstruis templum et in trídúo illud reedíficas! salva temetípsum: si Fílius Dei es, descénde de cruce ». Similiter et príncipes sacerdotum, illudéntes cum scribis et senióribus, dicébant: « Alios salvos fecit, seípsum non potest salvum fácere: rex Israel est, descéndat nunc de cruce, et credémus in eum. Confidit in Deo: liberet nunc, si vult eum; dixit enim: " Dei Fílius sum " ». Idípsum autem et latrónes, qui crucifixi erant cum eo, improperábant ei.

A sexta autem hora ténebræ factæ sunt super univérsam terram usque ad horam nonam.

Et circa horam nonam clamávit Iesus voce magna dicens: « Eli, Eli, lema sabactháni? » hoc est: « Deus meus, Deus meus, ut quid dereliquisti me? »

Quidam autem ex illic stántibus audiéntes dicébant: « Elíam vocat iste ». Et contínuo currens unus ex eis accéptam spóngiam implévit acéto, et impósuit arúndini, et dabat ei bíbere.

Céteri vero dicébant: « Sine, videámus an véniat Elías liberans eum ».

Iesus autem, iterum clamans voce magna, emísit spíritum. — Verbum Dómini.

## 7

Alleluia et Versus ante Evangelium

(R. Allelúia). γ. Per lignum servi facti sumus,  
et per sanctam crucem liberáti sumus;  
fructus árboris sedúxit nos,  
Fílius Dei redémit nos. (R. Allelúia).

*Pater, in manus tuas commendo spiritum meum.*

✠ Lécio sancti Evangéllii secúndum Lucam

23, 33-34. 39-46

In illo témpore:

Postquam venérunt mílites in locum qui vocátur Calváriæ, ibi crucifixerunt Iesum et latrónes, unum a dextris et álterum a sinístris.

Iesus autem dicébat: « Pater, dimítte illis; non enim sciunt quid faciunt ».

Dividéntes vero vestiménta eius misérunt sortes.

Unus autem de his qui pendébant latrónibus blasphemábat eum, dicens: « Nonne tu es Christus? Salvum fac temetipsum et nos ».

Respóndens autem alter increpábat illum dicens:



« Neque tu times Deum, quod in eádem damnatióne es? Et nos quidem iuste, nam digna factis recípiamus; hic vero nihil mali gessit ».

Et dicébat: « Iesu, meménto mei, cum véneris in Regnum tuum ».

Et dixit illi: « Amen dico tibi: hódie mecum eris in paradíso ».

Et erat iam fere hora sexta, et ténebræ factæ sunt in univérsa terra usque in horam nonam. Et obscurátus est sol, et velum templi scissum est médium.

Et clamans voce magna Iesus ait: « Pater, in manus tuas comméndo spíritum meum ».

Et hæc dicens exspirávit. — Verbum Dómini.

8

Alleluia et Versus ante Evangelium

(R. Allelúia). γ. Per lignum servi facti sumus,  
et per sanctam crucem liberáti sumus;  
fructus árboris sedúxit nos,  
Fílius Dei redémit nos. (R. Allelúia).

*Latus eius aperuit, et exivit sanguis et aqua.*

✠ Lécio sancti Evangélii secúndum Ioánnem

19, 28-37

In illo témpore:

Sciens Iesus quia iam ómnia consummáta sunt, ut consummarétur Scriptúra, dicit: « Sítio ».

Vas pósitum erat acéto plenum; spóngiam ergo plenam acéto hyssópo circumponéntes obtulérunt ori eius.

Cum ergo accepisset Iesus acétum, dixit: « Consummátum est ». Et, inclináto cápite, trádidit spíritum.

Iudæi ergo, quóniam Parascéve erat, ut non re-

manérent in cruce cõrpora sábbato (erat enim magnus dies illius sábbati), rogavérunt Pilátum ut frangeréntur eõrum crura et tolleréntur.

Venérunt ergo mílites, et primi quidem fregérunt crura, et alteríus qui crucifíxus est cum eo.

Ad Iesum autem cum veníssent, ut vidérunt eum iam mórtuum, non fregérunt eius crura; sed unus mílitum láncea latus eius apéruit, et continuo exívit sanguis et aqua.

Et qui vidit testimónium perhíbuit, et verum est eius testimónium. Et ille scit quia vera dicit, ut et vos credátis.

Facta sunt enim hæc ut Scriptúra impleátur: « Os non comminuétur eius ». Et íterum ália Scriptúra dicit: « Vidébunt in quem transfixérunt ».

Verbum Dómini.

## 9

Alleluia et Versus ante Evangelium Phil 2, 8-9

(R. Allelúia). ⁊. Christus factus est pro nobis obcédens usque ad mortem, mortem autem crucis.

Propter quod et Deus exaltávit illum, et dedit illi nomen, quod est super omne nomen.

(R. Allelúia).

*Iesum quæritis Nazarenum crucifixum: surrexit.*

✠ Lécio sancti Evangélii secúndum Marcum

15, 33-39; 16, 1-6

Facta hora sexta, ténebræ factæ sunt per totam terram usque in horam nonam.

Et hora nona exclamávit Iesus voce magna: « Heloi, Heloi, lema sabactháni? » quod est interpretátum: « Deus meus, Deus meus, ut quid dereliquísti me? »

Et quidam de circumstantibus audiéntes dicébant: « Ecce Elíam vocat ».

Currens autem unus et implens spóngiam acéto, circumponénsque cálamo, potum dabat ei, dicens: « Sí-nite, videámus si véniat Elías ad deponéndum eum ».

Iesus autem, emíssa voce magna, exspirávit.

Et velum templi scissum est in duo, a sursum usque deórsum.

Videns autem centúrio, qui ex advérso stabat, quia sic clamans exspirásset ait: « Vere homo hic Fílius Dei erat ».

Et, cum transísset sábbatum, María Magdaléne et María Iacóbi et Salóme emérunt arómata, ut veniéntes úngerent eum. Et valde mane prima sabbatórum véniunt ad monuméntum, orto iam sole.

Et dicébant ad ívicem: « Quis revólvet nobis lápidem ab óstio monuménti? » Et respiciéntes vident revolútum lápidem; erat quippe magnus valde.

Et introeúntes in monuméntum, vidérunt iúvenem sedéntem in dextris, coopértum stola cándida, et obstupéruunt.

Qui dicit illis: « Nolíte expavéscere. Iesum quéri-tis Nazarénum crucifíxum: surréxit, non est hic. Ecce locus ubi posuéruunt eum ». — Verbum Dómini.

---

### 3. DE SANCTISSIMA EUCHARISTIA

Dicitur, cum colore albo, Missa de sollemnitate Ss.mi Corporis et Sanguinis Christi, ut infra:

Ant. ad introítum

Ps 80, 17

Cibávit eos ex ádipe fruménti,  
et de petra melle saturávit eos.

## Collecta

**Deus, qui nobis sub sacraménto mirábili  
passiónis tuæ memóriam reliquisti,  
tribue, quæsumus,  
ita nos Córporis et Sánguini tui sacra mystéria venerári,  
ut redemptionis tuæ fructum in nobis iúgiter sentiámus.  
Qui vivis.**

Lectiones ut infra, pp. 1611-1630.

## Super oblata

**Ecclésiæ tuæ, quæsumus, Dómine,  
unitátis et pacis propítius dona concéde,  
quæ sub oblátis munéribus mýstice designántur.  
Per Christum. .**

Præfatio de Ss.ma Eucharistia, pp. 638-639.

## Ant. ad communionem

Io 6, 57

**Qui mandúcat meam carnem et bibit meum sánguinem,  
in me manet et ego in eo, dicit Dóminus.**

## Post communionem

**Fac nos, quæsumus, Dómine,  
divinitátis tuæ sempitérna fruitióne repléri,  
quam pretiósí Córporis et Sánguini tui  
temporális percéptio præfigúrat.  
Qui vivis.**

Vel, prouti sequitur:

## A

## Ant. ad introitum

Ps 77, 23-25

**Iánuas cæli apérui Dóminus,  
et pluit illis manna ad manducándum,**

**et panem cæli dedit eis:  
panem angelórum manducávit homo.**

### Collecta

**Deus, qui humánæ redemptiónis opus  
per Unigéniti tui paschále mystérium implevísti,  
concéde propítius,  
ut, qui Christi mortem et resurrectiónem  
in sacramentórum signis annuntiámus fidénter,  
salvatiónis tuæ contínuum experiámur augméntum.  
Per Dóminum.**

Lectioes ut infra, pp. 1611-1630.

### Super oblata

**Salútis nostræ memoriále celebrátes,  
cleméntiam tuam, Dómine, suppliciter exorámus,  
ut hoc sacraméntum pietátis  
fiat nobis signum unitátis et vínculum caritátis.  
Per Christum.**

Præfatio de Ss.ma Eucharistia, pp. 638-639.

Ant. ad communionem

Io 6, 51-52

**Ego sum panis vivus, qui de cælo descéndi,  
dicit Dóminus.**

**Si quis manducáverit ex hoc pane, vivet in ætérnum;  
et panis, quem ego dabo, caro mea est pro mundi vita.**

Post communionem

**Sanctíficet nos, quésumus, Dómine,  
mensæ cæléstis participátió,  
ut, per Corpus et Sánguinem Christi,  
fratérnitas cuncta copulétur.  
Per Christum.**

**B**

Hæc Missa dicitur etiam tamquam Missa votiva de D. N. Iesu Christo summo et æterno sacerdote.

Ant. ad introitum

Ps 109, 4

**Iuravit Dóminus et non pœnitêbit eum:**

**Tu es sacêrdos in ætérnum  
secúndum órđinem Melchisedech.**

Collecta

**Deus, qui ad glóriam tuam et gèneris humáni salútem  
Christum voluisti  
summum æternúmque constituere sacerdotem,  
præsta, ut pópulus, quem sángine suo tibi acquisivit,  
ex eius memoriális participatióne,  
virtútem crucis ipsíus cápiat et resurrectiόνis.  
Per Dóminum.**

Lectiones ut infra, pp. 1611-1630.

Super oblata

**Concéde nobis, quæsumus, Dómine,  
hæc digne frequentáre mystéria,  
quia, quóties huius hóstiæ commemorátio celebrátur,  
opus nostræ redemptiόνis exercétur.  
Per Christum.**

Præfatio de Ss.ma Eucharistia, pp. 638-639.

Ant. ad communionem

1 Cor 11, 24-25

**Hoc Corpus, quod pro vobis tradétur;  
hic calix novi testaménti est in meo Sángine,  
dicit Dóminus.**

**Hoc fácite, quotiescúmque súmitis,  
in meam commemoratiónem.**

Post communionem

Quésumus, Dómine, ut, huius participatióne sacrificii  
quod in sui commemoratióne  
Fílius tuus præcépít offerri,  
nosmetípsos cum illo oblatiόnem fácias tibi sempitérnam.  
Per Christum.

---

Lectio prima extra tempus paschale

1

*Panem et vinum obtulit.*

Léctio libri Génesis

14, 18-20

In diébus illis:

Melchisedech rex Salem, próferens panem et vinum  
(erat enim sacérdos Dei altíssimi), benedíxit Abram  
et ait: « Benedíctus Abram Deo excélsó, qui creávit  
cælum et terram, et benedíctus Deus excélsus, quo  
protegénte, hostes in mánibus tuis sunt ». Et dedit ei  
décimas ex ómnibus. — Verbum Dómini.

Psalmus responsorius Ps 109, 1. 2. 3. 4 (ꝛ.: 4 bc)

ꝛ. Tu es sacérdos in ætérum,  
secúndum órđinem Melchisedech.

Dixit Dóminus Dómino meo: « Sede a dextris meis,  
donec ponam inimicos tuos  
scabéllum pedum tuórum ». ꝛ.

Virgam poténtiæ tuæ emíttet Dóminus ex Sion:  
domináre in médio inimicórum tuórum. ꝛ.

Tecum principátus in die virtútis tuæ,  
in splendóribus sanctis,  
ex útero matutíni velut rorem génui te. ꝛ.

4 Iurávit Dóminus et non pænitébit eum:  
« Tu es sacérdos in ætérnum  
secúndum órđinem Melchisedech ». R.

## 2

*Ego pluam vobis panes de cælo.*

Léctio libri Exodi

16, 2-4. 12-15

In diébus illis:

Murmurávit omnis congregátio filiórum Israel contra Móysen et Aaron in solitúđine; dixerúntque filii Israel ad eos: « Utinam mórtui essémus per manum Dómini in terra Ægýpti, quando sedebámus super ollas cárniū, et comedebámus panem in saturitáte. Cur eduxistis nos in desértum istud, ut occiderétis omnem multítúđinem fame? »

Dixit autem Dóminus ad Móysen: « Ecce ego pluam vobis panes de cælo: egrediátur pópulus, et cólligat quæ sufficiunt per síngulos dies, ut tentem eum utrum ámbulet in lege mea an non.

Audívi murmuratiónes filiórum Israel; lóquere ad eos: « Véspere comedétis carnes, et mane saturabímur pánibus, scietisque quod ego sum Dóminus Deus vester ».

Factum est ergo véspere, et ascéndens cotúrnix coopérui castra; mane quoque ros iácuit per circúitum castrórum. Cumque operuíset superfícem terræ, apparuit in solitúđine minútum, et quasi pilo tusum, in similitúđinem pruínæ super terram.

Quod cum vidíssent filii Israel, dixerunt ad invicem: « Manhu? » quod significat: « Quid est hoc? » Ignorábant enim quid esset.

Quibus ait Móyses: « Iste est panis, quem Dóminus dedit vobis ad vescéndum ». — Verbum Dómini.



Psalmus responsorius

Ps 77, 3-4 a et 7 ab. 23-24. 25 et 54 (R.: 24 b)

R. Panem cæli dedit eis Dóminus.

- 3 Quanta audívimus et cognóvimus ea,  
et patres nostri narravérunt nobis,  
4 non occultábimus a filiis eórum,  
7 ut ponant in Deo spem suam,  
et non obliviscántur óperum Dei. R.
- 23 Mandávit núbibus désuper,  
et iánuas cæli apéruit;  
24 et pluit illis manna ad manducándum,  
et panem cæli dedit eis. R.
- 25 Panem angelórum manducávit homo,  
cibária misit eis ad abundántiam.  
54 Et indúxit eos in fines sanctificatiónis suæ,  
in montem quem acquisívit dextera eius. R.

3

*Hic est sanguis fæderis,  
quod pepigit Dominus vobiscum.*

Léctio libri Exodi

24, 3-8

In diébus illis:

Venit Móyses, et narrávit plebi ómnia verba Dómini atque iudícia; respondítque omnis pópulus una voce: « Omnia verba Dómini, quæ locútus est, faciémus ».

Scripsit autem Móyses univérsos sermónes Dómini; et mane consúrgens, ædificávit altáre ad radices montis, et duódecim títulos per duódecim tribus Israel;

misitque iúvenes de filiis Israel, et obtulerunt holocausta, immolaveruntque víctimas pacíficas Dómino, vitulos.

Tulit itaque Móyses dimídiam partem ságuinis, et misit in crateras; partem autem residuam fudit super altáre.

Assuménsque volúmen fœderis legit, audiénte pópulo; qui dixerunt: « Omnia quæ locútus est Dóminus faciémus, et érimus obœdiétes ».

Ille vero sumptum ságuinem respérsit in pópulum, et ait: « Hic est sanguis fœderis, quod pépigit Dóminus vobíscum super cunctis sermónibus his ».

Verbum Dómini.

Psalmus responsorius

Ps 115, 12-13. 15 et 16 bc. 17-18 (R.: 1 Cor 10, 16)

R. Calix benedictiónis  
communicátio ságuinis Christi est.

vel Allehúia.

- <sup>12</sup> Quid retríbuam Dómino  
pro ómnibus quæ retríbuít mihi?
- <sup>13</sup> Cálicem salutáris accípiam,  
et nomen Dómini invocábo. R.
- <sup>15</sup> Pretiósa in conspéctu Dómini  
mors sanctórum eius.
- <sup>16</sup> Ego servus tuus et fílius ancíllæ tuæ.  
Dirupísti víncula mea: R.
- <sup>17</sup> tibi sacrificábo hóstiám laudis,  
et nomen Dómini invocábo.
- <sup>18</sup> Vota mea Dómino reddam  
coram omni pópulo eius. R.

4

*Dedit tibi cibum, quod ignorabas  
tu et patres tui.*

Lectio libri Deuteronomii 8, 2-3. 14 b-16 a

In diébus illis:

Locútus est Móyses pópulo, dicens: « Recordáberis cuncti itineris, per quod addúxit te Dóminus Deus tuus quadragínta annis per desértum, ut afflígeret te atque tentáret; et nota fierent quæ in tuo ánimo versabántur, utrum custodíres mandáta illius an non.

Afflíxit te penúria et dedit tibi cibum manna, quod ignorábas tu et patres tui, ut osténderet tibi quod non in solo pane vivat homo, sed in omni verbo, quod egréditur de ore Dei.

Et reminiscéris Dómini Dei tui, qui edúxit te de terra Ægýpti, de domo servitútis, et ductor tuus fuit in solitúdine magna atque terríbili, in qua erat serpens flatu adúrens et scórpio ac dipsas, et nullæ omníno aquæ; qui edúxit rivos de petra duríssima, et cibávit te manna in solitúdine, quod nesciérunt patres tui ».

Verbum Dómini.

Psalmus responsorius

Ps 144, 10-11. 15-16. 17-18 (R.: cf. 16)

R. Aperis tu manum tuam, Dómine, et sátiás nos.

<sup>10</sup> Confiteántur tibi, Dómine, ómnia ópera tua;  
et sancti tui benedicant tibi.

<sup>11</sup> Glóriam regni tui dicant et poténtiam tuam loquántur. R.

<sup>15</sup> Oculi ómnium in te sperant,  
et tu das illis escam in témpore opportúno.

- 16 **Aperis tu manum tuam,  
et imples omne animal in beneplácito. R.**
- 17 **Iustus Dóminus in ómnibus viis suis,  
et sanctus in ómnibus opéribus suis.**
- 18 **Prope est Dóminus ómnibus invocántibus eum,  
ómnibus invocántibus eum in veritaté. R.**

## 5

*Ambulavit in fortitudine cibi illius  
usque ad montem Dei.*

**Léctio libri primi Regum**

**19, 4-8**

**In diébus illis:**

**Perréxit Elías in desértum viam unius diéi.**

**Cumque venisset et sedéret subter unam iuníperum,  
petívít animæ suæ ut morerétur, et ait: « Súfficit mihi,  
Dómine: tolle animam meam, neque enim mélior sum  
quam patres mei ». Proiecítque se et obdormívit in  
umbra iuníperi.**

**Et ecce ángelus Dómini tétigit eum, et dixit illi:  
« Surge et cómede ».**

**Respéxit, et ecce ad caput suum subcinerícus panis  
et vas aquæ; comédit ergo et bibit, et rursus obdormí-  
vit.**

**Reversúsque est ángelus Dómini secúndo, et tétigit  
eum dixítque illi: « Surge, cómede, grandis enim tibi  
restat via ».**

**Qui, cum surrexisset, comédit et bibit, et ambulá-  
vit in fortitúdi-  
ne cibi illius quadragínta diébus et qua-  
dragínta nóctibus, usque ad montem Dei Horeb.**

**Verbum Dómini.**

Psalmus responsorius

Ps 77, 3-4 a et 7 ab. 23-24. 25 et 54 (R.: 24 b)

R. Panem cæli dedit eis Dóminus.

<sup>3</sup> Quanta audívimus et cognóvimus ea,  
et patres nostri narravérunt nobis,  
<sup>4</sup> non occultábimus a filiis eórum,  
<sup>7</sup> ut ponant in Deo spem suam,  
et non obliviscántur óperum Dei. R.

<sup>23</sup> Mandávit núbibus désuper,  
et iánuas cæli apéruit;  
<sup>24</sup> et pluit illis manna ad manducándum,  
et panem cæli dedit eis. R.

<sup>25</sup> Panem angelórum manducávit homo,  
cibária misit eis ad abundántiam.

<sup>54</sup> Et indúxit eos in fines sanctificatiónis suæ,  
in montem quem acquisívit dextera eius. R.

6

*Comedite panem meum et bibite vinum,  
quod miscui vobis.*

Léctio libri Proverbiórum

9, 1-6

Sapiéntia ædificávit sibi domum, excídit colúmnas septem, immolávit víctimas suas, miscuit vinum et propósuit mensam suam.

Misit ancíllas suas ut vocárent ad arcem et ad mcé-  
nia civitátis: « Si quis est párvulus, véniat ad me ».

Et insipiéntibus locúta est: « Veníte, comedite pa-  
nem meum et bíbite vinum quod miscui vobis, relínquite  
infántiam et vívite, et ambuláte per vias prudéntiæ ».

Verbum Dómini.

Psalmus responsorius

Ps 147, 12-13. 14-15. 19-20 (R.: Io 6, 59 b)

R. Qui manducat hunc panem, vivet in ætérnum.  
vel Allelúia.

- <sup>12</sup> Lauda, Ierúsalem, Dóminum;  
colláuda Deum tuum, Sion.  
<sup>13</sup> Quóniam confortávit seras portárum tuárum,  
benedíxit filiis tuis in te. R.  
<sup>14</sup> Qui ponit fines tuos pacem,  
et ádipe fruménti sátiat te.  
<sup>15</sup> Qui emíttit elóquium suum terræ,  
velóciter currit verbum eius. R.  
<sup>19</sup> Qui annúntiat verbum suum Iacob,  
iustítias et iudícia sua Israel.  
<sup>20</sup> Non fecit táliter omni natióni,  
et iudícia sua non manifestávit eis. R.

Lectio prima  
tempore paschali

1

*Erant perseverantes in communicatione,  
in fractione panis.*

Lectio Actuum Apostolorum

2, 42-47

In diébus illis:

Erant discipuli perseverántes in doctrína Apostolórum et communicatióne, in fractiÓne panis et oratiÓnibus.

Fiebat autem omni ánimæ timor. Multa quoque prodigia et signa per Apóstolos fiebant.

Omnes autem qui crediderant erant páriter, et habébant ómnia commúnia: et possessiÓnes et substán-

tias vendébant et dividébant illas ómnibus, prout cuique opus erat.

Cotídie quoque perdurántes unánimiter in templo, et frangéntes circa domos panem, sumébant cibum cum exsultatíone et simplicitáte cordis, collaudántes Deum, et habéntes grátiam ad omnem plebem. Dóminus autem augébat qui salvi fierent cotídie in idípsum.

Verbum Dómini.

Psalmus responsorius, ut supra, p. 1370.

## 2

*Manducavimus et bibimus cum illo,  
postquam resurrexit a mortuis.*

Léctio Actuum Apostolórum

10, 34 a. 37-43

In diébus illis:

Apériens Petrus os dixit: « Vos scitis quod factum est verbum per univérsam Iudéam, incípiens a Galiléa post baptismum quod prædicávit Ioánes: Iesum a Ná-zareth, quómo do unxit eum Deus Spírítu Sancto et virtúte, qui pertransívit benefaciéndo et sanádo omnes opprésos a diabolo, quóniam Deus erat cum illo.

Et nos testes sumus ómnium quæ fecit in regióné Iudæórum et Ierúsalem, quem et occidérunt suspendéntes in ligno. Hunc Deus suscitávit tértia die et dedit eum manifestum fieri, non omni pópulo, sed téstibus præordinátis a Deo, nobis, qui manducávimus et bíbimus cum illo, postquam resurrexit a mórtuis.

Et præcépit nobis prædicáre pópulo et testificári, quia ipse est qui constitútus est a Deo iudex vivórum et mortuórum.

Huic omnes prophétæ testimónium pérhibent, remissionem peccatórum accípere per Nomen eius omnes qui credunt in eum ». — Verbum Dómini.

## Psalmus responsorius

Ps 33, 2-3. 4-5. 6-7. 8-9 (R.: 9 a)

R. Gustáte et vidéte quóniam suávis est Dóminus.

vel Allelúia.

2 Benedícam Dóminum in omni témpore,  
semper laus eius in ore meo.3 In Dómino gloriábitur ánima mea,  
áudiant mansuétí et læténtur. R.4 Magnificáte Dóminum mecum,  
et exaltémus nomen eius in idípsum.5 Exquisívi Dominum, et exaudívit me,  
et ex ómnibus terróribus meis erípuit me. R.6 Respícite ad eum, et illuminámini,  
et fácies vestræ non confundéntur.7 Iste pauper clamávit, et Dóminus exaudívit eum,  
et de ómnibus tribulatió nibus eius salvávit eum. R.8 Vallábit ángelus Dómini in circúitu timéntes eum,  
et erípiet eos.9 Gustáte et vidéte quóniam suávis est Dóminus;  
beátus vir qui sperat in eo. R.

## Lectio secunda

## 1

*Unus panis, unum corpus multi sumus.*Léctio Epístolæ primæ beáti Pauli apóstoli  
ad Corínthios

10, 16-17

Fratres:

Calix benedictiónis cui benedícimus, nonne comunicátio sánguinis Christi est? Et panis quem frángimus, nonne comunicátio córporis Christi est?

Quóniam unus panis, unum corpus multi sumus, omnes enim de uno pane participámur. - Verbum Dómini.



2

*Quotiescumque manducabitis panem hunc  
et calicem bibetis,  
mortem Domini annuntiatis.*

Lectio Epistolæ primæ beati Pauli apostoli  
ad Corinthios 11, 23-26

Fratres:

Ego accépi a Dómino, quod et trádidi vobis, quóniam Dóminus Iesus, in qua nocte tradebátur, accépit panem et grátias agens fregit et dixit: « Hoc est corpus meum, quod pro vobis est: hoc fácite in meam commemoratióem ».

Simíliter et cálicem, postquam cenátum est, dicens: « Hic calix novum Testaméntum est in meo sánguine: hoc fácite, quotiescúmque bibétis, in meam commemoratióem ».

Quotiescúmque enim manducábitis panem hunc et cálicem bibétis, mortem Dómini annuntiátis, donec véniat. — Verbum Dómini.

3

*Sanguis Christi emundabit conscientiam nostram.*

Lectio Epistolæ ad Hebræos 9, 11-15

Christus, cum advénit pón tifex futurórum bonórum, per ámplius et perféctius tabernáculum non manufáctum, id est non huius creati ónis, neque per sán guinem hircórum et vitulórum, sed per próprium sán guinem introívit semel in Sancta, æté rna redempti óne invénta.

Si enim sanguis hircórum et taurórum et cinis vítulæ aspérsus inquinátos sanctificat ad emundati ónem car-

nis, quanto magis sanguis Christi, qui per Spíritum ætérnum semetípsum óbtulit immaculátum Deo, emundábit consciéntiam nostram ab opéribus mórtuis ad serviéndum Deo vivénti?

Et ideo Novi Testaménti mediátor est; ut, morte intercedénte, in redemptionem eárum prævaricatónum, quæ erant sub prióre Testaménto, repromissionem accípiant qui vocáti sunt ætérnæ hereditátis.

Verbum Dómini.

## Evangelium

### 1

Alleluia et Versus ante Evangelium Io 6, 57

(R. Allelúia). *γ.* Qui mandúcat meam carnem  
et bibit meum sánguinem,  
in me manet et ego in eo, dicit Dóminus.  
(R. Allelúia).

*Hoc est corpus meum. Hic est sanguis meus.*

✠ Lécio sancti Evangélii secúndum Marcum

14, 12-16. 22-26

Primo die azymórum, quando pascha immolábant, dicunt Iesu discípuli eius: « Quo vis eámus et parémus ut mandúces pascha? »

Et mittit duos ex discípulis suis, et dicit eis: « Ite in civitátem, et occúrret vobis homo lagénam aquæ báiulans: sequímini eum et, quocúmque introferit, dícite dómíno domus: Magíster dicit: " Ubi est reféctio mea, ubi pascha cum discípulis meis mandúcem? " Et ipse vobis demonstrábit cenáculum grande stratum parátum: et illic paráte nobis ».

Et abiérunt discipuli et venérunt in civitátem et in-  
venérunt sicut díxerat illis, et paravérunt pascha.

Et, manducántibus illis, accépit Iesus panem et be-  
nedícens fregit, et dedit eis, et ait: « Súmite: hoc est  
corpus meum ». Et, accépto cálice, grátias agens dedit  
eis, et bibérunt ex illo omnes.

Et ait illis: « Hic est sanguis meus novi testaménti,  
qui pro multis effúnditur. Amen dico vobis: Iam non  
bibam de genímine vitis usque in diem illum, cum il-  
lud bibam novum in Regno Dei ».

Et, hymno dicto, exiérunt in montem Olivárum.  
Verbum Dómini.

## 2

Alleluia et Versus ante Evangelium Io 6, 51-52

(R. Allelúia). ⁊. Ego sum panis vivus, qui de cælo  
descéndi, dicit Dóminus;  
si quis manducáverit ex hoc pane,  
vivet in ætérnum. (R. Allelúia).

*Manducaverunt et saturati sunt omnes.*

✠ Lécio sancti Evangélii secúndum Lucam

9, 11 b-17

In illo témpore:

Loquebátur Iesus turbis de Regno Dei, et eos qui  
cura indigébant sanábat.

Dies autem cœperat declináre, et accedéntes Duó-  
decim dixerunt illi: « Dimítte turbam, ut eúntes in  
castélla villásque, quæ circa sunt, devértant et invéniant  
escas; quia hic in loco desérto sumus ».

Ait autem ad illos: « Vos date illis manducáre ».

At illi dixerunt: « Non sunt nobis plus quam quin-  
que panes et duo pisces; nisi forte nos eámus et emá-

mus in omnem hanc turbam escas ». Erant enim fere viri quinque milia.

Ait autem ad discipulos suos: « Fácite illos discumbere per convivia ad quinquagénos ». Et ita fecérunt, et discumbere fecérunt omnes.

Accéptis autem quinque pánibus et duóbus píscibus, respéxit in cælum et benedíxit illis, et fregit, et dabat discipulis suis, ut pónerent ante turbam.

Et manducavérunt et saturáti sunt omnes. Et sublátum est quod supérfit illis, fragmentórum cóphini duódecim. — Verbum Dómini.

## 3

Alleluia et Versus ante Evangelium Io 6, 57

(R. Allelúia). *γ.* Qui mandúcat meam carnem  
et bibit meum sánguinem,  
in me manet et ego in eo, dicit Dóminus.  
(R. Allelúia).

*Cognoverunt eum in fractione panis.*

✠ Lécio sancti Evangéllii secúndum Lucam 24, 13-35

Ecce duo ex discipulis Iesu ibant ipsa die prima sábbati in castéllum, quod erat in spátio stadiórum sexaginta ab Ierúsalem, nómine Emmaus. Et ipsi loquebántur ad ínvicem de his ómnibus quæ accíderant.

Et factum est, dum fabularéntur et secum quérerent, et ipse Iesus appropínquans ibat cum illis: óculi autem illórum tenebántur, ne eum agnóscerent.

Et ait ad illos: « Qui sunt hi sermónes, quos confértis ad ínvicem ambulántes? » Et stetérunt tristes.

Et respóndens unus, cui nomen Cléopas, dixit ei: « Tu solus peregrínus es in Ierúsalem, et non cognóvisti quæ facta sunt in illa his diébus? »

Quibus ille dixit: « Quæ? »

Et illi dixerunt ei: « De Iesu Nazaréno, qui fuit vir prophéta, potens in ópere et sermóne coram Deo et omni pópulo; et quómodo eum tradidérunt summi sacerdótes et príncipes nostri in damnatiónem mortis et crucifixérunt eum.

Nos autem sperabámus quia ipse esset redemptúrus Israel; at nunc super hæc ómnia tértia dies hódie quod hæc facta sunt. Sed et mulieres quædam ex nostris teruérunt nos; quæ ante lucem fuérunt ad monuméntum et, non invénto córpore eius, venérunt dicétes se étiam visiónem angelórum vidisse, qui dicunt eum vívere. Et abiérunt quidam ex nostris ad monuméntum et ita invenérunt sicut mulieres dixerunt, ipsum vero non vidérunt ».

Et ipse dixit ad eos: « O stulti et tardi corde ad credéndum in ómnibus quæ locúti sunt prophétæ! Nonne hæc opórtuit pati Christum, et intráre in glóriam suam? » Et incípiens a Móyse et ómnibus prophétis interpretabátur illis in ómnibus Scriptúris, quæ de ipso erant.

Et appropinquavérunt castélló quo ibant, et ipse se finxit lóngius ire, et coegérunt illum dicétes: « Mane nobíscum, quóniam advesperáscit, et inclináta est iam dies ». Et intrávit ut manéret cum illis.

Et factum est, dum recumberet cum illis, accépit panem, et benedixit ac fregit, et porrigébat illis. Et apérti sunt óculi eórum, et cognovérunt eum; et ipse evánuit ab eis.

Et dixerunt ad invicem: « Nonne cor nostrum ardens erat in nobis dum loquerétur nobis in via, et aperíret nobis Scriptúras? »

Et surgétes eádem hora regressi sunt in Ierúsalem; et invenérunt congregátos Undecim et eos qui cum ipsis

erant, dicentes: « Surréxit Dóminus vere et appáruit Simóni ». Et ipsi narrábant quæ gesta erant in via, et quómodo cognóverunt eum in fractióne panis.

Verbum Dómini.

## 4

Alleluia et Versus ante Evangelium Io 6, 58

(p. Allelúia). γ. Sicut misit me vivens Pater,  
et ego vivo propter Patrem;  
et qui mandúcat me, et ipse vivet  
propter me, dicit Dóminus.  
(p. Allelúia).

*Distribuit discumbentibus quantum volebant.*

✠ Lécio sancti Evangéllii secúndum Ioánnem 6, 1-15

In illo témpore:

Abiit Iesus trans mare Galiléæ, quod est Tiberiádis, et sequebátur eum multitúdo magna, quia vidébant signa quæ faciébat super his qui infirmabántur. Súbiit autem in montem Iesus et ibi sedébat cum discíplis suis. Erat autem próximum Pascha, dies festus Iudæórum.

Cum sublevásset ergo óculos Iesus, et vidísset quia multitúdo magna venit ad eum, dicit ad Philíppum: « Unde emémus panes, ut mandúcent hi? » Hoc autem dicébat tentans eum, ipse enim sciébat quid esset factúrus.

Respóndit ei Philíppus: « Ducentórum denariórum panes non sufficiunt eis, ut unusquisque módicum quid accípiat ».

Dicit ei unus ex discíplis eius, Andréas, frater Simónis Petri: « Est puer hic qui habet quinque panes hordéáceos et duos pisces; sed hæc quid sunt inter tantos? »

Dixit Iesus: « Fácite hómines discumbere ». Erat autem fenum multum in loco. Discubuérunt ergo viri, número quasi quinque mília.

Accépit ergo panes Iesus et, cum grátias egisset, distribuit discumbéntibus, simíliter et ex píscibus, quantum volébant.

Ut autem impléti sunt, dixit discíplis suis: « Colígite quæ superavérunt fragménta, ne quid péreat ». Collegérunt ergo et implevérunt duódecim cóphinos fragmentórum ex quinque pánibus hordeáceis, quæ superfuérunt his qui manducavérunt.

Illi ergo hómines cum vidíssent quod Iesus fécerat signum, dicébant: « Hic est vere prophéta, qui venit in mundum ».

Iesus ergo, cum cognovísset quia ventúri essent ut ráperent eum et fácerent eum regem, secéssit íterum in montem ipse solus. — Verbum Dómini.

## 5

Alleluia et Versus ante Evangelium Io 6, 51-52

(*R.* Allelúia). *V.* Ego sum panis vivus, qui de cælo descéndi, dicit Dóminus;  
si quis manducáverit ex hoc pane,  
vivet in ætérnum. (*R.* Allelúia).

*Qui venit ad me non esuriet, et qui credit in me non sitiet.*

✠ Lécio sancti Evangélli secúndum Ioánnem 6, 24-35

In illo témpore:

Cum vidíssent turba quia Iesus non esset ibi, neque discípluli eius, ascendérunt ipsi navículas et venérunt Caphárnaum quæréntes Iesum.

Et, cum invenissent eum trans mare, dixerunt ei:  
« Rabbi, quando huc venisti? »

Respondit eis Iesus et dixit: « Amen, amen dico vobis, queritis me, non quia vidistis signa, sed quia manducastis ex panibus et saturati estis. Operamini non cibum qui perit, sed cibum qui permanet in vitam æternam, quem Filius hominis vobis dabit: hunc enim Pater signavit Deus ».

Dixerunt ergo ad eum: « Quid faciemus ut operemur opera Dei? »

Respondit Iesus et dixit eis: « Hoc est opus Dei, ut credatis in eum, quem misit ille ».

Dixerunt ergo ei: « Quod ergo tu facis signum, ut videamus et credamus tibi? Quid operaris? Patres nostri manna manducaverunt in deserto, sicut scriptum est: " Panem de cælo dedit eis manducare " ».

Dixit ergo eis Iesus: « Amen, amen dico vobis, non Moyses dedit vobis panem de cælo, sed Pater meus dat vobis panem de cælo verum. Panis enim Dei est qui descendit de cælo et dat vitam mundo ».

Dixerunt ergo ad eum: « Domine, semper da nobis panem hunc ».

Dixit eis Iesus: « Ego sum panis vitæ; qui venit ad me non esuriet, et qui credit in me non sitiet unquam ». — Verbum Domini.

## 6

Alleluia et Versus ante Evangelium Io 6, 51-52

(R. Alleluia). γ. Ego sum panis vivus, qui de cælo  
descendi, dicit Dominus;  
si quis manducaverit ex hoc pane,  
vivet in æternum. (R. Alleluia).



*Ego sum panis qui de cælo descendi.*

✠ Lécio sancti Evangelii secúndum Ioánnem

6, 41-52 a

In illo témpore:

Murmurábant Iudæi de Iesu, quia dixisset: « Ego sum panis qui de cælo descéndi ». Et dicébant: « Nonne hic est Iesus filius Ioseph, cuius nos nóvimus patrem et matrem? Quómodo dicit nunc: " De cælo descéndi? " »

Respóndit Iesus et dixit eis: « Nolíte murmuráre in invicem. Nemo potest veníre ad me, nisi Pater, qui misit me, tráxerit eum; et ego resuscitábo eum in novísimo die. Est scriptum in prophétis: " Et erunt omnes docíbiles Dei ". Omnis, qui audívit a Patre et dídidit, venit ad me. Non quia Patrem vidit quisquam: nisi is qui est a Deo, hic vidit Patrem. Amen, amen dico vobis: qui credit habet vitam ætérnam.

Ego sum panis vitæ. Patres vestri manducavérunt in desérto manna et mórtui sunt. Hic est panis de cælo descéndens, ut, si quis ex ipso manducáverit, non móriátur. Ego sum panis vivus qui de cælo descéndi. Si quis manducáverit ex hoc pane, vivet in ætérnum; panis autem quem ego dabo, caro mea est pro mundi vita ».

Verbum Dómini.

7

Alleluia et Versus ante Evangelium Io 6, 57

(R. Allelúia). *γ. Qui mandúcat meam carnem  
et bibit meum sánguinem,  
in me manet et ego in eo, dicit Dóminus.*  
(R. Allelúia).

*Caro mea verus est cibus,  
et sanguis meus verus est potus.*

✠ **Lectio sancti Evangelii secundum Ioánnem**

6, 51-59

**In illo témpore:**

**Dixit Iesus turbis Iudæórum:**

« Ego sum panis vivus, qui de cælo descéndi. Si quis manducáverit ex hoc pane vivet in ætérnum; panis autem quem ego dabo, caro mea est pro mundi vita ».

Litigábant ergo Iudæi ad ínvicem dicétes: « Quómodo potest hic nobis carnem suam dare ad manducándum? »

Dixit ergo eis Iesus: « Amen, amen dico vobis, nisi manducavéritis carnem Fílii hóminis et bibéritis eius sánguinem, non habéitis vitam in vobismetípsis. Qui mandúcat meam carnem et bibit meum sánguinem habet vitam ætérnam, et ego resuscitábo eum in novíssimo die.

Caro enim mea verus est cibus, et sanguis meus verus est potus. Qui mandúcat meam carnem et bibit meum sánguinem in me manet, et ego in illo.

Sicut misit me vivens Pater, et ego vivo propter Patrem, et qui mandúcat me, et ipse vivet propter me. Hic est panis qui de cælo descéndit. Non sicut manducavérunt patres et mórtui sunt. Qui mandúcat hunc panem vivet in ætérnum ». — Verbum Dómini.

8

Alleluia et Versus ante Evangelium

Io 6, 58

(R. Allelúia). γ. Sicut misit me vivens Pater,  
et ego vivo propter Patrem;

et qui mandúcat me, et ipse vivet propter  
me, dicit Dóminus. (R. Allelúia).

*Iesus accipit panem et dat eis.*✠ **Léctio sancti Evangélii secúndum Ioánnem 21, 1-14****In illo témpore:**

Manifestávit se íterum Iesus discíplis ad mare Tiberiádis. Manifestávit autem sic: Erant simul Simon Petrus et Thomas, qui dicitur Dídymus, et Nathánael, qui erat a Cana Galilææ, et fílii Zebedæi et álíi ex discíplis eius duo.

Dicit eis Simon Petrus: « Vado piscári ».

Dicunt ei: « Venímus et nos tecum ». Exiérunt, et ascendérunt in navem; et illa nocte nihil prendidérunt.

Mane autem iam facto, stetit Iesus in lítore; non tamen sciébant discíplí quia Iesus est.

Dicit ergo eis Iesus: « Púeri, numquid pulmentárium habétis? »

Respondérunt ei: « Non ». Ille autem dixit eis: « Míttite in dexteram navígii rete, et inveniétis ». Mísérunt ergo; et iam non valébant illud tráhere a multítudine píscium.

Dicit ergo discíplulus ille, quem diligébat Iesus, Petro: « Dóminus est ».

Simon ergo Petrus, cum audísset quia Dóminus est, tunicam succínxit se (erat enim nudus) et misit se in mare. Alii autem discíplí navígio venérunt (non enim longe erant a terra, sed quasi cúbitis ducéntis) trahéntes rete píscium. Ut ergo descendérunt in terram, vident prunas pósitas et piscem superpósitum et panem.

Dicit eis Iesus: « Afférte de píscibus quos prendístis nunc ». Ascéndit ergo Simon Petrus et traxit rete in terram plenum magnis píscibus, centum quinquagínta tribus. Et, cum tanti essent, non est scissum rete.

**Dicit eis Iesus: « Veníte, prandéte ».**

**Nemo autem audébat discipulórum interrogáre eum:  
« Tu quis es? », sciéntes quia Dóminus est.**

**Venit Iesus, et áccipit panem, et dat eis, et piscem  
simíliter. Hoc iam tértio manifestátus est Iesus discí-  
pulis cum resurrexisset a mórtuis. — Verbum Dómini.**

#### 4. DE SANCTISSIMO NOMINE IESU

In hac Missa adhibetur color albus.

Ant. ad introitum

Phil 2, 10-11

**In nómine Iesu omne genu flectátur,  
cæléstium, terréstrium et infernórum;  
et omnis lingua confíteátur  
quia Dóminus Iesus Christus in glória est Dei Patris.**

Collecta

**Sanctíssimum Iesu nomen venerántibus,  
nobis, Dómine, concéde propítius,  
ut, eius in hac vita dulcédine perfruéntes,  
sempitérno gáudio in pátria repleámur.  
Per Dóminum.**

Lectiones ut infra, pp. 1633-1643.

Super oblata

**In eius nómine, Pater omnipotens,  
múnera nostra dignáre suscípere,  
in quo quidquid petiérimus  
nos certe consecutúros esse confídimus,  
ipso Fílio tuo benigníssime pollicénte.  
Qui vivit.**

Ant. ad communionem

Act 4, 12

Non est aliud nomen sub cælo datum hominibus,  
in quo oporteat nos salvos fieri.

Post communionem

Tua nobis, quæsumus, Dómine, miseratióne concéde,  
ut in his sacris mystériis  
Dóminum Iesum dignis obséquiiis venerémur,  
in cuius nómine voluisti omne genu flecti,  
omnésque hómines invenire salutem. Per Christum.

---

Lectio prima extra tempus paschale

1

*Ego sum qui sum. Hoc nomen mihi  
in æternum.*

Léctio libri Exodi

3, 13-15

In diébus illis:

Audiens Móyses vocem Dómini de médio rubi, dixit ad eum: « Ecce ego vadam ad filios Israel, et dicam eis: " Deus patrum vestrorum misit me ad vos ". Si dixerint mihi: " Quod est nomen eius? " quid dicam eis? »

Dixit Deus ad Móysen: « Ego sum qui sum ». Ait: « Sic dices filiis Israel: " Qui est " misit me ad vos ».

Dixitque iterum Deus ad Móysen: « Hæc dices filiis Israel: " Dóminus Deus patrum vestrorum, Deus Abraham, Deus Isaac, et Deus Iacob, misit me ad vos: hoc nomen mihi est in ætérnum, et hoc memoriále meum in generatióem et generatióem " ».

Verbum Dómini.

**Psalmus responsorius** Ps 112, 1-2. 3-4. 5-6 (R.: 2)

**R.** Sit nomen Dómini benedíctum in sæcula.

**vel Allelúia.**

- 1 Laudáte, púeri Dómini,  
laudáte nomen Dómini.
- 2 Sit nomen Dómini benedíctum  
ex hoc nunc et usque in sæculum. **R.**
- 3 A solis ortu usque ad occásum  
laudábile nomen Dómini.
- 4 Excélsus super omnes gentes Dóminus,  
super cælos glória eius. **R.**
- 5 Quis sicut Dóminus Deus noster,  
qui in altis hábitat,
- 6 et humília réspicit  
in cælo et in terra? **R.**

2

*Laudabo nomen tuum assidue.*

**Léctio libri Sirácidæ**

**51, 11-17**

Memorátus sum misericórdiæ tuæ, Dómine, et operationis tuæ quæ a sæculo sunt, quóniam éruis sustinéntes te, Dómine, et líberas eos de mánibus géntium. Exaltásti super terram habitatiónem meam, et pro morte defluénte deprecátus sum.

Invocávi Dóminum, patrem Dómini mei, ut non derelinquat me in die tribulatiónis meæ, et in témpore superbórum sine adiutório.

Laudábo nomen tuum assidue, et collaudábo illud in confessiône, et exaudíta est orátio mea. Et liberásti

me de perditione, et eripuisti me de tempore iniquo; propterea confitebor et laudem dicam tibi et benedicam nomini Domini. — Verbum Domini.

**Psalmus responsorius Is 12, 2-3. 4 bcd. 5-6 (R.: 4 b)**

**R.** Confitemini Domino et invocate nomen eius.

- 2** Ecce Deus salvator meus,  
fiducialiter agam et non timebo,  
quia fortitudo mea et laus mea Dominus,  
et factus est mihi in salutem.
- 3** Haurietis aquas in gaudio  
de fontibus salvatoris. **R.**
- 4** Confitemini Domino et invocate nomen eius,  
notas facite in populis adventiones eius;  
memento quoniam excelsum est nomen eius. **R.**
- 5** Cantate Domino, quoniam magnifice fecit,  
annuntiate hoc in universa terra.
- 6** Exsulta et lauda, habitatio Sion,  
quia magnus in medio tui Sanctus Israel. **R.**

**Lectio prima  
tempore paschali**

**1**

*In Nomine Iesu Christi surge et ambula.*

**Lectio Actuum Apostolorum**

**3, 1-10**

**In diebus illis:**

Petrus et Ioannes ascendebant in templum ad horam orationis nonam. Et quidam vir, qui erat claudus

ex útero matris suæ, baiulabátur. Quem ponébant cotídie ad portam templi, quæ dicitur Speciósá, ut péteret eleemósynam ab introeúntibus in templum.

Is, cum vidísset Petrum et Ioánnem incipiéntes introíre in templum, rogábat ut eleemósynam accíperet.

Intuens autem in eum Petrus cum Ioáinne dixit: « Réspice in nos ». At ille intendébat in eos, sperans se áliquid acceptúrum ab eis.

Petrus autem dixit: « Argéntum et aurum non est mihi; quod autem hábeo, hoc tibi do: in Nómine Iesu Christi Nazaréni surge et ámbula ». Et, apprehénsa ei manu délixtera, allevávit eum, et prótinus consolidátæ sunt bases eius et tali; et exsiliens stetit et ambulábat, et intrávit cum illis in templum, ámbulans et exsiliens et laudans Deum.

Et vidit omnis pópulus eum ambulántem et laudántem Deum. Cognoscébant autem illum, quóniam ipse erat qui ad eleemósynam sedébat ad Speciósam portam templi, et impléti sunt stupóre et éxstasi in eo quod contígerat illi. — Verbum Dómini.

Psalmus responsorius Ps 112, 1-2. 3-4. 5-6 (R.: 2)

R. Sit nomen Dómini benedíctum in sácula.

vel Allelúia.

- 1 Laudáte, púeri Dómini,  
laudáte nomen Dómini.
- 2 Sit nomen Dómini benedíctum  
ex hoc nunc et usque in sáculum. R.
- 3 A solis ortu usque ad occásum  
laudábile nomen Dómini.
- 4 Excélsus super omnes gentes Dóminus,  
super cælos glória eius. R.



**Quis sicut Dóminus Deus noster,  
qui in altis hábitat,  
et humília respicit  
in cælo et in terra? R.**

## 2

*Nec nomen aliud est,  
in quo oportet nos salvos fieri.*

**Léctio Actuum Apostolorum**

4, 8-12

**In diébus illis:**

**Petrus replétus Spíritu Sancto dixit: « Príncipes pó-  
puli et senióres, si nos hódie diiudicámur in benefácto  
hómínis infírmi, in quo iste salvus factus est, notum sit  
ómnibus vobis et omni plebi Israel quia in Nómine Iesu  
Christi Nazaréni, quem vos crucifixístis, quem Deus  
suscitávit a mórtuis, in hoc iste adstat coram vobis  
sanus.**

**Hic est lapis, qui reprobátus est a vobis ædificató-  
ribus, qui factus est in caput ánguli; et non est in álio  
áliquo salus; nec enim nomen áliud est sub cælo datum  
in homínibus, in quo opórtet nos salvos fieri ».**

**Verbum Dómini.**

**Psalmus responsorius Is 12, 2-3. 4 bcd. 5-6 (R.: 4 a)**

**R. Confitémini Dómino et invocáte nomen eius.**

**vel Allelúia.**

**Ecce Deus salvátor meus, fiduciáliter agam et non timébo,  
quia fortitúdo mea et laus mea Dóminus,  
et factus est mihi in salútem.**

**Hauriétis aquas in gáudio de fóntibus salvatóris. R.**

- <sup>4</sup> **Confitémini Dómino et invocáte nomen eius, notas fácite in pópulis adinventiónes eius; mementóte quóniam excélsus est nomen eius. R.**
- <sup>5</sup> **Cantáte Dómino, quóniam magnífice fecit, annuntiáte hoc in univérſa terra.**
- <sup>6</sup> **Exsúlta et lauda, habitátio Sion, quia magnus in médio tui Sanctus Israel. R.**

## 3

*Apostoli ibant gaudentes, quoniam digni habiti sunt pro Nomine contumeliam pati.*

Léctio Actuum 'Apostolorum 5, 27 b-32. 40 b-42

In diébus illis:

Interrogávit Apóstolos princeps sacerdotum, dicens: « Nonne præcipiéndó præcépimus vobis ne docerétis in nómine isto? Et ecce replevistis Ierúsalem doctrína vestra, et vultis indúcere super nos sánguinem hóminis istius ».

Respóndens autem Petrus et Apóstoli dixerunt: « Obœdíre opórtet Deo magis quam homínibus. Deus patrum nostrórum suscitávit Iesum, quem vos interemístis suspendéntes in ligno.

Hunc Deus princípem et salvatórem exaltávit dextera sua, ad dandam pæniténtiam Israel et remissionem peccatórum. Et nos sumus testes horum verbórum, et Spíritus Sanctus, quem dedit Deus obœdiéntibus sibi ».

Et Apóstolis cæsis denuntiavérunt ne loqueréntur in nómine Iesu, et dimiserunt eos.

Et illi quidem ibant gaudentes a conspéctu concílii, quóniam digni hábiti sunt pro Nómine contuméliam

pati. Et omni die in templo et circa domos non cessábant docéntes et evangelizántes Christum Iesum.

Verbum Dómini.

**Psalmus responsorius** Is 12, 2-3. 4 bcd. 5-6 (R.: 4 a)

R. Confitémini Dómino et invocáte nomen eius.

vel Allelúia.

2 Ecce Deus salvátor meus, fiduciáliter agam et non timébo, quia fortitúdo mea et laus mea Dóminus, et factus est mihi in salutem.

3 Hauriétis aquas in gáudio de fóntibus salvatóris. R.

4 Confitémini Dómino et invocáte nomen eius, notas fácite in pópulis adinventiónes eius; mementóte quóniam excélsus est nomen eius. R.

5 Cantáte Dómino, quóniam magnífice fecit, annuntiáte hoc in univérsta terra.

6 Exsúlta et lauda, habitátio Sion, quia magnus in médio tui Sanctus Israel. R.

### Lectio secunda

#### 1

*Cum omnibus qui invocant Nomen  
Domini nostri Iesu Christi.*

Inítium Epístolæ primæ beáti Pauli apóstoli  
ad Corínthios

1, 1-3

Paulus, vocátus apóstolus Christi Iesu per voluntátem Dei, et Sósthene frater, Ecclésiæ Dei, quæ est Corínthi, sanctificátis in Christo Iesu, vocátis sanctis,

cum ómnibus qui ínvocant Nomen Dómini nostri Iesu Christi, in omni loco ipsórum et nostro: grátia vobis et pax a Deo Patre nostro et Dómino Iesu Christo.

Verbum Dómini.

## 2

*Donavit illi Nomen, quod est super omne nomen.*

Léctio Epístolæ beáti Pauli apóstoli ad Philippénes

2, 6-11

Christus Iesus, cum in forma Dei esset, non rapínam arbitrátus est esse se æquálem Deo, sed semetípsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum factus obcédiens usque ad mortem, mortem autem crucis.

Propter quod et Deus illum exaltávit, et donávit illi Nomen, quod est super omne nomen, ut in Nómine Iesu omne genu flectátur cæléstium et terréstrium et ínfernórum, et omnis lingua confiteátur: « Dóminus Iesus Christus », in glóriam Dei Patris. — Verbum Dómini.

## 3

*Omnia facite in Nomine Domini Iesu.*

Léctio Epístolæ beáti Pauli apóstoli ad Colossénes

3, 12-17

Fratres:

Indúite vos sicut elécti Dei, sancti et dilécti, víscera misericórdiæ, benignitátem, humilitátem, mansuetúdinem, patiéntiam, supportántes ínvicem et donántes vobis ipsis, si quis advérsus áliquem habet querélam: sicut et Dóminus donávit vobis, ita et vos.

Super ómnia autem hæc caritátem, quod est v́nculum perfectiónis; et pax Christi dominétur in córdibus vestris, ad quam et vocáti estis in uno corpore; et grati estóte. Verbum Christi hábitet in vobis abundánter, in omni sapiéntia docéntes et commonéntes vosmetípsos psalmis, hymnis, cánticis spiritalibus, in grátia cantántes in córdibus vestris Deo.

Et omne quodcúmque fáctis in verbo aut in ópere, ómnia in Nómine Dómini Iesu, grátias ágéntes Deo Patri per ipsum. — Verbum Dómini.

### Evangelium

#### 1

Alleluia et Versus ante Evangelium Dan 3, 52 b

(*R.* Allelúia). *γ.* Benedictum nomen glóriæ tuæ  
sanctum,  
et laudábile et superexaltátum in sácula.  
(*R.* Allelúia).

*Vocabis nomen eius Iesum.*

✠ Lécio sancti Evangélii secúndum Mattháeum  
1, 18-25

Iesu Christi generátio sic erat: Cum esset desponsáta mater eius María Ioseph, ántequam convenírent, invénta est in útero habens de Spíritu Sancto. Ioseph autem vir eius, cum esset iustus et nollet eam tradúcere, vóluit occúlte dimíttere eam.

Hæc autem eo cogitánte, ecce ángelus Dómini in somnis apparuit ei dicens: « Ioseph, fili David, noli timére accípere Mariám cóniugem tuam, quod enim in ea natum est de Spíritu Sancto est. Páriet autem filium, et vocábis nomen eius Iesum; ipse enim salvum fáciat pópulum suum a peccátis eórum ».

Hoc autem totum factum est, ut adimplerétur id quod dictum est a Dómino per Prophétam dicentem: « Ecce virgo in útero habébit et páriet filium, et vocábunt nomen eius Emmánuel », quod est interpretátum « Nóbiscum-Deus ».

Exsúrgens autem Ioseph a somno, fecit sicut præcépit ei ángelus Dómini, et accépit cóniugem suam; et non cognoscébat eam donec péperit filium: et vocávit nomen eius Iesum. — Verbum Dómini.

## 2

Alleluia et Versus ante Evangelium Dan 3, 52 b

(R. Allelúia). γ. Benedíctum nomen glóriæ tuæ  
sanctum,  
et laudábile et superexaltátum in sécula.  
(R. Allelúia).

*Vocatum est nomen eius Iesus.*

✠ Lécio sancti Evangélii secúndum Lucam 2, 16-21

In illo témpore:

Venérunt pastóres festinántes usque Béthlehem et invenérunt Mariám et Ioseph et infántem pósito in præsépio. Vidéntes autem notum fecérunt verbum, quod dictum erat illis de púero hoc. Et omnes qui audiérunt miráti sunt de his quæ dicta erant a pastóribus ad ipsos.

Mariá autem conservábat ómnia verba hæc, cónfrens in corde suo. Et revérsi sunt pastóres glorificántes et laudántes Deum, in ómnibus quæ audierant et vídebant, sicut dictum est ad illos.

Et postquam consummáti sunt dies octo, ut circumciderétur, vocátum est nomen eius Iesus, quod vocátum est ab Angelo priúsquam in útero conciperétur.

Verbum Dómini.

Alleluia et Versus ante Evangelium Ps 95, 2

(R. Allelúia). **V.** Cantáte Dómino  
et benedicite nómini eius,  
annuntiáte de die in diem salutáre eius.  
(R. Allelúia).

*Si quid petieritis me in Nomine meo,  
ego faciam.*

✠ Lécio sancti Evangélli secúndum Ioánnem 14, 6-14

In illo témpore:

Dicit Iesus ad Thomam: « Ego sum via et véritas et vita. Nemo venit ad Patrem, nisi per me. Si cognovístis me, et Patrem meum útique cognoscétis: et ámodo cognóscitis eum et vidístis eum ».

Dicit ei Philíppus: « Dómine, osténde nobis Patrem, et súfficit nobis ».

Dicit ei Iesus: « Tanto témpore vobíscum sum, et non cognovísti me, Philíppe? Qui vidit me vidit Patrem.

Quómodo tu dicis: " Osténde nobis Patrem? " Non credis quia ego in Patre, et Pater in me est? Verba, quæ ego loquor vobis, a me ipso non loquor. Pater autem in me manens facit ópera sua. Crédite mihi quia ego in Patre et Pater in me est. Alióquin propter ópera ipsa créдите.

Amen, amen dico vobis: Qui credit in me, ópera quæ ego fácio, et ipse fáciat; et maióra horum fáciat, quia ego ad Patrem vado. Et quodcúmque petiérítis in Nómine meo hoc fáciam, ut glorificétur Pater in Fílio. Si quid petiérítis me in Nómine meo, ego fáciam ».

Verbum Dómini.

## 5. DE PRETIOSISSIMO SANGUINE D. N. IESU CHRISTI

In hac Missa adhibetur color ruber.

Ant. ad introitum

Ap 5, 9-10

Redemísti nos, Dómine, in Ságuine tuo,  
ex omni tribu et lingua et pópulo et natióne,  
et fecísti nos Deo nostro regnum.

Collecta

Deus, qui pretiósó Unigéniti tui Ságuine  
univérsos hómines redemísti,  
consérva in nobís opus misericórdiæ tuæ,  
ut, nostræ salútis mystérium iúgiter recoléntes,  
eiúsdem fructum cónsequi mereámur.  
Per Dóminum.

Lectiones ut infra, pp. 1645-1655.

Super oblata

Maiestáti tuæ, Dómine,  
oblatiόνis nostræ múnera proferéntes,  
ad novi testaménti Mediatórem Iesum  
his mystériis accedámus,  
eiúsque aspersionem Ságuinis salutíferam innovémus.  
Qui vivit.

Præfatio I de Passione Domini, p. 629.

Ant. ad communionem

Cf. 1 Cor 10, 16

Calix benedictiόνis, cui benedícimus,  
communicátió Ságuinis Christi est;  
et panis, quem frángimus,  
participátió Córporis Dómini est.



Post communionem

Cibo refécti, Dómine, potúque salútis,  
Salvatóris nostri, quæsumus,  
semper Ságuine perfundámur,  
qui fons aquæ nobis fiat  
in vitam saliéntis ætérnam.  
Per Christum.

Vel:

Refécti cibo potúque cælésti,  
quæsumus, omnipotens Deus,  
ut ab hóstium deféndas formídine,  
quos pretiósó Fílii tui Ságuine redemísti.  
Qui vivit.

---

Lectio prima  
extra tempus paschale

1

*Cum viderit Dominus sanguinem in superliminari  
et in utroque poste, transcendet ostium domus.*

Léctio libri Exodi

12, 21-27

In diébus illis:

Vocávit Móyses omnes senióres filiórum Israel, et dixit ad eos: « Ite, tollétes ánimál per famílias vestras, et immoláte Phase. Fasciculúmque hyssópi tígite in ságuine qui est in límine, et aspérgite ex eo superlimináre et utrúmque postem.

Nullus vestrum egrediátur óstium domus suæ usque mane; transibit enim Dóminus percútiens Ægýptios; cumque viderit ságuinem in superliminári et in utró-

que poste, transcéndet óstium domus, et non sinet percussórem ingredi domos vestras et lædere.

Custódi verbum istud legítimum tibi et filiis tuis, usque in ætérnum. Cumque introiéritis terram, quam Dóminus datúrus est vobis, ut pollicítus est, observábitis cæremónias istas.

Et, cum dixerint vobis filii vestri: " Quæ est ista religio? ", dicétis eis: " Víctima tránsitus Dómini est, quando transívit super domos filiórum Israel in Ægýpto, percútiens Ægýptios, et domos nostras líberans " ».

Incurvatúsque pópulus adorávit.  
Verbum Dómini.

### Psalmus responsorius

Ps 115, 12-13. 15-16 bc. 17-18 (ꝛ.: 1 Cor 10, 16)

ꝛ. Calix benedictiónis  
communicátio ságuinis Christi est.

vel Allelúia.

- <sup>12</sup> Quid retríbuiam Dómino  
pro ómnibus quæ retríbuit mihi?
- <sup>13</sup> Cálícem salutáris accípiam,  
et nomen Dómini invocábo. ꝛ.
- <sup>15</sup> Pretiósa in conspéctu Dómini  
mors sanctórum eius.
- <sup>16</sup> Ego servus tuus et fílius ancillæ tuæ,  
dirupísti víncula mea. ꝛ.
- <sup>17</sup> Tibi sacrificábo hóstiam laudis,  
et nomen Dómini invocábo.
- <sup>18</sup> Vota mea Dómino reddam  
coram omni pópulo eius. ꝛ.

*Hic est sanguis fœderis, quod pepigit  
Dominus vobiscum.*

Lectio libri Exodi

24, 3-8

In diébus illis:

Venit Móyses, et narrávit plebi ómnia verba Dómini atque iudícia; respondítque omnis pópulus una voce: « Omnia verba Dómini, quæ locútus est, faciémus ».

Scrípfit autem Móyses univérsos sermónes Dómini; et mane consúrgens, ædificávit altáre ad radices montis, et duódecim títulos per duódecim tribus Israel; misítque iúvenes de filiis Israel, et obtulérunt holocáusta, immolaverúntque víctimas pacíficas Dómino, vítulos.

Tulit itaque Móyses dimídiam partem sánguinis, et misit in cratéras; partem autem residuam fudit super altáre.

Assuménsque volúmen fœderis legit, audiénte pópulo; qui dixerunt: « Omnia quæ locútus est Dóminus faciémus, et érimus obædiéntes ».

Ille vero sumptum sánguinem respérsit in pópulum, et ait: « Hic est sanguis fœderis, quod pepigit Dóminus vobiscum super cunctis sermónibus his ».

Verbum Dómini.

Psalmus responsorius

Ps 39, 2 et 4 ab. 7-8 a. 8 b-9. 10 (R.: 8 a. 9 a)

R. Ecce vénio, Dómine, ut fáciam voluntátem tuam.

Expéctans expéctávi Dóminum,  
et inténdit mihi.

- 4 Et immisit in os meum cánticum novum,  
carmen Deo nostro. *R.*
- 7 Sacrificium et oblatiónem noluisti,  
aures autem fodisti mihi.  
Holocáustum et pro peccáto non postulásti,  
8 tunc dixi: « Ecce vénio. *R.*
- In volúmine libri scriptum est de me  
9 fácere voluntátem tuam.  
Deus meus, vólui,  
et lex tua in præcórdiis meis ». *R.*
- 10 Annuntiávi iustítiam tuam in ecclésia magna;  
ecce lábia mea non prohibébo, Dómine, tu scisti. *R.*

Lectio prima  
tempore paschali

## 1

*Diligit nos et solvit nos a peccatis nostris  
in sanguine suo.*

Léctio libri Apocalýpsis beáti Ioánnis apóstoli 1, 5-8

Grátia et pax a Iesu Christo, qui est testis fidélis, primogénitus mortuórum et princeps regum terræ. Ei qui diligit nos et solvit nos a peccátis nostris in sán-guine suo, et fecit nos regnum, sacerdótes Deo et Patri suo: ipsi glória et impérium in sæcula sæculórum. Amen.

Ecce venit cum núbibus, et vidébit eum omnis ócu-lus, et qui eum pupugérunt; et plangent se super eum omnes tribus terræ. Etiam. Amen.

« Ego sum alpha et ómega, dicit Dóminus Deus, qui est et qui erat et qui ventúrus est, Omnípotens ». Verbum Dómini.

Psalmus responsorius

Ps 39, 2 et 4 ab. 7-8 a. 8 b-9. 10 (R.: 8 a. 9 a)

R. Ecce vénio, Dómine, fácere voluntátem tuam.  
vel Allelúia.

- <sup>2</sup> Exspéctans expectávi Dóminum,  
et inténdit mihi.
- <sup>4</sup> Et immísit in os meum cánticum novum,  
carmen Deo nostro. R.
- <sup>7</sup> Sacrificium et oblatiónem noluisti,  
aures autem fodisti mihi.  
Holocáustum et pro peccáto non postulásti,  
<sup>8</sup> tunc dixi: « Ecce vénio. R.
- In volúmine libri scriptum est de me  
<sup>9</sup> fácere voluntátem tuam.  
Deus meus, vólui,  
et lex tua in præcórdiis meis ». R.
- <sup>10</sup> Annuntiávi iustítiam tuam in ecclésia magna;  
ecce lábia mea non prohibébo,  
Dómine, tu scisti. R.

2

*Laverunt stolas suas et dealbaverunt eas  
in sanguine Agni.*

Léctio libri Apocalýpsis beáti Ioánnis apóstoli 7, 9-14

Ego Ioánnes vidi turbam magnam, quam dinumeráre nemo póterat, ex ómnibus géntibus et tribubus et pópulis et linguis, stantes ante thronum et in conspéctu Agni, amícti stolas albas, et palmæ in mánibus eórum, et clamant voce magna dicétes: « Salus Deo nostro, qui sedet super thronum, et Agno ».

Et omnes ángeli stabant in circúitu throni et seniórurum et quáttuor animálium; et cecidérunt in conspéctu throni in fácies suas et adoravérunt Deum, dicétes: « Amen. Benedíctio et glória et sapiéntia et gratiárum áctio et honor et virtus et fortitúdo Deo nostro in sácula sæculórum. Amen ».

Et respóndit unus de senióribus dicens mihi: « Hi, qui amícti sunt stolis albis, qui sunt et unde venérunt? »

Et dixi illi: « Dómine mi, tu scis ».

Et dixit mihi: « Hi sunt qui véniunt de tribulatióne magna, et lavérunt stolas suas et dealbavérunt eas in ságuine Agni ». — Verbum Dómini.

Psalmus responsorius, ut supra, p. 1646.

## Lectio secunda

### 1

*Per proprium sanguinem introivit semel in Sancta.*

Léctio Epístolæ ad Hebræos

9, 11-15

Christus, cum advénit póntifex futurórum bonórum, per ámplius et perféctius tabernáculum non manufáctum, id est non huius creatiόνis, neque per ságuinem hircórum et vitulórum, sed per próprium ságuinem introívit semel in Sancta, æténa redemptiόne invénta.

Si enim sanguis hircórum et taurórum et cinis vítulæ aspérsus inquinátos sanctíficat ad emundatióne[m] carnis, quanto magis sanguis Christi, qui per Spíritum ætérum semetípsum óbtulit immaculátum Deo, emundábit consciéntiam nostram ab opéribus mórtuis ad serviéndum Deo vivénti?

Et ideo novi Testaménti mediátor est; ut, morte intercedénte, in redemptiόne[m] eárum prævaricatiónum,

quæ erant sub prióre Testaménto, repromissionem accípiant qui vocáti sunt æternæ hereditátis.

Verbum Dómini.

2

*Accessistis ad sanguinem aspersionis,  
melius loquentem quam Abel.*

Léctio Epístolæ ad Hebræos 12, 18-19. 22-24

Fratres:

Non accessistis ad tractábilem et ardéntem ignem et túrbinem et caliginem et procéllam et tubæ sonum et vocem verbórum, quam qui audiérunt recusavérunt ne ultra eis fieret verbum.

Sed accessistis ad Sion montem et civitátem Dei vivéntis, Ierúsalem cæléstem, et multa mília angelórum, frequéntiam, et Ecclésiám primogenitórum, qui conscripti sunt in cælis, et iúdicem Deum ómnium, et spíritus iustórum qui consummáti sunt, et Testaménti novi mediatórem Iesum, et ságuinem aspersionis, mélius loquentem quam Abel. — Verbum Dómini.

3

*Redempti estis pretioso sanguine quasi Agni  
immaculati Christi.*

Léctio Epístolæ primæ beáti Petri apóstoli 1, 17-21

Caríssimi:

Si patrem invocátis eum, qui sine acceptióne personárum iúdicat secúndum uniuscuiúsque opus, in ti-

móre incolátus vestri témpore conversámini, sciéntes quod non corruptibílibus argénto vel auro redépti estis de vana vestra conversatióne a pátribus trá dita, sed pretiósó ságuine quasi Agni incontamináti et immaculáti Christi, præcógnti quidem ante constitutió nem mundi, manifestáti autem novíssimis tempóribus prop ter vos, qui per ipsum fidéles estis in Deum, qui susci távit eum a mórtuis et dedit ei glóriam, ut fides vestra et spes esset in Deum.

Verbum Dómini.

## 4

*Tres sunt qui testificantur:  
Spiritus et aqua et sanguis.*

Léctio Epístolæ primæ beáti Ioánnis apóstoli

5, 4-7 a. 8 b

Caríssimi:

Omne quod natum est ex Deo vincit mundum, et hæc est victória, quæ vicit mundum, fides nostra. Quis est qui vincit mundum, nisi qui credit quóniam Iesus est Fílius Dei?

Hic est qui venit per aquam et ságuinem, Iesus Christus; non in aqua solum, sed in aqua et in sán guine. Et Spíritus est qui testificátur, quóniam Spíritus est véritas.

Quia tres sunt qui testificántur: Spíritus et aqua et sanguis, et hi tres in unum sunt.

Verbum Dómini.



Evangelium

1

Alleluia et Versus ante Evangelium Cf. Ap 1, 5 ab

(R. Allelúia).  $\gamma$ . Iesu Christe, testis es fidélis,  
primogénitus mortuórum;  
dilexísti nos, et lavísti peccáta nostra  
in ságuine tuo. (R. Allelúia).

*Hoc est corpus meum. Hic est sanguis meus.*

✠ Lécio sancti Evangélli secúndum Marcum  
14, 12-16. 22-26

Primo die azymórum, quando pascha immolábant, dicunt Iesu discípuli eius: « Quo vis eámus et parémus ut mandúces pascha? »

Et mittit duos ex discípulis suis, et dicit eis: « Ite in civitátem, et occúrret vobis domo lagénam aquæ báitulans: sequímini eum et, quocúmque introferit, dícite dómino domus: " Magíster dicit: Ubi est refécio mea, ubi pascha cum discípulis meis mandúcem? " Et ipse vobis demonstrábit cenáculum grande stratum parátum et illic paráte nobis ».

Et abiérunt discípuli et venérunt in civitátem et invenérunt sicut díxerat illis et paravérunt pascha.

Et, manducántibus illis, accépit Iesus panem et benedícens fregit, et dedit eis, et ait: « Súmite: hoc est corpus meum ». Et, accépto cálice, grátias agens dedit eis, et bibérunt ex illo omnes.

Et ait illis: « Hic est sanguis meus novi testaménti, qui pro multis effúnditur. Amen dico vobis: Iam non bibam de genímine vitis usque in diem illum, cum illud bibam novum in Regno Dei ».

Et, hymno dicto, exiérunt in montem Olivárum.  
Verbum Dómini.

## 2

Alleluia et Versus ante Evangelium Cf. Ap 1, 5 ab

(R. Allelúia). γ. Iesu Christe, testis es fidélis,  
primogénitus mortuórum;  
dilexísti nos, et lavísti peccáta nostra  
in ságuine tuo. (R. Allelúia).

*Induunt eum purpuram et imponunt ei  
plectentes spineam coronam.*

✠ Lécitio sancti Evangélii secúndum Marcum 15, 16-20

In illo témpore:

Mílites duxérunt Iesum in átrium quod est prætó-  
rium, et cónvocant totam cohórtem. Et induunt eum  
púrpuram et impónunt ei plecténtes spíneam corónam.

Et cœpérunt salutáre eum: « Ave, rex Iudæórum ». Et percutiébant caput eius arúndine, et conspuébant eum, et ponéntes génuá adorábant eum.

Et, postquam illusérunt ei, exuérunt illum púrpu-  
ram et induérunt eum vestiméntis suis; et edúcut eum  
ut crucifigerent eum. — Verbum Dómini.

## 3

Alleluia et Versus ante Evangelium Ap 5, 9

(R. Allelúia). γ. Dignus es, Dómine, accípere líbrum  
et aperíre signácula eius,  
quóniam occísus es, et redemísti nos Deo  
in ságuine tuo. (R. Allelúia).

*Factus est sudor eius sicut guttæ sanguinis  
decurrentis in terram.*

✠ Lécitio sancti Evangélii secúndum Lucam 22, 39-44

In illo témpore:

Ibat Iesus secúndum consuetúdinem in montem Olivárum. Secúti sunt autem illum et discípuli.

Et, cum pervenisset ad locum, dixit illis: « Oráte, ne intrétis in tentatiónem ».

Et ipse avúlsus est ab eis quantum iactus est lápidis et, pósitis génibus, orábat dicens: « Pater, si vis, transfer cálicem istum a me; verúmtamen non mea volúntas, sed tua fiat ».

Appáruit autem illi ángelus de cælo confórtans eum. Et, factus in agonía, prolíxius orábat.

Et factus est sudor eius sicut guttæ sánguinis decuréntis in terram. — Verbum Dómini.

4

Alleluia et Versus ante Evangelium Ap 5, 9

(R. Allelúia). ̎. Dignus es, Dómine, accíperere librum et aperíre signácula eius, quóniam occísus es, et redemísti nos Deo in ságuine tuo. (R. Allelúia).

*Latus eius aperuit, et exivit sanguis et aqua.*

✠ Lécitio sancti Evangélii secúndum Ioánnem 19, 31-37

Iudáei, quóniam Parascéve erat, ut non remanérent in cruce córpora sábbato (erat enim magnus dies ille sábbati), rogavérunt Pilátum ut frangeréntur eórum crura et tolleréntur. Venérunt ergo mílites, et primi

quidem fregérunt crura et alterius qui crucifixus est cum eo.

Ad Iesum autem cum venissent, ut vidérunt eum iam mórtuum, non fregérunt eius crura, sed unus militum lancea latus eius apéruit, et continuo exívit sanguis et aqua.

Et qui vidit testimónium perhibuit, et verum est eius testimónium, et ille scit quia vera dicit, ut et vos credátis.

Facta sunt enim hæc, ut Scriptúra impleátur: « Os non comminuétur eius ». Et iterum ália Scriptúra dicit: « Vidébunt in quem transfixérunt ». — Verbum Dómini.

## 6. DE SACRATISSIMO CORDE IESU

Dicitur, cum colore albo, Missa de sollemnitate, ut infra:

Ant. ad introitum

Ps 32, 11. 19

Cogitatiónes Cordis eius in generatióne et generatióne,  
ut éruat a morte ánimas eórum et alat eos in fame.

Collecta

Concéde, quæsumus, omnípotens Deus,  
ut qui, dilécti Fílii tui Corde gloriántes,  
eius præcipua in nos beneficia recólimus caritátis,  
de illo donórum fonte cælésti  
supereffluéntem grátiam mereámur accípere.  
Per Dóminum.

Vel:

Deus, qui nobis in Corde Fílii tui,  
nostris vulneráto peccátis,  
infínitos dilectiόνis thesáuros  
misericórditer largíri dignáris,

concede, quæsumus,  
ut, illi devotum pietatis nostræ præstantes obséquium,  
dignæ quoque satisfactionis exhibeamus officium.  
Per Dóminum.

Lectioes ut infra, pp. 1659-1681.

Super oblata

Réspice, quæsumus, Dómine,  
ad ineffabilem Cordis dilécti Filii tui caritatem,  
ut quod offerimus sit tibi munus accéptum  
et nostrorum expiatio delictórum. Per Christum.

Præfatio: De immensa caritate Christi.

γ. Dóminus vobíscum.

ϣ. Et cum spírítu tuo.

γ. Sursum corda.

ϣ. Habémus ad Dóminum.

γ. Grátias agámus Dómino Deo nostro.

ϣ. Dignum et iustum est.

Vere dignum et iustum est, æquum et salutáre,  
nos tibi semper et ubique grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.

Qui, mira caritáte, exaltátus in cruce,  
pro nobis trádídít semetípsum,  
atque de transfíxo látere sánguinem fudit et aquam,  
ex quo manárent Ecclésiæ sacraménta,  
ut omnes, ad Cor apértum Salvatóris attrácti,  
iúgiter haurírent e fóntibus salutis in gáudio.

Et ídeo, cum Sanctis et Angelis univérsis,  
te collaudámus, sine fine dicétes:

Sanctus, Sanctus, Sanctus Dóminus Deus Sábaoth ...

Ant. ad communionem

Io 7, 37-38

**Dicit Dóminus:**

**Si quis sitit, véniat ad me et bibat.**

**Qui credit in me,**

**flúmina de ventre eius fluent aquæ vivæ.**

**Vel:**

Io 19, 34

**Unus mílitum lancea latus eius apéruit,  
et contínuo exívit sanguis et aqua.**

Post communionem

**Sacraméntum caritátis, Dómine,  
sancta nos fáciat dilectióne fervére,  
qua, ad Fílium tuum semper attrácti,  
ipsum in frátribus agnóscere discámus.  
Per Christum.**

---

Vel prouti sequitur:

Ant. ad introitum

Ps 32, 11. 19

**Cogitátiones Cordis eius in generatióne et generatióne,  
ut éruat a morte ánimas eórum et alat eos in fame.**

Collecta

**Fac nos, Dómine Deus, Cordis Fílii tui virtútibus índui  
et afféctibus inflammári,  
ut, eius imáginí confórmes effécti,  
ætérnæ redemptiόνis mereámur esse partícipes.  
Per Dóminum.**

Lectiones ut infra, pp. 1659-1681.

Super oblata

**Deus, Pater misericordiárum,  
qui propter nímiám caritátem, qua dilexísti nos,  
Unigénitum tuum nobis ineffábili bonitáte donásti,**

**præsta, quæsumus, ut, cum ipso in unum consummâti,  
dignum tibi offerâmus obséquium.**

**Per Christum.**

Præfatio de Ss.mo Corde Iesu, p. 1657.

**Ant. ad communionem**

**Io 7, 37-38**

**Dicit Dóminus:**

**Si quis sitit, véniat ad me et bíbat.**

**Qui credit in me,**

**flúmina de ventre eius fluent aquæ vivæ.**

**Vel:**

**Io 19, 34**

**Unus mílitem láncea latus eius apérui,**

**et contínuo exívit sanguis et aqua.**

**Post communionem**

**Tui sacraménti caritátis partícipes effécti,**

**cleméntiam tuam, Dómine, suppliciter implorâmus,**

**ut Christo conformémur in terris,**

**et eius glóriæ consórtes fieri mereâmur in cælis.**

**Per Christum.**

---

**Lectio prima  
extra tempus paschale**

**1**

*Dominator Domine Deus, misericors et clemens.*

**Léctio libri Exodi**

**34, 4 b-7 a. 8-9**

**In diébus illis:**

**De nocte consúrgens Móyses ascéndit in montem Sí-  
nai, sicut præcéperat ei Dóminus, portans secum tábulas.**

Cumque descendisset Dóminus per nubem, stetit Móyses cum eo invocans nomen Dómini.

Quo transeúnte coram eo, ait: « Dominátor Dómine Deus, miséricors et clemens, pátiens et multæ miseratiónis ac verax, qui custódis misericórdiam in mília, qui auferis iniquitátem et scélera atque peccáta ».

Festinúsque Móyses curvátus est pronus in terram, et adórans ait: « Si invéni grátiam in conspéctu tuo, Dómine, óbsecro ut gradiáris nobíscum (pópulus enim duræ cervícis est), et áuferas iniquitátes nostras atque peccáta, nosque possídeas ». — Verbum Dómini.

Psalmus responsorius

Ps 24, 4 bc-5 ab. 6 et 7 bc. 8-9. 10 et 14 (R.: 6 a)

R. Reminiscere miseratiónum tuárum, Dómine.

- <sup>4</sup> Vias tuas, Dómine, demónstra mihi,  
et sémitas tuas édoce me.
- <sup>5</sup> Dírige me in veritáte tua et doce me,  
quia tu es Deus salútis meæ. R.
- <sup>6</sup> Reminiscere miseratiónum tuárum, Dómine,  
et misericordiárum tuárum, quóniam a século sunt.
- <sup>7</sup> Secúndum misericórdiam tuam meménto mei tu,  
propter bonitátem tuam, Dómine. R.
- <sup>8</sup> Dulcis et rectus Dóminus,  
propter hoc peccatóres viam docébit;
- <sup>9</sup> díriget mansuétos in iudício,  
docébit mites vias suas. R.
- <sup>10</sup> Univérsæ viæ Dómini misericórdia et véritas  
custodiéntibus testaméntum eius et testimónia eius.
- <sup>14</sup> Familiáriter ageť Dóminus cum timéntibus eum,  
ut testaméntum suum maniféstet illis. R.



*Dilexit vos Dominus et elegit vos.*

Lectio libri Deuteronomii

7, 6-11

In diebus illis:

Locutus est Móyses pópulo dicens: « Pópulus sanctus es Dómino Deo tuo. Te elégit Dóminus Deus tuus, ut sis ei pópulus peculiáris de cunctis pópulis qui sunt super terram.

Non quia cunctas gentes número vincebátis, vobis iunctus est Dóminus et elégit vos, cum ómnibus sitis pópulis paucióres; sed quia diléxit vos Dóminus et custodívit iuraméntum, quod iurávit pátribus vestris, eduxítque vos in manu forti et redémit de domo servitútis, de manu Pharaónis regis Ægypti.

Et scies quia Dóminus Deus tuus ipse est Deus fortis et fidélis, custódiens pactum et misericórdiam diligéntibus se, et his qui custódiunt præcépta eius in mille generatiónes; et reddens odiéntibus se statim, ita ut dispédat eos et ultra non dífferat, prótinus eis restítuens quod meréntur.

Custódi ergo præcépta et cæremónias atque iudícia, quæ ego mando tibi hódie ut fácias ».

Verbum Dómini.

Psalmus sponsorius

Ps 32, 1-2. 4-5. 11-12. 18-19. 20-21 (R.: 5 b)

R. Misericórdia Dómini plena est terra.

Exsultáte, iusti, in Dómino;

rectos decet collaudátio.

Confitémini Dómino in cíthara,

in psaltério decem chordárum psállite illi. R.

- 4 Quia rectum est verbum Dómini,  
et ómnia ópera eius in fide.
- 5 DÍligit iustítiam et iudícium,  
misericórdia Dómini plena est terra. **R.**
- 11 Consílium autem Dómini in ætérnum manet,  
cogitatiónes cordis eius in generatióne et generatiónem.
- 12 Beáta gens cui Dóminus est Deus,  
pópulus, quem elégit in hereditátem sibi. **R.**
- 18 Ecce óculi Dómini super metuéntes eum,  
in eos qui sperant super misericórdia eius,
- 19 ut éruat a morte ánimas eórum,  
et alat eos in fame. **R.**
- 20 Anima nostra sústinet Dóminum,  
quóniam adiútor et protéctor noster est;
- 21 quia in eo lætábitur cor nostrum,  
et in nómine sancto eius sperávimus. **R.**

## 3

*Amavit eos elegitque semen eorum post eos.*

Léctio libri Deuteronomíi

10, 12-22

In diébus illis:

Locútus est Móyses pópulo, dicens: «Et nunc, Israel, quid Dóminus Deus tuus petit a te, nisi ut tímeas Dóminum Deum tuum, et ámbules in viis eius et díligas eum; ac sérvias Dómino Deo tuo in toto corde tuo et in tota ánima tua, custodiásque mandáta Dómini et cæremoniás eius, quas ego hódie præcípio tibi, ut bene sit tibi?

En Dómini Dei tui cælum est et cælum cæli, terra et ómnia quæ in ea sunt; et tamen pátribus tuis conglutinátus est Dóminus et amávit eos elegitque semen

eórum post eos, id est vos de cunctis géntibus, sicut hódie comprobátur.

Circumcidíte igitur præpútium cordis vestri, et cervicem vestram ne induréis ámplius, quia Dóminus Deus vester ipse est Deus deórum et Dóminus dominántium, Deus magnus et potens et terribilis, qui persónam non áccipit nec múnera, facit iudícium pupíllo et víduæ, amat peregrínum et dat ei victum atque vestitum. Et vos ergo amáte peregrínos, quia et ipsi fuístis ádvenæ in terra Ægypti.

Dóminum Deum tuum timébis et ei soli sérvies, ipsi adhærébis iurabísque in nómine illius. Ipse est laus tua et Deus tuus, qui fecit tibi hæc magnália et terribília, quæ vidérunt óculi tui.

In septuagínta animábus descendérunt patres tui in Ægyptum; et ecce nunc multiplicávit te Dóminus Deus tuus sicut astra cæli ». — Verbum Dómini.

Psalmus responsorius

Ps 24, 4 bc-5 ab. 6 et 7 bc. 8-9. 10 et 14 (R. : 6 a)

R. Reminiscere miseratiónum tuárum, Dómine.

Vias tuas, Dómine, demónstra mihi,  
et sémitas tuas édoce me.

Dírige me in veritaté tua et doce me,  
quia tu es Deus salutis meæ. R.

Reminiscere miseratiónum tuárum, Dómine,  
et misericordiárum tuárum, quóniam a sæculo sunt.  
Secúndum misericórdiam tuam meménto mei tu,  
propter bonitátem tuam, Dómine. R.

Dulcis et rectus Dóminus,  
propter hoc peccatóres viam docébit;  
díriget mansuétos in iudício,  
docébit mites vias suas. R.

- <sup>10</sup> **Univérse viæ Dómini misericórdia et véritas  
custodiéntibus testaméntum eius et testimónia eius.**
- <sup>14</sup> **Familiáriter aget Dóminus cum timéntibus eum,  
ut testaméntum suum maniféstet illis. R̄.**

## 4

*Si mulier infantem suum oblita fuerit,  
ego tamen non obliviscar tui.*

## Léctio libri Isaíæ prophétæ

49, 13-15

Laudáte, cæli, et exsúlta, terra; iubiláte, montes,  
laudem, quia consolátus est Dóminus pópulum suum  
et páuperum suórum miserébitur.

Et dixit Sion: « Derelíquit me Dóminus, et Dóminus  
oblítus est mei ». « Numquid oblivísci potest múlter  
infántem suum, ut non misereátur filio úteri sui? Et  
si illa oblíta fúerit, ego tamen non obliviscar tui ».

Verbum Dómini.

Psalmus responsorius Ps 33, 2-3. 4-5. 6-7 (R̄.: 9 a)

R̄. Gustáte et vidéte quóniam suávis est Dóminus.

- <sup>2</sup> **Benedícam Dóminum in omni témpore,  
semper laus eius in ore meo.**
- <sup>3</sup> **In Dómino gloriábitur ánima mea,  
áudiant mansuétí et læténtur. R̄.**
- <sup>4</sup> **Magnificáte Dóminum mecum,  
et exaltémus nomen eius in idípsum.**
- <sup>5</sup> **Exquisívi Dóminum, et exaudívit me,  
et ex ómnibus terróribus meis erípuit me. R̄.**
- <sup>6</sup> **Respícite ad eum et illuminámini,  
et fácies vestræ non confundéntur.**
- <sup>7</sup> **Iste pauper clamávit, et Dóminus exaudívit eum  
et de ómnibus tribulatióibus eius salvávit eum. R̄.**

*In caritate perpetua dilexi te.*

Lectio libri Ieremiæ prophætæ 31, 1-4

« In tempore illo, dicit Dóminus, ero Deus univérſis cognatióibus Israel, et ipsi erunt mihi in pópulum ».

Hæc dicit Dóminus: « Invénit grátiam in desérto pópulus, qui remánserat a gládio; vadet ad réquiem suam Israel. Longe Dóminus apparuit mihi. Et in caritate perpétua diléxi te; ideo attráxi te míserans, rursúmque ædificábo te, et ædificáberis, virgo Israel: adhuc ornáberis týmpanis tuis, et egrediéris in choro ludéntium ».

Verbum Dómini.

**Psalmus responsorius** Is 12, 2-3. 4 bcd. 5-6 (R.: 3)

**R.** Hauriétis aquas in gáudio  
de fóntibus Salvatóris.

Ecce Deus salvátor meus,  
fiduciáliter agam et non timébo,  
quia fortitúdo mea et laus mea Dóminus,  
et factus est mihi in salútem.

Hauriétis aquas in gáudio  
de fóntibus Salvatóris. **R.**

Confitémini Dómino et invocáte nomen eius,  
notas fácite in pópulis adinventiões eius,  
mementóte quóniam excélsus est nomen eius. **R.**

Cantáte Dómino, quóniam magnífice fecit,  
annuntiáte hoc in univérſa terra.  
Exsúlta et lauda, habitátio Sion,  
quia magnus in médio tui Sanctus Israel. **R.**

## 6

*Ego pascam oves meas et ego eas  
accubare faciam.*

Lectio libri Ezechiélis prophétæ

34, 11-16

Hæc dicit Dóminus Deus: « Ecce ego ipse requíram oves meas, et visitábo eas: sicut visitat pastor gregem suum in die quando fúerit in médio óvium suárum dissipatárum, sic visitábo oves meas, et liberábo eas de ómnibus locis, in quibus dispérsæ fúerant in die nubis et caliginis.

Et edúcam eas de pópulis, et congregábo eas de terris, et indúcam eas in terram suam, et pascam eas in móntibus Israel, in rivis et in cunctis sédibus terræ.

In páscuis ubérrimis pascam eas, et in móntibus excélsis Israel erunt páscua eárum: ibi requiéscent in herbis viréntibus, et in páscuis pínguibus pascéntur super montes Israel.

Ego pascam oves meas et ego eas accubáre fáciam, dicit Dóminus Deus. Quod perierat requíram, et quod abiéctum erat redúcam, et quod confráctum fúerat alligábo, et quod infírmum fúerat consolidábo, et quod pingue et forte custódiám, et pascam illas in iudício ».

Verbum Dómini.

Psalmus responsorius

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

- <sup>1</sup> Dóminus pascit me, et nihil mihi déerit:  
in páscuis viréntibus me collocávit,  
<sup>2</sup> super aquas quiétis edúxit me,  
ánimam meam refécit.

- 3 Dedúxit me super sémitas iustítiæ  
propter nomen suum. **℞.**
- 4 Nam et si ambulávero in valle umbræ mortis,  
non timébo mala, quóniam tu mecum es.  
Virga tua et báculo tuus  
ipsa me consoláta sunt. **℞.**
- 5 Parásti in conspéctu meo mensam  
advérsus eos qui tríbulant me;  
impinguásti in óleo caput meum,  
et calix meus redúndat. **℞.**
- 6 Etenim benígnitas et misericórdia subsequéntur me  
ómnibus diébus vitæ meæ,  
et inhabitábo in domo Dómini  
in longitudínem diérum. **℞.**

7

*Conversum est in me cor meum.*

Léctio libri Osée prophétæ

11, 1 b. 3-4. 8 c-9

Hæc dicit Dóminus: « Puer Israel et diléxi eum, et ex Ægýpto vocávi filium meum. Et ego, quasi nutrícius Ephraim, portábam eos in brácciis meis, et nesciérunt quod curárem eos.

In funiculis Adam traham eos, in vínculis caritátis; et ero eis quasi exáltans iugum super maxíllas eórum, et declinávi ad eum ut vescerétur.

Convérsus est in me cor meum, páriter conturbáta est pænítudo mea. Non fáciám furórem iræ meæ, non convértar ut dispérdam Ephraim, quóniam Deus ego et non homo; in médio tui sanctus, et non ingrédiam civitátem ». — Verbum Dómini.

Psalmus responsorius

Ps 102, 1-2. 3-4. 6-7. 8 et 10 (ꝛ.: 17)

ꝛ. Misericórdia Dómini ab ætérno super timéntes eum.

- 1 **Bénedic, ánima mea, Dómino,**  
et ómnia quæ intra me sunt, nómini sancto eius.
- 2 **Bénedic, ánima mea, Dómino,**  
et noli oblivísci omnes retributiónes eius. ꝛ.
- 3 **Qui propitiátur ómnibus iniquitatibus tuis,**  
qui sanat omnes infirmitátes tuas;
- 4 **qui rédimít de intéritu vitam tuam,**  
qui coronat te in misericórdia et miseratióibus. ꝛ.
- 6 **Fáciens iustítias Dóminus,**  
et iudícium ómnibus iniúriam patiéntibus.
- 7 **Notas fecit vias suas Móysi,**  
fíliis Israel adinventiões suas. ꝛ.
- 8 **Miserátor et miséricors Dóminus,**  
longánimis et multæ misericórdiæ.
- 10 **Non secúndum peccáta nostra fecit nobis,**  
neque secúndum iniquitátes nostras retríbuit nobis. ꝛ.

Lectio prima tempore paschali

1

*Cenabo cum illo et ipse mecum.*

Léctio libri Apocalýpsis beáti Ioánnis apóstoli

3, 14 b. 20-22

Hæc dicit Amen, testis fidélis et verus, princípium creatúræ Dei: « Ecce sto ad óstium et pulso: si quis audíerit vocem meam et aperúerit iánuam, introibo ad illum et cenábo cum illo et ipse mecum.

Qui vicerit, dabo ei sedére mecum in throno meo;



sicut et ego vici et sedi cum Patre meo in throno eius.  
 Qui habet aurem áudiat quid Spíritus dicat Ecclésiis ».  
 Verbum Dómini.

**Psalmus responsorius**

Ps 32, 1-2. 4-5. 11-12. 18-19. 20-21 (R.: 5 b)

R. Misericórdia Dómini plena est terra.

vel Allelúia.

- <sup>1</sup> Exsultáte, iusti, in Dómino;  
 rectos decet collaudátio.
- <sup>2</sup> Confitémini Dómino in cíthara,  
 in psaltério decem chordárum psállite illi. R.
- <sup>4</sup> Quia rectum est verbum Dómini,  
 et ómnia ópera eius in fide.
- <sup>5</sup> Díligit iustítiam et iudícium,  
 misericórdia Dómini plena est terra. R.
- <sup>11</sup> Consílium autem Dómini in ætérnum manet,  
 cogitátiones cordis eius in generatióne et generatióne.
- <sup>12</sup> Beáta gens cui Dóminus est Deus,  
 pópulus, quem elégit in hereditátem sibi. R.
- <sup>18</sup> Ecce óculi Dómini super metuéntes eum,  
 in eos qui sperant super misericórdia eius,
- <sup>19</sup> ut éruat a morte ánimas eórum,  
 et alat eos in fame. R.
- <sup>20</sup> Anima nostra sústinet Dóminum,  
 quóniam adiútor et protéctor noster est;
- <sup>21</sup> quia in eo lætábitur cor nostrum,  
 et in nómine sancto eius sperávimus. R.

2

*Redemisti Deo in sanguine tuo.*

Léctio libri Apocalýpsis beáti Ioánnis apóstoli 5, 6-12

Ego Ioánnes vidi in médio throni et quáttuor ani-

málium et in médio seniórum Agnum stantem tamquam occísus, habéntem córnua septem et óculos septem, qui sunt septem spíritus Dei missi in omnem terram.

Et venit, et accépit de dextera sedéntis in throno. Et, cum accepísset librum, quáttuor animália et viginti quáttuor senióres cecidérunt coram Agno, habéntes singuli cítharas et phíalas áureas plenas incensórum, quæ sunt oratiónes sanctórum.

Et cantant novum cánticum dicéntes: « Dignus es accíperere librum et aperíre signácula eius, quóniam occísus es et redemísti Deo in ságuine tuo ex omni tribu et lingua et pópulo et natióne, et fecísti eos Deo nostro Regnum et sacerdótes, et regnábunt super terram ».

Et vidí, et audívi vocem angelórum multórum in circúitu throni et animálium et seniórum; et erat númerus eórum myriades myriádum et mília mílium dicéntium voce magna: « Dignus est Agnus, qui occísus est, accíperere virtútem et divítias et sapiéntiam et fortitúdinem et honórem et glóriam et benedictiónem ».

Verbum Dómini.

Psalmus responsorius, ut supra, p. 1668.

### Lectio secunda

#### 1

*Caritas Dei diffusa est in cordibus nostris.*

Léctio Epístolæ beáti Pauli apóstoli ad Romános

Fratres:

5, 5-11

Spes non confúndit, quia cáritas Dei diffúsa est in córdibus nostris per Spíritum Sanctum, qui datus est nobis.

Adhuc enim Christus, cum adhuc infirmi essemus, secundum tempus pro impiis mortuus est. Vix enim pro iusto quis moritur; nam pro bono forsitan quis et audeat mori.

Commendat autem suam caritatem Deus in nos, quoniam, cum adhuc peccatores essemus, Christus pro nobis mortuus est. Multo igitur magis iustificati nunc in sanguine ipsius, salvi erimus ab ira per ipsum.

Si enim, cum inimici essemus, reconciliati sumus Deo per mortem Filii eius, multo magis reconciliati salvi erimus in vita ipsius. Non solum autem, sed et gloriamur in Deo per Dominum nostrum Iesum Christum, per quem nunc reconciliationem accepimus.

Verbum Domini.

## 2

*Secundum divitias gratiae eius,  
qua superabundavit in nobis.*

Lectio Epistolae beati Pauli apostoli ad Ephesios

1, 3-10

Benedictus Deus et Pater Domini nostri Iesu Christi, qui benedixit nos in omni benedictione spiritali in caelestibus in Christo; sicut elegit nos in ipso ante mundi constitutionem, ut essemus sancti et immaculati in conspectu eius in caritate; qui praedestinavit nos in adoptionem filiorum per Iesum Christum in ipsum, secundum beneplacitum voluntatis suae, in laudem gloriae gratiae suae, in qua gratificavit nos in Dilicto.

In quo habemus redemptionem per sanguinem eius, remissionem peccatorum secundum divitias gratiae eius, qua superabundavit in nobis in omni sapientia et prudentia; notum faciens nobis mysterium voluntatis suae secundum beneplacitum eius, quod proposuit in eo in

dispensatióem plenitúdinis témporum, recapituláre ómnia in Christo, quæ in cælis et quæ in terra sunt.

Verbum Dómini.

## 3

*Gentibus evangelizare investigabiles  
divitias Christi.*

Léctio Epístolæ beáti Pauli apóstoli ad Ephésios

3, 8-12

Fratres:

Mihi ómnium sanctórum mínimo data est grátia hæc, géntibus evangelizáre investigábiles divítias Christi, et illumináre omnes quæ sit dispensátio mystérii absconditi a séculis in Deo, qui ómnia creávit; ut innotéscat nunc principátibus et potestátibus in cæléstibus per Ecclésiám multifórmis sapiéntia Dei, secúndum propósitum sæculórum, quod fecit in Christo Iesu Dómino nostro, in quo habémus fidúciam et accéssum in confidéntia per fidem eius. — Verbum Dómini.

## 4

*Scire supereminentem scientiæ caritatem Christi.*

Léctio Epístolæ beáti Pauli apóstoli ad Ephésios

3, 14-19

Fratres:

Flecto génuá mea ad Patrem Dómini nostri Iesu Christi, ex quo omnis patérnitas in cælis et in terra nominátur; ut det vobis, secúndum divítias glóriæ suæ, virtúte corroborári per Spíritum eius in interiorem hómínem; habitáre Christum per fidem in córdibus vestris; in caritaté radicáti et fundáti, ut valeátis com-

prehendere cum ómnibus sanctis quæ sit latitúdo et longitúdo et sublimitas et profúndum; scire étiam supereminéntem sciéntiæ caritátem Christi, ut impleámini in omnem plenitúdinem Dei. — Verbum Dómini.

## 5

*In visceribus Christi Iesu.*

Léctio Epístolæ beáti Pauli apóstoli ad Philippénses

1, 8-11

**Fratres:**

Testis mihi est Deus, quómo do cúpiam omnes vos in viscéribus Christi Iesu. Et hoc oro, ut caritas vestra magis ac magis abúndet in sciéntia et omni sensu, ut probétis potióra, ut sitis sincéri et sine offénsa in diem Christi, repléti fructu iustitiæ, qui est per Iesum Christum in glóriam et laudem Dei. — Verbum Dómini.

## 6

*Dilexit nos.*

Léctio Epístolæ primæ beáti Ioánnis apóstoli 4, 7-16

Caríssimi, diligámus ínvicem, quóniam caritas ex Deo est; et omnis qui diligit, ex Deo natus est et cognóscit Deum. Qui non diligit non cognóvit Deum, quóniam Deus caritas est. In hoc appáruit caritas Dei in nobis, quóniam Fílium suum unigénitum misit Deus in mundum, ut vivámus per eum.

In hoc est caritas, non quasi nos dilexérimus Deum, sed quóniam ipse diléxit nos, et misit Fílium suum propitiatióem pro peccátis nostris.

Caríssimi, si sic Deus diléxit nos, et nos debémus altéru trum diligere. Deum nemo vidit umquam. Si dili-

gámus ínvicem, Deus in nobis manet, et cáritas eius in nobis consummáta est. In hoc cognóscimus quóniam in ipso manémus, et ipse in nobis, quóniam de Spíritu suo dedit nobis.

Et nos vídimus et testificámur quóniam Pater misit Fílium salvatórem mundi. Quisquis conféssus fúerit: « Iesus est Fílius Dei », Deus in ipso manet, et ipse in Deo.

Et nos cognóvimus et credídimus caritatí quam habet Deus in nobis. Deus cáritas est, et qui manet in caritaté in Deo manet, et Deus in eo manet.

Verbum Dómini.

## Evangelium

### 1

**Alleluia et Versus ante Evangelium** Cf. Mt 11, 25

(**℞. Allelúia**). **γ.** Benedíctus es, Pater,  
Dómine cæli et terræ,  
quia mystéria Regni párvulis revelásti.  
(**℞. Allelúia**).

*Mitis sum et humilis corde.*

**✠ Lécio sancti Evangélii secúndum Matthæum**  
**11, 25-30**

In illo témpore, respóndens Iesus dixit: « Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus et revelásti ea párvulis.

Ita, Pater, quóniam sic fuit plácitum ante te.

Omnia mihi trádicta sunt a Patre meo; et nemo novit Fílium, nisi Pater; neque Patrem quis novit, nisi Fílius, et cui volúerit Fílius reveláre.

Venite ad me, omnes qui laboratis et onerati estis, et ego reficiam vos.

Tollite iugum meum super vos, et discite a me quia mitis sum et humilis corde; et "invenietis requiem animabus vestris"; iugum enim meum suave, et onus meum leve est ». — Verbum Domini.

## 2

**Alleluia et Versus ante Evangelium** **Mt 11, 29 ab**

(R. Alleluia). V. Tollite iugum meum super vos,  
dicit Dominus,  
et discite a me, quia mitis sum  
et humilis corde. (R. Alleluia).

*Gaudium erit in caelo super uno peccatore  
paenitentiam agente.*

✠ **Lectio sancti Evangelii secundum Lucam** **15, 1-10**

In illo tempore:

Erant appropinquantes Iesu omnes publicani et peccatores, ut audirent illum.

Et murmurabant pharisaei et scribae dicentes: « Hic peccatores recipit et manducat cum illis! »

Et ait ad illos parabolam istam, dicens: « Quis ex vobis homo, qui habet centum oves, et, si perdiderit unam ex illis, nonne dimittit nonagintanovem in deserto, et vadit ad illam quae perierat, donec inveniat illam?

Et, cum invenerit eam, imponit inumeros suos gaudens, et veniens domum convocat amicos et vicinos, dicens illis: "Congratulamini mihi, quia inveni ovem meam, quae perierat".

Dico vobis: Ita gaudium erit in caelo super uno peccatore paenitentiam agente, quam super nonagintanovem iustis, qui non indigent paenitentia.

Aut quæ mulier habens drachmas decem; si perdidit drachmam unam, nonne accendit lucernam et evêrit domum, et quærit diligenter, donec invéniat?

Et, cum invenerit, convocat amicas et vicinas, dicens: " Congratulamini mihi, quia inveni drachmam, quam perdideram ".

Ita, dico vobis, gaudium fit coram angelis Dei super uno peccatore pœnitentiam agente ». — Verbum Dómini.

## 3

Alleluia et Versus ante Evangelium Mt 11, 28

(R. Alleluia). *γ.* Venite ad me, omnes qui laboratis  
et onerati estis,  
et ego reficiam vos, dicit Dóminus.  
(R. Alleluia).

*Gaudere oportebat, quia frater tuus hic  
mortuus erat et revixit.*

✠ Lécio sancti Evangélii secúndum Lucam

15, 1-3. 11-32

In illo témpore:

Erant appropinquantes Iesu omnes publicáni et peccatóres, ut audírent illum.

Et murmurábant pharisæi et scribæ dicentes: « Hic peccatóres récipit et mandúcat cum illis! »

Et ait ad illos parábolam istam, dicens: « Homo quidam habébat duos filios, et dixit adulescéntior ex illis patri: " Pater, da mihi portiónem substántiæ, quæ me contíngit ". Et divisit illis substántiam.

Et non post multos dies, congregátis ómnibus, adulescéntior fílius pégre profectus est in regiónem longínquam; et ibi dissipávit substántiam suam vivéndo luxurióse.



Et, postquam ómnia consummáset, facta est fames válda in regióne illa, et ipse cœpit egére. Et ábiit et adhæsit uni civium regiónis illius, et misit illum in vilam suam, ut pásceret porcos. Et cupiébat saturári de siliquis, quas porci manducábant; et nemo illi dabat.

In se autem revérsus dixit: " Quanti mercenárii patris mei abúndant pánibus, ego autem hic fame péreo! Surgam et ibo ad patrem meum et dicam illi: Pater, peccávi in cælum et coram te: et iam non sum dignus vocári fílius tuus: fac me sicut unum de mercenáriis tuis ".

Et surgens venit ad patrem suum. Cum autem adhuc longe esset, vidit illum pater ipsius, et misericórdia motus est; et accúrrens cécidit super collum eius, et osculátus est illum.

Dixitque ei fílius: " Pater, peccávi in cælum et coram te: iam non sum dignus vocári fílius tuus ".

Dixit autem pater ad servos suos: " Cito proférte stolam primam et indúite illum, et date ánulum in manum eius, et calceaménta in pedes, et addúcite vítulum saginátum, occídite, et manducémus et epulémur; quia hic fílius meus mórtuus erat, et revíxit: perierat, et invéntus est ". Et cœpérunt epulári.

Erat autem fílius eius sénior in agro, et cum veníret et appropinquáret dómui, audívit symphóniam et choros; et vocávit unum de servis, et interrogávit quæ hæc essent.

Isque dixit illi: " Frater tuus venit, et occídit pater tuus vítulum saginátum, quia salvum illum recépit ". Indignátus est autem et nolébat introíre; pater ergo illius egréssus cœpit rogáre illum.

At ille respóndens dixit patri suo: " Ecce tot annis sérvio tibi, et numquam mandátum tuum prætérii, et numquam dedísti mihi hædum, ut cum amícis meis

epulárer; sed postquam fílius tuus hic, qui devorávit substántiam tuam cum meretrícibus, venit, occidísti illi vítulum saginátum ”.

At ipse dixit illi: “ Fíli, tu semper mecum es, et ómnia mea tua sunt. Epulári autem et gaudére oportébat, quia frater tuus hic mórtuus erat, et revíxit; perierat, et invéntus est ” ». — Verbum Dómini.

## 4

Alleluia et Versus ante Evangelium Io 10, 14

(R. Allelúia). ꝑ. Ego sum pastor bonus, dicit Dóminus,  
et cognóscó oves meas,  
. et cognóscunt me meæ. (R. Allelúia).

*Bonus pastor animam suam ponit  
pro ovibus.*

✠ Lécio sancti Evángelii secúndum Ioánnem 10, 11-18

In illo témpore:

Dixit Iesus discíplulis suis: « Ego sum pastor bonus. Bonus pastor ánimam suam ponit pro óvibus. Mercenárius et qui non est pastor, cuius non sunt oves própriæ, videt lupum veniéntem, et dimíttit oves, et fugit — et lupus rapit eas et dispérgit, — quia mercenárius est et non pértinet ad eum de óvibus.

Ego sum pastor bonus et cognóscó meas, et cognóscunt me meæ. Sicut novit me Pater, et ego agnóscó Patrem; et ánimam meam pono pro óvibus.

Et álias oves hábeo, quæ non sunt ex hoc ovíli, et illas opórtet me addúcere, et vocem meam áudient, et fient unus grex, unus pastor.

Proptérea me Pater díligit, quia ego pono ánimam meam, ut íterum sumam eam. Nemo tollit eam a me,

sed ego pono eam a meípso. Potestátem hábeo ponéndi eam, et potestátem hábeo íterum suméndi eam: hoc mandátum accépi a Patre meo ». — Verbum Dómini.

## 5

Alleluia et Versus ante Evangelium Io 15, 9

(R. Allelúia). ⁊. Sicut diléxit me Pater,  
et ego diléxi vos;  
manéte in dilectióne mea, dicit Dóminus.  
(R. Allelúia).

*Manete in me, et ego in vobis.*

✠ Lécio sancti Evangélii secúndum Ioánnem 15, 1-8

In illo témpore:

Dixit Iesus discípulis suis: « Ego sum vitis vera, et Pater meus agrícola est. Omnem pálmitem in me non feréntem fructum tollit eum, et omnem qui fert fructum purgat eum, ut fructum plus áfferat. Iam vos mundi estis propter sermónem quem locútus sum vobis.

Manéte in me, et ego in vobis. Sicut palmes non potest ferre fructum a semetípso, nisi mánserit in vite, sic nec vos, nisi in me manséritis.

Ego sum vitis, vos pálmites; qui manet in me, et ego in eo, hic fert fructum multum, quia sine me nihil potéstis fácere. Si quis in me non mánserit, missus est foras sicut palmes et áruit, et cólligunt eos et in ignem mittunt, et ardent.

Si manséritis in me, et verba mea in vobis mánserint, quodcúmque voluéritis pétite, et fiet vobis. In hoc glorificátus est Pater meus, ut fructum multum áfferátis, et efficiámini mei discípuli ».

Verbum Dómini.

## 6

Alleluia et Versus ante Evangelium Io 15, 9

(R. Allelúia). *ꝛ.* Sicut diléxit me Pater,  
 et ego diléxi vos;  
 manéte in dilectiône mea, dicit Dóminus.  
 (R. Allelúia).

*Hoc est præceptum meum, ut diligatis invicem,  
 sicut dilexi vos.*

✠ Lécio sancti Evangélii secúndum Ioánnem 15, 9-17

In illo témpore:

Dixit Iesus discipulis suis: « Sicut diléxit me Pater, et ego diléxi vos. Manéte in dilectiône mea. Si præcépta mea servavéritis, manébitis in dilectiône mea; sicut ego Patris mei præcépta servávi, et máneo in eius dilectiône.

Hæc locútus sum vobis, ut gáudium meum in vobis sit, et gáudium vestrum impleátur.

Hoc est præceptum meum, ut diligáteis invicem, sicut diléxi vos. Maiórem hac dilectiõem nemo habet, ut ánimam suam quis ponat pro amícis suis. Vos amíci mei estis, si fecéritis quæ ego præcipio vobis.

Iam non dico vos servos, quia servus nescit quid facit dóminus eius: vos autem dixi amícos, quia ómnia, quæ audivi a Patre meo, nota feci vobis.

Non vos me elegístis, sed ego elégi vos et pósui vos, ut vos eátis et fructum afferátis, et fructus vester máneat, ut, quodcúmque petiéríteis Patrem in Nómine meo, det vobis.

Hæc mando vobis, ut diligáteis invicem.  
 Verbum Dómini.

## 7

Alleluia et Versus ante Evangelium Io 10, 14

(**℞. Allelúia**). **℣.** Ego sum pastor bonus, dicit Dóminus,  
et cognóscō oves meas,  
et cognóscunt me meæ. (**℞. Allelúia**).

*Dilexisti eos, sicut me dilexisti.*

**✠ Lécitio sancti Evangélii secúndum Ioánnem**  
**17, 20-26**

In illo témpore:

Sublevátis Iesus óculis in cælum, orávit dicens:  
« Pater sancte, non pro his rogo tantum, sed et pro eis  
qui creditúri sunt per verbum eórum in me; ut omnes  
unum sint, sicut tu, Pater, in me, et ego in te, ut et ipsi  
in nobis sint, ut mundus credat quia tu me misísti.

Et ego glóriam, quam dedísti mihi, dedi illis ut sint  
unum sicut nos unum sumus. Ego in eis, et tu in me,  
ut sint consummáti in unum, ut cognóscat mundus quia  
tu me misísti et dilexísti eos, sicut me dilexísti.

Pater, quod dedísti mihi, volo, ut, ubi ego sum, et  
illi sint mecum, ut vídeant glóriam meam, quam dedísti  
mihi; quia dilexísti me ante constitutióem mundi. Pa-  
ter iuste, et mundus te non cognóvit; ego autem te  
cognóvi, et hi cognovérunt quia tu me misísti.

Et notum feci eis Nomen tuum et notum fáciam, ut  
dilécitio, qua dilexísti me, in ipsis sit, et ego in ipsis ».

Verbum Dómini.

## 8

Alleluia et Versus ante Evangelium 1 Io 4, 10 b

(**℞. Allelúia**). **℣.** Deus prior diléxit nos,  
et misit Fílium suum  
propitiatióem pro peccátis nostris.  
(**℞. Allelúia**).

*Latus eius aperuit, et exivit sanguis et aqua.*

✠ **Léctio sancti Evangélii secúndum Ioánnem**

19, 31-37

Iudæi, quóniam Parascève erat, ut non remanérent in cruce córpora sábbato (erat enim magnus dies ille sábbati), rogavérunt Pilátum ut frangeréntur eórum crura et tolleréntur. Venérunt ergo mílites, et primi quidem fregérunt crura et alteríus qui crucifíxus est cum eo.

Ad Iesum autem cum veníssent, ut vidérunt eum iam mórtuum, non fregérunt eius crura, sed unus mílitum lancea latus eius apéruit, et continuo exívit sanguis et aqua.

Et qui vidit testimónium perhíbuit, et verum est eius testimónium, et ille scit quia vera dicit, ut et vos credátis.

Facta sunt enim hæc ut Scriptúra impleátur: « Os non comminuétur eius ». Et íterum ália Scriptúra dicit: « Vidébunt in quem transfixérunt ».

**Verbum Dómini.**

## 7. DE SPIRITU SANCTO

In hac Missa adhibetur color ruber.

**A**

Ant. ad introitum

Rom 5, 5; 8, 11

**Cáritas Dei diffúsa est in córdibus nostris,  
per inhabitántem Spíritum eius in nobis.**

Collecta

**Deus, qui corda fidélium  
Sancti Spíritus illustratióne docuísti,**

**da nobis in eódem Spíritu recta sápere,  
et de eius semper consolatióne gaudére.  
Per Dóminum.**

Lectiones de dominica Pentecostes, ut infra, pp. 1687-1695, vel  
in conferenda Confirmatione, ut supra, pp. 1126-1151.

Super oblata

**Múnera, quésumus, Dómine, obláta sanctífica,  
et corda nostra  
Sancti Spíritus illustratióne emúnda.  
Per Christum.**

Præfatio I de Spiritu Sancto: De missione Spiritus  
a Domino in Ecclesiam.

Ꝁ. Dóminus vobíscum.

Ꝥ. Et cum spíritu tuo.

Ꝁ. Sursum corda.

Ꝥ. Habémus ad Dóminum.

Ꝁ. Grátias agámus Dómino Deo nostro.

Ꝥ. Dignum et iustum est.

**Vere dignum et iustum est, æquum et salutáre,  
nos tibi semper et ubíque grátias ágere:  
Dómine, sancte Pater, omnípotens ætérne Deus:  
per Christum Dóminum nostrum.**

**Qui, ascéndens super omnes cælos  
sedénsque ad dexteram tuam,  
promíssum Spíritum Sanctum  
in filios adoptiόνis effúdit.**

**Quaprópter nunc et usque in séculum,  
cum omni milítia Angelórum,  
devóta tibi mente concínimus,  
clamántes atque dicéntes:**

**Sanctus, Sanctus, Sanctus Dóminus Deus Sábaoth ...**

**Ant. ad communionem**

Ps 67, 29

Confirma hoc, Deus, quod operatus es in nobis,  
a templo sancto tuo, quod est in Ierusalem.

**Post communionem**

Sancti Spiritus, Dómine,  
corda nostra mundet infúsió,  
et sui roris íntima aspersione fecúndet.  
Per Christum.

**B****Ant. ad introitum**

Cf. Io 14, 26; 15, 26

Cum vénerit Spíritus veritátis,  
docébit vos omnem veritátem, dicit Dóminus.

**Collecta**

Mentes nostras, quæsumus, Dómine,  
Paráclitus qui a te procedit illúminet,  
et indúcat in omnem,  
sicut tuus promísit Fílius, veritátem.  
Qui tecum.

**Vel:**

Deus, cui omne cor patet et omnis volúntas lóquitur,  
et quem nullum latet secrétum,  
purifica per infusiónem Spíritus Sancti  
cogitatiónes cordis nostri,  
ut te perfécte diligere  
et digne laudáre mereámur.  
Per Dóminum.

Lectiones de dominica Pentecostes, ut infra, pp. 1687-1695, vel  
in conferenda Confirmatione, ut supra, pp. 1126-1151.



Super oblata

**Inténde, quæsumus, Dómine, spirítalem hóstiam  
altáribus tuis piæ devotiónis stúdio propósitam,  
et da fámulis tuis spíritum rectum,  
ut fides eórum hæc dona tibi concíliet,  
et comméndet humílitas. Per Christum.**

Præfatio II de Spiritu Sancto: De actione Spiritus  
in Ecclesia.

**℣. Dóminus vobíscum.**

**℞. Et cum spíritu tuo.**

**℣. Sursum corda.**

**℞. Habémus ad Dóminum.**

**℣. Grátias agámus Dómino Deo nostro.**

**℞. Dignum et iustum est.**

**Vere dignum et iustum est, æquum et salutáre,  
nos tibi semper et ubíque grátias ágere:**

**Dómine, sancte Pater, omnípotens ætérne Deus:**

**Qui síngulis quibúsq; tempóribus aptánda dispénsas,  
mirísque modis Ecclésiæ tuæ gubernácula moderáris.**

**Virtúte enim Spíritus Sancti**

**ita eam adiuváre non désinis,**

**ut súbdito tibi semper afféctu**

**nec in tribulatióne supplicáre deficiat,**

**nec inter gáudia grátias reférre desístat,**

**per Christum Dóminum nostrum.**

**Et ídeo, choris angélicis sociáti,**

**te laudámus in gáudio confiténtes:**

**Sanctus, Sanctus, Sanctus Dóminus Deus Sábaoth ...**

Ant. ad communionem

Io 15, 26; 16, 14

**Spíritus qui a Patre procédit,**

**ille me clarificábit, dicit Dóminus.**

Post communionem

**Dómine Deus noster,  
qui nos vegetáre dignátus es cæléstibus aliméntis,  
suavitátem Spíritus tui  
penetrálibus nostri cordis infúnde,  
ut, quæ temporáli devotióne percépimus,  
sempitérno múnere capiámus.  
Per Christum.**

**C**

Ant. ad introitum

Lc 4, 18

**Spíritus Dómini super me,  
evangelizáre paupéribus misit me, dicit Dóminus.**

Collecta

**Deus, qui univérsam Ecclésiám tuam  
in omni gente et natióne sanctificas,  
in totam mundi latitúdinem Spíritus tui dona defúnde,  
ut, quod in ipsis evangélicæ prædicatiónis exórdiis  
tua est operáta dignátio,  
nunc quoque per credéntium corda diffúndat.  
Per Dóminum.**

Vel:

**Deus, cuius Spíritu régimur,  
cuius protectióne servámur,  
præténde nobis misericórdiam tuam,  
et exorábilis tuis esto supplicibus,  
ut in te credéntium fides  
tuis semper beneficiis adiuvétur.  
Per Dóminum.**

Lectiones de dominica Pentecostes, ut infra, pp. 1687-1695, vel  
in conferenda Confirmatione, ut supra, pp. 1126-1151.

Super oblata .

Sacrificia, Dómine, tuis oblata conspéctibus,  
ignis Spíritus sanctíficet,  
qui discipulórum Fílii tui corda succéndit.  
Per Christum.

Præfatio de Spiritu Sancto I, p. 1683, vel II, p. 1685.

Ant. ad communionem

Ps 103, 30

Emítte Spíritum tuum, et creabúntur,  
et renovábis fáciem terræ.

Post communionem

Hæc nobis, Dómine, múnera sumpta proficiant,  
ut illo iúgiter Spíritu ferveámus,  
quem Apóstolis tuis ineffabíliter infudísti.  
Per Christum.

---

Lectio prima

1

*Vocatum est Babel,  
quia ibi confusum est labium universæ terræ.*

Lectio libri Génesis

11, 1-9

Erat terra lábii unius et sermónum eorúndem. Cum-  
que proficisceréntur de oriénte, invenérunt campum in  
terra Sénnaar, et habitavérunt in eo.

Dixítque alter ad próximum suum: « Veníte, faciá-  
mus láteres, et coquámus eos igni ». Habuerúntque  
láteres pro saxis, et bitúmen pro cæméto. Et dixé-  
runt: « Veníte, faciámus nobis civitátem et turrim,  
cuius culmen pertíngat ad cælum, et celebrémus nomen  
nostrum ántequam dividámur in univérsas terras ».

Descéndit autem Dóminus, ut vidéret civitátem et turrim, quam ædificábant filii Adam; et dixit: « Ecce unus est pópulus et unum lábium ómnibus: cœperúntque hoc fácere, nec desístent a cogitatióibus suis, donec eas ópere cómpleant. Veníte igitur, descendámus et confundámus ibi linguam eórum, ut non áudiat unusquisque vocem próximi sui ».

Atque ita divisit eos Dóminus ex illo loco in univérsas terras; et cessavérunt ædificáre civitátem. Et idcirco vocátum est nomen eius Babel, quia ibi confúsum est lábium univérsæ terræ; et inde dispérsit eos Dóminus super fáciem cunctárum regiónum ».

Verbum Dómini.

Psalmus responsorius ut infra, p. 1691.

## 2

*Descendit Dominus coram omni plebe  
super montem Sinai.*

Léctio libri Exodi

19, 3-8 a. 16-20 b

In diébus illis:

Móyses ascéndit ad Deum, vocavítque eum Dóminus de monte, et ait: « Hæc dices dómui Iacob, et annuntiábis filiis Israel:

“ Vos ipsi vidístis quæ fécerim Ægýptiis, quómodo portáverim vos super alas aquilárum et assúmpserim mihi. Si ergo audiéritis vocem meam, et custodiéritis pactum meum, éritis mihi in pecúlium de cunctis pópulis; mea est enim omnis terra. Et vos éritis mihi in regnum sacerdotále et gens sancta ”. Hæc sunt verba quæ loquéris ad filios Israel ».

Venit Móyses et, convocátis maióribus natu pópuli,

expósuit omnes sermónes quos mandáverat Dóminus. Respondítque omnis pópulus simul: «Cuncta, quæ locútus est Dóminus, faciémus».

Iamque advénerat tértius dies, et mane inclarúerat; et ecce coepérunt audíri tonítua ac micáre fúlgura, et nubes densíssima operíre montem, clangórque búcinæ veheméntius perstrepébat; et tímuit pópulus qui erat in castris. Cumque eduxisset eos Móyses in occúrsum Dei de loco castrórum, stetérunt ad radíces montis.

Totus autem mons Sínai fumábat, eo quod descen-dísset Dóminus super eum in igne, et ascénderet fumus ex eo quasi de fornáce; erátque omnis mons terríbilis. Et sónitus búcinæ paulátim crescébat in maius, et pro-líxius tendebátur. Móyses loquebátur, et Deus respon-débat ei. Descendítque Dóminus super montem Sínai in ipso montis vértice, et vocávit Móysen in cacúmen eius. — Verbum Dómini.

Psalmus responsorius ut infra, p. 1691.

## 3

*Ossa arida, intromittam in vos spiritum, et vivetis.*

Léctio libri Ezechiélis prophétæ

37, 1-14

In diébus illis:

Facta est super me manus Dómini, et edúxit me in spírítu Dómini, et dimísit me in médio campi, qui erat plenus óssibus; et circumdúxit me per ea in gyro: erant autem multa valde super fáciem campi, siccáque veheménter.

Et dixit ad me: «Fili hóminis, putásne vivent ossa ista?» Et dixi: «Dómine Deus, tu nosti».

Et dixit ad me: « Vaticináre de óssibus istis, et dices eis: " Ossa árida, audíte verbum Dómini ". Hæc dicit Dóminus Deus óssibus his: " Ecce ego intromittam in vos spíritum, et vivétis: et dabo super vos nervos, et succrésce fáciam super vos carnes, et superexténdam in vobis cutem, et dabo vobis spíritum, et vivétis, et sciétis quia ego Dóminus " ».

Et prophetávi sicut præcéperat mihi. Factus est autem sónitus, prophetánte me, et ecce commótió, et accessérunt ossa ad ossa, unumquódque ad iunctúram suam. Et vidi, et ecce super ea nervi et carnes ascendérunt, et exténta est in eis cutis désuper. Et spíritum non habébant.

Et dixit ad me: « Vaticináre ad spíritum, vaticináre, fili hóminis, et dices ad spíritum: " Hæc dicit Dóminus Deus: A quáttuor ventis veni, spíritus, et insúfla super interféctos istos, et revivíscant " ».

Et prophetávi sicut præcéperat mihi, et ingrèssus est in ea spíritus, et vixérunt, steterúntque super pedes suos, exércitus grandis nimis valde.

Et dixit ad me: « Fili hóminis, ossa hæc univérsa domus Israel est. Ipsi dicunt: " Aruérunt ossa nostra, et périit spes nostra, et abscíssi sumus ". Proptérea vaticináre et dices ad eos: " Hæc dicit Dóminus Deus:

Ecce ego apériam túmulos vestros, et edúcam vos de sepúlcris vestris, pópulus meus, et indúcam vos in terram Israel; et sciétis quia ego Dóminus, cum aperúero sepúlra vestra, et edúxero vos de túmulis vestris, pópule meus, et dédero spíritum meum in vobis, et vixéritis, et requiescere vos fáciam super humum vestram, et sciétis quia ego Dóminus: locútus sum et feci ", ait Dóminus Deus ». — Verbum Dómini.

## 4

*Super servos meos et ancillas  
effundam Spiritum meum.*

Lectio libri Ioélis prophétæ

2, 28-32

Hæc dicit Dóminus:

« Effúndam spíritum meum super omnem carnem, et prophetábunt filii vestri et filiæ vestræ, senes vestri sómnia somniábunt, et iúvenes vestri visiónes vidébunt; sed et super servos meos et ancillas in diébus illis effúndam spíritum meum.

Et dabo prodígia in cælo et in terra, sánguinem et ignem et vapórem fumi. Sol convertétur in ténebras, et luna in sánguinem, ántequam véniat Dies Dómini magnus et horribilis.

Et erit: omnis qui invocáverit nomen Dómini salvus erit, quia in monte Sion et in Ierúsalem erit salvátio, sicut dixit Dóminus, et in residuis quos Dóminus vocáverit ». — Verbum Dómini.

**Psalmus responsorius**

Ps 103, 1-2 a. 24 et 35 c. 27-28. 29 bc-30 (R.: cf. 30)

R. Emítte Spíritum tuum, Dómine,  
et rénova fáciem terræ.

vel Allelúia.

- <sup>1</sup> Bénedic, ánima mea, Dómino:  
Dómine Deus meus, magnificátus es veheménter.  
Confessióem et decórem induísti,  
<sup>2</sup> amíctus lúmine sicut vestiménto. R.  
<sup>24</sup> Quam multiplicáta sunt ópera tua, Dómine:  
ómnia in sapiéntia fecísti,  
impléta est terra creatúra tua.  
<sup>35</sup> Bénedic, ánima mea, Dómino. R.

- 27 Omnia a te expéctant,  
ut des illis escam in témpore suo.
- 28 Dante te illis, cólligent,  
aperiénte te manum tuam, implebúntur bonis. R̄.
- 29 Revocábis spíritum eórum, et deficient,  
et in púlverem suum reverténtur.
- 30 Emíttes spíritum tuum, et creabúntur,  
et renovábis fáciem terræ. R̄.

## 5

*Repleti sunt omnes Spiritu Sancto  
et cœperunt loqui.*

## Léctio Actuum Apostolorum

2, 1-11

Cum compleréntur dies Pentecóstes erant omnes páriter in eódem loco. Et factus est repénite de cælo sonus tamquam adveniéntis spíritus veheméntis et replévit totam domum ubi erant sedéntes: et apparuérunt illis dispertitæ linguæ tamquam ignis, seditque supra síngulos eórum, et repléti sunt omnes Spíritu Sancto, et cœpérunt loqui áliis linguis prout Spíritus dabat éloqui illis.

Erant autem in Ierúsalem habitántes Iudæi, viri religiósi ex omni natióne quæ sub cælo est; facta autem hac voce, convénit multitúdo et confúsa est, quóniam audiébat unusquisque lingua sua illos loquéntes. Stupébant autem et mirabántur dicéntes:

« Nonne ecce omnes isti qui loquúntur Galilæi sunt? Et quómodo nos audímus unusquisque própria lingua nostra in qua nati sumus? Parthi et Medi et Ælamítæ, et qui hábitant Mesopotámiam, Iudéam quoque et Cappadóciam, Pontum et Asiam, Phrýgiam quoque et Pamphýliam, Ægýptum et partes Líbyæ quæ



est circa Cyrénem, et ádvenæ Románi, Iudæi quoque et prosélyti, Cretes et Arabes, audímus loquéntes eos nostris linguis magnália Dei ». — Verbum Dómini.

Psalmus responsorius

Ps 103, 1 ab et 24 ac. 29 bc-30. 31 et 34 (R.: cf. 30)

R. Emítte Spíritum tuum, Dómine,  
et rénova fáciem terræ.

vel Allelúia.

1 Bénedic, ánima mea, Dómino:  
Dómine Deus meus, magnificátus es veheménter.  
24 Quam multiplicáta sunt ópera tua, Dómine:  
impléta est terra creatúra tua. R.  
29 Revocábis spíritum eórum, et deficient,  
et in púlverem suum reverténtur.  
30 Emíttes spíritum tuum, et creabúntur,  
et renovábis fáciem terræ. R.  
31 Sit glória Dómini in sáculum;  
lætétur Dóminus in opéribus suis.  
34 Iucúndum sit ei elóquium meum,  
ego vero delectábor in Dómino. R.

## Lectio secunda

### 1

*Spiritus interpellat gemitibus inenarrabilibus.*

Léctio Epístolæ beáti Pauli apóstoli ad Romános

8, 22-27

Fratres:

Scimus quod omnis creatúra congemíscit et compár-  
turit usque adhuc; non solum autem, sed et nos ipsi

primítias Spíritus habéntes, et ipsi intra nos gémmus adoptiónem filiórum exspectántes, redemptiónem córporis nostri. Spe enim salvi facti sumus; spes autem quæ vidétur non est spes; nam quod videt quis sperat? Si autem quod non vidémus sperámus, per patiéntiam exspectámus.

Similiter autem et Spíritus ádiuvat infirmitátem nostram; nam quid orémus sicut opórtet nescímus, sed ipse Spíritus interpéllat gemítibus inenarrábilibus; qui autem scrutátur corda, scit quid desíderet Spíritus, quia secúndum Deum póstulat pro sanctis.

Verbum Dómini.

## 2

*In uno Spiritu omnes nos in unum corpus  
baptizati sumus.*

Léctio Epístolæ primæ beáti Pauli apóstoli  
ad Corínthios

12, 3 b-7. 12-13

Fratres:

Nemo potest dicere: « Dóminus Iesus! » nisi in Spíritu Sancto.

Divisiónes vero gratiárum sunt, idem autem Spíritus; et divisiónes ministratiónum sunt, idem autem Dóminus; et divisiónes operatiónum sunt, idem vero Deus, qui operátur ómnia in ómnibus. Unicuíque autem datur manifestátio Spíritus ad utilitátem.

Sicut enim corpus unum est et membra habet multa, ómnia autem membra córporis cum sint multa unum corpus sunt, ita et Christus: étenim in uno Spíritu omnes nos in unum corpus baptizáti sumus, sive Iudæi sive Græci, sive servi sive líberi, et omnes unum Spíritum potáti sumus. — Verbum Dómini.

## Evangelium

## 1

## Alleluia et Versus ante Evangelium

(R. Allelúia). *γ.* Veni, Sancte Spíritus,  
 reple tuórum corda fidélium;  
 et tui amóris in eis ignem accénde.  
 (R. Allelúia).

*Flumina fluent aquæ vivæ.*

✠ Lécio sancti Evangélii secúndum Ioánnem  
 7, 37-39

In novíssimo die magno festivitátis stabat Iesus et clamávit dicens:

« Si quis sitit véniat ad me et bibat qui credit in me. Sicut dixit Scriptúra, flúmina de ventre eius fluent aquæ vivæ ».

Hoc autem dixit de Spíritu quem acceptúri erant credéntes in eum: nondum enim erat Spíritus, quia Iesus nondum fúerat glorificátus. — Verbum Dómini.

## 2

## Alleluia et Versus ante Evangelium

(R. Allelúia). *γ.* Veni, Sancte Spíritus,  
 reple tuórum corda fidélium;  
 et tui amóris in eis ignem accénde.  
 (R. Allelúia).

*Sicut misit me Pater, ego mitto vos:  
 accipite Spiritum Sanctum.*

✠ Lécio sancti Evangélii secúndum Ioánnem  
 20, 19-23

Cum esset sero die illo prima sabbatórum, et fores

essent clausæ ubi erant discipuli propter metum Iudæorum, venit Iesus et stetit in médio et dicit eis: « Pax vobis ». Et hoc cum dixisset, osténdit eis manus et latus. Gavisi sunt ergo discipuli viso Dómino.

Dixit ergo eis iterum: « Pax vobis: sicut misit me Pater, et ego mitto vos ». Et cum hoc dixisset, insufflavit et dicit eis: « Accípite Spíritum Sanctum: quorum remisérítis peccáta, remíssa sunt eis, quorum retinuérítis, rétenta sunt ». — Verbum Dómini.

## 8. DE BEATA MARIA VIRGINE

### A

Sumitur Missa de Comuni B. Mariæ Virginis, p. 312, iuxta diversa anni tempora. Lectiones sumuntur de eodem Comuni, pp. 818-849.

### B

#### DE BEATA MARIA ECCLESIAE MATRE

Ant. ad introitum

Cf. Act 1, 14

**Erant discipuli perseverantes unánimiter  
in oratione cum María, matre Iesu.**

Collecta

**Deus, misericordiarum Pater,  
cuius Unigénitus, cruci affixus,  
beátam Mariám Virgínem, Genetrícem suam,  
Matrem quoque nostram constituit,  
concéde, quæsumus,  
ut, eius cooperante caritate, Ecclesia tua  
in dies fecundior prolis sanctitate exsultet  
et in grémium suum  
cunctas attrahat familias populorum.  
Per Dóminum.**

Pro lectionibus sumuntur textus aptiores ex iis qui proponuntur in Communi B. Mariæ Virginis, pp. 818-849.

### Super oblata

Súscipe, Dómine, oblatiões nostras  
et in mystérium salutis convérte,  
cuius virtúte  
et caritate Virginitatis Mariæ, Ecclesiæ Matris, inflammémur  
et óperi redemptionis cum ea árcius sociári mereámur.  
Per Christum.

### Præfatio: De Maria, forma et matre Ecclesiæ.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutáre,  
nos tibi semper et ubique grátias ágere:  
Dómine, sancte Pater, omnipotens ætérne Deus:  
Et te in celebratióne beátæ Mariæ Virginitatis  
débitis magnificáre præconiis.

Quæ Verbum tuum immaculáto corde suscipiens  
virgíneo mérui sinu concípere  
atque, páriens Conditórem, Ecclesiæ fovit exórdia.

Quæ iuxta crucem testaméntum divínæ caritátis accípiens  
univérsos, hómines in filios assúmpsit,  
Christi mórte ad supérnam vitam generátos.

Quæ, cum Apóstoli Promíssum exspectárent tuum,  
supplicatióem suam discipulórum précibus iungens,  
exémplar éxstitit orántis Ecclesiæ.

Ad glóriam autem evécta cælórum,  
 Ecclésiám peregrinántem matérno proséquitur amóre  
 eiúsque gressus ad pátriam tuétur benígna,  
 donec dies Dómini gloriósus adyéniat.

Et ideo cum Sanctis et Angelis univérsis  
 te collaudámus, sine fine dicétes:

Sanctus, Sanctus, Sanctus Dóminus Deus Sábaoth ...

**Ant. ad communionem**

**Cf. Io 2, 1. 11**

Núptiæ factæ sunt in Cana Galilææ,  
 et erat mater Iesu ibi;  
 tunc fecit inítium signórum Iesus  
 et manifestávit glóriam suam,  
 et credidérunt in eum discípuli eius.

**Vel:**

**Cf. Io 19, 26-27**

Ex cruce pendens  
 dixit Iesus discípulo, quem diligébat:  
 Ecce mater tua.

**Post communionem**

Sumpto, Dómine, pignore redemptionis et vitæ,  
 súpplices adprecámur,  
 ut Ecclésia tua, matérna Vírginis ope,  
 et Evangélii præcónio univérsas gentes erúdiat  
 et Spíritus effusióne orbem terrárum adimpleat.  
 Per Christum.

## C

### DE SS.MO NOMINE MARLÆ

Sumitur Missa de Comuni B. Mariæ Virginis, p. 812, iuxta  
 diversa anni tempora, cum sequenti collecta:

**Collecta**

Deus, cuius Fílius in ara crucis expírans  
 beatíssimam Vírginem Mariam  
 Matrem vóluit esse nos ram, quam suam elégerat,  
 concéde propítius,  
 ut, qui sub eius præsídiúm secúre confúgimus,  
 matérno invocáto nómine confortémur. Per Dóminum.

*Lectiones aptiores sumuntur de eodem Communi, pp. 818-849.*

**9. DE SANCTIS ANGELIS****A**

*In hac Missa adhibetur color albus.*

**Ant. ad introitum****Ps 102, 20**

Benedícite Dóminum, omnes Angeli eius;  
 poténtes virtúte, qui fácitis verbum eius,  
 ad audiéndam vocem sermónum eius.

**Collecta**

Deus, qui miro órđine  
 Angelórum ministéria hominúmque dispénsas,  
 concéde propítius,  
 ut, a quibus tibi ministrántibus in cælo semper assístitur,  
 ab his in terra vita nostra muniátur. Per Dóminum.

*Lectiones de festo Ss. Archangelorum, die 29 septembris, ut  
 infra, pp. 1703-1705; vel Ss. Angelorum Custodum, die 2 octobris,  
 ut infra, pp. 1701-1702.*

**Super oblata**

Hóstias tibi, Dómine, laudis offérimus,  
 suppliciter deprecántes, ut eásdem,

angélico ministério in conspéctum tuæ maiestátis delátas,  
 et placátus accípias,  
 et ad salútem nostram proveníre concédas.  
 Per Christum.

Præfatio de Angelis, p. 642.

Ant. ad communionem

Ps 137, 1

In conspéctu Angelórum psallam tibi, Deus meus.

Post communionem

Pane cælésti refécti, súpplíces te, Dómine, deprecámur,  
 ut, eius fortitúdi- ne roboráti,  
 sub Angelórum fidéli custódia,  
 fortes, salútis progrediámur in via.  
 Per Christum.

## B

Dici potest etiam Missa de Ss. Angelis Custodibus, ut die 2 octobris, ut infra:

Ant. ad introitum

<sup>A</sup> Dan 3, 58

Benedícite, omnes Angeli Dómini, Dóminum,  
 hymnum dícite, et superexaltáte eum in sæcula.

Collecta

Deus, qui ineffábili providéntia  
 sanctos Angelos tuos  
 ad nostram custódiam mittere dignáris,  
 largíre supplicibus tuis,  
 et eórum semper protectióne deféndi,  
 et ætéRNA societáte gaudére.  
 Per Dóminum.



## Lectio prior

*Præcedet te angelus meus.*

Lectio libri Exodi

23, 20-23 a

Hæc dicit Dóminus:

« Ecce ego mittam ángelum meum, qui præcedat te, et custódiat in via, et introducat in locum quem parávi. Obsérva eum et audi vocem eius, nec contemnéndum putes, quia non dimíttet cum peccáveris, et est nomen meum in illo. Quod si audieris vocem eius et féceris ómnia quæ loquor, inimicus ero inimícis tuis, et affligam affligéntes te. Præcedétque te ángelus meus ».

Verbum Dómini.

## Psalmus responsorius

Ps 90, 1-2. 3-4. 5-6. 10-11 (R.: 11)

R. Angelis suis mandábit de te,  
ut custódiant te in ómnibus viis tuis.

- 1 Qui hábitat in protectióne Altíssimi,  
sub umbra Omnipoténtis commorábitur.
- 2 Dicit Dómino: « Refúgium meum  
et fortitúdo mea, Deus meus, sperábo in eum ». R.
- 3 Quóniam ipse liberábit te de láqueo venántium  
et a verbo maligno.
- 4 Alis suis obumbrábit tibi,  
et sub pennas eius confúgies. R.
- 5 Scutum eꝯ loríca véritas eius;  
non timébis a timóre noctúrno,
- 6 a sagítta volánte in die,  
a peste perambulánte in ténebris,  
ab extermínio vastánte in merídie. R.

- <sup>10</sup> Non accédet ad te malum,  
et flagellum non appropinquábit tabernáculo tuo.  
<sup>11</sup> Quóniam ángelis suis mandábit de te,  
ut custódiant te in ómnibus vijs tuis. R.

Alleluia et Versus ante Evangelium Ps 102, 21  
(R. Allelúia). V. Benedícite Dómino,  
omnes virtútes eius,  
minístri eius, qui fáciunt voluntátem eius.  
(R. Allelúia).

### Evangelium

*Angeli eorum semper vident faciem Patris mei  
qui in cælis est.*

✠ Lécio sancti Evangélii secúndum Matthæum  
18, 1-5. 10

In illa hora accessérunt discipuli ad Iesum dicén-  
tes: « Quis, putas, maior est in Regno cælórum? »

Et ádvocans párvulum, státuit eum in médio eórum  
et dixit: « Amen dico vobis: Nisi convérsi fuéritis et  
efficiámini sicut párvuli, non intrábitis in Regno cæ-  
lórum. Quicumque ergo humiliáverit se sicut párvulus  
iste, hic est maior in Regno cælórum. Et qui suscepit  
unum párvulum talem in Nómine meo, me súscipit.

Vidéte ne contemnátis unum ex his pusillis; dico  
enim vobis, quia ángeli eórum in cælis semper vident  
faciem Patris mei qui in cælis est ». — Verbum Dómini.

Super oblata

Súscipe, Dómine, múnera,  
quæ pro sanctórum Angelórum tuórum  
veneratióne deférimus,  
et concéde propítius,

ut, perpétuis eórum præsídiis,  
a præsentibus periculis liberémur,  
et ad vitam felíciter perveniámus ætérnam.  
Per Christum.

Præfatio de Angelis, p. 642.

Ant. ad communionem

Ps 137, 1

In conspéctu Angelórum psallam tibi, Deus meus.

Post communionem

Quos tantis, Dómine, in vitam ætérnam  
dignáris páscere sacraméntis,  
angélico ministério dírige in viam salútis et pacis.  
Per Christum.

---

Lectio prior \*

*Milia milium ministrabant ei.*

Léctio libri Daniélis prophétæ

7, 9-10. 13-14

Aspiciébam donec throni pósiti sunt, et antíquus  
diérum sedit. Vestiméntum eius cándidum quasi nix,  
et capílli cápitis eius quasi lana munda, thronus eius  
flammæ ignis, rotæ eius ignis accénsus. Flúvius ígneus  
rapidúsque egrediebátur a fácie eius, mília mílium mi-  
nistrábant ei, et décies mílies centéna mília assistébant  
ei. Iudícium sedit, et libri apérti sunt.

Aspiciébam ergo in visióne noctis, et ecce cum nú-  
bibus cæli quasi filíus hómínis veniébát, et usque ad  
antíquum diérum pervénit. Et in conspéctu eius obtu-  
lérunt eum, et dedit ei potestátem et honórem et re-

gnum, et omnes pópuli, tribus et linguæ ipsi sérvient; potéstas eius, potéstas ætérna, quæ non auferétur, et regnum eius, quod non corrumpétur.

Verbum Dómini.

Vel

*Michael et angeli eius præliabantur cum dracone.*

Léctio libri Apocalýpsis beáti Ioánnis apóstoli

12, 7-12 a

Factum est prælium in cælo: Michael et ángeli eius ut præliaréntur cum dracóne, et draco pugnávit et ángeli eius; et non váluit, neque locus invéntus est eórum ámplius in cælo. Et proiétus est draco ille magnus, serpens antiquus, qui vocátur Diábolus et Sátanas, qui sedúcit univérsum orbem, proiétus est in terram, et ángeli eius cum illo proiéci sunt.

Et audívi vocem magnam in cælo dicéntem: « Nunc facta est salus et virtus et Regnum Dei nostri et potéstas Christi eius, quia proiétus est accusátor fratrum nostrórum, qui accusábat illos ante conspéctum Dei nostri die ac nocte; et ipsi vicérunt illum propter sánguinem Agni et propter verbum testimónii sui; et non dilexérunt ánimam suam usque ad mortem. Proptérea lætámini, cæli, et qui habitátis in eis ».

Verbum Dómini.

Psalmus responsorius

Ps 137, 1-2 a. 2 b-3. 4-5 (R.: 1 c)

R. In conspéctu angelórum psallam tibi, Dómine.

1 Confitébor tibi, Dómine, in toto corde meo, quóniam audísti verba oris mei.

In conspéctu angelórum psallam tibi,  
adorábo ad templum sanctum tuum. R.

Et confitebor nómini tuo  
propter misericórdiam tuam et veritátem tuam,  
quóniam magnificásti super omne nomen elóquium tuum.  
In quacúmque die invocávero te, exáudi me;  
multiplicábis in ánima mea virtútem. R.

Confitebúntur tibi, Dómine, omnes reges terræ,  
quia audierunt elóquia oris tui.  
Et cantábunt vias Dómini,  
quóniam magna est glória Dómini. R.

Alleluia et Versus ante Evangelium Ps 102, 21

(R. Allelúia). γ. Benedícite Dómino,  
omnes virtútes eius,  
ministri eius, qui fácitis voluntátem eius.  
(R. Allelúia).

### Evangelium

*Videbitis angelos Dei ascendentes et descendentes  
supra Filium hominis.*

✠ Lécio sancti Evangéllii secúndum Ioánnem 1, 47-51

In illo témpore:

Vidit Iesus Nathánael veniéntem ad se, et dicit de eo: « Ecce vere Israelíta, in quo dolus non est ».

Dicit ei Nathánael: « Unde me nosti? »

Respóndit Iesus et dixit ei: « Priúsqvam te Philíppus vocáret, cum esses sub ficu, vidi te ».

Respóndit ei Nathánael: « Rabbi, tu es Fílius Dei, tu rex es Israel ».

Respondit Iesus et dixit ei: « Quia dixi tibi: “ Vidi te sub ficu ”, credis? maióra his vidébis ».

Et dicit ei: « Amen, amen dico vobis: Vidébitis cælum apértum, et ángelos Dei ascendéntes et descendentés supra Filium hóminis ».

Verbum Dómini.

## 10. DE S. IOSEPH

In hac Missa adhibetur color albus.

Ant. ad introitum

Lc 12, 42

Ecce fidélis servus et prudens,  
quem constituit Dóminus super familiam suam.

Collecta

Deus, qui ineffábili providéntia beátum Ioseph  
sanctíssimæ Genetrícis Filii tui sponsum  
eligere dignátus es,  
præsta, quæsumus,  
ut, quem protectórem venerámur in terris,  
intercessórem habére mereámur in cælis.  
Per Dóminum.

Lectiones de sollemnitate S. Ioseph, die 19 martii, ut supra,  
pp. 736-739, vel de memoria S. Ioseph Opificis, die 1 maii, ut  
supra, pp. 758-761.

Super oblata

Laudis hóstiam immolatúri, Pater sancte,  
suppliciter postulámus,  
ut in ministério nostro beáti Ioseph précibus foveámur,  
cui dedísti Unigénitum tuum  
vice in terris custodíre patérna.  
Per Christum.

Præfatio de S. Ioseph (Et te in veneratióne), p. 643.

**Ant. ad communionem**

**Mt 25, 21**

Euge, serve bone et fidélis:  
intra in gáudium Dómini tui.

**Post communionem**

His recreáti, Dómine, vivíficis sacraméntis,  
in iustítia tibi semper et sanctitáte vivámus,  
beáti Ioseph exémplo et intercessióne,  
qui magnis tuis perficiéndis mystériis  
vir iustus et obcédiens ministrávit.  
Per Christum.

Dici potest, pro opportunitate, etiam Missa de sollemnitate,  
ut die 19 martii (p. 736); vel de S. Ioseph Opifice, ut die 1 maii  
(p. 758).

## 11. DE OMNIBUS SANCTIS APOSTOLIS

In hac Missa adhibetur color ruber.

**Ant. ad introitum**

**Io 15, 16**

Non vos me elegístis, sed ego elégi vos,  
ut eátis et fructum afferátis,  
et fructus vester máneat, dicit Dóminus.

**Collecta**

Beatórum Apostolórum honóre contínuo  
Ecclésia tua, Dómine, semper exsúltet,  
ut his præsúlibus gubernétur,  
quorum doctrína gaudet et méritis. Per Dóminum.

Lectiones de festo Ss. Simonis et Iudæ, die 28 octobris, ut infra:

## Lectio prior

*Superædificati super fundamentum Apostolorum.*

Lectio Epistolæ beati Pauli apostoli ad Ephésios

2, 19-22

Fratres:

Iam non estis extranei et advenæ, sed estis concives sanctorum et domestici Dei, superædificati super fundamentum Apostolorum et prophetarum, ipso summo angulari lapide Christo Iesu; in quo omnis ædificatio compacta crescit in templum sanctum in Domino; in quo et vos coedificamini in habitaculum Dei in Spiritu. — Verbum Domini.

Psalmus responsorius

Ps 18, 2-3. 4-5 (R.: 5 a)

R. In omnem terram exivit sonus eorum.

2 Cæli enarrant gloriam Dei,  
et opera manuum eius annuntiat firmamentum.

3 Dies diæ eructat verbum,  
et nox nocti indicat scientiam. R.

4 Non sunt loquelæ neque sermones,  
quorum non intellegantur voces.

5 In omnem terram exivit sonus eorum,  
et in fines orbis terræ verba eorum. R.

Alleluia et Versus ante Evangelium

(R. Alleluia). V. Te Deum laudamus,  
te Dominum confitemur;  
te gloriosus Apostolorum chorus laudat,  
Domine. (R. Alleluia).



## Evangelium

*Elegit duodecim ex ipsis,  
quos et Apostolos nominavit.*

✠ Lécitio sancti Evangélii secúndum Lucam 6, 12-19

Factum est in illis diebus éxiit Iesus in montem oráre, et erat pernóctans in oratióne Dei.

Et cum dies factus esset, vocávit discipulos suos, et elégit duódecim ex ipsis, quos et Apóstolos nominávit: Simónem, quem et cognominávit Petrum, et Andréam fratrem eius, et Iacóbum et Ioánnem, et Philíppum et Bartholomáeum, et Mattháeum et Thomam, et Iacóbum Alpháei et Simónem, qui vocátur Zelótes, et Iudam Iacóbi et Iudam Iscarioth, qui fuit próditor.

Et descéndens cum illis, stetit in loco campéstri, et turba multa discipulórum eius, et multitúdo copiósa plebis ab omni Iudéa et Ierúsalem et marítima Tyri et Sidónis, qui venérunt ut audírent eum et sanaréntur a languóribus suis. Et qui vexabántur a spirítibus im-múndis curabántur.

Et omnis turba quærébant eum tángere, quia virtus de illo exibat et sanábat omnes. — Verbum Dómini.

Super oblata

Effúnde in nos, Dómine,  
quem in Apóstolos effudísti abúnde,  
Spíritum Sanctum tuum,  
ut cognoscámus ea, quæ per eos nobis donásti,  
et sacrificiúm laudis ad glóriam tuam rite offerámus.  
Per Christum.

Præfatio de Apostolis, pp. 644-645.

Ant. ad communionem

Mt 19, 28

**Vos, qui secúti estis me, sedébitis super sedes,  
iudicántes duódecim tribus Israel, dicit Dóminus.**

Post communionem

**Fac nos, Deus, cum exsultatióne et simplicitáte cordis  
perseveráre in doctrína Apostolorum,  
in fractiÓne panis communicántes et oratiÓnibus.  
Per Christum.**

## 12. DE SS. PETRO ET PAULO, APOSTOLIS

In hac Missa adhibetur color ruber. Dicitur Missa ut in Vigilia  
sollemnitatis eorundem apostolorum, ut infra:

Ant. ad introitum

**Petrus apóstolus et Paulus doctor géntium,  
ipsi nos docuérunt legem tuam, Dómine.**

Collecta

**Da nobis, quæsumus, Dómine Deus noster,  
beatórum apostolorum Petri et Pauli  
intercessiÓnibus sublevári,  
ut per quos Ecclésiæ tuæ  
supérni múnemis rudiménta donásti,  
per eos subsidiá perpétuæ salútis impéndas.  
Per Dóminum.**

Lectiones de memoria dedicationis basilicarum eorundem Apo-  
stolorum, die 18 novembris, ut infra:

## Lectio prior

*Sic venimus Romam.***Lectio Actuum Apostolorum 28, 11-16. 30-31**

Post menses tres, navigávimus in nave alexandrína, quæ in ínsula Mélita hîemáverat, cui erat insigne Cástorum. Et, cum venissémus Syracúsam, mánsimus ibi trídúo. Inde solvéntes devénimus Rhégium, et post unum diem, superveniénte austro, secúnda die vénimus Putéolos; ubi, invéntis frátribus, rogáti sumus manére apud eos dies septem, et sic vénimus Romam.

Et inde, cum audíssent de nobis fratres, occurrérunt nobis usque ad Appii Forum et Tres Tabérnas; quos cum vidísset Paulus, grátias agens Deo, accépit fidúciam.

Cum pervenissémus autem Romam, permíssum est Paulo manére síbimet cum custodiénte se mílite.

Mansit autem biénnio toto in suo condúcto; et suscipiébat omnes qui ingrediebántur ad eum, prædicans Regnum Dei et docens quæ sunt de Dómino Iesu Christo cum omni fidúcia, sine prohibitióne.

Verbum Dómini.

**Psalmus responsorius**

Ps 97, 1. 2-3 ab. 3 c-4. 5-6 (R.: 2 b)

**R.** In conspéctu géntium revelávit Dóminus iustítiam suam.

Cantáte Dómino cánticum novum,  
quia mirabília fecit.  
Salvavit sibi dextera eius,  
et bráccium sanctum eius. **R.**

2 Notum fecit Dóminus salutáre suum,  
in conspéctu géntium revelávit iustítiam suam.

3 Recordátus est misericórdiæ suæ  
et veritátis suæ dómui Israel. *R.*

Vidérunt omnes términi terræ  
salutáre Dei nostri.

4 Iubiláte Deo, omnis terra,  
erúmpite, exsultáte et psállite. *R.*

5 Psállite Dómino in cíthara,  
in cíthara et voce psalmi;

6 in tubis ductílibus et voce tubæ córneæ,  
iubiláte in conspéctu regis Dómini. *R.*

### Alleluia et Versus ante Evangelium

(*R.* Allelúia). *V.* Te Deum laudámus,  
te Dóminum confitémur;  
te gloriósus Apostolórum chorus laudat,  
Dómine. (*R.* Allelúia).

### Evangelium

*Iube me venire ad te super aquas.*

✠ Lécio sancti Evangélii secúndum Matthæum

14, 22-33

Postquam saturáta est turba, statim iussit Iesus discípulos ascéndere in navículam, et præcédere eum trans fretum, donec dimíteret turbas. Et, dimíssis turbis, ascéndit in montem solus oráre. Véspere autem facto, solus erat ibi.

Navícula autem iam multis stádiis a terra distábat, flúctibus iactáta; erat enim contrárius ventus.

Quarta autem vigília noctis, venit ad eos ámbulans supra mare.

Discípuli autem, vidéntes eum supra mare ambulá-  
tem, turbáti sunt dicéntes: « Phantásma est »; et præ  
timóre clamavérunt.

Statímque Iesus locútus est eis, dicens: « Habéte  
fidúciam: ego sum, nolíte timére ».

Respóndens autem ei Petrus, dixit: « Dómine, si tu  
es, iube me veníre ad te super aquas ».

At ipse ait: « Veni ». Et descéndens Petrus de na-  
vícula, ambulávit super aquas et venit ad Iesum.

Videns vero ventum válidum tímuit, et cum cœ-  
pisset mergi, clamávit dicens: « Dómine, salvum me fac ».

Contínuo autem Iesus, exténdens manum, appre-  
héndit eum, et ait illi: « Módicæ fidei, quare dubitá-  
sti? » Et, cum ascendissent in navículam, cessávit ventus.

Qui autem in navícula erant, adoravérunt eum, di-  
céntes: « Vere Fílius Dei es ». — Verbum Dómini.

### Super oblata

Múnera, Dómine, tuis altáribus adhibémus,  
de beatórum apostolórum Petri et Pauli  
sollemnitátibus gloriántes,  
ut quantum sumus de nostro mérito formidántes,  
tantum de tua benignitáte gloriémur salvándi.  
Per Christum.

Præfatio: De duplici missione Petri et Pauli in Ecclesia.

℣. Dóminus vobíscum.

℞. Et cum spírítu tuo.

℣. Sursum corda.

℞. Habémus ad Dóminum.

℣. Grátias agámus Dómino Deo nostro.

℞. Dignum et iustum est.

Vere dignum et iustum est, æquum et salutäre,  
 nos tibi semper et ubique grátias ágere:  
 Dómine, sancte Pater, omnipotens ætérne Deus:  
 Quia nos beáti apóstoli Petrus et Paulus  
 tua dispositióne lætificant:  
 hic princeps fidei confitendæ,  
 ille intellegendæ clarus assértor;  
 hic reliquiis Israel instítuens Ecclésiám primitívam,  
 ille magíster et doctor géntium vocandarum.  
 Sic diverso consílio unam Christi famíliam congregántes,  
 par mundo venerábile, una coróna sociávit.  
 Et ídeo cum Sanctis et Angelis univérsis  
 te collaudámus, sine fine dicéntes:

Sanctus, Sanctus, Sanctus Dóminus Deus Sábaoth ...

Vel præfatio I de Apostolis, p. 644.

Ant. ad communionem

Io 21, 15. 17

Simon Ioánnis, díligis me plus his?  
 Dómine, tu ómnia nosti, tu scis, Dómine, quia amo te.

Post communionem

Cæléstibus sacraméntis, quæsumus, Dómine,  
 fidéles tuos corróbora,  
 quos Apostolorum doctrína illuminásti.  
 Per Christum.

### 13. DE S. PETRO, APOSTOLO

In hac Missa adhibetur color ruber.

Ant. ad introitum

Lc 22, 32

Dicit Dóminus Simóni Petro:  
 Ego rogávi pro te, ut non deficiat fides tua,  
 et tu aliquándo convérsus, confirma fratres tuos.

**Collecta**

**Deus, qui beáto Petro apóstolo tuo,  
colláti clávis regni cæléstis,  
ligándi atque solvéndi pontificium tradidísti,  
concede, ut, intercessiónis eius auxílio,  
a peccatórum nostrórum néxibus liberémur.  
Per Dóminum.**

Lectiones de festo Cathedræ S. Petri, die 22 februarii, p. 727.

**Super oblata**

**Oblatióem pópuli tui, quæsumus, Dómine,  
súscipe propítius in commemoratióne beáti Petri apóstoli,  
quem ad confiténdum te Deum vivum tuúmque Fílium  
secréta revelatióne docuísti,  
et gloriósa fecísti passióne  
Magístro suo testimónium perhibére. Per Christum.**

Præfatio I de Apostolis, p. 644.

**Ant. ad communionem** Mt 16, 16. 18  
**Dixit Petrus ad Iesum: Tu es Christus, Fílius Dei vivi.  
Respóndit Iesus: Tu es Petrus,  
et super hanc petram ædificábo Ecclésiám meam.**

**Post communionem**

**Ad convívium, Dómine, salútis admíssi,  
beáti Petri apóstoli memóriam venerántes,  
gratánter expóscimus,  
ut Fílio tuo, qui solus verba vitæ habet,  
iúgiter hæreámus,  
quátenus oves gregis tui fidéles  
ad páscua feliciter deducámur æténa. Per Christum.**

## 14. DE S. PAULO, APOSTOLO

In hac Missa adhibetur color ruber.

Ant. ad introitum 2 Tim 1, 12; 4, 8

Scio cui crédidi, et certus sum quia potens est  
deposítum meum serváre in illum diem iustus iudex.

Collecta

Dómine Deus,  
qui beátum Paulum apóstolum  
ad prædicándum Evangélium mirabiliter designásti,  
da fide mundum univérsum imbui,  
quam ipse coram régibus gentibúsque portávit,  
ut iúgiter Ecclésia tua cápiat augmentum. Per Dóminum.  
Lectioes de festo Conversionis S. Pauli, die 25 ianuarii, ut infra:

Lectio prior\*

*Exurgens baptizare, et ablue peccata tua,  
invocato Nomine Iesu.*

Lectio Actuum Apostolorum 22, 3-16

In diébus illis: Dixit Paulus ad pópulum:

« Ego sum vir Iudæus, natus in Tarso Ciliciæ, enu-  
tritus autem in ista civitate, secus pedes Gamáriel, erudí-  
tus iuxta veritátem patérnæ Legis, æmulátor Dei, sicut  
et vos omnes estis hódie; qui hanc viam persecútus sum  
usque ad mortem, álligans et tradens in custódias viros  
ac mulieres, sicut et princeps sacerdotum testimónium  
mihi reddit et omne concílium; a quibus et epístolas  
accípiens ad fratres, Damáscum pergebam, ut addú-  
cerem et eos qui ibi essent, vinctos in Ierúsalem, uti  
puniréntur.



Factum est autem, eunte me et appropinquante Damasco, circa mediam diem subito de caelo circumfulsit me lux copiosa, et decidi in terram et audivi vocem dicentem mihi: "Saul, Saul, quid me persequeris?"

Ego autem respondi: "Quis es, Domine?"

Dixitque ad me: "Ego sum Iesus Nazarenus, quem tu persequeris".

Et qui mecum erant lumen quidem viderunt, vocem autem non audierunt eius qui loquebatur mecum.

Et dixi: "Quid faciam, Domine?"

Dominus autem dixit ad me: "Surgens vade Damascum, et ibi tibi dicetur de omnibus quae statutum est tibi ut faceres".

Et, cum non vidirem praclaritate luminis illius, ad manum deductus a comitibus veni Damascum.

Ananias autem quidam, vir religiosus secundum Legem, testimonium habens ab omnibus habitantibus Iudeis, veniens ad me et astans dixit mihi: "Saul frater, respice". Et ego eadem hora respexi in eum.

At ille dixit: "Deus patrum nostrorum praordinavit te, ut cognosceres voluntatem eius, et videres Iustum, et audires vocem ex ore eius; quia eris testis illi ad omnes homines eorum quae vidisti et audisti. Et nunc quid moraris? Exurgens baptizare, et ablue peccata tua, invocato Nomine ipsius" ». — Verbum Domini.

Vel

*Ego sum Iesus, quem tu persequeris.*

Lectio Actuum Apostolorum

9, 1-22

In diebus illis:

Saulus, adhuc spirans minarum et caedis in discipulos Domini, accessit ad principem sacerdotum, et petiit ab eo epistolas in Damascum ad synagogas, ut, si quos

invenisset huius viæ, viros ac mulieres, vinctos perdúceret in Ierúsalem.

Et, cum iter fáceret, cóntigit ut appropinquáret Damáscó; et súbito circumfúlsit eum lux de cælo, et cadens in terram audívit vocem dicéntem sibi: « Saul, Saul, quid me perséqueris? »

Qui dixit: « Quis es, Dómine? »

Et ille: « Ego sum Iesus, quem tu perséqueris: sed surge et ingrédere civitátem, et dicétur tibi quid te opórteat fácere ».

Viri autem illi qui comitabántur cum eo stabant stupefácti, audiéntes quidem vocem, néminem autem vidéntes. Surréxit autem Saulus de terra; apertisque óculis, nihil vidébat. Ad manus autem illum trahéntes, introduxérunt Damáscum; et erat tribus diébus non videns, et non manducávit neque bibit.

Erat autem quidam discípus Damásci nómine Ananías; et dixit ad illum in visu Dóminus: « Ananía! »

At ille ait: « Ecce ego, Dómine ».

Et Dóminus ad illum: « Surgens vade in vicum qui vocátur Rectus, et quære in domo Iudæ Saulum nómine Tarsénsem; ecce enim orat ». (Et vidit virum Ananiam nómine introeúntem et imponéntem sibi manus ut visum recipiat.)

Respóndit autem Ananías: « Dómine, audívi a multis de viro hoc, quanta mala sanctis tuis fécerit in Ierúsalem; et hic habet potestátem a princípibus sacerdotum alligándi omnes qui ínvocant Nomen tuum ».

Dixit autem ad eum Dóminus: « Vade, quóniam vas electiónis est mihi iste, ut portet Nomen meum coram géntibus et régibus et fliis Israel; ego enim osténdam illi, quanta opórteat eum pro Nómine meo pati ».

Et ábiit Ananías, et introívit in domum, et impónens ei manus dixit: « Saul frater, Dóminus misit me, Iesus

qui apparuit tibi in via qua veniebas, ut videas et implearis Spiritu Sancto ». Et confestim ceciderunt ab oculis eius tamquam squamæ, et visum recepit, et surgens baptizatus est. Et cum accepisset cibum confortatus est.

Fuit autem cum discipulis, qui erant Damasci, per dies aliquot. Et continuo in synagógis prædicabat Iesum, quóniam hic est Fílius Dei.

Stupébant autem omnes qui audiébant, et dicebant: « Nonne hic est qui expugnabat in Ierúsalem eos qui invocábant nomen istud, et huc ad hoc vénerat ut vinctos illos dúceret ad príncipes sacerdotum? » Saulus autem magis convalescébat et confundébat Iudæos, qui habitábant Damasci, affírmans quóniam hic est Christus.

Verbum Dómini.

Psalmus responsorius      Ps 116, 1. 2 (ꝛ.: Mc 16, 15)

ꝛ. Eúntes in mundum univérsum,  
prædicáte Evangélium.

vel Allelúia.

Laudáte Dóminum, omnes gentes,  
collaudáte eum, omnes pópuli, ꝛ.

quóniam confirmáta est super nos misericórdia eius,  
et véritas Dómini manet in ætérnum. ꝛ.

Alleluia et Versus ante Evangelium      Io 15, 16

(ꝛ. Allelúia). ꝛ. Ego vos elégi de mundo,  
ut eátis et fructum afferátis,  
et fructus vester máneat,  
dicit Dóminus. (ꝛ. Allelúia).

## Evangelium

*Euntes in mundum universum,  
prædicate Evangelium.*

✠ Lécio sancti Evángelii secúndum Marcum 16, 15-18

In illo témpore: Appárens Iesus Undecim, dixit eis:

« Eúntes in mundum univérsum, prædicáte Evángélium omni creatúræ. Qui credíderit et baptizátus fúerit, salvus erit; qui vero non credíderit, condemnábitur.

· Signa autem eos qui credíderint hæc sequéntur: in Nómine meo dæmónia eícient, linguis loquéntur novis, serpéntes tollent, et, si mortíferum quid bíberint, non eos nocébit; super ægrótos manus impónent, et bene habébunt ». — Verbum Dómini.

Super oblata

Illo nos, quæsumus, Dómine, divína tractántes,  
fidei lúmine Spíritus perfúndat,  
quo beátum Paulum apóstolum  
ad glóriæ tuæ propagatióem collustrávit.  
Per Christum.

Præfatio I de Apostolis, p. 644.

Ant. ad communionem

Gal 2, 20

In fide vivo Fílii Dei, qui diléxit me,  
et trádidit semetípsum pro me.

Post communionem

Córpore et Sánguine Fílii tui, Dómine,  
communióne refécit,  
concéde, ut ipse Christus sit nobis vívere,

**nihilque ab eius nos séparet caritáte,  
et, beáto monénte Apóstolo,  
in dilectióne cum frátribus ambulémus.  
Per Christum.**

## 15. DE UNO SANCTO APOSTOLO

Dicitur Missa ut in eius festivitate. Si vero una cum alio Apostolo celebratur, et textus Missæ minus concordant cum ipso, dicitur, cum colore rubro, Missa quæ sequitur.

Ant. ad introitum

Ps 95, 2-3

**Annuntiáte de die in diem salutáre Dei,  
annuntiáte inter gentes glóriam eius.**

Collecta

**Róbora in nobis, Dómine, fidem,  
qua Fílio tuo beátus N. apóstolus sincéro ánimo adhæsit,  
et præsta, ut, ipso deprecánte,  
Ecclésia tua  
cunctis géntibus salutis fiat sacraméntum.  
Per Dóminum.**

Sumuntur lectiones ut in eius festivitate. Si vero una cum alio Apostolo celebratur, et textus lectionum Missæ minus concordant cum ipso, lectiones sumuntur de Missa Ss. Simonis et Iudæ, die 28 octobris, ut supra, pp. 1708-1709.

Super oblata

**Beáti N. apóstoli commemoratióne  
tibi múnera deferéntes,  
quésumus, Dómine,  
ut, eius exémplo, digne Evangélio Christi conversántes,  
fídei evangélicæ collaborémus.  
Per Christum.**

Præfatio II de Apostolis, p. 645.

Ant. ad communionem

Lc 22, 29-30

**Ego dispóno vobis,  
sicut dispósuit mihi Pater meus, regnum,  
ut edátis et bibátis super mensam meam in regno meo,  
dicit Dóminus.**

Post communionem

**Súmpsimus, Dómine, pignus salutis æternæ,  
memóriam beáti N. apóstoli celebrántes,  
quod sit nobis, quæsumus,  
vitæ præsentis auxiliúm páriter et futúre.  
Per Christum.**

## 16. DE OMNIBUS SANCTIS

In hac Missa adhibetur color albus.

Ant. ad introitum

**Gaudent in cælis ánimæ Sanctórum,  
qui Christi vestígia sunt secúti:  
ídeo cum Christo exsúltant sine fine.**

Collecta

**Deus, omnis fons sanctitátis,  
fac nos in nostra unumquémque vocatióne  
digne ambuláre,  
intercedéntibus Sanctis tuis,  
quibus divisiónes gratiárum in terra  
et unam in cælo mercédem gloriósam contulísti.  
Per Dóminum.**

Lectiones de sollemnitate Omnium Sanctorum, die 1 novembris, ut infra:

## Lectio prima

*Vidi turbam magnam, quam dinumerare nemo poterat, ex omnibus gentibus et tribubus et populis et linguis.*

Lectio libri Apocalýpsis beáti Ioánnis apóstoli

7, 2-4. 9-14

Ego Ioánnes vidi álterum ángelum ascendéntem ab ortu solis, habéntem sigillum Dei vivi; et clamávit voce magna quáttuor ángelis, quibus datum est nocére terræ et mari, dicens: « Nolíte nocére terræ neque mari neque arbóribus, quoadúsque signémus servos Dei nostri in fróntibus eórum ». Et audívi númerum signatórum: centum quadragínta quáttuor mília signáti, ex omni tribu filiórum Israel.

Post hæc vidi: et ecce turba magna, quam dinumeráre nemo póterat, ex ómnibus géntibus et tribubus et pópulis et linguis, stantes ante thronum et in conspéctu Agni, amícti stolas albas, et palmæ in mánibus eórum, et clamant voce magna dicétes: « Salus Deo nostro, qui sedet super thronum, et Agno ».

Et omnes ángeli stabant in circúitu throni et seniórum et quáttuor animálium; et cecidérunt in conspéctu throni in fácies suas, et adoravérunt Deum dicétes: « Amen. Benedíctio et glória et sapiéntia et gratiárum áctio et honor et virtus et fortitúdo Deo nostro in sácula sæculórum. Amen ».

Et respóndit unus de senióribus dicens mihi: « Hi, qui amícti sunt stolis albis, qui sunt et unde venérunt? »

Et dixi illi: « Dómine mí, tu scis ».

Et dixit mihi: « Hi sunt qui véniunt de tribulatióne magna, et lavérunt stolas suas et dealbavérunt eas in ságuine Agni ».

Verbum Dómini.

Psalmus responsorius Ps 23, 1-2. 3-4 ab. 5-6 (R.: 6)

R. Hæc est generatio quærentium faciem tuam, Dómine.

<sup>1</sup> Dómini est terra et plenitúdo eius,  
orbis terrarum et qui hábitant in eo.

<sup>2</sup> Quia ipse super mária fundávit eum,  
et super flúmina firmávit eum. R.

<sup>3</sup> Quis ascéndet in montem Dómini,  
aut quis stabit in loco sancto eius?

<sup>4</sup> Innocens mánibus et mundo corde,  
qui non accépit in vanum nomen eius. R.

<sup>5</sup> Hic accípiet benedictiónem a Dómino,  
et iustificatióem a Deo salutári suo.

<sup>6</sup> Hæc est generatio quærentium eum,  
quærentium faciem Dei Iacob. R.

### Lectio secunda

*Videbimus Deum sicuti est.*

Lectio Epístolæ primæ beáti Ioánnis apóstoli 3, 1-3

**Caríssimi:**

Vidéte qualem caritátem dedit nobis Pater, ut filii Dei nominémur: et sumus! Propter hoc mundus non cognóscit nos, quia non cognóvit eum.

Caríssimi, nunc filii Dei sumus, et nondum manifestátum est quid érimus. Scimus quóniam, cum ipse apparúerit, símiles ei érimus; quóniam vidébitus eum sicuti est.

Et omnis qui habet spem hanc in eo, castificat se, sicut ille castus est.

**Verbum Dómini.**



## Alleluia et Versus ante Evangelium

Mt 11, 28

(**℞. Allelúia**). **℣. Veníte ad me, omnes qui laborátis  
et onerátí estis,  
et ego reficiam vos, dicit Dóminus.  
(**℞. Allelúia**).**

## Evangelium

*Gaudete et exsultate, quoniam merces vestra  
copiosa est in cælis.*

✠ **Lectio sancti Evangelíi secúndum Matthæum**

5, 1-12 a

In illo témpore:

Videns Iesus turbas, ascéndit in montem; et cum sedisset, accessérunt ad eum discípuli eius. Et apériens os suum, docébat eos dicens:

« **Beáti páuperes spíritu, quóniam ipsórum est Regnum cælórum.**

**Beáti qui lugent, quóniam ipsi consolabúntur.**

**Beáti mites, quóniam ipsi possidébunt terram.**

**Beáti qui esúriunt et sítiunt iustítiam, quóniam ipsi saturabúntur.**

**Beáti misericórdes, quia ipsi misericórdiam consequéuntur.**

**Beáti mundo corde, quóniam ipsi Deum vidébunt.**

**Beáti pacífici, quóniam filii Dei vocabúntur.**

**Beáti qui persecutiónem patiúntur propter iustítiam, quóniam ipsórum est Regnum cælórum.**

**Beáti estis, cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte et exsultáte, quóniam merces vestra copiósa est in cælis ».**

**Verbum Dómini.**

Super oblata

**Grata tibi sint, Dómine, múnera,  
quæ pro cunctórum offérimus honóre Sanctórum,  
et concéde,  
ut, quos iam crédimus de sua immortalitáte secuúros,  
sentiámus de nostra salute sollicitos.**

**Per Christum.**

Præfatio de Sanctis, pp. 646-647.

Ant. ad communionem

Mt 5, 8-10

**Beáti mundo corde, quóniam ipsi Deum vidébunt;  
beáti pacífici, quóniam filii Dei vocabúntur;  
beáti qui persecutiónem patiúntur propter iustítiam,  
quóniam ipsórum est regnum cælórum.**

Post communionem

**Deus, qui nos uno pane réfícis et una spe susténtas,  
tua nos páriter grátia corróbora, ut omnes,  
cum Sanctis tuis unum in Christo corpus et unus spíritus,  
ad glóriam cum ipso resurgámus.**

**Per Christum.**

# **MISSÆ DEFUNCTORUM**

**1. Quamvis integræ Missæ, cum suis antiphonis et orationibus, commoditatis causa, proponantur, omnes textus cum aliis commutari possunt, præsertim ad orationes quod attinet, mutatis tamen genere aut numero, pro cuiusvis circumstantiæ opportunitate.**

Item in orationibus, quæ pro exsequiis aut pro anniversario proponuntur, si in aliis circumstantiis adhibentur, omittantur verba, quæ minus apta evadant.

**2. Tempore paschali, Allelûia in fine antiphonarum omitti potest pro opportunitate.**

## I. IN EXSEQUIIS

### A. Extra tempus paschale

**Ant. ad introitum**

**Cf. 4 Esd 2, 34-35**

Réquiem ætérnam dona eis, Dómine,  
et lux perpétua lúceat eis.

**Collecta**

Deus, Pater omnípotens,  
cuius Fílium mórtuum fuisse et resurrexísse  
fides nostra fatétur,  
concéde propítius,  
ut hoc mystério fámulus tuus **N.**, qui in illo dormívit,  
per illum resúrgere lætétur.  
Per Dóminum.

**Vel:**

Deus, cui próprium est miseréri semper et párcere,  
te súpplīces exorámus pro fámulo tuo **N.**,  
quem (hódie) ad te migráre iussísti,  
ut, quia in te sperávit et crédidit,  
concédas eum ad veram pátriam perdúci,  
et gáudiis pérfrui sempitérnis.  
Per Dóminum.

**Lectiones ut infra, pp. 1760-1804.**

**Super oblata**

Pro fámuli tui **N.** salute  
hóstias tibi, Dómine, suppliciter offérimus  
tuam cleméntiam deprecántes,  
ut, qui Fílium tuum pium Salvatórem esse non dubitávit,  
misericórdem Iúdicem invéniat.  
Per Christum.

**Præfatio de defunctis, pp. 651-655.**

Ant. ad communionem

Cf. 4 Esd 2, 35. 34

Lux ætérna lúceat eis, Dómine,  
cum Sanctis tuis in ætérnum, quia pius es.  
Réquiem ætérnam dona eis, Dómine,  
et lux perpétua lúceat eis,  
cum Sanctis tuis in ætérnum, quia pius es.

Post communionem

Dómine Deus, cuius Fílius in sacraménto Córporis sui  
viáticum nobis reliquit,  
concéde propítius, ut per hoc frater noster N.  
ad ipsam Christi pervéniat mensam ætérnam.  
Per Christum.

### B. Extra tempus paschale

Ant. ad introitum

Apériat ei Dóminus paradísi iánuam,  
ut ad illam pátriam revertátur,  
ubi mors non est, ubi ætérnum gáudium perseverát.

Collecta

Deus, misericórdia peccatórum  
et tuórum beatitúdo Sanctórum,  
da, quæsumus, fámulo tuo N.,  
cuius depositiónis (hódie)  
offícia humanitátis persólvimus,  
cum eléctis tuis beáti múnere portiónem,  
ut eum, a mortalitátis néxibus absolútum,  
in die resurrectiónis ante fáciem tuam  
præsentári concédas.  
Per Dóminum.

Lectiones ut infra, pp. 1760-1804.

**Super oblata**

Adésto, Dómine, quæsumus,  
 pro fámulo tuo **N.**,  
 cuius in die depositiónis  
 hoc sacrificium tibi placatiónis offérimus,  
 ut, si qua ei peccáti mácula inhæsit  
 aut vítium humánum infécit,  
 dono tuæ pietátis indúlgeas et abstérgeas.  
 Per Christum.

**Præfatio de defunctis, pp. 651-655.**

**Ant. ad communionem****Phil 3, 20-21**

Salvatórem expectámus  
 Dóminum nostrum Iesum Christum,  
 qui reformábit corpus humilitátis nostræ  
 configurátum córpori claritátis suæ.

**Post communionem**

Præsta, quæsumus, omnípotens Deus,  
 ut fámulus tuus **N.**,  
 qui (hódie) de hoc sæculo migrávit,  
 his sacrificiis purgátus et a peccátis expeditus,  
 resurrectiósni suscípiat gáudia sempitérna.  
 Per Christum.

**C. Tempore paschali****Ant. ad introitum****1 Thes 4, 14; 1 Cor 15, 22**

Sicut Iesus mórtuus est et resurréxit,  
 ita et Deus eos qui dormiérunt per Iesum addúcet cum eo.  
 Et sicut in Adam omnes moriúntur,  
 ita et in Christo omnes vivificabúntur, allelúia.

## Collecta

Preces nostras, quæsumus, Dómine, benígnus exáudi,  
 ut, dum extóllitur nostra fides in Fílio tuo  
 a mórtuis suscitáto,  
 in fámuli tui N. præstolánda resurrectióne  
 spes quoque nostra firmétur.

Per Dóminum.

Lectiones ut infra, pp. 1768-1804.

## Super oblata

Nostris, Dómine, propitiáre munéribus,  
 ut fámulus tuus N. assumáture in glóriam cum Fílio tuo,  
 cuius magno pietátis iúngimur sacraménto.

Per Christum.

Præfatio de defunctis, pp. 651-655.

Ant. ad communionem

Io 11, 25-26

Ego sum resurrectio et vita, dicit Dóminus.  
 Qui credit in me, étiam si mórtuus fúerit, vivet;  
 et omnis qui vivit et credit in me,  
 non moriétur in ætérnum, allelúia.

## Post communionem

Præsta, quæsumus, Dómine,  
 ut fámulus tuus N. in mansiónem lucis transeat et pacis,  
 pro quo paschále celebrávimus sacraméntum.

Per Christum.

### D. Aliæ orationes pro Missa exsequiali

## Collecta

Deus, cui soli cómpetit vitam post mortem præstáre,  
 libera fámulum tuum N. ab ómnibus peccátis,  
 ut, qui Christi tui resurrectiónem crédidit,  
 témpore resurrectiónis gloriósus tibi iungáture.

Per Dóminum.



Super oblata

Omnípotens et miséricors Deus,  
his sacrificiis áblue, quáesumus, fámulum tuum N.  
a peccátis suis in ságuine Christi,  
ut, quem mundásti aqua baptismatis,  
indesinéter purífices indulgéntia pietátis.  
Per Christum.

Post communionem

Sumpto sacraménto Unigéniti tui,  
qui pro nobis immolátus resurréxit in glória,  
te, Dómine, suppliciter exorámus pro fámulo tuo N.  
ut, paschálibus mystériis mundátus,  
futúræ resurrectionis múnere gloriétur.  
Per Christum.

## II. IN ANNIVERSARIO

### A. Extra tempus paschale

Ant. ad introitum

Ap 21, 4

Abstérget Deus omnem lácrimam ab óculis eórum,  
et mors ultra non erit, neque luctus, neque clamor,  
neque dolor erit ultra, quia prima transiéerunt.

Collecta

Deus, glória fidélium et vita iustórum,  
cuius Fílii morte et resurrectione redémpti sumus,  
propitiáre fámulo tuo N.,  
ut, qui resurrectionis nostræ mystérium agnóvit,  
ætérnæ beatitúdinis gáudia percípere mereátur.  
Per Dóminum.

Lectiones ut infra, pp. 1760-1804.

**Super oblata**

Múnera, quæsumus, Dómine,  
 quæ tibi pro fámulo tuo **N.** offérimus,  
 placátus inténde,  
 ut, remédiis purgátus cæléstibus,  
 in tua glória semper vivus sit et beátus.  
 Per Christum.

Præfatio de defunctis, pp. 651-655.

**Ant. ad communionem**

Io 11, 25; 3, 36; 5, 24

Ego sum resurrectio et vita,  
 dicit Dóminus.  
 Qui credit in me,  
 habet vitam ætérnam,  
 et in iudícium non venit,  
 sed tránsiet de morte ad vitam.

**Post communionem**

Sacris reparáti mystériis,  
 te, Dómine, suppliciter exorámus,  
 ut fámulus **N.**, a delíctis ómnibus emundátus,  
 ætérno resurrectiónis múnere ditári mereátur.  
 Per Christum.

**B. Extra tempus paschale****Ant. ad introitum**

Dómine Iesu, concéde réquiem ætérnam eis,  
 pro quibus tuum pretiósium effudísti Sánguinem.

**Collecta**

Quæsumus, Dómine, ut fámulo tuo **N.**,  
 cuius depositiónis diem commemorámus,

rorem misericórdiæ tuæ perennem infúndas,  
et Sanctórum tuórum largíri dignéris consórtium.  
Per Dóminum.

Lectiones ut infra, pp. 1760-1804.

Super oblata

Adésto, Dómine, supplicatióibus nostris  
pro fámulo tuo N.,  
cuius hódie ánnua dies ágitur,  
ut, per hoc sacrificium propitiatióis et laudis,  
eum Sanctórum tuórum consórtio sociáre dignéris.  
Per Christum.

Præfatio de defunctis, pp. 651-655.

Ant. ad communionem

Qui es, Dómine, réquies post labórem,  
qui es vita post mortem,  
tu dona eis réquiem sempitérnam.

Post communionem

Précibus nostris et sacrificiis, Dómine,  
pro fámulo tuo N. bénigne susceptis,  
te súpplíces deprecámur,  
ut, si quæ ei máculæ peccáti adhæsérunt,  
remissióis tuæ misericórdia deleántur.  
Per Christum.

### C. Tempore paschali

Ant. ad introitum

Cf. Rom 8, 11

Deus, qui suscitávit Iesum a mórtuis,  
vivificábit et mortália córpora nostra,  
propter inhabitántem Spíritum eius in nobis, allelúia.

## Collecta

**Omnípotens et miséricors Deus,**  
**cuius Fílius voluntárie pro nobis carnis súbiit mortem,**  
**concéde propítius fámulo tuo N.**  
**admirábili eius resurrectiónis victóriæ sociári.**  
**Per Dóminum.**

Lectiones ut infra, pp. 1768-1804.

## Super oblata

**Omnípotens et miséricors Deus,**  
**his sacrificiis ábluc, quésumus, fámulum tuum N.**  
**a peccátis suis in Sanguine Christi,**  
**ut, quem mundásti aqua baptísmatis,**  
**indesinéter purífices indulgéntia pietátis.**  
**Per Christum.**

Præfatio de defunctis, pp. 651-655.

Ant. ad communionem

Io 6, 51-52

**Ego sum panis vivus, qui de cælo descéndi,**  
**dicit Dóminus.**  
**Si quis manducáverit ex hoc pane, vivet in ætérnum;**  
**et panis, quem ego dabo,**  
**caro mea est pro mundi vita, allehúia.**

## Post communionem

**Sumpto sacraménto Unigéniti tui,**  
**qui pro nobis immolátus resurrexit in glória,**  
**te, Dómine, suppliciter exorámus pro fámulo tuo N.,**  
**ut, paschálibus mystériis mundátus,**  
**futúre resurrectiónis múnere gloriétur. Per Christum.**

## D. Allæ orationes in anniversario

## Collecta

**Concéde, quésumus, Dómine,**  
**per beátam Fílii tui passiónem,**

fámulo tuo **N.** remissionem,  
quam semper optávit, peccatórum,  
ut, te in veritate cognóscens,  
visiónē tuā iúgiter pérfrui mereátur.  
Per Dóminum.

### Super oblata

Sacrificium tibi, Dómine, pro fámulo tuo **N.**  
suppliciter offérimus,  
ut, qui te iam dono tuæ illuminatiónis agnóvit,  
tibi adhærere perpétuo lætétur.  
Per Christum.

### Post communionem

Replēti alimónia reparatiónis et vitæ, quæsumus, Dómine,  
ut per eam frater noster **N.**,  
ab ómnibus peccátis emundátus,  
ad cæléste váleat transíre consórtium.  
Per Christum.

## E. Alia orationes in anniversario

### Collecta

Deus indulgentiarum, da fámulo tuo **N.**,  
cuius anniversárium depositiόνis diem celebrámus,  
refrigérii sedem, quiétis beatitudinem  
et lúminis claritátem.  
Per Dóminum.

### Super oblata

Supplicatio tibi nostra, Dómine,  
et grata páriter exsístat oblátio,  
ut fámulo tuo **N.**, pro cuius salute defértur,  
plenitudinem tuæ redemptiόνis acquirat.  
Per Christum.

Post communionem

**Præsta, quæsumus, omnipotens Deus,  
ut fámulus tuus N.,  
pro quo hoc sacrificium tuæ obtúlimus maiestáti,  
per huius virtútem sacraménti  
a peccátis ómnibus expiátus,  
lucis perpétuæ, te miseránte, recípiat beatitúdinem.  
Per Christum.**

### III. IN VARIIS COMMEMORATIONIBUS

#### A. Pro uno defuncto

Ant. ad introitum

**Apériat ei Dóminus paradísi iánuam,  
ut ad illam pátriam revertátur,  
ubi mors non est, ubi gáudium ætérnum perseverat.**

Collecta

**Deus, Pater omnipotens,  
qui nos crucis mystério confirmásti  
et Fílii tui resurrectionis sacraménto signásti,  
concede propítius fámulo tuo N.,  
ut, mortalitátis néxibus expeditus,  
electórum tuórum aggregétur consórtio.  
Per Dóminum.**

Vel:

**Inclína, Dómine, aurem tuam ad preces nostras,  
quibus misericórdiam tuam súpplícis deprecámur,  
ut fámulum tuum N.,  
quem in hoc sáculo tuo pópulo misericórditer aggregásti,**

in pacis ac lucis regi6ne constituas,  
et Sanctorum tuorum concedas esse consortem.  
Per D6minum.

Lectiones ut infra, pp. 1760-1804.

Super oblata

Propitiare, qu6sumus, D6mine, famulo tuo N.,  
pro quo hostiam tibi laudis immolamus,  
te suppliciter deprecantes,  
ut, per h6c pi6e placationis officia,  
resurgere mereatur ad vitam.  
Per Christum.

Pr6efatio de defunctis, pp. 651-655.

Ant. ad communionem

Io 6, 37

Omne quod dat mihi Pater, ad me veniet, dicit D6minus,  
et cum qui venit ad me, non eiciam foras.

Post communionem

Vitalibus refecti sacramentis, qu6sumus, D6mine,  
ut frater noster N.,  
quem testamenti tui participem effecisti,  
huius mysterii purificatus virtute,  
in pace Christi sine fine laetetur.  
Per Christum.

## B. Pro uno defuncto

Ant. ad introitum

Iob 19, 25. 26

Scio quod Redemptor meus vivit,  
et in novissimo die de terra surrecturus sum,  
et in carne mea videbo Deum meum.

**Collecta**

**Absólve, quæsumus, Dómine, fámulum tuum N.  
ab omni vínculo delictórum,  
ut, qui in hoc sæculo Christo méruit conformári,  
in resurrectiónis glória  
inter Sanctos tuos resuscitátus respíret.  
Per Dóminum.**

Lectiones ut infra, pp. 1760-1804.

**Super oblata**

**Annue nobis, quæsumus, Dómine,  
ut fámulo tuo N. hæc prosit oblátio,  
quam immolándo, totíus mundi tribuísti relaxári delicta.  
Per Christum.**

Præfatio de defunctis, pp. 651-655.

Ant. ad communionem

Cf. Io 6, 50

**Hic est panis de cælo descéndens, dicit Dóminus;  
si quis ex ipso manducáverit, non moriétur in ætérnum.**

**Post communionem**

**Prosit, quæsumus, Dómine, fámulo tuo N.  
sacrificium Ecclésiæ tuæ,  
ut, cum Sanctis, Christi consórtium invéniat,  
cuius misericórdiæ consecútus est sacraméntum.  
Per Christum.**

**C. Pro pluribus aut pro omnibus defunctis**

Ant. ad introitum

**Dona eis, Dómine, réquiem sempitérnam  
et imple splendóribus ánimas eórum.**



**Collecta**

**Deus, qui Unigénitum tuum, devícta morte,  
ad cæléstia transíre fecísti,  
concéde fámulis tuis (N. et N.),  
ut, huius vitæ mortalitáte devícta,  
te conditórem et redemptórem  
possint perpétuo contemplári.  
Per Dóminum.**

**Vel:**

**Fidélium, Deus, ómnium cónditor et redémpstor,  
fámulis tuis remissionem cunctórum tríbue peccatórum,  
ut indulgéntiam, quam semper optavérunt,  
piis supplicatióibus consequántur.  
Per Dóminum.**

Lectiones ut infra, pp. 1760-1804.

**Super oblata**

**Hóstias, quésumus, Dómine,  
quas tibi pro fámulis tuis offérimus,  
propitiátus inténde,  
ut, quibus fidei christiánæ méritum contulísti,  
dones et prémium.  
Per Christum.**

Præfatio de defunctis, pp. 651-655.

**Ant. ad communionem**

**1 Io 4, 9**

**Fílium suum unigénitum misit Deus in mundum,  
ut vivámus per eum.**

**Post communionem**

**Múltiplica, Dómine, his sacrificiis suscéptis,  
super fámulos tuos defúctos misericórdiam tuam,**

et, quibus donásti baptísmi grátiam,  
da eis æternórum plenitúdinem gaudiórum.  
Per Christum.

Vel:

Fámulis tuis, quésumus, Dómine,  
orátio proficiat supplicántium,  
ut eos, his sacrificiis, et a peccátis ómnibus éxuas,  
et æternæ salvatiónis fácias esse partícipes.  
Per Christum.

#### D. Pro pluribus aut pro omnibus defunctis

Ant. ad introitum

Io 3, 16

Sic Deus diléxit mundum,  
ut Fílium suum unigénitum daret;  
ut omnis qui credit in ipsum non péreat,  
sed hábeat vitam æternam.

Collecta

Omnípotens sempitérne Deus,  
vita mortálium et exultátio Sanctórum,  
te súpplices exorámus pro fámulis tuis (N. et N.),  
ut, mortalitátis nexibus expediti,  
regnum tuum in glória possídeant sempitérna.  
Per Dóminum.

Vel:

Omnípotens sempitérne Deus,  
qui vivórum domináris simul et defunctórum,  
omniúmque miseréris,  
te supplicíter exorámus,  
ut, pro quibus effúndimus preces,  
pietátis tuæ cleméntia

delictórum suórum véniam consequántur,  
et de te beáti congáudeant ac te sine fine colláudent.  
Per Dóminum.

Lectiones ut infra, pp. 1760-1804.

Super oblata

Pro fámulis tuis N. et N.

et ómnibus in Christo dormiéntibus  
hóstiam, Dómine, súscipe benignus oblátam,  
ut, per hoc sacrificíum singuláre vínculis mortis exúti,  
vitam mereántur aetérnam.

Per Christum.

Præfatio de defunctis, pp. 651-655.

Ant. ad communionem

Phil 3, 20-21

Salvatórem exspectámus

Dóminum nostrum Iesum Christum,  
qui reformábit corpus humilitátis nostræ  
configurátum córpori claritátis suæ.

Post communionem

Divína participántes mystéria,  
quæsumus, omnípotens Deus,  
ut hæc éadem nobis proficiant ad salútem,  
et fámulis tuis defúntis,  
pro quibus tuam deprecámur cleméntiam,  
prosint ad indulgéntiam.

Per Christum.

### E. Pro pluribus aut pro omnibus defunctis

Ant. ad introitum

Ap 14, 13

Beáti mórtui, qui in Dómino moriúntur.  
Amodo requiéscant a labóribus suis:  
ópera enim illórum sequúntur illos.

## Collecta

**Deus, cuius miseratióne fidéles requiésunt,  
fámulis tuis N. et N. et ómnibus in Christo quiescéntibus  
da propítius véniam peccatórum,  
ut, a cunctis reátibus absolúti,  
Christi tui resurrectioni sociéntur.  
Qui tecum vivit.**

Vel:

**Quésumus, Dómine,  
fámulis tuis defúnctis misericórdiam concéde perpétuam,  
ut eis proficiat in ætérnum  
quod in te speravérunt et credidérunt.  
Per Dóminum.**

Lectiones ut infra, pp. 1760-1804.

## Super oblata

**Múnera, Dómine, quésumus,  
quæ pro tuórum réquie famulórum offérimus,  
placátus inténde,  
ut, per hæc salutis humánæ subsidia,  
tuórum número redemptórum sorte perpétua censeántur.  
Per Christum.**

Præfatio de defunctis, pp. 651-655.

## Ant. ad communionem

**Pro quorum memória Corpus et Sanguis Christi súmitur,  
dona eis, Dómine, réquiem sempitérnam.**

## Post communionem

**Súpsimus, Dómine, redemptionis sacraménta,  
tuam cleméntiam obsecrántes,  
ut, te miseránte, nobis vivéntibus tutelam obtíneant,  
et defúnctis nostris véniam sempitérnam.  
Per Christum.**

Vel:

**Invéniant, quésumus, Dómine, fámuli tui,  
omnésque in Christo quiescéntes,  
lucis ætérnæ consórtium,  
qui, in hac luce pósiti, tuum consecúti sunt sacraméntum.  
Per Christum.**

## **IV. ORATIONES PRO DEFUNCTIS**

### **1. PRO PAPA**

#### **A**

Collecta

**Deus, fidélis remunerátor animárum,  
præsta, ut fámulus tuus Papa noster N.,  
quem Petri constituísti vicárium  
et Ecclésiæ tuæ pastórem,  
grátiae et miseratiónis tuæ mystériis,  
quæ fidénter dispensávit in terris,  
lætánter apud te perpétuo fruátur in cælis.  
Per Dóminum.**

Super oblata

**Quésumus, Dómine, ut, per hæc piæ placatiónis officia,  
fámulum tuum Papam nostrum N.  
beáta retribútio comitétur,  
et misericórdia tua nobis grátiae dona concíliet.  
Per Christum.**

Post communionem

**Divinæ tuæ communiónis refécti sacraméntis,  
quésumus, Dómine,  
ut fámulus tuus Papa noster N.**

quem Ecclésiæ tuæ  
visibile voluisti fundaméntum unitátis in terris,  
beatitudíni gregis tui feliciter aggregétur.  
Per Christum.

## B

## Collecta

Deus, qui Ecclésiæ tuæ fámulum tuum Papam nostrum N.  
ineffábili tua dispositióne præesse voluisti,  
præsta, quæsumus, ut, qui Fílii tui vices gerébat in terris,  
ab ipso in glória recipiátur æténa.  
Per Dóminum.

## Super oblata

Múnera, Dómine, supplicántis Ecclésiæ réspice propítius,  
et, huius sacrificii virtúte, concéde,  
ut fámulus tuus Papa noster N.,  
quem sacerdotem magnum tuo gregi præfecisti,  
in electórum tuórum número constituas sacerdotum.  
Per Christum.

## Post communionem

Caritátis tuæ, Dómine, suméntes sacra subsidia,  
quæsumus, ut fámulus tuus Papa noster N.  
misericórdiam tuam in Sanctórum glória  
perpétuo colláudet, qui fidélis éxstitit  
mysteriórum tuórum dispensátor in terris.  
Per Christum.

## C

## Collecta

Deus, immortalis pastor animárum,  
réspice pópulum supplicántem, et præsta,  
ut fámulus tuus Papa noster N.

qui Ecclesiæ tuæ in caritate præfuit,  
fidélis dispensatóris remuneratiónem  
cum grege sibi crédito misericórditer consequátur.  
Per Dóminum.

### Super oblata

Oblatiónem pacificam pópuli tui, quæsumus, Dómine,  
propítius intuére,  
qua fámulum tuum Papam nostrum **N.**  
tuæ misericórdiæ fidénter commítimus, et præsta,  
ut, qui tuæ caritátis et pacis  
in humana familia fuit instruméntum,  
eárum fructu cum Sanctis tuis perpétuo lætári mereáur.  
Per Christum.

### Post communionem

Ad mensam æterni accedentes convivii,  
misericórdiam tuam, Dómine,  
pro fámulo tuo Papa nostro **N.**  
suppliciter implorámus,  
ut veritátis possessiône tandem congáudeat,  
in qua pópulum tuum fidénter confirmávit.  
Per Christum.

## 2. PRO EPISCOPO

### A. Pro Episcopo diœcesano

#### Collecta

Da, quæsumus, omnipotens Deus,  
ut fámulus tuus **N.** episcopus noster,  
cui familiæ tuæ curam tradidisti,  
cum múltiplici labóris fructu  
gáudia Dómini sui ingrediátur æterna.  
Per Dóminum.

**Super oblata**

Imménsam cleméntiam tuam, Dómine,  
supplíciter implorámus,  
ut hoc sacrificium,  
quod fámulus tuus **N.** epíscopus noster,  
dum esset in córpore,  
maiestáti tuæ pro salúte fidélium óbtulit,  
ipsi nunc prosit ad véniam.  
Per Christum.

**Post communionem**

Prosit, quæsumus, Dómine,  
fámulo tuo **N.** epíscopo nostro  
misericórdiæ tuæ imploráta cleméntia,  
ut Christi, in quo sperávit et quem prædicávit,  
ætérum cápiat, his sacrificiis, consórtium.  
Per Christum.

**B. Pro alio Episcopo****Collecta**

Deus, qui inter apostólicos sacerdotés  
fámulum tuum **N.** epíscopum (**vel** cardinálem)  
pontificáli fecísti dignitáte vigére,  
præsta, quæsumus,  
ut eórum quoque perpétuo aggregétur consórtio.  
Per Dóminum.

**Super oblata**

Súscipe, Dómine, quæsumus,  
pro fámulo tuo **N.** epíscopo (**vel** cardináli)  
quas tibi offérimus hóstias,  
ut, cui in hoc sáculo pontificále donásti méritum,  
in cælésti regno  
Sanctorum tuórum iúbeas iungi consórtio.  
Per Christum.



**Post communionem**

Quæsumus, omnipotens et miséricors Deus,  
ut fámulum tuum **N.** episcopum (vel cardinále),  
quem in terris pro Christo legatióne fungi tribuísti,  
his emundátum sacrificiis,  
consedére fácias in cæléstibus cum ipso.  
Per Christum.

**3. PRO SACERDOTE****A****Collecta**

Præsta, quæsumus, Dómine,  
ut fámulus tuus **N.** sacérdos,  
quem in hoc sæculo commorántem  
sacris munéribus decorásti,  
in cælésti sede gloriósus semper exsúltet.  
Per Dóminum.

**Super oblata**

Concéde, quæsumus, omnipotens Deus,  
ut fámulus tuus **N.** sacérdos,  
per hæc sancta mystéria,  
conspéctu semper claro conspíciat  
quæ hic fidéliter ministrávit.  
Per Christum.

**Post communionem**

Sumptis salutáribus sacraméntis,  
implorámus, Deus, cleméntiam tuam,  
ut fámulum tuum **N.** sacerdotem,  
quem fecísti mysteriórum tuórum dispensatórem in terris,  
eórum fácias in cælis apérta veritate nutriri.  
Per Christum.

## B

## Collecta

Preces nostras, quæsumus, Dómine,  
quas pro fámuli tui **N.** sacerdótis salute  
supplíciter deférimus,  
propitiátus exáudi,  
ut, qui nómini tuo ministérium fidéle dépendit,  
perpétua Sanctórum tuórum societáte lætétur.  
Per Dóminum.

## Super oblata

Quæsumus, Dómine, cleméntiam tuam,  
ut hoc sacrificium servitútis nostræ,  
pro fámulo tuo **N.** sacerdóte oblátum,  
ipsi nunc prosit ad véniam,  
qui illud in Ecclésia devóta tibi mente exhibuit.  
Per Christum.

## Post communionem

Mensæ cæléstis alimónia refécti,  
te, Dómine, supplíciter exorámus,  
ut, huius virtúte sacrificii,  
fámulus tuus **N.** sacérdos  
ante conspéctum tuum semper exsúltet,  
qui in Ecclésia tua fidéliter ministrávit.  
Per Christum.

## 4. PRO DIACONO

## Collecta

Concéde, quæsumus, miséricors Deus,  
fámulo tuo **N.** diácono felicitátis ætérnæ consórtium,  
cui donásti in Ecclésia tua cónsequi ministérium.  
Per Dóminum.

Super oblata

Propitiáre, Dómine, fámulo tuo N. diácono,  
pro cuius salúte hoc tibi sacrificium offérimus,  
ut, sicut Christo Fílio tuo ministrávit in carne,  
cum fidélibus servis exsúrgat in glóriam sempitérnam.  
Per Christum.

Post communionem

Munéribus sacris repléti,  
te, Dómine, humíliter deprecámur,  
ut per hoc sacrificium fámulum tuum N. diáconum,  
quem inter servos Ecclésiæ tuæ vocásti,  
a mortis vínculis absolútum,  
cum iis qui bene ministravérunt partem recíperere  
et in gáudium tuum intráre benígne concédas.  
Per Christum.

## 5. PRO RELIGIOSO

Collecta

Præsta, quæsumus, omnipotens Deus, ut fámulus tuus N.,  
qui pro Christi amóre perféctæ caritátis viam percúrrit,  
in advéntu glóriæ tuæ lætétur,  
et cum frátribus suis  
de regni tui beatitúdine gáudeat sempitérna.  
Per Dóminum.

## 6. PRO UNO DEFUNCTO

A

Collecta

Deus, apud quem mórtui vivunt  
et in quo Sancti tui plena felicitáte lætántur,  
præsta supplicántibus nobis,

ut fámulus tuus N.,  
 qui nunc temporáli huius mundi lúmíne caret,  
 ætérnæ tuæ lucis solátio perfruátur.  
 Per Dóminum.

Super oblata

Pláceat tibi, Dómine, sacrificií præsentis oblátio,  
 ut fámulus tuus N.,  
 peccatórum véniám, quam quæsívit,  
 te miseránte invéniens,  
 cum Sanctis tuis semper exsúltet,  
 et glóriam tuam in ætérnum colláudet.  
 Per Christum.

Post communionem

Suméntes dona cæléstia, grátias tibi, Dómine, reférimus,  
 humíliter deprecántes, ut fámulus tuus N.,  
 per Fílii tui passiónem a peccatórum vínculis absolútus,  
 feliciter váleat ad te perveníre.  
 Per Christum.

## B

Collecta

Ascéndant ad te, Dómine, preces nostræ,  
 et fámulum tuum N. gáudia ætérna suscípíant,  
 ut, quem ad imágínem tuam creáre dignátus es  
 et adoptiónis partícipem fecísti,  
 iúbeas hereditátis tuæ esse consórtem.  
 Per Dóminum.

Super oblata

Oblatióem nostram, quæsumus, Dómine,  
 quam pro fámulo tuo N. fidénter exhibémus,  
 placátus accípias,

ut ei per hoc sacrificium,  
quod cunctis esse remédium singuláre voluísti,  
salútem tribuas sempitérnam. Per Christum.

Post communionem

Recreáti sacri múnemis alimónia, quæsumus, Dómine,  
ut frater noster N., mortis vínculis absolútus,  
resurrectiónis Fílii tui participatióne lætétur.  
Per Christum.

### C

Collecta

Inclína, Dómine, précibus nostris aures tuæ pietátis,  
et fámulo tuo N.  
remissionem ómnium tribue peccatórum,  
ut in resurrectiónis die vivat,  
et in lucis amcénitate requiêscat.  
Per Dóminum.

Super oblata

Omnípotens sempitérne Deus,  
cuius Fílius panem vitæ nobis præbuit semetípsum,  
et Sanguinem suum in póculum salutis effúdit,  
miserére fámuli tui N.,  
ut, quod tibi offérimus, sit illi causa salutis.  
Per Christum.

Post communionem

Ætérnæ pignus vitæ capiéntes,  
te, Dómine, humlíter implorámus pro fámulo tuo N.,  
ut, mortálibus néxibus expeditus,  
redemptórum possit adunári consórtio.  
Per Christum.

## 7. PRO IUVENE DEFUNCTO

Collecta

Deus, qui ómnium hóminum vitam  
 moderáris et témpora,  
 hunc fámulum tuum N.,  
 quem consummátum in brevi deflémus,  
 tibi humíliter commendámus,  
 ut in beatitúdine domus tuæ  
 perénni fácias iuventúte vigére.  
 Per Dóminum.

8. PRO DEFUNCTO  
 QUI IN SERVITIO EVANGELII LABORAVIT

Collecta

Misericórdiam tuam, Dómine,  
 pro fámulo tuo N. súpplīces deprecámur,  
 ut, qui pro Evangélio dilatándo allaborávit assíduus,  
 ad præmia regni mereátur intráre secúrus.  
 Per Dóminum.

9. PRO DEFUNCTO  
 POST LONGAM INFIRMITATEM CONSUMPTO

Collecta

Deus, qui fámulo tuo N. dedísti  
 in ærúmnis tibi et infirmitáte servíre,  
 concéde, quæsumus,  
 ut, qui Fílii tui secúsus est paciéntiæ documéntum,  
 eiúsdem glóriæ consequátur et præmíum.  
 Per Dóminum.

## 10. PRO DEFUNCTO REPENTINA MORTE SUBLATO

### Collecta

Imménsam, Dómine, tuæ bonitátis osténde virtútem,  
ut, qui fratrem nostrum **N.**  
repentína flemus morte sublátum,  
ad tuum confidámus transísse consórtium.  
Per Dóminum.

## 11. PRO PLURIBUS DEFUNCTIS

### A

### Collecta

Propitiáre, Dómine, fámulis tuis **N.** et **N.**,  
ut, quos regeneratiónis fonte mundásti,  
ad cælestis vitæ beatitúdinem fácias pervenire.  
Per Dóminum.

### Super oblata

Pro fámulis tuis **N.** et **N.**, Dómine,  
tibi sacrificium offeréntes,  
súplices exorámus,  
ut ad tuam misericórdiam illis conferéndam perpétuam  
dignánte vota nostra perfícias.  
Per Christum.

### Post communionem

Sumptis, Dómine, cælestibus sacraméntis,  
tuam cleméntiam humíliter deprecámur,  
ut fámuli tui,  
percipiéntes hoc múnere véniam peccatórum,  
regnum tuum introíre,  
teque in ætérnum mereántur collaudáre.  
Per Christum.

**B**

## Collecta

Tibi, Dómine, commendámus fámulos tuos N. et N.,  
 ut defúnti sáeculo tibi vivant,  
 et quæ, per fragilitátem carnis, peccáta  
 in mundi conversatióne commiserunt,  
 tu vénia misericordíssimæ pietátis abstérge.  
 Per Dóminum.

## Super oblata

Propitiáre, quæsumus, Dómine,  
 fámulis tuis N. et N.,  
 pro quibus tibi hóstias placatiónis offérimus,  
 et quia in hac vita tibi mansérunt fidéles,  
 apud te pia illis retribútio donétur.  
 Per Christum.

## Post communionem

Præsta, quæsumus, omnipotens Deus,  
 ut fámulos tuos, per huius sacraménti virtútem,  
 in congregatióne iustórum  
 æternæ beatitúdinis iúbeas esse consórtes.  
 Per Christum.

**C**

## Collecta

Omnipotens sempitérne Deus,  
 cui numquam sine spe misericórdiæ supplicátur,  
 propitiáre fámulis tuis N. et N.,  
 ut, qui de hac vita in tui nóminis confessiône discessérunt,  
 Sanctórum tuórum número fácias aggregári.  
 Per Dóminum.



**Super oblata**

Dómine Deus, cuius Fílius  
se tibi obtulit hóstiã vivã,  
áccipe, quæsumus, Ecclésiæ tuæ sacrificium,  
ut fámuli tui **N.** et **N.**, a peccátis ómnibus absolúti,  
ad præmium immortalitátis mereántur pertíngere.  
Per Christum.

**Post communionem**

Puríficent nos, quæsumus,  
omnípotens et miséricors Deus,  
sacraménta quæ sumpsimus, et præsta,  
ut hoc sacrificium sit nobis intercésio ad véniam,  
sit fragílium fortitúdo,  
sit in ómnibus firmaméntum,  
sit vivis atque defúctis remíssio ómnium peccatórum,  
et pignus redemptiónis æternæ.  
Per Christum.

**12. PRO CONIUGIBUS DEFUNCTIS****Collecta**

Fámulos tuos **N.** et **N.**,  
quæsumus, Dómine, miserátus absolve,  
ut, quos coniugális amor in hac vita fidéliter sociávit,  
in æterna, tuæ caritátis plenitúdo coniúngat.  
Per Dóminum.

**Vel (pro uno tantum coniuge defuncto):**

Fámulum tuum (Fámulam tuam) **N.**,  
quæsumus, Dómine,  
miserátus absolve,  
et fámulam tuam (fámulum tuum) **N.**

contínua pietáte custódi,  
ut, quos coniugális amor in hac vita fidéliter sociávit,  
in ætérna, tuæ caritátis plenitúdo coniúgat.  
Per Dóminum.

### 13. PRO PARENTIBUS

#### Collecta

Deus, qui nos patrem et matrem honoráre præcepísti,  
miserére cleménter patri et matri meæ  
(paréntibus nostris),  
eorúmque peccáta dímitte,  
meque (nosque) eos in ætérnæ claritátis gáudio  
fac vidére.  
Per Dóminum.

#### Super oblata

Súscipe sacrificium, Dómine,  
quod tibi pro patre et matre mea  
(paréntibus nostris) offérimus,  
eísque gáudium sempitérnum  
in regióne vivórum concéde,  
meque (nosque) cum illis  
felicitáti Sanctórum coniúnge.  
Per Christum.

#### Post communionem

Cæléstis participátio sacraménti,  
quæsumus, Dómine,  
patri et matri meæ (paréntibus nostris)  
réquiem et lucem obtíneat perpétuam,  
meque (nosque) cum illis glória tua sátiat sempitérna.  
Per Christum.

## 14. PRO DEFUNCTIS FRATRIBUS, PROPINQUIS ET BENEFACTORIBUS

### Collecta

Deus, véniæ largitor et humánæ salútis amátor,  
quæsumus cleméntiam tuam,  
ut nostræ congregatiónis fratres,  
propínquos et benefactóres,  
qui ex hoc sáculo transiérunt,  
beáta María semper Vírgine intercedénte  
cum ómnibus Sanctis tuis,  
ad perpétuæ beatitúdinis consórtium pervenire concédas.  
Per Dóminum.

### Super oblata

Deus, cuius misericórdiæ non est númerus,  
súscipe propítius preces humilitátis nostræ,  
et animábus fratrum,  
propinquórum et benefactórum nostrórum,  
per hæc sacraménta salútis nostræ,  
cunctórum remissionem tribue peccatórum.  
Per Christum.

### Post communionem

Præsta, quæsumus, omnipotens et miséricors Deus,  
ut ánimæ fratrum, propinquórum  
et benefactórum nostrórum,  
pro quibus hoc sacrificium laudis  
tuæ obtúlimus maiestáti,  
per huius virtútem sacraménti  
a peccátis ómnibus expiátæ,  
lucis perpétuæ, te miseránte, recípiant beatitúdinem.  
Per Christum.

---

Lectio prima  
extra tempus paschale

## 1

*Scio quod Redemptor meus vivit.*

## Lectio libri Iob

19, 1. 23-27 a

Respondens Iob dixit: « Quis mihi tribuat ut scribantur sermones mei? Quis mihi det ut exarentur in libro stilo ferreo, et plumbi lamina vel celte sculpantur in silice?

Scio enim quod redemptor meus vivit, et in novissimo die de terra surrecturus sum. Et rursum circumdabor pelle mea et in carne mea videbo Deum meum. Quem visurus sum ego ipse ». — Verbum Domini.

## Psalmus responsorius

Ps 26, 1. 4. 7 et 8 b et 9 a. 13-14 (R.: 13)

R. Credo videre bona Domini in terra viventium.

1 Dominus illuminatio mea et salus mea, quem timebo? Dominus protector vite mee, a quo trepidabo? R.

4 Unum petii a Domino, hoc requiram: ut inhabitem in domo Domini omnibus diebus vite mee, ut videam voluntatem Domini et visitem templum eius. R.

7 Exaudi, Domine, vocem meam qua clamavi, miserere mei et exaudi me.

8 Faciem tuam, Domine, requiram.

9 Ne avertas faciem tuam a me. R.

13 Credo videre bona Domini in terra viventium.

14 Expecta Dominum, viriliter age, et confortetur cor tuum, et sustine Dominum. R.

## 2

\* *Quasi holocausti hostiam accepit illos.*

Lectio libri Sapiéntiæ 3, 1-9

Iustórum ánimæ in manu Dei sunt, et non tanget illos torméntum mortis. Visi sunt óculis insipiéntium mori, et æstimáta est afflictio éxitus illórum, et quod a nobis est iter, exterminium; illi autem sunt in pace.

Et si coram homínibus torménta passi sunt, spes illórum immortalitáte plena est.

In paucis vexáti in multis bene disponéntur, quóniam Deus tentávit eos et invénit illos dignos se.

Tamquam aurum in fornáce probávit illos, et quasi holocáusti hóstiam accépit illos, et in témpore erit respéctus illórum.

Fulgébunt iusti et tamquam scintillæ in arundinétio discúrrent; iudicábunt nátiónes et dominabúntur pópulis, et regnábit Dóminus illórum in perpétuum.

Qui confidunt in illo intéllegent veritátem, et fidéles in dilectiône acquiescent illi, quóniam donum et pax est eléctis eius. — Verbum Dómini.

vel brevior

Lectio libri Sapiéntiæ 3, 1-6. 9

Iustórum ánimæ in manu Dei sunt, et non tanget illos torméntum mortis. Visi sunt óculis insipiéntium mori, et æstimáta est afflictio éxitus illórum, et quod a nobis est iter, exterminium; illi autem sunt in pace.

Et si coram homínibus torménta passi sunt, spes illórum immortalitáte plena est.

In paucis vexáti in multis bene disponéntur, quóniam Deus tentávit eos et invénit illos dignos se.

Tamquam aurum in fornáce probávit illos, et quasi holocáusti hóstiam accépit illos, et in témpore erit respéctus illórum.

Qui confídunt in illo intéllegent veritátem, et fidéles in dilectióne acquiescent illi, quóniam donum et pax est eléctis eius. — Verbum Dómini.

Psalmus responsorius

Ps 114, 5 et 6; 115, 10-11. 15-16 ac (R.: Ps 114, 9)

R. Ambulábo coram Dómino in regiône vivéntium.  
vel Allelúia.

<sup>5</sup> Miséricors Dóminus et iustus,  
et Deus noster miserétur.

<sup>6</sup> Custódiens párvulos Dóminus;  
humiliátus sum, et salvum me fáciat. R.

<sup>10</sup> Crédidi, étiam cum locútus sum:  
« Ego humiliátus sum nimis ».

<sup>11</sup> Ego dixi in trepidatióne mea:  
« Omnis homo mendax ». R.

<sup>15</sup> Pretiósá in conspéctu Dómini  
mors sanctórum eius.

<sup>16</sup> O Dómine, ego servus tuus.  
Dirupísti víncula mea. R.

3

*Ætas senectutis vita immaculata.*

Léctio libri Sapiéntiæ

4, 7-15

Iustus, si morte præoccupátus fúerit, in refrigerio erit; senéctus enim venerábilis est non diutúrna neque annórum número computáta; caní autem sunt sensus hóminis, et ætas senectútis vita immaculáta.

Placens Deo factus est diléctus, et vivens inter peccatóres translátus est: raptus est, ne malítia mutáret intelléctum eius, aut ne fictio decíperet ánimam illíus; fascinátio enim nugacitátis obscurat bona, et inconstántia concupiscéntiæ transvértit sensum sine malítia.

Consummátus in brevi explévit témpora multa; plácita enim erat Deo ánima illíus, propter hoc prope-rávit educere illum de médio iniquitátum.

Pópuli autem vidéntes et non intellegéntes, nec ponéntes in præcórdiis tália, quóniam grátia Dei et misericórdia est in sanctos eius et respectus in eléctos illíus. — Verbum Dómini.

**Psalmus responsorius** Ps 22, 1-3. 4. 5. 6 (R.: 4 ab)

R. Si ambulávero in valle umbræ mortis,  
non timébo mala, quóniam tu mecum es.

1 Dóminus pascit me, et nihil mihi déerit:

2 in páscuis viréntibus me collocávit,

super aquas quiétis edúxit me,

3 ánimam meam refécit.

Dedúxit me super sémitas iustítiæ propter nomen suum R.

4 Nam et si ambulávero in valle umbræ mortis,

non timébo mala, quóniam tu mecum es.

Virga tua et báculo tuus

ipsa me consoláta sunt. R.

5 Parásti in conspéctu meo mensam

advérsus eos qui tríbulant me;

impinguásti in óleo caput meum,

et calix meus redúndat. R.

6 Etenim benígnitas et misericórdia subsequéntur me

ómnibus diébus vitæ meæ,

et inhabitábo in domo Dómini

in longitúdinem diérum. R.

*Præcipitabit Dominus mortem in sempiternum.*

Léctio libri Isaíæ prophétæ

25, 6 a. 7-9

In die illa:

Fáciet Dóminus exercítuum ómnibus pópulis in monte hoc convívium pínquium.

Et præcipitábit in monte isto fáciem vínculi coligáti super omnes pópulos, et telam quam ordítus est super omnes natiónes.

Præcipitábit mortem in sempitérnum, et áuferet Dóminus Deus lácrimam ab omni fácie, et oppróbrium pópuli sui áuferet de univérſa terra, quia Dóminus locútus est.

Et dicet in die illa: « Ecce Deus noster iste, exspectávimus eum, et salvábit nos; iste Dóminus, sustinúimus eum: exsultábimus et lætábimur in salutári eius ».

Verbum Dómini.

Psalmus responsorius

Ps 22, 1-3. 4. 5. 6 (R.: 1)

R. Dóminus pascit me, et nihil mihi déerit.

<sup>1</sup> Dóminus pascit me, et nihil mihi déerit:

<sup>2</sup> in páscuis viréntibus me collocávit,  
super aquas quiétis edúxit me,

<sup>3</sup> ánimam meam refécit.

Dedúxit me super sémitas iustítiæ propter nomen suum R.

<sup>4</sup> Nam et si ambulávero in valle umbræ mortis,  
non timébo mala, quóniam tu mecum es.

Virga tua et báculus tuus  
ipsa me consoláta sunt. R.

<sup>5</sup> Parásti in conspéctu meo mensam  
advérsus eos qui tríbulant me;



impinguásti in óleo caput meum,  
et calix meus redúndat. *R.*

- 6 Etenim benignitas et misericórdia subsequéntur me  
ómnibus diébus vitæ meæ,  
et inhabitábo in domo Dómini  
in longitudínem diérum. *R.*

## 5

*Bonum est præstolari cum silentio salutare Dei.*

Léctio libri Lamentatiónum

3, 17-26

Repúlsa est a pace ánima mea, oblítus sum bonórum,  
et dixi: « Périit finis meus, et spes mea a Dómino ».

Recordáre paupertátis et transgressiónis meæ, ab-  
sínthii et fellis; memória memor ero et tabéscet in me  
ánima mea: hæc récolens in corde meo, ídeo sperábo.

Misericórdiæ Dómini, quia non sumus consúpti,  
quia non defecérunt miseratiónes eius. Novi dilúculo,  
multa est fides tua.

« Pars mea Dóminus », dixit ánima mea; proptérea  
expectábo eum.

Bonus est Dóminus sperántibus in eum, ánimæ  
quærénti illum; bonum est præstolari cum siléntio sa-  
lutáre Dei. — Verbum Dómini.

Psalmus responsorius

Ps 24, 6-7 bc. 17-18. 20-21 (*R.*: 3 b)

*R.* Qui sústinent te, Dómine, non confundéntur.

- 6 Reminíscere miseratiónum tuárum, Dómine,  
et misericordiárum tuárum, quóniam a século sunt.
- 7 Secúndum misericórdiam tuam meménto mei tu,  
propter bonitátem tuam, Dómine. *R.*

- 17 Diláta angústias cordis mei,  
et de necessitatibus meis érué me.
- 18 Vide humilitátem meam et labórem meum,  
et dimítte univérssa delícta mea. **R.**
- 20 Custódi ánimam meam, et érué me;  
non erubéscam, quóniam sperávi in te.
- 21 Innocéntia et æquitas custódiant me,  
quia sustínui te. **R.**

## 6

*Qui dormiunt in terræ pulvere evigilabunt.*

Léctio libri Daniélis prophétæ

12, 1-3

In diébus illis, ego Dániel lugébam, et audívi hoc verbum Dómini: « In témpore illo consúrget Michaél princeps magnus, qui stat pro filiis pópuli tui; et véniet tempus quale non fuit ab eo ex quo gentes esse cœpérunt usque ad tempus illud.

Et in témpore illo salvábitur pópulus tuus, omnis qui invéntus fúerit scriptus in libro.

Et multi de his qui dórmiunt in terræ púlvere evigilábunt: álíi in vitam ætérnam, et álíi in oppróbrium, ut vídeant semper.

Qui autem docti fúerint fulgébunt quasi splendor firmaménti, et qui ad iustítiam erúdiunt multos, quasi stellæ in perpétuas æternitátes ». — Verbum Dómini.

Psalmus responsorius

Ps 41, 2. 3. 5 bcd (**R.**: 3 a)

**R.** Sitívit ánima mea ad Deum vivum.

- 2 Quemádmódu(m) desíderat cervus ad fontes aquárum,  
ita desíderat ánima mea ad te, Deus. **R.**

- 3 Sitívit ánima mea ad Deum, Deum vivum:  
quando véniam et apparébo ante fáciem Dei? **R.**
- 5 Quóniam transíbam in locum tabernáculi admirábilis  
usque ad domum Dei,  
in voce exsultatiónis et confessiónis. **R.**

## 7

*Bene et religiose de resurrectione cogitans.*

Léctio libri secúndi Machabæórum **12, 43-46**

In diébus illis:

Facta collatióne, duódecim mília drachmas argéni misit Iudas, princeps Israel, Ierosólyman offérri pro peccátis mortuórum sacrificium, bene et religióse de resurrectióne cógitans (nisi enim eos, qui ceciderant, resurrectúros speráret, supérfluum viderétur et vanum oráre pro mórtuis), et quia considerábat quod hi, qui cum pietáte dormitiónem accéperant, óptimam habérent repósitam grátiam.

Sancta ergo et salúbris est cogitátió pro defúnctis exoráre, ut a peccátis solvántur. — Verbum Dómini.

**Psalmus responsorius**

**Ps 102, 8 et 10. 13-14. 15-16. 17-18 (R.: Ps 36, 39 a)**

**R.** Salus iustórum a Dómino.

- 8 Miserátor et miséricors Dóminus,  
longánimis et multæ misericórdiæ.
- 10 Non secúndum peccáta nostra fecit nobis,  
neque secúndum iniquitátes nostras retríbuit nobis. **R.**
- 13 Quómodo miserétur pater filiórum,  
misértus est Dóminus tíméntibus se.

- 14 Quóniam ipse cognóvit figméntum nostrum,  
recordátus est quóniam pulvis sumus. **R.**
- 15 Homo sicut fenum dies eius,  
tamquam flos agri sic efflorébit.
- 16 Spirat ventus in illum, et non subsístet,  
et non cognóscet eum ámplius locus eius. **R.**
- 17 Misericórdia autem Dómini ab ætérno  
et usque in ætérnum super timéntes eum,  
et iustítia illíus in filios filiórum;  
18 in eos qui servant testaméntum eius,  
et mémores sunt mandatórum ipsíus ad faciéndum ea. **R.**

Lectio prima  
tempore paschali

## 1

\* *Ipse est qui constitutus est a Deo  
iudex vivorum et mortuorum.*

Léctio Actuum Apostolórum

10, 34-43

In diébus illis:

Apériens Petrus os dixit: « In veritáte compéio quóniam non est personárum accéptor Deus; sed in omni gente, qui timet eum et operátur iustítiam, accéptus est illi. Verbum misit Deus filiis Israel, evangelízans pacem per Iesum Christum: hic est ómnium Dóminus.

Vos scitis quod factum est verbum per univérsam Iudéam, incípiens a Galiléa post baptísmum, quod prædicávit Ioánnes: Iesum a Náza-reth, quómo-do unxit eum Deus Spírítu Sancto et virtúte, qui pertransívit benefaciéndo et sanádo omnes opprésos a diábolo, quóniam Deus erat cum illo.

Et nos testes sumus ómnium quæ fecit in regiõne Iudæórum et Ierúsalem; quem et occidérunt suspendentes in ligno. Hunc Deus suscitávit tértia die; et dedit eum manifestum fieri, non omni pópulo, sed téstibus præordinátis a Deo, nobis, qui manducávimus et bíbimus cum illo, postquam resurréxit a mórtuis.

Et præcépit nobis prædicáre pópulo et testificári quia ipse est qui constitútus est a Deo iudex vivórum et mortuórum. Huic omnes prophétæ testimónium pérhibent remissionem peccatórum accípere per Nomen eius omnes qui credunt in eum ». — Verbum Dómini.

vel brevior

Lectio Actuum Apostolorum 10, 34-36. 42-43

In diébus illis:

Apériens Petrus os dixit: « In veritáte compéro quóniam non est personárum accéptor Deus; sed in omni gente, qui timet eum et operáitur iustítiam, accéptus est illi. Verbum misit Deus flliis Israel, evangelízans pacem per Iesum Christum: hic est ómnium Dóminus.

Et præcépit nobis prædicáre pópulo et testificári quia ipse est qui constitútus est a Deo iudex vivórum et mortuórum. Huic omnes prophétæ testimónium pérhibent remissionem peccatórum accípere per Nomen eius omnes qui credunt in eum ». — Verbum Dómini.

Psalmus responsorius Ps 62, 2. 3-4. 5-6. 8-9 (R.: 2 b)

R. Sitívit in te ánima mea, Deus meus.

vel Allelúia.

- <sup>2</sup> Deus, Deus meus es tu, ad te de luce vígilo.  
Sittívit in te ánima mea,  
te desiderávit caro mea. *ꝛ.*
- <sup>3</sup> In terra desérta et árida et inaquósa,  
sic in sancto appáruí tibi,  
ut vidérem virtútem tuam et glóriam tuam.
- <sup>4</sup> Quóniam mélior est misericórdia tua super vitas,  
lábia mea laudábunt te. *ꝛ.*
- <sup>5</sup> Sic benedícam te in vita mea,  
et in nómine tuo levábo manus meas.
- <sup>6</sup> Sicut ádipe et pinguédine repleátur ánima mea,  
et lábiis exsultatiónis laudábit os meum. *ꝛ.*
- <sup>8</sup> Quia fuísti adiútor meus,  
et in velaménto alárum tuárum exsultábo.
- <sup>9</sup> Adhésit ánima mea post te,  
me suscepit délixtera tua. *ꝛ.*

## 2

*Beati mortui qui in Domino moriuntur.*

Léctio libri Apocalýpsis beáti Ioánnis apóstoli 14, 13

Ego Ioánnes audívi vocem de cælo dicéntem: « Scribe: " Beáti mórtui qui in Dómino moriúntur ámodo ". Etiam, dicit Spíritus, ut requiéscant a labóribus suis; ópera enim illórum sequúntur illos ».

Verbum Dómini.

Psalmus responsorius

Ps 129, 1-2. 3-4. 5-6 a. 6 b-7. 8 (*ꝛ.*: cf. 5)

*ꝛ.* Spero in Dóminum, spero in verbum eius.  
vel Allelúia.

De profúndis clamávi ad te, Dómine;  
 Dómine, exáudi vocem meam.  
 Fiant aures tuæ intendéntes  
 in vocem deprecatiónis meæ. R̄.

Si iniquitátes observáveris, Dómine,  
 Dómine, quis sustinébit?  
 Quia apud te propitiátio est,  
 et timébimus te. R̄.

Sustínui te, Dómine;  
 sustínuit ánima mea in verbo eius,  
 sperávit ánima mea in Dómino. R̄.

Magis quam custódes auróram,  
 speret Ísrael in Dómino.  
 Quia apud Dóminum misericórdia,  
 et copiósa apud eum redémpcio. R̄.

Et ipse rédimet Ísrael  
 et ómnibus iniquitátibus eius. R̄.

## 3

*Iudicati sunt mortui secundum opera ipsorum.*

Léctio libri Apocalýpsis beáti Ioánnis apóstoli

20, 11 — 21, 1

Ego Ioánnes vidi thronum magnum cándidum, et  
 sedéntem super eum, a cuius aspéctu fugit terra et  
 cælum, et locus non est invéntus eis.

Et vidit mórtuos, magnos et pusillos, stantes in con-  
 spéctu throni; et libri apérti sunt: et álius liber apértus  
 est, qui est vitæ; et iudicáti sunt mórtui ex his, quæ  
 scripta erant in libris, secúndum ópera ipsórum.

Et dedit mare mórtuos qui in eo erant, et mors et

inférnus dedérunt mórtuos qui in ipsis erant; et iudicáti sunt sínguli secúndum ópera ipsórum.

Et mors et inférnus proiécti sunt in stagnum ignis. Hæc mors secúnda est, stagnum ignis. Et si quis non est invéntus in libro vitæ scriptus, missus est in stagnum ignis.

Et vidi cælum novum et terram novam.

Primum enim cælum et prima terra abiérunt, et mare iam non est. — Verbum Dómini.

### Psalmus responsorius

Ps 142, 1-2. 5-6. 7 ab et 8 ab. 10 (R.: 1 a)

R. Dómine, exáudi oratióem meam.

vel Allelúia.

- 1 Dómine, exáudi oratióem meam,  
áuribus pèrcipe obsecratióem meam in veritate tua;  
exáudi me in tua iustítia.
- 2 Et non intres in iudícium cum servo tuo,  
quia non iustificábitur in conspéctu tuo omnis vivens. R.
- 3 Memor fui diérum antiquórum,  
meditátus sum in ómnibus opéribus tuis,  
in factis mánuum tuárum recogitábam.
- 4 Expánde manus meas ad te,  
ánima mea sicut terra sine aqua tibi. R.
- 5 Velóciter exáudi me, Dómine;  
defécit spíritus meus.
- 6 Audítam fac mihi mane misericórdiam tuam,  
quia in te sperávi. R.
- 7 Doce me fácere beneplácitum tuum,  
quia Deus meus es tu.
- 8 Spíritus tuus bonus dedúcat me in terram rectam. R.



*Mors ultra non erit.***Lectio libri Apocalýpsis beáti Ioánnis apóstoli****21, 1-5 a. 6 b-7**

Ego Ioánnes vidi cælum novum et terram novam. Primum enim cælum et prima terra abiérunt, et mare iam non est. Et civitátem sanctam, Ierúsalem novam, vidi descendéntem de cælo a Deo, parátam sicut sponsam ornátam viro suo.

Et audívi vocem magnam de throno dicéntem: « Ecce tabernáculum Dei cum homínibus, et habitábit cum eis; et ipsi pópuli eius erunt, et ipse Deus cum eis erit eórum Deus; et abstérget omnem lácrimam ab óculis eórum, et mors ultra non erit, neque luctus neque clamor neque dolor erit ultra, quia prima abiérunt ».

Et dixit qui sedébat in throno: « Ecce nova fácio ómnia. Ego sum alpha et ómega, princípium et finis. Ego sitiénti dabo de fonte aquæ vivæ gratis. Qui vícerit hereditábit hæc, et ero illi Deus, et ille erit mihi fílius ».

Verbum Dómini.

**Psalmus responsorius****Ps 121, 1-2. 4-5. 6-7. 8-9 (R.: cf. 1)****R.** In domum Dómini lætántes íbimus.**vel** Allelúia.

Lætátus sum in eo quod dixérunt mihi:

« In domum Dómini íbimus ».

Stantes iam sunt pedes nostri

in portis tuis, Ierúsalem. **R.**

Illuc enim ascendérunt tribus, tribus Dómini,  
testimónium Israel, ad confiténdum nómini Dómini.

- <sup>5</sup> Quia illic sedérunt sedes ad iudícium,  
 sedes domus David. R.  
<sup>6</sup> Rogáte quæ ad pacem sunt Ierúsalem,  
 securi sint diligéntes te.  
<sup>7</sup> Fiat pax in muris tuis,  
 et securitas in túrribus tuis. R.  
<sup>8</sup> Propter fratres meos et próximos meos  
 loquar: « Pax in te! »  
<sup>9</sup> Propter domum Dómini Dei nostri  
 exquíram bona tibi. R.

## Lectio secunda

## 1

*Iustificati in sanguine ipsius, salvi erimus  
 ab ira per ipsum.*

Lectio Epístolæ beáti Pauli apóstoli ad Romános

Fratres:

5, 5-11

Spes non confúndit, quia caritas Dei diffúsa est in córdibus nostris per Spíritum Sanctum, qui datus est nobis. Adhuc enim Christus, cum adhuc infírmi essémus, secúndum tempus pro ímpiis mórtuus est. Vix enim pro iusto quis móritur; nam pro bono fórsitan quis et áudeat mori.

Comméndat autem suam caritátem Deus in nos, quóniam, cum adhuc peccatóres essémus, Christus pro nobis mórtuus est.

Multo igitur magis iustificáti in sánguine ipsius, salvi érimus ab ira per ipsum.

Si enim, cum inimíci essémus, reconciliáti sumus Deo per mortem Fílii eius, multo magis reconciliáti salvi érimus in vita ipsius. Non solum autem, sed et gloriámur

in Deo per Dóminum nostrum Iesum Christum, per quem nunc reconciliatiónem accépipimus.

Verbum Dómini.

## 2

*Ubi abundavit peccatum, superabundavit gratia.*

Léctio Epístolæ beáti Pauli apóstoli ad Romános

5, 17-21

Fratres:

Si uníus delicto mors regnavit per unum, multo magis qui abundántiam grátiae et donatiónis iustitiae accipiunt, in vita regnábunt per unum Iesum Christum.

Igitur, sicut per uníus delictum in omnes hómines in condemnatiónem, sic et per uníus iustitiam in omnes hómines in iustificatiónem vitæ.

Sicut enim per inobœdiéntiam uníus hóminis, peccatóres constitúti sunt multi, ita et per uníus obœditió-nem iusti constituéntur multi. Lex autem subintrávit ut abundáret delictum.

Ubi autem abundávit peccátum, superabundávit grátia; ut, sicut regnavit peccátum in morte, ita et grátia regnet per iustitiam in vitam ætérnam, per Iesum Christum Dóminum nostrum. — Verbum Dómini.

## 3

\*

*In novitate vitæ ambulemus.*

Léctio Epístolæ beáti Pauli apóstoli ad Romános 6, 3-9

Fratres:

Ignorátis quia quicúmque baptizáti sumus in Christo Iesu, in morte ipsíus baptizáti sumus? Consepúliti ergo sumus cum illo per baptísmum in mortem, ut, quem-

ádmóduꝃ suscitatúꝃ est Christus a mórtuis per glóriam Patris, ita et nos in novitatē vitæ ambulémus.

Si enim complantáti facti sumus similitúđini mortis eius, sed et resurrectiōnis érimus. Hoc sciéntes quia vetus homo noster simul crucifíxus est, ut destruátur corpus peccáti, et ultra non serviámus peccáto. Qui enim mórtuus est, iustificátus est a peccáto.

Si autem mórtui sumus cum Christo, crédimus quia simul étiam vivémus cum eo, sciéntes quod Christus suscitatúꝃ ex mórtuis iam non móritur, mors illi ultra non dominátur. — Verbum Dómini.

---

vel brevior

Léctio Epístolæ beáti Pauli apóstoli ad Romános

6, 3-4. 8-9

Fratres:

Ignorátis quia quicúmque baptizáti sumus in Christo Iesu, in morte ipsíus baptizáti sumus? Consepúlti ergo sumus cum illo per baptísmum in mortem, ut, quemádmóduꝃ suscitatúꝃ est Christus a mórtuis per glóriam Patris, ita et nos in novitatē vitæ ambulémus.

Si autem mórtui sumus cum Christo, crédimus quia simul étiam vivémus cum eo, sciéntes quod Christus suscitatúꝃ ex mórtuis iam non móritur, mors illi ultra non dominátur. — Verbum Dómini.

---

4

*Exspectantes redemptionem corporis nostri.*

Léctio Epístolæ beáti Pauli apóstoli ad Romános

8, 14-23

Fratres:

Quicúmque Spírítu Dei agúntur, hi fílii Dei sunt.

Non enim accepistis spiritum servitutis iterum in timorem, sed accepistis Spiritum adoptionis filiorum, in quo clamamus: « Abba, Pater ». Ipse Spiritus testimonium reddit una cum spiritu nostro, quod sumus filii Dei.

Si autem filii, et heredes: heredes quidem Dei, coheredes autem Christi; si tamen compatiimur, ut et conglorificemur.

Existimo enim quod non sunt condignae passionis huius temporis ad futuram gloriam, quae revelanda est in nobis. Nam expectatio creaturae revelationem filiorum Dei expectat.

Vanitati enim creatura subiecta est, non volens sed propter eum qui subiecit, in spe; quia et ipsa creatura liberabitur a servitute corruptionis in libertatem gloriae filiorum Dei.

Scimus enim quod omnis creatura congemiscit et comparturit usque adhuc. Non solum autem, sed et nos ipsi primitias Spiritus habentes, et ipsi intra nos gemimus adoptionem filiorum expectantes, redemptionem corporis nostri.

Verbum Domini.

## 5

*Quis nos separabit a caritate Christi?*

Lectio Epistolae beati Pauli apostoli ad Romanos

8, 31 b-35. 37-39

Fratres:

Si Deus pro nobis, quis contra nos? Qui Filio suo non pepercit, sed pro nobis omnibus tradidit illum, quomodo non etiam cum illo omnia nobis donabit?

Quis accusábit advérsus eléctos Dei? Deus qui iustificat. Quis est qui condémnet? Christus Iesus, qui mórtuus est, immo qui suscitátus est, qui et est ad dexteram Dei, qui étiam interpéllat pro nobis.

Quis nos separábit a caritaté Christi? tribulátio, an angústia, an persecútio, an fames, an núditas, an periculum, an gládus?

Sed in his ómnibus supervíncimus per eum qui dilexit nos. Certus sum enim quia neque mors neque vita, neque ángeli neque principátus, neque instántia neque futúra, neque virtútes, neque altitúdo neque profúndum, neque ália quælibet creatúra póterit nos separáre a caritaté Dei, quæ est in Christo Iesu Dómino nostro. — Verbum Dómini.

## 6

*Sive vivimus sive morimur, Domini sumus.*

Léctio Epístolæ beáti Pauli apóstoli ad Romános

14, 7-9. 10 b-12

Fratres:

Nemo nostrum sibi vivit, et nemo sibi móritur. Sive enim vívimus, Dómino vívimus; sive mórimur, Dómino mórimur: sive ergo vívimus sive mórimur, Dómini sumus. In hoc enim Christus et mórtuus est et vixit, ut et mortuórum et vivórum dominétur.

Omnes stábimus ante tribúnal Dei. Scriptum est enim: « Vivo ego, dicit Dóminus, mihi flectétur omne genu, et omnis lingua confitébitur Deo ».

Itaque unusquisque nostrum pro se ratiónem reddet Deo. — Verbum Dómini.

\*

*In Christo omnes vivificabuntur.*

**Lectio Epistolæ primæ beati Pauli apostoli  
ad Corinthios**

15, 20-24 a. 25-28

**Fratres:**

Nunc Christus resurrexit a mortuis, primitiæ dormientium; quoniam enim per hominem mors, et per hominem resurrectio mortuorum.

Sicut enim in Adam omnes moriuntur, ita et in Christo omnes vivificabuntur. Unusquisque autem in suo ordine: primitiæ Christus, deinde hi qui sunt Christi in adventu eius. Deinde finis, cum tradiderit Regnum Deo et Patri.

Opertet autem illum regnare, « donec ponat omnes inimicos sub pedibus eius ». Novissima autem inimica destruetur mors; « omnia enim subiicit sub pedibus eius ».

Cum autem dicat: « Omnia subiecta sunt », sine dubio præter eum qui subiicit ei omnia. Cum autem subiecta fuerint illi omnia, tunc ipse Filius subiectus erit illi, qui sibi subiicit omnia, ut sit Deus omnia in omnibus. — Verbum Domini.

vel brevior

**Lectio Epistolæ primæ beati Pauli apostoli  
ad Corinthios**

15, 20-23

**Fratres:**

Nunc Christus resurrexit a mortuis, primitiæ dormientium; quoniam enim per hominem mors, et per hominem resurrectio mortuorum.

Sicut enim in Adam omnes moriuntur, ita et in Christo omnes vivificabuntur. Unusquisque autem in

suo ordine: primitiæ Christus, deinde hi qui sunt Christi in adventu eius. — Verbum Dómini.

---

## 8

*Absorpta est mors in victoria.*

Lectio Epístolæ primæ beáti Pauli apóstoli  
ad Corínthios

15, 51-57

Fratres:

Ecce mystérium vobis dico: Non omnes quidem dormiémus, sed omnes immutábimur.

In moménto, in ictu óculi, in novíssima tuba; canet enim, et mórtui suscitabúntur incorrúpti, et nos immutábimur. Opórtet enim corruptibile hoc indúere incorruptélam, et mortále indúere immortalitátem.

Cum autem corruptibile hoc indúerit incorruptélam, et mortále hoc indúerit immortalitátem, tunc fiet sermo qui scriptus est: « Absórpta est mors in victória. Ubi est, mors, victória tua? ubi est, mors, stímulus tuus? »

Stímulus autem mortis peccátum est, virtus vero peccáti Lex. Deo autem grátias, qui dedit nobis victóriam per Dóminum nostrum Iesum Christum.

Verbum Dómini.

## 9

*Quæ videntur, temporalia sunt;  
quæ autem non videntur, æterna sunt.*

Lectio Epístolæ secúndæ beáti Pauli apóstoli  
ad Corínthios

4, 14 — 5, 1

Fratres:

Scimus quóniam qui suscitávit Dóminum Iesum,



et nos cum Iesu suscitabit, et constituet vobiscum. Omnia enim propter vos, ut grátia, abúndans per multos, gratiárum actiónem abundáre fáciat in glóriam Dei.

Propter quod non defícimus; sed, licet is qui foris est noster homo corrúmpitur, tamen is qui intus est noster renovátur de die in diem. Id enim, quod in præsénti est leve tribulatiónis nostræ, supra modum in sublimitátem ætérnum glóriæ pondus operátur nobis, non contemplántibus nobis quæ vidéntur, sed quæ non vidéntur: quæ enim vidéntur temporália sunt quæ autem non vidéntur ætérna sunt.

Scimus enim quóniam, si terréstris domus nostra huius tabernáculi dissolvátur, ædificatiónem ex Deo habémus, domum non manufactam, ætérnam in cælis. — Verbum Dómini.

## 10

*Habemus domum æternam in cælis.*

Léctio Epístolæ secúndæ beáti Pauli apóstoli  
ad Corinthios

5, 1. 6-10

Fratres:

Scimus quóniam, si terréstris domus nostra huius tabernáculi dissolvátur, ædificatiónem ex Deo habémus, domum non manufactam, ætérnam in cælis.

Audéntes igitur semper, et sciéntes quóniam, dum præséntes sumus in corpore, peregrinámur a Dómino (per fidem enim ambulámus et non per spéciem), audémus autem et bonam voluntátem habémus magis peregrinári a corpore et præséntes esse ad Dóminum. Et ideo conténdimus, sive præséntes sive abséntes, placére illi.

Omnes enim nos manifestári oportet ante tribúnal Christi, ut réferat unusquisque pro eis quæ per corpus gessit, sive bonum sive malum. — Verbum Dómini.

## 11

*Transfigurabit corpus humilitatis nostræ,  
conforme fieri corpori gloriæ suæ.*

Léctio Epístolæ beáti Pauli apóstoli ad Philippénes

3, 20-21

Fratres:

Noster municipátus in cælis est, unde étiam Salvatórem exspectámus Dóminum Iesum Christum, qui transfigurábit corpus humilitátis nostræ, conforme fieri córpori glóriæ suæ, secúndum operatióem, qua possit étiam subícere sibi ómnia. — Verbum Dómini.

## 12

*Semper cum Domino erimus.*

Léctio Epístolæ primæ beáti Pauli apóstoli  
ad Thessalonicénes

4, 13-14. 17 b-18

Nólumus vos ignoráre, fratres, de dormiéntibus, ut non contristémini, sicut et céteri qui spem non habent.

Si enim crédimus quod Iesus mórtuus est et resurréxit, ita et Deus eos qui dormiérunt per Iesum addúcet cum eo.

Et sic semper cum Dómino érimus. Itaque consolámini ínvicem in verbis istis.

Verbum Dómini.

## 13

*Si commortui sumus, et convivemus.*

Léctio Epístolæ secúndæ beáti Pauli apóstoli  
ad Timótheum 2, 8-13

**Caríssime:**

Memor esto Iesum Christum resuscitátum esse a mórtuis, ex sémine David, secúndum Evangélium meum, in quo labóro usque ad víncula quasi male óperans; sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Iesu, cum glória æténa.

Fidélis sermo; nam, si commórtui sumus, et convivémus; si sustinémus, et conregnábimus; si negábitur, et ille negábit nos; si non crédimus, ille fidélis manet: negáre enim seípsum non potest.

Verbum Dómini.

## 14

*Videbimus eum sicuti est.*

Léctio Epístolæ primæ beáti Ioánnis apóstoli 3, 1-2

**Caríssimi:**

Vidéte qualem caritátem dedit nobis Pater, ut filii Dei nominémur: et sumus! Propter hoc mundus non cognóscit nos, quia non cognóvit eum.

Caríssimi, nunc filii Dei sumus, et nondum manifestum est quid érimus. Scimus quóniam, cum ipse apparúerit, símiles ei érimus; quóniam vidébitur eum sicuti est. — Verbum Dómini.

## 15

*Transivimus de morte in vitam,  
quoniam diligimus fratres.*

Lectio Epistolæ primæ beati Ioannis apostoli 3, 14-16

Carissimi:

Nos scimus quoniam transivimus de morte in vitam, quoniam diligimus fratres. Qui non diligit manet in morte. Omnis qui odit fratrem suum homicida est, et scitis quoniam omnis homicida non habet vitam æternam in se manentem.

In hoc novimus caritatem: quoniam ille pro nobis animam suam posuit, et nos debemus pro fratribus animas ponere. — Verbum Domini.

## Evangelium

## 1

Alleluia et Versus ante Evangelium Mt 25, 34

(R. Alleluia). *γ. Venite, benedicti Patris mei,  
dicit Dominus;  
possidete paratum vobis Regnum  
a constitutione mundi.* (R. Alleluia).

*Gaudete et exultate, quoniam merces vestra  
copiosa est in caelis.*

✠ Lectio sancti Evangelii secundum Matthæum  
5, 1-12 a

In illo tempore:

Videns Iesus turbas ascendit in montem, et, cum

sedisset, accesserunt ad eum discipuli eius, et aperiens os suum docebat eos dicens:

« Beati pauperes spiritu, quoniam ipsorum est Regnum caelorum.

Beati qui lugent, quoniam ipsi consolabuntur.

Beati mites, quoniam ipsi possidebunt terram.

Beati qui esuriunt et sitiunt iustitiam, quoniam ipsi saturabuntur.

Beati misericordes, quia ipsi misericordiam consequentur.

Beati mundo corde, quoniam ipsi Deum videbunt.

Beati pacifici, quoniam filii Dei vocabuntur.

Beati qui persecutionem patiuntur propter iustitiam, quoniam ipsorum est Regnum caelorum.

Beati estis, cum maledixerint vobis, et persecuti vos fuerint, et dixerint omne malum adversum vos, mentientes, propter me: gaudete et exultate, quoniam merces vestra copiosa est in caelis ».

Verbum Domini.

## 2

Alleluia et Versus ante Evangelium Cf. Mt 11, 25

(R. Alleluia). *γ.* Benedictus es, Pater,  
 Domine caeli et terrae,  
 quia mysteria Regni parvulis revelasti.  
 (R. Alleluia).

*Venite ad me, ... et ego reficiam vos.*

✠ Lectio sancti Evangelii secundum Matthaeum

11, 25-30

In illo tempore, respondens Iesus dixit: « Confiteor tibi, Pater, Domine caeli et terrae, quia abscondisti haec a sapientibus et prudentibus, et revelasti ea parvulis.

Ita, Pater, quóniam sic fuit plácitum ante te. Omnia mihi trádicta sunt a Patre meo; et nemo novit Fílium, nisi Pater; neque Patrem quis novit, nisi Fílius, et cui volúerit Fílius reveláre.

Veníte ad me, omnes qui laborátis et oneráti estis, et ego reficiam vos.

Tóllite. iugum meum super vos, et díscite a me quia mitis sum et húmilis corde; et " inveniétis réquiem animábus vestris "; iugum enim meum suáve, et onus meum leve est ». — Verbum Dómini.

## 3

Alleluia et Versus ante Evangelium Phil 3, 20

(*R.* Allelúia). *V.* Conversátio nostra in cælis est,  
unde étiam Salvatórem exspectámus,  
Dóminum nostrum Iesum Christum.  
(*R.* Allelúia).

*Ecce Sponsus, exite obviam ei.*

✠ Lécitio sancti Evangélii secúndum Matthæum 25, 1-13

In illo témpore:

Dixit Iesus discíplis suis parábolam hanc: « Símile erit Regnum cælorum decem virgínibus, quæ, accipiéntes lámpades suas, exiérunt óbviám sponso. Quinque autem ex eis erant fátuæ et quinque prudéntes; fátuæ enim accéptis lampádibus suis non sumpserunt óleum secum; prudéntes vero accepérunt óleum in vasis cum lampádibus suis.

Moram autem faciénte sponso, dormitavérunt omnes et dormiérunt.

Média autem nocte clamor factus est: "Ecce sponsus, exíte óbviám ei". Tunc surrexérunt omnes vírgines illæ et ornavérunt lámpades suas.

Fátuæ autem sapiéntibus dixerunt: "Date nobis de óleo vestro, quia lámpades nostræ exstinguúntur".

Respondérunt prudéntes dicéntes: "Ne forte non sufficiat nobis et vobis, ite pótius ad vendéntes et émite vobis".

Dum autem irent émere, venit sponsus, et quæ parátæ erant intravérunt cum eo ad núptias, et clausa est iánua.

Novíssime autem véniunt et réliquæ vírgines dicéntes: "Dómine, Dómine, áperi nobis". At ille respóndens ait: "Amen dico vobis, nésco vos".

Vigiláte itaque, quia nescítis diem neque horam ».   
 Verbum Dómini.

## 4

Alleluia et Versus ante Evangelium Mt 25, 34

(**℞.** Allelúia). **γ.** Veníte, benedícti Patris mei,  
dicit Dóminus;  
possidéte parátum vobis Regnum  
a constitutióne mundi. (**℞.** Allelúia).

*Venite, benedicti Patris mei.*

✠ Lécio sancti Evangélii secúndum Matthæum

25, 31-46

In illo témpore:

Dixit Iesus discíplis suis: « Cum vénerit Fílius hóminis in glória sua, et omnes ángeli cum eo, tunc sedébit super thronum glóriæ suæ. Et congregabúntur ante eum omnes gentes; et separábit eos ab ívicem,

sicut pastor ségregat oves ab hædis, et státuet oves quidem a dextris suis, hædos autem a sinistris.

Tunc dicet Rex his qui a dextris eius erunt: " Veníte, benedícti Patris mei, possidéte parátum vobis Regnum a constitutióne mundi. Esurívi enim, et dedístis mihi manducáre; sitívi, et dedístis mihi bíbere; hospes eram, et collegístis me; nudus, et operuístis me; infirmus, et visitástis me; in cárcere eram, et venístis ad me ".

Tunc respondébunt ei iusti dicéntes: " Dómine, quando te vídimus esuriéntem et pávimus, aut sitiéntem et dedimus tibi potum? quando autem te vídimus hóspitem et collégimus, aut nudum et cooperúimus? quando autem te vídimus infirmum aut in cárcere et vénimus ad te? "

Et respóndens Rex dicet illis: " Amen dico vobis, quámdiu fecístis uni de his frátribus meis mínimis, mihi fecístis ".

Tunc dicet et his qui a sinistris erunt: " Discédite a me, maledícti, in ignem ætérnum, qui præparátus est diabolo et ángelis eius. Esurívi enim, et non dedístis mihi manducáre; sitívi, et non dedístis mihi potum; hospes eram, et non collegístis me; nudus, et non operuístis me; infirmus et in cárcere, et non visitástis me ".

Tunc respondébunt et ipsi dicéntes: " Dómine, quando te vídimus esuriéntem aut sitiéntem aut hóspitem aut nudum aut infirmum vel in cárcere, et non ministrávimus tibi? "

Tunc respondébit illis dicens: " Amen dico vobis, quámdiu non fecístis uni de mínimis his, nec mihi fecístis ".

Et ibunt hi in supplicium ætérnum, iusti autem in vitam ætérnam ». — Verbum Dómini.



## 5

Alleluia et Versus ante Evangelium Io 11, 25 a. 26 b

(R. Allelúia). *γ*. Ego sum resurrectio et vita,  
dicit Dóminus;  
qui credit in me,  
non moriétur in ætérnum.  
(R. Allelúia).

*Adulescens, tibi dico: surge.*

✠ Lécio sancti Evangélii secúndum Lucam 7, 11-17

In illo témpore:

Abiit Iesus in civitátem, quæ vocátur Naim, et ibant cum illo discípuli eius et turba copiósa.

Cum autem appropinquáret portæ civitátis, ecce defúnctus efferebátur fílius únicus matris suæ; et hæc vídua erat, et turba civitátis multa cum illa.

Quam cum vidisset Dóminus, misericórdia motus super ea, dixit illi: « Noli flere ».

Et accessit et tétigit lóculum. Hi autem qui portábant steterunt.

Et ait: « Adulescens, tibi dico: surge ». Et resédit qui erat mórtuus; et cœpit loqui, et dedit illum matri suæ.

Accépit autem omnes timor, et magnificábant Deum dicétes: « Prophéta magnus surrêxit in nobis » et « Deus visitávit plebem suam ». Et éxiit hic sermo in univérsam Iudæam de eo, et omnem circa regiónem.

Verbum Dómini.

## 6

Alleluia et Versus ante Evangelium Phil 3, 20

(R. Allelúia). γ. **Conversátio nostra in cælis est,  
unde étiam Salvatórem exspectámus,  
Dóminum nostrum Iesum Christum.**  
(R. Allelúia).

*Et vos estote parati.*

✠ **Léctio sancti Evangélíi secúndum Lucam 12, 35-40**

**In illo témpore:**

Dixit Iesus discipulis suis: «**Sint lumbi vestri præcincti, et lucernæ ardéntes, et vos símiles homínibus exspectántibus dóminum suum, quando revertátur a nuptiis; ut, cum vénerit et pulsáverit, conféstim apé-riant ei.**

Beáti servi illi, quos, cum vénerit dóminus, invénerit vigilántes; amen dico vobis, quod præcinget se, et fáciat illos discumbere, et tránsiens ministrábit illis.

Et si vénerit in secúnda vigília, et si in tértia vigília vénerit, et ita invénerit, beáti sunt illi. Hoc autem scitóte quia, si sciret paterfamilias qua hora fur veníret, non síneret perfodíri domum suam.

Et vos estóte paráti, quia qua hora non putátis Ffilius hóminis venit ». — Verbum Dómini.

## 7

Alleluia et Versus ante Evangelium Ap 14, 13

(R. Allelúia). γ. **Beáti mórtui, qui in Dómino moriúntur:**

**requiéscant a labóribus suis;**

**ópera enim illórum sequúntur illos.**

(R. Allelúia).

*Hodie mecum eris in paradiso.*

✠ Lécio sancti Evangélii secúndum Lucam

23, 33. 39-43

Postquam venérunt mílites in locum qui vocátur Calváriæ, ibi crucifixerunt Iesum et latrónes, unum a dextris et álterum a sinístris.

Unus autem de his qui pendébant latrónibus blasphemábat eum dicens: « Nonne tu es Christus? salvum fac temetípsum et nos ».

Respóndens autem alter increpábat illum, dicens: « Neque tu times Deum, quod in eádem damnatióne es? Et nos quidem iuste, nam digna factis recípiamus; hic vero nihil mali gessit ».

Et dicébat: « Iesu, meménto mei cum véneris in Regnum tuum ».

Et dixit illi Iesus: « Amen dico tibi: Hódie mecum eris in paradiso ». — Verbum Dómini.

8

Alleluia et Versus ante Evangelium

Ap 1, 5-6

(R. Allelúia). ꝛ. Iesus Christus

est primogénitus mortuórum;  
ipsi glória et impérium  
in sácula sæculórum. Amen.

(R. Allelúia).

\* *Pater, in manus tuas commendo spiritum meum.*

✠ Lécio sancti Evangélii secúndum Lucam

23, 44-46. 50. 52-53; 24, 1-6 a

Erat fere hora sexta, et ténebræ factæ sunt in uni-

vérſa terra usque in horam nonam. Et obscurátus est sol, et velum templi scissum est médium.

Et clamans voce magna Iesus ait: « Pater, in manus tuas comméndo spíritum meum ». Et hæc dicens exspirávit.

Et ecce vir, nómine Ioseph, qui erat decúrio, vir bonus et iustus, accéssit ad Pilátum et pétiit corpus Iesu; et depósitum invólvit síndone et pósuit eum in monuménto excíso, in quo nondum quisquam pósitus fúerat.

Prima autem sabbatórum, valde dilúculo, venérunt mulieres ad monuméntum, portántes quæ paráverant arómata, et invenérunt lápidem revolútum a monuménto. Et ingressæ non invenérunt corpus Dómini Iesu.

Et factum est, dum mente hæsitárent de isto, ecce duo viri stetérunt secus illas in veste fulgénti.

Cum timérent autem et declinárent vultum in terram, dixerunt ad illas: « Quid quæritis vivéntem cum mórtuis? Non est hic, sed surréxit ».

Verbum Dómini.

vel brevior

✠ Lécio sancti Evangélii secúndum Lucam

23, 44-46. 50. 52-53

Erat fere hora sexta, et ténebræ factæ sunt in univérſa terra usque in horam nonam. Et obscurátus est sol, et velum templi scissum est médium.

Et clamans voce magna Iesus ait: « Pater, in manus tuas comméndo spíritum meum ». Et hæc dicens exspirávit.

Et ecce vir, nómine Ioseph, qui erat decúrio, vir

bonus et iustus, accessit ad Pilátum et pétiit corpus Iesu; et depósitum invólvit síndone et pósuit eum in monuménto excíso, in quo nondum quisquam pósitus fúerat. — Verbum Dómini.

---

## 9

Alleluia et Versus ante Evangelium Io 3, 16

(R. Allelúia). γ. Sic Deus diléxit mundum  
 ut Fílium suum unigénitum daret;  
 omnis qui credit in eum  
 habet vitam ætérnam.  
 (R. Allelúia).

\* *Nonne hæc oportuit pati Christum,  
 et intrare in gloriam suam?*

✠ Lécio sancti Evangélii secúndum Lucam 24, 13-35

Ecce duo ex discíplis Iesu íbant ipsa die prima sábbati in castéllum, quod erat in spátio stadiórum sexagínta ab Ierúsalem, nómine Emmaus. Et ipsi loquebántur ad ínvicem de his ómnibus quæ accíderant. Et factum est, dum fabularéntur et secum quærerent, et ipse Iesus appropínquans íbat cum illis; óculi autem illórum tenebántur, ne eum agnóscerent.

Et ait ad illos: « Qui sunt hi sermónes, quos confértis ad ínvicem ambulántes? » Et steterunt tristes.

Et respóndens unus, cui nomen Cléopas, dixit ei: « Tu solus peregrínus es in Ierúsalem, et non cognovísti quæ facta sunt in illa his diébus? »

Quibus ille dixit: « Quæ? »

Et illi dixerunt ei: « De Iesu Nazaréno, qui fuit vir prophéta, potens in ópere et sermóne coram Deo et omni pópulo, et quómo do eum tradiderunt summi sacerdótes et príncipes nostri in damnatió nem mortis, et crucifixerunt eum.

Nos autem sperabá mus quia ipse esset redemptúrus Israel; at nunc super hæc ómnia tértia dies hódie quod hæc facta sunt.

Sed et mulieres quædam ex nostris terruérunt nos; quæ ante lucem fuérunt ad monuméntum et, non invénto corpore eius, venérunt dicétes se étiam visió nem angelórum vidisse, qui dicunt eum vívere. Et abiérunt quidam ex nostris ad monuméntum, et ita invenérunt sicut mulieres dixerunt, ipsum vero non vidérunt ».

Et ipse dixit ad eos: « O stulti et tardi corde ad credéndum in ómnibus quæ locúti sunt prophétæ! Nonne hæc opórtuit pati Christum, et intráre in glóriam suam? »

Et incípiens a Móyse et ómnibus prophétis, interpretabátur illis in ómnibus Scriptúris, quæ de ipso erant.

Et appropinquavérunt castéllo quo ibant, et ipse se finxit lóngius ire. Et coegerunt illum dicétes: « Mane nobíscum, quóniam advesperáscit, et inclináta est iam dies ». Et intrávit ut manéret cum illis.

Et factum est, dum recumberet cum illis, accépit panem, et benedíxit ac fregit, et porrigébat illis. Et apérti sunt óculi eórum, et cognovérunt eum; et ipse evánuit ab eis.

Et dixerunt ad ínvicem: « Nonne cor nostrum ardens erat in nobis dum loquerétur in via et aperíret nobis Scriptúras? » Et surgétes eádem hora regréssi sunt in Ierúsalem; et invenérunt congregátos Undecim et eos qui cum ipsis erant, dicétes: « Surréxit Dóminus vere et apparuit Simóni ».

Et ipsi narrábant quæ gesta erant in via, et quómodo cognóverunt eum in fractióne panis.

Verbum Dómini.

---

vel brevior

✠ Lécio sancti Evangélii secúndum Lucam

24, 13-16. 28-35

Ecce duo ex discipulis Iesu ibant ipsa die prima sábbati in castéllum, quod erat in spátio stadiórum sexagínta ab Ierúsalem, nómine Emmaus. Et ipsi loquebántur ad ínvicem de his ómnibus quæ accíderant. Et factum est, dum fabularéntur et secum quærerent, et ipse Iesus appropínquans ibat cum illis; óculi autem illórum tenebántur, ne eum agnóscerent.

Et appropinquavérunt castélló quo ibant, et ipse se finxit lóngius ire. Et coegerunt illum dicétes: « Mane nobíscum, quóniam advesperáscit, et inclináta est iam dies ». Et intrávit ut manéret cum illis.

Et factum est, dum recúmberet cum illis, accépit panem, et benedíxit ac fregit, et porrigébat illis. Et apérti sunt óculi eórum, et cognóverunt eum; et ipse evánuit ab eis.

Et dixérunt ad ínvicem: « Nonne cor nostrum ardens erat in nobis dum loquerétur in via et aperíret nobis Scriptúras? » Et surgétes eádem hora regréssi sunt in Ierúsalem; et invenérunt congregátos Undecim et eos qui cum ipsis erant, dicétes: « Surréxit Dóminus vere et appáruit Simóni ».

Et ipsi narrábant quæ gesta erant in via, et quómodo cognóverunt eum in fractióne panis.

Verbum Dómini.

---

## 10

Alleluia et Versus ante Evangelium Mt 25, 34

(R. Allelúia). *ꝛ*. Veníte, benedícti Patris mei,  
dicit Dóminus;  
possidéte parátum vobis Regnum  
a constitutióne mundi. (R. Allelúia).

*Qui verbum meum audit et credit,  
... transit a morte in vitam.*

✠ Lécio sancti Evangélii secúndum Ioánnem 5, 24-29

In illo témpore:

Respóndit Iesus Iudéis: « Amen, amen dico vobis:  
Qui verbum meum audit, et credit ei qui misit me, ha-  
bet vitam ætérnam, et in iudícium non venit, sed tráns-  
iit a morte in vitam.

Amen, amen dico vobis: Venit hora, et nunc est,  
quando mórtui áudient vocem Filii Dei, et qui audierint  
vivent. Sicut enim Pater habet vitam in semetípso, sic  
dedit et Fílio vitam habére in semetípso, et potestátem  
dedit ei iudícium fácere, quia Fílius hóminis est.

Nolíte mirári hoc, quia venit hora, in qua omnes qui  
in monuméntis sunt, áudient vocem eius; et procédent  
qui bona fecérunt in resurrectiόνem vitæ, qui vero mala  
egérunt in resurrectiόνem iudícii ». — Verbum Dómini.

## 11

Alleluia et Versus ante Evangelium Io 6, 39

(R. Allelúia). *ꝛ*. Hæc est volúntas Patris mei,  
ut omne, quod dedit mihi,  
non perdam ex eo,  
sed resúscitem illud in novíssimo die,  
dicit Dóminus. (R. Allelúia).



*Qui credit in Filium habet vitam æternam,  
et resuscitabo ego eum in novissimo die.*

✠ **Lectio sancti Evangelii secundum Ioánnem 6, 37-40**

In illo tẽpore:

Dixit Iesus turbis: « Omne, quod dat mihi Pater, ad me vėniet; et eum, qui venit ad me, non eiciam foras. Quia descėndi de cœlo, non ut ficiam voluntatem meam, sed voluntatem eius qui misit me. Hęc est autem voluntas eius, qui misit me, ut omne quod dedit mihi non perdam ex eo, sed resuscitem illud in novissimo die.

Hęc est enim voluntas Patris mei, ut omnis qui videt Filium et credit in eum, habeat vitam æternam; et resuscitabo ego eum in novissimo die ».

Verbum Dómini.

12

**Alleluia et Versus ante Evangelium Io 6, 51-52**

(**Ꝁ.** Allelúia). **ꝥ.** Ego sum panis vivus,  
qui de cœlo descėndi, dicit Dóminus;  
si quis manducáverit ex hoc pane,  
vivet in ætérnum. (**Ꝁ.** Allelúia).

*Qui manducat hunc panem habet vitam æternam,  
et ego resuscitabo eum in novissimo die.*

✠ **Lectio sancti Evangelii secundum Ioánnem 6, 51-59**

In illo tẽpore:

Dixit Iesus turbis: « Ego sum panis vivus, qui de cœlo descėndi. Si quis manducáverit ex hoc pane, vivet in ætérnum, panis autem quem ego dabo, caro mea est pro mundi vita ».

Litigábant ergo Iudæi ad invicem dicétes: « Quómodo potest hic nobis carnem suam dare ad manducándum? »

Dixit ergo eis Iesus: « Amen, amen dico vobis: Nisi manducavéritis carnem Fílii hóminis et bibéritis eius sánguinem, non habéitis vitam in vobismetípsis.

Qui mandúcat meam carnem et bibit meum sánguinem habet vitam ætérnam, et ego resuscitábo eum in novíssimo die.

Caro enim mea verus est cibus, et sanguis meus verus est potus. Qui mandúcat meam carnem et bibit meum sánguinem in me manet, et ego in illo. Sicut misit me vivens Pater, et ego vivo propter Patrem, et qui mandúcat me, et ipse vivet propter me.

Hic est panis qui de cælo descéndit. Non sicut manducavérunt patres et mórtui sunt.

Qui mandúcat hunc panem vivet in ætérnum ».

Verbum Dómini.

## 13

Alleluia et Versus ante Evangelium Io 11, 25 a. 26 b

(R. Allelúia). V. Ego sum resurrectio et vita,

dicit Dóminus;

qui credit in me,

non moriétur in ætérnum.

(R. Allelúia).

\*

*Ego sum resurrectio et vita.*

✠ Lécio sancti Evangélli secúndum Ioánnem

11, 17-27

In illo témpore:

Venit Iesus Bethániam, et invénit Lázarum quáttuor dies iam in monuménto habéntem. Erat autem Be-

thánia iuxta Hierosólymam quasi stádiis quíndecim. Multi autem ex Iudáeis vénerant ad Martham et Mariam, ut consolaréntur eas de fratre.

Martha ergo, ut audívit quia Iesus venit, occúrrit illi; María autem domi sedébat.

Dixit ergo Martha ad Iesum: « Dómine, si fuísses hic, frater meus non esset mórtuus; sed et nunc scio quia quaecúmque popósceris a Deo dabit tibi Deus ».

Dicit illi Iesus: « Resúrget frater tuus ».

Dicit ei Martha: « Scio quia resúrget in resurrectione, in novíssimo die ».

Dixit ei Iesus: « Ego sum resurréctio et vita; qui credit in me, et si mórtuus fúerit, vivet, et omnis qui vivit et credit in me non moriétur in ætérnum. Cre-dis hoc? »

Ait illi: « Utique, Dómine; ego crédidi quia tu es Christus Fílius Dei, qui in mundum venísti ».

Verbum Dómini.

vel brevior

✠ Lécio sancti Evangéllii secúndum Ioánnem

11, 21-27

In illo témpore:

Dixit Martha ad Iesum: « Dómine, si fuísses hic, frater meus non esset mórtuus; sed et nunc scio quia quaecúmque popósceris a Deo, dabit tibi Deus ».

Dicit illi Iesus: « Resúrget frater tuus ».

Dicit ei Martha: « Scio quia resúrget in resurrectione, in novíssimo die ».

Dixit ei Iesus: « Ego sum resurréctio et vita; qui credit in me, et si mórtuus fúerit, vivet, et omnis qui vivit et credit in me non moriétur in ætérnum. Cre-dis hoc? »

Ait illi: « Utique, Dómine; ego crédidi quia tu es Christus Fílius Dei, qui in mundum venísti ».

Verbum Dómini.

## 14

Alleluia et Versus ante Evangelium Io 3, 16

(R. Allelúia). γ. Sic Deus diléxit mundum  
ut Fílium suum unigénitum daret;  
omnis qui credit in eum  
habet vitam ætérnam.

(R. Allelúia).

*Lazare, veni foras.*

✠ Lécio sancti Evangélii secúndum Ioánnem

11, 32-45

In illo témpore:

Cum venísset María, soror Lázari, ubi erat Iesus, videns eum cécidit ad pedes eius, dicens ei: « Dómine, si fuisses hic, non esset mórtuus frater meus ».

Iesus ergo, ut vidit eam plorántem et Iudæos, qui vénerant cum ea, plorántes, frémitu spírítu et turbávit seípsum, et dixit: « Ubi posuístis eum? »

Dicunt ei: « Dómine, veni et vide ». Lacrimátus est Iesus.

Dicébant ergo Iudæi: « Ecce quómodo amábat eum! »

Quidam autem dixerunt ex ipsis: « Non póterat hic, qui apéruit óculos cæci, fácere ut et hic non moreretur? »

Iesus ergo rursum fremens in semetípso venit ad monuméntum. Erat autem spelúnca, et lapis superpósitus erat ei.

Ait Iesus: « Tóllite lápidem ». Dicit ei Martha, so-

ror eius qui mórtuus fúerat: « Dómine, iam fetet, quadriduánus enim est ».

Dicit ei Iesus: « Nonne dixi tibi quóniam, si creddíderis, vidébis glóriam Dei? »

Tulérunt ergo lápidem; Iesus autem, elevátis sursum óculis, dixit: « Pater, grátias ago tibi quóniam audísti me. Ego autem sciébam quia semper me audis; sed propter pópulum, qui circúmstat, dixi, ut credant quia tu me misísti ».

Et hæc cum dixisset, voce magna clamávit: « Lázare, veni foras ». Pródiit qui fúerat mórtuus ligátus pedes et manus íntitis, et fácies illius sudário erat ligáta.

Dicit Iesus eis: « Sólvite eum et sínite eum abire ».

Multi ergo ex Iudáeis, qui vénerant ad Mariám et viderant quæ fecit, credidérunt in eum.

Verbum Dómini.

## 15

Alleluia et Versus ante Evangelium Ap 14, 13

(R. Allelúia). *γ.* Beáti mórtui, qui in Dómino  
moriúntur:  
requiéscant a labóribus suis;  
ópera enim illórum sequúntur illos.  
(R. Allelúia).

\* *Si granum frumenti mortuum fuerit,  
multum fructum affert.*

✠ Lécitio sancti Evangélli secúndum Ioánnem  
12, 23-28

In illo témpore:

Dixit Iesus discíplis suis: « Venit hora ut glori-

ficétur Fílius hóminis. Amen, amen dico vobis: Nisi granum fruménti cadens in terram mórtuum fúerit, ipsum solum manet; si autem mórtuum fúerit, multum fructum affert.

Qui amat ánimam suam perdit eam, et qui odit ánimam suam in hoc mundo, in vitam ætérnam custódiat eam. Si quis mihi ministrat, me sequátur; et, ubi sum ego, illic et míster meus erit. Si quis mihi ministráverit, honorificábit eum Pater.

Nunc ánima mea turbáta est. Et quid dicam? Pater, salvífica me ex hora hac? Sed proptérea veni in horam hanc. Pater, glorífica tuum Nomen ».

Venit ergo vox de cælo: « Et glorificávi, et íterum glorificábo ». — Verbum Dómini.

vel brevior

✠ Lécio sancti Evangéllii secúndum Ioánnem

12, 23-26

In illo témpore:

Dixit Iesus discíplis suis: « Venit hora ut glorificétur Fílius hóminis. Amen, amen dico vobis: Nisi granum fruménti cadens in terram mórtuum fúerit, ipsum solum manet; si autem mórtuum fúerit, multum fructum affert.

Qui amat ánimam suam perdit eam, et qui odit ánimam suam in hoc mundo, in vitam ætérnam custódiat eam Si quis mihi ministrat, me sequátur; et, ubi sum ego, illic et míster meus erit. Si quis mihi ministráverit, honorificábit eum Pater.

Verbum Dómini.

## 16

Alleluia et Versus ante Evangelium Io 6, 40

(R. Allelúia). *γ.* Hæc est volúntas Patris mei,  
 ut omnis qui credit in me  
 hábeat vitam ætérnam,  
 et ego resuscitábo eum in novíssimo die,  
 dicit Dóminus. (R. Allelúia).

*In domo Patris mei mansiones multæ sunt.*

✠ Lécio sancti Evangélii secúndum Ioánnem 14, 1-6

In illo témpore:

Dixit Iesus discipulis suis: « Non turbétur cor vestrum. Créditis in Deum, et in me créдите. In domo Patris mei mansiones multæ sunt. Si quo minus dixissem vobis, quia vado paráre vobis locum?

Et, si abíero et præparávero vobis locum, íterum vénio et accípíam vos ad meípsum, ut, ubi sum ego, et vos sitis. Et quo ego vado, scitis viam ».

Dicit ei Thomas: « Dómine, nescímus quo vadis, et quómo modo póssumus viam scire? »

Dicit ei Iesus: « Ego sum via et vérítas et vita. Nemo venit ad Patrem, nisi per me ». — Verbum Dómini.

## 17

Alleluia et Versus ante Evangelium Io 6, 39

(R. Allelúia). *γ.* Hæc est volúntas Patris mei,  
 ut omne, quod dedit mihi,  
 non perdam ex eo,  
 sed resúscitem illud in novíssimo die,  
 dicit Dóminus. (R. Allelúia).

*Volo ut, ubi ego sum, et illi sint mecum.*

✠ Lécio sancti Evangélii secúndum Ioánnem  
17, 24-26

In illo témpore:

Sublevátis Iesus óculis in cælum, orávit dicens: « Pater, quod dedísti mihi, volo ut, ubi ego sum, et illi sint mecum, ut videant glóriam meam, quam dedísti mihi; quia dilexísti me ante constitutióem mundi.

Pater iuste, et mundus te non cognóvit; ego autem te cognóvi, et hi cognóverunt quia tu me misísti. Et notum feci eis Nomen tuum et notum fáciam, ut dilectio, qua dilexísti me, in ipsis sit, et ego in ipsis ».

Verbum Dómini.

18

Alleluia et Versus ante Evangelium Io 11, 25 a. 26 b

(R. Allelúia). γ. Ego sum resurréctio et vita,  
dicit Dóminus;  
qui credit in me,  
non moriétur in ætérnum.  
(R. Allelúia).

*Inclinato capite, tradidit spiritum.*

✠ Lécio sancti Evangélii secúndum Ioánnem  
19, 17-18. 25-30

In illo témpore:

Báiulans sibi crucem, exívit Iesus in eum qui dicitur Calváriæ locum, quod hebráice dicitur Gólgotha, ubi eum crucifixerunt; et cum eo álios duos, hinc et hinc, médium autem Iesum.

Stabant autem iuxta crucem Iesu mater eius, et soror matris eius María Cléopæ, et María Magdaléne.



Cum vidisset ergo Iesus matrem et discipulum stantem quem diligebat, dicit matri: « Mulier, ecce filius tuus »; deinde dicit discipulo: « Ecce mater tua ».

Et ex illa hora accepit eam discipulus in sua.

Postea sciens Iesus quia iam omnia consummata sunt, ut consummaretur Scriptura, dicit: « Sitio ». Vas positum erat aceto plenum; spongiam ergo plenam aceto hyssopo circumponentes obtulerunt ori eius. Cum ergo accepisset Iesus acetum, dixit: « Consummatum est ».

Et, inclinato capite, tradidit spiritum.

Verbum Domini.

## V. IN EXSEQUIIS PARVULORUM

### A. In exsequiis parvuli baptizati

1

**Ant. ad introitum**

**Mt 25, 34**

Veníte, benedícti Patris mei, dicit Dóminus:  
percípíte regnum, quod vobis parátum est  
ab origine mundi (**T.P. allelúia**).

**Collecta**

Clementíssime Deus, qui sapiéntiæ tuæ consíliis  
hunc párvulum, in ipso vitæ límine, ad te vocásti,  
preces nostras benígnus exáudi, et præsta,  
ut cum ipso,  
quem baptismatis grátia adoptiónis tibi filium effecísti,  
et in regno tuo iam crédimus commorári,  
nos étiam ætérnæ vitæ tríbuas esse aliquándo consórtes.  
Per Dóminum.

**Lectiones ut infra, pp. 1808-1817.**

**Super oblata**

Hæc múnera, tibi, Dómine, obláta sanctífica,  
ut, quem paréntes a te donátum tibi reddunt infántem,  
ipsum læti in regno tuo mereántur amplécti.  
Per Christum.

**Præfatio de defunctis, pp. 651-655.**

**Ant. ad communionem**

**Cf. Rom 6, 4. 8**

Consepúlti cum Christo per baptísmum in mortem,  
crédimus  
quia simul étiam vivémus cum Christo (**T.P. allelúia**).

Post communionem

Córpōris, Dómine,  
et Sánguīnis Fílii tui communióne percépta,  
te fidéliter deprecámur,  
ut, quos in spem vitæ ætérnæ  
sacris dignátus es nutrīre mystériis,  
in huius trībuas vitæ mæroribus confortári.  
Per Christum.

## 2. Allæ orationes

Collecta

Deus, qui mærorē scis corda nostra cómpri  
propter huius infántis excéssum,  
præsta, ut, quem iam hac vita defúntum,  
te disponénte, deflémus,  
ætérnam in cælo sedem credámus adéptum.  
Per Dóminum.

Super oblata

Hanc oblatiónem, Deus,  
dignáre in nostræ signum devotiónis excípere,  
ut, qui tuæ providéntiæ consliis  
submittimur confidéntes,  
tuæ quoque pietátis dulcédine sublevémur.  
Per Christum.

Post communionem

Divíno múnere satiáti, te, Dómine, deprecámur,  
ut, qui hunc infántem  
ad mensam trībuis regni cæléstis accúmbere,  
eándem et nos participáre concédas.  
Per Christum.

Lectio prima  
extra tempus paschale

## 1

*Præcipitabit Dominus mortem in sempiternum.*

Lectio libri Isaïæ prophætæ

25, 6 a. 7-9

In die illa:

**Fáciet Dóminus exercítuum ómnibus pópulis in monte hoc convívium pínguium.**

**Et præcipitábit in monte isto fáciem vínculi colligáti super omnes pópulos, et telam quam ordítus est super omnes natiónes.**

**Præcipitábit mortem in sempitérnum, et áuferet Dóminus Deus lácrimam ab omni fácie, et oppróbrium pópuli sui áuferet de univérſa terra, quia Dóminus locútus est.**

**Et dicet in die illa: « Ecce Deus noster iste, exspectávimus eum, et salvábit nos; iste Dóminus, sustinúimus eum; exsultábimus et lætábimur in salutári eius ».**

**Verbum Dómini.**

Psalmus responsorius, ut supra, p. 1764.

## 2

*Bonum est præstolari cum silentio salutare Dei.*

Lectio libri Lamentatiónum

3, 22-26

**Misericórdiæ Dómini, quia non sumus consúmpti, quia non defecérunt miseratiónes eius. Novi dilúculo, multa est fides tua.**

« Pars mea Dóminus », dixit ánima mea; proptérea exspectábo eum.

Bonus est Dóminus sperántibus in eum, ánimæ quærénti illum; bonum est præstolari cum siléntio salutáre Dei. — Verbum Dómini.

Psalmus responsorius

Ps 24, 4 bc-5 ab. 6 et 7 bc. 20-21 (R.: 1 b)

R. Ad te, Dómine, levávi ánimam meam.

Vias tuas, Dómine, demónstra mihi,  
et sémitas tuas édoce me.

Dírigé me in veritáte tua et doce me,  
quia tu es Deus salutis meæ. R.

Reminíscere miseratiónum tuárum, Dómine,  
et misericordiárum tuárum, quóniam a século sunt.  
Secúndum misericórdiam tuam meménto mei tu,  
propter bonitátem tuam, Dómine. R.

Custódi ánimam meam, et érué me;  
non erubéscam, quóniam sperávi in te.  
Innocéntia et équitas custódiánt me,  
quia sustínui te. R.

Lectio prima  
tempore paschali

1

*Absterget Deus omnem lacrimam ex oculis eorum.*

Léctio libri Apocalýpsis beáti Ioánnis apóstoli

7, 9-10. 15-17

Ego Ioánnes vidi turbam magnam, quam dinumeráre nemo póterat, ex ómnibus géntibus et tríbus et

pópulis et linguis, stantes ante thronum et in conspéctu Agni, amícti stolas albas et palmæ in mánibus eórum, et clamant voce magna dicétes: « Salus Deo nostro, qui sedet super thronum, et Agno ».

Ideo sunt ante thronum Dei, et sérviant ei die ac nocte in templo eius, et qui sedet in throno habitábit super illos.

Non esúrient ámplius, neque sítient ámplius, neque cadet super illos sol neque ullus æstus, quóniam Agnus, qui in médio throni est, pascet illos et dedúcet eos ad vitæ fontes aquárum, et abstérget Deus omnem lácrimam ex óculis eórum. — Verbum Dómini.

### Psalmus responsorius

Ps 148, 1-2. 11-13. 14 (R.: cf. 13 a)

R. Laudáte nomen Dómini.

vel Allelúia.

- <sup>1</sup> Laudáte Dóminum de cælis,  
laudáte eum, in excélsis.
- <sup>2</sup> Laudáte eum, omnes ángeli eius,  
laudáte eum, omnes virtútes eius. R.
- <sup>11</sup> Reges terræ et omnes pópuli,  
príncipes et omnes iúdicez terræ,
- <sup>12</sup> iúvenes et vírgines,  
senes cum iunióribus,
- <sup>13</sup> laudent nomen Dómini,  
quia exaltátum est nomen eius solúus. R.
- Conféssio eius super cælum et terram,  
<sup>14</sup> et exaltávit cornu pópuli sui.  
Hymnus ómnibus sanctis eius,  
fíliis Israel, pópulo qui propínquus est ei. R.

*Mors ultra non erit.*

Lectio libri Apocalýpsis beáti Ioánnis apóstoli

21, 1 a. 3-5 a

Ego Ioánnes vidi cælum novum et terram novam.

Et audívi vocem magnam de throno dicentem: « Ecce tabernáculum Dei cum homínibus, et habitábit cum eis; et ipsi pópuli eius erunt, et ipse Deus cum eis erit eórum Deus; et abstérget omnem lácrimam ab óculis eórum, et mors ultra non erit, neque luctus neque clamor neque dolor erit ultra, quia prima abiérunt ».

Et dixit qui sedébat super throno: « Ecce nova fácio ómnia ». — Verbum Dómini.

Psalmus responsorius

Ps 41, 2. 3. 5 bcd; 42, 3. 4. (R.: 41, 3 a)

R. Sitívit ánima mea ad Deum vivum.

vel Allelúia.

Quemádmódum desíderat cervus ad fontes aquárum, ita desíderat ánima mea ad te, Deus. R.

Sitívit ánima mea ad Deum, Deum vivum: quando véniam et apparebo ante fáciem Dei? R.

Quóniam transíbam in locum tabernáculi admirábilis usque ad domum Dei, in voce exsultatiónis et confessiόνis. R.

Emítte lucem tuam et veritátem tuam; ipsa me dedúcant et addúcant in montem sanctum tuum et in tabernácula tua. R.

4 Et introibo ad altáre Dei,  
ad Deum lætitiæ exsultatiónis meæ.  
Confitebor tibi in cíthara, Deus, Deus meus. R.

## Lectio secunda

## 1

*Credimus quia simul vivemus cum Christo.*

Lectio Epístolæ beáti Pauli apóstoli ad Romános

6, 3-4. 8-9

Fratres:

Ignorátis quia quicumque baptizáti sumus in Christo Iesu, in morte ipsíus baptizáti sumus? Consepúlti ergo sumus cum illo per baptismum in mortem, ut, quemádmódu[m] suscitátus est Christus a mórtuis per glóriam Patris, ita et nos in novitáte vitæ ambulémus.

Si autem mórtui sumus cum Christo, crédimus quia simul étiam vivémus cum eo, sciéntes quod Christus suscitátus ex mórtuis iam non móritur, mors illi ultra non dominátur. — Verbum Dómini.

## 2

*Sive vivimus sive morimur, Domini sumus.*

Lectio Epístolæ beáti Pauli apóstoli ad Romános

14, 7-9

Fratres:

Nemo nostrum sibi vivit, et nemo sibi móritur. Sive enim vivimus, Dómino vivimus; sive mórimur, Dómino mórimur: sive ergo vivimus sive mórimur, Dómini sumus.



In hoc enim Christus et mórtuus est et vixit, ut et mortuórum et vivórum dominétur.

Verbum Dómini.

3

*In Christo omnes vivificabuntur.*

Léctio Epístolæ primæ beáti Pauli apóstoli ad Corínthios  
15, 20-23

Fratres:

Nunc Christus resurrexit a mórtuis, primitiæ dormiéntium; quóniam enim per hóminem mors, et per hóminem resurrectio mortuórum.

Sicut enim in Adam omnes moriúntur, ita et in Christo omnes vivificabúntur. Unusquisque autem in suo órdine: primitiæ Christus, deínde hi qui sunt Christi in advéntu eius. — Verbum Dómini.

4

*Elegit nos Deus in Christo ante mundi constitutionem,  
ut essemus sancti.*

Léctio Epístolæ beáti Pauli apóstoli ad Ephésios 1, 3-5

Benedíctus Deus et Pater Dómini nostri Iesu Christi, qui benedíxit nos in omni benedictióne spiritali in cælestibus in Christo; sicut elégit nos in ipso ante mundi constitutióne, ut essémus sancti et immaculáti in conspéctu eius in caritate; qui prædestinávit nos in adoptiόνem filiórum per Iesum Christum in ipsum, secúndum beneplácitum voluntátis suæ.

Verbum Dómini.

## 5

*Semper cum Domino erimus.*

Léctio Epístolæ primæ beáti Pauli apóstoli  
ad Thessalonicénses 4, 13-14. 17 b-18

Nólumus vos ignoráre, fratres, de dormiéntibus, ut non contristémini, sicut et céteri qui spem non habent.

Si enim crédimus quod Iesus mórtuus est et resurréxit, ita et Deus eos qui dormiérunt per Iesum addúcet cum eo.

Et sic semper cum Dómino érimus. Itaque consolámini ínvicem in verbis istis.

Verbum Dómini.

## Evangelium

## 1

Alleluia et Versus ante Evangelium Cf. Mt 11, 25

(*℞. Allelúia*). *γ. Benedíctus es, Pater,  
Dómine cæli et terræ,  
quia mystéria Regni párvulis revelásti.  
(℞. Allelúia).*

*Venite ad me, ... et ego reficiam vos.*

✠ Léctio sancti Evangélii secúndum Matthæum 11, 25-30

In illo témpore, respóndens Iesus dixit: « Confíteor tibi, Pater, Dómine cæli et terræ, quia abscondísti hæc a sapiéntibus et prudéntibus, et revelásti ea párvulis.

Ita, Pater, quóniam sic fuit plácitum ante te. Omnia mihi trádicta sunt a Patre meo; et nemo novit Fílium,

nisi Pater; neque Patrem quis novit, nisi Fílius, et cui volúerit Fílius reveláre.

Veníte ad me, omnes qui laborátis et onerátí estis, et ego reficiam vos.

Tóllite iugum meum super vos, et díscite a me quia mitis sum et húmilis corde; et " inveniétis réquiem animábus vestris "; iugum enim meum suáve, et onus meum leve est ». — Verbum Dómini.

2

Alleluia et Versus ante Evangelium Io 6, 39

(*℞. Allelúia*). *γ. Hæc est volúntas Patris mei, ut omne, quod dedit mihi, non perdam ex eo, sed resúscitem illud in novíssimo die, dicit Dóminus. (℞. Allelúia).*

\* *Hæc est voluntas Patris mei ut omne, quod dedit mihi, non perdam ex eo.*

✠ Léctio sancti Evangelii secúndum Ioánnem 6, 37-40

In illo témpore:

Dixit Iesus turbis: « Omne, quod dat mihi Pater, ad me véniet; et cum, qui venit ad me, non eiciam foras. Quia descénderi de cælo, non ut fáciam voluntátem meam, sed voluntátem eius qui misit me.

Hæc est autem volúntas eius, qui misit me, ut omne, quod dedit mihi, non perdam ex eo, sed resúscitem illud in novíssimo die.

Hæc est autem volúntas Patris mei, ut omnis qui videt Fílium et credit in eum hábeat vitam ætérrnam; et resuscitábo ego eum in novíssimo die ».

Verbum Dómini.

vel brevior

✠ Lécio sancti Evangélii secúndum Ioánnem

6, 37-39

In illo témpore:

Dixit Iesus turbis: « Omne, quod dat mihi Pater, ad me véniet; et cum, qui venit ad me, non eíciam foras. Quia descénderi de cælo, non ut fáciam voluntátem meam, sed voluntátem eius qui misit me.

Hæc est autem volúntas eius, qui misit me, ut omne, quod dedit mihi, non perdam ex eo, sed resúscitem illud in novíssimo die.

Verbum Dómini.

3

Alleluia et Versus ante Evangelium 2 Cor 1, 3 b-4 a

(R. Allelúia). γ. **Benedíctus Pater misericordiárum  
et Deus totíus consolatiónis,  
qui consolátur nos in omni tribulatióne  
nostra. (R. Allelúia).**

*Si credideris, videbis gloriam Dei.*

✠ Lécio sancti Evangélii secúndum Ioánnem

11, 32-38. 40

In illo témpore:

Cum venísset María, soror Lázari, ubi erat Iesus, videns eum cécidit ad pedes eius dicens ei: « Dómine, si fuísset hic, non esset mórtuus frater meus ».

Iesus ergo, ut vidit eam plorántem et Iudæos, qui vénerant cum ea, plorántes, frémit spírítu et turbávit se ipsum, et dixit: « Ubi posuístis eum? »

Dicunt ei: « Dómine, veni et vide ». Lacrimátus est Iesus.

Dicébant ergo Iudæi: « Ecce quómodo amábat eum! »

Quidam autem dixerunt ex ipsis: « Non póterat hic, qui apéruit óculos cæci, fácere ut et hic non moreretur? » Iesus ergo rursus fremens in semetipso venit ad monuméntum. Erat autem spelúnca, et lapis superpósitus erat ei.

Dicit Iesus Marthæ: « Nonne dixi tibi quóniam, si credíderis, vidébis glóriam Dei? »

Verbum Dómini.

4

Alleluia et Versus ante Evangelium 2 Cor 1, 3 b-4 a

(R. Allelúia). *γ.* Benedictus Pater misericordiárum  
et Deus totíus consolatiónis,  
qui consolátur nos in omni tribulatióne  
nostra. (R. Allelúia).

*Ecce mater tua.*

✠ Lécitio sancti Evangéllii secúndum Ioánnem

19, 25-30

In illo témpore:

Stabant iuxta crucem Iesu mater eius, et soror matris eius María Cléopæ, et María Magdaléne. Cum vidíset ergo Iesus matrem et discipulum stantem quem diligébat, dicit matri: « Múlier, ecce fílius tuus »; deinde dicit discipulo: « Ecce mater tua ».

Et ex illa hora accépit eam discipulus in sua.

Póstea sciens Iesus quia iam ómnia consummáta sunt, ut consummarétur Scriptúra, dicit: « Sítio ». Vas pósitum erat acéto plenum; spóngiam ergo plenam acéto hyssópo circumponéntes obtulérunt ori eius. Cum ergo accepisset Iesus acétum, dixit: « Consummátum est ».

Et, inclináto cápite, trádidit spíritum.

Verbum Dómini.

## B. In exsequiis parvuli nondum baptizati

Si quís parvulus, quem parentes baptizari volebant, ante baptismum mortuus fuerit, Ordinarius loci, adiunctis pastoralibus consideratis, permittere potest ut eius exsequiæ celebrentur in ipsa domo defuncti, aut etiam iuxta illum typum exsequiarum, qui de more pro ceteris in regione adhibetur.

In huiusmodi exsequiis habeatur de more liturgia verbi, prouti in Rituali describitur. Si tamen opportuna aliquando iudicatur Missæ celebratio, adhibeantur textus qui sequuntur.

In catechesi autem advigilandum est, ne doctrina de necessitate baptismi in mentibus fidelium obscuretur.

**Ant. ad introitum**

**Ap 21, 4**

**Abstérget Deus omnem lácrimam ab óculis eórum, et mors ultra non erit, neque luctus, neque clamor, neque dolor erit ultra, quia prima transiérunt.**

**Collecta**

**Fidélium tuórum, Dómine, súscipe vota, ut, quos permíttis infántis sibi erépti desidério déprimi, eósdem concédas in tuæ spem miseratiónis fidénter attólli. Per Dóminum.**

Vel:

**Scrutátor córdium, Deus, et piíssime consolátor,  
qui horum paréntum fidem novísti,  
præsta, ut infántem suum,  
quem plorant hac vita defúctum,  
tuæ séntiant dívínæ pietáti commíssum.  
Per Dóminum.**

Lectiones ut infra, pp. 1820-1822.

Super oblata

**Hanc oblatiónem, Deus,  
dignáre in nostræ signum devotiónis excípere,  
ut, qui tuæ providéntiæ consíliis submíttimur confidéntes,  
tuæ quoque pietátis dulcédine sublevémur.  
Per Christum.**

Præfatio de defunctis, pp. 651-655.

Ant. ad communionem

Is 25, 8

**Præcipitábit Dóminus mortem in sempitérnum,  
et áuferet Deus lácrimam ab omni fácie.**

Post communionem

**Córpóris, Dómine,  
et Sánguínis Fílii tui communióne percépta,  
te fidéliter deprecámur,  
ut, quos in spem vitæ ætérnæ  
sacris dignátus es nutrírre mystériis,  
in huius tríbuas vitæ mæróribus confortári.  
Per Christum.**

---

## Lectio prior

## 1

*Præcipitabit Dominus mortem in sempiternum.*

Lectio libri Isaïæ prophætæ

25, 6 a. 7-8 a

In die illa:

Fáciet Dóminus exercítuum ómnibus pópulis in monte hoc convívium pínguim.

Et præcipitábit in monte isto fáciem vínculi colligáti super omnes pópulos, et telam quam ordítus est super omnes natiónes.

Præcipitábit mortem in sempitérnum, et áuferet Dóminus Deus lácrimam ab omni fácie.

Verbum Dómini.

## Psalmus responsorius

Ps 24, 4 bc-5 ab. 6 et 7 bc. 17 et 20 (R.: 3 b)

R. Qui sústinent te, Dómine, non confundéntur.

- 4 Vias tuas, Dómine, demónstra mihi,  
et sémitas tuas édoce me.
- 5 Dírige me in veritáte tua et doce me,  
quia tu es Deus salútis meæ. R.
- 6 Reminíscere miseratiónum tuárum, Dómine,  
et misericordiárum tuárum, quóniam a século sunt.
- 7 Secúndum misericórdiam tuam meménto mei tu,  
propter bonitátem tuam, Dómine. R.
- 17 Diláta angústias cordis mei,  
et de necessitátibus meis érué me.
- 20 Custódi ánimam meam, et érué me;  
non erubéscam, quóniam sperávi in te. R.



*Bonum est præstolari cum silentio salutare Dei.*

Lectio libri Lamentationum

3, 22-26

Misericordiæ Dómini, quia non sumus consúpti, quia non defecerunt miseratiónes eius. Novi dilúculo, multa est fides tua.

« Pars mea Dóminus », dixit ánima mea; propterea exspectábo eum.

Bonus est Dóminus sperántibus in eum, ánimæ quærénti illum; bonum est præstolari cum siléntio salutáre Dei. — Verbum Dómini.

Psalmus responsorius

Ps 24, 4 bc-5 ab. 6 et 7 bc. 17 et 20 (R.: 1 b)

R. Ad te, Dómine, levávi ánimam meam.

Vias tuas, Dómine, demónstra mihi,  
et sémitas tuas édoce me.

Dírige me in veritaté tua et doce me,  
quia tu es Deus salutis meæ. R.

Reminíscere miseratiónum tuárum, Dómine,  
et misericordiárum tuárum, quóniam a século sunt.  
Secúndum misericórdiam tuam meménto mei tu,  
propter bonitátem tuam, Dómine. R.

Diláta angústias cordis mei,  
et de necessitatibus meis érué me.

Custódi ánimam meam, et érué me;  
non erubéscam, quóniam sperávi in te. R.

## Evangelium

## 1

Alleluia et Versus ante Evangelium Ap 1, 5-6

(R. Allelúia). *γ.* Iesus Christus  
est primogénitus mortuórum;  
ipsi glória et impérium  
in sácula sæculórum. Amen.  
(R. Allelúia).

*Venite ad me, omnes qui laboratis et onerati estis,  
et ego reficiam vos.*

✠ Lécio sancti Evangélii secúndum Matthæum

11, 27-30

In illo témpore: Respóndens Iesus dixit:

« Omnia mihi trádita sunt a Patre meo, et nemo novit Fílium, nisi Pater; neque Patrem quis novit, nisi Fílius, et cui volúerit Fílius reveláre.

Veníte ad me, omnes qui laborátis et oneráti estis, et ego reficiam vos. Tóllite iugum meum super vos et díscite a me, quia mitis sum et húmilis corde; et inve- niétis réquiem animábus vestris; iugum enim meum suáve, et onus meum leve est ». — Verbum Dómini.

## 2

Alleluia et Versus ante Evangelium 2 Cor 1, 3 b-4 a

(R. Allelúia). *γ.* Benedíctus Pater misericordiárum  
et Deus totíus consolatiónis,  
qui consolátur nos in omni tribulatióne  
nostra. (R. Allelúia).

*Ecce mater tua.*

✠ **Léctio sancti Evangélii secúndum Ioánnem**

19, 25-30

**In illo témpore:**

Stabant iuxta crucem Iesu mater eius, et soror matris eius María Cléopæ, et María Magdaléne. Cum vidisset ergo Iesus matrem et discipulum stantem quem diligébat, dicit matri: « Múlier, ecce filius tuus »; deínde dicit discípulo: « Ecce mater tua ».

Et ex illa hora accépit eam discípulus in sua.

Póstea sciens Iesus quia iam ómnia consummáta sunt, ut consummarétur Scriptúra, dicit: « Sítio ». Vas pósito erat acéto plenum; spóngiam ergo plenam acéto hyssópo circumponéntes obtulérunt ori eius. Cum ergo accepisset Iesus acétum, dixit: « Consummátum est ».

Et, inclináto cápite, trádidit spíritum.

**Verbum Dómini.**

## **APPENDIX**

## **ORDO AD FACIENDAM ET ASPERGENDAM AQUAM BENEDICTAM**

1. Ritus benedictionis et aspersionis aquæ benedictæ fieri potest in omnibus Missis dominicæ, iis etiam quæ horis vespertinis sabbati anticipantur, in omnibus ecclesiis et oratoriis.

Huiusmodi ritus locum tenet actus pænitentialis initio Missæ peragendi.

2. Post salutationem, sacerdos, stans ad sedem, ad populum conversus, habens ante se vas cum aqua benedicenda, populum ad orandum invitat his vel similibus verbis:

**Dóminum Deum nostrum,  
fratres caríssimi, suppliciter deprecémur,  
ut hanc creatúram aquæ benedícere dignétur,  
super nos aspergéndam in nostri memóriam baptísmi.  
Ipse autem nos adiuváre dignétur,  
ut fidéles Spíritui, quem accévimus, mancámus.**

Et post brevem pausam silentii prosequitur, manibus iunctis:

**Omnípotens sempitérne Deus,  
qui voluisti ut per aquam,  
fontem vitæ ac purificatiónis princípium,  
étiam ánimæ mundaréntur  
æternæque vitæ munus excíperent,  
dignáre, quésumus, hanc aquam ✠ benedícere,  
qua vólumus hac die tua, Dómine, comuníri.  
Fontem vivum in nobis tuæ grátiae renovári  
et ab omni malo spíritus et córporis  
per ipsam nos deféndi concédas,  
ut mundis tibi córdibus propinquáre  
tuámque digne salútem valeámus accíperere.  
Per Christum Dóminum nostrum.**

**R. Amen.**

Vel:

Dómine Deus omnípotens,  
 qui es totíus vitæ córporis et ánimæ fons et orígo,  
 hanc aquam, te quæsumus, ✠ benedícas,  
 qua fidénter útimur  
 ad nostrórum implorándam véniam peccatórum  
 et advérsus omnes morbos inimicíque insídias  
 tuæ defensiónem grátiae consequéndam.  
 Præsta, Dómine, ut, misericórdia tua interveniénte,  
 aquæ vivæ semper nobis sáliant in salútem,  
 ut mundo tibi corde appropinquáre possímus,  
 et omnis córporis animæque perícula devitémus.  
 Per Christum Dóminum nostrum.

ꝛ. Amen.

Vel, tempore paschali:

Dómine Deus omnípotens,  
 précibus pópuli tui adésto propítius;  
 et nobis, mirábile nostræ creatiónis opus,  
 sed et redemptiónis nostræ mirábilius, memorántibus,  
 hanc aquam ✠ benedícere tu dignáre.  
 Ipsam enim tu fecísti,  
 ut et arva fecunditáte donáret,  
 et levámen corpóribus nostris munditiámque præbéret.  
 Aquam étiam tuæ ministram misericórdiæ condidísti;  
 nam per ipsam solvísti tui pópuli servitútem,  
 illiúsque sitim in desérto sedásti;  
 per ipsam novum fœdus nuntiavérunt prophétæ,  
 quod eras cum homínibus initúrus;  
 per ipsam dénique, quam Christus in Iordáne sacrávit,  
 corrúptam natúræ nostræ substántiam  
 in regeneratiónis lavácro renovásti.  
 Sit igitur hæc aqua nobis suscépti baptismatis memória,  
 et cum frátribus nostris, qui sunt in Páschate baptizáti,

gáudia nos tríbuas sociáre.

Per Christum Dóminum nostrum.

℟. Amen.

3. Ubi locorum condicio aut populi traditio suadet ut salis commixtio in benedictione aquæ servetur, sacerdos sal benedicit, dicens:

Súpplices te rogámus, omnípotens Deus,

ut hanc creatúram salis

benedícere ✠ tua pietáte dignéris,

quí per Eliséum prophétam in aquam mitti eam iussisti,

ut sanarétur sterilitas aquæ.

Præsta, Dómine, quæsumus,

ut, ubicúmque hæc salis et aquæ commíxtio

fúerit aspérsa,

omni impugnatione inimíci depúlsa,

præséntia Sancti tui Spíritus

nos iúgiter custódiat.

Per Christum Dóminum nostrum.

℟. Amen.

Deinde sal immittit in aquam, nihil dicens.

4. Postea, accepto aspersorio, sacerdos aspergit se et ministros, deinde clerum et populum, pro opportunitate transeundo per ecclesiam.

Interim peragitur unus e cantibus qui sequuntur, vel alius cantus aptus.

### Extra tempus paschale

**Ant. 1** Aspérges me, Dómine, hyssópo, et mundábor: lavábis me, et super nivem dealbábor (Ps 50, 9).

**Ant. 2** Effúndam super vos aquam mundam, et mundabímmini ab ómnibus inquinaméntis vestris, et dabo vobis cor novum, dicit Dóminus (Ez 36, 25-26)

**Hymnus.** Benedíctus Deus  
 et Pater Dómini nostri Iesu Christi,  
 qui secúndum misericórdiam suam magnam  
 regenerávit nos in spem vivam,  
 per resurrectiónem Iesu Christi ex mórtuis,  
 in hereditátem incorruptibilem,  
 in cælis conservátam nobis  
 in salutem témpore novíssimo revelándam!  
 (cf. 1 Petr 1, 3-5).

### Tempore paschali

**Ant. 1** Vidi aquam egrediéntem de templo  
 a látere dextro, allelúia;  
 et omnes, ad quos pervénit aqua ista, salvi facti sunt  
 et dicent: allelúia, allelúia (cf. Ez 47, 1-2. 9).

**Ant. 2** Fontes et ómnia, quæ movéntur in aquis,  
 hymnum dícite Deo, allelúia (cf. Dan 3, 77. 79).

**Ant. 3** Vos genus eléctum,  
 regále sacerdotium, gens sancta,  
 virtútes annuntiáte eius,  
 qui de ténebris vos vocávit  
 in admirábile lumen suum, allelúia (1 Petr 2, 9).

**Ant. 4** E látere tuo, Christe, fons aquæ prorúmpit,  
 quo abluúntur mundi sordes et vita renovátur, allelúia.

**5.** Ad sedem reversus, et cantu expleto, sacerdos, stans versus  
 ad populum, manibus iunctis, dicit:

Deus omnípotens nos a peccátis puríficet,  
 et per huius Eucharístiæ celebratióem  
 dignos nos reddat,  
 qui mensæ regni sui participes efficiámur.

℟. Amen.

**6.** Deinde, quando præscribitur, cantatur vel dicitur hymnus  
 Glória in excélsis Deo.



**SPECIMINA FORMULARUM  
PRO ORATIONE UNIVERSALI**

**1. FORMULA GENERALIS, I**

**A - Admonitio prævia**

Ad Deum Patrem omnipotentem,  
qui vult omnes homines salvos fieri  
et ad agnitionem veritatis venire,  
tota mentis nostræ, fratres carissimi, dirigatur oratio.

**B - 1<sup>a</sup> series intentionum**

Pro Ecclesia sancta Dei;  
ut eam Dominus custodire et fovere dignetur,  
Dominum deprecemur.  
Participatio populi: *ꝛ.* Præsta, æternæ omnipotens Deus.

**C - 2<sup>a</sup> series intentionum**

Pro totius orbis populis;  
ut inter eos Dominus concordiam servare dignetur,  
Dominum deprecemur.  
*ꝛ.* Præsta, æternæ omnipotens Deus.

**D - 3<sup>a</sup> series intentionum**

Pro omnibus qui variis premuntur necessitatibus;  
ut omnes Dominus sublevare dignetur,  
Dominum deprecemur.  
*ꝛ.* Præsta, æternæ omnipotens Deus.

**E - 4<sup>a</sup> series intentionum**

Pro nobismetipsis ac pro nostra communitate;  
ut nos omnes Dominus hostiam sibi acceptabilem  
admittere dignetur,  
Dominum deprecemur.  
*ꝛ.* Præsta, æternæ omnipotens Deus.

## F - Oratio sacerdotalis conclusiva

**Deus, refúgium nostrum et virtus,  
adésto piis Ecclésiæ tuæ précibus,  
auctor ipse pietátis, et præsta,  
ut, quod fidéliter pétimus,  
efficáciter consequámur.**

**Per Christum Dóminum nostrum.**

**ꝛ. Amen.**

## 2. FORMULA GENERALIS, II

## A

**Fratres, in hac pública et commúni oratióne  
quam nunc incípimus,  
non quisquis pro se, nec tantum pro necessariis suis,  
sed omnes pro toto pópulo orémus Christum Dóminum.**

## B

1. **Pro cuncto pópulo christiáno,  
divínæ bonitátis abundántiam deprecémur.  
ꝛ. Christe, audi nos vel Exáudi, Christe.**
2. **Pro ómnibus nondum credéntibus,  
largitórem spiritalium múnere implorémus.  
ꝛ. Christe, audi nos.**

## C

1. **Pro rei públicæ moderatóribus,  
Dómini poténtiam implorémus.  
ꝛ. Christe, audi nos.**
2. **Pro sérís tempéris ac frúctuum ubertáte,  
rectórem mundi Dóminum implorémus.  
ꝛ. Christe, audi nos.**

## D

1. **Pro frátribus nostris,  
qui huic sacro cœtui interésse non possunt,  
inspectórem ómnium implorémus.  
ꝛ. Christe, audi nos.**
2. **Pro refrigerio fidélium animárum,  
univérsæ carnis iúdicem implorémus.  
ꝛ. Christe, audi nos.**

**E**

1. Pro nobis ómnibus plena fide supplicántibus  
et Dómini misericórdiam poscéntibus,  
Salvatóris cleméntiam implorémus.  
R. Christe, audi nos.
2. Pro nobis et necessariis nostris  
bonitátem Dómini exspectántibus,  
Christi Dómini misericórdiam implorémus.  
R. Christe, audi nos.

**F**

Précibus nostris, quésumus, Dómine,  
aures tuæ pietátis accómmoda,  
et oratiónes súpplicum benignus exáudi.  
Per Christum Dóminum nostrum.  
R. Amen.

5. TEMPORE QUADRAGESIMÆ, I

**A**

Omni quidem témpore, fratres caríssimi,  
preces debémus effúndere;  
sed in his præcipue diébus Quadragesimæ  
vigilántius cum Christo et instántius  
ad Deum oratiónes dirígere nos opórtet.

**B**

Pro unívsero pópulo christiáno,  
ut ex omni verbo quod procédit de ore Dei  
in hoc sacro témpore ubérius nutriátur,  
Dóminum deprecémur.

**C**

Pro unívsero mundo,  
ut, tranquillitáte et pace serváta,  
vere fiant dies nostri acceptábile tempus grátiae et salútis,  
Dóminum deprecémur.

D

Pro peccatóribus et negligéntibus,  
ut hoc propitiatiónis témpore revertántur ad ipsum,  
Dóminum deprecémur.

E

Pro nobismetípsis,  
ut in præcórdiis nostris  
tandem detestatiónem nostrórum súscitet peccatórum,  
Dóminum deprecémur.

F

Da, quésumus, Dómine,  
pópulum tuum ad te toto corde convérte,  
ut, quod audet cóngruis oratióibus postuláre,  
tua miseratióne percípiat.  
Per Christum.

## 6. TEMPORE QUADRAGESIMÆ, II

A

Appropinquánte, dilectíssimi, sollemnitáte pascháli,  
Dóminum impénsius implorémus,  
ut et nos omnes,  
et baptizatórum multitúdo, et mundus univérsus,  
abundántius huius sacri mystérii partícipes evadámus.

B

Ut catechúmenis,  
próxima sollemnitáte pascháli sacro baptismo initiándis,  
fidem et intelléctum augére dignétur,  
Dóminum exorémus.

C

Ut, adiúctis pópulis qui subsidió égeant aliéno,  
pax et securíitas ubíque stabilitáte firméntur,  
Dóminum exorémus.

D

Ut omnes afflícti et tentáti  
ipsíus grátia roboréntur,  
Dóminum exorémus.

E

Ut nos omnes  
discámus fructum abstinéntiæ in bonum indigéntium erogáre,  
Dóminum exorémus.

F

Miserére, Dómine, deprecántis Ecclésiæ,  
et quæ inclinántur tibi corda propitiátus inténde,  
ut, quos divíni mystérii tríbuis esse partícipes,  
numquam tuis destituántur auxiliis.  
Per Christum.

## 7. IN FERIIS HEBDOMADÆ SANCTÆ

A

Hoc Passiónis témpore,  
quo Christus Patri suo preces supplicationésque  
cum clamóre válido et lácrimis obtulit,  
Deum húmiles exorémus,  
ut, pro reveréntia Fílii sui,  
preces quoque nostras cleménter exáudiat.

B

Ut Sponsa Christi Ecclésia,  
hoc Passiónis témpore, ipsíus sángine plénius emundétur,  
Dóminum deprecémur.

C

Ut per sánguinem Crucis Christi  
ómnia in mundo pacificári váleant in salútem,  
Dóminum deprecémur.

**D**

Ut ómnibus, qui infirmitáte et labóribus  
sunt Passiónis Christi partícipes,  
fortitúdinem et paciéntiam largiátur,  
Dóminum deprecémur.

**E**

Ut omnes per dominicam Passiónem et Crucem  
ad Resurrectiónis glóriam perducámur,  
Dóminum deprecémur.

**F**

Adesto, Dómine, tuo pópulo supplicánti,  
ut, quod própria fidúcia non præsúmit,  
Passiónis Fílii tui méritis consequátur.  
Qui vivit.

## 8. TEMPORE PASCHALI

**A**

In hoc pascháli gáudio, fratres caríssimi,  
Deum instántius exorémus,  
ut, qui preces supplicationésque dilécti Fílii sui  
propítius exaudivit,  
humilitátem quoque nostram dignétur aspícere.

**B**

Pro pastóribus animárum nostrárum,  
ut gregem ipsis a Pastóre bono commíssum  
régere váleant providénter,  
Dóminum deprecémur.

**C**

Pro univérso mundo,  
ut pace a Christo donáta veráciter perfruátur,  
Dóminum deprecémur.

D

Pro fratribus nostris afflictis,  
ut eorum tristitia vertatur in gaudium,  
quod nemo ab eis tollere possit,  
Dóminum deprecémur.

E

Pro congregatióne nostra,  
ut testimónium Resurrectiósni Christi  
cum fidúcia magna perhibeat,  
Dóminum deprecémur.

F

Deus, qui præséntium hóminum vitam agnóscis  
diversárum necessitátum passióibus subiacére,  
exáudi desidéria supplicántium,  
súscipe vota credéntium.  
Per Christum.

## 11. IN MISSIS DEFUNCTORUM

A

Deum Patrem omnipoténtem,  
qui Christum Fílium suum suscitávit a mórtuis,  
pro salúte vivórum atque mortuórum fidéliter invocémus.

B

Ut pópulum cristiánum in fide et unitáte stabíliat,  
Dóminum deprecémur.

C

Ut ab omni bellórum nequítia orbem éruat univérsam,  
Dóminum deprecémur.

D

Ut fratribus qui carent ópere, victu vel tecto,  
se patrem dignétur osténdere,  
Dóminum deprecémur.

## E

1. Ut huic defuncto N.,  
qui olim per Baptismum æternæ vitæ semen accépit,  
perpétuam velit societátem donáre Sanctórum,  
Dóminum deprecémur.
2. Ut eum, qui manducávit Corpus Christi,  
panem vitæ æternæ,  
resúscitet in novíssimo die,  
Dóminum deprecémur.  
  
(Vel pro presbytero):  
Ut eum, qui in Ecclésia sacerdotii munus exércuit,  
fáciat cæléstis participem liturgiæ,  
Dóminum deprecémur.
3. Ut animábus fratrum, propinquórum  
et benefactórum nostrórum  
mercédem labóris attribuat,  
Dóminum deprecémur.
4. Ut omnes, qui dormiérunt in spe resurrectionis,  
in lúmine sui vultus accípiat,  
Dóminum deprecémur.
5. Ut fratres nostros, qui in afflictióné versántur,  
ádiuvet et propítius consolétur,  
Dóminum deprecémur.
6. Ut omnes, qui huc in fide et devotióné convenérunt,  
in gloriósum suum regnum congregáre dignétur,  
Dóminum deprecémur.

## F

Animábus, quésumus, Dómine, famulórum  
famularúmque tuárum  
orátio proficiat supplicántium,  
ut eas et a peccátis ómnibus éxuas,  
et tuæ redemptionis fácias esse participes.  
Qui vivis.



## RITUS AD DEPUTANDUM MINISTRUM S. COMMUNIONIS AD ACTUM DISTRIBUENDÆ

1. Ordinarii locorum facultate fruuntur permittendi singulis sacerdotibus sacra munera exercentibus ut deputare valeant personam idoneam, quæ in casibus veræ necessitatis, ad actum, S. Communionem distribuatur.

2. Personam quæ, iis in casibus, ad S. Communionem distribuendam ad actum deputatur, mandatum accipere expedit iuxta ritum qui sequitur.

3. Dum fractio panis et immixtio peraguntur, qui S. Communionem distribuere debet ad altare accedit et coram celebrante sistit. Expleta invocatione **Agnus Dei**, sacerdos eum benedicit his verbis:

**Benedicat ✠ te Dóminus  
ad Corpus Christi frátribus tuis nunc ministrándum.**

*Et ipse respondet:*

**Amen.**

4. Postquam vero sacerdos de more Sacramentum sumpsit, S. Communionis ministrum, si hic SS. Eucharistiam suscepturus sit, communicat; ac deinde pyxidem vel vas cum hostiis ei porrigit, et una cum eodem ad S. Communionem fidelibus ministrandam accedit.

## PRÆPARATIO AD MISSAM

### Oratio S. Ambrosii

Ad mensam dulcissimi convívii tui, pie Dómine Iesu Christe, ego peccátor de própriis meis méritis nihil præsumens, sed de tua confidens misericórdia et bonitáte, accédere véreor et contremísco.

Nam cor et corpus hábeo multis crimínibus maculátum, mentem et linguam non caute custodítam.

Ergo, o pia Déitas, o treménda maiéstas, ego miser, inter angústias deprehensus,

ad te fontem misericórdiæ recûrro,  
ad te festîno sanândus,  
sub tuam protectiônem fûgio;  
et, quem Iúdicem sustinére néqueo,  
Salvatórem habére suspîro.

Tibi, Dómine, plagas meas osténdo,  
tibi verecúndiam meam détego.

Scio peccáta mea multa et magna, pro quibus tímeo:  
spero in misericórdias tuas, quarum non est númerus.

Réspice ergo in me óculis misericórdiæ tuæ,  
Dómine Iesu Christe, Rex ætérne, Deus et homo,  
crucifixus propter hóminem.

Exáudi me sperántem in te:

miserére mei pleni misériis et peccátis,  
tu qui fontem miseratiónis numquam manáre cessábis.

Salve, salutáris víctima,

pro me et omni humáno génere in patíbulo Crucis obláta.

Salve, nóbilis et pretiósse Sanguis,  
de vulnéribus crucifixi Dómini mei Iesu Christi prófluens,  
et peccáta totius mundi ábluens.

Recordáre, Dómine, creatúræ tuæ,  
quam tuo Sanguine redemísti.

Pénitet me peccásse,  
cúpio emendáre quod feci.

Aufer ergo a me, clementíssime Pater,  
omnes iniquitátes et peccáta mea,  
ut, purificátus mente et corpore,  
digne degustáre mérear Sancta sanctorum.

Et concéde,

ut hæc sancta prælibátio Córporis et Sanguinis tui,

quam ego indignus súmeré inténdo,

sit peccatorum meórum remissio,

sit delictórum perfécta purgátio,

sit túrpium cogitatiónum effugátio

ac bonórum sénsuum regenerátio,

operúmque tibi placéntium salúbris efficácia,

ánimæ quoque et cörperis

contra inimicórum meórum insídias firmíssima tuitio.

Amen.

## Oratio S. Thomæ de Aquino

Omnípotens sempitérne Deus,  
ecce accédo ad sacraméntum unigéniti Fílii tui,  
Dómini nostri Iesu Christi:  
accédo tamquam infirmus ad médicum vitæ,  
immúndus ad fontem misericórdiæ,  
cæcus ad lumen claritátis æternæ,  
pauper et egénus ad Dóminum cæli et terræ.  
Rogo ergo imménsæ largitátis tuæ abundántiam,  
quátenus meam curáre dignéris infirmitátem,  
laváre foeditátem, illumináre cæcitaté,  
ditáre paupertátem, vestíre nuditaté,  
ut panem Angelórum, Regem regum  
et Dóminum dominántium,  
tanta suscípiam reveréntia et humilitáte,  
tanta contritióné et devotióné, tanta puritaté et fide,  
tali propósito et intentióné, sicut éxpedít salúti ánimæ meæ.  
Da mihi, quæso, dominíci Córporis et Sánguínis  
non solum suscípere sacraméntum,  
sed étiam rem et virtútem sacraménti.  
O mitíssime Deus,  
da mihi Corpus unigéniti Fílii tui,  
Dómini nostri Iesu Christi,  
quod traxít de Vírgine María, sic suscípere,  
ut córpori suo mýstico mérear incorporári  
et inter eius membra connumerári.  
O amantíssime Pater,  
concéde mihi diléctum Fílium tuum,  
quem nunc velátum in via suscípere propóno,  
reveláta tandem fácie perpétuo contemplári:  
Qui tecum vivit et regnat  
in sæcula sæculórum.  
Amen.

## Oratio ad B. Mariam Virginem

O Mater pietátis et misericórdiæ, beatíssima Virgo María,  
ego miser et indignus peccátor  
ad te confúgio toto corde et afféctu,

et precor pietátem tuam,  
 ut, sicut dulcíssimo Filio tuo in Cruce pendénti astitísti,  
 ita et mihi, mísero peccatóri, et sacerdotíbus ómnibus,  
 hic et in tota sancta Ecclésiá hódie offérentibus,  
 cleménter assistere dignéris,  
 ut, tua grátia adiúti,  
 dignam et acceptábilem hóstiam  
 in conspéctu summæ et individúæ Trinitátis offérre valeámus.  
 Amen.

### Formula intentionis

Ego volo celebráre Missam,  
 et conficere Corpus et Sáanguinem Dómini nostri Iesu Christi,  
 iuxta ritum sanctæ Románæ Ecclésiæ,  
 ad laudem omnipoténtis Dei totiúsq; Cúriæ triumphántis,  
 ad utilitátem meam totiúsq; Cúriæ militántis,  
 pro ómnibus qui se commendavérunt oratióibus meis  
 in génere et in spécie,  
 et pro felíci statu sanctæ Románæ Ecclésiæ.  
 Amen.

Gáudium cum pace,  
 emendatióem vitæ, spátium veræ pæniténtiæ,  
 grátiam et consolatióem Sancti Spíritus,  
 perseverántiam in bonis opéribus,  
 tríbuat nobis omnipotens et miséricors Dóminus.  
 Amen.

## GRATIARUM ACTIO POST MISSAM

### Oratio S. Thomæ de Aquino

Grátias tibi ago,  
 Dómine, sancte Pater, omnipotens ætérne Deus,  
 qui me peccatórem, indignum fámulum tuum,  
 nullis meis méritis, sed sola dignatióne misericórdiæ tuæ  
 satiáre dignátus es pretióso Córpoze et Sáanguine Filii tui,  
 Dómini nostri Iesu Christi.

Et precor, ut hæc sancta commúnio  
 non sit mihi reátus ad pœnam,  
 sed intercésio salutáris ad véniam.  
 Sit mihi armatúra fidei, et scutum bonæ voluntátis.  
 Sit vitiórum meórum evacuátio,  
 concupiscéntiæ et libídinis exterminátio,  
 caritátis et paciéntiæ, humilitátis et obædiéntiæ,  
 omniúmque virtútum augmentátio:  
 contra insídias inimicórum ómnium,  
 tam visibílium quam invisibílium, firma defénsio:  
 mótuum meórum, tam carnálium quam spiritálium,  
 perfécta quietátio:  
 in te uno ac vero Deo firma adhésio,  
 atque finis mei felix consummátio.  
 Et precor te, ut ad illud ineffábile convívium  
 me peccatórem perdúcere dignéris,  
 ubi tu, cum Filio tuo et Spíritu Sancto,  
 Sanctis tuis es lux vera, satiétas plena,  
 gáudium sempitérnum, iucúnditas consummáta  
 et felicitas perfécta.  
 Per Christum Dóminum nostrum.  
 Amen.

### Aspirationes ad Ss.mum Redemptorem

Anima Christi, sanctífica me.  
 Corpus Christi, salva me.  
 Sanguis Christi, inébria me.  
 Aqua láteris Christi, lava me.  
 Pássio Christi, confórta me.  
 O bone Iesu, exáudi me.  
 Intra tua vúlnera absconde me.  
 Ne permíttas me separári a te.  
 Ab hoste maligno defénde me.  
 In hora mortis meæ voca me.  
 Et iube me veníre ad te,  
 ut cum Sanctis tuis laudem te  
 in sæcula sæculórum.  
 Amen.

**Oblatio sui**

Súscipe, Dómine, univérsam meam libertátem.  
 Accipe memóriam, intelléctum atque voluntátem omnem.  
 Quidquid hábeo vel possídeo, mihi largítus es:  
 id tibi totum restítuo,  
 ac tuæ prorsus voluntáti trado gubernándum.  
 Amórem tui solum cum grátia tua mihi dones,  
 et dives sum satis, nec áliud quidquam ultra posco.

**Oratio ad D. N. Iesum Christum Crucifixum**

En ego, o bone et dulcíssime Iesu,  
 ante conspéctum tuum génibus me provólvo,  
 ac máximo ánimi ardóre te oro atque obtéstor,  
 ut meum in cor vívidos fidei, spei et caritátis sensus,  
 atque veram peccatórum meórum pæniténtiam,  
 eáque emendándi firmíssimam voluntátem velis imprímere;  
 dum magno ánimi afféctu et dolóre  
 tua quinque vúlnera mecum ipse consídero  
 ac mente contéplor,  
 illud præ óculis habens,  
 quod iam in ore ponébat tuo David prophéta de te,  
 o bone Iesu:  
 Foderunt manus meas et pedes meos:  
 dinumeravérunt ómnia ossa mea (Ps 21, 17).

**Oratio universalis**  
**sub nomine Clementis Pp. XI vulgata**

Credo, Dómine, sed credam firmius;  
 spero, sed sperem secúrius;  
 amo, sed amem ardéntius;  
 dóleo, sed dóleam veheméntius.  
 Adóro te ut primum princípium;  
 desídero ut finem últimum;  
 laudo ut benefactórem perpétuum;  
 ínvoico ut defensórem propítium.

Tua me sapiéntia dírige,  
iustítia cóntine, cleméntia soláre,  
poténtia prótege.

Offero tibi, Dómine, cogitánda, ut sint ad te;  
dicénda, ut sint de te;  
faciénda, ut sint secúndum te;  
ferénda, ut sint propter te.

Volo quidquid vis, volo quia vis,  
volo quómo vis,  
volo quámdiu vis.

Oro, Dómine: íntelléctum illúmines,  
voluntátem inflámmes,  
cor emúndes, ánimam sanctífices.

Défleam prætéritas iniquitátes, repéllam futúras tentatiónes,  
córrigam vitiósas propensiónes,  
éxcolam idóneas virtútes.

Tribue mihi, bone Deus, amórem tui, ódium mei,  
zelum próximi, contéptum mundi.

Stúdeam superiórius obcedíre,  
inferiórius subveníre,  
amícis consúlere, inimícis párcere.

Vincam voluptátem austeritáte,  
avarítiam largitáte, iracúndiam lenitáte,  
tepiditátem fervóre.

Redde me prudéntem in consíliis,  
constántem in periculis, paciéntem in advérsis,  
húmilem in próspéris.

Fac, Dómine, ut sim in oratióne atténtus,  
in épulis sóbrius,  
in múnere sédulus, in propósito firmus.

Curem habére innocéntiam interiorem,  
modéstiam exteriorem, conversatiónem exemplárem,  
vitam regulárem.

Assidue invigilem naturæ domandæ,  
gratiæ fovendæ, legi servandæ,  
saluti promerendæ.

Discam a te quam tenue quod terrenum,  
quam grande quod divinum,  
quam breve quod temporaneum,  
quam durabile quod æternum.

Da, ut mortem præveniam,  
iudicium pertimeam,  
infernium effugiam, paradisum obtineam.  
Per Christum Dñm nostrum. Amen.

### Oratio ad B. Mariam Virginem


O Maria, Virgo et Mater sanctissima,  
ecce suscepisti dilectissimum Filium tuum,  
quem immaculato útero tuo concepisti,  
genuisti, lactasti atque suavissimis amplexibus strinxisti.  
Ecce, cuius aspectu lætabaris et omnibus deliciis replebaris,  
illum ipsum tibi humiliter et amanter repræsento et offero,  
tuis brachiis constringendum, tuo corde amandum,  
sanctissimæque Trinitati in supremum patriæ cultum,  
pro tui ipsius honore et gloria  
et pro meis totiusque mundi necessitatibus, offerendum.  
Rogo ergo te, piissima Mater,  
impetra mihi veniam omnium peccatorum meorum,  
uberemque gratiam ipsi deinceps fidelius serviendi,  
ac denique gratiam finalem,  
ut eum tecum laudare possim per omnia sæcula sæculorum.  
Amen.



# CANTUS IN ORDINE MISSÆ

## I. AD RITUS INITIALES


### Ad signum crucis




In nómine Patris, et Fi-li-i, et Spí-ri-tus Sancti. R. Amen.

### Ad salutacionem


1



Grá-ti-a Dómini nostri Iesu Christi, et cá-ri-tas De-i, et communi-




cá-ti-o Sancti Spí-ri-tus sit cum ómnibus vo-bis. R. Et cum spí-ri-tu



tu-o.

2



Grá-ti-a vo-bis et pax a De-o Patre nostro et Dómi-no Iesu



Chri-sto. R. Bene-dictus De-us et Pater Dómi-ni nostri Iesu Chri-sti.

3



Dóminus vobiscum. [Pax vobis.] R. Et cum spí-ri-tu tu-o.

Vel




Dóminus vobis-cum. [Pax vo-bis.] R. Et cum spí-ri-tu tu-o.

## II. PRO ORATIONIBUS

A

Post collectam




... per ómni-a sæcu-la sæcu-ló-rum. R. Amen.

Post alias orationes



Per Christum Dóminum nostrum. R. Amen.


Vel



Qui vi-vit et regnat in sæcu-la sæcu-ló-rum. R. Amen.

B

Post collectam




... per ómni-a sæcu-la sæcu-ló-rum. R. Amen.

Post alias orationes



Per Christum Dóminum nostrum. R. Amen.

Vel

Qui vi-vit et regnat in sæcu-la sæcu-ló-rum. **R.** Amen.

Hic tonus **B** aptius convenit cum oratione super oblata, ad inducendam salutationem **Dóminus vobiscum** ante præfationem.

## III. AD LITURGIAM VERBI

Post lectionem I

Verbum Dómi-ni. **R.** De-o grá-ti-as.

Post lectionem II vel unicam ante Evangelium



Verbum Dómi-ni. **R.** De-o grá-ti-as.

Hæc lectio potest etiam cantari in tono præcedenti (lectionis I).

## Ad Evangelium


A

Ante Evangelium

Dóminus vobiscum. **R.** Et cum spi-ri-tu tu-o.Lécti-o sancti Evangé-li-i se-cúndum Matté-um. **R.** Gló-ri-a ti-bi,

Dómi-ne.


## Post Evangelium




Verbum Dómi-ni. **R.** Laus tibi, Christe.

## B

## Ante Evangelium



Dóminus vobiscum. **R.** Et cum spi-ri-tu tu-o.



Lécti-o sancti Evangé-li-i secúndum Matté-um. **R.** Glóri-a ti-bi,



Dómi-ne.

## Post Evangelium



Verbum Dómi-ni. **R.** Laus tibi, Christe.

## C

## Ante Evangelium



Dóminus vobis-cum **R.** Et cum spi-ri-tu tu-o.




Lécti-o sancti Evangé-li-i secúndum Matté-um. **R.** Gló-ri-a tibi,



Dómine.

## Post Evangelium



Verbum Dómi-ni. *R.* Laus tibi, Christe.

## Ad orationem universalem

## Post unamquamque intentionem



... † exaudi-re digné- ris. *R.* Te rogámus audi nos.

## IV. AD PRECEM EUCHARISTICAM

## Toni præfationum


## A. Tonus simplex



Dóminus vo-biscum. *R.* Et cum spí-ri-tu tu-o.




*V.* Sursum corda. *R.* Habémus ad Dóminum.



*V.* Grá-ti-as a-gámus Dómino De-o nostro. *R.* Dignum et iustum est.

Cum, ob auctum numerum præfationum, difficile sit pro unaquaque earum integrum textum melodiis ornatum præbere, hic exhibetur tantummodo exemplar unius præfationis in tono simplici et in tono sollemni, super quo melodiæ aliarum extrui possunt.

## PRÆFATIO II DE ADVENTU



Ve-re dignum et iustum est, æquum et sa-lu-tá-re, nos ti-bi semper et

u-bique grá-ti-as á-ge-re: Dómine, sancte Pa-ter, omni-po-tens æ-tér-

ne De-us: per Christum Dóminum nostrum. Quem præ-dixé-runt cunc-

tó-rum præcó-ni-a prophe-tá-rum, Virgo Ma-ter in-effá-bi-li di-lecti ó-

ne sustí-nu-it, Io-ánnes cé-ci-nit affu-tú-rum et adesse monstrá-vit.

Qui su-æ na-ti-vi-tá-tis mysté-ri-um trí-bu-it nos præve-ni-re gaudén-





tes, ut et in o-ra-ti-ó-ne pervi-gi-les et in su-is invé-ni-at láudi-

bus exsultántes. Et í-de-o cum Ange-lis et Archánge-lis, cum Thro-

nis et Domi-na-ti-ó-nibus, cumque omni mi-li-ti-a cæ-léstis ex-ér-ci-

tus, hymnum gló-ri-æ tu-æ cá-nimus, sine fi-ne di-céntes:


## B. Tonus sollemnis






lúdi-bus exsultátes. Et í-de-o cum Ange-lis et Archánge-lis, cum  
Thro-nis et Domi-na-ti-ó-nibus, cumque omni mi-li-ti-a cæ-léstis ex-  
ér-ci-tus, hymnum gló-ri-æ tu-æ cá-nimus, si-ne fi-ne di-cétes:

### PREX EUCHARISTICA I




Quam obla-ti-ónem tu, De-us, in ómni-bus, quæsumus, bene-díctam, ad-  
scríptam, ra-tam, ra-ti-óná-bi-lem acceptabi-lémque fá-ce-re digné-ris:  
ut nobis Corpus et Sanguis fi-at dí-lectíssimi Fi-li-i tu-i, Dómini  
nostri Iesu Chri-sti. Qui prí-di-e quam pa-te-ré-tur, accé-pit panem  
in sanctas ac vene-rá-bi-les manus su-as, et e-le-vá-tis ócu-lis in cæ-  
lum ad te De-um Patrem su-um omni-po-téntem, tí-bi grá-ti-as a-gens







bene-dí-xit, fre-git dedítque discípu-lis su-is, dí-cens: ACCI-PI-TE ET




MANDUCATE EX HOC OMNES: HOC EST ENIM CORPUS ME-UM, QUOD



PRO VOBIS TRADE-TUR. Simi-li modo, postquam cená-tum est, acci-pi-




ens et hunc præclá-rum cá-li-cem in sanctas ac vene-rá-bi-les manus




su-as, í-tem tí-bi grá-ti-as a-gens bene-dí-xit dedítque discípu-lis



su-is, dí-cens: ACCI-PI-TE ET BI-BI-TE EX E-O OMNES: HIC EST E-



NIM CA-LIX SANGUI-NIS ME-I, NOVI ET ÆTERNI TESTAMENTI, QUI PRO




VO-BIS ET PRO MULTIS EFFUNDETUR IN REMISSI-ONEM PECCATO-RUM.



HOC FA-CITE IN ME-AM COMMEMORA-TI-O-NEM.

Celebrans calicem ostendit populo, deponit super corporale, et genuflexus adorat. Deinde cantat:




Mysté-ri-um fi-de-i: vel Mysté-ri-um fi- de-i:


Et populus prosequitur, acclamans:




R. Mortem tu-am annunti- ámus, Dómi-ne, et tu-am resurrecti- ónem



confi-témur do-nec véni- as.



Unde et mémo-res, Dómine, nos servi tu- i, sed et plebs tu- a sanc-



ta, e-íusdem Christi Fí- li- i tu- i, Dómi-ni nostri, tam be- á-tæ pas-



si- ó-nis, necnon et ab infé-ris resurrecti- ó-nis, sed et in cælos glo-



ri- ó-æ ascensí- ó-nis: offé-rimus præclá-ræ ma-iestá-ti tu-æ de tu- is



dónis ac da-tis hósti- am pu-ram, hósti- am sanctam, hósti- am imma-




cu-lá-tam, Panem sanctum vitæ ætérnæ et Cá-li-cem sa-lú-tis perpé-tu-æ.




Supra quæ pro-pí-ti- o ac se-réno vultu respi-co-re digné-ris: et accép-




ta habé-re, sic-u-ti accépta habé-re digná-tus es mún-e-ra pú- e-ri tu-




i iusti Abel, et sacri-fi-ci-um Patri-archæ nostri Abrahæ, et quod




ti-bi óbtu-lit summus sa-cérδος tu-us Melchí-sedech, sanctum sacri-fi-




ci-um, imma-cu-lá-tam hósti-am.




Súppli-ces te rogámus, omní-po-tens De-us: iube hæc perférri per ma-




nus sancti Ange-li tu-i in sublíme altá-re tu-um, in conspéctu di-



vínæ ma-iestá-tis tu-æ; ut, quotquot ex hac altá-ris parti-ci-pa-ti-ó-



ne sacro-sánc-tum Fi-li-i tu-i Corpus et Sánguinem sumpsé-rimus,




omni bene-dicti-óne cæ-lésti et grá-ti-a reple-ámur. [Per e-úndem




Christum Dóminum nostrum. Amen.]


## PREX EUCHARISTICA II




Qui cum passi-óni vo-luntá-ri-e trade-ré-tur, accépit panem et grá-ti-




as a-gens fro-git, deditque discípu-lis su-is, di-cens: ACCI-PI-TE ET



MANDUCATE EX HOC OMNES: HOC EST ENIM CORPUS ME-UM, QUOD




PRO VOBIS TRADE-TUR. Simi-li modo, postquam cená-tum est, acci-



pi-ens et cá-li-ccm, i-te-rum grá-ti-as a-gens de-dit discí-pu-lis su-is,



di-cens: ACCI-PITE ET BI-BI-TE EX E-O OMNES: HIC EST ENIM CA-



LIX SANGUINIS ME-I NOVI ET ÆTERNI TESTAMENTI, QUI PRO VO-BIS




ET PRO MULTIS EFFUNDETUR IN REMISSI-ONEM PECCATO-RUM. HOC




FACI-TE IN ME-AM COMMEMORATI-O-NEM.

Celebrans calicem ostendit populo, deponit super corporale, et genuflexus adorat. Deinde cantat:




Mysté-ri-um fi-de-i: **vel** Mysté-ri-um fi- de- i:

Et populus prosequitur, acclamans:




**R.** Mor-tem tu-am annunti-ármus, Dó-mi-ne, et tu-am re-surrecti-ónem




confi-témur, do-nec vé-ni-as.



Mémo-res i-gi-tur mortis et resurrecti-ónis e-lus, tibi, Dómine, pa-



nem vi-tæ et cá-li-cem sa-lú-tis offé-rimus, grá-ti-as ágéntes qui a-




nos dignos habu-ísti astá-re co-ram te et ti-bi mi-nistrá-re.


### PREX EUCHARISTICA III



Ipse enim in qua nocte trade-bá-tur accé-pit panem, et ti-bi grá-ti-as



a-gens bene-dí-xit, fregit deditque discipu-lis su-is, dí-cens: ACCI-PI-TE




ET MANDUCATE EX HOC OMNES: HOC EST E-NIM COR-PUS ME-UM,  
 QUOD PRO VO-BIS TRADE-TUR. Simi-li modo, postquam ce-ná-tum est,  
 acci-pi-ens cá-ll-cem, et ti-bi grá-ti-as a-gens bene-dí-xit de-dítque  
 disci-pu-lis su-is, di-cens: ACCI-PITE ET BI-BI-TE EX E-O OMNES:  
 HIC EST E-NIM CALIX SANGUINIS ME-I, NOVI ET ÆTERNI TESTAMEN-  
 TI, QUI PRO VOBIS ET PRO MULTIS EFFUNDETUR IN REMISSI-ONEM PEC-  
 CÁTO-RUM. HOC FACI-TE IN ME-AM COMMEMORATI- O-NEM.

Celebrans calicem ostendit populo, deponit super corporale, et genuflexus adorat. Deinde cantat:




Mysté-ri-um fi-de-i: **vel** Mysté-ri-um fi-de-i:

Et populus prosequitur, acclamans:




R. Mortem tu- am annunti- ámus, Dómine, et tu- am resurrecti- ónem



confi- témur, do- nec vé- ni- as.



Mémo- res i- gi- tur, Dómine, e- iúsdem Fi- li- i tu- i sa- lu- ti- feræ pas-



si- ó- nis necnon mi- rá- bi- lis re- surrecti- ó- nis et ascensi- ó- nis in ca-




lum, sed et præsto- lán- tes ál- te- rum e- ius advéntum, offé- rimus ti- bi,



grá- ti- as re- fe- réntes, hoc sacri- fi- ci- um vivum et sanctum.

#### PREX EUCHARISTICA IV



Ipse e- nim, cum ho- ra ve- nisset ut glo- ri- fi- ca- ré- tur a te, Pa- ter sanc-




te, ac di- le- xisset su- os qui e- rant in mundo, in fi- nem di- lé- xit




e- os: et cenántibus il- lis accépit panem, bene- dí- xit ac fre- git de-




dítque disci-pu-lis su-is, di-cens: ACCI-PITE ET MANDUCATE EX HOC




OMNES: HOC EST ENIM CORPUS ME-UM, QUOD PRO VOBIS TRADE-TUR.



Sími-li modo acci-pi-ens cá-li-cem, ex ge-ní-mi-ne vi-tis replé-tum,



grá-ti-as e-git de-dítque disci-pu-lis su-is, di-cens: ACCI-PITE ET BI-



BI-TE EX E-O OMNES: HIC EST ENIM CA-LIX SANGUINIS ME-I



NOVI ET ÆTERNI TESTAMENTI, QUI PRO VOBIS ET PRO MULTIS EFFUN-



DETUR IN REMISSI-ONEM PECCATO-RUM. HOC FACITE IN ME-AM COM-



MEMORA-TI-O-NEM.


Celebrans calicem ostendit populo, deponit super corporale, et genuflexus adorat. Deinde cantat:




Mysté-ri-um fide-i: **vel** Mysté-ri-um fi- de-i:




Et populus prosequitur, acclamans:




R. Mortem tu-am annunti- ámus, Dómi-ne, et tu-am re-surrecti- ónem




confi-témur, do-nec vé-ni-as.




Unde et nos, Dómi-ne, redempti- ónis nostræ memo-ri- á-le nunc ce-




lebrántes, mortem Christi e-íusque descénsum ad infe-ros recó-limus,




e-lus re-surrecti- ónem et ascensi- ónem ad tu-am dexte-ram pro-fi-té-



mur, et, expectántes Ipsi-us advéntum in gló-ri- a, offé-rimus ti-bi




e-lus Corpus et Sánguinem, sacri-fi-ci-um ti-bi acceptá-bi-le et to-




ti mundo sa-lu-tá-re.

### Toni doxologiæ Precis eucharisticæ


#### A. Tonus simplex



Per ipsum, et cum ipso, et in ipso, est ti-bi De-o Patri omni-po-



ténti, in u-ni-tá-te Spi-ri-tus Sancti, omnis honor et gló-ri-a per



ó-mni-a sæ-cu-la sæ-cu-ló-rum. *R.* Amen.

**B. Tonus sollemnis**



Per ipsum, et cum ipso, et in ipso, est ti-bi De-o Patri omni-po-



ténti, in u-ni-tá-te Spi-ri-tus Sancti, omnis ho-nor et gló-ri-a per



ó-mni-a sæ-cu-la sæ-cu-ló-rum. *R.* Amen.

**V. AD RITUS COMMUNIONIS**

**Toni orationis dominicæ**

**A**



Præcéptis sa-lu-tá-ri-bus mó-ni-ti, et di-vi-na insti-tu-ti-ó-ne formá-ti,



audémus dí-ce-re:




Pa-ter noster, qui es in cæ-lis: sancti-fi-cé-tur nomen tu-um: Advé-




ni- at regnum tu-um: Fi- at vo-lúntas tu-a, sic-ut in cae-lo, et in  
 terra. Panem nostrum co-ti-di-ánum da no-bis hódí- e: Et dimít-te  
 nobis dé-bi-ta nostra, sic-ut et nos dimít-timus de-bi-tó-ribus nostris.  
 Et ne nos indú-cas in tenta-ti-ó-nem; sed lí-be-ra nos a ma- lo.

Líbera nos, ut infra p. 1867.


## B



Præcèptis sa-lu-tá-ribus mó-ni-ti, et di-vi-na insti-tu-ti-ó-ne formá-ti,  
 audémus dí-ce-re:  
 Pa-ter noster, qui es in cae- lis: sancti-fi-cé-tur no-men tu- um: Ad-  
 vé-ni- at regnum tu- um: Fi- at vo-lúntas tu-a, sic-ut in cae-lo, et in  
 ter-ra. Panem nostrum co-ti-di- ánum da no-bis hódí- e: Et dimítte




nobis dé-bi-ta nostra, sic-ut et nos dimittimus de-bi-tó-ribus nostris.




Et ne nos indúcas in tenta-ti-ó-nem; sed lí-be-ra nos a ma-lo.

Líbera nos, ut infra p. 1867.


## C




Præcèptis sa-lu-tá-ribus mó-ni-ti, et di-vi-na insti-tu-ti-ó-ne formá-ti,




audémus dí-ce-re:




Pa-ter noster, qui es in cae-lis: sancti-fi-cé-tur no-men tu-um: Ad-




vé-ni-at regnum tu-um: Fi-at vo-lúntas tu-a, sic-ut in caelo, et in



ter-ra. Panem nostrum co-ti-di-ánum da nobis hó-di-e: Et dimít-




te no-bis dé-bi-ta nostra, sic-ut et nos dimít-timus de-bi-tó-ribus no-



stris. Et ne non indú-cas in tenta-ti-ó-nem; sed lí-be-ra nos a ma-lo.

## Ad embolismum



Libe-ra nos, quæsumus, Dómine, ab ómnibus ma-lis, da pro-pí-ti-us  
 pa-cem in di-ébus nostris, ut, ope mi-se-ri-córdi-æ tu-æ adiú-ti, et  
 a peccá-to simus semper lí-be-ri, et ab omni perturba-ti-óne se-  
 cú-ri: exspectántes be-á-tam spem, et advéntum Salva-tó-ris nostri  
 Iesu Chri-sti.



*℣.* Qui a tu-um est regnum, et po-té-tas, et gló-ri-a in sæcu-la.

## Ad pacem


## Post orationem



...Qui vi-vis et regnas in sæcu-la sæcu-ló-rum. *R.* Amen.



Pax Dómi-ni sit semper vobis-cum. *℣.* Et cum spi-ri-tu tu-o.




Offérte vobis pa-cem.


## VI. AD RITUS CONCLUSIONIS

## Ad benedictionem simplicem


A

Dóminus vobiscum. *R.* Et cum spí-ri-tu tu-o.


Bene-dí-cat vos omní-po-tens De-us, Pa-ter, et Fí-li-us, et Spi-ri-tus

Sanctus. *R.* Amen.

B


Dóminus vobis-cum. *R.* Et cum spí-ri-tu tu-o.

Bene-dí-cat vos omní-po-tens De-us, Pa-ter, et Fí-li-us, et Spi-ri-tus

Sanctus. *R.* Amen.


## Ad benedictionem sollemnem et orationes super populum

A


Dóminus vobiscum. *R.* Et cum spí-ri-tu tu-o.

Incliná-te vos ad benedi-cti-ónem.


Post unamquamque invocationem



R. Amen.




Bene-dí-cat vos omní-po-tens De-us, Pa-ter, et Fi-li-us, et Spí-ri-tus



Sanctus. R. Amen.

B



Dóminus vobíscum. R. Et cum spí-ri-tu tu-o.




Inclíná-te vos ad bene-dicti-ónem.


Post unamquamque invocationem



R. Amen.




Bene-dí-cat vos omní-po-tens De-us, Pa-ter, et Fi-li-us, et Spí-ri-tus



Sanctus. R. Amen.

## Ad benedictionem episcopalem


## A



Dóminus vobiscum. **R.** Et cum spí-ri-tu tu-o.



**V.** Sit nomen Dómi-ni bene-díctum. **R.** Ex hoc nunc et usque in sæ-




cu-lum. **V.** Adiutó-ri-um nostrum in nómine Dómi-ni. **R.** Qui fe-cit



cæ-lum et terram.




Bene-dí-cat vos omni-po-tens De-us, Pa-ter, et Fi-li-us, et Spi-ri-tus



Sanctus. **R.** Amen.

## B




Dóminus vobis-cum. **R.** Et cum spí-ri-tu tu- o.




**V.** Sit nomen Dómi-ni bene-díctum. **R.** Ex hoc nunc et usque in sæ-






cu-lum V. Adiutó-ri- um nostrum in nó-mi-ne Dó-mi-ni. R. Qui fe-cit



cae-lum et terram.



Bene-dí-cat vos omni-potens De-us, Pa-ter, et Fi-li-us, et Spi-ri-tus



Sanctus. R. Amen.

### Ad dimittendum populum



I-te, mis-sa est.

R. De-o grá-ti-as.

Dominica Resurrectionis, infra octavam Paschæ ne non dominica Pentecostes:



I-te, missa est, alle-lú-ia, alle- lú-ia.

R. De-o grá-ti-as, alle-lú-ia, alle- lú-ia.

# ALII CANTUS IN MISSALI OCCURRENTES

## Exemplar invitatorii in oratione universali feria VI in Passione Domini



Orémus, dilectissimi nobis, pro Ecclesi-a sancta De-i, ut e-am  
De-us et Dóminus noster pa-ci-fi-cá-re, aduná-re et custo-dí-re di-  
gné-tur to-to orbe terrá-rum, detque nobis, qui-étam et tranquil-lam  
vi-tam degénti-bus, glo-ri-fi-cá-re De-um Patrem omni-po-téntem.


Oratio dicitur in tono feriali, vel, ubi a Conferentia Episcopali statutum fuerit ut serventur ante et post precationem in silentio invitationes *Flectámus genua - Leváte*, in tono antiquiore.

## Invitatio in ostendenda sancta Cruce feria VI in Passione Domini




Ecce li-gnum Cru-cis, in quo sa-lus mun-di pe-pén-  
dit.







tis mi-se-ri-córdi-am invocá-te. Ut, qui me non me-is mé-ri-tis



intra Levi-tá-rum nú-me-rum digná-tus est aggre-gá-re, lú-mi-nis su-i



cla-ri-tá-tem infú-dens, cé-re-i hu-i-us laudem implé-re perfi-ci-at.)



*V.* Dóminus vo-bíscum. *R.* Et cum spi-ri-tu tu-o.)




*V.* Sursum corda. *R.* Habémus ad Dómi-num.




*V.* Grá-ti-as a-gá-mus Dómino De-o nostro. *R.* Dignum et iustum est.




Ve-re dignum et iustum est, invi-sí-bi-lem De-um Patrem omni-po-



téntem Fi-li-úmque e-i-us uni-gé-ni-tum, Dómi-num nostrum Iesum




Christum, to-to cordis ac mentis af-féctu et vo-cis mi-nisté-ri-o per-




soná-re. Qui pro nobis æ-térno Patri Adæ dé-bi-tum solvit: et vé-  
 te-ris pl-á-cu-li cauti-ónem pl-o cru-ó-re de-té-rsit. Hæc sunt e-  
 nim festa paschá-li-a, in quibus ve-rus il-le Agnus oc-cí-di-tur, cu-  
 ius sán-guine postes fi-dé-li-um consecrántur. Hæc nox est, in qua  
 primum patres nostros, fi-li-os Isra-ël edúctos de Æ-gýpto, Ma-  
 re Rubrum sicco vesti-gi-o transí-re fe-cisti. Hæc í-gi-tur nox est,  
 que pecca-tó-rum té-nebras co-lúmne il-lumi-na-ti-ó-ne purgá-vit. Hæc  
 nox est, que hó-di-e per u-ni-vérsum mundum in Christo cre-dentes,  
 a ví-ti-is sé-cu-li et ca-li-gi-ne pecca-tó-rum segre-gá-tos, red-dit  
 grá-ti-æ, só-ci-at sancti-tá-ti. Hæc nox est, in qua, destrúctis vín-


cu-lis mortis, Christus ab infe-ris vic-tor ascéndit. Ni-hil e-nim no-  
 bis nasci pró-fu-it, ni-si réd-imi pró-fu-isset. O mi-ra cir-ca nos  
 tu-æ pi-e-tá-tis digná-ti-o! O inestimá-bi-lis di-lécti-o ca-ri-tá-  
 tis: ut servum red-ímeres, Fi-li-um tra-di-dísti! O certe ne-cessá-  
 ri-um Adæ pec-cá-tum, quod Christi mor-te de-lé-tum est! O fe-lix  
 culpa, quæ ta-lem ac tantum mé-ru-it há-bé-re Redemptó-rem! O  
 ve-re be-á-ta nox, quæ so-la mé-ru-it sci-re tempus et ho-ram, in  
 qua Christus ab infe-ris re-surré-xit! Hæc nox est, de qua scrip-tum  
 est: Et nox sic-ut di-es il-lumi-ná-bi-tur: et nox il-lumi-ná-ti-o me-  
 a in-de-lí-ci-is me-is. Hu-ius í-gi-tur sancti-fi-cá-ti-o noctis




fu- gat scô-le-ra, cul-pas lavat: et reddit innocénti-am lapsis, et  
 mæ-stis læ-ti-ti-am. Fu- gat ó-di-a, concórdi-am pa-rat, et cur-vat  
 impé-ri-a.




In hu-ius í-gi-tur noctis grá-ti-a, sús-ci-pe, sancte Pa-ter, laudis hu-  
 ius sacri-fi-ci-um ves-per-tinum, quod tí-bi in hac cê-re-i obla-ti-  
 ó-ne sollémni, per ministró-rum manus de opé-ri-bus apum, sacro-  
 sáncta red-dit Ecclé-si-a. Sed iam co-lúmne hu-ius præ-có-ni-a nó-  
 vimus, quam in honó-rem De-i rú-ti-lans ignis accéndit. Qui li-cet  
 sit di-ví-sus in partes, mu-tu-á-ti tamen ló-mi-nis detrimén-ta non no-  
 vit. A-li-cur e-nim liquántibus ce-ris, quas in substánci-am præ-ti-




óse hu-ius lámpa-dis a-plis ma-ter edú-xit. O ve-re be-á-ta nox,




in qua terré-nis cæ-lésti-a, humá-nis di-vi-na iungúntur.



Orá-mus ergo te, Dó-mine, ut cé-re-us iste in honó-rem tu-i nó-




mi-nis conse-crá-tus, ad noctis hu-ius ca-li-ginem destru-éndam, in-



de-fi-ci-ens perse-vé-ret. Et in odó-rem su-a-vi-tá-tis ac-céptus, su-



pérnis luminá-ribus misce-á-tur. Flammas e-ius lú-ci-fer ma-tu-tí-nus



invé-ni-at. Ille, inquam, lú-ci-fer, qui nescit occá-sum: Christus




Fi-li-us tu-us, qui, regréssus ab infe-ris, humá-no gé-ne-ri se-rénus il-




lú-xit, et te-cum vi-vit et regnat in sæ-cu-la sæ-cu-ló-rum. **R.** Amen.



## Præconium paschale forma brevior




Exsultet iam angé-li-ca turba cæ-ló-rum: exsultent di-vi-na mysté-ri-




a: et pro tanti Re-gis victó-ri-a tuba insonet sa-lu-tá-ri-s. Gáu-




de-at et tellus tantis irra-di-á-ta fulgó-ribus: et æ-térni Re-gis splen-




dó-re illustrá-ta, to-ti-us orbis se sénti-at ami-sisse ca-lí-gi-nem.




Læ-té-tur et ma-ter Ecclé-si-a, tanti lúmi-nis adorná-ta fulgó-ri-bus:




et magnis popu-ló-rum vó-ci-bus hæc aula re-súl-tet.




(V. Dóminus vo-bis-cum. R. Et cum spí-ri-tu tu-o.)




V. Sursum corda. R. Habémus ad Dómi-num.




V. Grá-ti-as a-gámus Dómino De-o nostro. R. Dignum et iustum est.




Ve-re dignum et iustum est, invi-si-bi-lem De-um Patrem omnipo-




téntem Fi-ll-úmque e-ius u-ni-gé-ni-tum, Dóminum nostrum Ie-sum




Christum, toto cordis ac mentis af-féctu et vo-cis mi-nisté-ri-o per-




soná-re. Qui pro nobis æ-térno Patri Adæ dé-bi-tum solvit: et vé-



te-ris pi-á-cu-li cauti-ónem pi-o cru-ó-re de-térsit. Hæc sunt e-nim




fésta paschá-li-a, in quibus ve-rus il-le Agnus oc-ci-di-tur, cu-ius




sángui-ne postes fidé-li-um consecrántur. Hæc nox est, in qua pri-



imum patres nostros, fi-ll-os Isra-ël edúctos de Æ-gypto, Ma-re




Rubrum sicco vestí-gi-o transí-re fe-císti. Hæc i-gi-tur nox est,



quæ pecca-tó-rum ténebras co-lúmna: il-lumi-na-ti-ó-ne purgá-vit. Hæc




nox est, quæ hodiè per univèrsùm mundum in Christo credentes,




a vitis sæculi et caliginè peccatorum segregatos, reddit




gratiam, societatem sanctitatis. Hæc nox est, in qua, destructis vin-




culis mortis, Christus ab inferis victor ascendit. O mira circa




nos tuæ pietatis dignatio! O inestimabilis dilectio ca-




ritatis: ut servum redimeres, Filium tradidisti! O certe ne-




cessarium Adæ peccatum, quod Christi morte deletum est! O




felix culpa, quæ talem ac tantum meruit habere Redemptorem!



Huius igitur sanctificationis noctis fugat scelera, culpas lavat:




et reddit innocentiam lapsis, et mentis lætitiā. O vere be-



á-ta nox, in qua terré-nis cæ-lésti-a, humá-nis dí-vi-na iungúntur.



In hu-íus í-gi-tur noctis grá-ti-a, súscipe, sancte Pater, laudis hu-



íus sacri-fi-ci-um vesper-ti-num, quod tí-bi in hac cé-re-i obla-ti-



óne sollénni, per mí-nistrórum manus de opé-ri-bus apum, sacro-




sáncta reddit Ecclé-si-a.




Orá-mus et-go te, Dó-mine, ut cé-re-us iste in honórem tu-i nó-




minis consecrá-tus, ad noctis hu-íus ca-lí-ginem destru-éndam, inde-




fi-ci-ens persevé-ret. Et in odórem su-a-vi-tá-tis accéptus, super-




nis lumí-ná-ri-bus misce-á-tur. Flammas e-íus lú-ci-fer ma-tu-tí-nus



invé-ni-at. Ille, inquam, lú-ci-fer, qui nescit occá-sum: Christus Pí-




li-us tu-us, qui, regréssus ab infé-ri-s, húmáno gé-ne-ri se-rénus il-




lú-xit, et tecum vi-vit et regnat in sá-cu-la sæ-cu-lórum. **R.** Amen.


### Benedictio aquæ baptismalis in Vigilia paschali




De-us, qui invi-sí-bi-li po-ténti-a per sacramentórum signa mi-rá-



bi-lem ope-rá-ris efféctum, et cre-a-tú-ram aquæ multis modis præpa-




rásti, ut Baptismi grá-ti-am demonstrá-ret; De-us, cu-ius Spí-ri-tus



super aquas inter ipsa mundi primórdi-a fe-rebá-tur, ut iam tunc



virtú-tem sancti-fi-cándi aquárum natú-ra concípe-ret; De-us, qui



rege-nera-ti-ó-nis spé-cl-em in ipsa di-lú-vi-i effu-si-ó-ne signásti,



ut u-ní-us e-iusdém-que e-le-ménti mysté-ri-o et fi-nis esset ví-ti-

is et o-rí-go virtó-tum; De-us, qui Abrahæ fi-li-os per Ma-re Ru-  
 brum sicco vesti-gi-o transí-re fe-císti, ut plebs, a Pha-ra-ónis servi-  
 tú-te libe-rá-ta, pópu-lum bap-ti-ca-tó-rum præ-fi-gu-rá-ret; De-us, cu-  
 ius Fi-li-us, in aqua Iordá-nis a Io-á-nne bap-ti-zá-tus, Sancto Spí-ri-  
 tu est in-ú-ctus, et, in cruce pendens, una cum sán-guine aquam de  
 lá-te-re su-o prodú-xit, ac, post resurrecti-ónem su-am, discipu-lis  
 iussit: «Ite, do-cé-te omnes gentes, bap-ti-zá-tes e-os in nó-mi-ne Pa-  
 tris, et Fi-li-i, et Spí-ri-tus Sancti»: Ré-spi-ce in fá-ci-em Ecclé-si-  
 æ tu-æ, e-ique digná-re fontem Bap-ti-sma-tis ape-ri-re. Sumat hæc  
 aqua Uni-gé-ni-ti tu-i grá-ti-am de Spí-ri-tu Sancto, ut homo, ad



imá-gi-nem tu-am cónditus, sacraménto Baptisma-tis a cunctis aqua-  
 ló-ribus ve-tustá-tis ablútus, in novam infánti-am ex aqua et Spi-ri-  
 tu Sancto re-súrge-re me-re-á-tur.

Et immittens, pro opportunitate, cereum paschalem in aquam semel  
 vel ter, prosequitur:



Descéndat, quæsumus, Dómine, in hanc pleni-túdi-nem fontis per Fi-  
 li-um tu-um virtus Spi-ri-tus Sancti,  
 et tenens cereum in aqua prosequitur:




ut omnes, cum Christo consepúl-ti per baptismum in mortem, ad vi-  
 tam cum ipso re-súrgant. Per Dóminum nostrum Iesum Christum, Fi-  
 li-um tu-um, qui tecum vi-vit et regnat in u-ni-tá-te Spi-ri-tus  
 Sancti De-us, per ómni-a sæcu-la sæcu-ló-rum. R. Amen.

1886 Appendix - Cantus in Missali occurrentes

Deinde tollitur cereus de aqua, populo acclamante:



Bene-di-ci-te, fontes, Dómino, laudá-te et super-exal-tá-te e-um in sé-



cu-la.



# INDICES

## INDEX ALPHABETICUS CELEBRATIONUM

Achilleus et Nereus, martyres, 12 maii . . . . .	768
Anselmus, episc. et Eccl. doctor, 21 aprilis . . . . .	749
Athanasius, episc. et Eccl. doctor, 2 maii . . . . .	762
Augustinus Cantuariensis, episcopus, 27 maii . . . . .	777
Barnabas, apostolus, 11 iunii . . . . .	787
Beda Venerabilis, presb. et Eccl. doctor, 25 maii . . . . .	774
Bernardinus Senensis, presbyter, 20 maii . . . . .	773
Bonifatius, episcopus et martyr, 5 iunii . . . . .	786
Carolus Lwanga et socii, martyres, 3 iunii . . . . .	785
Casimirus, 4 martii . . . . .	732
Catharina Senensis, virgo et Eccl. doctor, 29 aprilis . . . . .	754
Cyrillus Hierosolymitanus, episc. et Eccl. doctor, 18 martii . . . . .	735
Cyrillus, monachus, et Methodius, episcopus, 14 februarii . . . . .	725
Ephræm, diaconus et Eccl. doctor, 9 iunii . . . . .	787
Felicitas et Perpetua, martyres, 7 martii . . . . .	732
Fidelis de Sigmaringen, presbyter et martyr, 24 aprilis . . . . .	750
Francisca Romana, religiosa, 9 martii . . . . .	734
Franciscus de Paola, eremita, 2 aprilis . . . . .	746
Fundatores Ordinis Servorum B.M.V., 17 februarii . . . . .	726
Georgius, martyr, 23 aprilis . . . . .	749
Gregorius VII, papa, 25 maii . . . . .	775
Hieronymus Emiliani, 8 februarii . . . . .	723
Iacobus Minor et Philippus, apostoli, 3 maii . . . . .	764
Jesus Christus D.N.:	
— Annuntiatio, 25 martii . . . . .	741
— Ascensio . . . . .	541
— Cor sacratissimum (votiva) . . . . .	1656
— Corpus et Sanguis sacratissimum (votiva de SS. Eucharistia) . . . . .	1607

## [Iesus Christus D. N.:]

— Crucis sanctæ mysterium (votiva) . . . . .	1574
— Nomen sanctissimum (votiva) . . . . .	1632
— Resurrectio . . . . .	370
— Sanguis pretiosissimus (votiva) . . . . .	1644
— Summus et æternus Sacerdos (votiva) . . . . .	1610
Ioannes I, papa et martyr, 18 maii . . . . .	772
Ioannes a Deo, religiosus, 8 martii . . . . .	733
Ioannes Baptista de la Salle, presbyter, 7 aprilis . . . . .	747
Joseph, Sponsus B.M.V.:	
— Opifex, 1 maii (et votiva) . . . . .	758, 1706
— Sollemnitatis, 19 martii (et votiva) . . . . .	736, 1706
Isidorus, episc. et Eccl. doctor, 4 aprilis . . . . .	746
Iustinus, martyr, 1 iunii . . . . .	782
Marcellinus et Petrus, martyres, 2 iunii . . . . .	784
Marcus, evangelista, 25 aprilis . . . . .	750
Maria, Beata Virgo:	
— Mater Ecclesiæ (votiva) . . . . .	1696
— Nomen sanctissimum (votiva) . . . . .	1698
— Visitatio, 31 maii . . . . .	777
— de Lourdes, 11 februarii . . . . .	724
Maria Magdalena de' Pazzi, virgo, 25 maii . . . . .	775
Martinus I, papa et martyr, 13 aprilis . . . . .	748
Matthias, apostolus, 14 maii . . . . .	769
Methodius, episc., et Cyrillus, monachus, 14 februarii . . . . .	725
Nereus et Achilleus, martyres, 12 maii . . . . .	768
Norbertus, episcopus, 6 iunii . . . . .	786
Omnes Sancti (votiva) . . . . .	1722
Pancratius, martyr, 12 maii . . . . .	768
Patricius, episcopus, 17 martii . . . . .	735
Paulus, apostolus (votiva) . . . . .	1716
Paulus Miki et socii, martyres, 6 februarii . . . . .	721
Perpetua et Felicitas, martyres, 7 martii . . . . .	732
Petrus, apostolus: Cathedra, 22 febr. (et votiva) . . . . .	727, 1714
Petrus et Marcellinus, martyres, 2 iunii . . . . .	784
Petrus Chanel, presbyter et martyr, 28 aprilis . . . . .	753
Petrus Damianus, episc. et Eccl. doctor, 21 februarii . . . . .	726
Philippus et Iacobus Minor, apostoli, 3 maii . . . . .	764

Philippus Neri, presbyter, 26 maii . . . . .	776
Pius V, papa, 30 aprilis . . . . .	757
Polycarpus, episcopus et martyr, 23 februarii . . . . .	730
Scholastica, virgo, 10 februarii . . . . .	723
Spiritus Sanctus: Pentecostes (et votiva) . . . . .	586, 1682
Stanislaus, episcopus et martyr, 11 aprilis . . . . .	748
Trinitas sanctissima (votiva) . . . . .	1565
Turibius de Mogrovejo, episcopus, 23 martii . . . . .	740
Vincentius Ferrer, presbyter, 5 aprilis . . . . .	747

## INDEX LECTIONUM

### GENESIS

1	1. 26-31a . . . . .	339
	1 — 2, 2 . . . . .	337
	11-12 . . . . .	1462
	26-28. 31a . . . . .	1196
	26 — 2, 3 . . . . .	758, 1455
2	4b-9. 15 . . . . .	1456
	7-9; 3, 1-7 . . . . .	43
	18-24 . . . . .	1197
3	9-15. 20 . . . . .	818
4	3-10 . . . . .	1445
9	8-15 . . . . .	47
11	1-9 . . . . .	586, 1687
12	1-4a . . . . .	74, 983, 1064, 1248, 1338
	1-7 . . . . .	819
14	18-20 . . . . .	1611
15	1-6. 18a . . . . .	1076
	5-12. 17-18 . . . . .	80
17	1-8 . . . . .	1077
	3-9 . . . . .	214
22	1-18 . . . . .	342
	1-2. 9a. 10-13. 15-18 . . . . .	77, 343
24	48-51. 58-67 . . . . .	1198
28	11-18 . . . . .	1293
35	1-4. 6-7a . . . . .	1079
37	3-4. 12-13a. 17b-28 . . . . .	97

### EXODUS

3	1-6. 9-12 . . . . .	1339
	1-8a. 13-15 . . . . .	117
	13-15 . . . . .	1633
12	1-8. 11-14 . . . . .	291, 1576
	21-27 . . . . .	1645
14	15 — 15, 1 . . . . .	345
16	2-4. 12-15 . . . . .	1612
17	1-7 . . . . .	122
	3-7 . . . . .	107, 1109

Index lectionum

1893

19	3-8a. 16-20b . . . . .	587, 1688
20	1-17 . . . . .	113
	1-3. 7-8. 12-17 . . . . .	114
23	20-23a . . . . .	1701
24	3-8 . . . . .	1613, 1674
32	7-14 . . . . .	171, 903
34	4b-6. 8-9 . . . . .	1567, 1659

LEVITICUS

19	1-2. 11-10 . . . . .	55
	1-2. 17-18 . . . . .	984

NUMERI

3	5-10a . . . . .	1154
11	11b-12. 14-17 24-25a . . . . .	1155
21	4-9 . . . . .	206

DEUTERONOMIUM

4	1. 5-9 . . . . .	131
	32-34. 39-40 . . . . .	1568
6	1-7 . . . . .	1067
	3-9 . . . . .	985
7	6-11 . . . . .	1661
8	2-3. 14b-16a . . . . .	1615
	7-18 . . . . .	1467
10	8-9 . . . . .	904, 986
	12-22 . . . . .	1662
	17-19 . . . . .	1487
24	17-22 . . . . .	1474, 1488
26	4-10 . . . . .	50
	16-19 . . . . .	71
30	1-4 . . . . .	1368
	10-14 . . . . .	1327
	15-20 . . . . .	34, 1080

IOSUE

5	9a. 10-12 . . . . .	153
8	30-35 . . . . .	1295
24	1-2a. 15-17. 18b-25a . . . . .	1081

## 1 SAMUELIS

3	1-10 . . . . .	1249, 1341
16	1b. 6-13a . . . . .	905
	1b. 6-7. 10-13a . . . . .	144

## 2 SAMUELIS

7	1-5. 8b-11. 16 . . . . .	821
	4-5a. 12-14a. 16 . . . . .	736

## 1 REGUM

3	11-14 . . . . .	939
8	22-23. 27-30 . . . . .	797
	55-61 . . . . .	1522
19	4-8 . . . . .	1616
	4-9a. 11-15a . . . . .	987, 1250
	16b. 19-21 . . . . .	989, 1252, 1343

## 2 REGUM

4	18b-21. 32-37 . . . . .	195
5	1-15a . . . . .	124
	9-15a . . . . .	1083
20	1-6 . . . . .	1497

## 1 CHRONICORUM

15	3-4 15-16; 16, 1-2 . . . . .	822
----	------------------------------	-----

## 2 CHRONICORUM

5	6-8. 9b. 13 — 6, 2 . . . . .	798
24	18-22 . . . . .	863
36	14-16. 19-23 . . . . .	150

## NEHEMIAS

8	2-4a. 5-6. 8-10 . . . . .	1285
---	---------------------------	------

## TOBIAS

7	9c-10. 11c-17 . . . . .	1200
8	5-10 . . . . .	990, 1201
12	6-13 . . . . .	991

## IUDITH

8 2-8 . . . . . 993

## ESTHER

13 8-11 15-17 . . . . . 1406, 1511  
 8-14. 17 . . . . . 994  
 14 1. 3-5. 12-14 . . . . . 65

## 1 MACHABÆORUM

2 49-52. 57-64 . . . . . 1407  
 4 52-59 . . . . . 1296

## 2 MACHABÆORUM

6 18. 21. 24-31 . . . . . 864  
 7 1-2. 9-14 . . . . . 866  
 1. 20-23. 27b-29 . . . . . 867  
 12 43-46 . . . . . 1767

## IOB

19 1. 23-27a . . . . . 1760  
 31 16-20. 24-25 31-32 . . . . . 1475

## PROVERBIA

2 1-9 . . . . . 1227  
 4 7-13 . . . . . 1228  
 8 22-31 . . . . . 824, 1569  
 9 1-6 . . . . . 1617  
 31 10-13. 19-20. 30-31 . . . . . 995

## CANTICUM CANTICORUM

2 8-14 . . . . . 1253  
 8-10. 14. 16a; 8, 6-7a . . . . . 1202  
 8 6-7 . . . . . 961, 1255

## SAPIENTIA

2 1a. 12-22 . . . . . 174, 1577  
 3 1-9 . . . . . 869, 1761  
 1-6. 9 . . . . . 1761  
 4 7-15 . . . . . 1762  
 7 7-10. 15-16 . . . . . 940



## SIRACIDES

2	7-13	996
3	19-26	998
15	1-6	941
24	1-2. 5-7. 12-16. 26-30	825
26	1-4. 16-21	999, 1203
39	8-14	942
50	24-26	1523
51	1-12	870
	11-17	1634

## ISAIAS

1	10. 16-20	88
2	1-5	1388
6	1-8	907
7	10-14; 8, 10	741, 826
9	2-7	1428
	2-4. 6-7	828
11	1-4a	1126
25	6a. 7-8a	1820
	6a. 7-9	1764, 1808
	6-10a	1558
32	15-18	1430
41	8-10. 13-14	1408
42	1-7	273
	1-3	1127
43	16-21	190
44	1-3	1084
49	1-6	276
	8-15	167
	13-15	1664
50	4-7	235
	4-9a	280, 1579
52	7-10	908
	13 — 53, 12	301, 1580
53	1-5. 10-11	1498
54	5-14	348
55	1-11	350
	1-3c. 6-9	1438
	6-9	1538
	10-11	59
56	1. 6-7	799, 1389
57	15-19	1431

58	1-9a . . . . .	37
	6-11 . . . . .	1000, 1477
	9b-14 . . . . .	40
60	1-6 . . . . .	1390
61	1-3a . . . . .	909, 1156, 1321
	1-3a. 6a. 8b-9 . . . . .	285, 1128
	9-11 . . . . .	829, 1256
63	7-9 . . . . .	1524
65	17-21 . . . . .	160
66	10-14c . . . . .	724

## JEREMIAS

1	4-9 . . . . .	910, 1157, 1345
7	23-28 . . . . .	134
11	18-20 . . . . .	178
17	5-10 . . . . .	94
18	18-20 . . . . .	91
20	7-9 . . . . .	1001, 1346
	10-13 . . . . .	217
31	1-4 . . . . .	1665
	31-34 . . . . .	188, 1085, 1205

## LAMENTATIONES

3	17-26 . . . . .	1512, 1765
	22-26 . . . . .	1808, 1821

## BARUCH

3	9-15. 32 — 4, 4 . . . . .	352
---	---------------------------	-----

## EZECHIEL

3	16-21 . . . . .	911
18	21-28 . . . . .	68
	21-23 30-32 . . . . .	1539
34	11-16 . . . . .	912, 1666
36	16-17a. 18-28 . . . . .	354
	24-28 . . . . .	1086, 1110, 1130, 1369
37	1-14 . . . . .	588, 1689
	12-14 . . . . .	181
	15-19. 21b-22. 26-28 . . . . .	1370
	21-28 . . . . .	220
43	1-2. 4-7a . . . . .	800
47	1-9. 12 . . . . .	163, 1111

## DANIEL

3	14-20. 91-92. 95 . . . . .	210
	25. 34-43 . . . . .	127, 1409, 1513
7	9-10. 13-14 . . . . .	1703
9	4b-10 . . . . .	85
12	1-3 . . . . .	1766
13	1-9 15-17 19-30. 33-62 . . . . .	197
	41c-62 . . . . .	201

## OSEE

2	14. 19-20 . . . . .	1257
	14b. 15b 19-20 . . . . .	962
6	1b-6 . . . . .	140
11	1b 3-4. 8c-9 . . . . .	1071, 1667
14	2-10 . . . . .	137

## IOEL

2	12-18 . . . . .	27, 1540
	21-24. 26-27 . . . . .	1468
	23a. 26-30a . . . . .	1131
	28-32 . . . . .	590, 1691

## IONAS

3	1-10 . . . . .	61, 1542
	10 — 4, 11 . . . . .	1391

## MICHÆAS

4	1-4 . . . . .	1447
5	2-5a . . . . .	830
6	6-8 . . . . .	1002
7	7-9 . . . . .	159
	14-15. 18-20 . . . . .	101

## SOPHONIAS

2	3; 3, 12-13 . . . . .	1003
3	14-15 . . . . .	1526
	14-18 . . . . .	778
	16-20 . . . . .	1372

## ZACHARIAS

2	10-13	831
8	20-23	1393
9	9-10	1447
12	10-11; 13, 6-7	1583

## MATTHÆUS

1	1-16. 18-23	838
	16. 18-21. 24a	738
	18-23	839
	18-25	1641
2	13-15, 19-23	840, 1491
4	1-11	46
5	1-12a . . . 1021, 1141, 1214, 1271, 1418,	1434, 1725, 1784
	13-16	1022, 1170, 1215
	13-19	950
	17-19	133
	20-24	1450
	20-26	70
	23-24	1301
	38-48	1435
	43-48	72
6	1-6. 16-18	30
	7-15	60
	9-13	1075
	31-34	1458
7	7-11	1518, 1529
	7-12	66
	21. 24-25	1216
	21-27	1023
	21. 24-29	1216
	21-29	951
8	14-17	1503
9	1-8	1544
	14-15	39
	35-38	926, 1171, 1349
10	1-5a	1172
	7-13	789
	17-22	883, 1419
	22-25a	763
	26-33	1419
	28-33	884
	34-39	885

## [MATTHEUS]

11	25-30 . . . . .	1024, 1272, 1530, 1674, 1785,	1814
	27-30 . . . . .		1822
12	46-50 . . . . .		841
13	1-9 . . . . .		1464
	44-46 . . . . .		1024
	47-52 . . . . .		952
	54-58 . . . . .		761
14	22-33 . . . . .		1712
16	13-19 . . . . .	729, 807, 927,	1070
	24-27 . . . . .	1025, 1099, 1143,	1273
17	1-9 . . . . .		76
18	1-5 . . . . .		1026
	1-5. 10 . . . . .		1702
	15-20 . . . . .		1328
	19-22 . . . . .		1378
	21-35 . . . . .		129
19	3-6 . . . . .		1217
	3-12 . . . . .	697, 1026,	1274
	16-26 . . . . .		1275
	27-29 . . . . .		1027
20	17-28 . . . . .		92
	25-28 . . . . .		1172
21	1-11 . . . . .		226
	33-43. 45-46 . . . . .		99
22	34-40 . . . . .		1028
	35-40 . . . . .	1116,	1218
23	1-12 . . . . .		89
	8-12 . . . . .	928, 953,	1232
25	1-13 . . . . .	968, 1029, 1276,	1786
	14-23 . . . . .		1031
	14-30 . . . . .	1030, 1144,	1459
	31-40 . . . . .	733,	1034
	31-46 . . . . .	56, 1032, 1482,	1787
26	14-25 . . . . .		282
	14 — 27, 66 . . . . .		237
	47-56 . . . . .		1598
27	11-54 . . . . .		246
	33-50 . . . . .		1603
28	1-10 . . . . .		359
	8-15 . . . . .		377
	16-20 . . . . .	543, 722, 928, 1400,	1573
	18-20 . . . . .	1100,	1117

# Index lectionum

1901

## MARCUS

1	1-8. 14-15 . . . . .		1545
	9-11 . . . . .	1100, 1118,	1146
	12-15 . . . . .		49
	14-20 . . . . .		929
3	31-35 . . . . .	1035,	1277
4	1-9 . . . . .		955
	1-10. 13-20 . . . . .		954
	26-29 . . . . .		1465
	35-40 . . . . .		1518
5	18-20 . . . . .		1531
6	30-34 . . . . .		1329
	34-44 . . . . .		1483
7	31-37 . . . . .		1075
8	31-34 . . . . .		1593
9	2-10 . . . . .		79
	34-36 . . . . .		1035
10	6-9 . . . . .		1218
	13-16 . . . . .	1036, 1101,	1118
	17-27 . . . . .	1038,	1350
	17-30 . . . . .		1037
	24b-30 . . . . .		1278
	28-30 . . . . .		1351
11	1-10 . . . . .		227
12	1-12 . . . . .		1594
	28-34 . . . . .	139,	1119
14	1 — 15, 47 . . . . .		249
	12-16. 22-26 . . . . .	1622,	1653
	32-41 . . . . .		1597
	55-65 . . . . .		1600
15	1-39 . . . . .		257
	1-15 . . . . .		1601
	16-20 . . . . .	1602,	1654
	33-39; 16, 1-6 . . . . .		1606
16	1-8 . . . . .		359
	9-15 . . . . .		399
	15-18 . . . . .		1720
	15-16. 19-20 . . . . .		1101
	15-20 . . . . .	544, 752, 930,	1400

## LUCAS

1	26-38 . . . . .		743, 842
	39-47 . . . . .		843

## [LUCAS]

1	39-55	. . . . .	1531
	39-56	. . . . .	780
2	1-14	. . . . .	844
	15b-19	. . . . .	845
	16-21	. . . . .	1642
	27-35	. . . . .	845
	41-52	. . . . .	739, 846
4	1-13	. . . . .	52
	14-21	. . . . .	1440
	16-21	. . . . .	286
	16-22a	. . . . .	1146
	24-30	. . . . .	126
5	1-11	. . . . .	931, 1352
	27-32	. . . . .	42
6	12-19	. . . . .	1709
	27-38	. . . . .	1039
	36-38	. . . . .	86
	43-45	. . . . .	956
7	11-17	. . . . .	1789
	36-50	. . . . .	1546
8	4-10a.	11b-15	1147
9	11b-17	. . . . .	1623
	22-25	. . . . .	35
	23-26	. . . . .	885
	28b-36	. . . . .	82
	49-55	. . . . .	1379
	57-52	. . . . .	1040, 1279, 1353
10	1-9	. . . . .	932, 1173
	17-24	. . . . .	1532
	21-24	. . . . .	1148
	25-37	. . . . .	1492
	38-42	. . . . .	969, 1041, 1279
11	14-23	. . . . .	135
	27-28	. . . . .	847, 1280
	29-32	. . . . .	63
12	15-21	. . . . .	1470
	32-34	. . . . .	1042
	35-40	. . . . .	1042, 1790
	35-44	. . . . .	1174, 1233
13	1-9	. . . . .	119
14	12-14	. . . . .	1484
	25-33	. . . . .	1043, 1354

## Index lectionum

1903

<b>15</b>	1-10 . . . . .	1675
	1-3. 11-32 . . . . .	103, 155, 1548, 1676
<b>16</b>	19-31 . . . . .	95, 1485
<b>17</b>	11-19 . . . . .	1471, 1533
<b>18</b>	1-8 . . . . .	1519
	9-14 . . . . .	142
<b>19</b>	1-10 . . . . .	808
	28-40 . . . . .	228
<b>21</b>	34-36 . . . . .	1560
<b>22</b>	14-20. 24-30 . . . . .	1175
	14 — 23, 56 . . . . .	260
	24-30 . . . . .	933
	39-44 . . . . .	1504, 1655
<b>23</b>	1-49 . . . . .	268
	33, 39-43 . . . . .	1791
	33-34. 39-46 . . . . .	1604
	39-46 . . . . .	1561
	44-46. 50. 52-53 . . . . .	1792
	44-46. 50. 52-53; 24, 1-6a . . . . .	1791
<b>24</b>	1-12 . . . . .	360
	13-16. 28-35 . . . . .	1795
	13-35 . . . . .	385, 431, 1624, 1793
	35-48 . . . . .	1102, 1401
	46-53 . . . . .	545

### IOANNES

<b>1</b>	1-5. 9-14. 16-18 . . . . .	1103
	29-34 . . . . .	1104
	35-42 . . . . .	1065, 1356
	35-51 . . . . .	1355
	47-51 . . . . .	1705
<b>2</b>	1-11 . . . . .	848, 1219
	13-22 . . . . .	809
	13-25 . . . . .	116
<b>3</b>	1-6 . . . . .	1105, 1120
	1-8 . . . . .	412
	5a. 7b-15 . . . . .	415
	14-21 . . . . .	153
	16-18 . . . . .	1572
	16-21 . . . . .	418
	31-36 . . . . .	421
<b>4</b>	5-14 . . . . .	1121
	5-42 . . . . .	109



## [IOANNES]

4	5-15. 19b-26. 39a. 40-42 . . . . .	111
	8-12 . . . . .	773
	19-24 . . . . .	1302
	43-54 . . . . .	161
5	1-3. 5-16 . . . . .	165
	17-30 . . . . .	169
	24-29 . . . . .	1796
	31-47 . . . . .	172
6	1-15 . . . . .	424, 1626
	16-21 . . . . .	428
	22-29 . . . . .	443
	24-35 . . . . .	1627
	30-35 . . . . .	447
	35-40 . . . . .	450
	37-40 . . . . .	1797, 1815
	41-52a . . . . .	1629
	44-47 . . . . .	1122
	44-51 . . . . .	453
	51-59 . . . . .	1630, 1797
	52-59 . . . . .	457
	60-69 . . . . .	460
7	1-2. 10. 25-30 . . . . .	176
	37-39 . . . . .	592, 1695
	37b-39a . . . . .	1123, 1149
	40-53 . . . . .	179
8	1-11 . . . . .	193, 203
	12-29 . . . . .	204
	21-30 . . . . .	208
	31-42 . . . . .	212
	51-59 . . . . .	215
9	1-7 . . . . .	1123
	1. 6-9. 13-17. 34-38 . . . . .	149
	1-41 . . . . .	146
10	1-10 . . . . .	464, 473
	11-16 . . . . .	934, 1176
	11-18 . . . . .	467, 474, 1678
	22-30 . . . . .	477, 810
	27-30 . . . . .	470
	31-42 . . . . .	218
11	1-45 . . . . .	183
	3-7. 17. 20-27. 33b-45 . . . . .	186
	17-27 . . . . .	1798

# Index lectionum

1905

	32-38. 40 . . . . .	1816
	32-45 . . . . .	1800
	45-52 . . . . .	1380, 1402
	45-56 . . . . .	222
12	1-11 . . . . .	274
	12-16 . . . . .	227
	20-33 . . . . .	189
	23-26 . . . . .	1802
	23-28 . . . . .	1801
	24-26 . . . . .	886, 1177, 1281
	31-36a . . . . .	1303, 1596
	44-50 . . . . .	480, 1071, 1107
13	1-5 . . . . .	1381
	1-15 . . . . .	293
	16-20 . . . . .	484
	21-33 36-38 . . . . .	278
	31-33a. 34-35 . . . . .	500
14	1-6 . . . . .	487, 1803
	1-12 . . . . .	494
	6-14 . . . . .	766, 1643
	7-14 . . . . .	490
	15-17 . . . . .	1149
	15-21 . . . . .	523
	21-26 . . . . .	504
	23-26 . . . . .	1150
	23-29 . . . . .	529, 1330, 1436
	27-31a . . . . .	507
15	1-8 . . . . .	497, 510, 1044, 1281, 1505, 1679
	1-11 . . . . .	1108, 1124
	9-11 . . . . .	513
	9-12 . . . . .	1220, 1451
	9-17 . . . . .	526, 771, 935, 1045, 1177, 1282, 1324, 1357, 1534, 1680
	12-16 . . . . .	1220
	12-17 . . . . .	516
	18-21 . . . . .	520, 887
	18-21. 26-27 . . . . .	1151
	18-21. 26 — 16, 4 . . . . .	1420
	26 — 16, 4 . . . . .	533
16	5b-11 . . . . .	536
	5b-7. 12-13a . . . . .	1151
	12-15 . . . . .	540, 1573
	16-20 . . . . .	548

## [IOANNES]

16	20-22 . . . . .	1535
	20-23 . . . . .	552
	23b-28 . . . . .	555
	29-33 . . . . .	568
17	1-11 . . . . .	559, 571, 1383
	6. 14-19 . . . . .	1178
	11b-19 . . . . .	562, 574, 888, 1384, 1421
	11b. 17-23 . . . . .	1325, 1403
	20-23 . . . . .	1222
	20-26 . . . . .	565, 578, 1046, 1221, 1283, 1681
	24-26 . . . . .	1384, 1804
18	1 — 19, 42 . . . . .	304
19	17-18. 25-30 . . . . .	1804
	25-27 . . . . .	849
	25-30 . . . . .	1817, 1823
	28-37 . . . . .	1605
	31-35 . . . . .	1125
	31-37 . . . . .	1655, 1682
20	1-9 . . . . .	373
	11-18 . . . . .	381
	19-23 . . . . .	596, 1179, 1695
	19-31 . . . . .	403
21	1-14 . . . . .	395, 439, 1631
	1-19 . . . . .	438
	15-17 . . . . .	936, 1180
	15-19 . . . . .	581
	20-25 . . . . .	584

## ACTUS APOSTOLORUM

1	1-11 . . . . .	541
	3-8 . . . . .	1132, 1394
	12-14 . . . . .	557, 833
	15-17. 20a. 20c-26 . . . . .	560, 769
2	1-11 . . . . .	594, 1692.
	1-6. 22b-23. 32-33 . . . . .	1133
	14a. 22-24. 32-36 . . . . .	943
	14a. 36-41 . . . . .	462
	14a. 36-40. 41-42 . . . . .	1088
	14. 22b-28 . . . . .	429
	14. 22-32 . . . . .	375
	36-41 . . . . .	379
	42-47 . . . . .	401, 1258, 1298

# Index lectionum

1907

<b>3</b>	1-10 . . . . .	383, 1635
	11-26 . . . . .	388
	13-15. 17-19 . . . . .	433
<b>4</b>	1-12 . . . . .	393
	1-5. 18-21 . . . . .	1410
	8-12 . . . . .	465, 1637
	13-21 . . . . .	397
	23-31 . . . . .	410, 1412
	32-35 . . . . .	405, 1005, 1259
	32-37 . . . . .	413
<b>5</b>	12-16 . . . . .	407
	17-26 . . . . .	416
	27-33 . . . . .	420
	27b-32. 40b-41 . . . . .	436, 1413, 1638
	34-42 . . . . .	423
<b>6</b>	1-7 . . . . .	426, 492, 1158
	8-15 . . . . .	442
<b>7</b>	44-50 . . . . .	801
	51-59; 8, 1a . . . . .	445
	55-60 . . . . .	563, 872
<b>8</b>	1. 4. 14-17 . . . . .	1134
	1b-8 . . . . .	448
	5-8. 14-17 . . . . .	521
	26-38 . . . . .	1089
	26-40 . . . . .	451, 1159
<b>9</b>	1-20 . . . . .	455
	1-22 . . . . .	1717
	26-31 . . . . .	495
	31-42 . . . . .	458
<b>10</b>	1. 33-34a. 37-44 . . . . .	1136
	25-26. 34-35. 44-48 . . . . .	524
	34a. 37-43 . . . . .	370, 1619
	34-36. 42-43 . . . . .	1769
	34-43 . . . . .	1584, 1768
	37-43 . . . . .	1161
<b>11</b>	1-18 . . . . .	471
	19-26 . . . . .	476, 1395
	21b-26; 13, 1-3 . . . . .	788
	27-30 . . . . .	1478
<b>12</b>	24 — 13, 5a . . . . .	479
<b>13</b>	13-25 . . . . .	482
	14. 43-52 . . . . .	468
	26-33 . . . . .	486, 944, 1585

## [ACTUS APOSTOLORUM]

13	44-52 . . . . .	489
	46-49 . . . . .	914, 1396
14	5-17 . . . . .	502
	19-27 . . . . .	505
	21b-26 . . . . .	498
15	1-6 . . . . .	509
	1-2. 22-29 . . . . .	527
	7-21 . . . . .	512
	22-31 . . . . .	515
16	1-10 . . . . .	518
	11-15 . . . . .	531
	22-34 . . . . .	534
17	15. 22 — 18, 1 . . . . .	538
18	1-8 . . . . .	546
	9-18 . . . . .	550
	23-28 . . . . .	553
19	1-8 . . . . .	566
	1b-6a . . . . .	1137
20	17-27 . . . . .	569
	17-18a. 28-32. 36 . . . . .	915, 1162
	28-38 . . . . .	572
22	3-16 . . . . .	1716
	30; 23, 6-11 . . . . .	576
25	13-21 . . . . .	579
26	19-23 . . . . .	916
28	7-10 . . . . .	1499
	11-16. 30-31 . . . . .	1711
	16-20. 30-31 . . . . .	583

## AD ROMANOS

4	13. 16-18. 22 . . . . .	737
5	1-5 . . . . .	877, 1571
	1-2. 5-8 . . . . .	108
	1-2. 5-9a . . . . .	1138
	5-11 . . . . .	1670, 1774
	12. 17-19 . . . . .	46, 836
	12-19 . . . . .	45
	17-21 . . . . .	1775
6	2-4. 12-14 . . . . .	1543
	3-4. 8-9 . . . . .	1776, 1812
	3-5 . . . . .	1113
	3-9 . . . . .	1775

## Index lectionum

1909

	3-11 . . . . .	357, 1092, 1262
	3-4. 8-11 . . . . .	1093
8	8-11 . . . . .	182
	14-17 . . . . .	1139, 1571
	14-17. 26-27 . . . . .	1073
	14-23 . . . . .	1776
	18-30 . . . . .	1515
	22-27 . . . . .	591, 1693
	26-27 . . . . .	1139
	26-30 . . . . .	1009
	28-30 . . . . .	836
	28-32 . . . . .	1114
	28-32. 35. 37-39 . . . . .	1093
	31b-34 . . . . .	78
	31b-35. 37-39 . . . . .	1206, 1777
	31b-39 . . . . .	877, 1516
10	8-13 . . . . .	51, 1068
	9-18 . . . . .	1397
12	1-13 . . . . .	1262
	1-2. 9-13 . . . . .	1208
	1-2. 9-18 . . . . .	1207
	3-13 . . . . .	917
	4-8 . . . . .	1163
	9-16b . . . . .	778, 1490
	12-13 . . . . .	1094
14	7-9 . . . . .	1812
	7-9. 10b-12 . . . . .	1559, 1778

### 1 AD CORINTHIOS

1	1-3 . . . . .	1639
	3-9 . . . . .	1527
	10-13 . . . . .	1373
	18-25 . . . . .	782, 918, 945, 1590
	22-25 . . . . .	115
	22-31 . . . . .	1263
	26-31 . . . . .	1009
2	1-10a . . . . .	946
	10b-16 . . . . .	947
3	9b-11. 16-17 . . . . .	805
5	6b-8 . . . . .	372
6	13c-15a. 17-20 . . . . .	1208
7	25-35 . . . . .	965, 1264
9	16-19. 22-23 . . . . .	919

## [1 AD CORINTHIOS]

10	1-6. 10-12 . . . . .	119
	16-17 . . . . .	1620
	16-21 . . . . .	1300
11	23-26 . . . . .	1621
12	3b-7. 12-13 . . . . .	595, 1694
	4-13 . . . . .	1140
	12-13 . . . . .	1114
	12, 31 — 13, 8a . . . . .	1209
	12, 31 — 13, 13 . . . . .	1010
13	4-13 . . . . .	1011
15	1-4 . . . . .	1069
	1-8 . . . . .	765, 1069
	20-23 . . . . .	1179, 1813
	20-24a. 25-28 . . . . .	1779
	51-57 . . . . .	1780

## 2 AD CORINTHIOS

3	1-6 . . . . .	920
4	1-2. 5-7 . . . . .	920, 1164
	7-15 . . . . .	878
	10-18 . . . . .	1501
	14 — 5, 1 . . . . .	1780
5	1. 6-10 . . . . .	1781
	14-20 . . . . .	921, 1164, 1347
	17-21 . . . . .	154
	17-21 — 6, 2 . . . . .	1439
	20 — 6, 2 . . . . .	29
6	4-10 . . . . .	879
8	1-5. 9-15 . . . . .	1479
9	6-15 . . . . .	1480
	8-11 . . . . .	1463
10	17 — 11, 2 . . . . .	966, 1012
12	7b-10 . . . . .	1502
13	11-13 . . . . .	1570

## AD GALATAS

2	19-20 . . . . .	721, 1012
3	26-28 . . . . .	1095, 1115
4	4-7 . . . . .	837, 1074
5	16-17. 22-23a. 24-25 . . . . .	1140
	17-26 . . . . .	1448
6	14-16 . . . . .	1013

## AD EPHESIOS

1	3-5 . . . . .	1813
	3-10 . . . . .	1671
	3-6. 11-12 . . . . .	837
	3-14 . . . . .	1265, 1527
	3-10. 13-14 . . . . .	1095
	3a. 4a. 13-19a . . . . .	1141
	17-23 . . . . .	543
2	4-10 . . . . .	152
	12-22 . . . . .	805, 1374
	13-18 . . . . .	1591
	19-22 . . . . .	1708
3	2-12 . . . . .	1398
	8-12 . . . . .	948, 1672
	14-19 . . . . .	1013, 1672
4	1-6 . . . . .	1096, 1115, 1142, 1230, 1374
	1-7. 11-13 . . . . .	922, 948, 1165
	11-16 . . . . .	1322
	30 — 5, 2 . . . . .	1375, 1449
5	2a. 21-33 . . . . .	1210
	2a. 25-32 . . . . .	1211
	8-14 . . . . .	146
6	10-13. 18 . . . . .	1014

## AD PHILIPPENSES

1	8-11 . . . . .	1673
	27-30 . . . . .	1415
2	1-4 . . . . .	1266, 1328
	1-13 . . . . .	1375
	6-11 . . . . .	1591, 1640
3	8-14 . . . . .	192, 1014, 1267, 1348, 1592
	17 — 4, 1 . . . . .	81
	20 — 4, 1 . . . . .	82
	20-21 . . . . .	1782
4	4-9 . . . . .	1015
	6-9 . . . . .	1432

## AD COLOSSENSES

1	24-29 . . . . .	923
3	1-4 . . . . .	372, 1267
	9b-17 . . . . .	1096, 1376



## [AD COLOSSENSIS]

3	12-15 . . . . .	1433
	12-17 . . . . .	1016, 1211, 1230, 1268, 1528, 1640
	14-15. 17. 23-24 . . . . .	759

## 1 AD THESSALONICENSIS

2	2b-8 . . . . .	923
4	1-3a. 7-12 . . . . .	1269
	13-14. 17b-18 . . . . .	1782, 1814

## 2 AD THESSALONICENSIS

3	6-12. 16 . . . . .	1457
---	--------------------	------

## 1 AD TIMOTHEUM

2	1-8 . . . . .	1399
	5-8 . . . . .	1377
3	8-10 12-13 . . . . .	1166
4	12-16 . . . . .	1166
	12b-16 . . . . .	1167
5	3-10 . . . . .	1016
6	6-11. 17-19 . . . . .	1469

## 2 AD TIMOTHEUM

1	6-14 . . . . .	1167
	8b-10 . . . . .	75
	13-14; 2, 1-3 . . . . .	924, 949
2	8-13 . . . . .	1783
	8-13; 3, 10-12 . . . . .	879
4	1-5 . . . . .	925, 950

## AD TITUM

3	4-7 . . . . .	1097
---	---------------	------

## AD HEBRÆOS

4	14-16; 5, 7-9 . . . . .	303
5	1-10 . . . . .	1168, 1322, 1344
	7-9 . . . . .	189, 1593
9	11-15 . . . . .	1621, 1650
10	4-10 . . . . .	742
	22-25 . . . . .	1098
	32-36 . . . . .	880

Index lectionum

1913

11	13-16 . . . . .	1490
12	2-13 . . . . .	1416
	18-19. 22-24a . . . . .	806, 1651
13	1-2. 7-8. 17-18 . . . . .	1231
	1-3. 14-16 . . . . .	1491
	8-15 . . . . .	1300

IACOBUS

1	2-4. 12 . . . . .	881, 1517
2	14-17 . . . . .	1017
3	13-18 . . . . .	1433
4	1-10 . . . . .	1449
5	13-16 . . . . .	1502

1 PETRI

1	3-9 . . . . .	403, 1269, 1417
	17-21 . . . . .	431, 1651
2	4-9 . . . . .	493, 806
	4-5. 9-10 . . . . .	1098, 1116
	20b-25 . . . . .	464
3	1-9 . . . . .	1017, 1212
	14-17 . . . . .	881
	15-18 . . . . .	523
	18-22 . . . . .	49
4	7-10 . . . . .	525
	7b-11 . . . . .	1018, 1169
	12-19 . . . . .	882
	13-16 . . . . .	558
5	1-4 . . . . .	727, 925, 1170, 1232
	5b-14 . . . . .	751

1 IOANNIS

1	5 — 2, 2 . . . . .	754, 1543
2	1-5a . . . . .	434
3	1-2 . . . . .	466, 1783
	1-3 . . . . .	1724
	14-16 . . . . .	1784
	14-18 . . . . .	1019
	18-24 . . . . .	497, 1213
4	7-12 . . . . .	1213
	7-16 . . . . .	1019, 1270, 1673
	9-15 . . . . .	1377
	11-16 . . . . .	561

## [1 IOANNES]

5	1-5 . . . . .	762, 882, 1020
	1-6 . . . . .	406
	4-7a. 8b . . . . .	1652

## APOCALYPSIS

1	5-8 . . . . .	1587, 1648
	9-11a. 12-13, 17-19 . . . . .	408
2	8-11 . . . . .	731
3	14b. 20-22 . . . . .	1006, 1260, 1668
5	6-12 . . . . .	1588, 1669
	11-14 . . . . .	437
7	2-4. 9-14 . . . . .	1723
	9-14 . . . . .	1649
	9-17 . . . . .	873
	9 14b-17 . . . . .	469
	9-10. 14b-17 . . . . .	1414
	9-10. 15-17 . . . . .	1809
8	3-4 . . . . .	1299
11	19a; 12, 1 3-6a. 10ab . . . . .	833
12	7-12a . . . . .	1704
	10-12a . . . . .	874
14	13 . . . . .	1770
19	1 5-9a . . . . .	963, 1007, 1091
20	11 — 21, 1 . . . . .	1771
21	1-5a . . . . .	499, 803, 835, 965
	1-5a. 6b-7 . . . . .	1514, 1773
	1a. 3-5a . . . . .	1811
	5-7 . . . . .	876
	9b-14 . . . . .	804
	10-14. 22-23 . . . . .	528
22	12-14. 16-17. 20 . . . . .	564, 1261



## INDEX PSALMORUM ET CANTICORUM

Ps 1	. . . . .	35, 95, 1003, 1228
Ps 2	. . . . .	411, 486, 1408, 1412
Ps 4	. . . . .	434
Ps 7	. . . . .	178
Ps 8	. . . . .	390, 1081, 1570
Ps 10	. . . . .	583
Ps 14	. . . . .	985, 988
Ps 15	344, 376, 430, 577, 905, 984, 987, 990, 1002, 1005,	1345
Ps 16	. . . . .	196
Ps 17	. . . . .	218
Ps 18	56, 115, 353, 765, 941, 944, 1068, 1327, 1393,	1708
Ps 21	. . . . . 235, 496, 607, 1129, 1475, 1578,	1587
Ps 22	145, 203, 463, 728, 913, 1006, 1072, 1078, 1109, 1130,	1370, 1666, 1763, 1764
Ps 23	. . . . .	1252, 1724
Ps 24	. . . . . 48, 128, 1660, 1663, 1765, 1809, 1820,	1821
Ps 26	81, 159, 274, 424, 558, 1090, 1113, 1257, 1340, 1346,	1415, 1760
Ps 29	. . . . .	161, 349, 436
Ps 30	. . . . . 91, 302, 446, 731, 864, 872, 1558,	1580
Ps 31	. . . . .	1086
Ps 32	75, 341, 380, 427, 493, 1064, 1196, 1201, 1260, 1568,	1661, 1669
Ps 33	59, 154, 175, 417, 420, 783, 865, 875, 995, 1004, 1088,	1111, 1204, 1258, 1620, 1664
Ps 36	. . . . .	763, 940, 943
Ps 39	742, 774, 908, 1248, 1253, 1339, 1342, 1344, 1647,	1649
Ps 41	. . . . . 125, 355, 472, 1082, 1766,	1811
Ps 44	. . . . . 824, 826, 834, 963,	1254
Ps 45	. . . . .	164
Ps 46	. . . . . 542, 551, 554,	610
Ps 49	. . . . .	88
Ps 50	28, 38, 44, 62, 141, 188, 356, 605, 1084, 1087, 1439,	1540
Ps 54	. . . . .	1585
Ps 56	. . . . .	516
Ps 62	. . . . .	1085, 1250, 1769

<b>Ps 65</b>	. . . . .	449, 452, 522, 610, 1079, 1091
<b>Ps 66</b>	. . . . .	480, 528, 1390, 1392, 1468, 1469
<b>Ps 67</b>	. . . . .	567, 570, 573
<b>Ps 68</b>	. . . . .	281, 1582, 1583
<b>Ps 70</b>	. . . . .	277
<b>Ps 71</b>	. . . . .	1429, 1446
<b>Ps 77</b>	. . . . .	1613, 1617
<b>Ps 78</b>	. . . . .	86
<b>Ps 79</b>	. . . . .	1512
<b>Ps 80</b>	. . . . .	138
<b>Ps 83</b>	. . . . .	797, 800, 803, 1154, 1255, 1296, 1343
<b>Ps 84</b>	. . . . .	1430, 1511
<b>Ps 85</b>	. . . . .	41
<b>Ps 86</b>	. . . . .	476
<b>Ps 88</b>	. . . . .	285, 483, 737, 751, 906, 910, 1077, 1157, 1321
<b>Ps 89</b>	. . . . .	760, 1456
<b>Ps 90</b>	. . . . .	51, 606, 1701
<b>Ps 91</b>	. . . . .	1229
<b>Ps 92</b>	. . . . .	414
<b>Ps 94</b>	. . . . .	107, 123, 135, 802, 1294
<b>Ps 95</b>	. . . . .	513, 909, 911, 1137, 1158, 1394
<b>Ps 96</b>	. . . . .	563
<b>Ps 97</b>	. . . . .	489, 525, 547, 788, 1389, 1391, 1711
<b>Ps 99</b>	. . . . .	469, 519, 1156, 1256, 1373
<b>Ps 101</b>	. . . . .	207, 1497, 1500
<b>Ps 102</b>	102, 118, 561, 580, 755, 992, 1008, 1073, 1202, 1538, 1541, 1668	
<b>Ps 103</b>	340, 590, 594, 611, 1126, 1131, 1463, 1691, 1693	
<b>Ps 104</b>	. . . . .	99, 214, 384
<b>Ps 105</b>	. . . . .	172, 904
<b>Ps 106</b>	. . . . .	1479, 1488
<b>Ps 109</b>	. . . . .	915, 1163, 1611
<b>Ps 111</b>	. . . . .	986, 997, 1001, 1205, 1476, 1477
<b>Ps 112</b>	. . . . .	770, 823, 828, 831, 1526, 1634, 1636
<b>Ps 113</b>	. . . . .	503
<b>Ps 114</b>	. . . . .	1135, 1762
<b>Ps 115</b>	. . . . .	78, 292, 459, 1159, 1614, 1646
<b>Ps 116</b>	. . . . .	456, 912, 914, 916, 1134, 1138, 1161, 1396, 1719
<b>Ps 117</b>	358, 371, 394, 398, 402, 405, 407, 466, 609, 1298, 1577, 1586, 1589	
<b>Ps 118</b>	. . . . .	72, 443, 942, 1286
<b>Ps 120</b>	. . . . .	1489
<b>Ps 121</b>	. . . . .	509, 804, 1297, 1371, 1431, 1773







1920

## Alleluia et Versus ante Evangelium

Mt 16	18	. . . . .	728, 807
Mt 17	5	. . . . .	76, 79, 82
Mt 23	9a. 10b	. . . . .	927, 953, 1232
	11. 12b	. . . . .	1025
Mt 24	42a. 44	. . . . .	1559
Mt 25	34	. . . . .	1481, 1485, 1784, 1796
Mt 28	19a. 20b	543, 603, 722, 789, 928, 930, 1171,	1173, 1399, 1787
Mc 1	15	. . . . .	1545, 1549
	17	. . . . .	926, 929, 931
Mc 16	15	. . . . .	1101, 1400, 1402
Lc 1	28	. . . . .	842
	45	. . . . .	779, 840, 845, 848
	49	. . . . .	1531
Lc 2	19	. . . . .	845, 846, 849
Lc 4	18b-19a	. . . . .	932, 1171, 1179
Lc 8	15	. . . . .	95, 212, 600
Lc 11	28	. . . . .	841, 847, 1271
Lc 15	18	. . . . .	103, 155, 600
Lc 21	36	. . . . .	1042, 1560
Lc 24	26	. . . . .	507, 551, 601
	32	. . . . .	431, 434
Io 1	14ab	. . . . .	743
	41. 17b	. . . . .	1065
Io 3	15	. . . . .	414
	16	99, 115, 152, 172, 179, 418, 600, 1076,	1100, 1103, 1106, 1120, 1122, 1401, 1403,
			1793, 1800
Io 4	24	. . . . .	1302
	42. 15	. . . . .	108, 123
Io 6	35	. . . . .	447
	39	. . . . .	1796, 1803, 1815
	40	. . . . .	449, 1803
	51-52	453, 1623, 1627, 1628,	1797
	56	. . . . .	456
	57	. . . . .	1622, 1624, 1629
	58	. . . . .	1626, 1630
	64b. 69b	86, 132, 218, 460, 600, 951	
Io 8	12b	92, 146, 160, 480, 600, 1022, 1040, 1070,	1107, 1119, 1121, 1123
	31b-32a	. . . . .	490, 1026
Io 10	11	. . . . .	1324

	14	464, 467, 470, 473, 601, 926, 934, 935, 1172, 1175, 1176, 1178, 1180, 1678, 1681
	27	477, 513, 601
Io 11	25a. 26	168, 183, 197, 601, 1023, 1789, 1798, 1804
Io 12	26a	189, 1177
Io 13	1	1560
	34	293, 500, 1028, 1032, 1039, 1045, 1282, 1451
Io 14	6	486, 494, 1101, 1107, 1116
	6b. 9c	766
	16	539, 570, 603, 1148, 1149
	18	548, 559, 562, 564, 603
	23	523, 526, 529, 969, 1022, 1030, 1041
	26	503, 581, 603
	27	1436
Io 15	4a. 5b	497, 510
	5	956, 1276, 1280, 1281, 1351
	9	1323, 1679, 1680
	9b. 5b	1024, 1044, 1046, 1124
	11	1534
	15b	516, 933, 934, 1170, 1174, 1177
	16	771, 1349, 1357, 1719
	26b. 27a	532, 1150
Io 16	1. 13	604
	7. 13	536, 584
	13a; 14, 26b	1146, 1149, 1151, 1220
	28	555, 604
Io 17	17b. a	574
	21	577, 1383, 1384
Io 20	29	403, 406, 409, 421, 602
Act 16	14b	952
Rom 6	9	602
Rom 8	15	1074
1 Cor 1	23-24	752
1 Cor 5	7b-8a	373
2 Cor 1	3b-4a	887, 1420, 1492, 1503, 1518, 1816, 1817, 1822
2 Cor 6	2b	56, 72, 601
2 Cor 8	9	1273, 1277, 1483, 1484
2 Cor 9	6	1465
Gal 6	14	1277, 1279, 1280
Eph 4	5	1379, 1382
	5-6	1099, 1117

## 1922

## Alleluia et Versus ante Evangelium

<b>Phil 2</b>	8-9	236, 304, 1594, 1596, 1597, 1599, 1606
<b>Phil 3</b>	8-9	1274, 1278, 1350, 1353
	20	1786, 1790
<b>Col 1</b>	24b	1505
<b>Col 3</b>	1	412, 519, 568, 602, 604, 1099
	15	1233, 1234, 1379
<b>1 Th 5</b>	18	1533
<b>2 Tim 1</b>	10b	1102, 1104, 1117, 1125
<b>Hebr 13</b>	8	1302
	14	1491
<b>Iac 1</b>	12	884, 886, 1419, 1519
<b>1 Petr 2</b>	9	1105
<b>1 Petr 4</b>	14	885, 1418, 1421
<b>1 Io 4</b>	7b	1217, 1218
	8b. 11	1214, 1217, 1220
	10b	1681
	12	1215, 1219, 1221
	16	1216, 1220
<b>Ap 1</b>	5ab	484, 602, 1544, 1546, 1653, 1654
	5a. 6	1145
	5-6	1791, 1822
	8	1572, 1573
<b>Ap 2</b>	10c	1560
	10d-e	1790
<b>Ap 5</b>	9	1654, 1655
<b>Ap 14</b>	13	1801
<b>Ap 21</b>	3	810
<b>Adoramus te, Christe</b>		1595, 1598, 1602, 1603
<b>Ave, Rex noster, Patri obœdiens</b>		277, 281
<b>Ave, Rex noster: tu solus</b>		274, 281
<b>Colligatur Ecclesia</b>		1380, 1381
<b>Ecclesia Domini</b>		1378
<b>Felix es, sacra Virgo</b>		838, 843, 845
<b>Hæc est virgo sapiens</b>		968
<b>Per lignum servi</b>		1593, 1601, 1604, 1605
<b>Scimus Christum</b>		603
<b>Semen est verbum Dei</b>		208, 954
<b>Si manseritis in sermone meo</b>		1034
<b>Surrexit Christus et illuxit</b>		427, 438, 602
<b>Surrexit Christus qui creavit</b>		602

Surrexit Dominus . . . . .	602
Te Deum ... te gloriosus . . . . .	1708, 1712
Te Deum ... te martyrum . . . . .	887
Te Deum ... te per orbem . . . . .	1535
Veni, Sancte Spiritus, et emitte . . . . .	1143, 1147
Veni, Sancte Spiritus, reple . . . . .	592, 596, 1142, 1144, 1695
Veni, sponsa Christi . . . . .	967

## INDEX PRÆFATIONUM

### A. DE TEMPORE

#### 1. De Quadragesima:

I.	De spiritali significatione Quadragesimæ . . . . .	625
II.	De spiritali pœnitentiæ . . . . .	626
III.	De fructibus abstinentiæ . . . . .	627
IV.	De fructibus ieiunii . . . . .	628
V.	De tentatione Domini (Dom. I) . . . . .	53
VI.	De transfiguratione Domini (Dom. II) . . . . .	83
VII.	De Samaritana (Dom. III) . . . . .	120
VIII.	De cæco nato (Dom. IV) . . . . .	157
IX.	De Lazaro (Dom. V) . . . . .	194

#### 2. De Passione Domini:

I.	De virtute Crucis . . . . .	629
II.	De victoria Passionis . . . . .	630
III.	De Dominica Passione (Dom. in palmis) . . . . .	272

#### 3. Paschalis:

I.	De mysterio paschali . . . . .	631
II.	De vita nova in Christo . . . . .	632
III.	De Christo vivente et semper interpellante pro nobis . . . . .	633
IV.	De restauratione universi per mysterium paschale . . . . .	634
V.	De Christo sacerdote et victima . . . . .	635

#### 4. De Ascensione Domini:

I.	De mysterio Ascensionis . . . . .	636
II.	De mysterio Ascensionis . . . . .	637

#### 5. De dominica Pentecostes . . . . . 597

#### 6. De dominicis « per annum »:

I.	De mysterio paschali et de populo Dei (votiva) . . . . .	1441
II.	De historia salutis (votiva) . . . . .	1536
III.	De creatione (votiva) . . . . .	1453
IV.	De Ecclesia adunata ex unitate Trinitatis (votiva) . . . . .	1037

#### 7. Præfationes communes:

I.	De universali restauratione in Christo (votiva) . . . . .	1442
II.	De laude, dono Dei (votiva) . . . . .	1520

III. Proclamatio mysterii Christi (votiva) . . . . .	1556
IV. De mysterio salutis in Christo (Præx euch. II)	659
V. Laus Deo creatori (Præx euch. IV) . . . . .	678

## B. IN FESTIS ET MYSTERIIS DOMINI

1. De Ss.ma Trinitate (votiva) . . . . .	1565
2. De mysterio Incarnationis (25 martii) . . . . .	744
3. De sacratissimo Corde Iesu (votiva) . . . . .	1657
4. De victoria Crucis gloriosæ (votiva) . . . . .	1574
5. De Ss.ma Eucharistia:	
I. De sacrificio et de sacramento Christi . . . . .	638
II. De fructibus sanctissimæ Eucharistiæ . . . . .	639
6. De dedicatione ecclesiæ:	
I. De mysterio templi Dei, quod est Ecclesia . . . . .	793
II. De mysterio Ecclesiæ, quæ est sponsa Christi tem- plumque Spiritus . . . . .	795
7. De Spiritu Sancto:	
I. De missione Spiritus a Domino in Ecclesiam (votiva) . . . . .	1683
II. De actione Spiritus in Ecclesia (votiva) . . . . .	1685

## C. IN FESTIS SANCTORUM

1. De B. Maria Virgine:	
I. De maternitate B. Mariæ V. (communis) . . . . .	640
II. Ecclesia, verbis Mariæ, laudes Deo persolvit (com- munis) . . . . .	641
III. De Maria, forma et matre Ecclesiæ (votiva) . . . . .	1697
2. De Angelis: De gloria Dei per Angelos . . . . .	642
3. De missione S. Ioseph . . . . .	643
4. De duplici missione Petri et Pauli in Ecclesia (votiva) .	1713
5. De Apostolis:	
I. De Apostolis pastoribus populi Dei . . . . .	644
II. De apostolico fundamento et testimonio . . . . .	645

6. De Sanctis:	
I. De gloria Sanctorum . . . . .	646
II. De actione Sanctorum . . . . .	647
7. De sanctis Martyribus: De signo et exemplo martyrii .	648
8. De sanctis Pastoribus: De præsentia sanctorum Pasto- rum in Ecclesia . . . . .	649
9. De sanctis Virginibus et Religiosis: De signo vitæ Deo consecratæ . . . . .	650

## D. IN MISSIS RITUALIBUS

1. In dedicatione altaris: Altare ipse est Christus . . . .	1291
2. In dedicatione ecclesiæ:	
I. De mysterio templi Dei . . . . .	1287
II. De ecclesia terrestri ad Ecclesiam Dei . . . . .	1288
3. In professione religiosa: De vita religiosa ut servi- tium Dei per Christi imitationem . . . . .	1240
4. Pro sponsis:	
I. De dignitate fœderis nuptiarum . . . . .	1183
II. De magno sacramento Matrimonii . . . . .	1188
III. De Matrimonio ut signum divinæ caritatis . . . .	1192

## E. IN VARIIS CELEBRATIONIBUS

1. In Missa chrismatis: De sacerdotio Christi et de mini- sterio sacerdotum . . . . .	288
2. Pro defunctis:	
I. De spe resurrectionis in Christo . . . . .	651
II. Christus mortuus est pro vita nostra . . . . .	652
III. Christus, salus et vita . . . . .	653
IV. De vita terrena ad gloriam cælestem . . . . .	654
V. De resurrectione nostra per victoriam Christi . .	655
3. Pro unitate Christianorum: De unitate corporis Christi, quod est Ecclesia . . . . .	1364

## INDEX GENERALIS

Calendarium Romanum generale . . . . .	5
Tabula omnium dominicarum necnon sollemnitatum et festorum mobilium ab anno 1975 usque ad annum 1997 . . . . .	18
Index siglorum . . . . .	22

### PROPRIUM DE TEMPORE

Tempus Quadragesimæ . . . . .	27
Tempus paschale . . . . .	326
Alleluia et Versus ante Evangelium ad libitum . . . . .	599
Textus communes pro cantu psalmi responsorii . . . . .	605

### ORDO MISSÆ

Ordo Missæ cum populo . . . . .	615
Præfationes . . . . .	625
Præx eucharistica I seu Canon Romanus . . . . .	659
Præx eucharistica II . . . . .	668
Præx eucharistica III . . . . .	673
Præx eucharistica IV . . . . .	678
Ordo Missæ sine populo . . . . .	691
Appendix: Introductiones et conclusiones breves pro præfationibus . . . . .	701
— Benedictiones sollemnes . . . . .	704
— Orationes super populum . . . . .	711

### PROPRIUM DE SANCTIS

Februarius . . . . .	721
Martius . . . . .	732
Aprilis . . . . .	746
Maius . . . . .	758
Iunius . . . . .	782



## COMMUNIA

Commune dedicationis ecclesie . . . . .	793
Commune beate Mariæ Virginis . . . . .	812
Commune Martyrum . . . . .	850
Commune Pastorum . . . . .	889
Commune Doctorum Ecclesie . . . . .	937
Commune Virginum . . . . .	957
Commune Sanctorum et Sanctarum . . . . .	970

## MISSÆ RITUALES

I. In conferendis sacramentis Initiationis christianæ:	
1. Pro electione seu inscriptione nominis . . . . .	1051
2. In scrutiniis peragendis . . . . .	1052
3. In conferendo Baptismate . . . . .	1055
4. In conferenda Confirmatione . . . . .	1059
Lectiones: A Ad catechumenos faciendos . . . . .	1064
— B In die electionis baptizandorum . . . . .	1066
— C In scrutiniis peragendis . . . . .	1066
— D In traditione symboli . . . . .	1067
— E In traditione orationis dominicæ . . . . .	1071
— F Ad ritum « Effetha » . . . . .	1075
— G In conferendo Baptismate adultorum . . . . .	1076
— H In conferendo Baptismate parvulorum . . . . .	1109
— I In conferenda Confirmatione . . . . .	1126
— In prima Communionem parvulorum . . . . .	1152
II. In conferendis sacris Ordinibus . . . . .	1153
III. Ad ministrandum Viaticum . . . . .	1181
IV. Pro sponsis:	
1. In celebratione Matrimonii . . . . .	1182
2. In anniversariis Matrimonii . . . . .	1223
V. In benedictione Abbatis et Abbatissæ . . . . .	1226
VI. In consecratione virginum . . . . .	1235
VII. In professione religiosa:	
1. In die primæ professionis religiosæ . . . . .	1238
2. In die professionis perpetuæ . . . . .	1239
3. In die renovationis votorum . . . . .	1246
4. In anniversariis professionis religiosæ . . . . .	1247

## VIII. In die dedicationis:

- |                                      |      |
|--------------------------------------|------|
| 1. In dedicatione ecclesiæ . . . . . | 1285 |
| 2. In dedicatione altaris . . . . .  | 1291 |

MISSÆ ET ORATIONES  
PRO VARIIS NECESSITATIBUS

## I. PRO SANCTA ECCLESIA

- |   |      |
|---|------|
| 1. Pro Ecclesia . . . . .   | 1307 |
| 2. Pro Papa, præsertim in anniversario electionis . . . . .       | 1315 |
| 3. Pro Episcopo, præsertim in anniversario ordinationis . . . . . | 1317 |
| 4. Pro eligendo Papa vel Episcopo . . . . .                       | 1319 |
| 5. Pro Concilio vel Synodo . . . . .                              | 1325 |
| 6. Pro sacerdotibus . . . . .                                     | 1331 |
| 7. Pro seipso sacerdote . . . . .                                 | 1332 |
| 8. Pro ministris Ecclesiæ . . . . .                               | 1336 |
| 9. Pro vocationibus ad sacros Ordines . . . . .                   | 1337 |
| 10. Pro religiosis . . . . .                                      | 1358 |
| 11. Pro vocationibus ad vitam religiosam . . . . .                | 1359 |
| 12. Pro laicis . . . . .  | 1361 |
| 13. Pro unitate Christianorum . . . . .                           | 1363 |
| 14. Pro evangelizatione populorum . . . . .                       | 1385 |
| 15. Pro christianis persecutione vexatis . . . . .                | 1404 |
| 16. In conventu spiritali vel pastorali . . . . .                 | 1422 |

## II. PRO REBUS PUBLICIS

- |   |      |
|---|------|
| 17. Pro patria vel civitate . . . . .         | 1424 |
| 18. Pro republicam moderantibus . . . . .     | 1424 |
| 19. Pro cœtu moderatorum nationum . . . . .   | 1424 |
| 20. Pro supremo nationis moderatore . . . . . | 1425 |
| 21. Pro populorum progressionem . . . . .     | 1425 |
| 22. Pro pace et iustitia servanda . . . . .   | 1426 |
| 22bis. Pro reconciliatione . . . . .          | 1437 |
| 23. Tempore belli vel eversionis . . . . .    | 1444 |

## III. IN VARIIS CIRCUMSTANTIIS PUBLICIS

- |   |      |
|---|------|
| 24. Initio anni civilis . . . . .             | 1452 |
| 25. Pro humano labore sanctificando . . . . . | 1452 |
| 26. In conserendis agris . . . . .            | 1460 |
| 27. Post collectos fructus terræ . . . . .    | 1465 |

28. Tempore famis vel pro fame laborantibus . . . . .	1472
29. Pro profugis et exsulibus . . . . .	1486
30. Pro captivitate detentis . . . . .	1494
31. Pro detentis in carcere . . . . .	1495
32. Pro infirmis . . . . .	1495
33. Pro morientibus . . . . .	1506
34. Tempore terræmotus . . . . .	1507
35. Ad petendam pluviam . . . . .	1508
36. Ad postulandam serenitatem . . . . .	1508
37. Ad repellendas tempestates . . . . .	1508
38. In quacumque necessitate . . . . .	1509
39. Pro gratiis Deo reddendis . . . . .	1520

## IV. PRO QUIBUSDAM NECESSITATIBUS PARTICULARIBUS

40. Pro remissione peccatorum . . . . .	1536
41. Ad postulandam caritatem . . . . .	1550
42. Pro concordia fovenda . . . . .	1551
43. Pro familia . . . . .	1552
44. Pro familiaribus et amicis . . . . .	1553
45. Pro affligentibus nos . . . . .	1555
46. Ad postulandam gratiam bene moriendi . . . . .	1556

## MISSÆ VOTIVÆ

1. De Ss.ma Trinitate . . . . .	1565
2. De mysterio sanctæ Crucis . . . . .	1574
3. De Ss.ma Eucharistia . . . . .	1607
4. De Ss.mo Nomine Iesu . . . . .	1632
5. De pretiosissimo Sanguine D.N.I.C. . . . .	1644
6. De sacratissimo Corde Iesu . . . . .	1656
7. De Spiritu Sancto . . . . .	1682
8. De B. Maria Virgine . . . . .	1696
— de B. Maria, Ecclesiæ Matre . . . . .	1696
— de Ss.mo Nomine Mariæ . . . . .	1698
9. De sanctis Angelis . . . . .	1699
10. De S. Ioseph . . . . .	1706
11. De omnibus sanctis Apostolis . . . . .	1707
12. De Ss. Petro et Paulo, apostolis . . . . .	1710
13. De S. Petro, apostolo . . . . .	1714
14. De S. Paulo, apostolo . . . . .	1716
15. De uno sancto Apostolo . . . . .	1721
16. De Omnibus Sanctis . . . . .	1722

## MISSÆ DEFUNCTORUM

## I. IN EXSEQUIIS

Extra tempus paschale . . . . .	1729
Tempore paschali . . . . .	1731

## II. IN ANNIVERSARIO

Extra tempus paschale . . . . .	1733
Tempore paschali . . . . .	1735

## III. IN VARIIS COMMEMORATIONIBUS

Pro uno defuncto . . . . .	1738
Pro pluribus aut pro omnibus defunctis . . . . .	1740

## IV. ORATIONES PRO DEFUNCTIS

1. Pro Papa . . . . .	1745
2. Pro Episcopo . . . . .	1747
3. Pro sacerdote . . . . .	1749
4. Pro diacono . . . . .	1750
5. Pro religioso . . . . .	1751
6. Pro uno defuncto . . . . .	1751
7. Pro iuvene defuncto . . . . .	1754
8. Pro defuncto qui in servitio Evangelii laboravit . . . . .	1754
9. Pro defuncto post longam infirmitatem consumpto . . . . .	1754
10. Pro defuncto repentina morte sublato . . . . .	1755
11. Pro pluribus defunctis . . . . .	1755
12. Pro coniugibus defunctis . . . . .	1757
13. Pro parentibus . . . . .	1758
14. Pro defunctis fratribus, propinquis et benefactoribus . . . . .	1759

## V. IN EXSEQUIIS PARVULORUM

In exsequiis parvuli baptizati . . . . .	1806
In exsequiis parvuli nondum baptizati . . . . .	1818

## APPENDIX

Ordo ad faciendam et aspergendam aquam benedictam . . . . .	1827
Specimina formularum pro oratione universali . . . . .	1831
Ritus ad deputandum ministrum sacræ Communionis ad actum distribuendæ . . . . .	1839
Præparatio ad Missam . . . . .	1839
Gratiarum actio post Missam . . . . .	1842

**Cantus in Ordine Missæ**

I. Ad ritus initiales . . . . .	1847
II. Pro orationibus . . . . .	1848
III. Ad liturgiam verbi . . . . .	1849
IV. Ad Precem eucharisticam . . . . .	1851
Prex eucharistica I . . . . .	1854
Prex eucharistica II . . . . .	1858
Prex eucharistica III . . . . .	1859
Prex eucharistica IV . . . . .	1861
V. Ad ritus communionis . . . . .	1864
VI. Ad ritus conclusionis . . . . .	1868

**Alii cantus in Missali occurrentes**

Exemplar invitatorii in oratione universali feria VI in Passione Domini . . . . .	1872
Invitatio in ostendenda sancta Cruce feria VI in Pas- sione Domini . . . . .	1872
Præconium paschale forma longiore . . . . .	1873
Præconium paschale forma brevior . . . . .	1879
Benedictio aquæ baptismalis in Vigilia paschali . . . .	1883

**INDICES**

Index alphabeticus celebrationum . . . . .	1889
Index lectionum . . . . .	1892
Index lectionum quæ magis conveniunt aliquibus Missis Sanctorum . . . . .	1915
Index psalmorum et canticorum . . . . .	1916
Alleluia et Versus ante Evangelium . . . . .	1919
Index præfationum . . . . .	1924
Index generalis . . . . .	1927